

**COMMENTARIUS AD D.  
JUSTINIANI  
INSTITUTIONUM  
IMPERIALIUM IN 4.  
LIBROS, A JOAN...**

---

Johann Georg Kees



EX MUNIFICENTIA  
FERDINANDI III. M. E. D.  
DIE 3. IUNII 1791.

9. 2. 57.



243

XXIX

Keep

1794

**B** 3.



COMMENTARIUS  
AD  
D. JUSTINIANI  
INSTITUTIONUM  
IMPERIALIUM  
IV. LIBROS,

A  
JOAN. GEORGIO KEEES


*J. U. D. AULÆ, ET JUDICIORUM ADVOCATO;  
Reverendissimi & Celsissimi D. D. S. R. I. Principis & Episcopi VIEN-  
NENSIS Consiliario Consistoriali, nec non incliti Reverendissimorum  
& Amplissimorum Inferioris Austriæ D. D. Prælatorum status S. S.  
Canonum Professore, compositus:*

ET IN ANTIQUISSIMA AC CELEBERRIMA  
Universitate VIENNENSI studiosæ Legum Juventuti in  
Privatis Collegiis expositus.

EDITIO OCTAVA,  
MULTIS A MENDIS REPURGATA, ET IN QUÀ  
omnia, quæ in prioribus germanice scripta occurrebant, continuo  
latinae orationis stilo, in gratiam exterorum adornata sunt.


CUM APPENDICE

*Continente modum legendi & scribendi citationes utriusque Juris.*



COLONIÆ ALLOEROGUM,

Sumptibus MARCI-MICHAEL BOUSQUET & Socior.



MDCCCLIX.

*Cum Privilegio Sacrae Caesaræ Majestatis.*

100

1. The first of these is the fact that the  
the second is the fact that the  
the third is the fact that the

• THE FOOT-ITING IS A

311 0 23

## P R I V I L E G I U M.

**N**OS FRANCISCUS Divina favente Clementia. Electus Romanorum Imperator, semper Augustus, ac Germania & Hierosolymitarum Rex, Dux Lotharingia & Barri, Magnus Hetruriae Dux, Princeps Carolopolis, Marchio Nomeni, Comes Falckensleini &c. &c. Agnoscimus & notum facimus tenore praesentium universis, quod, cum Nobis Marcus-Michael Bouquet, ejusque socii, humillimè supplicarint, quatenus Privilegium Impressorium super Georgii Keeshii, Opus ad Instituta in quarto à Nobis sub dato decima tertia Octobris annò millesimò septingentesimò quadragesimò nonò ipsis ad decennium concessum, ad alios decem annos à Lapsu priorum prorogare clementissimè dignaremur: Nos submissa pariter ac aequae eorum petitioni annuendum censuerimus. Ac promde Autoritate Nostrà Caesareà omnibus & singulis Bibliopolis, Bibliopegis, Typographis, ac aliis quibuscunque rem librariam seu negotiationem exercentibus firmiter inhibemus, vetamus, & interdiciamus, nè quis supra nominatum Keeshium ad Instituta sub hoc aliove titulo per ulterius decem annorum spatium à Lapsu priorum computandum intra sacri Romani Imperii fines recudere, vel aliis recudendum dare, aliorumve impressum apportare, vendere, vel distrahere citra praefatum impetrantium eorundemque heredum ac successorum voluntatem & assensum in scriptis obtentum ausit vel praesumat: Si quis verò secus faciendo Privilegium hoc nostrum seu Interdictum violare, contemnereque praesumerit, eum non solum ejusmodi Exemplaribus, ubicunque Locorum repertis, perperam quippe recisis seu apportatis: quae dictus Marcus-Michael Bouquet, ejusque socii, sive propria auctoritate, sive Magistratus illius Loci auxilio sibi vindicare poterint, de facto privandum, sed & quinque marcarum auri puri penam arario seu fisco Nostrò Caesareo & parti Laesa ex aequo pendenda omni spe veniae sublata mulctandum decernimus, dummodo tenor hujus Nostrì Privilegii in fronte Libri impressus reperiatur, & consueta quinque Exemplaria Consilio Nostrò Imperiali Aulico exhibeantur. Mandamus itaque omnibus & singulis, Nostris & Sacri Romani Imperii subditis & fidelibus dilectis tam Ecclesiasticis, quam secularibus, cujuscunque status, gradus, dignitatis, aut ordinis fuerint, praesertim verò iis, qui in Magistratu existentes, vel suo, vel superiorum suorum Loco aut nomine jus, justitiamque administrant, ne quemquam Privilegium hoc Nostrum Caesareum violare, spernere, aut transgredi patientur, sed si quos contumaces competerint, constitutà à Nobis multa eos puniri, & quibuscunque modis idoneis coerceri curent, quatenus & ipsi gravissimam Nostram Indignationem praedictamque penam evitare voluerint. Harum testimonio Literarum manu Nostra subscriptarum & sigilli Nostrì Caesarei Appensione munitarum, quae dabantur Vienna die septima Novembris Annò millesimò septingentesimò quinquagesimò octavo, Regni Nostrì decimò quarto.

FRANCISCUS

Ut Comes Colloredo.

L. S.

Ad Mandatum Sac. Caes. Majestatis  
proprium. Matth. Willhemus  
Nob. D. de Haan.

*persona*, in singulari; quia unus tantum in Imperii Romano-Germanici caput eligi solet, & debet. Constat tamen olim duos veros Imperatores simul regnasse; ubi Imperium erat Diarchicum; sic testatur Julius Capitolinus, Marcum Antoninum, Philosophum, & Verum Antoninum pari majestate imperasse. Schamb. *Inst. Proem. pag. 3.* Sic Marcus Aurelius, & Aelius Verus duo Imperatores, Augusti nomine insigniti, imperium habuerunt commune. Petav. *Rationar. temp. part. 1. lib. 5. cap. 8.*

Dicitur *habilis*: Consistit verò illaabilitas primo *in natura*; ut videlicet sit mas & mentis compos, non monstrosus, non languidus: Quoad ætatem, nulla est determinata; sic uti meminerunt Historiæ, Otto III. ætatis anno undecimo; Henricus III. duodecimo; Henricus IV. octavo; Carolus V. decimo nono: sic & Carolus VI. victoriosus Augustissimus nunc imperans Dominus, Dominus noster Clementissimus, natus An. 1684. Kalend. Octobr. Qui post obitum Josephi I. Augustissimi sui Germani in hæreditarias provincias Barchinone ex Hispanis evocatus, illa ipsa die, qua 1711. Iduum Octobr. Mediolani advenit: fuit à congregatis Imperii Electoribus, eorumque Legatis Francofordiæ Rex Romanorum electus; ibidemque Prid. Iduum Decemb. ejusdem autumnii Romanorum Imperator, dum annum ageret septimum, & vicesimum, coronatus est.

Secundò *in genere*: Ut nempe sit legitimo thoro genitus illustris, Germanus. Et quamvis Bodinus *lib. 1. de Republ. cap. 9.* modicus defendat: Imperium Romanum traslatum in Gallos ex Caroli Magni persona, qui ex Carolo Martello, Francorum, seu Gallorum Principe natus erat; vel saltem Gallos non esse exclusos dignitate hac Imperiali, nec active, nec passive. Verior tamen est sententia, quam cum omnibus JCtis Germanis tenet vir celeberrimus Arth. Duck, *de Author. jur. civil. Rom. lib. 2. cap. 2. n. 2.* ubi ait ita: Imperii Occidentalis jus relictum est Germanis, inter quos septem viri Imperatores electionis jure constituerunt, quod continuo usu, & consuetudine inductum, per auream Caroli Quarti Bullam postea confirmatum est, & ex eo jure Imperatores Romano-Germanici hodie designantur. Qui *num. 3. & seqq.* testem allegat Pontificem Innocentium III. cujus verba ita sonant: Romanum Imperium in persona Caroli Magnifici à Græcis in Germanos fuit traslatum. *Cap. Venerabilem. 34. de Elect. & Elect.* Item Clementis V. Constitutionem *un. de jurejur. in prin.* Pro qua sententia facit, quæ habentur *cap. Ne pro defectu 41. in fin. de elect.* nimirum Ecclesiæ vacanti providendum in electione de persona idonea ex ejus gremio. Unde fit, quòd in recessibus passim



passim nuncupetur *das Heilige Römische Reich-Teutscher Nation*. Habetur autem Germanus tantum is, qui ex sanguine immediatè Germano est ortus, etsi non sit natus in Germania. *Arg. L. 6. §. 1. ff. ad Municip. & L. 7. Cod. de Incol. lib. 10.* Sic Fridericus Secundus in Sicilia quidem lucem aspexit, & tamen quia patrem habuit Henricum Sextum Imperatorem Germanum, ad Imperium fuit evocatus.

- 5 Tertiò *in professione* sit fidelis, id est sit Religionis Catholicæ Romanæ; quod ipsum fatetur Justinianus *L. Inter claros. Cod. de SS. Trinit. cit. cap. Venerabilem*. Facit, quod electus in Regem Romanorum præter cætera capitula, quæ juratò promittit, primò juret, se utpote primum advocatum velle defendere Sedem Apostolicam Romanam: uti videre est in Capitulatione electi Augustissimi Caroli VI. *in prin.* Et id ipsum virtualiter exigit Aurea Bulla *cap. 2. §. 3.* ubi continetur formula juramenti præstandi ab Electoribus, ejusque Nuntiis in Electione Regis Romanorum: Carolus Quartus enim, constituendo communem hanc juramenti formulam, abundè innuit, eligendum in Regem Romanorum debere esse fidei Catholicæ Romanæ. Siquidem Electores Ecclesiastici nullum judicabunt idoneum, nisi simul sit Ecclesiæ Romanæ fautor. Item jubet, Missam prius decantari, eum in finem, ut ipse Sanctus Spiritus corda Electorum illustret, & eorum sensibus lumen suæ virtutis infundat, quatenus ipsi tanto fulci præsidio eligere valeant hominem justum &c. *d. cap. 2. §. 1.* Jam nequaquam id evenire potest, ut Sanctus Spiritus sensibus Electorum infundat, ut eligant in Regem Romanorum, futurumque Imperatorem, virum à fide Apostolica Romana alienum. Facit & juramenti formula, quam & Vitriarius *lib. 1. Inst. Jur. Publ. tit. 8. n. 2. vers. Ante*, recitat.

- 6 Quartò, *in Virtute* sit pius, justus, bonus, utilis *d. §. 1.* habeatque cæteras ad tam Augustum Regimen virtutes. Schamb. *Proem. Inst. pag. 4.* Dixi in definitione: *secundum leges fundamentales*: id est, conformiter Imperii Romano-Germanici Constitutionibus hac super materia latis; qualis est Aurea Bulla. Dixi *ab Electoribus*, seu à Collegio Electorum; quod roboratum, & confirmatum est per Auream Bullam *cap. 4.*

- 7 Quis autem hos Romano-Germanici Imperii Electores & Proceres instituerit, variant authores. Nam ut dictum *num. 4.* Arth. Duck. vult Imperium Romano-Germanicum esse electivum, usu & consuetudine. Besoldus *de jur. publ. p. 1. c. 6.* dicit, illud esse factum electivum ab Ottonne III. liberis carente; quod tamen sub Ottonibus erat successorium. Schamb.

Schamb. cit. pag. 4. Qui plura scire cupit, consulat Struvium *Histor. jur. cap. 10. §. 13. & seqq.* Certum est Collegium hoc Electorale esse perantiquum. Nam & de eo Innocentius III. S. P. jam fecit mentionem A. Christi 1208. *Cap. Venerabilem de Elect. &c.*

Initio erant septem, creati ex potentioribus Germaniæ Principibus; 8  
tres Ecclesiastici, nimirum Archiepiscopus Moguntinus: Trevirensis, & Coloniensis: Et quatuor laici, nempe Rex Bohemiæ, qui utpote Regia Majestate insignitus, meritò inter Electores laicos obtinet primatum; palatinus Rheni, in cujus locum suffectus est Dux Baviariæ; Dux Saxoniæ, & Marchio Brandenburgensis. Aurea Bulla *cap. 4. §. 4.* Electorum singuli habent certa sibi designata Imperii Archi-Officia: Sic primus est Archi-Cancellarius per Universam Germaniam; Secundus Archi-Cancellarius per Galliam, & Regnum Arelatense; Tertius Archi-Cancellarius per Italiam; Quartus est Archi-Pincerna; Quintus Archi-Dapifer; Sextus Archi-Mareschallus; Septimus Archi-Camerarius. Quo autem tempore hæc Archi-Officia cœperint, incertum est. Cæterum quatuor Electores laici suos habent subofficiarios: Sic Dux Bohemiæ subofficiarium habet de Limburg, qua familia jam extincta, hodie Comitem ab Altann: Secundus habet hodie Dominum de Waldburg, extincta familia Nortenbergiana; Tertius Comitem de Pappenheim; Quartus Comitem de Falkenstein; Hodie Comitem de Hohenzollern. A. B. *Cap. 26. §. 6.* Quod si vero Electores sint præsentēs in Curia Imperiali, ipsi ministrare debent. *d. §. 6.* Electorum numerus, eorumque Archi-officiorum sequentibus versibus comprehendit Martinus Polonus:

Moguntinus, Treverensis, Coloniensis,  
Quilibet Imperii sit Cancellarius horum  
Et Palatinus Dapifer, Dux portitor ensis,  
Marchio Præpositus Camerae, Pincerna Bohemus.  
Hi statuunt Dominum, cunctis per sæcula summum.

Septemvirale hoc Collegium duravit usque ad An. 1648. Quo regnan- 9  
te Augustissimo Ferdinando III. Electoralem dignitatem recuperavit Palatinus Rheni, in cujus locum suffectus erat Dux Baviariæ uti *supr. n. 8.* Non tamen propterea Dux Baviariæ dignitate hac Electorali excidit: Ecce octavum Imperii Romano-Germanici Electoratum, in persona Domini Caroli Ludovici, Palatini Rheni, dicto anno, die 24. Octobr. instrumento Pacis Osnabrugensis, renovatum; Estque Imperii Archi-The-  
saurarius; subofficiarium habet Comitem de Sinzendorff. Tandem anno  
1692.



1692. 19. Decembr. in persona Ernesti I. Ducis Hannover. creatus fuit nonus Electoratus; cujus filius Georg. Ludov. 7. Sept. 1708. in Collegium Electorum, extincto patre, fuit introductus, imperante Augustissimo Josepho I.

10 Electus ad Imperium Romano-Germanicum coronabatur olim triplici corona. Primo ferrea, ut ostenderetur fortitudo; Hanc ipsi imponebat Aquisgrani Archi-Episcopus Coloniensis. Secundo argentea, ad ostendendum animi candorem, in Principibus requisitum: Eam ingressus Italiam recipiebat ex manibus Archi-Episcopi Mediolanensis. Tertio aurea, ad denotandam Imperii excellentiam: Namque sicut aurum præstat cæteris metallis; ita Imperialis splendor omnes reliquos & Principes antecellit: Hac Romæ coronabatur à Papa. Hodie vero una tantum eaque clausa coronatur, & quidem olim à Moguntino: Quod jus Coloniensis Archi-Episcopus, eo quod Aquisgranum, Coronationis locus, in Coloniensi Ditione situs esset, sibi dein attribuit; & per A. B. quoque ipsi fuit confirmatum. Utroque Archi-Episcopo de hoc jure multum disceptante; lis sequenti transactione fuit sopita: ut, si Imperator sit in Ditione Coloniensi coronandus, coronationem peragat Coloniensis; si in Moguntina, Moguntinus; si in neutrius, alternare debeant. Vitriarius, *Inst. jur. publ. lib. 1. tit. 8. n. 2. vers. Tandem*. Rotunda & clausa est corona illa, in summitate gerens mundi figuram, ut denotetur Imperium esse præcipuum totius orbis regnum. Schamb. *Inst. Proœm. pag. 5.*

11 Redeamus jam ad nostram Proœmii epigraphen, quæ ultro habet, *Cæsar*: Nomen hoc mutuavit Justinianus à Julio Cæsare, qui ita appellatus ob oculos cæcios, quos habuit, vel à cæsarie, cum qua natus: vel ex eo, quod cæso matris utero natus sit; Quæ postrema ratio a pluribus approbatur. Post Julium Cæsarem nomen hoc primo transit in Octavianum una cum Julii Cæsaris hæreditate; dein designare cœpit spem & sponsonem Imperii; Sic legimus Titum, & Domitianum Vespasiani filios fuisse in ipsa patris creatione *Cæsares* à Senatu compellatos; cum nomen hoc a Senatu nullus obtineret, nisi Imperatoris filius esset naturalis, aut adoptivus; ut sic nactus favorem Prætorianorum, utpote ex Augusti familia, facilius post patris obitum nomen Augusti sortiretur, quo plena & perfecta dignitas, & potestas Imperatoria intelligebatur. Hæc Cæsaris dignitas etiam ab aliquibus Imperatoribus filiis tributa fuit. Gravin, *de Rom. Imp. num. 33*. Ad horum exemplum, & hodiernis moribus *Cæsarem* nominamus eum Principis filium, qui designatus est Majestatis successor,

cessor, qualem in Germania vocamus *Regem Romanorum*, in Gallia *Delphinum*, in Hispaniis *Asturiarum principem* &c. vid. Hop. *Proëm. Inst. pag. 4.*

*Flavius*: Et in hoc dissident authores; Nam aliqui volunt, eum fuisse<sup>12</sup> ortum ex nobili familia Flaviorum: Ast his contrariatur *Ægidius Perinus* qui scribit, *Justinianum* fuisse natum ignotis & obscuris parentibus. *Alii* credunt eo, quod *Flavios* devicerit; Sed historia id non docemur. Probabilior est *Mynsing. doctrina*, qui ait, Imperatores Orientis solitos esse, nomen sibi hoc præponere ob *Constantini Magni*, nomine *Flavii*, memoriam. *Schamb. loc. cit. pag. 6.*

*Alemanicus, Gotthicus, Franciscus, Anticus, Vandalicus*: Agnomina<sup>13</sup> hæc sibi adscivita devictis hostibus, permulta enim habuit bella. *Pius*: Nomen hoc Imperatores participarunt ab *Antonino Pio*, uti testatur *Justinianus*, cujus verba sunt: *Antoninus, Pius cognominatus*, quo etiam ad nos appellatio hæc pervenit. *Novel. Ut Libert. de cætero aureo non indig. annul. 78. cap. 5.*

*Felix*; Qui non tantum in coercendis hostibus; sed etiam in firman-<sup>14</sup> do legibus Imperio felicem vidit successum. *Inclytus*, id est, rebus gestis *Clarus, & Magnus. Victor*, ac *Triumphator*; nimirum ob plures victorias, & triumphos reportatos, de quibus videri potest *Mynsing. Inst. Proëm. Augustus* ab *Octaviano*: Hic enim rebus *Populi Romani* prospere gestis Imperatoris nomen ab initio assumpsit; ut vero tot nationum victor ab aliis mortalibus secerneretur, nolens *Rex* appellari, ne *Regum* memoria ipsi obesset, *Augustus* fuit a *Senatu* renuntiatus, quod vocabulum rebus sacris ac divinis usitatum erat; ut se *Deorum* quodammodo nomine tueretur. Tribus istis appellationibus nempe *Imperatoris, Augusti, & Cesaris* exprimebatur in *Octaviano* rei militaris arbitrium, splendor dignitatis, & successio. *Gravin. de Ort. & Progress. jur. civil. n. 105.*

Vocabulum *Augustus* præcedit adverbium *semper*, quod non *Justinia-<sup>15</sup>* num, sed *Fridericum I.* præmisisse volunt authores. In Imperatoribus *Romano-Germanicis* appellatio hæc *Augustus*, derivatur ab augendo: Nam vi *Capitulationum*, quæ cum ipsis incuntur, obligantur ad augendum Imperium, & ad revocandas partes alienatas. Hop. *Proëm. Inst. pag. 4.* Hinc se scribunt. *Allezeit mehrere des Reichs.*

Tandem concludit inscriptionem ita: *Cupida legum juventuti S. D.*<sup>16</sup> Ecce benevolo animo, & per modum *Epistolæ familiaris*, *Justinianus* tradidit suas *Institutiones Imperiales cupida legum juventuti*. Ex his verbis

*Kees ad Instituta.*

† †

colligitur,

colligitur, duo in studio juris requiri; Primo, ut sit cupidus, & sedulus, non segnis, non laborum impatiens; sunt enim jura vigilantibus scripta *L. Pupillus 24. in fin. ff. Quæ in fraud. cred.* Secundo ut sit juvenis, quia juvenis est plerumque senibus docilior; difficile enim est veterem hominem informare. arg. *L. Præcipiunt 37. ff. de Ædilit. Edict.* Non tamen propterea repellendi sunt senes a studio juris, pulchre enim Julianus *L. Apud Julianum 20. ff. de fidei-commis. Libert.* inquit: Etsi alterum pedem in sepulchro haberem septuagenarius, non tamen addiscere me pigeret. Sic Accursius jam quadragenarius se ad studium juris contulit, suoque labore, & industria effecit, ut advocatorum idolum appelletur. Grayin. *loc. cit. n. 155.*

- 17 Absoluta inscriptione transemus ad ipsum Procemium, seu præfationem Institutionum; solent enim præfationes nos libentius ad lectionem propositæ materiæ perducere, & cum ibi venerimus; evidentior præstans intellectum, *L. 1. in fin. ff. de Orig. Jur.* Hoc præmissis Procemii principium ita sonat: *Imperatoriam Majestatem non solum armis decoratam, sed etiam legibus oportet esse armatam.* Dum Imperator epitheton legibus conveniens attribuit armis, ostendere voluit, alterum alterius auxilio semper egere; siquidem tam militaris res Legibus in tuto collocata est, quam ipsæ leges armorum præsidio servatæ sunt *Præf. de Justin. Cod. confirm. in princ.* Hinc Imperator Constantinus ait, jura ultore gladio armari. *L. Cum vir. 31. Cod. ad leg. jul. de adult.* Est & elegans textus in *L. Advocati 14. Cod. de Advocat. divers. judicior.* Inde arma & leges fraternizare dicuntur apud Besold. In duobus enim Principis institutum consistit maxime, in jure dicundo, & in populo ad bellum educendo, reducendoque, ut quem cives antea viderent justissimum, eundem in fraggendis hostium ausibus experirentur potentissimum. Quæ: An ex eo, quod Imperator arma præmittat legibus, voluerit militibus aliquam dare prærogativam præ litteratis? vid. *Hop. Inst. Proæm. pag. 5.*

- 18 Proponitur & sequens quæstio: An igitur Justinianus officio suo recte sit functus; R. Affirmative: Probatur hoc syllogismo: Imperator armis decoratus, & legibus armatus recte fungitur suo officio; Atqui utrumque residebat in Justiniano; Ergo recte functus est suo officio. Major desumpta est ex Procemii initio. Minor probabitur *seqq. §. §. Schamb. Proæm. Inst. pag. 8.*

- 19 Quare vero hæc duo conjunctim habere debeat Imperatoria Majestas: Rationes tres assignantur in textu; Prima, ut utroque tempore, tum pacis,

pacis, tum belli, recte possit Respublica gubernari. Secunda, ut Romanus Imperator non solum in hostilibus praeliis victor existat, sed etiam per legitimos tramites calumniantium, seu delinquentium iniquitates expellat, & quivis sciret, qualiter jus suum, non propria authoritate, persequi debeat. Tertia, ut non solum lateatur victis hostibus, magnificisque triumphis, sed & nomen mereatur Principis jurium religiosissimi. *vid. text. in prin.*

Observa, per Imperatoriam Majestatem intelligi posse quamvis Rempublicam: Est autem Respublica, *Civium multitudo, rerumque inter eos communium, summa potestate, rectaque ratione, gubernata.* Ubi vides, materiam Reipublicæ esse homines cives, formam vero administrationem: finem, publicam felicitatem. Respublica triplex est Monarchica, dum suprema Majestas penes unum solum residet. Aristocratica, dum Reipublicæ gubernandæ clavum tenent plures; quos optimates, seu Ephoros vocare consuevimus. Democratica, seu Poliarchica, seu Anarchica, dum suprema illa potestas est penes totum Populum. Potestas illa suprema solum quærat publicam utilitatem; Cæteroquin, si primario respiciat commodum privatum, tum Monarchia deflectet in Tyrannidem; Aristocratia transibit in Oligarchiam; & Democratia vertetur in Ochlocratiam. Schamb. *Proëm. Inst. pag. 9.*

§. QUORUM I.

Probatur jam minor syllogismi n. 16. positi, cujus prima pars ostenditur a devictis hostibus, & subjugatis rebellibus, Ditionique Romanæ adjectis. Secunda eruitur ex verbis finalibus §. Quæ sunt: Omnes vero populi (intellige a Justiniano devicti, & qui prius Romano Imperio jam erant subjecti) legibus tam a Nobis promulgatis quam compositis reguntur. Per leges *promulgatas*, intellige leges a Justiniano conditas, & editas, ab ipso vero Justiniano in Ordinem redactas; Etenim teste Pomponio L. 2. §. 2. *in. fin. ff. de Orig. jur.* Alias leges componimus; ergo proprias promulgamus. Verum propositio hæc minor cum sua conclusione posset videri arrogans. Quapropter volunt Authores, eam non fuisse Justiniani mentem; quippe qui simili argumento id primario quæsit, ut juris studiosis, quibus absoluto legali studio promittit provincias gubernandas §. *fin. Proëm.* ostenderet, quid Principi tunc suggerere debeant.



- 22 Continuatur probatio secundæ partis assumpta; dicitque, quod sacratissimas Constitutiones ante confusas, & immensa veteris Jurisprudentiæ volumina in luculentam erexerit consonantiam; Ast de his tractat juris Historiæ. Ex qua juris Tyroni duo notanda occurrunt. Primum: Quod Imperator Justinianus, culmen Imperii Romani anno Christi 527. adeptus, gravissima etiam inter bella, miro ardore studuerit, jus Civile Romanorum in faciliorem, & breviorum ordinem redigere; atque id ipsum perfecit. Secundum: Quod jus Civile Romanorum, auctore eodem Justiniano, quatuor voluminibus, seu partibus ( Digestis, Institutionibus, Codice Repetitæ Prælectionis, & Novellis ) jam comprehendatur, quæ collective acceptæ, *Corpus Juris Civilis* appellari vulgo solent.
- 23 Occatione §. hujus quæritur: An in nostro corpore juris invenire sit antinomiam, seu textus formaliter, & directe sibi contrarios? Non diffretur quidem ipse Imperator, nonnulla videri apparenter contraria. Nam postquam dixisset, se jus collegisse ex tantis myriadibus, subjungit: *In nullo aberare Divinæ utique solius, non mortalis est constantiæ* L. 1. §. 4. L. 2. §. 14. 26. L. 3. §. 13. *Cod. de Veter. jur. enucl.* voluntque non parvi nominis auctores, in eo dari formales antinomias, Struv. *Hist. jur.* pag. 267.
- 24 Verum his obstat Justiniani autoritas, qui §. isto ait, a se omnia fuisse redactam in luculentam consonantiam. Quo facit L. 1. §. 8. L. 2. §. 15. *Cod. de tit.* Quod ipsum & vult-Udalricus Zasius *Epist. ad Claudium Cantinunculum*, his verbis: Non nego complura in legibus offendi posse, quæ pugnantia primis oculis apparent, si tamen introspexeris, si ad medullam manus moliaris, jam propemodum omnia tibi consonantia, concordia, & junctissime amica esse comprobantur: Et quæso, nonne in ipsis Evangeliiis, & textibus sacre Scripturæ, dari apparentes contrarietates experimur?
- 25 Non tamen erit abs re nutantibus proponere aliquot modos, quibus textus apparenter contrarii reconciliari valent. Igitur primo, uterque textus est perlegendus, totus, uti vult l. *Incivile* 24. ff. de LL. & videndum, an non ex uno alteroque verbo erui possit resolutio. Tali modo conciliatur L. 14. §. L. 41. in fin. ff. de contrab. empt. Distinguendo videlicet inter auratum, & auro coopertum. Secundo juvabit conferre præcedentem & subsequentem legem, siue sint diversorum iutorum, siue ejusdem;

dem; Etenim compilatores Corporis juris non raro brevitas causa, utramque respexerunt: tali modo explicatur *L. 6. in fin. & L. 7. de serv. export.* Tertio perquirendum est subtili animo an non inter textus apparenter contrarios sit diversa, ut specialis quædam decidendi ratio, prout anxie hortatur Justinianus *L. 2. §. 15. Cod. de Veter. jur.*

Quarto recurrendum est ad Ictorum loquendi morem. Sic Scævola locutus est pressius; id est, non ultro, quam rogatus fuit, dum *L. Qui Romæ 122. §. fin. ff. de V. O.* ait in casu ibidem proposito prænam esse ipso jure commissam; Paulus vero locutus est, plenius, seu abundantius, dum in simili casu distinctione utitur *L. 12. §. 2. ff. de Pact. dotat.*

Quinto inspiciendum est, an forte textus unus loquatur de juris rigore, alter de æquitate. Exempla sunt *Rogasti 11. L. singularia 15. ff. de Reb. cred. L. & Qui negotia 34. in prin. ff. Mandat.* Prioribus enim leges loquuntur de juris rigore, posteriores de æquitate, seu benignitate. Sexto, videndum, an textus discrepantes non allegent diversorum Ictorum sectas; & tunc sectæ illius responso standum est, quod approbatum invenitur; vel si distinctione quadam combinantur, eandem acceptamus. Exemplum est *§. 25. Inst. de Rer. Divis.* Septimo, juvabit distinctio inter licitum, & honestum. Sic combinari debet *L. Qui jurisdictioni 10. ff. de jurisdict. & L. in privatis 77. ff. de Judic.* Octavo, facienda est distinctio inter lucrum, & damnum; & quæ distinctio maxime deservit materiæ de juris & facti ignorantia. Nono, considerari potest, an unus textus fundetur in jure ordinario, alter in jure speciali. Exempla habentur *Inst. lib. 2. tit. 1. §. 32. 33. & 34.*

Decimo discernendum est jus Civile, a jure Prætorio; jus enim Civile nonnihil denegat, quod concedit jus Prætorium. Sic filius emancipatus, a patre præteritus in testamento, nullum de jure Civili contra illud habet remedium, secus de jure Prætorio. Undecimo, explorandum, an in unam eandemque personam non cadat diversus respectus: adeo ut uno respectu sit ad aliquem actum habilis, altero inhabilis. Sic *L. 3. & fin. Cod. Qui legit. person. stand.* Statuitur; quod minor viginti quinque annis non possit stare in judicio; verum reperitur diversum *L. 23. ff. de Minor.* Dic, prioribus textus intelligendos esse in propria causa, alterum vero in negotio alieno: sic dantur textus, qui dicunt, filium-familias non esse habilem ad faciendum testamentum; alii hanc facultatem illi concedunt; dic textus asserentes intelligi debere de filiofamilias, volente testa-

mentum facere, de peculio castrensi, aut quasi castrensi; negantes vero de peculio adventitio.

Duodecimo, quærendum, an unus textus loquatur generaliter, alter specialiter; & tunc generalis restringetur per specialem; regula enim juris est: species derogat generi. Non enim potest species sub genere comprehendi ob sui particularem rationem. Sic *L. 1. ff. de Eo, quod cert. loc.* Dicitur: is qui certo loco promisit debitum solvere, si illuc non perveniat, poterit, in alio loco conveniri; verba tamen hæc *in alio loco* accipienda sunt in sensu accomodo, si videlicet sit locus talis, in quo debitor contraxit, aut habet domicilium. *L. Hæres. absens. 19. §. fin. ff. de Judic.*

Decimo tertio indaganda est propria terminorum, quibus lex utitur, significatio; sunt enim termini ad res & loquentium mentem denotandam introducti; hinc tam in jure Civili, quam Canonico extat integer titulus de Verborum Significationibus. Qua observatione facile compones. *L. Naturalis. 5. §. 1. in prin. ff. de præscript. verb. cum L. fin. in prin. ff. de Condiçtion. caus. dat.* In priori lege dicitur; si tibi pecunias dedi, ut rem acciperem, est emptio, & venditio; Econtra in posteriore habetur: si tibi pecuniam dedi, ut mihi Stichum dares, non est emptio & venditio. Ecce in utroque casu datur pecunia pro re; & tamen in uno casu est emptio & venditio, in altero non est. Unde pro solutione termini cujusque legis attendi debent. Sic lex quinta ponit casum, ubi tibi pecunias dedi, ut rem acciperem; quare merito dicitur esse emptio, & venditio; hujus enim contractus natura est, ut emptor pecuniam det pro re sibi vendita trahenda. Econtra *L. fin.* continet casum, quo tibi pecuniam dedi, ut mihi Stichum dares, quæ mutua datio propria est contractus inno-  
minati, *do, ut dēs.*

Decimo quarto Examinandum, an textus quidem non loquatur dispositive, requirens aliquid de forma; alter vero tantum narrative, seu enuntiative, quo posteriore casu actus omne habebit robur; licet non fuerit observatum id, de quo lex facit mentionem. Sic ex *L. Divus. 24. ff. de test. milit.* non bene infertur, ad militis testamentum requiri, ut ad illud convocentur testes. Decimo quinto: scrutari oportet, an materia aliqua in textu quodam proponantur, tantum incidenter, an vero ex professo, tanquam ad proprium locum, ut sedem suam ordinariam. Nam si lectus materiam aliquam proferat in certa quadam lege incidenter tantum, sufficit, si materia illa cum lege continente conveniat in aliquo  
tertio;

tertio ; unde non erit licitum ab illo argumentari ad sedem ordinariam ; Hinc , est , quod leges illæ , quæ solum incidenter de quadam materia meminerunt , dicantur *fugitivæ*. Sic *L. fin. §. ff. de Bon. vor. qui ante sentent. mort. sibi consciv.* ex professo docet , puniendum esse eum , qui sibi impias manus intulit : Econtra *L. 9. 7. ff. de Pecul.* dicit : licet servis naturaliter in se sãvire ; Ergo , qui sibi manus impias intulit , non est puniendus ; cum pœnam non mereatur , qui lege permittente agit. Veram argumentum hoc ad sedem ordinariam , qualis hic est *L. fin.* non procedit ; In hac enim latus è professo docet , quid cum illis faciendum , qui in se sãviunt.

Plures modos solvendi antynomias apparentes suppeditabit tempus , & sedulum studium. Quod si nulla superlit ratio conciliandi textus se collidentes , postremo recurrendum est ad juris correctionem , in qua sequens regula servanda est : Posteriores leges derogant prioribus , est enim voluntas posterior magis deliberata , quàm prior : dummodo in lege posteriore fiat aperta correctionis mentio. Nisi textus prior & posterior de eadem re prorsus contrarium statuatur , tunc posteriori erit standum , etli in illo nulla fiat correctionis mentio. Exemplum est in *Cap. 1. de Cognat. Spirit.* Ratio est , quia cum Legislatores omnia jura habeat in scrinio pectoris , *Cap. 1. de Const. in 6.* ideo condendo legem posteriorem contrariam priori , hanc videtur tollere voluisse. Valens. *de Const. §. 2. n. 4.* Ne legislator contraria jura admittere videatur.

Not. Dum Imperator hic immensa illa veteris Jurisprudentiæ volumina vocat opus desperatum , dicere vult , quod ante ipsum multi jam tentaverint eam in unum corpus contrahere , sed illum non impleverint ; quos videre est. *Can. fin. Dist. 7.*

### §. CUMQUE 3.

Postquam Digesta essent composita , convocavit Justinianus primores Jurisconsultos , quos inter præcipui fuere Illustres , Tribonianus , Theophilus , & Dorotheus ; Horum enim virorum solertiam , legum scientiam , & circa Imperialium jussionum executionem , promptitudinem ; Justinianus multifariam sibi perspectam habuit ; iisdemque specialiter mandavit , ut suasi autoritate Imperiali Institutiones componerent.

Finem autem Justinianus habuit sequentem : ut juris Auditores primæ legum cunabula non ab antiquis fabulis , sed ab Imperiali splendore appetere. Multa enim antiqui fabulosa , ænigmatica , & superstitiosa docebant ;



bant, quibus animi juvenum, qui ad primam venerunt legum audientiam perterrebantur, aut superflua, & inutilia docebantur. *L. un. Cod. de Nud. jur. Quirit.* Alii per verba illa, *ab antiquis fabulis*, intelligunt librum a Sexto Ælio compositum, qui liber inscribatur *Tripertita*; siquidem in eo tria continebantur; Nimirum leges XII. Tabb. earum interpretatio, dein subtextæ erant earum legum actiones. Pomp. *L. 2. 38. ff. de Orig. jur.* Qui liber *Tripertita* jurium cunabula comprehendens, inchoantibus tradebatur; Verum Justinianus studentium animos tanto honore, & felicitate dignatus est, ut voluerit eos studiis Legalis, initium, & finem satius a voce Principali haurire. *t. b.*

28 Sed & perutiles profecto studiosæ juventuti sunt hæ Institutiones ex ratione; quia ante Justinianum studiosis jurium non prius explicabantur Constitutiones Imperatorum, nisi emensi essent quadriennium, uti dicitur *in fin. Proæm.* Nunc autem Legale studium ordiuntur ab illis Constitutionibus; siquidem negari nequit, Institutiones has esse opus novum a Justiniano constitutum: præterea multi in iis inveniuntur paragraphi desumpti ex aliis novis Constitutionibus Justinianeis.

29 Illustres igitur erant tres illi Institutionum Compositores; solertia, legum scientia, & fide. Sed & *Antecessores* nominantur: quo vocabulo intelligimus Magistros seu Professores juris, quales illi erant; ita dicti, quod doctrina antecedendo, discipulos in jurisprudentiæ penetralia deducerent: Ii vero jurisconsulti, qui forum sequebantur, *Togati* appellari solebant. Tribonianus, qui cæteris erat dignitate superior, dicitur Magnus, eo quod initio fuerit Quæstor Sacri Palatii; erant autem Quæstores, penes quos legum, & juris cura residebat. *Tot. tit. Cod. de Quæstor.* Dicebanturque *Custodes justitiæ*. Item dictabant leges, preces, & responsa, subnotabant. Schamb. *b. ex L. in Cod. de divers. rescrip.* Exquæstoris nomen retinuit, ad instar Consulium, qui officio extincto dicuntur Exconsules; nostra ætate Quæstorum vocabulo mutato eos vocamus *Cancellarios*.

#### §. I G I T U R 4.

30 Traditur hic Institutionum definitio, quæ ita sonat: *sunt totius Legitimæ scientiæ prima elementa*: id est, sunt scientiæ juridicæ prima principia. Convertibilem hanc definitionem esse cum suo definito, minime dubitatur; nam instituere in genere dicit aliquem rudimentis, regulis, & præceptis in aliqua scientia, vel arte erudire: quod ipsum faciunt Institutiones.

Institutiones Justiniani in studio juris. Parum autem refert, siue opus hoc voces Institutiones, licet iste terminus sit nitidior, siue Instituta; quamvis Instituta, proprie loquendo significant mores. §. *Et non Inst. de jur. N. G. & C. Schamb. b.*

§. IN QUIBUS §.

Non solum continent breviter, quod ante obtinebat, id est principia<sup>31</sup> juris, Constitutionum promulgatarum ante institutiones compositas verum etiam in iis nonnulla inveniuntur Imperiali remedio illuminata. Quapropter scrupulositates, ambages, & superstitiones, inceperant aboleri. Exemplum est. *Inst. de succession. subl.*

Comprehenduntur quatuor libris, quæ divisio sane est arbitraria, vel<sup>32</sup> metaphorica, ad exemplum quatuor elementorum naturalium; ars enim imitatur naturam. *Arg. 4. §. de Adopt. Cui simile quid invenitur Cap. 8. X. de Consang.* Considerata tamen triplici juris materia, de qua *Instit. tit. 2. §. fin.* commodius egisset Tribonianus, si Institutiones has tribus solum libris constrinxisset, uti opinatur Hop. *b.* Ratio vero, cur Justinianus eas componi mandaverit, est sequens: Ut juvenes hoc beneficio colorati, hisce quasi primitiis omnis legalis materiæ imbuti, possint ad penetralia ejus intrare, & formam legum pulcherrimam, non conniventibus oculis accipere; & ita suffulti possint graviora & perfectiora legum scita sustentare: secus evenire opus foret, ut ad portandam tantæ sapientiæ molem inidonei juvenes, vacillantes in ipsis legum vestibulis concidant. *Præfat. 2. ff. §. 11.*

§. QUAS 6.

Quatuor hi Institutionum Imperialium libri compositi fuere ex commentariis omnium Jurisconsultorum, qui ante Justinianum prima legum rudimenta induxerant, quos libros ipsi quoque Institutiones vocabant. *d. §. 11. 11. in verbis: Mandavimus, quatenus libris, quos veteres composuerunt, qui prima legum argumenta continebant, & Institutiones vocabantur &c.* Præcipue vero decerptæ sunt ex commentariis Institutionum Caji Icti, & rerum quotidianarum, id est ab experientia rerum magis vulgarum, & practatarum: Qui floruit sub Hadriano uti eruitur *L. utrum 7. ff. de Reb. dub. Schamb. Hop. b.*

*Kees ad Instituta.*

† † †

Dices:

34 Dices: Sub Hadriano vixit Cajus; ergo non potest Justinianus in *hoc* §. & §. 5. *Inst. de Publ. jud.* dicere *Caji nostri*; siquidem Justiniani temporibus Cajus jam erat mortuus. *ꝛ.* Id fieri benevolentiae causa, eo quod Justiniani Institutiones praecipue ex commentariis Cajii sint compositae.

Eas autem ipse Justinianus, sibi a tribus iis Compositoribus oblatas *legit, recognovit, & plenissimum suarum Constitutionum robur eis accommodavit, dicit, se eas legisse. & recognovisse*: Unde errare videtur Suidas, qui Justinianum dicit, nec elementarium, sed analphabetum fuisse: Nonnulli scribunt eum ideo analphabetum fuisse dictum; Quia nimium volens sapere, desipuit. Etenim postquam Calcedonense Concilium approbasset, in quo haeresis Eutychiana, quae verbi Dei & carnis unam esse naturam, docebat, damnata fuit, in eam tamen lapsus, & instigante praesertim Theodora sua Augusta & Triboniano An. Ch. 563. Imperii sui 37. relapsus est. Schamb. *hic.*

Dices: Institutiones has composuerunt tres illi viri Illustres: ergo non possunt dici Institutiones Imperiales. *ꝛ.* Composuerunt autoritate privata, nego: Autoritate publica, concedo antecedens. Adeoque idem est, ac si ipse Justinianus eas composuisset; *Omnia enim Princeps facit sua, quibus auctoritatem suam impertitur. Praef. 1. ff. §. 6.*

#### §. F I N.

35 §. 1. & 2. probavit Justinianus propositionem minorem, videlicet, se esse & legibus armatum, & armis condecoratum: ideoque inferre ita deberet: Ergo ego Justinianus recte fungor meo officio. Verum illatio hac videretur arrogans: Quare pro Coronide Procemii potius hortatur studiosos, ut alacri animo ad Jura incumbant; seque dignos faciant, ut perfecto Juris cursu, mereantur, Reipublicae partes, sibi credendas, gubernare; *text. b. Ut sic eos maximum decus in omne saeculum sequatur. Praef. 1. ff. §. fin.* Ultima verba, litteris tantum initialibus expresso, plene haec denotant: Data Constantinopoli, IX. Kalendas Decembris, Domino Justiniano Perpetuo Augusto, tertium Consule.

36 Occasione procemii lubet, sequentes ponere quaestiones: Prima, cum Imperator Justinianus suis Institutionibus; & aliis nonnullis Constitutionibus praemittat Nominis Divini invocationem; an ea sit de substantia alicujus instrumenti? Praenot. Instrumentum esse *scripturam, qua negotium aliquod gestum v. g. Testamentum contractus &c. facilioris probationis causa, continetur.* Aliud est publicum, confectum nimirum auctoritate publica. Aliud pri-

privatum, quod auctoritate privatorum est compositum. *¶* Invocationem Nominis Divini non esse de validitate instrumenti tum publici, tum privati. Probat: Erubescit Jurisconsultus absque lege expressa, aut bona ratione loqui; atqui nulla est expressa lex, nec quæ ad instrumentorum validitatem requirat hanc invocationem; ergo neque nos eam exigere debemus; Etenim si solemnitas hæc instrumentis foret necessaria, extaret præceptum; sicut extant præcepta circa alias instrumentorum solemnitates.

Obji: *Novell. 47. cap. 1.* quæ habet: Instrumentum inchoetur auctore Deo; ergo datur tale præceptum. *¶* con. ant. ne. conf. Etenim Justinianus loquitur tantum enuntiative: ut ostenderet, invocationem esse actum pium, decentem, religiosum; Non vero verba illa profert dispositive, seu præceptive; quod ipsum ex eo patet; quia dum Imperator Instrumenti formulam ibi subnectit, ipse invocationis hujus non meminit.

Obji: 2. de validitate instrumentorum est, ut opponatur nomen Imperatoris regnantis, Consulis, annus, & dies; Ergo a fortiore debet iis præmitti invocatio nominis Divini. *¶* con. ant. dist. conf. idque de honestate, decentia, & pietate, con. Idque de instrumenti solemnitate, ne. conf. Diversitatis inter hunc & priorem casum est, ut facilius per appositionem nominis Principis regnantis, Consulis, anni, diei, facta temporis combinatione, eruantur fraudes, quæ in instrumentis per sæpe intervenire solent; ubi e contra his omissis, ex sola nominis Divini imploratione, ea non detegerentur commode; est enim Deus ab æterno.

Atque ad Justiniani imitationem Carolus M. quem omnes Christiani Principes sequuntur, saltem per modum gratiarum actionum, præmittit suis Constitutionibus invocationem Divinam hac v. g. formula: Carolus Dei gratia, aut Divina favente Clementia, Romanorum Imperator. Solent autem verba illa Dei gratia, aliquando præponi nomini Principis v. g. Dei gratia Carolus Romanorum Imperator, prout moribus in hoc, aut illo loco est receptum.

Quæst. 2. Cum, uti liquet, corpus Juris constet quatuor partibus: Digestis, Institutionibus, Codice Repetitæ Prælectionis, & Novellis, in concursum horum jurium, quale derogabit alteri? *¶* I. certum est, Novellas præferri cæteris juris partibus, eo quod sint jus postremum; ut merito subintret regula: posteriora derogant prioribus; Est enim posterior voluntas deliberata & enixa magis: sic *Novell. 18.* quæ de augmento legitimæ agitur, derogat Digestis, Institutionibus, & Codice Repetitæ Prælectionis. Modo uti notavi supra *n. 25. in fin.* pateat de voluntate Legislatoris, quod corrigere priora posterioribus voluerit.


† † † a *¶*




- 41 R. Secundo: Idem esse observandum circa Digesta, & Codicem Repetitæ Prælectionis. Nam Constitutiones omnino novæ, & quinquaginta Decisiones Justinianæ derogant Digestis.
- 42 R. Tertio; Etsi Institutiones, compositione sint posteriores, non tamen derogant digestis. Ratio est, quia Digesta, & Institutiones una die vim & robur obligandi acceperunt. ergo inter hæc duo jura non datur prius, nec posterius; Præterea ad hoc, ut jus posterius derogat priori, requiritur, ut jus posterius sit priori contrarium; Atque nec dici potest, quod hæc duo jura sibi sint contraria; siquidem Institutiones, utpote pleraque sui parte, desumptæ ex Digestis, sunt quidem Digestorum elenchus: ergo non possunt esse Digestis contrariæ; etsi Institutionum paragraphi, utpote succincti, sui interpretationem ex Digestis non rarò exigant. Exemplum occurret *de Rer. Div.* Qui profecto supplendus est. *L. 7. §. 7. ff. de Acquir. Rer. Dom.*
- 43 Limitatur conclusio, nisi ad Institutiones aliquid esset relatum ex nova Justiniani Constitutione, aut quinquaginta Decisionibus: tunc enim, quemadmodum illæ Constitutiones, & Decisiones derogant Digestis, ita Institutionum paragraphi Digestis præferendi sunt. Sic §. 2. *Inst. de Adopt.* desumptus ex *L. pen. Cod. eod.* derogat legibus Digestorum in materia adoptionis. Cæterum facile est distinguere, quando paragraphus Institutionum desumptus est ex nova quadam Constitutione, aut Decisione; Etenim ipse paragraphus novæ Constitutionis, aut Decisionis meminit. Dari autem tales paragraphos in Institutionibus, colligitur *Præf. 2. ff. §. 11. vers. Admonimus.*
- 44 Not. I. Digesta continent titulos, leges, paragraphos, & versiculos; allegantur vero per litteram D. P. aut per Græcum  $\pi, \omega$ . aut per ff. quod postremum signum usitatum est. Institutiones continent titulos, paragraphos, & versiculos, allegantur simplici I. aut *Inst.* Codex repetitæ prælectionis habet titulos, Leges, paragraphos, & versiculos, allegatur simplici C. aut *Cod.* Novellæ continent capita, paragraphos, & versiculos, Prævio earum numero allegantur simplici N. vel *Nov.* vel *Novel.* Interdum allegantur textus; nulla facta mentione Digestorum, aut Codicis, v. g. *L. sed. si 24. de Pact.* Et tunc subintelligenda sunt Digesta utpote pars Corporis Juris uberrima. Authentica vero, quæ, in recensioribus juris editionibus immixtæ sunt Legibus Codicis Repetitæ Prælectionis, diversis tamen litteris expressæ; allegari solent per sua verba initialia, & tituli rubricam, v. g. *Auth. Habita. Cod. Ne filius pro patre.*

Not.


Not. 2. olim studioso juris fuisse præscriptum quadriennium: Justinianus<sup>45</sup> quinquennium requisivit. *Præf. 1. ff. ad Theophilum, Dorotheum &c. Omnem §. 2. & seq.* Et quidem olim primi anni juris studiosi vocabantur *Dupondii*, hodie *Justiniani*, *Novi*: secundo anno admittuntur ad secundam, & tertiam partem Digestorum addiscendam; & tunc studiosi ab Edicto vocantur *Edictales*. Tertio anno absolvant quartam partem Digestorum, & acutissimi Papiniani libros; & dicentur *Papinianista*. Quarto anno absolvant ceteras Digestorum partes, & tunc appellabuntur *Lytæ*; quod habiles habebantur ad solvendas juris controversias. Quinto anno studeant *Codici*: & tunc dicentur *Prolytæ*, siquidem tunc soluti erunt legibus studiorum. Cæterum nota: Tertio sæculo a Christo nato tres florere scholæ juridicæ, Romæ, Constantinopoli, & Berythi, hoc privilegio munitæ, ut non liceret, alibi jus docere. *Præf. 1. ff. ad. Theoph. Dorotheum, Theodorum. §. 2. 3. 4. 5. Heinec. Antiq. Rom. Lib. 1. tit. 25. n. 20. & seqq.*





## BIBLIOPOLA LECTORI.

**H**ic prodit e prælo nostro JOHANNIS GEORGII KEES *Commentarius ad Institutiones Justinianæ*. Liber jam multoties typis mandatus, facili expeditaque venditione in Portugallia, Hispania alijsque regionibus distractus est. Quod autem hanc editionem attinet, eam nulli priorum imparem esse dicimus citra arrogantiam. Quod mendis est repurgata, quod typis nitidis chartaque pura præstat, certior quisque visu fiet. Sunt quædam, nec inconsulto, leviter mutata: nimirum quæ germanico idiomate interspersa erant, ea latinæ orationi sunt adæquata; ne lectori germanicæ linguæ ignaro molestum contingat illorum desiderium. Ad calcem porro libri, habes appendicem, de modo legendi & scribendi citationes utriusque juris.



## INDEX TITULORUM

## LIBRI PRIM I.

I. De <i>Iustitia</i> & <i>Jure</i>	pag. 1	XV. De <i>Legitima agnatorum Tutela</i> ,	129
II. De <i>Jure Naturali</i> , <i>Gentium</i> ,	3	XVI. De <i>Capitis diminutione</i> ,	131
<i>Civili</i> ,	11	XVII. <i>Legitima Patronorum Tutela</i> ,	133
III. De <i>Jure Personarum</i> ,	37	XVIII. De <i>Legitima Parentum Tutela</i> ,	134
IV. De <i>Ingeniis</i> ,	39	XIX. De <i>Fiduciaria Tutela</i> ,	<i>ibid.</i>
V. De <i>Libertinis</i> ,	40	XX. De <i>Attiliano Tutore</i> , & eo, qui	
VI. <i>Quibus ex causis manumittere non</i>		<i>ex lege Julia</i> , & <i>Titia dabatur</i> ,	<i>ibid.</i>
<i>licet</i> ,	42	XXI. De <i>Authoritate Tutorum</i> ,	137
VII. De <i>Lege Fufia Caninia tollenda</i>	43	XXII. <i>Quibus modis Tutela finitur</i> ,	143
VIII. De <i>His</i> , qui <i>sui</i> , vel <i>alieni Ju-</i>	<i>ibid.</i>	XXIII. De <i>Curatoribus</i> ,	146
<i>ris sunt</i> ,		XXIV. De <i>Satisfatione Tutorum</i> , &	
IX. De <i>Patria Potestate</i> ,	52	<i>Curatorum</i> ,	148
X. De <i>Nuptiis</i> ,	54	XXV. De <i>Excusationibus Tutorum</i> &	
XI. De <i>Adoptionibus</i> ,	106	<i>Curatorum</i> ,	150
XII. <i>Quibus modis Jus patriæ potestatis</i>		XXVI. De <i>suspectis Tutoribus vel Cu-</i>	
<i>solvitur</i> ,	115	<i>ratoribus</i> .	161
XIII. De <i>Tutelis</i> ,	118		
XIV. <i>Qui Testamento Tutores dari pos-</i>	125		
<i>sunt</i> ,			

## INDEX TITULORUM

## LIBRI II.

I. De <i>Rerum divisione</i> , & <i>acquirendo</i>		IX. <i>Per quas Personas cuique acquiri-</i>	
<i>ipsarum Dominio</i> ,	171	<i>tur?</i>	291
II. De <i>Rebus corporalibus</i> , & <i>incorpora-</i>	225	X. De <i>Testamenti ordinandis</i> ,	295
<i>libus</i> ,		XI. De <i>Testamento militari</i> ,	308
III. De <i>Servitutibus Rusticorum</i> , & <i>Ur-</i>	227	XII. <i>Quibus non est permissum facere</i>	
<i>banorum prædiorum</i> ,		<i>testamentum?</i>	311
IV. De <i>Usu fructu</i> .	238	XIII. De <i>Exheredatione liberorum</i> ,	314
V. De <i>Usu</i> & <i>Habitatione</i> ,	248	XIV. De <i>Hæredibus instituendis</i> ,	323
VI. De <i>Usucapionibus</i> , & <i>longi tempo-</i>	250	XV. De <i>Vulgari substitutione</i> ,	328
<i>ris Præscriptionibus</i> ,		XVI. De <i>Pupillari substitutione</i> ,	336
VII. De <i>Donationibus</i> ,	273	XVII. <i>Quibus modis Testamenta infir-</i>	
VIII. <i>Quibus alienare licet</i> , vel <i>non?</i>	286	<i>mentur</i> ,	346
		XVIII.	



XVIII. De Inofcioso Testamento,	351	XXII. De Lege Falcidia,	389
XIX. De Hæredum Qualitate & differētia,	361	XXIII. De Fidei - commissariis Hæreditatibus, & a. l. Senatus - Consultum Trebellianum,	394
XX. De Legatis,	365	XXIV. De singulis rebus per fidei commissum relictis,	399
XXI. De Ademptione, & Translatione Legatorum,	388	XXV. De Codicillis,	401

## INDEX TITULORUM


## LIBRI III.

I. Cum XIII. seqq. De Hæreditatibus quæ intestato deferuntur,	406	XXIII. De obligationibus, ex consensu,	496
XIV. De obligationibus,	430	XXIV. De Emptione & Venditione,	497
XV. Quibus modis Re contrahitur obligatio,	442	XXV. De locatione, & Conductione,	508
XVI. De Verborum obligationibus,	463	XXVI. De Societate,	521
XVII. De duobus Reis stipulandi, & promittendi,	471	XXVII. De mandato,	526
XVIII. De stipulatione Servorum,	473	XXVIII. De obligationibus, quæ ex Quasi-Contractu nascuntur,	534
XIX. De Divisione Stipulationum,	475	XXIX. Per quas Personas nobis obligatio acquiritur,	540
XX. De Inutilibus Stipulationibus,	476	XXX. Quibus modis tollitur obligatio,	541
XXI. De Fide-Jussoribus,	485		
XXII. De Litterarum obligationibus,	493		

## INDEX TITULORUM.

## LIBRI IV.

I. De obligationibus, quæ ex delicto nascuntur,	549	X. De iis, per quos agere possumus,	689
II. De Vi honorum raptorum,	560	XI. De Satisfactionibus,	690
III. De Lege Aquilia,	563	XII. De Perpetuis, & temporalibus actionibus, & quæ ad hæredes, & in hæredes transeant,	693
IV. De Injuriis,	570	XIII. De Exceptionibus,	696
V. De Obligationibus, quæ ex quasi delicto nascuntur,	580	XIV. De Replicationibus,	700
VI. De Actionibus,	584	XV. De Interdictis,	701
VII. Quod cum eo, qui in aliena Potestate est, negotium gestum esse, dicitur,	672	XVI. De Pena temere litigantium,	731
VIII. De Noxalibus Actionibus,	684	XVII. De Officio Judici,	733
IX. Si Quadrupes pauperiem fecisse dicitur,	686	XVIII. De Publicis Judiciis,	735



# INSTITUTIONUM DIVI JUSTINIANI

LIBER PRIMUS.

## TITULUS PRIMUS

D E

## JUSTITIA ET JURE

### SUMMARIA.

- 1 Rubrica de Justitia & Jure bene concepta est.
- 2 Diluuntur argumenta contraria.
- 3 Quid sit Justitia?
- 4 Qualis definita sit, Divina, an humana?
- 5 Quotuplex sit?
- 6 Particularis dicitur esse definita, non Universalis.
- 7 Solvuntur objectiones.

- 8 Quid sit Justitia commutativa?
- 9 An observetur in illa proportio Geometrica, an Arithmetica?
- 10 In impositione panarum observatur proportio Arithmetica.
- 11 Definitur Jurisprudentia.
- 12 Quot sint praecepta Juris?
- 13 In suum corpus non licet scire.
- 14 Solvuntur argumenta contraria.
- 15 Jus aliud publicum, aliud privatum.
- 16 Quid publicum?
- 17 Quid privatum?

**S**olenter & congruenter titulum primum de Justitia inscribi dixeris; quia haec est finis intrinsecus nostrae artis, qui fuit in qua-

vis disciplina & arte recte perfecteque tradenda primum exquirendus est, ad quem omnis actio, mentis contemplatio dirigatur.

A

Dixi

Dixi *fnis intrinsecus*; extrinsecus enim est tranquillitas publica, civiumque subditorum salus juxta vulgatum illud: Salus Reipublicæ suprema lex esto. *Manz. hic. n. 3. § 4.*

Quæres primo, an rubrica hæc bene concepta sit? Sunt, qui negent, atque doceant, quod concinnius rubrica inscriberetur de Jure & Justitia, quemadmodum Theologi id faciunt. Moventur, quia Jus est objectum Justitiæ, sed objectum prius est illo, cujus est objectum: ergo jus est prius Justitia; *minor patet*, quia utique objectum debet prius existere, quam illud, cujus est objectum, quia ab hoc primo in objectum debet eligi.

1 Verum hoc non obstante teneo, rubricam recte & bene conceptam esse. Ita *Harp. hic n. 5. Schamb. hic pag. 23. Humm. Var. resol. pag. 25. q. 8.*

Probatur ex *l. 1. de J. § J.* ubi dicitur, *Jus a Justitia appellari*. Si itaque Jus descendat a Justitia, sequitur, quod Justitia prior sit Jure, sicuti mater, ex qua descendit filius, debet prior esse filio.

2 Pro solutione rationis dubitandi sciendum est, vocabulum *Juris* dupliciter sumi: primo pro Justo, & æquo, & secundo pro arte Juris. Primo sensu acceptum, Jus est prius Justitia; quia Justitia est habitus inclinans voluntatem ad id agendum, quod justum & æquum est; ergo Justitia posterior est Jure; quia ratio dicat, id prius esse, quod est objectum, & ad quod inclinat, quam id, cujus est objectum, & quod inclinat.

Jus acceptum in secundo sensu, posterius est Justitia; quia omnis ars posterior est illa re, quæ docetur; cum ergo Jus sit ars boni & æqui,

*L. 1. ff. b. t.* id est modus demonstrativus, quomodo justitia tractari debeat, igitur sequitur, quod sit justitia posterius, utpote quæ docetur, id enim, quod ostenditur, prius est quam id, quod ostendit, *Zoëf. ff. b. t. n. 3.* adeoque Jus pro arte Juris acceptum habet pro objecto Justitiam, atqui objectum est prius eo, cujus est objectum: ergo Justitia est prior Jure. *Hertogb. b. t. n. 9.*

### AD PRINCIPIMUM.

**D**efinitur Justitia, quod sit con- 3  
stans & perpetua voluntas Jus suum cuique tribuendi, *text. hic, § l. 10. ff. b. t.* *ly voluntas* ponitur loco generis, ut denotetur, actus Justitiæ debere esse voluntarios; quia is non dicitur justus esse, qui casu juste facit, vel metu pœnæ coactus. Deinde *ly voluntas* non accipitur pro ipsa potentia volitiva, sed habitu voluntatis: Non enim justus est, qui vult juste agere, sed qui & vult juste agere, & simul juste agit, nec unquam aliter vult agere. Sic licet fur centies istum actum voluntatis eliciat: restituam ablatus centum; si eosdem non restituat, actu justus non est.

Non adversatur primo: Male Justitia dicitur esse voluntas: quia Justitia est ad aliud; actumque denotat; ergo genus Justitiæ laborat vitio. Respondetur enim, distinguendo antecedens: male dicitur Justitia esse voluntas, si *ly voluntas* accipiatur pro ipsa potentia volitiva, concedo; si intelligatur pro habitu voluntatis, quatenus aliquis vult juste agere, juste agit, nec unquam aliter vult agere, nego antecedens, & consequentiam.

Non

Non adversatur secundo, male definitur Justitia, quod sit constans & perpetua voluntas, cum solius DEI voluntas sit constans & perpetua; homo autem propter lubricos affectus facile a justitiae ratione traduci possit, cum nihil in homine stabile sit, *Nov. 7. cap. 2.* Respondetur enim ex eo, quod actu ipso justus non semper justitiam exerceat, sed quandoque ob carnis imbecillitatem atque humanæ naturæ fragilitatem in devia labatur, non sequi male Justitiam definiri: sufficit enim Justum aliquem esse habitu & voluntate, quatenus scilicet firmo & constanti animo agit, & nunquam aliter vult agere. *Manz. hic. n. 15.* Ubi dicit, perpetuum dici non tantum id, quod re ipsa tale est, sed quod ex mente hominis; quemadmodum in principio procemii diximus, Imperatorem semper esse augustum, non quod semper augeat imperium actu ipso, sed quod debeat esse ejus voluntas & propositum augendi perpetuum. Sic matrimonium dicitur individua vitæ consuetudo, licet aliquando fiat divortium; sufficit enim mentem contrahentium talem fuisse, ut perpetuo convivere, & nunquam velint ab invicem discedere.

Dividitur primo Justitia in *Divinam* & *humanam*. Illa est, quæ in Divina mente residet. Hæc inter homines invenitur.

- 4 Quæres secundo: an definitio Justitiæ concernat divinam, an vero humanam? Dixeris prima fronte, divinam. Primo, quia constans & perpetua voluntas est in solo Deo, non etiam in homine; ergo Justitia Divina definita est.

Secundo, DEUS dixit per os Sa-

lomonis: *Meum est opus, quod reges regnent, & legum conditores justa decernant*; ergo definitur justitia divina.

Tertio. Juris consulti dicuntur esse Sacerdotes *l. 1. ff. h. t.* Nemo autem Sacerdos esse dicitur, nisi rei Divinæ: ergo loquitur de Justitia Divina.

His in contrarium nihil remorantibus tenendum est, definitam esse justitiam humanam. Ita *Hunn. Var. resol. q. 2. in princ. Zues. ff. h. t. n. 11. Harp. hic. n. 40. Chleng. q. 2. h. t. Schamb. hic.*

Ratio prima, quia Justitiam in *l. 10. ff. h. t.* definit Ulpianus homo gentilis & Ethnicus, qui divinam Justitiam ignoravit, ac proinde eam definire non potuit.

Secundo, quia illa Justitia definita est, quæ informat homines, quomodo se in republica pro conservanda quiete gerere debeant; sed DEUS informatione non indiget, ergo.

Tertio Ulpianus in *d. l. 10.* illam justitiam definit, quam homines assequi possunt; ergo humanam definit, cum divinam homo assequi non possit.

Ad primam dubitandi rationem patet solutio ex dictis; quia non desideramus pro justitia voluntatem constantem & perpetuam physice, sed moraliter & in sensu accommodo. Quamvis proinde homo a via Justitiæ deflectat, & suum cuique non tribuat, id tamen non sit vitio Justitiæ, sed ex perversa hominis natura. Ideo lapsus hominis non imputandus est virtuti Justitiæ, sed perversæ hominis naturæ, quam justitia ad suum cuique tribuendum semper inclinat.

Secundum argumentum plus non probat, quam quod justitia quo ad originem divina sit: sicut enim omne

bonum a DEO est, ita etiam justitia. Deinde sequeretur, nullam dari Justitiam humanam, sed omnem justitiam divinam esse, cum omnis Justitia a DEO sit.

Tertium exinde ruit, quia Juris Consulti tantum per similitudinem quandam appellantur Sacerdotes: sicuti enim Sacerdotes sunt Interpretes religionis, Deique cultus, ita Juris-consulti dicuntur interpretes boni & æqui.

Dividitur secundo Justitia in *universalem & particularem*: Universalis est complexus omnium virtutum pertinens ad ea omnia, circa quæ vir bonus versari debet. Et hæc Justitia cum omni alia virtute concurrit, & accipitur pro obedientia universali erga omnes leges, divinas & humanas, naturales & civiles, quo sensu.

*Justitia in sese virtutes continet omnes.*

Particularis est, quæ hominem primario inclinatur ad perpetuo suum cuique tribuendum. Dicitur cuique, id est, alteri a se in individuo; proprium enim Justitiæ particularis munus & officium est extra se agere, & suum cuique, id est, alteri a se debitum tribuere. Quare in hoc differt a Justitia universali, quæ est virtus, quæ principaliter ad intra agit, & seipsam respicit non tertium v. g. prudentia in prudente.

Quæres tertio, quæ Justitia an universalis, an particularis hic definita sit?

Sunt, qui universalem definitam statuunt, quibus se adjungit *Hum. var. resol. in princ. q. 3.*

Movetur primo: quia in Jure nostro non tantum præcipitur, ut Jus suum cuique tribuatur, sed etiam

præcipitur, ut quis temperantiæ studeat, non committat adulterium, nec utatur libidine sine recta ratione, ut patet ex tit. de adult. deinde insuper in Jure præcipitur id, quod est mansuetudinis, ut non pullare, non convicia dicere tot. tit. de injur. ergo non est definita Justitia particularis, sed universalis.

Secundo: finis Justitiæ est salus & tranquillitas reipublicæ; sed salus & tranquillitas reipublicæ ex eo solo, quod jus suum cuique tribuat, exoriri non potest, nisi simul prohibeantur adulteria, stupra &c. ergo Imperator, qui salutem & tranquillitatem reipublicæ promovere voluit, non videtur voluisse definire Justitiam particularem, sed universalem.

His non adversantibus verius est Justitiam particularem hic definitam esse. *Schamb. hic. Zoës. ff. b. t. n. 16. clariss. DD. Franz. Inst. b. t. n. 11.*

Ratio sola & unica, quia dicitur in definitione: *Jus suum tribuendi cuique*, id est alteri a se. Jam hoc est soli Justitiæ particulari proprium; reliquæ enim virtutes principaliter ad intra sunt, & se ipsas respiciunt, atque hominem perficiunt in se, sicut prudentia in prudente: non vero respiciunt tertium, & non perficiunt hominem ad jus suum cuique tribuendum. Quare Aristoteles recte dixit: *Alienum bonum ipsa Justitia sola ex omnibus virtutibus & habetur & est: cum sit ad alium; agit enim ad ea, quæ alii, vel, Principi, vel reipublicæ conferunt*, ac si vellet dicere, cæteras virtutes utentes proprias esse, Justitiam autem communem & publicam. Pro fundamento ergo capesse, soli Justitiæ proprium esse, ut extra se agat, & suum cuique, id est, alteri a se debitum tribuat.



tribuat. Hoc cum aliis virtutibus proprium non sit, ideo signum est, quod Justinianus, dum ait: *jus suum cuique tribuendi*, Justitiam particularem definire voluerit.

Ad primum Respondetur, actus adulterii, stupri &c. & alios ejusmodi etiam in Jure nostro prohiberi, non autem sub hoc respectu, quatenus læditur castitas, vel virginitas; sed quia etiam per adulterium uxori injuria inferitur. Sic actus mansuetudinis & fortitudinis etiam in Jure præcipiuntur, sed non præcipiuntur, quia perficiunt hominem in se, hoc est, faciunt hominem fortem aut mansuetum, & ad intra agunt, sed quia sunt juris & justitiæ; quia alias pulsato inferretur injuria, & miles, qui locum in acie deserit, arma abjicit, & fugit, patriæ jus suum non tribueret. Respondetur secundo, præcipi in Jure nostro etiam alias virtutes, non quidem per se primario, sed secundario, ut facilius obtineamus finem justitiæ particularis, ideoque ideo etiam actus aliarum virtutum imperantur, ne iis contemptis Justitiæ particularis finis impediatur.

Ad secundum eadem est solutio, quia adulteria prohibentur etiam in Jure nostro, sed non quatenus læditur castitas, & homo per hanc perficitur in se incastus, sed quia uxori Jus suum non tribuitur.

Dices, Ergo neque particularis Justitia est definita; quia etiam hæc non est semper ad alios, sed etiam ad se: si enim quis sibi manum amputet, non alteri sed sibi facit injuriam, ergo justitia particularis est etiam ad se. Respondetur, falsum esse, amputando sibi manum, alteri non fieri injuriam, quia vel uxori, vel liberis,

vel reipublicæ, vel DEO fit injuria, cum nemo sit membrorum suorum Dominus. *Schamb. loc. cit.*

Dividitur tertio Justitia in *commutativam, distributivam, & vindicativam.*

Commutativa est, quæ in commercio, & rerum privatarum permutatione versatur, servata proportionem arithmetica. Distributiva est, quæ præmiis & officiis pro cujusque merito distribuendis versatur, servata proportionem geometrica.

Servari dicitur proportio arithmetica, si habetur respectus rei ad rem, sive quantitatis ad quantitatem, v. g. si equum emi 20. fl. totidem ex justitia commutativa teneor solvere, si 10. fl. furatus sum, teneor decem restituere, si centum promisi, teneor centum solvere.

Proportio Geometrica servari dicitur, quando habetur respectus rei ad personam v. g. miles gregarius, & belli dux simul occuparunt urbis mœnia: hoc in casu majori præmio afficitur belli dux, quam miles gregarius *Cibing. q. 5.* sic quoque in distribuendis officiis geometrica servatur proportio, majora enim nobili, doctoque viro committenda sunt munia, quam ignavo inertique.

Sane Justitia distributiva in sensu stricto & riguroso non est Justitia; quia subditi nullum habent jus ad officium, honorem, vel dignitatem; dixi: *nullum habent jus*, puta, quæsitum. Hinc licet Princeps officium minus digno contulerit, præterito magis digno, non tamen tenetur ad restitutionem, Justitia vindicativa est, quæ in puniendis delictis locum habet. *Clariff. D. Franz. h. t. n. 29.*

Quæres quarto, observeturne in

impositione poenarum proportio geometrica, an arithmetica? Respondetur, observari proportionem arithmetica.

10 Ratio: quia tunc observatur proportio Arithmetica, si in singulis servatur æqualitas; sed in impositione poenarum in singulis servatur æqualitas; ergo observatur proportio arithmetica. *Minor patet*, quia poena debet commensurari delicto, & nec major nec minor imponi.

Confirmatur; Ideo in emptione & venditione observatur proportio arithmetica, quia pretium respondet meriti; ergo etiam ideo in impositione poenarum observatur proportio arithmetica, quia poena respondet culpæ.

Objicitur: In impositione poenarum habetur respectus personarum quia gravius puniuntur servi, quam liberi, plebei, quam nobiles &c. ergo observatur proportio geometrica. Respondetur distinguendo, gravius puniuntur servi quam liberi gravitate materiali, concedo; formali; nego. Cuilibet poena secundum qualitatem delicti imponitur, ita ut tanta sit poena, quanta est culpa. Quod autem videatur inter poenam & culpam esse improprio, conditio personæ facit. Unde v. g. si rusticus & nobilis viro honesto verbera impingant, utique gravior culpa est in rustico, quam nobili.

### §. JURIS PRUDENTIA I.

11 **P**ost Justitiæ definitionem Imperator Justinianus definit Jurisprudentiam, aitque, quod sit divinarum, atque humanarum rerum notitia, justæ & injustæ scientia. Hoc est, Jurisprudentia est habitus intellectus,

quo quis cognoscit res divinas & humanas, non quidem eas in suis essentiis (hoc enim Theologis & Philosophis relinquimus) contemplando, sed justitiam circa eas administrando, atque ostendo, quid justum quidve injustum sit, illud ut faciamus, hoc ut fugiamus. *Zoëf. ff. h. t. 5.* Adeoque Jurisprudentia talis est notitia, quæ tradit, quid in rebus Divinis v. g. rebus sacris, religiosis, sanctis, & humanis justum sit, atque injustum. *Manz. n. 2.*

Objicitur primo. Logica sive Philosophia est etiam rerum humanarum, & Theologia divinarum scientia, ergo male definitur Jurisprudentia. Respondetur, Philosophiam & Theologiam res humanas ac divinas non examinare ex regulis justæ, & injustæ, æquum ab iniquo separando, aut licitum ab illicito secernendo, sed in suis essentiis ac proprietatibus contemplando, adeoque diversus est Philosophiæ & Jurisprudentiæ finis, hæc enim non intendit essentias rerum cognoscere, sed justitiam de iis administrare.

Objicitur secundo: Nulla definitio potest constare duplici genere; sed jurisprudentia modo ars, modo notitia, modo scientia, appellatur, ergo non videtur concinne definita. Respondetur, artem, notitiam, & scientiam invicem in Jure confundi, & promiscue usurpari.

### §. HIS IGITUR 2.

**T**radita jurisprudentiæ definitione, Justinianus nunc declarat, qua docendi vel discendi ratione ejus cognitio comparari possit, aitque, ut ii, qui legitimæ scientiæ cognitionem docent,

docent, & jura populi Romani scire affectant, a primis principiis exordium capiant & primo quidem levi, ac simplici via, post deinde diligentissima atque exactissima interpretatione exquisita singula tradant. Ratio est in ipso textu; quia alias infirmi adolescentum, juvenumque animi multitudine ac varietate rerum onerati, vel ex diffidentia quadam studium Juris penitus deserunt, vel propter difficultatem tardius, & cum magno labore ad cognitionem ejus pertingunt. Proinde non est vasto illi Juris Oceano temere se committendum, sed a facilioribus & minimis incipiendum, ut ad majora perveniamus; nemo enim repente fit summus, & qui vadit plane, vadit sane. *Schneid. hic.*

### §. JURIS 3.

12 **P**ræcepta Juris tria sunt: Honestè vivere, alterum non lædere, Jus suum cuique tribuere.

Primum itaque præceptum juris est *honestè vivere*, atque hoc præceptum ad uniuscujusque personam propriam pertinet, & præcipit, ut honestè, id est, temperate, verecunde, ac probe & cum virtute vivamus, omnesque nostras actiones, sermones, & cogitationes ita instituamus, quemadmodum lex & recta ratio suadet: ne quid contra honestatem inconsulte, negligenter, aut temere cogitemus, dicamus, vel agamus, sed in omnibus vitæ actionibus non solum id, quod licet, sed id, quod honestum est, spectemus. *Schneid. & Manz. hic.*

Secundum præceptum est: *alterum non lædere*. Hoc præceptum pertinet ad injurias vel delicta, ut videlicet aliquis ab illis absteineat, neminem in

corpore, rebus, vel fama sua offendat. *Manz. hic. n. 12.* Ex hoc præcepto non alterius dumtaxat, sed etiam sui ipsius offensio prohibita est, ita, is, qui ex proposito vel metu criminis perpetrari se ipsum graviter lædit, vel, vulnerat, capite puniatur. *L. 6. §. qui se vulneraverit ff. de re milit. ratio, quia nemo est suorum membrorum dominus. L. 13. ff. ad L. Aquil.*

Quæres quinto, an jure nostro civili homini libero liceat in suum corpus sævire, sibi violentas manus vel vulnera inferendo?

Dixeris prima fronte, quod sic: Primo, quia præceptum Juris est, *alterum non lædere*, ergo argumento a contrario deducto (quod in jure est fortissimum & frequentissimum: *L. 1. §. 1. ff. de off. ejus, cui est mand. Jurisdic.*) se ipsum lædere licebit: Ad quid enim alias diceret, alterum, si etiam seipsum lædere prohibitum esset.

Secundo, volenti non fit injuria, ergo licebit in suum corpus sævire: quoniam in corpus alterius ideo sævire prohibetur, ne alteri fiat injuria.

Tertio, per *L. 9. §. si ipse servus 7. ff. de peculio*: ubi expresse dicitur, *licere etiam servis naturaliter in suum corpus sævire*. Ex quibus verbis colligitur, idem licere homini libero, ex duplici argumento: primo, quia dicit Jurisconsultus *etiam hoc licere servis*, quæ verba implicativa sunt, atque innuunt, præter servos alios esse, quibus hoc itidem permittatur. Secundo textus ait, *naturaliter* hoc servis licere, hoc est, Jure naturæ. Jus autem naturæ omnibus peræque convenit, & hominibus liberis commune est cum servis *L. 32. ff. de R. J.* ergo si servo in corpus suum licet sævire,



sævire, multò magis licebit libero, quia servus minùs est membrorum suorum dominus quàm liber.

- 13 His non obstantibus, probo sententiam, quæ docet, non licere in suum corpus sævire. Ita *Harp. n. 10. hic. Hum. var. res. pag. 15. q. 17.*

Primo, quia præceptum divinum generale est; *ne occides.* id est, neque te, neque alium, ergo, cum præceptum non distinguat, nec nos distinguere debemus.

Secundo, quia ob charitatem & justitiam prohibetur homicidium: atqui contra istam charitatem, vel maxime ille peccaret, qui se ipsum occideret, imo gravius peccaret aliquis, se ipsum occidendo, quàm alterum, quia quisque sibi proximus est, & amor incipit a se ipso, ergo &c.

Tertio, quia gravissima poena in illos constituta est de jure civili, qui se ipsos vulnerant, aut mortem sibi conciscunt *l. 6. §. 7. ff. de re milit.* quomodo ergo adversarii audent asserere, jure civili permissum esse, in corpus suum sævire; cum jus civile sævienti gravissimam poenam dicet?

Quarto, quia nullus est suorum membrorum Dominus, auctore Ulpiano in *l. 3. ff. ad leg. Aquil.* Unde & passim Theologi docent, hominem non esse Dominum, sed solum Custodem vitæ suæ & membrorum suorum, Dominium autem horum esse apud solum Deum. *Harp. n. 12.*

- 14 Ad primum respondeo, argumentum à contrario nunquam procedere, quando expressa legis dispositio resistit in contrarium, aut aliquod absurdum sequitur, quod utrumque hoc in loco accidit, uti ex argumentis pro nostra sententia adductis patet. *Harp. n. 17.*

Ad secundum respondeo, hoc axio-

ma: *Volenti non fit injuria.* Non esse generaliter & absolute, sed secundum quid accipiendum; quod videlicet volenti non fiat injuria ad hoc, ut actio injuriarum competat.

Deinde negatur suppositum, quod in injuriam sibi ipsi inferendam quis consentire possit: voluntas enim per legem sublata est, atque adeo licet sibi vulnerando, v. g. corpus, vel se interficiendo non faciat injuriam, facit tamen civitati, vel magistratui injuriam, qui membro atque cive spoliatur. *Hum. var. resol. loc. cit.*

Ad tertium respondeo, particulam *etiam* non esse implicativam, si ex implicatione hac aliquid absurdi sequeretur.

Deinde servo licet naturaliter in suum corpus sævire, ita, ut Dominus damnum sibi inflictum propter hoc non possit deducere de peculio: non autem sic servo licet in corpus suum sævire, ac si illud simpliciter de Jure naturali & civili permitteretur: adeoque sensus est talis: naturaliter servo licet in corpus suum sævire ita, ut inspecto jure naturæ damnum sibi inflictum non possit deduci a Domino. Accedit secundo, quod in *cit. l. 9. §. 7. naturaliter* non jus significet, ut sensus sit, Jure naturæ servo licere in corpus suum sævire; sed significat idem, *quod ipso facto, & vere sive revera* liceat servo in corpus suum sævire quemadmodum ly naturaliter *vere & cum effectu* significat in *l. solut.* Ubi dicitur pecuniam solvi naturaliter, id est vere & cum effectu: Adeoque sensus legis est, servo licet vere, & cum effectu in corpus suum sævire, ita, ut damnum sibi inflictum Dominus de peculio deducere non possit. *Harp. & Hum. loc. cit.*

Tertium

Tertium præceptum est, *suum cuique tribuere*, hoc præceptum res & facultates concernit, ne quis alterum vel contrahendo, vel permutando decipiat, sed suum cuique tribuat, siue poena aliquis sit afficiendus, siue præmiò remunerandus.

Objicitur primò: Jure nostro permissæ sunt concubinæ. *L. 3. l. ult. ff. de Concub.* Ergò primum præceptum Juris cespitat. Respondetur: Jure nostro permissæ sunt concubinæ ex justa causa, puta, majoris mali evitandigratiâ: concedo *antecedens*. Citra justam causam: nego *antecedens* & *consequentiam*; Jus nostrum non præcepit concubinatum, sed solum non prohibet, & tolerat, longè majoribus malis & delictis obviam ire cupiens, & inter duo mala minus eligens, scilicet permittendo stupra, ne committantur adulteria aut incestus.

-Urges: Non licet malum committere majoris mali vitandi causa: ergò neque licet malum permittere evitandi majoris mali causa: Respondetur; concedo *antecedens*, nego *consequentiam*. Disparitas est, quia nefas, vel delictum de se committere est intrinsicè malum, adeoque in nullis circumstantiis potest inducere normam & rationem boni. At permittere nefas de se non est malum, adeoque potest in circumstantiis quibusdam inducere rationem boni, puta, si conditio fragilitatis humanæ & morale periculum majoris mali ita exigit.

Objicitur secundò. In jure nostro permissum est alterum in contrahendo circumvenire. *L. 16. §. 4. ff. de minor.* Ergò tria juris præcepta non subsistunt. Respondetur, distinguendo *antecedens*: In jure nostro permis-

*Kees de Instituta.*

sum est alterum circumvenire intra latitudinem justipretii, hoc est, summi, medii, & infimi, concedo *antecedens*; extra hanc latitudinem, nego *antecedens* & *consequentiam*.

Instas: jus nostrum permittit, ut, quod minoris est, vendatur pluris. *L. 22. §. 3. ff. locati*: Ergò permittit circumventiones injustas. Respondetur, distinguendo *antecedens*: permittit intra terminos justipretii: concedo; extra terminos justipretii: nego *antecedens* & *consequentiam*.

#### §. HUIUS STUDII. 4.

**V**ISO, quid sit jus, Justitia, & jurisprudentia; superest, ut expendamus, quotuplex sit jus: Et ait Imperator hic, duas ejus esse positiones.

Aliud scilicet esse jus publicum, aliud privatum. Jus publicum est, *quod ad statum rei Romanæ pertinet*, siue, ut accuratius loquar: Jus publicum est, quod pro fine suo proximo habet bonum commune totius reipublicæ. Huc pertinent sacra, sacerdotes & Magistratus. *L. 1. §. 2. ff. h. t.* Item conventiones publicæ, pax, fœdera, legationes &c. *Harp. n. 4.*

Privatum est, quod pro fine suo proximo habet bonum & utilitatem singulorum ac privatorum.

Dixi: *pro fine suo proximo*. Nam tam jus publicum, quam privatum secundariò etiam redundat in alterius utilitatem. Sic etiam omnium privatorum interest, habere Ecclesias *Nov. 17. cap. 4.* habere Sacerdotes, qui sacra ministrent, habere Magistratus, qui jura reddant.

Item mulieres esse dotatas reipublicæ interest, id tamen non est juris publici,

B

publici, sed privati tantum; quia dotas esse, primario mulieris vel mariti, secundo reipublice interest. *Scham. hic Harp. n. 7.*

Privati juris dicuntur dominica & paterna potestas, tutela, dominia rerum privatarum, ultimae voluntates, & hereditates, contractus, servitutes, dotas, actiones &c. ratio, quia haec omnia proxime respiciunt utilitatem privatorum. Dico *proxime*, quia secundo, & in consequentiam etiam respiciunt utilitatem publicam. Sic licet divitiae proxime respiciant utilitatem subditorum, tamen etiam secundo interest reipublice subditos esse locupletes, ut tributa & pensiones rite solvi, & in casu necessitatis reipublice auxilium praestari possit. *Manz. n. 9.*

17 Dices: omnia jura sunt publica; ergo male distinguitur jus in publicum & privatum. Respondetur, distinguendo antecedens. Sunt publica quoad causam efficientem, quia jura non nisi ab eo, qui publicam potestatem habet & auctoritatem, constituuntur: concedo antecedens; sunt publica quoad materiam, finem & utilitatem, nego antecedens & consequentiam. *Manz. num. 10.*

#### AD VERS. DICENDUM.

**R**eligio jure publico, ait imperator, quod de jure privato agere velit. Ratio esse videtur, tum quia, non cognito prius jure privato, Jus publicum difficile capere potest, tum quia Juris Studiosi raro interrogantur de jure publico, cum potius ad illos pertinere videatur, qui excelsas in aulis dignitates possident, *Harp. n. 10 Manz. n. 19.*

Dices: Tutela est juris publici. *L.*

9. ff. de his, qui sui vel alieni Juris. Testamenti factio est Juris publici. *L. 3. ff. de his, qui testam. fac. poss.* atqui Imperator agit ad Institutiones de tutela & testamento: ergo agit de jure publico. Pro solutione hujus objectionis sciendum est duplici respectu aliquid dici esse juris publici. Primo: quatenus aliquid spectat ad statum rei Romanae. Sic Magistratus, Sacerdotes & sacra dicuntur esse Juris publici. *L. 1. §. 2. ff. b. t.* Secundo: quatenus aliquid ita dependet à jure publico, ut in privatorum potestate non sit. Et in hoc sensu tutela & testamentum dicitur esse juris publici, quia tutorem dandi, & testamentum faciendi potestas non tribuitur privatorum voluntate, aut conventionione, sed cuique haec potestas à jure publico, & legibus conceditur. Et exinde enata est paroemia, quod ea, quae sunt juris publici, privatorum conventionione mutari nequeant. *L. 27. ff. de R. J.* His observatis levi brachio argumentum nobis obiectum eluseris. *Manz. n. 24.*

#### AD VERS. COLLECTUM. EST.

**J**us privatum tripartitum est, & collectum ex praeceptis, aut naturalibus, aut gentium, aut civilibus. Ratio hujus tripartitae divisionis est, quia jura hominis causa sunt constituta. Homo autem considerari potest, vel ut animal; & eo respectu subest juri naturae: vel ut homo, à ceteris animalibus usu rationis distinctus; & sic agnoscit jus gentium: vel ut civis; & hac consideratione subjacet Juri civili. *Manz. hic. num 27.*

#### TITU.

## TITULUS SECUNDUS.

## DE JURE NATURALI, GENTIUM, ET CIVILI.

## SUMMARIA.

- 1 *Definitur Jus naturale.*
- 2 *Brutis non inest formaliter.*
- 3 *Resolvuntur objectiones.*
- 4 *Quid sint actus Juris naturalis.*
- 5 *Quid naturales tantum?*
- 6 *Edere, bibere, dormire sunt actus naturales.*
- 7 *Definitur Jus gentium.*
- 8 *Quomodo differat à Jure naturali.*
- 9 *Recensentur exempla Juris gentium.*
- 10 *Divisio Juris gentium.*
- 11 *Quae non admittitur.*
- 12 *Prosteruntur argumenta contraria.*
- 13 *Definitur Jus civile.*
- 14 *Traditur ejus divisio.*
- 15 *Quid sit lex relatè spectata?*
- 16 *Monarchia reliquis reipublica statibus praefertur.*
- 17 *Lex penalis quid sit?*
- 18 *Requisita legis adstruuntur.*
- 19 *Debet esse justa.*
- 20 *Stabilis.*
- 21 *Publice promulgata.*
- 22 *Non obligat ante promulgationem.*
- 23 *Acceptatio subditorum non requiritur.*
- 24 *Diluuntur objectiones.*
- 25 *Neque scriptura.*
- 26 *Solvuntur argumenta contraria.*
- 27 *Effectus legis qualis sit?*
- 28 *Lex penalis non obligat ante sententiam.*
- 29 *Definitur Plebiscitum.*
- 30 *Item Senatus Consultum.*
- 31 *Constitutio Principis, alia generalis, alia specialis.*
- 32 *Quid sit Rescriptum?*
- 33 *Quid Decretum?*
- 34 *An vim juris universalis habeat?*
- 39 *Edictum quid sit?*
- 37 *Aliud reale, aliud personale.*
- 38 *Privilegia Doctoratus qualia sint?*
- 39 *Divisiones privilegii.*
- 40 *Quando sortiatur effectum?*
- 41 *Privilegiatus contra Privilegiatum quando suo privilegio utatur.*
- 42 *Privilegia quomodo amittantur?*
- 43 *Edicta Praetorum definiuntur.*
- 44 *Item responsa prudentum.*
- 45 *Quem effectum habent?*
- 46 *Consuetudo definitur.*
- 47 *Divisio ejus.*
- 48 *Requisita ejusdem.*
- 49 *Per unum actum successivum introduci potest.*
- 50 *Resolvuntur objectiones.*
- 51 *Per actus metu extortos.*
- 52 *Item merae facultatis.*
- 53 *Aut erroneos non inducitur.*
- 54 *Bene verò per actus judiciales & extrajudiciales.*
- 55 *An per actus, peccaminosos?*
- 56 *Scientia Principis ad illam non requiritur.*
- 57 *An jus naturale sit immutabile?*
- 58 *Respondetur ad objectiones.*
- 59 *Jus civile mutabile est.*
- 60 *Obiectum juris triplex est.*

## CONNEXIO.

Dictum est in fine praecedentis tituli; Jus privatum Romanorum collectum esse ex praeceptis naturalibus, gentium, & civilibus; superest, ut inquiramus, quid horum quodlibet sit.

B 2

AD

## AD PRINCIPIMUM.

**Q**Uæritur hic, quid sit Jus naturale? Respondet Imperator, esse illud, *quod natura omnia animalia docuit*, hoc est, Jus naturale illud dicitur, quod non tantum in homines cadit sed etiam in bruta, & ut ait Imperator, non humani duntaxat generis proprium est, sed omnium animalium, quæ in cælo, hoc est in aëre, veluti aves, quæ in terra, veluti feræ bestiæ, quæ in mari, id est in aquis, veluti pisces nascuntur. Videmus enim multos actus, quos non homines tantum sed & bruta faciunt, ut & his Jus naturæ quodammodo inesse videatur. Dico *quodammodo*, hoc est improprie, anaphoricè, & similitudine quâdam, quia videlicet bruta ad similitudinem hominum idem subinde faciunt, quod homines. Hujus rei exempla hîc in principio tria prostant, puta, maris & feminae conjunctio, liberorum procreatio, & educatio. Non enim homines solummodo, sed & bruta ex instinctu quodam naturali inter se conjunguntur, progenerant, & educant. Alio tamen modo id faciunt homines, alio bruta. Illi cum temperamento & ductu rationis; Hæc ex solo impulsu & instinctu naturali, ut brutis Jus naturale materialiter, hominibus formaliter inesse dicatur. Quod ut reddatur luculentius,

**2** Observa, *Materialiter* Jus naturale illis dici inesse, qui ex mero impulsu atque impetu naturæ aliquid agunt. *Formaliter* verò jus naturale illis inesse, qui jure, & recta ratione aliquid faciunt, sic, quia bruta solo & mero impetu naturæ promiscuè commiscantur, jus naturale dicitur il-

lis inesse materialiter. Homines verò quia conjunguntur cum ductu rationis, quæ dicat etiam in maris, & feminae conjunctione honestatem observandam esse juxta illud: *Nolite fieri sicut equus & mulus, quibus non est intellectus. Psalm. 21. vers. 9.* idèò jus naturale in homines dicitur formaliter cadere. Hinc,

Non obstat primò, si dicas. Solus homo particeps est rationis, in brutis verò nulla est ratio. *L. 1. §. ait Praetor. 3. ff. si quadrup. paup. sec. dicat.* Ergo jus naturale non cadit in bruta. Siquidem, Respondetur distinguendo consequens. Ergò jus naturale non cadit in bruta formaliter, concedo, materialiter, nego consequentiam.

Non adversatur secundò *tex. Instit. hic*, ubi dicitur: *Cetera quoque animalia istius Juris peritia*, sive ut alii rectius legunt, *perita censei*, quia sensus est, ut materialiter, non formaliter perita censeantur. *Clarissimus D. Doctor. Fronz. Instit. h. t. n. 6. Schambog. Instit. hic. vers. Dices. n. 6. Vinn.. Inst. hic.*

Non refragatur tertio quod ex dictis sequeretur, bibere, edere, dormire, vigiliare, currere, quiescere esse actus Juris naturalis, sed hoc est absurdum dicere, ergò. Enim verò Respondetur negando sequelam majoris, quæ negatio ut verificetur,

Nota, actus Juris naturalis illos dici, quos homo exercet ex instinctu naturæ & simul cum ductu rationis, brutum verò ex solo impulsu naturæ. Contrà autem actus illos nuncupari naturales tantum, quos homo ex solo naturæ impulsu facit, & sine ductu rationis, quæ dicat etiam in maris & feminae conjunctione honestatis observantiam, idèò maris & feminae



minæ conjunctio dicitur actus juris  
 6 naturalis. Contrà verò edere, bibere, vigilare, currere, & quiescere sunt actus dumtaxat naturales, quia homo & brutum istos actus ex solo naturæ impulsu exercet. In summa ( ut multa paucis concludam ) & tu intelligas, an actus dicatur naturalis tantum, an vero juris naturalis, hoc tibi principium cape. Si homo aliquid facit ex instinctu naturæ, & simul cum ductu rationis, & idem facit brutum ex sola naturali incitatione, tunc id erit juris naturalis. Quòd si verò homo aliquid non jure faciat, & idem faciat brutum ex impetu naturæ, non erit actus juris naturalis, sed erit actus naturalis tantum. *Harp. n. 2. hic Hum. var. resolut. lib. 1. tract. 1. q. 19. Et 20. Manz. n. 14. htc.*

Unde Zoës. ad ff. b. t. n. 25. more suo solidè asserit, quòd definitio Juris naturalis hunc quasi sensum recipiat: *Jus naturale est, quod versatur circa ea, quæ bruta appetunt solo instinctu, Et inclinatione naturæ, homines autem Jure Et ductu rationis.* Advertitis modò edere, bibere, dormire, vigilare, & id genus actus esse tantum naturales: contrà vero v. g. defensionem sui esse actum Juris naturalis, quoniam homo & brutum adversus vim illatam se defendit, vim vique repellit. Brutum ex solo impetu naturæ, homo ex instinctu naturæ, & cum temperamento rationis, quia videlicet servat moderamen inculpatæ tutelæ, & vim vi repellit, si aliter se defendere nequeat juxta *L. scientiam 45. §. qui cum aliter. 4 ff. ad leg. Aquil.*

Non obstat quartò, quod in princip. *Inst. de nupt.* matrimonium dicatur esse Juris civilis, & apud nos Catholicos sit

unum ex septem Sacramentis, ut proinde malè dicatur omnium animalium proprium esse. Respondetur enim, matrimonium diversi Juris esse. Nam consideratum ut maris & femine conjunctio, ex solo instinctu naturali, quòd moventur homines pro suscipienda prole, proveniens, erit Juris naturalis; consideratum verò quoad animorum consensum, erit juris gentium, sicuti cæteri contractus, qui consensu perficiuntur, Juris gentium esse dicuntur. Quoad formam verò à lege præscriptam, quatenus scilicet inter certas personas, & certo tempore est prohibitum, erit Juris civilis. Quoad Institutionem in paradiso Juris Divini, quoad gratiam denique Sacramentum est. *Mynsing. n. 15. htc.* Alii non nihil aliter respondent, & dicunt matrimonium quoad ortum, & originem censeri Juris naturæ, quoad formam & effectum partim Juris gentium, partim Juris civilis *Manz. Inst. htc n. 27.*

#### §. JUS AUTEM CIVILE I. CUM §. SEQUENT

**D**ispeximus, quid sit Jus naturale, sequitur: quid sit Jus gentium, & civile: cum verò Jus gentium antiquitate præcedat civile, ideò ab illo meritò exordium duxi; & quidem,  
 7 Quæritur hic, quid sit Jus gentium? Respondet Imperator hic, Jus gentium illud esse, quod naturalis ratio inter omnes homines constituit, & apud omnes populos peræquè custoditur. Differt à Jure naturali, quod illud omnibus animalibus, hoc solis hominibus inter se commune sit. *L. 1. §. fin. ff. de J. Et J.* Unde si quid videas apud omnes gentes & populos pro Jure usurpatum, ita tamen, ut

ejus simulacra, & aliqualem observantiam etiam apud cætera animalia reperias, tunc illud judicabis esse juris naturæ, si verò animadvertas, aliquid passim observari apud omnes homines, nihil tamen simile apud cæteras animantes, tunc dices esse Juris gentium, *Manz. Instit. htc. n. 6.*

9 **Exempla Juris gentium varia videas à Doctoribus poni.**

**Primum est Religio erga Deum L. n. ff. de J. & J. ratio**, quia Deum aliquem esse, qui religiosè nobis colendus & metuendus sit, ratio naturalis omnibus gentibus dictavit. Unde eleganter *Cicero lib. 2. de nat. Deor. omnibus*, inquit innatum est, & in animo quasi insculptum, esse Deos; quales sint, varium est, esse nemo negat.

Secundum exemplum est pietas & observantia in patriam, & parentes *d. l. 2. ff. de J. & J.* ipsa enim ratio naturalis præcipit, ut parentibus & patriæ pareamus, reverentiam exhibeamus, atque pietatem *d. l. 2.* Ita tamen ut patriæ potius, quam parentibus parendum sit. *L. 19. §. filius 7. ff. de captiv. & postlim. revers. & l. minime 35. ff. de religiof. & sumpt. fun.* Ubi dicitur, quòd filius impune patrem, qui ad delendam patriam venit, occidere possit, imò ea propter præmiis afficiendus sit. *Schneid. n. 8. hic Brunnem in. d. l. 35.* Rationem hujus ut intelligas, illud tibi nota generale principium, & memoriâ tenaci serva: si emergat casu, in quo duo præcepta naturalia conveniunt, & invicem colliduntur, ita ut ambo servari nequeant, tunc præceptum inferius cedit præcepto naturæ superiori. Sic cum in casu *d. l. 35.* concurrat unum præceptum naturæ, ne occidas: & alterum ut patria servetur: ut illud autem præceptum, quod salutem patriæ intendit, si superioris, id præceptum, non occides, ut-

potè inferius, eidem cedit. Huc respexisse videtur *Clariff. D. P. Konig. ad Decret. de præscript. n. 4.* ubi ait, quotiescunque concurrunt duæ rationes naturales, illa vincit aliam, quæ fortior est, quæque majori nititur fundamento ob publicam reipublicæ utilitatem. Cõcordat *Clariff. D. Franz. Instit. h. t. n. 28.*

Dices. Non tantum homines, sed cæteræ quoque animantes habent aliquem affectum, amorem & reverentiam in parentes, sic, ut taceam, quod de ciconia referunt, utputa dicitur alere suos parentes, ergò pietas in parentes non erit actus Juris gentium, sed juris naturalis. Respondetur id non esse regula in cæteris animantibus, neque eâ ratione ab iis fieri, ut pietatem, reverentiam, & obedientiam præstent, *Manz. Instit. htc n. 9. Schamb. Inst. h. t. q. 6. vers. dices.*

Jus gentium passim dividitur in *primævum, & secundævum*. Primævum vocant, quod naturalis ratio inter omnes homines constituit, sive (ut clariùs loquar) quod nullâ utilitatis, vel necessitatis causâ urgente, à mera naturali ratione ortum habet, & ab omnibus gentibus propter vim naturalis æquitatis receptum & approbatum est.

Huc spectat Religio in Deum, pietas in patriam, reverentia in parentes. Item vulgares illæ regulæ, quod tibi non vis fieri, alteri ne feceris: nihil magis fidei humanæ congruit, quàm ea, quæ placuerunt, custodire: benefacienti naturale est, ut beneficiamus. Hæc & id genus alia principia dicuntur esse Juris gentium primævi, quia primò ævo, hoc est ab initio statim creationis nostræ animis nostris divinâ quadam vi insita sunt, & insculpta. *Mynsing. n. 8. htc. Schneid. n. 4. Manz. n. 14.*

Jus gentium secundævum appellant, 10 quod usu, & humanis necessitatibus exigen-

exigentibus introductum est. Huc revocant distinctiones dominiorum, bella, captivitates, servitutes &c. Ab initio enim & primordio mundi omnia fuerunt communia: cum verò postea ratione dominiorum exorirentur magnæ lites, discordiæ & rixæ ideò naturalis ratio dictavit, ut pro conservanda reipublicæ tranquillitate fieret distinctio dominii, & cuique aliquid proprium assignaretur. Hinc dominia rerum fuerunt distincta, regna condita, agri terminis separati, ædificia posita &c.

Bella autem introducta sunt, ut fortes punirentur, personæ & res nostræ defenderentur. Ex bellis deinde secutæ sunt captivitates, & servitutes, de quibus suò locò.

Spectant quoque ad jus gentium secundæum (si tamen detur) ferè omnes contractus, quia ad commodam rem & officiorum in civili societate communicationem necessarii & idonei si sunt. Tales sunt emptio, venditio, catio, conductio, societas, depositum, commodatum, mutuum, &c. Hi in contractus apud omnes peræquèntes communes sunt, ut proinde quorum originem Juri gentium rectè accensetur. Dixi ferè omnes, reperiuntur enim aliqui, qui à jure civili fuerunt inducti, veluti stipulatio, literarum obligatio, sponsalicia largitas, & ut alii volunt, contractus emphyteuticus, quibus in decursu suò locò agemus. Controversia non levis est, an divi Juri gentium in primæum & secundæum admitenda sit?

Affirmativam utrâque manu propugnat Bachov. aitque judicium carere, qui actionem hæc non ferunt, eidem agantur. *Tæul. vol. 1. disp. 1. th. 1. D. Schneil. n. 6. Manz. n. 10. §. 5. Arונה. exercit. 1. th. 14. Vinn.*

*Inst. hic num. 4. Hertog. Inst. h. t. n. 6.*

Moventur primò, quia unius ejusdemque rei non potest dari duplex & diversa definitio, sed si memorata distinctio non admitteretur, daretur unius ejusdemque rei, videlicet Juri gentium, duplex & diversa definitio, ergò. *Minor ostenditur. In §. 1. hic dicitur Jus gentium illud esse, quod naturalis ratio inter omnes homines constituit. Et in §. 2. Illud Jus gentium esse dicitur, quod usu exigente, & humanis necessitatibus constitutum est.*

Moventur secundò per *L. 1. ff. de A. R. D.* ubi dicitur antiquius Jus gentium; ergò debet dari minùs antiquum, quod est secundæum.

Moventur tertio per *d. §. 2. h. t.* ubi dicitur: *usu exigente & humanis necessitatibus gentes sibi Jura constituerunt.* Atqui constituere est aliquid novi statuere; ergò datur Jus gentium secundæum.

Moventur quartò, bella, captivitates, servitutes dicuntur esse contra naturam §. 2. *Inst. hic. art. 5. tr. de jure pers.* ergò Juri gentium non possunt attribui, nisi dicatur dari duplex Jus gentium; aliàs sequeretur, quod idem Jus dictaret contraria.

Moventur quintò per §. 11. *Inst. de R. D.* ubi Jus gentium illud dicitur, quod rerum natura cum ipso humano genere prodidit; ergò datur Jus gentium, aliàs bella, captivitates, dominiorum distinctiones Juri gentium accenseri non possent.

Negativæ subscribunt *Schamb. Inst. h. t. quest. 4. Ludwel. Inst. h. t. n. 3. Zoëf. ad ff. de J. §. J. num. 33. Harp. num. 7. Covarruv. in cap. peccatum p. 2. §. 11. num. 3. Clariss. DD. Franc. Inst. h. t. p. 2. num. 5. pro hac sententia.*

Facit primò. Quòd in Jure nostro non nisi unius Juri gentium fiat men-

tio §. 1. & 2. *hic. l. 1. §. 4. ff. de J. & J. l. 6. ff. eod.* ergo propria autoritate nova divisio statuenda non est, præcipue quia entia non sunt multiplicanda sine necessitate.

Facit secundò. Quòd aliàs Jus naturale & gentium perperam confunderentur, ut considerari patet.

Facit tertio. Quòd ratio naturalis, quæ constituit Jus gentium, tempore variari non possit; ergò datur unum duntaxat Jus gentium, quia ratio naturalis semper manet eadem. Et hoc ipsum fundamentum est, quod me in negativam trahit.

Argumenta contraria nullo labore diluuntur. Et

- 12 Primum quidem adminiculò distinctionis eliditur, daretur unius ejusdemque rei videlicet Juris gentium duplex & diversa definitio re ipsa, *nego minorem*, verbis, *concedo minorem*, & *nego consequentiam*. *In cit. §. 2.* Non nova proponitur definitio, sed Juris gentium *in §. 1.* definiti origo subjicitur, & effectus, sive exempla proponuntur, quomodo videlicet id, quod naturalis ratio dictavit, in effectum deductum, & executioni mandatum sit.

Secundum exinde ruit, quòd Jus gentium ibi antiquius dicatur nò ad differentiam alterius Juris gentium minus antiqui, sed respectu Juris civilis, quòd Jus gentium antiquius esse palam est ex §. 11. *Inst. de R. D.*

Tertium prosternitur ex responsione ad primum, sensus enim est, usu exigente, & necessitatibus humanis gentes sibi jura constituerunt, id est in effectum, in praxim redegerunt, quod naturalis ratio prius à primo ævo dictavit. Jus gentium extitit antequàm bella, captivitates, & distinctiones rerum introductæ fuerant; sed effectus Juris gentium

nondum erat, quia circumstantiæ temporum non exigebant bella moveri, captivitates fieri, & rerum distinctiones statui. Sanè si primordiali mundi tempore ob rerum dominia reipublicæ tranquillitas per rixas & discordias periculata fuisset, prout ex post facto contigit, Jus gentium jam tunc extitisset. Rem ab instantia solidè declarat *Schamb. loc. cit.* ponamus, inquit, legem latam, ne quis evehat frumentum sub pœna 100. fac quòd nullus per centum annos in legem impingat, sequiturne exinde legem poenalem latam non fuisse? Ita quoque in primordio mundi bella non erant necessaria, sequiturne exinde Jus gentium tunc temporis non fuisse? Sanè fuit, puta, in actu primo.

Ad quartum Respondetur, tunc temporis, puta, quando nondum exoriebantur discordiæ, bella, & captivitates fuisse contra rationem naturalem. Ex post facto autem, ubi tranquillitas reipublicæ exigebat moveri bella, & induci captivitates, non tam fuerunt contra naturalem rationem, quàm ex ratione naturali, quæ in necessariis nunquam deficit. Diversus rerum status, & circumstantiæ temporum quandoque faciunt, ut, quod prius rationi videbatur contrarium, ex post facto conforme censeatur.

Ad quintum Respondetur, non nunquam Jus gentium ratione appellationis cum naturali quodammodo confundi, prout in *d. §. 11.* contingit, quod nos parum angit: §. 1. enim *hic*, & *fin. de J. & J.* nec non *L. 1. ff. eod.* diligentissime separantur.

ADVERS. NAM QUOD QUI SQUE.

Q Uæritur hic, quid sit jus civile? 13 Respondetur, esse illud, quod quilibet populus sibi ipsi constituit, vel quod



quod quævis civitas sibi proprium fecit. Sic jus, quod cives Romani utuntur, Jus civile Romanum: Jus, quod Athenienses utuntur, Jus civile Atheniense: quod populus Austriacus utitur, Jus civile Austriacum vocatur. Illud verò quod una quæque civitas sibi proprium constituit, nomine magis proprio statutum seu jus municipale nuncupatur. *Chlengen. p. Inst. h. t. §. 5.* Quoties autè simpliciter sine aliquo adjuncto Jus civile pronuntiatur, toties per aliquam præminentiam & antonomasiam intelligitur *Jus civile Romanum*; nomen enim æquivocum semper capitur in partem digniorem, & intelligitur in dubio id, quod est præcipuum, sicuti generali Poëtæ pronuntiatione apud Græcos intelligitur Homerus: apud Latinos Virgilius, *text. hic.*

#### §. C O N S T A T A U T E M. 3.

**14** *D*ividitur Jus civile in *scriptum & non scriptum*. Illud est, quod expresso summæ potestatis consensu in utilitatem subditorum constitutum est. Hoc est, quod tacito summæ potestatis consensu approbatum est, & aliò nomine vocatur consuetudo.

Species Juris scripti sex occurrunt, puta, lex, plebiscitum, Senatus Consultum, constitutio Principum, edicta Magistratuum, responsa prudentum, *text. hic.*

#### §. L E X E S T 4.

**15** *L*ex relatè spectata, hoc est cum respectu ad statum popularem reipublicæ Romanæ dicitur esse id, quod populus Romanus Senatorio Magistratu interrogante, veluti consule, constituit; erat enim tunc temporis summa potestas penes populum, qui in comitia vocatus interrogabatur à Magistratu: *velitis, jubentis Quirites*, & si antiquare legem volebant, respondebant per litteram A. si vero legem probabant, per litteram V. R. *Res ad instituta.*

id est, uti rogas. *Vinn. In th. hic Zies. ff. de leg. n. 3.*

Observa hic, statum Reipublicæ triplicem esse, videlicet Monarchiæ, Aristocratæ, & Democratiæ. Status Monarchiæ est, quando Jura Majestatis, & potestatis resident penes unum & solum. Ut fit in Romano Imperio, Gallia, Hispania, &c. Status Aristocratæ, quando jura Majestatis & potestatis resident penes optimates, uti apud Venetos, &c. Status Democratiæ est, quando tota Majestas & potestas residet apud populum, prout olim apud Romanos contigit, quando nimirum Reges fuere expulsi. Qui duo posteriores status statui Monarchico longè posthabendi sunt, plures enim imperare malum est, regnumque non capit duos,

*Et summo dulcius unum*

*Stare loco, sociisque comes discordia regni.*

Hinc cum Darius Alexandrum ad divisionem Asiæ sollicitasset, illud in responsum tulit; *nec mundum duos reges tolerare, duo enim si essent soles, incendiò omnia perderentur*. Præterea decantatum factis est, quod communio soleat excitare discordias *l. 77. §. 20. ff. de Leg. art. 2.*

*Segnius expediant commissa negotia plures.*

Taceo, quod status Monarchicus naturam ipsam vel maximè imitetur; videmus enim ab ipso naturæ ortu apibus unum duntaxat Regem, diei unum solè, & unam nocti lunam præesse.

Itaque tradita legis definitio nō statui Monarchico, qui hodie in Imperio Romano viget, sed democratico, qui tunc temporis erat, consentanea est. Ut moderno tempore, postea quam à populo Romano per legem Regiam, de qua vide *Manz. Inst. h. t. §. 6. n. 8.* omnis Majestas, potestasve in Octavianum Augustum transfusa fuit, lex concinnè definiti possit, quod



quod sit commune præceptum in bonum publicum ab habente potestatem ordinatum.

**17** Dividitur lex in *præceptivam & penalem*. Præceptiva est, quæ aliquid absolute & simpliciter præcipitur, vel prohibetur. Pœnalis, quæ transgressori Pœna aut multa injungitur. Hæc subdividitur in *mere penalem & mixtam*. Merè pœnalis appellatur, quæ solius pœnæ mentionem injicit, absque hoc, quod præcipiat aliquid aut prohibeat, veluti si dicat legislator: *qui exportaverit frumentum, sex aureis mulcabitur*. Mixtam voco, quæ duo membra continet, in quorum uno præcipitur aliquid aut vetatur, in altero pœna præfigitur transgressoribus veluti si dicat legislator: *Nemo deinceps frumentum evehat; qui evexerit, sex aureis mulcabitur*.

**18** Ut lex officium suum sortiatur, desideratur primò, ut feratur ab eo, qui vim cogendi habet, cum enim lex sit præceptum, vana foret legis ira sine coactis jure & potestate. Unde superior sit ille, qui præcipit, quam, cui præcipitur, necesse est, par enim in parem non habet imperium *cap. 20. §. 8. de elect. l. 3. §. ult. & l. 4. ff. de recept. qui arbit. Barboz. Axiomat. l. 14. cap. 5. axiom. 6.*

Sic in Monarchia summus Princeps veluti in Romano nostro Imperio Imperator, in Aristocratia optimates, in Democratia universus populus legis condendæ habet potestatem. Imò & Electores, Principes, atque cæteri Imperii status tam Ecclesiastici quàm sæculares potestatem habent condendi leges locales, seu provinciales, licet juri communi contrarias, siquidem vulgata regula est, quod quilibet Princeps in suo territorio tantum possit, quantum Imperator in imperio *Bart. in L. infamem ff. de publ. jud. Gail. lib. 1. cap. 6. n. 10. de pace publ. cla-*

*riss. D. P. Robert. Konig. tit. 1. de constitut. n. 9.* Cæteri dynastæ, collegia, communitates, seu universitates condere jura non possunt, nisi ex principis concessione expressa vel tacita ferendæ legis potestatem habeant, *Clariss. D. Franz. Inst. h. t. p. 3. n. 3.*

Secundò requiritur, ut lex sit justa, **19** hoc est, sit lata in commune bonum. Unde non illa duntaxat lex justa erit, quæ versatur circa materiam honestam, verum etiam inhonestam, dummodo legislator intendat commune bonum: sic lupanaria sive usus Scortorum permixtus, usurarum exercitium licitum, cædes uxoris in adulterio deprehensæ concessa. Tamen si enī ista in se mala sint, lex tamen justa est, quæ illa permittit, eo quod perinde intendat commune bonum, scilicet ut evitentur mala &c. siquidem lupanaria permittit, ut evitentur adulteria, incestus, &c. Usuræ licitæ, ut indigentibus succurratur, cædes adulteræ conjugis concessa, ut metu mortis concussa sacrum matrimonii vinculum inviolabiliter custodiat, nec facile in alterius vota libidini habenas licentius dispenset. Vides proinde, quod isti actus à lege non foveantur quā illiciti, nec ab ea præcipiantur, sed tantum non puniantur, & castigentur ad evitanda majora mala. *cap. 1. dist. 13. Zoës. ff. de leg. n. 7. Cla. iss. D. Franz. loc. cit. n. 8.*

Tertiò requiritur, ut lex sit stabilis, & perpetua, *cap. fin. §. de offic. legat.* unde statuta temporalia legis naturam non obtinent, *Zoës. ff. de leg. n. 8. Schamb. Inst. h. t. §. 4. vers. requisita.*

Dices, Viennæ frequenter abrogantur leges latæ; ergò non est necesse, ut lex sit stabilis, & perpetua. Respondetur, non hoc sensu legem debere esse stabilem, & perpetuam, ut æternum dureret, sed

sed tam diu, donec reipublicæ utilis est; & proficua, si talis esse desinat, recte mutatur.

Quartò ad legem requiritur publica & sollemnis promulgatio sive per præconem, sive aliò modò idoneò facta *l. 9. cod. de leg. nov. 66. cap. 1.* ratio, quia lex est regula humanorum actuum, quæ non dirigit, nisi applicetur, applicatur autem per promulgationem, ut obligare nequeat, nisi iis sufficienter proposita quibus fertur, cum ad incognitum nemo teneatur, *Zoëf. loc. cit. n. 10.* & tametsi promulgatio solenniter facta sit, ex tamen ante lapsum duorum mensium à facta publicatione, nisi aliter à principe determinetur, non obligat *de ov. cap. 1.* his verbis: *ut autem apertius ab hac causa declaretur, sancimus, si scripta fuerit, hujusmodi lex, hanc post duos menses dari ei temporis valere.* *Suarez. lib. de ll. cap. 13. num. 10. Haunold. d. J. § J. tr. 1. cap. 1. cont. 2. n. 14. P. Engl. l. tit. constit. §. 4. num. 64. Clariss. D. Konig. b. t. §. 9. num. 20. Menoch. lib. arbitr. cas. 185. n. 7.*

Quæres primò, an lex ante promulgationem obliget eum, qui scit eam esse conceptam? Respondetur negative. *cf. ff. 65. loc. cit. n. n. 11. P. Engl. n. Menoch. loc. cit. num. 20.*

ratio prima, quia de substantia legis, ut promulgetur; ergò ante promulgationem vim & effectum legis non habet, adeòque non obligat. *Argum. d. l. cod. de ll.*

ratio secunda, quia lex est præceptum commune; ergo non debet unum gare præ ceteris, eique libertatem concessam auferre.

non obstat, *cap. 1. de postulat. Prælat.* in hæc verba rescribitur: *Sufficit, ut institutionis observantiam teneatur, noverit eam sollemniter editam, aut*

*publicè promulgatam.* Ergò obligat ante promulgationem; sufficit enim, quòd edita, hoc est concepta sit. Respondetur, sensum legis esse, quòd sufficiat, si legem esse editam vel promulgatam noverit, & non requiratur ad hoc, ut obliget, ut singulis per mandatum speciale insinuetur.

Possis etiam dicere, ly *aut* sumendum esse pro *seu*, ut sensus sit, cum constitutio solenniter editur, seu publicè promulgatur. Ex dictis,

Colliges, quòd is, qui ex privata notitia pretium tritici paulo post minuendum, aut valorem monetæ scit decreturum, ante promulgationem legis triticum currenti pretiò vendere, aut monetam eò valore, quò defacto currit, expendere possit, talis enim non agit contra novam legem, utpote quæ necdum nova dici potest, quia nondum promulgata, nec etiam agit contra Justitiam, aut æquitatem. Non contra justitiam: quia utitur jure suo nec alterum lædit, quia emptor non habet jus, vi cujus venditori dari posset minus pretium. Non contra æquitatem, quia servatur æqualitas inter mercem, & pretium, nam, uti suppono, rem vendidit, eò pretiò, quo vendi solet. *Confer. Meno l. de arbitr. lib. 2. cas. 185. n. 20. & seq.*

Dices, qui scit privatim & solus, vinum, quod vendit, non diu mansurum in suo vigore, non potest currenti pretiò vendere: *L. 13. de act. empt.* ergò etiam qui scit, monetam non diu mansuram in suo valore, non poterit eam præsentem valore expendere. Respondetur concedendo antecedens, negando consequentiam. Disparitas est, quòd in priori casu subest vitium internum, ad quod indicandum venditor tenetur, in posteriori verò casu subest tantum vitium externum scilicet ætimationis, quæ de-

pendet à taxatione Principis.

Quæres 2. An acceptatio subditorum ad valorem legis requiratur.

Dixeris prima fronte requiri. Ita res ipsa docent *Clariff. D. P. Konig. ad tit. de constit. §. 9. n. 11. Navar. de constit. consil. 1. quæst. 1. à Sometting. Inst. b. tit. num. 76.*

Moventur primò, per *can. 3. §. leges. distinct. 4.* ubi in hæc verba rescribitur: *leges firmantur, cum moribus utentium approbantur.*

Secundò: per *l. 32. §. 1. ff. de LL.* ubi dicitur: *leges nullâ aliâ ratione nos tenent, quàm quòd iudiciò populi recepta sunt.*

Tertiò, Quia quotidie auribus nostris percipimus, quòd nonnullæ leges etiam Ecclesiasticæ non sint receptæ, v. g. hæc Bulla non est recepta, hæc etiam non, item Concilium quoque Tridentinum non est receptum in Gallia, neque in Hungaria; ergò patet, quòd lex non obliget, nisi acceptetur.

Verùm his argumentis ita non moveor, quin potius statuam, acceptationem subditorum ad valorem legis nequaquam requiri; ita docent, *Molina de J. & J. disp. 23. Laym. Theol. Mor. lib. 1. tr. 4. cap. 3. n. 1. Glettle Jurispr. fundam. lib. 1. tit. 2. cap. 4. §. 7. num. 16. Engl. loc. cit. §. 4. n. 68. Zoës. de lo. n. 13.*

Ratio sola, sed solida est, quòd Princeps habeat potestatem obligandi, quâ utique careret, si subditorum acceptatio ad efficaciam legis requireretur.

- 23 Ad primum respondetur, primò quòd adductus textus §. *leges* sit Gratiani, cuius autoritas non habet vigorem legis. Respondetur secundò, leges firmantur: cum moribus utentium comprobantur firmitate accidentali extrinsecâ, conceditur, substantiali & intrinsecâ, negatur.

Id saltem mores utentium operantur, ne lex desuetudine & consuetudine contraria evertatur.

Ad secundum respondetur, illam *le. 24* gem intelligendam esse de statu democratico, quando scilicet potestas leges ferendi penes populum Romanum fuit.

Non obstat, quòd reponunt antagonistæ videlicet *d. l. 32.* de eo tempore loqui, quò vixit Jctus Julianus author *d. l. 32.* atqui Jctus vixit tempore Monarchiæ Antonini Pii, & Adriani *l. 2. ff. de orig. Jur.* ergò. &c.. Siquidem retorquetur argumentum, etiam tempore Monarchiæ Justiniani Tribonianus in *§. 4. hic.* legem definivit, *quam populus Romanus Senatorio Magistratu interrogante constituit*, nò tamè hæc definitio Monarchiæ convenit, sed qualis in Democratia lex fuerit, insinuare voluit, ergò etiam Julianus significare voluit, qualis lex tempore præterito valida fuerit.

Ad tertium respondetur, non hoc sensu Concilium Tridentinum dicitur non esse receptum, quòd acceptatio populi intervenerit, sed quia gravamen obtinet, nec S. Pontifex acceptationem urget, quam si urgeret, etiam si populus recusaret, tamen lex obligaret, cum verò illam non urgeat, dicitur suspensa.

Quæres tertiò, an ad substantiam legis sive Juris scripti, requiratur scriptura?

Pro affirmativa stant hæc fundamenta.

Primò, quia lex à legendo deducitur, ergò debet in scripturam redigi, aliàs legi non potest,

Secundò in *§. singulorum 11. Inst. de R. D.* dicitur *Civilia jura tunc esse caperunt, cum civitates condi, & leges scribi ceperunt.* Ly scribi aperte denotat ad legis substantiam requiri scripturam.

Tertiò.

**Tertiò.** In. *humanum* §. *Cod. de LL.* dicitur, legem dictari debere; ergò debet etiam scribi, quia dictatura est præambula ad scripturam, dictare enim nihil est aliud, quàm tractim aliquid pronuntiare, ut calamò excipi possit.

**Quartò.** Sententia judicis non valet nisi scripta. *L. 2. Cod. de sent. ex peric. recit.* Ergo etiam legis promulgatio non valebit, nisi scripta.

**Quintò.** Albedo est de essentia muri albi; ergo etiam scriptura est de essentia Juris scripti.

25 His nihil moventibus negativæ subscribo, quam tuentur, *Marp. §. 6. Inst. b. t. n. 34. Hum. var. resol. lib. 1. tr. 1. q. 22. Zoëf. ff. de LL. n. 14. Bachov. hyst. htc.*

**Primò,** quia Jus scriptum illud est, quod expressò sumæ potestatis consensu inutilitatem subditorum constitutum est; ergò scriptura non est de essentia Juris scripti, cum ille consensus sine scriptura etiam vivâ voce promulgari possit.

**Secundò,** quia Lacedemonii leges nunquam in scripturam redegerunt, sed memoriæ mandârunt, §. 10. *Inst. b. t.* imò teste Plutarcho in vita Licurgi in aliqua lege disertè cautum fuit, ne leges in scripturam redigerentur, & tamen Lacedemonii Jure scriptò utebantur, quia sine expresso Spartanorum consensu, quos de singulis legibus rogârunt, non valebant; ergò Jus scriptum sine scriptura datur.

Non dicas Lacedemoniorum leges tantum consuetudines fuisse? quia ad consuetudinem requiritur (ut alia requisita sileam, ex quibus luculentum fieret consuetudines non fuisse) tacitus populi consensus, atqui diximus, expressum Spartanorum consensum necessarium fuisse; Ergò &c.

**Tertiò,** quia Jus scriptum existit,

antequàm scripturæ, & litterarum peritia adinventâ fuit, quoniam cum ipsis civitatibus cœpit §. 11. *de Inst. R. D.* sed nemo negat litterarum inventionem origine civitatum esse juniorem, ergò.

Argumenta contraria Cleantis ad Lucernum composita non sunt, & quidem Primum exinde convellitur, quòd<sup>26</sup> etymon legis non à legendo, sed ligando descendat. Et dato, non concessò, legem à legendo deduci, non tamen sequitur necesse esse, ut legatur, & sic adminiculò scripturæ promulgetur, quia legere etiam si eligere significat, ut lex plurimis regulis quasi selecta esse dicatur.

**Ad secundum** Respondetur, ly, scribi sumendum esse pro sanciri, implicat enim in memorato textu pro ratione scripturæ sumi posse, cùm tunc temporis ars scribendi nondum extiterit. Accedit, quòd verbum *Graphêin* non semper scribere significet, sed discernere, sancire, statuere.

**Ad tertium** Respondetur *d. l. 8.* non esse necessitatis; sed voluntatis, si scilicet placuerit, leges dictare & in scripturam redigere. Sanè videas hodie plerumque adminiculò scripturæ leges promulgari, non tamen scitè dixeris, id fieri ex necessitate.

**Ad quartum** Respondetur concedendo antecedens, negando consequentiam. Differentiæ ratio est, quia scripturâ in sententia judicis non interveniente Judice daretur occasio sententiam, quam tulit, mutandi, aut corrigendi, utpotè quòd in publicatione sententiæ subinde contingat, non adesse frequentiam hominum. Secus est in lege, ubi mutatio facilè metuenda non est, cum leges publice ferantur & universo populo intimentur, ut nullum subsit periculum,



fore, ut mutetur, emendetur, aut corrigatur.

Quantum argumentum philosophorum responsum meretur, enim verò ut lex concretivè scripta dicatur, utique opus est scripturâ, sed negatur suppositum, illud Jus scriptum appellari, quod in scriptura, sed quod expressò consensu summæ potestatis consistit.

- 27 Effectus legis est obligatio ad ejus observantiam *l. 2. ff. 3. Cod. de LL.* Et quidem de facto lex omnis propriè dicta obligat etiam in foro conscientiæ, ita ut hoc aliquibus videatur esse de fide. *Suarez. lib. 3. de LL. cap. 22. num. 9. Clariss. D. P. Konig. lib. 1. tit. 2. num. 33.* Ratio est, quia subditi tenentur etiam in conscientia obedire suis superioribus juxta præcipientibus, idque ex præcepto divino, & naturali, nam ut ait *Apost. ad Rom. 13. qui potestati* (intellige humanæ) *resistit, Dei ordinationi resistit qui autem resistunt, ipsi sibi damnationem acquirunt.*

- 28 Excipitur lex purè pœnalis, & mixta, in quantum pœnalis est, hæ enim leges non obligant ad pœnam ante sententiam Judicis declaratoriam. *L. 27. in ff. de Jure Fisci c. 19. §. fin. de Heret. in 6.* Ratio, quia non videtur rationi consentaneum, ut reus sit sui ipsius accusator, & pœnæ suæ proprius ultor & executor. *Covar. in Epitom. p. 2. c. 6. 8. n. 10. P. Engl. §. 3. ad tit. de constit. num. 42.* Confer *Glettle p. 1. select. quæst. 3. §. 4.* Ubi solidè discurret, quæ lex & qualiter in foro conscientiæ obligationem ponat.

- 29 Secunda juris scripti species est plebiscitum, quod illud esse dicitur, quod plebs plebejo Magistratu interrogante constituebat. Quemadmodum enim Senatorius Magistratus à populo universo legem: ita Magistratus plebejus veluti

Tribunus à plebe plebiscitum rogabat. His fortè verbis. *Quid fieri velit vos Quirites rogo, & plebs respondebat, sic volumus, jubemusque.* Differt plebs à populo sicuti pars à toto: appellatione populi liquidem universi cives, & simul etiam patricii designantur: vocabulò plebis verò cives reliqui sine patriciis designantur, *text. hlc.*

#### §. SENATUS CONSULTUM §.

**T**ertia Juris Civilis Romani species<sup>30</sup> est Senatus Consultum, diciturque illud, quod Senatus jubet, atque constituit. Causa quòd introductum fuerit, & ratio est, quòd difficile esset populum Romanum, qui vehementer auctus fuerat, in unum convocare, ut proinde Senatus locò populi consuli inceperit.<sup>31</sup> *tex. hlc.*

#### §. SED ET QUOD. 6.

**Q**uarta Juris scripti species est principis placitum, seu constitutio principis, quod enim Principi placet animò condendi legem, legis habet vigorem.

Constitutio Principis alia est generalis, alia specialis. Constitutio generalis est, quæ omnes Principis subditos ligat. Hujus constitutionis tres occurrunt species, rescriptum, decretum, edictum.

Rescriptum est responsum, quod Princeps ad supplicationem vel epistolam consulentium emittit. Exempla rescriptorum reperire est in *§. ult. de his, qui sui vel alieni Juris sunt §. 4. Inst. de fidejuss. Harp. n. 25. hlc. Manz. n. 17.*

Decretum est sententia, qua Princeps causam inter subditos controversam determinat.

Dubitatur, an vim Juris universalis<sup>33</sup> habeat? Respondetur, interesse, an sit sententia definitiva, an interlocutoria.

Definitiva vim legis universalis habet.<sup>34</sup> *l. fin.*



*l. fin. in pr. Cod. de LL. § l. 1. §. 1. ff. de consit. Princip.* Hæc enim est instar regulæ, & libræ Architectonicæ, quam Judices inferiores sequantur. *Manz. n. 21. hic Clariss. D. Franz. p. 3. Inst. b. t. §. 10. num. 35.* Interlocutoria vim Juris universalis non aliter obtinet, quam si Princeps specialiter expresserit, se animo condendæ legis interlocutum esse, alias enim de mente legislatoris per solam interlocutionem constare non posse. Et sic in concordiam reducuntur text. in *l. 1. §. 1. ff. de consit. princ. § l. 3. Cod. de LL. à Clariss. D. Franz. loc. cit. n. 34. Hahn. ad Wesenb. ff. de consit. princ. num. 1. Confer. Harp. hten. 5.*

- 35 Edictum est illud, quod princeps motu proprio ad bonum & felicitatem rei publicæ constituit. Dico *motu proprio*, hoc est, nemine petente, solâ utilitate publicâ id suadente. Principis enim officium exigit, ut omni tempore subditorum commoda investiget, *l. 23. in pr. Cod. de nupt.* Hinc Imperator noster laudatissimus *Nov. 8. in pref.* ipse de se proficitur, quod multas noctes insomnes ducat, ut subditis paret tranquillitatem.
- 36 Constitutio particularis vocatur alio nomine privilegium, & definitur, quod sit lex privata speciale quid concedens. *Zoef. ad Im canon. de Privileg. § Excess. privileg. num. 1. Clariss. D. P. König. b. t. n. 3.*

Dices, Privilegium nō est lex, sed exceptio à lege; ergo minus rectè dicitur lex esse. Respondetur distinguendo antecedens, privilegium non est lex respectu ejus, cui concessum est, concedo antecedens, respectu aliorum, nego antecedens, & consequentiam. Tamen si privilegium non sit lex respectu illius, cui competit, hunc enim regulariter excusat ab obligatione legis, est tamen respectu aliorum, quos obligat, ne privilegiari-

um impediunt ab usu sui privilegii.

Instabis. Si privilegium omnes obligat extra privilegiatum, non est lex privata sed communis, ergo malè definitur, quod sit privata. Respondetur distinguendo antecedens, non est lex privata, sed communis, si commune omnium bonum proximè concernat, esto, si pro fine suo proximo habeat bonum privatum, nego antecedens, & consequentiā. Lex communis illa dicitur, quæ pro fine suo proximo habet bonum commune; hunc finem cum privilegium non intendat, dicitur lex privata. *Clariss. D. Franz. Inst. b. t. p. 3. §. 10. num. 37.*

Dividitur privilegium in reale, & personale, *l. 196. ff. de R. J.* ubi in hæc verba rescribitur: *Privilegia quedam cause sunt, quedam persone, & ideo quedam ad heredes transmittuntur, quæ cause sunt, quæ persone sunt, ad heredes non transeunt.*

Reale vocatur, quod proximè inhæret rei, vel personæ competit, ob causam realem primario concessum est. Personale est, quod proximè inhæret personæ, ita ut eum ea extinguatur.

Sanè ut intelligas, an privilegium reale sit, an personale, res magnæ utilitatis, sed difficultatis est non exiguæ. Tu sic collige. Vel privilegium proximè affigitur rei à personis distinctæ, vel tribuitur personis quæ talibus. Privilegium prioris generis reale est, adeoque si Ecclesiæ, monasterio, fundo, universitati concedatur privilegium, id reale dicitur, quia ipsi rei proximè inhæret. Sic quoque privilegium, vigore cujus domus aliqua eximitur à quarteriis, à tributis vel stauris, reale est, consequenter ad hæredes, & successores transit, *d. l. 196.*

Privilegium posterioris generis quandoque reale, quandoque personale est. Reale est, quando ob causam realem tribuitur.

buitur. Personale est, quando personis tribuitur ob causam aliquam personalem. Ut ecce! Clerici, Senatores, Decuriones, item Doctores legum sunt immunes à sordidis muneribus. Hoc privilegiū erit personale, atque adeò non transitoriū ad hæredes, competit enim hoc privilegium ob qualitatem personalem, puta clericatum, dignitatem Senatoriam, professuram &c. quæ sunt qualitates personales, atq; personis ita inhærent, ut inde avelli nequeant. Contrā privilegium, quò gaudet minor, ita ut lubrico ætatis læsus restituatur in integrum, dicitur reale, quia ob causam realem, puta ob læsionem, & ut damnum avertatur à patrimonio, tribuitur, & hinc privilegiū restitutionis in integrum concessum minori transit ad hæredes. *L. 6. ff. de integr. restit.* Item privilegium S<sup>c</sup>i Vellejani reale est, quia causa privilegii immediatè non est persona mulieris, sed ipsa deceptio, vel læsio, unde hoc privilegium & hæredi prodest.

38 *L. 20. Cod. ad S<sup>c</sup>tum. Vell. Zoes. ff. cod. n. 5. Menoch. de pref. lib. 3. pref. 104. n. 17.*

Dices, privilegium Doctoratūs, Clericatūs, Senatoriatūs, &c. est reale, quia ad omnes Senatores, Doctores & Clericos transmittitur, ergo falsum est, quòd, ut dictum, sit personale. Respondetur privilegium Doctoratūs, Clericatūs &c. posse dupliciter considerari, primò quatenus dignitati annexum est, & sic reale erit. Secundo quatenus personæ habenti dignitatem doctorem annexum est, & hoc respectu erit personale, nec transmissibile ad hæredes. Confer. *Zoes. ad decretal. de privileg. & excess. privilegiat. n. 5.*

Sin ex dictis dignoscere nequeas, privilegium personale, an reale sit, formam verborum spectare necesse est. An videlicet verba in rem, an in personam directā sint. Si verba in rem directā sint: v. g. si Cisterciensibus, si Episcopis Vien-

senlibus privilegium, ne solvant decimas concessum sit, reale erit: quia censetur loco, vel sedi concessum. Si verba dirigantur in personam, refert, an nomen dignitatis, an nomen proprium sit præmissum. Si nomen dignitatis v. g. si tibi Episcopo Salisburgensi Cajo privilegiū datum sit, reale erit; censetur enim dignitati concessum. Si nomen proprium sit præfixum v. g. si tibi Cajo Episcopo Salisburgenū concessum sit privilegium, personale erit; quia censetur personæ tributum. Sic quoque privilegium alicui ratione eminentis doctrinæ concessum, personale erit, eò quòd ob qualitatem personalem concessum sit. Item privilegium competentie, quod habet maritus, patronus, socius, donator, &c. Personale erit, quia proximè respicit personam *Zoes. ff. de constit. n. 17. Menoch. loc. cit. presump. 104. per tot.*

Quòd si denique his omnibus consideratis adhuc dubius hæres, suspensio similis, videnda est, an sit odiosum v. g. contra jus commune, aut tendat in alterius præjudiciū, an verò sit favorable continens meram gratiam, citra alterius præjudiciū. Priori casu censetur personale, quoniam odia restringenda sunt, & quæ à Jure exorbitant, non debent trahi in consequentiam, *cap. odia 15. & cap. qua à Jure 28. de R. J. in 6.*

Posteriori verò casu reale dicendum est, beneficia enim principum latissime<sup>39</sup> interpretanda sunt, *L. 3. ff. de constit. princip. Engl. ad tit. de privileg. & excess. privileg. n. 4.*

Dividitur secundo in privilegium gratiosum, remuneratorium, & conventionale. Gratiosum est, quod gratis tribuitur nullā habitā ratione meritorum, vel obligatione reciproca privilegiati. Remuneratorium est, quod alicui propter benè merita datur. Conventionale, quod conceditur interveniente pactō vel conventionē. Dividi-

**Dividitur** tertio privilegium in **favorabile** & **odiosum**. Favorabile est, quod **meritissimum** favorem ipsius privilegiarii respicit, nullique parit incommodum aut præjudicium. Tale est privilegium dispensandi, celebrandi ante auroram, vescendi carnibus tempore quadragesimæ, portandi catenam auream, &c. odiosum dicitur, quod quidem privilegiarii favorem respicit, sed tamē redundat in aliorum gravamen, v. g. si cui-dam concedatur licentia exigendi decimas, aut collectas extraordinarias.

*Glette select. quest. p. I. q. 5. n. I.*

- 40 **Quæstio prima.** An privilegium statim à tempore collationis, sive (ut ajunt) à die datæ effectum suum habeat, an tunc demum, quando privilegiarius concessi privilegii notitiam acquirit, illudque acceptat? Respondetur privilegia motu proprio, & voluntate libera principis concessa secernenda esse ab iis, quæ conceduntur ad instantiam partis. Privilegia prioris generis non sortiuntur effectum, antequam de iis constet privilegiario, quia donationis naturam sapiunt, quæ ante notitiam & consensum donatarii completa non censetur. *L. qui absenti* 38. ff. de acq. poss. & *l. absent.* ff. de donat. Equidē potest princeps de absoluta potestate privilegium concedere etiam invito; quia cum ex gravi & justa causa invito auferre Jus quæsitum possit, non apparet, quare conferre invito privilegium non possit?

Privilegia posterioris generis quandoque valent, antequam privilegiario de iisdem constet, quandoque non valent. Velenim privilegiū potest esse utile privilegiario, esto ejus notitiam non habeat, vel non potest esse utile. Si potest, statim, quando concessum est, valet, licet de cōcessione privilegiario nondum constet, quia hoc ipso, quod per nun-

*Kees ad instituta.*

tium aut procuratorem privilegium urgeat, antecederet censetur id acceptare, adeoque sicut donatio per acceptationem antecedentem completur, ita & tale privilegium. Sin utile esse non potest, ante vim non obtinet, quam privilegiarius ejus acceperit notitiam, cum princeps non sciat utrum acceptare velit, nec ne. Ut ecce! Urges per procuratorem & nuntium licentiam contrahendi matrimonium cum Berta consanguinea tua, privilegio hoc juvaris, esto nescias, tibi concessum esse; adeoque si ante notitiam ejus contrahas cum Berta, peccas quidem, matrimonium tamen tenet.

E contra impetras per nuntium exemptionem à lege jejunii, privilegio hoc non ante juvaris, quàm de eo tibi constet, quia non antè tibi potest esse proficuum, cum ante notitiam ejus omittere jejunium absque peccato nequeas. Confer. *Zoef ad decret. tit. de privileg. n. 26.* *Clariff. D. P. Konig. ibid. num. 23.* *Pater Engl. eod. tit. num. 12.* *Menoch. de arbitr. cas. 185. num. 46.*

**Quæstio secunda.** An privilegiatus utatur suo privilegio contra privilegiatum? Tametsi difficilis sit & ardua isthæc quæstio, Jurisque Tyronibus non videatur explicanda, attingenda tamen est, quia in ipsis institutionum principiis frequenter occurrit. Itaque si duo privilegiati simul concurrant, referte existimo, an paria sint utriusque privilegia an diversa?

Si paria sunt utriusque privilegia, tunc 41 privilegiatus gaudet suo privilegio contra æquè privilegiatum. Ut ecce! Absens reipublicæ causâ v. g. Legatus, Ambasciator, &c. hoc habet privilegium, ut restituatur in integrum, si ex absentia sua læsus sit. *L. 1. & 4. ff. ex quib. caus. major.* Jam fac, quod absens reipublicæ causâ ab æquè reipublicæ

D

blicæ

blicæ causâ absente læsus sit. Hoc in casu privilegiatus gaudet suô privilegio, & restituitur contra pariter absentem reipublicæ causâ. *L. fin. ff. eod. & ibi Brunnem.* Ex eodē fonte suâ sponte fluit, quòd Ecclesia, quæ gaudet privilegio non solvendi decimas, eodē privilegio utatur contra aliam Ecclesiam pari privilegio munitam. Item quòd Ecclesia non præscribat contra Ecclesiam nisi spatium quadraginta annorum. Et denique quòd nobilis (si v. g. statutum vigeat, ne nobiles propter debita in carcerem conjiciantur) gaudeat suô privilegio, & ab altero nobili in carcerem detrudi nequeat. *Zoëf. ad decret. tit. de priv. num. 27. Covarr. ad cap. possess. p. 2. num. 4.*

Dices: Si minor dederit minori pecunias, mutuas, easque accipiens dissipaverit, tunc dans non gaudet beneficio restitutionis in integrum. *L. 11. §. pen. ff. de minor. 25. annis Zoëf. ff. ad SCt. Vell. n. 25. Brunnem. in d. l. 11. §. pen. n. 12.* Ergò falsum est, quòd privilegiatus gaudeat suô privilegio contra pariter privilegiatum, si paria sunt utriusque privilegia. Respondetur, nostram decisionem tunc demum procedere, si ille qui vult uti privilegio, certet de damno vitando, & alter de lucro captando. Secus verò, si ille, qui vult uti privilegio, certet de lucro captando, & alter de damno vitando: hoc enim casu privilegiatus non utitur suô privilegio contra æquè privilegiatum. *Zoëf. & Brunnemann. loc. cit.*

Si privilegia sint diversa, ut unum alteri resistat, & unus privilegiatus concurrat cum suô privilegio cum privilegiato ex alio privilegio, tunc privilegiatus contra privilegiatum non utitur suô privilegio. Ut ecce! Filius familias habet privilegium SCti Macedoniani, & minor habet beneficium restitutionis in inte-

grum. Jam fac, filius familias à minore acceperit mutuum, & pecunias dissipaverit. Hoc in casu filius familias non gaudet suô privilegio. *d. l. 11. §. fin. ff. de min.* Item mulier gaudet privilegio Senatûsconsulti Vellejani, & minor, ut dictum, beneficio restitutionis in integrum. Jam fac, quòd mulier apud minorem fide jusserit. Hoc in casu mulier non gaudet beneficio SCti Vellejani, *L. 12. ff. eod. Zoëf. ff. b. t. num. 52. Manz. de fidejuss. cap. 3. num. 25.*

Dices, si minor filiosam, majori dederit mutuum, tunc gaudet beneficio restitutionis in integrum, *d. l. 11. §. fin.* ergò privilegiatus gaudet suô privilegio contra privilegiatum, etiamsi diversa sunt privilegia. Respondetur concedendo antecedens, distinguendo consequens; ergo privilegiatus gaudet suô privilegio contra privilegiatum, etiamsi diversa sunt privilegia, casu quò unum privilegium alterò non est fortius, & potentius, nego, in casu quò unum privilegium altero est fortius & potentius, concedo consequentiam. Privilegium restitutionis in integrum est potentius, quàm beneficium Senatûsconsulti Vellejani, major enim habetur ratio ætatis, *d. l. 11. §. fin. Zoëf. loc. cit. num. 25. Brunnemann. in d. l. 11.* atqui quando concurrunt duo privilegiati, is præfertur, qui privilegium potentius habet. *Menoch. de præsumpt. p. 72. l. 2. n. 21.*

Quæstio tertia, quibus modis amittantur privilegia? Respondetur variis modis amitti.

Primò amittitur privilegium per interitum personæ, si personale, aut rei, si reale sit, adeoque si persona moriatur, aut res pereat, puta, si dignitas, ac officium pereat, cessat privilegium, *cap. 7. de R. l. in 6. cap. 25. & de V. S. ratio corrumpente principali, corrumpit accessorium.*



rium. Cæterum si sit spes rei, quæ fortè per ruinam, bellum, vel alium casum perit, refectionis, tunc si res reficiatur conservantur privilegia, & reviviscunt *L. de sacra 73. ff. de contrab. empt.* ubi æde hac sacrâ terræ motu dirutâ, locus ædificii non fit profanus. *P. Engel loc. cit. num. 14. Pirrhing. ad Jus Canon. tit. de privil. sect. 6. §. 6. D. P. Konig. loc. cit. n. 26.*

Quæstio quarta. An per mortem concedentis amittatur privilegium? Resolutivè dicendum, quòd non, gratiæ enim semel concessæ etiam re integrâ morte concedentis non expirant, *cap. si super 6. de off. deleg. in 6. cap. si cui nulli 36. de præbend. in 6.* Accedit, quòd privilegium sit species donationis, quæ non finitur morte donantis. *Zoëf. ad Jus Canon. loc. cit. num. 30.* Unde habens privilegium à S. pontifice, vel Episcopo absolvendi à reservatis, dispensandi in certis casibus, eodem fruitur etiam post mortem S. Pontificis & Episcopi.

Secundò amittitur privilegium per temporis lapsum, ad quod privilegium est restrictum *cap. 4. de off. deleg.* Nam ad tempus concessa, post tempus censentur negata. *L. Thais 41. §. 1. de fidei. commiss. libert.*

Tertio amittitur privilegium cessante causa finali, ob quam datum est, juxta decantatam regulam, quòd cessante causâ, cesset effectus, *cap. 40. de appellat.*

Illud notandum ad hoc, ut causa finali cessante, etiam esset privilegium, requiri, ut causa finalis non cesset negativè, sed contrariè. Negativè cessare dicitur causa finalis, quando illa causa non ampliùs existit, usus tamen privilegii non est injustus, aut redundans in præjudicium privilegiati. Contrariè cessare dicitur causa finalis, quando circumstantiæ ita mutantur, ut usus privilegii evadat iniquus, aut cedat in detrimentum ipsius privilegiati.

Casus, in quo causa finalis privilegii cessat negativè, talis figurari potest: alicui monasterio concessum est privilegiû non solvendi decimas, & quidem propter inopiam, quâ tunc temporis laborabat. Postea monasterium factum est dives, & abundè habere cæpit, quæritur an cesset privilegium? Respondetur negativè, nam licet causa cessaverit, ut hoc statu idem privilegium non concederetur, concessum tamen rectè conservatur citrà injustitiam, quia factum semel legitimè non debet retractari licet ad casum devenerit, à quo inchoari nequit, *cap. 74. de R. l. in 6.*

Casus, in quo causa finalis privilegii cessat contrariè, talis est: alicui Ecclesiæ debentur certæ decimæ, istæ remittuntur, quia Ecclesia tempore remissionis dives erat, postea mutato rerum statu Ecclesia eò paupertatis delabatur, ut alimentis deficiat, hoc in casu cessat causa finalis contrariè; quia usus privilegii redditur iniquus, & redundans in detrimentum ecclesiæ. Pariter ex eadem ratione privilegium comedendi carnes cessat; ubi causa privilegii, puta, ægritudo corporis recessit. *Zoëf. ad Jus Canon. num. 33. Engl. loc. cit. num. 20. Gonzalez. in cap. 9. de decimis & cap. 16. de cleric. non resident.*

Quartò expirat privilegium per revocationem privilegium concedentis, qui enim gratiam fecit, gratiam revocare potest. *Panormit. in cap. novit. n. 25. & num. 28. de judiciis. Gail. l. 2. observ. 60. n. fin.* Hoc tamen suas patitur limitationes.

Primò enim revocari potest privilegium, si sit subito concessum, non verò si non subito concessum sit privilegium, & ab illo acceptatum, hoc enim casu revocari non potest; ratio, quia transit in contractum, & jus privilegiario

D 2 quæsitum



quæsitum est, quò non potest privari per alienum principem, cui non est jus privandi rebus suis legitimè acquisitis sibi non subiectum. *Zoef. loc. cit. num. 39. Clariff. D. P. Konig. ad tit. de Privileg. num. 28.* ubi infert, privilegium à principe laico concessum ecclesiis. & piis causis, non amplius posse revocari.

Secundò procedit quartus modus amittendi privilegium, si id sit gratis concessum, & maneat in pura ratione privilegii, tunc enim à concedente revocari potest; ratio, quia privilegium, ut vocant, merè gratiosum, quod videlicet manet in pura ratione privilegii, non transit in dominium subditi, atque ita semper pendet ex voluntate principis, qui proinde id pro libitu & arbitrio revocare poterit, tametsi decenter id fieri non posse, doceat, *Pirrh. in compend. Jur. can. ad tit. de Privileg. sect. 6. §. 4.* eò quoniam quod semel placuit, displicere amplius non debet. *cap. 21. de R. I. n. 6.*

Quòd si privilegium transeat in pactum vel contractum, uti privilegium conventionale, & remuneratorium, à principe sine urgentissima causa revocari non potest, eò quòd princeps nemini debeat sine justa causa Jus quæsitum tollere *P. Engl. loc. cit. n. 9. Zoef. loc. cit. n. 30.*

Quintò extinguitur privilegium per renuntiationem, id est voluntariam abdicationem Juris sibi concessi; ratio, quia invito non datur beneficium, & favori, pro se introducto, quilibet potest renuntiare. *L. pen. Cod. de pact.*

Sextò expirat privilegium per non Usus. Non usus verò duplex est, negativus, & omissivus. Negativus vocatur, cum quis ideò privilegio non utitur, quia occasio utendi se non offert. Omissivus, cum quis privilegio non utitur tempore habili, & opportuno. Non usus negati-

vus nunquam sufficit ad amissionem privilegii. *Arg. l. 34. §. 1. & l. 45. ff. de S. R. P.* ubi dicitur quòd ille, qui ideò aquam non duxit longo tempore, quia fons exaruit, non amittat Jus aquæ ducendæ; ergò etiam, qui ideò privilegio non utitur, quia occasio utendi se non offert, privilegium non amittet. Necesse proinde est ad amissionem privilegii, ut non usus omissivus concurrat, hic enim solus ponit voluntatem internam carendi privilegio, *Argum. l. 10. §. 1. l. 19. ff. quemadmodum servit. amitt. Confect. Glette select. quest. part. 1. quest. 5. per tot.* ubi more suo solidè hanc materiam discutit.

#### §. PRÆTORUM 7.

**Q**uinta species Juris civilis scripti sunt edita Prætorum, quæ definiri possunt, quòd sint jus adjuvandi, supplendi, aut corrigendi Juris civilis gratia à Prætoribus propositum. *Text. hic. & in l. 7. §. 1. ff. de l. & l. Hodie Juris civilis aut nulla, aut exigua differentia est; vide tamen latà manu hac de re differentem Manz. Instit. hic Bachov. & Ludw. ibidem.*

#### §. RESPONSA 8.

**S**exta juris civilis scripti species sunt Responsa Prudentum, quæ nihil aliud esse dicuntur, quam sententiæ & opiniones eorum, quibus permissum erat de jure respondere. *Text. hic.* Antiquitus enim quibusdam à sacratissimis Principibus data potestas erat, interpretandi jura & leges, idque, quod responderunt, tantam vim habuit, atque auctoritatem, ut Judici recedere à responsò prudentum non liceret. *Manz. n. 11. hic.* Hodie Responsa Jurisconsultorum non vim legis, sed nudam habent probabilitatem, ut proinde cuique eorum tantum credendum, quantum

quantum quisque probat; *Mysing. Inst. hic num. 5.*

### §. SINE SCRIPTO 9.

45 **H**Actenus de jure scripto, sequitur de non scripto quod nomine magis proprio consuetudo appellatur.

Quæ concinnè definitur, quòd sit Jus moribus introductum, & tacitò summæ potestatis consensu approbatum.

46 Dividitur in eam, quæ est contra legem, & quæ præter legem, & quæ juxta legem.

Consuetudo contra legem est, quæ legem præexistentem tollit, & abrogat. Juxta legem quæ legem scriptam supponit, ac observando confirmat, ne in desuetudinem abeat. Præter legem, quæ versatur circa materiam lege non præceptam: ac novā obligationem inducit.

Objicitur primò, *l. 2. Cod. que sit longa consuetudo*. Ubi dicitur consuetudinem tam validam non esse, ut legem vincere possit. Respondetur primo verum esse, quòd consuetudo non sit validior lege, sed tam valida tamen sit, ut legem tollere & abrogare possit. Ad victoriam majores vires requiruntur, ad abrogationem pares. *Clariff. D. Franz. Inst. b. t. p. 4. n. 19.*

Respondetur secundò textum *d. l. 2.* intelligendum esse de consuetudine irrationabili, & invalida. *Zoës. ff. b. t. 69. Clariff. D. P. Konig. ad l. Canon. num. 19. Confer. Gonzalez. incap. ult. de consuetud. & Menoch. lib. 1. de arbitr. quest. 71.*

Objicitur secundò. Consuetudo contra legem est contra rationem, scilicet ipsius legis; ergò est irrationabilis, & consequenter invalida. Respondetur distinguendo antecedens, consuetudo contra legem est contra rationem aliquam; concedo: omnem, nego antecedens &

consequentiam. Lex quandoque fundatur in unica ratione, quandoque verò in pluribus, si lex fundata sit in unica ratione, & consuetudo contra illam pugnet, erit invalida. Si verò lex plures rationes habeat, tamen si deinde consuetudo contra aliquam pugnet, non tamen ea propter rationabilis esse definit. Ut ecce! Jus commune disponit, ne Episcopus causas graviores & majoris momenti sine consensu capituli solus expediat, ex ratione, ne fortè quid temerè fiat ab Episcopo. Contra talem legem seu statutum consuetudo introduci potest, ut scilicet Episcopus solus etiam causas majoris momenti expediat & hæc forsitan ratione, ut lites citius expediantur. Advertis, hanc consuetudinem esse quidem contra aliquam rationem, nempe illam, ob quam prior lex introducta est, non tamen esse contra omnem rationem quia alià ratione fundatur.

Objicitur tertio. *L. 3. §. 5. ff. de sepulch. viol.* Ubi apertè dicitur statutum non valere contra legem; ergò neque consuetudo contra legem valebit. Respondetur concedendo antecedens, nego consequentiam. Differentiæ ratio est, quòd per statutum expressè derogetur legi, per consuetudinem verò tacitè, sæpè autem expressa nocent quæ non expressa non nocent *L. 52. ff. de condit. & demonstr. ita Schamb. Inst. hic vers. ob. 4.* Ego puto id addi posse, quòd in consuetudine introducenda præsumatur concurrere tacitus consensus principis, ut proinde lex præexistens ex consensu principis abrogetur. Contra vero in statuto non adest, neq; adesse præsumitur consensus principis in abrogationem legis. Non mirum proinde, quòd Dux Bavarix per statutum legi civili derogare nequeat, saltem ut extra ejus territorium vigorem habeat, quia statuta contra legem non valent.

Requisita consuetudinis quinque absolvunt.

Primò requiritur pluralitas actuum, hoc est ut actus, ex quibus inducitur consuetudo, sæpius fuerint exercitati & frequentati, ita, ut sufficienter constare possit de tacito populi consensu ad inducendam consuetudinem *L. 1. Cod. qua sit. long. consuet. L. 3. cod. de edific. priv.* Quot verò præcisè actus ad consuetudinem introducendam requirantur, in universum determinari non potest, sed rectius discreti iudicis arbitrio determinandum relinquitur, qui ex qualitate actuum iudicet, arbitretur vè, an ita notorii, & frequentes sint ut exinde sufficienter tacitus populi consensus colligi possit, ita *Gail. lib. 2. obs. 31. n. 7. Miscard. de probat. conclus. 24 n. 14. § 15. Menoch. de arbitr. Jul. l. 2. cas. 81. n. 4.* rectè profectò quoties enim aliquid jure nostro non satis repetitur definitum, toties recurritur ad iudicantis arbitrium. *Manz. Instit. hic n. 16. n. 31. hic Schneid. num. 6.*

Non adversatur, *l. nem. 3. Cod. de Episcop. aud. § c. 25. caus. 25. q. 2.* ubi geminatio ejusdè criminis consuetudo dicitur, ut proinde duo actus sufficere videantur. Enim verò allegati textus de consuetudine facti sive de assuefactione, nō verò de consuetudine Juris inducente, vel abrogante legem loquuntur, ut scilicet sit per geminationem, criminis jam quis esse dicitur habituatus quasi, & consuetudinarius, ut proinde acrius in talem animadverti possit. *Clariss. D. P. Köig. loc. cit. num. 7. Harp. loc. cit. Scambog. hic.*

Quæstio quarta, an per unum actum consuetudo introduci possit?

Dixeris quòd non. Primò, quia ad consuetudinem requiritur actuum frequentia *l. Cod. qua sit long. consuet.* sed per unum actum non habetur frequentia actuum; ergo unus actus non sufficit.

Secundò, quod semel factum est, frequenter factum dici non potest; ergò per unicum actum consuetudo nequit introduci, ita *S. hu. n. 6. Myns. n. 6. hic Manz. n. 12. Harp. n. 30. Menoch. loc. cit. cas. 81. n. 2.*

Verum his non attentis referre existimo, an actus ille sit momentaneus, an successivus. Si actus sit momentaneus, qui breviter perficitur, consuetudinem non fundat. Si actus sit successivus, qui ad suam perfectionem, & consummationem requirit tractum longioris temporis consuetudinem fundat. Ut ecce! in loco aliquo, ubi pons non fuit, populus ædificavit pontem, & cum constanter transit, v. g. per quadraginta annos, si in beneficio sæcularis institutus fuerit, in istis casibus, quin consuetudo introducatur, non infanz mentis dubitat, Ratio quia actus, qui in se habent factum aliquod successivum, continent in se virtualiter plures; ergò si plures actus momentanei ad inducendam consuetudinem sufficiunt, unicus quoque actus successivus sufficiat, necesse est, sic in adducto exèplo utique idem est, si pons continuò frequentatus fuerit à populo: ac si bis, ter, quater, vel frequentius per violentiam fluminis fuisset abreptus, & iterum noviter restauratus.

Confirmatur. Idèò plures actus requiruntur ad consuetudinem, ut inde sufficienter colligi possit populi consensus, sed iste consensus potest etiam colligi ex actu plane notorio & successivo, licet unico; ergò unicus actus successivus sufficiet. *Clariss. D. Franz. Inst. t. p. 4. n. 8. Faber Inst. hic n. 8. Pirrh. de consuet. S. X. l. §. 4. num. 20.*

Ad primum Respondetur distinguendo majorem, ad consuetudinem requiritur actuum frequentia momentaneorum concedo, successivorum nego majorem, &

& sic distincta minore nego consequentiam, non enim ideo actuum frequentia requiritur, quasi de forma esset, & ut plures numeri actuum consurgant, sed ut ex iis populi consensus in consuetudinem colligi possit.

Ad secundum eadem est solutio. Quod semel factum est, frequenter factum dici non potest frequentia materiali, quæ plures numeros producit concedo, frequentia formali, quæ plures actus in se continet, nego antecedens & consequentiam.

Secundò requiritur, ut actus sint liberi, & cum animo se obligandi gesti, neque erronei. Unde

§ 1 Colliges primò per actus metu extortos non induci consuetudinem; quia non censentur facti animò inducendi consuetudinem, sed potius animò evitandi malum, quod intentatur. *Clariff. D. P. König. ad Jus Canon. tit. de consuet. n. 5.*

§ 2 Colliges secundò, ex actibus meræ facultatis citra animum se obligandi gestis non induci consuetudinem, actus enim agentium non operantur ultra intentionem eorum. *L. 19. ff. de reb. credit.* Hinc recitatio certarum precum ad pulsum angelicum, sumptio aquæ benedictæ in ingressu Ecclesiæ, licet per quinquaginta annorum seriem factæ, consuetudinem non ponunt, quia non censentur, tales actus animò se obligandi gesti. *P. Engl. tit. de consuet. n. 9. Suarez. lib. 7. d. LL. cap. 14. num. 6.*

§ 3 Colliges tertio, per actus ex ignorantia vel errore factos non induci consuetudinem, error enim excludit consensum. *Zoëf. ff. de LL. n. 74.* Hinc licet subditi aliquod festum per centum annos celebrarent, rati, ad hoc se obligari, consuetudo tamen non introduci-  
tur. *Hainold. de J. & J. tit. 1. p. oam. cap.*

3. *controv. 3. num. 140. Clariff. D. R. König. loc. cit. n. 5.*

Quæstio quinta. An actus, per quos consuetudo introducit, debeant esse judiciales, & in judicio contradictorio obtenti?

Respondetur primò altâ pace inter DD. obtinere per actus judiciales; & in judicio contradictorio obtentos consuetudinem introduci. Ita DD. *in l. 32. ff. de LL. § cap. fin. de consuet.* Fac proinde in civitate ter, quater, vel sæpius judicatum esse, quòd filii masculi in successione paterna excludant filiam dotatam, & lapsum esse legitimum tempus (de quo paulò post) nec non in majorem populi notitiam id pervenisse, & non contradixisse, dubium sanè nullum est, quin consuetudo taliter introducatur. *Schneid. Inst. hic num. 7.*

Respondetur secundò, etiam per actus extrajudiciales consuetudinem introduci posse. Ita *Gail. lib. 2. observ. 31. n. 8. Harp. Instit. hic n. 34. Huon. var. res. sol. lib. 1. tract. 1. q. 26. Zoëf. ff. de LL. num. 75.*

Probatur per *l. 38. de LL.* ubi dicitur *Consuetudinem aut rerum perpetuò similiter judicatarum auctoritatem, & vim legis obtinere.* Certè Jctus non tam clare res judicatas à consuetudine distinxisset, si ex rebus judicatis consuetudo deduci deberet; sufficit ergò vel consuetudo, vel res perpetuò similiter judicata, ut obligatio legis consurgat. *Chlingensp. Inst. h. t. q. 17.*

Accedit aperta ratio; quoniam consuetudo ex tacito consensu populi vim & robur suum recipit, sed iste consensus colligi potest ex actibus etiam extrajudicialibus, ergò.

Non obstat, *lib. 34. ff. de LL.* ubi in hæc verba rescribitur: *Cum de consuetudine confidere quis videtur, illud explorandum arbitror, an contradictorio aliquando*



*quando iudicio firmata sit.* Ergò ad consuetudinē requiruntur actus judiciales. Respondetur enim distinguendo consequens, ergò ad cōsuetudinem requiruntur actus judiciales, de necessitate, nego, de utilitate & in ordine ad facilitiorem probationem, concedo consequentiam. Ecce! Si dubitetur de consuetudine, num introducta sit, nec ne, tunc qui illam probare intendit, attendere, & inquirere debet, an in iudicio contradictorio non ita semel iudicatum fuerit, sic enim in facilitiorem ejus probationem devenire poterit.

Tertiò requiritur ad consuetudinē, ut sit rationabilis, hoc est, non adversetur juri naturali aut divino, neque vergat in præjudiciū utilitatis publicæ. *cap. 2. dist. 4. cap. 5. dist. 1. cap. 3. 5. § 8. dist. 8.* Unde non valet consuetudo, quæ parentes alimentis privat, aut socrerandi præbet licentiam, ratio, quia consuetudo imitatur legem *arg. cap. 9. § ult. de consuetud.* lex autem debet esse rationabilis *l. 39. ff. de LL.* ergò & consuetudo sit rationabilis necesse est, alias non consuetudo, sed corruptela futura esset, *cap. 7. § ult. de consuet. Gil. 2. observ. 11. num. 11. Gonzalez. in cap. 1. d. 1. Harp. Inst. hic num. 12.*

Dices: Consuetudo, quæ introducitur per actus illicitos, & formaliter peccaminosos, non est rationabilis, sed consuetudo contra legē introducitur per actus illicitos & formaliter peccaminosos, quoniam actus contra legē gesti sunt formaliter peccaminosi, & illiciti; ergò consuetudo contra legem non est rationabilis.

Respondetur distinguendo majorem; consuetudo, quæ introducitur per actus illicitos & formaliter peccaminosos, non est rationabilis, si actus illi concurrant ut causa, concedo majorem, si actus illi concurrant ut indicia nō populi voluntatis o-

bligationem legis excutere volentis, nego majorem, sed consuetudo contra legem introducitur per actus illicitos & formaliter peccaminosos, ita tamen ut isti actus concurrant, ut cōditio sine qua non, sive ut indicium populi voluntatis obligationem legis excutere volentis, concedo minorem, ut isti actus concurrant, ut causa formalis, nego minorem & consequentiam. Actus illiciti & peccaminosi non concurrunt ad consuetudinem tanquam causa, quia subditi obligationem legis de se neque inducere possunt, neque tollere, sed habent se præcisè tanquam cōditio sine qua non, sive ut clariùs loquar, sunt nudum indicium, ex quo colligit superior, quòd populus, quantum est in se, excutere nitatur obligationem legis. Confer. *Glettle select. quest. p. 1. q. 6. per tot. ubi hac de re diserte § solidè discurret.*

Quartò ad consuetudinem requiritur diuturnitas temporis quò aliquid observatum sit, atque practicum. Quantum verò temporis ad consuetudinem requiratur, non una omnium est sententia. Sunt, qui tempus desiderant, cujus initii memoria non extat, & hi fundantur in *l. 3. §. 4. ff. de aqua quætid. § astiv.* Sunt alii, qui tempus centum annorum requirant, & hi moventur per *l. 2. Cod. quæ sit long. consuet.* his verbis: *Consuetudinis, usurve longevi non vilis auctoritas est.* Longevum autem tempus centum annos denotat. *l. 23. Cod. de Sacratiss. Eccles. § l. 56. de usu fruct.* Sunt denique, qui decennium sufficere autumant, nulla facta differentia inter præsentis & absentes, & hi fundamentum ponunt in rubrica *tit. Cod. quæ sit long. consuet.* longum autem tempus iste decennium, in confesso est *art. 1. tit. Cod. de long. temp. prescript.* Rationem verò, quòd nulla inter absentes, & præsentis differentia facienda sit, adducunt



adducunt istam, quoniam populus, & civitas abesse non dicitur. Mihi ut verum fatear, in hac opinionum altercatione videtur rem Judicis arbitrio determinandam relinqui debere, qui secundum levitatem & gravitatem materie tempus ad consuetudinem sufficiens determinet, ita ut exinde populi consensus in consuetudinem sufficienter colligi possit; ratio, quia quæ certa lege definita non sunt Judicis arbitrio determinanda relinquuntur, ita re ipsa docent. *Menoch. lib. 2. de arbitr. cas. 83. n. 6. Hum. var. re. tract. 1. q. 2. Clariss. De Franz. Instit. b. t. p. 4. num. 13. § 14. Clariss. D. P. König. ad Jus Canon. tit. de consuet. num. 9. P. Engl. d. tit. num. 19. confert. Guil. 2. ob. 31. num. 3. Myusing. cent. 6. obf. 41. n. 9. Schneid. num. 5. hic.*

Dices: Consuetudo debet esse legitime præscripta *cap. fin. § de consuet. ergo* sicuti ad præscriptionem requiritur modo longum, modo longissimum, modo immemorabile tempus, ita etiam ad consuetudinem. Respondetur primo, consuetudo debet esse legitime præscripta, hoc est, debet aliqua requisita habere, quæ habet præscriptio concedo, debet habere omnia nego antecedens, & consequentiam. Ecce! ad consuetudinem requiritur aliquod tempus, sed negatur idem requiri, quod ad præscriptionem. Deinde consuetudo ad instar præscriptionis requirit tempus continuum, ita, ut si ante contrarius actus intercurrat, quam sit perfecta, ad similitudinem præscriptionis interrumpatur, licet proinde aliqua requirantur ad consuetudinem, quæ etiam desiderantur ad præscriptionem, male tamen & perperam inferitur, omnia requiri ad consuetudinem, quæ ad præscriptionem. *Zoëf. ff. de LL. n. 77. Obigenf. Inst. b. t. q. 18.*

*Kees ad Instituta.*

Respondetur secundo, a præscriptione ad consuetudinem legitimum argumentum non duci, cum toto coelo inter se differant. Enim vero primo præscriptio a privato, consuetudo introducit a communitate. Secundo præscriptio requirit titulum, & bonam fidem; consuetudo non etiam. Tertio, consuetudo requirit pluralitatem actuum, puta, momentaneorum, præscriptio unico actu contenta est.

Quinto, ad consuetudinem requiritur tacitus consensus superioris, qui in statu Monarchico est consensus Principis; ratio, quia consuetudo est lex, vim autem legis non nisi ab autoritate principis, qui habet potestatem legis ferendæ, accipere potest. Dixi tacitus, expressus enim consensus legem scriptam poneret. *arg. §. 6. Instit. b. t. sed*

An ad consuetudinem requiratur scientia principis? Respondetur, non requiri, sed sufficere, quod non contradicat. *Arg. cap. 1. de consuet. in 6. ubi dicitur, quod S. Pontifex plerumque ignoret statuta & consuetudines locorum. Zoëf. loc. cit. num. 84. Schambog. Inst. b. t. vers. 5. Clariss. D. P. König. loc. cit. num. 17. Suarez. l. 7. de LL. cap. 13. Sanchez de matrim. lib. 7. disp. 82. num. 20. Clariss. D. D. Franz. loc. cit. n. 17.*

#### §. ET NON INELEGANTER. IO.

**R**edit hic Imperator rationem, quare Jus civile Romanorum in scriptum & non scriptum diviserit, atque adeo contigisse, quia origo Juris Romani ab institutis duarum civitatum græcarum, puta, Athenarum, & Lacedæmoniorum profluxit, quarum secunda leges memoriæ mandabat, prima vero leges scribere solebat. *Manz. § Schambog.*

E

§. SED

## §. SED NATURALIA II.

57 **Q**Uæritur in hoc paragrapho, an Jus naturale mutari possit? Magnæ huic difficultati enodandæ impigram manum adhibuerunt, *Suarez ub. 2. cap. 8. num. 7. de LL. Hug. Grot. de Jure belli & pacis lib. 1. cap. 1. n. 5. & 6. Clariss. D. D. Franz. Inst. h. t. p. 1. num. 19. & seqq. Glettle assert. 1. in suis. assert. Jurid.* Ego distinguendum esse existimo inter jus naturale positivum, & permissivum.

Jus naturale positivum est, quod ex decreto quodam naturæ bona præcipit, & mala prohibet, sic præcipit DEUM colere, parentes venerari, &c. prohibet vero furari. DEUM blasphemare, &c.

Jus naturale negativum est, quod non præcipit vel prohibet aliquid, sed habet se tanquam negative & permissive, ut scilicet necessitate ita exigente humana potestas actum prohibere, vel præcipere possit.

Assertio prima. Jus naturale positivum immutabile est, *text. Inst. hic. sed naturalia quidem jura semper firma, atque immutabilia permanent.* Ratio additur, quia jura naturalia divina quadam providentia sunt constituta, sicut ergo Deus, Author Juris naturæ, non mutatur, ita nec Jus naturale. Ratio alia, quia impossibile est, ut, quod intrinsece bonum & honestum est, v. g. Deum colere; vel malum est, v. g. Deum blasphemare, tale esse desinat, nisi velis essentias rerum mutari posse.

Assertio secunda, Jus naturale negativum sive permissivum mutationem non respuit, ratio, quia non præcipit vel prohibet aliquid, sed relinquit dispositioni humani arbitrii, ut necessitate vel commoditate exigente id mutet, præcipue si salus & tranquillitas reipublicæ id exigat, Deus enim, & natura

in necessariis nunquam deficiunt, & Principi omnis illa potestas concessa est, quæ ad conservationem reipublicæ necessaria est. *Zoës. ff. de J. & J. num. 51. & seqq. Schamb. Instit. hic Glettle assert. Jurid. 1. Obtingens. Instit. h. tit. quæst. 5. ob 2. solide Clariss. D. Franz. Instit. h. t. part. 1. num. 19. & seqq.*

Objicitur primo, libertas Jure naturæ 58 competit, sed in servis sublata est libertas; ergo Jus naturæ potest mutari. Respondetur distinguendo majorem, libertas Jure naturæ competit permissivo, concedo, positivo præceptivo, nego majorem, & concessa minore, distinguo consequens, ergo Jus naturæ potest mutari permissivum, concedo, positivum, nego consequentiam. Jus naturale non præcipit positive in homine libertatem, sed pro circumstantiarum qualitate, nisi aliud exigat necessitas & commoditas reipublicæ.

Objicitur secundo: Juri naturæ rerum communio refertur in acceptis, sed hæc communio per Jus gentium est immutata; ergo Jus naturæ mutationi subjacet. Respondetur sub data distinctione: Juri naturæ rerum communio refertur in acceptis permissivo seu negativo, concedo majorem, positivo seu præceptivo, nego majorem, concessa minore distinguo consequens; ergo Jus naturæ mutationi subjacet permissivum concedo, positivum, nego consequentiam. Jus naturæ non vult positive seu præceptive, ut omnes res sint communes, sed permissive, nisi aliud utilitatis reipublicæ vel rationabilis causæ exigat, quemadmodum Reipublicæ salus & magna ratio fuit, quod facta fuerit rerum divisio, nimirum ut è reipublica tollerentur rixæ, & discordiæ, quas parit communio.

Objicitur tertio, *lex non occides est* Ju-

Juris naturæ positivi, & tamen jura permittunt alterum defensionis causa occidere *L. 3. ff. de J. & J.* Deinde furari jure naturæ præceptivo prohibitum est *L. 14. de condict. indeb.* & tamen licet furari in extrema necessitate, *cap. 3. & de furt.* ergo Jus naturæ etiam positivum seu præceptivum mutari potest. Hoc argumentum a variis varie solvitur, prout videre est ad *Manz. Instit. hic num. 5.* Mihi salvo aliorum judicio videtur adminiculo distinctionis responderi posse: ergo Jus naturæ etiam positivum mutari potest, si in casu mutationis gravis concurrat, justa & fortior causa, quam illa, in qua Jus naturale fundatum est, concedo; si hæc non concurrat, nego consequentiam. Ut istam solutionem facilius intelligas, ea in memoriam velim revoces, quæ supra *Instit. h. t. §. 1. vers. secundum* dicta sunt, ubi pro regula tenendum duxi: quod in casu, quo concurrunt duæ rationes naturales, illa vincat aliam, quæ fortior est, quæque majori nititur fundamento. Ut ecce! lex naturæ præcipit, ne quis alterum occidat ex ratione, quod alteri per alterum non debeat inferri injuria. Jam fac, quod emergat casus, quo si alterum non occidas, tu ipse occidendus sis. Hoc in casu possis alterum licite mactare, gravior enim & fortior est ratio, quæ vult ne quis patiat se occidi, quam illa, quæ vult, ne alterum quis occidat, quilibet enim vitam suam propriam alienæ præferre tenetur juxta vulgatum illud: *prima charitas incipit à se ipsa.* Pariter lex naturæ vult, ne alteri inferatur furtum, ex ratione ne quis locupletetur cum jactura alterius. Jam fac, quod fame periturus esses, nisi fureris. Hoc in casu quin furari possis, non nisi insanus negat, fortior enim est ratio, quæ pro vitæ con-

servatione militat, quam ne alteri inferatur damnum. Ita respondet *IV. senb. Instit. hic num. 2. & in paratit. num. 15. ff. de Just. & Jure.* Paulo a iter respondet *Harp. Instit. hic num. 4.* Ubi ait, Jus naturale esse quidem immutabile, sed cæteris paribus, si scilicet eadem maneant causæ & circumstantiæ, quibus illud fundatum, & ob quas constitutum fuit. At his causis, circumstantiisque mutatis, & ipsum jus quodammodo mutari, vel certe declarari, vel temperari, neque amplius per omnia observari convenit.

Objicitur quarto. Matrimonium est Juris naturalis præceptivi, ne humanum genus pereat, atqui hoc est mutatum, clericis enim & religiosis est prohibitum, ergo. Respondetur, matrimonium esse quidem juris naturalis præceptivi, ita tamen, ut non singula generum, id est singulos homines in specie, sed genera singulorum, id est rempublicam in communi obliget; Ratio, quia præceptum naturale non obligat singulos, nisi quatenus id necessarium est ad perfectionem singulorum, sed matrimonium tantum est necessarium ad conservationem communitatis; ergo communitatem obligat, non singulos sicuti v. g. agricultura.

Urges. Antea obligabat singula generum, ergo adhuc hodie. Respondetur, nego consequentiam, quia multiplicatis hominibus non sunt eadem circumstantiæ & causæ, puta, ne genus humanum pereat, qui defectus circumstantiarum non facit mutari, sed tantum, ut Jus naturæ cesset obligare, sicut ante obligabat. Facit præterea, quod positis his circumstantiis, quibus homines satis & abunde multiplicati sunt, fortior sit ratio, quæ pro religione & vitæ continentia militat, quam illa, quæ pro ma-

jori hominum multiplicatione facit; si vero concurrant duæ rationes naturales, illa vincit illam, quæ est fortior, quæque maiori nititur fundamento.

*Instas.* Jus naturale præcipit religionem in Deum, & obligat singula genera, siue quemlibet in specie, ergo etiam matrimonium obligat quemlibet in specie. Respondetur, concedo antecedens, nego consequentiam. Disparitas est, quia ratio, propter quam Deus pie colendus est, nunquam cessat; secus vero ratio, propter quam matrimonium institutum est, quia tametsi ego, tu & Petrus a matrimonio abstinamus, & Aetonei Juvenis instar amandæ continentiae vigilemus, non tamen ea propter periclitabitur genus humanum.

AD VERS. EA VERO.

**H**ucusque determinavimus, qualiter jus naturale, sequitur, quomodo

jus civile mutetur. Mutantur autem jura civilia duplici modo, puta, vel lege postea lata, id est expresso consensu, vel consuetudine, id est consensu tacito. Ratio prioris, quia posteriora derogant prioribus *l. fin. ff. de constit. princ.* ratio posterioris, quia consuetudo fori derogat Juri scripto *l. 3. §. fin. ff. de test. Manz. hic num. 22. §. 33.*

#### §. FINAL.

**O**bjectum Juris triplex est, personæ, res, & actio, omne enim jus, inquit Imperator, quo utimur, vel ad personas, vel ad res, vel ad actiones pertinet. Personæ sunt, quibus & a quibus jus redditur. Res de quibus jus dicitur. Actiones, per quas jus redditur. *Perez. Instit. hic.* Cum vero parum sit jus nosse, si personæ, quarum causa constitutum est, ignorentur, ideo prius de personis videamus.

### TITULUS III.

## DE JURE PERSONARUM.

### SUMMARIA.

- 1 *Personarum divisio.*
- 2 *Fœmina in usu juris est homo.*
- 3 *Hermaphroditus quo revocandus?*
- 4 *Definitur libertas.*
- 5 *Servitus quid sit?*
- 6 *Servi quo jure tales fiant?*

**P**ersona nihil aliud significat, quam hominem, *arg. rub. tit. ff. de statu homin.* summo autem & prima personarum divisio est, quod omnes homines, aut sint liberi, aut servi.

Dices: Male dividitur homo primaria divisione in liberum & servum, debe-

ret enim potius in marem & fœminam dividi. Respondetur, si naturam spectes, homines debere discerni primaria divisione in marem & fœminam, non vero si statum personarum respicias, qui hominem considerat primario vel ut liberum, vel ut servum.

Quæres primo, an fœmina in usu Juris appellatione hominis veniat?

Dixeris, quod non, quia fœmina est monstrum, ergo non continetur appellatione hominis *l. 14. ff. de stat. homin.* antecedens probatur. Monstrum est effectus a solita & intenta naturæ operatione degenerans, sed talis effectus est fœ-

foemina, quia natura intentione primaria vult masculinum, tanquam optimum, ergo. Secundo per l. 38. §. 5. ff. de pen. ubi foemina homini opponitur, his verbis, *quod si eo mulier, aut homo perierit, iuxta supplicio afficiuntur*. Ecce! mulier expresse homini opponitur, ac si homo non esset.

Alit contraria sententia vera est, eamque suo assensu dignantur. *Hunt. ad Trentl. vol. I. disp. 2. q. 5. Clariff. D. D. Franz. Inst. b. t. n. II.*

Probatur per apert. text. l. 152. ff. de V. S. his verbis: *hominis appellatione tam feminam, quam masculum contineri non dubitatur*.

Ad primum respondetur distinguendo antecedens. Foemina est monstrum philosophicum, transeat antecedens; Juridicum, nego antecedens, & consequentiam. In usu Juris monstrum dicitur, quod contra formam humani generis inverso more procreatur. d. l. 14. Deinde monstrum illud proprie dicitur, quod raro nascitur, at foeminarum phalangen quis numerabit?

Ad secundum respondetur, per hominem ibi intelligi foetum in utero existentem, ut sensus sit, si ex poculo abortionis vel amatorio mulieri praegnantis dato, vel ipsa mulier praegnans vel homo, id est foetus in utero existens, perierit, is, qui poculum dedit, ultimo supplicio afficiendus est.

3 Queres secundo, quo revocandi sint herimaphroditi sive androgyni ex utroque participantes sexu?

Respondetur referend. esse ad illum sexum, qui isdem praevalet. L. 1. ff. de stat. homin.

Quod si utroque sexu valeant, jubentur unum eligere, qua electione facta, permutare deinceps non permittitur. *Schambog. Instit. hic Clariff. D. D. Franz. loc. cit. num. 13.*

Dices: Herimaphroditus, qui utroque sexu valet, non admittitur ad professionem religiosam; ergo neque admittendus est ad matrimonium. Respondetur concedo antecedens, nego consequentiam, quia indecens non videtur matrimonio jungi illum, qui habilis est ad perfectam copulam. At immanem sapit indecentiam, & summe videtur periculosum, foeminarum coetui immisceri illum, qui agere virum potest, aut virorum coenobio inferi illam, quae pati vim viri potest.

## §. ET LIBERTAS I.

**L**iberi dicuntur, qui libertate gaudent, quae definitur, quod sit *naturalis facultas ejus, quod cuique facere libet, nisi si quid vi aut jure prohibeatur*. 4

Dicitur primo, *naturalis facultas*, hoc est potestas ex ipso Jure naturae permisso descendens, & homini competens, quia secundum naturam omnes homines nascuntur liberi. *Princ. Instit. de libert.*

Dicitur secundo, *quod cuique facere libet*, ut denotetur, quod ille proprie & vere liber dicatur, qui potest facere, quod lubet, & qui habet potestatem vivendi, ut velit. *Manz. hic num. 4.*

Dicitur tertio, *nisi si quid vi*, intellige vim justam; v. g. bellum *arp. §. servi 3. b. t.* Vis enim injusta libertatem non tollit, quia facti, libertas vero juris est, ea autem, quae sunt facti, non tollunt, quae sunt Juris. Unde fluit, quod is, qui in carcerem dejectus, aut a latronibus captus est, libertatem non amittat, aut duntaxat libertas quoad actum secundum seu exercitium tollatur. *Harp. num. 4. hic & Manz. num. 5.*

Dixi quarto, *aut Jure prohibeatur*, sic tamen si liber sis, non tamen facultatem habes furandi, moechandi, occiden-



dendi, &c. ista enim de jure prohibentur fieri, nec quis talia umquam velle præsumitur, quoniam id duntaxat velle dicimur, quod jure possumus. *L. nepos 125. de U S.*

#### §. SERVITUS 2.

5 **S**ervi sunt, qui in servitute vivunt, quæ definitur, quod sit *constitutio Juris gentium, qua quis dominio alieno contra naturam subjicitur.*

Dicitur primo, *Constitutio Juris gentium*, hoc est, quiddam Jure gentium introductum, & constitutum, quoniam non potest esse Jure naturali, cum natura homines omnes liberi nascantur. *Prin. Inst. de libert.*

Dicitur secundo, *qua quis dominio alieno*. Nemo enim sibi ipsi servire, aut proprius esse potest. *L. 26. ff. de servit. præd. rust. Harp. num. 4. §. 5. hic.*

Dicitur tertio, *Contra naturam*, id est, contra Jus naturale permissivum, quo ante introductas servitutes omnes nascebantur liberi. *de princ. de libert. Schambog. hic.*

Differt quoque per ista verba: *Contra naturam*, patria potestas a potestate dominica, quoniam per illam liberi parentibus non contra, sed secundum naturam recte subjiuntur. *Manz. num. 6.*

#### §. SERVI AUTEM 3.

6 **S**ervi non a serviendo, sicuti mercenarii pro mercede serviunt, sed a servando etymologiam trahunt, eo quod prohibitum, constitutumque fuerit, ut

servi vel venderentur, vel sibi potius servarentur, quam ut crudeliter & inhumaniter trucidarentur.

#### §. SERVI 4.

**S**ervi vel nascuntur tales, vel fiunt tales. Nascuntur servi, qui ex ancillis nostris generantur, & hi proprie vernæ appellantur, eo quod nascuntur verno tempore, quod tempus anni maxime naturale facturæ est *l. 36. ff. de legat. 2. Gloss. ibidem.* ratio vero, quare natus ex ancilla servus fiat, est, quia partus ventrem sequitur. *L. 7. Cod. de R. V.* Fiunt servi vel ex Jure gentium vel ex Jure Civili. Ex Jure gentium per captivitatem, justo namque bello capti servi capientium efficiuntur *§. 17. Instit. de ver. divis. §. acquir. ver. domin.* ex jure civili per venditionem sui ipsius, qui scilicet pretii participandi causa se vendundari passus est, de jure civili effiebat servus. *Schamb. hic.* Quem fuisse hac de materia differentem vide, ego non multum attendenda duxi, quæ non amplius sunt in usu, quemadmodum servitutes in usu esse desierunt.

#### §. FINALIS.

**I**nter servos nulla penitus est differentia, & una omnium servorum est conditio, omnes enim eandem serviunt servitutem. In liberis autem hominibus multum interest, utrum ita nati, an vero liberi facti sint. Priores vocantur ingenui, posteriores libertini, de quibus in ordine titulo sequenti.

TITULUS IV.  
DE INGENUIS.

SUMMARIA.

1 Et

2 Ingenium quis dicatur?

3 Filius familias a patre venditus ingenuus manet.

1 **I**ngenuus ille dicitur, qui statim, ut natus est, liber est, illud non refert, ut quis dicatur ingenuus, sive nascatur ex duobus ingenuis, sive ex duobus libertinis, sive ex uno ingenuo, & ex altero libertino *l. 5. §. 2. ff. de stat. homin.* Unde fuit differentia inter ingenuum & libertinum, nam libertinus liber fit, non nascitur. *L. 8. Cod. d. ingen. manumiss.*

Dices, si quis in utero existens manumittitur, prout id fieri potest. *L. 14. Cod. de fideicom. libert.* talis statim nascitur liber, & tamen non est ingenuus, ergo. Respondetur, ad hoc, ut quis dicatur Ingenuus, requiri, ut statim, quando nascitur, sit liber, *ratione ventris*, non vero *ratione manumissionis*, adeoque debet fuisse natus ex libera matre *L. 5. §. 2. ff. de stat. homin.* illud autem non refert, quo tempore ex tribus mater libera fuerit. *Scham. hic.*

AD VERS. SED ET QUIS.

2 **I**ngenuus etiam dicitur, qui ex matre libera, patre vero servo, vel etiam incerto patre (quem vulgo quaesitum dicimus) natus est. Ratio, quia quantum attinet ad libertatem partus ventrem, seu matrem sequitur: ratio rationis, quia extra iustas nuptias conceptus ventrem sequitur, conditionem enim patris sequi non potest, hunc enim habere non censetur, cum pater is dicatur, quem iustae nuptiae demonstrant, atqui ut libero cum ancilla, sic liberae cum servo non constat iustum matrimonium. *L. 1. Cod.*

*de incest. nupt. Manz. num. 8. hic.* Rationem rationis aliam assignat *Schneid. hic n. 4.* quia libertas matris tribus temporibus prodest partui, scilicet tempore conceptionis, nativitatis, & medio tempore: cum ex adverbo patris libertas uno duntaxat scilicet tempore generationis proficit. Unde sequitur, ut quis liber nascatur, sufficere liberam fuisse matrem, vel tempore partus, sive editionis, vel conceptionis, vel etiam tempore intermedio. Quando enim agitur de modo partus, tunc, qui in utero est, pro nato habetur *l. 7. ff. de stat. homin.* & calamitas matris ei nocere non debet, qui est in utero, *text. hic.* Sicut etiam crimen paternum, vel poena paterna, nullam maculam filio infligere potest. *L. crimen 26. ff. de pen. excepto crimine laesae Majestatis. L. quisquis 5. §. 1. Cod. ad L. Jul. M. jestat. Schneid. num. 3.*

Ex illo principio, quod calamitas matris ei nocere non debeat, qui est in utero, laudabilis ille mos, & usus fluxisse censetur, qui ubique in Judiciis hodie observatur, ut videlicet femina praegrans, quae ultimo supplicio damnata est, servari, & poena differri debeat, donec pariat, sicut nec interim quaestioni subijci, nec torturae imponi potest *l. 3. ff. de pen. eademque causa est, cur mulier praegrans non debeat humari, antequam partus ei excidatur, alioquin spes animae cum gravida perempta videretur L. 2. ff. de mortuo inferendo. Harp. hic. n. 16. Schneid. n. 4.*

§. CUM AUTEM I.

**Q**uid si aliquis natus sit ingenuus, & per errorem forte in servitutem conjectus, deinde post aliquod tempus veluti servus ex putantia servitute manumiss-

numissus sit, quæstionis est, utrum hæc manumissio ingenuitatis efficiat ita ut libertinæ conditionis efficiatur? Ad hoc respondet Imperator, non officere ei, in servitute fuisse, sed nihilominus ingenuum esse. Ratio, quia errore veritas non immutatur. *L. 6. in pr. ff. ad municip.* Ratio alia, quia talis manumissio tantum est facti, ingenuitas vero est Ju-

ris, atque ea, quæ facti sunt, non impediunt ea, quæ juris sunt. *L. 27. §. pater 2. ff. de pact. Schamb. hic.*

Ex quo illud notandum, quod, si filius familias a patre ob egestatem nimiam venditus redimatur, ingenuus maneat. *L. 2. Cod. de patrib. qui filios distrax.* Ratio, quia tali casu non tam ablata, quam suspensa potius videtur ingenuitas.

## TITULUS V.

## DE LIBERTINIS.

## SUMMARI A.

- 1 *Libertinus quis dicatur?*
- 2 *Modi manumissionis recensentur.*
- 3 *Jurisdicção alia voluntaria, alia contentiosa.*
- 4 *Manumissio ubique locorum recte fit.*
- 5 *Libertini quatuorplex sunt?*

**I** Libertini sunt, qui ex justa, id est, vera & legitima servitute manumissi sunt. *Text. hic.*

Dices, quidam ad libertatem perveniunt, & fiunt libertini absque manumissione v. g. servus venditus, ut intra certum tempus manumittatur. *L. 1. l. 3. l. 4. ff. qui sine manumiss. ad libert. perven.* Item derelictus ob gravem infirmitatem, *L. 2. d. t.* Et qui detexit necem domini *l. 5. cod.* ergo definitio data non subsistit. Respondetur primo, quod Imperator ad initium libertinitatis respexerit, quæ universaliter primo ex manumissione processit. *Manz. num. 3.* Respondetur secundo: fiunt libertini absque manumissione hominis reali, concedo, absque manumissione legis interpretativa, nego. *Schamb. hic.*

Manumissio est de manu datio, seu de potestate dominica liberatio, manus enim pro potestate accipitur, *hic §. l. 4. ff. de J. & J.*

Ista autem manumissio non ex jure naturæ, sed ex jure gentium est, ratio quia jure naturali omnes liberi nascebantur, deinde privatio præsupponit habitum, manumissio servitutem, sed de jure naturæ servitus erat incognita, ergo nec nota erat manumissio. Quare autem manumissio Juris gentium esse dicatur, ratio est, quia cuius Juris est actus, ejusdem est distractus *L. 35. ff. de R. J.*

## §. MULTIS I.

**E** Numerantur hic aliqui modi manumittendi, quos inter primus erat, qui publice in Ecclesia fiebat, ubi Domini servis suis, coram Antistite & plebis aspectu, libertatem præstabant. Et hujusmodi exemplum adhuc videre est Aureliis in Gallia ad dextram introitus Ecclesiæ Cathedralis à Sainte Croix, sive ad sanctam Crucem dictæ, ubi olim servos libertate donare consuetum fuerat. *Manz. num. 2.*

Secundus modus manumittendi servos fiebat publice apud Magistratum per vindictam, hoc modo dominus duxit servum ad prætorem, & licetor Prætoris virgula, quam ei præferebat, præmissis solennibus verbis servum tangebatur, dominus, deinde ter illa virga percutiebat manumittendum, & ter dicebat: *agere esse*

*esse liberum*, postea ipsum in gyrum rotavit & sic circumactum dimittebat. *Schneid. hic, & Manz. num. 4.*

Tertius modus manumittendi fiebat per testamentum, cum quis servum suum in testamento liberum esse iussisset, vel quavis alia ultima voluntate, puta, per codicillos, legatum, fideicommissum, &c. quod enim alicui permissum inter vivos, multo magis permittendum est in ultimis voluntatibus. *Manz. n. 10.*

Quartus modus manumittendi fiebat extra iudicium inter amicos, quo in casu necessarii erant quinque testes, & interpositio scripturæ. *L. un. §. 2. Cod. de lat. libert. toll.*

Quintus modus fiebat per Epistolam, quando videlicet dominus servo absenti, & in aliis locis degenti literis permittebat, ut liber viveret. Talis autem epistola quinque testibus debuit esse subscripta. *d. l. un. §. 1. Schneid. loc. cit.*

#### §. SERVI VERO.

**P**RO pleniori hujus paragraphi intellectu notandum, quod actus alius dicatur Jurisdictionis *voluntariae*, alius *contentiosa*. Jurisdictio voluntaria est, quæ exercetur tunc, quando partes ita ad iudicium veniunt, ut utraque pars & omnes, quorum interest, consentiant, nec una pars alterius contradictione impediatur. Ejusmodi actus sunt manumissio, emancipatio, arrogatio, insinuatio donationis, testamenti factio apud acta iudicis &c. Vides proinde, quod voluntaria jurisdictio non ex parte Magistratus, qui officium suum petenti impartiri semper debet, ac necesse habet: sed ex parte illius, qui adit Magistratum: *Harp. hic. num. 3.*

Jurisdictio contentiosa tunc exercetur, quando partes ita ad iudicium veniunt, ut inter se contendant, & una  
*Kees ad Instituta.*

alteri contradicat, ac ea propter quæ non in volentem, sed in invitum, contententem, & reluctantem exercetur. *L. 83. §. 1. ff. de V. O. Manz. num. 4.* Porro sicut voluntaria, & contentiosa Jurisdictio: ita de plano, & pro tribunali cognoscere differunt. De plano cognoscit Magistratus, qui non nisi voluntariam. *l. 9. §. de plano 3. ff. de off. proconsul.* pro tribunali verò, qui contentiosam Jurisdictionem exercet. *l. 13. §. 10. ff. de excusat. tut. Harp. num. 5. hic.* His prælibatis,

Quæritur, ubi & quando manumissio fieri possit? Et Respondet Imperator, quod manumissio fieri possit quolibet tempore & loco honesto, non tantum tunc, cum Præses vel prætor pro tribunali sedet, sed etiam, quando Prætor aut Præses in balneum vel theatrum procedit. Illum etiam non refert, manumissio fiat die feriato, vel non feriato. Ratio horum est, quia actus Jurisdictionis voluntariæ ubique & omni tempore expediri possunt. *L. 2. ff. de off. proconsul.* sed manumissio est actus voluntariæ Jurisdictionis. Nam actus judicialis die feriato exerceri nequit. *L. dies festos 11. Cod. de feriis*, & non nisi in loco iudicii juxta regulam, quæ causæ cognitionem desiderant, expediri non possunt, nisi iudice pro tribunali sedente. *Manz. n. 6. ergo, &c. vide etiam Schneid. hic.*

#### §. FINALIS.

**Q**UÆRITUR in hoc paragrapho, quotuplices sint libertini? Respondetur in textu, olim triplices fuisse, alii erant cives Romani, alii Latini seu Juniani, alii dedititii.

Cives Romani erant, qui aut testamento aut in Ecclesia, aut ante consulem, adeoque uno ex modis solennibus, erant manumissi. Et isti jus civitatis  
**F** tatis

ratis conſequabantur , poteratque de rebus ſuis non tantùm inter vivos , ſed etiam per ultimam voluntatem diſponere. Latini dicebantur , qui aut per epiftolam , aut inter amicos , adeoque modò minùs ſolenni manumittebantur. Iſti erant deterioris conditionis , quàm cives Romani , vivebant enim ut liberi , moriebantur ut ſervi , nam eorum bona à manumifforibus poſt mortem eorum , licèt liberos habuiſſent , occupabantur , non quidem jure hæreditatis , quoniam nulla eſt ſervi hæreditas , ſed jure peculii , idque ex lege Junia , unde etiam Juniani appellabantur. Sic ergò neque teſtamenta condere , nec ſibi in aliorum teſtamentiſ relictum poterant ullatenùs vindicare. *L. 1. Cod. de latin. libert. tollend. Manz. num. 14. hic.* Dedititii vocabantur peregrini quidam populi , qui , cùm ſe in Romanorum fidem dediſſent , & aliquamdiu vectigal ſolviſſent , poſtea rebelles facti ſunt , &

à Romanis deſciverunt , & arma contra Romanos ſumpſerunt. At Romani collectis viribus eos impugnabant , qui cùm fortitudine Romanorum ſe inferiores fuerunt experti , abjectis armis ſe dederunt. Romani autem eos hac ratione ſuperatos adeò humanè tractarunt , ut vitam illorum ſervarent , ſed infamix notà aſperſere , ita ut in veram libertatem , Romanæque civitatis Jura pervenire nunquam poſſent , & quia ſe dediſſent , dedititii vocarentur. *Manz. num. 6.*

Dixi ſupra olim triplices fuiſſe libertinos , hæc autem à Juſtiniano Imperatore immutata ſunt , ſtatutumque eſt , ut omnes libertini ſint unius modi , id eſt , peræquè cives Romani , ſublatis latinis , & dedititiis *L. un. Cod. d. t.* Quin imò ex noviffima Juſtiniani conſtitutione omnimodò ſublata libertinorum conditio videtur ; omnes quippe manumiffi ſunt ingenui , nulli libertini , ſalvo tamen manumifforis patronatùs Jure. *Nov. 78.*

## TITULUS VI.

## QUIBUS EX CAUSIS MANUMITTERE NON LICET

## SUMMARIA.

- 1 Manumittere quis poſſit ?
- 2 Debitor in fraudem Creditorum non poſeſt manumittere.
- 3 Inò manumiffio eſt nulla.
- 4 Fraus quid ſit ?
- 5 Et quotuplex ?
- 6 Utraque requiritur , ut manumiffio nulla ſit.
- 7 Minor 25. annis procurator eſſe poſeſt.
- 8 Solvuntur objectiones.

**V** Iſò , quid ſit manumiffio , quomodo , ubi , & quando fiat ; quæritur , quis poſſit manumittere ? Ad quod reſpon-

detur , quòd regulariter quilibet Dominus habens liberam ſuarum rerum adminiſtrationem manumittere poſſit , quilibet enim eſt rei ſux moderator & arbiter *l. 21. Cod. mandati.* & nemo prohibetur uti Jure ſuo vel aliis benefacere. *Scham. hic.*

A regula data duæ ponuntur hòc titulo exceptiones. Prima eſt , quâ prohibetur debitor , qui non eſt ſolvendo , in fraudem creditorum manumittere ſervos ; hòc ſcilicet animò ut Creditores defraudet. *text. hic. & L. in fraudem 10. ff. qui & à quib. manumiff.* &c. licèt enim libertas magnum favorem mereatur , adeò



adeò tamen extendendus non est, ut in Creditorum redundet detrimentum, præcipuè quoniam favorabilior est causa creditorum, utpote, qui de damno vitando certant, quàm servorum, qui de lucro captando militant. *Manz. hic. num. 4.*

Dubitatur utrùm manumissio ipso jure non valeat, an veniat rescindenda.

Dubitandi ratio est prima, quia reliqua, quæ in fraudem creditorum alienata sunt, stricto quidem jure valent, actione tamen Pauliana revocantur. §. 6. *Inst. de act.* ergò etiam manumissio ipso jure valebit.

Secunda, quia in l. 1. *Cod. qui manumit. non poss.* dicitur libertatem in fraudem Creditorum datam revocari, & in l. 5 §. 2. *vers. libertas ff. d. t. libertatem rescindi*; sed quod ipso jure nullum est, non dicitur rescindi, quia privatio supponit habitum, & non entis nullæ sunt qualitates, ergò &c.

3 Verùm hoc nihil remorante respondet Imperator: it, qui in fraudem creditorum manumittit nihil agit, hoc est, manumissio nullius momenti, ipsoque jure nulla est. L. 28. *ff. qui & à quib. manumissi non sunt liberi.* Ratio est in textu, quia lex Ælia Sentia impedit libertatem, quod autem contra legem fit, ipso jure nullum est. L. 5. *Cod. de LL.*

Ad primam rationem dubitandi. Respondetur primò concedendo antecedens, negando consequentiam, differentie ratio est, quia debitor nulla lege specialiter prohibetur res suas alienare, ac proinde tanquam quilibet alius rei suæ moderator & arbiter relinquitur. Quamvis interim non negetur illas res in fraudem creditorum alienatas, Pauliana actione revocari posse d. §. 6. *Inst. de Act.* At verò lex Ælia Sentia vetat nominatim & difertè, ne debitor in fraudem Credi-

torum servis suis libertatem conferat L. 5. *Cod. de l. leg. Harp. hic. num. 7.* Respondetur secundò, quòd ideò libertatis datio in fraudem facta ipso jure nulla sit; quia durum valde foret, libertatem, utpotè rem inæstimabilem, quæ semel comperat, sine facto revocari. *Schamb. hic.*

Ad secundam Respondetur, quòd rescindere, revocare, &c. sæpè in jure nostro denotent ipso jure nullitatem l. 1. §. 1. *in fine ff. de feriis.* Deinde rescindi libertas dicitur, non eò sensu, ac si semel substitisset, sed eò, quòd de facto rescindatur. *Harp. n. 5. hic.*

#### §. LICET I.

Quamvis obæratu debitor in fraudem Creditorum servos suos, & ne quidem unicum manumittere queat, nihilominus tamen lex Ælia Sentia concedit debitori obærato unum ex servis etiam instituere; ratio est in textu, quia valde prospiciendum erat, ut egentes homines, quibus alius hæres exiturus non esset, saltem servum suum necessarium hæredem haberent, qui satisfactorius esset Creditoribus, aut eò hoc non faciente Creditores res hæreditarias servi nomine vendant; ne injuria defunctus afficiatur? quàm ignominiosum enim veteres duxerint, si bona defuncti, sub voce præconis veneant, Cicero in oratione pro Publ. Quint. demonstrat, *Hercle, inquit, cujus bona ex edicto possidentur, hujus omnis fama & existimatio cum bonis simul possidetur, & Schneid. num. 8.*

Et hoc sanè Creditoribus non est detrimentosum, sed aliquando utile. Ratio, quia si nemo adiisset hæreditatem, ipsi ultra defuncti hæreditatè nihil consequi potuissent. Hoc autem casu ipsum prætereà servum habent obligatum, ita ut successu temporis conveniri, & debitum defuncti ab eo exigì possit, si is ad meliorem

rem fortunam devenerit, §. ult. *Inst. de acq. Manz. num. 6.*

Porro ut servi hæredis institutio in fraudem Creditorum facta subsistat, requiritur, ut unus duntaxat servus instituatur. Ratio prima, ut eo minùs ex bonis decedat. Secunda, quia quod potest fieri paucioribus, non debet fieri pluribus *arg. l. 1. ff. quod met. caus.* atqui per institutionem unius servi ignominia defuncti potest evitari; ergò. *Manz. num. 7.* Deinde requiritur, ut nullus ex eo testamento hæres extiterit; secùs enim servi hæredis institutio utpote non valida subsisteret, quia cessaret ratio legis, propter quam institutio valet, videlicet ignominia defuncti. *Manz. loc. cit. num. 13.*

#### §. IDEMQUE 2.

**N**ihil autem refert, an testator dixerit, servus Titius v. g. *liber & hæres*, vel simpliciter *hæres esse*; ratio est, quia uno concessò videtur id omne concessum, sine quo illud haberi non potest, *L. 2. ff. de Jurisdic.* atqui sine libertate hæres nemo esse potest, ergò concessa hæreditate videtur etiam tacite concessa libertas; vel aliter, qui vult consequens, debet etiam vel omne necessarium antecedens, quale necessarium est libertas, ut hæres existere possit. *Manz. num. 3.*

Quæres, quid Juris, si dicat testator: sit hæres & non liber? Respondetur institutum & liberum & hæredem futurum. Ratio, quia in necessariò junctis inspicitur principalis voluntas, quæ hîc est, velle esse hæredem. Non secundaria, quæ hîc est, nolo esse hæredem. Unde cum præsumatur talis testator, voluisse efficaciter, ut institutus sit hæres, non potuit non velle, eum etiam esse liberum, ut expressio voluntatis contrariæ non auretur. Dixi *cum præsumatur*, quia in

dubio præsumendum non est testatorem voluisse ludere. §. *impossibilis. Inst. de hæred. Inst. Schamb. hîc.*

#### §. IN FRAUDEM 3.

**I**N fraudem creditorum manumittere censetur, is qui tempore, quo manumissio fit, jam solvendo non est (non solvendo autem esse dicitur, qui non potest solidum solvere, vel ex propria, vel ex fidejussoris substantia, *arg. l. 27. §. 2. ff. de fidejuss.*) vel qui per, sive propter manumissionem desinit esse solvendo *text. hîc.*

Ut autem manumissio in fraudem Creditorum facta non subsistat, & libertas impediatur, animus fraudandi requiritur. Ubi.

Observe, quòd fraus sit fraudulenta machinatio ad alterum circumveniendû adhibita *L. 1. ff. de dolo malo*, quæ duplex: alia concilii, sive intentionis, sive (ut alii loquuntur) ex proposito, dum quis intendit alterum defraudare. Alia eventus, seu rei, dum quis à parte rei defraudat, & est non solvendo, citra animum dolosum. Jam ut manumissio impediatur, requiritur utraque fraus, consilii & eventus. Et quidem fraus eventus requiritur, quia non obstat conatus solus *L. 1. ff. quod quisque Juris, &c.* nec creditores habent, quòd conquerantur. Fraus consilii requiritur, quia fraus non est sine machinatione, & crimen contrahitur, voluntas nocendi intercedat *L. 1. Cod. ad L. Cornel. de sicariis*. Nam: Actibus in cunctis dominatur sola voluntas. Accedit, quòd sæpè de facultatibus suis, amplius, quam in iis est, sperent homines *text. hîc.* ut proinde bona fide dimittant servos, putantes, se satis adhuc habere, quò debita expungant. *Manz. num. 4.*

Illud adhuc circa hunc paragraphum notandum, quod in alia causa lucrati-  
va ad revocationem sufficiat creditores  
fraudari eventu, etiam absque consilio  
*l. 5. Cod. quæ in fraud. credis.* ratio dif-  
ferentiæ est in solo favore libertatis po-  
sita, cum hoc in libertate speciale sit,  
ut ejus donatio non revocetur, nisi  
fraus consilii & eventus concurrat.  
*Manz. n. 7.*

Item sola fraus eventus sufficit ad li-  
bertatem impediendam, si hæc in tes-  
tamento relicta sit. *L. fin. Cod. quib. ex  
caus. manumitt. non licet.*

§. E A D E M 4.

**M** Inori viginti annis ex lege Ælia  
Sentis non aliter, quam vin-  
dicta, & iusta manumissionis causa a-  
pud consilium (ad quod Romæ quinque  
Senatores, totidemque equites, in pro-  
vincia verò viginti recuperatores, id  
est iudices dati, cives Romani adhibean-  
tur) approbata manumittere permitti-  
tur. *Schamb. hic.*

§ J U S T E 5.

**M** Inor manumittere non potest, ni-  
si ex iusta causa, uti paragrapho  
præcedenti dictum.

Quæritur modò, quæ sint iustæ cau-  
sæ? Respondetur varias esse. Prima est,  
si quis velit manumittere patrem aut  
matrem. Ratio est, quia inconveniens  
est, ut parentes sint in potestate libero-  
rum suorum, & ut filii sint castigato-  
res parentum, sic enim naturæ ordo  
inverteretur. *Manz. n. 1. h. c.* Contin-  
gere autem potest, ut homo liber suos  
parentes habeat in potestate utpote ser-  
vos v. g. si ambo pater & filius fuere in  
unius & ejusdem dominio, & filius à  
Domino moriente hæres institutus est,  
hoc enim casu filius dominium servorum

acquirat. *Manz. hic. num. 9.*

Reliquas, ut tempori parcat, enu-  
merare, & inutile foret & supervaca-  
neum, cum in textu habeantur, quem  
lege, & *Manz.* interpretem adhibe. Cæ-  
terum inter reliquas causas & hæc enu-  
meratur, si servum manumittere velit  
*procuratoris* habendi gratiâ.

Ubi observa quod *Procurator* is di-  
catur, qui mandato domini aliena ne-  
gotia administrat. Hic est vel *judicialis*  
seu ad lites, quis judicialia, vel *extra-  
dicialis*, seu ad negotia, qui extrajudi-  
cialia administrat.

Controversia hic consurgit, an mi-  
nor viginti quinque annis possit esse pro-  
curator judicialis?

Mirum in modum intricata, & in  
utramque partem agitata est hæc quæ-  
stio, in qua ut clara ab obscuris secer-  
nantur:

Respondeo 1. De Jure Canonico ex-  
tra dubitationis aleam positum esse, mi-  
norem viginti quinque annis procurato-  
rem ad lites constitui non posse. Ita *P.  
Engl. ad Decret. tit. de procurator. num.  
8. Clariss. P. Konig. ad Jus Canon. de Pro-  
curat. n. 17. Pirrhing. ad Jus Canon. eod.  
tit. n. 21.*

Probatur per *dissert. text. cap. 5. de  
procurat. in 6.* his verbis: *Licet autem  
quis post decimum septimum annum procu-  
rator ad negotia licite deputetur, ad ju-  
dicia tamen, nisi major viginti quinque  
annorum fuerit, deputari nequibit.*

Respondetur 2. De jure civili vero-  
rem esse sententiam, quæ sustinet, eum  
qui decimum septimum annum comple-  
vit, idoneum procuratorem esse ad lites.  
Huic sententiæ applaudunt *Zoëf. ff. de  
procurat. num. 11. Humm. var. resolut. l.  
1. traß. 2. quæst. 12. Harp. Instit. de iis  
per quos agere possum. §. 1. num. 123.  
Schamb. Instit. h. t. §. 5. vers. quæst. Cujac.  
lib.*

*lib. 22. obs. cap. 6. Aruma disp. 1. th. 30. Perez. ad Cod. de procurat. num. 9.*

*Dissent. Glettle Select. quest. part. 1. q. 28. Bachov. ad Treutl. vol. 1. disp. 8. th. 1. Lit. E. Vant. de nullit. tit. 11. n. 133. Sichard. in l. 12. Cod. de procurat. n. 19.*

Prior sententia, quæ mihi magis aridet

Probatur 1. ex nostro §. 5. *hic*. ubi disertè dicitur, quòd servus procuratoris habendi gratià manumitti possit, dummodò non sit septendecim annis minor.

Dices : Textum intelligendum esse de procuratore ad negotia, sive extrajudiciali. Sed contra est 1. quòd *in d. §. 5.* agatur de servo manumittendo ad hoc, ut procurator fiat, atqui ad negotia extrajudicialia non est opus, ut procurator manumittatur, cum servus etiam possit esse procurator extrajudicialis. *L. 7. §. 1. ff. de Inst. act.* Contra est secundò, quòd ad hoc, ut servus procuratoris habendi gratià manumitti possit, requiratur, ut non sit septendecim annis minor, atqui ad extrajudicialem procuratorem non requiritur, ut sit major septendecim annis, sed puer etiam talis procurator esse potest *l. 7. §. 2. de Inst. act.* ergò §. 5. non est intelligendus de procuratore extrajudiciali, sed de judiciali.

Probatur secundò hòc validò argumentò. In illis casibus & causis minores possunt esse idonei procuratores, in quibus non gaudet beneficiò restitutionis in integrum. *Arg. L. 51. ff. de procurat.* Sed minor in casu, quo procurator judicialis constituitur, non gaudet beneficiò restitutionis in integrum *l. 23. ff. de minor.* in verbis : *Nam etsi alius mandasset non ei succurreretur.* Ergò minor viginti quinque, major tamen septendecim annis poterit esse procurator ad lites.

Probatur 3. *ex l. 1. §. 2. ff. de postulando.* Ubi asseritur, quòd is, qui septendecim annos complevit, postulare possit, ergò multò magis poterit esse procurator in judicio, advocati enim officium longè gravius est, quam procuratoris, prout exinde patet, quòd infames possint esse procuratores, non verò advocati *d. l. 1. §. 5.*

Ob. 1. Minor viginti quinque annis non potest esse in judicio defensor *l. 51. ff. de procurat.* ergò neque procurator. Consequent. probat *Glettle loc. cit.* hoc modò : Ideò prohibetur esse defensor, quia restitutione in integrum impetratà, judicium redderetur elusorium; sed redderetur quoque non rarò elusorium, si posset esse procurator, quia principali ad solvendum inidoneò, restitueretur in integrum *L. 23. ff. de minor.* ergò, &c.

R. Conc. ant. negando consequentiam & paritatem. Disparitas est, quòd defensor is dicatur, qui suà sponte sine mandato reum judicìò defendit: Procurator verò ille sit, qui ex mandato domini lites gerit. Non mirum proinde, quòd minor viginti quinque annis defensor esse nequeat, possit tamen esse procurator; in casu enim, quo defensorem agit, si sententiam defenso præjudiciosam tulisset, restitutionem in integrum petere potest; atque taliter judicium reddetur elusorium. Secus est in casu, quo procuratorem agit, ubi licet sententiam suo principali nocivam tulisset, & sic ipse principalis propter minorem ætatem sui procuratoris læsus esset, restitui tamen minorem principalis incassum peteret; quoniam ipse suæ debet imputare facilitati, quòd procuratorem non magis idoneum constituerit, damnum proinde quod sentit, sentire non videtur *Arg. l. 203. de R. l.*

Ob. 2. *L. 1. §. 2. Cod. de legitim. pers. stand.*



*stand. &c.* Ubi dicitur, quod minor viginti quinque annis non habeat legitimam personam standi in iudicio, ergo non poterit esse procurator. *R.* dist. ant. non habet legitimam personam standi in iudicio in causa propria, siue nomine proprio, conc. ant. nomine alieno, neg. ant. & conseq. Ratio differentie est, quod in priori casu, quod nomine proprio ageret, si læderetur, gauderet beneficio restitutionis in integrum. Secus in posteriori, ubi minor nullum damnum, nullam læsionem patitur; si qua enim principali læsio emergat, debet sibi imputare, quod talem dederit procuratorem, quem ætate minorem consilio infirmum, & iudicio fragilem novit, vel nolle debuit.

Ob. 3. qui nondum complevit legitimam ætatem, procurator in iudicio non potest existere *L. 12. Cod. de procurat.* Sed legitima seu perfecta ætas compleri dicitur viginti quinque annorum curriculum *l. fin. Cod. de his, qui ven. ætat. impet. verb. perfecta ætatis illam ætatem esse volumus, quæ viginti quinque annorum curriculum completur.* Ergo, &c.

*R.* Quod legitima ætas pro subiecta materia variè accipiat, ita ut aliquando quatuordecim annos significet, quemadmodum hæc ætas legitima est ad matrimonium contrahendum, ad testamentum condendum, &c. Subinde legitima ætas etiam septem annis completur, prout in sponsalibus pangendis ista ætas desideratur. Quandoque legitima ætas triginta annorum, ut in Episcopo. Licet proinde viginti quinque annorum ætas legitima sit ad aliquos effectus, non tamen sequitur ad omnes tantam ætatem desiderari.

§. C A U S A. 6.

**C**asus: Minor viginti annis manumisit servum, asserens & probans eum fuisse alumnum, v. g. qui tamen non fuit, hinc si hoc postea pateat, quaeritur, an manumissio retractaretur? Respondetur: manumissionem non retractari ob favorem libertatis, maxime cum id in solius manumittentis, non etiam tertii ullius præjudicium vergat.

§. C U M E R G O F I N.

**D**ictum supra, quod viginti annis minor servum manumittere non possit, & quidem propter constitutionem legis Æliæ Sentia. Verum Imperator huic legi derogavit, sic enim secum argumentabatur: Is qui quatuordecim annos complevit, potest testamentum facere, & de rebus omnibus disponere *l. 5. ff. q. testamentum facere poss.* ergo etiam debet posse dare libertatem in testamento, cui enim licet, quod plus est, debet etiam licere, quod minus est, *cap. cui licet 53. de R. J. in 6.*

Contrariabitur verò ratio, quod reliquæ res sint pretio æstimabiles, sola verò libertas sit inæstimabilis *L. 176. §. infinita. ff. de R. l.* Hinc cum pro utraque parte essent rationes, Imperator medium elegit, & ut major septemdecim annis testamento libertatem dare posset, statuit; ratio est in textu, quia qui adeo sapit, ut pro aliis postulare, advocare, & suo patrocinio alium juvare possit, is haud dubie sibi quoque rectè consulat: atqui is qui decimum septimum annum complevit, pro aliis in iudicio stare & postulare potest. *L. 1. §. 3. ff. de postulando, ergo, &c.* Jure novell. autem etiam quatuordecim annos habenti permittitur testamento dare libertatem. *Nov. 119. cap. 2.* Elto enim libertas res sit inæsti-



inæstimabilis, id tamen respectu servi est intelligendum, cui multum per eam accedit, domino autem nihil vel modicum decedit, nam ex l. 3. *Cod. comm. de legat.* constat, quod servi & ancillæ majores decem annis, si sine arte sint, viginti solidis æstimentur, minores verò decem annis decem solidis. Si autem ar-

tifices sint, usque ad triginta solidos eorum æstimatio procedat, sive masculi sive foeminae sint. Exceptis Notariis & Medicis utriusque sexus. Notarios enim quinquaginta solidis æstimari, Medicos autem & obstetrices sexaginta voluerit Imperator Justinianus. L. 1. §. *Cod. de comm. serv. manumiss.*

## TITULUS VII.

## DE LEGE FUSIA CANINIA TOLLE NDA.

## S U M M A R I A.

- 1 *Lex Fusia Caninia quid sanxerit?*
- 2 *Argumentum, à contractibus ad ultimas voluntates quando procedat?*

**E**X lege Fusia Caninia obtinebat, ut certus numerus manumittendorum servorum in ultimis voluntatibus servaretur, & ita fuit restricta libertas manumittendi in testamento: Etenim si quis habuerit duos servos, ambos manumittere poterat in testamento; si plures habuerit, dimidiam eorum partem usque ad decem licebat manumittere; si ultra decem habuerit, tunc usque ad triginta partem tertiam; à triginta usque ad centum quartam partem; à centum usque ad 500. partem quintam poterat manu-

mittere, plures autem quam centum non licebat manumittere, ratio, ne libertinis & sordidis hominibus repletur civitas. Verum Justinianus hanc legem tum libertatis, tum ultimæ voluntatis favore abrogavit, ex ratione, quod quidquid alicui conceditur inter vivos multo magis id in ultimis voluntatibus concedendum sit, cum liberum esse debeat, id quod non amplius redit, arbitrium. L. 1. *Cod. de Sacros. Eccles. Schamb. hic.* Ex hoc paragrapho D D notant, argumentum à contractibus ad ultimas voluntates valere, quod est verum affirmative, tamquam à minori ad majus, veluti hoc licet in contractibus: ergo etiam in testamentis, non autem negativè, sicut nec argumentum à minori ad majus negativè valet. *Schneid. hic num. 6.*

## TITULUS VIII.

## DE HIS, QUI SUI, VEL ALIENI JURIS SUNT.

## S U M M A R I A.

- 1 *Sui Juris quis dicatur?*
- 2 *Jus asyli.*
- 3 *Quo Jure competat?*
- 4 *Ecclesia consecrata an gaudeant Jure*

- 5 *asylis?*
- 5 *An polluta?*
- 6 *Quomodo polluantur?*
- 7 *An per actum conjugalem?*
- 8 *Quibus competat Jus asyli?*

9 *Quibus*

9 *Quibus non competat?*

10 *Fugiens ad Sacerdotem S. Eucharistiam portantem an Jure asyli gaudeat?*

1 **E**Xposita prima personarum divisione, qua omnes homines, vel sunt liberi, vel servi, sequitur nunc altera, qua hominum alii perhibentur *sui Juris*, alii *Juris alieni*. Alieni Juris sunt, qui dominica vel patria potestate continentur. Sui contra Juris sunt, qui in neutra potestate existunt. Agit autem Imperator primo de iis personis, quæ sunt alieni Juris; ratio est in textu; nam si cognoverimus, quæ istæ personæ sint, simul intelligemus quæ sui Juris sint, quia contrariorum eadem est notitia, & eorum uno cognito cognoscitur & alterum. *Manz. hic.*

#### §. IN POTESTATE I.

**E**Xplicat hic Imperator, qui sint in potestate dominica; aitque, quod servi. Et hæc potestas est juris gentium; constat enim eam apud omnes gentes peræque receptam fuisse. Effectus hujus potestatis duplex erat. Primus, ut servus nihil proprii haberet, sed quidquid acquireret hoc omne Domino acquireret, non solum scienti, & ratihabenti, sed etiam ignorant, & invito, §. 3. *Inst. per quas pers.* Secundus, ut Domini in servos Jus vitæ & necis haberent, adeoque impune eos occidere liceret, quod ea ratione niti videbatur, quia quilibet est suarum rerum moderator, & arbiter. *Text. hic.*

#### §. SED HOC. 2.

**L**icet olim Domini in servos haberint Jus vitæ & necis, hæc tamen potestas ex constitutione Pii Antonini restricta, sancitumque est, ut non liceat servum sine justa causa legibus cognita *Kies ad Instituta.*

occidere, sub poena homicidii, & legis Corneliæ, & ne quidem in eum intolerabiliter sævire; ratio, quia lex non occides est Juris naturalis, cujus ipsi quoque servi sunt capaces. Deinde reipublicæ interest locupletes habere & subditos. Porro occasione hujus paragraphi aliquid lubet de jure asyli discurrere, quod nihil est aliud, quam privilegium, quo gaudent Ecclesiæ, ut confugientes ad illas, velut ad asylum per vim extrahi non possint. *Pirrhing. de immunit. Eccles. sect. 2. §. 1.*

Quæres primo, quo jure competat Jus asyli? Multum refert scire, num Jure naturali, num Divino, num humano posito Jus asyli competat; nam si Jure naturali, aut Divino competere dicas, & affirmes, necesse est talem immunitatem Jure positivo humano per consuetudinem, aut legem contrariam tolli non posse. Respondeo, communiter obtinere Jus asyli, neque Jure naturali, neque Divino, sed humano tantum canonico & civili introductum esse. Ratio, quia seclusa prohibitione non intrinsece, malum est, reos ex templis extrahere si fiat hoc cum debita reverentia. Quod intrinsece malum non sit, patet ex eo, quia sunt casus excepti, quibus licet reos extrahere ex templis, qui casus excipi non possent, si intrinsece malum foret ex templis extrahere reos; nam quod intrinsece malum est tale esse desinere non potest, nisi essentias rerum mutari posse existimes. Verum ergo manet, Jure naturali Jus asyli non competere. Neque etiam competit Jure Divino; nam licet hoc Jus præcipiat, DEUM colendum, & locis sacris reverentiam exhibendam esse, non tamen inde recte ad immunitatem reis præstandam inferitur, cum econtra etiam crimina coercenda esse, Jure naturali & Divino statutum sit.

G

Deinde

Deinde ostendi non potest, Jus asyli in sacra scriptura Ecclesiis datum esse, aut ab Apostolis traditum. *Zoef. de immunit. Eccles. num. 6. Engl. eod. tit. n. 7. Gonzalez. in cap. 4. n. 8. eod.*

4 Quæres secundo, Utrum omnes omnino Ecclesiæ etiam necdum consecratæ, pollutæ, vel interdictæ hoc Jus Immunitatis habeant?

Quod attinet ad Ecclesias necdum consecratas, in quibus tamen cum licentia Episcopi missæ celebrantur, textus expressus habetur in *cap. 9. h. t.* quod immunitate gaudant. De aliis vero Ecclesiis non consecratis, in quibus nullæ adhuc missæ lætæ sunt, textus quidem expressus non habetur, communi tamen opinione etiam iis hoc privilegium adscribitur; quia talis Ecclesia ex sola autoritativa deputatione sacra censetur. *Arg. cap. ad hæc. de reliq. domib.* Ubi dicitur locum ad usum hospitalitatis destinatum, non esse mundanis usibus deputandum. *Zoef. loc. cit. num. 8.*

5 Ad Ecclesias pollutas quod attinet, etiam iis Jus asyli competere verius est, ratio, quia effectus pollutionis eatenus tantum operatur, ut divina officia in Ecclesia celebrari nequeant, adeoque cum inter effectus pollutionis Jure expressos ille, ut scilicet Jus asyli amittatur, non reperiatur, alii effectus propria autoritate statuendi non sunt, ne poena sine textu augeatur, aut inducatur. *Zoef. ad Decret. de immunit. Eccles. n. 9. Engl. n. 11.*

6 Sciendum Ecclesiam primo pollui per sepulturam infidelis vel etiam fidelis excommunicati aut hæretici. Secundo per homicidium aut sanguinis injuriosam effusionem. Tertio per effusionem seminis humani *cap. fin. de consecrat. Eccles.* debet autem effusio seminis esse voluntaria, & publica: Nam involuntaria non polluit Ecclesiam. Et occulta

pollutio sive fornicatio Ecclesiam non polluit, quia Ecclesia de occultis non judicat, & in *cap. significasti 5. de adulteriis*, ideo reconciliatio necessaria esse videtur, quia publice delictum detectum est. *Pirrh. de consecrat. Eccles. §. 3.* ubi ad hoc requirit, ut per effusionem seminis polluitur Ecclesia, notorietatem delicti. *Zoef. num. 9. eod.*

7 Per actum conjugalem Ecclesiam pollui communiter docent, licet enim talis actus in se non ponat peccatum, fit tamen effusio seminis sacrilega propter irreverentiam loco sacro exhibitam. Quod si ratio necessitatis copulam conjugalem exigit, forte, quia conjugati ab hostibus in templo obsessi, aut conclusi sunt, & locum exercendi copulam non habent, & sine periculo incontinentiæ abstinere non possint, tunc Ecclesiam non pollui communiter obtinet; necessitas enim non recipit legem, *Zoef. n. 8. Engl. num. 12.*

Ad Ecclesias interdictas quod attinet, non obstante interdicto Jus asyli competit, cum inter effectus interdicti non ponatur privatio istius immunitatis, adeoque poena sine expresso textu non extendenda est, cum odiosæ restringenda sint. Accedit quod Clericus, licet interdictus, suspensus, aut excommunicatus sit, tamen retineat privilegium Canonis, & fori: ergo etiam, licet Ecclesia interdicta sit, tamen retinebit Jus asyli; sicut enim in priori casu sine expresso textu poena restringi debet, ita etiam in posteriori casu id observandum. *Engl. & Zoef. dd. lo.*

8 Quæres tertio, quibus ergo competit Jus asyli? Respondetur cum distinctione: aut enim loquimur de servo aut de libero homine. Primo casu, si servus propter nimiam sævitiam domini confugerit ad Ecclesiam, tunc habet locum dispo-

dispositio paragraphi nostri, ut dominus cogatur eum bonis conditionibus vendere. Si vero propter modicam sævitiam domini, vel leve aliquod delictum commissum erga dominum, servus timens puniri a domino ad Ecclesiam confugerit restituendus est domino, præstita tamen cautione de vitæ & membrorum impunitate. *L. 6. §. si servum, Cod. de his qui ad Eccles.* Secundo casu subdividitur: aut liber homo propter debitorum oppressionem confugit ad Ecclesiam, aut propter delictum. Si prius tunc quidem immunis erit, ut extrahi non possit, citatus tamen à Judice, comparebit aut per se, aut per procuratorem, & fit missio in bonorum possessionem. *d. l. 6. §. 1. Cod. de his qui ad Eccles.*

Si posterius, tunc vel commisit delictum atrox, cui venit imponenda corporalis, vel cui venit imponenda poena pecuniaria. Si hoc, immunitate gaudet, ut invitus extrahi non possit, *l. 2. Cod. eod.* ratio, ne turbentur ministeria divina, preces & vota, quæ cum pace & quiete fieri oportet. *L. 5. Cod. eod.* Si illud, de jure civili immunitate non gaudet, adeoque invitus extrahi potest. *Nov. 17. cap. 7. de mandat. princip.*

Dico de jure civili, secus est de jure Canonico, de quo immunitas tam in causa civili, quam criminali locum habet, & propter nullum crimen reus extrahi potest, nisi in casibus jure exceptis.

Excipiuntur autem sequentes. Primo occidentes vel mutilantes in Ecclesia, aut ejus cimiterio; frustra enim legis auxilium implorant, qui delinquant in legem *cap. 10. §. de immunit. Eccles. §. nov. 117. cap. 15.* Secundo publicus latro, seu viarum grassator, & nocturnus agrorum depopulator *cap. eod.* Tertio, occidens proditorie. Proditorie occidens

dicitur, qui ex proposito & animo deliberato occidit, sine rixa aut ira subito commota. *Zoëf. de immunit. Eccles. num. 28.* Quarto assassini dantes vel accipientes pecuniam pro occisione. Quinto rei criminis læsæ Majestatis in personam Principis. *Clariss. D.P. König. ad Decret. d. t. n. 10.*

Quæres quarto, an gaudeat Immunitate confugiens ad sacerdotem portantem sacram Eucharistiam?

Dixeris quod non, hoc inductus argumento. Si Eucharistia ad incarceratum defertur, talis non gaudet immunitate Ecclesiastica; ergo neque qui confugit ad sacerdotem portantem Eucharistiam.

Verum communiter tuentur DD. contrarium, propter quod enim unumquoque tale est, illud magis est tale, sed propter Deum Ecclesiis est hæc immunitas concessa; ergo longe magis DEO. Confirmatur ex eo, quod procul dubio quis non cum minori irreverentia per lectores a Venerabili, quam Ecclesia abstraheretur. *Zoëf. loc. cit. num. 11. P. Engl. ibid. num. 17.* Dissentit Covar. var. resolut. lib. 2. cap. 2. n. 6. eo, quod hæc immunitas locis tantum sacris Jure Canonico concessa reperitur.

Ad rationem dubitandi Respondetur concedendo antecedens, negando consequentiam; differentie ratio est, quod incarceratus non sit amplius liber. Immunitatis autem Ecclesiasticæ effectus est, ut existens in libertate in ea conservetur, non ut vinculus in libertatem afferatur, ut in captivo per Ecclesiam ducto patet, qui similiter hac Immunitate non gaudet; quia etiam liber non est. Secus est in casu confugiens ad Sacerdotem portantem Eucharistiam, hic enim liber est *Zoëf. loc. cit. num. 35. §. 36. Cblin-genß. l. yst. h. t. q. 18.*



tem in potestate est, alium in potestate habere non potest. *L. 21. ad leg. Jul. de adult.*

Dixi, ex linea masculina, qui enim ex tua filia nascuntur, in potestate tua non

sunt, sed patris eorum; quoniam ex legitimo thoro suscepti non matris, sed patris conditionem sequuntur. *L. 19. ff. de stat. homin. Harp. num. 11. hic.*

## TITULUS X, DE NUPTIIS.

### SUMMARIA.

- |   |  |
|---|--|
| <p>1 Etymologia Sponsalium ponitur.<br/> 2 Definiuntur Sponsalia.<br/> 3 Divisio eorum.<br/> 4 Quis possit contrahere Sponsalia?<br/> 5 An inamoratus recte contrahat?<br/> 6 Minor septennio valide sponsalia contrahit, si malitia etatem suppleat?<br/> 7 Parentes possunt nomine liberorum sponsalia contrahere.<br/> 8 Procurator an sponsalia recte pangat?<br/> 9 Numerantur requisita sponsalium.<br/> 10 Desforans puellam sub spe matrimonii, an teneatur illam ducere?<br/> 11 Sponsalia gratuita qualiter obligent.<br/> 12 Taciturnitas non ponit sponsalia.<br/> 13 Sponsalibus an pena conventionalis recte adjiciatur?<br/> 14 Resolvuntur objectiones.<br/> 15 Quomodo sponsalia dissolvantur?<br/> 16 An per nudum votum ingrediende religionis solvantur? an per votum castitatis?<br/> 17 An matrimonio soluto reviviscant priora sponsalia?<br/> 18 An sponsalia priora solvantur per posteriora juramento firmata?<br/> 19 Quid si posterioribus accesserit copula?<br/> 20 Ob fornicationem solvuntur sponsalia.<br/> 21 Quid si utraque pars fornicata fuerit?<br/> 22 Gradus consanguinitatis novisse multum interest.<br/> 23 Consanguinitas definitur.</p> | <p>24 Linea quid sit &amp; quatuorplex?<br/> 25 Quid fipes?<br/> 26 27 &amp; 28 Traduntur regulae, ex quibus gradus Consanguinitatis cognoscuntur.<br/> 29 Matrimonium in quarto gradu prohibitum.<br/> 30 Affinitas definitur.<br/> 31. 32. 33. 34. 35. &amp; 36. Enumerantur regulae, ex quibus gradus affinitatis cognoscuntur.<br/> 37 Dispensatio an in linea recta locum habeat?<br/> 38 An in linea obliqua?<br/> 39 Matrimonium in secundo gradu jure tantum humano prohibitum de jure natura.<br/> 40 In linea collateralis affinitatis matrimonium tantum prohibetur de jure positivo humano.<br/> 42 Dispensatio non habet locum in gradibus jure natura prohibitis.<br/> 43 Nuptiae unde dicantur?<br/> 44 Quid sit matrimonium?<br/> 45 Quomodo dividatur?<br/> 46 Quis illud possit contrahere?<br/> 47 Enumerantur requisita matrimonii.<br/> 48 Consensus parentum an requiratur ad nuptias.<br/> 49 Parochus proprius quis dicatur?<br/> 50 Adulterium facit separari matrimonium quoad thorum &amp; mensam.<br/> 51 Non vero dissolvi quoad vinculum.<br/> 52 Separatio quoad thorum &amp; mensam, in quibus casibus non procedat?</p> |
|---|--|



- 53 *Impedimenta impediencia & dirimentia qualia & quot sunt?*  
 54 *Error substantialis est impedimentum dirimens.*  
 55 *Non accidentalis.*  
 56 *N si hic rediit in errorem per dñe.*  
 57 *Conditio quando ponat impedimentum dirimens?*  
 58 *Hæc conditio, si mecum in perpetua castitate vixeris, an ponat impedimentum dirimens?*  
 59 *Conditio quomodo diffinat a modo, & demonstratione, & causa.*  
 60 *Votum, Item*  
 61 *Cognatio spiritalis, vel*  
 62 *Legalis quando ponat impedimentum dirimens.*  
 63 *Adulterium & conjugicidium ut dirimant matrimonium, quid requiratur?*  
 64 *Cultus disparitas dirimit matrimonium.*  
 65 *Metus quid sit?*  
 67 *Quando dirimat matrimonium?*  
 68 *Ordo,*  
 69 *Ligamen,*  
 70 *Publica honestas, sunt impedimenta dirimentia.*  
 71 *Impotentia quotuplex sit?*  
 72 *Quæ dirimat matrimonium?*  
 73 *Eunuchi seu castrati non possunt contrahere matrimonium.*  
 74 *Bene vero Spadones.*  
 75 *Kaptus facit dirimi matrimonium.*  
 76 *Legitimatio quid sit?*  
 77 *Quotuplex sit?*  
 78 *Quid ad legitimationem per subsequens matrimonium requiratur?*  
 79 *An in articulo mortis procedat?*  
 80 *Adulterini non possunt legitimari per subsequens matrimonium.*  
 81 *Licet impedimentum tempore natiuitatis cessaverit?*  
 82 *Resolvuntur argumenta contraria.*  
 83 *Instrumenta dotalia an requirantur?*

- 84 *An consensus liberorum?*  
 85 *Legitimati per subsequens matrimonium succedunt in feudis.*  
 86 *An legitimatio tribuat jus primogenituræ.*  
 87 *Legitimatio per rescriptum quid sit?*  
 88 *Quis illam perficere possit?*  
 89 *Quid requiratur?*  
 90 *Quis ejus effectus?*

**E**gimus de potestate patria in genere; superest, ut dicamus de modis, quibus illa inducitur. Sunt autem tres causæ constitutivæ patriæ potestatis, videlicet justæ nuptiæ, legitimatio, & adoptio. Cum vero nuptiarum aurora sint sponsalia, ideo primo loco de his, utpote materia utili & usitata agemus, ubi cum ista materia dirigatur ex regulis Juris Canonici, non textus methodum, utpote juris civilis formam explicantem, sequar, sed alia, & utiliori via incedam.

Sponsalia a spondendo dicta, *L. 1. ff. de spons.* Quia olim moris erat stipulari, ac spondere uxores sibi futuras, unde ac sponsi, sponsæque appellatio nata est. *Harp. num. 3. h. t.*

Definiuntur quod sint mentio (hoc est *Stipulatio*), & repromissio, hoc est *reciproca promissio* futurarum nuptiarum. *L. 1. ff. de Sponsal.*

Dividuntur sponsalia in sponsalia de futuro, & sponsalia de presenti. Sponsalia de futuro sunt promissio, & repromissio futuri matrimonii: v. g. ducam te in uxorem. Sponsalia de presenti sunt promissio & repromissio de presenti facta, v. g. accipio te in uxorem meam; & talia sponsalia de Jure Canonico olim pro rato matrimonio habebantur, ita ut mutuo dissensu amplius non potuerint dissolvi. *Honn. de Trent. vo. 2. disp. 6. th. 1. q. 2.*

Verum

Verum hodie *post Concil. Trident. Sess. 24. de reformat. cap. 1.* utpote de quo nullum matrimonium sine præsencia Parochi & testium contrahi potest, non dantur amplius Sponsalia de præsenti, nisi matrimonium ratum alia nuncupare velis, prout ita nuncupat *Chlengenp. q. 10. de pat. potest.* Unde sua sponte fluit, licet ante Concilium Tridentinum sponsalia clam contracta per secutam copulam in matrimonium transierunt, *Cap. 30. de sponsal.*, hodie tamen in locis ubi Concilium Tridentinum receptum est, id non amplius obtinere, & talem copulam pro nuda fornicatione haberi, non inducente matrimonium. *Pirrhing. §. 5. de sponsal. Engl. §. 1. num. 6. cod.*

Sponsalia contrahere possunt omnes, qui & nuptias. Contra, quibus nuptias contrahere prohibitum est, nec sponsalia contrahere possunt. *Cap. ult. de pact. l. 15. ff. de condit. Inst. l. 16. ff. de spons.*

Dices. Impubes non potest contrahere matrimonium, & tamen potest contrahere sponsalia; ergo falsum est, quod is sponsalia contrahere nequeat, qui ad contrahendas nuptias est inhabilis. Resp. Nos duntaxat illos excludere à licentia contrahendi sponsalia, qui absolute sunt inhabiles ad nuptias, non illos qui spem habilitatis habent.

In specie sponsalia contrahere prohibentur, 1. Furiosus, sive ille, qui cum rabie insanit, quia non intelligit, quod agit. *§. 8. de Instit. de Inut. stipulat. & omni consensu destituitur. L. 2. Cod. de Contrah. empt.*

Dubitatur an libidinosi, & cæci amoris cæstro perciti sponsalia valide contrahant?

Negativa rationis mole non caret, cum amens, & amans pari videantur

deambulare passu. *arg. Nov. 74. cap. 4. assentis: nihil esse furore amoris vehementius.* Hinc scite sapientissimus Romanorum Seneca: *Amor, inquit, rationis oblitio est & insensu proximus, sedum, maximeque conveniens vitium, turbat consilia, altos, & generosos spiritus frangit, à magnis cogitationibus ad humillimas detrahit, & teste Publio, amare, & sapere vix Jovi conceditur.*

At opposita sententia in praxi & curiis Germaniæ triumphat; enim vero ad sponsalia non alia animi deliberatio requiritur, quam illa, quæ requiritur ad committendum peccatum mortale; atqui amoris cæstro perciti tali gaudent animi deliberatione; ergo sponsalia valide pangunt.

Ad rationem dubitandi *ex nov. 74. cap. 4. desumptam.* Resp. inamoratam furioso tantum improprie, & in aliquibus comparari. *Clariss. D. P. König. ad J. Can. lib. 4. tit. 1. p. 1. §. 7. num. 33.*

Secundo prohibentur sponsalia contrahere mente capti, sive ii, qui citra cæstrum furoris placide delirant. Quia nesciunt, quod agunt.

Tertio ebrii ebrietate perfecta, sive tali, quæ inducit omnimodam alienationem mentis; quia stante tali ebrietate non potest deliberate consentire.

Quarto infantes, sive ii, qui nondum compleverunt annum septimum. *L. 14. ff. de test. cap. 4. §. 13. de despons. impub.*

Quæres 1. possitne minor septennio contrahere sponsalia, si præcitas ingenii antevertat annos, & malitia a tatem suppleat?

Negativam propugnant *Clariss. D. P. König. lib. 2. tit. 2. §. 2. num. 5. Fachin. lib. 3. cap. 26. Harp. Instit. de nupt. n. 10. Zoëf. ad Decret. de cons. n. 5.*

Movetur 1. *per cap. 4. §. 13. de despons.*

*despons. impub.* ubi expresse sancitur, sponsalia ante septennium contrahi non posse. Ergò.

Moventur 2. Jura de illis casibus constituuntur, qui frequenter accidunt. *L. 3. 4. 5. 6. § 10. ff. de LL.* ergo cum rarissimè accidat, quòd ante septennium sufficiens rationis usus ad sponsalia pangenda adsit, à regula generali non recedendum erit.

Moventur 3. ubi adest præsumptio juris & de jure, non admittitur probatio in contrarium. *Menoch. l. 1. quest. 3. num. 17. § 20. de præsumpt.* sed in minore septenniò adest præsumptio juris & de jure; ergo non admittitur probatio in contrarium, puta, adesse sufficientem usum rationis. *Minor ostenditur.* Tunc adest præsumptio juris & de jure, si jus aliquid præsumat, & super præsumpto statuit, disponitque *Zoëf. f. de probat. § præsumpt. n. 12.* Sed Jus Canonicum præsumat in minore septenniò non esse sufficientem usum rationis ad contrahenda sponsalia, & desuper statuit *d. cap. 4. 5. § 13.* ergò adest præsumptio juris & de jure.

Moventur 4., tempus, quod requiritur ad testamenti factionem, anteverti non potest præcocitate ingenii *L. 5. ff. qui testam. facere possunt.* Ergò neque tempus, quod requiritur ad contrahenda sponsalia.

6 His tamen argumentis non obstantibus affirmativæ subscribo, cui quoque assensu suo patrocinantur *P. Wex. tract. de spon. p. 1. §. 3. num. 18. Sanchez. de matrim. lib. 1. disp. 16. num. 9. P. Engl. de desponsat. impub. num. 2. Glettle de pact. § contract. cap. 4. §. 1. num. 8.*

Facit 1. *Cap. 3. § de sponsal. ubi* juvenis quidam cum puella nondum septenni sponsalia contraxit, & deinde cum consobrina ejusdem puellæ, id est,

*Res ad Instituta.*

*mit des Magdels Scawesley Tochter* matrimonium iniit: jussit in eo casu S. Pontifex propter impedimentum publicæ honestatis sequens matrimonium rescindi. Quæ ratio rescindendi inepta foret, si ante septennium non possent consistere sponsalia, quia ex sponsalibus ob defectum consensûs invalidis non confurgit impedimentum publicæ honestatis. *Cap. 4. de despons. impub.*

Non obstat: Si dicas cum antagonistis, quòd copula in dicto casu cum priori intervenierit. Respondetur enim, si propter copulam matrimonium rescissum fuisset, malè S. Pontifex allegasset ob impedimentum publicæ honestatis matrimonium rescindi debere, quia copula ponit impedimentum affinitatis, prout de affinitate differemus.

Facit 2. Non obstante, quòd matrimonio contrahendo certa ætas, scilicet, masculis quatuordecim, fœminis duodecim annorum definita sit, si tamen malitia ætatem suppleat, matrimonium ante tempus definitum contractum valet. *Cap. 9. de despons. impub.* ergò etiam, esto sponsalibus contrahendis certa ætas definita sit, si tamen malitia ætatem suppleat, valebunt sponsalia, cum à matrimonio ad sponsalia legitimum ducatur argumentum. *arg. L. 16. ff. de spons.*

Facit 3. stando in jure naturæ potest minor septem annis contrahere sponsalia, modò habeat sufficientem usum rationis, ergò idem dicendum de jure positivo: cum hoc in passu nullibi à jure naturali recesserit. Imò

Facit 4. *L. 14. ff. de sponsal.* ubi dicitur ætatem pro sponsalibus non ita esse definitam, sicut in matrimonio. Idem eodem textu dicitur à primordio ætatis sponsalia effici posse, si modo contrahentes intelligant, quid agant. Nec adversatur, quòd textus *d. l. 14.* sub-

H jungat

jungat hæc verba : *Si non sint minores , quam septem annis ;* enim verò hæc ultima verba recipiunt hunc sensum ; non sint minores illi , qui non habent sufficientem usum rationis . Lex enim hic supponit , ante septennium non adesse sufficientem usum rationis , adeoque ut brevis sim , textus sic debet intelligi : *Modo id fieri ab utraque persona intelligatur ;* quod regulariter contingit , si non sint minores septenniō . Sane si ex isto textu evincere velis , septennium requiri præcisè ad sponsalia , fatearis necesse est , intra paucas lineolas Juris consultus sibi contradixisse censeatur , quod absurdum foret . *Wex. loc. cit.*

Argumenta contraria nullo labore diluuntur , & quidem ad primum respondetur *distinguendo antecedens* . Sponsalia ante septennium contrahi non possunt , suppositō quod sufficiens usus rationis non adsit ; *concedo antecedens* , si adsit , *nego antecedens & consequentiam* . Capitula , in quibus dicitur , quod ante septennium non valeant sponsalia , fundantur in præsumptione , quod ante illud tempus nondum adsit sufficiens usus rationis , leges autem in præsumptione fundatæ non obligant , si præsumptio sit falsa .

Secundum ruit ab experientia , quâ videmus præsertim in Austria , non rarò contingere , ut ante septennium multi satis intelligant , quis sit matrimonii finis . Deinde transeat rarò contingere , utique tamen oportet scire , quid Juris etiam in casibus rarò contingentibus .

Tertium , in quo Achillen ponunt , facili labore prosternitur . Respondetur enim , illam regulam , quod præsumptio Juris & de jure non admittat probationem in contrarium , non procedere universaliter , sed limitationem reci-

pere in casu , quò contrarium notorium est , *Meno. b. lib. 1. de Præsump. quest. 60. n. 8. eod. tit.* Sic jure antiquo dabatur etiam præsumptio juris & de jure , quod sponsalia de futuro transierint in matrimonium per carnalem copulam cum sponsa subsecutam . *Cap. 30. de sponsal.* & tamen si constiterit , quod copula non maritali affectu , sed tantum fornicariō fuerit habita , non valebat matrimonium , & præsumptio debuit cedere veritati ; ergo etiam si constet , notoriumque sit , adesse in minore septennio sufficientem usum rationis , præsumptio locum non habebit .

Quartum pari modo haud difficulter convellitur . Respondetur enim concedendo antecedens , negando consequentiam . Quia in testamenti factione quatuordecim anni pro forma requiruntur , forma autem per æquipollens non impletur . *L. 3. §. fin. ff. jurejur.* In nostro autem casu septem anni desiderantur , quia jura præsumunt , prius non adesse sufficientem usum rationis . Quæ præsumptio , si non verificetur , neque lex habebit locum .

Diximus , qui nomine proprio possint contrahere sponsalia , sequitur de iis , qui nomine alieno contrahunt . v. g. parentes , procuratores . Parentes enim li-  
beros suos despondere , vel nomine illorum sponsalia contrahere posse certi & indubitati juris est , *C. un. de desponsat. impub. in 6.* Quod tamen cum distinctione procedit . Vel enim parentes contrahunt sponsalia pro filio adhuc infante , aut absente , vel pro eo , qui infantiam jam excessit , & præsens est . Si pro filio adhuc infante aut absente : non aliter tenent sponsalia , quam si filius infantiam egressus aut reversus factum patris approbaverit . Si pro filio , qui infantiam jam excessit , & præ-  
sens



**sens est**, tenent sponsalia, quamvis filius expressè non consentiat; sufficit enim, quod non contradicat *d. cap. un.* cum enim parentes plus filios, quam se ipsos diligant. *l. 8. quod met. caus.* præsumitur rectè eos filiis consulere, & filios iis consentire; qui enim tacet, vel maximè in favorabilibus, videtur consentire. *Sanchez lib. 1. disp. 23. n. 3.*

Dixi parentes, quia æque Matri ac Patri pro filio contrahere sponsalia concessum est, tum quod *d. cap. un.* de parentibus loquatur, sub quo nomine uterque parens includitur: Tum quod decisio textûs *d. cap. un.* non innitatur patriæ potestati, sed amoris paterno, qui æquè in matre, quam patre reperibilis est. *Engl. lib. 4. tit. 2. §. 2. num. 4.*

8 Procuratores sponsalia si contrahant, non aliter vim obtinent, quàm si mandatum speciale in ordine ad determinatam personam acceperint à persona principali, & hæc in voluntate sua perstiterit. *Cap. ult. de procurat. in 6.* Unde sequitur, si principalem poeniteat, & mandatum in absentia procuratoris retractet, licèt procurator retractionis ignarus fuerit, sponsalia contraxerit, sponsalia tamen non valere, *d. cap. ult.* ratio est in favore libertatis, qui in matrimonio singulariter desideratur, posita.

Non obstat, quòd, si procurator datus ad alia negotia, & ignarus poenitentis dantis negotia gesserit, utiliter agat; *Cap. 13. de procurat. Clement. un. de re-nunt. l. 15. ff. mandati.* Nam ad sponsalia non sufficit consensus subtilitate juris fictus, sed requiritur verus & naturalis: quod secus est in aliis negotiis. *Franz. ad Inst. lib. 1. tit. 10. §. 3. part. 1.*

Porro plura adhuc, requiruntur, ut sponsalia suis conditionibus absolvan-tur; & quidem,

9 Primo requiritur promissio vera, non

simulata, hoc est sponsus debet habere serium animum se obligandi; verba enim non obligant citra consensum, sine quo nulla obligatio confurgit. Hinc sponsalia non sunt, si quis ficta matrimonii promissione usum corporis à puellâ eblandiatur. *Sanchez. lib. 1. disp. 9. n. 5. Franz. ad Inst. ad loc. n. 12.*

Quæres secundo, an is teneatur puellam in uxorem ducere, si ficta matrimonii promissione impetraverit ab eadem usum corporis?

Dixeris quòd non; si enim teneretur illam ducere, tunc vel teneretur ex obligatione sponsalium, vel ex damno illato; neutrum potest dici, ergo non tenetur. Non tenetur ex obligatione sponsalium, quia ad sponsalia requiritur verus consensus, & fictus non sufficit. Non ex damno illato, quia ratione damni illati tantùm tenetur ad compensationem, quæ utique aliter fieri poterit, quàm per nuptias. Sed verius est, quòd teneatur ad nuptias.

Ratio prima, quia iustitia commutativa, vi cuius seductor tenetur, non tantum vult, ut æquale reddatur, sed ut idem reddatur; adeoque si quis equum furatus est, non sufficit pretium ejus præstare, sed tenetur equum restituere, quia aliud pro alio invito creditori reddi non potest. *L. 2. §. 1. ff. de reb. credit.*

Ratio secunda desumitur ex *cap. 1. de adult. & stupro*, quod capitulum de promptum est ex *lib. exo l. 22. vers. 16.* ubi dicitur: *si quis seduxerit virginem dormieritque cum ea, dotabit eam & habebit uxorem.*

Non obstat, quòd non verè, sed tantùm fictè consenserit. Quia contractuum innominatorum, do ut des, facio ut facias, ea est indoles, ut, si una pars conventioni satisfecerit, altera quoque teneatur satisfacere. *Tot. tit. ff.*

H 2      *prescript.*



*prescript. verb.* Etiam si tantum fidei consenserit; tenebatur enim ex iustitia vere consentire, & Conditio in mente retenta nihil operatur, *arg. l. 7. Cod. de condict. indeb.* Sic ponamus, fidei promissi Petro centum aureos, ut pro me eat Romam; si Petrus ivit, teneor dare centum; ergo etiam cum hic contractus fuerit mutuus, licet vi sponsalium fortè non obligetur, tenebitur tamen vi contractus innominati, do ut des, puellam ducere, cum qua censetur contractum innominatum iniisse, putat taliter: *exhibeo tibi usum corporis mei, ut me ducas in uxorem.* Jam vero, ut diximus, si una pars contractum impleverit, tenetur & altera illum implere. Ita docent Sanchez l. 1. disp. 10. num. 3. Zoes. ad decret. de sponsal. num. 20. Engl. lib. 4. tit. 1. §. 2. num. 13. Franz. ad Inst. l. 1. tit. 10. part. 1. §. 5. n. 12.

Dices: Si ex concessis in memorato casu contractus innominatus intervenit, non tenetur factus promissor præcise ad promissum: quoniam in contractibus innominatis debitor interesse præstando liberatur. L. 5. *prescript. verb.* Respondetur d. l. 5. procedere, si damnum solvendo interesse sit reparabile, quale non est hic. Zoes. l. cit.

Urges: damnum, quod puella sentit, propriâ culpâ sentit, adeoque non videtur sentire. L. 203. ff. de R. J. Ergo non debet resarciri. Respondetur, quod damnum persuasionem promissoris sentiat, qui non dolose illam deflorare debuisse. Dixi *deflorare*: si enim puella virgo non fuerit, sed corrupta, ab illa ducenda liber erit, quia non tam decepit, quam deceptus est, decipienti autem jura non patrocinantur. Zoes. loc. cit. Sanchez. n. 11. Et n. 21. d. loc. ubi asserit si puella fraudem facile advertere potuerit, quod promissor in

multo digniori, & altiori statu, atque conditione sit constitutus, quod non teneatur illam ducere.

Secundò ad sponsalia requiritur promissio mutua, hoc est, ut pars utraque ad nuptias se obligare velit, promissio enim ex uno latere facta contractum sponsalium non inducit. Unde si virgini nuptias promittam, & ipsa non repromittat, ex neutra parte obligatio oritur. Non ex parte Virginis, quoniam animum contrahendi non habuit, actus enim agentium non operantur ultra intentionem eorum. L. 19 ff. de R. G. Non etiam ex mea, quia obligationem non aliam subire volui, quam sponsalitiâ, quæ ex natura sua est mutua & reciproca. Franz. ad Inst. loc. cit. num. 13.

Quæres tertio, an sponsalia ex merè gratuita & liberali promissione non possint ita contrahi, ut una dumtaxat pars esset obligata, altera non etiam? Respondetur posse quidem taliter contrahi à paritate emptionis, venditionis; tamen enim emptio, venditio essentialiter utrinque sit obligatorius contractus, nemo tamen dubitat, quin possim promissionem ita concipere, ut velim obligatus tibi esse ex stipulatione, ad equum tibi vendendum, si illum intra annum emere volueris, ergo etiam licet sponsalia sint contractus utrinque essentialiter obligatorius, non tamen video, quin taliter contrahi non possint, ut una saltem pars maneat obligata.

Dicitur taliter quidem posse contrahi sponsalia; sed talia sponsalia non producant verum effectum sponsalium, puta publicæ honestatis impedimentum, adeoque vir mortuæ femina, cui solus erat obligatus, ejus sororem recte in uxorem ducit. Engl. §. 2. de spons. n. 3. Wex. part. 1. §. 2. n. 9.

Tertio

Tertiò desideratur ad sponsalia, promissio verbis vel signis exterioribus sufficienter manifestata. Consensus enim merè internus ad inducendam obligationem iustitiæ est insufficiens; quia cum sit absolutè insensibilis, non potest producere sensibilem effectum in ordine ad commercium humanum. *Pirrhing. lib. 4. tit. 2. §. 1. n. 3.*

Planè verba non requiruntur præcise ad Sponsalia, sed potest consensus in nuptias aliis quoque signis manifestari. Sic nullum est dubium, quin porrectione manuum, reciproca traditione, & insertione annulorum, &c. Sponsalia pangi possint. *Menoch. de præsumpt. lib. 3. præsumpt. 2. Sanchez. lib. 1. disp. 22.*

12 Quæres quarto, an taciturnitas sit tale signum, ex quo colligere liceat consensum Sponsalium? Fac. v.g. quod puellæ præsentis nuptias promittam, illa vero rubicundo suffusa pudore verecundans taceat, non annuat, non renuat, an hoc in casu matrimonium repromississe censenda est? Ope distinctionis respondendum censeo. Vel enim de Sponsalibus pangendis præcessit tractatus aliquis, vel non præcessit. Si prius, fortè quòd actum fuerit de Sponsalibus hic & nunc contrahendis v.g. in præsentia amicorum, ad hunc finem convocatorum, Sponsalia contracta esse intelliguntur, quia sola verecundia videtur vocem sufflaminasse, *Engl. n. 2. §. 8.* Si posterius, Sponsalia contracta non censentur, quia taciturnitas suapte vi nec consensum nec dissensum importat, sed ad utrumque est indifferens, c. 44. de R. J. in 6. & in dubio leges potius liberant, quàm obligant. l. 47. ff. de oblig.

Non refragatur. Qui tacet, consentire videtur cap. 43. de R. J. in 6. ergo dum puella tacet, censetur consentire.

Enim vero memorata regula tunc procedit, si de mero tacentis favore agitur, non etiam si de gravi præjudicio, quæ admodum in sponsalibus. Deinde d. cap. 44. de R. J. in 6. contrarium videtur sancire his verbis: *Qui tacet, non utique fatetur, sed neque negare videtur: Engl. loc. cit. Franz. n. 15.*

Effectus sponsalium est obligatio ad contrahendas nuptias, quæ obligatio stringit sub culpa lethali. Nisi justam resiliendi quis causam habeat, de quibus paulo post. Sine justa causa si quis resilire velit, monendus, si monitionem sperneret, censuris Ecclesiasticis compellendus erit. Sed caveat Judex à coactione tali, qualis induceret difficilem matrimonii exitum, cap. 10. & 17. de sponsal.

Non obstat L. 1. Cod. de sponsal. ubi jam desponsatæ licentia datur alii nubendi, quia d. l. 1. procedit de jure civili; In materia autem sponsalium, utpote spirituali, standum est Juri Canonico.

Quæres quinto: Possitne pœna conventionalis sponsalibus adjici, solvenda in eventum, si pars alterutra sine justa causa à sponsalibus recesserit; si vero valeatne tale pactum, si absque justa causa à sponsalibus resilieris, solvas pro pœna mille?

Prima sententia negat, ita *Sanch. lib. 1. disp. 30. n. 2. Pirrhing. lib. 4. sect. 1. §. 4. num. 22. Brunn. in l. 5. cod. de spons. n. 11. Perez. ibid. d. 101. Zoës. ff. de spons. n. 10. Wex. de sponsal. p. 2. cont. n. 18. Schamb. ad princ. Inst. de pat. potest.*

Movetur primo ex cap. gemma 296. de sponsal. ubi Gregorius IX. disertis terminis rescribit, ejusmodi pœnam, tanquam adversam libertati matrimonii sponsalibus adjici non posse.

TITULUS IX.  
DE PATRIA POTESTATE.

SUMMARIUM.

1. Patria potestas quid sit?
2. Cujus juris sit?
3. Effectus patrie potestatis quales sint?

**D**iximus in principio præcedentis tituli, personarum, quæ alieno juri subiectæ sunt, quasdam esse in potestate dominicæ, quasdam in potestate patriæ. De potestate dominicæ actum est: superest, ut de patriæ agamus.

AD PRINCIPIMUM.

**1** **U**T accuratius tractetur hoc principium, ponenda est definitio patriæ potestatis, statuendumque, quod sit jus, vi cuius descendentes ex masculis supremo ascendentium superstiti subijciuntur in ordine ad certos effectus Jure introductos. Ita more suo solidissime *Clariss. DD. Franz. Inst. hic n. 2.*

[Dicitur 1. *Supremo ascendentium superstiti*, quia pater cuius pater adhuc vivit, suum filium non habet in potestate patriæ; qui enim in potestate patriæ est, alium sub sua potestate habere non potest. *L. 21. ff. ad leg. Jul. de adul.*

Dicitur 2. *ex masculis supremo*, quia mater filium, sive liberos in potestate non habet §. *femine* 10. *Inst. de adopt.* Longe enim illustrior est patriæ potestas, quam quæ imbecilli scæminarum sexui conceditur, & indecorum plane atque indignum fuisset, scæminis imperium in liberos tribuere, utpote quas subesse potestati, non præesse decet. *Harp. numero 8. §. 9.*

Itaque liberi nostri (inquit Impera-

tor) in potestate nostra sunt, juxta antiquam Romuli legem: filius, quamdiu vixerit, in potestate patris maneto. *Mynsin. Inst. hic n. 2.* Sed quales sunt illi liberi? R. Illos solummodo liberos in potestate nostra esse, quos ex justis nuptiis procreavimus. *Text. hic.* Unde excluduntur naturales, spurii, incestuosi &c.; ratio exclusionis ultima a Manzio statuitur hæc esse, quia ex patriæ potestate accedit patri multiplex commodum, nemo autem ex suo delicto commodum, & præmium reportare debet.

§. N U P T I Æ I.

**T**raditur hic definitio nuptiarum quæ materia loco magis congruo infra. *tit. 10.* a nobis accurata lance trutinabitur, quo interea remissus esto.

§. J U S A U T E M. 2.

**Q**uæritur in hoc paragrapho, cujus juris sit patriæ potestas? Respondet 2. Imperator, esse juris civilis, & addit rationem; quia nulli alii sunt homines, qui talem in liberos habent potestatem, qualem nos habemus. Accedit, quod patriæ potestas civili modo tollatur, puta, deportatione, emancipatione, &c. ergo erit juris civilis ex vulgata juris regula in *l. nihil tam naturale* 35. ff. de *R. J. Hunn. var. resol. lib. 1. tract. 2. q. 17.*

Dices omnes gentes habent suos liberos in patriæ potestate; ergo patriæ potestas non erit juris civilis, sed juris gentium. R. Dist. ant. Omnes gentes habent suos liberos in patriæ potestate qualicunque, conced. ant., tali, quali cives Roma-

ni utuntur, neg. ant. & conseq. Ulro largior, apud omnes gentes reperiri patriam potestatem; vis enim, teste Plinio in panegyri. *Lex natura semper in ditione parentum esse liberos iussit.* Sed illud nego, talem apud omnes gentes reperiri in liberos potestatem-qualem cives Romani habent, utpote qui varios effectus in suos liberos exercent, quos exercere aliis gentibus usitatum non est, prout ex paulo post dicendis, & toto institutionum decursu luculentius fiet. Itaque tametsi, si originem spectes, patria potestas Juri gentium sua cum abala referat in acceptis, Juris tamen civilis est, si formam ejus consideres. Harp. n. 2. Vinn. Inst. hic. n. 1.

- 3 Effectus patriæ potestatis multiplex est. Primus, quod olim Pater jus vitæ & necis in liberos habuerit. *L. ult. Cod. h. t. l. 11. ff. de lib. & posth.* Verum cum patria potestas in pietate, non in atrocitate consistere debeat, *l. 5. ff. ad leg. Pomp. de parri. id.* merito jus istud tanquam nimis rigidum & acerbum sublatum est, & abolitum. *L. un. Cod. de his, qui parent. vel lib. o. cid.* Decens tamen & honesta quædam emendatio ac potestas corrigendi liberos parentibus relicta est, *L. 3. h. t.* Hinc pater filium degenerem carceribus mancipari recte curat, aut Judici puniendum offert, ita tamen, ut judex poenam irroget, quam Pater dictavit. *d. l. 3. Cod. eod. Schneid. num. 26. b. c. Clariff. D. D. Franz. Inst. h. t. §. 7. num. 9.*

Secundus effectus patriæ potestatis est, quod Pater propter nimiam atque extremam egestatem liberos, quos in potestate habet, vendere & pignori obligare possit, ita tamen, ut postea oblato & refuso, pretio creditor filium pristinae teneatur restituere libertati. *L. 2. Cod. de patrib. qui si os jus dant. Tramm. in d. l. 2. Schneid. hic. num. 29.*

Hodie patri non amplius licet distra-

here, aut nexu pignoris filios obstringere, *Græneweg. n. de legib. abrogat. ad d. l. 2.* atque adeo incassam laborarem, si me circa matrem, an eidem de jure communi idem jus competat, anxie detine-rem. Interim consule *Arumæ. exercit. Just. 2. ib. 3. Harp. hic num. 23. Perez. in Cod. de Patrib. qui filios suos distr. Schneid. num. 29. Hun. var. resol. l. 1. tract. 2 q. 16.*

Tertius effectus est, quod pater filio impuberi in testamento possit tutorem dare §. 3. *Inst. de tutel.*

Quartus, quod ei possit pupillariter substituere, *tot. tit. Inst. ff. & Cod. de pupill. subst.*

Quintus, quod injuriam filio illatam possit remittere. *L. 17. §. filio fam. II. ff. de Injur.*

Sextus, quod Pater bona adventitia filiorum iis etiam invitis administrare possit, *L. 1. Cod. de bon. mat. Schneid. num. 38. h. t.*

Septimus, quod filius, quidquid acquirat, acquirat Patri, *tot. tit. infra per quas pers. cuique acquir.* ubi Deo dante, hunc septimum effectum latius explicavimus.

Octavus effectus patriæ potestatis est, quod filius sine consensu patris contra alium stare in judicio nequeat. *L. fin. Cod. de bon. que lib.* plures effectus pleno agmine producit. *Schneid. hic. num. 24. usque ad num. 47.* quos suis propriis sedibus expendemus.

#### §. Q U I I G I T U R. 3.

Quæritur hic, quinam liberi sint in potestate patria? R. Non tantum filios & filias, sed etiam nepotes, pronepotes atque cæteros ex linea masculina descendentes. Ita tamen ut nepos sit in potestate avi, & pronepos in potestate proavi &c.; ratio, cur nepos sit in potestate avi, & non in sui patris, est in aperto, quia pater ipse est in potestate avi; qui au-

tem in potestate est, alium in potestate habere non potest. *L. 21. ad leg. Jul. de adult.*

Dixi, ex linea masculina, qui enim ex tua filia nascuntur, in potestate tua non

sunt, sed patris eorum; quoniam ex legitimo thoro suscepti non matris, sed patris conditionem sequuntur. *L. 19. ff. de stat. homin. Harp. num. 11. hic.*

## TITULUS X, DE NUPTIIS.

### SUMMARIA.

- |   |  |
|---|--|
| <p>1 <i>Etymologia Sponsalium ponitur.</i><br/> 2 <i>Definiuntur Sponsalia.</i><br/> 3 <i>Divisio eorum.</i><br/> 4 <i>Quis possit contrahere Sponsalia?</i><br/> 5 <i>An inamoratus recte contrahat?</i><br/> 6 <i>Minor septennio valide sponsalia contrahit, si malitia aetatem suppleat?</i><br/> 7 <i>Parentes possunt nomine liberorum sponsalia contrahere.</i><br/> 8 <i>Procurator an sponsalia recte pangat?</i><br/> 9 <i>Numerantur requisita sponsalium.</i><br/> 10 <i>Deflorans puellam sub spe matrimonii, an teneatur illam ducere?</i><br/> 11 <i>Sponsalia gratuita qualiter obligent.</i><br/> 12 <i>Taciturnitas non ponit sponsalia.</i><br/> 13 <i>Sponsalibus an pena conventionalis recte adjiciatur?</i><br/> 14 <i>Resolvuntur objectiones.</i><br/> 15 <i>Quomodo sponsalia dissolvantur?</i><br/> 16 <i>An per nudum votum ingredienda religionis solvantur? an per votum castitatis?</i><br/> 17 <i>An matrimonio soluto reviviscant priora sponsalia?</i><br/> 18 <i>An sponsalia priora solvantur per posteriora juramento firmata?</i><br/> 19 <i>Quid si posterioribus accesserit copula?</i><br/> 20 <i>Ob fornicationem solvuntur sponsalia.</i><br/> 21 <i>Quid si utraque pars fornicata fuerit?</i><br/> 22 <i>Gradus consanguinitatis novisse multum interest.</i><br/> 23 <i>Consanguinitas definitur.</i></p> | <p>24 <i>Linea quid sit &amp; quatuorplex?</i><br/> 25 <i>Quid stipes?</i><br/> 26 27 &amp; 28 <i>Traduntur regulae, ex quibus gradus Consanguinitatis cognoscuntur.</i><br/> 29 <i>Matrimonium in quarto gradu prohibitum.</i><br/> 30 <i>Affinitas definitur.</i><br/> 31. 32. 33. 34. 35. &amp; 36. <i>Enumerantur regulae, ex quibus gradus affinitatis cognoscuntur.</i><br/> 37 <i>Dispensatio an in linea recta locum habeat?</i><br/> 38 <i>An in linea obliqua?</i><br/> 39 <i>Matrimonium in secundo gradu jure tantum humano prohibitum de jure natura.</i><br/> 40 <i>In linea collateralis affinitatis matrimonium tantum prohibetur de jure positivo humano.</i><br/> 42 <i>Dispensatio non habet locum in gradibus jure natura prohibitis.</i><br/> 43 <i>Nuptiae unde dicantur?</i><br/> 44 <i>Quid sit matrimonium?</i><br/> 45 <i>Quomodo dividatur?</i><br/> 46 <i>Quis illud possit contrahere?</i><br/> 47 <i>Enumerantur requisita matrimonii.</i><br/> 48 <i>Consensus parentum an requiratur ad nuptias.</i><br/> 49 <i>Parochus proprius quis dicatur?</i><br/> 50 <i>Adulterium facit separari matrimonium quoad thorum &amp; mensam.</i><br/> 51 <i>Non vero dissolvi quoad vinculum.</i><br/> 52 <i>Separatio quoad thorum &amp; mensam, in quibus casibus non procedat?</i></p> |
|---|--|

53 *Impe-*



- 53 *Impedimenta impediuntia & dirimentia qualia & quot sint?*  
 54 *Error substantialis est impedimentum dirimens.*  
 55 *Non accidentalis.*  
 56 *N si hic redundet in errorem personae.*  
 57 *Conditio quando ponat impedimentum dirimens?*  
 58 *Hæc conditio, si mecum in perpetua castitate vixeris, an ponat impedimentum dirimens?*  
 59 *Conditio quomodo differrat a modo, & demonstratione, & causa.*  
 60 *Votum, Item*  
 61 *Cognatio spiritalis, vel*  
 62 *Legalis quando ponat impedimentum dirimens.*  
 63 *Adulterium & conjugicidium ut dirimant matrimonium, quid requiratur?*  
 64 *Cultus disparitas dirimit matrimonium.*  
 65 *Metus quid sit?*  
 67 *Quando dirimat matrimonium?*  
 68 *Ordo,*  
 69 *Ligamen,*  
 70 *Publica honestas, sunt impedimenta dirimentia.*  
 71 *Impotentia quotuplex sit?*  
 72 *Quæ dirimat matrimonium?*  
 73 *Eunuchi seu castrati non possunt contrahere matrimonium.*  
 74 *Bene vero Spadones.*  
 75 *Raptus facit dirimi matrimonium.*  
 76 *Legitimatio quid sit?*  
 77 *Quotuplex sit?*  
 78 *Quid ad legitimationem per subsequens matrimonium requiratur?*  
 79 *An in articulo mortis procedat?*  
 80 *Adulterini non possunt legitimari per subsequens matrimonium.*  
 81 *Licet impedimentum tempore natiuitatis cessaverit?*  
 82 *Resolvuntur argumenta contraria.*  
 83 *Instrumenta dotalia an requirantur?*

- 84 *An consensus liberorum?*  
 85 *Legitimati per subsequens matrimonium succedunt in feudis.*  
 86 *An legitimatio tribuat jus primogenituræ.*  
 87 *Legitimatio per rescriptum quid sit?*  
 88 *Quis illam perficere possit?*  
 89 *Quid requiratur?*  
 90 *Quis ejus effectus?*

**E** Gimus de potestate patria in genere; superest, ut dicamus de modis, quibus illa inducitur. Sunt autem tres causæ constitutivæ patriæ potestatis, videlicet justæ nuptiæ, legitimatio, & adoptio. Cum vero nuptiarum aurora sint sponsalia, ideo primo loco de his, utpote materia utili & usitata agemus, ubi cum ista materia dirigatur ex regulis Juris Canonici, non textus methodum, utpote juris civilis formam explicantem, sequar, sed alia, & utiliori via incedam.

Sponsalia a spondendo dicta, *L. 1. ff. de spons.* Quia olim moris erat stipulari, ac spondere uxores sibi futuras, unde ac sponsi, sponsæque appellatio nata est. *Harp. num. 3. h. t.*

Definiuntur quod sint mentio (hoc est *Stipulatio*), & repromissio, hoc est *reciproca promissio* futurarum nuptiarum. *L. 1. ff. de Sponsal.*

Dividuntur sponsalia in sponsalia *de futuro*, & sponsalia *de presenti*. Sponsalia de futuro sunt promissio, & repromissio futuri matrimonii: v. g. ducam te in uxorem. Sponsalia de presenti sunt promissio & repromissio de presenti facta, v. g. accipio te in uxorem meam; & talia sponsalia de Jure Canonico olim pro rato matrimonio habebantur, ita ut mutuo dissensu amplius non potuerint dissolvi. *Hunn. de Trent. vol. 2. diff. 6. th. 1. q. 5.*

Verum

Verum hodie *post Concil. Trident. Sess. 24. de reformat. cap. 1.* utpote de quo nullum matrimonium sine præsenti Parochi & testium contrahi potest, non dantur amplius Sponsalia de præsenti, nisi matrimonium ratum talia nuncupare velis, prout ita nuncupat *Chlengenp. q. 10. de pat. potest.* Unde sua sponte fluit, licet ante Concilium Tridentinum sponsalia clam contracta per secutam copulam in matrimonium transferunt, *Cap. 30. de sponsal.*, hodie tamen in locis ubi Concilium Tridentinum receptum est, id non amplius obtinere, & talem copulam pro nuda fornicatione haberi, non inducente matrimonium. *Pirrhing. §. 5. de sponsal. Engl. §. 1. num. 6. eod.*

Sponsalia contrahere possunt omnes, qui & nuptias. Contra, quibus nuptias contrahere prohibitum est, nec sponsalia contrahere possunt. *Cap. ult. de pact. l. 15. ff. de condit. Inst. l. 16. ff. de spons.*

Dices. Impubes non potest contrahere matrimonium, & tamen potest contrahere sponsalia; ergo falsum est, quod is sponsalia contrahere nequeat, qui ad contrahendas nuptias est inhabilis. Resp. Nos duntaxat illos excludere à licentia contrahendi sponsalia, qui absolute sunt inhabiles ad nuptias, non illos qui spem habilitatis habent.

In specie sponsalia contrahere prohibentur, 1. Furiosus, sive ille, qui cum rabie insanit, quia non intelligit, quod agit. *§. 8. de Inst. de Inut. stipulat.* & omni consensu destituitur. *L. 2. Cod. de Contrah. empt.*

Dubitatur an libidinosi, & cæci amoris cæstro perciti sponsalia valide contrahant?

Negativa rationis mole non caret, cum amens, & amans pari videantur

deambulare passim. *arg. Nov. 74. cap. 4. assentis: nihil esse furere amoris vehementius.* Hinc scite sapientissimus Romanorum Seneca: *Amor, inquit, rationis oblitio est & insania proximus, sedum, misineque conveniens vitium, turbat consilia, altos, & generosos spiritum frangit, à magnis cogitationibus ad humillimas detrahit, & teste Publio, amare, & sapere vix Jovi conceditur.*

At opposita sententia in praxi & curiis Germaniæ triumphat; enim vero ad sponsalia non alia animi deliberatio requiritur, quam illa, quæ requiritur ad committendum peccatum mortale; atqui amoris cæstro perciti tali gaudent animi deliberatione; ergo sponsalia valide pangunt.

Ad rationem dubitandi *ex nov. 74. cap. 4. desumptam.* Resp. inamoratam furioso tantum improprie, & in aliquibus comparari. *Clariff. D. P. König. ad J. Can. lib. 4. tit. 1. p. 1. §. 7. num. 33.*

Secundo prohibentur sponsalia contrahere mente capti, sive ii, qui citra cæstrum furoris placide delirant. Quia nesciunt, quod agunt.

Tertio ebrii ebrietate perfecta, sive tali, quæ inducit omnimodam alienationem mentis; quia stante tali ebrietate non potest deliberate consentire.

Quarto infantes, sive ii, qui nondum compleverunt annum septimum. *L. 14. ff. de spons. cap. 4. §. 13. de despons. impub.*

Quæres 1. possitne minor septennio contrahere sponsalia, si præcocias ingenii antevertat annos, & malitia a tatem suppleat?

Negativam propugnant *Clariff. D. P. König. lib. 2. tit. 2. §. 2. num. 5. Fachin. lib. 3. cap. 26. Harp. Inst. de nupt. n. 10. Zoëf. ad Decret. de spons. n. 5.*

Movetur 1. *per cap. 4. §. 13. de despons.*

*despons. impub.* ubi expresse sancitur, sponsalia ante septennium contrahi non posse. Ergò.

Movetur 2. Jura de illis casibus constituuntur, qui frequenter accidunt. *L. 3. 4. 5. 6. § 10. ff. de LL.* ergò cum rarissimè accadat, quòd ante septennium sufficiens rationis usus ad sponsalia pangenda adsit, à regula generali non recedendum erit.

Movetur 3. ubi adest præsumptio juris & de jure, non admittitur probatio in contrarium. *Menoch. l. 1. quest. 3. num. 17. § 20. de præsumpt.* sed in minore septenniò adest præsumptio juris & de jure; ergò non admittitur probatio in contrarium, puta, adesse sufficientem usum rationis. *Minor ostenditur.* Tunc adest præsumptio juris & de jure, si jus aliquid præsumit, & super præsumpto statuit, disponitque *Zoëf. f. de probat. § præsumpt. n. 12.* Sed Jus Canonicum præsumit in minore septenniò non esse sufficientem usum rationis ad contrahenda sponsalia, & desuper statuit *d. cap. 4. 5. § 13.* ergò adest præsumptio juris & de jure.

Movetur 4., tempus, quod requiritur ad testamenti factionem, anteverti non potest præcocitate ingenii *l. 5. ff. qui testam. facere possunt.* Ergò neque tempus, quod requiritur ad contrahenda sponsalia.

- 6 His tamen argumentis non obstantibus affirmativæ subscribo, cui quoque assensu suo patrocinantur *P. Wex. tract. de spon. p. 1. §. 3. num. 18. Sanchez. de matrim. lib. 1. disp. 16. num. 9. P. Engl. de desponsat. impub. num. 2. Glettle de pact. § contract. cap. 4. §. 1. num. 8.*

Facit 1. *Cap. 3. § de sponsal.* ubi juvenis quidam cum puella nondum septenni sponsalia contraxit, & deinde cum consobrina ejusdem puellæ, id est,

*Rees ad Instituta.*

*mit des Magdels Scawestler Tochter* matrimonium iniit: jussit in eo casu S. Pontifex propter impedimentum publicæ honestatis sequens matrimonium rescindi. Quæ ratio rescindendi inepta foret, si ante septennium non possent consistere sponsalia, quia ex sponsalibus ob defectum consensûs invalidis non consurgit impedimentum publicæ honestatis. *Cap. 4. de despons. impub.*

Non obstat: Si dicas cum antagonistis, quòd copula in dicto casu cum priori intervenierit. Respondetur enim, si propter copulam matrimonium rescissum fuisset, malè S. Pontifex allegasset ob impedimentum publicæ honestatis matrimonium rescindi debere, quia copula ponit impedimentum affinitatis, prout de affinitate differemus.

Facit 2. Non obstante, quòd matrimonio contrahendo certa ætas, scilicet, masculis quatuordecim, fœminis duodecim annorum definita sit, si tamen malitia ætatem suppleat, matrimonium ante tempus definitum contractum valet. *Cap. 9. de despons. impub.* ergò etiam, esto sponsalibus contrahendis certa ætas definita sit, si tamen malitia ætatem suppleat, valebunt sponsalia, cum à matrimonio ad sponsalia legitimum ducatur argumentum. *arg. L. 16. ff. de spons.*

Facit 3. stando in jure naturæ potest minor septem annis contrahere sponsalia, modò habeat sufficientem usum rationis, ergò idem dicendum de jure positivo: cum hoc in passu nullibi à jure naturali recesserit. Imò

Facit 4. *L. 14. ff. de sponsal.* ubi dicitur ætatem pro sponsalibus non ita esse definitam, sicut in matrimonio. Idem eodem textu dicitur à primordio ætatis sponsalia effici posse, si modo contrahentes intelligant, quid agant. Nec adversatur, quòd textus *d. l. 14. sub-*

*H jungat*

jungat hæc verba : *Si non sint minores , quam septem annis* ; enim verò hæc ultima verba recipiunt hunc sensum ; non sint minores illi , qui non habent sufficientem usum rationis . Lex enim hic supponit , ante septennium non adesse sufficientem usum rationis , adeoque ut brevis sim , textus sic debet intelligi : *Modo id fieri ab utraque persona intelligatur* ; quod regulariter contingit , si non sint minores septenniō . Sane si ex isto textu evincere velis , septennium requiri præcisè ad sponsalia , fatearis necesse est , intra paucas lineolas Juris consultus sibi contradixisse censeatur , quod absurdum foret . *Wex. loc. cit.*

Argumenta contraria nullo labore diluuntur , & quidem ad primum respondetur *distinguendo antecedens* . Sponsalia ante septennium contrahi non possunt , suppositō quod sufficiens usus rationis non adsit ; *concedo antecedens* , si adsit , *nego antecedens & consequentiam* . Capitula , in quibus dicitur , quod ante septennium non valeant sponsalia , fundantur in præsumptione , quod ante illud tempus nondum adsit sufficiens usus rationis , leges autem in præsumptione fundatæ non obligant , si præsumptio sit falsa .

Secundum ruit ab experientia , quæ videmus præsertim in Austria , non rarò contingere , ut ante septennium multi satis intelligant , quis sit matrimonii finis . Deinde transeat rarò contingere , utique tamen oportet scire , quid Juris etiam in casibus rarò contingentibus .

Tertium , in quo Achillen ponunt , facili labore prostermitur . Respondetur enim , illam regulam , quod præsumptio Juris & de jure non admittat probationem in contrarium , non procedere universaliter , sed limitationem reci-

pere in casu , quò contrarium notorium est , *Meno. b. lib. I. de Præsump. quest. 60. n. 8. eod. tit.* Sic jure antiquo dabatur etiam præsumptio juris & de jure , quod sponsalia de futuro transierint in matrimonium per carnalem copulam cum sponsa subsecutam . *Cap. 30. de sponsal.* & tamen si constiterit , quod copula non maritali affectu , sed tantum fornicariō fuerit habita , non valebat matrimonium , & præsumptio debuit cedere veritati ; ergo etiam si constet , notoriumque sit , adesse in minore septennio sufficientem usum rationis , præsumptio locum non habebit .

Quartum pari modo haud difficulter convellitur . Respondetur enim concedendo antecedens , negando consequentiam . Quia in testamenti factione quatuordecim anni pro forma requiruntur , forma autem per æquipollens non impletur . *L. 3. §. fin. ff. jurejur.* In nostro autem casu septem anni desiderantur , quia jura præsumunt , prius non adesse sufficientem usum rationis . Quæ præsumptio , si non verificetur , neque lex habebit locum .

Diximus , qui nomine proprio possint contrahere sponsalia , sequitur de iis , qui nomine alieno contrahunt . v. g. parentes , procuratores . Parentes enim liberos suos despondere , vel nomine illorum sponsalia contrahere posse certi & indubitati juris est , *C. un. de desponsat. impub. in 6.* Quod tamen cum distinctione procedit . Vel enim parentes contrahunt sponsalia pro filio adhuc infante , aut absente , vel pro eo , qui infantiam jam excessit , & præsens est . Si pro filio adhuc infante aut absente : non aliter tenent sponsalia , quam si filius infantiam egressus aut reversus factum patris approbaverit . Si pro filio , qui infantiam jam excessit , & præsens



sens est, tenent sponsalia, quamvis filius expresse non consentiat; sufficit enim, quod non contradicat *d. cap. un.* cum enim parentes plus filios, quam se ipsos diligant. *l. 8. quod met. caus.* presumitur recte eos filiis consulere, & filios iis consentire; qui enim tacet, vel maxime in favorabilibus, videtur consentire. *Sanchez lib. 1. disp. 23. n. 3.*

Dixi parentes, quia æque Matri ac Patri pro filio contrahere sponsalia concessum est, tum quod *d. cap. un.* de parentibus loquatur, sub quo nomine uterque parens includitur: Tum quod decisio textus *d. cap. un.* non innitatur patriæ potestati, sed amoris paterno, qui æquè in matre, quam patre reperibilis est. *Engl. lib. 4. tit. 2. §. 2. num. 4.*

2 Procuratores sponsalia si contrahant, non aliter vim obtinent, quam si mandatum speciale in ordine ad determinatam personam acceperint à persona principali, & hæc in voluntate sua perstiterit. *Cap. ult. de procurat. in 6.* Unde sequitur, si principalem poeniteat, & mandatum in absentia procuratoris retractet, licet procurator retractionis ignarus fuerit, sponsalia contraxerit, sponsalia tamen non valere, *d. cap. ult.* ratio est in favore libertatis, qui in matrimonio singulariter desideratur, posita.

Non obstat, quod, si procurator datus ad alia negotia, & ignarus poenitentis dantis negotia gesserit, utiliter agat; *Cap. 13. de procurat. Clement. un. de remon. l. 15. ff. mandati.* Nam ad sponsalia non sufficit consensus subtilitate juris fictus, sed requiritur verus & naturalis: quod secus est in aliis negotiis. *Franz. ad Inst. lib. 1. tit. 10. §. 3. part. 1.*

Porro plura adhuc, requiruntur, ut sponsalia suis conditionibus absolvantur; & quidem,

9 Primo requiritur promissio vera, non

simulata, hoc est sponsus debet habere serium animum se obligandi; verba enim non obligant citra consensum, sine quo nulla obligatio consurgit. Hinc sponsalia non sunt, si quis ficta matrimonii promissione usum corporis à puella eblandiatur. *Sanchez. lib. 1. disp. 9. n. 5. Franz. ad Inst. ad loc. n. 12.*

Quæres secundo, an is teneatur puellam in uxorem ducere, si ficta matrimonii promissione impetraverit ab eadem usum corporis?

Dixeris quod non; si enim teneretur illam ducere, tunc vel teneretur ex obligatione sponsalium, vel ex damno illato; neutrum potest dici, ergo non tenetur. Non tenetur ex obligatione sponsalium, quia ad sponsalia requiritur verus consensus, & fictus non sufficit. Non ex damno illato, quia ratione damni illati tantum tenetur ad compensationem, quæ utique aliter fieri poterit, quam per nuptias. Sed verius est, quod teneatur ad nuptias.

Ratio prima, quia justitia commutativa, vi cuius seductor tenetur, non tantum vi, ut æquale reddatur, sed ut idem reddatur; adeoque si quis equum furatus est, non sufficit pretium ejus præstare, sed tenetur equum restituere, quia aliud pro alio invito creditori reddi non potest. *L. 2. §. 1. ff. de reb. credit.*

Ratio secunda desumitur ex *cap. 1. de adult. & stupro*, quod capitulum depromptum est ex *lib. exol. 22. vers. 16.* ubi dicitur: *si quis seduxerit virginem dormieritque cum ea, dotabit eam & habebit uxorem.*

Non obstat, quod non verè, sed tantum fictè consenserit. Quia contractum innominatorum, do ut des, facio ut facias, ea est indoles, ut, si una pars conventioni satisfecerit, altera quoque teneatur satisfacere. *Tot. tit. ff.*

H 2 *prescript.*



*prescript. verb.* Etiam si tantum fictè consenserit; tenebatur enim ex iustitia verè consentire, & Conditio in mente ætèrta nihil operatur, *arg. l. 7. Cod. de condict. indeb.* Sic ponamus, fictè promissi Petro centum aureos, ut pro me eat Romam; si Petrus ivit, teneor dare centum: ergo etiam cum hic contractus fuerit mutuus, licet vi sponsalium fortè non obligetur, tenebitur tamen vi contractus innominati, do ut des, puellam ducere, cum qua censetur contractum innominatum iniisse, putat taliter: *exhibeo tibi usum corporis mei, ut me ducas in uxorem.* Jam vero, ut diximus, si una pars contractum impleverit, tenetur & altera illum implere. Ita docent Sanchez l. 1. disp. 10. num. 3. Zoes. ad decret. de sponsal. num. 20. Engl. lib. 4. tit. 1. §. 2. num. 13. Franz. ad Inst. l. 1. tit. 10. part. 1. §. 5. n. 12.

Dices: Si ex concessis in memorato casu contractus innominatus intervenit, non tenetur factus promissor præcise ad promissum: quoniam in contractibus innominatis debitor interesse præstando liberatur. L. 5. *prescript. verb.* Respondetur d. l. 5. procedere, si damnum solvendo interesse sit reparabile, quale non est hic. Zoes. l. cit.

Urges: damnum, quod puella sentit, proprià culpà sentit, adeoque non videtur sentire. L. 203. ff. de R. J. Ergo non debet rescindi. Respondetur, quòd damnum persuasionem promissoris sentiat, qui non dolose illam deflorare debuisse. Dixi *deflorare*: si enim puella virgo non fuerit, sed corrupta, ab illa ducenda liber erit, quia non tam docepit, quàm deceptus est, decipienti autem jura non patrocinantur. Zoes. loc. cit. Sanchez. n. 11. & n. 21. d. loc. ubi asserit si puella fraudem facile advertere potuerit, quòd promissor in

multo digniori, & altiori statu, atque conditione sit constitutus, quòd non teneatur illam ducere.

Secundò ad sponsalia requiritur promissio mutua, hoc est, ut pars utraque ad nuptias se obligare velit, promissio enim ex uno latere facta contractum sponsalium non inducit. Unde si virgini nuptias promittam, & ipsa non repromittat, ex neutra parte obligatio oritur. Non ex parte Virginis, quoniam animum contrahendi non habuit, actus enim agentium non operantur ultra intentionem eorum. L. 19 ff. de R. G. Non etiam ex mea, quia obligationem non aliam subire volui, quam sponsalitiā, quæ ex natura sua est mutua & reciproca. Franz. ad inst. loc. cit. num. 13.

Quæres tertio, an sponsalia ex merè 11 gratuità & liberali promissione non possint ita contrahi, ut una dumtaxat pars esset obligata, altera non etiam? Respondetur posse quidem taliter contrahi à paritate emptionis, venditionis; tamen enim emptio, venditio essentialiter utrinque sit obligatorius contractus, nemo tamen dubitat, quin possim promissionem ita concipere, ut velim obligatus tibi esse ex stipulatione, ad equum tibi vendendum, si illum intra annum emere volueris, ergo etiam licet sponsalia sint contractus utrinque essentialiter obligatorius, non tamen video, quin taliter contrahi non possint, ut una saltem pars maneat obligata.

Dicitur taliter quidem posse contrahi sponsalia; sed talia sponsalia non producunt verum effectum sponsalium, puta publicæ honestatis impedimentum, adeoque vir mortuæ foemina, cui solus erat obligatus, ejus sororem rectè in uxorem ducit. Engl. §. 2. de spons. n. 3. Wex. part. 1. §. 2. n. 9.

Tertio

Tertiò desideratur ad sponsalia, promissio verbis vel signis exterioribus sufficienter manifestata. Consensus enim merè internus ad inducendam obligationem iustitiæ est insufficiens; quia cum sit absolutè insensibilis, non potest producere sensibilem effectum in ordine ad commercium humanum. *Pirrhing. lib. 4. tit. 2. §. 1. n. 3.*

Planè verba non requiruntur præcisè ad Sponsalia, sed potest consensus in nuptias aliis quoque signis manifestari. Sic nullum est dubium, quin correctione manuum, reciproca traditione, & insertione annulorum, &c. Sponsalia pangi possint. *Menoch. de præsumpt. lib. 3. præsumpt. 2. Sanchez. lib. 1. disp. 22.*

- 12 Quæres quarto, an taciturnitas sit tale signum, ex quo colligere liceat consensum Sponsalium? Fac. v.g. quod puellæ præsentì nuptias promittam, illa vero rubicundo suffusa pudore verecundans taceat, non annuat, non renuat, an hoc in casu matrimonium repromississe censenda est? Ope distinctionis respondendum censeo. Vel enim de Sponsalibus pangendis præcessit tractatus aliquis, vel non præcessit. Si prius, fortè quòd actum fuerit de Sponsalibus hic & nunc contrahendis v.g. in præsentia amicorum, ad hunc finem convocatorum, Sponsalia contracta esse intelliguntur, quia sola verecundia videtur vocem sufflaminasse, *Engl. n. 2. §. 8.* Si posterius, Sponsalia contracta non censentur, quia taciturnitas suapte vi nec consensum nec dissensum importat, sed ad utrumque est indifferens, *c. 44. de R. J. in 6. & in dubio leges potiùs liberant, quàm obligant. l. 47. ff. de oblig.*

Non refragatur. Qui tacet, consentire videtur *cap. 43. de R. J. in 6.* ergo dum puella tacet, censetur consentire.

Enim vero memorata regula tunc procedit, si de mero tacentis favore agitur, non etiam si de gravi præjudicio, quemadmodum in sponsalibus. Deinde *d. cap. 44. de R. J. in 6.* contrarium videtur sancire his verbis: *Qui tacet, non utique fatetur, sed neque negare videtur: Engl. loc. cit. Franz. n. 15.*

Effectus sponsalium est obligatio ad contrahendas nuptias, quæ obligatio stringit sub culpa lethali. Nisi justam resiliendi quis causam habeat, de quibus paulo post. Sine justa causa si quis resilire velit, monendus, si monitionem sperneret, censuris Ecclesiasticis compellendus erit. Sed caveat Judex à coactione tali, qualis induceret difficilem matrimonii exitum, *cap. 10. & 17. de sponsal.*

Non obstat *L. 1. Cod. de sponsal.* ubi jam desponsatæ licentia datur alii nubendi, quia *d. l. 1.* procedit de jure civili; In materia autem sponsalium, utpote spirituali, standum est Juri Canonico.

Quæres quinto: Possitne pœna conventionalis sponsalibus adjici, solvenda in eventum, si pars alterutra sine justa causa à sponsalibus recesserit; sive valeatne tale pactum, si absque justa causa à sponsalibus resilieris, solvas pro pœna mille?

Prima sententia negat, ita *Sanch. lib. 1. disp. 30. n. 2. Pirrhing. lib. 4. sect. 1. §. 4. num. 22. Brunn. in l. 5. cod. de spons. n. 11. Perez. ibid. d. 101. Zoës. ff. de spons. n. 10. Wex. de sponsal. p. 2. cont. n. 18, Schamb. ad princ. Inst. de pat. potest.*

Movetur primo ex *cap. gemma 292. de sponsal.* ubi Gregorius IX. disertis terminis rescribit, ejusmodi pœnam, tanquam adversam libertati matrimonii sponsalibus adjici non posse.

H 3

Movetur

Moventur secundò ex l. 134. ff. de V. O. ubi dicitur inhonestum visum esse, vinculo pœnæ matrimonia obstringi, sive futura, sive jam contracta.

Moventur tertio ex L. 5. Cod. de sponsal. ubi in hæc verba rescribitur: *extra definitionem autem hujus legis, si cautio pœnam stipulationis continens fuerit interposita ex utraque parte nullas habebit vires, cum in contrahendis nuptiis libera potestas esse debeat.*

Verùm hæc argumenta tanta non sunt, ut in sui deditionem me trahant. Itaque teneo prædictum pactum valere, & si alterutra pars NB. sine justa causa recesserit, teneri ad solutionem pœnæ conventionalis. Ita docent *Glettle assert. 56. Laymann. lib. 5. Theolog. moral. tom. 10. p. 1. cap. num. 8. Haunold. de J. & J. cap. 5. cont. 3. num. 364. Engl. ad Decret. lib. 4. tit. 1. §. 2. n. 7. Clariss. D. D. Franz. Inst. l. 1. tit. 10. p. 1. §. 7. num. 18.*

Probatur primò: Si pœna conventionalis non posset adjici sponsalibus, esset ista ratio, quia restringit libertatem contrahendi matrimonii; sed non restringit, ergò potest adjici. *Minor ostenditur: post inita sponsalia non adest amplius libertas illa, cui jura suffragantur; ergò pœna conventionalis non restringit libertatem matrimonii. Antecedens probatur: Libertas, cui jura suffragantur, est illa, quâ liberum est contrahere, vel non contrahere; sed post inita sponsalia non est amplius liberum contrahere, vel non contrahere, quia vi sponsalium jam tenetur contrahere; ergò non adest amplius libertas, cui jura suffragantur, sive illa, quam jura non volunt restringi.*

Dices verum quidem esse, post contracta sponsalia non amplius adesse libertatem moralem, sive illam cui jura

patrocinantur: adesse tamen libertatem physicam, sive naturalem, ut ecce! post contracta semel sponsalia etiam recessus à sponsalibus sine justa causa permittitur, si timeatur malus exitus matrimonii. *Cap. 17. de sponsal.* Jam fac, quòd hoc sciat pars, quæ pœnam promisit, & ita secum perpendat: possem adhuc resilire à sponsalibus, licet causam justam non haberem; sed si de facto resilirem, incurrerem pœnam sponsalibus adjectam, quam ne incurram, contraham matrimonium. Ecce! hoc in casu restringitur libertas physica & naturalis.

Respondetur primò: Quòd ille, qui sine justa causa à sponsalibus resilire cupit, actum exerceat formaliter peccaminosum, adeoque favorem juris non mereatur.

Respondetur secundò: Quòd talis, qui sine justa causa implementum sponsaliorum retractet, etiam censurâ Ecclesiasticâ imò ipsa excommunicatione coercerit possit. *Cap. 10. d. t.*; sicut ergò non attenditur, quòd metu incurrendæ censuræ Ecclesiasticæ contrahat, ita non attendendum, quòd metu pœnæ incurrendæ potius contrahat, quàm sine justa causa à sponsalibus resiliat.

Probatur secundò: potest arrha sponsalibus adjici, ergò etiam pœna. Probatur consequentia. Si ab arrha non licet argumentum ducere ad pœnam, tunc vel ideò, quia 1. quantitas illius solet esse modesta & parva, pœna verò magna, vel ideò quia 2. arrha statim traditur, pœna verò promittitur, solemus verò proniores esse ad promittendum, quàm ad dandum. *Leg. sed si ego 4. ff. ad SCtum Velejan;* vel quia 3. arrha dicitur tanquam tessera initorum sponsalium; pœna adjicitur, ut cogat ad matrimonium; sed nulla ex his ratio obstat, ergò argumentum ab arrha ad pœnam

pœnam procedit. Non prima, quia in arbitrio stat contrahentium, quantum nomine dare velint. *L. 5. Cod. de spons.* Non secunda, quia non debet homo iustus facilius esse ad promittendum, quam ad dandum, sed id solvat, necesse est, quod promisit juxta illud:

*Verba ligant homines, taurorum cornua funes.*

*Cornu boi capitur, voce ligatur homo.*

Non tertia, quia si pœna cogit ad matrimonium, cogit etiam arrha. Ideo enim illa cogit ad matrimonium; quia facit, ut metu ejus incurrendæ quis contrahat matrimonium; ergo etiam ista cogit, quia facit, ut metu ejus amittendæ, vel duplicatasolvendi quis contrahat matrimonium. Ita more solide *Glettle loc. cit.*

Ad primum sententiæ negativæ argumentum respondetur, quod *d. cap. gemma 29.* de eo casu intelligendum sit, quo iusta causa subest resiliendi à sponsalibus. Sanè ego ipse ultrò largior, tale pactum sponsalibus adjectum non valere, *Si alterutra pars, quæ etiam iustam resiliendi causam habuerit, à sponsalibus recesserit, solvat in pœnam mille*, quia sic restringeretur libertas matrimonii, & id genus pactum diametraliter contra dispositionem legis apponeretur, quæ vult & disponit, quod cum iusta causa à sponsalibus resilire liceat: Proinde nostra decisio in eo duntaxat casu procedit, quod quis sine iusta causa à sponsalibus resilire præsumeret.

Ad secundum respondetur, textum audiendum esse de casu, quod parentes liberorum ignorantium nomine contrahunt sponsalia, tunc enim honestas non patitur, ut metu pœnæ liberi cogantur ad matrimonium. Hæc ipsa solutio etiam primo argumento negativæ sen-

tentiæ applicari potest, uti legenti *d. cap. gemma* de se ipso patebit.

Ad tertium respondetur in illa lege statui, quod pœna conventionalis non possit quadruplum interesse transcendere. Vel dic *d. l. 5.* loqui de arrhis, atque statuere, non licere ultrà stipulari, quam ut arrhæ quadruplicatæ restituantur, non verò aliquid sancire circa casum, quod pœna conventionalis sponsalibus adjecta fuit. *Franz. loc. cit.*

Dispeximus quomodo sponsalia contrahantur, superest, ut agamus de modis quibus dissolvuntur; & quidem

Primo solvuntur sponsalia mutuo *15* contrahentium dissensu *cap. 2. de sponsal.* Nihil enim tam naturale, quam unumquodque eò modo dissolvi, quod colligatum est *cap. 1. de R. l. in 6. l. 35. ff. eod.* Cum ergo sponsalia consocientur mutuo consensu, dissensu mutuo rursus dissociari possunt. Quod procedit, licet sponsalia juramento firmata fuerint, quoniam juramentum sequitur naturam actus; adjicitur *l. 25. de Jur. jur.* cum ergo sponsalia mutuo dissensu solvantur, quidni & juramenti obligatio dissolvatur? Accedit quod per tale juramentum non Deo, sed illi quæritur obligatio, in cujus favorem emissum est, nec aliter à Deo acceptetur, quam quatenus ab homine, in cujus gratiam factum est; cum ergo in favorem contrahentium adjectum fuerit, poterit mutuo dissensu iterum dissolvi, favori enim pro se inducto quisque recte renunciat. *L. pen. Cod. de pact. ita Engl. §. 3. n. 2. loc. cit. Harp. rubr. Inst. h. t. n. 53.*

Secundo solvuntur sponsalia ingressu religionis *Concil. Trident. sess. 24. de Sacrament. Matrimon. cap. 6.* Habent enim sponsalia ex dispositione juris imbitam ac tacitam conditionem: *Nisi placeat religionem ingredi*: Hæc conditio proinde



proinde si existat, perdunt vim obligandi, adeoque resolvuntur. Sanè licet sponsalia ingressu religionis illico solvantur ex parte manentis in sæculo; ex parte illius tamen, qui religionem ingressus est, non aliter dissociantur, quam si actualis professio subsecuta fuerit. Ratio ex parte manentis in sæculo est, quia grave foret tanto tempore expectare, & deinde nubere ei, qui capam tulit, & notam levitatis atque inconstantiae de se præbuit.

Ratio ex parte ingredientis, quòd non nisi subsecuta professione solvantur, quia per suum factum, quod dolum esse potuisset, jus alteri quæsitum auferre non potuit. Ita docent *Laymann. tit. 10. p. 1. cap. 2. mon. 3. Engl. §. 3. num. 7. loc. cit.* Ubi infert, quòd si pars ingressa iterum egrederetur & pars remanens ei nubere vellet, teneretur ingressus sponsalia implere, quoniam per factum suum non potuit jus alteri quæsitum tollere. Vide *Franz. loc. cit. n. 21. Zoef. ad decret. de spons. n. 28.*

<sup>16</sup> Quæres sexto: An solvantur etiam per nudum votum ingrediendæ religionis? Respondetur, ex parte manentis in sæculo omninò dissolvi, non verò ex parte voventis.

Ratio Prioris est, quia censetur ex sua parte renunciare sponsalibus vovendo religionem.

Ratio posterioris, quia sponsalia non solvantur nudo ingressu religionis, ergò neque nudò votò ingrediendæ religionis. Consequentiam probò: Ideò non solvantur nudo ingressu religionis, quia contingere potest, ut ingressus egrediatur: at contingere etiam potest, ut is, qui religionem vovit, non suscipiatur aut susceptus non perseveret; ergò si sponsalia non solvantur nudo ingressu religionis, neque solventur nudò votò in-

grediendæ religionis. *Wex. de sponsal. p. 1. §. 7. num. 17. Et seqq. confer. Sanchez lib. 1. 46.*

Limitantur prædicta; ut videlicet neque religionem ingredi, neque eam vovere liceat, si fieret cum gravi, & irreparabili damno alterius partis, v. g. infamia passuræ, eò quod spe matrimonii jam fuerit corrupta & imprægnata. *Laymann. de sponsal. cap. 2. num. 4. Engl. loc. cit. n. 8. Sanchez. l. 1. disp. 43.*

Quæres septimò: An per simplex votum castitatis solvantur sponsalia ex parte votum emittentis? Respondetur negativè, quia votum vel juramentum in alterius præjudicium non obligat; sed tale votum est in alterius præjudicium; ergò non obligat. Voventem tamen in tantum obligat, ut contractò matrimonio debitum conjugale nunquam petere possit, vel audeat, sed tantum reddere, nisi legitimam dispensationem ab Episcopo obtinuerit, *Engl. l. cit. pulchrè Et fusè. Sanchez lib. 1. disp. 46. num. 10.* ubi dicit, indistinctè tamen tenendum ex parte alterius solvi sponsalia; quia vovens castitatem eo ipso sponsalibus renunciat; & deinde quia vovens tenetur à petendo debito conjugali abstinere, gravissimum onus alteri esset semper petere, maximè si esset fæmina verecundans.

Tertiò solvantur sponsalia de futuro etiam, quibus copula carnalis accessit per sponsalia de præsentì, sive per matrimonium cum alia persona contractum, utpote quod est vinculum fortius & habet rationem Sacramenti *cap. 20. de sponsal. cap. 22. eod. Et cap. 1. de sponsa duorum.* Ratio alia, quia in re est potentius jure ad rem *arg. l. 15. Cod. de R. V.* ergò cum matrimonium ponat jus in re, sponsalia verò tantum jus ad rem, fortius jus erit ex matrimonio resultant.



resultans. Sanchez lib. 1. disp. 48. Engl. §. 3. n. 3. loc. cit.

Quæres octavo: Quid juris, si ratione priorum sponsalium prohibitio Episcopi intervenerit, quæ tamen non obstante matrimonium contractum sit? Respondetur nihilominus valere matrimonium contractum, & priora sponsalia dissolvi. Ita Engl. loc. cit. & Zoëf. ad decret. lib. 4. tit. 16. Ratio: quia prohibitio Episcopi seu interdictum Ecclesiæ tantum ponit impedimentum impediens, quod nuptias facit quidem illicitas, non vero invalidas.

Non obstat cap. 2. de sponsa duorum his verbis: *Accepisti illam uxorem quam alter sibi desponsavit: dimitte illam, quia nunquam potest tibi fieri legitima.* Respondetur enim d. cap. 2. intelligendum de casu, quo quis duxit illam, quæ alteri jam de præsentis desponsata erat, sive ut clarius loquar; dico cap. 2. intelligendum esse de casu, quo priora sponsalia non fuerunt de futuro, sed de præsentis. Nos autem ipsi concedimus per sponsalia de præsentis, seu per matrimonium non solvi sponsalia de præsentis.

Neque adversatur cap. pen. eod. tit. ubi Episcopo datur potestas irritandi atque annullandi matrimonium contra prohibitionem Ecclesiæ contractum. Eum vero respondetur in casu d. cap. pen. Episcopum accepisse illam potestatem irritandi ex speciali privilegio Pontificis, quæ potestas alias regulariter Episcopo non competit. Pontifex vero matrimonium ita prohibere potest, ut contra prohibitionem contractum ipso jure nullum sit, sed requiritur expresse clausula irritans, simplex enim prohibitio matrimonium subsensum non ponit nullum, pulchrè Engl. lib. 4. tit. 2. §. 3. n. 4. Zoëf. d. l. ulterius.

Kees ad Instituta.

Quæres nono: An priora sponsalia de futuro per posteriora de præsentis ita solvantur, ut omnis in perpetuum obligatio tollatur, an vero matrimonio forte per aliquod impedimentum dirimens, vel mortem dirempto reviviscant? Respondetur in utramque partem magno DD. dissidio agitatam esse hanc controversiam.

Prima sententia docet sponsalia totaliter soluta esse, nec ullo tempore, vel modo reviviscere. Ita Sanchez. lib. disp. 48. n. 3. Pirrhing. de sponsal. sect. 2. §. 3. num. 59. Layman. tit. 10. p. 1. cap. 2. num. pen.

Moventur primo, quia obligatio priorum sponsalium extincta est per matrimonium. Obligatio autem semel extincta non reviviscit sine utriusque consensu, ne quis invitus in obligationem trahatur. L. 98. §. auream ff. de solut.

Moventur secundo: Obligatio ex voto ingrediendi religionem strictiorem, totaliter extinguitur per professionem in religione minus stricta. Cap. 5. de Regularib. in 6. ergo etiam obligatio ex sponsalibus de futuro totaliter extinguetur per subsequens matrimonium. Consequentiam ostendo. Ideo obligatio ex voto ingrediendi religionem strictiorem totaliter extinguitur: quia obligatio ex professione, tanquam fortior, extinguit obligationem minus fortem ex voto simplici; ergo etiam obligatio ex sponsalibus de futuro totaliter extinguitur per subsequens matrimonium, quia obligatio ex matrimonio tanquam fortior extinguit obligationem minus fortem ex sponsalibus.

Verum sententia contraria magis aridet, quæ docet, matrimonio per impedimentum dirimens, vel mortem soluto reviviscere sponsalia. P. König. lib. 4.

I

p. 1.

p. 1. §. 10. n. 62. *Ebbes th. select. quæst.*  
24 *Wex. de spons. p. 1. §. 7. num. 13.*  
*Zoëf. ad Decret. de sponsul. n. 34. Franz.*  
*loc. cit. num. 22.*

Probatur hæc sententia primò, qui votum emisit ingrediendæ religionis non liberatur omninò per subsequens matrimonium, sed mortuâ uxore suâ tenetur obligationi suæ satisfacere, prout omnes, imò & ipsi adversarii admittunt, ergò etiam, qui contraxit sponsalia cum una non liberabitur ab obligatione sua per subsequens matrimonium cum alia contractum, sed tenebitur uxore mortua obligationi suæ satisfacere.

Secundò, qui rem duobus vendidit, & secundo tradidit, licet non possit amplius primo tradere, non tamen liberatur venditor ab obligatione, quâ primo tenetur, sed si rem postea consequatur, compelli potest, ut Primo emptori tradat; ergo idem in nostro casu à paritate dicendum.

Tertio: facit & ista ratio, quod nemo ex delicto suo commodum sentire debeat, & alterum per factum suum jure quæsito privari, prout sequeretur, si prior sententia concederetur.

Ad primum respondetur, hoc ipsum in quæstione esse, utrum in præfati casu totaliter extincta sit prior obligatio sponsalium, an verò durante matrimonio suspensa maneat, quod ultimum nos asserimus.

Dices, si alienum servum promisi, & is à Domino manumissus est, liberor ab obligatione, etsi idem servus rursus servus effectus sit, *d. l. 98. §. 8. ff. de solut.*; ergò similiter, si post inita sponsalia contraham matrimonium, liberor à prior obligatione, etsi casu aliquo matrimonium dissolvatur. Ideò enim priori casu liberor ab obligatione tradendi vel

procurandi servi, quia obligatio semel extincta, semper extincta manet; ergo etiam in posteriori casu ideo liberabor ab obligatione priorum sponsalium, quia horum obligatio semel extincta manet extincta. Respondetur concedendo antecedens negando consequentiam, ad probationem iterum nego suppositum consequentiæ. Ratio verò quare per manumissionem omnis obligatio tollatur, non verò per matrimonium, disparitas est, quia obligatio tradendi libertati diametraliter resistit, & cum libertate non potest simul subsistere: contra verò obligatio sponsalitia cum obligatione matrimoniali rectè consistit, non quidem ut durante matrimonio executioni mandetur, sed interim suspensa & sopita maneat. Deinde in casu priori quo servus alienus manumittitur, non concurrit factum promittentis: secus in casu quo cum posteriori sponsa matrimonium contrahitur.

Ad secundum respondetur, concessio antecedente negando consequentiam. Disparitas est, quia in priori casu unus tantum idemque est creditor, puta, Deus, qui majoris censetur æstimare obligationem, quæ confurgit ex actuali professione, quàm illam quæ nascitur ex nudo voto ingrediendæ religionis. In posteriori verò casu sunt duo & diversi planè creditores, quorum unus non censetur jure suo cadere propterea, quod alteri sit factum satis. Aliter respondet *Wex. loc. cit. num. 13. atque d. cap. 5.* contineri specialem dispositionem, quæ consulit paci monasteriorum, ne professi in religione laxiori cum tumultu extrahi debeant, Adhuc.

Quæres decimo, an sponsalia priora solvantur per posteriora juramento, vel co,ula carnali confirmata.

Respondetur

**18** Respondetur primo, per posteriora jurata non solvi priora, quia juramentum, quod vergit in dispendium animæ & præjudicium tertii, non est obligatorium *cap. 18. de jurejur.* atqui id genus juramentum vergit in dispendium animæ, quia priora sponsalia sub mortali peccato obligant, & in præjudicium tertii, quia priori sponsæ competit jus quæsitum: ergò non est servandum. Ita *Engl. num. 5. Sanchez. lib. disp. 50.* ubi infert ex parte illius, cui prior fides data erat, solvi sponsalia, si velit, quoniam contrahens cum alia juratò prioribus sponsalibus renunciâsse intelligitur.

**19** Respondetur secundò: si ante decretum *Trident. Sess. 24. cap. 1. de matrim.* sermo institueretur, & copula cum posteriori affectu conjugali esset habita, dubium nullum esse priora sponsalia dissolvi, quia posteriora transibant in matrimonium. Cum verò nunc cessarit matrimonium illud præsumptum, tenendum est non dirimi priora sponsalia, quia fides posterius data in præjudicium prioris ita est, & talis copula subsequens merè fornicaria est: sicuti autem copula merè fornicaria, & sine affectu conjugali habita etiam ante Tridentinum Concilium nihil operabatur, ita neque hodie quidquā operatur. *Sanchez. lib. 1. disput. 48. Zoës. in jus Canon. de sponsal. num. 36.*

Objicies, si una eademque res duobus vendatur, is est potentior, cui prius tradita *L. 15. Cod. de R. V.* ergò etiam sponsalia, cui copula accessit, erunt potentiora, quia copula locò traditionis habetur. Respondetur negando consequentiam, quia in posteriori casu non introvenit traditio valida, sicuti in priori casu. Ad hoc ut acquiratur alicujus rei dominium vel jus in re, requiritur

valida causa translativa dominii, qualis non est copula fornicaria in ordine ad matrimonium.

Sanè si posterior sponsa aliter indemnitas servari nequeat, & insuper magnum dānum & honoris jacturam pateretur, ex æquitate illa ducenda foret, ne indulta tam benigniter proruendi in corpus licentia in grave ejus detrimentum retorqueatur. Deinde quando duæ obligationes concurrunt, quæ simul stare nequeunt, debilior perimitur per fortiorem, sed obligatio ex sponsalibus copula carnali roboratis resultans, videtur esse fortior ob damnum scilicet illatum. Ergò.

Quartò solvuntur sponsalia lapsu temporis, si videlicet sponsalibus finientis certum tempus & terminus fuerit præfixus, eò elapsò, si matrimonium non sit contractum, solvuntur sponsalia *cap. 22. h. t. Engl. num. 9. Zoës. num. Sanchez. lib. 1. disp. 53.*

Quintò solvuntur sponsalia ex causa absentiae, puta, si alterutra pars non habita licentia, vel altera non consentiente, in longinquas terras abierit, & diuturnam absentiam fecerit. Tunc liberum est parti, quæ non est profecta, ad alias nuptias transire, *cap. 5. de sponsal.*

Quantum autem temporis absentiae requiritur, in jure Canonico determinatum non est. De jure civili talis solet adhiberi distinctio, ut si sponsus ex causa necessaria, fortè reipublicæ, absit, sponsa teneatur reditum expectare, ne officium absenti sit damnosum. Si vero ex causa voluntaria absit, sponsa teneatur per biennium, si simul sponsus morietur intra provinciam, si extra provinciam, per triennium expectare. *L. 2. Cod. de sponsal.*

Sextò, solvuntur sponsalia ex causa 20  
I 2 forni.

fornicationis, puta, si post contracta sponsalia pars alterutra cum tertia persona se commisceat, tunc enim pars innocens resilire potest a sponsalibus, quia hanc conditionem in se continent: *Si fides data servata fuerit*. Si uterque sponsus fuerit fornicatus, tunc neuter a sponsalibus resilire potest, quia delicta mutua compensatione tolluntur. Deinde licet matrimonium ob adulterium separari possit quoad thorum & mensam, si tamen uterque conjux pari crimine se contaminaverit, delicta mutua compensatione tolluntur *cap. pen. & ult. de adult.* ergo etiam licet sponsalia solvi possint ob fornicationem, si tamen uterque sponsus pari crimine se contaminaverit, solvi non poterunt, quia delicta mutua compensatione tolluntur.

21 Mihi, ut verum fatear, hæc doctrina non placet, sed teneo cum *Sanchez. lib. 1. disp. 55. num. ult. item cum Pirrhing. loc. cit. sect. 2. §. 3. num. 62.* quod sponsus non teneatur ducere sponsam, quæ fornicationem passa est, licet ipse sponsus etiam fornicatus sit. Ratio est, quia fornicatio multo foedior, ipsique sponso detestabilior est in muliere, quam rota versa, adeoque delicta pari turpitudine non censentur compensari.

Ad rationem a paritate adulterii deductam respondetur, non esse eandem rationem adulterii & fornicationis a sponso commissæ; in adulterio enim, si ob id divortium conceditur, spectatur fides conjugalis, quæ æque a viro atque ab uxore violatur, cum uterque per matrimonium ad eam servandam æque se adstrinxerit. E contra in fornicatione sponzorū in ordine ad dissolutionem sponsalium non solum attenditur fidei sponsalitiæ violatio, sed & infamia, aliæque damna, quæ ex ea sponso resultant.

Brevius respondetur dicendo, longe difficilius perimitti divortium seu separationem matrimonii quoad thorum, quam dissolutionem sponsalium, quæ ob quamvis notabilem rerum mutationem fieri potest. *Franz. Inst. loc. cit. n. 26.*

Septimo solvuntur sponsalia, si impedimentum aliquod dirimens, v. g. consanguinitatis vel affinitatis inter desponsatos detegatur, cum enim sponsalia tendant ad nuptias, non possunt non dissolvi, quia nuptiæ civiliter sunt impossibiles. Sed fac, quod quis post contracta jam sponsalia cum sorore sponsæ fornicatus sit, & sic sua culpa impedimentum dirimens constituerit, teneturne dispensationem impetrare? Respondetur teneri, ne alias sponsus ex sua iniquitate lucrum ferat. & alteri sponsæ jus quæsitum tollat. Ita *Wex. p. 1. §. 7. n. 11. Sanchez. lib. 1. d. p. 56.*

Illud alta mente repostum esto, in modo probandi tale impedimentum notabilem differentiam esse inter matrimonium & sponsalia. Nam matrimonium de facto contractum non dirimitur, nisi impedimentum pene probetur, & in dubio potius pro matrimonio judicatur, cujus separatio plerumque scandalosa est. *Cap. ult. de sent. & re jud.*

At vero in sponsalibus de futuro etiam sola fama, dictum unius testis, vel alia semiplena probatio de impedimento sufficit, ut sponsalia dissolvi possint & debeant; cum enim agatur de periculo peccati, tutior est sententia, quæ a matrimonio contrahendo coercet. *Engl. t. 1. §. 3. n. 6. Sanchez. lib. 1. disp. 71. per tot.*

Octavo & ultimo dissolvuntur sponsalia, si post illa contracta ob accidens non prævisum difficilius reddatur matrimonium. Sponsalibus enim hæc inest conditio: *Si omnia nancant in eodem statu.*



tu, Ergo si status notabiliter mutetur ; desinunt obligare sponsalia. Hinc sua sponte sequitur, sponsum posse resilire a contractu sponsalicio, si sponsa ab alio etiam violenter fuerit cognita, tametsi enim culpa careat, difficilius tamen redditur matrimonium.

Item si notabilis deformitas, aut morbus difficulter curabilis v. g. Epilepsia, Lues Venerea, Lepra, &c. sponfam invaserit, quia nemo cum hisce defectibus præsumitur se obligare voluisse ad nuptias.

Pariter si paupertas supervenerit, vel gravis infamia, vel morum asperitas, vel ebriositas, vel etiam gravis inimicitia inter consanguineos, qui se opponunt, a sponsalibus facile quis resilire poterit. *Engl. d. loc. num. 11. Konig. de sponsal. p. 1. §. 10. num. 75. §. 59. Sauech. lib. 1. disp. 57. 58. §. 59.*

Hucusque discussimus sponsalia; sequitur de nuptiis: cum vero inter certas personas propter consanguinitatem & affinitatem nuptiæ prohibeantur, ideo cum primis agendum duxi de computatione graduum consanguinitatis, & affinitatis, quos novisse Juris consulti per quam multum interest.

- 22 Primo, quia matrimonium in certis gradibus est prohibitum *cap. 8. de Consang. & affinit.* ideo in quoto gradu prohibeatur, Jurisperitus scire debet. Secundo interest gradus novisse, quia per gradus deferuntur hæreditates, & proximior excludit remotiorem a successione defuncti, nisi jus repræsentationis locum habeat. *§. 5. Instit. de legit. agnat. success.* Tertio, quia secundum gradus deferuntur tutelæ. Quarto denique interest Jurisconsulti novisse gradus propter testimonia. Inter ascendentes & descendentes enim regulariter non admittitur testimonium, *l. 6. Cod.*

*de testib.* & consanguinei collaterales inviti non coguntur ferre testimonium adversus cognatos. *l. 4. ff. de testib.* volentes tamen testes poterunt. *cap. licet. de testib.* hinc si tales personæ testimonium ferant, consultum est notare, volentes dixisse. *Schneid. de nupt. num. 1.*

Consanguinitas est vinculum personarum ab eodem stipite descendendum carnali propagatione contractum.

Constat hæc consanguinitas potissimum tribus, puta, linea, gradu & stipite.

Linea est series sive collectio personarum ab eodem propinquo stipite descendendum, posteriores ab anterioribus distinguens.

Dividitur linea in rectam & obliquam.

Recta iterum est, vel ascendentium vel descendendum. Linea recta ascendentium continet personas, quibus originem nostram debemus, v. g. pater, avus, proavus, atavus, &c. Linea recta descendendum continet personas a nobis genitas, ut est filius, nepos, pronepos, abnepos, &c.

Linea obliqua seu transversa dicitur, quæ complectitur illas personas, quarum una alteram non genuit, & tamen ab una stirpe, & sanguine propagatæ sunt, v. g. frater, soror, & eorum liberi. Item patruus, amita, avunculus, matertera, &c.

Dividitur linea obliqua in æqualem & inæqualem. Æqualis dicitur, quæ continet personas æqualiter a communi stipite distantes v. g. duo fratres; æqualiter enim distant a communi stipite, scilicet, uno gradu. Inæqualis illa dicitur, quæ continet personas, quarum una non est remotior a communi stipite, quam altera, uti v. g. frater & fratris filius.

Gradus est intervallum, quò agnoscitur, quæ persona stipiti sit propior, sive est distantia unius personæ ab alia. Dicitur autem gradus ad similitudinem scalarum, quas ita ingredimur ut à proximo in proximum transeamus.

Stipes & persona, à qua cæteræ personæ, de quarum conjunctione quæritur, descendunt, & originem ducunt. Sic avus est stipes respectu nepotis. *Schneid. n. 4.*

Computatio graduum aliter constituitur de jure civili, aliter de Jure Canonico.

De Jure Canonico (cui in materia matrimoniali, ut potè spiritali standum.) triplex regula assignatur.

26 Prima locum sortitur in linea recta seu ascendentium & descendentium, & est hæc: *Tot sunt gradus, quot sunt personæ unâ demptâ; sive ut alii dicunt, tot sunt gradus, quot sunt generationes usque ad illam personam de cujus cognatione queritur.* Itaque si scire velim, quoto gradu nepos distet ab avo: tunc enumerò istas duas, & omnes alias intermediarias personas, atque tot erunt gradus, quot personæ, unâ demptâ. Sic dico: avus, filius, nepos, sunt tres personæ: una dempta manent duæ: ergo nepos distat secundo gradu ab avo. Vel secundum alteram regulam dico: avus genuit filium, est una generatio, unus gradus. Filius genuit nepotem, est secunda generatio, consequenter secundus gradus.

Item si scire velim, quoto gradu Josephus Primus Rex Romanorum distet à Ferdinando Secundo proavo suo: tunc enumerò istas duas & intermediarias personas, & erunt tot gradus, quot personæ, una dempta: sic dico v. g. Ferdinandus Secundus, Ferdinandus Tertius, Leopoldus Primus, Josephus Pri-

mus, sunt quatuor personæ, unâ demptâ remanent tres, ergò Josephus Primus distat tertio gradu à Ferdinando Secundo proavo suo. Ut res fiat luculentior, figuram accipe, ex qua colligere possis, quoto gradu ego distem ab abavo meo.

Abavus.

Proavus.

Avus.

Pater meus:

Ego.

En quinque Personæ prodeunt; ut ergò intelligere possis, quoto gradu ego distem ab abavo meo, deme stipitem, sive unam personam, & remanebunt quatuor; ut proinde ab Abavo meo distem quatuor gradibus, quia tot sunt gradus, quot personæ, unâ demptâ.

Aliud exemplum, quò patebit, quoto gradu distem à patre meo. Pone.

Pater.

Ego.

Ecce! sunt duæ personæ, unâ dempta, remanet una; ergò uno gradu disto à patre meo, quia tot sunt gradus, quot personæ, una demptâ.

Aliud exemplum, quo intelliges, quotu gradu distem ab Atavo meo. Pone.

Atavus.

Abavus.

Proavus.

Avus.

Pater meus.

Ego.

Ecce! prodeunt sex personæ, unâ dempta, remanent quinque; ergò quinto gradu disto ab Atavo meo, quia tot sunt, sed unâ demptâ, gradus quot personæ, unâ demptâ sunt quinque personæ; ergò quinto gradu disto ab Atavo meo.

Eadem regula, quæ pro linea recta ascen-

ascendentium traditur, locum habet in linea descendentium. Ut ecce? Quæritur quoto gradu à me distet abnepos? Pone.

Ego.

Filius meus.

Nepos.

Pronepos.

Abnepos.

Ecce! sistuntur quinque personæ, unâ dempta remanent quatuor, ergò abnepos meus distat à me quarto gradu, quia tot sunt gradus, quot personæ, unâ dempta.

Aliud exemplum, quò patebit quoto gradu meus pronepos distet ab Avo meo.

Avus meus.

Pater meus.

Ego.

Filius meus.

Nepos.

Pronepos.

En prostant sex personæ, una dempta remanent quinque; ergò Avus meus distat à pronepote meo quinque gradibus, quia tot sunt gradus, quot personæ unâ dempta.

27 Secunda regula in linea collateralium æquali est talis. Quoto gradu distat uterque à stipite, eodem gradu distant inter se. Sic quæritur, quoto gradu distent duo fratres? Ut hoc intelligas, oportet ab illis personis, de quarum cognatione quæritur, numerando ascendere usque ad illam personam, in qua conveniunt, sive usque ad stipitem; quod ut clariùs reddatur, Figuram cape.

Pater.

Frater unus.

Frater alter.

Ecce! stipes sive persona, in qua fratres conveniunt, est pater; ascende ergò à fratre usque ad stipitem, & reperiēs, quòd uterque frater uno gradu

à stipite communi distet, ergò etiam uno gradu ipsi fratres invicem distant; quoto enim gradu distat uterque à communi stipite, eodem gradu distant inter se.

Aliud exemplum, quo patebit quoto gradu distet filius meus à filia sororis meæ.

Ecce! stipes sive persona, in qua ego & soror mea convenimus, est pater noster; ascende ergò a filia sororis meæ, & reperiēs, quòd illa duobus gradibus, sicut filius meus à meo patre, distet; ergò distant invicem duobus gradibus.

Pater.

Ego.

Filius.

Soror.

Filia ejus.

Aliud exemplum, quod docebit, an duorum fratrum nepotes possint contrahere matrimonium; figura exempli talis est.

Pater.

Frater unus.

Frater alter.

Filius ejus.

Filius ejus.

Nepos.

Neptis

Ecce! in posita figura debeo primùm observare & inquire, quis sit stipes, sive in quo ambo fratres conveniant, qui utique in patre, qui respectu nepotis est proavus, conveniunt. Hoc habito incipio à viro, de cujus nuptiis quæritur, uti in dicto exemplo est nepos, & ascendo sursum per singulos gradus, proximum semper numerando & notando, donec ad communem utriusque fratris patrem sive stipitem devenio. Postea vero descendo deorsum, eodem prorsus modo, donec perveniam ad mulierem de cujus conjunctione quæritur. Hoc facto statim apparebit, utrùm æqualiter a communi stipite distent, an inæqualiter; atque ita, cum in dato exemplo æqualiter distent à communi stipite tribus gradibus, ideò etiam distant invicem

cem

cem tribus gradibus; quoto enim gradu distat uterque a communi stipite, eodem gradu distant inter se.

Quæres: possumne ducere filiam amitæ meæ? R. negative, quia mihi in secundo gradu juncta est. Ut ecce!

Avus.

Pater meus.

Amita sive soror  
Patris.

Ego.

Filia ejus.

Quæres iterum. Neptis mea potestne nubere nepoti patruelis mei? Respondetur negative, quia sunt sibi invicem in quarto gradu juncti. Ut ecce!

Avus.

Pater.

Patruus.

Ego.

Patruelis.

Filius meus.

Filius ejus.

Neptis mea.

Nepos

Casus positæ figuræ talis est: meus pater habet fratrem, qui est meus patruus. Iste habet filium, qui est meus patruelis; sumus enim duorum fratrum filii. Iste patruelis habet nepotem, & ego neptem. Hæc neptis non potest nubere patruelis mei nepoti, quia distant quarto; juxta regulam: quoto gradu distant ambo a communi stipite, eo gradu distant inter se.

Quæres denique, an Materteræ magnæ abneptis possit nubere nepoti meo? Respondetur affirmative, quia quinto gradu invicem distant. Ut ecce!

Proavus

Avia mea.

Soror ejus sive  
Matertera magna.

Mater mea.

Filius.

Ego.

Nepos.

Filius.

Pronepos.

Nepos.

Abneptis.

28 Tertia regula locum habet in linea inæquali collateralium, & est ista:

Quoto gradu distat remotior a communi stipite, eodem gradu distant inter se. Sic si scire velim, quoto gradu fratris mei filia distet a me, videre debeo, quoto gradu distet a stipite, sive ab illa persona in qua ego & frater meus convenimus. Hoc habito, incipio a remotiori persona numerando sursum ascendere, & gradus computare. Quoto deinde gradu distat a me. Ut ecce!

Pater.

Ego.

Frater meus.  
Filia ejus.

Aliud exemplum, quod ostendet, an ego possim matrimonium contrahere cum nepte fratris mei? Et respondetur, quod non: quia est mihi in tertio gradu juncta.

Pater.

Ego.

Frater meus.  
Filius ejus.  
Neptis.

Ecce! Neptis a patre meo distat tertio gradu & est remotior, ergo distat tertio gradu a me.

Quæres, an ego possim ducere filiam patruelis mei? Respondetur negative, quia est mihi in tertio gradu juncta. Ut ecce!

Avus.

Pater

Patruus.

Ego.

Filius sive patruelis.  
Filia.

Ecce! pater meus & ejus frater, qui est meus patruus, conveniunt in meo avo. Filia vero mei patruelis distat ab avo, veluti stipite, tertio gradu, & est remotior; ergo distat etiam tertio gradu a me.

Quæres iterum: An possim promaterteram ducere? sive an possim ducere neptem



meæ proavia sororem? Et responderetur quod non, illa enim mihi est in quarto gradu juncta, prout sequens figura demonstrabit; ut possim intelligere quis sit stipex in dato exemplo, debeo personam quærere, in qua Promatertera & Proavia mea conveniant: & patebit, quod in abavo meo conveniant, habito itaque stipite, ab hoc descendendo ex uno latere usque ad me, de cujus scilicet nuptiis quæritur, & ex altero latere ascendendo numerando gradus: deinde video, quis sit remotior, & eo gradu, quo hic distat a stipite, eo gradu distat a me. Sit itaque

Abavus.

Proavia.

Promatertera.

Avia.

Mater.

Ego.

Quæres rursus. An Nepos meus possit ducere patrui mei abneptem? Respondetur affirmative, quia invicem distant quinto gradu.

Avus.

Pater meus.

Patruus.

Ego.

Filius.

Filius meus.

Nepos.

Nepos.

Pronepos.

Abneptis

Quæres pro coronide, An ego possim ducere filiam abamitæ meæ? sive filiam sororis mei abavi? In dato casu cum primis quærendum est, ubi abamita & meus abavus conveniant, & patebit, quod in atavo conveniant. Hoc habito numero gradus, sicuti in præcedentibus, itaque sit

Atavus.

Abavus.

Abamita.

Proavus.

Filia ejus.

Avus.

Pater.

Ego.

*Res ad Instituta.*

Ecce! ego disto quinque gradibus a filia Abamitæ meæ, ergo possū illam ducere.

His in antecessum præmissis.

Quæres II. In quoto gradu ergo prohibitum sit contrahere matrimonium? Respondetur: In Linea ascendentium & descendantium matrimonium esse prohibitum in infinitum. *l. 53. ff. de ritu Nupt. §. 1. Instit. h. t.* Ratio est posita in unione sanguinis, quæ inter ascendentes & descendentes est perpetua, adeoque sequitur: Si Adamus hodie viveret, & uxore alia indigeret, quod nullam habere vel ducere posset. Sunt quidem nonnulli, qui conantur evincere in linea ascendentium, & descendantium impedimentum matrimonii non produci ultra quartum gradum instar consanguinitatis; rationem assignant istam, quia Jus Canonicum generaliter & indistincte sancit, Matrimonium esse dumtaxat usque ad quartum gradum inclusive prohibitum, nulla facta differentia inter lineam re-<sup>29</sup>ctam & obliquam. *cap. non debet. ult. de consang. & affin.* Hujus sententiæ etiam est *Sanch. lib. 7. disp. 51. n. 13. ubi sub n. 20.* asserit etiam in linea recta non nisi in primo gradu de jure naturæ matrimonium esse prohibitum; adeoque inspecto solo jure naturæ inter omnes ascendentes posse consistere matrimonium excepto solo patre & matre.

Verum utut sit, de jure civili clare dictum est in linea recta matrimonium esse in infinitum prohibitum; quod cum Jure Canonico mutatum non sit, standum erit hoc in passu Juri Civili claro arg. *c. 1. de novi operis nunciat. Zoef. n. 30.* Deinde huic rei anxie scrutando insudare videtur negotium esse absque fructu, juxta ipsos enim adversarios matrimonium in linea recta usque ad quartum gradum prohibitum est, sine miraculo autem

K

vix

vix moderna ætate accidet, ut descendentes annos vitæ suæ in quintum usque gradum producant. *Engl. de Consang. & affinit. n. 10.* In linea collateralium matrimonium est prohibitum usque ad quartum gradum inclusive *d. cap. non debet & cap. ult.* Ratio non est alia quam illa quod ultra hunc gradum remoti multum alieni sanguinis ex intermediis matrimoniis jam contraxisse videantur.

Postquam lanci appendimus gradus computationem in genere consanguinitatis, postulat instituti ratio, ut differamus de affinitate, circa quam novisse gradus Juris Consulti duplici ex causa interest. Primo propter testimonium; licet enim regulariter quis etiam invitatus cogi possit ad ferendum testimonium, ne veritas occultetur, affines tamen invitati non coguntur dicere testimonium contra affines. *l. 10. ff. de grad. & affinit.* Secundo propter matrimonium; Jus enim civile nefas esse duxit, eos qui affinitatis causa inter se parentum liberorumque loco habentur, matrimonio copulari §. 6. *Instit. b. t.*

30 Affinitas definitur, quod sit *vinculum personarum ex copula carnali resultans, de se non involvens consanguinitatem.*

Dicitur 1. *Vinculum personarum.* In hoc enim convenit cum cognatione carnali.

Dicitur 2. *Ex copula carnali resultans*, in quo distinguitur a cognatione carnali sive consanguinitate. Fundamentum itaque affinitatis consistit in copula carnali, ad generationem proles de se idonea, hujus enim adminiculo fiunt duo in carne una; ac cognatio unius traditur ad fines cognationis alterius. Unde sua sponte fuit, ex matrimonio rato affinitatem non consurgere, quia per matrimonium ratum vir & uxor non efficiantur una caro, sed desideratur ipsa copula carnalis, idonea

ad generationem: quæ autem talis copula sit idonea ad generationem vide *Sanchez. lib. 7. disp. 74. n. 7.* ubi id solide & perspicue docet. Ego rem non dissentio, sed manum moveo de tabula, ne forte contingat, ut nonnullis dentes in copulam prurire faciam.

Illud memoria tenaci dignum, de Jure Civili non aliter contrahi affinitatem, quam ex justis nuptiis & copula licita: De Jure vero Canonico etiam per illegitimam conjunctionem maris & foeminae, & sic per illicitum & fornicarium coitum contrahi affinitatem; quia æque per licitam, quam illicitam copulam cognatio una trahitur ad fines cognationis alterius. *Sanchez. d. l. n. 16.*

Pro computatione graduum affinitatis tenendæ sunt sequentes Regulæ.

#### REGULA PRIMA.

Maritus & uxor non sunt affines, sed 31 principium affinitatis, & quasi stipes, ex quo affinitatis gradus numerantur; sicut enim punctum se habet respectu lineæ, ita se habet maritus, & uxor respectu affinitatis: ergo sicut punctum non est linea, sed initium lineæ, ita maritus & uxor non sunt affines, sed initium affinitatis. *Engl. num. 2. de Conf. & affinit.*

#### REGULA SECUNDA.

Solus maritus fit affinis consanguineis uxoris, & sola uxor fit affinis consanguineis mariti. Quia solus maritus adminiculo copulæ carnalis accedit ad cognationem uxoris, & sola uxor per nexum carnalem trahitur ad cognationem mariti; ergo inter solum maritum & consanguineos uxoris, ac solam uxorem, & consanguineos mariti consurgit affinitas. Unde sequitur.

#### REGULA TERTIA.

Inter consanguineos mariti ex una 33 parte, & consanguineos uxoris ex altera,

ra, non inducitur affinitas: sive consanguinei uxoris non fiunt affines consanguineis mariti, nec consanguinei mariti fiunt affines consanguineis uxoris. Ita *cap. 5. de consang. & affin.* Ratio quia inter memoratas personas nullus intercedit nexus, adminiculo cujus colligentur, ergo inter memoratas personas non consurgit affinitas.

Unde sua sponte fluit a patre & filio duci posse matrem & filiam: nec non duos fratres posse ducere duas sorores. Contra vero maritum non posse ducere personam uxori suæ in quarto gradu junctam.

#### REGULA QUARTA.

34 Gradus affinitatis numerantur hoc modo: quoto gradu quis conjunctus est marito in genere consanguinitatis, eodem gradu junctus est uxori in genere affinitatis; & versa rota, quoto gradu quis conjunctus est uxori in genere consanguinitatis, eodem gradu junctus est marito in genere affinitatis. *Cap. 3. caus. 35. q. 5.* Unde quia frater meus mihi junctus est in primo gradu in linea consanguinitatis, ideo eodem gradu junctus est uxori meæ in linea affinitatis. Adeoque si consanguineus tuus ducat uxorem, & scire velis, in quoto gradu affinitatis sit tibi juncta ista mulier, vide quoto gradu tibi conjunctus sit consanguineus, & eodem gradu erit tibi ipsius uxor in genere affinitatis.

• Dices, in *L. 4. §. 5. ff. de gradib. & affin.* dicitur, quod nulli sint gradus affinitatis, ergo frustra de gradibus affinitatis agitur. Respondetur enim; sensum legis esse, quod affinitatis non sint tales gradus, quales consanguinitatis, adeoque proprii, sint tamen gradus affinitatis improprii. *Engel. n. 3. loc. cit.*

#### REGULA QUINTA.

35 Sicuti de Jure Canonico inter con-

sanguineos usque ad quartum gradum consanguinitatis inclusive matrimonium prohibetur, ita quoque usque ad quartum gradum inclusive inter affines collaterales prohibetur matrimonium, *cap. non debet, de consang. & affin.*

Cum hac tamen differentia inter affinitatem, quæ ex copula licita provenit, & illam, quæ ex copula illicita descendit, ut illa matrimonium impediat usque ad quartum gradum inclusive: hæc vero usque ad secundum gradum. Ita decernitur in *Concil. Trident. sess. 24. de matrim. cap. 24.* Ratio quæ videtur movisse *Concil. Trident.* est, quia fornicationes sunt valde frequentes, ac plerumque occultæ; unde periculum erat, ne impedimento hoc late nimis effuso conjugia plurima irritarentur.

#### REGULA SEXTA.

Sicut matrimonium inter consanguineos ascendentes & descendentes ratione consanguinitatis in infinitum prohibitum est; ita etiam inter affines ascendentes, & descendentes perpetua est conjugii prohibitio ratione affinitatis. In linea autem affinitatis inter ascendentes illi numerantur, qui parentum loco inter se habentur. Tales sunt Socer [*des Manns oder der Frauen Vatter*], Socrus [*des Manns oder der Frauen Mutter*], Vitricus [*der Stieff-Vatter*] Noverca [*die Stieff Mutter*]. Inter descendentes numerantur illi, qui liberorum loco inter se habentur, Gener [*der Tochter-Mann*], Nurus, [*die Sohns Frau*], Privignus [*Stieff-Sohn*], Privigna [*Stieff-Tochter*]. Unde noverca non potest nubere privigno, nepoti, vel pronepoti, &c. Vel econtra Vitricus non potest ducere privignam, neptem, vel proneptem. Item socer non potest ducere nurum, nec ejus filiam vel neptem, &c. *Perez Instit. hoc. tit. §. affinitatis.*

Quæres duodecimo: An summus

K 2

Ponti-

Pontifex possit dispensare circa gradus prohibitos? Prius quam ardua hæc & intricata quæstio in lucem claritatis summet, sciendum est, in quibus gradibus matrimonium sit prohibitum de jure naturali, divino, & humano positivo. Itaque sequitur.

- 37 Assertio prima. Inter ascendentes & descendentes, seu in linea recta prohibitum est matrimonium de jure naturæ in infinitum. Ita docet *L. 53. ff. de ritu nupt.* Ratio est in horrore naturali omnium gentium, quæ abhorrent commisceri cum personis, quibus originem debemus, vel illam a nobis habent.

Deinde omnes descendentes etiam remoti respectu ascendentium dicuntur filii, & per consequens illis debent reverentiam, & subjectionem, cui actus conjugalium multum præjudicaret. *Zoëf. ad decret. de consang. & affinit. n. 6.*

Limitatur, ut dicta assertio non procedat in casu necessitatis, quo genus humanum aliter servari non posset, sicut factum est in exordio mundi & post diluvium. *Engl. lib. 4. tit. 16. n. 5. Vid. Sanchez. lib. 7. disp. 51. n. 19. ubi, ut supra jam dixi, conatur evincere, indecens quidem esse, inter ascendentes & descendentes contrahi matrimonium; concludit tamen de jure naturæ tale matrimonium non ultra primum gradum prohibitum esse: sed tanta non sunt ejus argumenta, ut me in deditionem trahant. Illud inauditum est, S. Pontificem unquam in linea ascendentium vel descendentium dispensasse.*

- 38 Assertio secunda. In linea obliqua seu transversa in solo primo gradu de jure naturæ prohibitum est matrimonium: v. g. intra fratrem & sororem. Ita *Sanchez lib. 7. disp. 52. n. 11. Engl. lib. 4. tit. 16. n. 5. Zoëf. ad decret. de cons. & affinit. n. 33.*

Probatur primo: ex cap. gaudemus &

de divort. ubi Innocentius tertius decernit, infideles conversos ad fidem non separandos esse a matrimonio tempore infidelitatis in secundo, tertio, & aliis ulterioribus gradibus consanguinitatis, quoniam, dicit, legibus Ecclesiæ non tenentur infideles; ergo a contrario sensu, quando sunt conjuncti in primo gradu, censet Pontifex, separandos esse, quia ille gradus jure naturæ matrimonium irritat.

Probatur secundo: quia *Aristoteles lib. 2. polit. cap. 2.* ipse edixit, solo lumine naturali, cuique inditum esse, turpissimam esse conjunctionem parentum cum filiis, & fratrum cum sororibus.

Probatur tertio: *Gen. 20.* ubi Abrahamus, ne barbaræ genti patefieret, Saram esse Abrahami uxorem, suasit suæ uxori, ut diceret, se esse sororem Abrahamæ, quasi vellet significare, ipsi barbaræ genti perspectum esse, inter sororem & fratrem non posse consistere matrimonium.

Probatur quarto: *Levit. 20* ubi Deus jussit junctos fratrem & sororem occidi.

Probatur quinto ex eo, quod Ecclesia in hoc gradu nunquam dispenset, nec dispensaverit, quod est urgens argumentum, matrimonium esse in primo gradu indispensabile.

Ex dictis sequitur matrimonium inter infideles in primo gradu lineæ transversæ contractum dirimendum esse, si ad fidem convertantur; quoniam tale matrimonium jure naturæ prohibitum est, quod æque infideles, quam fideles obligat. *Sanchez loc. cit. num. 12.*

Non obstat primo, quod Abrahami uxorem, Saram, ejusdem sororem fuisse aliqui doceant, inducti his verbis, quæ Abraham de Sara proloquebatur: *vere soror mea est filia patris mei, & non filia matris mee.* Item. *Gen. 12. dic ergo obsecro,*



*objecro, quod soror mea sis.* Respondetur enim, Saram non fuisse veram sororem Abraham, sed vocasse illam Abrahamum filiam patris sui Thare, quia erit neptis ejusdem Thare, nata ex ejus filio Aram fratre Abraham.

Non obstat secundo: Quod inter Assyrios olim lege concessum fuerit matrimonium in primo gradu transverse lineæ, ut recenset *cap. 20 caus. 35. q. 3.* Enim vero negatur suppositum, talem legem ferri potuisse, & defacto latam, non fuisse contra jus naturæ, *Sanchez lib. 7. disp. 52. à n. 11. usque ad finem*, ubi plures adhuc textus sacre scripturæ enodant, & in fine eandem, quam supra allegavimus, limitationem ponit, ut videlicet matrimonium inter fratrem & sororem in casu necessitatis, quo aliter genus humanum conservari non posset, permissum esse. Vide etiam *Schneid. m. 18 de arb. affinit.*

39 Assertio tertia: Neque jure naturali, neque jure divino inter collaterales secundi, tertii, & quarti gradus matrimonium est prohibitum, sed tantum jure humano positivo Pontificio, *cap. non debet de affinit. & consang.* Deinde constat ex sacra Scriptura, ut paulo ante ad objectionem primam declaravi, quod Abraham duxerit Saram, filiam fratris sui. Et Nacor duxit Melcham pariter sui fratris filiam, *Genes. 11.* Denique S. Pontifex in *cap. gaudemus & de divortiis* concedit infidelibus ad fidem conversis discessum a matrimonio intra secundum, tertium, & quartum gradum contracto, eo quod tempore contracti matrimonii non fuerint ligati statutis Ecclesiæ, ac si diceret S. Pontifex matrimonium in secundo, tertio & quarto gradu lineæ transverse Ecclesiæ duntaxat decreto prohibitum esse. *Sanchez. lib. 7. disp. 53.*

40 Assertio quarta. In linea recta ascen-

dentium & descendendum inter affines, sunt, qui doceant, matrimonium non esse de jure naturæ prohibitum. *Sanchez. lib. 7. disp. 66. num. 7.* Sed verius est, etiam tale matrimonium de jure naturæ in infinitum prohiberi. Ratio fere est eadem, quæ primæ assertionis, filius enim eandem fere reverentiam debet novercæ, aut vitrico, quam parentibus; siquidem pater, & noverca, vitricus & mater sunt facti per matrimonium una caro, & nurus socero debet eandem fere reverentiam, quam debet ipse vir, qui est filius ejus, cum quo facta nurus facta est una caro, & idem dicendum est de genero respectu socrus. Deinde pro roboranda hac opinione sufficiens mihi argumentum est, quod S. Pontifex in linea ascendentium & descendendum inter affines nunquam soleat dispensare. *Engl. lib. 4. tit. 16. num. 6. plura Sanchez. lib. 7. disp. 67. per tot.*

Assertio quinta. In linea affinitatis, collaterali, concordi Doctorum suffragio obtinet, in nullo gradu de jure naturæ aut divino prohibitum esse matrimonium. *Sanchez. lib. 7. disput. 66. num. 10. Engl. d. loc. cod. n. Zoëf. loc. cit. num. 35.*

Probatur ex sacra scriptura *Gen. 29.* ubi legitur, quod Jacob Patriarcha duxerit Liam, & postea sororem ejus Rachel. Imo *Deuteron. 25.* præceptum fuit Israelitis, si fratrum unus sine liberis decederet, alter uxorem ejus acciperet. Accedit *cap. fin. de divort.* ubi S. Pontifex dispensat cum infidelibus ad fidem conversis, ut uxores fratrum retineant.

Denique facit, quod Julius secundus Romanorum Pontifex dispensaverit cum Henrico octavo Angliæ Rege, ut licite duceret uxorem Catharinam, quæ nupta ante fuerat ejus fratri Arturo, sine liberis mortuo, imo (ut aliqui volunt) non

cognita ; quidquid autem sit , cognita illa fuerit , nec ne , Clemens septimus consultis totius orbis illustribus universitatibus , & maturissimo consilio habito , decrevit auctoritate Pontificia fuisse legitimam dispensationem ; quam Julius secundus in Henrico fecit. Porro tamen de jure naturæ prohibitum esse non videatur inter affines in primo gradu matrimonium contrahere : vetuit tamen Concilium Trident. *sess. 24. cap. 5. de reformat. matrim.* dispensari , nisi publicæ pacis causa inter magnos Principes. *Zoëf. loc. cit.*

His prælibatis , respondetur , dispensare posse S. Pontificem super impedimenti humano jure inductis , modo iusta causa subsit , qui enim legem dedit , illam iterum tollere , & abrogare potest , *Zoëf. loc. cit. n. 30. Engl. n. 3. lib. 4. tit. 16.* & quoad hoc nulla est inter Doctores differentia ; in eo vero rotatur

- 42 Quæstio. An S. Pontifex dispensare possit in impedimenti jure naturali aut divino matrimonium dirimentibus ? Respondetur negative. Ita *Sanchez. lib. 3. disp. 6. num. 10. Engeld. lo. 8. Zoëf.* Ratio est , quia inferior non potest tollere , aut mutare legem superioris , cui est subiectus *can. 4. disp. 25.* Deinde lex divina & naturalis est fundata in voluntate divinæ Majestatis. Sicuti ergo voluntas divina est perpetua & immutabilis , ita quoque lex divina & naturalis est perpetua & immutabilis.

Dices : S. Pontifex potest dispensare in voto & juramento ; atqui votum & juramentum sunt juris naturalis & divini , quia utrumque jus vult ejus implementum ; ergo S. Pontifex potest dispensare in jure divino & naturali.

Pro solutione observa duplex esse jus divinum naturale. Quoddam ab humana voluntate ortum & ex ejus suppositione

obligans , ut votum & juramentum. Aliud vero absolutum & ex divino arbitrio derivatum.

In priori S. Pontifex recte dispensat. Non etiam in posteriori. Prior enim voluntas , quæ est hominis , auferri & tolli potest , atque ita cessat obligatio voti vel juramenti ; posterior vero voluntas , utpote perpetua & immutabilis tolli non potest per Pontificem. Ecce ! jus divinum est , ut , qui votum habet , id impleat ; & hoc semper manet integrum. At aliquem habere votum , non est jus divinum , sed voluntate propria effectum , quam voluntatem S. Pontifex impedire potest ; quare tunc non proprie dispensat in jure divino , sed tollit obligationis fundamentum , quam homo actu humano sibi imposuit ; quo soluto evanescit juris divini circa illud votum obligatio. *Sanchez. lib. 2. disp. 14. n. 5.*

Urges : Residencia Episcoporum est juris divini positivi. Item consecratio sub utraque specie est juris divini positivi , atqui Pontifex circa residentiam Episcopi , item ut consecratio in locis , ubi est inopia vini , sub una specie fiat , potest dispensare ; ergo S. Pontifex potest in jure divino dispensare , per consequens etiam in gradu prohibito de jure naturæ vel divino. Respondetur , transeat antecedens , negando consequentiam. Ratio differentiae est quia dispensatio in priori casu non trahit secum tam malam consequentiam , quam in casu posteriori , ubi periculum foret , si frater & soror scirent se posse spernere concipere futuri matrimonii , ne forte , ubi simul educantur , & nutriuntur , fornicationes admitterentur , a quibus facilius removentur , si matrimonii futuri nullam sciant possibilitatem , non tam facile enim in libidinem quis prurit exercendam cum persona , cum qua nullam habet spernere futuri matrimonii

matrimonii, *Sanchez. lib. 8. disp. 6. per tot. Engl. lib. 4. tit. 16 §. 3. n. 3.*

Huc usque determinavimus in quoto gradu prohibitum sit contrahere nuptias, sequitur recta methodi ratione, quid sint nuptiæ.

43 Nuptiæ a nubendo dictæ sunt; olim enim moris erat, ut puellæ noviter nuptæ, pudoris gratia, se obnuberent & velarent. Ratio vero, quare obvelare se debuerint, est, ut signum subjectionis fœmineo sexui imprimeretur, ac sci- rent, se viro esse subjectas, & discant esse humiles. Hinc dicitur, non esse factam ex capite, ne domina esset, vel in virum dominari temere præsumat, nec ex pede, ne videretur famula esse: sed ex costa, ut collateralis & quasi socia esset mariti.

44 Nuptiæ, quæ alio & magis proprio nomine vocantur matrimonium, defini- ri solent, quod sint maris & fœminæ conjunctio individuum vitæ consuetudi- nem continens. §. *nuptiæ 1. Inst. de pat. potest.*

Dixi primo, *conjunctio*. Intellige ani- morum non corporum; nuptias enim non concubitus, sed consensus facit, *L. 30. ff. d. R. J. cap. 14. & de sponsal.* Se- cundo *maris & fœminæ*: tum ut excluda- tur Sodomia: tum quia in matrimonio non debet esse, nisi una mulier, & unus masculus; polygamia enim omni jure prohibita est. Tertio *individuum vitæ consuetudinem*; quia matrimonii semel contracti perpetuus & indissolubilis est nexus, puta quoad vinculum, quia ad thorum & mensam nonnunquam conce- ditur separatio, ut infra prolixius dice- mus.

45 Dividitur matrimonium in legitimum, ratum, & consummatum.

*Legitimum* est, quod inter personas non impeditas, hoc est habiles legitimo

consensu juxta legem contractum est, si- ve quod in solo legitimo ac naturali con- sensu consistit, nec Ecclesiæ habet rati- ficationem aut sacramentum. Quale et- iam inter infideles, & sacro baptismi lavacro non tinctos habetur. *Ratum* est, quod habet rationem Sacramenti, cui tamen necdum accessit copula carnalis. quale est post sacerdotalem benedictio- nem. Et de hoc procedit regula, quod nuptias non concubitus, sed consensus faciat. *L. 20. ff. de Rit.*

*Consummatum* est, quod per concu- bitum & carnalem copulam præcedente legitimo consensu de præsentis comple- tum & consummatum est.

Contrahere matrimonium possunt om- nes, qui non prohibentur natura vel ju- re, quales sunt, qui laborant impedi- mento vel impediante vel dirimente, de quibus infra. Potest quis etiam matri- monium contrahere per procuratorem. Ubi tamen sequentia concurrant necesse est.

Primo ut procurator habeat speciale mandatum: nec satis est generale ad om- nia negotia, sed debet esse nominatum ad matrimonium.

Secundo ut sit mandatum ad contra- hendum cum certa persona, *L. 34. ff. de rit. nupt.*

Tertio, ut procurator per se ipsum exequatur; non enim potest alium sub- stituere, nisi licentia substituendi ex- presse in mandato contineatur. *cap. fin. de procurat. in 6.* Ratio quia in iis, ubi electa est industria personæ non admitti- tur substitutio. Quarto, ut tempore quo contrahit procurator, non sit revocata potestas; si enim contrahendi potestas revocata sit, matrimonium contractum per procuratorem nullum est, nec refert, si- ve sciverit procurator revocationem, si- ve ignoraverit. *d. cap. fin. de procurat.*

in 6. quod ob libertatem matrimonii speciale est. *Sanchez. lib. 2. disp. 11. num.*

3. 4. & 5. *Pirrhing de matrim. sect. 3 §. 4.*

47 Requirita matrimonii sequentia absolvent.

Primo requiritur, ut contrahentes sint cives Romani; servi enim non matrimonium, sed contubernium contrahere dicuntur, *l. 3. Cod. de incest. nupt.* quod procedit de jure civili, non vero de jure Canonico. *Manz. de nupt. ad princ. n. 3.*

Secundo requiritur iusta ætas, hoc est, ut contrahentes sint puberes, id est masculi sint majores quatuordecim, feminae vero sint majores duodecim annis. Sane si malitia ætatem suppleat, hoc est, si ante prædictam ætatem potentia generativa polleant, de jure Canonico matrimonium contractum subsistit, quia cessat ratio inhabilitatis. *c. 9. & ult. de desponsat. impub. Engl. d. t. n. 8.* Ratio vero quod citius pubescant feminae, quam masculi, in aperto est, quia universim viciæ, vilia & debilia celerius a natura perici, quam fortia & nobilia. Pomum putredini obnoxium citius maturescere cernas quam incorruptum, *confer. Theophrast. lib. 1. §. 4. de causa plantar.* Illud hic, quod supra neglexi, monitum volui quod sponsalia impuberis cum pubere contracta ex parte impuberis non aliter valeant, quam si sint ratificata ab impubere, si pervenerit ad pubertatem. Pubes vero irrevocabiler obligatur *cap. de illis 9. de despons. impub. Engl. eodem tit. n. 2. Schneid. de nupt. n. 14. Chlinb. q. 3. ob. 1.*

Tertio requiritur ad matrimonium deliberatus contrahentium consensus; hic enim velut basis & fundamentum matrimonii, cum nuptias non concubitus, sed consensus faciat. Deinde matrimonium est species contractus; ad omnem vero contractum requiritur consen-

sus mutuus contrahentium *L. 1. ff. de pactis. §. 1. Inst. de empt. & vend. Harp. Inst. h. t. n. 29.* Cum vero per istum consensum contrahentes sibi invicem jus tradant in corpora sua ad usum humanæ generationis, ideo haud inepte.

Quæres 13. An iste consensus debeat fieri formaliter in ipsam copulam, an vero sufficiat fieri in jus exigendi copulam? Respondetur, posterius sufficere, quia per hoc quod quis consentiat in jus exigendi copulam, jam impletur finis matrimonii, qui consistit in generatione prolis; licet aliquis non consentiat in ipsam copulam. Unde sua sponte fuit inter B. Virginem, & S. Josephum verum fuisse matrimonium.

Dices. Qui jus exigendæ mercis transfert in emptorem, peccat, si nolit obligationi satisfacere; ergo si B. Virgo jus exigendæ copulæ transfudit in S. Josephum, licite non potuit sibi proponere, quod debitum conjugale nunquam velit reddere. Respondetur negando consequentiam; ratio differentia est, quia illibata Virgo aliunde scivit, nempe per revelationem divinam, debitum conjugale nunquam exactum iri, ideoque licite potuit sibi proponere, quod id reddere nunquam velit. Contra qui vendit aliquid, ille moraliter certus est, fore, ut res vendita ab emptore exigatur, adeoque inique facit, si obligationi contra venire decernat. *Franz. lib. 1. tit. 10. p. 2. §. 4. n. 3.*

Quarto requiritur ad matrimonium consensus parentum. *princ. Inst. h. t. l. 4. ff. de R. J. & hoc adeo verum est ut nuptiæ sine consensu parentum contractæ sint ipso jure nullæ d. text.* Quod procedit tantum de jure Civili, de Jure enim Canonico, cum matrimonia debeant esse libera, & non pendere ex alieno arbitrio *cap. gemma 29. de spons. consensus parentum*



parentum non requiritur de necessitate, sed tantum de honestate, coactæ enim nuptiæ solent habere tristes exitus. *cap. 2. [caus. 27. q. 2.]*

Non obstat. 1. *princip. Inst. h. t.* ubi dicitur *naturalis ratio* exigit parentum consensum, ut proinde jure naturæ requiri videatur. Enim verò respondetur, id procedere de honestate non de necessitate.

Non obstat 2. præceptum decalogi, *honora, &c.* quia sequeretur, etiam matris consensum requiri, quod ipsi adversarii non admittunt. Porro quod nuptiæ sine consensu parentum contractæ grave etiam peccatum involvere possint, præcipue in casu quò parentes justam denegandi consensum causam habuerunt, non ibo inficias, prout id ipsum attestatur *Engl. de desponsat. impub. n. 6. Schambog. de nupt.*

Quintò requiritur ad matrimonium ut consensus in facie Ecclesiæ coram parochò & duobus testibus manifestetur. Ita statuit *Concil. Trident. sess. 24. de reformat. cap. 1.* quod Concilium matrimonia clancularia jam antehac severe prohibita, penitus irritavit, propter gravissima inconvenientia, quæ inde nascebantur. Frequenter enim accidit, ut quis ductâ clam unâ deinde palam ad alias nuptias provolaverit, spe fretus, fore, ut de priori matrimonio convinci nequeat, *Franz. loc. cit.*

Dices: Ecclesia non potuit facere ex Sacramento non Sacramentum, sed matrimonium clandestinum ante Concilium Tridentinum fuit Sacramentum; ergò Ecclesia ex eo non potuit facere non Sacramentum. Respondetur distinguendo majorem. Ecclesia non potuit facere ex Sacramento non Sacramentum directè, hoc est, mutando vel tollendo materiam & formam determinatam à Christo

*Kees ad instituta.*

concedo majorem; indirectè, hoc est mutando aliquid, sub directione & determinatione Ecclesiæ relictum, nego majorem; sed matrimonium clandestinum ante Concilium Tridentinum fuit Sacramentum, & simul contractus fuit validus, concedo, & non fuit validus, nego minorem & consequentiam. Ecce! Christus Dominus instituit quidem contractum matrimonii pro materia Sacramenti, sed non omnem & quemcumque contractum pro materia Sacramenti instituit, sed contractum validum. Jam verò quis contractus dicendus sit validus pro Sacramento matrimonii, Christus Dominus non determinavit, sed id determinationi Ecclesiæ reliquit. Potuit itaque Ecclesia eidem certas leges statuere, illis non observatis irritare; nihil autem per hoc mutavit in ratione materiæ, quæ semper in contractu valido consistit, nec prius in materiam Sacramenti transit, quàm contractus sit validus. Unde etiam olim clandestinus contractus fuit materia Sacramenti, sed non quatenus clandestinus, sed quatenus tunc temporis erat validus. *Engl. de Clandest. desponsat. n. 11. Konig. num. 13. eod.*

*Dixi coram Parochò. Hinc.*

Quæres 14. Qualis parochus assistere debeat matrimonium? Respondetur proprium parochum requiri, qualis ille dicitur, in cujus parochia vel ambo contrahentes, vel unus tantum ex contrahentibus habet domicilium vel quasi domicilium. Ubi

Nota, quòd quis dicatur in eo loco verum domicilium habere, in quem bona & res suas collocavit, animo ibi perpetuò commorandi, ly tamen *perpetuò* in sensu accomodo accipiat, necesse est, ut denotet non aliquam æternitatem, sed propositum in loco aliquo per longum tempus, puta, decem annorum

L

permanendi.

permanendi *L. 2. Cod. de incolis.*

Quasi domicilium dicitur quis habere in illo loco, in quo quis per maiorem anni partem permanendi propositum habet. *Engl. de foro competenti. §. 1. n. 7. Sanchez l. 3. disp. 23. num. 2. & seqq.* Itaque ille proprius parochus est, ubi quis habet vel verum, vel quasi domicilium, & quando sponsus & sponsa sunt ex diversa parochia, ad valorem matrimonii sufficit, si assistat proprius parochus alterutrius, puta, sponsi vel sponsæ. Nec refert, an proprius parochus intra vel extra parochiam, aut in aliena etiam diœcesi assistat, in posteriori tamen casu licentiam ordinarii necessariam esse docet *Pirrhing. ad decret. §. 3. de Clandest. despons.* Ex dictis sequitur studioforum Viennensium proprium esse Viennensem parochum, nec licere ipsis cum aliqua ad pagum vicinum excurrere, & ibi sine licentia proprii parochi copulari. Imò parochus sine licentia proprii parochi conjungens suspenditur ipso facto, donec ab ordinario parochi contrahentium absolvatur. *Trident. sess. 24. de reform. Matr. cap. 1. Zoef. de Clandest. despons. n. 3.*

Vagi, qui nullibi constanter habitant, sed incerto late vagantur, coram quolibet Parocho rectè junguntur, juramentum tamen ipsis deferri solet, quòd nullo impedimentò canonico, vel alio matrimonio ligati sint. *Engl. d. t. n. 13. Trident. c. 7.*

Effectus matrimonii plures occurrunt.

Primò obligat ad reddendum debitum conjugale; quæ tamen obligatio demum post duos menses incipit. *cap. 7. de conv. conjugat.*

Secundò obligat matrimonium ad corpus alteri tradendum.

Tertiò ad individuam vitæ consuetu-

dinem. Et quartò ad cohabitandum.

Planè quæ andoque obligatio cohabitandi cessat, puta, si iusta causa intercedat, propter quam peti potest quoad thorum & mensam separatio. Quas causas lubet in ordine recensere.

Prima causa petendi separationem, quoad thorum & mensam est adulterium; siquidem obligatio cohabitandi hanc tacitam conditionem imbibit, nisi fides conjugalis violata fuerit. Si ergò violata fuerit, pars innocens separationem quoad thorum & mensam iustè petit. *Cap. 4. de adulteriis.*

Quæres 15. An propter adulterium non solvatur matrimonium etiam quoad vinculum?

Si heterodoxos consulas, pleno agmine in affirmativam ruunt, ut videre est apud *Harp. §. 11. Inst. b. t. Schneid. num. 32. b. t. de divort. Hum. var. resol. pag. 202. Bachov. ad Treult. vol. 2. disp. 9. ib. 8.*

Item de jure civili affirmativa sine altercatione procedit per *L. 8. cod. de repudi. Ubi apertè sancitur, virum propter adulterium uxoris lucrari dotem, & si velit, posse statim aliam ducere. Verum*

De Jure Canonico Negativa adeo certa est, & communis, ut nullus sit, qui dissentiat; imò Concilium Tridentinum contrariam sententiam anathemate damnavit. *sess. 24. cap. 7.*

Probatur hæc sententia 1. ex textu *Luc. 16. vers. 18.* ubi generaliter dicitur; *omnem, quicumque dimiserit uxorem suam, & aliam duxerit, machari, sive adulterium committere.*

Secundò ex Apostolo Paulo 1. ad Corinth. 7. his verbis: *iis autem, qui matrimonio juncti sunt, præcipio non ego, sed Dominus, uxorem à viro non discedere: quo si discefferit, manere innuptam, aut viro*

*viro suo reconciliari.* Ecce ! in prioribus verbis , ubi Apostolus dicit : *precipio à viro non discedere* , loquitur de discessu injusto , hoc est prohibet iis , qui matrimonio juncti sunt , ab invicem discedere. In posterioribus verbis autem loquitur de discessu justo , descendente à causa justa v. g. fornicationis. Quòd autem loquatur de discessu justo in posterioribus verbis , patet exinde , quia uxori optionem dat , an velit innupta manere , an viro reconciliari , quam optionem dare non potuisset , si de discessu injusto loqueretur. Jubere enim simpliciter debuisset , ut uxor ad vitum rediret. *Engl. de divorc. §. 2. num. 8.*

Tertiò , ex fortissimo textu Lucæ cap. 16. vers. 18. Marci 10. vers. 11. 12. ubi generaliter dicitur , *qui dimittit uxorem , & alteram ducit , mæchatur , & qui dimissam à viro ducit , etiam mæchatur.*

Non obstat textus Mathæi 5. vers. 32. ubi heterodoxi Achillem ponunt , his verbis : *Dico autem vobis , quia quicumque dimiserit uxorem suam , nisi ob fornicationem , & aliam duxerit , mæchatur.* Ergò à contrario inferunt , qui propter causam fornicationis uxorem dimittit , & aliam ducit non mæchatur. In textu mirificè exultant heterodoxi , sed sine causa. Siquidem respondetur textum in hunc modum interpretandum esse , ut illa exceptio de fornicatione uxoris referatur tantùm ad verba præcedentia , ut scilicet liceat dimittere uxorem , nisi ob causam fornicationis , non autem ad verba subsequenta.

Non adversatur , si dicas , ex nostra explicatione sequi , non nisi unicam causam , puta fornicationis , olim fuisse ad separationem , atqui sunt plures causæ , ergò. Respondetur enim , reliquas causas à SS. Pontificibus inductas esse. *Engl.*

*n. 10. d. loc. Schamb. de pat. potest §. 1.*

Hactenus ergò vidimus propter adulterium à parte innocentis separationem peti posse ; sunt tamen aliqui casus , in quibus propter adulterium separatio non conceditur.

Primus est , si pars innocens pari se 52 crimine obstrinxerit , tunc enim delicta mutua compensatione tolluntur. *cap. ult. de adult.*

Secundus est , si maritus uxori causam adulterii dederit , ipsam pro mercede prostituendo vel non prohibendo , cum potuisset , vel denique denegando debitum conjugale. *cap. 24. caus. 24. q. 2.*

Tertius est , si conjux probabiliter crediderit , alterum conjugem decessisse , & alii nupserit l. 7. Cod. de repud. Quod si vero certiorata de vita mariti perstiterit in secundo conjugio debitum reddendo ac petendo , adulterii ream se reddit , cessat enim causa ignorantie. *Engl. de divorc. n. 27.* Et si contingat post nuptias cum secundo contractas priorem maritum , quem uxor credidit decessisse , reverti , tenetur relicto posteriori ad priorem redire. *Zoës. ad decret. de secund. nupt. n. ult.*

Quartus est , si mulier vi compressa fuerit. l. 39. ff. leg. ad Jul. de adult.

Quintus est , si quis uxorem accesserit , simulans se esse maritum , cui uxor bona fide , nil mali cogitans , credidit. *cap. 6. caus. 34. q. 2.*

Sextus , si innocens pars conjugii delictum condonaverit , vel expresse vel tacite , puta petendo vel reddendo debitum conjugale. *Arg. l. 1. §. 5. ff. ad leg. Jul. de adult.*

Secunda causa , ob quam potest peti separatio quoad thorum & mensam , est hæresis , si alter conjugum hæresin amplectatur , ac aliquoties monitus errorem

dimittere recuset, tunc enim pars innocens à parte nocente separationem rectè petit ob periculum, ne ipsa, vel soboles se ducatur. *Engl. loc. cit. num. 20. Sanchez. lib. 10. disp. 14. num. 18.*

Tercia causa est sævitie, puta, si unus conjugum alteri gladio aut veneno insidietur, aut atrociora verbera inferat, aut denique aliud grave malum faciat, nemo enim præsumitur cum tanto suo damno se ad cohabitationem obligare voluisse: Sanè levia verbera petulantibus sæminis subinde inferre mariti possunt, *cap. quemadmodum de Jur. Jur.* imò talia verbera nonnunquam salutaria sunt.

Quarta causa est incitatio ad peccatum, si maritus vel ita uxorem prostituere, & lenocinium exercere, si homines impudicos in domum introducat, vel uxorem ad patranda homicidia incitet.

Quinta causa est spirituale bonum, puta, si uterque conjux, vel unus saltem consentiente altero religionem velit ingredi. Per talem enim ingressum matrimonium prius contractum dissolvitur, adhibita tamen distinctione inter matrimonium ratum & consummatum. Nam ratum etiam quoad vinculum dissolvitur, ita ut remanens in sæculo ad secundas nuptias transire possit, sed tunc primum ubi ingressus professionem fecit, *cap. 2. & 7. de convers. conjugat.* matrimonium verò consummatum solummodò quoad cohabitationem, id est, quoad thorum & mensam dissolvitur, sicut per divortium *cap. 4. & 8. eod.* Ratio differentie est, quia matrimonium ratum solummodò significat *Conjunctionem Christi cum anima fidei per gratiam*, quæ conjunctio in melius mutari potest.

Contrà verò matrimonium consummatum significat *conjunctionem Christi cum Ecclesia*, quæ conjunctio indissolubilis est.

Sexta causa est morbus contagiosus v. g. lepra, lues gallica, pestis &c. quia naturalis ratio dictat, ne matrimonii obligatio eò usque extendatur, ut cum tanto periculo valetudinis ad cohabitationem sospitem adstringat. *cap. 2. de conjug. leprof.* Quod si periculum morbi cesset, redintegrandum erit matrimonium *Franz. n. 11.* Vidimus quomodò matrimonia dissolvantur quoad thorum & mensam: sequitur quomodò dissolventur quoad vinculum; ubi quatuor casus reperiuntur. Primus est, si alter ex conjugibus decedat. *Rom. 2. & 3.* Mors enim omnia solvit. *Nov. 22. cap. 20.* Secundus si alter conjugum infidelium convertatur ad fidem, & is, qui manet infidelis, vel omninò nolit cohabitare fidei, vel non nisi cum gravi scandalo; tunc enim favore fidei permittitur fidei ad aliud matrimonium decurrere. *1. ad Corinth. 7. vers. 15. cap. 7. & 8. de divort.* Tertius si alter conjugum ante consummatum matrimonium intret religionem, & in ea profiteatur. *cap. 7. de convers. conjugat.* Quartus si S. Pontifex ex justa causa dispenset in matrimonio rato tantum, licentiàmque, prout potest, dederit ad alium matrimonium decurrendi. *Franz. loc. cit. n. 12.*

Tandem sequitur de impedimentis, quæ sunt duorum generum. Impedientia, & dirimentia.

*Impedimenta impedientia* dicuntur, § 3 quæ nuptias reddunt illicitas, non tamen invalidas: Sive quæ quidem ab initio prohibent matrimonium contrahendi, de facto tamen contractum non declarant nullum. Huo pertinet regula, quòd multa prohibeantur fieri, facta tamen tenent. *cap. 16. de Regularib.*

*Impedimenta dirimentia* sunt, quæ nuptias non tantum reddunt illicitas, sed etiam invalidas: Sive quæ non tantum prohibent



prohibent matrimonium contrahendi, sed etiam de facto contractum nullum declarant, & invalidant. Impedimenta impedientia hisce versiculis continentur.

Ecclesiæ vetitum, nec non tempus feriarum,

Atque catechismus, sponsalia, jun-  
gito votum,

Incestus, raptus, sponsatæ mors mu-  
lieris,

Susceptus propriæ sobolis, mors pres-  
byteralis,

Aut si pœniteat solemniter, aut mo-  
nialem

Accipiat, prohibent hæc conjugium  
sociandum.

Pleraque ex istis impedimentis exo-  
leverunt; dicam tamen, quid unum al-  
terumve sit, quæ adhuc vigent, quorum  
quatuor occurrunt.

Primum impedimentum impediens  
est Ecclesiæ vetitum, quando videlicet  
Episcopus vel Parochus aliquibus prohi-  
bet, ne matrimonium contrahant, do-  
nec plenius fuerit inquisitum super cau-  
sa, quæ subesse videtur. Hæc prohibi-  
tione non obstante matrimonium tamen  
contractum tenet, contrahentes verò  
pendente inquisitione quoad thorum &  
mensam separari, ac condignâ poenâ  
affici possunt. *cap. 1. & 2. de matri-  
mon. contract. cont. interdict. eccles. San-  
chez. lib. 7. disp. 6. n. 6. Zoës. ad decret.  
d. t. & Engl. de sponsalib. n. 4. §. 3.*

Secundum impedimentum impediens  
est tempus feriarum, quale est illud,  
quo solennes nuptiæ interdiciuntur. Et  
olim fuerunt diversa tempora, quibus  
matrimonium contrahere prohibitum  
est. Hodie post Concilium Tridentinum  
non licet celebrare nuptias à Dominica  
prima Adventus usque ad Festum Epi-  
phanie, & à die Cinerum inclusivè us-  
que ad octavam Paschæ. *Trident. Sess.*

*22. cap. 10. de Reformat. Matrimon. Sa-  
nè si iusta & revelans causa subfit, cum  
licentia Episcopi etiam poterit tempore  
feriarum matrimonium contrahi, mo-  
do id fiat sine publica pompa & scanda-  
lo. Engl. de matrimon. contract. cont. in-  
terdict. eccl. n. 4. Zoës. n. 4. d. t.*

Tertium impedimentum impediens  
est catechismus, quo nomine venit in-  
structio fidei, qua olim patrini noviter  
baptizandum imbuerunt, & sic quasi spi-  
ritualem cognationem contraxerunt,  
quæ posuit impedimentum impediens.  
*cap. ante baptismum dist. 4. de consecrat.  
cap. 2. de cognat. spirit. in 6.* Hoc impe-  
dimentum exolevit, vide Sanchez. lib. 7.  
*disp. 10.*

Quartum impedimentum impediens  
sunt sponsalia, de quibus supra, ubi di-  
ximus, quod sponsalia de futuro solvan-  
tur per sponsalia de præsentis seu matri-  
monium; quod quidem matrimonium  
esse validum, sed non licitum, imò gra-  
viter peccari, si contra prima sponsalia  
contrahatur matrimonium, docet Gon-  
zalez in *cap. 22. de sponsal.*

Quintum impedimentum impediens  
est votum, puta simplex v. g. castitatis,  
ingrediendi religionem, suscipiendi sa-  
cros ordines, cælibatûs, &c. *cap. un.  
de vot. & voti redempt. Konig. ad decret.  
tit. 16. n. 6.*

Reliqua impedimenta impedientia in-  
desuetudinem abierunt, adeoque, quæ  
in usu non sunt, attendi non de-  
bent; ea tamen videre possis apud Cla-  
riss. P. Konig. d. l. qui idem tit. 1. n. 127.  
docet consuetudine receptum esse, quod  
Episcopus in his impedimentis dispensa-  
re possit, licet regulariter inferior non  
dispenset in lege superioris.

Impedimenta dirimentia his versicu-  
lis poeta canit:

Error, conditio, votum, cognatio  
crimen,

L 3

Cultus disparitas, vis, ordo, ligamen, honestas.

Si sis affinis, si fortè coire nequibis.

Si parochi & bini desit præsentia testis.

Si mulier sit rapta, loco nec reddita tuto.

Hæc socianda vetant, connubia facta retractant.

Primum itaque impedimentum dirimens, est *error*, qui duplex est: alius *substantialis*, sive qui decipit circa substantiam seu personam, v. g. si putans se contrahere cum Berta contrahat cum Mævia. Alius *accidentalis*, sive qui decipit circa qualitates personæ, v. g. si putans se ducere divitem, nobilem, formosam, ducat pauperem, plebejam, & deformem, &c.

§4 Error substantialis ponit impedimentum dirimens etiam de jure naturæ, quia excludit consensum, *l. 23. locati, conducti, l. 116. §. 2. ff. de R. J.* Sine consensu autem matrimonium non potest subsistere, *cap. 26. de sponsal.* Unde fuit, non valere matrimonium, si volenti mihi ducere Bertam, per fraudem supponatur Mævia, in tantum, ut ego conjugem vel retinendi vel dimittendi, atque aliam ducendi liberam habeam potestatem. *Konig. de conjug. serv. n. 17. Sanchez. lib. 7. d. sp. 18. n. 25.*

§5 Error accidentalis non ponit impedimentum dirimens, licet talis error det causam contractui, & ex dolo contrahentis proveniat. *cap. 18. de sponsal.* ubi dicitur matrimonium non irritari ob mendacium vel dolum ad id inducentem; ratio, quia talis error non omnino excludit consensum, cum prædicatis accidentalibus non censeatur alligata intentio contrahentium. Unde sua sponte fuit, valere matrimonium ini-

tum cum puella paupere, quam divitem esse putavi, licet contracturus non fuisssem, si scivisssem puellæ paupertatem; ratio non est alia, quam quod divitiis utpote qualitati accidentali non censeatur alligata intentio contrahentium, & restitutio mentalis in matrimonio nihil operetur. *Engl. tit. 1. de sponsal. §. 4. n. 4. Zoës. ad decret. de conjug. serv. n. 8.*

Ex eodem principio fuit, valere matrimonium contractum cum corrupta, quam quis credidit esse virginem; rectè sanè meo iudicio; si enim defectum virginittis poneret impedimentum dirimens, quis non videt, quanta incommoda in communione reipublicæ oritura essent, quantaque matrimonia publicè contracta, & cæcâ omnium opinione valida rescindi deberent, cum non modico præjudicio foeminarum.

Non adversatur primò, quod error personæ alia Sacramenta non vitiet, puta, si quis baptizet, ungat, ordinet, absolvat Petrum, ratus esse Paulum, ergò neque vitiabit matrimonium: Respondetur negando consequentiam; disparitas est, quod in aliis Sacramentis non ineatur contractus cum persona suscipientis, nec intersit ministri, quis Sacramenta suscipiat, aut cui illa applicet, seu ministret. In matrimonio verò initur contractus, & interest contrahentis, cum qua contrahat, quo circa contrahens intentionem suam potest restringere ad certam personam, cum in aliis Sacramentis id non possit, sed debeat habere intentionem baptizandi vel absolvendi, &c. personam præsentem & capacem, quæcunque illa sit. *Konig. Loc. cit. n. 11.*

Non refragatur 2. dolus datus causam contractui bonæ fidei, facit contractum nullum *l. 7. ff. de dolo*, ergò dolus etiam decipiens circa qualitatem accidentalem

calem faciet matrimonium nullum. Enim vero. Respondetur primò à contractibus ad matrimonium quoad rescissionem legitimum argumentum non duci; quoniam rescissio contractus non est scandalosa, sicuti matrimonii. *Engl. tit. I. de spons. §. 4. n. 4.* Respondetur secundò quòd dolus dans causam contractui etiam non faciat contractum nullum, si decipiat circa qualitatem accidentalem; prout in *lib. 3.* Deo dante audiemus.

Porro tametsi regulariter error accidentalis non ponat impedimentum dirimens,

Fallit tamen primò, si qualitas accidentalis, circa quam erratur, expresse apponatur per modum conditionis, ita, ut omnem in hanc conditionem consensum suspendat, & ejus intuitu in matrimonium consentiat, expresse asserens, se non consensurum, nisi talis conditio subsit, v. g. duco te, si dives es. Quo in casu conditioiciens ponit impedimentum dirimens, quia deficiente conditione, deficit consensus, qui essentialiter ad matrimonium requiritur, *Engl. d. lo. n. 2 Pirrhing. de sponsal. sect. 6. §. 3. Zoëf. ad decret. de conjug. serv. n. 9. Konig. eod. tit. n. 15. Sanchez. lib. 7. disp. 18. n. 25.*

§ 6 Fallit secundò, si error qualitatis redundet in errorem personæ, v. g. si volens contrahere cum primogenita Titii, contrahat cum secundo genita; vel si volens contrahere cum filia pulchra Titii, contrahat cum altera filia deformi: quia non tam censetur habere respectum ad qualitatem pulchritudinis, quam ad modum distinguendi, hoc est, ut per illam qualitatem declaret, in quam personam consentiet, *dd. auth.*

§ 7 Secundum impedimentum dirimens est conditio, sicuti enim omnes contractus non tantum purè, sed etiam con-

ditionatè iniri possunt, ita quoque sponsalia, & matrimonium sub conditione rectè contrahuntur. *Engl. tit. 4. lib. 5.* ubi tamen

Observa, quod conditio alia sit possibilis, alia vero impossibilis. Conditio possibilis est, cui non repugnat existere; ut si dicam: duco te si mille in dotem dederis. Conditio impossibilis, vel est talis naturà, vel jure.

Conditio naturà impossibilis dicitur, cujus eventus repugnat naturæ, v. g. si coelum digitò tetigeris, si vulpanferem in dotem dederis.

Jure impossibilis conditio dicitur, quæ repugnat honestati vel bonis moribus: v. g. si patri tuo venenum propinaveris. Sub conditione possibili, quin matrimonium contrahi possit, nullus est, qui rapiat in controversiam, idque clarè decisum est, in *cap. 3. de condit. apposit.* Sed

Quæres 16. quid juris, si conditio impossibilis matrimonio adjiciatur?

Antequam quæstionem resolvam sciendum est, quòd conditio impossibilis sive naturà, sive jure contractibus adjecta vitiet quemlibet contractum, quasi censeantur partes non habuisse animum contrahendi. *L. 31. ff. de O. & A.* Modus autem impossibilis contractum non vitiat, sed vitiat & pro non adjecto habetur; v. g. dono tibi equum, ut coelum ascendas, ut hæreticus bias. *Zoëf. ff. de condit. & demonstr.* Pariter conditio impossibilis sive naturà; sive lege in testamentis & ultimis voluntatibus habetur pro non adjecta, & vitatur, non vitiat; ratio, quia interest reipublicæ testatoris voluntatem habere exitum. §. *impossibilis Inst. de hered. Inst.* Jam his positis

Respondetur, distinguendum esse, an conditio impossibilis matrimonio adjecta.

jecta repugnet substantiæ matrimonii, vel aliunde turpis sit, & impossibilis. Si conditio impossibilis repugnat substantiæ matrimonii, tunc matrimonium sub ea contractum est ipso jure nullum. *Cap. fin. de condition.* Substantiæ autem matrimonii repugnare dicitur illa conditio, quæ adversatur vel bono prolis, vel bono fidei, vel bono Sacramenti.

Bono prolis repugnat hæc conditio: duco te, si generationem prolis evitaveris, si venena sterilitatis sumpseris. Bono fidei adversatur sequens conditio: si te adulterandam dederis pro quaestu. Bono Sacramenti denique refragatur hæc conditio: duco te, donec aliam invenero.

Si conditio aliunde turpis est, vel impossibilis, hoc est si non repugnat substantiæ matrimonii, tunc vitatur, non vitiat, & habetur pro non adjecta: v. g. duco te, si furta feceris, si patri tuo venenum propinaveris. *d. cap. fin. de condit. Franz, Inst. h. t. n. 15. Zoëf. ad decret. de condit. apposit. n. 1. & 2. Konig. d. tit. 23.*

18 Quæres 17. an talis conditio, si mecum in perpetua castitate vixeris, matrimonio adjecta valeat? Respondetur interesse, an per talem conditionem partes etiam jus exigendi copulam tollere velint, & talis conditio non valebit, quia ut supra ostendimus, consensus in jus exigendi copulam est de substantia matrimonii, cujus finis est generatio humanæ prolis; & nisi talis consensus ad matrimonium diceretur necessarius, inter fratrem & sororem dici posset matrimonium, quod absurdum foret.

An vero per talem conditionem jus exigendi copulam non velint tollere, & talis conditio valebit, licet matrimonium nunquam deducatur ad executionem; ratio, quia executio non est necessaria

ad matrimonium, sed jus exigendi executionem. *Chling. q. 16. h. t. Sanchez. l. 5. disp. 10. n. 7. fusé Zoëf. ad decret. de condit. apposit. n. 6. Schambog. de nupt. pag. 5.*

Porro cum matrimonio non tantum aliquid adjici possit per modum conditionis, sed etiam ut modus, vel demonstratio, vel ut causa; ideo accurata lance trutinandum, quomodo ista inter se differant, quod ipsum fortassis multi ignorant.

Conditio dicitur adjecta negotio alicui, quando aliquid adjicitur suspendens contractum, sive quando partes ante illius eventum obligari non volunt, & plerumque exprimitur per particulam, si: v. g. duco te, si mille in dotem dederis.

Modus dicatur adjectus alicui negotio, quando partes aliquem volunt præter principalem obligationem adhuc alia obligatione onerare, & regulariter exprimitur per particulam ut: v. g. duco te, ut mercimonia mecum tractes. En! præter obligationem matrimonii inducitur adhuc alia obligatio, puta, mercimonia tractandi: Itaque si dubites, an conditio, an modus sit, observa, an tale aliquid adjiciatur, ut partes ante existentiam adjecti non velint esse obligatæ, & erit conditio: an verò voluerint esse obligatæ, & erit modus.

Demonstratio dicitur adjecta, quando exprimitur aliqua qualitas, quæ est in aliqua persona, v. g. duco te, quæ dives es, &c.

Causa demum dicitur adjecta, quando denotatur ratio, quare negotium perficitur: v. g. duco te, quia pulchra, quia dives es; ita more suo crudité *Engl. loc. cit. n. 3.*

Modus, demonstratio, & causa, sive possibiles sint sive impossibiles, matrimonium



nium non vitiant, sed vitiantur & habentur pro non adjectis, quia per adjectionem talis causæ, modi, aut demonstrationis non tollitur consensus in principalem obligationem. *Pirrhing. ad decret. loc. cit. §. 5. Engl. n. 20. loc. cit. Zoës. n. 16. loc. cit. Konig. n. 28.*

Cæterum cum hodie post Concilium Tridentinum matrimonium coram parrocho, & testibus contrahi debeat, & alias utpotè clandestinum non valeat, inauditum ferè est, sub conditione, modo, causa vel demonstratione matrimonia contrahi.

60 Tertium impedimentum dirimens est *votum*, quod nihil est aliud, quam promissio deliberata Deo facta de meliori bono.

Votum aliud est solemne, aliud simplex. Illud est; quod in religione ab ecclesia approbata emittitur, vel sacris ordinibus clericalibus majoribus annexum est. Simplex est, quod extra religionem absque sacris ordinibus emittitur. Tale votum est votum castitatis, ingrediendi religionem, vivendi in cælibatu.

Votum solemne ponit impedimentum dirimens matrimonii *Concil. Trident. Sess. 24. cap. 9. idem statuit cap. un. de vot. redempt. in 6.* Votum simplex ponit duntaxat impedimentum impediens, non dirimens *d. cap. un.* Ratio non est alia differentiæ, quam quòd inter impedimenta dirimentia votum simplex non enumeratur, quæ cum odiosa sint, restringi debent. *Pirrhing tit. 6. lib. 4. §. 2.* ubi dicit, licet votum solemne & simplex à parte & natura rei non differant, differunt tamen ex ecclesiæ constitutione, voto enim solemnè annexum est impedimentum dirimens, simplici non etiam *d. cap. un.* Advertis modò, quòd dissolutio matrimonii ob votum non defendat ex jure divino, sed ex jure positivo *Kees ad Instituta.*

tivo ecclesiastico; quia alias votum etiam simplex poneret impedimentum dirimens; quoniam quoad Deum non minus obligat votum simplex, quam votum solemne *cap. 6. Qui Clerici vel voventes &c. Zoës. ad decret. lib. 3. tit. 6. n. 7. Konig. cod. tit. n. 12. Sanchez. lib. 7. disp. 26.*

Id adhuc observa, quòd is, qui post votum simplex castitatis matrimonium contrahit, debitum conjugale ante obtentam dispensationem nunquam possit petere, sed tantum reddere. Qui quatenus à vovente observari potest, tenetur observare. Reddere autem tenetur, ne per suum votum alteri præjudicet. Secus est, si quis votum ingrediendi Religionem, suscipiendi sacros ordines, vivendi in cælibatu emiserit, & desuper matrimonium contraxerit, talis enim & petere, & reddere potest debitum conjugale, quia necdum castitatem actu promissit. *Sanchez. lib. 9. disp. 33. n. 9. Engl. de Clericis qui voventes, &c. n. 3.*

Quartum impedimentum dirimens 16 est *cognatio*. Quæ triplex est, cognatio naturalis, Spiritualis, & Legalis.

Quid sit cognatio naturalis, sive consanguinitas, quomodò ejus gradus computentur, & quo usque constituat impedimentum dirimens, dictum satis est supra de computatione graduum, ubi vide.

Cognatio spiritualis est propinquitas orta ex Baptismo, Confirmatione. Hodie ista cognatio duntaxat ponit impedimentum dirimens, non nisi inter baptizantem vel confirmantem baptizatum vel confirmatum, ac ejus parentes, nec non inter patrinum, baptizatum, vel confirmatum ac ejus parentes. Ita *Concil. Trident. Sess. 24. cap. 2. de Reform. matrim.* ut ecce! Titius baptizat Cajum, & officiò patrinorum fungitur Sempronius

M

nius

nus & Mævia. Hoc in casu Titius contrahit cognationem spirituales cum Cajo, & hujus parentibus. Sempronius vero & Mævia contrahunt cum Cajo baptizato, nec non cum ejus parentibus cognationem spirituales. Idque explicatur his versiculis:

Baptizans, baptizatus, baptizativè parentes.

Levans, levatus, levatique parentes, Unde

Sequitur 1. Baptizatum vel ipsius patrem hodie non impediri contrahere matrimonium cum uxore levantis, aut baptizantis; quando quidem cognatio spiritualis personas prænominatas non egreditur, licet ante concilium Tridentinum secus fuerit *cap. Martinus de cognat. spirit.*

Sequitur 2. Pari ratione si vir & femina simul infantem ex sacro fonte levant, eos nullam inter se contrahere cognationem, ac propterea sine peccato aut impedimento usus matrimonialis maritum & uxorem posse simul suscipere infantem. *Sanchez. lib. 7. disp. 59. n. 5. secus olim. cap. fin. caus. 30. q. 4.*

Sequitur 3. Etiam inter baptizantem & levantem nullum nasci impedimentum, cum & de his Concilium Tridentinum nullam mentionem faciat.

Sequitur 4. Nec inter baptizatum & filiam baptizantis aut levantis ullam contrahi cognationem, ex dicta ratione: secus olim *Cap. 3. § cap. fin. de cognat. spirit. Konig. d. t. n. 6. 7. § 8. Zoëf. eod. n. 4.*

Quæres 18. Quis contrahat cognationem spirituales - si patrinus non ipse levet sed ejus nomine procuratorem mittat? Respondetur juxta consuetudinem, & declarationem Cardinalium contrahi ab ipso principali; quod enim quis per alium facit, per se ipsum fecisse intelligi-

tur: cæterum abstrahendo à consuetudine vel declaratione Cardinalium probabiliter in rigore juris defendi potest, cognationem spirituales nec ab ipso principali, nec à procuratore contrahi. Non à procuratore, quia levat aliò nomine, atque ideò non habet intentionem contrahendi cognationem spirituales. Non à principali, quia actu non tetigit infantem, qui tamen contractus physicus necessariò requiritur. *Caus. 30. q. 1. 2. 3. § 4. vide Konig. pulchrè hac de re differentem loc. cit.*

Eadem quæ hætenus dicta sunt, procedunt etiam in baptismo ex necessitate facto. *Pirrhing. d. t. §. 7. Engl. eod. n. 7.*

Fallit tamen in patre, qui in necessitate baptizans non contrahit cognationem spirituales, ne alias citra culpam petitione debiti conjugalis privetur. *Konig. n. 21.*

Cognatio legalis est vinculum civile<sup>62</sup> ex adoptione resultans. Hæc cognatio ponit etiam impedimentum dirimens, non de jure naturæ, vel divino, sed tantum ecclesiastico. *Konig. de cognat. legali. n. 12.* Et quidem de jure canonico non reperitur alia prohibitio expressa, quàm inter adoptantem & adoptatam. Item inter filiam adoptantis naturalem, & filium adoptivum. *Cap. 1. caus. 30. q. 3. c. un. Ext. de cognat. legali.* De jure verò civili latior est hujus impedimenti extensio, eamque sequitur jus canonicum *arg. cap. 1. de nov. op. nuntiat.* ubi jus canonicum non designatur constitutiones civiles claras sequi.

Notandum tamen est, non ex qualibet adoptione consurgere impedimentum dirimens, sed duntaxat illa, quæ patriam potestatem inducit, qualis est, quæ ab ascendente facta est, vel arrogatio, de quibus tit. sequenti. Interea sic

Conclusio prima, inter eos, qui per adoptionem sibi loco parentum & liberorum

rorum esse cœperunt, non durante tantum, sed etiam finita arrogatione, non posse consistere matrimonium usque in infinitum, quia cognatio legalis imitatur naturalem *L. 55. ff. de ritu. nup. Pirrhing. de cognat. leg. §. 3.*

Conclusio secunda. In linea collateralis, sive, inter eos qui fratrum & sororum locum obtinent, eo usque se extendit impedimentum, quousque patria potestas; proinde inter adoptatum, & filiam naturalem adoptatis matrimonium consistere non potest durante adoptione & patria potestate: quod si vel per mortem vel emancipationem cesset adoptio, & patria potestas, inter eos matrimonium validè contrahitur. *Cap. un. de cognat. leg. §. 2. Inst. b. t. l. 17. ff. de ritu nupt. Engl. de cognat. legal. n. 5.*

Conclusio tertia. Cognatio legalis dirimit matrimonium inter eos contractum, qui se habent invicem per modum affinitatis: sic inter adoptatum, & uxorem adoptantis ex una parte, & inter adoptantem & uxorem adoptati ex altera parte matrimonium non subsistit, etiamsi adoptio per mortem adoptantis aut emancipationem adoptati cessaverit. *L. 14. ff. de rit. nupt. Pirrhing. §. 3. loc. cit.* Honestius tamen est, abstinere ab his nuptiis. *Zoëf. n. 5. Extr. de cognat. legali.*

Conclusio quarta. Inter ipsos adoptatos ab eodem patre matrimonium non est prohibitum. Unde aliqui probabiliter docent, posse filium adoptatum ducere filiam adoptivam. Ratio quia nullus textus est, qui tale matrimonium prohibeat, adeoque erubescimus sine lege loqui *Engl. n. 5.*

Conclusio quinta. Tamen si unio prolis, *die Einkindschaft, oder Erb. Verbrüderung*, sit species adoptionis, ejusdemque solemnitates requirat *Gail. lib. 3. obs. 125. n. 6. §. 7.* Exinde tamen non nasci im-

pedimentum dirimens veriùs obtinet. Impedimenta enim dirimentia, utpote odiosa, restringenda sunt, *Kanig. de cognat. legali n. 10.*

Quintum impedimentum dirimens est crimen, puta adulterii vel conjugicidii.

Crimen itaque adulterii ponit impedimentum dirimens, adeoque si quis durante legitimo committat adulterium, ac fidem insuper det de matrimonio post mortem conjugis contrahendo, vel etiam de facto nuptias per verba de præsenti attentet, contrahit impedimentum criminis, quod est impedimentum dirimens, & facit, ut nunquam inter tales adulteros matrimonium valere possit. *Cap. 3. cap. 6. de eo, qui duxit in matrimonium, quam polluit per adulterium.*

Ut hoc impedimentum consurgat, requiritur primò, ut ex utraque parte interveniat formale adulterium. *Cap. 1. d. t.* Secundò ut præter adulterium vel matrimonium promittatur, vel superstitute conjugè defacto attentetur fortè per machinationem in mortem conjugis. *Cap. pen. eod.* Tertio ut promissio ab altera parte acceptetur, verba enim cum effectu accipienda sunt; promissio autem non acceptata est nuda pollicitatio. *l. 10. ff. de donat.* Quarto, ut promissio sit pura, hoc est in nullum eventum suspensa: vel saltem ut ante mortem conjugis fuerit purificata, ut scilicet præbeat captandæ mortis occasionem, *Pirrhing. d. t. §. 2. Sanchez. lib. 7. disp. 79.*

Ex dictis sequitur, si stante matrimonio uxor promittat alicui matrimonium, si maritus mortuus fuerit non consurgere impedimentum dirimens; tamen si enim talis promissio etiam inducat votum captandæ mortis, impedimenta tamen matrimonii dirimentia, cum odiosa sint, ultra casus expressos extendenda non sunt.

& consequenter sola promissio sine adulterio ad tale impedimentum constitutum non sufficit. *Pirrhing. loc. cit. §. I. Engl. d. t. Konig. n. 11. & 12.*

Crimen conjugicidii contrahitur : si quis conjugem , intentione matrimonii cum determinata persona ineundi , interficiat. *Cap. 6. X. de eo qui duxit in matrim. &c.* Ut hoc impedimentum consurgat , requiritur 1. ut conjux occidatur, hinc machinatio sine effectu, & actuali occisione conjugis non sufficit; quia in materia pœnali & odiosa verba strictè & cum effectu accipienda sunt, *cap. Si qui Caus. 3 l. q. 1.* Secundò, ut occidatur cum intentione contrahendi matrimonii cum superstite conjuge , hinc conjugicidium, quod ex rixa vel illata injuria consurgit, non ponit impedimentum dirimens. *Sanchez. lib. 7. disp. 78* Tertiò ut occidatur communi partium consensu *cap. 1. de convers infid. cap. de eo , qui duxit in matrimonium , &c.* Hinc si facto unius tantum perpetratur conjugicidium non aliter hoc impedimentum inducitur , quam si accedat adulterium. *cap. 3. & 6. eod. Franz. Inst. h. t. num. 18. Konig. cit. n. 9.*

64 Sextum impedimentum dirimens est, *cultus disparitas*, si enim fidelis contrahat cum infideli , matrimonium non tenet, quia postquam Christus matrimonium elevavit ad naturam Sacramenti , non potest à fidei amplius contrahi quin character Sacramenti sit signatus ; atqui infidelis , ut potè qui Sacramenti recipiendi incapax est , ita signari non potest : ergò. Deinde Apostolus 2. ad Corinth. 6. edixit : *Nolite jugum ducere cum infidelibus.*

Dices : valet matrimonium Catholici cum hæretica ; Ergò etiam fidelis cum infideli. Respondetur negando consequentiam, quia in hæreticis character Sa-

cramenti locum habet , cum illi baptismum habeant , non etiam infideles. *Chlingensperg. p. 31. ob. 1. de nup. h. t. Sanchez. lib. 7. disp. 72. n. 5. & commun. omnes.*

Septimum impedimentum dirimens<sup>65</sup> est vis seu metus. Ubi

Observa : quòd vis in eo à metu quidem differat, quòd vis sit corporalis coactio de præsenti alicui illata. Metus autem sit instantis vel futuri periculi causa mentis trepidatio ; cum tamen æquè per vim , quàm per metum alicui tellatur libertas consensus : ideò quod de metu dicitur , idem de vi cæteris paribus intelligendum erit.

Metus dividitur 1. in gravem & le-<sup>66</sup> vem. Metus gravis dicitur , qui cadit in virum constantem , sive quo malum timetur , quod etiam viro cordato & constanti videtur formidabile. Talis est metus mortis , carceris , mutilationis , servitutis , atrocium verberum , exilii , &c. Metus levis est , qui cadit in hominem inconstantem , v. g. si minor majori minaretur verbera. Sanè num metus gravis , num levis dicendus sit , discreti judicis arbitrio relinquendum est , qui ex qualitate personarum metum determinare debet ; metus enim in foemina , vel puero gravis esse poterit , qui respectu viri constantis levis est.

Dividitur 2. in justum & injustum. Metus justus est, cui quis per suam propriam improbitatem causam dedit ; talis est , qui flagitium commisit , & timorem accusationis , carceris , torturæ , vel pœnæ contrahit. Sic etiam metus justus erit , si quis metu incurrendæ censuræ Ecclesiasticæ matrimonium contrahit. Injustus est , qui integro vitæ , scelerisque puro infertur. His positis , sequitur

Affertio prima. Metus justus, sive gra-<sup>67</sup> vis , sive levis ille sit , matrimonium non reddit nullum. Ratio , quia ideò matri-



matrimonium ob metum initum nullum est, ne contrahenti, ex metu fiat injuria, atque is, qui metum patitur, cui improbitate propria causam dedit, injuriam non sustinet: Ergò. *Sanchez. ib. 4. dis. 12. n. 3.*

Affertio secunda. Metus levis etiam non dirimit Matrimonium, quia non tollit liberam voluntatem; adeoque talem metum debet homo cordatus committere, quod si non fecerit, sibi & iuxta verociam imputet.

Affertio tertia, metus gravis & injuriosus inculsus dirimit matrimonium *cap. 4. cap. 15. cap. 28. de sponsal. § cap. 2. de eo, qui duxit in matrimonium, quamvis per adulterum.* Ratio quia tollitur honestas per metum. *König. d. 1. pag. 2. n. 25.*

Dices: Matrimonium dolo initum non est ipso jure nullum, saltem si dolo versetur circa qualitatem accidentalem, ergò neque metu initum. Respondetur concedendo antecedens, negando consequentiam; disparitas est, quia violentia palam inferitur, in quam homines non sunt ita proclives, sicut in dolo, qui clam plerumque committuntur. Hinc non expediebat matrimonia dolo inita ipso jure esse irrita, futurum enim erat, ut plurima conjugia communi omnium opinione valida, dolo, post tempus detecto, cum ingenti perturbatione & publicæ & damno liberorum declarari deberent irrita.

Octavum impedimentum dirimens constituit susceptio ordinum, puta majorum. Ratio, quia habent annexum forme votum castitatis, quod est impedimentum dirimens, *cap. 1. § 6. de Clericis Conjug. cap. 1. § 2. qui Clerici vel vovent.* Ordines minores non tantum non dirimunt matrimonium, sed neque impediunt. *cap. 3. de cler. Conjug. Engl.*

*qui Clerici vel vovent. matrim. n. 4. Sanchez. 7. disp. lib. 46.*

Nonum impedimentum dirimens est *ligamen*, quia polygamia est tam de jure divino quam humano prohibita, adeoque foemina non potest habere plures maritos, neque unus maritus plures uxores. *cap. 1. § 2. de Sponsa duorum Trident. 24. cap. 2.*

Non obstat, quod in veteri testamento licuerit simul & semel habere plures uxores, quia id concessum fuerat ad multiplicationem generis humani, quæ ratio hodie cessat. *Engel. de sponsa duor.*

Decimum impedimentum dirimens est, *publica honestas*, quæ definitur, quod sit, quasi affinitas ex sponsalibus resultans. Differt ab affinitate, quia affinitas non oritur ex animorum conjunctione, sed corporum, puta ex copula carnali, *cap. 3. de sponsal.*

Olim publica honestas diremit matrimonium usque ad quartum gradum instar consanguinitatis, & veræ affinitatis. *cap. pen. § ult. de consang. & affinit. de jure verò concilii Tridentini Sess. 24. cap. 3. constitutum est, ut primum gradum numquam transcendat, adeoque hodie possit sponsus cum omnibus reliquis sponsæ consanguineis matrimonium contrahere, excepta sola matre, filia, sorore; vicissim sponsa cum sponsi consanguineis excepto patre, filio & fratre.* *König. de sponsa duor. n. 4.*

Dicta procedunt in sponsalibus de futuro, non verò de sponsalibus de præsentis seu matrimonio rato, hæc enim dirimunt matrimonium usque ad quartum gradum: Ratio, quia olim impedimentum publicæ honestatis usque ad quartum gradum matrimonium prohibuit, non facta distinctione inter sponsalia, de præsentis & de futuro. Jam verò Concilium Tridentinum, quoad

sponsalia de futuro Jus antiquum cor-  
rexit, quoad sponsalia de præsenti ve-  
rò non facit mentionem, adeoque quod  
non mutatum, cur stare prohibeatur?  
*König. loc. cit. Engl. de sponsal. §. 6.*

Undecimum impedimentum est *affi-  
nitas*, de qua in principio diximus.

71 Duodecimum impedimentum est *im-  
potentia*, inhabilitas exercendi copulam  
conjugalem, generationi proles deser-  
vientem.

Dividitur impotentia primo in per-  
fectam & imperfectam. *Perfecta* est ine-  
ptitudo, & habilitas exercendi copulam  
perfectam, qualis dicitur, quæ fit cum  
emissione veri seminis intra vas debitum.  
Tali impotentia laborant Castrati, seu  
Eunuchi, qui utroque testiculo orbat  
sunt, hi enim tametsi membrum erigant,  
atque quandam materiam aquosam emit-  
tant, non tamen apta est ad generatio-  
nem proles.

*Imperfecta est*, quæ non tollit subjecto  
suo habilitatem ad perfectam copulam,  
sed generationem duntaxat impedit. Ta-  
li impotentia laborant steriles; hi enim  
verum semen effundere possunt in vas  
fœmineum, quanvis ob indispositionem  
subjecti aut aliam qualitatem acciden-  
talem sit improliſcum.

Secundo dispescitur impotentia in per-  
petuam & temporalem. *Perpetua* dicitur,  
quæ per media licita, facilia aut ordina-  
ria tolli non potest. *Temporalis*, quæ  
vel sua sponte desitura est, aut certè  
modò humano curari potest. Sic, v. g.  
impotentia, quæ nascitur ex defectu  
sufficiētis ætatis dicitur temporalis, quia  
decursu annorum sua sponte desitura est,  
Sic quoque impotentia, quæ arte hu-  
manâ curari potest, habetur pro tem-  
porali. Illa verò, quæ per artem hu-  
manam, vel sine discrimine vitæ tolli  
non potest habetur pro impotentia per-

petua. *Zoës. ad decret. de frigid. & ma-  
lesiciat. n. 3.*

Tertio dispescitur impotentia in ab-  
solutam & respectivam. *Absoluta* dicitur,  
quæ ponit inhabilitatem coeundi cum  
qualibet fœmina; tali impotentia labo-  
rant Castrati, nec non excessivè frigidi,  
quibus membrum nunquam surgit, vel  
excessivè calidi, qui præproperè emittunt  
semen nec vas spectare possunt. *Respec-  
tiva* dicitur, quæ ponit inhabilitatem  
coeundi cum hac vel illa fœmina; veluti  
si incantatione magica effectum sit, ut  
nequeam cum Titia commisceri: vel si  
Titia respectu mariti, fortè sat bene  
provisi, sit arcta nimis.

Quartò dividitur impotentia in ante-  
cedentem, & subsequenter. *Illa* dici-  
tur, quæ suberat ante matrimonium  
contractum. *Hæc* quæ matrimonio con-  
tracto supervenit. Jam sequitur

Assertio prima. Impotentia perfecta, 72  
perpetua, & absoluta dirimit matrimo-  
nium. *Ita Franz. Inst. h. t. n. 25. Zoës. ad de-  
cret. de frigid. & malesiciat. König. cod.  
n. 7. Sanchez. lib. 7. disp. 92. n. 7.* Ratio,  
quia ut matrimonium consistat, debet  
posse fieri mutua traditio corporum ad  
usum humanæ generationis. Atqui per-  
petuò impotentibus traditio hæc est im-  
possibilis; ergò cum impotentia perfe-  
cta & perpetua non potest consistere  
matrimonium. Et hæc conclusio est  
universalis, probaturque per *cap. 2. de  
de frigid. & malesiciat. San. bez. loc. cit.  
num. 2.*

Unde sua sponte fluit, Eunuchos, 73  
qui videlicet utroque testiculo orbat  
sunt non posse contrahere matrimoniū;  
ad matrimonii enim veritatem requiri-  
tur, ut quis possit verum semen intra  
vas fœmineum intromittere, quâ poten-  
tiâ carent Eunuchi, ergò. Sanè, qui uno 74  
duntaxat testiculo orbatus est, qualem  
nos

nos *spadonem* vocamus, à contrahendo matrimonio non coercetur; licet enim virtus unita fortior sit, nihilominus tamen etiam is, qui unum duntaxat testem habet, æquè poterit virtutem generandi exercere, quàm is, qui unum oculum habet, actum videndi *Sanchez. loc. cit. n. 14.* Porro sicuti impotentia perfecta, absoluta & perpetua respectu omnium constituit impedimentum dirimens; ita pariter impotentia respectiva constituit impedimentum dirimens respectu illorum, respectu quorum versatur, quia videlicet est eadem ratio, cum fieri non possit mutua traditio corporum ad usum humanæ generationis. Non tamen marito, neque uxori statim reddi debet, si impotentiam perpetuam absolutam vel respectivam allegent, sed probatione opus est, quæ si statim ex oculari inspectione appareat, & impotentia illa manifesta sit, tunc statim absque mora separatio conceditur; sin minus triennium ipsis indulgetur, intra quod matrimonii consummationem tenere possint: triennio verò transactò, si nihil perfecerint, matrimonium declaratur nullum; ita tamen ut prius jurent, se adhibitâ omni opera matrimonium consummare non potuisse: *Engl. loc. cit. 6. Mascard. de probat. conclus. 316. n. 8.* Sane si mulier sine periculo vitæ incisionem pati possit, tenebitur illam admittere, *cap. fraternitatis de frigid. & maleficiat. Sanchez. loc. cit. n. 6.*

**Affertio secunda.** Impotentia perfecta, perpetua, sed subsequens non dirimit matrimonium semel ritè contractum. Probatur *ex cap. 25. caus. 32. q. 7.* ubi generaliter dicitur, ob nullam infirmitatem supervenientem conjugia dissolvi posse, ergò neque possumus ob supervenientem impotentiam. *Engl. n. 2. loc. cit. enig. n. 13.*

**Affertio tertia.** Impotentia perfecta, & antecedens, sed temporalis itidem non dirimit matrimonium. Quoniam ubi est possibilis humana generatio, est etiam possibilis traditio corporum ad usum humanæ generationis; atqui per impotentiam temporalem humana generatio non redditur impossibilis; ergò neque redditur impossibilis traditio corporum ad usum humanæ generationis. Quod tamen ita procedit, si impotentia temporalis non fundetur in defectu sufficienti ætatis: impubes siquidem matrimonium non potest contrahere, esto impotentia laboret duntaxat temporali *cap. 10. & cap. fin. de spons. impub.*

**Affertio quarta.** Impotentia imperfecta sive antecedens, sive subsequens non dirimit matrimonium. Quia talis impotentia non reddit impossibilem mutua traditionem corporum ad usum humanæ generationis. Unde sua sponte fluit, steriles valide contrahere matrimonium *cap. 27. caus. 32. q. 7.*; ratio, quia possunt exercere perfectam copulam.

Ex eodem sponte fluit, senes ad matrimonium contrahendum esse habiles, quia vix unum reperies ætatis tam decrepitæ, in quo potentia generativa ita marcida sit, ut non quandoque reflorescat, ac arte juvari possit, ad parandum semen generationi prolis per se idoneum.

Sane fingas senem tam exhaustum, tam pavidum, tam effœtum, ut iudicio medicorum ad copulæ exercitium juvari nequeat, matrimonium validè contrahere vix est ut possit, quia cum ineptus sit ad perfectam copulam, corpus suum tradere non potest in ordine ad generationem prolis. *Sanchez. 7. disp. 92. n. 24.* Fœmina quantumcunque vetula, matrimonium validè contrahit; quoniam semper vim pati potest; & exercere copulam perfectam, tametsi fortè generandi,

randi, & concipiendi potentia exoleverit; quia hoc tantum per accidens est, sicuti in sterilibus. *Sanchez. n. 22.*

Decimum tertium impedimentum dirimens est *clandestinitas*, quæ dirimit matrimonium illorum, qui contrahunt, aliter, quam coram paroco, & sine duobus testibus. *Trident. cap. 1. de reformat. matrim.* Quasi clandestinitas est omisio trium denuntiationum sine causa facta, quæ tamen omissa non irritat matrimonium. *Engl. de clandest. despons. n. 3.*

75 Decimum quartum & ultimum impedimentum dirimens est *Raptus*, sive violenta abductio sceminae invitæ. Si quis ergo sceminam invitam è loco, ubi moratur, in alium moraliter diversum matrimonii contrahendi gratia violenter abduxerit, non potest illam ducere, quamdiu loco tuto non fuerit tradita. *Trident. sess. 24. cap. 6.*

Tria itaque concurrant, necesse est ut impedimentum hoc consurgat Primo ut raptus fuerit violentus & involuntarius: si consentiat, impedimentum hoc non inducitur, quia Concilium Tridentinum libertati voluit consulere. Secundo ut mulier matrimonii contrahendi gratia sit abducta, non libidinis satiandæ causa. Tertiò ut ducatur scemina eò loco & tempore, quo moratur in potestate raptoris. Extra potestatem raptoris constituta, & in loco tuto collocata, si consentiat, tenet matrimonium. *Sanchez. lib. 7. disp. 13. n. 4. & 7. Konig. lib. 4. tit. 7. p. 4.* Dixi, quòd secundo requiratur, ut matrimonii contrahendi, non libidinis satiandæ, vel alterius causæ, aut rei gratia mulier abducatur; Concilium enim Tridentinum voluit duntaxat libertati matrimonii consulere. Unde sequitur, si mulier sit abducta ad satiandam libidinem, vel alterius rei causa matrimonium non irritari, quod postea

secutum est, quia mulier non est abducta matrimonii contrahendi causa, adeoque non est violata libertas matrimonii. *Konig. loc. cit. n. 35.*

### §. ALIQUANDO 13.

## DE LEGITIMATIONE.

**H**Astenus de prima causa inductiva patriæ potestatis, sequitur de secunda, quam ponit legitimatio, quæ latinis, natalium restitutio, appellari solet. *Schamb. Inst. hic.*

Definitur legitimatio, quòd sit actus, 76 quò liberi naturales efficiuntur legitimi.

Dividitur in legitimationem, quæ fit per subsequens matrimonium, rescriptum principis, & per oblationem curiæ.

Legitimatio, quæ fieri solebat per oblationem curiæ ab usu recessit. Iste modus autem legitimandi tunc locum habebat, si pater filium naturalem, id est, ex concubina extra matrimonium susceptum curiæ, id est, ordini decurionum obtulerit, ut inter decuriones numeraretur, hoc ipso filius efficiebatur legitimus. Hunc modum introduxit Theodosius Imperator, ut multi invitarentur ad curias, quarum conditio dura fuit, & onerosa, ut proinde non facile reperirentur homines, qui munia illa susciperent; quisque enim ea subire fugiebat. Filia ita offerri curiæ non solebant, nec poterant, quia sceminae muneribus publicis non funguntur; attamen filia naturalis legitima efficiebatur, si nupsset curiali viro. *L. 3. cod. de nupt. Perez. Inst. hic.*

Legitimatio per subsequens matrimonium definitur, quòd sit actus, quo liberi naturales per subsequens matrimonium, cum eorum matre contractum, redduntur legitimi. Posset videri, huic legitimatiori locum ætate nostra non amplius esse,



esse cum concubinatus sublatus sit, ex quo liberi naturales nascebantur, de jure autem civili non alii legitimari possunt, quam naturales, & ex concubinati. Sed dicendum, illos Jure nostro naturales appellari, qui ex Virgine aut Vidua honesta concepti sunt. *Gomez. in regem. taur. 9. n. 1.* Ratio, quia concubinatus prohibitus & reprobatus est, & ut Canonici se non fundat super concubinato, sed super virtute & potentia matrimonii. Hinc de jure Canonico quælibet proles ex soluto & soluta suscepta legitimari potest, *cap. tanta 6. & qui filii sint legitimi. Manz. lib. 3. tit. 10. n. 16.*

Requisita legitimationis per subsequens matrimonium tria sunt.

Primo requiritur, ut matrimonium sit legitime initum, hodie coram Parocho & testibus, *Concil. Trident. Sess. 24. cap. 2. de reformat. matrim.* quia alias, quod nullum parit effectum, & non enis nullæ sunt qualitates. *L. 41. vers. quoniam. si cert. pet.*

Quæres 1. possintne liberi naturales legitimari per subsequens matrimonium, etiam in articulo mortis contractum? *R. posse.* Ita reipsa docent *Harp. hic n. 18. Hunn. Var. resolut. lib. 1. tract. 3. q. 28. Zoës. ad Jus Canon. lib. 4. tit. 17. n. 14. Manz. lib. 3. tit. 10. num. 20. Engl. ad Jus Canon. qui filii sint legitimi. num. 9. Clariss. D. D. Franz. Inst. de nupt. part. 3. §. 4. n. 8. Gonzalez, in cap. 1. & qui filii sint legitimi. n. 11.*

Probatur hæc sententia solida & efficaci ratione, quia certum est & indubitatum usque ad ultimum vitæ terminum contrahi posse matrimonium, consensus enim, non concubitus nuptias facit. *L. 10. ff. de R. J. & copula non est de matrimonii essentia, sed sufficit generandi potentia, quæ & tunc adest, licet per extrinsecum morbi impedimentum ejus*

*Kees ad instituta.*

usus sit suspensus. Jam sic arguo: ut legitimatio liberorum procedat, requiritur, ut inter parentes contrahatur matrimonium, atqui matrimonium à quocunque infirmo, & morti vicino rectè contrahitur, ergò, &c. accedit maximus legitimationis favor, qui in hoc consistit, quòd publicè interfit, civitatem legitimis civibus repleri.

Dices, ut teneat matrimonium, debent partes ad usum matrimonii esse habiles, quia alias finis conjugii principalis & præcipuus, scilicet procreatio sobolis, deficeret, sed moriturus ad usum matrimonii non est habilis, ergò non potest inire matrimonium, si hoc? legitimatio non procedit. *R. Dist. maj.* ut teneat matrimonium, debent partes esse habiles, per se & ex natura rei, *o. neg. maj.*, tam per se, quàm per accidens *neg. maj.* & taliter distincta. *mi. neg. conseq.* Momentum & hora mortis incerta est, sæpè enim desertus à medicis convaluit, & civitatem replevit liberis. Unde moriturus ex natura rei non est inhabilis ad usum matrimonii, sperat enim, dum spirat, fore, ut convalescat; quòd si insperata mors spem ejus fallat, per accidens est. & casui imputandum, qui nullum liberis generare debet præjudicium.

Secundò requiritur ad legitimationem per subsequens matrimonium, ut proles ex iis sit concepta, inter quos matrimonium minimè legibus interdictum fuerat. *§. fin. Inst. hic. Nov. 89. cap. 8. §. Si quis igitur. Zoës. loc. cit. n. 17. Manz. d. loc. n. 26.* Ratio, quia illi tantum per subsequens matrimonium efficiuntur legitimi, qui nati sunt ex tali coitu fornicario, qui poterat conjugalitatis esse.

Unde ex complexu adulterino, incestuoso, aut alio damnato coitu suscepti per subsequens matrimonium legitimari non possunt: Ratio, quia re-

N

quiritur

quiritur de forma, ut proles ex talibus personis sit suscepta inter quas non est prohibitum legibus matrimonium *d. §. fin. §. cap. tanta 6. §. qui filii sint legitimi*. Ratio rationis, quia legitimatio procedit mediante fictione & retrotractione ipsius matrimonii, adeoque necessarium est, quod detur habilitas extremorum, puta, extremi à quo, & extremi ad quo *l. arg. l. bonorum ff. rem ratam haberi, §. L. 1. §. fin. ff. de appellat: Schneid. Inst. de patria potest. n. 20. Chligensp. Inst. de nupt. qu. 63. ob. 2. Manz. loc. cit. num. 27.*

**81** Quæres 2. An legitimatio per subsequens matrimonium locum habeat, si tempore conceptionis inter partes non potuit consistere matrimonium; bene verò tempore nativitatis? ut ecce! Ego uxoratus adulterina lididine contaminavi Bertam; antequam deinde proles primo vagitu lucem salutasset, decessit uxor mea, questionis est, si Bertam in uxorem ducam, an proles legitimetur.

Sunt, qui affirmativam utraque manu propugnent, quos inter agmen ducit *Molin. de J. §. J. disp. 172. n. 3.* cui se associant *Clariss. D. Doct. Franz. Inst. de nupt. part. 3. §. 3. n. 5. Sanchez. de matrim. l. 8. disp. 7. n. 19. Fachin l. 3. contr. §. 10. Mantzic. de conject. ult. vol. l. 11. tit. 12. n. 5. Fusar. de subst. quest. 409. Gonzalez. in c. 1. §. qui filii sint legit. n. 12. Manz. loc. cit. n. 31.*

Moventur I. ex *L. §. §. 2. ff. de stat. homin.* ubi in hæc verba rescribitur: *Ingenui sunt qui ex matre libera nati sunt; sufficit enim liberam fuisse eo tempore, quo nascitur, licet ancilla conceperit.* Ex hoc textu sic arguunt: ut aliquis ingenuus nascatur, sufficit, matrem fuisse liberam alterutro tempore, vel conceptionis, vel nativitatis, *d. L. §. §. 2.* ergo etiam, ut proles, extra matrimonium suscepta,

legitimari possit, sufficit, alterutro tempore, vel conceptionis, vel nativitatis, inter partes posse consistere matrimonium.

Moventur per *IL l. nuper 11. Cod. de natural. lib.* ubi ita scribitur: *Et hoc facimus favore liberorum, ut editionis tempus statuamus inspectandum, exceptis in tantummodò casibus, in quibus conceptionem magis approbari infantium utilitas exposulat.* Unde ita insurgunt: illud tempus, quando de liberorum favore agitur, debet inspicere, quod liberis est utilius; sed tempus nativitatis liberis est utilius, ergo debet inspicere tempus nativitatis.

Moventur III. si quis commisceatur cum Turcissa, & ex illa prolem suscipiat, legitimatur proles per matrimonium cū Turcissa (posteaquā ad veram fidem conversa est) contractum; ergo ad legitimationem non requiritur, ut tempore conceptionis inter partes possit subsistere matrimonium.

Moventur IV. licet tutori, stante tutela, matrimonium cum pupilla contrahere non sit permittum, partus tamen impedimento stante conceptus, per subsequens matrimonium legitimatur; ergo ad legitimationem non requiritur, ut tempore conceptionis inter partes possit subsistere matrimonium.

Moventur V. per *l. crimen. 26. ff. de pen.* ubi dicitur, quod poena paterna, & crimen ejus filio non debeat infligi, ergo, licet pater sit adulter, nihilominus tamen filius poterit legitimari.

Moventur VI. per *cap. ex tenore pen. §. qui filii sint legitimi*, ubi habens uxorem, duxit, eā superstitē, aliam, & proles exinde nata dicitur esse legitima, ergo non requiritur ad legitimationem, ut tempore conceptionis inter partes possit esse matrimonium.

Verum his argumentis, in contrarium nihil

hilmoventibus, placet eorum sententiam, quod in memorato casu legitimatio utique procedat.

Patrocinantur huic sententiae non inae notae A A. *Glette select. quaest. pag. t. q. 7. Bachov. ad Treult. vol. 1. disp. th. 6. lit. F. Zoëf. ff. de concubin. n. 14. um. ad Treult. loc. cit. q. 27. Pirrhing. 4. Jur. Can. tit. qui filii sint legit. §. n. .. Perez. in Cod. de natural. lib. n. 12. riss. D. P. König. qui filii sint legitim. n. 1. Schambog. Inst. §. fin. de nupt.*

Probatum I. per §. fin. Inst. hic. ubi ad eum ut legitimatio procedat, debet propterea tali muliere esse procreata, cujus matrimonium minimè legibus interdictum fuerit; at nostro in casu matrimonium levis est interdictum, ergo non procedit legitimatio.

II. Per l. 5. Cod. de natural. lib. ubi hoc, ut procedat legitimatio, requiritur, ut foemina potuerit esse concubina; quia tantum nati ex concubina, (odie ex virgine, vel vidua) per subuegens matrimonium legitimari possunt, in casu posito foemina non potuit esse concubina, ergo.

III. Legitimatio fit per fictionem restitutionis, quo stante, sic insurgo: vel legitimatio retrahitur ad tempus conceptionis, vel ad tempus nativitatis; Non ad tempus conceptionis, quia inspecto tempore conceptionis, proles est formata adulterina, quae objectum legitimatis non constituit, Nov. 89. cap. ult.

IV. dicitur, quod nulla sit adulterinis ostiendi clementia, non ad tempus nativitatis, quia alias macula, quae est conceptione, perfectè non elueretur.

V. Per cap. tanta 6. qui filii sint legit. verbis: si autem vir, vivente uxore, aliam cognoverit, & ex ea prolem susceperit, licet post mortem uxoris eandem genuerit, nihilominus spiritalis erit filius.

Ecce! hic non distinguitur, an ante vel post nativitatem proles uxor sit mortua.

V. Per text. L. 11. ff. de stat. homin. ubi proles, ex filia, quae sine consensu patris de jure civili invalidè nupsit, concepta, manet illegitima, etiamsi tempore nativitatis, patre jam mortuo, impedimentum matrimonii sit sublatum.

VI. Per solidam, & validam rationem, quia lex, quae aliquas proles, v. g. incestuosas, à beneficio legitimatiois coercet, respicit culpam ex copula proveniente, & non nativitatem filii, utpote in qua non intervenit culpa; atqui in nostro casu copula est adulterina, ergo proles erit adulterina, utpote quae a qualitate copulae, & non à conditione, & eventu parentum, suam trahit denominationem. Jam subsumo: sed proles adulterina potest legitimari, d. Nov. 89. cap. ult. ergo, &c.

Argumenta contraria nullo labore diluuntur.

AD I. R. conc. ant. neg. conseq. dispa. 82 ritas est, quia quocunque tempore mater libera est, verum est dicere, quod non sit serva, & sic nullum vitium habeat; sed in nostro casu, etiamsi cesset impedimentum matrimonii, non tamen cessat vitium adulterii, & sic nunquam est verum dicere: Mater non est adultera; sanè, quàm parùm virgo, quae, naturalis stimuli illecebris incitata, in alterius semel vota navigavit, non amplius talis est, nec fieri potest, tam parùm adultera talis esse desinere potest, nisi facta infecta fieri posse dixeris; secus est in servitute, quae tantum est extrinseca & manumissione omnino evanesceat.

II. Non valde moror argumentum: Enimvero ipse fateor, favore liberorum

conceptionis, vel nativitatis tempus inspiciendum esse; sed cæteris paribus, & supposita capacitate materiæ, quæ hic deficit. Nam, ut locum habeat legitimatio, requiritur, ut proles ex talibus personis sit concepta, inter quas matrimonium minimè legibus interdictum fuerat, §. *fin. hyst. hic*. Paulò aliter *R. Bachovius*, severus *Treutleri* custos, aitque, d. l. 1. §. 1. ff. de stat. homin. loqui de libertate, non de legitimitate; sanè, si quæretur, partus liber sit an servus? illud tempus debet inspicere, quo mater libera fuit, sive deinde sit tempus conceptionis, sive nativitatis; & tempore, quo mater libera fuit, inspecto, verum est dicere: mater non est serva, adeoque ut partus nascatur liber, illo momento, quo mater libera fuit, fingitur esse natus: secus in nostro casu, sive enim tempus conceptionis, sive nativitatis inspectes, utroque tempore mater est adultera, quòd vitium adulterii nunquam eluitur.

Dices: ut partus nascatur liber, sufficit, ut uno tempore mater sit libera, ergò etiam, ut proles legitimetur, sufficit, quòd uno tempore inter partes matrimonium possit subsistere. *R. neg. consequ.* quia per manumissionem tollitur vitium servitutis: per cessationem verò impediendi vitium adulterii, & copulæ turpitudine non tollitur.

Ad III. & IV. solutio est in aperto, in utroque enim casu solummodò contrahitur vitium stupri, quod per legitimatorem elui potest; secus vitium adulterii.

V. argumentum nimium probat, ergò nihil probat; sequeretur enim etiam susceptos ex incestu, aut alio damnato coitu legitimari posse, quod dictum absurdum foret.

VI. Nihil ad rhombum facit, quoniam non nostræ *Questionis* statum de-

cidit, sed alium, puta, an ex matrimonio putativo natus debeat censeri legitimus? & rescribit, quòd sic; quæ decisio totò cœlò diversa est à nostra controversia. Sanè, ut candidè fatear quod sentio, mihi videtur per *cit. c. ex tenore pen.* nostram sententiam magis confirmari, quàm infirmari; ideò enim natus ex Mauricia habetur pro legitimo, quia Mauricia ignara fuit, sui conjugis uxorem vivere, atque adeò non formaliter vitium adulterii intervenit, sed duntaxat materialiter; cessat proinde ratio, quam nos in turpitudine copulæ ponimus.

Ex quibus pro & contra deductis, patet ad oculum, nostram sententiam in puncto Juris Sibyllæ foliò veriorē esse; tametsi *affirmativam* in praxi sequendam, autument *Pirrhing. & Clariss. D. P. Konig. loc. cit.* sed

Quæres III. *An idem dicendum, si tempore Conceptionis impeditum non fuerit, bene verò tempore Nativitatis?* *R. negativè* per *cit. cap. tanta. & qui filii sint legitimi?* ubi ille duntaxat casus excipitur, quo copula fuit damnata legibus, quæ non est talis in nostro casu. *Zoës. ad Jus Can. d. t. n. 19.* & omnes suprà allegati.

Quæres IV. *An susceptus ex copula incestuosa, ignoranter tamen habita, per subsequens matrimonium, cum dispensatione contractum, legitimetur?*

Tametsi *negativa* in rigore juris magnam habeat probabilitatem, prout demonstrant *Clariss. D. P. Konig. loc. cit. n. 24. Zoës. ad Jus Canon. qui filii sint legitimi? n. 20.*

*Affirmativam* tamen, *praxi* receptam esse, testis *P. Engl. loc. cit. n. 12.*

Ratio, quia talis filius non est natus ex formali incestu; sicut ergò ipsi parentes, tanquam incestuosi, propter ignoran-



rantiâ impedimenti pœnâ incestus ordinariâ non afficiuntur, ita quoque filius natus pro incestuoso habendus non est.

Non obstat, quod danti operam rei illicitæ imputentur, etiam, quæ præter ipsius intentionem sequuntur. *c. tua* 19. *de homicid. & c. ult. cod. n. 6.* quia *dd. cc.* vel de rigore Juris procedunt, vel intelligenda sunt tantum circa homicidium, in ordine ad irregularitatem incurrendam.

3 III. Ad legitimationem per subsequens matrimonium requiruntur instrumenta dotalia, *arg. §. fin. hic l. 5. 6. 10. & 11. Cod. de nat. lib. junctâ Nov. 12. c. 4. Nov. 18. cap. fin.* quibus, & aliis pluribus locis si mentio instrumentorum dotalium per ablativos absolutè positos, quin in conditionem resolvuntur.

Quod procedit de jure Civili, secus de Jure Canonico, quod ad legitimationem instrumenta dotalia nullatenus exigit, sed solas nuptias, quas consensus facit, *l. 30. ff. de R. J.* Imò nec de jure Civili hodie requiri instrumenta dotalia, testis est *Wesemb. concil. 44. n. 44.*

4 Quæres V. *An ad legitimationem per subsequens matrimonium consensus liberorum legitimandorum requiratur?* R. requiri. Ita *Fach. 3. c. 54. Harp. §. fin. Inst. h. t. n. 6. Glessle. select. quest. part. 1. q. 8. Huin. var. resolut. l. 1. q. 30. Bachov. ad Treult vol. 1. disp. 2. th. 6. lit. 6. C. Ludwel. Inst. hic.*

Facit pro sententia I. vulgatum illud Juris Brocardicon, quod invito non detur beneficium *l. 69. ff. de R. J. & præterea id, quod in favorem alicujus introductum est, repudiari possit l. pen. Cod. de pact.*

Facit II. *l. fin. ff. de bis, qui sui vel alieni Juris sunt.* Inviti filii, naturales, vel emancipati non rediguntur in patriam potestatem.

Facit III. *Nov. 89. cap. 11.* his verbis: *sub potestatem invitum filium redigere justum non est.*

Dices: *dd. II.* fortiri locum de Jure Civili, non etiam de Jure Canonico, ut proinde de posteriori hoc Jure consensus liberorum in legitimationem requiri non videatur. R. præter hoc; quod Jus Canonicum hoc in passu à constitutione Juris Civilis expressè nullibi recesserit, consequenter Juri Civili, tanquam claro, standum sit, præter hoc (inquam) Jus Canonicum hac in parte non potuit derogare Juri Civili, quoniam legitimatio in ordine ad successionem, patriam potestatem & alios effectus, Jure Civili introductos, & supra *tit. de patria potestate* enumeratos, est negotium profanum & politicum, adeoque non obnoxium censuræ & reformationi Pontificiæ.

Objic. I. *c. 6. & qui filii sint legit.* ubi tota vis legitimandi tribuitur matrimonio; ergò liberi suo dissensu non poterunt vim legitimandi infringere. R. *dist. ant.* tota vis legitimandi tribuitur matrimonio, eò modò, quo leges volunt, contracto, *conc. ant.* quomodocunque contracto. *neg. ant. & conseq.* Matrimonium ex se & ex natura sua non producit legitimationem, sed quatenus vis legitimandi à Jure Civili eidem indita, & tributa est, Jus verò Civile vim legitimandi matrimonio non aliter tribuit, quàm sub ista conditione: *si liberi legitimandi consentiant. d. l. fin. & Nov. 89. cap. 11.* Ergò legitimatio sine consensu liberorum non procedit.

Objic. II. Jus Civile non potest impedire effectum matrimonii, utpote quod est res spiritualis, & consequenter obnoxia constitutioni Juris Canonici, ergo, *& c. R. iterum dist. ant.* Jus Civile non potest impedire effectum matrimonii, qua-

quatenus imbibit rationem Sacramenti *conc. ant.* quatenus sapit contractum civilem. *neg. aut. & conseq.*

Matrimonium non ideo operatur effectum legitimationis, quia est Sacramentum, sed quatenus sapit Contractum Civilem & Politicum; quare, cum de Jure Civili ad Legitimationem requiratur liberorum consensus, dispositio- nem hanc Jus Canonicum tollere non potuit.

Objicit. III. publicè interest legitima- ri liberos naturales, ergo favori publico liberi suo dissensu præjudicare non pos- sunt. R. Secundariò tantum reipubli- cæ interesse, liberos naturales legitima- ri, non primariò. *Harp. Bachov. loc. cit.*

Effectus Legitimationis per subsequens matrimonium est, quòd ejus adminicu- lo liberi naturales efficiantur legitimi, ac eodem Jure censeantur, quò liberi ex justo thoro nati, *l. 10. Cod. de nat. lib. Nov. 89. c. 8.* Hinc pariter cum natu- ralibus & legitimis succedunt non tan- tum ab intestato, *d. l. 10. & Nov. 39. c. 8.* sed etiam ex testamento, ita ut præ- teriti rumpant testamentum *l. 8. ff. de injust. rupt. & irrit. & injuste exhare- dati querelam inofficiosi habeant, §. 2. Inst. de inoff. testam.*

Præterea efficiuntur idonei ad obti- nenda officia, honores, dignitates, tam Civiles, quam Canonicas, exceptâ solâ dignitate Cardinalitiâ, ad quam taliter legitimati aspirare specialiter prohiben- tur, juxta *Bullam Sixti V.* quæ incipit: *Postquam.* de anno 1590. *Clar. ff. D. P. Konig. ad Jus Canon. qui filii sint legitim. Zoëf. ibid. n. 24. Manz. loc. cit. n. 4.*

Quæres VI. *An legitimati per subse- quens matrimonium etiam in feudo succe- dant?*

Negativam propugnat *Bachov. ad*

*Treult. vol. 1. disp. 2. th. 6. lit. F. Hunn. var. resolut. lib. 3. tract. 1. q. 11. Glessle Affer. Jurid. 72.*

Moventur præcipuè ex textu *lib. 2. feud. tit. 26. §. naturales.* ubi in hæc ver- ba rescribitur: *naturales filii, licet post- ea fiant legitimi ad successionem feudi nec soli, nec cum aliis, admittuntur.*

Affirmativæ subscribunt *Pirrhing. l. 85*

*4. Jur. Canon. tit. Qui filii sint legit. §. 5. n. 35. Zoëf. ff. de concubinis. n. 7. Rosen- thal de feud. cent. c. 7. conclus. 18. n. 1. & 2. Harp. princ. iust. de hered. quæ ab in- testato def. n. 315. Mynsing. cent. 8. obs. 42. Gail. 2. observ. 141. ubi ait: praxi, & generali consuetudine, quæ est optima legum interpret, hanc sententiam re- ceptam, nec non judicando roboratam esse.*

*Probat* hac solâ, sed solida ratione, quotiescunque, casus aliquis de Jure feu- dali expressè non est decisus, toties de- cidendus est ex Jure communi *2. Feud. 1. in fine*; atqui de Jure feudali casus con- troversie nostræ expressè non est decisus, ergò decidendus est ex Jure communi; sed Jus commune, tam canonicum, quàm civile, liberos per subsequens matrimo- nium legitimatos, perindè ac legitimè natos, ad successionem vocat, *d. c. tan- ta 6. & ult. Inst. hic. juncta Nov. 89. c. 8. & Nov. 12. c. ult.* ergò etiam ad suc- cessionem feudi admittit.

Ad text. *2. feud. 26. vers. naturales,* facilis est solutio, procedit enim de legi- timatione per rescriptum principis.

*Dices:* Textus citatus loquitur de ca- su, quo cum legitimatis concurrunt ad- huc alii liberi, in verbis: *nec soli, nec cum aliis,* sed existentibus aliis liberis, puta, naturalibus & legitimis, Princeps non solet legitimare. *Nov. 74. c. 1. & 2. Nov. 89. c. 9.* ergo textus *2. feud. 26. §. naturales,* de legitimatione per rescri- ptum

ptum Principis non potest intelligi

R. *Conc. maj. dist. min.* Princeps non solet legitimare semper *conc. min.*, nunquam *neg. min.* & *conseq.* Tamen si Princeps regulariter, existente legitima prole legitimare non solet; fallit tamen regula quandoque, puta, si iusta ratione moveatur. Deinde factum quod Princeps legitimaverit filium naturalem, & postea tunc legitimationem patri naturales, & legitimi supernascentur, nunquid forte iste casus *cit. text. feud. 26.* decisus est? *schambog. pag. 522. v. quæres.* Aliter resolvit *Clariss. D. D. Franz quæst. select. ex Jure Canon. publ. &c q. ult.* ubi more suo solide hanc controversiam discutit.

Quæres VII. *An legitimatio tribuat ius primogenituræ?* Casus controversialis est. Princeps quidam ex concubina suscepit Titium, ex uxore deinde Sempronium, quinam erit primogenitus, si Princeps, uxore mortua ducat concubinam?

Sunt, qui Titio patrocinentur. Ita *Iunn. var. resolut. lib. 3. tract. 1. q. 27.*

Movetur I. Quia legitimatio per subsequens matrimonium omnem maculam natalium tollit, ac in eum statum reuocantur liberi naturales, in quo forent, si ex iusto thoro nati essent. *l. 10. Cod. de nat. liber.* Sed, si Titius esset natus ex legitimo thoro, gauderet iure primogenituræ; ergo etiam gaudebit, si legitimatus est.

II. Matrimonium, contractum cum concubina, retrahitur ad tempus, quo habuit accessum ad concubinam; ergo tunc jam legitimus censetur, si hoc, sit primogenitus.

III. Quia fictio tantum operatur in suo facto, quantum veritas in casu veritatis. *l. Lege Cornelia ff. de testam. & qui tam. fac. poss. l. 1. ff. de adopt.* Sed iura iungunt, legitimatum per subsequens ma-

trimonium jam tempore conceptionis fuisse legitimum; ergo idem est, ac si fuisset verè legitimus: sed verè legitimus præfertur nato ex intermedio matrimonio, ergo etiam legitimatus præferendus erit.

Verum, his non attentis, standum est pro *Sempronio*, ex intermedio patrimonio progenito, ut iste Jure primogenituræ gaudeat. Huic, tamquam veriori sententiæ suffragantur *Gomez ad legem Taurig. n. 36. Bachov. ad Treutl. vol. 1. disp. 2. th. 7. lit. b. Schamb. §. fin. Inst. d. nupt. v. effect. Glettle p. 1. quæst. 1. Gonzalez. in c. 1. x. qui filii sint legit. n. 9.*

Facit I. Pro hac posteriori sententiæ hæc solida ratio, quia naturalis & legitimus ex intermedio matrimonio procreatus, habet jus quæsitum, quod sine facto suo ipsi non est auferendum. *L. 11. de R. J.*

I. Quia legitimatus per subsequens Matrimonium, licet ex tempore contracti matrimonii legitimus sit, in conceptione tamen & nativitate usque ad contractum matrimonii non est verè legitimus, sed habetur pro legitimo per fictionem. *Mantica lib. 11. tit. 12. n. 19.* quæ fictio non inducitur in præjudicium tertii, fictio enim nititur benignitate & æquitate, quæ est fundamentum omnium fictionum *l. 19. ff. de capt. sed æquitas locum non habet ubi datur præjudicium tertii l. 2. §. Item ff. de aqua pluvia l. 19. ff. ex quib. caus. maj;* ergo in hoc casu non procedit fictio, utpotè redundans in præjudicium tertii, qui legitime natus est.

III. Quia legitimatio per rescriptum<sup>87</sup> Principis non tribuit ius primogenituræ, ut fatentur ipsi adversarii; ergo neque legitimatio per subsequens matrimonium. Consequentia probatur. Ideo legitimatio per rescriptum Principis non tribuit.

tribuit jus primogenituræ, quia Princeps non censetur velle præjudicare filiis jam ante natis, quibus jus primogenituræ quæsitum est; at hæc ipsa ratio locum etiam habet in legitimatione per subsequens matrimonium, quia nuptiæ non habent vim legitimandi, nisi quatenus substant privilegio Principis, ergo &c.

*Dices:* Legitimatio per subsequens matrimonium utique majori digna est favore, quam legitimatio per rescriptum Principis; ergo argumentum non procedit. *R.* Me ultro id largiri; sed nolum, obliviscaris, *favores non eousque extendendos esse, ut in præjudicium aliorum redundent*, aut alios jure quæsito privent.

*Urges:* Non obstante, quod liberis naturalibus & legitimis per legitimationem per subsequens matrimonium inferatur præjudicium, & portio vel legitimæ vel successionis ab intestato minuatur, illud tamen non attenditur; ergo etiam non obstante, quod filio ex intermedio matrimonio procreato inferatur præjudicium, illud tamen non attenditur. *R. conc. ant. neg. conseq.* Ratio disparitatis à Glettle *loc. cit.* assignatur hæc: quod spes successionis & legitimæ nunquam sit certa & determinata, sed determinatio illius hinc tacitam conditionem imbibat: *portio successionis tanta vel tanta erit, nisi alii vel plures liberi supervenerint.* Aliud est in primogenitura, quæ posita semel prioritate legitimorum natalium, absolutè statim competit, nec pendet amplius ex futuro quodam eventu. Aliam differentie rationem reddit Gonzalez *loc. cit. num. 9.* quia inquit, in casu priori agitur de bonis divisibilibus, quæ pater habet, tanquam immediatus possessor, & de iis prohibito disponere, filiisque vel omnia, vel legitimam duntaxat relinquere potest. Secus se habet in casu posteriori, pater enim

bona majoratus, & fidei commissio obnoxia non potest neque in vita, neque in morte distrahere aut dividere, l. 114. §. *Divi ff. de legat. 1.* Sed filius primogenitus in iis statim consequitur jus irrevocabile, quod ipsi per secundum patris matrimonium auferri non potest.

Facit IV. Pro nostra sententia æquitas & ratio naturalis; quia mulier nobilis graviter deciperetur, si filius ejus legitimus jure primogenituræ non gauderet, cum fortè non contraxisset, si filium suum legitimum in majoratu non successurum scivisset.

Argumenta contraria tam parùm probant, ut nihil probare videantur.

I. Enim quod attinet, verum quidem est, liberos naturales per legitimationem in eum statum reduci, in quo forent, si ex justo thoro nati essent, quatenus illa reductio non vergit in præjudicium alterius, *conc. secus neg.*

Accedit, quod argumentò nimirum probetur, nempe jus primogenituræ competere etiam legitimo per rescriptum Principis, cum hæc legitimatio etiam omnem maculam tollat, & Imperator *In Nov. 89. in cap. 9.* de taliter legitimo pronuntiet, quod nihil differat à filio legitimo, & tamen non gaudet jure primogenituræ.

Ad II. Eadem datur solutio, nimirum, quod ista retractio locum non habeat, si alteri fiat præjudicium & auferatur jus quæsitum. Unde &

III. Ruit; fictiones enim locum non sortiuntur, ubi datur præjudicium tertii, prout suprà satis superque demonstravimus.

IV. Modus legitimandi est per rescriptum Principis, quæ legitimatio *definitur* quod sit *actus*, quò Princeps supplici libello rogatus liberos naturales jubet esse legitimos *Clariff. D. Doct. Franz. Inst. h. t. pag.*



§. 4. §. 1. n. 1.

Taliter legitimandi potestas competit soli summo Principi, qualis est Papa, et Romanorum Imperator; jus enim legitimandi spectat ad Regalia Principis & eadem majora, adeoque nemini competit, nisi ex privilegio & commissione. *Termes ad jus publ. cap. 11. num. 125. Manz. Inst. lib. 3. tit. 10. §. 35.* Unde, tametsi Electores, Principes, & cæteri status Imperii hac potestate legitimandi utuntur, tamen eam ut & Comites Palatini, usurpant non jure proprio, sed ex commissione *Cap. super. §. præterea de V.* quidquid de contraria praxi alleget. *immæ. de jure publ. l. 2. cap. 9. n. 124.*

Porro legitimari per rescriptum Principis possunt non tantum naturales, sed etiam spurii, adulterini, incestuosi, &c. præcipue, si Princeps plenitudine potestatis utatur; ratio vix alia dari potest, quam quod hoc exigat summa Majestas: potestas Imperialis, de qua disputare criminale est. *l. 3. Cod. de crimine falsæ. Deinde adulterium & incestus tantum sunt impedimentum legitimatio- nis de jure positivo, proinde Princeps tollere potest. Clariss. D. P. König. d. Jus. Can. qui filii sint legit. n. 35. Manz. loc. cit. 52. Schamb. hic.*

Ut hæc legitimatio procedat, requiritur I. *Consensus liberorum*, Nov. 89. cap. 11. invito enim non datur beneficium. *L. 69. ff. de R. J. II. ut parens illos alios liberos habeat d. Nov. 89. cap.*

9. Princeps enim in dubio non censetur velle præjudicare liberis legitime natis. Plane si princeps velit uti plenitudine potestatis, etiam justis liberis existentibus, naturales quoad jura successionis legitimare poterit, novissimi enim Juris est, Principem posse ex justa causa alteri Jus quæsitum tollere. *Mynsing. cent. 1. obs. 15. Zoëf. ff. de concub. num. 19. Clariss. DD. Franz. loc. cit. n. 12.*

III. Requiritur, ut liberi legitimari nequeant per subsequens matrimonium, forte quia concubina decessit aut talis est foemina, quæ cum honore duci non possit, Nov. 89. cap. 9. & Nov. 74. cap. 2. habito enim remedio ordinario, scilicet legitimatione per subsequens matrimonium, non est excurrendum ad extraordinarium. *Manz. num. 69.*

Effectus legitimationis hujus est, quod 1. naturales liberi reddantur legitimi. 2. Habilitentur ad officia & dignitates Ecclesiasticas, si a Pontifice, sæculares, si ab Imperatore legitimati sint, nisi speciali statuto, vel consuetudine inductum sit, ut quis legitime natus sit, prout consuetudine obtinet, quod taliter legitimatus Doctoris titulo insigniri nequeat, *Myns. 4. obs. 31. Blum. Process. Camer. tit. 7. num. 31. 3.* Succedant ab intestato nisi justii liberi existant, Nov. 89. cap. 6. in feudis vero tam parum admittuntur, quam ad jus primogenituræ. *Co- var. var. resolut. lib. 3. cap. 7. Clariss. P. König. loc. c. n. 42.*

## TITULUS XL

# DE ADOPTIONIBUS.

### SUMMARIÆ.

- 1 Quid sit adoptio?
- 2 Liberi quotuplices sint?
- 3 Natus mense undecimo an Legitimus reputetur?
- 4 Differentia adoptionis, & arrogationis.
- 5 Adoptatus ab extraneo non transit in potestatem adoptantis.
- 6 Secus adoptatus ab ascendente.
- 7 Impubes an arrogari possit.
- 8 Enumerantur requisita arrogationis.
- 9 Quarta Piana est quarta omnium bonorum.
- 10 Quinam possint adoptare?
- 11 Adoptare non potest, nisi qui 60. annos habet.
- 12 Adoptatus a nobili non fit nobilis.
- 13 Resolvuntur argumenta contraria.
- 14 Unio prolium quid sit?

### CONNEXIO.

**S**upra in titulo de patria potestate dictum est, tres esse causas inductivas patriæ potestatis, *justas* videlicet *nuptias*, *legitimationem*, & *adoptionem*. Prioribus duas hæcenus absolvimus, relictæ proinde ordine tertiæ, id est adoptionis sub icitur; non enim solum naturales liberi, secundum ea quæ diximus, in potestate nostra sunt, verum etiam ii quos adoptamus.

Adoptio autem definitur, quod sit actus, quo is, qui filium non est, in filium assumitur. Adinventæ est adoptio in solatium eorum qui liberos non habent;

forte quia sterile est eorum conjugium, vel quia liberos suos amiserunt, vel quia habent, sed degeneres, improbos, debiles, vel valetudinarios, ut liceret tale infortunium aliorum adoptione emendare. *Manz. n. 4.* Priusquam ulterius progrediamur, habet sub limine inquirere, quot sint species liberorum. Itaque

I. Sunt filii *naturales* & *legitimi* simul, 2. qui secundum naturam ex conjunctione maris & foeminæ a lege expresse approbata, legitimo scilicet matrimonio procreati sunt; sive brevius, qui nati sunt ex legitimo thoro.

Natus autem ex legitimo thoro censetur, qui natus est mense septimo post contractas nuptias *l. septimo mense 12. ff. de stat. homin.* Item qui natus est ex vidua mense decimo post mortem mariti. *l. Gellius 29. ff. de lib. & postb.* Sed quid de illo, qui natus est mense undecimo, an legitimus reputetur? Dixeris 3. illegitimum reputare debere per *Nov. 39. cap. 2.* ubi *Imperator* partum undecimo mense perfecto editum, vocat impium, & ait impossibile esse, ut conceptio ex marito defuncto in tantum tempus extendatur.

Verum cum *Imperator* de mense undecimo perfecto, id est completo loquatur, permittendum est, natum sub initium mensis undecimi, legitimum esse, præcipue si aliunde mater bonæ famæ ac integræ fuerit exstimationis. *Ingl. Qui filii sint legitimi v. 7.*

Circa liberos naturales & legitimos simul obtinet regula, quod sequantur

conditionem patris. l. 19. ff. de stat. homin. Glott. Inst. pag. 76.

II. Sunt filii sive liberi naturales, tantum, qui ex concubinato geniti sunt. §. fin. Inst. de nupt. Hodie naturales vocantur, qui ex soluto & soluta, Virgine, vidua & masculo soluta nati sunt. Schn. hic. n. 4.

III. Sunt legitimi tantum seu adoptivi, qui non secundum naturam a parentibus adoptivis procreati sunt, & auctoritate juris Civilis filii efficiuntur; & de his loquitur noster titulus.

IV. Sunt spurii seu vulgo questiti, nati scilicet ex publica meretrice, qui patrem demonstrare non possunt; circa quos canit Poëta.

*Non habet ille patrem, cui populus Pater est.*

Sunt liberi nati ex damnato coitu, quales sunt incestuosi, nati scilicet ex collateralibus in gradu prohibito: Sacrilegi, nati scilicet ex patre vel matre, voto solemni obstrictis: Adulterini, nati scilicet ex adulterio: Nefarii, nati scilicet ex ascendentibus & descendantibus. Schn. n. 7. hic.

Circa liberos illegitime natos obtinet regula quod sequantur conditionem matris l. 19. §. 24. ff. de stat. hom.

### §. A D O P T I O. I.

Q. In isto §. quotuplex sit adoptio: ad quod R. quod sit duplex, scilicet:

Adoptio in specie & arrogatio. Adoptio in specie est actus, quo is, qui alieni juris & in potestate parentis est, v.g. filius fam. qui scilicet adhuc habet patrem naturalem in cuius potestate est, in filium assumitur.

Differunt, quod adoptio in specie coram Magistratu tantum fieri possit; contra vero arrogatio fieri debeat coram Principe. Deinde in arrogatione requi-

ritur expressus arrogandi consensus. l. 5. ff. de adopt. ut proinde infans arrogari non possit. In adoptione vero sufficit tacitus consensus, id est, quod non contradicat; ut proinde etiam infans adoptari possit. de l. 5.; ratio differentiae est, quia in adoptione pater adest, qui adoptando præsумitur optime prospecturus. Schamb. hic. §. Manz. n. 10.

### §. S E D H O D I E. 2.

Pro pleniori hujus §. intellectu sciendum est, olim de Jure videlicet antiquo, non tantum arrogatum sed & adoptatum transisse in potestatem adoptantis l. 7. l. 23. ff. h. t. nulla facta differentia, an quis ab extraneo, an ab ascendente fuerit adoptatus.

Verum hoc a Justiniano Imperatore in l. penult. Cod. de adopt. immutatum est, ubi hanc distinctionem adhibet, utrum videlicet aliquis esset adoptatus ab extraneo, an vero ab uno ex ascendentibus, v.g. avo, proavo. &c.

Si filius fam. extraneo in adoptionem datur, tunc manet in potestate patris naturalis, neque transit in potestatem adoptantis, adeoque quoad patrem naturalem perinde habetur, atque si non fuisset adoptatus. text. in §. sed ea 14. Inst. de hered. que ab intest. Ratio 1. quia robustiora sunt jura patris naturalis, quam ut civili ratione infringi possint. Ratio 2. quia alias, si adoptatus post mortem patris naturalis emanciparetur, utraque hæreditate privaretur; & quidem patris naturalis, quia existit in aliena familia, & non est amplius hæres suus; adoptivi, quia emancipatus est. de l. pen. Cod. h. t. Zoës. ff. h. t. n. 3.

Dices: ergo talis adoptio nullum plane producit effectum. R. Verum quidem esse, quod id genus adoptionis nullum talem habeat effectum, qualem pa-

tria potestas producit. Itaque si filius adoptatus aliquid acquirit, non patri adoptivo, sed naturali acquirit. Deinde pater adoptivus ipsum hæredem instituere non tenetur, sed si vult, potest eum omnino præterire. Si autem aliquid ei reliquerit, mera liberalitas est, *text. in l. 10. §. sed ne Cod. de adopt.* Contra vero pater naturalis tenetur ipsum hæredem instituere, qui manet suus hæres. *Manz. n. 10.*

Dixi: quod adoptio nullum talem habeat effectum, qualem patria potestas producit; habet tamen alium effectum, nimirum quod adoptatus filius ipsius dicatur, & adoptans venerabile nomen patris sortiat. Item, quod si pater adoptivus ab intestato, hoc est, nullo facto testamento decesserit, ad ejus successionem legitimam admittatur. *Manz. n. 11.*

Dices: Videtur adoptatus adhuc hodie transire in potestatem adoptantis per §. 14. *Inst. de hered. quæ ab Inst.* Ubi dicitur tali adoptato integra jura servari, atque si in patris naturalis potestate permansisset, ergo non permansit, quia alias Juris Consultus non deberet in præterito plusquam perfecto loqui. R. *Imperatorem* istis verbis ideo uti, quia patres adoptivi tales adoptatos plerumque in domum suam recipere, alere, & educare solent, & sic quoad apparentiam videntur non permanere in patris naturalis potestate, sed quodammodo transire in potestatem patris adoptivi. Accedit, cum ex §. nostro luculenter appareat adoptatum ab extraneo in ejus potestatem non transire, quod *Imperatoris* verba ob istud plusquam perfectum non sint captanda; sed potius mens & voluntas ejus spectanda. *Schamb. hic Zoëf. ff. de V. S. n. 1.*

A D V. S I V E R O.

6 Sequitur nunc II. membrum nostræ

distinctionis, & quæritur, si pater naturalis filium suum non extraneo, sed aliqui ex ascendentibus, v. g. *avo vel proavo*, materno, vel si ipse pater naturalis est emancipatus (aliunde ejus filius in potestate avi est, qui enim in potestate est, alium in potestate habere nequit; consequenter adoptione opus non erit. *Manz. n. 16.*) etiam avo vel proavo paterno dederit in adoptionem, quid tunc juris?

R. *Imperator*, quod transeat non modo in familiam, sed etiam in potestatem adoptantis. Ratio est in textu, quia in hoc casu concurrunt in unam personam, & naturalia & adoptionis jura, adeoque duo vincula, naturale scilicet sanguinis & civile adoptionis, duo autem vincula fortius ligant uno *Manz. n. 15. hic. Schneid. hic. n. 2.*

### §. CUM AUTEM IMPUBES. 3.

Q. in hoc §. *An infantes, aut impubes adoptari atque arrogari possint?* 7

De adoptione expediti Juris est, quod etiam infantes in adoptionem dari possint. *l. etiam 42. ff. de adopt.* ratio, quia in adoptionibus non requiritur expressus consensus filii, & sufficit, eum voluntati patris non contradicere. *l. 5. ff. b. t.* nam pater optimum de suo filio consilium videtur cepisse. *l. 3. §. 1. q. de adm. nist. & peri. tut. Manz. hic n. 2.*

De arrogatione majus est dubium, & Q. *an impubes arrogari possit?*

De Jure antiquo impubes non poterat arrogari. *Harp. num. 2. hic.* Ratio quia in arrogatione, (ut dictum supra) requiritur consensus ex parte arrogandi. *d. l. 5. ff. b. t.* sed impubes cum infirmum sit ejus consilium & nullum animi judicium habeat. §. 1. *Inst. quib. non est permiff. fac. testam.* Consentire non pote-



poterat, neque per se, quia pupillus in ea ætate nec velle nec nolle habet *arg. pupillus* 189. ff. de R. J. Neque per tutorem, quia tutorum non est ea potestas, ut caput liberum fidei suæ commissum alienæ ditioni sive potestati subiciant. *Harp. hic n. 2. Manz. n. 3.*

Dixi, hoc de Jure antiquo obtinuisse, nam ex constitutione Divi Antonini Pii Imperatoris permissum fuit ut etiam impubes arrogari possit. *Harp. n. 2. hic* observata tamen certa forma & certis conditionibus. Itaque

Ad arrogationem impuberis, requiritur causæ cognitio, an honesta sit, & expediat pupillo; & quidem quoad honestatem considerandum est, cujus conditionis, qualitatibus, & vitæ ille sit, qui velit impuberem arrogare, nam si sit homo infamis vel scenicus, & velit, arrogare honestæ familiæ Pupillum, hoc non est permittendum. Præterea inquirendum, an arrogatio non fiat propter turpem amorem, an vero ex honesta paterna affectione. Item an non fiat ex avaritia, ita ut insidiosè bona pupilli appetere videatur, non enim cupiditatibus, sed justis affectionibus indulgentum est. *l. 16. ff. de manumiss. Manz. hic n. 10.*

Quoad utilitatem considerandum, quæ sint pupilli facultates, & quæ ejus, qui arrogat; *utrum videl.* non magis expediat, quod non arrogetur. *Manz. n. 11.*

II. Ad arrogationem impuberis requiritur, ut hi, qui pupillo sanguine juncti sunt, arrogationem ei expedire affirment. *l. 2. Cod. de adopt.* Hi enim non tam acile propter spem successionis consentire præsumuntur, nisi pupillo valde expediat. *Schamb. hic.* Ratio autem quare potius propinquorum consilium & consensus, quam tutorum, horum e-

nim consensus etiam requiritur. *Schamb. hic. in l. fin. Cod. de auth. prajl.* requiratur, esse videtur ista: quia potuisset tutor onus tutelæ subterfugere, & adminiculo arrogationis se a tutela liberare, ac proinde facile consentire *arg. l. 17. §. 1. ff. h. t. Manz. n. 5.*

III. Requiritur ad arrogationem impuberis, ut fiat Principis Autoritate, vel per ipsum Imperatorem examinantem & cognoscentem causas NB. quod raro fit: vel facultate arrogandi impetrata ab Imperatore per rescriptum, quo committitur talis cognitio & examinatio alteri judici ordinario, vel cuicunque. Quare autem arrogatio fieri debeat coram Imperatore, & sic cum majori solemnitate quam adoptio, quæ coram quolibet Magistratu fieri potest, ratio hæc assignatur: quia in arrogatione versatur majus præjudicium; cum arrogatus, qui est sui juris, transeat in potestatem arrogantis, cum omnibus suis bonis, quod non est adoptivo; unde cum majus sit periculum, ideo cautius est procedendum. *Schneid. num. 3. hic.*

IV. Requiritur, ut arrogans cautionem præstet, se omnia bona, si arrogatus in impubertate decesserit, restitutum illis, ad quos ea perventura fuissent, si arrogatio facta non fuisset, sed arrogatus in suo statu mansisset, *text hic. l. non aliter 18. ff. h. t.*

Q I. Quare hæc cautio referatur duntaxat ad tempus, quo intra pubertatem decesserit? R. Rationem esse, ne videatur arrogans facto suo propinquos successionem illa privare: quod si quis pubertatem excesserit, potest is faciendo testamentum aliis bona relinquere, & suos propinquos successionem privare. *Schamb. hic quest. 2. Aliam rationem reddit Manz. n. 18.* Quia si impubes arrogatus pubes-

fiat, & advertat, sibi non expedire in arrogatione manere, emancipationem petere potest, quæ causa cognita tribui debet, *L. nonnunquam 32. ff. h. t.* Jam si emancipationem non petat, ipse suo facto propinquos successione privat.

Porro in *textu* dicitur, quod cautio debeat fieri *persona publica*, sive ut *Marcellus in L. 18. ff. h. t.* loquitur, servo publico; quis autem talis olim fuerit, vide *Manz. hic n. 19. & seqq.* Hodie ista cautio Notario publico præstanda. *Manz. n. 21. & Harp. n. 6.*

#### AD V. ITEM NON ALITER.

Q. *An arrogator possit impuberem arrogatum emancipare?* R. posse ipsum emancipare, modo, causa cognita, emancipatione dignus visus fuerit, *text. hic.* Et si causa justa sit emancipandi, potest eum emancipare, sed tenetur ei omnia bona ad se translata reddere *text. hic.* Justa autem causa est v. g. si arrogatoris *vita infidiaretur.* *Manz. n. 29.*

Quod si autem arrogator eum sine iusta causa emancipaverit, vel etiam exheredaverit: tunc præter bona, quæ arrogatus ad patrem arrogantem transiit, & præter commoda & fructus, quæ Patri ex illis bonis advenerunt, tenetur ipsi quartam partem suorum propriorum bonorum relinquere, *text. hic & in L. ult. ff. si quid in fraud. Credit. Manz. v. 31. & 32.*

Notandum autem hic est, quod vigore *textus* relinquere teneatur: ex quo sequitur, quod ista quarta nonnisi defuncto arrogatore peti possit, quia relinquere pertinet ad ultimas voluntates. *l. 1. ff. de tabul. exhib.* Deinde ista quarta debetur ad modum legitimæ, quæ à vivente non debetur *l. 1. §. 21. ff. de collat.* Denique in *l. fin. ff. Si quid in fraud. Cred.* expresse statuitur, injuste eman-

cipato deberi quartam ex bonis, quæ mortis tempore adoptantis fuerunt. Luce ergo meridiana clarius est, quartam impuberi arrogato & injuste emancipato non deberi, nisi defuncto arrogatore. *Schamb. hic. q. 3. Manz. n. 34.*

Q. 11. *An quarta illa sit omnium bonorum, an portionis ab intestato debita?*

CASUS QUÆSTIONIS EST TALIS.

Titius habens tres filios, & in bonis duodecim millia, arrogat Cajum impuberem, & hunc sine iusta causa exhereditat.

Quæstio est, an *Cajus* accipiat quartam omnium bonorum, i. e. ex duodecim millibus tria millia, an verum unum mille, i. e. quartam legitimæ, quæ in casu, quo adsunt tres vel quatuor liberi est triens sive quatuor uncia. R. Esse omnium bonorum. 9

Ita docent *Clariff. D. D. Franz. Inst. h. t. n. 10. Harp. Inst. hic. n. 9. Hunn. ad Treutl. vol. 1. disp. 2. th. 9. q. 37. Lud. wel. Inst. hic. Arumæ. exercit. 2. th. 19.*

Dissent. *Bachov. in Treutl. vol. 1. disp. 2. th. 9. lit. E. Zoës. ff. de adopt. n. 11. Schamb. §. 3. q. 4. hic. Vin. n. 3.*

Ratio I. quia *textus §. 3. Inst. h. t.* indistincte loquitur dicendo: *jubetur quartam partem bonorum relinquere:* Quem *textum* inique ad partem portionis ab intestato debita restrinxeris.

Ratio II. quia arrogato impuberi debetur quarta ex illis bonis, quæ tempore mortis fuerunt arrogantis, *L. ult. ff. si quid in fraud. patron. his verbis: constitutione Divi Pii cavetur de impubere, ut ex bonis, quæ mortis tempore illius, qui adoptavit, pars quarta ad arrogatum pertineat.*

Ob. I. Arrogatus non debet esse melioris conditionis, quam filius naturalis, &

& legitimus simul; atqui esset melioris conditionis, quia filio naturali, & legitimo tantummodo debetur quarta portionis ab intestato debitæ; ergo. R. tamen si arrogatus melioris conditionis habeatur, quam naturalis & legitimus simul: id tamen absurdum non esse, tum quia arrogatus patri caput & fortunas suas attulit, naturalis vero & legitimus, neque caput, neque fortunas aliquas tulit; tum quia Pater arrogatum non invitatus, sed volens in numerum suorum liberorum assumpsit, ac proinde coerendus est, si filium arrogatum sine iusta causa, vel exheredet vel emancipet.

*Ob. II.* Si quinque arrogentur, non potest quilibet quartam omnium bonorum acquirere: ergo quarta Piana non est quarta omnium bonorum, sed quarta suntuat quartæ. R. Numquam admittitur, ut quinque impuberes arrogentur.

*Ob. III.* L. 6. Cod. de inoff. testam. ubi quarta naturalibus & legitimis debita etiam appellatur quarta bonorum, & amen nemo dixerit, esse quartam omnium bonorum; ergo licet quarta Piana vocetur quarta, non tamen sequitur, esse omnium bonorum. R. Ex aliis textibus luculenter constare, quartam liberis naturalibus & legitimis debitam, esse quartam portionis ab intestato debitæ, & eam in nostro casu.

#### §. MINORUM 4.

[N hoc & seqq §. incipit Imperator declarare, quoniam adoptare possint, & quoniam adoptare liceat. Et in primis incipit; quod natu minor non possit adoptare natu majorem. Ratio est in textu: quia adoptio naturam imitatur; atque natura pro monstro est, ut major sit ius, quam pater; ergo id etiam in adoptione debet considerari. Debet ita-

que adoptans adoptando major esse, & quidem plena pubertate i. e. 18. annis text. hic. & L. arrogato 40. §. 1. ff. h. t.

*Dices:* Potest quis generare, & pater esse ante annum decimum octavum, ergo etiam poterit quis adoptare ante annum 18. R. conc. ant. neg. consq. licet enim quis anno decimo quarto generare possit, rarius tamen id contingit; jura autem ad ea, quæ sunt frequentiora, attendere, patet ex L. 3. §. 4. ff. de leg. Schamb. hic. Harp. rationem differentie assignat Manz. n. 9. atque ait, adoptionem esse odiosam, & damnosam reipubl. quia imminuit splendorem familiarum, ac proinde ad plenam pubertatem restringendam: contra vero matrimonium, per quod civitas liberis repletur, reipubl. perquam utile esse, ac proinde magis favorabile.

*Q. An ergo is qui triginta annorum est, poterit adoptare eum, qui decem annorum est?* R. negative: Quia 60. annis minor regulariter adoptare non potest L. si pater 15. §. 2. ff. h. t. ratio ibidem redditur, quia potius liberorum procreationi studere debet. Si vero iusta causa subsit, forte quod morbus aut valetudo in causa sit quo minus liberorum procreationi studere possit, adoptare permittitur. d. l. 15. §. 2.

#### §. LICET AUTEM 5.

*Q. In hoc §. utrum liceat adoptare tantum in locum filii, an vero etiam in locum nepotis?*

R. Omnino, non tantum in locum nepotis vel neptis, sed etiam pronepotis vel proneptis adoptare licere, ratio: quia non generamus tantum filios, verum etiam nepotes. Ratio alia, quia varii sunt affectus hominum, & contingere potest, ut quis libentius vellet habere nepotem, quam filium; forte quia nepos ip-

si mortuus est, quem valde diligebat, in cuius locum & memoriam libenter vellet alium substituere: vel quia tam provectæ ætatis est, ut malit avus, quam pater nuncupari; si enim dulce est nomen filiorum, quanto dulcius est seni nomen nepotum? *Manz. hic. n. 1. § 2. Sed*

Q. quid si aliquis filium non habeat, potestne tamen aliquem in locum nepotis adoptare?

Dixeris, *quod non*. Ratio: quia adoptio imitatur naturam; atqui secundum naturam nepotem habere nequit, qui filio & filia caret, cum deficiente causa, deficiat effectus; ergo etiam secundum adoptionem nepotem habere nequit.

Verum hoc non attendo. R. *Imperator*, quod liceat in locum nepotis adoptare, quamvis filium quis non habeat; ratio est, quia forte in favorem eorum qui carent sobole, id receptum est. *Manz. n. 5.*

Ad rationem dubitandi responderi potest, quod adoptio imitetur naturam in casibus expressis; vel potius in iis, ubi non est expressum contrarium, omnis enim similitudo claudicat. *Schamb. § Manz. hic.* Accedit, quod licet aliquis de facto filium non habeat, potuerit tamen unum habuisse, qui defunctus vel emancipatus est.

At *regeres*: Ut secundum naturam possim habere nepotem, debuit filius intermedius extitisse; ergo etiam ut possum habere nepotem adoptivum, debuit filius intermedius extitisse: quod si intermedius non extiterit filius, in locum nepotis aliquis adoptari non potest. R. Hoc in casu fingi filium intermedium extitisse, & hoc propter favorem propagandæ familiæ. *l. 37. § l. 43. ff. b. t. Harp. n. 4.*

Deinde accedit, quod is, qui uxorem

non habet, possit adoptare. *l. 30. ff. b. t.*; ergo adoptio non in omnibus imitatur naturam, quia sine uxore naturaliter liberos non possumus habere. *Manz. num. 7.*

*Insistes.* Duæ fictiones circa unam eandemque rem concurrere non possunt, atqui hic concurrent: fingitur enim quis habere filium, & nepotem. R. I. Duas fictiones circa unam eandemque rem non posse concurrere, si sit idem subiectum; hic autem duo subiecta sunt, filius & nepos. R. II. *Antecedens* verum esse, nisi expresse contrarium in iure reperitur statutum, sicuti in hoc §. nostro. *Manz. n. 10. § Harp. n. 3.*

### §. E T T A M 6.

In hoc §. proponitur talis casus: quidam habet filium & nepotem: ego cupio illius filium adoptare in locum mei nepotis, vel nepotem ejus in locum mei filii: quæstio est, *an hoc facere possim?* deciditur, *quod sic*: Ratio; quia spectatur in his omnibus, quid naturæ conveniat, & quid fieri possit: atqui secundum naturam bene fieri potest, ut unus & idem sit filius & nepos: filius quidem respectu patris, nepos respectu avi: ergo etiam bene fieri potest, ut aliquis respectu patris naturalis sit filius, respectu adoptantis sit nepos, vel rota versa, pulchre *Manz. hic. n. 2.* ubi plura magis subtilia quam utilia circa hunc §. scribit.

### §. S E D S I Q U I S 7.

Casus hujus §. talis est: Quidam habet filium vel naturalem vel adoptivum, & vult deinde aliquem loco nepotis, quasi ex filio genitum adoptare quæstio est, *utrum id libere facere possit, nec ne?* R. quod hoc non aliter fieri permittatur, quam si filii consensus accesserit. Ratio est



est in *textu*, ne ei invitus suus hæres agnoscatur; futurum enim est, ut nepos adoptatus post avi obitum recidat in filii tanquam patris sui potestatem, adeoque filius invitus illum sit hæredem suum habiturus. Itaque cum isthæc res in filii præjudicium vergat, non immerito ejus consensus requiritur. Ipsi enim rationi naturali, & æquitati consentaneum est, ut id, quod geritur, approbetur ab his, quorum interest. *Harp. hic. & Manz.*

Contra vero avus nepotem ex filio in adoptionem dare potest, absque eo; quod consensus filii adhibeatur, quia prædicta ratio cessat: nepos enim non solum non fit suus, sed potius suus esse definit, quia in alienam potestatem transit, si avo materno in adoptionem deatur. *Manz. & Harp. loc. cit.*

#### §. IN PLURIMIS 3.

**Q** In hoc §. in quo arrogatus comparatur filio naturali, & an arrogatus sive ab ascendente adoptatus in adoptionem alteri dari possit? & *R. Imperator* in plurimis comparari, puta I. quoad patriam potestatem; arrogatus enim & adoptatus ab ascendente æque subicitur patriæ potestati, quàm naturalis. II. æquè succedit. III. sicut filius naturalis alteri in adoptionem dari potest, ita etiam arrogatus & adoptatus ab ascendente. Contra vero adoptatus ab extraneo, alteri in adoptionem dari non potest. *Ratio*: quia in adoptantis potestatem non transit; ergo alterius potestati subicere non potest; nemo enim potest plus juris in alium transferre, quam ipse habeat. *L. 55. ff. de R. J. ip. 79. de R. J. in 6. Manz. hic. & Chamb.*

*Kees ad Instituta.*

#### §. SED ET ILLUD 9. CUM SEQ.

**N** Olo operam ludere, explicando seqq. §§. tum quod abundè eorum intelligentia haberi possit ex *Manz. Harp. & Schamb.* tum etiam, quia nihil in iis dignum notatu occurrit. Cæterùm

*Controversia* non ignobilis est, tribuatne adoptio nobilitatem, ita ut, si homo plebejus adoptetur à nobili, efficiatur nobilis? In gravissima hac concertatione triplex est D. D. sententia.

I. *Affirmat*, eamque suo suffragio dignantur AA. & autoritate sua, & doctrinæ soliditate non postremi, quos inter solis instar eminet *Bachov. vol. 2. disp. 15. thes. 5. lit. C. Glettle Select. quest. p. 1. q. 1. Arumæ. exercit. 2. thes. 21. Haun. var. resolut. lib. 1. tract. 3. pag. 214. q. 23.*

II. *Distinguit*, ac temperamentum adhibet, genus a gente secernendo, i.e. distinguit inter nobilem ex privilegio, & nobilem ex origine; & sic dicunt, si genus i.e. nobilem ex origine spectes, non fiet nobilis, si gentem i.e. nobilem ex privilegio, fiet, adeoque gentem, seu jura familiæ, volunt per adoptionem, tribui, non vero genus, quia hoc à natura est. *Schamb. §. ult.*

III. *Sententia* magistraliter *negat*, adoptione perfecta tribui nobilitatem. *Schamb. loc. cit. Harp. end. §. ult. hic. num. 5.*

Priusquam harum opinionum fundamenta adornem, sciendum est, non hic quæst. rotari de adoptione imperfecta, sive ab extraneo facta, cum enim quis per hanc nec familiam, nec in potestatem transeat, in confesso est, nec nobilitatem consequi, nec etiam quæstio est de adoptione ab ascendente per lineam paternam facta, cum aliàs in ejus existat potestate, juraque habeat; sed quæstio est, vel de arrogatione, vel

P

adop-

adoptione, ab avo materno facta, & Q. an ego ex patre innobili natus, & ab avo materno nobili adoptatus, fam nobilis?

*Afirmativa* his fundamentis nititur.

I. Ex l. 32. ff. de rit. nupt. ubi dicitur, quod libertinus ab ingenuo adoptatus iura ingenuorum consequatur, ergo etiam plebejus adoptatus à nobili jura nobilium obtinebit.

II. Adoptio tribuit dignitatem patris adoptivi l. 13. ff. h. t. l. 5. 10. ff. de senator; ergo etiam nobilitatem.

III. Per adoptionem acquiruntur jura consanguinitatis L. 15. 44. ff. hoc t. ergo & nobilitas, quæ ex sanguine descendit.

IV. Si fœmina plebeia ducatur à nobili, efficitur nobilis. l. 13. Cod. de dignit. ergo etiam si plebejus adoptatur à nobili, efficitur nobilis, quia transit in familiam mariti; ergo etiam ideò adoptatus efficitur nobilis, quia transit in familiam sui patris adoptivi.

V. Adoptio imitatur naturam & tantum juris tribuit, quantum habent liberi naturales & legitimi simul, sed hi sunt jure nativitatis nobiles, ergo etiam adoptatus jure adoptionis nobilis efficitur.

12 Verum licet speciosa videantur hæc fundamenta, me tamen non movent, ut in affirmativam condescendam; proinde negativa insistendo, teneo, per adoptionem nobilitatem non tribui.

Moveor I. Efficaci & solida ratione; quia aliàs in cujuslibet arbitrio foret ac potestate, aliquem nobilitandi, quàm tamen prærogativa solus Princeps pollet, Harp. loc. cit. num. 10. Accedit: quod adoptio sit modus acquirendi patriam potestatem, non nobilitatem Schamb. loc. cit. vers. quarta ratio est.

Moveor II. EX L. 23. ff. h. t. ubi dicitur: adoptio enim non jus sanguinis, sed

agnationis parit. Jam sic arguo: adoptio non tribuit sanguinem, ergo neque nobilitatem, nobilitas enim ex sanguine parentum æstimatur; ex eo scilicet, quod boni ex bonis, fortes ex fortibus procreari præsumantur, quem affectum sanè adoptio non tribuit.

Moveor III. Filius adoptivus patri in fundo non succedit cap. 1. §. adoptivus lib. 2. feud. tit. 26. ergo probabile, quod non fiat nobilis: cum nobilibus plerumque feuda dentur. Schamb. loc. cit. Confirmatur. Ideò adoptivus à nobili in feudum non succedit, quia non debet in Vasalli potestate esse per filios commentitios, ac fictios dominum ac agnatos suo jure privare, ac in feudis suis præjudicare, atqui etiam Principi in prærogativa nobilitandi præjudicari non debet. Haun. loc. cit. in fine.

Moveor IV. per l. ult. ff. stat. hom. ubi Libertinus ab ingenuo adoptatus non fit ingenuus his verbis: Eum, qui se libertinum esse fatetur, nec adoptando patromis ingenuum facere potest. Ergo neque adoptatus à nobili.

Moveor V. hoc argum. Vel enim consideramus nobilitatem ob innatam ad præclarè agendum virtutem, vel ob nativitatem, sicut nunc maximè æstimatur. l. Nobilitas 3. Cod. de commerciis & Mercat. Atqui adoptio nec virtutem arrogantis cum sit habitus, qui evelli non potest, nec sanguinem, cum tantum jus agnationis adferat, d. l. 23. ff. h. t. tribuit; ergo neque nobilitatem, quia non tribuit id, ex quo nobilitas æstimatur. Harp. n. 8.

Ad I. R. Aliud esse jura, sive privilegia ingenuorum consequi, aliud esse fieri ingenuum. Possis sane privilegiis nobilium gaudere, sed qui te nobilem esse dixerit?

Ad II. Dico, dignitatem à nobilitate sepa-

separandam esse, sanè poteris esse in Senatoria dignitate constitutus, & tamen nobilis non esse, quia non dignitas tribuit nobilitatem, sed Imperator speciali rescripto eam impertitur.

Ad III. Repono, licet adoptatus dicatur fieri cognatus patris adoptivi, id tamen tantum intelligendum est *de cognitione legali*, non naturali; at legalis cognatio nobilitatem non tribuit; nobilitas enim ex sanguine æstimatur. *Harp. n. 13.*

Planè adoptione Jura naturalis consanguinitatis non tribui, vel ex eo patet, quòd aliàs in pluribus gradibus matrimonium dirimeret, nec filius adoptivus solutà per emancipationem patrià potestate filiam naturalem ducere posset, uti docet *l. 17. ff. de rit. nupt.*

Ad IV. Retundo hoc speciale esse in matrimonio propter favorem conjugii, & insuper id in jure expressum esse, adeoque ad consequentias non producendum, per *l. 14. ff. de LL. quod contra rationem juris receptum est, ad consequentias non est producendum*. Deinde auctoritate Principis non tam multum præjudicatur per hoc, quòd matrimonium cum nobili a-

fœmina contractum nobilitatem operetur, cum personà extinctà, & illa pereat, quod secus est in filio adoptivo, per quem nobilitas propagatur. *Harp. n. 14.*

Ad V. Facilis est responsio, adoptio enim imitatur naturam quoad effectum patriæ potestatis, *conc.* quoad alia, quæ solus Princeps largitur, *neg.*

Proinde qui adoptare aut arrogare, & simul arrogatum nobilem fieri cupit, à Principe nobilitatem obtineat necesse est. *Schamb. in fine htc.*

Adoptioni non dissimilis est recepta<sup>14</sup> passim hodie in Germania unio prolium, *die Einkindschaft.*, quæ est pactum inter parentes, eorumque ex diverso matrimonio utrinque susceptos, & suscipiendos liberos, præsupposito filiationis Jure de mutua invicem successione coram ordinario loci Magistratu, cum causæ cognitione, adhibitis iis, quorum interest, & actis intervenientibus ritè rectèque initum *Schamb. hic in fine.* plura de unione prolis vide apud. *Gail. lib. 2. obs. 125. Harp. n. 15. ult. de adopt.*

## TITULUS XII.

## QUIBUS MODIS JUS PATRIÆ.

## POTESTATIS SOLVITUR.

## SUMMARIA.

## 7 Monachismus an solvat patriam potestatem?

- 1 Mors naturalis solvit patriam potestatem.
- 2 Nisi sint recasuri in alterius potestatem.
- 3 Item mors civilis eandem solvit.
- 4 Relegatio non etiam.
- 5 Doctoratus an patriam potestatem solvat?
- 6 Emancipatio quid sit, & quodplex?

**H**ucusque visum est, quibus modis patria potestas acquiratur. Jam vero, cum nihil sub sole tam firmum sit, quin quandoque rumpatur, videndum erit, quibus modis patria potestas dissolvatur.

## A D V E R S. H I V E R O.

**M**odus, quò patria potestas solvitur, est *mors naturalis*; *text. hic ratio*, quia mors omnia solvit, Nov. 22. cap. 20. & mortuo patre omnia, quotquot ei subiecta fuerunt, capita nomen patrumfam. subeunt, sui que juris fiunt l. 195. §. 2. ff. de V. S. Vinn. Inst. hic.

Dices. Mors est facti, patria potestas est juris, atqui ea, quæ sunt facti, non tollunt ea, quæ sunt juris. l. 27. §. pactus, ff. de pact. ergò &c. R. dist. mi. atqui ea, quæ sunt facti, non tollunt ea, quæ sunt juris, nisi sint jura personalia, quæ cum persona extinguuntur. conc. si sint jura personalia. neg. mi. Et conseq. Manz. n. 5. Harp. n. 7. hic.

## A D V E R S. S E D I T A.

**D**icta, quò morte naturali solvatur jus patriæ potestatis, procedunt, nisi liberi post mortem patris in alterius potestatem sint recasuri. Hinc si avus, qui nepotes in sua potestate habuit, moriatur, hi non efficiuntur sui juris, sed in patris sui potestatem recidunt, si hic adhuc vivat: cessat enim causa, propter quam pater, qui ipse in potestate fuit, suos liberos in potestate non habuit.

## §. C U M A U T E M. I.

**II.** Modus, quò solvitur patria potestas est *mors civilis*, quæ per maximam & mediam capitis diminutionem contingit, *ratio*, quia, per mortem civilem aliquis amittit communionem juris civilis. Manz. hic. Planè, si deportatus à Principe restituatur in integrum, recipit potestatem patriam, dummodò restitutio sit plenissima, nam restitutio generalis pœnam quidem remitti facit, non verò reddi potestatem patriam. *text. hic. l. 1.*

§ 2. Cod. de sentent. pass. Et rest. Clariss. D. D. Franz. n. 4. hic.

## §. R E L E G T I. 2.

**R**elegatio (*Die Lands Verweisung*): utpote quæ non tollit jura civitatis, non etiam dissociat patriam potestatem. *text. hic.*

## §. P O E N Æ 3.

**Q**ui servus pœnæ sit, hoc est, in metallum fodiendum, vel ad pugnandum cum bestiis condemnatur, amittit patriam potestatem, quia patitur maximam & mediam capitis diminutionem. *text. hic.* Huic pœnæ similis est condemnatio ad triremes. Carpzov. p. 3. q. 129. n. 8.

## §. F I L I U S F A M. 4.

**O**lim neque consulatus, neque militiæ, neque Episcopatus. l. ult. Cod. de Consul. l. 34. Cod. de Episcop. Et Cler. Sed sola patritiatus dignitas à nexu potestatis patriæ eximebat. *text. hic.*

Hodie verò non tantum patritiatus, sed Episcopatus, consulatus, militiæ, & aliæ plures quæ in Nov. 81. §. Et auctor. Sed Episcopalis Cod. de Episcop. Et Cler. recensentur dignitates, imò omnes, quæ à curiali conditione aliquem liberant. Nov. 70. Et l. ult. Cod. de Decurion. dissolvunt patriam potestatem. Harp. n. 3. hic Berlich. p. 2. Concl. 11.

Quæstio I. *Liberétne Doctoratus à potestate patria?* R. I. Satis certum esse, Doctores, qui agunt professores publicos, & in Academiis publicè leges docent, ac profitentur, liberari à nexu potestatis patriæ; *ratio*, quia teste Nov. 81. cap. 1. §. 1. omnes illi à patria potestate immunes asseruntur, qui immunes sunt ab oneribus curiæ; sed professores publici sunt immunes ab oneribus curiæ.



ix. L. 6. *Cod. de Profess.* ergò R. II. Communi DD. calculo obtinere, etiam reliquos Doctores à nexu patriæ potestatis liberari. Ita testatur. *Berlich. loc. cit. n. 53. Vultejus. Inst. hic. n. 6. Cardinal. Insebus præf. conclus. lit. D. Conclus. 149.*

Ratio est, quia hodie omnis dignitas eximit à patria potestate, d. Nov. 81. c. 1. §. 1. Sed Doctoratus est dignitas l. 4. §. 1. ff. de excus. tut. §. l. 7. *Cod. de popul.* ubi Doctores nobilissimi vocantur. §. l. 2. §. 9. *Cod. de vet. Jur. enucl.* ubi gregii & illustres nuncupantur. *Myns. tit. 4. obs. 31. Stephan. de Juris. lib. 3. 2. cap. 14. n. 93.* ubi ait: quod in Imperiali Camera Doctores & Nobiles tribus fruuntur stipendiis, iisdemque em vestitus concedatur, qui Nobiliss. *Policey Ordnung. 1577. tit. 2. Illust. D. L. B. ab Andlern. Jurisprud. quæ blica privat. l. 1. tit. 2. p. 2. n. 27.*; et Doctoratus eximit potestate patria. *Dissent. Clariss. D. Doctor. Franz. loc. num. 7. Harp. hic n. 7. Schneid. n. 5. nam.*

§. S I A E H O S T I B U S. §.

7. Modus, quò solvitur patria potestas, est *captivitas*; per quam tamen tam dirimi, quam suspendi, & stabiliorum dubius effici dicitur. Vel n pater revertitur, vel apud hostes edit. Priori casu recipit patriam potestatem, ac fingitur jure postliminii sem in civitate fuisse. Posteriori casu adiculus legis Corneliæ fingitur eo moto decessisse, quo captus fuit, *tex.* Hoc die capti apud Turcas apud nos servis non habentur. *Manz. n. 19.*

§. P R A E T E R E A. 6.

I. Modus, quò patria potestas solvitur, est *emancipatio*, quæ *definitur*, quòd

fit patriæ potestatis relaxio.

Dividitur in *legitimam*, *Anastasianam*, & *Justinianam*. Legitima est, quæ olim per imaginarias venditiones celebraretur, & ista ob duras solemnitates quibus obnoxia erat, in desuetudinem abiit.

Anastasia est, quæ per impetrationem rescripti Principis fiebat l. § *Cod. h. t.*

Justiniana, quæ coram quocunque competente Magistratu contingebat l. pen. *Cod. eod.* Hodie secundum consuetudinem universæ Europæ emancipatio tacita intervenire censetur, si filius separatim habitare, res suas sibi gerere, ac proprium focum & mensam habere incipiat. *Manz. n. 21. hic Berlich. p. 2. concl. 11. n. 33. Gomez. var. resolut. tom. 1. c. 11. n. 34.* & plures ab his longa serie recensiti.

§. A D M O N E N D I. 7.

Si quis habeat plures liberos in potestate, v. g. *filium & ex eo nepotem*, tunc pater pro libitu emancipare potest quem velit etiam nepotem retento filio in potestate, & econtra filium retento nepote; *ratio*, quia quisque jure suo uti potest.

§. S E D E T S I. 8.

VII. Modus, quò patria potestas solvitur, est *adoptio perfecta*, quæ ab ascendente aliquo v. g. *avo materno* facta est; per quam tamen patria potestas non tam solvitur, quàm potius transfertur.

§. I L L U D. 9.

Si nepos nascatur ex emancipato filio, in cujus erit potestate? R. si est conceptus ante emancipationem, erit in potestate avi, si post, erit in potestate filii;

in his enim, qui nascuntur ex thoro legitimo, inspicimus tempus conceptionis. *L. 14. de adopt. L. 19. ff. de stat. hom. Perez. Inst. hic.*

### §. ET QUIDEM FIN.

Hic nihil aliud deciditur, quàm quòd pater invitus cogi non possit emancipare suos liberos; correlativorum enim eadem est natura; sicut ergò pater filium invitum emancipare non potest, *auth. generaliter Cod. de natural. lib.* Ita quoque invitus pater cogi non potest, ut filium emancipet. *d. l. 31. ff. de adopt. l. 4. C. de emancip. Gail. 2. obs. 17. num. 5.*

7 Quæstio II. An per Monachismum sol-

vatur patria potestas? R. in eam communi harmonia DD. condescendere sententiam, in utilibus, & iis, in quibus religioni prodest patria potestas, eam non solvi, in damnis verò, h. e. in quibus patria potestas religioni non prodest, dissolvi; *ratio prioris est, ne, quod in commodum religionis est introductum, detorqueatur in ejus detrimentum contra l. 6. Cod. de LL. cap. 61. de R. J. in 6. Ratio posterioris, quia professus in Abbatis potestatem transit, ut proinde nequeat in duplici potestate existere. Gomez. var. resolut. tom. 1. cap. 3. n. 20. in fine Clariss. D.D. Franz. Inst. hic. n. 5. Glettle assert. Jurid. 23.*

## TITULUS XIII.

## DE TUTELIS.

### S U M M A R I A.

- 1 Definitur tutela.
- 2 Verba Vis ac potestas quò referenda sint;
- 3 Tutela quomodo differat à curatela?
- 4 Tutela triplex est.
- 5 Tutorem quis testamento dari possit?
- 6 Mater an testamento rectè tutorem det?
- 7 Pater filio naturali non potest tutorem dare.
- 8 Filio exheredato rectè datur.
9. Item posthumo.
- 10 Tutela Electoralia testamento alii quàm seniori agnato rectè deferitur.

### C O N N E X I O.

POSTQUÀM dispeximus de personis alieno juri subjectis, puta, de servis & filiis familias, agendum superest de

personis, quæ sui juris sunt, quarum aliæ sub tutela, ut pupilli sive impuberes, aliæ sub curatela, ut adulti & minores, aliæ neutro jure tenentur.

In hoc autem & seq. tit. *Imperator* de iis duntaxat personis agit, quæ sub tutela & cura sunt; sic enim inquit ille, cognoscemus, quæ neutro jure teneantur, contrariorum enim est ea natura atque indoles, ut unò cognitò, noscatur & alterum. *Princip. Inst. h. t. § l. 1. ff. de his qui sui vel alien. jur.*

Dices. Tutela est munus publicum *arg. l. 9. ff. eod.* ergò malè hoc loco agitur de tutela, vel falsò dixit Imperator in §. 4. *Inst. de J. § l.* quòd in Instit. de jure velit duntaxat privato agere. R. Tutela est munus publicum autoritate, h. e. nemo potest tutorem dare, nisi cui id lex permittit. *conc. ant., utilitate, nego ant. & conseq.;* pertinet enim ad utilitatem priva-

privatorum, Schambog. & Manz. hic.

§. EST AUTEM I.

1 Tutela à tuendo dicta concinnè describitur, quod sit vis ac potestas in capite libero, ad tuendum eum, qui per aetatem se ipse defendere nequit, Jure Civili data ac permessa. Concord. N. O. Gerkubschaffs-Ordnung. tit. 1. §. 1.

Dicitur 1. Vis ac potestas; Alii legunt jus ac potestas. Sed contra est I. quod in pandectis Florentinis quæ sunt correctissimæ, legatur Vis ac potestas. Contra est II. quod in §. 2. b. t. tutor definiatur, qui eam vim ac potestatem habet, Haunold. tract. 4. de J. & J. c. 4. Controv. I. n. 223.

2 Sed quid significant verba Vis ac potestas? varii variè explicant, communior est expositio, quæ statuit esse Synonyma, & ideo conjuncta, ut significetur tutelam non esse quamcumque, sed potestatem vehementem, magnam & efficacem, & velut portionem patriæ potestatis, quæ tutori liceat pro autoritate quid statuere, facere, disponere, tum circa personam, tum circa res pupilli, Clariff. D. Franz. Inst. h. t. n. 2.

Dicitur 2. in capite libero. Hic rhodus, hic saltus; vehementer enim se torquent. D. D. quo referenda sint hæc verba an ad tutorem, an ad pupillum, an vero ad utrumque.

Ad pupillum referenda docent Bachov. ad Treutl. vol. 2. disp. 8. th. 1. lit. C. Schneid. n. 3. Inst. h. t.

Moventur hac ratione, quia pupillus debet esse liber respectu patriæ & dominicæ potestatis, cum filiusfam. regulariter tutorem habere non possit, est enim officium patris, ne filium indefensum relinquat. Manz. n. 4. hic, nec servus habere potest tutorem, cum existat in potestate dominicæ, Mynsing. Inst. hic. n. 3.

Ad tutorem referunt Schamb. Inst. hic. Zoëf. ff. de tutel. n. 1. Clariff. D. Franz. Inst. hic n. 3.

Moventur I. Quia tutela, ut pleraque in jure nostro, est relatio quædam, nempe respectus tutoris ad pupillum, & rotâ versâ; ergò debuit definiri per fundamentum, & terminum suum, cum relatio juxta R. R. nihil aliud sit, quam fundamentum, & terminus simul sumpta, ergò per tutorem tanquam fundamentum, & per pupillum tanquam terminum. Si hoc? ergo per verba in capite libero debet intelligi tutor, cum per seqq. satis exprimatur pupillus.

II. Si per verba in capite libero intelligatur pupillus, definitio evaderet tautologica, hoc est, idem nempe pupillus bis poneretur in definitione, semel ibi: in capite libero. & iterum ibi: qui per aetatem se ipse defendere nequit. Quod a bona definitione alienum foret.

III. Si verba in capite libero referenda essent ad pupillum, deberent in seqq. dici ad tuendum se, juxta naturam reciprocorum; atqui dicitur ad tuendum eum: ergo verba in capite libero non ad pupillum, sed ad tutorem referenda sunt.

Ad utrumque referunt, Manz. n. 4. Humm. va. resolut. lib. 1. tract. 4. q. 2.

Moventur hoc solò, sed solidò argumentò, quia in utroque tam pupillo, quam tutore requiritur, ut sit caput liberum.

Ex parte tutoris ideò, quia tutela est juris civilis an civium Romanorum propria text. in verbis: jure civili data. Atqui servus juris communionem non habet, imò quod ad jus civile attinet, pro nullo habetur. L. 32. ff. de R. J. Imò quod servus tutor dari nequeat, disertè statuit L. 22. ff. de testam. tut.; ergò verba in capite libero ad tutorem commodè referuntur.

Ex

si mortuus est, quem valde diligebat, in cuius locum & memoriam libenter vellet alium substituere: vel quia tam provectæ ætatis est, ut malit avus, quam pater nuncupari; si enim dulce est nomen filiorum, quanto dulcius est seni nomen nepotum? *Manz. hic. n. 1. § 2. Sed*

Q. quid si aliquis filium non habeat, potestne tamen aliquem in locum nepotis adoptare?

Dixeris, *quod non*. Ratio: quia adoptio imitatur naturam; atqui secundum naturam nepotem habere nequit, qui filio & filia caret, cum deficiente causa, deficiat effectus; ergo etiam secundum adoptionem nepotem habere nequit.

Verum hoc non attendo. R. *Imperator*, quod liceat in locum nepotis adoptare, quamvis filium quis non habeat; ratio est, quia forte in favorem eorum qui carent sobole, id receptum est. *Manz. n. 5.*

Ad rationem dubitandi responderi potest, quod adoptio imitetur naturam in casibus expressis; vel potius in iis, ubi non est expressum contrarium, omnis enim similitudo claudicat. *Schamb. § Manz. hic.* Accedit, quod licet aliquis de facto filium non habeat, potuerit tamen unum habuisse, qui defunctus vel emancipatus est.

At *regeres*: Ut secundum naturam possim habere nepotem, debuit filius intermedius extitisse; ergo etiam ut possum habere nepotem adoptivum, debuit filius intermedius extitisse: quod si intermedius non extiterit filius, in locum nepotis aliquis adoptari non potest. R. Hoc in casu fingi filium intermedium extitisse, & hoc propter favorem propagandæ familiæ. *l. 37. § l. 43. ff. h. t. Harp. n. 4.*

Deinde accedit, quod is, qui uxorem

non habet, possit adoptare. *l. 30. ff. h. t.*; ergo adoptio non in omnibus imitatur naturam, quia sine uxore naturaliter liberos non possumus habere. *Manz. num. 7.*

*Insistes.* Duæ fictiones circa unam eandemque rem concurrere non possunt, atqui hic concurrent: fingitur enim quis habere filium, & nepotem. R. I. Duas fictiones circa unam eandemque rem non posse concurrere, si sit idem subiectum; hic autem duo subiecta sunt, filius & nepos. R. II. *Antecedens* verum esse, nisi expresse contrarium in jure repariatur statutum, sicuti in hoc §. nostro. *Manz. n. 10. § Harp. n. 3.*

#### §. E T T A M 6.

In hoc §. proponitur talis casus: quidam habet filium & nepotem: ego cupio illius filium adoptare in locum mei nepotis, vel nepotem ejus in locum mei filii: quæstio est, *an hoc facere possim?* deciditur, *quod sic*: Ratio; quia spectatur in his omnibus, quid naturæ conveniat, & quid fieri possit: atqui secundum naturam bene fieri potest, ut unus & idem sit filius & nepos: filius quidem respectu patris, nepos respectu avi: ergo etiam bene fieri potest, ut aliquis respectu patris naturalis sit filius, respectu adoptantis sit nepos, vel rota versa, pulchre *Manz. hic. n. 2.* ubi plura magis subtilia quam utilia circa hunc §. scribit.

#### §. S E D S I Q U I S 7.

Casus hujus §. talis est: Quidam habet filium vel naturalem vel adoptivum, & vult deinde aliquem loco nepotis, quasi ex filio genitum adoptare quæstio est, *utrum id libere facere possit, nec ne?* R. quod hoc non aliter fieri permittatur, quam si filii consensus accesserit. Ratio est



est in *textu*, ne ei invitus suus hæres agnoscat; futurum enim est, ut nepos adoptatus post avi obitum recidat in filii tanquam patris sui potestatem, adeoque filius invitus illum sit hæredem suum habiturus. Itaque cum isthæc res in filii præjudicium vergat, non immerito ejus consensus requiritur. Ipsi enim rationi naturali, & æquitati consentaneum est, ut id, quod geritur, approbetur ab his, quorum interest. *Harp. hic. & Manz.*

Contra vero avus nepotem ex filio in adoptionem dare potest, absque eo; quod consensus filii adhibeatur, quia prædicta ratio cessat: nepos enim non solum non fit suus, sed potius suus esse definit, quia in alienam potestatem transit, si avo materno in adoptionem detur. *Manz. & Harp. loc. cit.*

#### §. IN PLURIMIS 8.

**Q** In hoc §. in quo arrogatus comparatur filio naturali, & an arrogatus sive ab ascendente adoptatus in adoptionem alteri dari possit? & *R. Imperator* in plurimis comparari, puta I. quoad patriam potestatem; arrogatus enim & adoptatus ab ascendente æque subjicitur patriæ potestati, quàm naturalis. II. æquè succedit. III. sicut filius naturalis alteri in adoptionem dari potest, ita etiam arrogatus & adoptatus ab extraneo, alteri in adoptionem dari non potest. *Ratio*: quia in adoptantis potestatem non transit; ergo alterius potestati subjicere non potest; nemo enim potest plus juris in alium transferre, quam ipse habeat. *L. 55. ff. de R. J. cap. 79. de R. J. in 6. Manz. hic. & Schamb.*

*Rees ad Instituta.*

#### §. SED ET ILLUD 9. CUM SEQ.

**N** Olo operam ludere, exp'icando seqq. §§. tum quod abundè eorum intelligentia haberi possit ex *Manz. Harp. & Schamb.* tum etiam, quia nihil in iis dignum notatu occurrit. Cæterum

*Controversia* non ignobilis est, tribuatne adoptio nobilitatem, ita ut, si homo plebejus adoptetur à nobili, efficiatur nobilis? In gravissima hac concertatione triplex est D. D. sententia.

I. *Affirmat*, eamque suò suffragio dignantur AA. & autoritate sua, & doctrinæ soliditate non postremi, quos inter solis instar eminet *Bachov. vol. 2. disp. 15. thes. 5. lit. C. Gletile Select. quest. p. 1. q. 1. Arumæ. exercit. 2. thes. 21. Haun. var. resolut. lib. 1. tract. 3. pag. 214. q. 23.*

II. *Distinguit*, ac temperamentum adhibet, genus a gente secernendo, i.e. distinguit inter nobilem ex privilegio, & nobilem ex origine; & sic dicunt, si genus i.e. nobilem ex origine spectes, non fiet nobilis, si gentem i.e. nobilem ex privilegio, fiet, adeoque gentem, seu jura familiæ, volunt per adoptionem, tribui, non vero genus, quia hoc à natura est. *Schamb. §. ult.*

III. *Sententia* magistraliter *negat*, adoptione perfecta tribui nobilitatem. *Schamb. loc. cit. Harp. end. §. ult. hic. num. 5.*

Priusquam harum opinionum fundamenta adornem, sciendum est, non hic quæst. rotari de adoptione imperfecta, sive ab extraneo facta, cum enim quis per hanc nec familiam, nec in potestatem transeat, in confesso est, nec nobilitatem consequi, nec etiam quæstio est de adoptione ab ascendente per lineam paternam facta, cum alias in ejus existat potestate, juraque habeat; sed quæstio est, vel de arrogatione, vel

P

adop-

adoptione, ab avo materno facta, & Q. an ego ex patre innobili natus, & ab avo materno nobili adoptatus, fiam nobilis?

*Affirmativa* his fundamentis nititur.

I. Ex *l. 32. ff. de rit. nupt.* ubi dicitur, quod libertinus ab ingenuo adoptatus in ingenuorum consequatur, ergo etiam plebejus adoptatus à nobili jura nobilium obtinebit.

II. Adoptio tribuit dignitatem patris adoptivi *l. 13. ff. h. t. l. 5. 10. ff. de senator.* ergo etiam nobilitatem.

III. Per adoptionem acquiruntur jura consanguinitatis *l. 15. 44. ff. hoc t. ergo* & nobilitas, quæ ex sanguine descendit.

IV. Si foemina plebeia ducatura à nobili, efficitur nobilis. *l. 13. Cod. de dignit.* ergo etiam si plebejus adoptatur à nobili, efficitur nobilis, quia transit in familiam mariti; ergo etiam ideò adoptatus efficitur nobilis, quia transit in familiam sui patris adoptivi.

V. Adoptio imitatur naturam & tantum juris tribuit, quantum habent liberi naturales & legitimi simul, sed hi sunt jure nativitatis nobiles, ergo etiam adoptatus jure adoptionis nobilis efficitur.

12 Verum licet speciosa videantur hæc fundamenta, me tamen non movent, ut in *affirmativam* condescendam; proinde *negativa insistendo*, teneo, per adoptionem nobilitatem non tribui.

Moveor I. Efficaci & solida ratione; quia alias in cujuslibet arbitrio foret ac potestate, aliquem nobilitandi, quæ tamen prærogativa solus Princeps pollet, *Harp. loc. cit. num. 10.* Accedit: quod adoptio sit modus acquirendi patriam potestatem, non nobilitatem *Schamb. loc. cit. vers. quarta ratio est.*

Moveor II. *EX L. 23. ff. h. t.* ubi dicitur: adoptio enim non jus sanguinis, sed

agnationis parit. Jam sic arguo: adoptio non tribuit sanguinem, ergo neque nobilitatem, nobilitas enim ex sanguine parentum æstimatur; ex eo scilicet, quod boni ex bonis, fortes ex fortibus procreari præsumantur, quem affectum sanè adoptio non tribuit.

Moveor III. Filius adoptivus patri in fundo non succedit *cap. 1. §. adoptivus lib. 2. feud. tit. 26.* ergo probabile, quod non fiat nobilis: cum nobilibus plerumque feuda dentur. *Schamb. loc. cit.* Confirmatur. Ideò adoptivus à nobili in feudum non succedit, quia non debet in Vasalli potestate esse per filios commentitios, ac fictios dominum ac agnatos suo jure privare, ac in feudis suis præjudicare, atqui etiam Principi in prærogativa nobilitandi præjudicari non debet. *Haun. loc. cit. in fine.*

Moveor IV. per *l. ult. ff. stat. hom.* ubi Libertinus ab ingenuo adoptatus non fit ingenuus his verbis: *Eum, qui se libertinum esse fatetur, nec adoptando patromus ingenuum facere potest.* Ergo neque adoptatus à nobili.

Moveor V. hoc argum. Vel enim consideramus nobilitatem ob innatam ad præclarè agendum virtutem, vel ob nativitatem, sicut nunc maximè æstimatur. *l. Nobilitas 3. Cod. de commerciis & Mercat.* Atqui adoptio nec virtutem arrogantis cum sit habitus, qui evelli non potest, nec sanguinem, cum tantum jus agnationis adferat, *d. l. 23. ff. h. t.* tribuit; ergo neque nobilitatem, quia non tribuit id, ex quo nobilitas æstimatur. *Harp. n. 8.*

Ad I. & Aliud esse jura, sive privilegia ingenuorum consequi, aliud esse fieri ingenuum. Possis sane privilegiis nobilium gaudere, sed qui te nobilem esse dixerit?

Ad II. Dico, dignitatem à nobilitate sepa-

separandam esse, sanè poteris esse in Senatoria dignitate constitutus, & tamen nobilis non esse, quia non dignitas *tribuit* nobilitatem, sed Imperator speciali rescripto eam impertitur.

Ad III. Repono, licèt adoptatus dicatur fieri cognatus patris adoptivi, id tamen tantùm intelligendum est *de cognitione legali*, non naturali; at legalis cognatio nobilitatem non tribuit; nobilitas enim ex sanguine æstimatur. *Harp. n. 13.*

Planè adoptione Jura naturalis consanguinitatis non tribui, vel ex eo patet, quòd aliàs in pluribus gradibus matrimonium dirimeret, nec filius adoptivus solutà per emancipationem patrià potestate filiam naturalem ducere posset, uti docet *l. 17. ff. de rit. nupt.*

Ad IV. Retundo hoc speciale esse in matrimonio propter favorem conjugii, & insuper id in jure expressum esse, adeoque ad consequentias non producendum, *per l. 14. ff. de LL. quod contra rationem juris receptum est, ad consequentias non est producendum.* Deinde auctoritate Principis non tam multùm præjudicatur per hoc, quòd matrimonium cum nobili a

fœmina contractum nobilitatem operetur, cùm personà extinctà, & illa pereat, quod secus est in filio adoptivo, per quem nobilitas propagatur. *Harp. n. 14.*

Ad V. Facilis est responsio, adoptio enim imitatur naturam quoad effectum patriæ potestatis, *conc.* quoad alia, quæ solus Princeps largitur, *neg.*

Proinde quì adoptare aut arrogare, & simul arrogatum nobilem fieri cupit, à Principe nobilitatem obtineat necesse est. *S. hamb. in fine htc.*

Adoptioni non dissimilis est recepta<sup>14</sup> passim hodie in Germania unio prolium, *die Einkindschaft.*, quæ est pactum inter parentes, eorumque ex diverso matrimonio utrinque susceptos, & suscipiendos liberos, præsupposito filiationis Jure de mutua invicem successione coram ordinario loci Magistratu, cum causæ cognitione, adhibitis iis, quorum interest, & actis intervenientibus ritè rectèque initum *Schamb. hic in fine.* plura de unione proliis vide apud. *Gail. lib. 2. obs. 125. Harp. n. 15. ult. de adopt.*

## TITULUS XII.

## QUIBUS MODIS JUS PATRIÆ.

## POTESTATIS SOLVITUR.

## SUMMARIA.

- 1 *Mors naturalis solvit patriam potestatem.*
- 2 *Nisi sint recasuri in alterius potestatem.*
- 3 *Item mors civilis eandem solvit.*
- 4 *Relegatio non etiam.*
- 5 *Doctoratus an patriam potestatem solvat?*
- 6 *Emancipatio quid sit, & quotuplex?*

7 *Monachismus an solvat patriam potestatem?*

**H**ucusque visum est, quibus modis patria potestas acquiratur. Jam vero, cùm nihil sub sole tam firmum sit, quin quandoque rumpatur, videndū erit, quibus modis patria potestas dissolvatur.

## A D V E R S. H I V E R O.

**M**odus, quò patria potestas solvitur, est *mors naturalis*; *text. hic ratio*, quia mors omnia solvit, *Nov. 22. cap. 20.* & mortuo patre omnia, quotquot ei subiecta fuerunt, capita nomen patrumfam. subeunt, sui que juris sunt *l. 195. §. 2. ff. de V. S. Vinn. Inst. hic.*

*Dices.* Mors est facti, patria potestas est juris, atqui ea, quæ sunt facti, non tollunt ea, quæ sunt juris. *l. 27. §. pactus, ff. de pact. ergò &c. R. dist. mi.* atqui ea, quæ sunt facti, non tollunt ea, quæ sunt juris, nisi sint jura personalia, quæ cum persona extinguuntur. *conc. si sint jura personalia. neg. mi. Et conseq. Manz. n. 5. Harp. n. 7. hic.*

## A D V E R S. S E D I T A.

**D**icta, quò morte naturali solvatur jus patriæ potestatis, procedunt, nisi liberi post mortem patris in alterius potestatem sint recasuri. Hinc si avus, qui nepotes in sua potestate habuit, moriatur, hi non efficiuntur sui juris, sed in patris sui potestatem recidunt, si hic adhuc vivat: cessat enim causa, propter quam pater, qui ipse in potestate fuit, suos liberos in potestate non habuit.

## §. C U M A U T E M. I.

**II.** Modus, quò solvitur patria potestas est *mors civilis*, quæ per maximam & mediam capitis diminutionem contingit, *ratio*, quia, per mortem civilem aliquis amittit communionem juris civilis. *Manz. hic.* Planè, si deportatus à Principe restituatur in integrum, recipit potestatem patriam, dummodò restitutio sit plenissima, nam restitutio generalis poenam quidem remitti facit, non verò reddi potestatem patriam. *text. hic. l. 1.*

§ 2. *Cod. de sentent. poss. Et rest. Clariss. D. D. Franz. n. 4. hic.*

## §. R E L E G T I. 2.

**R**elegatio (*Die Lands Verweisung*): utpote quæ non tollit jura civitatis, non etiam dissociat patriam potestatem. *text. hic.*

## §. P O E N Æ 3.

**Q**ui servus pœnæ sit, hoc est, in metallum fodiendum, vel ad pugnandum cum bestiis condemnatur, amittit patriam potestatem, quia patitur maximam & mediam capitis diminutionem. *text. hic.* Huic pœnæ similis est condemnatio ad triremes. *Carpzov. p. 3. q. 129. n. 8.*

## §. F I L I U S F A M. 4.

**O**lim neque consularis, neque militis, neque Episcopatus. *l. ult. Cod. de Consul. l. 34. Cod. de Episcop. Et Cler.* Sed sola patritiatus dignitas à nexu potestatis patriæ eximebat. *text. hic.*

Hodie verò non tantum patritiatus, sed Episcopatus, consularis, militis, & aliæ plures quæ in *Nov. 81. §. Et auctor.* Sed Episcopalis *Cod. de Episcop. Et Cler.* recensentur dignitates, imò omnes, quæ à curiali conditione aliquem liberant. *Nov. 70. Et l. ult. Cod. de Decurion.* dissolvunt patriam potestatem. *Harp. n. 3. hic Berlich. p. 2. Concl. 11.*

Quæstio I. *Liberétne Doctoratus à potestate patria?* *R. I.* Satis certum esse, Doctores, qui agunt professores publicos, & in Academiis publicè leges docent, ac profitentur, liberari à nexu potestatis patriæ; *ratio*, quia teste *Nov. 81. cap. 1. §. 1.* omnes illi à patria potestate immunes asseruntur, qui immunes sunt ab oneribus curiæ; sed professores publici sunt immunes ab oneribus curiæ.



riæ. L. 6. Cod. de Profess. ergò R. II. Communi DD. calculo obtinere, etiam reliquos Doctores à nexu patriæ potestatis liberari. Ita testatur. *Berlich. loc. cit. n. 53. Vultejus. Inst. hic. n. 6. Cardinal. Tuschus præf. conclus. lit. D. Conclus. 649.*

Ratio est, quia hodie omnis dignitas eximit à patria potestate, d. Nov. 81. c. 3. §. 1. Sed Doctoratus est dignitas l. 4. §. 1. ff. de excus. tut. & l. 7. Cod. de postul. ubi Doctores nobilissimi vocantur. & l. 2. §. 9. Cod. de vet. Jur. enucl. ubi egregii & illustres nuncupantur. *Myns. cent. 4. obs. 31. Stephan. de Juris. lib. 3. p. 2. cap. 14. n. 93.* ubi ait: quod in Imperiali Camera Doctores & Nobiles paribus fruuntur stipendiis, iisdemque idem vestitus concedatur, qui Nobilibus. *Policey Ordnung. 1577. tit. 2. Illustriss. D. L. B. ab Andlern. Jurisprud. quæ publicæ privat. l. 1. tit. 2. p. 2. n. 27.*; ergò Doctoratus eximit potestate patria.

Dissent. *Clariss. D. Doctor. Franz. loc. cit. num. 7. Harp. hic n. 7. Schneid. n. 5. Schamv.*

§. SI AB HOSTIBUS. 5.

V. Modus, quò solvitur patria potestas, est *captivitas*, per quam tamen non tam dirimi, quàm suspendi, & status liberorum dubius effici dicitur. Vel enim pater revertitur, vel apud hostes decedit. Priori casu recipit patriam potestatem, ac fingitur jure postliminii semper in civitate fuisse. Posteriori casu adminiculò legis Corneliæ fingitur eo momento decessisse, quo captus fuit, *rex. hic.* Hoc die capti apud Turcas apud nos pro servis non habentur. *Manz. n. 19.*

§. PRÆTEREA. 6.

VI. Modus, quò patria potestas solvitur, est *emancipatio*, quæ *definitur*, quòd

sit patriæ potestatis relaxio.

Dividitur in *legitimam*, *Anastasianam*, & *Justinianam*. Legitima est, quæ olim per imaginarias venditiones celebraretur, & ista ob duras solemnitates quibus obnoxia erat, in desuetudinem abiit.

Anastasiana est, quæ per impetrationem rescripti Principis fiebat l. 5 Cod. b. t.

Justiniana, quæ coram quocunque competente Magistratu contingebat l. pen. Cod. eod. Hodie secundum consuetudinem universæ Europæ emancipatio tacita intervenire censetur, si filius separatim habitare, res suas sibi gerere, ac proprium focum & mensam habere incipiat. *Manz. n. 21. hic Berlich. p. 2. concl. 11. n. 33. Gomez. var. resolut. tom. 1. c. 11. n. 34.* & plures ab his longâ serie recensiti.

§. A D M O N E N D I. 7.

Si quis habeat plures liberos in potestate, v. g. *filium & ex eo nepotem*, tunc pater pro libitu emancipare potest quem velit etiam nepotem retentò filiò in potestate, & econtra filium retento nepote; *ratio*, quia quisque jure suo uti potest.

§. S E D E T S I. 8.

VII. Modus, quò patria potestas solvitur, est *adoptio perfecta*, quæ ab ascendente aliquo v. g. *avo materno* facta est; per quam tamen patria potestas non tam solvitur, quàm potius transfertur.

§. I L L U D. 9.

Si nepos nascatur ex emancipato filio, in cujus erit potestate? R. si est conceptus ante emancipationem, erit in potestate avi, si post, erit in potestate filii;

in his enim, qui nascuntur ex thoro legitimo, inspicimus tempus conceptionis. *L. 14. de adopt. L. 19. ff. de stat. hom. Perez. Inst. hic.*

#### §. ET QUIDEM FIN.

Hic nihil aliud deceditur, quàm quòd pater invitus cogi non possit emancipare suos liberos; correlativorum enim eadem est natura; sicut ergò pater filium invitum emancipare non potest, *autb. generaliter Cod. de natural. lib.* Ita quoque invitus pater cogi non potest, ut filium emancipet. *d. l. 31. ff. de adopt. l. 4. C. de emancip. Gail. 2. obs. 17. num. 5.*

#### 7 Quæstio II. An per Monachismum sol-

*vatur patria potestas? R.* in eam communi harmonia DD. condescendere sententiam, in utilibus, & iis, in quibus religioni prodest patria potestas, eam non solvi, in damnoſis verò, h. e. in quibus patria potestas religioni non prodest, dissolvi; *ratio* prioris est, ne, quod in commodum religionis est introductum, detorqueatur in ejus detrimentum contra *l. 6. Cod. de LL. cap. 61. de R. J. in 6. Ratio* posterioris, quia professus in Abbatis potestatem transit, ut proinde nequeat in duplici potestate existere. *Gomez. var. resolut. tom. 1. cap. 3. n. 20. in fine Clariss. D. D. Franz. Inst. hic. n. 5. Glettle assert. Jurid. 23.*

### TITULUS XIII.

### DE TUTELIS.

#### S U M M A R I A.

- 1 *Definitur tutela.*
- 2 *Verba Vis ac potestas quò referenda sint;*
- 3 *Tutela quomodò differat à curatela?*
- 4 *Tutela triplex est.*
- 5 *Tutorem quis testamento dari possit?*
- 6 *Mater an testamento rectè tutorem det?*
- 7 *Pater filio naturali non potest tutorem dare.*
- 8 *Filio exheredato rectè datur.*
9. *Item posthumo.*
- 10 *Tutela Electoralia testamento alii quàm seniori agnato rectè defertur.*

#### C O N N E X I O.

**P**ostquàm dispeximus de personis alieno juri subjectis, puta, de servis & filiis familias, agendum superest de

personis, quæ sui juris sunt, quarum aliæ sub tutela, ut pupilli sive impuberes, aliæ sub curatela, ut adulti & minores, aliæ neutro jure tenentur.

In hoc autem & seq. tit. *Imperator* de iis duntaxat personis agit, quæ sub tutela & cura sunt; sic enim inquit ille, cognoscemus, quæ neutro jure teneantur, contrariorum enim est ea natura atque indoles, ut unò cognitò, noscatur & alterum. *Princip. Inst. h. t. § l. 1. ff. de his. qui sui vel alien. jur.*

*Dices.* Tutela est munus publicum *arg. l. 9. ff. eod.* ergò malè hòc loco agitur de tutela, vel falsò dixit *Imperator in §. 4. Inst. de J. § l.* quòd in *Instit. de jure vel.* duntaxat privato agere. *R.* Tutela est munus publicum autoritate, h. e. nemo potest tutorem dare, nisi cui id lex permittit. *conc. ant., utilitate, nego ant. § conseq.;* pertinet enim ad utilitatem priva-

privatorum, Schambog. & Manz. hic.

§. EST AUTEM I.

I Tutela à tuendo dicta concinnè describitur, quod sit vis ac potestas in capite libero, ad tuendum eum, qui per aetatem se ipse defendere nequit, Jure Civili data ac permessa. Concord. N. O. Gerbabschaffs-Ordnung. tit. I. §. I.

Dicitur I. Vis ac potestas; Alii legunt jus ac potestas. Sed contra est I. quod in pandectis Florentinis quæ sunt correctissimæ, legatur Vis ac potestas. Contra est II. quod in §. 2. h. t. tutor definiatur, qui eam vim ac potestatem habet, Haunold. tract. 4. de J. & J. c. 4. Controv. I. n. 223.

2 Sed quid significant verba Vis ac potestas? varii variè explicant, communior est expositio, quæ statuit esse Synonyma, & ideo conjuncta, ut significetur tutelam non esse quamcumque, sed potestatem vehementem, magnam & efficacem, & velut portionem patriæ potestatis, quâ tutori liceat pro autoritate quid statuere, facere, disponere, tum circa personam, tum circa res pupilli, Clariss. D. Franz. Inst. h. t. n. 2.

Dicitur 2. in capite libero. Hic rhodus, hic saltus; vehementer enim se torquent. D. D. quo referenda sint hæc verba an ad tutorem, an ad pupillum, an vero ad utrumque.

Ad pupillum referenda docent Bachov. ad Treutl. vol. 2. disp. 8. th. I. lit. C. Schneid. n. 3. Inst. h. t.

Moventur hac ratione, quia pupillus debet esse liber respectu patriæ & dominicæ potestatis, cum filiusfam. regulariter tutorem habere non possit, est enim officium patris, ne filium indefensum relinquat. Manz. n. 4. hic, nec servus habere potest tutorem, cum existat in potestate dominica. Mynsing. Inst. hic. n. 3.

Ad tutorem referunt Schamb. Inst. hic. Zoës. ff. de tutel. n. I. Clariss. D. Franz. Inst. hic n. 3.

Moventur I. Quia tutela, ut pleraque in jure nostro, est relatio quædam, nempe respectus tutoris ad pupillum, & rotâ versâ; ergo debuit definiri per fundamentum, & terminum suum, cum relatio juxta R. R. nihil aliud sit, quam fundamentum, & terminus simul sumpta, ergo per tutorem tanquam fundamentum, & per pupillum tanquam terminum. Si hoc? ergo per verba in capite libero debet intelligi tutor, cum per seqq. satis exprimatur pupillus.

II. Si per verba in capite libero intelligatur pupillus, definitio evaderet tautologica, hoc est, idem nempe pupillus bis poneretur in definitione, semel ibi: in capite libero. & iterum ibi: qui per aetatem se ipse defendere nequit. Quod a bona definitione alienum foret.

III. Si verba in capite libero referenda essent ad pupillum, deberent in seqq. dici ad tuendum se, juxta naturam reciprocorum; atqui dicitur ad tuendum eum: ergo verba in capite libero non ad pupillum, sed ad tutorem referenda sunt.

Ad utrumque referunt, Manz. n. 4. Hum. va. resolut. lib. I. tract. 4. q. 2.

Moventur hoc solò, sed solidò argumento, quia in utroque tam pupillo, quam tutore requiritur, ut sit caput liberum.

Ex parte tutoris idè, quia tutela est juris civilis an civium Romanorum propriatext. in verbis: jure civili data. Atqui servus juris communionem non habet, imò quod ad jus civile attinet, pro nullo habetur. L. 32. ff. de R. J. Imò quod servus tutor dari nequeat, disertè statuit L. 22. ff. de testam. tut.; ergo verba in capite libero ad tutorem commodè referuntur.

Ex

Ex parte pupilli requiritur, ut sit caput liberum, quoniam ut paulò ante diximus, filiusfam. & servus tutorem non habent.

Argumenta contraria à se ipsis ruunt non enim *neg.* sed *ultro conced.* verba in *capite libero* referenda esse ad tutorem, sed *neg.* quòd ad pupillum referri nequeant, tutela enim ad utrumque pertinet, ad tutorem quidem activè, ad pupillum passivè.

Dicitur 3. *ad tuendum eum.* Hic est finis primarius intrinsecus tutelæ, tueri pupillum. Quo differt tum a cura, tum à patria potestate. A cura, quòd hæc pro fine principali non habeat tuitionem personæ, sed administrationem bonorum. Tutor enim primariò datur personæ, curator verò rei §. *certæ* 4. *seq. tit. à patria potestate*, quia hæc potissimùm inducta est propter utilitatem ipsius patris: contra verò potestas tutoris præcisè ob utilitatem pupilli. *Harp. hic. n. 22.* Appositè Cicero 1. *offic. ut enim tutela sit procuratio reipublica ad utilitatem eorum, qui commissi sunt, non ad eorum, quibus commissi generanda est.*

3 Dicitur 4. *qui per ætatem*, quibus verbis rursus tutela distinguitur à curatela; hæc enim non solum propter ætatem, sed etiam aliquando propter alia vitia, tum animi tum corporis, ut est furor, prodigalitas, morbus fonticus, inducta est. *Vinn. Inst. hic.* scimus enim, quod etiam furiosis, prodigis, & mente captis curator detur. *Manz. n. 6.*

Dicitur 5. *Jure Civili data & permissa.* quæ verba potius ad divisionem, quam definitionem spectant, ut tutela juxta *text.* sit duplex, alia scilicet *jure civ.* sive *lege data* i. e. *legitima*, alia *permissa*, subintellige, dari, quæ iterum duplex est; vel enim permittitur dari a testatore, & vocatur *testamentaria*, vel a Magistratu, & dici-

tur *dativa.* *Schamb. hic in fine. Harp. n. 24.* de his tutelis agemus in seqq.

### §. TUTORES 2.

Q. hic, *quinam dicantur tutores?* & *R. Imperator* tutores esse, qui eam vim & potestatem, de qua in definitione dictum est, habent, additque *rationem nominis*, dum ait, tutores appellari quasi *tutores & defensores à tuendo dictos*, quemadmodum in simili æditui dicuntur, qui ædes tuentur, & sic

*Conveniunt rebus nomina sape suis.*

Nostrâ vernaculâ tutores vocantur *Gerhaber, oder Vormünder. Neue Gerhabschaffts Ornung. tit. 1. §. 3.*

### §. PERMISSUM 3.

Pro pleniori hujus §. cognitione notandum est, tutelam esse triplicem, puta *testamentariam*, quæ in testamento constituitur: *legitimam*, quæ a lege; & *dativam*, quæ dante & decernente Magistratu constituitur *L. 52. Cod. de Episc. & Cler. concordat N. Die neue Gerhabschaffts Ordnung. loc. cit.*

De legitima & dativa in titul. seqq., de testamentaria in hoc §. agitur.

Ratio vero, cur priori locò de testamentaria agatur, assignatur à *Manz. n. 1. & 2. hic.* quia, quamdiu tutela testamentaria speratur, tamdiu legitimæ & dativæ tutelæ locus non relinquitur. *L. 89. ff. de R. J. Ratio rationis*: quia tutelæ procedunt ad modum hæreditatis; sed quamdiu ex testamento potest adire hæreditas ab intestato, legitima hæreditas non defertur. *L. 39. ff. de acq. vel amitt. hæred.* provisio enim hominis tollit provisionem legis. *Nov. 22. cap. 2. & lex flet, ubi homo loquitur*

Q. Jam in hoc §. qui testamento tutores dare possint? & quibus tutor testamento dari possit? & rescribit *Imperator in*



in hæc verba: *permissum est itaque parentibus, liberis impuberibus, quos in potestate habent, testamentis tutores dare.*

Dicitur I. Parentibus, hi enim pro liberis optimum & saluberrimum capere consilium, iisque rectissime velle prospicere creduntur, ob singularem & summam affectionem, quâ illos prosequuntur. *l. 3. §. 1. ff. de admist. & pericul. tut. Harp. n. 4. & §. hic.* Et cum tutelæ datio sit effectus patris potestatis, ideo sub parentibus illi duntaxat intelliguntur, qui liberos in potestate habent, puta, *pater, avus, paternus, &c.* concordat *M. Oe. Gerhabschaffes-Ordnung.. (Nova Austr. Tut. ordinatio) tit. 2. §. 1.* hinc

Excluditur I. Mater *l. 69. ff. de legat. 2.* quia mulierum consilium fragile, infirmum, & præceps reputatur. *l. 22. Cod. ad SC. Vellejan. Manz. n. 7.* Concidit jus Austriacum. *loc. cit. §. 2. Auffer, &c. i. e. præter supra dictos parentes, potest nemo, ne mater quidem vel avia, liberis Tutores dare in bonis quæ à patre defuncto, avo, proavo, vel aliunde sunt profecta. Sed*

6 Q. I. Quid si mater de facto testamento dederit tutorem filio suo?

Circa hanc quæst. occurrunt. *L. pater 4. ff. de testam. tut. & L. mater 4. Cod. eod.* quæ sibi invicem videntur contrariari.

Ut in concordiam reducantur, adminiculò distinctionis controversia dirimatur, necesse est. Refert nimirum, an mater simul filium heredem instituerit, nec ne? si simul heredem instituerit, datus tutor prævia confirmari debet inquisitione. *d. l. pater. 4.* Sin minùs, solet ex voluntate tutor datus à judice matris confirmari *d. l. mater 4.*

Dico, *solet.* Sic enim *textus* loquitur relinquendo arbitrio Magistratûs, an tutorem, ita à matre datum confirmare vel  
*Kees ad Instituta.*

lit, nec ne? Secûs est in casu, quò mater filium heredem instituit; tunc enim, si præmissa inquisitione iudex eum idoneum esse cognoverit, debet ipsum tutorem confirmare. *Brunnem. in d. L. mater 4. Clariss. D. Franz. l. 1. tit. 14. §. 2.* Idem obtinet de jure Austriaco *loc. cit. §. 2. Jedoch. &c. i. e. attamen mater & avia non prohibentur, in bonis à se relictis, minorennibus liberis vel nepotibus dare Tutores, quos tamen à Magistratu prævia inquisitione confirmari oportet.*

II. A fortiori excluduntur, qui non sunt ex numero parentum, ut *patronus, patravus, frater*, aut quivis alius extraneus. Si ergò hæ personæ tutorem testamento dederint, datio non valet ipso jure; si tamen impuberem simul heredem instituerint tutor datus prævia inquisitione, an idoneus sit, à Magistratu confirmabitur. *L. 4. & §. ff. de confir. tut. l. 28. §. 2. ff. de testam. tutel.*

Dicitur II. Liberis impuberibus. Quia puberibus non dantur tutores, sed curatores; curatores autem testamento dari non possunt. *§. 1. infr. de curat.* Aliud obtinet de constitutione inferioris Austriæ. *Gleich wie, &c. i. e. Sicuti in Archiducatu nostro Austriaco nullum habemus, eo respectu, habitum est discrimen impuberum & minorum, Tutorum & Curatorum; idem in posterum obtinebit atque debet Tutela vel administratoria auctoritas utrorumque usque ad aetatem à nobis post hac definitam, tam in personam quam in bona durare.*

Dicitur III. quos in potestate habent. Tutelæ enim datio est effectus patris potestatis, effectus autem non est sine causa, *Manz. n. 10. hic.* Unde

Colliges I. Patrem non rectè tutorem dare filio emancipato, si tamen dederit, confirmandus est tutor simpliciter, i. e. sine inquisitione *§. fin. Inst. lib. 1. §.*

Q

2.

## 2. ff. de confirm. tut.

Colliges II. Patrem multò minùs rectè tutorem dare filio suo naturali tantùm , si tamen dederit, confirmadus est sine inquisitione in casu, quo aliquid rel quit; si nihil, cum inquisitione. L. 7. ff. de L. ult. Cod. de confir. tut. Bachov. ad Treutl. vol. 2. disp. 8. th. 2. lit. C. Wisenbach. par. pandect. 50. th. 12.

## AD V. ET HOC IN FILIOS.

Cùm liberorum apellatione contineantur tam filii , quàm nepotes L. 84. l. 201. ff. de V. S.

Q. utrùm etiam nepotibus testamento tutores dari possint. ? & R: posse: dummodò post obitum avi , in potestatem patris recasuri non sint , qui enim patrem habent , à quo regantur , consilio tutoris non egent , & tutela est potestas in capite libero, qui verò in potestatem recidit, liber non est.

## 8 Q. I. An filio exhæredato dari possit ?

Dixeris , quòd non I. per L. 26. §. 2. ff. de testam. tut. ubi dicitur : propter litem inofficiosi testamenti ordinandum exhæredato filio , cui tutorem pater dedit , eundem à prætorè confirmari oportet. En ! tutor filio exhæredato datus a prætorè confirmandus est; ergò non est jure vel rectè datus: quoniam quæ ipso jure subsistunt, confirmatione judicis opus non habent,

II. Qui testamento tutor datur , non potest separatim sine pecunia dari L. 53. ff. de V. S. ergò exhæredato non datur tutor: cùm nihil habeat ex testamento,

III. Tutor non potest dari , nisi suo hæredi. L. 73. §. 1. ff. de R. J. Nemo potest tutorem cuique dare , nisi ei , quem in suis hæredibus , cùm moritur, habuit , habiturusve esset , si vixisset. Sed exhæredatus non est suus hæres l. 1. §. 10. ff. de suis & legit. hæred. ergò.

Verum his non obstantibus commu-

ni DD. suffragio munita sententia est , quæ sustinet : exhæredato tutorem rectè dari. Hunn. var. resol. lib. 1. tract. 4. q. 4. Bachov. ad Treutl. vol. 2. disp. 8. th. 2. lit. A. & B. §. 3. n. 13. Inst. h. t. Clariss. D. D. Franz. lib. 1. tit. 14. Inst. n. 4.

Prob. I. Pater potest liberis suis impuberibus , quos in potestate habet , tutorem dare §. 3. hic & l. 1. ff. de test. tut. atqui exhæredati liberi manent in potestate patris , quia exhæredatio non est modus solvendi & extinguendi potestatem patriam. arg. tot. tit. inst. quib. mod. jus patr. potest. sol. ergò liberis exhæredatis rectè datur tutor.

Prob. II. Per apert. text. l. 4. ff. de testam. tut. Pater hærede instituto filio, vel exhæredato tutorem dare potest.

Nec dicas , quòd talis tutor confirmatione indigeat ; præter hoc enim , quòd lex de confirmatione nullam faciat mentionem , exhæredatus cum instituto eadem ratione conjungitur , sicuti proinde tutor filio instituto datus absque confirmatione rectè datur ; ita pariter exhæredato sine ea rectè dabitur.

Ad I. R. Ibi committi fallaciam non causæ ut causæ; causa enim , cum tutor exhæredato datus confirmari debeat , non est , quia exhæredato datus est , sed quia exhæredatus testamentum in quo tutor eidem datus erat, querelâ inofficiosi impugnavit. Unde statim ibidem subjungitur : eventum rei judicatæ declaraturum, utrùm tutor ex testamento patris, an ex decreto prætoris auctoritatem acceperit. Nam si exhæredatus filius in judicio vincat, tunc testamentum erit nullum, & consequenter etiam tutoris datio olim nulla erat, adeoque ut valeret , auctoritate judicis opus fuit. Si verò pupillus exhæredatus succumbat , tunc valebit testamentum, & in eo facta tutoris datio , ut confirmatione opus non sit.

Ad

Ad II. Facilis est solutio: sensus enim legis talis est, non posse patrem de sola tutela liberorum suorum in testamento disponere, nisi simul de pecunia sua sive rebus disponat, hæredemque in testamento instituat.

Ad III. Patet solutio ex dictis; negatur suppositum, per exhæredationem Jus suitatis tolli. Deinde *ad l. i. §. 10. R.* per exhæredationem Jus suitatis tantum tolli in *actu secundo*, quatenus nimirum ab hæreditate removetur. In actu enim primo exhæredatus tamen manet suus hæres, quia non delinit esse in potestate patris, & proximo gradu, quæ duo suitatem constituunt. §. 2. *Inst. de hered. qualis. & differ. aliter. R. Harp. loc. cit.*

#### §. CUM AUTEM 4.

- 9 Q. hic: *An pater non tantum liberis tam natis, sed etiam primùm nascituris & posthumis, qui post sepulturam, & humationem patris nascuntur, tutorem dare possit?* R. quòd sic, posthumi enim pro jam natis habentur, quoties de illorum commodo agitur *l. 7. & l. 26. ff. de stat. homin.* si modo in ea causa sint, ut, si vivis parentibus nascerentur, sui forent, in potestate patria; tutor enim non datur nisi suis hæredibus. *text. hic.*

#### §. SEDET 5.

Hujus §. explicationem habes ex dictis suprà §. 3. *b. i. vers. colliges 1.*

#### CLAUDAT HUNC TITULUM

- 10 Illa ingens & multorum scriptis nobilitata controversia, possitne tutela Electoralis testamento deferri v. g. Q. *An Elector Imperii filio suo primogenito impuberi possit testamento alium tutorem dare, quam proximum agnatum?*

Huic quæst. ansam præbet Aurea Bulla tit. 7. quæ ita sonat: *Si principem Elec-*

*torem mori, & hæredes legitimos laicos defectum ætatis patientes relinquere contigerit, tunc frater senior primogeniti, ejusdem scilicet defuncti tutor eorum & administrator existat.* ex his verbis

Videtur erui posse, quòd proximus agnatus senior ita necessario tutor existere debeat, ut in ejus præjudicium alius testamento dari nequeat. Ita docent *Herm. fascic. Jur. publ. cap. 18. n. 48. Harp. §. 2. Inst. de legit. agnat. tut. n. 4. Treutl. vol. 2. disp. 8. ib. 3. lit. A. Limma. ad cap. 7. Aur. Bull. §. 2. obs. 11. Beckmann. exercit. 5. ad Aur. Bull. n. 30. & seqq. Scharfschmid. vol. 1. exercit. 8. ib. 12. lit. A.*

Movetur I. Aurea Bulla expresse sancit; ut proximus agnatus hæredis Electoralis impuberis, usque ad XVIII. annos completos tutor & administrator existat; ergò hoc jus agnato proximo per testamentum auferri haud poterit *l. 11. ff. de R. J.*

II. Tutela Electoralis est juris publici; juri autem publico testator derogare non potest, *l. Jus publicum 38. ff. de pact. l. 42. de oper. libert.*

III. Si proximus agnatus eò demum casu admitteretur ad tutelam Electoris impuberis, quo non adest tutor testamentarius, Aurea Bulla otiosa foret, utpote quæ nihil diceret novi, sed idem, quod lex XII. Tab. statueret, vi cuius etiam proximus agnatus tutor est, si testamentarius deficiat.

IV. Successio Electoralis non stat in arbitrio & dispositione Electoris; ergò neque tutela, quia tutor separatim sine pecunia dari non potest *l. 53. ff. 4. V. S.*

V. Si tutela Electoralis penderet ex arbitrio Electoris, posset eandem deferre Principi extraneo; sed hoc videtur repugnare rationi statūs & re publ. utilitati, quæ vult, secreta Electoria non

propolari; *ergò* ex arbitrio Electoris pendere non debet.

VI. Historici commemorant, quòd Fridericus Ludovici IV. Electoris Palatini Frater, spretà dispositione testamentaria tutelam filii impuberis gesserit. Idem etiam fecerit Casimirus frater Ludovici V. qui contemptà voluntate ultimà se ad tutelam Friderici impuberis intruserit; & proinde tutela Electoralis testamento deferri posse non videatur.

Verùm his rationibus in contrarium nihil moventibus, teneo tutelam Electoralem à patre Electore alii, quam proximo agnato deferri posse, *ita Glette tract. de testam. cap. 2. §. 1. mon. 3. Hunn. ad Treult. vol. 2. disp. 8. th. 3. lit. A. q. 21. Vitriar. in Jus publ. lib. 3. tit. 11. n. 4. §. 5. solide Clariss. D. Franz. Inst lib. 1. tit. 14. n. 10.*

Prob. hoc unico sed solido fundamento: Jus novum Aureæ Bullæ eundem sensum recipit, quem jus vetus; sed jus vetus disponens, quod proximus agnatus debeat esse tutor Electoris impuberis, recipit hunc sensum, nisi alius testamento tutor datus sit; *ergò* jus novum etiam hunc sensum recipit, quòd proximus agnatus tutor esse debeat, nisi alius testamento datus sit. Accedit, quod omnis constitutio nova ita explicanda sit, ut quàm minimè recedatur à jure ordinario, *arg. l. 27. C. de testam. §. l. 32. §. ult. Cod. de appellat.*

Argumenta contraria nullo labore diluuntur, & quidem

Ad I. R. Verum esse, quòd Aurea Bulla disponat tutelam proximo agnato deferendam esse; sic enim verba sonant: *Tunc frater senior ejusdem primogeniti tutor & administrator existat.*

Verùm enim verò ista constitutio hunc sensum & conditionem recipit, *nisi Elector pater testamento alium tutorem dederit.*

Esto, jus vetus disponat agnatum debere esse tutorem agnati impuberis, per hoc tamen non excluditur tutor testamentarius; *ergò* etiam esto, jus novum Aureæ Bullæ dicat, fratrem seniore de- bere esse tutorem Electoris impuberis, per verba tamen hæc non excludetur tutor testamento datus.

Ad II. R. Nos non ire inficias, quòd Elector Aureæ Bullæ, tanquam juri publico derogare aut præjudicare non possit. At falsum est suppositum, quòd dando tutorem testamentarium Aureæ Bullæ derogat, aut præjudicet; cum Aurea Bulla tutorem testamento dare non prohibeat.

Ad III. Falsum esse, quòd otiosa esset constitutio Aureæ Bullæ & nihil novi statueret. Nam I. sancit aliquid novi in hoc, quod *ex l. XII. Tab.* non tantum senior agnatus, sed reliqui omnes agnati gradu pares ad tutelam admittantur. At jure Aureæ Bullæ solus agnatus senior ad tutelam vocatur. II. De jure *XII. Tab.* tutela tantum durat usque ad XIV. anni masculus, si foemina sit usque ad XII. Aurea Bulla autè disponit, ut Elector impubes usque ad XVIII. anni tutorem habeat.

Ad IV. R. à successione Electorali non rectè argumentum duci ad tutelam, nam de successione feudali neque alii Principes Imperii disponere possunt, & tamen possunt testamento tutorem dare. *Ergò* esto successio Electoralis non stet in arbitrio Electoris, hinc tamen non sequitur in eodem neque tutelæ stare assignationem.

Ad V. Dico, ex illo argumento plus non sequi, quàm ad tutelam Electoralem non facile extraneos vocandos esse. Quòd si tamen de facto extraneus ad eandem invitaretur, non video, quo pre- textu repelli possit, præcipuè, quia fortissima juris præsumptio est, quòd pater filio



filio suo optimè prospexerit, & extraneum majori fortè filio suo utilitati, quàm fortè proximum agnatum fore.

Deinde in controversiam non id adducitur, possitne ad tutelam Electoralem extraneus vocari, sed an possit agnatus remotior? quod affirmamus.

Ad VI. R. Exemplis non restringi regulam, neque quid fiat, sed quid fieri debeat, attendendum esse, l. 12. ff. de offic. prefid.

Taceo, quòd recentiora adductis exemplis prostant, quibus patet, tutelam Electoralem testamentò fuisse delatam,

excluso agnatò proximò. Sic annò 1613. Fridericus IV. Elector Palatinus tutelam Electoralem testamentò detulit Joanni Bipontino, excluso fratre suo seniore Philippo, quam Bipontinus usque ad annos majorennitatis Friderici V. constanter administravit.

Item Maximilianus I. Elector Bavarix omisso fratre suo Alberto tutelam filii sui Ferdinandi Mariæ, detulit Serenissimæ suæ conjugis Mariæ Annæ, quam usque ad legitimam filii ætatem produxit. Clariss. D. Woller. quest. select. q. 6. sect. 2. num. 22.

## T I T U L U S X I V.

## QUI TESTAMENTO TUTORES

## DARI POSSINT.

## S U M M A R I A.

- 1 Filiusfam. tutor rectè datur.
- 2 Pater an pro filio tutore teneatur.
- 3 Servus an possit tutor dari?
- 4 Minor & furiosus sub conditione tutores rectè dantur.
- 5 Quid si minor veniam ætatis impetaverit?
- 6 Tutor testamentarius sub conditione rectè datur.
- 7 Secus tutor legitimus vel dativus.
- 8 Certa rei tutor dari non potest.
- 9 Tutor filio datus censetur quoque datus posthumus.
- 10 Non verò nepoti.
- 11 Secus si liberis datus sit.

## C O N N E X I O.

**V**idimus, qui testamento tutores dari, & quibus dari possint? sequitur, quinam tutores testamento dari

possint. Ubi regula occurrit, quòd omnis possit testamento tutor dari, qui non prohibeatur.

## A D P I N C I P.

**Q.** hic. an filiusfam. tutor dari possit? Ratio dubitandi est, quia qui ipse in potestate est, alium in potestate habere non potest. l. 21. ff. ad leg. Jul. de adult. sed filiusfam. ipse in potestate est, ergò. II. Tutor tam in judicio, quàm extra judicium pupillum defendere debet; atqui filiusfam. sine consensu patris in judicio stare non potest. cap. 3. de judiciis in 6. ergò.

Verùm his nihil refragantibus R. in textu hic, quòd non solum paterfam. sed etiam filiusfam. tutor dari possit. Ratio est in aperto, quia tutela est munus publicum princip. Inst. de accusat. tut. in causis autem publicis filiusfam. reputatur pro patrefam. l. 9. ff. de his, qui sui

vel alieni Jur. Manz. Inst. hic Hertogg. n. 1. hic.

Ad I. dubitandi rationem R. non potest alium habere in potestate ejusdem generis conc. diversi generis neg. ma. vel aliter; in simili conc. in diffi. neg. Major. Itaque qui in potestate patria est vel dominica, non potest alterius dominus esse, vel patriam potestatem in alium habere. Ut autem filiusfam. habeat servum sub sua potestate, ut pupillum sub tutela, hoc non implicat.

Ad II. R. quod filiusfam. nomine suo sine venia patris non possit stare in iudicio, secus autem nomine alieno, ut tutorio vel procuratorio.

- 2 Dubitatur: An pater pro filiofam. tutore teneatur? siue an si filiusfam. tutelam malè administret, pater ejus ob id conveniri possit, & in quantum?

In hac questione prodeunt duo textus, qui sibi invicem contrariari videntur I. est in l. 7. ff. de tutel. aliter in l. 21. ff. de administrat. tut. Ille asserit, quod pater in solidum: Hic quod peculio tenus duntaxat teneatur. Res adminiculo distinctionis dirimenda est, an videlicet pater tutelam agnoverit, nec né? Si non agnovit, peculio tenus tantum modo tenetur in solidum. d. l. 7. Agnovisse autem censetur, si vel ipse simul gesserit, vel gerendi filio expressè consentit, vel denique si periculum tutelæ quæ in se nominatim recipit. Sanè si pater filio gerenti tutelam, non expressè v. g. jubendo, approbando, sed solummodo tacitè, h. e. non contradicendo consenserit, agnovisse tutelam non censetur. Hirs. in l. 11. 7. hic Hann. ad Treutl. vol. 2. d. sp. 8. th. 2. lit. f. quest. 14. Aliter conciliat illos duos textus Schaub. hic Brunsmann. in d. l. 7. Mynsig. in l. 1. hic.

### §. SED ET I.

Q. In hoc §. an servus possit tutor dari? R. I. non posse dari à iudice, per l. 7. Cod. qui dar. tut. quoniā iudex servo alieno libertatem neque expressè neque tacitè dare potest. R. II. ut iste §. benè percipiatur, distinguendum esse I. inter servum proprium & alienum. II. Inter dationem puram & conditionatam. III. Inter dationem erroneam, & eam, quæ procedit ex certa scientia: Unde

Dico I. Si servus per errorem liber putatus testamentò tutor datus sit dationem non valere; consequenter datus tutor, neque liber, neque tutor erit. §. 1. hic. l. 22. ff. de testam. tut. Ratio est, quia servus absque consensu domini non potest fieri liber; atqui errantis nullus est consensus. l. 26. ff. de R. J. & l. 15. ff. de Jurisdic.

Dico II. Servum proprium rectè testamento tutorem dari & cum libertate, hoc modò: *Davius servus meus liber, & tutor esto.* Et sine libertate, hòc modò: *Davius servus meus tutor esto.* In utroque casu servus accipit libertatem directam, illo expressam, hoc tacitam. Licet proinde si se libertate servum tutorem dederit, tacitè tamen eam dedisse censetur constituendo servum tutorem; quia voluntas debet habere exitum, & qui vult consequens, debet etiam velle antecedens. l. 56. ff. de procurat. atqui si se libertate nemo potest esse tutor. Mitz. in l. 1. hic.

Oñi. L. 9. Col. de fili C. n. ff. libere, in qua discretè statuitur, quòd in casu, quòd dominus servum tutorem constituit sine libertate, servus consequitur libertatem si lei commissariam; ergò falsum est, quòd consequitur directam. Sunt, qui inter §. 1. hic & d. l. 9. antimoniam statuunt. Sed malè! Dic legem oppositam loqui

loqui de casu, quo servus proprius tutor datus est, sed vel *in codicillis*, vel *in testamento* quidem, est *verbis precariis*. *Vinn. & Ludwel. Inst. hic.* fusius explanantem vide *Manz. Inst. hic. & Hum. ad Treutl. vol. 7. disp. 8. th. 2. lit. F. q. 15.*

Dico III. Servum proprium duntaxat purè utiliter tutorem dari, contrà inutiliter sub conditione, *si liber erit*; qui dominus intelligitur potius ludere & joculari, quàm seriò agere, si enim ipsum liberum esse velit, id in ejus arbitrio est & voluntate. *Manz. hic 20.*

Dico IV. Servum alienum utiliter testamentò tutorem dari sub conditione: *Si liber erit*; & hujus dationis effectus erit, quòd hæres intelligatur à testatore rogatus, ut si possit, servum emat, à domino, emptum manumittat, & hoc modo viam præbeat ad tutelam. *l. 10. §. 4. & §. fin. ff. de testament. tutel. contrà purè servus alienus inutiliter tutor datur: ratio, quia nemo servo libertatem concedere potest invito domino, ne cuiquam auferatur Jus suum, & nemo nisi dominus disponere de statu servi sui valeat.*

#### §. FURIOSIS 2.

Q. In hoc §. *An furiosus, vel minor 25. annis tutor testamento dari possit?* Ratio dubitandi consistit in §. 13. *Inst. de excusat. tut.* ubi dicitur: *incivile fore eos, qui alienò auxilio in rebus suis administrandis egere nescuntur, & ab aliis reguntur, aliorum tutelam, vel curam subire.*

Verùm hac ratione dubitandi non obstante R. Imperator furiosum, vel minorem testamentò tutorem rectè dari, & ita datum perinde haberi, ac si datus esset sub conditione vel die, quo nempe furiosus compos mentis, vel minor 25. annis major factus fuerit. Cessante enim causa prohibitionis & impedimenti, ne-

cesse est, ut ea ipsa prohibitio, impedimentumve cesset. *arg. l. 79. §. penult. & ult. ff. de legat. 3. & cap. 6. & de appellat.*

Sed quid interim faciendum? R. Interim alius à Magistratu tutor datur, qui definit statim, postquàm minor testamentò datus majorennis, vel furiosus sanæ mentis factus fuerit. §. I. *Inst. de attil. tut. l. 11. q. de testam. tut.*

Quod si minor ejus ætatis foret, ut evadere non posset majorennis ante pubertatem ejus, cui tutor datus est, forte quia minor est 16., pupillus verò novem annorum, tunc tutoris datio inutilis foret, & locus fieret non tutelæ dativæ, ita *Bachov. Vinn. & Ludwel. Inst. hic.*

Quæstio confurgit, an, si minor jam impetrasset veniam ætatis, an non saltem tunc poterit tutor esse ante complementum. 25. anni?

Dixeris quòd sic, quoniam major 25. annis potest esse tutor, sed minor post obtentam veniam ætatis habetur pro majore 25. annis? ergò poterit esse tutor. Sed tenendum contrarium. Ita *Haunold. de J. & J. tract. 4. c. 4. contrav. 2. n. 229. Inst. hic n. 1.*

Ratio: quia venia ætatis minoribus ad hoc solum conceditur, ut duntaxat de rebus propriis liberius possint disponere, non etiam, ut ad aliena negotia valeant accedere. *l. 2. Cod. de his. qui ven. ætat. impetr.*

Ratio melior & efficacior est hæc, quia ut quis possit esse tutor requiritur, ut bona ejus possint tacitè hypothecari pupillo *l. ult. Cod. de legit. tut.* bona enim tutorum ipso jure tacitè obligantur pupillo pro officio administrationis. *l. 2. de administ. tut.* atqui bona minorum etiam post obtentam veniam ætatis non obligantur hóc modò, sed ut taliter obligentur, necessaria est interpositio decre-

ti

ti iudicis. l. Cod. de his, qui vene. etas. ergò, &c.

Ad rationem dubitandi R. minorem, qui veniam ætatis obtinuit, non simpliciter & per omnia haberi pro majorenni, sed in certis casibus à lege expressis d. e. de his, qui ven. etat. concordat. N. Oe-neue Gerbabschaffts. Ordnung. tit. 16. §. 3. Wann. &c. i. e. Si Princeps territor. interrogato iudice veniam ætatis pupillo dederit ante id tempus; hic qui pupillus erat, non poterit jure, ante ætatem illam finienda tutela, de bonis suis immobilibus, vel de sorte pecuniaria, aut rebus pretiosioribus, si hujusmodi rebus facultates maxime consent, quicquam grandius, nisi prævia Judicis scientia, alienare aut sub pretextu remuneratoriæ donationis excutere.

#### §. AD CERTUM 3.

6 Tutor non tantum purè, sed etiam sub conditione, ad certum tempus vel ex certo tempore in testamento rectè datur; sub conditione hoc modò. Si *Cæsar Turcam vicerit, Titius tutor esto*. Ad certum tempus hunc in modum: *Titius tutor esto usque ad tres annos*. Ex certo tempore taliter: *Titius post annum à morte mea tutor esto*. Ratio hujus est, quia lex adeò confidit de paterno consilio, ut quò modò liberis suis prospexerit, ratam habeat ipsius voluntatem. Ut autem pupillus interea non maneat indefensus, pendente cōditione vel die succurrit illi Judex vel Magistratus, supplens factum testatoris, defectumque temporis, aut conditionis, tutorem interim aliò à se datò.

7 Dices: tutor legitimus & dativus neque sub conditione neque ad tempus, neque ex tempore dari potest l. 6. §. 1. ff. de tutel. ergò neque testamentarius. R. conc. ant. neg. cons.; ratio differentie est, quia tutela dativa & legitima sunt actus

legitimi, qui diem vel conditionem non recipiunt. L. 77. ff. de R. J.

Ratio alia, quia si pater testamentò sub conditione vel ex certo tempore tutorem dat, tunc potest Magistratus interea vel postea de alio tutore providere Treutl. vol. 1. disp. 8. th. 2. lit. 1. Si autem Magistratus sub conditione tutorem daret, nemo esset, qui defectum istum suppleret. Manz. & Harp. hic.

#### AD VERS. VEL ANTE.

Q. In hoc; an ante institutionem hæredis tutor dari possit?

Ratio dubitandi est, quia legata & tutelæ datio in multis æquiparantur; sed de jure antiquo legata ante hæredis institutionem fieri non poterant. §. 35. Inst. de legat. ergò.

Verum cum legata hodie & ante, & post hæredis institutionem relinqui possint, d. §. 35. Ideò & tutelæ datio & ante & post hæredis institutionem rectè fit.

#### §. CERTÆ 4.

8 Certæ rei vel causæ tutor dari non potest, v.g. hoc modò: *Titius Tutor esto fundi Tusculani, vel ejus litis, quam habeo cum Sempronio*. Ratio est in textu; quia tutor personæ datur, non rei; cum itaque persona divisionem non recipiat, consequenter neque bona, ut accessorium sequatur suum principale. Planè si pupilli utilitas exigit, ut tutor certæ causæ & rei detur, fortè quia pupillus patrimonium habet tam amplum, tam diffusum, atque dispersum, ut unus bonis omnibus administrandis non sufficiat, sustinetur datio, quæ unus negotiis hujus provinciæ, alter negotiis provinciæ alterius præponitur, quò ipso tamen casu non tam tutela, quàm administratio censetur divisa, l. 15. ff. de testam. tut. l. 27. ff. de tut. & curat. dat. Clariss. D. D. Franz.



*Franz. Inst. de tutel. n. 7. Brunnem. ad d. l. 15. ubi datio tutorum valet, quia unus rei Africanæ, alter rei Syriacæ, vel Romanæ datus est. Concordat. N. Oc. Gerhabschaffts-Ordnung. tit. 4. §. 3. Es Können ein &c. i.e. possunt unus, duo pluresve tutores dari, prout se habet substantia pupilli, vel res a se invicem longe sunt distatæ, &c.*

### §. SI QUIS FIN.

*Q. Quibus personis ex vi verborum censetur tutor testamento datus?*

9 *R. I. Si testator filiis, vel filiabus tutores dederit, præsumitur etiam posthumæ, vel posthumo dedisse. l. 5. de testam. tut. Ratio additur in textu: quia filii vel filia appellatione etiam posthumus & posthuma continentur, & posthumi in favorabilibus pro jam natis habentur. l. 7 ff. de stat. homin.*

10 *R. II. Si quis filiis tutorem dederit, nepotes non includuntur, ratio est in textu, &c. l. 6. ff. de testam. tut. aliter enim filii, aliter nepotes appellantur, filius enim ille dicitur, qui ex te & uxore tua natus est, nepos, qui ex filio tuo.*

*Dices: appellatione filiorum etiam nepotes continentur l. 201. ff. de V. S.*

*ergo &c. R. ant. procedere, si sit iusta ratio extendendi, & voluntas disponentis, vel æquitas id suadeat. Nostro autem casu non est iusta ratio recedendi à proprietate verbi; cum nepotes, si non habent tutorem à testatore, facile possint habere a lege, vel Magistratu. Manz. hic n. 4.*

*R. III. Si quis liberis suis tutorem dederit, nepotibus quoque dedisse intelligitur; quoniam liberorum appellatione etiam nepotes, & cæteri descendentes continentur. l. 220. ff. de V. S. Mynsing. num. 3.*

*R. IV. Si quis posteris tutorem dederit, tunc omnes indistincte liberi continentur. arg. l. 33. §. 1. ff. de legat. 4.*

*R. V. Si quis filiis tutorem dederit, filiabus quoque dedisse censetur, Masculinum enim comprehendit foemininum. l. 1. ff. de V. S. l. 116. ff. eod. Aliud longe afferendum, si filiabus tutor datus sit, hoc enim casu filii nequaquam comprehenduntur: siquidem exemplo pessimum foret foeminino vocabulo masculos contineri l. 45. ff. de legat. 2. quoniam veteres mollem & enervatum virum vocabulo foeminino nominarunt. Brunnem. in d. l. 45.*

## TITULUS XV.

### DE LEGITIMA AGNATORUM TUTELA.

#### SUMMARIA.

- 1 *Agnatus quis dicatur.*
  - 2 *Item quis cognatus?*
  - 3 *Agnationis & cognationis differentia hodie sublata est.*
  - 4 *Mulieres à tutela removentur.*
  - 5 *Mater potest esse tutrix.*
  - 6 *Tutela legitima, quando locum habeat.*
  - 7 *Agnatio quibus modis tollatur?*
- Kees ad Instituta.*

**D**icendum est, tres esse species tutelæ, testamentariam, legitimam, & dativam.

Hucusque dispeximus, quid sit testamentaria: sequitur, quid sit tutela legitima, quæ IV. sub se species continet, puta legitimam Agnatorum, Patronorum, Parentum, & fiduciarium tutelam.

R

Ad

## A D P R I N C I P.

Si nullus testamento tutor datus est, aut datus decesserit, lex XII. Tab. proximis agnatis tutelam impuberis defert: ratio est in L. 1. ff. de legat. tutel. ubi dicitur summa providentia statutum esse, ut qui sperarent successionis commodum, iidem tuerentur bona, ne dilapidarentur; & secundum naturam est, ut commoda sequantur eum, quem sequuntur incommoda. L. 10. ff. de R. J. concordat N. Oe. Neue Gerhabschaffis-Ordnung. tit. 3. §. 1. ubi commodum successionis privantur, qui sine justa causa legitimam tutelam in se suscipere detrectant. Und. da &c. i. e. Si nulla sufficienti causa se excusaverint, ipsis quoad personam, spes succedendi in hereditate pupilli erit preclusa; ad heredes tamen eorum nihil ex ea rependere tenentur.

## §. S U N T A U T E M I.

- 1 Agnati dicuntur, qui per virilis sexus cognationem conjuncti sunt, veluti frater ex eodem patre natus, fratris filius neposve ex eo. Item patruus patruelis, & ceteri omnes, qui eadem insignia, & eandem familiam nobiscum habent. Cognati sunt qui per foeminini sexus personas cognatione junguntur. v. g. filius sororis meae, filius amitae meae, item avunculus, frater uterinus & consobrinus.

Olim lex XII. Tab. solos agnatos ad tutelam vocabat, eo quod in delatione tutelae secuta sit eos, qui ab intestato hereditatem sperabant l. 73. ff. de R. J. atqui agnati in successione ab intestato excluderentur cognatos: ergo primo loco lex XII. Tab. eis tutelae onus deferebat.

- 3 Verum hodie omnis differentia agnationis & cognationis tam quoad successionem ab intestato, quam quoad tutelam sublata est, & tam agnati quam cognati

aequaliter non ad successionem duntaxat, sed ad tutelam admittuntur aut sicut hereditas. Cod. de legit. agnat. tutel.

Unde jure novo sine ullo discrimine agnationis & cognationis is, qui proximus est, sive cognatus sive agnatus sit, legitimus tutor est d. auth. hereditas & Nov. 118. cap. 5. Quod si plures sint agnati vel cognati ejusdem gradus omnes simul ad tutelam vocantur, l. 9. ff. de legit. tut. Si tamen tot forte agnati & cognati simul concurrant, ut non expediat à tam multis tutelam administrari, tunc Judex magis idoneo administrationem decernet, periculo tamen omnibus imminente qui ad tutelam vocati sunt, & bonis ipsorum tacite pro securitate administrationis obligatis. d. Nov. 118. cap. 5. Bruunem. tract. de tut. tit. 4. n. 18. Schneid. hist. hic. n. 19. Sed quod de periculo omnibus imminente dicitur, non putat observari jure nostro, nec eorum bona tacite obligari, qui non dati sunt tutores. Bruunemann. in d. auth. sicut hereditas.

Dices. Ex haftenus dictis sequitur, 4 quod ad tutelam etiam foeminae v. g. soror, amita, fratris filia admittendae sint, cum & haec agnatæ sint. R. Mulieres ex alio capite ab officio tutelae removeri: tametsi enim agnatæ aut cognatæ sint, ad tutelam tamen non admittuntur; quoniam officium tutoris publicum & virile est, mulieres autem ab omnibus officiis publicis abstinere debent. l. 2. ff. de R. J. & L. 1. Cod. quando mulier. Manz. n. 5. h.

Excipitur sola mater, quæ si velit, 5 admittitur ad tutelam legitimam libetorum suorum, exclusis omnibus à latere conjunctis. Nov. 22. cap. 40. Nov. 94. cap. 1. Tenetur tamen renunciare beneficio senatus consulti Vellejani & secundis nuptiis, suaque insuper obligare bona

3. *Cod. quand. mulier. tut. off. Clariss. D. D. Franz. Inst. h. t. n. 2. De jure Auriaco ita obtinet. Ist der Kinder &c. i. e. i liberorum mater naturalis adhuc vivit, an ipsi tutelam liberorum gerere volenti, et ulla suspitione gravata, debet ex veteri consuetudine, tutela deferri; ei tamen a iudice ipsam confirmante, semper adiunguntur unus aut duo idonei nec suspecti tutores & cognatis aliove loco, qui cum & tutelam administrabunt & rationes iniunt. N. Oe. Gerhabschffts. Ordnung. t. 3. §. 2.*

#### §. Q U O D A U T E M 2.

Q. hic, quando tutela legitime locum habet? R. si quis pater mortuus sit intestatus, qualis hic non ille duntaxat intelligitur, qui omnino non vel testamentum invalidum fecit, sed ille quoque, qui in testamento tutorem non dedit, vel si datus tutor mortuus, aut aliter inhabilis actus sit.

#### §. S E D A G N A T I O N I S F I N.

Q. In §. quibus modis jus agnationis, consequenter legitima tutela, quæ agnatis deferitur, finiatur, aut tollatur; R. quod agnatio (h. e. illa prærogativa, qua agnati præferuntur cognatis in successioibus & tutelis) qualibet capitis dimi-

nutione tollatur. Maxima & Media, quia per eam quis tollitur è numero civium Romanorum, adeoque redditur incapax civilis officii, quale est tutela. Minima v. g. arrogatione, emancipatione; quia mutatur familia, consequenter perditur jus agnationis, text. hic §. l. 7. ff. de capite diminut.

Cognatio minima capitis diminutione (an maxima vel media videbimus seqq. tit. §. 6.) non perimitur, ratio differentia est, quia agnatio est juris civilis, cognatio vero juris naturalis. L. 10. §. inter agnatos ff. de grad. Et capitis diminutio est etiam juris civilis. l. 8. ff. de capite diminut. quare agnatio utpote civilis per capitis diminutionem, pariter civilem tollitur: cognatio utpote naturalis non item, quia civilis ratio civilia quidem jura corrumpere potest, naturalia vero non etiam l. 8. ff. de R. J. Mynsing. §. pen. de cap. diminut.

Hodie postquam sublata est differentia inter agnatos, Nov. 118. cap. 5. §. sicut hereditas de legit. agnat. tutel. minima capitis diminutione tutela legitima non permittitur; adeoque frater emancipatus ad tutelam liberorum fratris sui haud aliter, quam ad successionem admittitur. Manz. num. 6. & 7. hic Harp. num. 5.

## TITULUS XVI

### DE CAPITIS DIMINUTIONE.

#### S U M M A R I A.

Capitis diminutio quid?  
Quotuplex sit?  
Quid sit maxima?  
Quid media?  
Quid minima?

6 Cognatio maxima & media capitis diminutione tollitur.

#### A D P R I N C I P.

**Q** In hoc principio, quid & quotuplex sit capitis diminutio?  
Ad L. R. Imperator, quod capitis diminutio

*minutio fit prioris status mutatio.* Ubi tamen sciendum, quod caput hic non accipiat, pro capite naturali, sed metaphorice pro statu seu conditione hominis. Unde Thomas Morus Angliæ Cancellarius dicere consuevit, *Capite quis minui potest, etiamsi non ledatur.* Cum vero status, sive conditio hominis sit qualitas personæ, consistens in tribus, ideo R. ad II. quod capitis diminutio triplex sit: *maxima, media, & minima.*

#### §. MAXIMA 1.

Maxima capitis diminutio est, quando quis amittat omnia tria, libertatem, civitatem, & familiam; quod fit, cum quis per sententiam capitalem ad mortem condemnatur, siquidem is servus pœnæ efficitur. Item quando major 20. annis ad participandum pretium se venditari passus sit, & quando libertus propter ingratitudinem condemnatur, & in servitutem redigitur. *bic.*

Hodie de jure novo dampnati ad ultimum supplicium pœnæ servi non efficiuntur. *Nov. 22. cap. 8. & auth. sed hodie de donat. inter vir. & uxorem.* Et tamen aliqui istam Novellam de eo duntaxat casu intelligant quo quis ad metallum, vel triremes condemnatus est: *Mynsing. bic. n. 1. & 2. Wesehb. n. 4. Gomez. ad leg. Taur. 4 n. 2.* magis tamen arridet eorum dogma, qui illam Novellam ad omnes indistincte damnatos extendunt, eo quod Novella generaliter his verbis sanciat: *Nullum ab initio bene natorum ex supplicio permittimus fieri servum.* *Confer. Hunn. ad Treutl. vol. 2. disp. 31. th. 6. q. 52. Harp. bic. n. 7. Carpz. quaest. 135. n. 4. ubi ait:* delinquentes ad mortem condemnatos, nequaquam servos pœnæ effici, nec facultatem contrahendi; testandi, aliaque jura civibus Romanis competentia amittere.

#### §. MINOR 2.

Media capitis diminutio est, quando 4 quis libertatem retinet, civitatem vero & familiam adimit; quod contingit illi, cui aqua & igni interdictum est, h. e. qui privabatur communione aquæ & ignis, quæ pœna vix non eadem cum pœna mortis fuit; horum enim elementorum usu in hac vita nemo carere potest.

#### §. MINIMA 3.

Minima capitis diminutio est, cum li- 5 bertas & civitas retinetur, familia autem mutatur, idque fit per arrogationem, ubi arrogatus, qui erat sui juris, alieno juri & potestati subjicitur. Item per emancipationem, quia hoc casu filius fit sui juris, incipiens habere propriam familiam.

#### §. SERVUS 4.

Servus manumissus è servitute capitis diminutionem non patitur, quia ante caput civile non habuit, sed id primo per manumissionem acquirit. *Manz. bic.*

#### §. QUIBUS AUTEM 5.

Q. *An constitutus in dignitate patiat, capitis diminutionem, si ea privetur, & dignitatem amittat?* R. *negative;* quia neque libertatem, neque civitatem, neque familiam amittit, ut sic non statum, sed dignitatem mutet.

#### §. QUOD AUTEM 6.

Diximus ad §. *sin. preced. tit.* quod cognatio omnis minima capitis diminutione non perimatur.

Q. *Hic, an maxima vel media solvatur?* & R. quod sic; jure enim civili non habetur ulla ratio cognationis in eo, qui coepit esse servus vel peregrinus. *Perez. I. ff. bic,* quoniam capitis diminutio maxima & media morti assimilatur. l. 63. §. ult.



*alt. ff. pro socio l. 209. ff. de R. J. Harp. n. 2. hic.*

Non obstant *l. 8. ff. de R. J.* ubi dicitur, jura sanguinis nullo jure civili dirimi aut immutari posse. R. Enim: jura sanguinis cognationis dupliciter accipi. I. *Naturaliter*, h. e. pro eo jure, in quo solo sanguinis conjunctio spectatur. II. *Pro jure quod cognatus propter cognationem jure civili desertur*. I. Sensu, si jus sanguinis accipiat, nullo jure civili dirimi aut immutari potest, ut ecce, jus civile efficere non potest, ut qui pater est, pater esse desinat, qui frater, desinat esse frater; ut nuptiæ inter patrem & filiam, fratrem & sororem consistant. II. Sensu acceptum jus cognationis potest certis personis adimi; ut ecce, jus civile potest efficere, ut filius patri, frater fratri certo casu non succedat, aut ad bonorum possessionem unde liberi, aut inde cognati, vocetur. Hæc enim jura, licet naturalia recte dicantur; quia nimirum

propter cognationem naturalem competunt: cum tamen inter cives tantum instituta sint, etiam ad jus civile suo modo referuntur *l. 17. §. 1. ff. de pen.* Unde fit, ut etiam civili constitutione, h. e. capitis diminutione permantur, ita solide discurret. *Vin. Inst. hic. 1.*

#### §. CUM AUTEM FIN.

Quid si plures sint agnati, ad quos pertinebit tutela? R. ad eos, qui proximiores sunt in gradu; naturale enim est, ut, qui emolumentis habent prælationem, sint & in oneribus sustinendis anteferendi.

Quod si plures ejusdem gradus sint agnati, ad omnes simul tutela pertinebit: ejus tamen administratio maxime idoneo à judice decernenda est; ita tamen, ut non eo minus ad reliquos spectet periculum tutelæ, si male administrantem removeri à tutela non curaverint. *Perez. Inst. hic. Harp. hic. n. 2.*

### TITULUS XI.

#### DE LEGITIMA PATRONORUM TUTELA.

##### SUMMARIA.

- 1 Quid sit legitima Patronorum tutela?
- 2 Unde descendat?

**D**ictum supra fuit, IV. esse species tutelæ legitimæ. Primam discussimus, subjicitur modo II. Species, quæ vocatur *legitima patronorum tutela*. Cujus casus est: si quis Dominus servum impuberem manumittat, & is tutore indigeat; tunc tutela non quidem ex

verbis, sed ex mente Legis desertur patrono, ejusque liberis, *Text. hic.* Dicitur ex mente Legis, quia in *L. XII. Tab.* nihil expresse, aut disertis verbis dispositum, cautumque fuit, adque adeo propter identitatem rationis, ob quam agnati ad tutelam vocantur, Patronus ejusque liberi ad tutelam libertorum constringuntur; cum ibi debeat esse tutelæ onus, ubi est successionis emolumentum. *l. 3. ff. de legit. tutel. §. l. 10. ff. d. R. J.*

TITULUS XVIII.

DE LEGITIMA PARENTUM TUTELA.

SUMMARIA.

- 1 *Casus legitima parentum tutela.*
- 2 *Introducitur ad exemplum patronorum tutela.*

**T**ertia legitimæ tutelæ species est *tutela Parentum*, pro qua figuratur iste casus: Pater filium suum impuberem emancipat, & emancipatus tutore opus habet. Unde Pater legitimus ejus tutor erit non ex verbis, neque ex mente Legis, sed ad exemplum patroni.

Dico I. *Non ex verbis*, quia lex XII.

*Tab. de agnatis duntaxat ait: Pater autem filio emancipato agnatus esse desinit, utpote agnatione per nimiam capitis diminutionem sublata. Harp. n. 2. hic.*

Dico II. *Neque ex mente Legis*, quia pater olim ad successionem liberorum emancipatorum non admittebatur, sicut patronus ad successionem liberti. *Manz. n. 5.*

Dico III. *Sed ad exemplum patroni:* 2  
pater enim qui emancipat filium comparari solet patrono manumittenti servum, §. 6. *Inst. quib. mod. Jus pat. potest sol. Harp. n. 1. hic.*

TITULUS XIX.

DE FIDUCIARIA TUTELA.

SUMMARIA.

- 1 *Tutela Fiduciaria cui deferatur; Illa ab usu recessit.*

**F**iduciaria tutela est, quæ deferatur I. patri in Filium suum impuberem ab avo emancipatum. II. Fratri in fratrem à Patre emancipatum. III. Patruo in Patrualem a fratre emancipatum. Jure

novo quia omnis differentia inter agnatos suos, & emancipatos quoad legitimas successiones & tutelas sublata est. *Nov. 118. cap. 5.* Nulla amplius est tutela fiduciaria, nulla parentum alia, quam agnatorum, sed una tutela legitima, ad quam cognati non minus, quam agnati admittuntur, eo gradu ac ordine, quo ad successionem. *Perez. & Schneid. hic.*

TITULUS XX.

DE ATTILIANO TUTORE, ET EO, QUI EX LEGE JULIA ET TITIA DABATUR.

SUMMARIA.

- 1 *Tutela dativa definitur.*

2. 3. 4. 5. & 6. *Quando locum habeat?*
- 7 *Qua veniant in inquisitionem tutoris?*
- 8 *Tutela datio est actus Jurisdictionis.*

CON-

## C O N N E X I O.

**P**ostquam lanci appendimus tutelam testamentariam & legitimam, sequatur tertia tutelæ species, quæ *dativa* seu *honoraria* appellatur, eamque definire possis, quod sit ea, quam Magistratus tutore testamentario & legitimo deficiente defert. à *Someting. Inst. hic n. 1.*

## A D P R I N C I P.

Q. Hic, quomodo prospectum sit pupillo, si pater ejus nullum ei in testamento tutorem assignaverit, vel si nullus ex consanguineis adsit? R. quod tunc pupillo a Magistratu tutor dativus *text. hic. concordat N. Oe. neue Gerhabschafft-Ordnung. tit. 4. § 1.* Olim tutores in urbe à prætore, in provinciis vero à Præsidibus dabantur. Hodie quilibet Magistratus vi suæ jurisdictionis tutorem dare potest. *Recess. Imper. de anno 1577. tit. 3.*

## §. S E D E T S I I.

De casu, quo nullum omnino tutorem habet pupillus, jam brevissime dictum est: sequitur modo, quid juris, in casu, quo ex testamento quidem tutorem habet, sed impeditum? R. tunc etiam tutorem dativum assignandum esse *text. hic.* Recensentur autem IV. casus, quibus tutor testamento datus tutor esse impeditur.

I. Casus est, si tutor testamento datus sit conditione, *juxta §. 3. Inst. qui testam. tut. dar. pot.* Hoc casu ne pupillus maneat indefensus, alius interim ei tutor à Magistratu constituitur. Sed cur legitimus non admittitur? R. Ideo, quia quamdiu tutela testamentaria speratur, legitimæ non est locus. *l. 11. ff. de testament. Manz. n. 4.*

II. Casus est, si tutor in testamento datus sit ex certo die: puta, ut post bien-

nium tutor sit. Hoc in casu medio tempore, dum transit biennium dativus tutor substituitur; ratio est eadem, ne pupillus interim indefensus, & multorum insidiis expositus maneat. *l. 8. §. 1. de testam. tutel. Harp. hic n. 1.*

III. Casus est, quo tutor testamento datus ideo tutor esse non potest, quia hæres institutus diu non adit hæreditatem, sed deliberat, num adire velit, nec ne? Hoc in casu interea pupillo datur tutor dativus, qui definit esse tutor, si postea hæres hæreditatem adierit. *Manz. num. 5. S. bneidevv. n. 3.*

## §. A B H O S T I B U S 2.

IV. Casus est, si tutor testamento datus captus est ab hostibus, tunc enim, donec ex captivitate revertatur, medio tempore alius à Magistratu tutor surrogatur, qui tutor esse definit, si captivus in civitatem reversus fuerit, quo in casu omnia jura, adeoque etiam tutelam jure postliminii recipit. *§. 5. Inst. quib. mod. pat. potest. solv.*

## §. S E D E X H I S.

Dictum est olim jus dandi. Si tutorem in urbe pertinuisse ad Prætores; in provinciis vero ad Præsides, idque ex constitutione Legis Attiliæ, & Legis Juliæ, & Titæ. Jam *Imperator* hic explicat secundum jus seu tempus, quo licentia dandi tutores pertinet ad Consules ad Prætores, qui tutores non simpliciter sicuti ex Lege Attiliæ, & Legis Juliæ, dabantur, constituerunt, sed I. debebant cautionem præstare rem pupilli salvam fore. II. Poterant compelli, puta remediis Prætoris, multa, auctoritate Prætoris ad suscipiendam tutelæ administrationem; quæ duo capita de jure primo non obtinebant, *juxta Manz. hic. Harp. n. 3.*

Porro

Porro tutores dativi, ait textus, cum inquisitione dari solent.

7 Q. Quid veniat in inquisitionem? R. à Magistratu IV. inquirenda esse I An tutor dandus sit vir bonus, honestus, & integræ ac probatæ vitæ? Tutor primario datur personæ; ne proinde pupillus malis moribus imbuatur, bonus ei tutor dandus erit: trahuntur enim, ait Seneca, à conversantibus mores.

II. An sit locuples, ne detur occasio grassandi in bona pupilli.

III. An se ipsum intrudat, qualis suspectus est, l. 21. §. fin. de curat. dat.

IV. An tutelam pecunia ambierit, qui longe magis foret suspectus. d. l. 31. Vinn. Inst. hic. Manz. n. 6. Concordat Jus Austriacum loc. cit. §. 2. Die Tauglichkeit &c. i.e. An tutor sit idoneus, id ex eo aestimatur, si sit vir honestus, intelligens, integer, & quantum obtineri poterit, locuples, fundos possidens, judici qui eum constituit, tutelæ saltem ratione subjectus; si a judice superioris instantiæ dependeat, huic beneficio, saltem quoad hoc negotium renunciet: maxime autem nullus admittatur qui seipsum intrudere voluerit, quive pupillo ob eas grande sit obstrictus,

Dic es. Tutores ex inquisitione dati cautione non onerantur, quia inquisitio loco cautionis est, l. 12. ff. de tutel. & curat. ergo male hic de cautione exigenda à tutoribus subjicitur. R. Tutores ex inquisitione datos quidem onerari cautione fidejussoria bene vero illa, quæ per nudam stipulationem, qua rem pupilli salvam fore promittunt, perficitur. Schamb. vers. dices hic.

§. SED HOC JURE 4. ET §. NOS AUTEM 5.

Quandoquidem hodie tutoris datio 8 est jurisdictionis ordinariæ h. e. quilibet Magistratus tutorem dare potest & debet hoc ipso, quod Magistratus sit, ord. polit. de anno 577. tit. 32. Ideo operam ludunt, qui circa hos duos §. §. diu se detinent.

§. IMPUBERES 6.

Reddit Imperator hic rationem; quare tutela introducta sit, ideo nimirum, quia naturali juri ac rationi conveniens est, ut, qui perfectæ ætatis non sunt, alterius tutela regantur. Ex quo sua sponte fluit, tutelam saltem quoad originem juris naturalis esse. Harp. hic. d. 2. & 4. Vinn. hic.

§. CUM ERGO FIN.

Q. Hic, ad quid teneantur tutores? R. Imperator, quod finita tutela suæ administrationis teneantur rationes reddere. L. 1. §. ult. & l. 4. ff. de tut. & rat. dist.

Dixi finita tutelam, ubi observa; quod licet de jure communi a tutoribus, non nisi tutela finita, rationes suæ administrationis exigi possint, de jure tamen Austriaco tutores singulis annis etiam non moniti, suæ administrationis Magistratui, cujus jurisdictioni pupillus subjectus est, reddere tenentur, nisi pater pupilli per ultimam voluntatem eos ab onere rationum exemerit. N. Oe. Gerhabschaffts-Ordnung. tit. 7. §. 1. quæ constitutio utique magna ratione nritur, ut nimirum tutores, qui male administrant, quantocyus removeantur.



**T I T U L U S   X X I .**

# DE A U T H O R I T A T E T U T O R U M

## S U M M A R I A.

*Tutor non debet prius administrationem suscipere, quam ei à Magistratu decreta sit.*

*Inventarium conficere tenetur.*

*Idem idoneam cautionem prestare.*

*Nec non sollicitam curam pupillorum gerere.*

**Tutor res pupillares, & quales alienare possit?**

Reservando servabilis que dicantur ?

*In quibus causis auctoritas tutoris necessaria sit?*

*Si pupillus sine auctoritate tutoris contrahit, contractus dicitur claudicare.*

*An tutor honorarius pupillo auctor fieri possit? solvuntur argumenta contraria.*

○ *An pupillus sine tutoris auctoritate possit adire hereditatem?*

1 *Et quid si hereditas sit opulenta?*

2 Quando tutoris auctoritas adesse debeat?

rium non antè suscipiat, quàm à Magilstratu eidem decreta fuerit. *Ord. Imper. polit. de anno 1577. tit. 32. §. 1. Struv. ad Pand. exercit. 30. lib. 29. Concordat Jus Austriac. loc. cit. tit. 10. §. 1. Et hat. Etc. i. e. nemo se tutelæ antè immisceat quàm ei judex litteris aliove modo mandaverit.*

II. Requiritur, ut post decretum in-  
terpositum decurrat protinus ad confe-  
ctionem inventarii, *d. ord. Imper. polit.*  
*§. 3. concordat jus Austria loc. cit. tit. 8.*  
*§. 2. Ist er Sc. Q. Tutor est primus, debet*  
*statim a iudice inventarium seu fidelem ac-*  
*curatamque universæ pupilli substantiæ de-*  
*scriptionem confici curare, rerum sc. tam*  
*mobiliū quàm immobiliū, ut hac ra-*  
*tiones res pupillares suscipiat. Et hæc con-*  
*fectio inventarii adeò est necessaria, ut*  
*tametsi defunctus per ultimam volunta-*  
*tem eam fieri prohibuerit, nihilominus*  
*non debeat omitti; imò omittens, tan-*  
*quam suspectus à tutela removendus sit,*  
*d. const. Aust. §. 6. § 7.*

III. Ut idoneam cautionem præstet,  
rem pupilli salvam fore, &

IV. Ut juramentum præstet : quòd utilitati pupilli omni meliori modò providere , & tutelam fideliter administrare velit. *d. ord. Imp. polit. §. 3.*

De jure Austriaco, qui bona habent immobilia, neque cautionem, neque juramentum ratione tutelæ fideliter gerendæ præstant, secus illi, qui nulla habent in Austria bona immobilia. *N. Oe. Gerbabschaffts-Ordnung.* tit. 7. §. 3.

V. Ad officium tutoris requiritur, ut sollicitam pupillorum curam agat, eos paterno affectu prosequatur, ab injuria

C O N N E X I O.

**S** Actis de tutela in genere & specie :  
tempus est , ut de officio tutorum  
tractemus , quod præcipuè consistit in  
tæstatione authoritatis , de qua , prius-  
quam agamus , lubeat hic in vestibulo  
aliqua , quæ etiam ad tutoris officium  
pertinent enumerare , ubi missò jure an-  
tiquo , videbimus , quid jure novissimo  
imperii & Austriæ nostræ ad tutoris offi-  
cium desideretur.

Requiritur autem I. ut tutor, quisque ille sit, *testamentarius, legitimus* sive *datus* administrationem rerum pupilla.

***Kees ad Instituta.***

defendat, & in disciplina, timoreque Domini educet. Præterea alimenta pro conditione statûs iisdem decernat, facultates à parentibus relictas illis conservet & augeat potius, quam consumat. Denique id omne faciat, quod exigit officium boni & probati viri. Quemadmodum enim sacræ paginæ multa in favorem orphanorum decernunt, ita gravissima comminantur illis, qui pupillos lædere, vel contemnere perperam ausi fuerint. *Vidua* & *pupillo*, inquit Dominus *Exod. 22. non nocebitis, si læseritis eos, vociferabuntur ad me, & ego audiam, percutiamque vos gladio, & erunt uxores vestra vidua, & Filii vestri pupilli.* Tam grave nimirum & periculosum est officium tutorum, ut *Tholosan. Syntag. Jur. lib. 11. cap. 6. n. 1. disertè proloquatur*, eos, qui memoriam Dei habent, difficulter ad tutelam accedere. Confer. *Illustriß. L. B. & Nob. D. ab Andlern. Jurisprud. quæ public. privat. lib. 2. tit. 1. p. 1. n. 9. & 10.*

5 Q. I. *An tutor res pupillares alienare possit?* R. adminiculò distinctionis; vel enim res sunt mobiles vel immobiles. Res immobiles tutor alienare non potest, nisi iusta causa subsit, & solenne decretum iudicis, nec non causæ cognitio interveniat, *l. 6. l. 12. l. ult. Cod. de prad. & aliis reb. minor. Clariss. D. D. Franz. Inst. b. t. §. 4. n. 6. concordat jus Austr. loc. cit. tit. 11. §. 2. Wie sie dann &c. i. e. Igitur nullam rem pupilli immobilem aut fundum, nisi iudice cognoscente ac consentiente vendere, aliove modo qualicumque alienare non possunt, nisi &c.*

6 Res mobiles sunt vel servando servabiles, v. g. aurum, argentum, gemma, monilia, torques, bibliotheca &c. vel servando non servabiles, puta, vestes, frumentum, vinum, oleum, &c. Res prioris generis tutor alienare non potest sine decreto iudicis, *l. 22. Cod. de administ. tut.*

*Brunnem. ibid. Res posterioris generis tutor liberè alienat. d. l. 22. N. Oe. neue Gerhabtscauffes-Ordnung. loc. cit. §. 3. & §. 4.*

Hæc sufficiant de officio tutoris: sequitur de Præstatione authoritatis, quæ nihil est aliud, quam *approbatio ejus, quod cum pupillo geritur*, *Perez Inst. hic*: sive est vis illa, ac potestas, quam tutores habent in persona pupilli, ejusque rebus administrandis, ut pupillus nihil agere possit, nisi tutore authore, sine quo nec velle nec nolle habere dicitur. *L. 189. ff. de R. J.*

Q. Hic in principio, in quibus causis & negotiis authoritas tutoris necessaria sit vel non sit? Justinianus, in quibusdam causis necessarium esse, in quibusdam vero non.

Necessaria non est pupillo authoritas tutoris in iis causis, in quibus pupillus conditionem suam meliorem facit. *text. hic. Ratio*, quia, cum pupillus sit liber & actuum civilium capax, idè in ejusmodi causis intellectus ipsius, licet imperfectior, habetur pro pleno & perfecto, ne, quod in favorem & commodum pupilli introductum est, in ipsius perniciem convertatur; cum alias ætas in damnis faciat minoribus subvenire non obesse in rebus prospere gestis. *l. 14. Cod. de Procurat. Perez in Cod. de auth. & conf. tut. n. 5. Struv. Exerc. 31. th. 43. Unde*

Colliges, posse pupillum sine tutoris authoritate stipulari, ut sibi aliquid detur, *text. hic. remittatur*, quod debet. *l. 2. ff. de accept. donetur l. 9. ff. de auth. & conf. tut. ratio*, quia per istas causas conditionem suam meliorem facit; concordat jus Austr. *loc. cit. tit. 14. §. ult. Was aber &c. i. e. Quod vero pupillo libere, nulloque gravi incommodo dabitur, id poterit ille, absque tutoris consensu valide legitimeque accipere.*

Necessaria autem est Pupillo tutoris autho-

*authoritas in causis*, in quibus pupillus suam causam fecit deteriore. *text. hic* § 1. 28. ff. de p<sup>ro</sup>cur. ratio non est alia, nisi favor pupilli, & infirmitas pupillaris ætatis, cui jura omni meliori modo provident, ne detrimentum capiat. *Minz. n. 1. Harp. n. 3.* Deteriorem vero suam conditionem pupillus facere dicitur, quoties de eo obligando, vel rebus ejus alienandis agitur. *Schamb. Inst. hic.* Unde

*Colliges*, pupillum non posse se solo celebrare contractum v. g. *emere, vendere, locare, conducere, societatem coire, aut alio quocunque modo rem alienare aut distrabere*, &c. ratio horum omnium est, quia tales causæ sunt, ut exinde pupilli conditio reddi possit deterior. *Schneid. n. 8.* § communiter omnes, concordat *jus Aust. loc. cit. tit. 14. §. 1. per tot.*

Dices: pupillus, qui doli capax est, obligatur ex delicto tam civiliter, quam naturaliter, sine autoritate tutoris, ergo etiam ex contractu. *R. negando conf.* Disparitas est, quia delicta impunita manere non debent, neque quis ob ætatem sperare debet impunitatem. *l. impunitas Cod. de pen. ne pupillo detur occasio delinquendi.*

*Urges*: Pupillus obligatur tutori naturaliter & civiliter: tenetur enim actione tutelæ contraria; ergo etiam aliis ita obligatur. *R. nego consequ.* quia prius in commodum ipsorum pupillorum, ut tutores libentius res eorum administrarent, ex legis fit dispositione. *Schamb. Inst. hic.*

#### AD VERS. UNDE.

8 Quid si defacto pupillus sine tutoris autoritate contraxerit, & contractum ultro, citroque obligatorium inierit? v. g. aliquid vendiderit, locaverit? *R. Imperator*, quod tunc, licet alias sit regula, quod contractus claudicare nequeat. *l. 1. ff. de rescind. vend.* Hoc tamen casu ex

uno tantum latere constet, & alter qui cum pupillo contraxit, obligetur, pupillus vero non obligetur, ac proinde contractus claudicat, & hoc favore ætatis pupillaris. Alter vero sibi debet imputare, quod cum pupillo contraxerit, qui scivit, vel scire debuit, pupillum non obligari, *Minz. n. 6.*

Dices: ergo nec pupillus rem venditam poterit repetere, & pretium non tenetur restituere? *R. vel pupillus ex pretio factus est locupletior vel non.* Si prius, emptor pupillum tamdiu per exceptionem doli repellit, donec pretium restituatur; non enim debet pupillus velle locupletari cum alterius jactura contra *l. 209. ff. de R. J. § cap. 48. de R. J. in 6.*

Si ex pretio non est factus locupletior, sed illud perdiderit, aus inutiliter expenderit, emptor tenetur rem venditam pupillo sine refusione pretii restituere. *Schneid. Inst. hic n. 10. Concord. Jus Aust. loc. cit. tit. 4. §. 2. Wann der E. c. i. e. Si pupillus pignus aut pretium rei vendite, aliquamve pecuniam seu quantitatem acceperit, idque inutiliter expenderit, amiserit aut male verterit, non tenebitur pecuniam acceptam refundere.*

Q. II. An tutor honorarius, qualis ille dicitur, qui sine administratione constitutus est, ad hoc, ut tutoris administrantis observator, & inspector sit, pupillo fieri auctor possit? *R. reperiri hoc in passu duos textus, qui inter se vehementer colliduntur.*

I. Est in *l. 49. ff. de acq. vel annit. hered.* his verbis: *Pupillus etiam eo tutore auctore, qui tutelam non gerit, hereditatem adeundo obligatur.* Alter est in *l. 4. ff. h. t. Si tutor auctoretur, cui administratio tutela concessa non est, id ratum a Pratore haberi non debet.*

Varii variè istos textus sibi invicem desponsant. Mihi arridet illa solutio, quæ

distinguit, an tutori honorario administratio tutelæ negata seu interdicta sit, necne? Priori casu procedit. *lib. 4. cui suffragatur l. 4. §. 1. ff. de solut. ubi tutori cui interdicta est administratio, non recte solvitur. Posteriori casu locum habet d. l. 49. Ita Braum. tract. de tutel. tit. 8. §. 6. & 7. Aliter rem explicat. Bachov. & Treult. vol. 2. disp. 12. th. 12. lit. A. B. & C.*

10 Q. III. *An Pupillus sine auctoritate tutoris obligetur saltem naturaliter?* Fumosa & famosa est hæc controversia, anxie non minus a JCtis, quam a Theologis agitata, in qua, ne illotis, ut ajunt, manibus procedamus,

Præmitto I. Certum esse, quod pupillus, in quantum ex contractu aliquo factus est locupletior, obligetur *naturaliter & civiliter*. Naturaliter, quia natura æquum est, neminem cum alterius detrimento fieri locupletiores: *l. 206. ff. de R. J.* Idque corroboratur per *l. 13. §. 1. & l. 14. ff. de condict. indeb.* Civiliter, quia pupillus sine tutoris auctoritate contrahens & locupletior effectus efficaciter potest conveniri in foro civili. *l. 5. ff. h. t. ergo obligatur non tantum naturaliter, sed etiam civiliter; cum sola obligatio naturaliter de jure nostro tam efficax non sit, ut actionem generet. Ita Glettle tractat. de pact. cap. 4. §. 2. n. 8. Schamb. Inst. hic. Schneid. n. 13. Harp. n. 30. hic.*

Præmitto II. Certum etiam esse, quod possit princeps ex justa causa voluntatem subditorum ita inhabilitare, ut quantumvis se obligare velint, id nequeant tamen efficere. Sic defacto videmus, quod Concilium Tridentinum clandestina matrimonia ita inhabilitaverit, ut, licet partes in vinculum matrimonii consenserint, nulla tamen neque naturalis, neque civilis nascatur obligatio, prætere, voluntas prodigiata est inhabilita-

ta à Lege, ut neque naturaliter obligetur. *l. 6. ff. de V. O.* Ratio hujus potentie est; quia omnis illa potestas legislatori concedi debet, quæ negata is non posset felicitari reipub. sufficienter consulere, atque mala communi bono multum adversa è reipub. eliminare, sed negata potestate ita inhabilitandi subditorum voluntates, ut neque naturalis obligatio exinde oriatur, princeps non possit felicitati reipub. sufficienter consulere; ergo &c.

Præmitto III. In pupillo duplicem obligationem naturalem considerari posse, unam veram, & alteram fictam. Vera dicitur, quæ naturaliter obligat ipsum pupillum. Ficta quæ facta relatione ad personam pupilli perinde se habet, ac si non esset. Habito vero respectu ad personam tertii, fingitur in ordine ad certos effectus in pupillo existere, v. g. *fac pro pupillo promittente aliquid intervenisse fidejussorem.* Hoc in casu pupillus obligatur naturaliter, non vere, quasi ipse pupillus adimplere promissum teneretur, sed fictè, ut nimirum tertius, id est, fidejussor obligetur. Ita solidissime discurret Glettle loc. cit. n. 7. his prælibatis,

Ad propositam controversiam, pupillum sine tutoris auctoritate contrahentem, non obligari obligatione naturali vera, sed solummodo ficta. Ita Glettle loc. cit. n. 3. Hunn. ad Treutl. vol. 1. disp. 6. th. 5. lit. B. Bachov. ib.

Dissent. Zoës. ff. de obligat. & act. n. 48. Harp. Inst. hic n. 29. Arumæ exercit. 3. th. 3. 13. Obtingensp. Inst. h. tit. quest. 6.

Prima sententia argumentis nititur haud contemnendis.

I. Desumitur ex *l. 59. de O. & A.* his verbis: *Pupillus mutuum pecuniam accipiendo ne quidem Jure naturali obligatur.* Idem probat *l. 41. ff. de condict. indeb.* *Pupillus sine auctoritate tutoris stipulanti promit-*



*promittendo & solvendo repetitionem habet, quia nec natura debet.*

II. Depromitur ex *d. l. 41. & l. 29. ff. eod.* ubi dicitur, quod pupillus soluti habeat repetitionem; ergo naturaliter non obligatur, naturaliter enim debita, si solvantur, repeti non possunt. *l. 10. ff. de O. & A. l. 16. §. 4. ff. de fidejuss.*

III. Sic adorno. Certum est & indubium, jura voluisse Pupillis omni meliori modo providere, & eorum indemnitati consulere; atqui si pupillus non debito modo contrahendo obligaretur naturaliter, parum jura ejus indemnitati proderent: quid enim juvaret pupillos, si foro civili obligatos non esse, ex conscientia tamen teneri ad implendam contractus Legem? Quid obsecro, iis profuturum existimas, actione civili non posse impetiri, posse tamen compelli per denuntiationes Evangelicas: ne ergo uberimus & profusissimus legum favor, qui bique luculenter emicat, restringatur, videndum omnino erit, pupillum ex contractu, sine auctore tutore inito, ullatenus obligari.

Non obstat I. Quod ad obligationem naturalem nihil requiratur, quam serius deliberatus consensus; talem verò esse à pupillo elici; ergo. *R.* enim non valemusque consensum sufficere adroducendam obligationem naturalem; potest enim etiam prodigus elicere consensum, sed debet talis esse consensus qui Lege non sit irritatus & inhabilitatus.

Dices: Lex non potuit irritare consensum, & obligationem exinde descendentem, quia alias immutaret Jus naturæ, quoad ad obligationem naturalem aliud nihil desiderat, quam serium & liberatum consensum. *R.* Quod jus naturæ non positivè & absolute velit, ut omnis planè deliberatus consensus obligationis naturalis sit, & debeat esse pro-

ductivus, sed ille duntaxat, qui procedit à tali voluntate, quæ Lege positivà non sit inhabilitata; quod autem in pupillis illa voluntas inhabilitari potuerit, habetur ex præmissis. *Verf. Premitto 2.*

Non obstat. II. *l. 8. §. 6. ff. de fidejuss. & l. 127. ff. de V. O.* Ubi fidejussor pro pupillo sine auctoritate tutoris aliquid promittente se obligans tenetur; ergo signum est, quod pupillus naturaliter saltem obligetur, quoniam ubi nulla penitus est obligatio, ibi non tenet fidejussio. Siquidem *R. dist. cons.* ergo signum est, quod pupillus obligetur obligatione naturali fictà, *conc. verà, nego conseq.* Non eo sensu in *dd. l.* pupillus naturaliter obligatus esse intelligitur, quasi teneretur de jure naturæ solvere vel præstare, quod promisit; sed, ut fidejussor tanquam tertius interveniens verè & effective obligetur, qui sibi imputare debet quod fidejusserit pro tali, quem scire debuisset obligari non posse, *Glettle loc. cit.* ubi plures alias leges eadem distinctione resolvit; & idem, quod de pupillo diximus, statuit procedere in minore, sine curatore suo contrahente, ut nec iste naturaliter obligetur, si locupletior ex contractu factus non sit. *per l. 3. Cod. de in integ. restit.* ubi minor comparatur prodigo; atqui prodigus sine curatore suo contrahens non obligatur naturaliter *l. 6. ff. de V. O.* ergo neque minor.

Non refragatur *l. 101. ff. de V. O.* ubi in hæc verba disertè rescribitur: *puberes ex stipulatu sine curatoribus suis possint obligari.* Siquidem *d. l. 101.* restringenda est ad illas obligationes, quæ personam concernunt, non verò præstationem aut alienationem rei, ut sensus sit: minor se obligare potest sine curatore suo ad præstandam operam personalem, v. g. *pingendam tabulam, scribendas litteras;* Item obligatione sponsalitia ad nuptias &c. *Cu-*

rator enim datur rei non persone. Porro quomodo & quando pupillus vel minor ex delicto obligetur, non hujus est loci excutere. Vide *Schneid. Inst. h. t. n. 15. Carpzov. pract. crimin. p. 3. q. 143. n. 48. Menoch. de arbitrar. Jud. lib. 2. cas. 32. Gomez. var. resolut. lib. 3. cap. num. 57. Et seqq.*

### §. NEQUE TAMEN I.

*Q. In hoc §. utrum pupillus sine tutoris autoritate hæreditatem adire, vel bonorum possessionem petere, vel hæreditatem ex fideicommissio suscipere possit?*

Ratio dubitandi est, quia pupillus hæreditatem adeundo videtur reddere suam conditionem meliorem, quod fieri potest sine autoritate tutoris.

Verum hæc dubitandi ratione non obstante deciditur hic, quod neque hæreditatem adire, neque bonorum possessionem petere, neque hæreditatem ex fideicommissio suscipere possit, nisi cum autoritate tutoris. Ratio fundamentalis hæc est: quia pupillus nullum tale negotium se solo gerere potest, ex quo obligatur; atqui hæres adeundo hæreditatem obligatur legatariis & omnibus creditoribus hæreditariis. §. 6. *Inst. de oblig. que ex quasi cont. nasc. ergo* pupillus se solo non potest adire hæreditatem.

*11 Sed quid si hæreditas sit lucrosa & opulenta? Adhuc tutoris autoritas interveniat, necesse est; ratio, tametsi enim hæreditas quandoque lucrosa appareat, effectum tamen damnosa esse poterit propter latens fortè æs alienum, sæpè enim contingit, ut plus sperent homines facultatibus, quàm in his est. §. 8. *Inst. quibus ex caus. manumitt. non licet. Schneid. n. 2. hic.**

Sed quid in supposito, quod certò constet hæreditatem lucrosam esse, & non periculosam? Adhuc tutoris autho-

ritas necessaria erit, eò quod pupillo semper illa necessaria sit, quoties pupillus suam conditionem redderet deterio-rem; atqui adeundo hæreditatem pupillus redderet suam conditionem deterio-rem, tunc enim dicitur reddere conditionem suam deterio-rem, si de obligando pupillo agitur, prout fit per aditionem hæreditatis. *d. §. 6. Ergò &c. Sanè siingas hæreditatem talem esse, ut præcisè merum lucrum contineat, nec adsint creditores, legatarii, negotia, offensa, aut alia quæcunque onera, id totum per accidens est, & nos hæreditatem, [ut ait Bachov. *Inst. hic,*] qualis esse solet, non qualis est ex rarissimo accidenti, consideramus.*

Dices. Si pupillus contrahit sine tutore autorante, tunc juxta dicta contractus claudicat; ergò etiam in aditione quasi contractus claudicabit, & per consequens pupilli conditio non redditur deterior. *R. in aditione quasi contractum claudicare non posse, quoniam hæreditas quoad commoda & incommoda, est individua. Ratio alia est, quia contrahenti imputari potest, quod cum pupillo contraxerit tutore non præsentem; creditoribus autem hæreditariis nihil simile imputari potest, qui cum defuncto contraxerunt, quem cum hæres repræsentet, jam non pro pupillo, sed pro defuncto, & loco ejus habetur. Manz. n. 5. hic.*

### §. TUTOR. 2.

*Q. hic, quando Et quomodo tutoris autoritas interponenda sit? R. Imperator, in ipso negotio, dum actus cum pupillo geritur, interponi debere, quæ enim sunt solennitates in ipso actu adhibeantur necesse est. cap. auditis 29. Et de elect. pot. Unde*

*Infertur per nuntium, per epistolam, item*

tem ex intervallo auctoritatem tutoris minus recte interponi; quæ enim de forma desiderantur, per æquipollens non adimplentur. *l. 1. §. 1. ff. de V. O. Harp. n. 4. & §. Manz. n. 6.*

Hodie hæc scrupulositas in considerationem non trahitur, sed potest tutor & ante & post negotium, per nuntium, sive per epistolam, imò & ex intervallo auctoritatem suam interponere. *Vinn. Inst. hic Struv. Exercit. 31. sb. 42. Braun. tract. de tutel. tit. 8. n. 43.*

### §. SI INTER FIN.

Ex isto §. possis colligere, quid juris, si pupillus cum tutore litem aliudve ne-

gotium habeat. Nimirum debet pupillo tutoris loco curator constitui, qui litem, negotiumque gerat: nemo enim in rem suam auctor esse debet. Iste autem curator, lite finita, vel negotio peracto curator esse desinit: cessante enim causa cessat effectus, & limitata causa præducit limitatum effectum, nec non, quæ ob causam dantur, ab eadem moderantur. *l. 37. Cod. de inoff. test. Schamb. Manz. Schneid. hic.*

Dices: Cur non dabitur interea tutor à Magistratu? R. quia tutor tutorem habenti, non datur. §. *Inst. de curat. d. d. aut.*

## TITULUS XXII.

### QUIBUS MODIS TUTELA FINITUR.

#### SUMMARIA.

- 1 De jure communi per pubertatem expirat tutela.
- 2 Quomodo expiret de jure Austriaco?
- 3 Condicio suspensiva, & resolutive quid sit.
- 4 Per nuptias in Austria finitur tutela.
- 5 Venia ætatis quando impetretur?
- 6 Quid illa operetur?

#### CONTINUATIO.

**H**ucusque vidimus, quomodo tutela introducatur, tutores constituentur, & auctoritas præstetur; videntum modò est, quomodo tutela finitur, & potestas tutoris iterum dissolvatur: nihil enim est in rerum natura perpetuum. *l. 2. §. 18. Cod. de vet. Jur. enucl.*

#### AD PRINCIP.

- 1 Finitur tutela I. pubertate, quæ in masculo incipit transacto XIV. anno, in foemina post XII. Olim pubertatem æsti-

marunt ex habitu corporis, sive ex inhonesta inspectione oculari habitudinis corporis circa pudenda.

Verum cum hoc castitati & pudicitie contrarium fuerit, flagitii enim (inquit Cicero *lib. 4. Tuscul. in fine*) principium, nudare inter ævores corpora: ideo Imperator hoc emendavit, disposuitque, ut Masculus post XIV. foemina post XII. annum pubescerent; foemina autem magis propriè viripotens, quam pubes fieri dicitur, *Schamb. Inst. hic.*

De jure Austriaco tutela tunc demum finitur, si masculus XXII. foemina XX. ætatis suæ annum adimpleverit. *N. Oe. neue Gerhabchaffts-Ordnung. tit. 16. §. 2. Waen. der Pupill. &c. i. e. ubi pupillus 22. pupilla 20. ætatis annum adimplevit, non debent tamen eis quorum mores prodigi aut inordinati animadvertuntur, bona statim permitti; sed res judici prius est deferenda atque hujus mandato subjicienda.*

#### §. ITEM

## §. I T E M F I N I T U R

II. Finitur tutela arrogatione, quando pupillus cum consensu tutoris arrogatur, tunc enim subicitur potestati arrogatoris, & nemo potest existere in duplici potestate.

III. Deportatione pupilli, quia censetur civiliter mortuus, indignus, cui Jus Romanorum utiliter prospiciat.

IV. Servitute, si pupillus libertus propter ingratitudinem, *tutela enim est vis atque potestas in capite libero*, quale servus non est.

V. Captivitate pupilli, quia captivi servi hostium fiunt; servus autem, utpote caput non liberum, sub tutela non potest existere.

## §. S E D E S T I. 2.

VI. Tutela finitur existentia conditionis, puta: *si testator usque ad certam conditionem tutorem dederit* v. g. donec *Titius Consul factus fuerit*, tunc existente hac conditione tutor talis esse desinit, data enim sub conditione, existentem conditione desinunt. *Manz. n. 2. hic* & limitata causa limitatum restrictumve producit effectum. *Harp. n. 4.*

Dixi notanter, *si testator*, quia Magistratus, vel iudex tutorem sub conditione dare non potest, quoniam tutela dativa est actus legitimus, qui conditionem non recipit. *l. 77. ff. de R. J. Manz. n. 2.*

Dices: conditionalia ex eventu conditionis pendent. *cap. 5. §. de condit. appof. & l. 41. ff. de condit. & demonstrat.* quomodo ergo textus innuere potest, quod tutor existente conditione tali esse desinat; cum potius dicendum videatur, quod conditione existente primum tutor esse incipiat?

Pro solutione hujus dubii notandum est, conditionem esse duplicem, *suspensivam & resolutivam*. Suspensiva dicitur his v. g. verbis concepta: *Si Imperator hostes vicerit, si navis ex Asia venerit, Titius liberorum meorum tutor esto.*

Hæc conditio ideò suspensiva dicitur, quia tam diu administrationem tutelæ suspendit, donec conditio eveniat; & de hac conditione verificatur adducta regula: *conditionalia ex eventu conditionis pendent*. Item sub conditione promissa non antè debentur priusquam conditio extiterit *l. 213. ff. d. V. S.* Item conditionalia conditione non existente perimuntur. *l. 8. §. quod si ff. de peric. & commod. rei vend.*

Conditio resolutiva dicitur, talibus v. g. circumscripta verbis: *Titius tutor esto, quousque consul fuerit factus, vel donec Imperator hostes vicerit*. Hæc conditio ferè eadem est cum datione tutoris ad certum tempus: facit enim, ut statim post mortem testatoris tutor quis esse incipiat, talis autem esse desinat, si conditio resolutiva eveniat. De hac conditione loquitur noster *textus*, & de ea procedit ista regula: *sub conditione concessa eveniente conditione resolvuntur, sicuti ad tempus concessa, elapsò tempore censentur negata*. Ita *Manz. n. 4. §. & 6. hic.*

## §. S I M I L I 3.

VII. Exspirat tutela morte naturali, seu tutoris, seu pupilli; mors enim omnia solvit, & jura personalia, qualis est tutela, cum persona extinguuntur. *Perez hist. hic. concordat Jus Austriac. loc. cit. tit. 16. §. 1.* ubi tutoris defuncti hæredibus imponitur necessitas, necem tutoris iudicio significandi, ut alius tutor substitui possit.

§. S E D



## §. SED E CAPITIS §.

VIII. Evanescit tutela capitis diminutione, & quidem maximâ & media ex parte tutoris; ratio, quia amittit communionem juris civilis. Minima capitis diminutione ex parte tutoris tutela non expirat; quoniam tutela est munus publicum, in munere autem publico filiusfam. habetur pro patrefam. l. 9. ff. de his, qui sui vel alieni juss.

Sæcus est ex parte pupilli, ubi minima capitis diminutione tutela perit, quoniam per arrogationem desinit esse sui juris; tutela autem est jus in capite libero. *Manz. Harp. Schneid. hic.*

Dices: Minima capitis diminutione ex parte tutoris legitima tutela perit. *text. hic.* ergò malè indistinctè diximus: minima capitis diminutione ex parte tutoris tutela non expirat. R. ideo de jure antiquo per arrogationem tutoris legitimam tutelam periisse, quia legitima tutela est fundata in jure agnationis, quod per arrogationem tollitur. Hodie verò postquam omnis differentia inter agnationem & cognationem sublata est, nulla amplius tutela minima tutoris capitis diminutione tollitur, *d. d. auth.*

## §. PRÆTEREA §.

IX. Cessat tutela lapsu temporis; limitata enim causa limitatum producit effectum, & ad tempus permissa, post lapsum tempus cæsentur prohibita. *Harp. hic, concord. jus Austriac. loc. cit. §. 5.*

## §. DESINUNT. FIN.

X. Finitur tutela per remotionem, quando videlicet à judice tutor, ut suspectus, à tutela removetur.

XI. Extinguitur tutela excusatione perpetua. De his duobus posterioribus *infra tit. 25. & tit. 26.* Deo dante agemus.

XIII. Expirat tutela per nuptias pupilli, pupillæve, vel etiam per professionem in religione aliqua emissam. *N. Oe. neue Gerhabschaffts- Ordnung. tit. 16. §. 4. Wann sich, &c. i. e. Si pupillus vel pupilla ante prædictum tempus in matrimonium ierint, vel professionem in religione egerint, erunt eo pacto tutela Soluti.*

XIII. Cessat tutela per veniam ætatis impetratam à Principe. Ubi

Notandum, quòd masculus completo 5 anno. XX. foemina verò exacto annò XVIII. veniam ætatis ab ipso Principe petere, & sic à tutelæ jugo eximere possint. *tot. tit. Cod. de his, qui ven. ætat.*

Hæc ipsa tamen veniæ impetratio non 6 facit, quòd minus minor teneatur adhibere decretum Prætoris, si res immobiles alienare aut pignori subicere velit. *text. express. in l. 3. Cod. quand. decret. non est opus Brunnem. in l. 3. Perez. ad Cod. n. 6. d. t. Concord. jus Austriac. loc. cit. §. 3. Wann. wir &c. i. e. Ubi nos, interrogato judice, veniam ætatis pupillo ante illud tempus dedimus, tunc quidem expirat tutela; nec tamen valet qui antè pupillus erat, donec cessantis tutela annum adimpleverit, de immobilibus bonis, aut de pecunia quâ maxime constarent facultates, de sortibus aliisque pretiosis mobilibus, quicquam majoris momenti, nisi prævia judicis cognitione, nec sub prætextu remuneratoris donationis aliave ratione, quicquam alienare aut dispergere.*

## T I T U L U S   X X I I I . D E   C U R A T O R I B U S .

### S U M M A R I A .

- 1 *Curatela definitur.*
- 2 *Quibus datur Curator ?*
- 3 *Fœmina cur citius pubescat quam masculus ?*
- 4 *Invitus curatorem nemo accipit.*
- 5 *Furiosus quis præsumatur ?*
- 6 *Enumerantur casus, quibus etiam pupillis curatores dantur.*

### T R A N S I T I O .

**I**mperator supra de tutelis dixit, quasdam personas, quæ sui juris sunt, aut esse sub tutela, aut sub curatela. Hactenus de iis, quæ sub tutela, sequitur de his, quæ sub curatela existunt.

### A D   P R I N C I P .

- 1 Cura seu curatela concinnè describitur, quòd sit potestas in capite libero ad tuenda bona ejus, qui ea per ætatem tueri nequit. Dicitur *ad tuenda bona*. Curator enim primario datur rebus, tutor personæ, *Schneid. Inst. hic. n. 5.*
- 2 Q. Hic, quibus curatores dentur ? R. quòd dentur adultis, seu puberibus, minoribus tamen 25. annis; licet enim (inquit textus) puberes sint, adhuc tamen ejus ætatis sunt, ut sua negotia tueri nequeant.  
Durat autem ista curatela tam in masculis : quàm in fœminis usque ad XXV. annum. *text. hic.*
- 3 Sed an, cur fœmina citius pubescat, quàm masculus, contrà vero non fiat Majorennis ? Hujus rei à variis variæ rationes adduci videas. Mihi placet illa, quòd in tutela maturitas corporis atten-

datur, quæ celerior est in fœminis quàm in masculis; imperfectiora enim citius crescunt. Contrà in curatela spectetur animi, judiciiive maturitas, quæ fœminis aut rarò aut certò non citius, quàm masculis, suboritur. *Manz. n. 3. Schamb. hic.*

### §.   D A N T U R .   I .

Dantur curatores ab iisdem Magistratibus, à quibus tutores. Et sicuti hodie tutoris datio est jurisdictionis ordinariæ, ita quoque curatoris. *Schneid. n. 7.*

In testamento parètibz curatores efficaciter dari non possunt, quia puberes, quibus solis curator datur, ipsi si velint, res suas administrare possunt, prout §. statim sequenti dicemus. Eadem ratio est, quare pater liberis suis puberibus substituere non possit, scilicet, quia ea ætate ipsi sibi testamentum facere possunt. *l. 2. ff. de vulg. & pub. subst. Vinn. Inst. hic*

Sanè si curator testamento datus sit; decreto Magistratûs confirmandus est. *text. hic. & l. 2 §. 1. ff. de confir. tut. vel curat. Schamb. hic.*

### §.   I T E M   I N V I T I   2 .

Adolescentes inviti curatores non accipiunt. *text. hic. & l. 13. ff. de tut. & curat.* Turpe enim esse existimabatur puberem esse, & adhuc habere curatorem, quod erat furiosorum & prodigorum proprium. *Harp. n. 2.*

Hodie minores æquè ac pupilli, nolint, velint, curatores recipere tenentur. *Ord. polit. de anno 1577. tit. 32. Manz. hic. Brunnem. l. 7. Cod. qui per tut. vel. curat. n. 3. Concord. Jus Austriac. loc. cit. tit.*

1. §. 2. ubi disertè cautum est, nullam in Austria inter pupillos & Minores, tutores & curatores amplius observari & fieri differentiam.

### §. FURIOSI 3.

5 Non minorennes duntaxat, sed & Majorennes quandoque sub curatela sunt, ut *furiosi, prodigi* &c. Furiosus autem est, qui usu rationis destitutus, agit cum rabie. *Harp. n. 4.* Talis in dubio esse præsumitur, qui per vicos mœre insanorum loquitur, vel deridendo vadit. Item qui jussit cadaver sibi in mare projici, vel qui perpetuo timore agitur, ne mundus corruat & in præceps feratur, & propterea semper meditatur fugam, vel qui tanta ebrietate gravatur, ut exiens in cubiculo credat se navi vehi, & periclitari naufragio, atque eapropter omnia ad levandam navim per fenestras projiciat, prout aliquibus ita contigisse ex Cælio recenset *Menoch. de Præsumpt. lib. 45. n. 27. §. 77.*

Prodigus ab Ulpiano *l. 1. ff. de curat. furios.* ille dicitur, qui nempe tempus, neque finem expensarum habet, sed bona sua dissipando & dissipando profundit. Hic nos intelligimus prodigum, cui bonorum administratio à Magistratu interdicta est, ut huic non etiam ethicè tali curator dari debeat. *l. 10. ff. de curat. furios. Harp. n. 6. hic. à Somesing n. 7.*

### §. SED ET 4.

Quamvis lex XII. tab. solummodò furiosis & prodigis curatores dederit, postea tamen propter similitudinè rationis placuit, ut a Magistratibus etiam nonnullis aliis v.g. *mentis captis*: Item *surdus*, & *mutis*, & *perpetuo valeludinariis*; (*denen die stats liegerhfft seynd,*) curatores darentur: ratio, quia etiam hi rebus suis præesse non possunt. Concordat *N. Oe. Gerbabschaffts-Ordnung. tit. 5. §. 1.*

### §. INTERDUM 5.

Tametsi regulariter curatores nō pupillis, sed minoribus assignentur, patitur tamen ista regula aliquas exceptiones ita, ut etiam pupillis curatores dentur.

I. Est, si tutor legitimus, sive à testatore, sive à Magistratu datus vel propter valetudinem, vel propter ætatem, vel propter inopiam, vel propter imprudentiam, aut simplicitatem non sit idoneus ad tuendum pupillum, & ad facultates ejus probè administrandas, tunc tutor utpotè dolo aut culpa carens, ab officio tutelæ removendus non est, sed curator ei adjungendus erit. *text. hic. §. l. 13 ff. de tut.* Sed cur non datur alius tutor? ratio est *in text.* quia tutorem habenti, tutor dari non potest. Ratio rationis à *Manz. hic. n. 6.* multiplex redditur; mihi illa placet, quia tutor vices genitoris agit: sicuti ergò pater patrem habenti non datur, ita neque tutorem habenti tutor datur. *Perez hic.*

II. Exceptio est, si tutor temporali impedimento laboret, ita, ut tutelæ præesse non possit, puta, si legationis causâ, vel alia justâ absentia absit, tunc interea pupillo curator datur.

Dixi *temporali impedimento*, nam si perpetuum esset, non curator sed tutor assignandus foret; qui enim in perpetuum ab onere tutelæ excusantur, tutores esse desinunt. *§. ult. Inst. de excusat. tut. Harp. n. 2.*

### §. QUOD SI FINALIS.

Q. Hic quid agendum, si pupillo controversia, vel processus moveatur, tutor verò fortè propter dignitatem, quia persona illustis est, non possit honestè in judicio comparere? R. Imperator cum distinctione, vel pupillus præsens est, vel absens est: si præsens, tunc

T 2

vel

vel est adhuc infans, vel infantia major. Si infantia major sit, & præsens; tunc potest cum auctoritate tutoris procuratorem constituere, *l. 21. Cod. de procurat.* Si pupillus sit absens, vel adhuc infans; tunc tutor cum decreto Magistratus actorem, quem velit, rectè constituit, qui actor periculo tutoris causam peragat, *text. hic. & l. 11. Cod. d. t.* Sed cur non curator, sed actor assignandus? quia curator suo proprio periculo admi-

nistrat, non periculo tutoris. *Manz. n. 20.* Item cur tutor actorem non verò procuratorem potest ordinare? quia procurator non nisi à Domino constituitur. *Harp. n. 5. Schneid. n. 3.* De jure austriaco ita se habet. *Wann. ein Gerhab. &c. i. e.* Si Tutor in litem difficilem Curatorem petat, dabitur ipsi mediante legitima mercede Curator in litem, cui eam proprio & ceterorum Tutorum periculo curare incumbet. *N. Oe. Gerhabschaffts-Ordnung. tit. 21. §. 4.*

## T I T U L U S XXIV.

## DE SATISDATIONE TUTORUM VEL CURATORUM.

## S U M M A R I A.

1. Satisfactio definitur.
2. Tutor testamentarius.
3. Item ex inquisitione datus non tenetur satisfacere.
4. Nisi plures dati sint.
5. Pupillus quales actiones habeat, si ex administratione damnum passus sit?
6. Actio tutelæ subsidiaria quando locum habeat?
7. Quid obtineat de Jure Austriaco?

## A D P R I N C I P.

**A**Ntequam Tutores & Curatores ad administrationem tutelæ vel curatellæ suscipiant, imprimis satisfacere debent, rem pupilli vel minoris salvam fore.

- I** Satisfactio autem nihil est aliud, quam cautio, qua tutor promittit rem pupilli salvam fore, *Manz. n. 2. hic.* hanc tutores & curatores dare tenentur, ne pupillorum negotia ab iis consumantur vel diminuantur, *text. hic.*

## A D V. SED HOC NON.

**Q.** Hic, an indistinctè omnes tutores satisfacere cogantur? & quod non; enim verò.

**I.** Ab onere satisfactionis liberantur tutores testamentarii, *text. hic. & l. 4. & 17. ff. de testam. tut.* ratio redditur in ipso *textu*; quoniam fides eorum & diligentia ab ipso testatore approbata est, qui optimum pro sua progenie consilium capere intelligitur. *l. 3. §. 1. ff. de administr. & pericul. tut.*

**II.** A satisfactionis gravamine eximuntur tutores ex inquisitione dati; quia fides inquisitionis loco satisfactionis est. *text. hic. & l. 13. §. ult. ff. de tut. & curat. dat.*

Ex dictis sequitur, quòd jure communi inspecto solummodò legitimi tutores, & curatores, item ii, qui à Magistratu sine inquisitione, nec non ii, qui ab extraneo in testamento dati, satisfacere teneantur. *Manz. hic.*

Hodie omnes indistinctè tutores & curatores cautionem præstare debent. *Recess. Imp. 1548. Item 1577. tit. 32.*

De



De Jure Austriaco provinciales, qui in Austria possessionati sunt, neque juratorem, neque aliam cautionem præstant, sed tutela eorum fidei & conscientiæ committitur. *N. Oe. Gerhabschaffts-Ordnung. tit. 7. §. 3.* quo loco plura de cautione tutorum & curatorum possis recipere.

### §. SED SI I.

4 Dictum est inspecto jure communi, tutores testamentarios ab onere satisfactionis immunes esse. Hoc in §. exponitur casus, quo etiam tutores testamentarii, & ex inquisitione dati satisfiant: puta, si duo pluresque dati sunt tutores, aut curatores, & unus satisfactionem offerat; tunc enim contutor, cui offertur satisfactio vel satis accipere, & administrationem tutelæ curæve satisfactionem offerenti relinquere, vel ipse satisfacere, & solus administrationem subire cogitur. *l. 17. ff. de testament. tut. Carpzov. lib. 5. resp. 82. n. 20.* estque ratio, quia consultius, utiliusque esse judicatur, ut tutela vel cura geratur per unum, quam per plures; quod enim pluribus expedire dum committitur, id plerumque segnius expeditur, juxta vulgare juris Brocardicon:

*Segnius expeditur commissis negotia plures.*

Q. Quid si nullus satisfactionem offerat?

R. quod tunc ei & quidem sine datione decernenda sit tutelæ administratio, quem major pars tutorum elegerit; major enim pars concludit, *cap. 1. Et cap. fin. Et de his, quæ fiunt à majore, Et c.* & quod major pars facit, omnes facere videntur. *l. 19. ff. ad Municip. Carpz. loc. cit. n. 23. Schneid. hic. n. 8.* Si verò & ipsi tutores inter se in eligendo dissentiant, Prætor suas partes interponat necesse est, & unum eligat cui administratio committatur. *l. 3. §. 7. Cod. de*

*administ. Et pericul. tutor. Manz. n. 12. Harp. n. 5. Clariss. D. D. Franz. Inst. hic. n. 3.*

### §. SCIENDUM 2.

Q. In hoc §. quem pupillus vel adultus convenire possit, si ex mala administratione damnum aliquod passus sit?

R. Quod primò loco conveniri possint ipsi tutores vel curatores, qui tutelam vel curatellam gesserunt.

II. Si illi non amplius vivant, tunc eorum nomine & loco conveniri possunt hæredes ipsorum *l. fin. Et tot. tit. Cod. de hered. tut. Et curat.* quia omnis actio descendens ex contractu vel quasi contractu transit in hæredes. *l. 49. ff. de O. Et A.* atqui actio tutelæ descendit ex quasi contractu; §. 2. *Inst. de obligat. quæ ex contract. nasc. ergo, &c.*

III. Contra fidejussores, per quos tutor satisfecit, & ipsorum hæredes. *l. 5. ff. de fidejuss. tut. Et curat. Schneid. n. 11. Manz. n. 7. Et 8.* Quod si neque tutores, neque curatores neque eorum fidejussores solvendo sint, tunc

Quarto loco datur actio subsidiaria 6 contra Magistratum, qui non exegit satisfactionem vel non recepit idoneam. *l. 6 ff. qui satisfacere cog.* Sanè si Magistratui nihil imputari possit, fortè quia idoneos tutores dedit, cessabit actio subsidiaria. *Manz. n. 12.* casu enim imputandum videtur, quod tutores à Magistratu dati idonei esse desierint; casum autem fortuitum Magistratus pupillo non præstat *lib. 1. §. 11. ff. de Magist. conveniend. Schneid. n. 1. hic.* De Jure Austriaco vix 7 idem, quod de jure communi obtinet, prout videre possis *Gerhabschaffts-Ordnung. tit. 18.* per tot. unde duo duxi adnotanda.

I. Est, quod in casu, quod tutelæ administrationem unus solus gessit, alter

T 3

contutor

contutor non nisi in subsidium conveniri possit, puta, si administrans non sit solvendo *d. loc. §. 4.*

*Wann ein Gerhab. &c. i. e. Si Tutor, qui administrationē tutelæ absque judicis consensu alteri contutori comisit, judicio tutelæ conventus erit, ei licebit administrantem vocare; atque hic solus erit porro executendus, nisi planè non, vel non satis solvendo sit: tunc enim contutor, qui non administravit, pulsari executique poterit ad præstandum quicquid ab altero sarciri nequit.*

II. Est, quòd actio tutelæ directæ etiam contra illos competat, qui absque decreto judicis se tutelæ, bonorumque administrationi immiscuerunt. *d. loc. §. 6. Es haben &c. i. e. Etiam contra eos qui, cum non essent a iudice tutores dati, nec ullo alio modo ad tutelam vocati, rem tamen pu-*

*illi ac personam regendam susceperunt. habet pupillus actionem protutelæ; quæ actio ab ea differt quæ in veros tutores eorumve bona datur.*

### §. QUIBUS 3.

Diximus hucusque, quòd tutores & curatores debeant satisfacere, sed quid iurâ, si cavere nolint, *R.* quòd debeant captis pignoribus coerceri, h. e. possunt capi res eorum, & hòc modo ad satisfaciendum compelli, *text. hic.*

*Q.* Hic, in quos Magistratus actio subsidiaria detur? *R.* *textus*, in illos solos dari qui satisfactionem solent exigere, quales sunt inferiores Magistratus, non verò in Magistratus majores. De jure Austriaco actio subsidiaria datur contra quemlibet indistinctè Magistratum, qui pupillo tutorem idoneum constituit. *d. lib. §. 18.*

## TITULUS XXV.

### DE EXCUSATIONIBUS TUTORUM, ET CURATORUM.

#### SUMMARIA.

- 1 Excusatio tutelæ quid sit?
- 2 Polypædia est iusta causa excusandi se à tutela.
- 3 Quales liberi prosunt ad excusationem?
- 4 An emancipati.
- 5 An adoptivi?
- 6 An nepotes?
- 7 An defuncti in bello?
- 8 An naturales & spurii?
- 9 Administratio rerum fisci.
- 10 Item absentia reipublicæ causâ.
- 11 Pariter Magistratus.
- 12 Nec non lis cum Pupillo.
- 13 Aut multitudo tutelarum excusant à tutela.

- 14 Item paupertas.
- 14 Adversa valetudo.
- 16 Imperitia literarum.
- 17 Inimicitia capitales cum testatore.
- 18 Controversia status.
- 19 Ætas senilis.
- 20 Militia.
- 21 Professura à tutela onere liberant.
- 22 Excusatio per viam appellationis proponi debeat?
- 23 An tutor debeat esse curator.

#### CONNEXIO.

**S**Uprà ad rubricam præced. tit. dictum est, Imperatorem in his tribus ultimis tute lis communia quædam, quæ promiscuè tam in tutoribus quàm curatoribus

bus obtinent, tractare instituisse: absolute ergò I. capite, transvehimur ad II. videl. ad excusationes, & quidem recto ordine; ratio, quia in regulam quasi abiit, tutores & curatores etiam invitos cogi subire onus tutelæ & curæ *L. 1. ff. de administ. & peric. tut.* est enim tutela munus publicum (puta, *authoritate*; utilitate enim privatum est) lex autem neminem voluit esse immunem à publicis muneribus, sed quilibet ad munus publicum subeundum etiam invitatus cogi potest, *l. 18. l. 19. Cod. de Citratoribus. Schneid. hic. num. 1.*

Limitatur tamen præfixa regula, ut non procedat, quando quis habet justam causam excusationis, quarum aliquot in hujus tituli decursu enumerabimus.

## AD PRINCIP.

**1** Excusatio autem est allegatio justæ causæ, quæ quis tutelam curamve deprecatur, seque hoc onere liberari petit. Justæ autem causæ variae sunt.

**2** I. Est polypædia, seu certus liberorum numerus. Nam si quis tres liberos Romæ habeat, vel in Italia quatuor, vel in provinciis extraneis quinque, à tutela vel cura potest excusari. Ratio est, tum quia favore digni sunt illi, qui liberis hominibus civitatem replent. *l. 1. ff. solut. matrim.* tum quia naturale est patrem à cura & sollicitudine priorum liberorum non abstrahi, ordinata enim charitas incipit à se ipso. *l. 6. Cod. de servit. & aque &c.* & ut ait: *Cyn. in l. 30. Cod. de fideicommiss.* lupo mordet carnes alienas, sed suas lambit. *Schneid. n. 6.* Ratio est, quia numerus liberorum excusat à reliquis muneribus publicis. *l. 3. §. 5. ff. de numer. tutela autem est munus publicum, ergò. Manz. n. 7.*

Cæterum ratio diversitatis, cur in

uno loco major, in alio minor numerus liberorum requiratur, fortè est ista; quia liberos habens Romæ proximius prodest reipub. quàm habens in Italia aut provinciis. *Schamb. hic. Manz. num. 8. N. Oe. Gerhabschafts Ordnung. tit. 6. §. 2. desiderat sex liberos. Vann einer, &c. i. e. Qui sex pluresque liberos è corpore suo procreatos habet in potestate & cura, is nullà tutelâ onerari debet.*

## AD VERS. SIVE.

Quoniam liberi in multiplici differentia sunt, aliqui in potestate constituti, alii emancipati, alii naturales, alii adoptivi, alii primi, alii ulterioris gradus, alii vivi, alii mortui; Ideò.

**Q. I.** An emancipati ad excusationem tutelæ profint? **R.** Imperator, quòd tam sui, quam emancipati profint. Ratio: quia hoc privilegium excusationis non est effectus patriæ potestatis, sed præmium & remuneratio procreationis liberorum. *Braun. tract. de tutel. ad lib. 27. tit. 1. num. 22.*

**Q. II.** An adoptivi profint? **R.** adoptanti non prodesse, quia adoptans non generat civem, nec auget numerum civium. *Harp. hic. n. 7.* cessante ergò causâ privilegii, cessat & ipsū privilegium. *Manz. num. 13.*

Dixi adoptanti non prodesse. profunt enim patri naturali; quia causa & ratio privilegii in hoc militat, nimirum multiplicatio hominum & repletio civitatis. *Perez. Inst. hic.*

**Q. III.** An tantum illi profint, qui in primo gradu existunt? **R.** etiam in ulteriori gradu constitutos, v.g. nepotes ex filio prodesse; ex filio, intellige, jam defuncto: nam si pater adhuc superstes est, liberi ipsi, utpote patri suo profunt, non item avo: quia duobus simul prodesse non possunt. Quotquot autem fuerint

fuerint nepotes ex uno filio, omnes pro uno tantum reputantur, & in locum patris sui ingressi vicem ejus repræsentant. *Harp. hic. n. 5.*

Dixi notanter, *nepotes ex filio*; nam ex filia nepotes non profunt avo materno, cum duobus simul prodesse nequeant; profunt autem vel patri suo, vel si is jam obiit, avo paterno. *text. hic. & in l. 2. § 7. ff. h. t. Braun. loc. cit. Manz. n. 18.*

Q. IV. *An superstites tantum, an etiam defuncti profunt?* R. Defunctos non prodesse *text. hic. & in l. 2. § 4. ff. h. t.* Ratio: quia cessat causa privilegii quoad ipsos; ergo & privilegium: liberi enim mortui nihil amplius reipub. profunt, peræquè, atque si nunquam nati fuissent, cessant, deinde etiam onera quoad patrem, qui horum curâ non amplius impeditur, quo minùs tutelæ vacare posset. *Manz. n. 20. & Harp. n. 9. hic.*

7 Sed quid si bello defuncti sint? Refert num in acie, num extra aciem amissi sint? si hoc, fortè quia in castris aut hyberniiis mortui sunt, tunc ad excusationem non profunt *l. 18. ff. h. t.* Si illud, fortè quia in ipsa acie & conflictu ceciderunt, tunc profunt ad excusationem? ratio est in *textu*; qui enim pro repub. ceciderunt, in perpetuum per gloriam vivere intelliguntur. *Harp. n. 9. hic.*

Q. V. An idem dicendum de illis, qui extra aciem quidem; sed tarpè ex vulnere in acie accepto mortui sunt? R. *Affirmative.* Ita *Harp. num. 10. Ludvvell. hic. num. 1. Braun. tract. de tut. h. t. num. 21.* Ratio, quia tales non minùs intelliguntur cecidisse pro repub. quàm illi, qui in acie perierunt; cum paria sint saltem in favorabilibus, mortuum esse & lethaliter vulneratum esse.

Et quæ in continenti sunt, in esse videntur; dissent. *Schneid. hic. n. 7.*

Q. VI. quid tandem juris *de liberis naturalibus & spuriiis.* Annè illi profint ad excusationem? R. non prodesse. Ratio: ne parentes ex suo delicto præmium habere videantur *l. 2. § 3. h. t. Manz. hic. n. 21.*

Pariter etiam ad excusationem non profunt, qui adhuc in utero existunt, *l. 2. § 6. ff. h. t.* quia nondum natus homo non rectè fuisse dicitur. *l. 9. ff. ad leg. falcid. Manz. hic n. 23.*

Dices, *qui in utero est, habetur pro jam nato. l. pen. ff. de stat. hom.* ergo si nati liberi profunt ad excusationem, etiam posthumi proderunt; cum fictio tantum operetur in casu ficto, quantum veritas in casu vero. R. dist. ant. qui in utero est habetur pro jam nato, si de ipsius commodo quæritur; *conc.* si de commodo tertii; *neg.* atqui in præsentī non quæritur de commodo ipsius posthumi sed de commodo tertii nempe patris volentis se excusare à tutela vel cura. *Braun. loc. cit. n. 19.*

#### §. ITEM D. MARCUS.

II. Causa excusans à tutela est *administratio rerum fisci.* Qui enim res fisci administrat, à tutela & cura, quamdiu administrat, excusatur. 9

Idem est in illis, qui administrant rem privatam Principis, *l. 41. ff. h. t.* qui præfecturam annonæ gerunt, *l. 41. §. 1.* Item exactores tributorum, *l. 10. Cod. eod.* denique omnes, quibus Princeps curam alicujus rei injunxit; donec curam gerunt, excusantur. *l. 22. §. 1. b. t.* Ratio horum omnium est ita; quia publica utilitas præferenda est privatæ, *auth. res quæ Cod. commun. de legat.* Ratio alia, ne occasione negotiorum pupillarium avocetur ab administratione causæ



causæ publicæ *Manz. num. 1.* Hodiernis moribus referri huc possunt, *die Rentmeister, Cammermeister, Steuer-Buchhalter, Steuer-Cassier, Steuer-Einnehmer, und andere Rent-Cammer-Bediente.* Illud certum est, quod tutelam jam ceptam, licet postea administratio rerum fisci ipsis deferatur, deferere non possint, *l. 21. ff. h. t. Braun. loc. cit. n. 28. vide quoque N. Oe. Gerhabschaffts-Ordnung. tit. 6. §. 2. vers. Vierdtens,* ubi omnes ab onere tutelæ eximuntur, qui consiliarii sunt aut alii laborioso muneri præfecti.

§. ITEM QUI 2.

10 III. Causa excusationis est: *absentia reipub. causa.* Ratio eadem est, quæ supra, quia publica privatis sunt anteponenda. *Manz. l. hic.* Reipub. autem causa abesse dicuntur, v. g. *milites, eorumque duces, tribuni, &c.* Item *legati, ambasciatores, &c.* Imo & horum *comites, & ministri. l. administrantes 41. §. eorum ff. h. t.* Sicut enim securitas, vel salvus conductus concessus alicui, intelligitur quoque datus comitibus, & ejus familiæ; ita & privilegium excusationis datum legato, censetur etiam ejus ministris datum *Schneid. n. 3.*

Dicta adeo vera sunt, ut procedant non tantum de eo, qui jam defacto absens est, sed & de eo, qui propediem abfuturus & profecturus est. *d. l. 41. §. 2. ff. eod.* Item de eo, qui se itineri præparat, *l. 5. ff. de legat.* Ratio: quia potentia propinqua actui pro actu habetur, & paria sunt, aliquid factum esse, vel de proximo faciendum. *Manz. n. 2. hic.*

Itaque is, qui reipub. causa abest, non à suscipienda tantum, sed & a suscepta tutela excusatur; hoc tamen discrimine, ut a suscipienda tutela, si reversus fuerit, adhuc vocationem habeat *text.*

¶ *in l. 10. §. 2. Ludwell hic.*

¶ *ad Instituta.*

Sed quomodo interea consultum pupillo? R. quod interea ei sit dandus curator, ne sit indefensus. Ratio, quare curator non tutor, est hæc: quia absens non definit esse tutor; ergo tutorem habenti tutor dari non potest. *Manz. n. 8.*

Non adversatur *L. 3. §. 10. ff. de suspect. tut.* ubi dicitur, in locum tutoris reipubl. causa absentis posse alium tutorem peti; & dari posse supponitur in *L. 12. ff. de tutel.* Non inquam, hoc adversatur, R. enim I. per vocem tutoris *dd. ll.* intelligi curatorem, ut proinde ex errore typi aut scripturæ tutor pro curatore scriptas sit: ut suboleta mihi videtur hæc solutio; ideo R. II. regulariter quidem in locum ejus, qui reipub. causa abest, dari curatorem; interdum vero etiam tutorem, tunc nimirum, si tutor absens, vel abfuturus id desideravit, intelligens forte, id magis futurum pupillo, cum sint aliqui actus, qui necessario exigunt interventum tutoris; ut est aditio hæreditatis. *l. 17. §. 1. ff. de appellat. Harp. hic. n. 7.*

De jure Austriaco ita sancitum est: *Achtens sollen &c. i. e. Octavo, Ministri ac legati, quam diu negotiorum nostrorum causa aberunt, non modo non tenebuntur novam tutelam testamentariam vel dativam suscipere; verum etiam a tutela jam suscepta, ut per est rogantes, mediante scil. debita rationum redditione, erunt liberandi, & alii tutores eis sufficientur.*

§. ET QUI 3.

IV. Excusationis causa est: *Magistratus dignitas sive potestas,* cujus causæ eadem est ratio, quæ prioris, favor scilicet reipub. *Harp. hic.* Talem autem potestatem habent ii, qui sunt in Imperio Magistratus, & majorem honorem gerunt, qui quidem a suscipienda tutela se excusare possunt, susceptam tamen deferere

V

non

non possunt; ratio quia multa impediuntur ab initio, quæ postea firma sunt, & facta non tolluntur. *Schneid. h. t.*

§. ITEM PROPTER 4.

V. Excusationis causa est: *lis cum pupillo*; si enim tutor litem habeat cum pupillo, vel curator cum adulto, excusantur, modo lis sit de omnibus bonis, vel majore bonorum parte, aut de hæreditate aliqua, *text. hic*. Ratio est: quia si quis litem habeat cum pupillo suo, vel adulto, necesse est, ut aut suum negotium gerens omittat pupilli causam, aut pupilli causam suscipiens omittat suam. Quod, ut est amor nostri erga nos, nemo sibi facile imperaverit. *Bratton. loc. cit. n. 42.*

Hodie de Jure Novel. quæstio hæc inutilis est, quia creditores & debitores pupilli, qui litem & controversiam cum ipso habent, ne volentes quidem admittuntur. *Nov. 72. c. auth. Minoris Cod. qui dare tut.* Valde enim periculosum est pupillo, vel minori, habere tutorem vel curatorem ex creditoribus vel debitoribus suis; ratio, quia, cum res eorum in sua potestate habeant, facile possent uti fraudibus, suppressere probationes, apochas, quibus jus suum vel prosequi, vel se defendere & agentem excludere possent. *Manz. n. 4. hic vide N. Oe. Gerhabschaffis-Ordnung. tit. 6. §. 2. verf. Sechstens.*

§. ITEM TRIA 5.

VI. Excusationis causa est: *multitudo tutelarum*: qui enim tres tutelas, curasve, vel duas tutelas & unam curam, vel duas curas, & unam tutelam, omnes diversi patrimonii, & non affectate susceptas eodem tempore administrat, ad quartam vocatus excusatur, *text. hic & in l. §. ult. ff. h. t.* Ratio est, tum ne tutor alienis negotiis plus æquo gra-

vatus propria cogatur negligere; tum quia oneratus non est magis onerandus; tum & maxime ob favorem pupillorum, quorum imprimis interest, ne tutor obruatur, multitudine tutelarum, hoc modo impediatur, ut nullam debite possit administrare. *Bratton. loc. cit. n. 23.*

Dixi I. qui tres tutelas curasve, ubi notandum, quod sufficiat tres tutelas in una domo esse. Unam domum autem dicimus unam eandemque familiam, i. e. unum patrem familias, & qui ejus potestati subjecti sunt.

Hinc velut ex fonte fluit, si pater habeat tres tutelas, filiusfam. non vocabitur ad quartam: nam & tutela, quam gerit filiusfam. patrem onerat. *l. 7. ff. de tutel.* Et contra si filiusfam. habeat tres tutelas, pater ejus non vocabitur ad quartam; nisi forte tutelæ, quas filiusfam. administrat, non pertineant ad periculum patris: tunc enim numerus tutelarum, quas filiusfam. gerit, patri non prodest. *L. 5. ff. h. t.* Item si duo fratres in ejusdem patris potestate sint, & unus habeat tres tutelas, alter non vocabitur ad quartam. Denique ut multa paucis complectar, una & eadem domus, i. e. familia non potest plus, quam tribus tutelis onerari; nec refert, an tutelæ illæ penes unum sint an penes diversos; ut si pater unam gerat, filius duas, vel econtra. *Cujac. in lib. 2. ff. h. t. Brunn. loc. cit. n. 24.*

Plane interdum neque tres tutelæ sufficiunt ad excusationem a quarta. Ut si una ex iis valde modici patrimonii sit, & inde nullius aut exigui oneris; talis enim in numerum tutelarum non cedit. *l. 155. §. 15. ff. h. t.* Ratio est: quia, ut Cujacius scribit, tres tutelæ, ex patrimonii & oneris qualitate æstimantur; & ideo non tam tres tutelæ, quam potius tria onera tutelarum excusant. Idem dicen-

dicendum, si una ex tribus tutelis jam prope finem sit, ut quia pupillus agit annum 14. vel tempus, ad quod tutor datus est, fere elapsum est: nam neque talis tutela pro tutela cedit, consequenter nec a quarta excusationem præbet. *l. 17. ff. eod.*

Ratio est: quia onus, quod gerendum restat videtur exiguum ob brevitatem temporis, & quia mox finiendum habetur pro finito. *Manz. n. 7.*

Econtra interdum duæ tantum tutelæ ad excusationem sufficiunt; si nempe una ex illis ita onerosa sit, ut duabus æquivaleat.

Denique & una tutela ad excusationem potest sufficere; si nempe illa ita diffusa, molesta, & negotiosa sit, ut pro tribus cedat, *l. 31. §. 4. ff. h. t.* Ratio est, quia non præcise numerus tutelarum, sed difficultas rationum conficiendarum, & reddendarum considerata est, *d. l. 31. §. 4. in fin.* Quando autem tutela talis censeri debeat, ut pro duabus aut pluribus valeat, judicis arbitrio relinquitur, *Cujac. in d. l. 2. Bachov. & Vienn. Inst. h. t. Schneid. n. 2. hic & n. 4.* Concordat jus Austriac. loc. cit. *Drittens &c. i. e. Tercio, si antea tribus rationum conficiendarum incommodo obnoxius tutelis, sive cognatorum sive extraneorum; vel si una saltem, est valde diffusa & negotiosa tutela fuerit onerata.*

Dixi II. Omnes diversi patrimonii, si enim unum patrimonium sit, licet plurimum pupillorum, una tantum tutela est. Ratio: quia non pupillorum numerus, sed patrimoniorum diversitas plures tutelas facit. *l. 3. ff. eod.* quare, si tres fratres consortes sint, & vel omnibus tutor datus, vel omnibus curator, vel quibudam tutor quibusdam curator, una tutela est, una cura est, unum onus est. Contra si tres fratres dissortes sint, tres

tutelæ, vel curæ sunt. *d. l. 3.* Fratres autem consortes dicimus, qui unum indivisum patrimonium habent; dissortes, qui divisum. *Braun. n. 27. Harp. n. 4. hic.*

Dixi III. Non affectate susceptas. Nam tutelæ affectatæ in numerum tutelarum non cedunt. *l. 15. §. 15. ff. h. t.* Affectatæ autem dicuntur, quæ studio quæsitæ vel ambitæ sunt. Ratio, cur non profint, est; quia affectatum non reputatur onerosum juxta vers.

*Hoc portat leviter, quod portat quisque libenter.*

Dixi IV. Eodem tempore administrat. Quia si unam jam deposuit, a noviter delata non excusatur; quia cessante causa privilegii, scilicet onere administrationis, cessat privilegium. *Manz. num. 7.*

#### §. S E D E T 6.

VII. Causa excusationis est: paupertas<sup>14</sup>; qui enim ita paupertate & egestate premitur, ut operi & oneri tutelæ impar sit, forte quia vix sibi vitæ necessaria quærere valet, excusatur ab onere tutelæ. Ratio, quia oneratus non est magis onerandus; atqui pauper in eo sufficienter oneratus, & occupatus est, ut victum sibi quærat. *Manz. n. 1. hic.* Cum autem divitiæ & paupertas, quia mera sunt accidentia, non præsumantur; idcirco, qui in paupertate se fundat, eam probare tenetur. *Harp. n. 3.* Quæ autem & quanta paupertas ad excusationem sufficiat, judicis arbitrio determinandum relinquitur. *Harp. n. 2.*

Colligunt aliqui ex hoc subinde prodesse paupertatem. Sed ab hoc prodesse libera nos Domine *Manz. n. 3.*

#### §. I T E M P R O P T E R 7.

VIII. Causa excusationis est: adversa valetudo, vel morbus<sup>15</sup>, dummodo talis sit, ut etiam quis propria negotia administrare

nistrare non possit; ratio, quia lex non luit aliquem obligare ad impossibilia, *l. 185. ff. de R. J.* imo & pupillo damnosum foret, si tutelæ munus valetudinario injungeretur. *l. penult. ff. h. t. Manz. hic.*

Quis autem valetudinarius dicendus sit, arbitrio judicis relinquitur. Illud certum est, huc pertinere *tabescentes, epilepticos, paralyticos, hydropicos, febri- citantes, podagricos, &c.* *Braun. loc. cit. num. 35.*

### §. SIMILITER 8.

16 IX. Causa excusans est: *Imperitia litterarum.* Qui enim rudis est litterarum, ita, ut neque scribere, neque legere possit, & simul etiam negotiorum expers, ut rem domesticam non possit debite curare, excusatur tutela, & cura, *text. hic.* ergo sola imperitia litterarum non excusat, cum possit tutor in conscribendis rationibus vicaria opera uti; sed imperitia litterarum conjuncta cum imperitia œconomica, vel cum stupiditate quadam excludente sagacitatem & prudentiam rei familiaris: qualis non raro reperitur in rusticis, & litterarum penitus ignaris. *Schneid. & Manz. hic.*

Plane si tutela valde diffusa & negotiosa foret, puto omnino audiendam esse excusationem ejus, qui objicit imperitiam litterarum. Nam esto hic forte ad alia gerenda idoneus sit, ut tamen omnia credat memoriæ, ab eo exigere non oportet: neque satis tutum, confectionem rationum per omnia alterius fidei committere. *Braun. tract. de tutel. h. t. num. 37.*

### §. ITEM SI 9.

X. Excusationis causa est: *injuria, vexatio, & malevolentia ipsius testatoris.* Nam si quis propter inimicitias a patre

testamento tutor datus est, forte quia pater scivit, se magnum æs alienum & implicata negotia relicturum esse, & ideo tutorem scripsit, ut eum supponat magnis laboribus, molestiis, & periculis; hoc inquam, in casu excusatur tutor: ratio, quia tutelæ datio non debet procedere ex proposito nocendi tutori, sed ex benevolentia & amore utilitatis pupillaris. Aliud dicendum, si testator bona mente dederit tutorem, cui antea insensus fuit; nam hoc ipso intelligitur posuisse iratum animum, & offensæ gratiam fecisse tutori. *Braun. n. 43.*

### AD VERS. SICUT PER.

In hoc v. obiter & incidenter ab *Imperatore* generalis quædam omnium ferre causarum, quæ excusationem præstant, limitatio adducitur, nempe hæc; licet quis alias habeat justam excusationis causam, nihilominus si patri pupillorum promiserit, forte in agonia, se fore tutorem liberorum, excusari ab hac tutela non possit, *text. hic & in l. 5. §. 1. ff. h. t.* Ratio est, quia omne promissum cadit in debitum. Ratio alia, quia cuilibet permissum est favori pro se introdu-cto renuntiare, *l. pen. Cod. de pact.* atqui per istam promissionem censetur tutor excusationibus suis renuntiasse; ergo nisi nova excusatio supervenerit, administrationem suscipere debet. *Manz. n. 6. hic.*

### §. NON ESSE IO.

Qui se ignotum patri vel matri pupilli dicit, ea propter excusandus non est: ratio est, quia licet aliquis sit ignotus de facie, potest tamen notus esse de fama, vel aliqua virtute fortassis cognitus. *Manz. n. 3.*

### §. INIMICITIÆ II.

XI, Excusationis causa sunt *inimicitia;* 17



*tia*; qui enim inimicitias cum patre pupilli vel adulti exercuit, si capitales fuerint nec reconciliatio intervenerit, a tutela vel cura excusatur. *text. hic.* Ratio: quia iratus nocere cupiet, vel læsus ulcisci se volet. Plerumque enim accidit, ut inimicitias sequatur nocendi voluntas. *Perez. Inst. hic.*

Dixi I. *Cum patre pupilli vel adulti.* Item est, si tutor ipsi pupillo, vel curator ipsi adulto inimicus sit. *l. 3. §. 12. ff. de suspect. tut.*

Dixi II. *Si Capitales fuerint.* Non capitales non excusant. Capitales inimicitias dicimus, quæ vitam, libertatem vel existimationem petunt. *arg. l. 103. ff. de V. T. vel potius quas iudex pro conditione personarum, & qualitate facti tales esse judicaverit. Schneid. hic. n. 8.*

Dixi III. *Nec reconciliatio intervenit*: solet autem intervenire dupliciter, aperte & tacite. Aperte, ut si qui fuerint inimici mutua familiaritate redeant in gratiam. Tacite ut si pater eum, cui hætenus iuste inensus fuit, testamento tutorem scribat; nam si bona mente fecit, intelligitur hoc ipso injuriam remisisse. *d. l. 6. §. 17. ff. b. t. Braun. n. 45.*

#### §. I T E M I S 12.

13 XII. Excusationis causa est: *controversia status*, h. e. lis & quæstio super eo, an quis sit servus, vel liber, ingenuus vel libertus? nam si pater pupilli movisset alicui quæstionem status, asserendo eum esse servum vel libertum, talis postea tutor datus se excusare posset. Ratio: quia ex tali controversia oriri solet gravis inimicitia, & animorum exacerbatio. Ratio ulterior: quia metuitur fore, ut injuriam à patre sibi factam in pupillo ulciscatur. *Manz. n. 2.*

Cæterum si quis calumniose moveret quæstionem status pupillo, ut tutelæ

munus evitaret, nequaquam excusaretur. *l. 6. §. amplius ff. b. t.* Sicuti in simili, si quis volenti contra se testimonium ferre, impingeret alapam, ut eum tanquam inimicum a testimonii dictione repelleret, non juvaretur. *Harp. hic.*

#### §. I T E M M A J O R 13.

XIII. Excusationis causa est: *Ætas*<sup>19</sup> *senilis.* Qui enim major est LXX. annis ad tutelam, curamve vocatus, se potest excusare. Ratio est, partim honos & reverentia debita senectuti, quam convenit post emensos tot annos degere in quiete: partim quia tantæ ætatis homines incipiunt iterum puerascere, ut vix suis rebus commode præesse possint. Partim etiam, quia, ut diximus, morbus a tutela excusat; ergo & senectus. Nam ut Aristoteles ait: *Morbus est senectus ascititia. Senectus autem est morbus naturalis.* *Braun. n. 13. loc. cit.*

Requiritur autem, ut is, qui ob majorem ætatem se vult excusare, LXX. annum compleverit. Nam in immunitatibus sive privilegiis, & excusationibus annus cœptus pro completo non habetur. *l. 3. ff. de jure immunitat.* adeo ut is, qui agit supremum diem anni LXX. eo die ad tutelam vocatus non excusetur, cum major septuagenario esse debeat. *Harp. n. 3.*

*Obj. l. 3. Cod. qui ætate vel professione se excusant*, ubi dicitur, *manifesti juris est, majores quinquaginta quinque annis invitos ad munera personalia vocari non posse.* Ergo etiam qui major est LV. annis, non potest invitatus vocari ad tutelam, cum & hæc munus personale sit; ergo ad excusationem a tutela non requiruntur septuaginta anni completi.

R. I. in *d. l. 3.* pro LV. legendum esse septuaginta; confirmatur hoc ex verbis statim subsequentibus: *Cum itaque sep-*

*tuagenario majorem te esse profitearis, tueri te potes jure concessio. Harp. hic n. 3.*

R. L. oppositam loqui de muneribus mere personalibus, quæ potissimum opera & labore corporis expediuntur. *Braun. num. 14. loc. cit. h. t. Manz. num. 5.*

#### AD TERS. MINORES.

Olim & ille, qui minor erat XXV. annis, excusabatur a tutela legitima. Sed Justiniani constitutione prohibetur ad tutelam curamve aspirare adeo, ut nec opus sit excusatione §. 13. *hic.* ubi ratio additur: cum sit incivile eos qui alieno auxilio in rebus suis administrandis egere noscuntur, & ab aliis reguntur, aliorum tutelam vel curam subire. Ratio alia est: quia inutile est pupillo, ejusmodi habere tutorem, qui restituere possit interdum etiam contra pupilluræ. Hoc interim verum manet, quod supra §. 2. *qui testam. tut. dar. poss.* dictum fuit, minorem in testamento tutorem dari posse; ita tamen ut usque ad ætatem legitimam administrationem non possit suscipere. *Manz. n. 10.*

#### ITEM ET IN MILITE 14.

<sup>20</sup> XIV. Excusationis causa est: *Militia.* Nam & milites, sicuti minores, licet volentes, ad tutelæ onus non admittuntur; idque adeo, ne a signis & castris avocentur. atque ita res publica detrimentum sentiat. Veterani vero, qui scilicet honeste missi sunt, & sacramento soluti, perpetuo excusantur a tutela paganorum, non vero a tutela una filiorum conveterani. Adversus commilitonum filios vacationem saltem per annum habent, & non diutius, *l. 8. ff. b. t.* ignominiose missi perinde habentur, ac si nunquam milites fuissent, non ergo excusantur, licet ab oneribus excludantur. *Perez. hic.*

An idem de militibus cœlestis militiæ dicendum sit, vide *Manz. hic n. 7.* De jure Austriac. ita se habet: *Die Kriegs-Leuth, &c. i. e. Milites pariter, qui actu militaria servitia nobis præstant, a tutela excusari volumus. de loc. §. 2.*

#### § ITEM ROMÆ 15.

XV. Excusationis causa est: *professura artium liberalium.* Etenim Romæ Grammatici, Rhetores, & Medici, & qui in patria sua has artes exercent, & intra numerum sunt, a tutela, & cura habent excusationem. *l. 6. ff. b. t.* Ratio, quia publice juvenibus profunt, & reipub. interest habere viros doctos, per quorum scientiam totus illuminetur mundus, *auth. habita, Cod. ne filius pro patre.* nemo & abstrahendus est ab opere, a quo dependet reipub. utilitas. *Manz. n. 2.*

Ut autem professores hac immunitate gaudeant, III. Conditiones requiruntur.

I. Est ut illas artes exerceant, ac officio suo sedulo fungantur. *text. hic.* in verbo, *exercent;* neque circa operationem suam negligenter se habeant. Unde aliqui inferunt, quod scholaris sive studiosus non gaudeat privilegiis scholarium, licet sit inscriptus matricula, sive albo studiosorum, nisi lectiones frequenter & diligenter studeat. *Schneid. n. 6. hic. Harp. n. 19.* ubi prolixè hanc quæst. discutit.

II. Conditio est, ut Romæ doceat, vel in sua patria, *text. hic & in l. 6. §. 11. ff. b. t.* Patria autem duplex est: *propria* sive *originalis* ubi quis natus est; & *communis*, veluti Roma, quæ dicitur omnium civium Romanorum patria. *l. eos, qui 9. de vocat. & excusat. mun.*

III. Conditio est: ut sint intra numerum. *l. 6. §. 4. ff. b. t.* quia supernumerarii non gaudent privilegiis numerariorum. Numerus autem pro diversitate

fate civitatum hic erat: Minores civitates habebant quinque medicos immunes, tres Rhetores & totidem grammaticos; Majores, septem medicos, Rhetores quatuor, & tot grammaticos; Maximæ decem Medicos, quinque Rhetores, & totidem Grammaticos. *Braun. n. 43.*

Q. VII. *An Legum Doctores & Advocati etiam immunitate hac gaudeant?* R. *negative*; quia aptiores & rerum magis expertes sunt, ac proinde ad tutelam magis idonei; nam ipsorum prudentia pupillis utilissima est. *Manz. §. 14. n. 11. b. t.* Quod si legum doctores aut Romæ doceant, *l. 6. §. 12. b. t.* vel in consilium principis assumpti sint, excusantur. *l. 3. ff. b. t. Manz. n. 1. & Schamb. hic.*

#### §. QUI AUTEM 16.

Q. Quid si aliquis proposuerit, & allegaverit unam excusationem, vel plures, & in illis probandis defecerit, an adhuc illis uti possit? R. *Imperator* omnino posse; ratio est, quia excusationes sunt quædam quasi exceptiones, *nemo autem pluribus exceptionibus uti prohibetur. l. nemo 8. ff. de except. l. 43. ff. de R. J.* Modo tamen intra tempora constituta proponantur; quia sunt paria, non fieri, aut post tempus constitutum fieri. *Manz. n. 1. & 2.*

#### AD VERS. QUI AUTEM.

22 Q. In hoc. *v.* quomodo excusatio proponenda: an per viam appellationis, ita, ut aliquis intra decem dies ad Superiorem appellare debeat?

Dixeris quod sic: ratio, quia, si alicui per decretum aliquod munus imponatur, per quod se gravatum putat, ille debet statim ab ipso decreto appellare. *l. 1. ff. §. 1. de vacat. muner. ita ut si appellationis auxilio non utatur, consensu suo nominationem confirmet. l. 7.*

*cod. de appell.* ergo idem erit si per decretum alicui tutela imponitur.

Verum hoc non obstante, R. *Imperator*, quod tutores dati a Decreto nominationis non appellent, *text. hic & l. 1. §. 1. ff. quando appell.*

Quod si tamen velint appellare puto prohiberi non posse. *l. 13. ff. & l. 18. Cod. b. t.* ubi dicitur non habent necesse appellare. Ex quo inferitur: ergo possunt appellare, si velint. *Manz. n. 6. Harp. num. 4.*

Ad rationem dubitandi conc. *antea. neg. consequ.* Ratio *differentia* est, quia tutela non est jurisdictionis, sed specialis concessionis. Non mirum ergo, quod appellatio in cæteris muneribus locum habeat: quia illa munera a Præsidibus vel Decurionibus Jurisdictionem habentibus imponuntur: vide de his subtilitatibus antiquis *Manz. n. 5. & Schamb. hic* ergo circa hujus §. fusiores explicationem me detinere non volui; cum nulla exinde utilitas sperari possit.

#### §. DATUS 17.

Quid si pupillus habeat bona in diversis locis diffusa, & ei tutor a testatore simpliciter datus sit, quæ bona debet administrare? R. *Universa.* Ratio, quia tutor simpliciter datus ad universum patrimonium datus esse creditur. *text. hic.* Ratio rationis, quia tutor principaliter datur personæ, quæ individua est: ideo & ipsa tutela individua censetur. *Manz. hic.*

#### §. QUI TUTELAM 18.

Si quis tutor alicujus fuerit, is cura-  
tor ejusdem invitus fieri non compelli-  
tur, tametsi id ipsum pater in testamen-  
to expressisset, ut non tantum tutor, sed  
Curator esset; ratio communiter da-  
tur, quia una gratia sibi præstita con-  
tentus

tentus esse debet. Excipitur libertus sponte a defuncto manumissus, propter immensum eidem collatum libertatis beneficium. *l. 5. Cod. h. t. De praxi & consuetudine locorum idem est curator, qui fuit tutor; quod expedire videtur, quia jam ante notitiam rerum gerendarum habet, quam alter primo acquirere deberet. Possunt tamen tutores, hac consuetudine non obstante, finita pubertate, tutelæ rationibus redditis, administrationem deponere, & adulto curatorem dari petere; prout in Camera Spirenſi sæpe factum testatur Gail. lib. 3. observ. 67. n. 7.*

§. I D E M 19.

**XVI.** Excusationis causa est *matrimonium*. Maritus enim a patre uxoris suæ in testamento aut Magistratu errore juris, vel facti curator datus, a curatione se excusare potest. *text. hic.*

*Dixi errore juris vel facti:* quia de jure maritus uxori non potest dari tutor. *l. 2. Cod. qui dari tut. poss.* Ut proinde improprie se excusare dicatur, quia etsi velit curator uxoris suæ esse, non potest. Ratio a D. D. hæc assignatur; ne uxor propter nimiam affectionem jacturam bonorum suorum patiatur: quia si maritus curam uxoris gereret, tunc illa per amorem, aut per metum ipsi remissionem faceret reddendarum rationum, quod si non faceret, tunc mutus ille amor & conjugalis affectus facile exspiraret. *Manz. n. 4.*

Dicta autem procedunt in bonis *duntaxat receptitiis*. Pro hujus pleniori intellectu sciendum, quod uxor triplicia bona habere dicatur: *Bona dotalia*, quæ loco dotis marito affert: *Paraphernalia*, quæ ultra dotem ei affert, nimirum *hereditaria* & *adventitia*, quæ ipsi ex

successione cognatorum vel aliunde ex prospera fortuna advenerunt: denique *bona receptitia*, quæ uxor ad usum & dispositionem suam reservavit, nec mariti esse voluit. Et de his ultimis decisio nostri §. sortitur locum, non vero de prioribus: ratio, quia maritus bonorum dotalium quodammodo dominus est, *L. pen. Cod. de jure dot.* Bonorum autem paraphernalium legitimus administrator est. *arg. l. fin. Cod. de pact. convent.* ut ita frustra in his bonis de curatore prospiciatur. *Manz. n. 8. 9. & 10.*

Dices: Maritus potest esse procurator in omnibus receptitiis uxoris, *l. 21. Cod. de Procurat.* ergo etiam curator. *R. neg.* paritatem: quia procurator ex merito & libero arbitrio domini revocari potest; curator vero a minorenni revocari, aut amoveri non potest. *Manz. n. 16. Schamb. hic & Harp. & n. 9.*

Hæc procedunt de jure communi; de consuetudine enim nostræ Germaniæ, uxores sunt in potestate vel saltem cura suorum maritorum, qui nostro idiomate *die Ehe-Vogt* vocantur, & plerumque in judicio agunt nomine uxorio vel curatorio. *Manz. n. 17.*

§. F I N A L I S.

Si quis per falso allegatas causas excusationem à tutela prætendat, is audiendus non est, & si intra hoc tempus pupillo, vel rebus ejus damnum aliquod illatum fuerit, de resarciendo tenetur: *Schneid. & Schamb. & hic.* Ratio est, tum quia decreta, aut sententiæ ex falsis instrumentis, attestationibus & allegationibus latæ ipso jure rescinduntur, *Harp. n. 3.* tum quia dolus suus nemini debet patrocinari, & nemo debet ex delicto suo præmium reportare. *Manz. n. 4.*



TITULUS XXVI.  
DE SUSPECTIS TUTORIBUS VEL  
CURATORIBUS.

## SUMMARIA.

## TRANSITIO.

- 1 *Accusatio suspecti alia est civilis.*
- 2 *Alia criminalis.*
- 3 *Competit jure ordinario.*
- 4 *Quilibet tutor, ut suspectus, postulari potest.*
- 5 *Accusare tutorem ut suspectum quis possit?*
- 6 *An mulieres?*
- 7 *An impuberes?*
- 8 *Quis dicatur suspectus.*
- 9 *Tutor remotus ob dolum fit infamis.*
- 10 *Dolus quid sit?*
- 11 *Alius bonus.*
- 12 *Alius malus.*
- 13 *Culpa in genere definitur.*
- 14 *Dividitur in latam, levem & levissimam.*
- 15 *Culpa lata quid sit?*
- 16 *Quid levis?*
- 17 *Quid levissima?*
- 18 *Casus fortuitus describitur.*
- 19 *Quam culpam prestat tutor?*
- 20 *Quæ sit causa suspicionis?*
- 21 *Infamia quid sit?*
- 22 *Alia juris, alia facti.*
- 23 *Quis cujuslibet effectus?*
- 24 *An tutor ob latam culpam remotus fiat infamis?*
- 25 *An lite pendente tutor relinquatur in administratione?*
- 26 *Quomodo finiatur cognitio suspecti.*
- 27 *Pauper an ut suspectus tutor removendus sit?*

**S**uperiori tit. dictum est, quomodo tutores & curatores se à tutela & curatela excusare possint, si velint: jam vero, cum nonnunquam etiam inviti removeantur, si nimirum suspecti fiant, fortè quia non ex fide administrant tutelam, ideo *Imperator* explicat, quinam removeantur ut suspecti.

Dices: quid prodest pupillo, quod tutor vel curator removeatur ut suspectus? nunquid eidem sufficienter actione tutelæ prospectum est? *R.* Propterea removei posse tutores, si suspecti fiant; quia melius est, jura intacta servari ab initio, quam post vulnerata in causam remedium quærere. *L. ult. Cod. de quib. caus. integ. restit. Hæp. n. 3.*

## AD PRINCIP.

**Q**uæ hic: Unde descendat suspecti crimen. *R.* illud descendere ex *L. XII. tab.* cum enim omnia alia quæ ad materiam tutelarum pertinent, ex ista lege dimanent; ergo etiam conveniens erat, ut ex eadem lege suspecti crimen vindicaretur. *Manz. n. 3. hic.*

Suspecti autem accusatio duplex est, 1 alia civilis, alia criminalis. Civilis est, quando civiliter agitur, & petitur, ut tutor vel curator declaretur suspectus, atque ab administratione removeatur, rationem tutelæ reddat, ac reliqua restituat. Criminalis est, quando tutor vel 2 curator accusatur. *Cölingensp. h. t. 1. Schneid. n. 4. Schamb. hic.*

## §. D A T U M. I.

Quemadmodum tutoris datio nec jurisdictionis, nec imperii, sed specialis tantummodò concessionis est, l. 6. §. 2. ff. de tutelis: Ita & facultas de suspecti tutoris crimine cognoscendi specialis concessionis est. Hinc Romæ Prætor, in Provinciis Præsides de suspectis tutoribus cognoscere possunt. *text. hic*

3 Hodie de jure novo, quo inspecto datio tutoris est jurisdictionis ordinariæ, quilibet Magistratus de suspectis cognoscit; nihil enim tam naturale est, quam unumquodque eò modò dissolvi, quò colligatur. *Harp. num. 3 Clariff. D. D. Franz. n. 14. in fine. Zoëf. ff. h. t. Schneid. num. 1.*

## §. O S T E N D I M U S. 3.

4 Traditur hic regula, quòd omnes indistinctè tutores tamquam suspecti postulari possint, & quidem imprimis testamentarius. *text. hic. Et l. 1. §. 5 ff. h. t. junctà l. 4. Cod. eod.*

Non obstat, quòd fides & industria à testatore approbata sit. *princip. Inst. de satisfdat.* quid enim tum? numquid fieri potest, ut qui primùm bonæ vitæ vel frugi videbatur postea malè conversari incipiat? numquid fieri potest, ut morum improbitas antea palliata tandem tersà caligine in lucem fumet? numquid fieri potest, ut prius bonus, justus, parcus, & pupillo utilis fuit, deinde malus, iniquus, prodigus, pupillo noxius redatur? tutius proinde est, & pupillo utilius, ut neque testamentario tutori accusatione suspecti parcatur. *Clariff. D. D. Franz. n. 10. Schneid. 2. Harp. n. 1. hic.*

Deinde tamquam suspectus accusari potest tutor legitimus qui necessitudine vel affinitate pupillo conjungitur. Interim

verò cum suspecti postulatio quandoque infamiam irroget, §. 6. *Inst. h. t. l. 4. §. ff. eod;* Infamia autem uni ex familia illata, totam familiam perstringat, & sic in ipsum pupillum ejusmodi suspecti accusatio redundaret; Ideò cavendum est, ut postulatio suspecti moderatis verbis proponatur; mentio doli omittatur; aut potius pupillo curator adjungatur *arg. l. 11. §. 1. ff. de doli malo Et l. 5. §. 1. ff. de obsequiis parent. Et patron. præstand. Clariff. D. D. Franz. n. 10. Manz. n. 7. hic. Braun tract. de tut. ad lib. 26. tit. 10. n. 16. Brunnem. in l. 9 ff. h. tit. n. 2.*  
De Atiliano tutore, maxime sine inquisitione dato, quin tanquam suspectus accusari, & removeri possit, nullus est, qui ambigat. *text. Et D. D. hic.*

## §. C O N S E Q U E N S 3.

Q. Hic quinam possint tutores vel curatores tamquam suspectos accusare: & R. accusationem quali publicam esse, adeoq; ad illam quemlibet de populo admitti, haud aliter ac in cæteris judiciis publicis. *text. hic. Et l. 1. §. 6. ff. h. t.*

## A D V. Q U I N I M O.

Quamvis regulariter mulieribus, non nisi certis ex causis, permittum sit publicò judicio quemquam facere reum, l. 1. l. 2. l. 3. ff. de accusat: singulari tamen pupillorum favore ad accusationem tutoris tamquam suspecti, Mater, Avia, soror & nutrix admittuntur. *text. hic Harp. n. 5.*

Sed quid de cæteris mulieribus, quæ nullo vinculo necessitudinis pupillo junctæ sunt; admittentur ne & ita ad accusationem suspecti? R. Imperator, si sola pietate in pupillum & injuriâ, quam eisdem inferri cernunt, commotæ; ad accusandum profiliant, & sexus verecundiam non egrediantur, omninò illas admit-

admittendas esse. *text. hic.* §. 1. l. 1. §. h. t. ratio non est alia, quàm merus pupillorum favor. *Manz. n. 9. Mynsing. in fin. Et Vinp. hic.*

#### §. IMPUBERES. 4.

- 7 Impuberes non possunt tutores suos suspectos postulare: *text. hic.* Ratio est: quia in postulandis tutoribus rãquam suspectis certo & maturo animi iudicio opus, ad perpendendum, an tutor quid segniter aut fraudulenter gerat: tali autem iudicio impuberes carere, quis est, qui nescit, quod jugum ut excuterent, quæque fingerent, & causas suspicionis evitarent; sunt enim impuberes ad mentendum faciles. *l. ff. de quest. Vin. loc. cit.*

#### AD VERS. PUBERES.

Cæterum puberes curatores suos ut suspectos postulare possunt, non tamen per se soli, sed ex consilio necessariorum suorum; quod consilium idè requiritur, ne alias ætatis lubrico ducti temerè notent curatores. *Manz. n. 12.* Si necessarij consentire renuant, potest implorare officium iudicis, ut hic ex officio inquirat. *l. 3. §. 1. ff. h. t.*

De jure Austriaco non pupilli duntaxat agnatis & cognatis, sed & contutoribus, nec non Magistratibus rigorosè impositum est, ut de administratione tutorum sedulam & sollicitam curam gerant. *N. Oe. Gerhabschaffts Ordnung tit. 11. §. 2. und obwahlen. &c. i. e. Et quæquam cognatis & contutoribus impositum sit ut ei rei sollicitè invigilent, quæ iudici denunciare queant; jubemus tamen iudices singulos administrationis Tutorum curam sollicitam ex officio gerere.*

#### §. SUSPECTUS. 5.

- 8 Suspectus ille dicitur, qui non ex fide tutelam vel curam gerit, h. e. qui

malè grassatur, vel fraudulenter in rebus pupilli, vel minoris versatur, bona dissipando, profundendo, aut in proprios usus res pupillares convertendo.

Quid si tutor tanquam suspectus accusatus regerat, se solvendo esse & finitã tutelã de malè gestis rationem reddere velle? Nihilominus tamen removendus erit, melius enim est pupillorum jura intacta servare, quàm post vulneratam causam remedium quærere. *text. hic.*

Quid si quis dicatur suspectus, priusquàm tutelam gerere incipiat? Erit & talis ut quasi suspectus removendus. *text. hic.* §. 1. 3. §. fin. ff. h. t. Dico quasi suspectus, propriè enim removeri non potest quia tutor non fuit, *Scham. Et Manz. hic.*

#### §. SUSPECTUS 6.

Effectus accusationis suspecti est remotio tutoris, quæ si fiat ob dolum administratione admissum, infamiam irrogat. Si vero tutor ob culpam solummodo removeatur ut suspectus, existimationem illæsam servat. *text. hic.* §. 1. 3. §. ult. ff. h. t.

Illud tamen ad irrogandum tutori infamiam requiritur, ut iudex causam remotionis, intellige, dolum in decreto disertè expresserit *l. 4 §. 1. ff. h. t.* Et in hunc sortè modum pronuntiaverit: *Weilen &c. i. e. Quoniam satis appareat Sempronio dolosè, in detrimentum pupilli, lucrique faciendi causa, tutelam gessisse &c.* Sin Iudex expressam doli mentionem in decreto non fecit, tutor remotus infamis non redditur, fortè quia taliter pronuntiavit; &c. *Weil genugsam &c. i. e. Quoniam sufficienter probatum sit reum pupillo damnosum esse, nec administrationi idoneum &c. Brunnem. in d. l. 2. §. 1. Et 2.*

Porro cum occasione hujus §. vehementer

monter inter se colliduntur AA. atque expeditum non sit, de qua culpa illa verba, *ob culpam non aquo*, intelligenda sint. Ideo priusquam in hac obitante difficultate nostram mentem aperiamus, duxi, non abs re fore, si seqq. IV. discutiantur quaestiones.

I. Est, quid & quotuplex sit dolus & culpa? II. quam culpam praestet tutor? III. quæ sint causæ suspicionis & remotionis? IV. quid & quotuplex sit infamia? Itaque

**X** Q. I. quid & quotuplex sit dolus & culpa? R. quod dolus in genere à variis variè definiatur, placet, quod sit iuvandi nocendique causâ simulatio, *Bargal. de dolo & culpa lib. 1. cap. 1. Harp. l. 1. §. 2. de obligat. n. 66.*

**XI** Alius est bonus alius est malus. Dolus bonus est solertia & quædam astutia, quâ aliquid machinamur in hostem, aut latronem. *Can. Dominus caus. 23. q. 2. si ve qua fraudem alias nobis nocituram excludimus. l. 1. §. 2. & 3. ff. de dolo malo. Schamb. Inst. hic. Exemplum doli boni plurima recenset Bargal. loc. cit. cap. 2. n. 6. & seqq.* Mihi istud præ cæteris placet, quod scriptum legimus de B. Athanasio, qui cum a Juliani Apostatæ satellitibus conquireretur ad necem, naviculam in contrariam fluminis partem convertit & insequentibus se, sponte, & ex industria occurrit, cumque interrogaretur, nunquid de Athanasio sciret? in responsum dedit, se haud procul hinc illum navi euntem vidisse, atque ita illos contrarium cursum tenentes sagaciter effugit, ac ita bono dolo imminentem sibi mortem exclusit. Hoc etiam sensu intelligendus est Pomponius in l. 16. §. penult. ff. de minor. ubi ait, naturaliter licere contrahentibus se circumvenire ratione pretii & valoris, i. e. licere ex astutia & solertia suam conditionem meliorem fa-

cere, sine omni tamen malitia *Perez. in Cod. de dolo malo. n. 2.*

Dolus malus est omnis calliditas, fallacia, machinatio ad circumveniendum, fallendum, decipiendum alterum adhibita, l. 1. §. 2. de dolo malo, *Perez. loc. cit. n. 1. Manz. Inst. quib. mod. recontrah. oblig. §. 2. n. 2. Schamb. Inst. hic. Harp. Inst. §. 2. de obligat. n. 27.* Exemplum doli mali est, si tutor instigaret aliquem, ut rem pupillarem, apertâ hunc in finem cistâ, surriperet, venderetque, & pretium exinde redactum secum participaret. Alia exempla doli mali enumerat *Bargal. loc. cit. lib. 2. cap. 3. n. 8.*

Culpa in genere definitur, quod sit imprudentia, quâ homines circa res alienas vel omittunt quod debent facere, vel faciunt, quod debent omittere. *Harp. loc. cit. n. 74. Clariss. D. P. Konig. ad decret. de pact. n. 56. Paulo aliter Clariss. D. D. Franz. Inst. quib. mod. recontrah. oblig. part. 2. §. 9. n. 15. Manz. loc. cit. n. 4. Solide Schamb. hic.*

Dicitur I. imprudentia, ut differat à dolo, qui à sciente & prudente, non ab improvido & inscio committitur, l. 1. §. 2. de dolo malo.

Dicitur II. circa res alienas; in res enim proprias culpa propriè non cadit, l. 18. §. 1. ff. solut. matr.

Dicitur III. vel amittunt, quod debent facere, vel faciunt, quod debent omittere; quoniam culpa dupliciter fit, puta, committendo & omitterendo. Illa tamen quæ in committendo consistit, major est, quam quæ in omitterendo, arg. l. 91. §. 3. ff. de V. O. *Bargal. tract. de dolo & culpa lib. 5. cap. n. 14.*

Dividitur culpa (quidquid alii contra dicant) in latam, levem, & levissimam. Ita *Clariss. D. D. Franz. loc. cit. n. 16. D. P. Konig. loc. cit. n. 1. Manz. loc. cit. n. 6. Schneid. Inst. quib. mod. recontr. oblig. §. 1.*



n. 37. Harp. loc. cit. n. 78. Bargall. loc. cit. n. 37.

- 15 *Culpa lata* haud inconcinne describitur quod sit crassa ignavia, magna incuria supina, inexcusabilis, & extreme reprehensibilis negligentia, cum videlicet quis non intelligit, quod omnes intelligunt, illud nescit, quod omnes scire debent, illud non facit, quod omnes facerent, vel omittit, quod nullus omitteret, l. 223. ff. de V. S. Manz. hoc. tit. n. 6. Exempla culpæ latæ sunt, v. g. si quis noctu ostia ædium, vel fenestras relinqueret apertas, & crederet, neminem intraturum. Item si quis ignorare se contenderet, quod publicè vulgatum. Item si quis equum conductum totâ die fatigaret ac impelleret, & noctu locò pabuli aquam & stramen porrigeret: vel si quis totò annò semel, aut numquam curaret caminum purgari.

Hæc culpa in jure dicitur dolo proxima, & dolo frequenter comparatur, l. 1. §. 1. ff. si mensor fals. mod. dixer. §. l. 32. depositi.

- 16 *Culpa levis* est non adhibere tantam curam, diligentiam, & custodiam, quantum adhibet diligens paterfamilias in rebus propriis secundum communem hominū naturam. Schneid. loc. cit. n. 39. Manz. n. 7. Exempla hujus varia occurrunt, v. g. si tutor dimittit rem pupillarem in cubiculo, cista non occlusa, vel clave non exempta. Item si quis non clausit altiores fenestras, per quas fures admotis scallis intrare possunt. Item si quis adhibeat operarios inertes. Item si quis nescit qualitatem rei suæ, Bargall. cit. lib. 5. cap. 3. n. 14. & l. 1. Clariss. D. P. König. de pact. §. 57. Cui hanc culpam regula obtinet; quod toties illa intelligatur, quoties simpliciter in legibus fit mentio culpæ, §. Inst. quib. mod. re contrah. oblig. l. §. §. 2. ff. de iur. iur. l. 1. Harp. Inst. de oblig.

gat. §. 2. n. 83. Clariss. D. D. Franz. Inst. de susp. tut. n. 21. Bargall. loc. cit. n. 18.

*Culpa levissima* est, non adhibere tantam diligentiam in rebus alienis, quantum adhibet diligentissimus paterfamilias in rebus suis, v. g. si depositarius vel tutor dimittit rem depositam vel pupillarem in cubiculo, occluditque diligenter januam, sed abiens non removet clavem, & tentat, clausa rectè sit janua, nec ne? Schneid. §. quib. mod. re contrah. oblig. n. 4. vel si quis fenestras versus publicum remotiores à locis, in quibus dormit familia, non munivit clathreis, aut ferreis perticis. Clariss. P. König. loc. cit. n. 56.

Casus fortuitus est *inopinatus eventus*, 18 qui nullâ humanâ industria aut providentia caveri aut averti potest. l. 2. §. 7. de administ. rer. ad civit. pert. Exempla casus fortuiti in jure nostro per multa reperies ut naufragia, inundationes, terra motus, incendia ex fulmine orta, ruinas ædium, insultus hostium, prædonum impetus &c. l. 23. de R. J. quibus adnumera furtum domesticum: arg. l. 14. §. 6. ff. de furt. Schneid. ad princip. quib. mod. de re contrah. oblig. 34. Harp. Inst. de oblig. §. 2. n. 85.

Absolvimus primam questionem: Nunc

Q. II. quam culpam præstet tutor, sive 19 (ut luculentior tibi loquendo sim) ex qua culpa teneatur tutor datum pupillo damnum resarcire? R. tutorem regulariter teneri de lata & levi culpa, ita Clariss. D. D. Franz. Inst. de satisfact. Tutor. n. 10. Hunn. ad Treuth. vol. 2. disp. 9. thes. 5. Carpzov. lib. 5. Resp. 73. n. 1.

Probatum (ut plura loco citato) per rotundum text. l. 7. Cod. arbitrium tutela, his verbis: Quidquid tutoris dolo vel lata culpa, levi seu curatoris minores amiserint vel cum possent, non acquisierint, hoc in

*tutela seu negotiorum gestorum utile iudicium venire non est incerti juris.*

Non obstat l. 5. §. 2. ff. commodati ubi si contractus planè non respicit utilitatem obligari, non præstatut nisi lata culpa. R. enim à communi regula hoc in passu favore pupillorum recessum esse. Franz d. loc.

Dixi regulariter, in casu enim quo tutor spontè se administrationi obtulit, ad levissimam quoque culpam censetur obstrictus § 3. §. ff. de furt. Et arg. l. 1. §. sepe. ff. depositi. Bargal. tract. de dolo Et culpa lib. 5. cap. 4. n. 32. ubi n. 22. ait, in officiis & muneribus publicis quale est tutela, §. 1. Inst. de Excusat. tut. quorūquam non nisi ad levem culpam obligari.

- 20 Q. III. *Qua sint causa suspicionis, & remotionis?* R. illas in universum determinari non posse, adeoque hac in re, quàm plurimum boni iudicis arbitrio committendum esse, Schneid. tamen §. Inst. h. t. num. 6. earum VII. recenset: ubi vide.

De jure Austriaco res ita se habet. Wann man, &c. i. e. Si animadvertatur Tutorem muneribus, aliave ratione in tutelam irrepisse, nullum inventarium confecisse, pupillos male educare, in eorum bona dolosè agere, eave in lucrum sibi vertere, aut si quando necessitas Et consensus iudicis ad vendendum requiritur, citra necessitatem vel consensum vendiderit, alienaverit; si census tributave accumulari siverit: istis vel similibus de causis, poterit Et debet Tutor, iudicis tamen arbitrio, removeri.

- 21 Q. IV. *Quid Et quotuplex sit infamia?* infamia est nihil aliud, quam diminutio famæ vel existimationis, quæ est dignitatis illæ status legibus ac moribus comprobatus. l. 5 §. 1. ff. de extraord. cognit. Perez. n. 4. Cod. ex quibus caus. infam. irrog. S. hamb. §. 6. Inst. hic.

Infamia duplex est; alia juris, alia<sup>22</sup> facti. Infamia facti est, quæ pudorem potius onerat, quàm ignominiam irroget, l. 20. ff. de his, qui notant. infamia: sive ut elariùs loquar, quando lex quidem aliquem non ait esse infamem, àpud homines tamen fortè propter dissolutos mores aut vitæ improbitatem non benè audit, v. g. si filius à patre in testamento graviter accusatus fuerit. l. 13. ff. eod. vel si quis à superiore vel à iudice publicè increpatus, Et admonitus fuerit, ut ad meliorem vitæ frugem se reformet. l. 19. ff. h. t.

Infamia juris est, quæ per legem aliqui inuritur: talem infamiam incurrit, qui hinas nuptias eodem tempore contrahit. l. 1. l. 13. ff. eod. Item qui in scenam aut arenam prodit, quæstus facienda causà d. l. 1. Item qui improbum facinus exercet, & usuras usurarum exigit. l. 20. Cod. Ex quib. caus. infam. irrog. Denique qui dolosè tutelam gerit. text. hic. Perez. loc. cit. n. 4. Zoëf. de his qui not. infam. num. 2.

Effectus alius est infamie Juris, alius<sup>23</sup> infamie facti. Illa repellit à dignitate, tam acquirendi, quàm acquisitâ lib. 2. Cod. de dignit. à munere testificandi. Zoëf. numer. 15. Perez. num. 15. loc. cit. Brumm. in d. lib. 2.

Infamia facti non quidem excludit à testimonio, sed vim testimonii vehementer minuit. l. 2. ff. de Senat. Zoëf. d. l. n. ult. Brumm. in d. l. 2. ff. de Senat. Et l. 3. Cod. de dignit. ubi varias hominum condiciones à dignitatibus consequendis repellit, & mercaturam nobilitati vehementer ait officere. Cui suffragatur Myns. cent. 6. obs. 54. n. 5. Ubi sub n. 9. Nobiles, inquit, qui se in testimoniis implicant, cogendos, tamquam plebeios & viles, contribuere solvendis collectis.

His in antecessum præmissis tandem  
vix mortæ non impatiens,

24 Q. V. An tutor remotus ob culpam la-  
tam fiat infamis?

In utramque partem prælio adeo an-  
cipiti agitata hæc est controversia, ut om-  
ninò dubitare possis, suspensio similis,  
cui sententiæ palma victoriæ decernenda  
sit.

In Negantium castris ad classica ca-  
nunt Clariss. D. D. Franz. *Inst. htc. n. 20.*  
*Harp. §. 6. hic. n. 2. Arumæ. exercit. Jus-*  
*tin. 3. ib. 33. Clariss. D. D. Chlingensph.*  
*Inst. h. t. q. 9. Braun. tract. de tutel. ad*  
*sit. de suspect. tutor. ib. 27. Schneid. n. 2.*  
*Manz. htc.*

Pro qua negativa sententia argu-  
menta stringunt validissima.

I. Desumitur ex hoc nostro §. 6. his  
verbis: *Suspectus autem remotus, qui-*  
*dem ob dolum famosus est: si ob culpam ob*  
*non aque.* En textus indistincte & gene-  
raliter loquitur; ergò nos non oportet di-  
stinguere, præcipuè in lege pœnali, ubi  
semper interpretatio facienda est in mi-  
torem partem, l. pen. ff. de pen. & cap.  
19. de R. J. in 6. atqui benignior inter-  
pretatio est, si d. §. 6. intelligamus de  
culpa lata, ut sensus emergat iste: *Ob*  
*culpam latam non aque.*

II. Taliter adornant: dictum de genere  
vel toto; censetur dictum de singulis  
speciebus & parti us, arg. l. 68. ff. delegat.  
3. l. pen. § ult. ff. de jur. & facti ignor. &  
l. ult. Cod. de hered. vel. act. vendit. Sed  
Imperator generaliter & indefinitè negat,  
ob culpam remotum fieri infamem; ergò  
nulla culpa infamat remotum.

III. In hunc modum efformant: ob  
culpam latam nemo potest privari vita,  
l. 7. ff. ad leg. Cornel. de Sicariis. ergò  
etiam ob culpam latam nemo poterit

privari famâ; decantatum enim est, quòd  
vita & fama pari passu ambulent. l. 9. ff.  
de manumiss. vindict. & l. 8. §. pen. ff.  
quod metus causâ.

IV. Deprimunt, ex l. 7. Cod. de  
suspect. tutor. ubi in hæc verba disertè  
rescribitur: *Suspectos tutores ex dolo, non*  
*etiam eos, qui ob negligentiam remoti sunt*  
*infames fieri, manifestum est.*

V. Producent, ex l. 3. §. fin. ff. h. t.  
ubi tutor remotus ob segnitiam, rusti-  
citatem, inertiam, simplicitatem in ea  
causa esse dicitur, ut integra existima-  
tione à tutela abeat, quæ verba collectivè  
sumpta utique latam involvunt.

VI. Stringunt, ex l. 7. §. 1. ff. h. t.  
ubi remotus ob latam negligentiam dicitur  
solummodò quasi suspectus; ergò non  
est verè talis, consequenter non remo-  
vendus.

VII. Sic effingunt: ob quam culpam  
tutor non potest removeri tamquam  
suspectus, de illa culpa non potest intel-  
ligi noster §. 6. sed ob culpam levem  
tutor non potest removeri ut suspectus;  
ergò de culpa levi §. 6. non potest intel-  
ligi. Hòc argumentò utitur Braun. loc. cit.  
n. 27. vers. probatur 2.

Verùm his argumentis licet valdè spe-  
ciosus, in contrarium nihil revelantibus,  
non attentis, magis arridet sententia,  
quæ docet tutorem ob culpam latam re-  
motum fieri infamem. Huic sententiæ  
applaudunt Hun. ad Treutl. vol. 2. disp.  
9. quest. 20. Bachov. ibid. lit. C. Zoës. ff.  
h. t. num. 9. Schamb. *Inst. htc. Vin. hic.*

Pro qua stant hæc fundamenta

Primum & præcipuum ponitur in l.  
quod Nerva 32. ff. depositi. ubi lata culpa  
æquiparatur dolo: imò in 226. ff. de V.  
S. lata culpa disertè dicitur esse dolus, &  
in l. 7. §. 1. ff. h. t. lata culpa dicitur propè  
fraudem esse.

Non

Non movet, quod in delictis lata culpa non æquiparetur dolo. *l. 7. ff. ad leg. Cornel. de Sicariis*: hic autem versemur in delictis. Enim vero id tunc demum procedit, si talia sint delicta, quæ pœnam corporalem ingerunt, *d. l. 7. secus est in delictis, quæ pœnam corporalem non ingerunt, in his enim lata culpa æquiparatur dolo. l. 1. §. 1. ff. Si mensor fals. mod. dixerit*, ubi si mensor falsum modum renuntiat, lata culpa æquiparatur dolo; atqui mensor, falsum modum renuntiando, delinquit, *tot. tit. ff. si mensor fals. mod.* Ergo in delictis, quæ pœnam sanguinis non ingerunt, lata culpa æquiparatur dolo. Accedit *l. 11. ff. de his, qui notant. infam.* Ubi per ignorantiam juris ducens viduam intra tempora luctûs fit infamis: sed ignorantia juris non est dolus; ergo, &c.

II. Colligitur *l. 5. §. 2. ff. commodati, & l. 23. ff. de R. J. juncta l. 3. §. 1. ff. Nautæ, caupones, stabularii*. Quibus locis pro regula traditur, quod toties, quoties in jure simpliciter fit mentio culpæ, intelligatur culpa levis; atqui in nostro §. VI. fit simpliciter mentio culpæ, ergo, intelligi debet culpa levis.

**Argumenta Contraria nullo labore profligantur.**

I. Quidem ex paulò antè allegatâ regulâ prostermitur; quoties enim simpliciter fit mentio culpæ, intelligitur culpa levis. Nec movet, quod in dubiis interpretatio fieri debeat in mitiorem partem; negatur enim suppositum, nos versari in dubiis: siquidem per textus adductos meridiana luce clariùs ostenditur, latam culpam excepto crimine pœnam corporalem ingerente, æquiparari dolo.

Deinde quando de sententia juris quaeritur, usus præcipuè spectandus est. *l. 37. ff. de L. L. de usu* autem verbi hic quaeritur,

non de eo producendo per interpretationem. *Vim. loc. cit.*

II. Procedit, si generis & speciei, item totius & partium sit eadem ratio, quæ nostro in casu diversa est; lata enim culpa æquiparatur dolo, idque ex auctoritate juris, prout abunde demonstratum.

Ad III. R. Vitam & famam non semper ambulari pari passu, sed eo fortè duntaxat casu quo militat favor libertatis, sicut in casu cit. *l. 9. Accedit l. 38. §. penult. ff. ad Leg. Jul. de adult.* Ubi dicitur, quod cujus famæ parcendum est, multò magis parcendum vitæ, ut satis innuatur vitam & famam non ubique pari deambulare passu.

IV. Nec hili, nec pili est; quis enim non intelligit, per negligentiam ibi designari duntaxat levem culpam?

V. Eadem responsione eliditur, quæ segnities, rusticitas, inertia, & simplicitas ibi levem tantum culpam denotant.

VI. Exinde nihil probat, quia potius confirmat quàm infirmat nostrâ sententiâ. Quis enim adeo hospes est in jure, quin intelligat Particulam quasi idem designare, quod particula *tanquam, utpote, veluti*.

Ad VII. & ultimum. R. *conc. maj. nego min.* falsum enim est, tutorem ob levem culpam removeri non posse ut suspectum; enim vero omnis ille, qui tutelam non ex fide administrat, potest removeri ut suspectus; & licet remotus ob culpam levem non fiat infamis, non tamen sequitur, removeri non posse, si id pupilli utilitas exigat, aliud enim est, posse removeri tutorem, aliud fieri infamem. a *Someting. Inst. h. t. n. 8.*

Quibus omnibus pro & contra deductis, patet in rigore juris, tutorem ob latam culpam remotum, fieri infamem licet judicando contrarium servari posse, autu-



autumet *Brumem. in l. ult. Cod. h. t.*

### I Q U I S. 7.

25 Q. Hic, *an lite pendente, sive an durante suspecti cognitione tutor in administratione relinquatur, nec ne?*

Dixeris quod sic, quia pendente lite nihil innovandum *Clement. 2. § tot. tit. ut lite pendente.*

Verum hoc non obstante *R. Imperator*, quod interea tutori interdicatur administratio, donec cognitio finiatur, & pupillo curator detur. *Manz. 3. Schneid n. 5. Myns. num. 5.*

### §. SED SI. 8.

26 Q. Hic, *an suspecti crimen aliquando finiat?* *R.* si tutor vel curator moriatur, etiam finiri cognitionem suspecti, ita ut nihil ad hæredes eorum transeat. Ratio: quia per accusationem suspecti aliud nihil intenditur, quam ut tutor removeatur, per mortem vero satis utique removeatur. *Clariss. DD. Franz. n. 22. h. t. ubi & hanc rationem addit, quod crimina morte reorum generaliter omnia extinguantur. l. 2. l. Cod. si reus vel accusatus mortuus fuerit.*

### §. SI Q U I S T U T O R. 9.

Q. In hoc, *an tutor nulla alia pena afficiatur, quam pena infamia?* *R.* duos esse casus, quibus tutor non solum removeatur ut suspectus, sed etiam gravius puniatur. I. Casus est, si tutor citatus apud Prætorem sui copiam non faciat, & sine iusta causa pupilli, ut ex illis eidem alimenta pro dignitate status, & quantitate patrimonii decernerentur: indicare renuat; tunc enim  
*Kees ad Instituta.*

pupillus in possessionem bonorum tutoris immittitur. *text. hic.* Et si adhuc tutor, ista missione non obstante, pupillo alimenta non præstet, removendus est, ut suspectus. *Manz. n. 6. § 7.*

### §. SED SI. 10.

II. Casus est, si tutor quidem sui copiam facit, sed per mendacium negat, pupillo alimenta decerni posse. Hoc enim casu non tantum removeatur, ut suspectus, sed etiam ad præfectum urbis puniendus remittitur. Sed qua poena? *Manz. putat, arbitraria, quæ toties locum habet, quoties leges volunt, aliquem puniri. Speciem tamen poenæ non exprimunt. l. 1. §. 1. ff. de effract. Menoch. de arbit. Jud. quest. cas. 401. num. 18.*

### §. LIBERTUS II.

Idem quod de tutore puniendo mox ante dictum est, extenditur ad libertum, qui fraudulenter tutelam filiorum vel nepotum patroni sui gessisse probatur. *text. hic. § l. 2. ff. h. t.*

### §. NOVISSIME FIN.

Quid si tutor suspectus satis offerat, & caveat se impoſterum fideliter administraturum tutelam; erit tamen removendus: satisfactio enim malevolum tutoris propositum non mutat. *text. hic.*

An laborans paupertate ut suspectus, 27 removendus: *R.* quod non, quia suspectus ille dicitur, qui non ex fide tutelam gerit. *§. 5. h. t. qualis non est pauper.*

Dices: testis pauper. *l. 3. ff. de testib. pater adoptivus pauper. l. 17. §. 2. de adopt. accusator pauper. l. 10. ff. de accusat.*

*fat. sunt suspecti; ergo etiam tutor. R. cons. ant. nego conseq.* Tametsi enim in jure reperiantur casus, quibus paupertas nocere solet, non est tamen facien-


da extensio ad casus diversos; odia enim restringi, & favores convenit ampliari. *Cap. odia de R. J. in 6. Manz.*

FINIS LIBRI PRIMI

INSTITUTIONUM IMPERIALIUM

Omnia ad Majorem DEI, Supremi Judicis Gloriam. Et intaminatæ Virginis sine labe Originali Conceptæ MARIÆ Advocatæ Nostræ honorem.





# INSTITUTIONUM IMPERIALIUM

LIBER II.

---

## TITULUS I.

DE RERUM DIVISIONE, ET ACQUIRENDO  
IPSARUM DOMINIO.

### SUMMARIA.

- |  |   |
|--|---|
| 1 <b>O</b> bjectum Juris triplex est.                | 13 Res Universitatis quæ dicantur?  |
| 2 Res aliæ sicut divini, aliæ humani Juris.          | 14 Item, quæ res dicantur nullius?  |
| 3 An servitutes dicantur in bonis nostris esse.      | 15 Res sacræ quæ sint?  |
| 4 Quæ res dicantur esse communes?                    | 16 Et, ut tales efficiantur quid requiratur?                                  |
| 5 Publicum & commune in Jure quandoque confunduntur. | 17 Res sacræ alienari nequeunt.   |
| 6 An detur Dominium maris?                           | 18 Limitatur in tribus casibus.   |
| 7 Quenam res dicantur publicæ?                       | 19 Res Ecclesiasticæ commercio humano obnoxie sunt.                           |
| 8 Flumen privatum in quo differat a proprio?         | 20 Res Religiosæ quæ dicantur?  |
| 9 Littus quid sit?                                   | 21 Mortuum inferre an & quando liceat in locum communem.                      |
| 10 Quo modo differat a portu?                        | 22 Corpus hominis si dividatur, quis locus sit religiosus?                    |
| 11 Ripa quid sit?                                    | 23 Si cades in confinibus commissæ sit, quis dicatur Judex competens delicti? |
| 12 Item, an publica sit? an privata?                 |   |

- 24 *Res sancta qua dicantur?*
- 25 *Qui delinquit in portas & muros civitatum, punitur capite.*
- 26 *Res singulorum qua sint?*
- 27 *Definitur Dominium.*
- 28 *Et traditur ejus divisio.*
- 29 *Princeps an possit subditos jure quasi-to privare?*
- 30 *Occupatio quid sit?*
- 31 *An princeps jus venandi subditis adimere possit?*
- 32 *Feripeta an pena mortis affici possit.*
- 33 *Apes an dicantur animalia mansueta, an fera?*
- 34 *Columbas sine crimine furti non licet capere.*
- 35 *Occupata in bello cui cedant?*
- 36 *Inventio quando dominium tribuat?*
- 37 *Si duo simul gemmam videant an cedat videnti an occupanti.*
- 38 *Alluvio quid sit, & quando domini-um operetur.*
- 39 *Insula alia est naturalis, alia causalis.*
- 40 *Insula cui cedat?*
- 41 *Alveus quid sit, & cujus fiat?*
- 42 *Inundatio quid sit?*
- 43 *Quid sit specificatio, & cujus fiat res specificata?*
- 44 *Requisita specificationis enumerantur.*
- 45 *Intextura quid sit?*
- 46 *Quid confusio?*
- 47 *Quid commixtio?*
- 48 *Inaedificatio quando in solo aedificantis sit ex aliena materia, cui cedat aedificium?*
- 49 *Actio dupli de tigno juncto datur etiam in bona fide jungentem.*
- 50 *Quid juris sit, si quis ex sua materia in alieno solo aedificaverit?*
- 51 *Impensa alia sunt necessariae, alia utiles, alia voluptariae.*
- 52 *Quales impensas bona & male fidei Possessor deducat, aut tollat.*
- 53 *Implantatio quid sit?*
- 54 *Quomodo dominium tribuat?*

- 55 *Satio quid sit.*
- 56 *Item, quid Scriptura?*
- 57 *Item, quid Pictura?*
- 58 *Perceptio fructuum ex re aliena, quam bona fide possidemus, qualis sit?*
- 59 *Fructus quotuplices sint?*
- 60 *Naturales, an bona fidei possessor suos faciat?*
- 61 *An extantes teneatur restituere?*
- 62 *Mala fidei possessor quales fructus suos faciat?*
- 63 *Colonus quales fructus acquirat,*
- 64 *Usufructuarius in locum demortuorum arborum an teneatur alias substi-tuere?*
- 65 *Thesaurus quid sit?*
- 66 *Et an, & quando cedat inventori.*
- 67 *Item quid juris, si in loco publico, sacro, vel religioso repertus sit?*
- 68 *Quid deinde, si in fundo feudali, vel Emphyteutico reperiatur?*
- 69 *Traditio, ut dominium in acceptan-tem transferat, qua debeant concur-rere?*
- 70 *Error circa causam, an impediatur trans-lationem domini?*
- 71 *Emptio venditio non transfert domi-nium, nisi pretium exsolutum, aut fides de pretio data sit.*
- 72 *Traditio per brevem manum qua-dicatur?*
- 73 *Traditio ficta, quomodo fiat?*
- 74 *Missilia cui cedant?*
- 75 *Res derelicta quando fiant occupantis?*

## C O N N E X I O.

**D**Ictum §. fin. de J. N. G. & C. I  
omne Jus Romanum, quo nos  
utimur, vel ad Personas pertinere, vel  
ad Res, vel ad Actiones; ita ut tria sint  
partialia Juris objecta. Cum itaque in  
Libro I. actum sit de Personis, utpote  
primo objecto Juris, justo ordine sequi-  
tur, ut de Rebus, veluti altero Juris  
objecto,



objecto, agatur. Nos autem hic rem non consideramus physice, contemplando ejus essentiam; sed juridice, considerando jus, quod circa rem habemus, *Manz. prin. Inst. hic n. 5.*

## AD PRINCIP.

2. Res (inquit Imperator) vel sunt in patrimonio nostro, vel extra patrimonium nostrum; non vero satis declarat, quæ dicantur esse in patrimonio nostro, & quæ extra patrimonium: itaque nostrum est, id luculentius explicare; & tametsi arctiori significatione res in patrimonio nostro illæ dicantur, quæ a Patre profectæ sunt & ex ejus hæreditate, adeoque quas certo & proprio dominio possidemus *l. 9. ff. rem pupill. saluum fore l. 8. ff. famil. hercis.* hoc tamen loco in patrimonio nostro esse, nihil est aliud, quam esse in bonis nostris *l. 1. ff. de D. R.* in bonis autem nostris id omne contineri dicitur, ad quod possidentes exceptionem, amittentes actionem ad recuperandum habemus, *l. 12. ff. de A. R. D.* Unde sua sponte fluit, in patrimonio nostro non illas duntaxat res existere, in quibus verum, sed & illas, in quibus habemus quasi dominium. Sic non est dubium, tam res corporales, quam incorporales contineri in patrimonio nostro, v. g. Jura, servitutes, nomina debitorum &c. Ratio est, quia & harum respectu habemus exceptionem & actionem; *l. 4. ff. de V. S. Harp. Instit. hic. num. 163. Obtingen. q. 3. b. t.* Extra patrimonium nostrum dicuntur esse res, quæ de facto in nullius privati sunt patrimonio vel dominio; v. g. res communes, publicæ, Universitatis, nullius &c. Sane hæc divisio minus videtur esse accurata, ut diutius eidem inhærendum non sit. Melius forte fecisset Justin. si dixisset, res alias esse divini, alias humani

Juris. Divini Juris, quæ neque actu, neque potentia humano commercio sunt obnoxie. Res divini Juris sunt v. g. res Sacræ, Sanctæ, Religiosæ. Res humani Juris iterum vel sunt in patrimonio nostro vel extra patrimonium nostrum. Illæ sunt, quæ in Dominio privato singulorum existunt. v. gr. Dominus, ager, &c. quem quis, tamquam proprium possidet. Hæ dicuntur, quæ de facto in nullius dominium pervenerunt. Huc pertinent res communes, publicæ, Universitatis &c. de quibus omnibus in ordine.

Dices: supra assertum est, servitutes 3  
esse in bonis nostris; sed servitutes non sunt in bonis nostris, *l. 1. ff. de usu & usufr. per legat. dat.* ergo. Hæc ipsa lex quantopere torserit Doctorum ingenia, dici non potest, & sane tot fere sunt ejus interpretationes, quot interpretum capita. Mihi placet ista responsio quod JConsultus non asserat, ipsam servitutem, in fundo alterius constitutam, non esse in bonis nostris, sed duntaxat usufructum servitutis, v. g. itineris, in fundo alterius constitutæ non esse in bonis nostris, quia servitus servitutis constitui non potest. Itaque cum in *d. l. 1. usufructus servitutis legatus esse proponatur, quæritur, an tale legatum valeat?* & deducitur, non valere, quia ille usufructus neque in bonis, neque extra bona est, quia servitus servitutis constitui non potest; proinde in stricto Jure legatum tale corrumpitur. Ex æquitate tamen legatario in *d. l. 1.* applicatur incerti actionis, qua petit ab hærede, ut liceat ipsi legatario, quamdiu vivit uti illa servitute itineris. *Hertogg. ad Instit. b. t. n. 2. Hurn. var. resol. l. 2. tract. 1. q. 4.* vide aliter explicantem, *Harp. hic. n. 168. Zaef. lib. 44. d. A. R. D. n. 3.*

## §. ET QUIDEM I.

4 Q. in hoc §. *quoniam res dicantur esse communes?* Ad quod Imperator non R. definiendo, sed exempla tantum enumerando; & quidem ratio definitionis omisſæ iſta redditur, quia omnis definitio in Jure periculofa eſt, parum enim eſt, quin ſubverti poſſit. *l. 202. ff. de R. J.* Præſtat proinde, quod exempla recenſeat quia Seneca teſte, *epiſt. 6. longum iter eſt per præcepta, breve, & efficax per exempla.* Puto *res communes* haud inconcinne definiſſe poſſe eſſe illas, *quarum uſus omnibus hominibus vacat, proprietat autem actu nullius eſt.* Dicitur *actu*, quia per apprehenſionem alicujus fieri poſſunt & ita differunt a rebus Divini Juris, quæ neque actu neque potentia in dominium alicujus pervenire poſſunt, *Schamb. hic.* In hanc claſſem pertinent aer, aqua profluens, mare, & per hoc littora maris, quia littora ſunt veluti pars & acceſſorium maris; acceſſorium autem ſequitur naturam ſui principalis. *l. 178. ff. de R. J.*

5 Non obſtat I. *l. 45. ff. de Uſurp. & Uſucap.* ubi littora maris dicuntur eſſe publica. R. enim, ibi publicum pro communi poni; hæc ſiquidem duo in Jure haud raro *l. confunduntur. 2. §. 1. l. 12. ff. de D. R. l. 121. ff. de A. R. D. Harp. princip. Inſt. h. t. num. 171.*

Non refragatur II. *l. 3. ff. ne quid in loco publico* ubi littora, in quæ populus Romanus Imperium habet, dicuntur eſſe populi Romani: ergo falſum eſt, littora maris populi Romani eſſe non quoad uſum & proprietatem; ſed quoad protectionem, Jurisdictionem & imperium. Ut ſenſus ſit: ſicuti princeps Jurisdictionem exercet in omnibus bonis ſuorum ſubditorum, licet bona neque quoad proprietatem, neque quoad uſum

pertineant ad principem, ita quoque Romani Jurisdictionem in littora maris exercent tamen ſi littus maris ad ipſos non pertineat. Et ſane magna ratio ſuadet, ut etiam in littora maris Jurisdictione deſit: ne alias contingat, ut crimina in mari commiſſa maneant impunita, contra *l. 70. §. 5. ff. de fidejuſſ. Schamb. hic, & Zoef. de D. R. u. 5.*

Manet itaque indubitatum, quod aer, aqua profluens, & mare, item per hoc & littora maris communia ſint. Unde infero: quod cuilibet liceat uti Aere ad ſpirandum, aqua profluente ad hauriendum, ad lavandum, ad aquandum pecora, Mari ad navigandum, ad piſcandum, item littore maris ad retia illic ſiccanda, ad gemmas ibi colligendas, ad naves appellendas, ad caſam exſtruendam, ita, ut caſa vel ædificium ibi exſtructum, una cum ſolo, fiat ædificantis, *l. 6. ff. de D. R.*

Nec adverſatur, quod ſolo impoſitum ſolo cedat. *§. 29. Inſt. h. t.* quia hoc procedit de ſolo privato non etiam de ſolo communi: quod enim commune eſt, cedit occupanti, *l. 14. ff. de A. R. D.* ita tamen, ut ædificio ſublato, ſtatim locus rurfus fiat communis & ad ſuam naturam redeat; res enim communes in Dominio occupantium non manent diutius, quam ab iis poſſideantur. *Weſemb. Inſt. h. t. §. 1. num. 7. & res facile redit ad ſuam naturam. l. 27. §. 2. ff. de pact. Manz. hic. n. 27.*

## AD VERS. DUM TAMEN.

Tamenſi in loco, jure naturæ communi, cuivis ædificare liceat; id tamen non aliter procedit, quam ſi ædificium uſui publico & aliis ædificiis, villis & monumentis non noceat, *text. hic.* ratio: quia non ſunt Juris gentium, ſed propria ædificantium, qui illa exſtruxerunt

runt & ædificarunt. l. 50. ff. de A. R. D. Harp. h. n. 14.

Dices: si mare commune est, quo titulo ergo Rex Daniæ sibi vindicat dominium maris Balthici, Rex Angliæ dominium sinus Britannici, Veneti dominium maris Adriatici, Rex Hispaniæ & Galliæ dominium maris Mediterranei? Quo titulo multi arcentur? Si denique mare commune est, & usus omnibus vacat, quo titulo gabellæ & vectigalia a navigantibus exiguntur? R. prædictos Reges iusta ex causa potuisse sibi appropriare dominium maris, & a navigantibus exigere gabellas & vectigalia. Fac enim, mare piratis esse infestum. Fac ad littora, & portus reparandos requiri magnos sumptus, ut naves ibi tuto liceat appellere. Fac, necesse esse, oras maritimas custodire, ne nimium excurrat unda maris. Nunquid causa satis iusta est exigendi gabellas & tributa, quibus mare a piratis purgetur, portus ad recipiendas naves accommodentur, & denique oræ maritimæ intra suos terminos conserventur? Hoc itaque titulo memorati principes gabellas exigunt, dominiumque maris sibi arrogat, Zoes. ff. de D. R. num. 9.

6 Sed quæres: *An Mare sit capax domini humani?* Dixeris prima fronte, quod non. I. Quia non potest dari dominium rei, quæ occupationem atque terminationem respuit; sed mare terminationem respuit, quia universus Oceanus non continetur, sed continet, cum (ut docent Geographi) major sit ipsa terra; ergo non potest dari dominium maris. II. Mare Jure naturali omnium commune est, §. I. hic. l. 2. §. 1. ff. de D. R. ergo non potest venire in dominium hominis, cum Jus naturæ sit immutabile, §. II. Inst. de J. N. G. & C.

Verum lubeat in periculoso controversiæ hujus Oceano vela facere in eorum

sententiam, qui contendunt, mare capax esse domini humani, prout ita docent Franz. Inst. P. 1. §. 5. num. 17. h. t. Braun. tract. de dominio, cap. 6. §. 2. n. 2. Facit I. quod ex natura rei non repugnet dominium maris; ergo datur dominium maris. Ant. probatur: Omnis illa res admittit dominium, de qua homo potest libere disponere in ordine ad omnem usum, cujus res illa est capax; atqui hoc modo potest homo disponere de mari, potest enim quis sibi arrogare Jus navigandi, transeundi commerciorum causa, piscandi, imponendi vectigalia, &c. ergo potest mare cadere sub dominium humanum. Facit II. quod DEUS contulerit homini Jus in omnia inferiora. Genes. I. v. 28. ergo, cum nullus Textus occurrat, in quo excipiatur mare, recte inferitur, a DEO collatum quoque esse homini Jus in mare.

Ad I. R. Distinguendo min. sed mare terminationem respuit propriam, conc. impropriam. neg. min. & consequ. Tametsi mare terminari non possit termino proprio, potest tamen terminari termino alieno, sive improprio. Sic potest mare terminari & dividi Promontoriis, Insulis, eminentibus scopulis, vel etiam gradibus cœlestibus, ut intelligi, atque discerni possit latitudo & longitudo domini, quod quisque Principum sibi arrogat. Ad II. R. Disting. iterum antec. Mare jure naturali commune est, permissivo conc. positivo seu Præceptivo, neg. antec. & consequ. quod autem Jus naturale permissivum mutabile sit, suppono ex dictis ad cit. §. II. Inst. de J. N. G. & C.

#### §. FLUMINA. 2.

Q. *quanam res dicantur publicæ?* Ad hoc iterum Imperator non R. definiendo, sed duntaxat exemplificando. Puta

R. de

Respublicas definiri posse esse illas, quarum proprietas est alicujus populi, usus autem omnium hominum. *Perez. Inst. hic.* In hunc censum pertinent, I. Flumina perennia, quæ semper fluunt, l. 1. §. 3. ff. de flumin. v. g. Albis, Danubius, Rhenus &c. Dico perennia, & quæ semper fluunt: illa enim flumina, quæ interdum aquis deficiunt, ita ut non sint apta ad publicum bonum, (puta navigationem) dicuntur flumina privata. Flumen autem privatum iterum differt a proprio; quod proprium illud dicatur, cujus dominium privatus sibi arrogat, forte quia illud in prædio alicujus privati oritur, & per illud discurrit, ita *Schneid. n. 6.* Ego salvo judicio *Schneider.* puto, flumina publica illa dicenda esse, quæ quoad proprietatem sunt certi alicujus populi, quoad usum vero omnium hominum, sive deinde sint perennia, necne; privata vero, quæ sunt in dominio & usu privati, ita, ut nemo in iis piscari possit. Quo sensu etiam flumina publica possunt fieri privata, puta ex concessione Principis, vel, præscriptione, vel alio quocunque titulo. *Manz. Inst. hic. n. 53.* II. Huc pertinet Portus, qui est locus accommodatus ad naves recipiendas, ut tuto illic stare possint adversus injuriam prædonum ac tempestatum, l. 3. §. 13. ff. de flumin. III. Huc pertinet Ripa, de qua & quomodo differat a Portu & a Littore, §. 4. b. t. differemus.

#### AD VERS. IDEOQUE.

8 Ex dictis, quod flumina sint publica, infert Justinianus, quod quilibet in publico flumine, & portu ejus piscari, navigare vel naves ibi appellere possit: ratio non est alia, quam quod res publicæ quoad usum omnium hominum sint communes; itaque nemo potest alterum prohibere, quominus in flumine publico

piscetur, adeo ut prohibens teneatur actione injuriarum, l. 13. §. ult. ff. de injur. Berlich. p. 5. conclus. 51. num. 2.

Hodie Jus piscandi in fluminibus publicis passim principes sibi arrogant atque flumina publica hodie quoad proprietatem de regalibus principis, per cujus territorium discurrunt, esse dicuntur; ita, ut nulli liceat in fluminibus publicis piscari, nisi a Principe licentiam habeat, aut navigare, nisi certas gabellas & vectigalia persolvat. *Manz. n. 35. hic Fönsterwalder P. 2. obs. 58. n. 35.* Quo titulo autem Principes muniti sint, ut flumina publica quoad proprietatem sibi arrogent, tempus non patitur excutere.

Dices: Aqua profluens est res communis, ut dictum R. 1. b. t. Sed flumen est aqua profluens, ergo flumen non est publicum, sed commune. R. Flumen considerari posse dupliciter *formaliter & materialiter*. Formaliter spectatum, sive in quantum coercetur his ripis, ac in æstimatione morali semper idem manet, est juris publici, §. 2. b. t. Spectatum vero materialiter, sive secundum aquas, quas vehit, ac quæ motu continuo decurrunt, est res communis, §. 1. b. t. *Harp. numer. 5. §. 1. b. t. Manz. num. 24. hic. & Franz. loc. cit. num. 20.*

#### §. EST AUTEM 3.

Littus est locus ille, quatenus hybernus fluctus a mari (puta nostro non mediterraneo, hoc enim nimis exæstuat) maximus excurrit, *text. hic. & l. 96. ff. de V. S.* Ratio autem, quare dicatur, quousque hibernus fluctus excurrit, est, quia fluctus hybernus major est quam æstivus, & in hyeme mare ad ulterius, quam in æstate, spatium excurrit.

Dices: subinde mare excurrit ad longinquas civitates, & agros; ergo male hic littus per exclusionem hyberni fluctus



tus definitur. R. Inspiciendum esse illud spatium, quousque communiter excurrere mare consuevit. *Manz. n. 4. hic.*

- 10 Differt litus a portu, quod portus sit publicus, hoc est, quoad proprietatem sit certi cujusdam Populi, quoad usum vero communis: contra vero litus sit commune tam quoad proprietatem, quam quoad usum. Ratio differentie est, quod litus nullius populi expensas requirat, ac proinde a nullo occupetur. Econtra portus muniri debent, ac instrui ad naves recipiendas. Dum igitur muniantur ac instruuntur, hoc ipso a populo occupantur, fiuntque ejus proprii? *Franz. Inst. b. t. p. 1. §. 60. n. 20.*

#### §. RIPARUM. 4.

- 11 Ripa nihil est aliud, quam extremitas fluminis, sive illa terra, quæ flumen continet, naturalem rigorem cursus sui tenens, *l. 1. §. 5. ff. de fluminib. publ.* sive ripa est illa terra, qua cursus fluminis continetur *Franz. loc. cit.* Jam quaeritur: An ripæ sint publ. an sint privatae, an communes? Dixeris prima fronte ripas esse simpliciter publicas, I. Quia ripa est pars fluminis; atqui flumen est publicum, ergo etiam ripa, quia pars sequitur totum, & accessorium suum principale, *Cap. Accessorium, d. R. J. in 6. II.* Idem est ripa in flumine, quod litus in mari: atqui litus est commune sicuti mare; ergo etiam ripa quoad proprietatem erit publica, sicuti flumen.

- 12 Verum, his non attentis. R. Imperator, ripas quoad usum, esse publicas, quoad proprietatem vero esse privatas, hoc est, quoad usum pertinere ad omnes sicuti ipsum flumen; quoad proprietatem vero pertinere ad eos, quorum prædiis ripæ cohærent: sive esse illorum, qui circa flumen prædia possident, *text. hic.* Ratio, quod ripa quoad proprietatem

*Koes ad Instituta.*

tem ad illos pertineat, qui prædia habent. vicina, est, quia onus muniendi ripam illis incumbit, qui vicina prædia habent; ut proinde sic liceat arguere: commoda sequuntur cum quem sequuntur incommoda; sed riparum incommoda, si forte ripæ morfu fluminis latiores fiant aut reparatione indigeant, pertinent ad eos, qui vicina prædia habent, ergo etiam commoda ripæ, id est, proprietas ad illos pertinebit, *arg. l. 10. ff. de R. J. Ita Perez. Inst. hic.* Ratio vero, quod ripæ, quoad usum, publicæ sint, est quia sine usu riparum fluminis usus commode retineri non posset, vel certe incommodior futurus esset. *Harp. n. 4. hic. § Vinn. hic.*

Ad primam dubitandi rationem, R. neg. maj. tam parum enim est ripa pars fluminis, quam parum Schyphus est pars vini, quod continet, *Vinn. 4. b. t.* Ad alteram dubitandi rationem, R. neg. paritatem. Ratio differentie est, quia flumina censentur alveos suos & ripas ex privatorum agris adjacentibus detraxisse, adeo ut istæ non fluminum sed agrorum partes esse intelligantur. Id inde evidens est, quod flumina sæpe alveos mutare, atque ex agris novos alveos, & ripas facere solent, mare vero eundem alveum cursum & litus ab initio acceptum retinet. Ideoque alveus, & litus maris non privatorum, sed propriæ vel ut partes ipsius maris esse censentur. *Harp. hic. num. 5. § 6.*

Ex dictis, quod riparum usus publicus sit, hoc est, quoad usum omnibus vacet, insert Imperator I. Quod cuilibet liberum sit naves ad eas appellere, funes arboribus ibi natis religare, onus aliquod in iis reponere, &c. nemo enim publico uti prohibendus est, *Manz. n. 10. hic.* Insert II. arbores in ripis natæ eorum sint, qui habent vicina prædia, *text.*

Z

hic.

*hic. § l. 5. ff. de D. R.* Ratio quia subiecto solo cedit superficies. *Manz. d. l.* Sane tamen si riparum usus publicus sit, hoc tamen cum grano salis intelligendum est, ut eatenus duntaxat procedat, quatenus ratio utendi fluminis exigit usum riparum. Quare quæ non sunt necessaria ad usum fluminis, in ripis non licet facere. Sic in ripa fluminis, invito eo, cuius prædiis inhæret ripa, ædificare non licet, si quis de facto ædificium extruxerit, potest dominus ripæ non duntaxat illud, sed quodcumque aliud, quod dominio ripæ præjudiciale est, propria autoritate destruere, *l. quemadmodum §. I. ff. ad leg. Aquil. l. 16. ff. de S. P. R. Clariff. D. Fünsterwalder l. 3. obs. § 8. n. 4.* Sicuti autem quis extraneus nihil in ripa facere potest, quod præjudiciale est dominio ripæ, ita neque dominus ripæ quoquo modo usum fluminis impedire potest, *l. fin. ff. de usu § habit.* Quo pertinet, ne itineri pedestri juxta flumen protrahendis sursum navibus necessario, vulgo *denen Hochenauen*, impedimentum fiat, *l. I. §. 14. ff. de S. P. R. D. Fünsterw. loc. cit. num. 6.*

#### §. LITTORUM 5.

Hic iterum redit ad littora *Imperator*, aitque illorum usum publicum esse, & juris gentium, ut proinde cuilibet liberum sit casam ibi ponere; dummodo tamen bonum publicum non impediatur. Ratio quia nemo publico uti prohibendus est. Proprietas vero littorum (abstrahendo a consuetudine privata) sicuti proprietas maris, actu nullius, sive communis est, *text. hic.* Littora enim imitantur naturam maris, huic enim subjiciuntur, & ab eo quotidianis accessibus occupantur. *Vinn. Inst. hic.*

#### §. UNIVERSITATIS. 6

13 Res Universitatis sunt quarum pro-

prietas ad certam civitatem, collegium, communiatem, vel universitatem, id est *einer Gemeinde*, pertinet; usus vero omnium de illa universitate communis est: id genus res sunt *theatra, studium, forum, curia, via publica, &c.* Hodie res universitatis dicuntur, *curia, schola, fora, balnea publica, campi Martii, pascua, nemora, sylva cadua &c.* *die Gemeinde Weyden, Schieß-Hütten, Hölzer, Tantz-Häuser, &c. Schamb. Inst. hic.* Unde sua sponte fluit, quod singuli de Universitate in balneo se lavare, in campo ludere, in sylvis ligna cædere, in pascuis sua pecora pascere possint: nemo enim publico uti prohibendus est, quinimo prohibens teneretur actione injuriarum, *l. 13. §. ult. ff. de Injur. Manz. n. 7. hic. § Harp. n. 6.*

Q. II. An civis in causa Universitatis possit esse testis? vide *Schneid. num. 4.*

#### §. NULLIUS. 7.

Res nullius sunt, quæ sunt extra commercium hominum, tam actu, quam potentia; seu, quæ in nullius bonis sunt, vel esse possunt, neque quoad proprietatem, neque quoad usum. Tales sunt res Divini juris, quæ scilicet cultui divino consecratæ sunt, quales sunt, *res sacrae, religiosæ, & sanctæ.*

Dices: Res, pro derelicto habitæ, *thesaurus*, item *fera* sunt nullius & tamen dominio humano subjici possunt, ergo falsum est, res, quæ nullius sunt, dominio humano subjici non posse. R. illas duntaxat res proprie dici nullius esse, quæ neque actu, neque potentia dominio humano subjici possunt; atqui pro derelicto habitæ, item *thesaurus & fera*, sunt ita a natura comparatæ, ut saltem potentia dominio humano subjici possint *Manz. hi. n. 8.*

§. SA-

## §. SACRÆ 8.

15 Res sacræ sunt, quæ rite, hoc est, sollemniter secundum ritum & morem Ecclesiæ DEO consecratæ, hoc est, ad cultum & ministerium DEI dedicatæ sunt, *text. hic.* inquam classem pertinent ædes sacræ, & donaria: Item calices, vasa, vestimenta, libri & id genus plura, *Manz. n. 1.*

16 Ut autem res sacra efficiatur, plura concurrant, necesse est. I. ut res per illum divino cultui destinetur, qui Jus consecrandi habet, qualis est Episcopus, Antistites, & plures alii, quibus concessum est pontificalia exercere, *Nov. 67. cap. I. §. 2.*

Hinc si pietate privata res divino cultui destinetur, v. g. si quis forte sacellum domesticum ædificet, sacra non efficiatur, sed profana manet, *l. 9. §. 3. ff. de D. R.* Item si quis rem aliquam voverit, sacra non efficitur, *l. 2. de ff. de pollicit.* Ratio non est alia, quam quod sacrum aliquod non fiat, nisi publica auctoritate, quæ deficit in privato. II. Ut adhibeantur solennitates Jure definitæ, §. 8. *hic.* III. Ut proxime & immediate ad cultum divinum destinetur. Unde sua sponte sequitur, vineas, prædia, agros, & fundos ecclesiasticos non esse sacros, quia non proxime deserviunt cultui divino, sed ad hoc habentur, ut necessitati ministrorum serviatur & consulatur, *Manz. num. 11. §. seqq. hic Schneid. num. 2. Franz. Inst. p. I. §. I. h. t.* Circa res sacras est regula, quod non subsint commercio humano, ut paragrapho præcedenti diximus, adeoque neque alienari, neque obligari possunt, quia quod semel DEO dicatum, non est amplius ad humanos usus transferendum *cap. 3. de rer. permutat. Schamb. hi.* Ista tamen regula tres patitur exceptiones.

I. Est si Ecclesia ære alieno oneretur, & facultates aliæ non suppetant, quibus æs alienum expugnatur, *Nov. 120. cap. 10. auth. pratersa Cod. de Sacrosf. Eccles. 2.* Si redimendi sint captivi, & nihil aliud suppetat ut redimantur, *text. hic.* Ratio, quia animæ hominum quibuscumque vasis & vestimentis præferri debent, *l. 21. Cod. d. t. Manz. num. 8. 3.* Si pauperibus succurrendum, *d. l. 21.* Hoc est, si intoleranda fames ita premat pauperes, ut vita periclitentur; tunc enim eorum vitæ succurrendum: Ecclesia enim non habet aurum, ut servet, sed ut eroget, subveniatque in necessitate, *cap. 70. caus. 12. q. 2.*

Extra hos casus si res sacræ alienatæ vel obligatæ fuerint, poterunt ab Ecclesia vindicari, ita ut emptoribus neque pretium restituatur, *d. l. 21. Schneidew. num. 5. Franz. loc. cit.* Sane si res sacræ subeant vicem accessorii, ut si quis vendat civitatem cum templis, arcem cum sacello, fundum cui annexum est jus patronatus, alienatio rei sacræ per modum accessorii facta valet, modo tamen ratione rei sacræ non augmentetur pretium, *c. 13. de Jure patronat. Hertogh. Inst. h. t. n. 4.*

Longe profecto judicium aliud est de rebus ecclesiasticis, hæ enim commercio humano sunt obnoxie: ita ut vendi, alienari, & acquiri possint; dummodo solennitates requisitæ adhibeantur, hoc est, ut vendantur cum cognitione causæ, decreto superioris & consensu capituli, de quibus vide *tot. tit. extra de reb. Eccles. alienan. Schneid. Inst. hic. num. 9. Engl. d. t.*

## AD VERS. LOCUS.

Queritur hic: an locus, in quo ædes sacræ sunt edificatæ etiam diruto vel collapsio edificio sacer maneat? R. Affirmative,

*text. hic. § in l. 13. ff. de contrub. empt.* Ratio quia locus semel sacer numquam talis esse desinit, *Manz. n. 7.*

Non refragatur: ædificio in littore maris posito, collapsio, vel terræ motu vel exumatione aquarum destructo, locus fit iterum communis & reddit ad pristinam causam, *l. 6. ff. de D. R.* Ergo idem erit in nostro casu. Nam respondetur *con. ant. negando conseq.* quia consecratio non solum fit ædificii, sed etiam loci, & ipsum etiam afficit. *Harp. n. 11. hic.*

*Dista* procedunt de jure civili: de Jure Canonico si Ecclesiæ, ruina, terræ motu, aut incendio dissecratae sint, omnia ex integro peragenda sunt, perinde ac si numquam consecratae fuissent, *cap. 20. quest. 1. de consecrat.* Nisi tectum tantaxat corruisset, parietibus manentibus illæsis, *cap. 6. §. de consecrat.* Consecratio enim non fit in tectis, sed in parietibus, in quibus fiunt cruces & inunctiones; & Ecclesia semel consecrata non debet iterum consecrari, *Manz. hic. num. 9.*

#### §. RELIGIOSUM.

20 Quæritur in hoc Paragrapho: *quænam res dicantur religiosa?* Et respondetur, illas res, siue illa loca dici religiosa, quæ cadaveribus sepeliendis destinata sunt, siue in quæ mortuus aliquis illatus, ibique sepultus & humatus est.

#### AD VERS. UNUSQUISQUE.

Ex hoc versiculo colliges, quod de jure civili, quisque privatus sua voluntate locum possit religiosum facere, dum mortuum infert in locum suum. Et in hoc statuitur differentia inter res sacras & religiosas. Illæ enim publica Pontificis vel Episcopi auctoritate per consecrationem; hæ vero privata voluntate per mortui illationem tales efficiuntur, *Manz. n. 12.*

Dixi de Jure Civili, aliud enim obtinet de Jure Canonico, ut videlicet privata auctoritate, hoc Jure inspecto locus non fiat religiosus per illationem mortui, sed per solius Episcopi consecrationem. Unde videmus loca certa, quæ cœmeteria appellamus, sepeliendis mortuis destinata esse, & ab Episcopis consecrata. *cap. 3. caus. 13. q. 1. cap. 2. §. de sepult. cap. 4. de Religios. domib. Franz. Inst. p. 1. §. 3. h. t. Schneid. n. 8.*

#### AD VERS. COMMUNE.

Quæritur hic, *an in locum commune, 21 vel in alienum mortuum inferre & ibi sepelire liceat?* Respondetur 1. In commune locum purum, id est, eum, in quem nullum hominis corpus illatum est, invito socio mortuum inferre non licet; ratio, quia in re pari potior habetur, & est conditio prohibentis. *l. 28. ff. commun. divid.* Excipe tamen, si quis ex sociis alibi sepeliri non possit, *l. 41. ff. h. t.*

Dixi in locum purum, secus est, si locus sit religiosus, hoc est, si socii commune sepulchrum habent, hoc enim in casu invito socio licet inferre quemlibet mortuum. Ratio differentie est, quia in re communi socius partem socii deterorem facere non potest, *l. 68. ff. pro socio l. 46. ff. de S. P. R.* fit autem locus purus illatione mortui deterior, qui efficitur religiosus, hoc est commercio humano eximitur. *§. 8. h. t.* At cum locus jam est religiosus, id est, cum est sepulchrum commune, socius mortuum inferendo non nocet. Deinde socius etiam invito socio, re communi uti potest, modo ad eum utatur finem ad quem res destinata est, ut sepulchrum. *arg. l. 10. §. ff. commun. divid. Hum. ad Treutl. vol. post. disp. 18. th. 1. lit. D. q. 2.*

Respondetur II. Si unus in fundo habet proprietatem, & alter usufructum, tunc



tunc proprietarius non potest fundum religiosum facere, nisi consentiente usufructuario, & rota versa. *text. hic.* §. 1. 2. §. 7. ff. de religiof. & sumpt. Ratio est in aperto, quia proprietario causam sive conditionem fructuarii deterio-rem facere non licet, l. 15. §. 6. ff. de usufr. Neque usufructuarius proprietarii. l. 13 §. 4. ff. de relig. & sumpt. atqui per illationem mortui conditio fructuarii aut proprietarii redderetur deterior, arg. §. 7. Inst. h. t. Ergo.

Respondetur III. In locum prorsus alienum cadaver inferre non licet, & si quis defacto inferat, tenetur vel tollere, quod intulit, vel solvere loci pretium, l. 7. de religiof. & sumpt. Franz. Inst. h. t. p. 1. §. 3. num. 6. Sane si Dominus consentiat, utique licebit mortuum inferre; volenti enim & consentienti non fit injuria, l. 1. §. 5. ff. de Injur. Harp num. 10. hic. Item est si Dominus ab initio quidem non consenserit, postea tamen illationem ratihabuerit. *text. hic.* Ratio, quia ratihabitio retrotrahitur, & mandato æquiparatur. cap. ratihabitionem de R. J. 6. Manz. num. 28. Quod porro circa particulam non hic authores dubii movent dignum non est ut illi insudemus. Vide Harpr. loc. cit. n. 18.

22 Quæres III. Quid si corpus hominis dividatur, quis locus erit Religiosus? R. in quo recumbit membrum principale, puta caput, quia hoc imago est unde dignoscimur, l. 44. ff. D. R. Quod si caput ipsum divisum sit, ille locus Religiosus erit, ubi pars anterior jacet, quia & per hanc a reliquis animantibus dignoscimur. Si denique & ista pars divisa sit, sunt qui putent, utrumque fieri religiosum, eo quod summa sit ratio quo pro religione facit, l. 43. ff. de D. R. Mihi tamen placet neutrum fieri religiosum, arg. l. 44 ff. h. t. ubi aperte deciditur, quod una sepultura plura sepulchra non possit efficere. Schamb. hic.

Quæres IV. Si cæles in confusibus vicinis, & sese quasi contingentibus commissæ fuerit, qui erit Judex competens delicti?

Variae sunt hujus quæstionis sententiae, sunt, qui putent, illum esse judicem competentem, in cujus territorio caput jacet, quia hoc est principalior pars hominis, d. l. 44. ita Zanger de excep. p. 2. cap. 1. num. 137. Harp. Inst. hic. num. 5. Sed displicet hæc sententia; esto enim caput principale corporis humani membrum sit, tamen exinde non probatur, eadem ibi commissam esse, ubi jacet, cum facile ab uno loco in alium volvi potuerit, præsertim si a trunco avullum fuerit.

Sunt alii, qui opinentur, illi judici competere cognitionem, in cujus territorio pedes jacent, eo quod ibi vulnus inflictum videatur, ubi pedes terram premunt, ut proinde præsumatur per lapsum dumtaxat reliquum corpus in alterius territorium procidisse. Sed neque horum dogma arridet; quoties enim accidit, ut lethali vulnere affectus per aliquod itineris spatium procurrat? quoties fit ut cadaver ab uno loco rapiatur in alium? quoties contingit, ut morituri diu cum morte luctentur, ac dolorum impatientia ab uno loco, in alium seipsum volvant? & quid, si quis in fuga trajiciatur, & sic in alio loco trajectus concidat, humique procumbat, quam ubi stetit trajiciens? sane ex eo, quod pedes aliquo in loco jaceant, non inferitur, ibi delictum patratum esse.

Rectius meo judicio sentiunt, qui in casu, quo omnes conjecturæ prorsus deficiunt, ad utriusque territorii Dominos simul pertinere docent cognitionem delicti. Ratio: quia in dubio illa opinio amplectenda est quæ magis studet disciplinæ publicæ, & discordias tollit; qualis videtur posterior. Ita Bachov. ad

*Treutl. vol. 1. disp. 19. th. 4. Carpzov. p. 2. q. 11. num. 34.* ubi ait, si in uno tantum territorio sanguis appareat, magnam esse præsumptionem, ibi delictum commissum esse. Item si tale vulnus aut ictus fuerit, ut in omnium existimatione vero simile sit, quod trucidatus de loco quo stetit pedem movere non valuerit, pariter præsumptionem esse lat violentam, ibi delictum consummatum esse. Vide quoque *Bocer. de Jurisdic. cap. 9. num. 12.* qui iterum alterius est opinionis, quam tamen resultat. *Carpzov. loc. cit. num. 19.*

§. S A N C T Æ IO.

24 Res sanctæ dicuntur, quæ peculiari lege ab omni injuria & violatione hominum munitæ atque defensæ sunt. Unde advertis, denominationem rei sanctæ a forma extrinseca, puta, speciali sanctione qua res ab omni violatione defenditur, provenire. In hunc censum pertinent. I. DEUS T. O. M. Beatissima Virgo, & coelites qui non tantum theologice, sed etiam civiliter sancti sunt, sanctionibus capitalibus constitutis in blasphemantes. *Nov. 77. cap. 1. §. 1. II. Imperator, l. ult. cod. l. ibi.* quid enim majus; quid sanctius imperiali est maiestate? III. Imperium Romanum, (*das heilige Römische Reich.*) IV. *Portæ & muri civitatum.* Nam poena capitis statuta legitur in eos, qui aliquid in portas, & muros civitatis deliquerunt. *text. hic & l. ult. ff. de D. R. Franz. Inst. h. t. 4.* quod tamen cum grano salis intelligendum, videlicet, quod ille demum poena capitis afficiatur, qui animo hostili aliquid in portas, & muros civitatis deliquit, forte quia portas fregit, ut hostes intrmitteret, vel muros transcendit ut civitatem traderet.

Si vero quis non animo hostili muros civitatis transcenderit, non poena ordi-

naria sed extraordinaria afficiendus erit. Sic is, qui fugam arripuit, & adversarium persequentem aliter evitare non potuit, si exiit e muro, aut per funem se demisit, nequaquam poena capitali afficiendus est, quia ignoscendum ei qui sanguinem suum qualiter qualiter redemit, *l. 1. ff. de bon. eor. qui ante sentent. Harp. n. 19. Manz n. 10.* Ubi refert Dolo in comitatu Burgundiæ se vidisse, quod cum quis vallum transcendisset, non hostili animo, neque contemptus aut ludibrii causa venit Remus Romæ fecit; propterea fuerit fustigatus. Simile exemplum recenset. *Carpzov. part. 1. q. 40. num. 11.* quod is qui animo non hostili muros civitatis transcendit, poena perpetuæ relegationis affectus fuerit. Verum enim vero, cum in *l. ult. ff. de D. R.* mentio duntaxat fiat de violatoribus urbis Romæ,

Q. V. An etiam poena capitalis locum habeat in violatoribus murorum & portarum reliquarum civitatum, & municipiorum? Sunt, qui negativam fortiter propugnent, ita *Schneid. n. 3. hic. Bachov. ad Treutl. vol. 2. disp. 20. th. 1. lit. C. Menoch. l. 5. arbit. jud. quest. cent. 5. c. 453. num. 2.* Movetur 1. quia d. l. 5. nominatim loquitur de civibus Romanis; ut proinde, inclusio unius sit exclusio alterius II. Quia in *ead. l. fin.* fit mentio exempli Romuli, & Remi, qui posterior, cum saltu muros Romæ insultaret, à Romulo, fratre suo dejectus esse perhibetur, ut proinde constitutio d. l. fin. de muris duntaxat Romæ procedere videatur. In violatores murorum municipiorum competit interdictum, sive actio extraordinaria, prout docet. *l. pen. & l. ult. ff. ne quid in lo. publ.* IV. quia odia restringenda sunt.

Verum, rejectis his argumentis, affirmativa præplacet, cui quoque applaudunt *Huam. ad Treutl. loc. cit. q. 1. Harp. 2. num.*

num. 6. & 7. *Carpzov. loc. cit. num. 12. Franz. Inst. §. 4. num. 14 h. t.* Ratio sola, sed solida est, quia is, qui res sanctas hostili animo violavit, capitali supplicio debet affici, *text. hic.* sed muri, & portæ municipiorum sunt res sanctæ l. 8. ff. de D. R. his verbis: *In municipio quoque muros esse sanctos, Sabinus recte respondit.* Accedit, quod ideo poena capitalis in Violatores muri civitatis Romæ statuta sit, quia abominandum est alia, quam per portas via è civitate egredi, quæ ratio in omnibus aliis muris militat, quam sententiam pariter solidissime firmabat, Gloriosissimæ Memorix Angustissimus Imperator Leopoldus in *art. bell. 29.* ubi ex allegata ratione transgressoribus muros cujuscunque fortalitii poenam capitalem decernit; cui sanctioni, utpote subjectæ materiæ omnino naturali, & praxi firmatæ, standum erit. Ergo

Ad I. R. Cives Romanos non dumtaxat illos dici, qui sunt incolæ urbis Romanæ; sed & omnes omnino, qui Imperio Romano subsunt, l. 17. ff. de stat. homin. II. exinde cadit, quod exempla non restringant, sed regulam declarent, l. 1. §. 25. ff. de vi, & vi armata. III. Non tractat de casu, quo quis animo hostili, & ludibrii causa muros civitatis transcendit; sed de illo casu, quo quis inædificavit muros civitatis. *Humm. d. lo.* IV. Facilis est *Solutio*, illa enim regula tunc demum procedit, nisi favor reipubl. cum odio privato concurrat, nam, si favor reipubl. simul concurrit cum odio privato, tunc odia extendi, & ampliari possunt, quia odium privatum cedit favori publico ac proinde odia non restringuntur; atqui in nostro casu concurrit odium privatum, & favor publicus, cum publice intersit. muros civitatis non violari, pulchre *Harp. n. 26. hic.*

V. Res sanctæ etiam sunt *Leges*, l. 9.

§. 3. ff. de D. R. non tamen omnes; sed illæ in quarum transgressores gravior poena legitur constituta. Sicuti enim muri civitatum dicuntur sancti, quia speciali jure ab omni violatione hominum sunt muniti; sic quoque leges dicuntur sanctæ, si speciali jure ab omni violatione hominum sunt munitæ: d. l. 9, §. 3. & l. 41. de panis.

VI. Rebus sanctis annumerantur *termini lapidales*, vulgo *die markt-Stein*, quos transferre non tantum lege divina prohibitum est, *Deuter 8. 18. 14.* his verbis: *Non assumes, & transferes terminos proximi tui. c. 27. v. 17. Maledictus, qui transfert terminos proximi sui.* Sed etiam ab urbe condita recenset *Wesemb. in parat. fin. regund. num. 2. & Mynsing. §. quedam actiones. Inst. de actio.* Numa Pompilius constituit poenam capitalem in eum, qui lapides finibus movisset. VII. Res sancta dicitur *Domus propria*, quæ, teste *Cajo l. 17. ff. de in jure vocando*, tutissimum sit refugium atque receptaculum. VIII. Res sanctæ dicuntur *Asyla, Legati, Ministri publici.* Item loca, quibus *salva Guardia* est præfixa, vulgo *der Burg-Fried*, ut, si quis ibi delinquat, mutilatione manus puniatur. De quibus omnibus, & adhuc aliis rebus sanctis vide *Manz. Institut. à. n. 14. usque ad num. 31.*

#### §. SINGULORUM. II.

*Res singulorum* sunt *res privatae*, sive <sup>26</sup> unus cujuscunque propriæ, quæ scilicet sunt in privatorum, & singulorum Dominio; harum autem Dominium acquirendi modi duo sunt *Naturalis* & *Civilis*. Naturalis acquirendi dominii modus est, qui inter homines peræque servatur, ut *Occupatio, Traditio, &c.* Civilis, qui inter Cives Romanos lege quadam introductus est, v. g. *Usucapio, aditio hereditatis, &c.*

## AD VERS. COMMODIUS.

Declarat hic *Imperator*, quod prius de modis naturalibus acquirendi agere velit, quia a vetustioribus incipiendum est; atqui palam est, vetustius esse Jus Naturale, quam Jus Civile. Naturale enim cum ipso genere humano prodiit; Civile vero tunc esse coepit, cum civitates condi, Magistratus creari & leges scribi coeperunt, *text. hic.*

27 Diximus duos esse acquirendi Domini. Jam vero priusquam agamus de illis modis acquirendi Domini, juvabit in vestibulo nonnihil trutinasse, *Quid sit Dominium?* Dominium a variis varie definitur, prout videre est apud Glettle *part. I. select. quest. 13. n. 2.* & *Clariss. P. Ludovic. Pabenshuber, in tit. de J. & J. p. I. cap. I. §. 3. n. 13. Haunold. tit. 2. de J. & J. cap. I. contrav. 2. §. 7. n. 62.* Mihi placet, quod Dominium sit *Jus, de re aliqua plene, ac libere disponendi nisi id jure vel conventionione prohibeatur.* Ita docet *Manz. ad rubr. h. t. n. 13. Schneid. §. II. Inst. h. t. n. 2. Schamb. Inst. hic.*

Dicitur I. *Jus, quæ vox loco generis posita est?* multi enim præter Dominum sunt, qui habent jus: sic, qui *servitutem, pignus, vel hypothecam* habet, dicitur, habere Jus in re: item, qui *obligationem vel actionem* habet, debet habere Jus ad rem, ut proinde latius pateat Jus, quam Dominium. *Quid vero sit Jus in re, & Jus ad rem,* alibi dicemus; interea vide *Franz. Inst. h. t. p. 2. §. I. num. 1.*

Dicitur II. *de re aliqua*, subintelligitur corporali, ad differentiam rerum incorporalium, in quas Dominium proprie non cadit; sed in illis dicimus habere jus, veluti si tibi competat *servitus pascendi in alterius fundo*, non diceris habe-

re Dominium istius servitutis, sed *jus l. 25. ff. de V. S.*

Non obstat *l. 3. ff. si usufr. petat.* ubi dicitur, Dominium usufructus dari; sed usufructus est res incorporalis: ergo etiam rei incorporalis datur Dominium. Enim vero R. in res incorporales Dominium cadere duntaxat improprie. *Harp. Princ. Inst. h. t. n. 13. Schneid. Inst. hic. n. 2.*

Dicitur III. *Perfekte, & libere disponendi*, ad differentiam possessionis, quæ est jus insistendi rei corporali, *l. 1. ff. de acq. vel am. t. poss.* Et in hoc præcipuum domini officium est, quod quis perfecte, & pro libitu de re aliqua, cujus est dominus, disponere, atque adeo non tantum uti, & frui, sed & illa abuti possit. Quilibet enim est rei suæ moderator, & arbiter, *l. 21. Cod. mandat.*; & abusus rei suæ cuilibet est concessus *arg. l. 25. ff. de heredit. petit.* Ubi apparet differentia domini a Jure in re. Tametsi enim vassallus, Emphyteuta, fructuarius jus in re habeant; non tamen pleno jure disponere possunt. Item creditor, qui pignus, vel hypothecam habet, dicitur habere jus in re; & tamen non potest regulariter alienare pignus, aut illo abuti. *Manz. rubr. Inst. h. t. n. 16. Harp. princ. Inst. h. t. n. 30.*

Dicitur IV. *nisi lege, vel conventionione prohibeatur*, quia reperiuntur aliqui, qui licet rerum suarum sint domini, tamen res suas alienare, vel libere de eis disponere non possunt, forte, quia lex ipsis administrationem ademit, vel, quia se ipsos pacto vel conventionione libera disponendi facultate privarunt. Sic *maritus*, licet sit dominus rei dotalis, *l. 9. Cod. de R. V.* lege tamen *Julia* prohibetur, consentiente uxore illud alienare, cum reipublicæ interfit, dotes mulieribus conservari, *l. 1. ff. solut. matrim.*

Item



Item *pupillus*, & *minor*, licet sint domini rerum suarum, non tamen possunt sine tutore, vel curatore authore de rebus suis plenè disponere, §. 2. *Inst. quib. alien. licet*, *Schn. num. 3.* & *Manz. mon. 19.* Sic quoque, tametsi quis rerum suarum dominus sit, pacto tamen liberam disponendi potestatem sibi potest restringere; pacta enim dant legem contractibus *l. 23. ff. de R. J.* ubi tamen tenaci memoria servandum, multum interesse an jure, seu lege, an conventionem tantum alienatio inhibita sit? priori enim casu alienatio, contra prohibitionem facta, ipso jure nulla est: posteriori verò adhuc tenet, *arg. l. 15. Cod. de R. T.* Ratio differentie est, quia pacta contrahentium non nisi personas contrahentes ligare, lex verò & ipsas res potest afficere. Unde contraveniens pacto, actum, quò alienat, non facit nullum, nisi lex specialiter concurrat, *l. 7. §. ff. de distract. pig.* sed tenetur duntaxat parti ad interesse, quanti scilicet pactum interest servatum non esse. Ita in terminis *Schamb. hic. Brunnem. in d. quotiens. 15.*

28 *Dividitur dominium in plenum, & minus plenum.* Plenum est jus disponendi tam quoad proprietatem, quàm quoad usumfructum. Minus plenum est jus disponendi vel tantum de proprietate, vel tantum de usufructu.

Minus plenum dominium subdividitur in *directum*, & *utile*. Directum vocatur, quod penes eum est, qui tantum habet nudam proprietatem. Utile vocatur, quod penes eum est, qui habet usum, & omnem utilitatem, ex proprietate proveniente. Directum dominium dicitur habere dominus directus in rebus feudalibus, & emphyteuticis. Utile verò habere dicitur Vassallus, Emphyteuta in bonis feudalibus, & emphyteuticis. Sunt, qui istam divisionem rejiciant, eò quòd

*Kees ad Instituta.*

authoritate juris destituta, & in nullo textu juris fundata sit; ast, cum rem ipsam reperiamus in *lib. 2. Feud. tit. 8. cap. 1. §. rei*, in verbis *quasi dominus*, ista logomachia curanda non est, & malo, doctrinæ melioris causa, id quod usu recepto invaluit sequi, quàm de lana caprina rixari: Plures domini divisiones tradit *Schamb. Inst. hic* & *Franz. p. 2. §. 2. Inst. b. t.* ergo illas alio loco, magis congruo, discutiam.

*Dices:* omnia inter homines sunt communia, ergò gratis forte disceptetur de rerum divisione aut distinctione domini. R. Verum esse quòd in Primordio mundi, & ab initio generis humani omnia fuerunt communia. Verum per peccatum originale natura humana adeò corrupta est, ut sæpè robustiores, & potentiores prohiberent alios à rerum usu & fructu, atque adeò ignavi semper alieno labore ali, & sustentari vellent, magis suarum virium præcellentiæ confisi, quam laboris industriæ intenti; ideo ratio naturalis dictabat, iniquum esse, quòd ignavi, & desides alieno labore alerentur; & cum præterea appareret, sine rixis, atque discordiis, quas parit communio, *l. 77. §. 20. ff. de legat. 2.* communem rerum usum procedere non posse, facta est rerum divisio, earumque dominia distincta sunt. *Schneid. n. 9. hic. Mynsing. §. 1. Inst. de J. N. & C. n. 5.*

Jam verò, an dominiorum distinctio recte rationi, & sacris litteris consentanea sit, ac conformis, discutere longum foret. Quòd jure divino confirmata sit, docet sat luculenter septimum præceptum decalogi: *Non furtum facies*. Deinde, filios Adami, protoplasti, & primi parentis nostri, habuisse distinctos & proprios greges, agrosve, patet ex *Gen. c. 4. v. 2. 3.* & 4. ubi legitur, quòd Cain de fructibus terræ, Abel verò de

Primogenitis gregis sui munera DEO obtulerit. *Accedit* præterea, quod frequenter in sacris paginis fiat pauperum & divitum mentio, atque inter eos distinctio, *Exod. c. 22. v. 25. c. 23. v. 2. 6. & 11.* Quæ distinctio inepta foret, si rerum divisio Juri divino, aut sacris paginis adversaretur. *Harp. n. 55.* ubi prolixo calamò tuetur divisionem rerum, & illam dari plus quàm manifestum est, ut proinde, quàm quisque rem sibi propriam fecit, illa sine facto suo privari non debeat *l. 11. ff. de R. J.* jus enim quæsitum nemini invito auferendum est, *l. fin. ff. pact.* ubi tamen

- 29 Q. VI. *An Princeps subditos suos jure quæsito privare possit?* R. Interesse, an justam causam, puta utilitatis publicæ, habeat, necnè? Si Princeps causam justam non habeat, intrepidè tenendum subditos suos Jure quæsitò privare non posse. Ita uno ore docent *Harp. prin. Instit. b. t. n. 115. Cov. r. var. resol. lib. 3. cap. 6. num. 5. Mynsing. centur. 5. obs. 93. Gail. 2. obs. 56. Bachov. ad Treutl. vol. 1. disp. 1. th. 6. lit. A. item th. 5. lit. H.* Ratio I. desumitur ex *l. 11. ff. de R. J.* quæ docet, id quod nostrum est, sine facto nostro ad alium transferri non posse. Quæ ipsa regula, cum fundata sit in ipso Jure naturali, etiam in persona Principis locum obtinet, utpote, qui legibus, & principiis naturalibus non est exemptus, *Zoës. ad. ff. de ll. num. 24.* Ratio II. desumitur à notabili exemplo, quo DEUS Regem Achab graviter punivit, eò quod vineam Nabothi vi atque injuria occupaverit. *3. Reg. 21.* ut exinde satis liqueat, non licere Principi sine justa causa subditos Jure quæsitò privare, *Humm. var. resol. lib. 9. tract. 1. q. 2.*

Non obstat. I. *l. 1. ff. de const. princ. & §. 6. Inst. 6. J. N. G. & C.* ubi expresse rescribitur, id, quod principi placuit,

habere vigorem legis; atque adeò, si principi placuerit, alteri Jus quæsitum auferre, id pro lege observandum erit. Enim verò R. id demum, quod principi placuit, habere vim legis, quod non repugnat Juri naturali, aut Juri divino; jam verò paulò antè demonstravimus, repugnare Juri naturali, & divino sine justa causa alterum Jure quæsitò privare.

Non Obstat. II. quod Imperator sit dominus mundi, *l. 9. ad leg. Rhod. de jact.* & omnia quæ in mundo sunt, Cæsaris esse intelligantur, *L. ult. Cod. de quadrienn. præscript.* ergo princeps de omnibus rebus poterit pro libitu disponere; quilibet eni est rei suæ moderator, & arbiter, *L. 21. Cod. mandanti.* R. enim I. in *d. l. 9.* mundum non esse accipiendum pro universo terrarum orbe; sed duntaxat pro territorio Cæsaris. Deinde principem esse dominum territorii sui, quoad Jurisdictionem & protectionem; non etiam quoad proprietatem singularum rerum. R. II. *d. l. ult.* quod illa tantummodo procedat de bonis patrimonialibus, & fiscalibus, de quibus ibidem agit *Imperator*; non verò de bonis subditorum.

Non Obstat. III. Quod sacrilegii instar sit, de potestate Summi Principis dubitare, aut disputare. *L. 3. Cod. de crimin. Sacrileg.* Siquidem R. *d. l. 3.* non procedere in iis, quæ tendunt in præjudicium, & detrimentum tertii: ut puta, si princeps in consiliarium, vel ad aliud officium elegeret talem, qui vel propter ætatem, vel propter rerum notitiam minus idoneus foret; hoc in casu dubitare, & disceptare, num dignus satis sit, necne, sacrilegii instar foret; Princeps enim, promovendo inhabilem, aut minus idoneum, censetur eundem habilitasse, ac defectum supplevisse. *l. 57. de Re jud.* Longè aliter se res habet in iis, quæ sine legitima causa ex plenitudine potestatis

potestatis per principem in grave præjudicium tertii fiunt: veluti si cui res suas, vel Jus quæsitum auferret; tunc enim quærentem, & investigantem, an Jure id fiat, sacrilegii arguere amentia foret. *Harp. loc. cit. num. 132. Ubi adhuc 10. argumenta contraria resolvit.*

Non Obstat. IV. Quod in principe sit pro ratione voluntas, ut alia justa causa non desideretur ad Jus quæsitum alteri auferendum; sed sufficiat plena, & absoluta potestas, quâ princeps pollet. R. enim ex dictis voluntatem principis, sine justa causa alteri Jus quæsitum auferre volentis, non principis esse, sed tyranni. Nec agnoscimus in principe absolutam, & plenam potestatem; hæc enim tyrannica est, & princeps ex Jure gentium, & ab ipsis populis ordinariè, & immediatè constitutus est, ut populi utilitatem, & salutem reipublicæ procuraret. *Bachov. loc. cit. th. 5. lit. H. Hunn. var. resol. loc. cit.*

Si princeps justam causam habeat, puta emolumentum, vel necessitatem reipublicæ, *Communi D. D.* calculo comprobata est sententia, posse subditis Jus quæsitum tollere, & eos rerum dominio privare. *Gail. l. 2. obs. 56. Hunn. var. resolut. loc. cit. q. 3. Mynsing. loc. cit.* Ratio sola, sed solida est, quod favor publicus privatæ utilitati præferendus sit, *l. 3. Cod. de primipilo.* Hinc illud Ciceronis. *Salus Reipublicæ suprema Lex esto!* Et, publicæ utilitatis gratiâ, à regulis Juris communis frequenter receditur, multaque permittuntur, quæ alias sunt interdicta, & prohibita, *l. 51. in fin. ff. ad leg. Aquil.*

Non adversatur, quod naturali æquitati repugnet, cum alterius jactura locupletari, *l. 206. ff. de R. J.* aut alterum lædere *l. 10. ff. de J. & J. §. 3. lujt. eod.* R. enim dicta principia naturalia non

procedere in iis, ubi versatur justa causa, puta favor, & salus reipublicæ. Hoc enim in casu favor publicus utilitati privatæ præferendus est. Quotiescunque enim concurrunt duæ rationes naturales, illa vincit aliam, quæ fortior est, qualis est, quæ fundatur in utilitate publicâ. *Clariss. P. Konig. ad decret. lib. 2. tit. 29. n. 4.*

Ex dictis suâ sponte fluit, quod princeps, utilitatis publicæ causâ domum subditi sui demoliri, aut ejus fundum, urbi vicinium pro dilatandis fossis, vel extruendo propugnaculo occupare, aut suburbia destruere, vel incendio, ne hostes eò se recipiant, consumere possit; ita tamen, ut princeps pretium rei destructæ ex æratio publico teneatur refundere, vel, si ærarium non sufficiat, cives compellat contribuere, ut pretium refundi possit. *Gail. loc. cit. num. 8. & 9. Hunn. var. resol. loc. cit. Vasq. lib. 1. illust. cont. c. 5. nisi ipsorum privatorum conjuncta cum principe inseparabilis utilitas rei talis everfionem exposcat.*

#### §. F E R R E 12.

I. Et antiquissimus dominii, Jure naturali acquirendi, modus est *Occupatio*, quæ nihil est aliud, quàm earum rerum, quæ nullius propriæ, sed Jure naturali omnium hominum communes sunt, apprehensio. Tales res sunt *fera bestia, volucres, pisces, & omnia animalia, quæ mari, calo, & terrâ nascuntur.* Hæc simul, atque ab aliquo capta sunt, Jure gentium statim sunt capientis, *text. hic. & l. 1. §. 1. ff. h. t.* Ratio, quia circa res, quæ nullius, & communes sunt, obtinet regula, quod cedunt occupanti, *text. hic.* Sicuti autem triplicis generis sunt animalia, puta *terrestria, aquatilia, & volatilia*, ita quoque tres sunt species occupationis, puta *Venatio, Piscatio, &*

*Aucupium.* Per venationem occupantur animalia terrestria, per piscationem aquatilia, per aucupium volatilia. *Schamb. Insi. hic. Guil. l. 2. obj. 66. 67. & 68.*

#### AD VERS. NEQUE INTEREST.

Diximus : *animalia fieri occupantis.* Hoc loco traditur ampliatio prædictæ conclusionis, ut videlicet nihil intersit, sive quis capiat volucres, & feras in suo sive in alieno fundo; *ratio*, quia aer communis est omnibus; in aëre autem aves volant, & feræ bestiae, ob instabilitatem, qua hinc inde vagantur, magis aëre quam terra contineri videntur: sicuti ergo tam in meo, quam in alterius fundo aërem possum capere, ita aucupari, aut venari possum tam in meo, quam in alieno fundo. *Perez. Instit. hic.*

#### AD VERS. PLANE.

Si quis fundum alienum ingrediatur, venandi, aut aucupandi gratia à domino fundi, si is præviderit, poterit prohiberi, ne ingrediatur; me enim invito, non licet vicino ire per agrum meum *l. 11. Cod. de servitut.* Quod si, prohibitione non obstante, ingressus fuerit, actione injuriarum tenetur, *l. 13. §. fin. ff. de injur.* quia vim, & injuriam facere dicitur, qui, invito domino, in ejus fundo versatur. *Manz. n. 3.* fera tamen, contra prohibitionem capta, fit occupantis, nec tenetur domino fundi illam occupans restituere, ita *Harp. n. 19.* Ratio, quia prohibitio non facit, ut fera, in fundo alieno consistens, desinat esse communis; licet enim fundus sit privatus, feræ tamen bestiae, quæ in eodem liberè vagantur, communes adhuc, & in nullius bonis sunt, ut proinde naturali ratione occupanti cedant. *Manz. 26. Perez. Instit. hic.*

Dixi : *nec tenetur Domino fundi illam*

*occupans restituere*, quoniam tum demum quis obligatur ad restitutionem, quando alteri res sua ablata est: atqui fera, licet in fundo alicujus liberè vagetur, antequam vivario includatur; non est domini, *l. 1. §. l. 3. ff. de D. R.* ergo illam non tenetur restituere. *Harp. n. 22. Schneid. n. 7. hic. Franz. p. 2. §. 3. n. 22. Instit. h. t.*

*Non repugnat*, quod ex delicto suo nemo debeat reportare commodum. *l. 12. §. 1. ff. de furt.* atqui, domino prohibente, ingredi fundum ejus, feramque capere est delictum. *l. 16. ff. de S. P. R.* ergo. Enim verò. *R. disting. maj.* Ex delicto suo nemo debet reportare commodum, si delictum directè, & proximè concurrat ad commodum, *conc. mag.* si remotè, & indirectè, *neg. mag. & conc. min.* sic distincto conseq. con. & neg. conseq. Commodum, quod reportat venator, reportat proximè ex captura, & occupatione feræ, existentis in naturali libertate; non verò ex ingressu, qui remotè tantum, & indirectè ad commodum concurrat; & magis nocet, quam prodest ingredienti, utpote producens actionem injuriarum. *l. 13. §. fin. de Injur.* Sanè, reportare commodum indirectè ex delicto in Jure non videtur paradoxum esse, prout patet in emptore secundo, qui in dominio rei traditæ prævalet primo; & ex nuptiis, contra priora sponsalia contradictis, utpote quæ ponunt legitimum matrimonium. *Franz. loc. cit. num. 23. & Harp. num. 30.* ubi plura argumenta contra resolvunt, quæ omnia allegare prohibet instituti ratio.

#### AD VERS. QUID QUID.

Q. hic, *quamdiu fera maneat in dominio occupantis?* *R. Imperator* eousque, donec occupantis custodia continetur, & coercetur, quam si evaserit, & in naturalem



ralem libertatem se receperit, ipsius esse desinere, atque rursus communem, adeoque iterum occupantis fieri. In naturalem verò libertatem se recepisse tunc intelligitur, cum vel oculos nostros penitus effugerit, vel ita in conspectu nostro sit, ut difficilis sit ejus persecutio, l. 9. ff. b. t. quod prudentis viri arbitrio, ex circumstantiis dijudicanda relinquitur. Schamb. hic.

Dicta de Jure communi obtinent; aliud de consuetudine servatur, qua inspecta, principes hodie Jus venandi sibi arrogant. Imò Jus venandi hodiernis modis Regalibus principis accenseri, & Investituris ab Imperatore principibus, & aliis nobilioribus vassallis specialiter conferri, pauci sunt, qui non acriter propugnent. Hermes ad Jus publ. c. 11. numero 164 Speidel. in suo specul. lit. J. verb. Jagen. Rosenhal. de feud. cap. 5. concl. 94 num. 9. Cupz. p. 3. const. 32. defin. 17. num. 10. ubi ait, nemini hodie etiam in suo territorio, venari licere, nisi cui id nominatim est concessum. Quare ipsam sententiam in hoc Austriae Archiducatu servari, satis constat ex Mandato generali Ferdinandi I. de dato 21. Maii 1557. & Ferdin. II. de dato 8. April. 1631. Clariss. D. Fusterw. lib. 3. obs. 145. n. 26.

Venatio secundum hodiernos mores vulgò dividitur in alta & bassa; sive in bannum ferarum superiorem, & inferiorem. (In nostra vernacula in den bog und niedren Wild-Bahn). In Primam classem revocantur das roth-und. schwarze Wildpret als Hirsch, Wild, Baren, Schwein. i. e. rubentes seu fulvae & nigritantes ferae, qualis sunt Cervi, ursi, apri. In secundam classem spectant, Rebe, Fuchs, Hasen, Mäler, Wild-Katzen. Item Hasel. Huner, Reb Huner, Schnepfen, Crobet-Vogel, Vad-Enten, &c. i. e. Ca-

prea, vulpes, lepores, feles sy'vêtres, attagenes, perdices, gallinagines, feri anseres &c. De Jure Austriaco venatio alta, sive bannus ferinus superior germano idiomate vocatur der Wild Bahn. Venatio verò bassa, sive bannus ferinus inferior das Reisz-Gejagt. N. Oe. Ordn. de Jurib. incorpor. tit. 9. §. 1. Clariss. D. Fusterw. l. 3. obs. 146. n. 7. ubi ait, vigore der N. Oe. Reisz Gejagts Ordn. illud, cui bannus ferinus superior, (der Wild-Bahn,) competit, nihil habere præcipuum, quam Hirsch, Baren, und Schwein, cætera verò, puta capreas, capricorneos, & rupicapras; item phasianos, tardas, retrones, attagenes, perdices, &c. Rebe, Stein Böck, Gems, Fasänen, Trappen, Auerhabnen, Hasel-und Reb-Huner, &c. pertinere ad Venationem bassam, sive bannum ferinum inferiorem. Porro, cum Jus venandi subtilis, uti ab experientia luculenter constat, per principes ademptam sit, idè

Q. VIII. An Principes Jus venandi subditis suis Jure potuerint adinere? Sunt qui negativam tuitineant, quos recenset Dilac. Courrav. in c. peccatum de R. J. in 6. p. 2. §. 8. num. 1. & Fach. l. 1. c. 1. Movetur I. Princeps non potest tollere Jus naturale, atqui Jure naturali cuilibet licet venari, text. hic Wesenb. paratit. num. 7. de A. R. D. ergò. II. Per l. 13. §. ult. de injur. ubi in hæc verba differte rescribitur: sapissime rescriptum est non posse aliquem piscari prohiberi, vel aucupari. Si principes Jus venandi subditis suis prohibere possent, vel maxime titulo immemorialis præscriptionis deberent se tueri; sed isto titulo non possunt se tueri, quia res meræ facultatis, qualis est Venatio, non recipit præscriptionem, l. 2. ff. de via publ. ergò.

Verum, his in contrarium nihil remorantibus, vera est, & communi D. D. suffragio comprobata *Sententia*, principes potuisse subditis suis Jus venandi Jure adimere. Ita tenent *Fech. l. 1. cap. 1. Harp. Inst. b. 1. §. 12. num. 93. Zoëf. ff. de A. R. D. n. 13. Manz. hic. num. 44. Schamb. hic. Glettle Jurisprud. terrib. tom. 1. part. 2. c. 2. 3. 6. num. 2. Carpzov. p. 2. de crimin. q. 88. num. 7. Ex Theologis Molin. tom. 1. de J. & J. tract. 2. disp. 41. Less. lib. 2. de J. & J. c. 2. dubit. 7. Haunold. tract. 5. de J. & J. cap. 1. controu. 3. n. 74.*

*Prob. I.* Quia jus naturale non vult positivè, & absolutè, ut feræ, volucres, pisces, & cætera animantia sint communia, sed tantum negativè & permissivè; quatenus nullius sunt, & naturali Jure vacantia; ergo Jus eorum adhuc est relictum dispositioni Principis; qui si illud subditis suis adimat, nullum privat proprietate aut jure quæsito, sed tantummodò facit ne Jus venandi sit in incerto.

*Prob. II.* Princeps potest ex justa, & rationabili causa Jus, alteri quæsitum, auferre, uti patet ab exemplo præscriptionis, ergo multo magis subditis poterit venationem prohibere, tum, quòd facilius tollatur Jus quærendum, quàm quæsitum. Atqui justa ratio, & causa exegisse videtur, ut subditis Jus venandi adimeretur, ergo Jure ademptum est: *subsumptum* ostenditur, quia vaga, & promiscua venandi licentia reipublicæ summopere foret nociva. I. Quia subditi valdè avocarentur à cultura agrorum, vini, &c. aliisque laboribus necessariis, quibus civitates conservantur. II. Quia prætextu venationis subditi instrueretur armis, atque ita excitandis rixis, atque homicidiis, & latrociniis committendis fenestra aperiretur. Quia promiscua ve-

nandi licentia ingentem ferarum sollicitudinem produceret, ut fortè celerius vulpanserem trajicere posses, quàm veram vulpem. IV. Quia conditioni Principis valde consentaneum est, ut recreationem habeat, qua curas publicas soletur. Cæterum, si tibi dentes in carnem ferinam pruriant, æquò pretio eandem licebit emere, *Glettle loc. cit.*

Ad I. R. *disting. maj.* princeps non potest tollere Jus naturale; positivum, sive absolutum *conc. maj.* atqui Jus naturale vult commune esse Jus venandi negativum *con. positivum neg. min.* & *conseq.* Jus naturale non statuit positivè, ut animalia ita communia sint, ut in communi omnium dominio permaneant sed potius ut nullius sint. Illa autem quæ nullius sunt, ex causa publicæ honestatis, certo hominum ordini, à principe alteri conferri, aut sibi arrogari posse, vix ullus est mentis tam insanæ, qui neget. Ad II. R. istam legem loqui de privato, venationem, vel piscationem prohibente sine justa causa. Ad III. R. I. Posse etiam principes se defendere titulo immemorialis præscriptionis, prout docet *Clariff. D. Funstervv. loc. cit. obs. 45. num. 4.* Res enim meræ facultatis etiam admittunt præscriptionem; dummodo ex parte unius interveniat prohibitio, & ex altera parte acquiescentia, *l. 10. ff. si servit. vind. l. 6. ff. de S. P. U. Harp. Inst. hic num. 118. Obligen. Inst. b. 1. q. 27. ob. 2.* atqui valde credibile est, Principes subinde subditis suis Jus venandi prohibuisse, ac prohibitioni subditos acquiescisse. R. II. Principes, vi potestatis ordinariæ, suis subditis Jus venandi tollere potuisse: Princeps enim ea omnia facere potest, quæ justa ratione fundantur, & in reipublicæ emolumentum redundant, prout redundare prohibitionem venandi, suprà demonstratum est.

Cæterum

Cæterum tametsi Principes Jus vendendi sibi arrogent, non tamen possunt prohibere subditis, ne arceant, aut abigant feras à satis; aut fructibus depascendis, cum cuivis liceat sua defendere contra quemcumque privatum; consequenter à potiori contra bestias, quas utique subditi alere non tenentur cum gravi suo detrimento. *Hannoldt. loc. cit. num. 76. Franz. Inst. b. t. p. 2. §. 3. num. 12.* Sanè, Principes obligari, ad damna resarcienda, quæ per Venationem, aut nimiam ferarum multiplicationem consultè subditis intulerunt, nullus est, qui dubitet. *Molin. d. tit. 2. disp. 47. Zoës. ff. b. t. n. 14.*

- 32 Q. VIII. *An panâ-capitali affici possint, qui contra prohibitionem venantur? Item, an tales teneantur ad restitutionem?* R. I. Non paucos velle, ad restitutionem in conscientia feripetas non teneri, quia furtum non committunt, occupando rem communem, & prohibitio Principis non facit, quò minus feræ communes sint, utpote, quæ in nullius dominio sunt, & demum occupatione efficiuntur propriæ, *Scham. hic. §. Dices secundo.* R. II. Tutius esse, ad pœnam capitalem non decurrere contra feripetas; indignum enim, & homini inconveniens est, hominem ad Imaginem DEI creatum, & Christi membrum, propter feram bestiam mactari. *Bichov. vol. 2. disp. 20. th. 3. lit. A.* Accedit, quòd Carolus V. Imperator omnes fures in sua constitutione criminali puniverit; Feripetarum verò nullam mentionem fecerit: quare pœnæ graviores, à principibus feripetis passim injectæ, non ex bestię intuitu, sed legis pœnalem talem committantis transgressione, in quam delinquens tacitè consentire præsumitur, dimetiendæ sunt. Illud tamen facile concedero, feripetam, quæ vel quater pre-

hensum, & correctum, si quinta vice revertatur, tanquam incorrigibilem, & contemptorem Majestatis humanæ, vita privari posse, juxta decantatum illud; *qui Principi non obedierit, morte moriatur!* vide *Glette Jurisprud. terrib. tom. 1. p. 2. c. 2. §. 6. à n. 8. usque ad fin.*

#### §. ILLUD 13.

Q. hic, *an fera, ita vulnerata, ut capi possit, cedat vulneranti; an capienti?*

Trebatio, aliisque placuit eousque videri vulnerantis, donec eam persequatur; quasi licere non debeat, feram ab alio vulneratam, eidem eripere, & vulnerantem, dum eandem persequitur, insidioso cursu antevertere. Deinde potentia, propinqua actui, pro actu habetur; ergo etiam fera bestia, ad mortem usque vulnerata, haberi debet pro mortua.

Hòc non obstante, contrarium statuit *Imperator*, aitque capientis esse, ex ratione, quia multa accidere possunt, ut is, qui lethaliter vulneravit, eam non capiat. Ex hac ratione insert *Schamb.* Si hæc circumstantia, videlicet, quòd nihil accidere posset quod impediret à captu, feram vulnerantis esse: sicuti, si in laqueum inciderit, ita, ut se extricare nequeat, cedit laqueum ponenti, *lib. 55. ff. b. t. Ad rationem dubitandi.* R. quod potentia, propinqua actui, pro actu habetur. Si nihil possit intercurrere, quo actus impediatur, vel si potentia ita propinqua sit, ut actus necessario sequatur; ex vulnere autem mors non necessario sequitur.

#### §. APIUM 14.

In præmissis dictum est, quod per occupationem ferarum animalium acquiratur eorum dominium. Verùm cum de quibus

quibusdam animalibus dubium sit, num fera sint, num mansueta? Ideò hic imperator tria genera animalium declarat; quædam enim prorsus fera ut cervi, ursi, apri, lepores &c. Et in his locum habet regia (puta de Jure communi) quòd cedant occupanti. Quædam naturaliter sunt fera, sed consuetudine cicurata, & hominum industria ita mansueta, ut à nobis abeant, redeantque, avolent, revolentque, veluti columba, pavones, & quandoque cervi, &c. Quædam naturaliter mansuetæ sunt, veluti gallinæ, anseres, domestici, &c. Manz. n. 2. hic.

33 Q. nunc, qualia animalia sint apes, ad quod R. Imperator: apium quoque feram esse naturam. Unde sequitur, & in his regulam locum habere; videlicet, quòd cedant occupanti. Sicuti autem volucres, quæ in arbore nostra confederunt, nidumque fecerunt, non prius nostræ efficiuntur, nisi occupantur; ita etiam apes quæ in arbore nostra confederunt, & mellificarunt, antequam alveo includantur, nostræ non sunt: ideò, si alius eas incluserit, dominus earum efficitur per occupationem, *text. hic.* poterit tamen volens ingredi fundum tuum, ad includendas apes, à te prohiberi, ne ingrediatur, & post prohibitionem ingrediens, & includens apes, licet earum dominus fiat, tamen actione injuriarum conveniri, sicuti *suprà* diximus. Quòd si verò examen apium evolaverit ex alveo tuo, tam diu manet tuum, donec in conspectu tuo est, nec difficilis redditur ejus persecutio. Schneid. num. 5.

Dicta procedunt de apibus sylvestribus, de quibus est *l. si apes 26. ff. de furt.* nam in his, quæ cicures factæ sunt, de quibus *textus* extant in *l. 8. ff. fami. l. bercu.* & ex consuetudine, ac diuturna assuetudine avolare & revolare solent, ea potius locum habent, quæ in sequenti

§. habentur. Manz. 13. Wesenb. Inst. hic n. 2. Quid jure Austriaco circa apes obtineat, vide *die Satz-und Ordnung. de Jurib. incorp. tit. 9. §. 7. 8. 9. & 10.* ubi habentur ista verba: *Vann etnem ein &c. i.e. Si examen apium evolaverit à domino, idque trans viam (über einem gewandten weg. (in alieno fundo vel arbore confederit, Dominus autem insequatur, ne sedem remotiorem petant, licet ei illud colligere, verum tamen non movebit, donec ei ad quem pertinet fundus vel arbor renunciatum sit; atque huic favus unus erit tribuendus. Ubi autem examen, quod trans viam alieno fundo vel arbori insedit, nemo persequitur, tunc licet ejus fundi vel arboris possessori examen colligere & auferre; nec de eo quicquam impertiri Domino examinis tenetur. Si vero id tertius aliquis inveniet, is non poterit colligere vel auferre insulutato fundi possessore. Si tamen possessor fundi vel arboris cui insedit examen, post denuntiationem in mora sit, inventor autem interea id alveo incluserit, tunc licebit huic id capere. Qui autem id sibi haberi volet, is pretium æquum pro parte dimidia examinis, mellis & alveorum alteri pendere debet, ita tamen ut penes eum qui alveum attulit optio sit, pretium accipiendi, vel examen ipsum retinendi. Si porro examen in via ipsa (in einem gewandten weg) arbori insederit, tunc poterit qui insequitur illud colligere, nulla habita ratione possessoris fundi vel arboris.*

#### §. PAVONUM. 15.

Pavonum & Columbarum fera natura 34 est; ratio, quia feræ naturæ dicitur omne id, quod pastoribus custodiri nequit. Schneid. hic. n. 6. Non obstat, quòd evolare & revolare soleant; hoc autem proprium sit animalium cicuratorum, quia id non ex sua natura, sed per accidens ex diuturna consuetudine, & assuetudine,



tudine, & assuefactione fit. Hinc supra §. 14. diximus quædam animalia esse naturaliter fera; consuetudine tamen cicurata, quem in censum pertinent *Pavones, Columba*, imo etiam subinde *Cervi*, quorum naturam feram esse, nemo negat, ire, & redire solent. *Manz. n. 3.* Circa ista animalia obtinet *regula*, ut, eoque nostra esse, intelligantur, donec animum revertendi habent. Unde, quamdiu hunc animum retinent, qui ex redeundi consuetudine judicatur, ab alio occupari non possunt, *text. hic.* Adeo, ut, si intercepta ab aliquo fuerint; aut saltem à revertendi consuetudine per infestationes, artes, & fraudes aversa fuerint, in eum actio furti competat, cum non res communes, sed res alienas, invito domino, contrectet. *Manz. n. 9. Harp. n. 9. hic.* Unde *Colliges* non licere alienas columbas siue furti crimine capere. *Schneid. n. 3. hic.* Cæterum vero, quando hæc animalia, consuetudinem redeundi abjecisse videantur, & censeari debeant, iudicis arbitrio relinquendum; quia, quæ facti sunt, certo definiri non possunt. *Manz. n. 4.* Putant tamen aliqui, si duabus, vel tribus vicibus horis consuetis non revertantur, animum revertendi deposuisse, quia consuetudinem inducit binus, vel trius actus. *Schneid. hic n. 4. Franz. p. 2. §. 3. h. t. n. 17.*

#### §. GALLINARUM. 16.

Hactenus de animalibus, prorsus feris, & naturaliter feris, consuetudine tamen cicuratis. Sequitur de mansuetis, qualia sunt *Gallinae, Anseres, Oves, Porci*, &c. Circa hæc enunciat Imperatur: *si anseres tui, aut gallinae tuæ, aliquo modo turbati, turbatae evolaverint, licet conspectum tuum effugerint; quocumque tamen loco sint, tui tuæ esse intelliguntur.*

Kees ad Instituta.

Unde sequitur, si quis lucrandi animo anserem & gallinam detineat, quod furtum committat, *text. hic.* quia furtum etiam in minima re, & quantitate committitur, *c. ult. caus. 14. q. ult.* non enim id, quod furto ablatum est, sed mens furantis attenditur: siue non ex quantitate, sed affectu furandi delictum æstimatur; licet in puniendo quantitas consideretur. *Manz. n. 10.*

*Dices:* actio de dolo non datur ob rem minimam, *l. 10. §. 11. ff. de dolo*; ergo neque actio furti dabitur pro gallina, utpote re minima: quia actio furti æque infamat, quam actio de dolo. *R. conc. antec. neg. conseq.* disparitas est, quod actio furti sit ordinaria; actio vero de dolo sit extraordinaria, prout *D. B. O. dante, l. 4. tit. 6. Inst.* audiemus; facilius autem remedium ordinarium, quam extraordinarium datur, & actiones ordinariæ etiam dantur pro re minima. *Myns. Schneid. Manz. hic. Gail. 2. obs. 102. n. 4.* Sic ob rem minimam raptam datur actio vi bon. rapt. *prin. Inst. de vi. bon. rap.* ob cornua bovis condictio furtiva, *l. 14. §. 2. ff. de condict. furt.* &c. Interea Iudex vehementer caveat, ne, si quis litiget de re minima, summum Jus transferat in summam injuriam.

In Archi-Ducatu inferioris Austriæ circa recensita animalia ita se habet, *die neue Satz und Ordnung, de Jurib. incorp. §. 3. §. 11. Wann einer &c. i. e. Qui feram vel avem ab alio nutritam & revertendi consuetudine cicurata intercepterit & scienter detinuerit, is non modo ad eam restituendam compellendus erit, verum etiam, agente Domino animalis prehendendus, ac decernente iudice puniendus erit. Cum ab aliquo columba, anseres, pavones, ejusque generis animalia aufugerunt, quamquam extra Domini conspectum pervenerint, nec facta sit ulla persecutio, tamen*

ea supervenienti Domino restituenda sunt; ac tenetur is ad quem effugerunt, eum quem novit dominum certiores facere. Qui autem ex hisce unum alterumve non faciet, is a iudice ad id compellendus erit, ac insuper ob injustam detentionem penas dabit.

§. ITEM E A. 17.

- 35 II. Modus acquirendi de Jure gentium, est Occupatio in bello; nam ea, quæ ex hoste capimus, jure gentium statim nostræ fiunt, *text. hic. Et in l. 5. ff. h. t.* Ratio autem hujus non est illa, quod tales res nullius sint, quoniam hostes revera domini sunt; sed, quia pro derelictis habentur, res autem pro derelicto habitæ cedunt occupanti, §. *pen. h. t. Pomerc. hist. hic.* vel ideo, ut homines scelerati, justo bello victi coercerentur, &, ut milites spe prædæ alacriores reddantur. *Harp. num. 2. Perez. Inst. hic.* Dicta conclusio in tantum ampliatur, ut etiam liberi homines in bello capti, in servitutem nostram deducantur; ratio est eadem, quæ supra. Quod si tamen taliter capti evaserint; sive vi, sive fallacia potestatem hostium, & ad suos reversi fuerint, postliminii jure libertatem pristinam recipiunt, *text. hic.*

Hodie inter Christianos, propter charitatem Christianam, &, quos magis fratres invicem, quam servos esse decet, jus captivitatis cessat; ac proinde, etiam justissimo bello capti, de consuetudine generali, capientium servi non fiunt; certam tamen pecuniam, lytri nomine (id est: *die Rantzion*), debent persolvere, & sic redimuntur. *Harp. n. 10. hic. Manz. num. 8.* Si nempe capitulatio, vulgo *ein Cartel*, inter militantes erecta, & lytrum pro qualitate captivorum determinatum fuit; alias enim tantum permutatio personæ æqualis pro æquali locum habet. Ista autem conclusio

limitatur, ut tantum de rebus mobilibus, non etiam immobilibus procedat; hæ enim publicantur, hoc est, illius efficiuntur, cujus auspiciis bellum geritur: tales autem res immobiles sunt v. g. *agri, fundi, prædia, arces, urbes, &c.* quibus etiam tormenta, cæterique apparatus bellici, annona, & pecunia publica, immediateque bellum gerenti propria annumerantur. *Manz. n. 11. Schneid. hic.*

Dubitatur, an capta ab hostibus prioribus dominis veniant restituenda, si virtute bellica denovo hostibus auferantur? R. Certam esse sententiam, res immobiles, hostibus devictis, receptas, in præda non esse; sed postliminio ad suos dominos reverti. Ita sancit aperte *text. in l. 20. §. ff. de captiv. Et postlimin. revers.* Cæteras vero res privatas, & mobiles in præda manere, verius est per *l. 28. ff. eod.* Ratio, quia per occupationem Jus quæsitum habent. *Harp. n. 21. Zoef. ff. de A. R. D. n. 18.* Hodie acquisitio rerum hostilium in bello videtur pendere ex liberalitate bellum gerentis; proinde tantum cedit privato, quantum princeps volet. *Franz. Inst. h. t. p. 2. §. 3. n. 40.* in castris tamen Cæsareis indifferenter res mobiles occupantis manent, & a pluribus simul acceptæ, (id est: *auf einer Parthey*), intra officiales, & gregarios a proportionem ipsorum stipendiorum dividuntur; ita tamen ut ductor partem præcipiat honorarii loco; res autem mobiles ab inimicis sociis abreptæ & ab aliis recuperatæ ante 24. horas jure postliminii praxi bellica gaudent, iis elapsis, reoccupantis manent.

§. ITEM LAPILLI 18.

III. Modus acquirendi de Jure gentium est Inventio. Nam, si quis lapillos<sup>36</sup> gemmas, margaritas, conchas, vel alias res in mari, vel littore maris invenerit, & apprehenderit, is naturali ratione sta-

statim dominus illarum efficitur; estque ratio, quia hujusmodi res sunt nullius, siue communes, ut ipsum littus, & ideo inveniendi, siue occupanti cedunt. Dicit autem Imperator in littore maris, nam quæ in privatis locis, vel viis & itineribus publicis reperiuntur, inventoris non sunt, sed pristini domini manent, & etiam per publicum præconium ei reddenda sunt; alioquin furtum committitur, c. 6. caus. 14. q. 5. Ratio, quia, quod tuum non est, scire debes, ad alium spectare, l. jin. Cod. unac vi. Dictum deinde, invenit & apprehendit: ratio, quia, ad acquirendum non sufficit hæc videre, & alio ostendere, sed necesse est apprehendere, & occupare: inventio enim non fit oculis, sed manu, non visione, sed apprehensione. Perez. l. j. hic.

37 Q. III. Si duo simul in littore maris ambulent, & unus prius gemmam videat; alius vero prius apprehendat, cujus erit gemma? Sunt, qui prius videnti consignent. Bachov. ad Treutl. vol. 2. disp. 20. ib. 2. lit. H. Schamb. hic. Prior ita scribit: fatendum est, aliam esse rationem animalium, quæ se ipsa movent, aliam rerum mobilium inanimatarum, supra terram apparentium; in quibus licet apprehensione opus sit, existimaverunt tamen, quoniam istæ res de loco se movere non possunt, etiam aliquid aspectui tribuendum esse; veluti, si quis gemmam, primo a se viam, animo, eam apprehendendi demonstret alteri, dicens: se gemmam ibi invenire, potiorẽ se esse debere neque alterum prævertendo, dominium sibi vindicare posse.

II. Ly invenire ex communi hominum acceptance essentialem aprehensionem non requirit, dum enim quis gemmam, ante se jacentem, videt, vere dicit, gemmam invenisse; ergo non requiritur apprehensio.

III. Dicitur in textu: statim inventoris sunt, id est, etiam ante apprehensionem.

IV. Potest alteri trahi fundus per solam visionem, l. 1. §. pen. ff. de acq. vel amitt. poss. ergo a fortiori etiam acquiri res, quæ ante adhuc nullius est.

His non obstantibus probabilior, & longe verior est Sententia, rem occupantis fieri. Haunold. de J. & J. tit. 5. controuv. 1. cap. 1. n. 2. H. p. l. j. hic. n. 5. Treutl. vol. 2. disp. 20. ib. 2. lit. H. Manz. n. 6. & Schneid. n. 4. Ratio I. quia occupatio, non visio est modus acquirendi, nullum enim textum ostendere possis, qui dicat, visionem esse modum acquirendi. Ratio II. desumitur ex particula item, quæ est repetitio præcedentium clausularum cum suis qualitatibus, atqui in præced. §§. dictum est, quod non sufficiat ad acquirendum rerum dominium Visus, sed Occupatio requiratur; idem ergo etiam de hoc modo inventionis dicendum erit. Accedit, quod verba cum effectu accipienda sunt. l. 1. §. hac autem. ff. quod quisque juris &c. Hinc fac! vigere statutum, ille, qui furem, vel latronem invenerit, habeat centum. Plane videnti solummodo isti centum non debentur; sed apprehendenti, & occupanti. Schneid. loc. cit. Ratio III. patet ex l. 3. §. 3. ff. de acq. vel amitt. poss. ubi dicitur, quod solo animo non possimus acquirere possessionem; si non antecedit naturalis apprehensio. Huic l. 3. §. 3. adjungo l. 1. §. 1. d. 1. ubi dicitur, quod margaritæ, in littore maris inventæ, ejus fiant, qui primus earum possessionem nactus est. Jam sic arguo: Res communes, in littore maris inventæ, ejus sunt, qui possessionem earum prius nactus est, d. l. 1. §. 1. Sed possessio solo animo, siue sola visione non acquiritur d. l. 3. §. 3. ergo ejus non sunt, qui tantummodo vidit, & non apprehendit. Ratio IV. quia talis

Gemma nullius est, atqui circa res, quæ nullius sunt, tradita est *regula*, quod jure naturali primo occupanti NB. (non dicitur *videnti*) cedant.

Ad I. Dico: rationem differentię, quam *Bachov.* inter res, quæ se movent, & quæ se movere non possunt, autoritate juris destitui; & contrarium involvi per particulam *item accedit*, quod etiam thesaurus sit res, quæ se movere non potest, & tamen thesaurus non cedit *videnti*, sed occupanti. Ad II. dico: ly *invenire* apprehensionem requirere, verba enim cum effectu accipienda sunt. Deinde inventio *definitur*, quod sit occupatio rerum inanimatarum, quæ nullius sunt, *Franz. Inst. h. t. p. 2. num. 30.* Non vero *definitur*, quod sit visio, adeoque signum est, quod apprehensio ad inventionem requiratur. Ad III. R. statim inventoris fiunt, atque res inventas apprehenderit. Ad IV. *conc. ant. neg. conseq.* Traditio enim ad suam formam non requirit de manu ad manum rei translationem; cum etiam per fictam manum res tradi possit. *Accedit*, quod, ad traditionem perficiendam plus non requiratur, quam, ut alter jus, quod habet in re, in me transferat, sic enim jam acquirō ei dominium, quia omne jus, quod habuit, in me transtulit. Contra, ut rei communis, quæ nullius fuit, acquiram dominium, debet aliquid intercedere, quod dominium tribuat, ut res desinat esse communis: atqui nihil est, quod tribueret dominium, nisi occupatio; ergo.

§. ITEM EA. 19.

IV. Modus acquirendi est *Fatura, nativitas*, seu *procreatio animalium*. Quidquid enim ex animalibus, dominio nostro subjectis, nascitur, Jure naturali, seu gentium nobis acquiritur, *text. hic.*

cujus hæc est ratio, quia fœtus, sive partus est veluti pars ventris. Non potest autem pars alio jure censi, quam totum; ergo, cujus totum est, necesse est, & partem esse, quoniam pars toto continetur. *Harp. num. 2. hic.* Ratio alia, quia accessorium sequitur suum principale, & partus ventrem. l. 7. *Cod. de R. V.* cujus igitur est venter, ejus est & partus, *Manz. num. 3.* Unde sui sponte fluit, quod, si equam meam equus tuus prægnantem fecerit, non sit tuus, sed meus equulus, qui natus est. *Hertog. & fin. Inst. hic.*

§. PRÆTEREA. 20.

V. Modus acquirendi domini est *Alluvio*. Nam si flumen per alluvionem agro tuo aliquid adjecerit, jure gentium tibi acquiritur. Est autem alluvio incrementum latens, cum quid ita paulatim prædio nostro adjicitur motu fluminis, ut intelligi non possit, quantum quoque temporis momento adjiciatur. Ratio hujus domini acquirendi à variis varia redditur. I. est hæc, quam allegat, *Schneid. hic num. 1.* quia nullus hic versatur possessoris animus, nullum ejus factum, quo magis alieno fundo quidquam detrahatur, & suo adjiciatur, consequens est, ipsam naturam sua sponte per alluvionem id appropriare fundo, cui accedit, II. Ratio adornatur ab *Harp. hic.* quia accessorium sequitur suum principale, l. 178. ff. de R. J. & pars sequitur naturam totius, ita ut, cujus est totum, illius merito sit & pars, quæ toti accrescit. Æquitas vero hujus acquisitionis ex eo augetur, quod, quæ alluvione accrescunt, ita latenter, & obscure aliis locis detrahuntur, ut non intelligatur, quorum prius fuerint, & quibus sint detracta; proindeque, licet quis maxime vellet prioribus dominis illa restituere, non.



non tamen possit, cum, qui domini fuerint, ignoretur. III. Ratio assignatur a *Manz. hic. num. 4.* quia ista res, quam aqua vehit, censetur esse communis, ergo is fit dominus, cui adjicitur.

Sane fundus limitatus, puta, qui certis limitibus circumscriptus est, ac auctoritate publica signatus, jure alluvionis non gaudet, *l. 16. ff. de A. R. D.* Ratio, quia dum fundus facto publico signatus est, satis declaravit res publica, quod Jus alluvionis sibi velit reservare. Fundus illimitatus vero, sive cujus limen est ipsum flumen, gaudet jure alluvionis, *text. hic. & arg. l. 16. ff. de A. R. D. Fritschius de Jure alluv. lib. 2. cap. 1. & lib. 1. cap. 2. num. 7.* Quemadmodum vero fundus limitatus jure alluvionis non gaudet; ita quoque loca sacra, religionis & sancta jus alluvionis non recipiunt, eo quod talia loca nullius esse dicantur, *l. in tantum. §. sacra res. ff. de D. R.* quæ autem in nullius bonis sunt, non gaudent jure alluvionis. *Fritsch. loc. cit. num. 6. & l. 2. c. 1. num. 3.* Sed, cujus erit *Insula, nata inter agros limitatos, vel loca sacra?* Bartolæus in eam condescendit opinionem, ut illorum insulam fieri existimet, qui post agros limitatos habent vicina prædia. Contra sentit *Fritsch. loc. cit. cap. 2. num. 1.* ubi vide.

#### §. QUOD SI 21.

Dictum fuit supra, *si latenter accreverit?* hinc, si vis fluminis notabilem partem alterius agro adjiciat, ea adhuc prioris domini manet, ratio, quia pars, per fluminis impetum de tuo prædio detracta, quamvis ad alterius prædium delata sit, separata tamen manet, nec pars ejus esse intelligitur. Quare tu, utpote adhuc dominus, partem istam vindicare potes; dummodo caveas vicino de damno infecto, *l. 9. §. 2. ff. de damn. infect. Harp. hic.*

Plane si pars detracta diu adhæserit fundo vicini, arboresque, quas secum traxit, ibi radices egerint, tunc partim propter negligentiam non repetentis, partim propter alimenta fundi alentis, alterius agri domino acquiritur, *text. hic.* Quando autem arbores in fundo alterius radices egisse censi debeant, judicio rusticorum standum est; ratio, quia cuique de his, quæ sunt artis suæ, vel professionis fides adhibetur, *l. 12. ff. de stat. homin. Manz. num. 12.* Non Obstat dictis *l. 5. §. 3. ff. de R. V.* ubi ita rescriptum est: *de arbore, quæ, in alienum agrum translata, coaluit, & radices immisit. Varrus, & Nerva utilem in rem actionem dabant,* ergo, si prior dominus utilem in rem actionem habet, utique dominium ejus non amisit; sed retinuit, etenim actio in rem nemini, præterquam domino, competit. Non (inquam) *textus* iste refragatur, ad cujus solutionem, licet varii varia excogitaverint, placet tamen ista, quam *Harp. n. 7. hic. Ludwel. Inst. eod. Hunn. ad Trentl. vol. 2. disp. 28. tb. 5. q. 25. Manz. & Mynsing. hic.* in medium producant, dicentes: arbores, sive impetu fluminis, sive facto hominis ablatas, si alieno in fundo radices egerint, a priori domino amitti, atque ei, cujus in fundo positæ sunt, acquiri in tantum, ut is utilem actionem, si forte alius istas occupaverit, habeat. Utilis autem actio ibi dicitur, non quæ directe opponitur; sed, quæ ad agendum utilis est, & efficax: cum enim fundi illius, in quo arbores sunt positæ, dominus plenum acquisierit dominium, necessario sequitur, ut ei non utilis, sed directa actio (quæ utilis vocatur, quod ad agendum efficax sit, nullaque exceptione removeri queat) accommodetur.

## §. INSULA. 22.

- 39 VI. Modus acquirendi dominium est *Insula*, exinde sic dicta, quod in solo, sive mari sit; est autem nihil aliud, quam terra seu locus, undique aqua circumdatus. *Schneid. n. 2. hic.*

*Insula* alia est *naturalis*, quæ semper fuit, ut *Corfica*, *Creta* &c. Alia est *causalis* sive *accidentalis*, quæ in flumine sæpe & frequenter, in mari vero perraro nascitur; & de posteriori loquitur §. iste, sancitque, si in mari (quod tamen raro accidit) *insula* nascitur, occupanti cedat. *Ratio* est in *textu*, quia nullius esse creditur; quod autem nullius est, id naturali ratione occupanti conceditur; *Ratio rationis*, quia unaquæque pars judicatur secundum suum totum, & quod juris est de toto quoad totum, idem est de parte quoad partem, *L. qua de tota, ff. de R. P. atqui insula censetur pars maris*; ergo, sicut mare, & littora maris nullius sunt, ac proinde occupantis, ita quoque *Insula*, *Manz. n. 4.*

*Dictum* est: *raro accidere, ut in mari Insula nascatur*. *Ratio*, quare id raro contingat, est, quia altitudo, & profunditas maris ejusdemque fluxus, & refluxus nimis violentus, & magnæ undæ, atque procellæ vix patiuntur, terram coalescere, & in formam *Insulæ* exaggerari. Terræ motibus tamen quandoque id accidere, testatur *Plin. lib. 2. cap. 85. Manz. & Harp. n. 2.*

## AD VERS INSULA.

- 40 Si *Insula* nascatur in *publico* (quod frequenter accidit) tunc, si mediam partem fluminis teneat, id est, in medio fluat, sit eorum, qui ab utraque parte fluminis prope ripam prædia possident, pro modo scilicet *latitudinis*, id est *frontis* seu *longitudinis*, agri cujusque juxta

ripam; hoc est, quantum unus quisque spatii, vel longitudinis habet juxta ripam, tantum quoque spatium habeat in ipsa *Insula*. *Ratio* hujus acquisitionis est, quia *Insula* illa videtur decerpta ex ripis, utrinque vicinis, & proinde ad agros proximos pertinet. *Harp. num. 5. & 6.*

## AD VERS QUOD SI ALTERI.

Quid? si *Insula* uni prædio sit proximior, & non in medio nascatur? *R. Imperator*: *Insulam* eorum tantum esse, qui ab ea parte prope ripam prædia possident. *Ratio*, quia ejus duntaxat fundi pars esse videtur, cui est proxima: & ab eo velut decerpta. *Perez. Inst. hic.*

Quod si vero flumen se dividat, & agrum alicujus cingat (quod *Hottomanus* circumluvionem vocat) *Insula* quidem fiet, manebit tamen ejus, cujus erat, *text. hic. & in l. 7. §. 4 ff. h. t.* *Ratio*, quia speciem agri non mutat, non enim fuit unquam facies soli mutata, & *Insula* non est recens nata, sed terra jam occupata, & ab alio possessa; cujus forma, facies & causa cum non mutetur, certe nec dominium mutari debet. *Manz. n. 28.*

Non obstat *l. pen. §. 1. & ult. ff. de A. D. R.* ubi *Insula* publica esse dicitur, *R.* enim, *Insulam* ibi publicam dici ratione ulus, eamque non totam; sed quoad extremitatem, quæ extremitas sit loco & instar ripæ, & proinde usu publica, *Bachov. Inst. hic. & Luthwel. num. 9.* hic ait: *Insulam* inter duos agros limitatos natam fieri communem, atque ita occupantis. *L. 1. §. 6. ff. de fluminib. Fritsch. l. 2. de Jure alluv.*

## §. QUOD SI NATURALI. 23.

*Alveus* est locus & fossa, per quam aqua fluit, alii *ventrem*, alii *lectum*, alii *cubile fluminis* appellant, estque Juris publici,

ei, quamdiu flumini servit, sicut ipsum flumen. *Schneid. num. 1.* Quod si flumen naturalem suum alveum (hoc est fossam illam per quam labitur) in universum dereliquerit, & ad partem fluere coeperit; (*Wann das Wasser einen andern Rinn-Fall genommen*) Tunc prior alveus eorum erit, qui prope ripam ejus prædia possident, pro modo scilicet latitudinis cujusque agri, quæ prope ripam sit. *text. hic. Manz. n. 2.* Novus autem alveus fit ejus juris, cujus juris est flumen: cum ergo flumen sit publicum, & alveus erit publicus, ratio, quia pars sequitur conditionem totius, alveus autem quamdiu subest flumini, ejus pars est, & idcirco ejusdem juris cum flumine. *Harp. n. 4.* Quod si vero novus alveus iterum mutetur, & ad priorem alveum revertatur flumen, rursus novus eorum fiet, qui proximos agros possident, non vero reddetur iis, quorum agros absumpserat, *text. hic.* Ratio est, quia mutata forma rei substantia interire dicitur, at horum agri veterem formam & speciem mutaverant, ideoque ad pristinos dominos non revertuntur. *Harp. n. 5.*

## §. ALIA SANE 24.

42 Si ager alicujus inundetur, id est a quis tegatur, tum possessio quidem interrumpitur, *l. 3. §. 17. ff. de acquir. poss.* dominium tamen non aufertur, *l. 7. §. 6. b. t.* nisi sit inundatio perpetua, vel talis, quæ speciem agri mutat. Non obstat *l. si ager 23. ff. quibus modis usu-fructus amittatur*, ubi dicitur, inundatione amitti proprietatem, & usumfructum, ergo ipsum dominium. *R. Manz. hic. n. 8.* tamdiu etiam amitti dominium, quamdiu durat inundatio, puta, quoad effectum, seu (ut *Schamb. ait*) amittitur dominium amissione facti non ea, quæ jure fit; unde in *d. l. 7. §. 6.* dicitur,

cum recesserit aqua, palam est, ejusdem esse, cujus & fuit. Aliter *R. Ba. hovius*; aitque, neque proprietatem, neque usumfructum proprie amitti, sed tantum improprie, & apparenter; alias non restitueretur utrumque recessu fluminis.

## §. CUM EX 25.

VII. Modus acquirendi de Jure natura<sup>43</sup> est *Specificatio*, sive (ut magis proprie loquar) *novæ speciei ex aliena materia conformatio*, & effectio, *Harp. n. 1. hic.* in exemplo, si quis alienis *uvivum*, *olivis oleum*, *spicis frumentum*; aut ex alieno *auro vel argento*, vel *are vas* aliquod fecerit; vel denique ex alieno *melle*, & *vino mulsum* miscuerit. In his, & ejusmodi casibus.

Q. *quis novæ speciei dominus fiat, an is, qui fecit; an potius ille, qui materie Dominus fuit?* Circa hanc Q. vehementer altercabantur veteres *JConsulti*. *I. S. C. Sabinianorum* tenebat, eum esse dominum, cujus materia fuit, quia sine materia nulla species effici potest; ergo, qui materie Dominus fuit, idem ejus quoque, quod ex materia factum est, Dominus erit *l. adeo 7. ff. b. t.* II. Quod nostrum est, sine facto nostro ad alium transferri non debet, *l. 11. ff. de R. J.* III. Quod ex re mea fit, meum est, *l. 42. §. denique ff. ad exhib.* IV. Quia nemo cum alterius jactura debet locupletari. *l. 296. ff. de R. J.*

Verum hæc ultima ratio parum ad rem facit: nam is, cui dominium adjudicabitur, alteri æstimationem materie, vel labori præstare, & refarcire tenetur, *l. 43. §. 4. ff. de R. V. Schamb. hic.* *SC. Proculianorum* e contrario putabat, eum esse dominum novæ speciei, qui speciem fecit. Movebantur *I.* quia, quod

quod factum est, antea nullius erat, *l. 7. §. 5. b. t.* ergo faciens censeretur debet dominus. *Harp. num. 2. II.* Quia forma dat esse rei, ergo debet is esse dominus, qui rei esse dedit. *Schamb. hic. III.* Dignius trahit ad se minus dignum, *arg. §. 34. infra b. t.* dignior autem videtur esse forma, quæ dat esse rei, quam materia. *Manz. num. 13.*

Neutram Sententiam comprobavit Justinianus, verum distinctionis adminiculo discordiam *JConsultorum* sustulit, sicque sancit: aut enim ea species ad priorem & rudem materiam potest reduci, aut non potest reduci? Si potest reduci quemadmodum poculum conflatum reduci potest ad rudem materiam argenti, vel auri, tunc is erit Dominus novæ speciei, qui materiæ Dominus fuit; ratio, quia species non videtur novam formam suscepisse, quæ tam facile resolvi potest in pristinam, & rudem materiam. *Schneid. num. 4.* Ratio alia, quia paria sunt, esse tale, & ad tale posse reduci, *Manz. num. 15.* ubi infert, quod si poculum feceris ex meo argento, poculum meum fiet.

Si nova species reduci non potest ad pristinam materiam, tunc nova species cedit specificanti, v. g. vinum, vel oleum ad uvas, vel olivas, non potest reduci, ergo vinum, & oleum illius sunt, qui illa expressit. Item cerevisia ad lupulum, & hordeum redire non potest, ergo is dominus videtur, qui cerevisiam coxit, & braxavit; ratio, quia, quando species ad rudem materiam non potest amplius reduci, materia habetur pro deperdita: materia autem deperdita & extincta, dominium quoque ejus sublatum censetur, *Manz. num. 16.*

Non obstat regula, quod ex meo fit, meum est, nam ad veritatem istius regulæ requiritur aliqua istarum conditio-

num, scilicet quod egomet faciam, aut alius meo nomine, vel mandato meo, vel sine mandato, me tamen ratificante, vel denique quod alius faciat mala fide. *Schneid. n. 4. hic.*

Porro, ut specificans fiat Dominus novæ speciei, plura adhuc concurrant, necesse est, I. ut bona fide novam speciem confecerit, nam sciens mala fide de aliena materia quid faciens, non fit ejus Dominus, & videtur operam suam Domino materiæ donare, *l. cujus per errorem §. 3. ff. de R. J. Schneid. num. 5. II.* ut species ad antiquam rudem materiam reverti non possit. *text. hic. III.* ut faciens suo nomine id fecerit; si enim alterius nomine id fecerit, ejus efficitur, cujus nomine facta est species, *l. adeo 7. §. 7. ff. de A. R. D. Harp. num. 10. §. 1. Schneid. hic. VI. & ultimo*, ut nova species constituatur, nam, veteri specie manente, & figura tantum externa mutata, res non fit specificantis; sed prioris domini manet, licet ad rudem materiam reduci non possit.

Unde infero, si quis lanam alienam purpura, aliove colore tingat, aut tingendam curet, quod nihil suum faciat, sed lana ejus maneat, cujus ante fuerat; quoniam novum duntaxat colorem, & non novam speciem huic lanæ inducit. *l. 26. §. ult. ff. de A. R. D. pariter*, si quis ex alienis spicis frumentum excutiat, frumentum non excutienti acquiritur, sed manet illius, cujus & spicæ fuerant: quoniam excutiens non nova grana fecit, sed ea, quæ cortice occultabantur, & perfecta jam erant, detexit. Ita aperte sancit *l. 7. §. 7. ff. eod. Harp. n. 8. hic.*

Objic. §. 25. *hic.* ubi dicitur, quod frumentum ad species reverti non possit, ergo frumentum, bona fide excussum, fit excutientis; sed hoc repugnat memoratæ *l. 7. §. 7. R.* tantam esse inter istos duos



duos *textus* discordiam, ut ea propter aliqui aut apertam antinomiali statuunt; aut erroris arguant juris compilatores, acriterque in eos invehiuntur. Ego sic puto rem comparari posse, si dicatur §. 25. *hic. ex d. l. 7. §. 7.* supplendum esse & in d. §. 25. tantum inadæquatè exemplum poni, non vero adæquatè, hoc est, ut frumentum fiat excutientis, sicut vinum expressum fiat exprimentis. Sensus ergo *textus* §. 27. est talis, si nova species non potest ad rudem materiam reduci, sicut frumentum ad foicas reduci non potest, & simul fiat nova species, tunc ea res fit specificantis; jam frumentum habet quidem istam qualitatem, ut ad rudem materiam reducibile non sit, alteram vero qualitatem non habet, ut excussum novam speciem constituat. *Schamb. Injtit. hic. B. h. v. vol. 2. d. sp. 20. th. 1. lit. A. & B. Manz. n. 20. th. 1. lit. A. & B. Manz. n. 24. Harp. n. 10.*

## AD VERS. QUOD SI PARTIM.

Hactenus vidimus, quid juris sit, si nova species fiat ex materia prorsus aliena. Nunc, quis dominus nova speciei fiat, si quis eam, partim ex aliena, partim ex sua confecerit, v. g. ex suo vino, & alieno mulso vinum. *R. Imperator*, dubitandum non esse, illum fieri dominum, qui fecit; ratio, cum non solum operam suam, & formam dederit, sed & partem ejusdem materię præstiterit: naturalis enim ratio cum præfert, qui plus ad efficientiam rei contulit, & duplex causa vini præponderat. *Manz. n. 32.* Quod tamen ita demum verum est, si nova illa species, ad priorem materiam atque causam reduci non potest, & si specificans in bona fide fuerit. *Manz. n. 13. & Harp. n. 14.*

*Kees ad Institut.*

## §. SI TAMEN. 26.

VIII. Modus acquirendi dominium<sup>45</sup> est *Accessio*, cujus etiam species *Intextura*; nam, si quis purpuram alienam vestimento suo intexuerit, licet pretiosior sit, tamen vestimento cedit, etenim de accessione hæc est regula juris: si res quædam sit confecta, ita, ut habeat propriam qualitatem & formam, tunc id quod ei tanquam pars accedit, toti cedit, sic v. g. si quis statue brachium, scypho ansam, lecto fulcrum, domui cementum adjecerit, id, quod additum est, toti cedit, ratio, quia accessorium sequitur naturam, & conditionem sui principalis. *S. h. e. id. num. 2.* ubi tamen *Observa*: accessorium & principale non considerari ex valore, & pretio rei, sed magis ex distinctione & voluntate patris familias; si iste aliquid, rei perficiendæ, vel onerandæ gratiâ adhibuerit, illud dicatur accessorium. *S. h. amb. hic.* Unde fluit, quod si aurum margaritarum, aut gemmarum causâ, adhibitum est, ut isti lapides eò commodius geri possint, tunc aurum margaritis cedat. Si vero e contra margaritæ, & gemmæ adhibitæ sint, ut aurum ornarent, tunc isti lapides auro cedunt, *text. hic.*

Non *Obstat*, quod dignius trahat ad se minus dignum, alias prævalentiæ ratio habeatur. Ista enim regula fallit, si dignius & prævalens accessorie concurrat, tunc enim non pretium, & prævalentia spectatur, sed id quod accidit per modum accessorii, hoc sive sit pretiosius, sive non, accedit toti, & principali, nihil enim vetat, plus esse in accessione, quam in principali, semper enim accessorium sequitur suum principale. *Manz. n. 6.*

Q. Quæ sit differentia inter accessionem, & specificationem? *R. I.* Quod in specificatione non consideretur unum per  
C e modum

modum accessorii, & alterum per modum principalis. *R.* II. quod in specificatione necessario requiratur bona fides; in accessione non attendatur, an bona, an malâ fides accesserit: cum regula indistinctè habeat; accessorium sequitur suum principale: & quia res quæ accessit, pro extincta habetur, mirum non est, quod prior dominus dominium amittat, & rei vindicationem, quæ dominium ex parte agentis supponit, non habeat. *Manz. n. 13.*

*Dices:* ergo prior dominus dominio rei suæ sic defraudatur, ut nullam actionem habeat? *R.* tamen actionem habere; ubi tamen *Distinctio* adhibenda, an bonâ, an malâ fide quis purpuram suo vestimento intexuerit? Si bona fide, habebit prior dominus Conditionem sine causa. *Harp. hic. num. 3. & Manz. n. 17.* quæ non ad rem ipsam, sed ad pretium rei amissæ agit. Datur autem communis ista conditio sine causa tunc, quando quis dominium sine facto suo amittit, & res ab altero sine iusta causa possideatur. *Manz. loc. cit.* Si verò mala fide, competit adversus ipsum actio furti ad poenam, & conditio furtiva ad æstimationem. *Schamb. hic.*

*Dices:* intexens est factus Dominus; ergo non tenetur actione furti. *R.* quod furtum commississe dicatur tunc, quam primum purpuram accepit, adeoque, & tunc actio furti nata est quæ semel nata, facto delinquentis extinguere non potest: aliàs in ipsius voluntate, & potestate esset, utrùm obligatus esset, nec ne. *Manz. n. 12.*

*Dices:* si potest conditione furtivâ prior dominus agere, potest etiam rem vindicare. *R. neg. seq.* quia ad vindicationem non requiritur, ut res adhuc existat, hic autem pro extincta habetur: unde, si prius ad exhibendum sit actum, & res

exhibita fuerit, cum tunc dominium prius reviviscat, tunc quoque vindicatio reviviscit. *l. 6. ff. ad exhibi. Schamb. hic.*

#### §. SI DUORUM MATERIE. 27.

IX. Acquirendi dominium modus est *Confusio*, quando scilicet materiæ ejusdem, vel diversi generis voluntate duorum dominorum confunduntur, vel ex iis certa species facta est, nam tunc illud corpus, quod ex confusione fit, est utriusque commune, naturali ratione propter voluntatem scilicet & consensum dominorum; veluti si qui vina sua confuderint; aut massas auri, vel argenti conflaverint; secus, si interveniat voluntas unius tantum: nam tunc species facta non fit communis; sed unius tantum, qui eam fecit. *Ampliat* hæc *Conclusio*, procedere etiam tunc, si casu fortuito, qui neutri imputari potest, materiæ confundantur, ut corpus inde factum fiat commune, ita, ut actio communis dividendo inter eos locum habeat. *hic.*

#### §. Q U O D S I 28.

X. Modus acquirendi est *commixtio*, veluti, si frumentum Titii tuo mixtum fuerit; differunt autem *Commixtio* & *Confusio*. Confundi enim ea censentur, quæ confusa pariunt novam speciem, ut Vinum & Mel propriè confunduntur, & confusa generant aliam speciem, scilicet *Mulsam*. Item ex Auro & Argento fit *Electrum*. At commiscere dicimur, quando confundimus res, quæ non transeunt in aliam speciem, sed priorem retinent, & manent in eadem substantia. Mixtio tamen sæpè pro confusione ponitur, & e contra. *Schneid. n. 3.*

*Dicta* eatenus procedunt, si mixtio fiat voluntate dominorum; nam tunc pro indiviso res sunt communes, ita ut  
contra

contra illum, qui corpus mixtum in solidum possidet, alteri pro sua parte actio *communi dividundo*. Quod si non voluntate dominorum, sed casu frumentum, vel aliud mixtum fuerit, non fit commune, nec actio communi dividundo, sed rei vindicatio locum habet; præsertim quando diversæ speciei materiæ commixtæ sunt. Nam, si ferè similia commixta sint, & dubium sit, quantum, & quale ad quemlibet pertineat; tunc Judex ex officio suo illud æstimabit, *Schneid. & Manz. hic.*

### §. CUM IN SUO SOLO. 29.

XI. Acquirendi dominium modus est *Ædificatio*, quæ vel fit ex materia aliena in suo solo; vel ex sua materia in alieno solo: de priori casu agitur hoc §. Si quis ex aliena materia in suo solo ædificat, v. g. *domum, horreum, molendinum*, &c. fit ædificii dominus, quia omne, quod solo inædificatur, solo cedit, *text. hic.* Ratio rationis, quia accessio cedit principali, minus minori, pars toti. *Harp. num. 2.* & hoc procedit in solo privato; qui enim solo in publico ædificat, ædificium fit ædificantis, & non cedit solo. *l. 6. ff. de D. R.*

### A D V. N E C T A M E N.

48 Q. *An ergo is, qui in suo solo ex aliena materia ædificat cum dominus fiat ædificati, etiam dominus fiat materiæ?* Dixeris quod sic, quia duo non possunt unius, ejusdemque rei in solidum esse domini, *l. 5, §. 15. ff. commodati.* cum ergo is, qui ædificavit fiat dominus ædificati, dominus materiæ ejusdem dominus esse non potest. At, hoc non obstante, Imperator R. *contrarium*, quod non desinat materiæ dominus esse; ratio, quia nemo invitus res sua privandus est, *l. id quod nostrum ff. de R. J. Schamb. hic.* Ad ra-

tionem dubitandi, R. benè fieri posse, ut quis dominus sit totius, alter verò partium; aliud enim est ædificium, aliud materia. *Manz. n. 12.*

### A D V. S E D T A N T I S P E R.

Q. *An ergo dominus materia possit eam ab ædificante vindicare?* Dixeris, quod sic, quia, ut rei vindicatio locum fortietur, requiritur ex parte vindicantis dominium, & ex altera parte possessio; sed sic se habet, ergò. Hoc tamen non obstante, R. licet ratio, in contrarium allata, regulariter vera sit; hic tamen casus exceptus est, propter *L. 12. Tabb.* quæ expressè prohibet, ne quis tignum alienum, ædibus suis junctum, eximere cogatur, *text. hic. & l. in rem. 23. §. 6. ff. de R. V.* Ratio est in *textu*, ne ædificia rescindi necesse sit, præsertim in civitate, ubi publicè interest, ne aspectus urbis deformetur, licet proinde, inspecto rigore Juris, tignum (sub nomine tigni venit omnis materia ex qua ædificia fiunt, v. g. *lapides, trabes, calx, tegula*) alienis ædibus junctum, vindicari possit, tamen *l. 12. Tabb.* propter utilitatem publicam id solvi prohibuit, adeoque rei vindicationem differri voluit. Quod adeo verum est, ut ne quidem adversus malæ fidei possessorem qui scivit materiam alienam esse, rei vindicatio institui possit, *l. 1. ff. de tigno juncto*, quia ratio utilitatis publicæ generalis est, ergò & prohibita.

Objic. *l. in rem. 23. §. tignum 6. ff. de R. V.* ubi expressè dicitur, adversus malæ fidei possessorem, id est: eum, qui sciens tignum alienum ædibus suis junxit, ad exhibendum agi posse, ergo falsum est, quod *textus* hic asserit, nimirum ad exhibendum agi non posse R. ex *l. 1. §. ult. ff. de tigno juncto*. Ubi dicitur, contra malæ fidei possessorem ad exhiben-

exhibendum dari actionem, non quasi possideat; sed quasi dolò malò fecerit, quo minùs possideat, dum tignum alienum ædibus junxit; paria autem sunt dolò possidere, & dolò desisse possidere. *l. 150. ff. de R. J.* Ex quo proinde infero, hanc actionem ad exhibendum concedi, non ad tignum, sive rem ipsam; sed ad æstimationem tigni ablati recipiendam: ratio, quia is, qui convenitur eò nomine, quòd dolò desierit possidere, non ad rem ipsam exhibendam vel restituendam, sed ad pretium, & æstimationem rei condemnatur. *Manz. n. 20.*

Porro, & alio remedio domino materię, sive tigni adversus jungentem consultum est, nimirum ex eadem *l. 22. Tabb.* actio ei data est de tigno juncto in duplum: ut si tignum, sive materia valeat 100., jungens condemnatur in 100. *text. hic. & l. 7. §. 10. ff. de A. R. D.* hujusque ratio est, ut domino compensetur id, quòd interest ipsius, quòd tignò, & materiã suã sine facto suo carere debeat; siquidem & aliàs id, quòd interest, duplo taxari solet, *l. 43. §. 44. ff. de act. empti. l. 25. Cod. de viñt. Harp. n. 11.*

Dices: si contra malę fidei possessorem actio in duplum datur, frustra actio ad exhibendum, & rei vindicatio contra ipsum conceduntur; nullus enim ita hebes erit, ut simplum persequatur, si duplum habeat persequendi potestatem. R. si quis non poenam, sed rei æstimationem velit consequi, hætenus poterit ad exhibendum, & rei vindicatione agere; nemo enim prohibendus est, temperantius agere. *Manz. num. 29.*

42 Q. IX. An actione dupli, etiam bona fide jungens alienum tignum; vel tantum mala fide jungens teneatur? Circa intricatam, ob diversos Juris textus, hanc

questionem solent DD. figurare casus. I. est, si quis furatus sit, vel sciens tignum alienum esse, illud ædibus suis junxerit. II. si quis tignum furtivum ignorans furtivum, & alienum esse, bonã fide junxerit. III. si quis alienum, non furtivum bonã fide junxerit. Quòd in I. & II. casu adversus jungentem actio in duplum comperat, omnes admittunt.

*Difficultatis cardo* in III. duntaxat casu rotatur, in quo actionem solummodo in simplum, non vero duplum dari existimant. Ita quoque sentit *Zoëf. ff. b. t. num. 49. Moventur. I.* Juri non convenit, ut is, qui delictò caret, puniatur; sed bona fide jungens delictò caret; ergò puniri non debet. *Moventur II.* absurdum est, bonę fidei ædificatorem non esse melioris conditionis, quam malę fidei ædificatorem: sed in nostra sententia bonę fidei possessor, sive ædicator non esset melioris conditionis, quam malę fidei talis, quia hic, & alter dupli actione impeteretur, ergò: *Moventur III.* per *l. quires, 93. §. fin. ff. de solut.* ubi in hæc rescribitur: *denique Lex. XII. Tabularum, tignum, ædibus junctam, vindicari posse, scit; sed interim id solvi, id est, destrui prohibuit, pretiumque ejus dari voluit, sed pretium simplex, & non duplum rei æstimationem significat. Moventur IV.* per *l. 63. ff. de donat. vir. & uxorem*, ex cujus fine colligi posse videtur, neminem hac actione in duplum teneri, excepto fure; nam Jctus in *d. l. 63.* ex eo, quòd tignum non fuerit furtivum, intulit, actionem in duplum locum non habere; adeoque ex isto textu evinci posse videtur, actionem de tigno juncto in duplum tantummodo dari adversus furem. Verba textus hæc sunt: *sed in hoc solum agi potest, ut vindicatio, soluta re, competat mulieri non in duplum, neque enim furtivum est, quòd sciente domino,*



*mino, inclusum est. Moventur V. ex l. 1. ff. de tigno juncto.* ubi dicitur ex *Leg. XII. Tabul.* constitutum esse, ut de tigno furtivo actio dupli in furem accommodetur; ergo si tignum non est furtivum, illa actio dupli accommodari non debet. Hoc argumentum a contrario sensu est desumptum, quod in Jure nostro frequentissimum, & fortissimum est, *l. 1. ff. de pact. dotal.*

Quamvis hæc *Argumenta* speciosa esse videantur, suaque non destituta sint mole, verior tamen, Jurique conformior est *Sententia*, quæ docet, actionem dupli adversus quemque possessorem, sive bonæ sive malæ fide tignum alienum jungentem, dari. Ita docent *Harp. n. 13. Hunn. ad Treult. vol. 2. disp. 18. th. 16. q. 35. & ibi Bachov. Schamb. hic. Ludv. n. 2. hic. vide etiam Glessl. Jurisprud. terrib. tom. 1. p. 2. c. 2. §. 1.*

Pro hac *Sententia* facit I. quod noster §. 29. generaliter, & indistincte sanciat, tigna durante ædificio *Leg. XII. Tabul.* vindicari non posse, sed dari contra jungentem actionem in duplum; ergo cum noster §. 29. non distinguat inter bonæ & malæ fidei ædificatorem, nos etiam distinguere non oportet. Facit II. idem §. 29. *sub finem.* his verbis: *quod si ædificium dirutum sit, poterit materia dominus si nondum fuerit duplum jam consecutus, tunc eam vindicare, ad exhibendum agere;* ergo à contrario, si duplum sit consecutus, actio cessat, quia tunc damnum datur, si duplum non est consecutus. Planè, ista verba de mala fide jungente intelligi non possunt, quia licet dominus ab eo duplum acceperit, post dirutum tamen ædificium adhuc habet rei vindicationem, & ad exhibendum actionem, *L. 1. §. 2. ff. de tign. juncto. Ludw. d. loc. §. Harp. num. 16.* Facit

III. *l. in rem 23. §. 6. ff. de R. V.* ubi dicitur, *Tignum alienum, ædibus junctum nec vindicari, nec eo nomine ad exhibendum agi posse* NB. *Nisi adversus eum, qui, sciens alienum junxit, sed datur actio de tigno juncto in duplum.* Iste textus valde robustus est; sic enim eundem explico: prima verba textus extra omne dubium sunt referenda ad bonæ fidei possessorem, quia alias exceptio, *nisi adversus eum, &c.* otiosa esset, si mala fide jungens in prioribus verbis includeretur. Ultima vero verba iterum ad bona fide jungentem spectant, quia particula *sed* est adversativa; ergo debet ad illa verba referri, quibus adversatur, & opponitur: atqui adversatur, & opponitur primis verbis, quæ bona fide jungentem involvunt, ita, ut sensus sit, tignum alienum, ædibus junctum, nec vindicari, nec eo nomine ad exhibendum adversus bona fide jungentem agi potest; sed datur actio de tigno juncto in duplum. Aliter explicat *Harp. numero 14.* & ait, quod sit iste sensus legis: licet adversus malæ fidei possessorem tantum, non autem adversus bonæ fidei possessorem rei vindicationem & ad exhibendum actionem intentare valeamus; dupli tamen actione contra hunc nos experiri posse.

Facit IV. *l. gemma 6. ff. de exhib.* In qua habetur, quod de tigno juncto ad exhibendum agi non possit, sed detur actio in duplum. En rebellis! & inclina pertinax caput. Iste textus de mala fide jungentes nequaquam potest intelligi; sed debet intelligi de bona fide jungente, quia adversus eum, qui sciens, id est malæ fide junxit, ad exhibendum agi potest *d. l. 23. §. 6. Schamb. loc. cit.*

*Argumenta* contraria nullo labore diluuntur, ad I. enim *R. neg. suppos.* quod puniatur; mitius enim tractatur, quam summo Juri convenit. Si enim rigor

juris in hoc casu observaretur, ad restituendum tignum conveniri posset, licet cum gravissimo, & fere intolerabili damno id faceret, cum scilicet domum rescindere, ac resolvere deberet, quando ergo, exsolvendo duplum hoc damnum evitat, non tam mulctatur, quam beneficio afficitur. Aliter *R. Schamb.* & ait, quod alterum simplum non addatur per modum pœnæ, sed compensationis, à lege introductæ, eo quod alter dominus cogatur invitus re suâ carere. *Accedit*, quod licet quis bonâ fide jungat alienum tignum, non tamen videatur omni culpa vacare, cum quemlibet optimum debeat diligenter in rei conditionem inquirere. *Harp. n. 22.*

Ad II. *R.* malâ fide jungentem non esse ejusdem conditionis, sed deterioris; quia malâ fide jungens, præter actionem hanc in duplum, teneat etiam actionem ad exhibendum, *d. l. 23. §. 6.* Non quidem ut tignum exhibeatur, cum id Lex XII. Tabuli inhibeat; sed, ut æstimationis præstetur, & sic tenetur in triplum: quæ solutio confirmatur per *l. 1. §. fin. & l. 2. ff. de tign. junct. Schamb. loc. cit.*

Ad III. & fortissimum *R. I.* quod aliqui istam *l. 98. §. fin.* intelligant de eo casu, quo quis tignum alienum, non furtivum, ædibus junxit, adeoque actionem in duplum non dari tunc, si quis bona fide tignum alienum non tamen furtivum, ædibus junxit, sed actionem duntaxat simpli locum habere. Quod si verò quis bonâ fide tignum furtivum ædibus junxerit, locum habere nostram sententiam, & per consequens actionem in duplum, & de isto casu nostra fundamenta facere. *Brunnem. in l. 1. §. 2. ff. de tign. junct.* Verum supra jam me expedivi, ac ostendi, *textus* generaliter & indistinctè loqui, nec fieri differentiam,

aut distinctionem in illa lege inter bonâ fide jungentem tignum furtivum, & tignum alienum non furtivum; proinde, rejecta hac responsione, utpote divinatoria, & juris autoritate penitus destituta, de alia prospiciendum est. Quare *R. II. d. l. 98 §. fin. ff. de solut.* in qua adversarii Achi lem ponunt, loqui de malâ fide non autem bonâ fide jungente. Patet hoc exinde, quod ibi dicatur ex *Leg. XII. Tabul* vindicari posse. Jam verò *Leg. XII. Tab.* tignum à bona fide jungente non vindicatur, sed solum à malâ fide jungente. *l. 1. §. 2. l. 2. ff. de tign. junct.* Itaque sensus legis est, præter actionem dupli malâ fide jungens rei vindicatione impeti potest, non qui tem de solvendo tigno, sed de præstanda æstimatione; & hoc indicant illi verba: *pretiumque ejus dari voluit*; ut ostendatur, præter actionem dupli, quæ ex aliis legibus conceditur, dari actionem in simplum, ut sic triplum eveniat. *Hum. ad Treutl. loc. cit. & ad l. R. III.* Pretium ibi non simplicem, sed duplam æstimationem designasse, reperimus enim in jure nostro pretium, licet duplatum sit, adhuc pretium dici *l. 50. ff. de furt. Schamb. loc. cit.*

Ad IV. *R. l. 63.* Non obitare, quia maritus ex voluntate uxoris tignum suis ædibus junxit; cum verò, qui voluntate domini, tignum jungit, in duplum conveniri non posse, nos igitur fatemur, quia, qui scit, & consentit, non videtur fraudari. Deinde lex potius nostram *Sententiam* confirmat, quàm indicat, nam in illa lege ille duntaxat à dupli præstatione liberatur, qui, sciente, & patiente domino ædificavit; ergo à contrario, qui non sciente domino tignum junxit, in duplum tenetur. *Schamb. loc. cit. in fin.*

Ad V. *dico*: argumentum à contrario locum non habere, si sit contra expressos *Juris*

Juris textus, *Harp. n. 19.* Aliter obtinet de Jure austriaco: *Neue Satz und Ordnung de Jurib. incorp. tit. 19 §. 3.* his verbis: *Wann. einer. &c. i. e. Si quis in proprio solo ex aliena materia ædificaverit, sive id deliberato scienterque factum fuerit, sive non, is non tenetur ædificium diruere, quo materia à vero domino vindicari queat; verum, bona fidei ædificator materia æstimationem præstabit, ac retinebit dominium ædificii. Sed contra eum qui sciens alienam materiam solo suo inædificaverit, poterit materia dominus agere ad præstationem æstimationis & ejus quod interest ob violatum dominium, sed &, cum materia furto aut vi erit ablata, dabitur conditio furtiva, nec non actio vi bonorum raptorum aut furti actio.*

#### §. EX DIVERSO.

Hactenus de eo casu, quo quis in solo proprio ex aliena materia ædificavit. Nunc verò de eo casu, quo quis ex sua materia in alieno solo ædificavit: & iste casus quoad ædificium convenit cum priori; ædificium enim cedit tamquam accessorium loci domino: ratio est eadem, quia quidquid solo inædificatur, solo cedit. Hoc adeò verum est, ut ædificium solo cedat licet quis supra parietem alterius ædificaverit. *l. si supra 28. ff. de A. R. D. Manz. num. 3.*

50 Q. An in hoc casu, quo quis ex sua materia in alieno solo ædificat, materiae dominus dominium, & proprietatem materiae amittat. Dixeris, quod non, quia in casu, quo quis in suo ex aliena materia ædificat, dominus materiae ejus dominium, & proprietatem non amittit, nullà factà distinctione, vel differentià inter scienter & ignoranter ædificantem; ergò idem in nostro casu statuendum. R. tamen, hoc non obstante, cum distinctione, an bonà, an malà fide in alieno solo

quis ædificaverit. Si bonà, nesciens solum esse alienum, ædificet, tunc habet exceptionem doli mali adversus dominum, petentem ædificium, si materiae æstimationem, & impensas factas solvere recuset. *Schneid. n. 8. Schamb. hic.* concordat *Const. Aust. loc. cit. §. 2. Wann. aber einer &c. i. e.* Ubi autem aliquis errore ædificavit in solo quod nesciebat esse alienum, at quod bona fide possidebat: tunc quidem ædificii dominium competit domino soli, ædificanti tamen expensæ æstimationeque materiae pro vacua possessione faciendæ præstandæ sunt.

Si malà fide in alieno fundo quis ædificaverit, amittit dominium, & proprietatem materiae suæ: ratio, quia voluntate ejus materia intelligitur alienata, & domino soli donata. *arg. l. 2. Cod. de R. V.* cujus enim per errorem dati repetitio est, ejus consultò dati, donatio est, *l. 53. ff. de R. J.* præsumptio autem donationis in eo fundatur, quia dominus materiae scire debuisset, quod materia aliena, solo imposita, solo cedat; cum ergò materia nihilominus alieno fundo conjungat, utique, donandi animo id facere judicatur. *Manz. num. 7.*

Hæc adeo vera sunt, ut malà fide in alieno solo ædificans, neque dirutò, & collapsò ædificiò, materiam vindicare possit, *§. 30. Inst. hic.* Non Obstat. *l. 2. Cod. de R. V.* ubi dicitur: Cùm quid in alieno ædificatum est, si fuerit dissolutum, materiam ad pristinum dominum reverti, sive bonà fide, sive malà fide ædificaverit. Ecce! hæc lex è diametro adversatur nostro §. in quo deciditur, malà fide ædificantem, nec dissolutò ædificiò materiam vindicare posse. Varii variè istos duos Textus conciliant. *Harp. n. 4. hic.* sic scribit, quòd *d. l. 2.* loquatur de eo casu, quo quis ex aliena materia in alieno fundo ædificavit, ut tunc, solutò ædificiò, materia

materia ad pristinum dominum revertatur. *Textus* enim ait, quod tunc materia ad pristinum dominum redeat, si non donandi animo, ædificia alieno solo imposita sint. Jam vero in casu, quo quis ex alieno fundo ædificat, animo donandi ædificium solo alieno non imponitur; quia ædificans non potest præsumi animo donandi materiam alterius fundo imposuisse, cum alienam materiam alteri donare non possit. II. Reconciliatio est, quod l. 2. loquatur de eo casu, si quis, ex propria materia in alieno fundo ædificans, per testes probare possit, se, non animo donandi, fecisse, ut, hac probatione posita, dominium materiæ non amittat. *Fach. l. 1. cap. 55.* ubi plures resolutiones adducit. *Manz. n. 1. III.* Reconciliatio est, quod noster §. sit intelligendus de rigore Juris d. l. 2. vero de æquitate; ut proinde, inspecta æquitate, malâ fide ædificans in fundo alieno, post dissolutum ædificium, materiam suam vindicare possit. *Schamb. v. R. 3. Manz. num. 12.* Ratio, ne petitor ex aliena materia lucrum faciat.

Porrò, cum frequenter contingat, in rem alienam *Impensas* fieri, & earum deducendarum ergo lites suboriri, ideò de impensis aliquid inferendum. *Impensa* autem aliæ sunt *necessariæ*, aliæ *utiles*, aliæ *voluptariæ*. *Necessariæ* sunt, quibus omissis, res vel periisset, vel deterior facta fuisset, v. g. si quis ruinosas ædes refecerit, fulcraverit, &c.

*Utiles*, quæ factæ rem meliorem faciunt, omissæ autem rem deteriore non fecissent, v. g. Vineta facere, Prædia ultra id, quod necesse fuit, stercoreare, Lapidinas fodere.

*Voluptariæ*, quæ nullam habent *Viridaria*, *Aquæ salientes*, *Picturæ*, necessitatem impendendi, & factæ rem ornant, fructum non augent, v. g. *Incrustationes*, &c. sequitur

*Affertio I.* *Impensas necessarias tam* bonæ, quam malæ fidei possessor servat, & deducit, donec impensarum nomine satisfiat. *Ratio I.* quia habet exceptionem doli, cum ei dolus objici non possit, qui rem, alias perituram, servavit. *Secundò*, nemo debet petere alterius jactura locupletari. *Zöf. ff. h. t. n. 53.*

*Obj. I. l. 1. Cod. de Infant. exp. sit.* ubi dicitur, quod fur, qui partum furtò sustulit, aluit, & educavit, sumptus alimentorum, quos esse necessarios ad vitam sustentandam, constat, recuperare à vindicante partum non possit; ergo saltem fur, & prædo necessarias impensas non deducit. *R.* quod ideò fur in isto casu impensas necessarias non deducat, quia singulariter ejus o liò ita constitutum est, cum hominem furatus sit, quod furtum deterius est aliis furtis; ergo non eodem Jure gaudet, quo alii malæ fidei possessor. Ita *Harp. §. 10. t. n.*

*Obj. II. l. 27 si olivam 25. ff. ad l. Aquil.* ubi dicitur, quod quis impensas ad colligendas olivas vel segetes malâ fide fecerit, nul amque repetitionem habeat, quia Juris interpretatione, animo donandi fecisse, præsumitur. *R.* quod illæ impensæ in ipsum furtum sint factæ, ideòque restitui non debeant, quia iniquum videtur, aliquem in delinquendo sumptibus alienis juvari. II. Tunc demum impensas necessarias à malæ fidei possessore repeti posse, quando rem, in quam impendit, possidet; qui enim non possidet, donasse censetur. Ita *Harp. h. t. n. 25.* rationem differentię assignat, *Zöf. loc. cit. n. 55.* quia is, qui rem alienam possidet, non præsumitur, animo donandi impensas necessarias fecisse; secus is, qui non possidet.

*Obj. III.* Qui malâ fide in alieno fundo ædificat, non habet repetitionem materiæ, quia animo donandi fecisse intelligitur.



gitur, & scire debuisset, quod alterius solo affigitur, ejusdem domino cedere; ergo etiam, qui in rem alienam impensas facit, non habet repetitionem, quia animo donandi fecisse intelligitur, & scire debuisset, quod accessorium cedat principali. R. Conc. antec. neg. consequ. & parit. disparitas est, quod ædificans mala fide in alieno solo ideo materiam non repetat, quia nulla necessitate, & nullo jure cogente materiam alieno solo imposuit. Qui vero ruinosas ædes fulcit, re- cit, ac reparat, is aliqua motus necessitate est, rei scilicet alterius tuendæ, adeoque cessat præsumptio, animo donandi impensas fecisse, cum nullus in necessitate liberalis existat. Harp. n. 29. hic. & hæc de Impensis necessariis.

Circa *Impensas utiles* separandus est bonæ fidei possessor a malæ fidei possessore. Possessor bonæ fidei impensas utiles in tribus duntaxat casibus deducit. I. Si dominus dives sit, nec propter impensas, ab illo factas, cogatur ædificium, solvendarum expensarum causa, vendere. Nam si rei dominus pauper sit, nec habeat, unde impensas solvat, tunc bonæ fidei possessor impensas utiles tollit, si separationem sine rei detrimento patiantur; non vero deducit.

II. Si res venalis prodest, sive dominus illam venditurus est, omnes impensas utiles bonæ fidei possessor deducit.

III. Si dominus eas impensas ipse facturus fuisset, vel ejus voluntate factæ sunt. Ita Zoes. ff. h. t. num. 57. Harp. n. 30. §. hic. Glettle select. quæst. p. 2. q. 18. n. 5. Extra istos casus utiles impensas non deducit; tollere tamen potest, si sine læsione id fieri possit. Si dominus rei paratus sit impensas utiles solvere æstimationem tenetur recipere, ne malitiis hominum indulgeatur. Zoes. loc. cit. n. 57.

Q. An mala fidei possessor Impensas utiles ad hytituta.

les etiam deducat? Observa; deducere impensas esse potestatem rem tum diu retinendi, donec impensarum nomine satisfiat. Tollere esse potestatem retinendi, & amovendi, si modo sine rei, cui accesserunt, dispendio, atque læsione tolli queant, Harp. n. 42. Jam R. malæ fidei possessorem impensas utiles deducere non posse. Ita Harp. n. 31. Glettle loc. cit. Prob. per apert. text. l. 5. Cod. de R. V. ubi dicitur: Cum mala fidei possessor ejus, quod in rem alienam impendit, nullam habeat repetitionem; nisi necessarios sumptus fecerit, si utiles fecerit; sine læsione rei statui auferre potest.

Confirm. deducere est potestas rem tam diu retinendi, donec impensæ offerantur; sed hanc potestatem malæ fidei possessor non habet; ergo non deducit utiles impensas. Min. prob. si rem retinere posset, deberet rem vindicanti posse exceptionem opponere; sed hanc non potest opponere, quia a vindicante replicatione repelli potest, quod temere, ac perperam in alieno fundo ædificaverit, cum scire debuisset, solo affixum solo cedere. Harp. num. 31.

Obj. l. 38. ff. de hæred. petit. ubi dicitur: Bone fidei possessor necessarias, & utiles impensas deducit, non etiam mala fidei possessor, sed benignius est, in hujus quoque persona haberi rationem impensarum, non enim debet petitor ex alieno damno lucrum facere. R. Quod ista L. loquatur in judicio universali, ubi tota hæreditas petitur; nos autem agimus in judicio particulari. Aliter R. Harp. n. 38. §. 30 h. t.

Malæ fidei possessor, licet impensas utiles non deducat, eas tamen tollere potest, dummodo id sine læsione rei facere possit, lucrumque inde sentiat, nec dominus æstimationem lucri offerat. Harp. h. t. n. 4. Glettle loc. cit. n. 7.

D d

Porro.

Porro, circa impensas voluptuarias iterum sejungendus est possessor bonæ fidei a malæ fidei possessore. Bonæ fidei possessor impensas voluptuarias deducit, si res venalis proffot, aut ipse dominus eas fecisset. Extra istos casus tollit, si separationem patiatur. *Glettle d. loc. Zoëf. n. 60.* Malæ fidei possessor impensas voluptuarias numquam deducit; si tamen abradi, ac tolli possunt absque rei læsione, atque detrimento, eas ex æquitate tollit, præsertim, si conjectura quædam animum donandi reddat.

### §. SI TITIVS 32.

53 XII. Domini acquirendi modus est *Implantatio*. Nam, si Titius alienam plantam in solo suo posuerit, ipsius erit jure soli; & ex diverso, si Titius suam plantam in Mævii solo posuerit, Mævii planta erit. Quod est verum, si planta radices ibi egerit; antequam enim radices ibi egerit, manet illius, cujus fuit. *text. hic. Schneid. numer. 1.* Unde verus antiqui:

*Quidquid plantatur, seritur vel inædificatur;*

*Omne solo cedit, radices si tamen egit.*

*Ratio* autem, quare planta solo cedat, est hæc: quia, si ædificia solo cedunt ex eo, quod ab eo, tanquam suo subiecto, sustineantur; multo magis plantæ cedere debent solo, quæ non tantum terra sustentantur, sed ex ea alimenta quoque accipiunt, & quasi vitam hauriunt, ut crescant. *Manz. n. 4.* *Ratio* deinde, cur radices debuerit egisse? est ista, quia antequam radices egit, nondum pars soli facta est, cum quo nedum cohereret, & coaluit. *Harp. n. 3. concordat N. Oe. neue Sitz- und Ordnung de Jurib. incorp. tit. 13. §. 6. §. 7.*

*Dicta* procedunt, si quis bona, si ve-

ma a fide plantaverit in alieno solo, naturale enim est, ut accessorium sequatur suum principale. *Manz. n. 8.*

*Dices*: Iniquum est aliquem cum alterius jactura locupletari, præsertim malæ fidei possessorem, cum nemo ex sua improbitate lucrum sperare debeat; ergo debet domino plantæ concedi aliquod remedium, quæ suæ indemnitati possit consulere, R. omnino ipsi concedi remedium, vel enim planta radices egit, vel non? si non, domino plantæ datur rei vindicatio, qua plantam repetit. l. 5. §. 3. ff. de R. V. Si radices egit, & coaluit, tunc habet actionem in factum, ut æstimationem, aut interesse consequatur. *Harp. §. Manz. hic.*

Q. Si arbor, seu planta, radicibus semel actis, rursus eruatur, poteritne prior dominus eam vindicare? R. quod non; ratio, quia per alimenta alia auiam quasi vitam accepisse, videtur, l. 26. §. 2. ff. h. t. Non refragatur §. cum in suo. 29. h. t. §. l. 7. §. 10. ff. eod. ubi materia sive tignum alienum, ex quo in solo alterius domus ædificata fuit, licet interim durante ædificio vindicari non possit, eo tamen diruto, ad priorem dominum materia redit, ut is, eam vindicare possit. Item habetur in l. 23 §. Item quæcumque. ff. de R. V. ubi accessio, a re principali separata, ad priorem dominum revertitur. Non (inquam) adversatur; etenim accessio e materia, alieno ædificio juncta, licet diu coherereat; a potiori tamen parte taliter trahitur, ut tamen eadem semper maneat, nec penitus extinguatur, quæ causa est, ut post separationem ad priorem dominum redeat. Arbor autem vel planta, quæ alieno solo coaluit, non ea esse creditur, quæ prius erat; sed alia, & quidem propter alimenta, ex alieno solo attracta. *Harp. hic. num. 9. §. 10. Manz. num. 9. §. 10.*

Ad

## AD VERS ADEO AUTEM.

54 Ex hoc v. colliges, quod si arbor, in meo solo posita, ita premat terram Titii, id est, ita adhæreat, immixtis radicibus, ut non aliunde alatur, nec alibi consistere videatur, tunc arbor ratione radicum, ex quibus vivit, Titii efficitur. *Schneid. num. 3.* Ratio est in *Textu*, quia ratio non permittit, ut alterius arbor esse intelligatur, quam cujus in fundum radices egerit.

Non premit *l. 6. §. 2. ff. arbor. furtim cesuram*, ubi habetur, arborem ejus esse, in cujus fundo origo nata est, & non ejus, in cujus fundum radices propagatæ sunt. Etenim *Textus* loquitur de eo casu, quo arbor, in fundo vicini posita, ita omnes radices in meum fundum egit, ut non aliunde ali, nec alibi consistere videatur.

Quod si vero tantum aliquot radices in fundum meum porrigat, nihil Juris mihi acquiritur; sed ejus manet, in cujus fundo origo ejus nata est, *d. l. 6. §. 2. Ludw. Inst. hic. num. 6.*

Quod si denique arbor quædam in confinio duorum fundorum posita sit, & in utrumque fundum æqualiter radices agat, tunc communis fit, ita, ut fructus dividi debeant, *text. hic. Manz. n. 27.*

## §. QUA RATIONE. 32.

55 XIII. Dominii acquirendi modus est *Satio*. Unde, si agrum alienum meo semine consiverim, ejus est leges, cujus est ipsum solum, quia sata cedunt solo; sicut ædificium, & planta, juxta priori §. allegatos versus: *quidquid plantatur &c. & Schneid. hic.*

## AD VERS. CÆTERUM.

Sed, numquid iniquitatem sapit, ut,

si mittam colonum meum ad excellendum, & conferendum agrum meum; ipse autem per errorem alienum colat & conferat, mei seminis & culturæ jacturam facere, ipsum autem cum meo damno locupletari?

Ad hoc *R. Imperator*, sicut is, qui in alieno solo ædificavit, si ab eo, in possessione constituto, dominus soli petat ædificium, eumque migrare jubeat, defendi potest per exceptionem doli mali. Ita ejusdem exceptionis auxilio tutus esse potest is, qui alienum fundum sua impensa bona fide consevit, aut plantam, vel arborem plantavit: laboris, & seminis sui, vel etiam arboris æstimationem. *Manz. num. 6. N. Oe. Satz-und Ordnung. loc. cit. §. 8.*

## §. L I T T E R Æ 33.

XIV. Modus acquirendi est *Scriptura* 56, sicut enim inædificata, implantata, & sata solo; ita & litteræ chartæ membranis cedunt. Hinc si scripsero in charta tua, hæc scriptura tua est; potero tamen te petentem, priusquam mihi de scriptura satisfacias, per exceptionem doli mali repellere, utique si bona fide scripsero: si vero mala, de rigore juris non; de æquitate tamen hac exceptione gaudeo. *Schamb. Ne scilicet alter cum mea jactura locupletetur.*

*Observa* autem! communiter *D. D.* velle, hujus §. decisionem per consuetudinem mutatam esse, secundum quam scriptura ordinarie multo pretiosior est charta; ut hodie potius dicendum sit, chartam scripturæ, quam e contra scripturam chartæ cedere, quod vel maxime procedet, si opus aliquod egregium scriptum, aut etiam litteris æneis expressum sit. *Harp. num. 6. Schamb. hic.*

## §. SI QUIS 34.

57 XV. Acquirendi modus domini est *Pictura*. Ubi Q. num *pictura tabula*: an è contra *tabula pictura* cedere debeat?

*Diverse* olim erant *Sententie*, alii enim *picturam tabulae* l. 23. §. 3. ff. de R. V. alii è contra *tabulam picturæ* cedere, dicebant l. 9. §. 2. ff. b. t. *Justinianus* constituit, ut *tabula picturæ* cedat; non tamen simpliciter, sed considerato cuiusque valore, quod patet ex verbis: *ridiculum enim esset, picturam Apellis, vel Parthasii in accessionem vilissimæ tabulae cedere*; quod etiam in contrario casu, *ridiculum* esset.

*Dices*: Cur non idem statuit *Justinianus* in scriptura; sed absolute dixit *litteras* cedere *chartæ*? R. Disparitatem hanc esse, quia *litteræ* tantum sunt *accessiones operis*, non ipsum opus, neque formam *chartæ* mutant; *Pictura* vero non est simplex *tabulae accessio*, sed singulare aliquod opus, ut non amplius *tabula*, sed *pictura*, sive *imago* sit; ergo merito *subjectum formæ* cedit. Verum, cum etiam pro dominio *tabulae* suæ stent rationes, ideo & *pictori*, & *tabulae domino vindicatio* ad petendum *imaginem* competit; cum hoc tamen discrimine, quod *pictori directæ*: *tabulae* vero *domino* non nisi *utilis* competat.

Quisquis ergo actor fuerit, is alteri, quoad æstimationem, seu *picturæ*, seu *tabulae* tenetur. l. 9. §. *litteræ* t. ff. b. t. Quod si *imago ista possideatur a tertio concurrente*, utroque & *vindicante*, *pictor tabulae domino præferendus* esse videtur. Si *tabulae furto ablatae* sint, palam est, utrique dari *actionem furti*, utpote quæ datur ei, cuius interest rem per *furtum subtractam* non esse, §. 13. *Inst. de oblig. quæ ex delict. nasc. Schamb. & Munz. hic.*

Obstat l. 23. §. 3. ff. de R. V. ubi aperte scribitur, quod *pictura indistincte* cedat *tabulae*. Sed, licet aliqui hic vehementer ingenia sua torqueant, R. tamen procedere *Textum*, si *tabula sit pretiosior*. Franz. *Inst. b. t. num. 116.*

## §. SI QUIS A NON DOMINO 35.

XVI. Domini acquirendi modus est 58 *Perceptio fructuum ex re aliena, quam bona fide possidemus*. Quæ ipsa res ut luculentior reddatur familiare hoc exemplum esto: Ego bona fide fundum emi, vel ex donatione, aut alia qualibet justa causa, vel titulo accepi ab aliquo, quem credebam dominum esse, qui tamen non fuit. Jam

Q. An ego istum fundi verim factus dominus? Certum est, quod non: licet enim *venditio*, & *donatio* sint tituli habiles ad transferendum dominium, tamen, quia nemo plus Juris in alium transferre potest, quam ipse habeat, l. 54. ff. de R. J. & quod quis non habet, alteri dare non potest, l. 120. ff. eod. ideo, cum *venditor ille, vel donator dominium* non habuerit; neque in me transferre potuit. Jam ulterius

Q. An verus dominus superveniens eum fundum vindicare possit? R. posse, dummodo veniat ante completam usucapionem. Ratio non est alia, quam, quia dominium retinuit. Munz. num. 2. & 3. His præmissis in ordine ad nostrum §.

Q. Si ex isto fundo fructus percepissem, utrum etiam verus dominus ad fructus possit agere, & ego illos teneam restituere? R. Imperator, quod non, additque istam rationem, quia naturali ratione placuit fructus, quos bonæ fidei possessor percepit, ejus esse pro cultura, & cura. Deinde, bona fides tantum tribuit, quantum veritas, l. 135. ff. de R. J. Hinc & illud commune: *boni possidentes, quoniam*



niam fructum eorum. Manz. num. 7. hic.

Verum, cum *Decisio*, circa fructus quam Imperator ponit in hoc §. plurimas adhuc distinctiones, & limitationes recipiat, & materia in se sit vehementer utilis, & quotidiana, ideo exactiori calamo illam discussisse, non abs re fore constitui. Itaque

*Fructus* non a *Frumine*, quæ est eminentior gutturis pars, seu gulæ, qua vescimur, & qua in alvum alimonia fertur, sed a *ferendo* dicti. *Lagunez tractat. de fruct. p. I. cap. I. num. 4.* denotant omnem utilitatem, emolumentum, & obventionem quæ vel ex re, vel occasione rei recipitur. *l. 29. ff. de perit. hereditat. l. 62. ff. de R. V. Clariss. D. Franz. Inst. h. t. p. 2. §. 15 num. 85.* Sunt autem

59 *Fructus* alii *civiles*; alii *naturales*. *Civiles* sunt, qui ex corpore *physice* non proveniunt; sed occasione corporis, mediante nova obligatione, percipiuntur. Huc revoco *usuras, mercedes, pensiones, reditus annuos, vecturas*, &c. Hi iterum sunt vel *spontanei*, vel *adscititi*. *Spontaneos* apello, quos res suapte indole producit, v. g. *pensio annua pro usu ædium, equi, navis* &c. *Domus* enim suapte indole est apta ad habitandum, *equus* ad equitandum, *navis* ad vehendum, adeoque *pensio*, quæ solvitur pro usu ædium, *navis, equi* &c. dicitur fructus spontaneus ipsius rei. *Adscititios* nuncupo, quos res suapte indole non affert, sed ex speciali hominis industria, & provisione percipiuntur, v. g. *usuræ, item lucra omnia, quæ ex negotiatione aliqua, v. g. vini, frumenti, olei*, &c. percipiuntur. *Pecunia* siquidem per se est sterilis plane, ac infœcunda, adeoque *lucrum* non parit; nisi ut substat *industriæ humanæ*, qua mediante, emolumentum, aliquod producit. *Vinum* quoque, *frumentum*, & *oleum* ex sua natura *lucrum* non affe-

runt, nisi accedente humana industria, per quam, veluti instrumentum, assumuntur ad parandum aliquod *lucrum*, *Glettle select. quest. p. 2. q. 9. n. 2.* *Fructus naturales* sunt vel *naturales in specie*; vel *industriales*. *Naturales in specie* dicuntur, qui absque notabili cura, & cultura hominis producuntur, sive, qui percipiuntur beneficio naturæ, opera humana vel omnino nihil, vel certe parum conferente. In hanc classem spectant *poma, pyra, nuges, cerasus, fenum*, &c.

*Industriales* sunt, qui non sua sponte proveniunt; sed in quibus cura, & notabili hominis industria opus est, v. g. *frumentum, vinum, oleum, legumina*, &c. quia hæc omnia non nascuntur, nisi debita cultura adhibeatur, ita, ut plus quasi videatur operari *industria*, quam *Natura*. Ex istis fructibus iterum alii sunt *pendentes*, alii *percepti*, alii *percipiendi*. *Fructus pendentes* sunt, qui quidem jam nati sunt, sed a corpore non separati. *Percepti* sunt, qui a corpore, unde provenerant jam separati sunt, v. g. si *segetes abscessisse*, si *lac expressum*, si *fenum defectum*, si *uvæ ademptæ*, licet non expresse, *l. 13. ff. quib. mod. usufr. amitt. l. 48. ff. de A. R. D. l. 25. §. 1. ff. de usur. §. fruct.* *Percipiendi* sunt, quos possessor potuisset percipere, dolo tamen, vel culpa non percepit, & hi non numquam fictione juris pro perceptis habentur. *Harp. num. 28.*

*Percepti* rursus *dividuntur in extantes & consumptos*. *Extantes* sunt, qui adhuc in bonis possessoris conservantur, v. g. qui in *horreis*, vel *cellariis* custodiuntur. *Consumpti* sunt, qui apud illum, qui eos percipit, non amplius extant, *l. 22. de R. V. §. l. 40. ff. de A. R. D.*

Cæterum possessor alius est bonæ, alius malæ fidei. *Possessor bonæ fidei* ille dicitur, qui rem ab eo, quem dominum esse,

esse, vel saltem rei alienandæ potestatem habere credidit, legitime & sine dolo est consecutus, l. 109. ff. de V. S. Dico autem: *vel saltem rei alienandæ potestatem habere credidit*, siquidem non is solum bona fide possidet, qui se a domino rem consecutum, existimat: sed & qui ab eo rem accepit, quem novit, dominum non esse; existimat tamen, alienandi Jus habere, v. g. ab eo, quem *Tutorem esse*, credidit. *Mala fidei possessor* ille dicitur, qui rem non esse ejus, a quo accepit, scivit, vel qui lætām rei alienæ, aut injustæ possessionis conscientiam habet. In dubio autem quis bona fide possidere præsumitur, cap. 47. de R. J. in 6. quilibet enim præsumitur bonus, donec probetur malus. *His prælibatis*, tandem sequitur

*Affertio II.* Fructus civiles adscititios possessor tam malæ, quam bonæ fidei irrevocabiliter suos facit *Glette Vir consummata eruditionis select. quæst. q. 2. q. 19. n. 9.* ubi multos Theologos pro hac sententia allegat. Ratio sola, sed solida est, quod fructus adscititii sint emolumentum, non rei alienæ, sed industriæ propriæ, sicuti ergo fructus sequuntur rem, ex qua proveniunt, & ejus fiunt, qui est dominus rei; ita fructus civiles adscititii sequuntur industriam, ex qua proveniunt, & fiunt ejus, qui author industriæ. Unde sua sponte fluit, si cum pecunia deposita, vel per furtum surrepta negotiatus sim, & lucrum tulerim, id ad me haud aliter pertinere, quam imaginem, quam alieno penicillo pinxi; ita tamen, ut ego tenear domino pecuniæ, vel penicilli ad interesse, si quod ostendere possit.

Non *Obstat*, quod nemo debeat ex re aliena ditescere, aut delicto proprio sentire commodum; nam memnisse oportet, quod pecunia deposita, vel surrepta

non concurrat ad lucrum proxime, & formaliter, sed remote tantum, & materialiter: proxime enim lucrum provenit ex industria mea, a qua res aliena assumitur per modum nudi instrumenti. Hinc non directe, & proxime ex delicto proprio reporto commodum; sed indirecte tantum & remote, proxime enim ex negotiatione lucrum percipio, quæ de se est honesta, licet præsupponat actum inhonestum. Itaque *dubitandum* non est, coquam, quæ nuper, acceptis pecuniis culinariis, ex olla fortunæ scyphum argenteum extrahit, scyphi dominam evasisse.

*Affertio II.* Malæ fidei possessor ex reliquis fructibus quibuscumque nullos suos facit sive extent, sive consumpti sint; sed tenetur in utroque foro omnes una cum re restituere. Ita docent *Glette loc. cit. n. 24. Manz. hic. num. 44. Schneid. num. 8. Harp. n. 93. Zoës. ff. de A. R. D. n. 76. Franz. Inst. h. t. p. 2. §. 1 c. n. 63.*

*Prob. ex l. 22. Cod. de R. V. certum est, malæ fidei possessorem solere omnes fructus cum ipsa re præstare*, nemo enim debet ex delicto suo reportare lucrum. Imo & fructus percipiendos malæ fidei possessor tenetur restituere. l. 5. *Cod. de R. V.* sibi enim imputare debet, quod rei alienæ se immiscens, eam ex fide non gesserit *Glette n. 27. Manz. num. 46. Brunnem. in d. l. 5. Schamb. Inst. h. t. in fine.*

*Affertio III.* Bonæ fidei possessor omnes indistincte fructus suos facit, naturales, industriales, & civiles quoscunque. Ita re ipsa docent *Glette loc. cit. num. 11. Franz. p. 2. Inst. h. t. Fach. l. 1. cap. 57. Harp. hic. num. 35. Schamb. hic. Vin. Inst. hic. & select. quæst. lib. 1. q. 25.*

Et quidem de industrialibus nullus est, qui ambigat, *text. hic.* his verbis: *naturali ratione placuit fructus, quos percepit ejus esse pro curas, & cultura.* *Zoës. ff. de*

*A. R. D. n. 63. Schamb. hic. De civili-*  
bus etiam non est, cur dubites, satis  
enim suffragatur *text. l. 34. ff. de usur.* &  
fructus civiles vel maxime sapiunt natu-  
ram industrialium. *Schneid. hic. n. 5. Sed*

60 *Q. X. A bona fidei possessor etiam na-*  
*turales fructus suos faciat? Videtur nega-*  
*tive decidendum l. per §. 35. hic. ubi di-*  
citur, quod bona fide possessor fructus  
suos faciat propter curam, & culturam;  
ergo naturales non acquirit, cum nulla  
cultura indigeant.

*II. Per text. valid. ff. l. fructus 45. ff.*  
*de usur.* Ubi differte rescribitur, quod  
bonæ fidei possessor fructus naturales su-  
os non faciat.

*III. Per l. 48. §. 5. ff. de A. R. D. ubi*  
is, qui ancillam bona fide possidet, par-  
tum usucapere debet; sed partus est fru-  
ctus naturalis, ergo bonæ fidei posses-  
sor fructus naturales non facit suos; ali-  
as usucapione non esset opus.

Verum *affirmativa* magis arridet, ei-  
que applaudunt, præter alios plurimos,  
supra ad *Affer. III.* recensiti non infamæ  
notæ AA.

*Prob. I. Ratione,* quia bona fides tan-  
tum tribuit, quantum veritas, *l. 136 ff.*  
*de R. J.* sed verus dominus fructus na-  
turales facit suos; ergo etiam bonæ fi-  
dei possessor.

*Prob. II. Per differt. text. bona fidei. 48.*  
*ff. de A. R. D. ubi dicitur: Bona fidei em-*  
*ptor non dubie, percipien. dos fructus etiam*  
*ex aliena re, suis interim facit, non tan-*  
*tum eos qui diligentia & opera ejus pro-*  
*venerunt; sed omnes, quia, quod fructus*  
*attinet loco domini p. te est.* Sane quid il-  
lustrius isto textu afferri possit, non vi-  
deo: dicit enim, quod bonæ fidei pos-  
sessor non industriales duntaxat fructus  
suos faciat, sed omnes: quæ particula *sed*  
est oppositiva; atqui fructibus industria-  
libus, non alii opponuntur, quam natura-  
les ergo.

*Prob. III. Ex l. in peculium 28. ff. de*  
*usur. In peculium fructus etiam fietus est, si-*  
*cut lac, & pilus, & lana; itaque agni, &*  
*hædi, & vituli statim pleno jure sunt bona*  
*fidei possessoris, & fructuarii, sed isti fru-*  
*ctus sunt naturales; ergo.*

*Argumenta contraria facili labore di-*  
*luuntur.*

*Ad I. R.* quod cura, & cultura non  
sit adæquata ratio, cur bonæ fidei pos-  
sessor fructus suos faciat, sed bona fides,  
subnixa justo titulo: alias etiam malæ fi-  
dei possessor fructus indistincte suos fa-  
ceret.

*Ad II. In quo Achillem ponunt, R.*  
est in promptu; in illo enim *textu* bonæ  
fidei possessor comparatur uxori non a-  
dæquate, sed tantum inadæquate, ut  
sensu sit: sicuti uxor in re donata fru-  
ctus naturales absolute suos non facit;  
ita bonæ fidei possessor fructus non facit  
suos irrevocabiliter, quia videlicet ex-  
tantes tenetur restituere; nisi eos trien-  
nio præscripserit, uti Paulo post *Affer.*  
*IV.* dicimus Ita *S hamb. hic. Aliter R.*  
*Glettle, & Clariff. D. Franz. loc. cit.*

*Ad III. Negatur Suppositum,* quod  
partus dicatur in fructu esse; *§. 37.*  
*Inst. b. t.*

*Afferio IV.* possessor bonæ fidei fru-  
ctus, ex re aliena perceptos, non facit  
suos irrevocabiliter, sed tenetur extan-  
tes, sive naturales illi sint, sive industria-  
les, domino, rem suam evincenti, resti-  
tuere; nisi eos triennio præscripserit.  
*Glettle loc. cit. n. 15. Vinn. lib. I. select.*  
*quest. cap. 26. Manz. num. 25. hic. Schamb.*  
*Inst. b. t. Harp. num. 53.*

*Prob. Solidissime* (ut multos alios tex-  
tus fileam) *ex l. 22. Cod. de R. J.* his  
verbis: *Certum est, male fidei possessores*  
*solere omnes fructus cum ipsa re præstare;*  
*bona fidei vero extantes, post autem litis*  
*contestationem universos. Ratio præterea*  
*est,*

est; quia cessante causa cessat effectus; atqui causa, quod bonæ fidei possessor fructus suos faciat, est bona fides, ergo.

Non *Obstat*, quod conjux donatarius fructus industriales irrevocabiliter suos faciat, l. 45. ff. de usur. ergo etiam bonæ fidei possessor. R. enim neg. conseq. Ratio *Differentiæ* est, quod in priori casu adsit voluntas domini scilicet conjugis alterius, qui donavit. Et, tametsi ex ista ratione videatur concludendum, quod conjux donatarius etiam fructus naturales suos faciat, contra d. l. 45. Id tamen falsum est, quia ideo conjux donatarius fructus naturales non facit suos ex re donata; quoniam donatio, ex qua una pars fit locupletior & altera pauperior, inter conjuges prohibita est, tot. tit. ff. de donat. inter vir. & uxor. atqui ex perceptione fructuum industrialium, pars, cui donata est, non fit locupletior, ita, ut altera pars fiat pauperior; ergo non mirum, quod conjux donatarius fructus industriales suos faciat, naturales non etiam, *Clariss. D.D. Franz. loc. cit. num. 97.* Illud *notandum*, quod bonæ fidei possessor impensas, & labores, in fructus industriales factos, deducat; ratio, quia fructus non sunt, nisi impensis deductis, §. 3. *Inst. de Societ. l. 7. ff. solut. matr. Schamb. hic. Manz. num. 29.*

*Dices*: Si bonæ fidei possessor fructus extantes tenetur restituere quomodo ergo verificatur, quod fructus suos faciat? R. Quod fructus suos facere, hunc effectum ponat, quod bonæ fidei possessor Jus his utendi fruendi habet, & consumptos non teneatur restituere, prout statim asseremus; si vero suos non faceret, eos teneretur restituere, vel saltem eorum æstimationem, item præscribere non posset. *Chüngenßperg q. 64. obj. 2. Inst. h. t. plures objectiones circa hanc Asser. IV. refutat Gletze & Clariss. D. Franz. loc. cit.*

*Assert V.* Possessor bonæ fidei fructus ante litis contestationem consumptos, irrevocabiliter suos facit. Ita communiter *D.D. Prob. J. ex §. 35. hic. his verbis*: *Et ideo, si postea dominus si pervenerit, & fundum vindicet, de fructibus ab eo consumptis agere non potest.* II. *Per l. 4. §. 2. ff. finium regund.* ubi aperte sancitur, quod bonæ fidei possessor fructus lucretur, si eos consumpserit. III. *Per l. 4. §. 19. ff. de usucap.* ubi fructus usucaptos, & consumptos comparari videatur; ergo cum usus apio fructus consumptos faciat irrevocabiliter bonæ fidei possessoris, idem operabitur consumptio, & quoad hanc *Decisionem*, aut nullus, aut pauci erunt, qui dissentiant; sed

*Q. XI.* An bonæ fidei possessor fructus consumptos suos faciat, quatenus est factus locupletior? Vide *Gletze, loc. cit. num. 17. Fach. l. I. cap. 40 Harp. num. 66. Vinn. loc. cit. Zoes. ff. de A. R. D. num. 73. Schamb. n. 243. h. t.* Mihi interea sufficit. *d. l. 4. §. 2. ff. fin. regund.* ubi dicitur, bonæ fidei possessorem lucrari fructus consumptos; atqui implicat, quod aliquis possit lucrum capere, nisi fiat locupletior; ergo.

*Assertio VI.* Fructus, post litis contestationem perceptos, vel consumptos tenetur non tantum possessor malæ fidei, sed etiam bonæ fidei domino, rem suam evincenti, restituere. *Vinn. Inst. hic. Franz. Inst. h. t. p. 2. n. 100. Manz. n. 23.*

*Prob. I. per d. l. 22. Cod. de R. V.* ubi perspicue dicitur etiam a possessore bonæ fidei post litem contestatam fructus universos esse restituendos. II. *Ex l. 25. §. 7. ff. de hered. petit.* ubi *Ulpianus* ait, post litis contestationem possessores omnes incipere esse malæ fidei; sed malæ fidei possessor tenetur fructus universos restituere, nisi sint civiles ascititii; ergo.

*Assertio VII. & ultima,* Fructus, necdum



dum percepti, sed pendentes adhuc, Domino, à quocunque possessore rem suam evincenti, sunt restituendi. *Manz. num. 15. Schneid. num. 5. Myrsing. num. 8. hic.* Ratio, quia pars sequitur suum totum, atqui fructus pendentes sunt pars fundi, *l. 44. ff. de R. V.* ergò sequuntur fundum.

### §. IS VERO. 36.

In *precedenti* §. vidimus, quòd bonæ fidei possessor, qui videlicet rem alienam ex bona fide possedit, existimans, illam suam esse, fructus perceptos suos faciat, idque Jure quasi dominii & soli. Nunc

62 Q. *Utrum non etiam aliquando is qui sciens rebus alienis utitur, (v. g. Usufructuarius) suos faciat?* & R. omninò nulla facta *Differentia* inter fructus naturales, industriales, & civiles; quidquid enim in fundo nascitur, quidquid inde percipi potest, ad usufructuarium pertinet, *l. 9. ff. de usufr.* cum hac tamen *Differentia* inter bonæ fidei possessorem, & usufructuarium, quòd bonæ fidei possessori fructus cedant, quomodocunque, & per quemcunque à solo separati fuerint; fructuario autem non nisi ipsemet, vel alius ejus nomine illos à fundo separarit, aut decerpserit, *text. hic. & in l. si ejus 78. ff. de R. V.*

### AD VERS. EADEM.

63 Quæ dicta sunt de Fructuario eadem ferè de Colono quoque dicuntur: quemadmodum enim fructuarius omnes fructus tam naturales, quàm industriales suos fecerit, non tantum consumptos, sed etiam extates; ita quoque colonus, qui *hortum, vineam, vel agrum* conduxit, non tantum fructus industriales, sed naturales lucratur, nulla facta *differentia* inter consumptos, & extantes. In eo tamen differt colonus, quòd jus omne

*Nees ad Instituta.*

ad fructus etiam pendentes ad hæredem transmittat; fructuarius non etiam: *ratio*, quia *Locatio & conductio* est contractus; atqui contractus censentur ita initi, ut etiam includantur hæredes. *l. 13 Cod. de Contrah. & committ. sup.* usufructus verò non est contractus, sed jus personale, quod cum persona expirat. Unde *Inferes*, si colonus, vel inquilinus prædium, vel ædes usque ad quinquennium conduxerit & ante quinquennium lapsum decesserit, hæredem usque ad complementum quinquennii fructus omnes percipere, jureque coloni gaudere. *Manz. n. 13. Schamb. hic.*

### §. IN PECUDUM 37.

Quandoquidem usufructus non in ædibus, & fundis duntaxat constituitur, sed & in jumentis, & pecoribus, idè, si pecora in usufructum deducantur,

Q. *Quanam dicantur esse in pecudum fructus?* R. *Imperator*, non tantum *luc, pilum, & lanam*, sed etiam *fecum* in fructu esse. Itaque, si *agni, hedi, vituli, equuli & fuculi* nascantur, statim naturali ratione ad bonæ fidei possessorem, & fructuarium spectant: *ratio*, quia nomine fructuum omne id continetur, quòd ita nascitur, ut renascatur. *Partus* verò *ancille* in fructu non est; absurdum enim videbatur hominè in fructu esse, *text. hic.*

### §. SED SI GREGIS. 38.

Officium usufructuarii est, ut rem, 64  
cujus usufructum habet, benè colat  
eaque, tamquam bonus paterfamilias,  
utatur; unde, si usufructus universalitatis alicujus sive corporis concessus sit, tunc numerus in usufructum datus, restitui debet, *l. 69. ff. de usufr.* v. g. habeo usufructum gregis, in quo sunt centum oves, quibusdam ex illis a vitis, vel senio, aut aliò corporis vicio

E e inutij.

inutilibus factis alias ex natis restituere debeo. *d. l. 69.* Modo tamen aliquæ ex iis natæ fuerint: alioquin enim nullas substituere teneor, sicut nec quidquam, si res singulæ in usum fructum datæ sint. *l. 70. §. 3. de usufr. rationem Disparitatis* inter casum hunc, & casum priorem dat *Manz. hic.* quia, si grex per modum universitatis in usum fructum datus sit, pereuntibus aliquibus, substantia adhuc semper durat. Substantia enim est grex & corpus ipsum, admittens augmentum, & decrementum, unde suppleri & conservari potest; si verò singularem usum fructum habeam, mortua una ove tota substantia perit, quæ amplius suppleri nequit. *Schamb. hic.*

#### §. THESAURUS. 39.

65 XVII. Dominii acquirendi modus est *Inventio & occupatio thesauri.* Thesaurus autem est vetus quædam depositio pecuniæ, cujus memoria non extat, adeoque est depositio cujusdam rei mobilis, quæ jam dominium non habet; sic enim fit ejus, qui invenit, quia non est alterius, *l. numquam 31. §. ff. b. t.* quasi JCtus diceret, quod nullius in bonis est, id naturali ratione occupanti conceditur. *Schneid. Inst. hic.*

¶ Dixi: *cujus memoria non extat.* Unde, si ex adjecta Syngrapha appareat de deponente, illi, si vivit, vel ejus hæredi reddendus est. *Zoes. ff. b. t. n. 22.*

Item, si quis metus, vel custodiæ causa condiderit aliquid sub terra, v. g. tempore belli pecunias suas condiderit, & sepelierit, ut eas à rapacibus militum manibus conservaret, thesaurus non fit occupantis, *l. 15. ff. ad exhib.* quia dominus non ignoratur, ut cesset ratio occupationis. *Manz. num. 4. hic.* Denique, si quis vendat domum, & emptor reperiat pecuniam in muro, quam ipse venditor,

aut ejus parentes ibi recondiderunt, & per oblivionem fortè non reperierunt, non pertinet ea pecunia ad emptorem, sed venditori restituenda est, *l. 65. ff. de R. V.* Ratio, quia dominus non ignoratur. *Manz. num. 6. & Schneid. num. 4.* ubi notatu dignum casum refert, ex quo apparet, thesaurum non esse, si per oblivionem res ablata non fuerit.

Ex dictis patet, inventionem thesauri esse modum acquirendi dominium. Sed

Q. *An thesaurus inventus indistinctè fiat inventoris?* R. quòd non, res enim *Distinctionis* ope dirimenda venit hoc modo: vel reperitur thesaurus in *fundo proprio*, vel *alieno*? si reperiat in fundo proprio, tunc vel *mediis licitis*, vel *illicitis*; si prius, inventori cedit, quia thesaurus videtur esse pars loci, adeoque loci domino cedit. *Harp. num. 5.* si posterius, fisco vindicatur. *l. un. Cod. de thesaur.* Ratio, quia nemo ex suo delicto præmium reportare debet: *Manz. n. 14.* concordat *Neue N. Oe Satz und Ordnung. de Jur. incorporal. §. 1. Es ist einem jeden &c. i. e. Licet unicuique in proprio fundo thesaurum investigare, vel aliud quid fodere absque tamen artibus magicis: quod autem erit inventum, id suum solus ipse faciet.*

Si in alieno fundo reperiat thesaurus, tunc vel *fortuito*, vel *data opera*? si *fortuito*, ex dimidia parte loci dominio, & ex dimidia inventori cedit. Et quidem loci dominio, ratione dominii, quod habet in rem; Inventori vero Jure inventionis, *text. hic. & in l. un. Cod. de thesaur.* *Schneid. num. 8. & Manz. num. 34.* Si *data opera*, tunc vel *licita*, vel *illicita*? si *data opera licita*, thesaurus totus domino cedit loci, quia nemini licet in alterius fundo scrutari. *d. l. un.*

Alièr *de Jure Austriae inferioris* obtinet loc. cit. §. 2. *Wann jemand. &c. i. e. Si aliquis in solo fundove alieno thesaurum fortuito*

tuito invenerit, vel sciente ac consentiente domino scrutatus fuerit: tunc thesauri tres fient partes, quarum una inventori, altera jurisdictionem habenti, tertia domino fundi cedit. Si vero nec consentiente domino foderit, nihil adquirit; verum thesaurus ex dimidia parte jurisdictionis domino, & ex dimidia soli domino cedit.

Si data opera illicita, volunt aliqui, totum thesaurum fisco applicandum esse, ex eo, quia omnis thesaurus incantationibus, aut arte magica repertus, fisco applicatur, *Schneid. n. 5. hic*. Verum hæc *Opinio* (salvo tamen *Schneidevini*, melius sentientis iudicio) dura videtur, & altera præplacet, quæ hoc in casu dimidietatem fisco, alteram vero loci domino applicat; quia domino loci non est auferendum beneficium fortunæ propter delictum Inventoris. *Manz. n. 44. Ch'ingensp. q. 46. ob. 1. n. 1. Aliter de Constitutione Austrie obtinet loc. cit. §. 3. Wann jemand &c. i. e. Si aliquis artibus magicis thesaurum, sive in proprio, sive in alieno loco investigaverit; quod inventum erit, id camera principali vindicabitur, ac propter delictum pena à iudice decernetur.*

67 Q. Ad quem pertineat Thesaurus, in loco publico, sacro, vel religioso repertus? R. I. absque magnæ difficultatis nota procedere, quod thesaurus, in loco publico casu fortuito inventus, pro dimidia parte pertineat ad Fiscum; pro dimidia vero ad Inventorem. *Schneid. num. 9. data vero opera totum principi cedere. Clariss. D. Funsterwald. lib. 3. obs. 25.*

In *Archi-Ducatu Austrie* ita obtinet *loc. cit. §. 1. Welches auch &c. i. e. quod etiam est intelligendum de thesauro qui in via publica, vel in loco qui in nullius privati dominio est, fortuito casu invenitur.*

Sed vehementi diffidio Confligitur inter D. D. ad quem pertineat thesaurus, in loco sacro, vel religioso repertus?

*Text. §. nostri ita se habet; thesauros, quos quis in loco suo invenerit, Divus Hadrianus, naturalem equitatem secutus, ei concessit, qui eos invenerit; idemque statuit, si quis in sacro, aut religioso loco fortuito casu invenerit.*

En! ex hoc *text.* habes, quod thesaurus inventus ex asse cedat inventori; ratio, quia talis locus nullius esse censetur. *Manz. num. 18. Econtra text. in l. 3. §. pen. ff. de Jure Fisci* sic differit: sive in locis fiscalibus, vel publicis, religiosive, aut monumentis thesauri reperti fuerint, divi fratres constituerunt, ut dimidia pars ex his Fisco vindicetur. En! è diametro *priori text.* contrarium statuit iste textus, *l. 3. §. pen.* & non ex asse inventori thesaurum tribuit. Hæc *Pugna*, teste *Harp. num. 7.* plerisque videtur inextricabilis, adeò, ut non erubescant contra pronuntiatum *Justiniani in l. 1. §. 2. Cod. de Jure vet. enucleand.* Antononiam hic admittere, quæ pacto nullo conciliari possit; quam *Opinionem*, veluti vecordem, indignanter respuo, licet eidem quoque suffragetur *Manz. num. 29. qui post VII. R. in concordiam istorum text. comparandam allatas, statuit, Antonomias in Jure nostro reperiri. Ego cum Harp. loc. cit. existimo, nihil prorsus pugnantiae aut contrarietatis inter istos textus reperiri, modo, justa lance trutinetur. Dic proinde l. 3. §. pen. loqui de locis religiosis fiscalibus, in quibus thesaurus, fortuito repertus pro parte dimidia fisco, pro altera parte inventori cedit, ut ejus legis sit ista sententia: thesauri, in locis fiscalibus inventi pro media fisco vindicantur, sive loca fiscalia, in quibus inventus est, publica fuerint, sive religiosa, sive monumentis destinata; quia satis est, ista loca esse fisci. Et ita etiam exaudiri debet constitutio *Friderici Imperatoris tit lib. 56. 2. feud.* quod nimirum *Fridericus Imperator**

E c 2

rator

rator loquatur non de thesauro, in quo-  
vis loco religioso invento ; sed de illo  
thesauro, qui repertus est in loco religio-  
so fiscali, juxta *d. l. 3. §. pen. Textus* verò  
nostri §. loquitur de loco religioso suo, &  
proprio, quem quis sua voluntate, infe-  
rendo mortuum talem efficere potest, &  
in tali loco thesaurus, à fundi domino  
repertus, ex asse, & in solidum ad in-  
ventorem pertinet.

*Dices* : loci religiosi non datur pro-  
prietas, ergò noster §. de loco religioso  
suo, & proprio exaudiri non potest.  
R. nos non intelligere proprietatem loci  
religiosi dari, quoad dominium, sed  
duntaxat quoad usum : sic locum religio-  
sum proprium & suum habere dicitur,  
qui ejus usum pro se, & pro sua familia  
retinuit, *Zoëf. ff. h. t. n. 42.*

De *Consuetudine Austriæ* res aliter se  
habet, nimirum thesaurus in loco,  
sacro, vel religioso repertum, totum  
cedere Præfato illius loci. *Sattingers M. S.*  
*V. lit. S. in Schätz. Clariss. D. Funsterwald*  
*lib. 3. observ. 26. num. 2.* ubi judicatum  
testatur in causa *Paulen Dinckel, und N.*  
*Prior, und Convent Prediger-Ordens zu*  
*Wien.*

§ 8 *Controvertitur*, cujus fiat thesaurus, in  
fundo feudali, vel emphyteutico repertus?

Sunt qui sustineant, pro media parte  
inventori pro altera domino loci cedere.  
Ita quoque docet, *Harp. hic. n. 21. Hunn.*  
*var. resol. tract. I. q. 37. Et ad Treutl. vol.*  
*post. disp. 18. tit. 29. q. 16.*

*Movetur. I.* Thesaurus in fundo alie-  
no repertus, pro dimidia parte cedit  
inventori, & pro altera dimidia loci do-  
mino ; atqui thesaurus in fundo feudali  
vel emphyteutico repertus, dicitur re-  
pertus in fundo alieno ; ergò.

*Movetur II.* Usufructuarias in fun-  
do, in usufructum concessio, thesau-  
rum repertum tantum pro dimidia parte

suum facit ; ergò etiam emphyteuta, &  
vassallus tantum pro dimidia parte the-  
saurum, in fundo feudali, vel emphy-  
teutico repertum suum facient : sicuti  
enim usufructuarius tantum habet domi-  
nium utile, ita & vassallus, & emphy-  
teuta tantum habent dominium utile.

His tamen nihil urgentibus, placet  
eorum dogma, qui thesaurum, in fun-  
do feudali, vel emphyteutico repertum,  
totum inventori vassallo, vel emphyteu-  
tæ tribuunt. Ita docet *Zoëf. ff. h. t. n. 27.*

Ratio unica, & fundamentalis est hæc,  
quia omne damnum, si fortè ex infeli-  
citate pars prædii lædatur, vel pereat,  
pertinet ad vassallum, & emphyteutam ;  
ergò ad eosdem pertinebit commodum :  
qui enim sentit onus, sentiat, & com-  
modum.

*Accedit*, quòd vassallus, & emphy-  
teuta dicantur esse utiles domini, habe-  
antque utile dominium, ita, ut omne  
commodum ad eos pertineat & emolu-  
mentum, ergò etiam thesaurus, cum sit  
rei commodum.

*Ad Argumentum I. R. neg. min.* vassal-  
lus enim, & emphyteuta sunt utiles do-  
mini, ut thesaurus in fundo feudali, vel  
emphyteutico in alieno fundo repertus  
esse, dici non possit.

*Ad II. R. con. antea. neg. conseq.* vassal-  
lus enim, & emphyteuta jus longe plenius  
& potètius habent quam usufructuarius.  
*Accedit*, quòd usufructuarius tantum id  
percipere possit, quod est in fructu ; sed  
thesaurus non est in fructu, id enim in  
fructu esse dicitur, quod nascitur, &  
renascitur ; thesaurus enim non nascitur,  
& renascitur ; secus est in vassallo, qui  
non capit thesaurum, ut fructum, sed  
ut loci beneficium tamquam utilis domi-  
nus. *Zoëf. loc. cit.*

Iu u t pro *coronide* huius §. notandum,  
quòd si creditor in re hypothecata the-  
saurum



saum invenerit, mediam partem pro se retineat, & mediam debitori teneatur restituere: quod adeo procedit, ut nec, soluto debito, alteram medietatem debitori restituere teneatur; quia suam dimidiam non retinet, tanquam creditor, sed tanquam inventor, Jure scilicet inventionis. *Schneid. loc. cit.* Idem est, si thesaurus in fundo dotali à marito inventus fuerit, pro dimidia parte marito inventienti, pro altera dimidia uxori cedit; marito quidem Jure inventionis, uxori Jure domini. *Zoef. ff. h. t. num. 22. & 29. vide Finsterwald. lib. 3. obs. 24.*

### §. PER TRADITIONEM. 40.

XVIII. Acquirendi domini modus est *Traditio*. Nihil enim tam conveniens est naturali æquitati, quam voluntatem domini, volentis rem suam in alium transferre, ratam haberi; estque vulgata regula: *Traditionibus, non nudis pactis transferuntur rerum dominia.*

*Definitur traditio, quod sit translatio domini, si sequentia concurrant requisita.*

69 I. Ut tradens sit dominus rei; rei enim alienæ traditio non est translativa domini, cum nemo plus Juris in alterum transferat, quam ipse habet, *l. 45. ff. d. R. J.*

*Obj.* Creditor pignus validè distrahit; & tamen non est dominus §. I. *Inst. quib. alien. licet, &c.* Ergò non dominus per traditionem in alium transfert dominium. R. creditorem tunc demum validè alienare pignus, si fiat ex voluntate debitoris expressa, vel tacita. Expressa, si expressis verbis in alienationem pignoris consentit; tunc enim ipse debitor vendere videtur. Nihil autem refert, an ipse dominus per se tradat, an voluntate ejus aliquis alius: sicuti & per procura-

torem rectè dominium transfertur, quod enim quis facit per alium, ipse fecisse intelligitur. *c. 72. de R. J. in 6.*

Tacita debitoris voluntate distractio pignoris procedit, si pacto solutionis, ad certum tempus factò satis non fecit, *l. 4. Cod. de pignorat. act. Harp. num. 6. hic.* Ratio, quia, si debitor moram trahat, pactoque non satisfaciat, in alienationem pignoris consentire videtur. *Zoef. ff. h. t. n. 83.*

II. Requiritur voluntas, & animus transferendi in tradente, & acquirendi in accipiente. Ex parte tradentis ratio est, quod nemo invitus re sua privandus sit; ex parte accipientis, quia invito nihil acquiritur, nec beneficium datur. *Zoef. loc. cit. n. 86.*

III. Ut sit res corporalis, sicuti enim res incorporeales propriè non possidentur. *l. 4. §. 27. ff. de usucap.* ita quoque propriè non traduntur, quia tactum effugiunt: nihilominus, quia patientia unius, & usus alterius in rebus incorporalibus loco traditionis habetur, *l. 20. ff. de servit.* ideò, si quis patiatut alterum uti Jure quodam, v. g. *ire, agere, uti, frui*, censetur ipsi quasi tradidisse Jus illud servitutis. *Manz. n. 11. hic.*

Res immobiles verè traditioni subjacent; in his enim inductio in rei possessionem vices traditionis sustinet. *Schneid. n. 2.*

IV. Ut sit res alienabilis, non prohibita alienari per possessorem vel legem. Sic traditio rei sacræ, vel fideicommissariæ nihil operatur, nihil enim actum videtur, quod sit lege prohibente. *Manz. n. 12.*

V. Ut traditio fiat ex justa causa, habili ad transferendum dominium, qualis est *emptio, venditio, dos, legatum, donatio, solutio, mutuum &c.*; nunquam enim nuda traditio transfert dominium,

sed ita, si iusta causa præcesserit. Hinc excluditur titulus commodari, depositi, locati, quæ non sunt causæ translativi dominii. Harp. n. 23.

- 70 Q. An error circa causam impediatur translationem dominii? fac v. g. quod ego tibi pecuniam quasi donaturus dem, tu quasi mutuam accipias. Cum utriusque negotium sit translativum dominii; Quæstionis est, an tali casu rei dominium transferatur? Circa hanc Quæstionem, promontorii instar, eminent duo immanes scopuli: unus est l. si ego 18. ff. de R. C. alter autem in l. 36. ff. de A. R. D.

Qui negant tali casu transferri dominium, producant, d. l. si ego 18. ff. de R. C. ubi in hæc verba rescribitur: Si ego pecuniam quasi donaturus dederò, tu quasi mutuam accipias, Julianus scribit, donationem non esse, sed, an mutua sit videndum? Et puto; nec mutuam esse magisque nummos accipientis non fieri, cum alia opinione acceperit; quare si eos consumpserit, licet conditione teneatur, tamen doli exceptione uti poterit, qui secundum voluntatem dantis nummi sunt consumpti. Ecce! hoc in textu aperte negatur dominium transferri, dum ducit: magisque nummos accipientis non fieri.

Qui affirmant dominium transferri, stringunt textum l. 36. ff. de A. R. D. ubi textus ita se habet: cum in corpus quidem, quod traditur, consentimus, in causis verò dissentiamus, non animadverto, cur inefficax sit traditio? veluti si ego credam, me ex testamento tibi obligatum esse, ut fundum tradam donandi gratia, ut etiam quasi creditum accipias, constat, proprietatem ad te transire, nec impedimento esse, quod circa causam dandi, & accipiendi dissenserimus. En! è diametro sancitur hic priori textu contrarium, videlicet dominium transferri, licet partes in causa dissenserint.

Ego I. hoc textu ita moveor, ut dominium transferri, et si partes in causa dissenserint, audacter sustineam. Ita docet Chriff. D. Woller, vir singulari cultu dignus, & promotor meus venerandus, tract. de mutuo. pag. 116. n. 28. & seq. Humm. var. resol. pag. 382. q. 38. & pag. 849. q. 19. Harp. hic. n. 23. Zoef. ff. b. t. num. 9. Schamb. hic.

Moveor II. hac ratione, quia nihil tam conveniens est naturali aequitati, quam voluntatem volentis rem suam in alium transferri, ratam haberi, text. hic. sed in nostro casu habetur talis voluntas; ergo.

Moveor III. si aliquid obstat in nostro casu translationi dominii, tunc obstat nullitas causæ; sed hæc non obstat, quia ad translationem dominii non requiritur causa, validè subsistens, sed sufficit putativa; ergo hæc nullitas non obstat. Minor prob. ex eo, quia etiam, dum indebitum per errorem solvitur, transfertur dominium, licet vera causa non subsit sed tantum putativa: quod autem in solutione indebiti transferatur dominium, patet exinde, quia solventi applicatur condictio, cum alia rei vindicatio applicari deberet.

Ad text. si ego. 18. varii variè R. Placet, quod verba illa d. l. si ego 18. magisque nummos accipientis non fieri, ita debeant accipi, quasi illorum nummorum proprietas ad accipientem non transferretur, sed quod perfectè, sive irrevocabiliter non fiant accipientis, ita ut perpetuo penes accipientem mansuri sint, si quidem pecunia, quæ, tanquam mutua, accepta est, licet accipientis fiat, avocari tamen ab illo potest, si adhuc existat, per certam conditionem; si vero consumpta sit, tunc quidem adhuc ista conditio locum habet, sed per exceptionem doli mali eliditur, quod scilicet pecunia secundum voluntatem dantis consumpta

sumpta sit : sic si dixeris, statuas, necesse est, in utroque textu verum dici, nimirum nummos accipientis, *d. l. 36.* & non fieri accipientis, *d. l. 18.* sed diverso respectu : nam fiunt nummi accipientis, sed revocabiliter, quia condici possunt, non fiunt accipientis, id est, perfecte, & irrevocabiliter. Ita *Humm. loc. cit.*

#### §. VENDITÆ 41.

71 Dictum est in *superiori* §. per traditionem dominium transferri, si iusta tradendi causa, & titulus habilis ad transferendum dominium subsit; hoc in §. exceptio subjicitur. Nam licet emptio-venditio sit titulus habilis ad transferendum dominium, res tamen venditæ, & traditæ non aliter emptori acquiruntur, quam si pretium exsolutum fuerit. Unde venditor, si rem tradidit, pretio nondum soluto, vindicare eam rursus potest, quod sæpè in concursu aliorum creditorum magnæ utilitatis est, *l. 19. §. 8. ff. de act. empt. Harp. num. 15.*

*Limitatur I.* Nisi emptor alio modo venditori volenti satisfecerit. v. g. fideiussore, aut pignore ratione pretii dato, *text. hic.* Ratio, quia paria sunt pretium solvi, vel aliter satisfieri. Dixi *volenti*, quia aliud pro alio invito creditori solvi non potest. *l. 2. §. 2. ff. de R. C.*

*Limitatur II.* Nisi venditor Emptori fidem de pretio habuerit ( *wann er ihm geborget* ), *text. hic.* & in *l. 19. ff. de contrab. empt.* quia fidem sequi, vel fidem de pretio habere, est quasi satis accipere. *Perez. Inst. hic.* Fidem autem de pretio habuisse, præsumitur, cum venditor emptori solvendi terminum præscripsit, vel pecunia non accepta rem tolli passus est. *Manz. n. 6. Harp. n. 18.*

Sola, & simplex traditio ( si nulla prorsus pretii mentio facta sit ) fidem de pretio habuisse venditorem non facit :

ratio, quia fidem sequi est quasi satis accipere, *d. l. 19.* satisfactio autem, cum facti sit, non præsumitur. *arg. l. 10. Cod. de non numer. pecun. Schamb. hic. Harp. n. 18.*

#### §. NIHIL AUTEM. 42.

Jam *supra* in *I.* traditionis requisito diximus, nihil interesse, an dominus alicui rem tradiderit, an alius ejus nomine. *text. hic.*

#### §. QUÆ RATIONE. 43.

Ex *priori* §. hic inferitur, quòd si res alterius alicui traditæ sint à procuratore ejus habente mandatum vel speciale vel cum libera, accipientis fiant. Generale mandatum non sufficit, quia tale non tribuit facultatem alienandi. *Manz. n. 3.*

#### §. INTERDUM. 44.

Tametsi regula sit, *Traditionibus, & Usurpationibus rerum dominia transferri. l. 20. Cod. de pact.* Aliquando tamen etiam nuda voluntas ad transferendum dominium sufficit, modo traditio aliqua ex causa non sufficiente ad domini translationem præcesserit, v. g. deposui apud te, vel commodavi tibi pallium, postea ut illud titulo donationis, vel emptio-nis à me acquiras, non est opus pallium recipere, & iterum tibi tradere; sed sufficit, quod velim, & patiar esse tuum *text. hic.* frustra enim sit per plura, quod potest fieri per pauciora.

Et hæc traditio per fictionem brevis72 manus fieri dicitur; fingitur enim in dicto casu, ac si ego pallium recepissem, & denuo tradidissem. *Schamb. hic.*

#### §. ITEM SI QUIS. 45.

Hic proponitur altera species fictæ traditionis, nimirum clavium traditio, nam si quis merces suas in horreo repositas

tas alteri vendiderit, simul atque claves horrei emptori tradiderit, transfert dominium, & proprietatem in emptorem; fictio enim tantum operatur, quantum veritas *text. hic.*

73 Enumerantur præterea plures fictæ traditiones in Jure nostro, uti sunt primò *Instrumenti* live *Chirographi. l. 1. Cod. de donat.* secundò *Consignatio*, si emptor res emptas consignet, *l. 14. ff. de pericul. & commod. rei vendit.* Tertio *Appositio custodis*, v. g. ad emptum acervum lign. *l. 51. ff. de acq. poss. Manz. num. 5. Harp. num. 3. 4. & 5.*

#### §. HOC AMPLIUS. 46.

74 Tertia species fictæ traditionis est projectio missilium; Romani enim principes, qui divitiis abundabant, liberalitatis gratia solebant spargere missilia, sicuti & hodie in electione Papæ & Imperatoris fieri solet: & tunc projiciens vult, ut illud, quod quisque apprehendit, fiat accipientis. *Schneid. hic.*

#### §. QUÆ RATIONE. 47.

75 *Ultimus* acquirendi dominii modus est *Occupatio rei pro derelicto habitæ*, qualis est illa, quam dominus ea mente, abiecit, ut in numero suarum rerum esse nolit; non mirum igitur, quòd occupanti concedantur. Quod procedit tam in rebus mobilibus, quam immobilibus; ut si quis domum, vel agrum ita derelinquat, ut in bonis suis amplius esse nolit. *Schamb. & Schneid. hic.*

#### §. ALIA SANE FIN.

Q. hic. *An is, qui apprehendit res, quæ coorta tempestate, levandæ, & exornandæ navis causâ in mare ejciuntur, acquirat earum tamquam derelictarum, dominium?* R. negativè, ratio est in *textu*, quia palam est, eas non eò animò abjici, quòd quis eas habere nolit, sed ideò, ut cum ipsa nave tempestatis, & naufragii periculum effugiat. Quare, si quis eas fluctibus expulsas vel etiâ in ipso mari natantes lucrandi animò abstulerit, furtum committit. *text. hic.* quia rem detinet invitò dominò lucrandi gratiâ.

#### AD VERS. NE LONGE.

Quæ dicta sunt de *Proje&is in mare*, eadem obtinent in iis, quæ de *rheda currente*, non advertente domino, *deciderunt*; nam manent ipsius domini, cui ab inventore restituenda. Ubi universaliter *Observa!* si quis rem invenerit, quòd de domino inquirere, & si cum resciverit, rem illam conscientia restituere teneatur. Quòd adeò verum, ut inventor menytrum, id est, inventionis præmium, vel mercedem honestè petere non possit. *lib. 43. §. 7. ff. de furt.*

Dixi *petere*, quia honestè, si ei offeratur, accipere potest. *Schamb. hic. & Manz. num. 8.*

Quòd si dominum rescire non possit, poterit sibi retinere; nulla enim lex est, quæ obstringat inventorem, ut rem inventam elargiatur in pauperes. *Schamb. hic. & Harp. num. 9. Layman. lib. 3. de Just. tit. 1. cap. 5. num. pen. Menoch. lib. 5. præsumpt. 30. num. 8.*



## T I T U L U S I I.

## DE REBUS CORPORALIBUS, ET INCORPORALIBUS.

## S U M M A R I A.

- 1 Quæ res dicantur corporales?
- 2 Quæ incorporales?
- 3 Quæ dicantur res mobiles?
- 4 Quæ immobiles?
- 6 Pecunia numerata an referenda sit ad res mobiles, an vero immobiles?
- 6 Quo p<sup>er</sup>vineant Jura, & actiones?
- 7 Pecunia, ex re immobili redacta, an ad res immobiles spectet?
- 8 Quid intersit, an res dicatur mobilis, an immobilis?

**E**xposuimus Titulo præcedenti varias rerum Divisiones, hic rursus ponitur alia, quæ plane generalis est, involvens omnes alias rerum divisiones, facitque alias corporales, alias incorporales.

Ad vers. Corporales; & ad vers. Incorporales.

- 1 Quæritur hic, quænam res dicantur corporales? *R.* Imperator, res corporales hæ sunt, quæ sui natura tangi possunt, h. e. quæ sub tactum cadunt, quasque, si præsentibus sint, corpore, & manu apprehendere, oculis conspiciere, vel cæteris sensibus percipere possumus, v. g. homo, vestis, fundus, aurum, argentum, &c. *Vinn. Inst. hic. num. 1.* Dicitur autem sui natura, ut indicetur, etiam illas res, quæ cælo infixæ sunt, vel in abyssu maris existentes, vel in montibus occultatæ, hac divisione contineri, licet enim actu tangi nequeant, a natura tamen ita comparatæ sunt, ut tangi possint, *Harp. num. 3. Schneid. num. 2.*
- 2 Res incorporales sunt, quæ tangi non  
*Kees ad Instituta.*

possunt, h. e. quæ sub sensum exteriorum non cadunt, ita, ut neque tactu apprehendi, nec visu percipi possint; sed solo intellectu, & animi judicio percipiantur, v. g. obligationes, actiones, servitutes, hæreditas; &c.

Dices: tamen plerumque in hæreditate reperiuntur res corporales, puta aurum, argentum, vestis, fundus, &c. ergo male dicitur, quod hæreditas sit res incorporalis. *R.* hæreditatem hic accipi non pro rebus hæreditariis, sed pro ipso Jure succedendi; quo respectu hæreditas est quid incorporale, sicuti a par in obligationem, in usufructum plerumque res corporales deducuntur; nemo tamen dixerit obligationem, usufructum, &c. esse res corporales. *Manz. num. 2. hic. Frantzkius Inst. hic. num. 9. Chlingensperg. hic. ob. 2.*

Dices: nihil interest, an nomine hæreditatis intelligatur ipsum Jus succedendi; an vero ipsæ res singulares in hæreditate contentæ. *R.* multum interesse, si enim res singularis evincatur, venditor hæreditatis de evictione non tenetur, l. 5. *Cod. de evict.* quia non res singularis censetur vendita, sed ipsum Jus incorporale. l. 2. ff. de hæred. vel. act. vend. pulchre *Chlingensp. Inst. h. t. q. 3. ob. 1. & 2.*

Res corporales subdividuntur in mobiles & immobiles. Illæ sunt, quæ in locum & de loco moveri possunt, sive ab iis ipsis id fiat, ut in rebus animatis accidit, puta equo, bove, asino, agno, &c. Sive ab alio, ut in rebus inanimatis, v. g. veste, lecto, libro, scanno, candelabro, pelvi, &c. l. 93. ff. de V. S. vulgo *fabrende, oder bewegliche Habb, und Güter.*

F f

Res

7 Q. III. An pecunia ex venditione rerum immobilium comparata referenda sit inter res immobiles?

Dixeris quod sic, quia pretium succedit in locum rei, l. 22. ff. de hered. petit. Sed contrarium tenendum cum Mantio. de conje. ult. volunt. l. 9. tit. 3. num. 4. Hum. ad Treutl. vol. 2. disp. 3. q. 18. Harp. num. 16. hic. Braun. de tutel. tit. de reb. cor. qui sub. tut. th. 19. aliud enim (inquit Harp. loc. cit.) est pretium, aliud res ipsa. l. 28. ff. de novat. l. 28. de V. S.

Ad rationem dubitandi R. regulam illam, pretium succedit loco rei, procedere solum in casibus Jure expressis, puta in Judiciis universalibus, ut est Petitio hereditatis d. l. 22. Item in actione metus. l. 18. ff. quod met. caus. In Judiciis vero particularibus dicta regula plerumque fallit. Sic pretium ex re furtiva redactum furtivum non est. l. 48. §. ult. ff. de furt. Nummi ex distractione pignoris tedempti pignus non sunt. arg. l. 7. §. un. ff. qui pot. in pign. Res empti ex mea pecunia, si ab altero, non meo nomine, emptio facta sit, mea non est, arg. l. 6. Cod. de R. V. Gail. de pignorat. obs. II. Vides proinde, vulgatum illud Juris Brocardicon, quod pretium succedat loco rei, universale non esse, sed plerumque fallere. Quam ipsam doctrinam,

velim, memoriae tenaciter imprimas, utilis enim est, & fructuosa; quæ autem utilia sunt, ad scientiæ gloriam multum contribunt. Enim vero, Lipsio teste, qui fructuosa, non qui multa scit, sapit.

Dices: nulla est utilitas, nullus effectus, si res dicatur esse mobilis, si immobilis; ergo incassum laboravimus, dum rerum divisioni hactenus tam anxie insudavimus. R. neg. ant. & conseq. I. enim interest in alienatione rerum minorennium, & Ecclesiasticarum; mobiles enim sine decreto Judicis, & consensu Capituli alienari possunt; immobiles non etiam, tot. tit. ff. de reb. cor. qui sub tut. & de reb. Eccles. non alien.

II. Interest in casu, quo statutum superstiti conjugi bona mobilia in lucrum decernit.

III. Interest ad hoc, ut intelligas, an competat interdictum unde vi, an vero utrubi, Gail. lib. 2. obs. 10. num. 4.

IV. Interest ratione retractus, de quo vide Zoef. ff. de Retra. num. 83.

AD VERS. EODEM NUMERO.

In hoc ultimo v. ad res incorporales Justinianus refert quoque Servitutes, idque ideo, ut tanto commodius in sequentem Titulum illaberetur.

### T I T U L U S I I I.

## DE SERVITUTIBUS RUSTICORUM, ET URBANORUM PRÆDIORUM.

### SUMMARIA.

- 1 Servitus bifariam accipitur.
- 2 Quomodo definiatur?
- 3 Alia personalis alia realis.

4 Alia rustica alia urbana.

5 Prædium rusticum, & urbanum quod sit?

- 6 Quomodo possis scire, an servitus sit rustica an urbana?
- 7 Quid sit iter?
- 8 Quid actus?
- 9 Quid via?
- 10 Quid aqua - ductus?
- 11 Quid Jus nascendi?
- 12 Pascua alia publica, alia privata.
- 13 An locus prædii serviens mutari possit?
- 14 Quid sint servitutes urbanae?
- 15 Aliae sunt affirmativae, aliae negativae.
- 16 Servitus oneris ferendi.
- 17 Item tigni immittendi disjunctur.
- 18 Tigni nomine quid veniat?
- 19 Tignum, sine Jure servitutis immisissum, interdicti potest.
- 20 Servitus stillicidii quid sit, & quod duplex?
- 21 Item quid servitus altius, & non altius tollendi?
- 22 Servitus, ne luminibus officiatur, quae dicatur?
- 23 An vicinus mea limina aedificando obscurare possit?
- 24 Quid sit servitus luminum?
- 25 An in meo pariete fenestram aperire possim, qua in aream alterius prospiciam?
- 26 Quid sit emulacionis causa lumina aedificando obscurare?
- 27 Quare servitutes dicantur prædiales?
- 28 An vassallus fundo feudali servitutem recte imponat?
- 29 Servitutes quomodo constituentur?
- 30 An præscriptione?

**V**ox Servitutis homonyma est, ac duplicem in Jure Significationem habet. I. sumitur pro Qualitate personali, quæ inducit privatio libertatis, indeque pendentium Jurium; & de hac servitute superiori libro satis, superque egimus.

**II.** Accipitur pro Jure, vi cuius uti-

litatem quamdam ex re aliena percipere possumus, atqui in hac acceptione est nostri instituti, ac a variis varie, a paucis bene definitur; placet, quod sit *Jus reale*, vi cuius libertas domino alioquin in re sua competens minuitur, ita, ut in commodum nostrum aliquid in suo pati teneatur, vel non facere. Clariss. D. D. Franz. *Inst. hic. Schneid. n. 3.* germanice vocatur *eine Dienstbarkeit. N. Oe. neue Satz. und Ord. de Jurib. incorp. 16. §. 1.*

Dividitur in Servitutem personalem, & realem. Personalis est, quæ personæ debetur, seu quo proxime respicit utilitatem personæ, v. g. *usus, usufructus, habitatio*, de quibus *tit. seqq.* Realis est, quæ rei debetur, sive quæ proxime respicit utilitatem rei, v. g. *Iter, actus, via, &c.* de quibus *hoc titulo.* Servitus realis, quæ alio nomine etiam prædialis nominatur.

Subdividitur in urbanam, & rusticam. Urbana est, quæ debetur prædio urbano. Rustica, quæ debetur prædio rustico.

*Prædium* autem urbanum dicitur, quod præbet usum urbanum, h. e. quod inhabitandi, negotiandi, recreandi causa constitutum est. Rusticum prædium est, quod præbet usum rusticum, h. e. quod ad fructus colligendos, vel asservandos, vel ab stabilienda pecora, exstructum est. Schneid. n. 7. Chlingensp. q. 7. hic.

Illud non refert, an prædium sit in urbe, an extra urbem exstructum, non enim locus, sed materia prædium facit vel urbanum, vel rusticum. l. 198. ff. de V. S.

Unde, ut intelligas, an prædium urbanum an rusticum sit? usum, quem præbet, inspicias; necesse est, & si ille usus sit urbanus, h. e. si ad inhabitandum, negotiandum, vel recreandum destinatus sit, prædium erit urbanum. Econtra, si ille usus sit rusticus, puta, ad

ad reponendos fructus, ad asservanda instrumenta rustica, vel ad stabilienda pecora destinatus, prædium erit rusticum *d. l. 198. ff. de V. S. § l. 166. ff. eod. Cæpolla de servit. tit. I. cap. 1. num. 2. Manz. de servit. tit. I. q. 2. num. 7. Schneid. Inst. n. 7. Clariss. D. D. Franz. n. 8. Schamb. hic. Ex Dictis.*

*Colliges:* licet hortus regulariter, & communiter prædiis urbanis adnumeretur, quia videlicet plerumque recreandi causa exstruitur; si tamen hortus in redditu sit, h. e. *uvas vel olivas* generet, quod incipiat, esse prædium rusticum *d. l. 198.* quia prædium recipit suam denominationem ab usu, & fine, ad quem destinatum est. Sic pariter, licet stabula communiter pro stabulandis jumentis comparata sint, & hoc sensu veniant nomine rusticorum prædiorum; ipsa tamen stabula etiam prædia urbana esse poterunt, puta, si sint meritoria, h. e. pro mercede elocentur, & paterfam. non tam usum stabuli quam mercedem ex usu primario respiciat, vel etiam, si stabula destinata sint ad mansionem pauperum hominum. *Franzkius n. 15. § Schamb. prin. hic. pulchre Clariss. D. Franz. n. 9. §. obs. 5.*

*Ostendit,* quomodo intelligere possis, an prædium rusticum sit, an urbanum? *Janr*

6 Q. I. Quomodo cognosci possit, an servitus sit urbana, an rustica?

*Observa!* Prædium aliud esse dominans: aliud serviens. Illud vocatur, cui debetur servitus. Hoc dicitur, quod debet servitutem. *Mynsing. n. 6. Schneid. n. 5.* Quo prænotato,

*R.* Inspiciendam esse qualitatem prædii, cui servitus debetur. Quod si sit prædium rusticum, servitus erit rustica; si urbanum, erit urbana: servitus enim denominatur a prædio dominante, tan-

quam a digniori. Ita *Franzkius n. 20. Schneid. n. 8. Harp. n. 99. hic.* Unde, licet via sit servitus rustica; si tamen via per fundum tuum debetur meæ domui, dicetur servitus urbana, quia denominatur a prædio dominante, & de se nulla servitus est vel urbana, vel rustica; sed accipit denominationem hanc a principio extrinseco, puta a prædio dominante, *Clariss. D. D. Franz. n. 6.*

*Dices:* Nihil interest, an servitus sit urbana, an rustica: ergo male distinguitur. *R. neg. ant. § consequ.* Interest enim ratione amissionis: servitus enim rustica solo non usu amittitur, non urbana; utpote in qua opus est facto ejus, cujus prædium servit. *l. 15. § 1. ff. quemadmodum serv. amitt.* Hoc ipsum nos infra h. t. latius explicabimus. vide *Cbtingensp. q. 6. ob. un. hic.*

Species servitutis rusticæ Imperator hic 7 in principio varias recenset, I. est iter, germanice *ein Fuß-oder Gang Steig, wann einer einen Weg und Steg über fremde Gründe hat. N. Oe. neue Satz-und Ordn. de Jur. incorporat. §. 2. tit. 16.*

Definitur, quod sit *Jus eundi*, ambulandi hominis per fundum alienum; non etiam *Jumentum agendi*, vel *Vehiculum ducendi*. Casus hujus servitutis potest talis esse: habebam ego fundum, habebas & tu fundum in propinquo; cum in meum ire vellem, opus mihi erat magno circuitu; pactus tecum sum, ut mihi iter concederes per tuum fundum ad meum: tu mihi iter concessisti, ut transire possem; sed neque cum jumento neque cum vehiculo. Ex ista concessione mihi quæsitum est *Jus in fundo tuo*, vi cujus per illum ad meum fundum ire possum, & hoc jus vocatur servitus itineris. *Schneid. n. 11. Manz. n. 4. hic.*

*Dixi I. Jus eundi:* ubi notandum, quod is etiam ire intelligatur, qui sella,



vel leſtica portatur, vel equo incedit. *l. 7. §. l. 12. ff. de ſervit. præd. ruſt.* Ratio eſt tum, quia alias male conſultum foret podagrico, aut valetudinario, iter habenti. Tum, quia, qui alteri concedit iter, in effectu concedit ipſi bipedale ſpatium, per quod poſſit incedere: atqui ſive pedes, ſive eques incedat, ſive ſella, ſive leſtica portetur, non inſumit majus ſpatium; ergo *Manz. n. 10.*

Hæc ipſa tamen *Extenſio* tunc denuo locum habet; niſi inter partes conventum ſit, ut pedibus tantum incedere liceat; tunc enim contractus ex conventionem legem accipit, & pacta ultra mentem contrahentium non ſunt extendenda. *C. 115. de R. J. in 6. l. 84. ff. de R. I. §. l. 1. §. 6. ff. de poſiti.*

*Dixi II. Ambulandi hominis. I. Vox ambulandi* Itionem, & Reditionem denotat; cui enim ire licet, utique etiam redire permiſſum eſt? *II. Vox hominis* additur ad diſtinctionem, *actus, & via*, nam iter eſt *hominum, actus jumentorum, via vehiculorum*. Homines eunt, jumenta aguntur, vehuntur vehicula. *Manz. n. 12. Weſemb. n. 3.*

Illud hic ſingulariter notandum, quod, licet alias in Jure prohibitum ſit, propria autoritate Jus ſibi dicere *l. 13. ff. quod met. cauſ. §. l. ult. Cod. unde vi.* aut alteri vim inferre, *tot. tit. ff. de vi, & vi armata.* Illud tamen limitetur in caſu, quo quis murum, ſepem, ædificium erigit in loco, ubi ſervitus debetur. Hoc enim in caſu, ſi per murum, per ſepem, per ædificium impediatur uſus ſervitutis, poterit dominus prædii dominantis propria autoritate, & irrequiſito Judice ſepem, murum, ædificium intercidere, demoliri, & deſtruere. *l. quemadmodum. 29. §. 1. ff. ad leg. Aquil. in illis verbis: Jure ſuo poteſt eum intercidere. Schneid. Inſtit. hic. n. 15. Brunnem. in d. l. 29. §. 1. pro defen-*

sione enim Jurium incorporealiſium vim vi licet repellere. *l. 1. §. 2. ff. de itin. actuque privato. Schneid. d. l. Gail. 1. obſ. 147. num. 2. Stephan. de Jurisdic. lib. 1. cap. 49. Menoch. remed. 3. retinend. poſſ. n. 29. Reſenthal. de feud. cap. 10. concl. 41. vide N. Oe. ſt. Satz und Ordnung, loc. cit. §. 6. Welcher ſich in ſeinem rechtmäßigen Proceß wider eines andern Gewalt; und unbefugtem Angriff, auff gebührende in Rechten zugelassene Weiſs ſelbſt ſchützt, und handhabet, der kan deßwegen keines Gewalts beſchuldiget, noch angeklagt werden.*

*II. Servitus ruſtica eſt actus, noſtro* 8  
idiomate ein Trieb: alii vocant ein Fabr-Weeg.

Definitur, quod ſit Jus agendi Jumentum, vel Vehiculum per prædium alienum ad noſtrum. *text. hic. §. in l. 1. ff. de S. P. R.* Unde advertis, in quo differat *actus* ab *itinere*, nam, qui Iter habet, Actum non habet; econtra, qui actum habet, etiam iter habet. Qui ergo actum habet, non tantum habet Jus agendi jumentum, vel vehiculum ducendi, ſed etiam eundi, & ambulandi ſine Jumento, quia, cui licet, quod eſt plus, ei non debet denegari, quod eſt minus, *c. cui. licet. de R. J. in 6.* atqui plus eſt jumentum agere, & vehiculum ducere, quam ire & ambulare; ergo. Ratio alia, quia uno conſeſſo omne illud conſeſſum videtur ſine quo alterum expediri non poteſt. *l. 2. ff. de Jurisdictione*; atqui jumentum agi, h. e. ante ſe propelli, & abigi, ſeu agitari non poteſt, niſi inſequatur homo, & ambulet; ergo. *Manz. num. 22. Harp. num. 48. §. n. 49. hic.*

*Dices: ex dictis ſequitur, quod iter actui abeſſe non poſſit; ſed iter poteſt ab actu eſſe l. 1. §. 1. ff. ſi ſervit. vind. ergo. R.* Iter dupliciter conſiderari poſſe, in *abſtracto*; & in *concreto*. In *abſtracto* conſi-

consideratum h. e. quatenus solam iri-  
nem sine jumento includit, non conti-  
netur in actu d. l. 4. §. 1. In concreto  
vero consideratum, h. e. quatenus necessa-  
rium est ad agendum jumentum, formaliter,  
& essentialiter in actu includitur; cum  
nemo possit agere, nisi eundo insequatur  
jumentum, & de hoc itinere intelli-  
genda est l. 1. ff. de admen. legat. ubi  
dicitur, quod actus sine itinere esse non  
possit. Harp. n. 52. Hunn. n. 2. ent. vol.  
lib. 2. tract. 2. q. 2. v. Ex dictis

I. *Agero*, quod inter partes recte conve-  
niri possit, ut quis actum habeat, non  
vero iter, in abstracto sumptum; hoc  
enim in actu essentialiter non continetur.

Sane, si actus simpliciter concessus  
fuerit, iter quoque, in abstracto sumptum,  
intelligitur concessum. l. 1. ff. de S.  
P. R. l. 58. ff. de V. O. l. 9. §. ff. de No-  
vat. Chriff. D. Franz. n. 25. & communi-  
ter omnes.

9 III. Servitus rustica est *Via*, germa-  
nice eine Dienstbarkeit, vermög dero einer  
nicht alleine gehen, reiten, fahren: son-  
dern Baum und Stein darüber führen,  
schleiff- oder stützen kan.

Definitur, quod sit *Jus eundi*, ambu-  
landi, agendi jumentum; vehiculum du-  
cendi, lapides, trabes, & tigna trahendi,  
& rectam hastam ferendi, h. e. exercitum  
per alterius agrum, vel fundum ducen-  
di; modo fructus non lædat, l. 7. ff. de  
S. P. R. Schneid. num. 19. hic. Aliter ista  
verba: rectam hastam ferendi interpretan-  
tur Manz. num. 27. Schamb. hic.

Differt via ab actu I. quia, qui viam habet,  
non tantum habet jus eundi & agen-  
di jumentum, sed trahendi lapides, tra-  
bes, tignum, &c. adeoque latius patet.  
Harp. n. 64. II. Latitudo viæ in Jure de-  
terminata est, videlicet, ut porrectum

octo pedes, in anfractum vero, ubi  
flexum, & sinuosum est, sedecim pedes  
contineat, l. 8. ff. de S. P. R. contra vero  
latitudo actus nullibi reperitur definita.  
Manz. num. 28. Franz. num. 26.

IV. Servitus rustica est *Aqueductus*,  
in nostra vernacula sine W.

Wann einer befähigt, quod sit *Jus ducendi aquam*  
per fundum alterius. Dicitur ducendi a-  
quam, ut differat ab Aquæ haustu, quæ  
servitus imponitur illi aquæ, quæ duci  
non potest, veluti puteali. Manz. n. 35.

V. Est *Aquæ haustus*, quæ est Jus hau-  
riendæ aquæ ex fonte privato, vel alia  
aqua vicini.

Circa hanc servitutem notanda sunt  
duo. I. Ut is, cui acquiritur, habeat vi-  
cinum prædium, l. 1. §. 1. ff. de S. P. R.  
licet enim tunc aqua hauriatur pro utili-  
tate personarum, quæ vicinum prædium  
possident, ista tamen servitus realis dici-  
tur, quia debetur a re respectu, & con-  
templatione prædii vicini, & consequen-  
ter illud Jus reale est, & transitorium  
ad hæredes. Quod si acquirens non ha-  
beat prædium vicinum, sed forte ex con-  
ventionem tantum pro utilitate suæ perso-  
næ aquæ haustus ei concessus fuerit, di-  
citur Jus personale, quod cum persona  
extinguitur, l. 4. ff. d. t. Schneid. num. 27.

II. Notandum, quod, concessa hac  
servitute, iter quoque ad aquam, ac id  
omne, sine qua ad puteum perveniri  
non potest, concessum esse intelligatur,  
l. 11 §. 1. ff. comman. præd. l. 3. §. qui ha-  
bet. ff. de S. P. R. Harp. n. 38. Schneid.  
num. 27. Clariff. D. D. Franz. n. 28. hic.  
Concordat Jus Austr. neue Satz und Ord-  
nung de Jur. incorp. tit. 16. §. 7. Welcher  
aus einen Brunnenquell, oder einen Schöpf-  
Brunnen auf frembden Grunde das Wasser  
zu seinem Haus, oder Grunde zu nehmen,  
besuget

befuget ist, der hat die Gerechtigkeit des Steigs zu solchem Wasser, und also entgegen.

11 VI. Servitus rustica est Jus pascendi, germ. Vieh-Trieb. Wann einer befuget, sein Vieh, in frembden Auen, und auf anderer LeuthGründen zu halten und zu weyden. Describitur, quod sit facultas pascendi *in alieno fundo*.

jus villæ, vel civitatis <sup>publica</sup>, alia privata. prata, agros vel sylvas, in quibus omnes & singuli de universitate sua pecora pascere possunt.

Privata sunt, quæ alicui privato Jure proprio in fundo alieno (forte ex *emptio- ne*, *venditione*, *legato* vel *præscriptione*) competunt. Harp. n. 91. Capolla tract. de serv. rust. præd. c. 9. n. 4. Berlich. p. 2. concl. 49. num. 2. Schneid. num. 40.

Cæterum, tamen si appellatione Pecoris contineantur omnes quadrupedes, quæ gregatim pascuntur, l. 65. §. pecoribus. ff. de legat. 3. Servitute tamen pascendi uti aliter quis non potest, quam est in conventionem vel præscriptionem, arg. l. 1. §. 6. depositi. Ubi dicitur, quod contractus ex conventionem legem accipiat, & l. 1. §. si quis ff. de itinere, actuque privat. Ubi statuitur, tantum esse præscriptum, quantum possessum. Unde

Infero, si inter partes convenerit, tantum de pascendis ovibus numero centum; non possint ibi boves, vel ultra centum oves pasci. Schneid. n. 31. Harp. n. 110. Capolla loc. cit. cap. 9. n. 17. Berlich. d. loc. concl. 49. n. 10. Item statuit N. Oe. Satz und Ordnung de Jur. incorp. §. 14. Wessen sich &c. i. e. Uti aliquis cum vicino de pecoribus in hujus fundo pascendis: uti etiam usu pacifico longi temporis seu 32. annorum factum erit; ita erit porro utendum, nec sine permissu domini in majus progrediendum.

Q. II. An dominus prædii servientis possit loca, in quibus debet alteri servitutem pascendi, mutare, & reducere ad culturam, invito domino prædii dominantis?

Ratio dubitandi I. est, quia quilibet est rei suæ moderator, & arbiter; l. 21. Cod. mandati. II. ex l. 24. §. ult. ff. de damna infecto, ubi diserte cautum est, licere mihi puteum fodere, etiam si vicini putei venæ præcidantur; ergo possum alteri in fundo meo facere, licet id

Verum his non obstat, quod prædium serviens mutari non potest; præmutationem conditio prædii dominantis reddatur deterior. Ita Gail. lib. 2. observ. 67. n. 10. Bach. ad Treutl. vol. 1. disp. 17. th. 16. in fine. Schneid. n. 33. & seq. Capolla d. cap. 9. n. 4. fuse Berlich. p. 2. conclus. 49. n. 24. Surdus consil. 65. N. Oe. Satz und Ordnung. loc. cit. §. 16. ubi omnino vide.

Prob. per l. 1. §. 4 ff. de aqua pluvia arceda. ubi in hæc verba rescribitur? Sic debet aliquis agrum suum meliorem facere, ne vicini deteriorem faciat; atqui unque deteriorem faceret, si quis forte vellet ex prato stagnum, aut ex sylva vites facere; ergo.

Accedit l. 9. Cod. de servit. ubi dicitur, quod ædificans contra debitam servitutem teneatur id demoliri suis sumptibus; ergo signum est, quod conditionem prædii dominantis non liceat reddere deteriorem.

Ad Rationes dubitandi patet Solutio. I. enim procedit, nisi alteri in fundo illius Jus, seu servitus aliqua competat.

II. Eadem solutione permittitur, scilicet, possum in meo fundo puteum fodere, licet venæ alterius putei præcidantur; nisi alter Jus, aut servitutem habeat, vigore cujus mihi non permissum est, puteum in meo fundo fodere.

Præter

Præter servitutes rusticas, hæcenus enumeratas dantur adhuc plurimæ, puta, calceis coquende, arenæ fodiente, eximendi cretam, sumendi pedamenta, ligandi, faciendi figulinam, habendi tugurri, &c. de quibus vide Manz. tract. de servit. tit. 3. q. 70. n. 324. & seqq.

## §. PRÆDIIORUM. I.

14 Servitutes urbanæ sunt, quæ prædiis urbanis debentur, h. e. quæ habitandi, recreandi, commercia tractandi causâ factæ sunt, sive in urbe, sive extra urbem, quia non locus, sed materia, sive usus facit prædia urbana, vel rustica d. l. 123. ff. de V. S.

15 Servitutes urbanæ alix sunt affirmativæ; alix negativæ. Et per hanc Divisionem differunt à rusticis servitutibus, utpote quæ omnes sunt affirmativæ, & per negationem non constituuntur, Schneid. n. 2. Franknum. 3.

Affirmativæ sunt, quæ eò tendunt, ut teneatur vicinus aliquid pati, vel sustinere, v. g. oneris ferendi, tigni immittendi, altius tollendi, stillicidii avertendi &c.

Negativæ sunt, quæ eò collimant, ut vicinus, prohibeatur aliquid facere, vel cogatur aliquid omittere contra naturalem libertatem ædium suarum. Manz. n. 6.

16 Prima Servitus urbana est servitus oneris ferendi; quæ dicitur esse Jus, vi cuius vicinus noster tenetur pati, ut paries, vel columna in area ipsius posita onus ædium nostrarum sustineat. Germanicè: eine Dienstbarkeit, vermög dero einer befuget ist, auf, oder an seine eigene Mauer seinen nächsten Nachbarn zu bauen N. Oe. Satz- und Ordnung. loc. cit. §. 1.

Ista servitus hoc habet speciale, quòd dominus prædii servientis teneatur murum, parietem vel columnam, quæ fert onus servitutis, suis propriis sumptibus

Kees ad hystituta.

reficere, & oneri ferendo idone in reddere, si fortè collabatur, aut labem contrahat, l. 33. ff. de S. P. U. Franz. num. 5. hic. Harp. num. 8. & ceteri omnes. sumptus tamen fulturæ spectant ad illum, cui servitus oneris ferendi debetur, l. 8. ff. si servit vind. Schneid. n. 4.

II. Servitus urbana est Jus immittendi tigni, vulgò das Trun-Recht.

Definitur, quòd sit Jus, vi cuius vicinus in parietem sui vicini ita trabem potest immittere, ut in utroque prædio, tam dominante, quam serviente requiescat, l. 2. ff. de S. P. U.

Observe quòd licet regulariter nomine tigni, camenta, lapides, tegule, calce, arena, & omnis materia, ex qua sunt ædificia, veniant, §. 29. Inst. de R. D. & l. 62. ff. de V. S. hic tamen tignum tantum sumatur pro trabibus immissis. Schneid. n. 5. Harp. num. 13.

Q. III. Quid Juris, si non habens servitutum tigni immittendi in meum parietem, immittat trabem? R. quòd possim talem trabem propria autoritate tollere, & intercidere, d. l. quemadmodum 29. §. 1. ff. ad leg. Aquil.

Quæ ipsa lex cum semper allegari soleat, si quis, non habens servitutem, murum in fundo alieno fabricet, vel sepe merigat, ideò, ut illam memorizè tenaciter imprimas, te iterum iterumque moneo. Vide Schneid. num. 5. hic. Capoll. de serv. urban. præd. cap. 3.

Sed ain! quæ est ratio specialitatis, quòd trabem, in meum parietem sine Jure servitutis immisam, propria autoritate tollere & intercidere possim, cum tamen in l. exstet. 13. ff. quod mæ. caus. severè prohibeatur ne quis propria autoritate sibi Jus dicat. R. Rationem specialitatis communiter in eo poni; quia quòd in meo solo ponitur, vel ædificatur, solo cedit, atque ita meum sit



§. 3. *Inst. de R. D.* Ideoque, si destruo illud, vel incido, videor destruere potius id, quod est meum quam quod alterius; rebus autem meis uti, vel abuti possum, l. 21. *Cod. Mandati*. Ita quoque ex *Harp. num. 17. hic. R.* quando nimirum ante unius anni, & quod excurrit, revolutionem pro *Actu repetitionis* ad Inclytam Facultatem Juridicam more solito rigorosè tentabar.

20 III. Servitus est *Stillicidii*; quæ duplex *affirmativa*, & *negativa*, sive *avertendi*, & non *avertendi* *stillicidii*.

Servitus *stillicidii* advertendi est *Jus*, vi cuius aliquis potest aquam *pluviale* à suo *tecto* avertere, & derivare in *aream*, vel *vicini cloacam*, per quam *sordes* effluunt, & eluuntur. *Manz. num. 16.*

Servitus *stillicidii* non avertendi est *Jus*, vi cuius vicinus *stillicidium*, quod cadit in *meam aream*, non potest avertere ad suam domum, ita, ut non cadat in *meam aream*. Quæ ipsa servitus quandoque esse potest perquam utilis; fac enim, *hortum esse irrigandum*, *implendam cisternam*, aut *sordes evehendas*, nunquid hoc in casu servitus memorata perquam conducit?

21 IV. Servitus urbana est *altius tollendi*; & *altius non tollendi*

Servitus *altius tollendi* est *Jus*, vi cuius vicinus noster non tenetur pati, ut *ædes nostras altius*, quam fortè de *statuto civitatis* obtinet, tollamus, l. 2. ff. de *S. P. U.* Vel ista servitus eatenus etiam competere potest, ut vicinus meus teneatur vigore servitutis mihi debitæ suas *ædes altius tollere*.

Quæ servitus utilitate, & dignitate non minima est, tum ne impetus ventorum noceat; tum ut altitudo domus umbram præstet ei loco, quo fortè solis radii grati non sunt. Fac enim, ædibus tuis vicinum esse mercatorem, nunquid

hujus interest, habere opacas, & umbratiles tabernas? sic enim vitiosæ merces sine observatione vitii facilius vendi, & distrahi possunt. *Schneid. n. 18.*

Dices: ex *jure naturæ* cuilibet concessum est, elevare suas *ædes* usque ad *cælum*, l. 14. ff. de *S. U. P. l. 8. Cod. de servitut.* ergo non datur servitus *altius tollendi*; hac enim opus nemo habet, si *Jure naturæ* quis *altius* potest *ædificare*. Mirum in modum se torquent *DD.* circa *Solutionem* hujus *Argumenti*, & ferè tot sunt *soluciones*, quot hac de re *discurrentium capita*.

*Bichov. ad Treutl. vol. I. disp. 17. tb. 2. lit. D.* solidè, & perquam subtiliter hac de materia *discurrit*, atque negat, dari servitutem *altius tollendi*, idque non sine magna *ratione*. Verùm; ne rimando hanc subtilitatem, aut ei diu inhxerendo tibi vel *difficilis*, vel *tædiosus* fiam, [non enim omnes sunt amantes subtilitatum] ideò

*R.* ad *argumentum dist. ant.* Ex *Jure naturæ* cuilibet concessum est, elevare *ædes* suas usque ad *cælum*, nisi *statuto civitatis*, vel *consuetudine loci* aliud *introducitur* sit, *con. ant. secus neg. ant. & conseq.* Nunquid potuit in civitate *statutu* fieri vel *consuetudine* *introduci*, ut certam *altitudinem*, invitò vicino tuo, *ædificando* *excedere* nequeas? Hoc in casu utique tibi opus est servitute *altius tollendi*, si *altius*, quàm de *statuto civitatis* *permisum* est, *elevandi* *ædes* *volupe* sit. Deinde fac, contra te *præscriptum* esse, ne *altius* tollas *ædes* tuas. Nunquid hoc in casu opes habes servitute *altius tollendi*, si *elevare* *ædes* velis? Ita *R. Vinn. Inst. hic. n. 6. Harp. n. 32. Gail. lib. 2. obs. 69. Chlingen. p. q. 10 obj. 1. Manz. tract. de servit. tit. 2. q. 22. n. 92. Wensleb. in prætit. de S. P. U. n. 3. Hunn. var. resol. lib. 2. tract. 2. q. 8.*

Urges:

*Urget* : Si de statuto civitatis , vel consuetudine certa ædificandi forma præscripta est : quomodo poterit deinde vicinus meus per actum vel conventionem constituere servitutem altius tollendi , cum tamen per privatorum pacta Juri publico derogari nequeat, *l. 28. ff. de pact. R.* tale statutum , vel consuetudinem , vigore cujus invito vicinò suò , non est permissum certam altitudinem ædificando excedere , non cenferi primariò , & principaliter in favorem , & utilitatem publicam introductam , sed duntaxat secundariò , & primariò in utilitatem privatorum. Jam verò *d. l. 38.* intelligenda est de casu , quo primario & principaliter rotatur publicus favor.

Servitus altius non tollendi est *Jus* , vi cujus vicinus noster ædes suas in commodum prædii nostri tenetur habere depressas, *text. hic. Et in l. 2. ff. de S. P. U.*

22 V. Servitus urbana est , ne luminibus officiat , germ. *daß man einen nicht darff das Licht oder Fenster verbaueu.* Definuitur , quod sit *Jus* , vi cujus vicinus noster mihi potest facere per quod lumen ædium nostrarum diminuat , *l. 4. ff. de S. P. U.*

23 Q. IV. An ergò vicinus meus ædificando lumina , & fenestras meas obscurare possit , si mihi non competat servitus ne luminibus officiat ? *R.* posse ita dilertè docet. *l. 9. ff. de S. P. U.* his verbis : cum eo , qui tollendo obscurat vicini ædes , quibus non serviat , nulla competit actio. Accedit *l. 24. §. ult. ff. de damno infecto.* ubi sancitur ; cuilibet in suo ædificare permissum esse , tametsi alteri noceat. Unde sequitur , me meo vicino prohibere non posse , quò minus adversus mea lumina ædificet , nisi servitus , ne luminibus , officiat , mihi competat. *Manz. 36. Capolla de S. P. U. cap. 62. n. 5. Brunnem. in d. l. 9.*

Lentatur tamen *d. l. 9.* notanter in

casu , quo quis ex invidia , vel æmulationis gratiâ alteri vellet obscurare lumina , ut tunc non procedat. *Mascard. de probat. conclus. 261. n. 17. Gail. lib. 2. obs. 69. n. 14. Brun. d. lo.*

*Dices* : Servitus , altius non tollendi , & servitus , ne luminibus officiat , inter se non differunt , quia utraque eò tendit , ne obscurentur lumina ; ergo non est necesse , ut nova species constituatur *R. neg. ant. Et conseq.* Servitus enim ne luminibus officiat , plus habet utilitatis quàm servitus , altius non tollendi , hanc enim qui debet , tantum obstringitur , altius ædificando non nocere luminibus : adeoque lumen , ponendo arbores , vel viridaria , obscurare non prohibetur , *l. 12. ff. de S. P. U.* Illam verò qui debet , neque arborem , neque viridaria ponere potest , ut luminibus officiat. *H. op. n. 36. Frantzkin. n. 16. Hum. var. resol. lib. 2. tract. 2. q. 4. Clariss. D. D. Franz. Inst. hic. n. 17.*

VI. Est servitus luminum , germ. *daß*<sup>24</sup> *Licht - Recht.* quæ est *Jus* , vi cujus vicinus noster tenetur pati , ut per fenestram , in suo priviete apertam , lumen delabatur in ædes nostras , *l. 16 ff. de S. P. U.* Dixi in suo i. e. vicini. Sed.

Q. V. An ego , circa *Jus* constituta servitu-<sup>25</sup> *tit.* possim in meo pariete aperire fenestram , perquam in alienam prospiciam ? *R.* regulariter , ita tamen , ut vicissim vicinus meus , altius ædificando , vel aliò modo fenestram obscurare possit. Ita *Hunn. ad Treutl. vol. I. disp. 17. q. 9. hach. ibid. th. 3. lit. A. Zoef. ff. de S. P. U. Chlimgensp. q. 11. hic. Schamb. Inst. hic. Manz. tract. de Servitut. tit. 2. q. 64. n. 9.*

*Prob. per l. 8. §. Aristo. §. ff. si servit. vid.* ubi cuilibet licet in suo facere , quod ipsi libet dummodò nihil immittat in alterius ædes : atqui aperiens fenestram in suo pariete in alienum nihil immitit ,

G g 2 licet

licet enim prospiciat in alienum, oculos tamen domi & in capite retinet; ergo &c.

Dixi *regulariter*, sicuti enim supra q. 4. *conclusimus*, quod æmulationis gratia alteri nemo possit obscurare lumina; ita etiam hic ponenda est limitatio, nimirum ista, quod æmulationis causa fenestram in suo pariete aperire non liceat. Ita *Gail. loc. cit. n. 17. Mascard. d. lo. Obliq. loc. cit. & omnes supra allegatis, confer & Feinsternwald. tib. 3. obs. 52.*

25. *Est aut?* quid est, æmulationis gratia lumina ædificando obscurare vel fenestram in suo pariete aperire?

Pulchrè id explicat *Gail. loc. cit. n. 18. Mascard. n. 11.* ubi varios in hujus rei explicationem casus adducunt. Mihi videtur tunc vel maximè ad æmulationem quid fieri, si quis ædificet ideò tantum, ut in domum alterius possit prospicere, & fortè Monachas, haud procul habitantes, in conspectu habere, nihil inde aliud laturus lucri, quàm ut alteri molestus sit. *Gail. d. lo. n. 26.* Huc pro dilucidatione facit Responsum. *Scabin. Lips.* quod allegat *Brunem in l. 9. ff. de S. P. U. dasz ihr nicht Fug habt. &c. i. e. quod jure non agis, cum vicino lumina facere volenti obstat; nisi in aliqui ades illuminare sufficienter queat, idque operis suscipiat magis creanda tibi molestia causa quàm ex necessitate.*

#### §. IDEO AUTEM. 3.

27. Postquàm Imperator præcipuas Servitutum, tam rusticarum, quam urbanarum species retulit, nunc in presenti § rationem reddit, quare has servitutes prædiorum appellet, aitque ideò, quoniam nemo potest acquirere servitutem, habere potest, nisi pariter prædium habeat; prædia enim sunt subjecta servitu-

tum, & servitutes sunt quasi adjuncta prædiorum, atqui adjunctum non potest subsistere sine suo subjecto, *l. 126. §. 1. & l. 178. ff. de R. J. Harp. hic. n. 2. Manz. n. 1. Perez. Inst. hic.*

Non obstat *l. 23. ff. de S. U. P.* ubi futuro ædificio servitus imponi potest nam tunc non *realiter*, sed tantum in *spe.* & velut sub *conditione* imponitur, si ædificium extructum fuerit interim Jure servitutis manente in suspenso. Deinde talis servitus potest fundari in ipsa area, atque hinc non est absque omni subjecto. *Vinn. Inst. & à Sommeting. n. 11.* Ex dictis

*Colliges*, ad hoc, ut quis servitutem constituere possit, requiri, ut prædium habeat, *h. e.* prædii dominus sit, *text. hic. & in l. 1. §. junctà l. 6. ff. commun. præd.* Unde ex defectu hujus conditionis servitutem non potest imponere I. Maritus in re dotali, *l. 5. ff. de fund. dotal.* his verbis: *Julianus scripsit, neque servitutes, fundo debitas, posse maritum amittere, neque ei alias imponere.* II. Tutor, vel curator fundo pupillari sine decreto, *l. 3. §. 5. ff. de reb. eor. qui sub tut. sunt.* III. Prælati Ecclesiæ fundo Ecclesiastico, *l. Jubentus. Cod. de SS. Eccles. Clariss. D. D. Franz. Inst. hic. num. 45.*

Q. VI. *An Vassallus fundo feudali, vel 28 emphyteuta fundo emphyteutico possit servitutem imponere?* R. *regulariter posse, quia loco dominorum habentur, & domini appellantur, l. 12. Cod. de fund. patrum.* Ita tamen, ut talis servitus non fiat perpetua, sed, extincto Jure vassalli, vel emphyteutæ expiret; resolutio enim Jure dantis resolvitur & Jus accipientis, *l. 31. ff. de pignor. 2. feud. tit. 8. & quid ergo Harp. n. 28. Manz. tract. de servit. tit. 1. q. 13. n. 176. Schneid. Inst. n. 3. Rosenthal. de feud. cap. 9. conclus. 13.*

*Aliter*

Aliter se res habet, cum vassallus, vel Emphyteuta servitutem acquisierit; illa enim resoluta Jure auctoris non perit, quia meliorem conditionem feudi, vel emphyteusis facere licet. *Manz. loc. cit. non. 178. Schneid. num. 5.*

### §. SI QUIS FIN.

29 Q. In hoc §. quibus modis constituuntur, & acquirantur servitutes? & R. eis constitui duobus modis, puta, actu inter vivos, & ultima voluntate.

Actu inter vivos constituuntur servitutes, v.g. per *Passiones*, & *Conventiones*, h. e. per contractus, puta, *stipulationis*, *emptionis*, *venitionis*, *permutationis*, *donationis*, &c. Ubi tamen subtiliter observandum, ipsam promissionem servitutis separandam esse à constitutione ejusdem; nam promissio servitutis nihil aliud operatur, nisi Jus ad rem, seu obligationem personalem, ex qua promittens conveniri potest, ne servitutem constituat, *arg. l. 3. ff. de O. & A. & l. 20. Cod. de pact.*

Ipsa autem constitutio servitutis non aliter fit, quam secuta traditione; quæ traditio aliter fit in servitute *affirmativa*, aliter in servitute *negativa*.

In servitute affirmativa vicem quasi traditionis sustinet usus unius, & patientia alterius, *l. ult. ff. de servit.* Itaque, si ex stipulatu tibi adspendi servitutem itineris, & tu per fundum meum actu eas, illudque ego patiar, dicitur Jus servitutis tibi quasi traditum esse.

In servitute negativa locum traditionis occupat omissio actus quem alioquin in re nostra exercere possumus, v. g. placuit inter nos, ne in gratiam prælii tui altius ædes meas tollerem, non sustuli, hæc omissio vicem traditionis sustinet, ac Jus servitutis operatur. *Manz. last hic. n. 32. Vinn. n. 2. Harp. n. 2. Chlingensp. 1. 13.*

Ultima voluntate constituitur servitus, v. g. per *legationem*, per *donationem mortis causa*, per *fidei commissum*; non enim dubitandum est, qui testator heredem suum damnare possit, ne tollat altius ædes suas, ne luminibus officiat, vel ut patiat vicinum in suum parietem signum immittere, vel per fundum suum ire, agere, aquam ducere, &c. Ratio est quia, quod alicui licet inter vivos, multò magis licet in ultimis voluntatibus, *arg. §. n. 12. Inst. de leg. fuf. can. toll. Manz. num. 12.*

Et quidem si per actum ultimæ voluntatis constituatur servitus, non opus est quasi traditione; illa enim transit ipso Jure, ita, ut legatarius statim actione reali experiri possit. *l. 8. ff. de legat. 2. Bichov. ad Treutl. vol. 1. disp. 16. th. 3. lit. A & vol. 2. disp. 13. th. 1. lit. D.*

Præter recensitos modos constituendi, & acquirendi servitutes occurrunt adhuc varii, puta, *præscriptio*, *adjudicatio*, *consuetudo*, &c.

Præscriptionem quod attinet, circa 30 illam Jus vetus secernendum est à Jure novo. Jure veteri servitutes tanquam incapaces veræ possessionis, usu capi non poterant *l. 14. ff. de servit. l. 43. §. 1. ff. de A. R. D.* Jure autem novo servitutes sicuti res corporales, præscriptionem admittunt, & quidem inter præsentis decennio, inter absentes vero vicenniò. *l. ult. Cod. de præscript. long. temp. Vinn. lib. 1. select. quest. cap. 31. Harp. n. 7. Schneid. n. 5. Schamb. hic.*

Dices: Jura incorporalia nonnisi triginta annorum spatio præscribuntur, *l. 3. Cod. de præscript. 30. vel. 40. ann.* sed virtutes sunt Jura incorporalia, *d. l. ult.* ergo R. a constitutione *d. l. 3.* exceptionem dari in servitutibus; hæc enim non considerantur, ut reliqua Jura incorporalia, sed, ut accessio, & pars rei



immobilis, cujus naturam sequuntur; sicuti ergo res immobiles longò tempore, puta, decennio inter absentes, prescribuntur, ita quoque servitutes. Harp. loc. cit.

De Jure Austriaco circa constituendas, & acquirendas servitutes res ita se

habet: *Beyderley Dienstbarkeiten &c. i. c.* Utriusque generis servitutes possunt testamento aliave quavis ultima voluntate, pacto inter vivos, uti placuerit constitui; possunt utique prescriptione 32. annorum acquiri. Sicuti autem id singulis locis ex usu veterique consuetudine obtinuit, ita & in posterum servetur.

## TITULUS IV.

## DE USU-FRUCTU.

## SUMMARI A.

- 1 Servitutes personales alie sunt nominate alie innominate.
- 2 Quid sit Usus fructus?
- 3 Usus - fructus alius est formalis alius causalis.
- 4 Item alius legalis alius non legalis.
- 5 Denique alius proprius, alius improprius.
- 6 Quomodo constituitur Usus - fructus?
- 7 Item in quibus rebus?
- 8 An in rebus fungibilibus?
- 9 An quasi Usus - fructus pacto constitui possit?
- 10 Quomodo quasi Usus fructus à mutuo differat?
- 11 An vestimentorum sit verus vel quasi Usus - fructus?
- 12 Qualis cautio prestetur in vero?
- 13 Et qualis in quasi Usu - fructu?
- 14 Item, an sit de substantia Veri?
- 15 Vel quasi Usus - fructus?
- 16 Quomodo expiret Usus fructus?
- 17 Quamdiu duret Usus - fructus Ecclesie relictus?
- 18 An pater, ingrediens monasterium, amittat Usum - fructum?
- 19 Non utendo quomodo amittatur Usus - fructus?

20 An domo destructa Usus - fructus in area conservetur?

21 An Usus - fructus possit extraneo cedi?

22 Item, an extraneo cedendo, amittatur?

**D**ictum est de servitutibus realibus. Sequitur recta methodo de personalibus; puta, de Usufructu, Usu, & Habitatione.

Dividuntur servitutes personales in nominatas & innominatas. Nominatas appello, quæ certum à Jure nomen habent, v. g. Usus - fructus, usus, & habitatio. Innominate voco, quæ utilitatem personæ proximè quidem respiciunt, non tamen certum nomen habent. Sic quælibet ferè servitus realis in personalem mutari potest. Ut ecce! si apte natura servitus itineris est realis. Quod si mihi soli sine respectu ad utilitatem prædii Jus eundi per fundum tuum concedas, degenerat in servitutem realem. Item aquæ ductus est servitus realis, & tamen migrare potest in speciem servitutis personalis, si præcisè constitutur recreationis causâ, l. 37. ff. de S. P. R. Ita Clariss. D. D. Franz. hic. *Ving. in princ. Lauterbach. Colleg. ff. lib. 7. tit. 1. §. 5.*

## AD PRINCIP.

2 *Definitur Usus - fructus, quod sit, Jus utendi fruendi aliena re, salva manente ejus substantia. text. hic. & in l. 2. ff. eod.*

Dicitur I. *Jus, h. e. facultas, & potestas re in usumfructum data utendi, & fruendi, Manz. num. 2. Harp. num. 5. Myns. num. 2.*

Dicitur II. *Utendi, per quam particulam differt usus - fructus à Jure Pignoris; hoc enim uti citra crimen furti non licet, §. 1. Inst. de oblig. ex delict. Mynsin. loc. cit. Schneid. num. 7. Perez hic.*

Dicitur III. *Fruendi. Quæ vox fecerit usum - fructum ab usu, qui enim usum habet, uti solummodò, non frui potest, h. e. usuarius ex re in usum concessa tantum duntaxat percipere potest, quantum necesse habet ad quotidianam sustentationem. Contrà vero fructuarius omnes pignitus fructus, omnes redditus, omnesque proventus percipere potest, quos res in usumfructum data progenerat, l. 7. ff. h. t. latius proinde patet usus - fructus, quam usus, prout latius DEO volente, Tit. seq. videbimus.*

Dicitur IV. *Rebus alienis, res enim propria nemini servit. l. 3. ff. si usus. petat. & per istas particulas differt usus - fructus formalis à causali, de quo paulò post differemus.*

Dicitur V. *Salva manente ejus substantia his verbis duo præcipuè ostenduntur. I. Versatur circa officium usu - fructuarii, quod videlicet re fructuariâ ita uti frui debeat ne proprietatem deteriore reddat, l. 9. §. 2. l. 13. l. 65. ff. h. t. II. Est quod ususfructus in iis rebus propriè & verè constituatur, quæ usu non absumuntur; tales sunt fundi, ædes, jumentata, servi. Ususfructus enim est Jus in corpore, quo sublato, & ipsum tolli*

*necesse est text. hic, Harp. num. 34. Manz. num. 9. Schamb. hic.*

*Dividitur I. Usus - fructus in Causalem 3 & formalem. Causalis est qui conjunctus est cum causâ sive proprietate rei. Talem usum fructum quilibet dominus habere dicitur, & de hoc nobis sermo non est. Formalis est, qui à proprietate separatus est, ita, ut apud unum sit proprietas, apud alterum verò ususfructus. Chlengenp. Inst. h. t. q. 3. Harp. n. 22. & de hoc nos loquimur; isque*

*Dividitur II. In legalem & non legalem. 4 Legalis est, quem ipsa lex proxime constituit; sic constituit lex patri usum - fructum in bonis adventitiis filiiam. l. 6. Cod. de bon. quæ liber.*

*Non legalis est vel judicialis, vel conventionalis. Ille est, quem Judex in judiciis divisoriiis constituit, v. g. familiæ herciscundæ, communii dividundo; si enim res commodam divisionem non recipiat, solet Judex uni proprietatem, alteri usum - fructum assignare, atque decernere l. 6. ff. h. t.*

*Conventionalis est, qui constituitur facto hominis, vel per actum inter vivos, v. g. stipulationem, emptionem, venditionem, donationem, &c. Vel per actum ultimæ voluntatis, ut in testamento, vel codicillo, expressè legando usum - fructum, retentâ hæredi proprietate. Schneid. n. 2. §. 3. Franz. Inst. hic. n. 2.*

*Dividitur III. Usus - fructus in proprium 5 & improprium. Proprius est, qui constituitur in rebus, quæ post usum salvæ manent, v. g. domo, fundò, jumentò. Impropius, vel quasi usus - fructus est, qui constituitur in rebus, quæ usu absumuntur, v. g. vinò, oleò, fumentò. Harp. n. 24.*

## §. U S U S - F R U C T U S. I.

*Q. hic, quibus modis constituatur ususfructus? R. Imperator, id pluribus modis*

dis accidere I. *Per ultimam voluntatem*, si nimirum testator hæredi suo relinquat proprietatem, & extraneo leget usum-fructum, *text. hic. & l. 3. ff. h. II. Per actum inter vivos*, i. e. per actiones, stipulationes. *text. hic III. Per legem*, si lex de facto patri in bonis adventitiis filii- tam. utum-fructum attribuit *l. 6. Cod. de bon. qua lib. IV. Per judicem*, quando Judex in Judiciis divisoriiis uni usum-fructum alteri proprietatem adjudicat *l. 6. §. 1. ff. h. t. V. per longi temporis præscriptionem* puta, decennio inter præsentis, vicennio vero inter absentes, *l. fin. Cod. de præscript. long. temp.* ita tamen ut cum persona præscribentis extinguatur; in perpetuum enim ususfructus constitui non potest, ne proprietas reddatur inutilis. *Schneid. n. 5. De Jure Austriaco* in servitutibus præteribellis requiruntur 32. anni *N. O. st. Lands-Ordnung. de Jurib. incor § 3.*

*Wie auch i. e. Uti etiam legitima 32. annorum præscriptione*, & §. 14. his verbis, *Vel etiam uti usu longo & pacifico 32. annorum obtinuit.* Concordat *Nov. Austr. Lands tafel*, 32. his verbis: *quod autem alia jura veluti servitutes, jura venationis &c. attinet: volumus juxta veterem consuetudinem usumque regionis, has species singulas omnesque una lege contineri; quæ statuitur, a Sublito cum Ecclesiastico tum seculari, qui talia jura oppugnare voles, id intra annos 32. fieri oportere, atque jura præsumptum legitimo tempore esse prosequendum.*

#### AD V E R S. N E T A M E N

Cum valdè ridiculum foret, aliquem appellari dominum alicujus rei, alium verò illà re uti frui, omnemque inde percipere utilitatem, & sic proprietatem inutilem fieri, ideò imperator certos modos constituit, quibus modis extinguatur usus-fructus, qua de re §. 3. *h. t.*

#### §. C O N S T I T U I T U R 2.

Q. In hoc §. in quibus rebus constituitur usus-fructus?

Ut rem benè resolves, pro regula tene, usum-fructum posse constitui in omnis generis rebus, quarum natura frui- tioni est accommodata; siue sint immo- biles, ut *frundi, agri, &c.* siue mobi- les, ut *servi, jumenta, statuae, imagi- nes, numismata, &c. text. hic. Clariss. D. D. Franz. n. 11. Harp. n. 1. Vinn. num. 1.* Siue corporales, siue incorporales. *Schneid. num. 1.* Ratio non est alia, quam quòd ex omnibus istis rebus possit percipi aliqua utilitas, & commoditas. *Mynsing. & Manz. hic.*

Excipiuntur à Regula res illæ, quæ usus consumuntur, ut sunt res fungibiles, quæ pondere, numero, vel mensura const- tant, v. g. *vinum, oleum, frumentum &c.* Ratio genuina est, quia natura usus- fructus est, ut quis ita utatur fruatur, ut salva maneat rei, & corporis sub- stantia, *prin. h. t. & l. usu-fruct. quem- adm. cav.* atqui rebus fungibilibus ita uti frui non possumus, cum earum usus omnis in abusu consistat, & nulla inde haberi possit utilitas, nisi absumantur, ergò &c. *Mynsing. n. 3. Vinn. loc. cit. Harp. n. 3.* Ratio alia est hæc, quia rei propriæ nulla datur servitus *l. 5. ff. si ususfr. petat.* Sed, qui res illas fungibiles accipit utendas fruendas, fit earum dominus, & proprietas transit in fructuarium, *l. 7. ff. de usufr. ear. rer. quæ usu absum.* ergò servitus in iis non potest constitui. *Manz. num. 5. hic. Wesenb. num. 5.*

Dicta procedunt de vero usufructu, ita ut verus usus-fructus in rebus fun- gibilibus constitui nequeat; sepius est de quasi, siue improprio usu fructu, talis enim utilitatis causà (ut ait *textus*) etiam in rebus fungibilibus constitui potest,

ta-

tamet si talis usus potius abusus dici possit. *Schneid. n. 4.* Sed *ain*, in quo consistit memorata utilitas?

*R.* In eo consistere, ut voluntates hominum fortiantur exitum, *l. 5. Cod. de SS. Eccles. Harp. n. 5.* & alias in jure propter utilitatem multa contra strictas Juris regulas introducta sunt, *l. 51. ad Leg. Aquil. l. 1. Cod. de acq. & retinend. poss. Franz. Inst. b. t. p. 2. n. 2.*

9 Q. I. An quasi usus-fructus etiam pacto, & contractu constitui possit?

Sunt, qui quasi usum-fructum non nisi per actum ultimæ voluntatis constitui posse, autument.

I. Quia Imperator hic de eo duntaxat casu agit, quo quasi-usus-fructus testamento constitutus est.

II. Quia alias nulla esset inter mutuum, & quasi usum fructum differentia, atque adeo perperam confunderentur.

Verum contraria Opinio verisimilior est, eamque propugnant *Arumæ exercit. 5. lib. 17. Fach. 2. cont. 11. Vin. Inst. hic. n. 3. Harp. n. 7.*

Ratio, quia quasi usus fructus ad similitudinem veri usus fructus constitui, §. 2. *Inst. b. t.* atqui verus usus-fructus constituitur pacto, & stipulatione, §. 1. *cod.* ergo, &c. *Accedit*, quod commoda differentię ratio reddi non possit, quo minus in quasi, quam vero usu fructu stipulationes admittantur.

Ad I. *R.* idcirco Imperatorem de legato quasi-usu fructu loqui, quia ab experientia constat, usum fructum plerumque in testamento constitui.

10 II. Ex ostensione differentię inter mutuum, & quasi usum-fructum de seipso ruit. Nam I. in mutuo reddenda res ejusdem generis, & bonitatis, *l. 2. l. 3. ff. de R. C.* In quasi-usu-fructu vel res ejusdem generis, vel ejus æstimatio §. 2. *Inst. b. t.* II. in mutuum non veniunt,

*Kees ad Instituta.*

nisi res fungibiles, *d. l. 2. §. 1.* In quasi-usum fructum etiam res alię, puta, vestes, *d. §. 2.* III. Mutuum quovis tempore repeti potest, rei vero fructuarię æstimatio non, nisi fructuario mortuo, aut capite diminuto. *Haunold. de J. & J. tom. 1. tit. 3. cap. 2. cont. 2. §. 6. n. 131. Atenoch. de arbitr. Jud. l. 2. cent. 1. cas. 22. num. 4. Clariss. D. D. Franz. loc. cit. n. 5.*

Q. II. An usus-fructus vestimentorum sit verus, vel quasi talis? Vehementer variant hac in re D. D. Sunt, qui statunt; verum usum-fructum in vestimentis constitui. Ita *Zoes. ff. de usu-fruct. ear. rer. que usu absum. n. 3. Bachov. ad Treutl. vol. 1. disp. 16. th. 16. lit. A.*

*Moventur I.* per *l. 15. §. 5. ff. de usu-fr. ubi is*, cui usus fructus vestimentorum legatus est, ita debet uti, ne abutatur; ergo signum est, quod sit verus usus fructus; in quasi enim usu-fructu licet abuti.

*Moventur II.* per *l. 9. §. 3. ff. usu fru. quemadmod. cav. ubi vestis post usum-fructum dicitur reddenda esse*; ergo, non est quasi usus-fructus utpote in quo res per usum absumitur.

Sunt alii, qui docent, in vestibus constitui quasi usum fructum, ita *Humm. ad Treutl. loc. cit. & var. resolut. lib. 2. tract. 2. q. 24. Fach. lib. 8. cont. 41.*

Producunt pro se hunc nostrum §. 1. ubi inter illas res, in quibus quasi usus-fructus constitui dicitur, recensentur o iam *Vestimenta.*

Alii distinguunt inter vestes quotidianas, & vestes scenicas, nuptiales, lugubres, &c. quarum perrarus est usus. In illis quasi, in his verum usum-fructum constitui opinantur, ex ratione, quod vestes scenicę, nuptiales, & lugubres tempore potius, quam usu absumantur; sicuti ergo in navi verus usus-fructus ideo constitui dicitur, quia tempore potius, quam usu

H h

confu-



consumitur, *l. 12. §. 1. h. t.* Ita etiam dicendum in vestibis scenicis, &c. ideo contrivui verum usum-fructum, quia talis ob perrarum usum tempore potius, quam usu absumuntur. Huic *Sententie* adstipulantur *Harp. prim. Inst. h. t. num. 26. Frantzky. p. 2. Inst. h. t. n. 4.* Cui & ego lubenter subscribo; nolim tamen, de me falsum iudicium feras, atque tibi persuadeas, non etiam placere doctrinam *Vinnii*, hac de re solidè discurrentis, quem vide *Inst. hic.*

Sed, quid refert, verus, an quasi-usus-fructus sit? Hoc refert I. quod in quasi usu-fructu proprietas transeat in fructuarium, *l. 7. ff. h. t.* II. Quòd verus usus-fructus non utendo amittatur; non etiam quasi talis; ratio, quia in quasi-usu-fructu transfertur dominium in fructuarium, qui proinde pro libero arbitrio eo tem uti potest.

Porro, cum Imperator proprietario, ut de proprietate securus sit, caveri velit, ideo sistamus gressum, & inquiramus in naturam hujus cautionis; quæ ipsa cautio aliter sit in vero, aliter in quasi usu-fructu.

- 12 In vero usu-fructu duo capita continet. Id est, ut usu-fructuarius caveat, se usum pro boni viri arbitrio, h. e. non deteriore se facturum rem in usum-fructum concessam, sed ita usum, ac si propria foret.

II. Est, ut caveat, se finito usu-fructu proprietatem restitutum. *l. 2. ff. usu-fruct. quemadmod. cav. Brunner. ibid. Harp. mon. 11. Schneid. num. 8. Obliungesperg. Inst. h. t. q. 8.*

- 13 In quasi-usu-fructu ista cautio unum duntaxat caput continet, nimirum se finito usu-fructu non eadem quidem corpora, quæ accepit, sed tantundem, aut æstimationem eorum restitutum, *d. l. 1. §. l. 4. Cod. de usu-fruct. item 7. ff. de*

*usufr. ear. rer. quæ usu absum. Glottle p. 2. sel. quest. 26. num. 1. Harp. Schneid. loc. cit. Zoëf. ff. usu-fructuar. quemad. cav. n. 1.* Ratio autem, quòd, in quasi usu-fructu una duntaxat cautio præstetur, est, quia in quasi usu-fructu transfertur dominium, adeoque pro arbitrio de re, in quasi-usum-fructum concessa, disponere potest; quilibet enim est rerum suarum moderator, & arbiter, *l. 21. Cod. Mandati.*

Q. III. An ista cautio sit de substantia veri & proprii usus-fructus; ita ut, si illa præstita non sit, usus-fructus non censeatur constitutus, nec usu-fructuarius fructus suos faciat?

R. I. Indubitatum esse, quòd fructuarius ad petitionem proprietarii necessarius debeat istam cautionem præstare; alias si illam non præstiterit, fructus non facit suos, & frustra agit ad usum-fructum constituendum. *l. 6. ff. ut in poss. legat. l. 13. ff. de usu-fr. §. l. 4. Cod. eod. Brunner in d. l. 13. Vinn. Inst. hic. n. 4. lib. 2. obs. 47. Perez. in Cod. de Usu-fr. num. 5. Zoëf. ff. cit. loc. num. 4.*

R. II. Comuni calculo in D. D. obtinere, istam cautionem de substantia veri usus-fructus non esse, adeoque fructuarium facere fructus suos, si per eum non steterit, quò minus satis dederit, forte quòd proprietarius illam non exegerit, vel conventionem expressa remiserit, ita *Zoëf. loc. cit. n. 5. Perez. loc. cit. n. 6. Gail. loc. cit. n. 1.*

Ratio sola, sed solida est, quia potest ab hærede remitti, *l. 71. ff. ad leg. Falcid. D. D. & Brunner. in l. 1. Cod. de Usufr.* Imò in variis casibus ab ipsa lege remittitur: sic l. pater, habens usum-fructum in bonis adventitiis sui filii, propter reverentiam paternam non præstat istam cautionem, *l. fin. §. 4. Cod. de bon. quæ liber. II.* Is, qui omnia sua bona

bona donavit, & usum-fructum sibi reservavit, etiam illam non præstat, l. 19. §. 1. ff. de Re judicat. III. Fiscus quoque, si ei usus-fructus legatus sit, illam non præstat, l. 1. §. 18. ff. ut legat. nomine cav. Si itaque in istis, & pluribus aliis casibus, quos enumerat *Glettle l. cit. num. 1.* ab ipsa lege remittatur prædicta cautio; si præterea ab hærede potest remitti, quis est, qui eam de substantia veri usus fructus non esse, non intelligat?

15 Q. IV. An ista cautio sit de substantia quasi usus-fructus? R. Communiter obtinet, illam esse de substantia, *Gail. lib. 2. obs. 45. num. 3. Schneid. Inst. h. t. Bachov. ad Treutl. vol. 1. disp. 16. th. 5. lit. P. Arumæ. Exercit. §. th. 20. Hunn. lib. 2. var. resol. tract. 2. q. 30.*

Probant hanc Opinionem. I. quia ista cautio succedit in locum proprietatis, adeoque si remitteretur, nulla esset apud constituentem proprietas, sine qua nullus usus-fructus potest constitui.

II. Per §. 2. *Inst. hic.* in illis verbis: ut tamen eo nomine hæredi utiliter caveatur.

Sed negativa verior est, eamque docent *Zoef. ff. usu fruct. quemad. cav. n. 8. Harp. num. 18. Perez. in Cod. h. t. n. 9. Vinn. Inst. hic. n. 4. Fach. lib. 8. cap. 43. Gomez. var. resolut. tom. 2. cap. 15. n. 5. S. hamb. Inst. hic.*

Probatur per *differt. text. l. 5. §. 1. ff. de usufr. ear. rer. quæ usu absum.* ubi, licet cautio non intervenerit, dicitur tamen quasi usus-fructus finitus & extinctus esse; ergo signum est, quod quasi usus-fructus constiterit, quod enim nullum est, finiri, vel extinguere non dicitur, arg. l. 116 ff. de V. O.

Ad I. R. Non cautionem in locum proprietatis succedere, sed ipsam obligationem, quæ fructuarius adstrictus est,

restituere tantundem, vel æstimationem. *Vinn. & Perez. loc. cit.*

Ad II. dico d. §. 2. loqui de necessitate præstandæ cautionis, ex hypotheli scilicet, si exigatur.

Sed *Obstat.* adhuc, l. 1. *Cod. de Usufr.* ubi aperte sancitur, testatorem non posse hanc cautionem remittere; ergo signum est quod sit de substantia.

R. Ultrò me concedere, à testatore præfatam cautionem remitti non posse; ergo est de substantia quasi usus-fructus? nego conseq. Non Q. hic. an testator, sed an hæres illam cautionem possit remittere? Et decidimus, hæredem posse illam remittere, non verò testatorem. Ratio, quia ista cautio inducta est in favorem hæredis, cui favori hæres, non etiam testator in præjudicium hæredis renunciare potest. Viæ pulchre hac de re discurrentem *Glettle part. 2. q. 26. per tot. Vinn. select. quest. l. 1. q. 29. Zoef. loc. cit. n. 6. Gail. l. 2. obs. 145. Hunn. var. resol. lib. 2. tract. 2. q. 24. Fach. lib. 8. cap. 42. Brunnem. in l. 2. §. 7. Cod. ut in poss. legat.*

### §. FINITUR 3.

Dictum *supra* §. 1. fuit, ne inutilis reddatur proprietas in universum, placuisse, ut usus-fructus certis modis extingueretur, & ad proprietatem revertetur.

Extinguitur itaque l. Morte naturali 16 Text. hic. l. 3. §. fin. & l. 3. *Cod. de usufr.* Quoniam Jus utendi fruendi est personale, personalia autem personam non egrediuntur. Itaque ad hæredem non transit usus fructus, l. 3. §. fin. ff. quib. mod. usufr. amit. Nisi id expresse inter partes conveniatur, aut à testatore expressum sit, ut usus-fructus quoque in hæredes transmittatur; quo ipso tamen casu singulariter notandum, quod, licet

H h 2

alias

alias in Jure nostro hæredis appellatio non tantum ad proximum hæredem, sed etiam ad ultiores referatur, l. 65. ff. de V. S. Hoc tamen casu ad primum hæredem usufructuarii, non etiam ultiores producaturs usus-fructus, l. 14. Cod. de usu-fruct. Ratio est? ne proprietas reddatur inutilis. Ita docent *Schneid. hic. Gomez. var. resolut. tom. 2. cap. 15. n. 20. Vinn. hic. Harp. num. 5. Zoës. ff. quib. mod. usus-fruct. amitt. Mant. de conject. ult. volunt. l. 8. tit. 14. n. 21.*

17 Q. V. Quid Juris? si Ecclesia, Civitati, Municipio, Universitati, vel Republica usus fructus relinquatur? R. Talem usum-fructum centum annorum lapsu extingui, quia is finis vitæ longævi hominis est, l. 56. ff. b. t. Harp. n. 6. *Schneid. num. 5. Gomez. loc. cit. Bachov. ad Treutl. vol. 1. disp. 16. th. 15. lit. A. Zoës. ff. loc. cit. n. 6.* Quod si civitatem ante 100. annorum revolutionem everti, aut ( prout olim Carthagini à Romanis contigit ) solo æquari eveniat, usus-fructus quasi morte civitatis expirat, l. 21. ff. quib. mod. ususfr. amitt. dd. AA.

II. Expirat usus-fructus morte civili, quam inducit maxima, & media capitis diminutio, si nimirum usu-fructuarius libertatem, vel civitatem amittit, text. hic. & l. pen. §. fin. Cod. b. t. Ratio, quia capite minuti pro mortuis habentur, l. 59. §. ult. ff. de condit. & demonstr. Manz. n. 3. hic.

Minima capitis diminutione, puta, emancipatione, arrogatione, tametsi olim usus-fructus sublatus fuerit, l. 3. ff. quib. mod. usus-fruct. amitt. hodie tamen non tollitur, l. pen. Cod. b. t. Quoniam manet civis Romanus, nec habetur pro mortuo. *Manz. n. 4. Vinn. hic. n. 2. Harp. n. 10. Schneid. num. 5. Brunnem. in d. l. pen. Zoës. ff. loc. cit. num. 15.*

8 Q. VI. An pater monasterium ingrediens

amittat usum-fructum, quem habet in bonis adventitiis filii familias?

In utramque partem ventilata est celebris. & nequam utilis hæc *Controversia*; enim verò

Sunt non infimæ notæ AA. qui affirmativa suffragentur, quibus se associat *Fach. l. 6. cap. 12. & plures alii d. Gomez. ad leg. Tauri 48. num. 8. allegati.*

Moventur I. (inquunt) pater in bonis adventitiis filii fam. habet usum-fructum, quia eundem habet in potestate patria; ergo ideo admittit usum-fructum, quia per ingressum religionis tollitur patria potestas; pater enim transit in potestatem Abbatis, ut proinde alium in potestate sua habere nequeat. arg. prin. *Inst. quib. mod. Jus patr. potest. solv. & l. 21. ff. leg. Jul. de adult.*

Moventur II. quia ingrediens monasterium habetur pro mortuo, l. 56. Cod. de Episcop. & Cleric. ergo usus-fructus extinguitur.

Moventur III. Si in posito casu monasterium retineret usum-fructum, tunc retineret Jure cessionis, sed usus fructus cedi non potest, §. 3. *Inst. hic.* ergo monasterium non retinet usum-fructum.

Verum hæc Argumenta tanta non sunt, ut me in sui deditionem trahant, placet mihi Sententia contraria, puta! quod pater usum-fructum non amittat, sed ad monasterium transferat. Ita mecum docent *Gomez. in leg. Tauri 48. n. 8. Harp. Inst. hic. num. 15. Zoës. ff. de usu & usu-fruct. legato. Chlunens. Inst. b. t. n. 16. Brunnem. in auct. ingress. Cod. de SS. Eccles.*

Ratio hujus Sententiæ evidens est, quia pater, licet monachus factus, adhuc tamen naturaliter vivit, nec desinit esse civis Romanus, ergo durat usus-fructus, & defertur monasterio, juxta auct. ingress. de SS. Eccles. ubi ingressus monasterium bono-

bonorum capax omnia, quæ habuit; monasterio defert.

*Confirmatur nostra Sententia* hoc valido argumento: si in casu subjectæ quæstionis usus-fructus amitteretur, & ad proprietatem transfiret, esset hæc ratio quia per ingressum religionis solvitur patria potestas: sed hæc ratio nihil probat; ergo usus-fructus non amittitur. *Man. ostend. per l. ult. Cod. de usufructu.* ubi non obstante, quod patria potestas per maximam, vel mediam capitis diminutionem, vel per emancipationem solvatur, usus-fructus tamen patri non interrumpitur; ergo (dato, non concessio) quod per ingressum religionis solvatur patria potestas, malè tamen, & perperam inferitur, usum fructum amitti.

*Argumenta contraria* nullo labore profesternuntur. I. Exinde ruit, quia negatur suppositum, per ingressum religionis dissociari patriam potestatem præcipue quoniam hic rotatur religionis favor; in favorabilibus autem per monachismum non solvi patriam potestatem diximus, *l. 1. tit. quib. mod. Jus patr. potest. solv. qu. 2.* Deinde transeat, in nostro casu per ingressum monasterii tolli patriam potestatem, nihil tamen hoc ad rhombum facit. *d. l. ult. Cod. de usufructu.*

Ad II. *Re.* ingressum in religionem haberi pro mortuo in aliquibus, *v.g. testandi*, & in iis, quæ monasterio odiosa sunt; non vero in omnibus, prout *ex cit. l. 56.* luculenter patet, ubi discretè sancitur, quod retineat Jus succedendi ab intestato, &c.

Ad III. dico, *neg. mag.* quia potius Jus identitatis retinet usum-fructum, cum pater & monasterium sint quodammodo una, eademque persona, prout pater, & filius una persona in Jure nostro esse dicuntur, *l. ult. Cod. de impub. & aliis Substit.* Deinde quando nos dicimus,

quod usus-fructus cedatur monasterio, non intelligimus illam cessionem quoad Jus (hoc enim residet apud monachum factum, & per mortem ipsius expirat. *Gomez. loc. cit.*) sed quoad commoditatem, prout eatenus usus-fructus rectè ceditur, quemadmodum adhuc hoc in §. latius audiamus.

*Dices:* si pater emancipat filium suum, tunc tantummodo dimidia pars usus-fructus manet apud patrem, ergo etiam hic, quoniam videtur quasi emancipatio intervenire. *ant. patet ex §. 2. Inst. per quas person. cuique acquir. 11.* Id speciale esse in emancipatione. Deinde *neg. & perneg.* in nostro casu intervenire emancipationem.

III. Amittitur usus-fructus non utendo *re fructuaria*, quod tribus modis contingit.

I. Si omninò non utatur & fruatur *h. e.* nec ipse, nec alius ejus nomine, *l. pen. Cod. h. t.* is enim non uti dicitur, qui nec per se; nec per alium utitur, *l. 38. ff. h. t.* unde, qui locat vel vendit usum-fructum, puta, quoad commoditatem, is quoque uti-frui intelligitur, *d. l. 28. & l. 39. eod.*

II. Non uti intelligitur, si non utitur per modum, & tempus, à proprietario præstitum, puta, si ædibus utatur *astate*, quarum usus-fructus relictus est, ut hyeme illas inhabitaret, *text. hic. & l. 10. ff. quib. mod. ususfr. amitt.* Ubi patia esse dicuntur, non uti, & non uti modo debito, *Manz. n. 8. Vim. num. 2. Harp. n. 22.*

III. Non uti dicitur, si quis habens usum-fructum tantum utatur, putans, tantum usum se habere, *l. 20. ff. d. t. Schamb. hic. Franz. h. man. 32. Zoef. ff. d. t. n. 17.*

Q. VII. Quanto tempore usus-fructus non utendo amittatur? *Re. de Jure communi*



muni decennio inter præsentes, vicennio inter absentes, l. pen. Cod. de servitut. ita Glettle part. 2. select. quest. 25. Bachov. ad Treutl. vol. 1. disp. 36. ib. 14. lit. H. Schneid. num. 7. Clariss. D. D. Franz. loc. cit. num. 34.

Nec tenetur proprietarius monere usufructuarium ut eò utatur, adeoque ei cum mala fide præscribere potest; sicut in servitutibus rusticis contingit, l. corruptionem 16. Cod. de usu fruct. Chlinsp. Inst. hic. quest. 16.

Non obstat l. 16. §. 1. Cod. h. t. Uti tanto temporis spatium amitti dicitur usufructus, quanti temporis exceptio obstat dominium vindicanti, quod tempus est triennii, prin. Inst. de usucap. R. enim d. l. 16. §. loqui de re mobili, quoniam distinctio inter præsentes, & absentes ad res mobiles præscribendas non spectat, prout tit. 6. hujus lib. DEO dante audiemus.

De Jure Austriaco usufructus non videtur amitti, nisi 32. annis, prout in tit. preced. dictum est.

IV. Amittitur usufructus rei interitu, v. g. si ædes in usum fructum concessæ incendio consumptæ sint; vel si ex agro stagnum, ex vinea pratum factum sit, text. hic. §. l. 5. §. 2. & 3. ff. quib. mod. usus-fruct. amitt. Usus-fructus enim est Jus in corpore, quo sub'ato & ipsum tolli, necesse est, prin. h. t. §. l. 2. ff. d. t. Clariss. D. D. Franz. n. 29. Harp. n. 49. ubi sub num. 52. asserit, usu-fructu quadrigæ legato, illum extinguere, si unus ex equis decesserit, eo quod quadriga esse definat, l. 10. §. ult. ff. d. t.

20 Q. VIII. An domo destructa conserveatur usus-fructus in area? Dixeris primo intuitu; quod sic. I. Quia area est pars domus; si autem res fructuaria pro parte tantum pereat, tunc in parte residua manet usus-fructus.

II. Quia, non obstante, quod domus pereat, pignus tamen manet in area, l. 21. ff. de pignorat. act. ergo etiam non obstante quod domus pereat, usufructus tamen manebit in area.

Verum negativè decidendum per text. hic. Et ne area quidē usum-fructum debeat. Idem habet, l. 5. §. 3. ff. quib. mod. usus-fruct. amitt. Ratio est, quia non area, sed ædium usufructus ad inhabitandum censetur relictus. Manz. num. 96. Harp. num. 56. Mynsing. num. 11.

Ad I. R. aream esse quidem partem domus, sed non talem, in qua censeatur usufructus constitutus.

Ad II. nego paritat. Ratio differentie est, quod usus fructus soleat constitui in re fructifera, qualis non est area. Contrà pignus etiam constitui potest super re sterili, & non fructifera.

Q. IX. An reedificata domo reviviscat usus-fructus? R. negativè. Quia domus reedificata est alia domus, & usufructus semel extinctus non amplius reviviscit. l. 10. §. 1. ff. d. t. Surdus consil. 155. num. 5. Chlinsp. q. 17. Vinn. n. 5. Harp. num. 52.

Dices: si domus collapsa reedificetur, reviviscit servitus tigni immittendi, stillicidii, &c. l. 20. §. 2. ff. de S. P. U. ergo etiam usufructus. R. conc. ant. nego conseq. Disparitas est, quia usufructus est legi invidiosus, adeoque, ne proprietas semper inutilis existat, facilius extinguuntur servitutes personales, quam reales, Harp. §. 1. Inst. de servit. n. 22.

V. Amittitur usus-fructus Cessione, si nimirum usu fructuarius Jus suum domino proprietatis cedat, text. hic. Et in l. 66. ff. de Jure dot. tunc enim proprietarius fit plenus dominus rei, atque adeo usus fructus extinguitur, res enim propria nemini servit, l. 26. ff. de S. P. U. Manz. n. 11.

21 Q. X. *An usus-fructus possit extraneo, h. e. alii, quam domino proprietatis cedi, vendi, donari, locari, in dotem dari?* R. *distingendum esse, an usu-fructuarius velit tantum commoditatem, & lucrum cedere, an vero ipsum Jus personale?* Si prius, poterit usum fructum cedere, vendere, donare &c. qui enim per alium utitur, ipse uti intelligitur, l. 12. §. 2. ff. b. t. Si posterius, cessio erit inutilis *text. hic.* nam cedendo extraneo, nihil agitur, l. 66. ff. de Jure dot. Ratio est, quia usus-fructus est Jus personale, ossibus fructuarii ita inhærens, ut inde avelli non possit. Unde sua sponte fluit, usu-fructuarius, cedendo usum-fructum, facere non posse, ut cum morte cessionarii expiret. Vide Zoes. b. t. n. 22. Bachov. ad Treutl. loc. cit. th. 10. lit. A. Humm. ibid. Harp. §. 1. Inst. b. t. n. 16. Gomez. var. resol. tom. 2. cap. 15. n. 17.

Q. XI. *An, si usu-fructuarius extraneo usum-fructum, etiam quoad Jus personale cesserit, amittat usum-fructum?* R. *Negative.* Zies. loc. cit. n. 26. Harp. n. 4. hic. Wesenb. in parat. b. t. n. 5. Manz. n. 12. Clariss. D. D. Franz. n. 31. Dissent. Humm. var. resol. lib. 2. tract. 2. q. 32. Gomez. loc. cit. n. 17. Covar. var. res. lib. 1. cap. 8. num. 7.

Ego primæ Sententiæ lubens adstipulator, tum ob *text. §. 3. hic.* ubi expresse dicitur, quod cedendo usum-fructum extraneo, nihil agatur h. e. cessio nulla, & inutilis sit, adeoque nihil operetur. Tum quia poenæ privationis non habent locum, nisi in casibus expressis, Nov. 2.

cap. 3. Tum denique quia non præstat impedimentum, quod de Jure non sortitur effectum c. 52. de R. J. in 6. cum ergo talis cessio de Jure non subsistat, non potest præstare impedimentum.

Ob l. 66. ff. de Jure dot. ubi in hæc verba rescribitur: *Et si extraneo cedatur, nihil ad eum transire, sed ad dominum proprietatis reversurum.* R. *Ly reversurum* non ita debere intelligi, ac si usus-fructus statim cessione facta reverteretur ad proprietarium, sed de tempore futuro, si videlicet usus-fructus per mortem, vel per aliam causam expiraverit.

Urget: ineptum est dicere, facta cessione extraneo, morte fructuarii ad proprietarium redire usum-fructum; hoc enim jam antè satis constat, ut id ex d. l. 66. primum erui non debeat. R. Quod idè ad *textum. d. l. 66.* respondeatur, morte demum fructuarii usum-fructum ad proprietarium redire; ut intelligatur, quod per cessionem, extraneo factam, nullum damnum proprietario inferatur, Alia cerussa d. l. 66. dealbat Schamb. hic.

VI. Expirat usus-fructus *consolidatione*, si nimirum usu-fructuarius rei fructuariæ proprietatem acquirat, tunc enim fit ejus plenus dominus, adeoque res propria nemini servit. Manz. n. 22.

### §. F I N.

Effectus usus-fructus finiti est, quod revertatur ad proprietatem, & sic ex usu-fructu formali fiat causalis. *text. hic. & DD.*

## T I T U L U S V.

## DE USU ET HABITATIONE

## S U M M A R I A.

- 1 *Quid sit usus?*
- 2 *Quomodo differat ab Usu fructu,*
- 3 *Usuarius commoditatem alteri non potest cedere.*
- 4 *Limitatur, si usus inutilis foret.*
- 5 *Qui usum adium habet, potest una cum conjuge, & liberis inhabitare.*
- 6 *Qui usum pecoris habet, an lacte, lana, aut fœtu uti possit?*
- 7 *Quid sit habitatio?*
- 8 *Quomodo ab usu & ab usu fructu differat?*

## CONTINUATIO

**T** Res esse, species Servitutis personalis, dictum supra. Postquam unam illarum absolvimus, nunc de secunda & tertia recta methodo agemus, puta, de Usu & Habitatione.

- I** Usus nihil est aliud, quam Jus utendi rebus alienis salva earum substantia, ut ita ab usu-fructu non multum distet, prout in sequentibus videbimus.

## A D P R I N C I P.

Q. hic in quibus conveniat usus cum usu-fructu? ad quod responderi potest I. quod iisdem modis constituatur usus, quibus usu-fructus. II. Quod iisdem etiam modis finiatur usus, quibus & usu-fructus. III. Quod iisdem quoque in rebus constituatur, tam in immobilibus, quam mobilibus. IV. Sicut usus-fructus in rebus immobilibus propriè, fungibilibus verò impropriè constituitur; ita & usus. V. Sicuti fructuarius cavere debet de utendo secundum arbitrium bo-

ni viri, & tantundem restituendo, & usus rei, quæ usu consumitur. i. e. fungibilis constitutus sit. *Schneid. n. 3. & seqq.*

## §. M I N U S I.

Q. in hoc §. in quo differunt usus, fructus, & usus? R. Imperator in eo, quod minus Juris sit in usu, quam in usu-fructu sive quod pinguius Jus habeat usu-fructuarius, quam usuarius, habens enim usum fructum habet quoque usum; atqui nudum usum habet, Jus fruendi non habet, l. 14. §. 1. ff. h. t. Usu-fructuarius igitur potest re uti, frui, spectantque ad eum omnes fructus non tantum pro necessitate suæ personæ, & familiæ suæ, sed etiam reliqui fructus efficiuntur ipsius, ita, ut eos vendere, & alienare possit pro libitu, nec tenetur superfluos fructus domino proprietatis restituere, lib. 7. l. 9. ff. de usufr. Contra usuarius tantum uti potest fructibus non frui, h. e. non potest omnes fructus percipere, sed tantum illos, quos habet pro sua familia ad quotidianam necessitatem necessarios, reliquos domino proprietatis restituere tenetur, *text. hic.*

Deinde, qui usum-fructum habet, potest commoditatem, & utilitatem fructuum alteri locare, vendere, donare, &c. Usuarius verò commoditatem, & utilitatem Juris sui alteri cedere non potest, l. 11. ff. h. t. Ratio, quia usus tantum præstat, quantum ad victus necessitatem sufficit, ergo non potest à persona separari, quia subinde una persona plus indiget altera, ut proinde in alia persona alius usus foret. *Manz. n. 7.*

*Limitatur*, ut procedat, nisi usus omnino vanus, & inutilis foret, si commoditas

ditas non vendatur, aut alteri locetur; fac enim, quod aliquis haberet usum sylvæ, quæ tam remota esset, ut tantumdem provecturis impendi oporteret quanti alias ligna emerentur, hoc in casu licet usufruario cedere ligna, & vendere. Ratio, quia alias nihil utilitatis haberet ex usu. *Manz. num. 10. & Schneid. num. 9. Harp. numer. 7.*

## §. ITEM 15 2.

5 Qui ædium usum habet, ipse quidem eas inhabitare, ad alium autem transferre earum usum nullo modo potest, *text. hic.* & in l. 8. ff. h. t. admittitur tamen una & conjux, & liberi, & familia, *text. hic.* & in l. 2. ff. h. t. quia eorum quorum difficilis separatio, usum habere licet, *Schamb. hic.* Hospitem recipere usufruario vix licet, *ait. text. hic.* Ratio, quia personalia personam non egrediuntur. Dixi vix; ex æquo enim, & bono, quasi commiserationis causa, receptum est, ut hospitem, vel inquilinum recipere liceat, l. 2. ff. h. t. *Manz. num. 5.*

## AD V ET CONVENIENTER.

Q. Quid si mulier usum ædium habeat, poteritne cum ea habitare maritus?

Videtur quod non. Ratio dubitandi, quia uxor sequitur virum, non contra; & dignius trahit ad se minus dignum, non contra.

Hoc tamen non obstante, contrarium decedit *Imperator*: ratio; ne ei matrimonio carendum foret, cum uti vult domo, l. 4. ff. h. t. *Manz. num. 9.*

## §. ITEM 15 13.

Qui usum servi, vel jumenti habet, ipse solus opera ejus uti potest, alteri concedi non potest. Quamvis nihil referat, utrum opera jumenti utatur in re sua, an vero in opere alieno quod expet. *Res ad Instituta.*

diendum conduxit, lib. 16. §. fr. & l. seqq. ff. h. t. *Schamb. hic.* Planè, si alias usus nulla esset utilitas; poterit & rei usufruariæ opera aliis concedi; ita enim semper interpretari debemus usum, ut aliquid proficiat, lib. 20. ff. h. t. Fac ergo, quod usum unius bovis habeas, poteris cum alteri commodare ad arandum, ut rursus tibi commodet usum. *Schamb. hic.*

## §. SED ET SI. 4.

Qui usum pecoris habet, neque lacte 6 neque lana, nec foetu uti potest; Ratio, quia hæc in fructu sunt.

*Dices*: Quid ergo proderit ei usus pecoris? *R.* quod ad stercoreandum agrum iis uti possit, *text. hic.* Planè, licet noster §. indistinctè fanciat eum, qui usum pecoris habet, neque lana, neque foetus uti posse. lib. 12. §. 2. ff. h. t. tamen modico lacte utendi usufruario licentiam tribuit, quantum scilicet ad necessitatem opus habet, ut proinde *Textus hic* intelligendus sit, quod non possit uti lacte, lana, &c. ad compendium, & voluntatem. *Schamb. hic.*

## §. SED SI CUI. 5.

Tractatur in hoc §. tertia species servitutis personalis? nimirum *Habitatio*, quæ est *Jus habitandi in ædibus alienis, salva earum substantia.* Haud ineptè additur clausula, *salva earum substantia*; quia habitator quoque ad instar fructuarii, & usufructuarii cogitur satisfacere, se usum domo boni viri arbitrio, ut eam deteriores non reddat, facta tecta habeat, atque reficiat; habet enim habitatio magnam similitudinem cum usu, & usufructu, quam deinde allegabo; prius tamen

*Observa*, commoditatem domus posse legari, vel constitui alteri tribus modis. I. Relinquendo usum - fructum domus,



& tunc restringitur habitatio ad naturam usus-fructus. II. Relinquendo nudum usum domus, & tunc restringitur ad naturam usus, ut scilicet is, cui sic legatus est usus domus, eam alteri locare non possit. III. Relinquendo habitationem domus, & tunc, licet aliquid participet de usu, & usu fructu, proprium tamen Jus, & separatam naturam habet.

*His præmissis*, nunc declarandum, in quo *conveniant*, & differant hæc servitutes personales; ac I. quidem *convenit* habitatio cum-usu-fructu, & usu simul, quod iisdem modis constituatur inter vivos, & in ultima voluntate. II. Habitatio non transit ad hæredes, sicut nec usu-fructus. III. Quoad cautionem de utendo arbitrio boni viri.

8 *Differt* autem ab utraque simul, quia habitatio constituitur solummodo in ædibus, usus fructus verò, & usus tam in prædiis urbanis, quàm rusticis, mobilibus, & immobilibus constituuntur.

Iterum cum usu-fructu singulariter convenit habitatio, quod commoditatem alteri locare possit. Differt autem singulariter ab usu-fructu, quod usus-fructus morte civili, *i. e.* maxima, &

media capitis diminutione, item non utendo extinguatur; habitatio verò maxima, & media capitis diminutione, & non utendo non amittitur: ratio, quia habitatio magis in facto, quàm Jure consistit, ea autem, quæ sunt facti, capitis diminutione non pereunt. *Manz. num. 8.* Ratio, quare, habitatio non utendo non amittatur, est, quia habitatio nulla intelligitur, nisi re ipsa & verè habitetur, unde, quod non est, *i. e.* non habitando non potest amitti. *Manz. numero. 7.*

Cum usu denique convenit habitatio, quod easdem personas recipere possit, quas usuarius; sed differt ab usu, quod habitatio alteri locari possit, usus non item, *lib. 11. ff. b. t. Schneid. hic.*

#### §. HÆC DE SERVITUTIBUS, FINALIS.

Hæc dixisse sufficiat de rebus incorporalibus, servitutibus videlicet; hæreditates quidem, & obligationes etiam res incorporales sunt, sed de his commodius *infra*.

Nunc quia expositum est, quibus modis Jure gentium nobis acquiratur dominium, videndum, quibus modis Jure civili acquiratur.

### T I T U L U S VI.

## DE USU CAPIONIBUS ET LONGI TEMPORIS PRÆSCRIPTIONIBUS.

### S U M M A R I A.

I *Casus præscriptionis.*

2 *Hodie omnis differentia inter usucapionem, & præscriptionem sublata est.*

3 *Quando dicatur: Jus præscriptum est? & quando: Juri præscriptum est?*

4 *Quid sit præscriptio?*

5 *An tribuat directum dominium?*

6 *Redduntur rationes introductæ præscriptionis.*

7 *Præscriptio procedit in utroque foro.*

8 *Solvuntur objectiones.*

9 *I. requisitum præscriptionis absolvit bona fides.*

10 *Quando debeat adesse tam de Jure civili quàm Canonico?*

11 *Ob*

- 11 Ob favorem fidei etiam cum mala fide currit praescriptio.
- 12 An mala fides, completa praescriptioni superveniens, obliget ad restitutionem?
- 13 An praescriptio currat cum dubio?
- 14 Quid sit dubium practicum & speculativum?
- 15 An cum errore Juris currat praescriptio?
- 16 Servitutes urbanae sine bona fide non praescribuntur.
- 17 Secus rusticae.
- 18 Reddatur ratio differentiae.
- 19 Si obligatio tendit ad agendum, vel non agendum cum mala fide non currit praescriptio.
- 20 Secus, si tendit obligatio ad patiendum, vel permittendum.
- 21 II. Requiritur ad praescriptionem titulus.
- 22 Quid sit titulus?
- 23.24.25. Alius est coloratus, alius existimatus, alius praesumptus
- 26.27.28.29.30 Qualis titulus requiratur ad praescriptionem?
- 31 III. Ad praescriptionem requiritur possessio.
- 32 IV. Legitimum tempus breve quale sit?
- 33 Tempus breve quale sit?
- 34 Item quodnam tempus dicatur longum?
- 35 Quales res praescribantur longo tempore?
- 36 Quales longissimo?
- 27 Actio de dolo quando praescriptione tollatur?
- 38 Quando exceptio non numerata pecuniae?
- 39 Quando actio hypothecaria?
- 40 Res Ecclesiastica, Item monasteriorum de Jure Austriaco non possunt praescribi
- 41 Quale sit tempus immemoriale?
- 42 Tempore immemoriali quanam res praescribantur?
- 43 V. Requiritur ad praescriptiones res non vitiosa.
- 44 Res furtiva & vi possessa non possunt praescribi?
- 45 Res posita an possit praescribi?
- 46 Quomodo possit res immobilis aliena sine vitio ad alium pervenire?
- 47 Si res furtiva in potestatem domini reversa fuerit, potest praescribi.
- 48 Res fisci quomodo praescribantur?
- 49 Juri luendi pignoris an possit praescribi?
- 50 An annuis redditibus?
- 51 Error falsae causae quando impediat praescriptionem?
- 52.53.54 An, & quando bona fides praesit? vel mala fides noceat successoribus?
- 55 Recensentur privilegia fisci?
- 56 Quando non procedat praescriptio?
- 57 Quando dormiat?
- 58 Quando interrumpatur praescriptio?
- 59 Quando rescindatur?

**B**isariam rerum dominia nobis acquiri, testis est §. Singulorum i. l. Inst. de R. D. Nimirum Jure naturali & Jure civili. Hucusque excussimus, quomodo Jure naturali: sequitur quomodo Jure civili rerum dominia nobis acquirantur. Et hoc fit dupliciter, puta! universaliter & particulariter. Universaliter, quando aliquis universitatem bonorum, non rem aliquam singularem acquirit; talis acquirendi modus est successio ex testamento, ab intestato, bonorum possessio, acquisitio per arrogationem, & addictio bonorum §. 6. Inst. per quas personas cuique acquir. Particulariter quando aliquis rem singularem acquirit; talis acquirendi modus est usucapio, donatio, legatum, fideicommissum particulare, &c. de quibus omnibus ordine deinceps tractabimus.

Usucapio itaque inter modos acquirendi particulares primum locum occupat, qua in materia prius varia in antecessum

præmittenda sunt, quam ad explicationem *textus* descendamus. Pro pleniori autem subjectæ materiæ intellectu ponitur talis

## C A S U S

- I Titius mihi vendidit, vel ex alia causa tradidit v. g. fundum quemdam, cujus non erat dominus: ego bonâ fide ab eo accepi, cum crederem, eum dominum esse. En, hoc in casu, certum est, & indubitatum, quod Titius per istam traditionem in me non transtulerit dominium; nemo enim dat, quod non habet, l. 16. ff. de A. R. D. Quid ergo Titius in me transtulit? possessionem tantum, & usucapiendi conditionem, h. e. transtulit in me id Juris, ut, si possessionem per tempus a lege definitum continuavero, dominium fundi acquiram. *Manz. numero 3. § 4.*

Usu-capio ab *etymologia* nominis dicta quasi capio, sive *acquirō per usum*, alio nomine hodie vocatur *prescriptio*.

- 2 Dico hodie; olim enim inter usu-capiōnem & præscriptionem magna fuit differentia, prout videre possis. *Schamb. hic. §. observa. Zoef. ff. h. t. n. 2.* De Jure autem novo omnis differentia ab aula recessit, ita ut vocabula præscriptionis, & usu-capiōnis confundantur, iisque promiscuè utamur, l. un. Cod. de Usu-cap. transformand. *Vinn. n. 2. hic. Manz. n. 19.*
- 3 Illud tamen pro solidiori loquendi modo memoriâ vehementer dignum est, quod si per præscriptionem Jus alicujus extinctum, vel peremptum sit, soleamus in dativo loqui, v. g. obligationi, Juri, actioni &c. *prescriptum est.* Si verò de acquisitione sermo sit, utamur nominativo, vel accusativo, v. g. *prescripta est servitus*, vel *prescripsi rem*, *Juris dictionem agrum* &c. *P. Engel ad Jus Canon. h. t. §. I. num. I.*

Definitur usu-capio à *Modestino*, l. 3. 4 ff. h. t. quod sit *adjectio domini per continuationem possessionis temporis a lege definiti.*

Definitur I. *Adjectio domini*, intellige; non tantum utilis, verum etiam directi: sive pleni, qui enim rem præscripsit, tantum Juris habet, quantum verus dominus, l. un. Cod. si advers. vendit. l. 8. Cod. de præscript. 30. vel 40. annor. ut usucapiendi pro re usu capta datur rei vendicatio, quæ non competit, nisi domino, l. 23. ff. de R. V. *Zoef. ff. h. t. n. 3. Harp. num. 8. Hunn. lib. 2. var. resol. tract. 3. quæst. 15. Fach. l. 1. cont. 70. Bachov. ad Treutl. vol. 2. dis. 22. th. 7. lit. b. Perez. ad. Cod. de usu-cap. pro emptore num. 2. Schamb. prin. hic*

Non obstat, l. 11. Cod. de præscript. long. temp. ubi præscribendi tantum datur exceptio; ut proinde præsupponatur adhuc, actio quæ per exceptionem elidatur. R. enim, illam legem intelligendam esse de exceptione facti, non Juris, quæ actionem præsupponeret. Exceptionem Juris illam voco quæ actionem præexistentem supponit, eamque elidit. Facti, quæ nullam actionem præexistentem supponit; adeoque, si ego à te aliquid peterem, ad quod nullam penitus habeo actionem, & tu excipiendo id negares, dicerem, quod exceptionem facti mihi opposuisses. *Schamb. hic. & princip. de except. Hunn. & Harp. loc. cit.* ubi plura contra nostram *Affertionem* argumenta resolvit, quæ ob exiguam, quâ pollent, utilitatem in medium nolui protulisse.

Dicitur II. *Per continuationem possessionis temporis a lege definiti*; requiritur enim ad præscriptionem continua, & nunquam interrupta possessio, nec non legitimum tempus; de quibus & aliis requisitis suo loco. Interea, cum Jura nihil sine ratione agant,

Q.

6 Q. I. quare Jus præscriptionem introduxerit? R. ob triplicem causam id contigisse, quam (velim impensè notes! I. Est, ne rerum dominia incerto versarentur l. 1. ff. b. t. constat enim alienationes, & permutationes inter homines esse frequentissimas. Jam, cum nemo factum alterius scire possit; num tradens dominus sit, nec ne? & quandoque contingat, ut non dominus rem quandam alteri vendat; iteò, si priori domino semper à possessore rem petere liceret, & non aliquando possessor efficeretur certus, ferè nemo secure possideret, & sic dominia rerum semper manerent in incerto. *Mynsing. num. 14. Schneid. num. 10. & Manz. num. 10.*

II. Ut importuna litium frequentium præcaveretur, & aliquando esset litium finis *l. ult. ff. pro suo*. Quis enim non videt, atque intelligit, quantæ lites, rixæ & discordiæ in reipubl. communiione exorirentur, nili lex invenisset modum, & ac rationem, qua possessori succurreretur adversus petitem? Sanè semper alter alteri moveret controversiam de rerum dominio nili lex fixisset metam temporis, post cujus lapsum litem movere prohibitum sit.

III. Causa est, ut socordia civium, res, ac jura sua negligentium, castigetur, & diligentia excitetur, 2. *Cod. de annal. præscript. Zoef. ff. b. t. n. 4. Manz. loc. cit. num. 6. Harp. n. 41. König. b. t. 48.*

7 Q. H. Procedatne Præscriptio in foro tantum externo, an operatur etiam in foro animæ? Communis D. D. schola docet, præscriptionem procedere in utroque foro. Ita *Lessius lib. 2. de J. & J. cap. 6. dubit. 17. num. 51. Layman. Theolog. Moral. tit. 1. cap. 8. num. 4. P. sporer Tractat. 6. in Decalog. cap. 1. sect. 5. n. 192. Clariss. D. D. Franz. num. 6. Injt. hic. alique innumeri.*

Ratio hujus doctrinæ solida, & fundamentalis est, quia *Legislator humanus* ex virtute supremæ potestatis potest rem uni auferre, & transferre in alterum, si ita exigat necessitas, & felicitas reipublicæ. Enim vero omnis illa potestas agnoscenda est in Legislatore humano, quæ moraliter est necessaria ad congruam & tranquillam gubernationem reipubl. cum D E U S, & Natura non deficient in necessariis: atqui per præscriptionem uni auferri dominium, alteri adjici, & exigit necessitas, & felicitas reipubl. prout patet ex alleg. tribus rationibus, propter quas præscriptio introducta est; ergo &c.

*Oppon. I. Usucapio repugnat æquitati naturali*, quia per illam aliquis locupletatur cum alterius jactura; atqui locupletari cum alterius jactura repugnat æquitati naturali l. 206. ff. de R. J. ergò usucapio repugnat æquitati naturali, R. *disting. min.* locupletari cum alterius jactura repugnat æquitati naturali, si illa locupletatio fiat sine justa causa, *con. min.* si fiat cum justa causa, *neg. min.* & *conseq.* Jactura, quam inducit præscriptio, non est injusta, sed justissima, utpote causis subnixa justissimis. Deinde, licet fortè præscriptio, respectu privatæ utilitatis, videatur esse iniqua, æqua tamen sit, respectu utilitatis publicæ, quæ utique privatæ præferenda, nam quotiescunque concurrunt duæ rationes naturales, illa prævalet, quæ fundamento majori nititur, prout l. 1. tit. 2. diximus; atqui publica utilitas, quam respicit usucapio, l. 1. ff. b. t. utique majori nititur fundamento; Ergò. *Clariss. D. P. König. ad Decret. b. t. n. 4.*

*Oppon. II. præscriptio est impium præsidium*, Nov. 9. ergò sapit iniquitatem d. Nov. intelligendum esse de præscriptione, quæ currit cum mala fide, prout



ex illis verbis *iniquis hominibus*, patet. *Manz. num. 104. Harp. num. 52. Franz. num. 2.*

*Oppon. III.* Quod nostrum est, sine facto, & consensu nostro in alium transferri non potest, *l. 11. ff. de R. J. v. d. l. 11.* non procedere, si iusta causa aliud suadeat, lex enim potest alicui adimere rei dominium, tamen dominus non consentiat, sic propter delictum bona confiscat, *l. 1. ff. de bon. damnat. Manz. num. 101.*

Viso quid sit præscriptio, sequitur, quid ad illam requiratur. Nempe,

*Bona fides, iustus titulus, res non vitiosa,*

*Ut res tradatur, tempus quoque continuetur*

*I.* Itaq; ad præscriptionem requiritur  
9 *bona fides*, quæ definitur: quod sit *sincera rei alienæ ignorantia*. *P. Engel. §. b. t. n. 12.* Talem bonam fidem habere intelligitur, qui credit, eum, à quo rem accedit, fuisse dominum: vel habuisse Jus distrahendi, veluti habet tutor, *l. 109. ff. de V. S. L. 32. §. 1. ff. b. t. Manz. n. 31. Harp. n. 64. Perez. Instit. hic.* Vel (ut cum *Schneid.* loquar) qui nescit, rem esse alienam, vitiosam, furtivam, vel NB. à lege alienari prohibitam; qui enim contra Jura, & legis prohibitionem mercatur, vel contrahit, præsumitur esse in mala fide, *l. 7. Cod. de agric. & cens. cap. 82. de R. J. in 6.*

10 *Q. III.* Quando debeat adesse bona fides? *R.* Distingendum esse inter Jus Civile & Canonicum. De Jure civili sufficit ab initio præscriptionis bonam fidem adesse; adeoque, licet ceptæ usucapioni superveniat, cursum tamen præscriptionis non sistit. *§. 12. b. t. l. 10. ff. b. t. l. un. Cod. de Usucap. transfer.* Et hoc procedit in præscriptione longi temporis,

non verò longissimo; in hac enim Jus civile simpliciter malam fidem admittit, sive ab initio, sive ex postfacto interveniat, *l. 3. & 4. Cod. de præscript. 30. vel 40. ann.* Ratio, quia Jus civile solummodò respexit socordiam civium, incertitudinem dominii, & importunam litium frequentiam, quæ incommoda ut evitaret, nullâ factâ reflexione ad bonam, vel malam fidem, absolute statuit, ut omnes res, Jura, & actiones 30. vel 40. annorum spatio extinguerentur. *Manz. n. 39. hic.*

Verum de Jure Canonico longè aliter se res habet; hoc enim toto præscriptionis tempore requirit bonam fidem, juxta regulam: *Possessor mala fidei ullo tempore non præscribit c. 2. de R. J. in 6. quoniam omne, quod non est ex fide, peccatum est. & quidquid est contra conscientiam, adificat ad gehennam c. 3. & de restit. spoliat.* Concordat Jus Austriac. *N. Oe. Land-Tafel, lib. 4. tit. 129.* Et quia hic agitur de materia peccati, omninò standum est Juri Canonico, per theoriam universalem quæ docet, in causis spiritualibus, & concernentibus peccatum, dispositionem Juris Canonici, non solum in terris Ecclesiæ, sed etiam Imperii servandam esse *P. Engel. Proemio jur. Canon. num. 19. v. Quarta Regula. Gail. lib. 2. 141. num. 5. Clariss. D. P. Konig. Proëm. de Jure Canon. num. 8. Mynsing. cent. 4. obs. 18. n. 7.*

*Dices:* qui locum aliquem ad Catholicam unitatem convertit, etiam si sciat, illum locum pertinere ad alium Episcopum, illum tamen locum triennio præscribit, *c. 1. b. t.* ergò de Jure Canonico præscriptio currit cum mala fide. *R.* d. c. esse speciale ob favorem fidei, & ut ita Catholici Episcopi alliciantur, & invitentur ad conversionem populi à Schismate Donatistarum. *Gonzalez in d. c. 1. n. 3. Peck.*

Peck. in d. c. 2. de R. J. in 6. num. 16.  
pulchrè Pirrhing. ad Jus Canon. h. t. sect.  
13. §. 3. num. 98.

12 Q. IV. An præscriptione bona fide completa, si is, qui præscripsit, rem esse alienam cognoverit, teneatur in foro conscientia domino suo restituere? Dixeri, quòd sic. I. quia actus vitiatur, si ad eum statum reducatur, a quo inchoare non potest; sic testamentum, à libero homine conditum, rumpitur, si testator servus efficiatur. arg. l. 98. ff. d. V. O. & l. 3. ff. de his, quæ pro non script. habent. Ergò etiam præscriptio non procedit in casu prædicto, cum devolvatur ad statum malæ fidei, unde non potest inchoari.

II. Quia cessante causa, cesset effectus, c. 60. & de appellat. cap. 8. & de consang. & affinit. Ergò cessante bona fide, utpote causa, cessabit ejus effectus, i. e. præscriptio.

III. Quia bonæ fidei possessor post subortam malam fidem fructus non facit suos, l. 48. §. 1. ff. de A. R. D. ergò etiam possessor bonæ fidei post supervenientem malam fidem non præscribit.

Verùm his dubitandi rationibus in contrarium nihil remorantibus, *negativa* standum est, quam sua autoritate muniunt P. Engel. ad Jus Can. num. 4. h. t. Pirrhing. ad Jus Can. sect. 1. §. 1. h. t. n. 6. Fach. l. 1. cont. 64. Harp. n. 91. prin. Inst. h. t. Bachov. ad Treutl. vol. 2. disput. 22. th. 6. lit. C. P. Sporer tract. 6. in Decalog. cap. 1. sect. 5. num. 192. Cov. ad. c. possessor de R. J. in 6. p. 3. §. 2. n. 1. Layman. Theolog. Moral. l. 3. tract. 1. c. 8. n. 4. Zoef. ff. h. t. n. 60.

Probatur hæc Sententia evidenti ratione, quia post præscriptionem non datur amplius mala fides, quæ est rei alienæ scientia; enim vero post præscriptionem completam res non est amplius aliena, cum facta sit præscribentis, cui lex plè-

num dominium adjecit, l. 8. Cod. de præscrip. 30. vel 40. ann. l. 3. ff. de Usucap. ergo, si præscribens teneretur rem restituere, teneretur rem suam restituere.

Ad I. R. cit. regulam procedere tunc demum, si actus consummationem suam nondum est consecutus; secus impedimentum superveniens non vitiatur actum arg. 140. §. Etsi placeat. ff. de V. O. Idque patet ex impedimento dirimenti, quod post contractum matrimonium superveniens non nocet, neque vitiatur matrimonium. Vide tit. 10. de Nupt. Unde non mirum, quòd testamentum, à libero conditum rumpatur, si testator servus effectus fuerit, quia consummationem suam nondum est sortitum, utpote, quod demum per mortem confirmatur.

Ad II. Eodem modo datur solutio, cessante nimirum causa, cessare effectum, si effectus nondum sit consummatus, & perfectus; sic, licet aliquis contrahendi incapax fiat, fortè, quia declaratur prodigus, contractus tamen, tempore capacitatis initi, validè subsistunt.

III. Planè omni probationis mole caret; bonæ enim fidei possessor tunc demum fructus restituere tenetur in casu, quo mala fides suboritur, si eisdem triennio nondum præscripserit, quod nihil probat contra nos. Hum. var. res. lib. 2. tract. 3. c. 8.

Ampliatur nostra Sententia in tantum, ut is, qui rem legitimè præscripsit, eam tamquam indebitè datam repetere, & ut suam vindicare possit, si fortè illam ex errore Juris restituerit pristino domino, ratus, adhuc esse alienam, & restitutioni obnoxiam, tametsi etiam ignorantia Juris non excuset, cum agitur de acquirendo, excusat tamen, cum agitur de amittendo rem jam acquisitam, l. 7. ff. de jur. & fact. ignor. P. Sporer loc. cit. n. 198. Pirrhing. d. lo.

13 Q.V. *An præscriptio currat cum dubio?*

R. cum *distinctione* inter *dubium practicum* & *speculativum*. Practicum voco, quando quis in specie, & particulari de rei dominio dubitat, & an eam rem salva conscientia retinere possit? Speculativum appello, quando quis quidem rem justè & licitè se retinere credit, dubitat tamen, an tradens dominus fuerit? P. Engel. loc. cit. num. 14. à Somering. Inst. h. t. n. 8. His præmissis, sequitur

*Affertio I.* Cum dubio practico præscriptio neque potest inchoari, neque cœpta continuari. Clariss. D. P. König. in Jus Canon. h. t. num. 38. Ratio quia taliter præscribens exponit se periculo peccandi, eo ipso enim, si rem retinet, quam putat se retinere non posse, peccat: nam, qui dubitat, an sit peccatum, & id, de quo dubitat, tamen committit, utique peccat. Pulchrè P. Sporer tract. 1. in Decalog. cap. 1. sect. 4. *Affert II.* §. 1. n. 69. atqui cum peccat, non procedit præscriptio. c. fin. & h. t. Pirrhing. loc. cit. sect. 2. §. 4. n. 55. Ergo &c.

Accedit h. l. 32. §. 1. ff. h. t. ubi in hæc verba rescribitur: *Si quis id, quod possidet, non putat sibi per leges licere usucapere, dicendum est, etiam si erroret, non procedere tamen ejus usucapionem.* Dissent. Glettle *Affert. Jurid.* 74. Molina de J. & J. disp. 63. n. 11. P. Engel. h. t. num. 14. Pirrhing. loc. cit. n. 56. Peck. in c. 2. de R. J. in 6. Qui omnes concordii suffragio in eam condescendunt Sententiam, quod dubiū practicum præscriptioni ritè cœptæ superveniens non impediat cursum ejus; ex ratione, quia c. fin. & h. t. tantum illos excludit à præscribendo, qui conscientiam rei alienæ habent, adeoque, qui sunt in positiva mala fide constituti, qualis non est qui practicè dubitat.

Verum hæc *Sententia* nimium probat; ergò nihil: probat enim, cum dubio practico etiam posse inchoari præscriptionem, quod à tenera conscientia vehementer alienum.

*Affertio II.* Cum dubio merè speculativo præscriptio non tantum rectè currit, sed etiam inchoatur. Ita P. Engel & ceteri paulo ante allegati.

Ratio primi membri est, quia hoc dubium cuilibet, bonæ fidei possessori suboriri potest, adeoque in pari causa melior est conditio possidentis, c. 65. de R. J. in 6.

Ratio secundī membri fundamentalis est hæc, quia alias vix unquam procederet præscriptio; nemo enim infallibiliter scire potest, rei dominium tradentis esse.

Deinde ineptè exigenter cautiones de evictione, si nulla foret ambigendi ratio, an tradens rei traditæ dominus fuerit, nec ne?

Q.VI. *An cum errore Juris currat præscriptio?* v. g. an, si quis rem emit à Prælato sine consensu capitali, ratus talem consensum non requiri; vel an, si quis emit rem immobilem à tutore sine decreto Prætoris, ratus illud non desiderari, an (inquam) talis possit præscribere? sequitur

*Affertio I.* Certum est, & apud omnes ferè indubitatum errorem Juris clari & notorii impedire præscriptionem longi temporis. Ita Manz. §. 11. num. 12. h. t. Harp. prin. Inst. h. t. num. 85. P. König. ad Jus Canon. h. t. num. 36. Panormitan. in. c. dudum. de decimis, & in c. de quarta num. 12. h. t. Pirrhing. ad Jus Can. sect. 2. §. 5. num. 61. h. t. P. Engel. lo. cit. num. 15.

Probatur ex variis Juris textibus 1. ex l. 4. ff. de Jur. & fact. ignorant. his verbis: *Juris ignorantiam in usucapione negatur*

gatur prodesse. II. Ex l. 6. ff. eod. *Juris ignorantia non prodest acquirere volentibus.*

III. Ex l. 31. ff. de usucap. numquam in usucapionibus *Juris error possessori prodest.*

Dices: qui habet bonam fidem, præscribit; sed errans in Jure habet bonam fidem; ergo præscribit. R. tametsi errans in Jure habeat bonam fidem *Theologicam*, non tamen habere bonam fidem *Juridicam* h. e. talem, qualem Jura desiderant, h. e. ab errore *Juris* immunem.

*Affertio II.* Error *Juris*, quem scienter committit, h. e. si quis sciat leges, & Jura, in fraudem tamen eorum scienter aliquid mereatur, impedit præscriptionem etiam longissimi temporis, puta 30. vel 40. annorum. Ita tenet *Hunn. ad Treutl. vol. 2. disp. 22. quest. 43.* Probat per l. 7. *Cod. de agricol. & censitis*, his verbis: *Mala fidei possessorem esse, qui contra Jura mercatur, nullus ambigit.*

Item per c. 82. de R. J. in 6. Qui contra *Jus* mercatur, bonam fidem non habet; atqui malæ fidei possessor, & qui bonam fidem non habet, ullo tempore non præscribit, c. 2. de R. J. in 6. ergo. Vide *Peck. ad. d. c. 82.*

*Affertio III.* Error *Juris*, quem quis ex ignorantia incurrit, fortè, quia hospes in Jure est, & non intelligit, quod in alienatione rei Ecclesiasticæ de forma consensus capituli requiratur, non impedit præscriptionem longissimi temporis. Ita *Pirrhing. loc. cit. num. 62. & Limitant Covar. in c. de R. J. in 6. p. 2. §. 9. n. 5. Clariss. D. P. Konig. n. 37. h. t. Dissent. P. Engel. n. 15. Fachin. lib. 8. cap. 28.*

Mihi prior opinio videtur magis consona rationi, quia in præscriptione longissimi temporis non requiritur titulus, nec de Jure civili mala fides nocet, l. 8. *Cod. de præscrip. 30. vel. 40. annor.* De Jure vero Canonico tantum ea mala fides excluditur, quæ peccatum, & ma-

litiam inducit; non est autem peccatum, aut malitia, ignorare Jura.

Ex hæcenus deductis colligere fas est, ad omnem præscriptionem requiri l. Bonam fidem, quæ in dubio semper præsumitur; quilibet enim præsumitur bonus, donec probetur malus, c. fin. de præsumpt. Harp. n. 6. Altiat. de præsumpt. regul. 3. præsumpt. 5. Covarr. loc. cit. §. 8. n. 2. Mascard. vol. 1. conclus. 224. Schneid. num. 21. & seqq. hic.

Ampliatur, si titulo munitus sit, nec nè, Covar. loc. cit. Vasquius controuv. Illust. lib. 2. cap. 70. n. 2. Mascard. loc. cit. n. 3. Diss. Fach. lib. 8. cont. 32.

Q. VII. An etiam in servitutibus præscribendis requiratur bona fides? Pulchrè, & more suo solidè hanc utilem, à plurimis tamen intactam quæstionem resolvit P. Engel. ad Jus Canon. h. t. n. 18.

Ego, ut breviter me expediam, distinguo inter servitutes urbanas, & servitutes rusticas.

In servitutibus urbanis requiritur bona fides, qua quis credit, se posse Jure suo eum actum exercere, per quem usucapiendi conditionem acquirat. In servitutibus vero rusticis bona fides non desideratur, sed sufficit, quod is, cui debentur, eis non utatur, l. 4. §. si viam. ff. de Usucap. & l. hac. autem. ff. de S. P. U. Unde sequitur, quod licet ego sciam, tibi in fundo meo competere Jus eundi, agendi, aquas ducendi; in casu tamen, quo Jure eundi, agendi, aquas ducendi, &c. non uteris, ego contra te præscribam, nec teneor te monere, ut Jure tuo utaris, quoniam tantum pati teneor, si utaris. Ita P. Sporer. tract. 6. in Decalog. cap. 1. sect. 5. n. 211. Molina de J. & J. tract. 2. discurs. 6. n. 5. Less. lib. 2. de Just. c. 6. dubit. 6. n. 21. P. Engel. loc. cit.

Sed ain! quæ est ratio differentie, quod in præscribendis servitutibus urba-



nis requiratur bona fides, non verò in rusticis? Res est subtilis, non tamen excedens captum. Intende ingenium tuum, & capesce! Hæc est ratio differentiae, quia servitutes rusticæ solò non usu amittuntur, l. 10. §. 1. l. 19. l. 20. ff. quib. mod. servit. amittit. l. sequitur. 4. §. 27. ff. de usucap. Servitutes verò urbanæ solò non usu non amittuntur, sed requiritur aliquod factum, quod sit argumentum interruptæ patientiæ. l. 6. ff. de S. P. U. l. 18. §. 2. ff. quib. mod. serv. amitt.

Unde, licet tignum, senio collapsum, per decem annos exemptum manserit, nisi tamen dominus prædii servientis foramen obstruxerit, ac definito tempore ita obstructum habuerit, servituti tigni immittendi non præscribit. dd. LL. Cur tam variè? quia possessio servitutum rusticarum sustinetur usu earum, & exercitio, quo usu omisso, deperditur, quia nihil succurrit, quod animum retinendæ servitutis ostendat. Aliud est in servitutibus urbanis, hæc enim, semel constitutæ, non indigent ulteriori factò & exercitio, adeoque possessio earum non stat in usu, & exercitio, sed in sola patientia domini. Hinc, nisi factum, puta, in servitute tigni immittendi obstructio foraminis, interveniat, quod sit argumentum interruptæ patientiæ, possessio istarum non deperditur. Jam, si ego sciam, tibi competere servitutem tigni immittendi, & ego foramen obstruam, atque ita impediam, ne aliud immittatur, pecco contra justitiam, quia facio aliquid, quò læditur Jus tuum. Secus est in servitutibus rusticis, in quibus nihil teneor facere, quàm pati, ut iis utaris: sin in usu cesses, tibi habes, quò earum amissionem imputes. Vide A. A. suprà citatos, & præcipuè P. Engel. & P. Sporer. qui solidè distinguunt, an obligatio quædam ex sua natura tendat ad agendum,

vel non agendum: an verò ad patientiandum, vel permittendum? si prius, fortè, quia ex mutuo, exempto, vel ex alia conventionem tibi centum debeo; vel, quia obligor, ad altius non tollendas ædes, fenestras non operiendas, non officiendum luminibus, non datur præscriptio contra talem obligationem, quoniam scientia Juris alieni adest. Unde licet à me per 30. annos non petas mutuos centum, quos mihi dedisti, ego tamen si sciam, quòd tibi illos debeam, contra te non præscribo. Ita quoque docet, *Mynsing. cent. 4. obs. 6. Gail. 1. obs. 18. n. 7. Layman. Theolog. Moral. lib. 3. tract. 1. cap. 8. n. 12. Dissent. Parnom. in c. fin. h. t. num. 13. §. 21. Vasq. controuv. illust. lib. 2. c. 76. n. 3.*

Si posterius, obligatio per præscriptionem extinguitur, etiam si scientiam Juris alieni habeam, sic præscribo servituti itineris, si eà 10. vel 20. annis, de *Jure Austriaco* (ut suprà dictum) 32. annis non utaris, etiam si scientiam Juris tui habeam, teneor enim tantummodo ad patiendum.

II. Ad præscriptionem requiritur *Titulus*, qui est causa, ex se habilis ad transferendum dominium, veluti *emptio*, *donatio*, *permutatio*, *legatum*, &c. Unde patet, quo sensu hoc loco accipiatur titulus, nimirum pro causa possessionis; ut interrogatus, cur aliquid, & quomodo possideat? causam, sive titulum possessionis proferre valeat, atque dicere, quia id emi, quia Titius mihi donavit, vel legavit. *Harp. prin. h. t. n. 101.*

*Dicitur Titulus causa habilis ad transferendum dominium.* Unde alii tituli, qui ex natura sua non tendunt ad translationem dominii, sicuti *pignus*, *commodatum*, *depositum*, *locatio*, *conductio*, &c. ad usucapionem inhabiles sunt. P. Engel. §. 4. h. t. n. 22. *Pwrbing. h. t. sect. 3. §. 1. n. 81.*

*Divi-*

*Dividitur* Titulus in *verum*, & *non verum*. Titulus verus est, vi cuius defacto transfertur dominium, nec opus est usucapione; talem v. g. habet, qui rem ex causa translativa dominii, puta *emptionis*, *donationis*, accepit à vero domino.

- 23 Titulus non verus triplex est, *coloratus*, *existimatus*, & *presumptus*. Coloratus est, qui speciem veri tituli præse fert, vim tamen, ac potestatem ejus non obtinet, talem habet, qui rem à non domino, quem dominum tamen credidit, accepit. Existimatus, seu putativus est, quando quis putat, titulum præcessisse, cum non præcesserit; talem habet, qui putat, rem sibi donatam, vel legatam esse, quæ tamen nec donata, nec legata fuit, sed vendita. Presumptus Titulus est, quem Jura præsumunt intervenisse, licet in rei veritate non intervenierit. Jam sequitur

*Affertio I.* Ad omnem præscriptionem requiritur titulus, *tex. hic. l. 27. ff. de usu. cap. & usurpat. l. 24. Cod. de R. V. l. 4. Cod. de præscript. long. temp. Manz n. 46. hic. Schneid. n. 32. Harp. num. 99. Pirrhing. ad Jus Canon h. t. §. 1. f. 3. num. 81.* Ratio est, quia possessionem sine vitio acquisitam esse oportet, quod fieri non potest nisi quis prudenter opinari possit, rem esse suam, aut se habere justam possidendi causam.

- 26 *Affertio II.* Titulus verus non requiritur, sed impedit præscriptionem; quia verum, & absolutum dominium transfert, ut usucapione amplius opus non sit, quod enim semel meum est, amplius meum fieri non potest, *l. 14. §. 2. ff. de except. rei jud. c. 6. & de fide instrum. Schneid. num. 34.*

- 27 *Affertio III.* Ad præscriptionem ordinariam puta, triennalem, decennalem inter præsentem, vicennalem inter absen-

tes, requiritur titulus coloratus, quem ille habet, qui rem à non domino bona fide emit. *dd. l. & ratione in Affert. I.*

*Affertio IV.* Ad præscriptionem reum 28 incorporalium v. g. servitutum, non requiritur titulus coloratus, sed sufficit præsumptus, *l. 10. ff. si servit. vind. his verbis; Si quis diuturno usu, & longa quasi possessione Jus aqua ducenda nactus sit, non est ei necesse docere de Jure, quo aqua constituta est.* Ratio, quia usus unius, & patientia alterius vices tituli suplent. *Schneid. num. 45. & 46. Clariss. D. D. Franz. Inst. de servit. §. 7. n. 37. Capolla de servit. c. 20. num. 8 Bachov. ad Treutl. vol. 1. disp. 17. th. 9. lit. B. Glesle p. 2. select. q. 28. num. 5.*

*Affertio V.* Titulus existimatus, sive 29 putativus non sufficit ad præscriptionem longi temporis, §. error 11. infra, h. t. Ubi latius hac de re.

*Affertio VI.* Ad præscriptionem longissimi temporis b. e. 30. vel 40. annorum, non requiritur Titulus coloratus, neque putativus, sed sufficit præsumptus, *l. 3. & l. 4. Cod. de præscript. 30. vel 40. ann.* Ratio, quia lapsus tanti temporis loco tituli habetur. *Harp. num. 103. Schneid. num. 42. Manz. num. 57.*

*Limitatur*, si Jus commune resistat 30 præscribere volenti, tum enim etiam in præscriptione longissimi temporis allegari, & probari debet titulus, vel possessio immemorialis temporis, *tex. hic. c. 1. h. t. in 6. ubi ponitur casus de Prælato, qui allegat, se præscripsisse decimas in Parochia alterius Ecclesiæ, & dicitur, non sufficere, quod Prælatus alleget bonam fidem, sed debeat probare titulum, vel, quod illas decimas ab immemoriali tempore perceperit; nam dispositio, & præsumptio Juris est, decimas pertinere ad illam Parochiam, intra cujus limites prædia consistunt, Schneid. num. 42. Engel*

num. 30. *Konig. n. 24. Pirrhing. n. 85. & n. 86. loc. cit.*

De *Jure Austriaco* titulus ad præscriptionem duntaxat triennalem requiritur, res enim immobiles, & incorporales, veluti servitutes, & actiones cursu demum 32. annorum præscribitur, ita, ut tempore prædicto evolutò, absolvatur præscriptio, etiam sine titulo *N. Oe. Land-Tafel, lib. 4. tit. 129. & rit. 30. Also, und dergestalten, &c. i. e. Ita, ut si rei post hac vindicatio abs aliquo instituat, nec tamen possessor heredesve ejus titulo ullo veterem possessionem suam fulcire queant, hac sua possessione sola tueri se possunt.*

Confer *Landes-Ordnung lib. 2. tit. 31. §. 10. seqq. Item neue Satz- und Ord. de Jurib. Incorp. tit. 16.*

III. Ad præscriptionem requiritur possessio juxta regulam: *usucapio sine possessione non procedit; c. 3. de R. J. in 6.* Debet autem possessio esse civilis, *h. e.* detentio rei cum opinione, & animo dominii. Unde naturalis possessio sive rei detentio citra animum, & affectionem dominii ad præscriptionem non sufficit *l. 13. §. 1. ff. de publ. in rem act. l. 13. ff. de usucap. & usurp.* enim verò præscriptio est modus dominium acquirendi, quod non acquiritur sine animo, & voluntate acquirentis, *l. 55. ff. de O & A.* Sic creditor pignus, usu fructuarius rem fructuariam, vassallus rem feudalem, Emphyteuta rem emphyteuticam, depositarius rem depositam, commodatarius rem commodatam, &c. etiam si res illas centum, pluribus annis possideant, præscribere tamen non possunt, quoniam non habent animum, & affectionem dominii. *Hunn. ad Treutl. vol 2. disp. 22. rh. 1. q. 1. Pirrhing. ad Jus Canon. h. t. sect. 2. §. 1. n. 38. & seqq. Harp. n. 385. Clariss. D. P. Konig. h. t. num. 26. Zoëf. ff. e. n. 45.*

Requiritur ad præscriptionem legiti-

man tempus, quod pro diversitate rerum & causarum varium est. Aliud enim est *tempus breve*, aliud *longum*, aliud *longissimum*, aliud *inmemoriale*.

Breve appellatur, quod est infra, vel 38 supra triennium, minus tamen decennio. Hòc modò triennio præscribuntur res mobiles, *text. hic. & l. un. Cod. de usucap. transform.* Nec refert de Jure communi, ad Ecclesiam, sive ad privatos pertineant. *Auth. quas actiones Cod. de SS. Eccles. Covarruv. in c. 2. de R. J. in 6. p. 2. §. 2. num. 5. Laiman. lib. 3. tract. 1. c. 8. num. 13. P. Engel ad Jus Canon. h. t. n. 28. Concordat Jus Austr. quoad res privatorum, teste Walther de Jure consuet. lib. 4. tit. 127.*

Huc quoque revocare possis triennalem illam, & 18. hebdomadarum præscriptionem, quæ in Austria ex Constitutione Ferdinandi II. inducta est, *Wann sich. &c. c. i.* Cum in fundis, sive feudalibus sive allodialibus; nem Donibus liberis, Curtiis, & similibus, ex quocumque capite mutatio possessoris accadat, ille, ad præveniendam incommoda, inde forsan oritura ( nisi Emptor, aliisve cuius intersit, aliter rem transigi velint, à Judice requirant, quod integrum cuique relinquitur, tam in qui bona per emptiorem, quam in, qui alio titulo sibi comparaverint antea, vel in posterum acquire possent ) per Edicta publica quacumque istiusmodi mutatio fuerit inducta, publicari debet, & omnibus atque singulis, qui vel in petitorio, vel in possessorio, aut alio quovis titulo, juris aliquid in hac bona, & a. i. o. is habere se putant, significari, ut, secundum propositum Edictum supra memoratum, intra tres annos & octiduum Hebdomades peremptorie petitiones suas, idque juxta ordinationem proferant: quod nisi intra præscriptum illud terminum præstiterint, alterius non admissum eos iri, jure actio-

actioneque omni deinceps carituros. Quæ tamen Edicta Dominis Feudi, quantum ad jura ipsorum feudali adinet, item Pupillis indefensis, ut & absentibus ex justa & necessaria causa fraudi esse non oportet, atque imprimis Ecclesiæ Ministris. Qui vero Judicis concessione in possessionem fundi fuerunt missi, ejusque domini facti sunt, non tenentur Edicta id genus ad majorem securitatem requirere: sed elapso triennio atque octodecim septimanarum termino, nemini (sin excipias Partes de quibus supra) rationem reddere juris sui vel in judicio eos postulanti tenentur ullo modo. Generale Ferdin. II, de an. 1635. 17. Aug.

Pariter de Jure Austriaco per revolutionem unius anni præscriptione extinguitur actio Injuriarum, und eine jedwede Gewalts - Klage. Suting. obs. 13. n. 5.

34 Longum tempus sunt 10. anni inter præsentis, & 20. inter absentes, quo tempore de Jure civili cum titulo præscribuntur res immobiles, tex. hinc & d. l. un. Cod. de Usucap. transform. l. fin. Cod. de præscript.

35 long. temp. Dicuntur autem præsentis, qui in eadem provincia habitant; absentes qui in diversis, P. Engel num. 29. König num. 43. Aliter Manz. num. 83. ubi Lege imperiali putat, necesse esse, ut determinetur, qui præsentis, qui absentes dicendi sint?

36 Longissimum tempus sunt 30. anni & ultra. Sic bona privatorum immobilia sine titulo 30. annorum spatiò præscribuntur l. 3. & 4. Cod. de præscript. 30. vel 40. ann. Item 30. annis tolluntur omnes actiones civiles, tam reales, quam personales, l. 3. l. 7. Cod. d. t. Harp. n. 174. Zoes. ff. b. t. n. 48.

Excipitur I. Actio de dolo, quæ durat tantum bienniò, l. fin. Cod. de doli

37 mali except. II. Exceptio non numeratæ pecuniæ, quæ etiam bienniò extinguitur, l. in Contractibus. Cod. de non num.

pecun. III. Actio redhibitoria, quæ 6. mensibus expirat, l. 16. §. fin. ff. de edilit. edicto. IV. Actio quanti minoris, quæ terminatur unò annò d. l. 19. V. Quærela inofficiosa quæ quinquenniò circumferbitur. l. 34. Cod. de inoff. testam. VI. Actio hypothecaria, cui diversimodè præscribitur. Et quidem, si hypotheca possideatur à debitore, vel ejus hærede, tunc actioni hypothecariæ non præscribitur, nisi 40. annis, l. 7. §. 1. Cod. de præscript. 30. vel 40. ann. Brunnem. ibid. num. 5. Si hypotheca possideatur ab extraneo, non debitore, fortè, quia illam bonà fide emit, extinguitur actio hypothecaria 10. annis inter præsentis, & 20. inter absentes, l. 1. & l. 2. Cod. si advers. credit. Brunnem. ibid. Schamb. inst. b. t. pag. 290. Si hypotheca possideatur ab extraneo, & quidem malà fide, tunc de Jure civili circumscribitur actio hypothecaria 30. annis, & de hoc casu intelligenda est l. 3. Cod. de præscript. 30. vel 40. annor. Zoes. ff. b. t. num. 49. vide & Hunu. ad Treutl. vol. 2. disp. 1. th. 7. q. 47.

Ad præscriptionem longissimi temporis spectat etiam illa, quæ 40. annis concluditur, qua de Jure communi præscribuntur res Ecclesiasticæ, quæ videlicet pertinent ad Ecclesiam, c. 4. & c. 8. X. b. t. Engel. n. 30. Pirrbing. loc. cit. n. 92. Excipitur Ecclesia Romana, contra quam non currit nisi centenaria præscriptio, cap. 13. X. b. t. Pirrbing. n. 199. Ruth. tract. de usucap. cap. 5. assert. 28. Covar. in c. possessor. p. 2. §. 2. n. 6.

De Jure Austriaco res Ecclesiasticæ, & 40. Monasterium nullo unquam tempore possunt præscribi, idque demonstratur per Generalia Ferdinandi I. de dato 22. Junii 1534. Ferdinandi II. de dato 25. Februarii 1634. Maximil. II. de dato 10. Junii 1575. Suttinger. in Manuscript verb.



*Geistliche Güter. Finslerwalder lib. 2. obs. 105. num. 8. ubi num. 34. & seqq.* rationes, & moriva, quibus hæc consuetudo nititur, longâ serie adducit. Quare quilibet possessor Prælato agenti titulum suæ possessionis edere tenetur.

Res immobiles de *Jure Austriaco* non præscribuntur nisi 32. annis. Ita de consuetudine hujus inferioris Austriæ testatur Bernard. Walter lib. 4. tit. 120. verbis: *Welcher ein liegendes, Gut, &c. i. e. Si quis rem immobilem prout Austria Infra Annum moribus antiquis cautum est per 32. annos continuos possedit, eaque usus ac fructus est; hac diuturna nec interrupta possessione, tum ille. tum heredes ejus, tale jus ac dominium habent constitutum, ut si quis deinceps rem illam vindicare suscipiat, possessor ejusve heredes, licet antiquam possessionem suam nullo titulo possint tueri, in tuto tamen ea solâ sint collocati, ita ut Præscriptionem agenti jure opponant. & ab actione hoc uno præsidio liberentur. Præscribuntur pariter Credita aliaque jura personalia, 32. annorum lapsu. Finslerwalder. lib. 2. obs. 104. n. 5.*

41 *Tempus immemoriale est cujus initii memoria non extat quo tempore præscribuntur res, quæ aliàs præscribi non possunt. Hæc præscriptio habet vim privilegii, æquiparatur privilegio à principe concessio, c. 46. §. 5. præterea. & de V S. Spatiumque tanti temporis tantum potest, quantum Imperator. Schneid. num. 81. P. Egel. num. 34. Pirrhing. loc. cit. n. 128. Myns. cent. 1. obs. 30. ubi ait: præscriptione immemoriali probata, non admitti probationem in contrarium.*

42 *In specie tempore immemoriali præscribuntur I. Res, testamentò alienari prohibita, de quibus, l. 3. ult. & auth. Res, quæ Cod. commun. de legat. Pirrhing. loc. cit. §. 7. num. 35. & seqq. II. Res dotales arg l. 30. Cod. Jure dot. III. Regalia*

*principis, v. g. Jus collectandi, cuden-di monetam, imponendi vectigalia; & denique omnia illa Jura, quæ non possunt competere, nisi ex speciali privilegio principis. Schneid. num. 33. Struv. Exercit. 43. rh. 24. Harp. n. 218. Reichs-Abschid. de A. 1548. §. Wo aber innerhalb. Menschen-Gedencken 64. herlich. p. 2. concl. 8. num. 14. Tanger de Except. p. 3. c. 10. num. 183.*

Differt ista præscriptio à centenaria, quia hæc potest esse non immemorialis, cum homines reperiri possint ætatis tam provectæ, ut centum annorum recorderentur. Pirrhing. loc. cit. num. 129. Covar. in c. 2. p. 2. §. 3 num. 6. & 7.

#### §. SED ALIQUANDO. I.

Hucusque excussimus IV. præscriptionis *Requisita*; puta, bonam fidem, justum Titulum, possessionem, & legitimum tempus.

Jam in hoc, & seqq. §§. agendum de 43 quinto præscriptionis *Requisito*, quod in eo consistit, ut res, non sit vitiosa, b. e. usucapi non prohibita, l. 24. ff. de usucap. & usurp. Prohibendum autem in specie usucapi res, quæ commercio humano exemptæ sunt, veluti liber homo, res sacra, sancta, religiosa, text. hic. l. 9. ff. h. e. Ratio, quia præscriptio est modus acquirendi domini; hæc autem res in dominium non cadunt, ergo &c. Manz. num. 4. Myns. & Wensens. hic. Similiter servus fugitivus usucapi non potest, text. hic. Ratio, quia res furtiva (ut statim audiemus) non potest usucapi; atqui servus fugitivus est aliquo modo furtivus quia sui ipsius furtum facere dicitur, l. 1. Cod. de serv. fugitiv. ergo.

#### §. FURTIVÆ. CUM §. QUON AUTEM SEQ.

Præterea res furtivæ, & quæ vi possessæ sunt, neque à fure, & violento possessore,

essore, neque ab ullo alio, etiamsi bona fide rem talem ab alio acceperit, usucapi possunt. Ratio quoad furem, quia & titulo, & bona fide caret. Ratio quoad bonæ fidei possessorem, quia furtum, & violentia sunt vitia realia §. *hic*. vitia autem realia rebus semper coherent, easque, ut lepra leprosum, sequuntur, l. 4. §. 6. ff. b. t. §. l. 11. Cod. de acq. §. *retin. poss.* Unde infert Imperator in §. *hic*. quod in rebus mobilibus triennalis præscriptio raro procedat, quia plerumque, qui primus rem vendidit, cum dominus non fuerit, furtum commisit.

Non sine mysterio autem dicit Imperator res furtivas, & vi possessas à bonæ fidei possessore longo tempore usucapi non posse; enimverò si quis longissimò tempore, 30. scilicet, vel 40. annorum spatio eas bona fide possederit, tunc præscribit, l. 3. §. 4. Cod. de præscript. 30. vel 40. ann. Schneid. n. 61. §. n. 66. Mynsing. num. 5. Ratio, quia tantò tempore vitium, quod impediabat usucapionem, eluitur, & purgatur. Manz. n. 10.

#### §. SED T A M E N. 4.

45 Q. hic, quid Juris, si heres rem, defuncto commodatam, aut locatam, vel apud eum depositam, existimans, hereditariam esse, bona fide accipienti vendiderit, aut donaverit, aut dotis nomine dederit, poteritne is, qui bona fide recepit usucapere.

R. quòd sic, ratio est, quia licet hæres rem, defuncto commodatam, invitò domino, i. e. commodante, contrectaverit, quia tamen non fecit sciens, & mala fide, sed ignorans, & bona fide, furtum non commisit, consequenter ea res in vitium furti non cecidit, furtum enim est contrectatio fraudulenta, neque absque affectu, & doloso animo committitur, §. 7. *hij. de oblig. quæ ex delict. nasc.* Manz. n. 2.

Sed, poteritne etiam ipse hæres, in bona fide existens, rem, defuncto v. g. commodatam, præscribere? Non potest, quia defunctus non potuit; ergò neque hæres. Defunctus non potuit, quoniam, rem esse alienam, scivit, adeòque in mala fide constitutus fuit; atqui hæres succedit in universum Jus defuncti, & ignorantia suà ejusdem vitia non excludit, l. 11. ff. de divers. §. *tempor. præscrip.* Harp. num. 7. Covar. in c. *possess.* 2. p. 2. Menoch. de recup. *poss. remed.* 1. n. 618.

#### §. I T E M S I I s. 5.

Q. hic, quid Juris in hoc casu? Sempronius habet usum fructum ancillæ, & partum ex illa susceptum Titio bona fide vendit, poteritne Titius partum præscribere?

Ratio dubitandæ est, quia Sempronius vendidit rem alienam; partus enim ancillæ, in fructu non est, atque adeò ad proprietarium pertinet; absurdum enim (inquit §. 39. de R. D.) videtur hominem in fructu esse.

Verum, hac ratione non obstante, Imperator decidit, usucapionem procedere, ex ratione, quòd furtum, sine affectu & animò doloso non committatur.

Colligunt aliqui, ex hoc §. quòd error juris usucapionem non impediatur, puta ex parte tradentis, secus ex parte accipientis. Mynsing. n. 1. Manz. num. 4.

#### §. A L I I s. 6.

Dicit Imperator aliis quoque modis accidere posse, ut quis sine vitio furti rem alienam ad aliquem transferat, & efficiat, ut à possessore usucapiatur, sed eos modos non enumerat, nec nobis enumerare placuit, ne alias rudis, & infirmus animus studiosi multitudine, & varietate rerum nimium oneretur. §. 2. *Inj. de J.* §. J.

#### §. QUID

## §. QUID AUTEM. 7.

Viso, quomodo res mobiles alienæ in aliquem sine vitio furti transferantur, ostendit modò Imperator, quomodo possit res immobilis aliena sine vitio ad alium devenire; pro cuius intellectu figuratur talis

## CASUS.

Titius, peregrè profectus, fundum 46 quemdam vacuum reliquit, aut præsens nullam ejus curam habuit, aut denique sine successore decessit: Cajus in fundi possessionem intrat. Q. An ipse Cajus possit præscribere? R. *negat.* Quia intelligit, fundum alienum esse, quem occupavit; quod enim tuum non est, scire debes, ad alium pertinere, *l. fin Cod. unde vi.* Sed quid, si Cajus Cornelio fundum vendiderit, poteritne Cornelius præscribere?

Decidit Imperator quòd sic, & quidem longo tempore, *text. hic. & in l. 37. §. 1. ff. b. t.* Ratio est in textu, iste fundus neque furtivus est, neque vi possessus. Non furtivus, quia rei immobilis non fit furtum, §. 2. *Inst. de oblig. quæ ex delict.* Non vi possessus, quia ex supposito Cajus neminem dejecit de possessione fundi. *Manz. hic. Wesemb. n. 4.*

Dices: Mala fides antecessoris successoris particulari nocet, ita, ut non præscribat nisi 30. annis, *auth. mala fidei Cod. de præscrip. long. temp.* ergo saltem Cornelius non præscribit longo tempore.

R. I. Aliquos velle per *d. auth. mala fidei*, hujus §. correctionem factam esse. *Ludwell. num. 2. hic.* R. II. Nostrium §. intelligendum esse de eo casu, quo Cajus in possessionem fundi, sciente domino, ingressus est, ita, ut sensus *d. auth. mala fidei*, talis sit: Mala fides antecessoris successoris particulari nocet quoad præscriptionem ordinariam, si dominus igno-

raverit, alienationem rei suæ in alterum factam esse; secus, si sciverit. Vide, quæ infra §. 12. *b. t.* scripsimus.

## §. ALIQUANDO

Dictum est in §. *b. t.* res furtivas, aut 47 vi possessas longo tempore usucapi non posse. Hic ponitur limitatio, *nisi in potestatem domini reversa fuerit*: nam si res in potestatem domini reversa fuerit, vitium purgatur, & usucapio procedit. *text. hic. Manz. hic.*

Requiritur autem, ut eodem modo res revertatur, quo ablata est, i. e. gratis. Hinc, si mihi auferatur codex meus, quem a possessore bonæ fidei ex defectu domini probationis debui mercari, vitium non purgatur. *l. 4. §. 12. ff. b. t. Harp. hic. Franzkius Inst. n. 7.*

## §. RES FISCO 6.

Inter cæteras, quæ usucapionem res 84 puunt, refert Imperator etiam res Fisci, circa quas, ut accuratè procedamus, adhibenda est talis distinctio, aut loquimur de bonis, incorporatis Fisco, aut nondum incorporatis? Bona prioris generis, sive mobilia sint, sive immobilia, non præscribuntur longi temporis præscriptione, *text. hic.* præscribuntur tamen longissimo tempore, puta 30. vel. 40. annorum spatio, *arg. l. omnes 4. Cod. de præscrip. 30. vel 40. ann.* ubi dicitur, nullum Jus privatum, vel publicum esse, quòd 40. annorum silentio non extinguatur. *Pirrhing. ad Jus Canon. b. t. sect. 3. §. 4. n. 105. Covar. in c. 2. de R. J. in 6. p. 2. §. 3. num. 16. Schneid. n. 41. Clariss. D. D. Franz. Inst. b. t. n. 15.*

Jure Austriaco Regalia Principis, & res Fisci immobiles non præscribuntur, nisi centum annis. *N. De. Lands-Ord. lib. 2. Tit. 31. §. 20. Sutting. in Manuscript. lit. Verjährung.*

Bona,

Bona, nondum incorporata Fisco, seu bona vacantia, iterum vel sunt denunciata fisco, vel non. Si non sunt denunciata Fisco, forté, quia mortuus quis est sine hærede, idque fisco intimatum non est, tunc contra fiscum currit præscriptio ordinaria, puta in rebus mobilibus triennalis; in rebus veró immobilibus decennalis, *l. quamvis* 18. ff. *h. t.* Ratio, quia bona vacantia, fisco nondum denunciata, naturam privatorum retinent. *Manz. n. 9. Harp. n. 4.*

Si bona sunt denunciata fisco, & fiscus ea occupare neglexit, tunc ea præscribuntur adversus fiscum quadrienniâ. *text. hic. l. 1. Cod. de quadrienn. præscrip. l. 10. ff. de divers. & temp. præscript. Schweid. num. 41. Pirrhing. loc. cit. n. 105. Schamb. hic. Clariff. D. P. Konig. n. 17. & communiter omnes.*

#### §. NOVISSIME. IO.

Postquam Imperator multa hætenus de requisitis usucapionis disseruit, jam quasi in compendio, priora repetit, & dicit, ad præscriptionem necessarium esse, ut res ipsa, de qua præscribenda agitur, non habeat vitium, ac bonâ fide acquisita, & possessa sit; de quibus hucusque satis dictum. In specie,

94 Q. VIII. *An Juri luendi pignoris præscribi possit?* Ut in accerrimo hujus *Controversia* conflictu tela prævisa minús officiant, tenaciter

*Nota!* Creditor, qui in securitatem crediti pignus accepit, solutô debitô, illud restituere debet, atque in eam rem prodita est debitori actio directa pignoratitia, *tot. tit. ff. & Cod. de pignorat. act.* Cùm autem debitor actione pignoratitia efficaciter experiri nequeat, nisi totô debitô exsolutô, quæsitum est, an Jus illud, quod debitor habet, offerendi scilicet pecuniam, & sic pignus luendi, *Kees ad Instituta.*

præscriptione 30. vel 40. annorum tollatur?

Negant *Zoëf. ff. h. t. n. 41. Harp. princip. Inst. h. t. num. 183. Hunn. ad Treutl. vol. 2. disp. 22. th. 2. quest. 15. Aruma. Exercit. 6. th. 9. Pirrhing. ad Jus Canon. h. t. n. 17. Zanger. de Except. p. 3. cap. 10 num. 190. P. Engel. ad Jus Canon. h. t. num. 9. Gail. lib. 2. obs. 18. n. 6. Mynsing. cent. 6. obs. 70. num. 20.* ubi hanc Sententiam testantur in Camera Imperiali receptam esse.

Affirmant *Bachov. ad Treutl. vol. 2. disp. 22. th. 3. lit. 1. Vinn. select. quest. lib. 2. cap. 6. Tuschus tom. 6. conclus. præct. 593. n. 1. Clariff. D. D. Franz. Inst. h. t. num. 10. Wesem. in paratit. ff. de rescind. vend. ult.*

Prima Sententia probatur I. hac efficaci ratione: quia actio præscriptione non potest tolli, antequàm nata sit, *l. 1. §. ult. §. Nisi ex quo actionem movere potuerint. Cod. de annal. excep.* Non enim nullas qualitates esse, in propatulo est. *l. 4. ff. locati l. 116. ff. de V. O.* atqui pignoratitia actio non nascitur tempore contractûs, aut conventionis de pignore constituendo, sed tum demum, cum debitor pignus repignoravit, *h. e.* creditori pecuniam debitam solvit, vel alio modo satisfecit, *l. 9. §. 3. ff. de pignorat. act. & l. 11. Cod. eod.* ergo creditor huic actioni ante solutionem, à debitore factam, præscribere non poterit.

Non *Obstat*, quod ab Antagonistis contra hanc rationem regeritur, scilicet, natam esse hanc actionem pignoratitiam statim, atque pignus contractum est; quia statim atque debitor pignus tradit, sibi reservat Jus luendi illud, atque adeo ratione tantùm effectûs ut efficaciter actio ista possit intentari, post solutionem nasci videtur, argumentô simili in actione ex empto, quæ statim, atque de re, & merce



merce conventum, quoad substantiam, sive (ut ajunt) quoad actum primum, nata est, licet, antequam pretium offeratur, emptori denegetur, *l. 13. §. 8. ff. de act. emp. & vend.* Non (inquam) hoc obstat. R. enim diversam esse causam pignoris, quam emptionis venditionis, quia simul, atque de merce, & pretio conventum est, statim oritur actio empti, & venditi, nec quid aliud requiritur. Contra verò, si pignus contractum est, non oritur statim actio pignoratitia, sed demum post solutionem. Non mirum proinde, quod actioni ex empto statim currat præscriptio, quoniam nata est; fideus autem fit in actione pignoratitia. Enim verò hæc ante solutionem nata non est, quam ipsam solutionem præviam ad sui nativitatem essentialiter requirit, ita, ut prius Jus luendi non habeat.

*Probatur II.* Quia in tali præscriptione tria requisita præscriptionis substantialia deficiunt, puta, possessio, titulus & bona fides; *Possessio*, quia creditor alieno nomine possidet, *l. 12. ff. de Usurp. & Usucap.* qui autem alieno nomine possidet, non præscribit, *l. 2. Cod. de præscript. 30. vel 40. annor.* Nec contra est, si fideus, creditorem voluisse sibi possidere, quoniam trita regula est, sibi ipsi causam possessionis neminem mutare posse, *l. 3. §. 19. l. 18. l. 19. §. 1. ff. de acquir. vel amit. poss.* *Titulus* quod deficiat, patet, quia pignoris titulus non est domini translativus, *l. 15. §. 2. ff. qui satisdant cog.* *Bona fides* quod deficiat, inculentum est, cum creditor sciat, se rem alienam possidere. Sanè, si fingas, creditorem habere bonam fidem i. e. rem, ut suam possidere, & esse in quasi-possessione, in qua constituitur, si pignus petum sit, ille autem dixerit, id ad se pertinere, & debitor acquieverit,

ultrò lubenter concedo, 30. vel 40. annis Juri luendi pignoris præscribi; adesset enim bona fides, & possessio; titulus verò quod deficiat, non refert, cum in præscriptione longissimi temporis non requiratur.

*Probatur III.* Quia ea, quæ meræ facultatis sunt, nullo unquam tempore præscribuntur, *l. 2. ff. de via publica l. 26. ff. de damno infecto. c. 25. & de V. S.* Sic is, qui aliquot annis Ecclesie, aut Hospitali cuidam certam pecuniæ quantitatem pro eleemosyna liberè donavit, cogi non potest, ut impofterum similiter donet, *can. 61. causâ. 16. q. 1.* Item, si 40. annis continuis Molendinum meum frequentasti, ut frumentum molares, non propterea possum prætextu præscriptionis te impedire, quominus, si libeat, aliud Molendinum accedas. *Konig. h. t. n. 14. Pirrhing. loc. cit. n. 17. Covar. in d. c. 2. p. 2. §. 4. n. 6.* Ratio, quia actus, & res meræ facultatis, quæ non præscribuntur, nisi prohibitio unius, & acquiescentia alterius interveniat, per quam quis constituitur in quasi possessione, de quo vide omnino *Pirrhing. loc. cit. Engel. n. 9. Laymann. Theol. mor. lib. 3. tit. 1. cap. 8. Humm. ad Treutl. vol. 2. disp. 22. rh. 3. lit. l. q. 15.* Atqui Jus luendi pignoris est res meræ facultatis; consistit enim in arbitrio debitoris, tempore, quo velit, pignus repetere, ergo &c.

*Probatur IV.* Quia non valenti agere, non currit præscriptio, veluti, si obligatio diem habeat, *l. 7. §. 4. Cod. de præscript. 30. vel 40. ann.* & in specie, *l. 1. §. ult. Cod. de annal. Except.* Ubi filio-fam. ideò, durante patria potestate, non currit præscriptio; quia, eâ durante, agere non potest, ergo etiam debitori non curret præscriptio, quia ante solutionem agere non valet.

Obj.

*Obj. I. L. 3. l. 4. Cod. de prescript. 30. vel 40. ann.* Ubi generaliter rescribitur, omnem actionem, & omne Jus, sive privatum, sive publicum 30. aut 40. annorum spatio extingui; ergò tanto tempore extinguetur etiam actio pignoratitia, quia *ly omne* nihil excludit. *l. 68. ff. de legat. 3. R. dd. ll. intelligendas esse de actione, & Jure, jam nato.*

*Obj. II. Creditor amittit actionem hypothecariam 40. annorum spatio. l. 7. Cod. de prescript. 30. annor.* Ergò & debitor intra 30. vel 40. annos amittit actionem pignoratitiam; statutum enim in uno correlativorum, statutum quoque in altero intelligitur. *l. ult. Cod. de indict. viduit. R. d. Axioma* procedere, quando est eadem ratio correlativorum; in nostro autem casu est diversa ratio. Enim vero actioni hypothecariæ, creditori competenti, præscribitur quia jam nata est; nascitur enim statim, quando hypotheca contrahitur. *l. 3. Cod. de long. temp. prescript.* At, actionem pignoratitiam ante solutionem nasci, nemo, nisi qui negat lucem in meridie, asserit.

*Obj. III. L. ult. Cod. de pignorat. act.* ubi expressè cavetur actionem pignoratitiam, debitori competentem, non perimi longi temporis præscriptione; ergò videtur extingui longissimo tempore. *R. d. l. ult.* esse intelligendam de actione pignoratitiâ jam nata.

*Obj. IV. Juri offerendi potest præscribi longissimo tempore, l. 9. §. 3. de prescript. 30. vel 40. ann.* ergò & luendi pignoris. *R. con. ant. neg. conseq.* quoniam Jus offerendi (quod habet secundus creditor, qui primo creditori debitum solvere, & causam pignoris sibi confirmare potest) natum est secundo creditori. Vide *Perez in Cod. de prescript. 30. vel 40. ann. num. 7. §. 8.*

*Obj. V. Juri retrovendendi 30. anno-*

rum spatio præscribitur; ergò etiam Juri luendi pignoris. *R. Antec.* esse falsum, & teste *Mynsing. cent. 1. obs. 26. in camera Imperiali* contrariè decisum fuisse. Ratio evidens est, quia is, qui in mala fide est, nullò unquam tempore præscribit; atqui emptor, qui promissit, quodocunque revendere, cum sciat, se ad retrovendendum obligatum esse, est in mala fide constitutus, ergò non præscribit. Vide, latè de hac re differentes, *Harp. prin. Inst. h. t. num. 197. Gomez. tom. 3. resolut. cap. 2. num. 28. Treutl. vol. 1. disp. 28. th. 10. lit. A. Fach. lib. 2. cont. cap. 13.*

*Q. IX. An annuis præstationibus, §. 50 redivibus (jährlichen Zins und Gülden) præscribi possit? v. g. an emphyteuta, qui 30. vel 40. anni canonem non solvit, nec à domino directo ad præstationem interpellatus est, libertatem præscribat, non solvendi canonem in tempus futurum?*

In ancipiti hujus arduæ (utilissimæ tamen) controversiæ conflictu tres sunt *DD. Opiniones.*

**I.** Est eorum, qui existimant, in annuis redivibus, sive præstationibus Jus exigendi 30. annorum spatio tam quoad futuras, quam quoad præteritas extingui. Ita *Barth. in l. 6. Cod. de prescript. 30. vel 40. ann. Schurpf. consil. 10. Menoch. consil. 49. num. 20. Vassq. controuv. illust. lib. 2. cap. 83. num. 38. Schneid. Inst. h. t. num. 14. Zanger. de except. p. 3. cap. 10. n. 188. Bachov. ad Treutl. vol. 2. disp. 22. th. 3. lit. 1.*

**II.** *Sententia dylinguit*, an annuæ præstationes descendant ex contractibus, an verò ex legatis. In priori casu subscribunt primæ opinioni. In posteriori docent, 30. annorum decursu a præteritis tantummodò pensiones præscribi.

**III. Sententia** [cui Ego quoque adstipulor] docet singulorum annorum singulas esse præscriptiones; ita, ut illæ duntaxat præstationes præscribantur, respectu quarum 30. ann. lapsi sunt, non verò futura, nullà factâ differentiâ inter pensiones ex contractu, vel ex legato debitas. Ita intrepidè sustinent Harp. *princ. Inst. h. t. num. 17.* Zoef. *ff. h. t. num. 44.* Hum. *ad Treutl. loc. cit. quæst. 16.* Berlich. *part. 2. concl. 4. n. 10.* Mynsing. *cent. 3. obs. 13.* Guil. *lib. 2. obs. 73. num. 1.* Ubi hanc sententiam in Camera Imperiali multis præjudiciis confirmatam esse, testatur.

*Ratio*, quare singulorum annorum singulæ debeant esse præscriptiones, sive (ut luculentius tibi loquatur) quare debeant esse tot præscriptiones, quot sunt actiones, est hæc, quia singulis annis oriatur nova actio, cum singulis annis, quod promissum est, præstandum sit; ergo singulis annis opus est novâ præscriptione, quâ actio noviter nata extinguatur.

*Ratio* verò, quare respectu futurarum præstationum non currat præscriptio, communiter adducitur hæc; quia pro futuris annis actio nondum nata est: ergo huic præscribi non potest, non entis enim nullas esse quasitates, in propatulo est. *arg. l. 2. ff. de usufr. § l. 116. de V. O.*

*Ratio* alia, & (meò exiguo iudiciò) per quàm solida, adducitur à Berlichio *loc. cit.* Quia præscriptio sine possessione non procedit, *l. 25. ff. de usucap. c. 3. de R. J. in 6.* Debitor autem annuarum præstationum, ratione sequentium annorum, & futurarum præstationum, in quasi possessione non est. *text. in l. 2. Cod. de præscript. 30. vel 40. ann.* Ergo:

Accedit *differt. text. in l. cùm notissimi* *7. §. 6. Cod. d. 1.* his verbis: *Ubi his*

*promissionibus, vel legatis, vel aliis obligationibus, quæ dationem per singulos annos, vel menses, aut aliquod singulare tempus continent, tempora memoratarum præscriptionum, non ab exordio talis obligationis sed ab initio cuiusque anni, vel mensis, vel alterius singularis temporis computari, manifestum est.* En! dicitur **I. promissionibus vel legatis.** Unde sequitur inter præstationes annuas ex contractu, vel ex legato debitas, nullam adhibendam esse distinctionem. Dicitur **II. Tempora ab initio cuiusque anni, vel mensis computari.** Unde colliges, singulorum annorum singulas esse præscriptiones.

Facit etiam huc *l. 28. ff. quib. mod. usi s- fruct. amitt.* Si usus-fructus alternis annis legatur, non potest non utendo amitti, quia legata sunt. Sicut ergo in annuis legatis usus-fructus non unâ præscriptione tollitur, sed necesse est, ut tot interveniant præscriptiones, quot anni, ita etiam in canone solvendo non una præscriptio sufficit, sed tot debent esse præscriptiones, quot sunt annuæ præstationes.

**Non adversatur I.** Quod in annuis præstationibus pro toto tempore agi possit, *l. 1. Cod. de fideicommiss.* Ergo etiam præscribi. Enim verò id, abbreviandarum litium causâ, concessum est; absurdum enim foret ratione cuiuslibet præstationis peculiarem processum instituere.

**Nec refragatur II. l. 26. Cod. de usuris.** Ubi dicitur, quod debitor 30. annis liberetur ab usuris; ergo, sicut pro toto tempore in usuris currit præscriptio, ita etiam in annuis præstationibus, currat, necesse est: sicut enim in his singulis annis demum nascitur actio, ita etiam in usuris. **R.** Enim, propterea debitorem liberari ab usuris, quia tantum fuit obligatio accessoria; cum ergo *l. l. 26.* loquatur de eo casu, quo principalis obligatio

gatio sublata est, ideo etiam usuræ tolluntur, quia tamquam accessorium, sequuntur suum principale. Secus est in annuis præstationibus, quæ tamquam principale debitum solvendæ per se subsistunt.

**Minus Obstat III.** Dum ita *insurgis*: Si obligatus quis fuerit in certo genere monetæ, vel frugum, pensionem annuam solvere, & 30. vel 40. annorum spatio in alio genere, minus valoroso, solverit, contra primam obligationem præscribit, & in futurum non tenetur annuam pensionem in alia moneta solvere, quam per 30. annos solvit, *can. olim. causa 20. de cens.* ergo etiam, si canon omnino solutus non sit, in posterum solvendus non erit. **R. I.** *antec.* vehementer dubium esse; contrarium enim propugnat. *Gail. loc. cit.* **R. II.** *Ex Hunnio loc. cit.* quod ideo liberetur debitor à solutione in meliori moneta, qui per aliquot annos solvit in deteriori; quia dominus directus per tacitum pactum solutionem in meliori moneta censetur remisisse, adeoque non se defendit tam Jure præscriptionis quam remissionis. Aliter *Chlingensp. Inst. b. t. q. 24.*

### §. ERROR. II.

**SI** Dictum *suprà* ad II. præscriptionis Requisitum, quod titulus putativus ad præscriptionem longi temporis non sufficiat; ex ratione quia plus est in veritate, quam in opinione, & falsa existimatio rei veritatem non immutat, §. II. *Instit. de legat. l. 6. ff. ad municip.* Unde si quis bona fide rem aliquam longo tempore possederit, ratus rem sibi donatam esse, postea autem, si opponat exceptionem præscriptionis, suumque titulum exhibere velit, appareat, rem ei non donatam, sed venditam, vel ex alia causa traditam esse, præscriptio nihil valet.

*text. hic. §. in l. 27. ff. b. t. Manz. num. 3. §. 4. Schneid. n. 28.*

*Dicta* procedunt, si error falsæ causæ consistat in facto proprio; hic enim duntaxat error præscriptionem longi temporis excludit; error enim in facto proprio in Jure dicitur esse intolerabilis. *l. 7. ff. ad S. C. Vell.* Unde, si error descendat ex facto alieno, præscriptio longi temporis sortietur locum, veluti, si ab hærede res quasi legata mihi tradita sit, quæ tamen legata non est. *l. 3. l. 4. pro suo Harp. num. 2.* vel si dicas ad me, trado tibi librum, quem tibi antè promisi; & ego non recordor tuæ promissionis; sed solummodò persuasioni, & assertioni tuæ credo, hoc in casu procedit ordinaria præscriptio, *Wesemb. n. 2. hic Schneid. n. 39. Mynsing. n. 3.* Ratio, quia error consistens etiam in facto proprio non impedit præscriptionem ordinariam, si concurrat persuasio alterius, *l. pen. ff. pro soluto. & l. 3. ff. pro suo.* Ratio rationis, quia error facti alieni tolerabilis est; *l. fin. §. 1. ff. pro suo Schamb. §. 5. Inst. hic. Pirrhing. loc. cit. n. 64.*

*Dices*: si mihi rem, quasi venditam, quæ vendita non est, tradas, licet ego persuasioni tuæ fidem adhibeam, pro emptore tamen non possum præscribere, *l. pen. ff. b. t. l. 2. ff. pro emptore.* Ergo error in facto proprio impedit usucapionem, tamen si persuasio alterius accesserit. **R.** juxta omnes DD. id speciale esse in contractu emptionis venditionis.

Ratio specialitatis est, quia in contractu emptionis venditionis requiritur bona fides duplici tempore, scilicet conventionis & traditionis; in aliis vero contractibus sufficit unum tempus, nimirum traditionis, *d. l. pen.* Jam verò, si emptio venditio non præcesserit, quam tamen præscribere volens præcessisse existimat, non habet probabilem causam



erroris, facile enim scire potest, emptio-  
nem venditionem præcessisse, cum pre-  
tium ipsi solvendum sit. Vide Harp. n.  
2. Schamb. hic.

#### §. DIUTINA. 12.

Q. An & quando bona fides profit, vel  
52 mala fides noceat successor in ordine ad  
præscriptionem? Ut certa ab incertis, &  
clara ab obscuris methodicè secernantur,  
sequitur.

*Affertio I.* Bona fides antecessoris pro-  
dest successor tam universali quàm par-  
ticulari. Successor autem universalis di-  
citur, qui defuncti personam represen-  
tat, & in universum Jus ejus succedit.  
Particularis, qui ex titulo singulari,  
puta empti, donati, venditi &c. rem ab  
altero consequitur.

Unde sua sponte fluit, quòd si Titius  
agrum alienum bonâ fide, & justò titu-  
lò possederit per 7. annos, postea decef-  
serit, & me hæredem scripserit, vel il-  
lum fundum legaverit, vel in vivis ven-  
diderit, ego istum agrum per triennium  
possim præscribere, text. hic. & l. 14. ff.  
de divers. & temp. præscript. Ratio est,  
quia antecessor, transferendo rem in al-  
terum, simul etiam transfert totum jus,  
quod in re illa habuit. Manz num. 4.  
Schneid. num. 55. Harp. num. 2. Con-  
cordat Jus Aust. N. Oe Lind-Tafel.  
tit. 135.

*Ampliatur*, ut bona fides antecessoris  
successori profit, etiam hic incipiat esse  
in mala fide, text. hic. Ratio, quia de  
Jure civili bona fides ab initio duntaxat  
præscriptionis desideratur. Mynsing. hic.  
Manz. n. 25. Secus est de Jure Canoni-  
co, c. 2. de R. l. in 6. Schamb. §. 7. Inst. hic.

35 *Affertio II.* Mala fides antecessoris suc-  
cessori particulari, in bona fide existen-  
ti, nocet in præscriptione longi tempo-  
ris, non autem longissimi. Hinc fun-

dum, quem Titius malâ fide detinuit,  
& possedit, ego verò bonâ fide à Titio  
emi, longò tempore non possum præ-  
scribere, benè verò longissimò; & ita  
sancitur in auth. male fidei. Cod. de præ-  
script. long. temp. His verbis: Mala fidei  
possessore alienante, cessat longi temporis  
præscriptio, si verus dominus Jus suum  
ignorat. Itaque de Jure novo successor  
particularis rem, quam antecessor malâ  
fide possedit, non præscribit, nisi lon-  
gissimo tempore. d. auth. male fidei. &  
Nov. 119. cap. 7. Aliud de Jure antiquo  
obtinuit, quo mala fides antecessoris  
successori non nocuit; ita, successor à se  
inchoare, & præscriptionem tempore or-  
dinariò complere potuerit, l. 5. ff. de di-  
vers. & temp. præscript. P. Engel. ad Jus  
Canon. h. t. n. 16. Pirrhing. n. 66.

*Limitatur I.* ut d. Auth. Male fidei  
locum non habeat, si sciente domino res  
alienata sit, & dominus novum possesso-  
rem toto tempore non convenerit; hoc  
enim casu procedit longi temporis, &  
ordinaria præscriptio. P. Engel. d. loc.  
Schneid. num. 66.

*Limitatur II.* si antecessor non fuit in  
vera, sed ficta mala fide, ut ecce I hæ-  
res, qui res, à defuncto malâ fide pos-  
sessas, bonâ fide apprehendit, & rursus  
in alium bonæ fidei possessorem alienavit,  
hic ordinario tempore præscribit, quia  
d. auth. male fidei loquitur tantum de  
successore singulari immediato, non me-  
diato. Chlingensp. 12. ob I. Ludwel.  
Inst. h. t. §. 2. Zoës. ff. h. t. n. 61. Covar.  
in c. 2. de R. J. in 6. p. 2. & 9. n. 6.  
Pirrhing. ad Jus Canon. h. t. num. 79.

*Affertio III.* mala fides defuncti suc-  
cessori universali, sive ex testamento,  
sive ab intestato venienti, ita nocet, ut  
neque præscriptionem à se inchoare,  
neque longissimò tempore præscribere  
possit. Ita Facb. lib. I. cap. 66. & l. 8. c.

27. Zoëf. loc. cit. n. 62. Schneid. num. 68. Covar. loc. cit. n. 9. P. Engel. loc. cit. n. 16 Dissent. Vafq. illust. controuv. lib. 2. cap. 73. n. 9.

Ratio, quia hæres repræsentat personam defuncti & universum ejus Jus succedit, adeoque censetur eandem fidem habere, quam defunctus habuit, cum hæres, & defunctus una eadēque persona sit; sicut ergo defunctus cum mala fide nullō unquam tempore præscribere potuit, d. c. 2. de R. J. in 6. ita neque hæres ipsius.

Ratio alia: quia hæres tenetur ad exonerandam conscientiam defuncti; si ergo defunctus malam fidem habuit, tenebatur is domino rem restituere, quam si non restituit, hæres tenetur restituere, ut exoneret conscientiam defuncti.

Accedit, l. cum heres 11. ff. de divers. & temp. præscript. cum heret in Jus omne defuncti succedit, ignoratione suā defuncti vitia non excludit, nec usucapere potest, quod defunctus non potuit. Item sancit. l. vitia 11. Cod. de acquir. poss. verbis: vitia possessionem, à majoribus contracta, perdurant, & successorem auctoris sui culpa comitatur. Pirrhing. loc. cit. n. 68. Fünsterwald. lib. 2. obs. 105. num. 66.

### §. FINAL.

55 Recenset imperator in hoc §. singulare aliquod privilegium, fisco competens, pro cujus pleniori intellectu,

Quæstio confurgit: quid juris, si quis à Fisco rem alienam emerit?

R. Imperator olim ex Edicto, & Constitutione Divi Marci Imperatoris cautum fuisse, ut, si quis emerit à fisco vel ejus procuratore rem quamdam, quam ipse credebatur fisci esse, cum in rei veritate esset aliena, & post venditionem quinquennium præterierit, cæteris paribus, præscriptionis exceptione repellere poterit, l. ult. Cod. si advers. fis.

Hoc privilegium postea per Constitutionem Zenonis fuit extensum atque adauctum, ut si quis à fisco per venditionem, aut donationem, vel alium justum titulum rem alienam bona fide acciperet, statim sine ulla præscriptione aut temporis lapsu dominium ejus consequeretur, & in omnem casum securus fieret, ita, ut nullā actione conveniri posset. Ratio hujus privilegii nulla est alia nisi favor fisci; ut nimirum, stante hac securitate, facilius emptorem rei fiscalis inveniret, hominesque ad contrahendum cum fisco magis allicerentur, Manz. n. 1. 2. & 3.

Sed, nunquid iniquitatem sapit, priorem dominum circa culpam suam re sua privari? Habet ille licentiam usque ad quadriennium adversus fiscum intendendi actionem, quam si debito tempore non intentaverit, negligentia suæ habet, quod imputet, l. 2. Cod. de quadrienn. præscript. Schamb. hic.

Porro hoc privilegium, fisco competens, Imperator Justinianus in l. ult. Cod. confirmat, & iterum auget, dum constituit, ut & hoc privilegium in suis bonis patrimonialibus prederet; ita ut si quis aliquid à se de privato patrimonio, vel etiam ab Augusta, id est, uxore sua, emerit, statim securus sit, & a nemine molestari aut conveniri possit, l. 3. Cod. cit. t. Harp. num. 3. Braun. in d. l. Perez. in cod. d. t. ubi sub num. 4. has constitutiones in desuetudinem abiisse, autumat, asseritque, possessorem, qui rem alienam à fisco, vel à principe emit, conveniri posse, tenerique laudare auctorem.

Dicta pro intelligentia textus tibi sufficiant. Sequitur de contrariis usucapionis; contraria autem præscriptionis sunt modi, quibus præscriptio vel non procedit, vel dormit, vel interruptitur, vel rescinditur.

Non

59 *Non procedere* dicitur præscriptio, quando ob defectum alicujus conditionis requisitæ non potest incipere; ut si in præscriptione triennali aut decennali desit titulus, bona fides, aut possessio civilis. *Clariff. D. P. Konig. ad Jus Canon. n. 53.*

57 *Dormire* dicitur præscriptio, quando legitimè inchoata ob impedimentum superveniens suspenditur, & quiescit, ita tamen, ut remotò impedimentò denuo procedat, possitque tempus subsequens continuari cum præcedente, deductò solò tempore intermediò inutili. Sic dormit I. tempore pupillaris ætatis, l. 10. ff. quib. mod. servit. amitt. l. 3. Cod. de præscript. 30. vel 40. ann. Hæc enim ætas facit, ut contra ipsum pupillum nulla inchoari possit præscriptio, l. 43 ff. de A. R. D. Harp. num. 8. §. fin. b. t. & inchoata sistatur, sive sit longi, sive longissimi temporis, d. l. 3. *Clariff. D. D. Inst b. t. num. 24.* Concordat *Jus. Aust. N. Oe. Land-Tafel. tit. 33. Wider einen Pupill, &c. i. e. Contra Pupillum vel minorem nullam currit præscriptio, donec Major evaserit, & sui juris sit.*

II. Dormit præscriptio tempore minorennitatis, l. 3. Cod. quib. non objicit. long. temp. præscript. l. ult. Cod. in quibus caus. in integ. restit. non est necessar. Contra minores enim non currit præscriptio ordinaria; sed toto illo tempore quiescit, ac non antè evigilat, quàm minor evaserit majorennis, d. l. 3. Cod. de præscript. 30. vel 40. ann. & d. l. ult. Cod. d. t. Franz. loc. cit. num. 25. & num. 44. Dixi ordinaria, quia præscriptio 30. vel 40. annorum currit etiam contra minores; ita tamen ut beneficiò restitutionis gaudeant. *Brunnem. in l. 5. Cod. in quib. caus. in integ. restit. necessaria non est n. 8.*

III. Dormit præscriptio tempore gra-  
vantis contagionis, sævientis belli, ac

durantis hostilitatis, c. 10. ✕ b. t. Ratio, quia non valenti agere non currit præscriptio. l. 1. Cod. de annal. except. tempore autem prædicto nemo valet agere, cum nemo sit, qui Jus dicat, ergò *Pirrhing. loc. cit. num. 31. Harp. n. 11. Concord. Jus Austriac. Land-Tafel lib. 4. tit. 134. doch wo ein Krieg, &c. i. e. Si tamen Bellum, lues, vel alia regioni universæ communis calamitas incidat in tempus currentis præscriptionis, ita ut Judicium sit ac clausa sint tribunalia, temporis illius ratio non habebitur, imo detrahatur ex annis possessionis.*

IV. Dormit præscriptio contra Ecclesiam, sede vacante, aut Prælatò excommunicatò, vel quomodocunque agere impedimentò. c. 1. 14. & 15. ✕ b. t. *König. loc. cit. n. 54. Engel. ad Jus Can. h. t. n. 34.*

Interrumpi dicitur præscriptio vel natu-  
raliter, vel civiliter. Naturaliter interrumpi dicitur præscriptio, si aliqua ex conditionibus requisitis deficiat, fortè, quòd mala fides superveniat, vel possessio amittatur. Quo in casu debet de novo inchoari præscriptio. *Pulchrè Pirrhing. loc. cit. n. 133. Covar. in c. 2. de R. J. in 6. §. 10. n. 2.* Civiliter præscriptio interrumpi dicitur, quando Jus possidendi per actum aliquem Juridicum in dubium vocatur, quod fit per citationem, litis contestationem, maximè per sententiam, l. 10. Cod. de acq. & retin. possess. *Clariff. D. P. König. n. 56. Pirrhing. loc. cit. n. 134.*

Porrò naturalis, & civilis interruptio, quantum ad effectum, duas notabiles habet differentias. I. Est, quòd naturalis interruptio se habeat respectu omnium adversariorum, & absolute præscriptio interrupta sit, l. naturaliter ff. b. t. Civilis verò interruptio tantum se habet respectu illius, qui litem movit, unde si is non fuerit verus dominus, & interim

interim contra verum dominum tempus elapsum sit, erit præscriptio completa, quamvis ille, qui dominus non erat, circa eam rem litem instituerit, *l. 2. Cod. quib. res jud. non noceat. II.* Differentia est, quod possessio, & præscriptio, civiliter interrupta, tunc demum maneat interrupta, si sententia condemnatoria contra possessorem sequatur: si vero possessor victoriam obtinuerit, vel per pactum aut transactionem à lite recessum sit. perinde tunc possessionis continuatio habetur, ac si lis mota non esset, *P. Engel. h. t. n. 34.* Ratio mihi videtur esse

hæc, quia durante lite, possessor animum, rem ut suam habendi, semper retinet. *Concor. Jus Aust. lib. 4. tit. ult.*

*Rescindi* dicitur præscriptio, jam completa, quando adversus eam restitutio in integrum conceditur. Conceditur autem *I.* Minoribus intra quadriennium à die majorennitatis numerandum, *l. II. Cod. si advers. usucap. II.* Ex causa necessaria & probabili; veluti reipublicæ, vel studiorum absentibus, de qua materia latius *Digestis*. Interim vide *Clariff. D. P. Konig. loc. cit. n. 59. & Pirrhing. loc. cit. n. 138.* cæterosque ab his allegatos.

## TITULUS VII.

## DE DONATIONIBUS.

## SUMMARIA.

- 1 Definitur donatio.
- 2 Dividitur in propriam, & impro-  
priam.
- 3 Quid sit donatio mortis causâ?
- 4 Qualis præsumatur in dubio esse do-  
natio?
- 5 Quid intersit, an sit donatio inter  
vivos, vel mortis causâ?
- 6 Mortis causâ donatio fit tripliciter.
- 7 Quomodo revocetur?
- 8 Exæquata est ferè per omnia legis.
- 9 Recensentur requisita donationis mortis  
causâ.
- 10 Quid sit donatio inter vivos?
- 11 Quomodo perficiatur?
- 12 Excedens 500. solidos insinuari debet.
- 13 Limitatur in variis casibus.
- 14 De Jure Austriaco insinuatio donationis  
exolevit.
- 15 Quæ sunt justæ causæ revocandi dona-  
tionem?
- 16 An jus revocandi transeat ad heredes?  
Kees ad Instituta.

- 17 Quamam donare possunt?
- 18 Et quibus donare possit?
- 19 Donatio inter virum, & uxorem pro-  
hibita.
- 20 Limitatur in aliquibus casibus.
- 21 De Jure Austriaco donationes inter con-  
juges valent.
- 22 An donatio omnium bonorum valeat?
- 23 An ob graviores, vel aequè graves  
aliàs causas revocari possit?
- 24 An ob insperatam liberorum nativita-  
tem revocetur?
- 25 Donatio propter nuptias quid sit?
- 26 Quid sit Morgengaba?
- 27 Quid sponsalitia largitas?
- 28 Si nuptiæ non sequantur, ad quem  
pertineant munera sponsalitia?
- 29 Quid sit proxenetikum?

**A**D modos acquirendi domini civi-  
les spectat etiam Donatio, quæ ab  
etymologia nominis quasi donidatio dici-  
tur, & definitur quod sit actus quo libe-  
ralitatem erga alterum acceptantem exer-

M m

ceruus



cemus, l. 29. ff. h. t. l. 82. ff. de R. J.

- 2 *Dispefcitur in propriam & impropriam.*  
Illa est, qua aliquid in alterum, ex motivo meræ liberalitatis absolutè, & irrevocabiliter conferimus, l. 1. ff. h. t. Hæc est, qua aliquid in alterum, ob aliquam causam, non irrevocabiliter conferimus. Hæc spectat donatio mortis causâ, donatio remuneratoria, donatio propter nuptias, donatio sub modo, &c. *Clariff. D. D. Franz h. t. n. 1. Zoëf. ff. h. t. n. 1.*

### §. MORTIS CAUSA I.

- 3 I. Locò Imperator agit de donatione mortis causâ, quæ definitur, quod sit actus, quo intuitu secuturæ mortis in alterum acceptantem aliquid confertur. Germanicè dicitur: *Eine Übergab. so auf den Todt-Fall gerichtet ist.*

Dixi: intuitu secuturæ mortis, quia, ut sit donatio mortis causâ, principaliter requiritur, ut in ea fiat expressa mentio mortis; alioquin habetur pro donatione inter vivos, licet ab agonizante fiat. Hinc, quamvis aliquis, in extremis, & articulo mortis constitutus, donet; si tamen non dicat, se mortis causâ donare vel non faciât mentionem mortis expressam. In dubio præsumitur, & intelligitur esse donatio inter vivos, l. 42. §. fin. ff. de donat. mort. causâ. Ratio, quia, qui simpliciter & absolutè donat, non tam mortis causâ, quam moriens donat, *Manz. n. 4.* & mors videtur potius esse causa impulsiva quam finalis. *Brumenn. in d. l. 42. n. 5.*

Sic pariter, donatio inter vivos esse intelligitur, quando mortis quidem mentio facta est; sed solummodò per modum dilationis, v. g. dono tibi omnia bona mea reservatò usu-fructu usque in tempus mortis *Menoch. lib. 3. præsumpt. 35. n. 4. Fünsterwald. lib. 4. obs. 20. n. 18. Sutting. in man. Script. lit. D. §. Donatio. ubi*

ait, si quis ita dixerit: *dono tibi centum præstanda post mortem*: de Jure quidem communi censeretur donationem inter vivos, prout debet, *Fachin. lib. 5. cont. 22. De Jure vero Austriaco* decisum fuisse, esse donationem mortis causâ. Sed

Q. I. Quid referat, an sit donatio inter vivos, an verò mortis causa? & multum referre. I. Quia donatio mortis causâ est revocabilis usque ad extremum vitæ spiritum; donatio verò inter vivos, semel perfectâ revocari non potest, §. 2. *Inst. hic.* II. Donatio inter vivos si excedat 500. solidos, debet insinuari, l. 25. §. sancimus. & l. 31. *Cod. de donat.* III. Pro donatione mortis causâ competit Rei vindicatio, actio hypothecaria, & actio personalis ex testamento, *arg. text. hic.* ubi donatio mortis causâ in omnibus ferè dicitur legatis exæquata; pro donatione inter vivos competit condictio ex lege. *Fünsterwald. loc. cit. n. 5. Chlingensp. Inst. h. t. q. 5. Schneid. n. 3.*

Porro donatio mortis causâ fit tripliciter. I. Cum quis, nullo præsentis periculi metu conterritus, sed solâ mortalitatis cogitatione donat; fortè, quia intelligit, humanum esse mori, & mortem certam, horam verò incertam: & hæc est prima species donandi mortis causâ, circa quam singulariter notandum, quod tamen si aliâs donatio, mortis causâ, per reconvalescentiam, vel cessationem periculi ipso Jure resolvatur, & revocetur, l. 19. l. 24. l. 35. §. 3. ff. de mort. causâ donat. hoc tamen de hac specie donandi mortis causâ non procedit, adeoque non resolvatur donatio; licet postea in infirmitatem inciderit, & ex ea reconvaluerit: ratio, quia non cessat tunc causa, propter quam donavit: quoniam is, qui sanus, & integre valetudinis solâ cogitatione mortalitatis donat, non propter illam infirmitatem in quam incidit, donavit, sed propter mortem

mortem, quam scit se evitare non posse, quæ causa adhuc subest. Ita *Schneid. n. 3. Mynsing. n. 4. Manz n. 11.*

II. Fit Donatio mortis causâ, cum quis, imminenti periculi metu conterritus, ita donat, ut res statim fiat accipientis, sed sub conditione resolutive, v. g. si quis sit infirmus, ita ut, ex ea infirmitate se moriturum credat; vel, si quis aggressus est periculosam navigationem, aut iter infestum feris, latronibus, Hostibus. &c. & ita donet, ut statim rem donatam tradat donatario.

7 Circa hanc donationem juris est, quod quidem illa statim perfecta sit, & dominium transferatur in donatarium; sed eveniente conditione, si scilicet Donator præsens periculum evaserit aut ex ægritudine reconvaluerit, statim ipso Jure resolvatur, & res donata ad Donatorem revertatur, l. 1. § 2. ff. de R. C. l. 12. ff. de condict. caus. dat. caus. non secus. Ratio est in *textu* hi. quia Donator censetur ita donasse, ut, si quid humanitus ei contigisset, haberet, & retineret is, qui accepit; sin autem supervixisset, ipse reciperet. *Manz. n. 16. Harp. n. 68. Schneid. n. 5. Gomez. var. resolut. tom. 2. c. 4. n. 19.*

III. Fit donatio mortis causâ, cum quis periculi metu perculsus, ita donat, ut res donata non statim fiat accipientis, sed tunc demum, cum mors infecuta fuerit; & hæc donatio morte demum perficitur, ita ut, cessante, & superato periculo, non tam resolvi dicatur, quam fieri nulla, & inutilis. *Mynsing. num. 3. § 4. Manz. num. 17. Franzkius Inst. hic. num. 7. Bachov. ad Treutl. vol. 2. disp. 19. th. 9. lit. G. § H.* Ratio, quia conditionalia ex eventu conditionis pendent, & conditione non existente, perimuntur, l. 8. §. quod si ff. de peric. & commod. rei venditæ.

#### AD V. VEL SI EUM.

Vidimus, quomodo donatio mortis causâ, per convalescentiam revocetur. In hoc. V. traditur, quod etiam per poenitentiam revocetur, & resolvatur: ratio, quia donatio mortis causâ est species ultimæ voluntatis, *text. hic* atqui ultima voluntas est revocabilis usque ad extremum vitæ spiritum, l. 23. §. 3. ff. de donat. int. vir. & ux. l. 4. ff. de admend. vel transferend. legat. Ergo &c. *Schneid. num. 22. Manz. num. 29.* Et hæc procedit de omnibus tribus speciebus quoniam omnes tres species æquiparantur ultimis voluntatibus. *Schomb. hic. V. Quæres 4. Wesemb. in paratit. ad ff. h. n. 7.*

#### AD V. AUT PRIOR.

III. Revocatur donatio, quando donatarius prius moritur, quam donator, l. 23. ff. de mort. caus. donat. Ratio, quia legata, quæ relinquuntur in ultima voluntate, non debentur, si præmoriatur is, cui relicta sunt, l. un. Cod. de caduc. tollend. Ergo idem de donatione mortis causâ asserendum erit, utpote quæ ad exemplum legatorum redacta est. *Text. hic. Wesemb. Inst. h. t. n. 4. Franz. n. 9.*

#### AD V. HÆ MORTIS.

De Jure antiquo dubitatum fuit, num donatio mortis causâ esset species contractus, num ultimæ voluntatis? Hodie autem, explosâ illa dubitatione, ab Imperatore statutum est, ut donatio mortis causâ, ferè per omnia legatis æquiparata sit, *text. hic, § Lult. Cod. de donat. causâ mort.*

Verùm cum *textus* dicat, donationem mortis causâ ferè legatis connumerari, ideo ut plenius intelligatur, in quo convenient, & in quo

M m 2

diffe-

difficiant, res seriò tractanda est. Itaque convenit donatio mortis causâ cum legatis, I. quòd sicut in legatis & qualibet ultimâ voluntate ( exceptò testamènto ) ad minùs 5. testes requiruntur; ita quoque in donatione causâ mortis. *l. ult. Cod. de donat. caus. mort.* II. Sicuti legata morte Testatoris confirmantur, ita quoque hæc donatio: & sicuti illa usque ad extremum vitæ spiritum revocari possunt; ita & hæc. III. sicuti de legatis detrahitur Falcidia, ita quoque de donatione mortis causâ. *l. 5. l. 12. l. 18. § fin. Cod. ad leg. Falcid.* Plures affinitates enumerat *Schneid. n. 4.*

*Differt donatio mortis causâ à legatis.*

I. Quòd legatum absenti & ignoranti relinqui possit: in donatione mortis causâ verò requiratur tam donatarii, quam donantis præsentia, & acceptatio, *l. 38. ff. de donat. mort. caus.* II. Quòd filiusfamilias, licet testari nequeat, possit tamen cum consensu patris donare mortis causâ, *l. tam is 25. §. 1. ff. eod.* III. Quòd donatio mortis causâ nudâ morte donatoris confirmetur, valor legatorum pendeat ab aditione hæreditatis. *Schneid. loc. cit. & Vinn. Inst. hic. n. 3.* ubi plures differentias recenset.

Ex versiculis, nostro §. subjunctis *D. colligunt*, quod authoritates Poëtarum, & Historicorum ad confirmationem dicendorum quandoque allegare permittum sit, sed, quidquid sit, tu, velim, utiliora colligas, nimirum ad donationem mortis causâ requiri sententia.

9 I. Ut in ea fiat mentio mortis, vel alterius periculi, ita ut mors non tantum sit causa impulsiva, sed finalis; aliàs censetur donatio inter vivos, *l. Sej. 42. §. 1. ff. de mort. caus. donat. Funsterwald lib. 4. obs. 20. n. 9. Consil. Argentorat. tom. 2. consil. 2. n. 24.* II. Ut præsens sit tam donator, quam donatarius; nam

mortis causâ donat, qui præsens præsentis & acceptanti donat, *d. l. 38. ff. de mort. causâ donat.* Sanè, donationem mortis causâ etiam per nuntium, vel Epistolam absenti fieri posse, communiter obtinet; modo tamen ab absente acceptetur.

Nec obstat, quod *d. l. 38.* expressè dicat: *qui præsens præsentis donat*: nam & is qui per nuntium vel epistolam donationem acceptat, præsens esse intelligitur. Illud tamen nego & pernego, donationem, mortis causâ absenti, & ignoranti fieri posse; sic enim vix aliquid amplius superesset, quo donatio mortis causâ à legatis distingueretur, & in nihilo penitus convenerit cum contractibus. Quod si vero donatio mortis causâ absenti & ignoranti facta sit, & 5. testes adhibiti, valet, ut legatum. *Harp. n. 10. Babov ad Treutl vol. 2 disp. 19. th. 9. lit. A. & In hac donatione. Gomez. var. resolut. tom. 2. cop. 40. n. 19.* ubi ait, singulariter notandum esse, quòd donatio mortis causâ absenti, & ignoranti coram 5. testibus facta, per reconvalescentiam non resolvatur.

III. Requiritur acceptatio, *arg. l. 55. ff. de O. & A. Clar. ff. D. D. Franz n. 7. hic.*

IV. Ut 5. testes interveniant. *d. l. ult. Cod. de donat. caus. mort.* Ratio, quia computatur ultimæ voluntati, in qua ad minùs 5. testes requiruntur, *l. ult. Cod. de Codicill. Schneid. n. 20.*

### §. A L I Æ. 2.

Vidimus, quid sit donatio mortis causâ: sequitur de donatione inter vivos, quæ concinnè definitur, quòd sit actus, quo aliquid ex motivo nudæ liberalitatis absolute, & irrevocabiler in alterum conferimus, *l. 1. ff. b. t. l. 82. ff. de R. J.* vocatur donatio inter vivos: quia non primum morte donatoris confirmatur, aut in tempus mortis confertur; sed adhuc vivo

vivo testatore, sortitur effectum. *Manz. n. 4.* ita, ut semel perfecta facile revocari non possit, *l. ult. Cod. de revocand. donat.*

#### AD V. PERFICIUNTUR.

**II** Q. *hic.* Quomodo donatio inter vivos perficiatur? R. Jus vetus secernendum esse à Jure novo. Jure veteri non aliter perficiebatur donatio, neque affirmatum aliquem generabat; nisi interveniret, vel traditio rei donatæ, vel stipulatio, *Schamb. hic. Manz. n. 5.* De Jure novo perficitur donatio ex assistentia legis, cum donator suam voluntatem scriptis, aut sine scriptis manifestavit, *text. hic. & in l. 35. § 5. Cod. de donat.* Adeoque donatio inter vivos etiam à solo consensu vires & robur accepit; licet stipulatio non interveniret, habetque tantam necessitatem traditionis, quantam habet emptio venditio, simul atque de pretio & merce conventum est: sicut ergo emptio, & venditio statim perficitur, quam primum emptor & venditor inter se de pretio, & merce convenerunt, *prin. Inst. de empt. & vend.* ita etiam donatio perficitur, cum donator, & donatarius in rem donatam consenserunt, *text. hic &* sicut emptio venditio statim producit actionem; ita donatio parit conditionem ex lege, *Schneid. n. 4. hic.*

Dico conditionem ex lege; toties enim conditio ex lege applicatur, quoties Jura dant actionem, & nomen actionis non exprimunt. *tot. tit. ff. de condict. ex lege Zoef. ibid. Manz. n. 24. hic.*

#### AD VERS ET CUM RETRO.

Dictum est, perfici donationem, sive in-sive sine scriptis aliquis declaraverit suam voluntatem. Hoc tamen limitatur, ut tum demum procedat, si donatio consistat in summa legitima, & legi-

bus approbata quantitate. Olim enim aliquis non potuit ultra ducentos solidos donare sine insinuatione, *text. hic.* Hodie autem Imperator constituit, quod aliquis quingentos solidos donare possit sine insinuatione; quod si autem donatio excederit 500. solidos, tunc insinuatio necessaria sit, *text. hic. & in l. 36. Cod. de donat.* Nomine autem 500. solidorum hodie communiter 500. aurei, seu mille imperiales intelliguntur. *Fünsterwald. lib. 4. obs. 21. n. 2. P. Engel. ad Jus Canon. de donat. §. 1. n. 7. Gail. 2 obs. 39. n. 2. § 3.*

Insinuatio nihil est aliud, quam facere donationem redigi in scripta, & acta publica coram Judice, (ut hodie dicimus) in protocollo: quando nimirum donator coram Judice declarat suam voluntatem donandi, petitque assensum, & auctoritatem Judicis interponi. *S. hinc d. hic. num. 8.* Ratio hujus insinuationis consistit, tum in excludendis fraudibus, quæ in rebus majoris momenti frequenter contingunt; tum, ut Jura provideant, ne quis facile effundat suum per viam indiscretæ donationis. *Zoef. ff. h. t. n. 41. Manz. n. 29. § seqq.*

Q. II. Quid, si donatio prædictam summam excedat, vitabitur ne tota donatio, vel tantum quoad excessum? R. vitari tantum quoad excessum, ita aperte statuit *l. 34. Cod. h. t.* Ratio est, quia utile per inutile non vitatur in separabilibus, *c. 37. de R. J. in 6. Scamb. q. 2. Manz. n. 38. Carpzov. p. 2. Const. 2. definit. 17.*

#### AD VERS SED ET QUASDAM.

Dicit Imperator, se quasdam donationes invenisse, quæ non desiderant insinuationem, sed absque ea, licet 500. solidos excedant, suam obtinent firmitatem.

Qualis est I. Quæ est facta, pro redemptione captivorum, *l. si qui 36. Cod. de donat.* Ratio est favor captivorum.



II. A necessitate insinuationis eximitur donatio ab Imperatore, vel Imperatori facta, *d. l. 34. Et auth. Item à privatis Cod. h. t.* Princeps enim legalibus solemnitatibus solutus est. *l. 31. ff. de LL. Schneid. n. 10. Manz. n. 46. Sichard. in d. l. 34. n. 18. Berlich. p. 3. conclus. 4.*

III. Ab insinuatione immunis est donatio, pro domo ruinosa, collapsa, vel exusta reparanda, facta, *d. l. 36. Cod. de donat.* Ratio, quia reipublicæ interest, ne ruinis ædium deformetur publicus urbis aspectus, *l. 2. Cod. de adif. privat. Manz. n. 48. Chlingensp. q. 19. h. t.*

IV. Insinuatio non requiritur in donatione remuneratoria, quatenus merita non excedit, cum eatenus non possit videri temerè facta, etiam excedens summam 500. aureorum, eo quod causa subsit, ob quam est facta. *Zoef. ff. h. t. num. 43. Suttinger. in M. S. lit. D. v. Donatio.* Ubi tamen notandum, nudam meritum assertionem hac in parte non sufficere, nisi probentur, vel saltem in specie exprimantur, *l. etiam 15. §. ex præterito. v. multa ff. de manumiss. vindict. Fünsterwald. loc. cit. num. 2.* ubi plures allegat. Sanè, si donatio remuneratoria merita notabiliter excedat, sine insinuatione non procedit, quia cessat ratio, quod sit meritum compensatio. *Schneid. num. 35.*

V. Sine insinuatione procedit donatio reciproca; quia cessat ratio, quod donator depauperetur. *Schneid. n. 36. Manz. n. 12.*

VI. Insinuari non debet donatio propter nuptias, *Schneid. n. 32.*

VII. In donatione plurium rerum, diversis temporibus ab una persona in alteram facta, insinuatio non exigitur, quamvis singulæ res coacervatæ summam 500. solidorum excedant, *l. 34. §. 3. Cod. de donat.* Ratio, quia plures in-

telliguntur esse donationes, quam una. *Clariff. D. D. Franz. Inst. h. t. n. 11.*

*De Jure Austriaco* (præsertim inter 14 personas illustres) insinuationes donationum non observantur, teste *Sutting. loc. cit. D. v. Donatio. Fünsterwald. lib. 4. obs. 21. num. 16.*

#### AD VERS. ALIA INSUPER.

Præter hæcenus enumerata dicit *Imperator*, quod multa alia adhuc ad uberiorem exitum, & robur donationum invenerit, quæ tamen hic non explicat, sed alio reservat; eo quod primis Juris elementis non omnia inferenda sint, ne rudis, & infirmus studentis animus multitudine, ac varietate rerum nimium oneretur. *Manz. num. 52.*

#### AD VERS. SCIENDUM.

Quandoquidem *suprà* diximus, donationem inter vivos, semel perfectam non posse sine causa revocari; Ideo nunc

Q. III. *Quæ ergo sint juxte revocandi causa?* R. donationes inter vivos ex causa revocari vel pro parte, vel in totum. Pro parte revocantur, si sint inofficiosæ, *h. e.* si sint tantæ quantitatis, ut non sit salva, si tunc moreretur donans, iis, quibus debetur, legitima, *l. 2. 3. Cod. de inoff. donat.* tunc enim revocatur post mortem donantis in tantum, in quantum desideratur, ut ea salva sit, *l. 1. 2. Et 3. Cod. eod. Schamb. q. 5. hic. Guil. 2. obs. 38. num. 26. Vinn. 2. select. quest. cap. 33. Clariff. D. D. Franz. h. t. n. 14. Zoef. h. t. n. 76.*

In totum revocatur donatio, si ingratulus existat donatarius, *l. ult. Cod. de revocand. donat.* indignus enim censetur beneficiò, qui eodem abutitur cum dispendio largitoris, & durum est ab ingrato malis affici.

Causæ

Causæ autem ingratitudinis sequentes recensentur, *d. ult. Cod. de revocand. donat.* I. Si donatarius atroces injurias verbales effuderit in donatorem. II. Si impias manus eidem intulerit. III. Si vitæ donatoris struxerit insidias. IV. Si bonis ejus grandem jacturæ molem ingesse-rit. V. Si conventiones, in donatione appositæ, donatarius non impleverit. Comprehenduntur hæ causæ his versibus.

*Ingratum faciunt atrox Injuria,  
Dammum,  
Impia Dextra, Fides fracta, pericu-  
la Necis.*

**16** Notandum, quod Jus revocandi donationem propter ingratitudinem ex parte donatoris, & donatarii, sit ita personale, ut nec hæredibus, nec contra hæredes detur. Itaque, si donatarius ingratulus moriatur, antequam donatio ab ipso revocata sit, ab ejus hærede revocari non poterit: ratio vera, & fundamentalis est, quia ista revocatio est quædam facultas, actio, & obligatio, descendens ex delicto ad vindictam, quæ non transit ad hæredes activè, nec passivè. *l. 11. Cod. ex delict. defunct. Gomez. tom. 2. cap. 4. num. 14. v. item adde.* Ratio alia, quia poenæ, & delicta suos tantum authores tenere debent. *Engel. de donat. n. 20.*

Similiter, si econtrà donator moriatur, priusquam donationem revocaverit, hæredibus ejus revocandi nullum Jus est, *per apert. text. d. l. ult. Cod. de revocand. donat.* Hoc tamen usque ad primas personas tantummodo stare censuimus, nulla licentia concedenda donatoris successoribus hujusmodi querimoniarum primordium insituere. Ratio, quia donator tacendo videtur injuriam remisisse, & licet, istam constitutionem locum habere, putet,

*Schamb. hic. pag. 321. sive donator ingratitudinem donatarii sciverit, sive ignoraverit, & hoc in stricto Jure defendi possit; tum quod textus generaliter loquens, generaliter sit intelligendus; tum, quod omnis actio, descendens ex delicto, personalis sit.*

Communiter tamen *limitatur*, procedere, si donator injuriam sciverit, & revocandi tempus habuerit; non verò, si injuriam ignoraverit, & morte præoccupatus, revocare donationem nequiverit; hoc enim casu cessat ratio præsumptionis. Ita *Engel. loc. cit. n. 20. Gomez. loc. cit. Schneid. n. 12. Clariss. D. D. Franz. n. 16.*

**Q IV. Quinam donare possint?**

**R.** Omnes, qui liberam habent suarum rerum administrationem. Hinc excluduntur *pupilli, m. n. res. sit. i. si, prodigi,* quibus bonis interdictum est, &c. *pilius-famil.* quoque extra peculium castrense, vel quasi absque consensu patris donare non potest, quia præjudicaret patric vel in proprietate, vel saltem usu-fructu. Consensu tamen patris rectè donat, quia cessat ratio, *l. 2 ff. de donat. Schneid. num. 47. Et seqq.*

**Q. V. Quibus donari possit?** **R.** cuilibet inter vivos donari posse, nisi per legem prohibeatur, adeoque non solum amicis & bene meritis; sed etiam ignotis, & extraneis honestis, & inhonestis personis, adeoque meretricibus, & concubinis rectè donatur, *l. in extraneos 29. Cod. de donat. l. affectionis 5. l. donationis in concubinam 31. ff. h. t.*

Item donari potest non solum præsentem, sed etiam absentem, *l. nec ambigi 6. Cod. h. t. Et l. 10. ff. eod. per Epistolam l. si aliquid 13. Cod. eod.* Ratio esse videtur, quia hodie donationes non debent amplius fieri per stipulationem, sed nudò perficiuntur consensu; *Gomez.*

*var.*

*var. resol. de donat. num. 1. Harp. n. 22. Schneid. num. 56.* talis autem donatio firma non est, donec absens voluntatem donatoris ratam habuerit, *d. l. absenti 10. ff. h. t. ad donationem enim requiritur acceptatio. Harp. n. 22. §. 2. h. t.*

Prohibetur tamen I. miles donare suæ focariæ, seu concubinæ, *l. 2. Cod. de donat. inter vir. & uxor.* Quod Schneid. n. 56 etiam ad Doctores & Advocatos protrahit, cum & hi militare dicuntur, *l. advocati 14. Cod. de advocat. divers. jud.*

19 II Donatio simplex inter virum, & uxorem non valet, *l. 1. & 2. §. sciendum, & tot. tit. ff. Cod. & de donat. inter vir. & uxor.* Ratio, ne mutuo amore conjuges invicem spolientur per donationes, quia sæpe contingeret, ut matrimonia fortirentur malos exitus, si non donaret is, qui posset, & sic fierent matrimonia venalia, *l. 1. & 2. ff. eod.* Est autem concordia conjugalis omni lucro præferenda, *l. 5. Cod. de jubst. & Inst. h. t. Schneid. n. 57. Harp. n. 28.*

20 Limitatur, ut procedat hæc conclusio.

I. Si donator efficiatur pauperior & accipiens locupletior, valet donatio. Hinc, si conjuges reciprocè sibi invicem donarint, valet donatio, quia cessat ratio ne una pars fiat pauperior, & altera locupletior, *l. quod autem 7. §. 2. ff. de donat. inter vir. & uxor. Schneid. n. 61.* Pauperior autem donans, & locupletior donatarius fieri dicitur, si ille minus, hic verò plus habere incipiat. Unde sepulturæ causâ conjugum datum tenet, *l. 3. §. concessa ff. de donat. inter vir. & uxor.* quia licet expendisset de suo; ex hoc tamen, quod non expenderit, non tam censetur factus ditior accipiens, quam non pauperior. Idem erit, si alteri ab altero datum, ut apud eum non remaneat, *l. siue uxor 34. ff. eod.* Acceptum quoque, & utiliter expensum facit cessare prohibitionem, cum non sit, quod

reperatur, *l. 7. §. si maritus. ff. de donat. inter vir. & uxor.* Hinc & non incidit in prohibitionem repudiatio hæreditatis, aut legati per alterum conjugalem in favorem alterius, *d. l. 7. §. si maritus. cum,* licet alter fiat ditior, non tamen & alter sit pauperior, *l. 6. ff. quæ in fraud. Credit cum legatum, aut hæreditas, antequam acceptetur, in bonis nostris non sit. Vide Zoef ff. de donat. inter vir. & uxor. n. 1*

Limitatur II. Si fiat gratiâ honoris, vel dignitatis adipiscendæ. *l. quod adipiscende 40. ff. eod. Engel. n. 1. h. t.*

Limitatur III. Nisi sit donatio mortis causâ, nam hæc inter conjuges valet, *l. 9. §. 2. ff. eod. Schneid. num. 60.*

Limitatur IV. nisi donator in eadem voluntate perseverarit usque ad extremum vitæ spiritum; tunc enim morte donantis confirmatur, *c. fin. & h. t. l. cum hic status 32. in princip. & §. 1. & 2. de donat. inter vir. & uxor.* Cessat enim ratio prohibitionis: ne conjuges mutuo amore spolientur, Zoef. n. 59. plures limitationes vide in Zoef. ff. de donat. inter vir. & uxor. Schneid. loc. cit. Engel. loc. cit. latius enim in hanc materiam excurrere prohibet instituti ratio.

De consuetudine Austria donationes<sup>21</sup> inter conjuges, stante matrimonio factæ, indistinctè valent. Ita testatur ex Walter de Jure consuetud. lib. 3. tit. 17. Funsterwald. lib. 3. obs. 22. num. 10. his verbis: *Wiewohl &c. i. e. Licet Jure scripto Donationes inter Conjuges constante matrimonio sint prohibita, contrarium omnino servatur in Archiducatu nostro Austria infra Anum, inde abs immemoriali tempore, & usu obtinet continuo.*

Q. VI. An donatio omnium bonorum, tam presentium, quam futurorum valeat? Pro negativa, Marpesia firmiores rupe stant Gomez. ad leg. Tauri. 69. n. 1. Schneid. num. 85. h. t. Fachin. l. 6. cont. 87.

I. In

**I.** In eo ponunt fundamentum, quòd per donationem omnium bonorum, tam præsentium, quàm futurorum restringatur libertas testandi, cùm nihil amplius haberet donator, de quo testari posset; atqui libertatem testandi nemo potest sibi restringere; testamenti enim factio est Juris publici, l. 3. ff. qui testam. fac. poss. Juri autem publico per privatorum conventiones derogari non potest. Ergò &c.

**II.** Ita adornant: donatio omnium bonorum est contra bonos mores, quia inducit votum alienæ mortis, donatarius enim vitæ donatoris ex hoc capite infidari potest, ne fortè ob nativitatem liberorum revocaretur donatio.

**III.** Exinde depromunt, quia donatio, si non est contractus, saltem est pactum legitimum; sed pactis neque dari potest, neque adimi hæreditas, l. 5. l. ult. Cod. de pact. Ergo non valet omnium bonorum donatio; universalia enim bona nihil aliud sunt, quàm hæreditas.

**IV.** Fundamentum taliter effingunt: in l. si libertus 16. §. ff. de Jure patronat. circa finem dicitur: *magisque est, ut omnium rerum alienatio facta nullius momenti sit*; ergo etiam donatio omnium bonorum nullius momenti erit, cùm sit quædam alienatio.

Verùm, his nihil in contrarium refragantibus, teneo, valere donationem omnium bonorum, tam præsentium, quàm futurorum. Ita Harp. §. 2. Inst. b. 1. Schamb. hic. n. 3. Hunn. var. resol. lib. 2. tract. 4. quest. 7. Bachov. ad Treutl. vol. 2. disp. 10. th. 5. l. C. & D. Zoëf. ff. b. 1. num. 28. Mascard. de probat. vol. 3. conclus. 1120. Gail. lib. 2. obs. 11. n. 30. Perez. in Cod. b. t. n. 18.

*Res ad Instituta.*

*Movedr. I.* Hac ratione, quia quilibet Dominus disponere potest prohibitu de rebus suis, & præsentibus, & futuris, nisi lege prohibeatur; ergò etiam de omnibus bonis per donationem quis poterit disponere, quia non est lex, id prohibens. *Antec.* quoad res præsentis probatur per l. 21. Cod. Mandat. quoad res verò futuras patet ex l. fin. Cod. quæ res pignori obligari. ubi dicitur, quòd res futuræ pignori obligari possint; ergo poterunt etiam res futuræ per donationem alienari; quia ubi concessa est obligatio, ibi & alienatio permixta esse intelligitur, l. ult. Cod. de rebus alien. non alien. Schamb. &c. Harp. loc. cit.

*Movedr. II.* per l. 35. §. 4. Cod. de donat. ubi valet universitatis donatio, si non de inofficiosis donationibus ratio reclamatur; sub universitate autem continentur omnia bona; ergo valet donatio omnium bonorum. Zoëf. loc. cit.

*Movedr. III.* per l. si un. uam 8. Cod. de revocand. donat. his verbis: *si quis omnia bona donaverit*, ecce! per ly omnia bona textus abunde annuit, donationem omnium bonorum valere.

Dices, isti textus, & rationes sunt tantum intelligendi de bonis præsentibus, non autem futuris; ergò licet donatio omnium bonorum præsentium valeat, non tamen valet futurorum.

Verùm contra sic argumentor: quidquid Jus naturæ concedit, & quidquid concessum, permissumque est legibus, id semper & indefinitè intelligitur concessum, nisi in quantum à legibus, & minoribus est restrictum; atqui nos posse donare, est naturale §. per tradit. 40. Inst. de R. D. & insuper legibus concessum, dd. text. res Jus donandi restrictum est ad omnia bona tantum præsentia; ergò non præsentia duntaxat, sed & futura bona donare licet.



Ad I. *℞. I.* Per donationem omnium bonorum libertatem testandi tolli non directè, sed tantùm indirectè, & consecutivè, quatenus incipit donator nihil amplius habere. Deinde, licèt quis non possit sibi adimere libertatem testandi directè, *l. 6. ff. de V. O.* per indirectum tamen potest; sic enim is, qui Monasterium ingreditur, sese facultate testandi privat. Item etiam is, qui se arrogari ab alio patitur, facultatem testandi amittit; nec tamen quis dixerit, ingressum in religionem vel arrogationem esse contra bonos mores. *℞. II.* Regulam, quæ dicit, neminem sibi posse adimere facultatem testandi, ita esse intelligendam, ut sensus sit, quòd nemo, qui bona habet, aliqua conventionem vel pactò, ne de bonis disponat, vel à dispositione, semel facta, recedat, constringere se possit, quia ultimæ voluntatis debet esse liber stylus. Cæterùm verò non videtur prohibitum, tale facere, ut testari quidem possit, ac licentiam habeat; nihil tamen superfit, de quo testari possit: licèt enim aliquis fiat pauper, & inops, nec superfit, de quo testaretur; nemo tamen dixerit, ei ademptam esse libertatem testandi. Accedit, quod bona ad testamenti factionem precisè non requirantur, nam, licèt testator nihil in bonis habeat, potest tamen filio suo pupillariè substituere, eique tutorem dare, & sic tale testamentum non erit penitus inutile. *℞. III.* Quòd libertas etiam de bonis testandi non omnino tollatur per donationem omnium bonorum; præter hoc enim, quod donatio ob ingratitudinem donarii revocari possit, donatori possunt adhuc bona obvenire, de quibus ei testari liceat, *v. g. si donatarius acquirendi redderetur incapax, vel si quis eà lege donaret, ne ad donarium perveniat.*

Ad II. Dico, quòd imprimis donatio omnium bonorum, votum captandæ mortis non inducât; vel enim hujusmodi donatio *pura* est, vel *conditionata*. Si pura est, statim est perfecta, & donatarius per conditionem ex lege res donatas condicit. nec opus est morte donatoris. Si conditionata est, interest donarii diu vivere donatorem, cum eò plùs acquirat, quò diutius vivit donator, qui non sibi, sed donatario acquirit. Deinde, quòd adversarii fingere velint, donarium insidiaturum donatori, ne propter supernascentiam liberorum revocetur donatio, id futile est; sic enim nec fidei commissa, nec primogenia subsisterent. Accedit, quòd nihil tale de donatario suspicari sinat beneficium, in ipsum collatum; præsumatur bonus, donec probeatur malus. Denique ista præsumptio posset in qualibet donatione militare, quia quælibet ob ingratitudinem revocari potest.

Ad III. Repono *neg. suppos.* quòd in donatione omnium bonorum detur hæreditas. Hæc enim omnia commoda, & incommoda continet. Donatio verò mera commoda complectitur. Ecce! si paciscor tecum, ut me hæredem scribas, hoc pactum non valet, quia inducit votum captandæ mortis, ne ex sua administratione aliquo modo minuantur bona, & ut brevi acquiram hæreditatem. Si dones mihi, res secus est; quia vel donatio incipit, à traditione, vel à promissione. In priori casu statim rem acquirō. In posteriori rem donatam condico per conditionem legis: ergò in utroque casu cessat votum captandæ mortis.

Ad IV. Dico, in *l. 16. §. 1. ff. de Jure Patron.* non idcirco donationem nullius momenti esse, quia de omnibus bonis facta; sed, quia in fraudem legis, quæ vetat, ne libertus se, centenariò minorem, faciat.

*Nota*

*Nota* : si quis bona omnia simpliciter donet, non adjunctâ clausulâ præsentium, & futurorum, futura non continentur; stricti enim Juris est donatio, l. 22. ff. h. t. Adeoque non extenditur ultra id, quod actum est, Zoef. ff. h. t. num. 29. Idem est, si quis bona sua simpliciter donaverit, Jura, obligationes, nomina debitorum donasse non intelligitur. Zoef. ibid. Schneid. num. 90. Ratio: quia sub nomine bonorum Jura, actiones, & obligationes non continentur. Vide Gail. lib. 2. obs. 11. n. 9.

23 Q. VII. An donatio inter vivos, præter enumeratas supra quinque causas, adhuc ob alias aequè graves, vel graviores revocari possit? Quamvis affirmativam communem asserat Bachov. ad Treutl. vol. 2. disp. 19. th. 7. lit. B. eumque sequatur Gomez. loc. cit. num. 14.

Verior tamen, & Juri conformior est negantium opinio, quam tenent Zoef. num. 90. Humm. ad Treutl. d. loc. var. resol. pag. 516. Probatur ex l. fin. Cod. de revocand. donat. ex his enim (ait textus) tantummodo causis donationes reverti concedimus. Accedit, quod odia sint restringenda, & favores ampliandi.

*Obj.* Sic manerent majora delicta impunita, quod absurdum foret; ergo idem dicendum de gravioribus, vel æquè gravibus delictis. R. Si delicta majora sint, publicam de iis poenam sumi posse Nos, cum quinque duntaxat causas habeamus præscriptas, propriâ auctoritate, & sine lege poenalia statuere non decet.

Illud non ignorandum, propter ingratitudinem non alia revocari quam ea, quæ eò tempore quo ingrati agitur, sunt penes donatorem. Si ante ingratitudinem definis aliqua possidere, vel alienando, vel vendendo, vel permutando, sive in dotem dando, ea non revocantur,

per express. text. l. 7. Cod. de revocand. donat.

Quod si res donata pignori fuerit supposita, donator dominium rei acquirit, sed cum suo onere hypothecæ. Zoef. ff. h. t. n. 101.

Idem est de fructibus; nam illi duntaxat, qui tempore donationis extant, restituendi sunt, Zoef. d. loc. num. 102.

Q. VIII. An donatio, ob insperatam liberorum natiuitatem, revocetur? Tamen si negativam acriter propugnent Harp. §. 2. hic. num. 184. Bachov. vol. 2. d. 19. th. 7. lit. B.

Mihi tamen affirmantium opinio semper visa est verisimilior, eamque docent Gomez. tom. 2. cap. 4. num. 11. Zoef. ff. h. t. num. 117. & 127. loc. cit. Humm. var. resol. p. 520. Fach. l. 3. c. 85. Engel. de donat. num. 17. Mynsing. cent. 5. obs. 63. Probatur per dissert. text. l. si unquam Patronus filios non habens, bona omnia, vel partem eorum donaverit, & postea susceperit liberos, totum qui aliquid largitus fuerat, revertitur.

Non Obstat, quod adversarii regerant, textum loqui de patrono donatore, & liberto donatario; ut proinde mirum non sit, quod ob supervenientiam liberorum retractetur donatio: quia aliunde patronus inæstimabile beneficium, scilicet libertatis, in libertum contulit; ut proinde, cum hæc ratio in aliis personis locum non habeat, hujus legis constitutio ad alias personas extendi non debeat. Nam

Contra est I quod ratio legis, non verba, inspicienda sint; non enim possunt omnes articuli legibus comprehendere, l. 1. ff. de ll. Sed ratio legis æquè facit in casu, quo non donatur à Patrono liberto, quam diverso; ergo. Idem enim à

N n 2

Patr.

Patrono revocari potest donatio ob supervenientiam liberorum, quia pater non præsумitur, voluisse proprio sanguini extraneos anteferre, l. 102. ff. de condit. & demonstr. l. generaliter 6. Cod. de Inst. & subst. l. 30. Cod. de fideicommiss. Adeoque sub ista tacita conditione donasse præsумitur, ut, si liberi postea nati fuerint, donatio ad se, suosque liberos revertatur; atqui hæc ratio non duntaxat militat in casu, quo à Patrono liberto donatur, sed etiam eò, quo ab aliquo alio omnibus aliis donatur; ergo cum ratio legis sit generalis, constitutio quoque generalis sit, necesse est.

Contra est II. si ideò Patronus potest revocare donationem, quia inæstimabile beneficium in libertum contulit, sequitur, quod donationem illam, quam liberis jam natis fecit, revocare possit: consequens est falsum; ergo & principium: unde sequitur,

Non adversatur, quod ea ipsa ratio in legatis quoque, & fideicommissis obtineat. l. 30. Cod. de fideicommiss. Et tamen legata, & fideicommissa non revocantur, quando post testamentum confectum liberi supervenerunt. Nam R. potest, diversam esse utriusque rationem. Vel enim testator vivit, si ei liberi superveniant, vel non vivit. Si vivit, legata, & fideicommissa revocare potest, quia voluntas hominis est ambulatoria usque ad extremum vitæ spiritum, l. 4. ff. de adimend. & transferend. legat. Si decessit, tunc posthumi natiuitate rumpitur testamentum, & juxta multos legata, & fideicommissa corrumpunt. Harp. num. 91

Movet præterea text. in can. ult. caus. 17. q. 4. ubi dicitur, donationem liberis nondum natis factam, retineri posse Jure fori, non Jure poli, liberis postea supervenientibus; ergo saltem in foro externo non revocabitur. R. quod in d.

text. Augustinus non referat Jus, quod suo tempore obtinuit, sed quod tempore Chartaginiensis illius Episcopi, cujus ibidem meminit, viguit. Fieri autem potuit, ut Episcopus ille multo ante Augustinum, & Imperatorem Constantinum (A. A. & constitutores d. l. 8.) vixerit, ac proinde per Jus fori intelligatur illud Jus, quod Constantinum, & Constantium præcessit. Ita Hum. var. resol. loc. cit. §. ad 13.

R. II. Quod iste canon intelligi possit de spontanea redditione, aut scilicet Episcopus donationem spontè reddere non teneatur in foro fori; sed possit expectare, donec per conditionem à donatore revocetur, non autem de redditione coacta per actionem, tunc enim res donatas reddere in utroque foro tenetur. Harp. num. 199.

### §. EST ET ALIUD. 3.

Ad impropriam donationem, tam<sup>25</sup> quam species, reducitur donatio, propter nuptias, quæ concinnè definitur, quod sit actus, quo uxori in securitatem dotis Jus in bonis quibusdam mariti à marito constituitur. Clariss. D. D. Franz. Inst. b. 1. p. 3. §. 4. num. 4. vulgo vocatur die Wider Lag, quasi contra-dos; olim vocabatur donatio ante nuptias, text. hic. & debebat fieri ante contractum matrimonium.

Hodie autem, & de Jure novo ex constitutione divi Justiniani fieri potest tam ante, quam post contractas nuptias, text. hic. Ita tamen, ut tam in quantitate, quam pactis, ei adjectis, æqualis sit doti l. 9. & auth. æqualitas. Cod. de pact. convent. b. e. ut donatio propter nuptias, quoad quantitatem, non excedat, aut præcellat dotem. Item pactum de lucranda dote etiam extendatur ad donationem propter nuptias, licet de hac lucranda pactum

paſſum interpoſitum non ſit; ratio, ut ſervetur æqualitas, tum, quia dos, & donatio propter nuptias dicuntur eſſe duo corelativa, quorum ea natura eſt, atque indoles, ut ſtatutum in uno, cenſeatur ſtatutum & in altero, *l. 9. §. auth. æqualitas. Cod. d. p. & convent. Schneid. n. 4. hic.*

Verùm hæc æqualitas moribus noſtris non attenditur, & in uſu eſſe deſiit, liberumque eſt cuilibet, matrimonium contrahendi, pro lubitu uxori ſuæ in compensationem, & ſecuritatem dotis conſtituere dominationem propter nuptias, quæ quandoque ipla dote duplò major eſt. *Gail. l. 2. obſ. 78. n. 2. Carp. 202. p. 2. conſt. 42. deſin. I. n. 5. Walter de Jure conſuet. Auſt. l. 2. tit. 26. his verbis: Wiewohlen die &c. i. e. Quamquam Jure communi ſit conſtitutum, ut Donatio propter nuptias ſit in omnibus doti æqualis; ita ut altera alteram non excedat: contrarium in hiſce locis ſæpius inter Contrahentes ſtatuitur Tabulis. Nec enim prohibetur ſponſus ampliorem donationem propter nuptias, ac ſi dos ſit, ſponſa conſtituere.*

26 Ad donationem propter nuptias quoque ſpectat ſponſalitia Largitas & Morgengaba.

Morgengaba deſinitur, quod ſit donatio qua maritus poſt primam noctem, uxori ablatam virginitatem remuneratur, eamque datur. Enim vero ea matrimonii natura eſt, atque indoles, ut non ſtatim obliget ad reddendum debitum conjugale; ſed demum poſt lapſos duos meſes, *c. 7. §. de converſ. conjug.* Si tamen uxor prima ſtatim nocte in vota mariti naviget, præmium bonæ voluntatis meretur, quod noſtris Morgengaba dicitur.

27 Sponſalitia largitas nihil eſt aliud, quam munus ſponſalitium, quod ſponſi, mutux benevolentix gratiâ ſibi invicem donant propter ſolam affectionem, &

ſpem futuri matrimonii. *Perez. ad Cod. de donat. ante nupt. num. 11.*

De jure antiquo ſponſalitia largitas vera, pura, & propria erat donatio, ita, ut, licet nuptiæ ſecutæ non fuiſſent, revocari tamen non potuerit. *l. 8. Cod. de donat. ante nupt.*

Verùm poſteà placuit *Constantino Imperatori*, ut ſponſalitia largitas ſemper imbibat tacitam conditionem, ſi nuptiæ ſecutæ fuerint, *l. 15. Cod. h. t.* donat enim procius puellæ eò animò, atque eâ conditione, ut tunc demum valeret donatio, ſi futura ſit uxor. *Mynſing. Inſt. hic. Manz. n. 10. Unde*

*Inſero*: ſi nuptiæ abſque culpa donantis ſecutæ non fuerint; poſſit donans omnia, quæ ſponſæ donavit, repetere, *d. l. 15.*

Dico, ſine culpa donantis, hic enim ſi in culpa ſit, quia recuſat contrahere, quæ donata ſunt, repeti nullò modò poſſunt, *d. l. 15.* Secùs, ſi nuptiæ utriuſque conſenſu ſecutæ non fuerint; hoc enim caſu totum, quod datum eſt, reſtituitur donanti, *Arg. l. 14. Cod. d. t.*

*Quid, ſi caſu, puta, mortalitatis impediatur matrimonium?* R. Interelle, an osculum intervenerit, nec ne? Si priùs, ſponſus, vel ejus hæres ſolummodò dimidiam partem ejus, quod donavit, repetet; ſponſa verò ejusque hæres indiſtincte totum. Si poſterius, totum, quod donatum eſt, reſtituitur, ſive ſponſus, ſive ſponſa donaverit. *l. 16. Cod. d. t.* Sed (ain) quæ eſt ratio, quod osculum, ſponſæ fixum faciat dimidium donationis perdi? R. quia osculum eſt quaſi initium conſummationis nuptiarum, & aliqualis fruitio ſponſæ. *Perez. loc. cit. num. 53. vide quoque hac de re differentes Gomez. ad leg. Tauriſo. n. 6. §. l. 32. n. 6. Sanchez. de matrim. lib. 6. diſp. 18. n. 13. Menoch. lib. 3. præſumpt. 10. n. 1.*



26 Porro, cum *Proxeneticum* nuptiale donationis quoque species sit, ideo scias (velim) illud nihil esse aliud, quam præmium, quod iis decernitur, quorum opera nuptiæ conciliatæ. Solent enim plerumque in contrahendis sponsalibus mediatores intervenire, quorum sagacitate & solertiâ ea, quæ negotio remoram injiciunt, remouentur. Hi plerumque, dum munere suo strenuè funguntur, dum dotes sponsi, vel sponsæ impensè laudant, diuitias jactitant, venustatem extollunt, pietatem commendant, na-

vatam benè operam honorariò donantur, quod *Proxeneticum* latinis dicitur; & solet id manu eò liberaliori porrigi, quò liberaliores ipsi fuerunt in fingendo, & mentiendo. Tu id genus hominibus non facilè fidem adhibe: Spe enim lucri allecti, nihil non mentiuntur, ut nuptias persuadeant, & experientia sane multos docuit, quod pro Diana ranam ceperint, & pro Minerva cervam venati sint, dum proxenetis cornua instantibus ad venationem conjugum fide faciles processerunt.

## T I T U L U S V I I I.

## QUIBUS ALLIENARE LICET? VEL NON.

## SUMMARIA.

- 1 *Maritus non potest fundum dotalem alienare.*
- 2 *Maritus an verè sit dominus dotis?*
- 3 *In quibus casibus procedat alienatio dotis?*
- 4 5 *Quando possit alienari pignus?*
- 6 *An pupillus possit dare mutuum?*
- 7 *Debitor non rectè solvit pupillo.*
- 8 *Nec pupillus creditori.*

**A**ctum de nobis dominium acquirendi; cum autem dominii effectus sit, posse rem suam in alium alienare, idcirco, justò nunc ordine efflagitante, per quos dominium alienari queat, vel non, Imperator *Justinianus* subnectit.

## A D P R I N C I P.

Accedit aliquando, ut, qui dominus rei sit, alienare non possit; è contra qui dominus non sit, alienandæ rei potestatem habeat.

Exemplum prioris absoluit maritus. **I** Hic enim, licet, durante matrimonio, dominus dotis sit, prædium tamen dotale, ob prohibitionem legis *Julia*, alienare non potest: ratio prohibitionis est in fine textus, ne sexûs muliebris fragilitas in perniciem substantiæ earum convertatur; ratio alia, quia interest rei publ. dotem mulieribus conservari, ut eo facilius, viduæ factæ, inveniunt maritum, l. 1. ff. solut. matrim.

**Q. I.** An ergo maritus sit verè dominus dotis? pro affirmativa Facit **I.** Quòd marito rei vindicatio detur ad rem dotalem amissam à possessore repetendam, l. 11. Cod. de Jure dot. l. 9. Cod. de R. V. Ergo maritus est verus dominus rei dotalis, quia rei vindicatio non datur, nisi vero domino, l. 23. & tot. tit. ff. & Cod. de R. V.

Facit **II.** Maritus servum dotalem manumittere potest, l. 21. ff. manumiss. & l. etsi 3. Cod. de Jur. dot. ergo est verè dominus rei dotalis, quia solus dominus, aut lex servum manumittit. l. 1. Cod. commun. de manumiss.

Facit

*Facit III.* Quia, si dos ante nuptias marito data sit, nuptiis postea non secutis, dos per conditionem à marito repetitur, l. 7. §. ult. ff. *Jure dot.* ex quo perspicue liquet, maritum dotis traditione verum dominum fuisse effectum, alias enim non conditione, sed rei vindicatione mulier dotem, non secutis nuptiis, repeteret. *Arg.* §. 14. *Inst. de act.*

*Facit IV.* Quia nemo regulariter rei propriæ furtum committere potest, l. 21. ff. *commodati*; ast uxor, dum matrimonium adhuc consistit, potest rei dotalis facere furtum, l. ob res amotas 24. ff. *de act. rer. amot.* Ergo rei dotalis uxor non est domina, sed maritus. *Hunn. var. resol. lib. 2. tract. 4. q. 4. Harp. hic. num. 4. Manz. num. 7. Schneid. Funsterw. lib. 4. obs. 4. num. 5. Gonzalez. in c. 28. §. de Jurejur.*

Pro negante opinione facit I. l. 3. §. 5. ff. *de minor.* ubi dos aperte dicitur proprium ipsius filiae patrimonium. II. l. un. §. 3. hoc. *Cod. de rei ux. act.* ubi consimiliter dos proprium uxoris patrimonium appellatur. III. l. 75. ff. *de Jure dot.* quamvis (inquit lex) in bonis mariti dos sit; mulieris tamen est. IV. (ut plura loca fileam) l. 30. princip. *Cod. de Jure dot.* ubi aperte Justinianus scribit, res dotales, & ab initio uxoris fuisse, & naturaliter permanisse in ejus dominio.

Sanè, in hac Quæstione exclamare possis, miranda novitas! subtilis subtilitas! quis eam ruminabit? Juris enim principium est, non posse duos ejusdem rei esse dominos. l. 5. §. 30. ff. *commodati.* Ergo vel uxor non est domina dotis; vel maritus non est ejusdem dominus.

Varii varia, ut videre est apud *Hunn. loc. cit.* commentati sunt, ut inter allegatas leges foedus facerent. Crebrior tamen calculus A. in eam combinationem condescendit, quod maritus habeat do-

minium civile, uxor vero naturale; sic enim disertè statuit d. l. 30 *Cod. de Jure dot.* in qua dicitur, res dotales ab initio uxoris fuisse, & naturaliter in ejus dominio permanisse; ergo uxor naturaliter, i. e. revera, & in effectum est domina dotis. Maritus vero civili quâdam ratione, & fictione Juris dicitur esse dominus dotis, quatenus nimirum ea facere potest, quæ dominorum sunt propria, v. g. dotem amissam vindicare, servum dotalem manumittere. Ita omnes *suprà allegati A. A. & Schneid. n. 6.*

Ex dictis habes, quod maritus sit dominus dotis civilis, ejus tamen alienandæ potestatem non habeat.

Verum cum hoc indistinctè non procedat, ideo

Q. An in nullo casu marito licitum sit 3 alienare rem dotalem?

R. Cum distinctione, vel res dotalis est fungibilis, vel non fungibilis: si est res fungibilis, v. g. pecunia, oleum, vinum, frumentum, potest eam alienare, l. 42. ff. *de Jure dot.* ubi dicitur, in dotem data, quæ pondere, numero, mensurâ constant, mariti periculo sunt; quia ad hoc dantur, ut eas maritus ad arbitrium suum distrabat, & quandoque, solutò matrimonio, ejusdem generis, & qualitatis alias restituat vel ipse, vel heres ejus. Et ratio hujus hæc est, quia res in dotem ad hoc dantur, ut illis maritus utatur, fruatur, pro oneribus matrimonii sustinendis, l. pro omnibus *Cod. de Jure dot.* atqui rebus fungibilibus aliter uti, frui non potest, nisi eas absumat, quia earum usus consistit in abusu; absumere autem non potest, nisi possit eas alienare, distrabere, vendere, &c. *Hunn. var. resol. loc. cit. resolutio contrarium.*

Si res non est fungibilis, tunc vel est mobilis vel immobilis. Si mobilis iterum distinguo,

*distinguo*, vel est *servando servabilis* & *pretiosus*, veluti *gemma* &c. non possunt alienari, quia immobilibus comparantur, *Schneid. num. 10.* vel *servando non servabilis*, & alienatio marito permixta est, quia non agit contra legem Juliam, cum ea tantum prohibeat marito, alienare fundum dotalem, sive rem immobilem, *Manz. n. 10. Harp. num. 21.*

Si res dotalis sit immobilis, tunc est vel in dotem data *æstimatò* vel *inæstimatò*? Si *æstimatò*? refert iterum utrum *æstimatio* facta sit, taxationis gratiâ, ut sciatur, quanti, plus, vel minus, valeat res tempore restitutionis? ut sic maritus cogatur refarcire deteriorationem rei dotalis, & in hoc casu alienare non potest, *l. 21. Cod. de Jure dot.* quia non ideo datur marito, ut de ea dote pro libitu disponat; sed ideo, ut, solutò matrimoniò, eandem uxori restituat, & si fortè rem deteriore fecerit, ut sciatur, quantum pro compensatione cogatur reddere maritus, *Schneid. n. 9. Obliungensperg. Inst. h. t. q. 3.*

An vero *æstimatio* facta sit per modum venditionis, ac si res dotalis marito esset vendita & potest rem dotalem indistinctè alienare. Ratio, quia *æstimatio* dotis venditio est, *l. 10. §. 1. ff. de Jure dot.* cum rebus autem emptis possumus pro placito disponere, *Schneid. loc. cit.*

Si res immobilis *inæstimato* data sit, tunc procedit constitutio nostri §. *Et l. un. §. 15. Cod. de rei uxor. act.*

Ex quibus omnibus colliges, quod, dum diximus, uxorem esse dominam naturalem, maritum vero dominum civilem, hoc intelligendum sit de rebus dotalibus immobilibus, *inæstimato* datis; harum enim uxor revera, & naturaliter domina est, maritus vero fictione Juris civilis quoad certos effectus, ceterarum vero rerum v. g. *fungibilium, mobi-*

*lium, immobilium, æstimato* datarum, maritus plenus dominus est, ita, ut quolibet de iis modò plenò Jure disponere possit. Hinc enim periculum, casum fortuitum circa eas præstat maritus, qui, solutò matrimoniò, non rem in specie, sed *æstimationem* restituit. Ita *Hunn. var. resol. pag. 532.*

#### AD VERS. CUM ENIM.

*Lex Julia* duo duntaxat in se habebat, quæ ambo postea *Justinianus* correxit. I. *Lex Julia* illas duntaxat alienationes prohibuit, quæ, invitâ muliere, fiebant; oppignorationes autem etiam volente, & consentiente uxore, prohibuit. II. Tantum illarum rerum alienationem prohibuit *lex Julia*, quæ in Italia sitæ fuerant.

Verum utrumque correxit Imperator *Justinianus* in *l. un. §. Et tunc lex. 15. Cod. de rei uxor. act.* ita, ut neque oppignoratio, etiam consentiente uxore, rei dotalis fieri possit, quia interest rei publ. mulieribus dotem conservari, cujus favori uxor suò consensu præjudicare non potest, *Schneid. n. 4. Manz. n. 103 Concordat N. Oe. Land Tafel, l. 2. tit. 1. Wann ein Ehe-mann, &c. i. e. Si Maritus res immobiles uxoris, Dotales dictas, alienare vellet, id, quamquam alienationi consentiret uxor, marito non concedendum esse, graves ob rationes statutum est.*

Quod si tamen uxor alienationem fundi dotalis Juramentò confirmaverit, alienatio tenet, per *apert. text. cap. cum contingat. 28. X. de Jurejur. Gonzales numero 10.*

#### §. CONTRA I.

Accidit aliquando, ut, qui dominus sit, alienare non possit, (de quo casu hactenus egimus); Et contra qui dominus non sit, alienanda rei potestatem habeat, qualis est creditor, qui licet dominus rei pigno-

pignoratæ non sit , illam tamen aliquando alienare potest : ubi

4 Q. Quando creditor possit alienare pignus ? Hoc quidem Imperator hic non exprimit, sed refert se ad constitutionem quandam, quæ existit in *l. fin. Cod. de Jure domini impetrand.* Ex qua sic distinguitur, vel factum est pactum inter partes; vel nullum? si factum est pactum, vel est factum super alienando pignore, tunc statuitur pacto, *i. e.* tempore elapso, potest creditor in casu non factæ solutionis pignus alienare sine ulla denuntiatione, debitori moroso facta, *l. ult. §. 1. Cod. eod. & text. hic.* ubi simul adducitur ratio, quia nimirum voluntate debitoris intelligitur pignus alienari. Si factum est pactum super non alienando pignore, non valet tale pactum, *l. 4. ff. de pignorat. act.* Ratio ne ex hoc debitor occasionem malignandi, perpetuo differendi solutionem arripiat. *Schamb. hic.* Operatur tamen tale pactum hunc effectum, quod creditor debitori debeat trinam denuntiationem facere, ut solvat; alias pignus se distracturum, & facta trina denuntiatione, tenetur creditor per biennium expectare, ac rursus monere debitorem, ut luat pignus. Quod si elapso illo biennio, & trina denuntiatione facta debitor nihilominus in luendo tardus, ac negligens sit, potest creditor pignus distrahere, & liberè vendere, *d. l. ult. §. 2.*

Si nihil pactum, vel conventum sit inter partes, tunc creditor potest interpellare debitorem, ut solvat: secus se vellet distrahere pignus, nisi fiat solutio. Quod si deinde debitor cessaverit per biennium à die denuntiationis; pignus creditor vendere poterit, *d. l. ult. §. 1.*

*Cod. de Jure domini. impetr.* Si non repariatur emptor, rursus admonendus est debitor, qui si porro cesset, creditor si-

*Kees ad Instituta.*

bi Jus domini in pignore impetrabit, *d. l. ult.* ita tamen ut debitor adhuc intra biennium rei opignoratæ dominium acquirere possit, si nimirum creditori offerat debitum ipsum, unà cum eo, quod interest. Si denique intra biennium debitum non solverit, plene Jure acquiritur creditori pignus. *Manz. num. 31. Schneid. num. 4. De Jure Austriaco res paulò aliter se habet Vide N. O. Land-Tafel lib. 2. tit. 3. von Verkaufung der Unterpfind. §. NUNC ADMONENDI. 2.*

In hoc Imperator redit iterum ad primam partem & ponit aliud exemplum, ubi is, qui Dominus est, res tamen suas alienare non potest. Nam, licet pupillus, & pupilla rerum suarum sint domini, illas tamen sine Tutoris autoritate alienare nequeunt, ne ob ætatis defectum patiantur damnum.

#### A D V E R S. I D E O Q U E.

Q. hic: An pupillus sine tutoris autoritate possit mutuas pecunias dare? R. Imperator negativè, quia, ut possit quis mutuum dare, debet transferre dominium rei in alterum; sed pupillus non potest transferre; ergo

Sed quid, si pupillus defacto dederit pecunias mutuas? R. cum distinctione, vel pecuniarum adhuc existunt vel non? Si existant potest eas vindicare, quia adhuc earum mansit dominus. Si non amplius existant, sed sint consumptæ, tunc vel sunt consumptæ bonâ fide, & mutuum convalescit, ita, ut acquirat conditionem certi ex mutuo, *l. 19. §. 1. ff. de R. C.* vel malâ fide, & tunc pupillus habet contra debitorem utilem rei vindicationem, vel actionem ad exhibendum, tamquam contra eum, qui rem dolò malo desit possidere; quia Jura fingunt, rem adhuc existere penes eum, qui dolò malo desit possidere. *Manz. num.*



male consumpserit, aut furto, vel vi amiserit, vel alio simili casu incendii rapinæ, perdiderit, tunc nihil proderit debitori doli mali exceptio, sed ad iteratam solutionem denuò condemnabitur. Ratio est in *textu*, quia sibi imputare debet, cur tam temerè sine tutoris auctoritate, & decreto Judicis solverit. *Manz. n. 36.*

AD VERS. SEDEX DIVERSO.

- 8 Q. hic: an pupillus & pupilla sine tutoris auctoritate creditoribus suis solvere possint? videtur I. quòd sic: quia pupillus potest suam conditionem meliorem facere absque tutoris auctoritate; at solvendo videtur facere meliorem, quia solutio liberationem pupilli respicit. II. Quia pupillus etiam sine tutore authore per acceptilationem liberari potest; ergo etiam per solutionem, quia acceptilatio est species solutionis.

Hoc non obstante R. Imperator *negativè*; ratio, quia ad solutionem requiritur, ut dominium in alterum transfe-

ratur; pupillus autem solus non potest transferre dominium, *ergò*

Ad *rationem* I. Dico *neg.* per solutionem pupillum facere suam conditionem meliorem: quid enim, si se potuit contra petentem exceptione tueri: Quid, si præmaturè solvit? Quid, si alibi utilius solvisset? Ad II. R. In acceptilatione nihil periculi esse, quia nihil debet præstare pupillus. *Manz. n. 38. & seqq.*

Solvere ergò pupillus solus non potest: quid autem, si *actus solverit*? tunc vel pecuniæ solutæ, existunt, vel sunt consumptæ: si existunt, potest eas per vindicationem repetere, l. 150. ff. de R. J. Si consumptæ sunt, tunc vel bonâ, vel malâ fide. Si bonâ, tunc liberatur pupillus à debito, l. 9. §. 1. & 2. ff. de *auth. tut.*

Si malâ fide, habet utilem rei vindicationem, tamquam contra eum, qui dolo malo rem desit possidere. Quòd si res soluta etiam casui fortuito penes creditorem pereat, non pupillo, sed creditori peribit; liberatur enim pupillus consumptâ pecuniâ, d. l. 9. §. 2. *Manz. n. 51.*

T I T U L U S I X.

PER QUAS PERSONAS CUIQUE ACQUIRITUR ?

S U M M A R I A.

- 1 Quid & quotuplex sit peculium?
- 2 Enumerantur casus, quibus peculium redditur extraordinarium.
- 3 & 4 Quale peculium acquiratur Patri?
- 4 An Pater amittat usum-fructum per nuptias filii.

C O N N E X I O E T P R I N C I P.

O Mne, quod acquiritur, aut dominium est, aut possessio, aut obligatio.

Acquiritur autem dominiū vel possessio, non solum per nosmetipsos; sed & per eos, quos in potestate vel patria, vel dominica habemus. Item per servos usufructuarios, sicut & alienos, bonâ fide possessos. Item per liberos homines, de quibus ordine.

§. I G I T U R. I.

Pro facilius intelligendo hoc §. observa, quid, & quotuplex sit peculium? Peculium concinnè descripseris, quòd

fit pusillum patrimonium, concessum à patre vel domino filiosam, vel servo, separatim à rationibus paternis vel domini, de luctu ed, quod patri vel domino debetur. l. 4. l. 5. ff. de peculio Schamb. hic. Quæ ultima verba ideò adjiciuntur, quia pater conventus actione de peculio ex contractu sui filiosa, prius deducit id, quod sibi à filio debetur, quam reliquis creditoribus satisfaciat.

Dividitur peculium in *paganum* & *militare*. Paganum iterum dividitur in *profectitium*, & *adventitium*. Profectitium est, quod ex re, & substantia patris ad filium proficiscitur: veluti si pater habet filium industrium, aptumque ad negotia, & pater ei relinquit, aut deputat aliquam substantiam pecuniæ, cum qua negotietur, quæ separatur à rationibus paternis, nec pater communerat inter sua bona, sed filius separatas habet suas rationes. Schneid. §. 10. Inst. de act. n. 2.

Peculium adventitium est, quod non ex bonis paternis sed aliunde extra causam militiæ filio acquiritur, puta, ex successione vel donatione materna vel extranei, aut liberalitate fortune.

Hoc posterius subdividitur in *ordinarium*, & *extraordinarium*. Ordinarium est, cujus usus-fructus ad patrem, proprietas ad filium pertinet. Extraordinarium, cujus plena proprietas, & usus-fructus ad filium pertinet.

Casus autem, in quibus peculium adventitium fit extraordinarium, sunt sequentes.

I. Est relatus in l. 6. §. 1. Co. l. de bon. que lib. si scilicet pater ususfructum remittat. II. Est in Nov. 117. cap. 1. Si ea conditione filio aliqua res donetur, ut lenam ejus rei proprietatem habeat, nempe & proprietatem, & usus-fructum. III. Si pater una cum filio succedat in hæreditate filii, v. g. si prter cum

Titio filio suo succedat Sempronio, qui etiam ejusdem filius, sed mortuus est, Nov. 118. cap. 2.

Dices: si filius cum patre succedit extraneo, v. g. uxori, pater habet ususfructum; ergò etiam, si succedat filius cum patre fratri. R. neg. conseq. Ratio differentiae est, quòd Patri, succedenti cum filio ab intestato fratri, usus-fructus fuerit adeptus, quia in illa successione olim perpetuò excludebatur, l. 11. Cod. commun. de success. Ast nullibi reperitur pater prohibitus cum liberis extraneo succedere ex testamento; ergò, Chlengensp. hic. quest. 4. ob. un.

IV. Casus est ex l. ult. Cod. de bon. que lib. si filius, dissentiente patre ac invito, hæreditatem adeat, v. g. si pater jubeat, ut hæreditatem relictam non adeat, eò quòd sit periculosa, ac onerosa, tunc Titius filius, adiens hæreditatem, plenam ejus proprietatem acquirit, d. l. ult.

V. Est ex l. 7. Cod. eod. si filio quidquam à principe donetur, talis enim donatio habet se per modum peculii castrensis. Glettle Inst. de loc. Chlengensp. q. 4. b. t.

Peculium militare dispescitur in *castrense*, & *quasi castrense*. Illud, est quòd à parentibus, vel cognatis, vel aliis, omninò extraneis, donatum est filiosam. eunti ad cattra, & degenti in militia. Item, quod ipsemet filius miles occasione militiæ acquirit.

Quasi castrense est, quod filiosam. ratione publici officii, vel cujusdam exercitii publici, aliàs ingenio suo acquirit, ut faciunt Magistri artium ex professione artium liberalium, vel Medici, aut Advocati, cum & hi militare dicantur, l. 14. Cod. de advocat. divers. jud. His præmissis pro declaratione textus,

Dico

3 Dico I. peculium castrense, & quasi tale, nec hodie, nec olim patri quærebatur; sed habet, & habebat plenum illius dominium filiusfam. l. 6. *Cod. de bon. quæ liber.* habeturque in eo pro patrefam. l. 2. ff. *ad S. C. Maced. Schamb. hic. Brunnem. in d. l. 5. Cod. de bon. quæ lib.*

Dico II. peculium profectitium sicut olim, ita & hodie totum patri quæritur: ratio est in *textu*; quæ enim invidia est, quod ex patris occasione profectum est, hoc ad eum reverti? *Fensterwald. lib. 4. obs. 2. n. 3. Schneid. Inst. §. 10. de acq. n. 2.* ubi notant casum, dignum memoria, & quotidianum, v. g. pater vivus habet multa prædia, & quia est decrepitæ ætatis vel alias valetudinarius, non potest rebus suis præesse easque administrare. Quare filius natu major ipsius omnia administrat, tam negotia domestica, quam eorum prædiorum, alter econtra frater natu minor, nihil domi agit mortuò patre: frater natu major, dicit, se longò tempore gestisse curam rei familiaris, ideò, antequam bona paterna dividantur, petit tantum salarii, quantum pater uni negotiorum gestori dedisset. *Quænam illud salarium præstandum sit?* & decidunt, *negative*; filius enim ex debito reverentiæ paternæ ad tales operas tenetur. Verùm *Perez. ad Cod. de collat. n. 22. Gomez. ad leg. taur. 29. n. 24. & Fachin. lib. 5. cont. 83.* existimant, in casu, quo filius ex pecunia patris per suam industriam lucrum notabile fecit, aliquam partem, tantam nimirum, quantam Instituti de more regionis dare oportuisset, filio assignandam esse perpensâ nimirum filii industria, & lucrî quantitate.

*Dices:* Ergò filius nullam ex tali peculio habebit utilitatem? *R. Schamb. hic.* utilitatem esse positam in eo, quòd confiscatis bonis paternis, peculium illud

maneant filii, l. 3. §. 4. *de minor.* Item, si filiusfam. vivò patre emancipetur, neque peculium expresse adimatur, censetur esse donatum, l. 31. §. 1. ff. *de donat.*

Dico III. Peculium adventitium olim plenò Jure patri acquirebatur. Postea Constantinus, l. 1. *Cod. de bon. mater.* statuit, ut patri res, à matre ad filiumfam. provenientes, quoad usum-fructum tantum acquirerentur, proprietate penes filium remanente. Justinianus verò, nullâ facta distinctione inter res à matre sive aliunde advenientes, statuit, ut omne peculium adventitium tantum quoad usum-fructum patri acquireretur, l. 6. *Cod. de bon. quæ lib. & text. hic.* Ratio est, ne quod filio suis laboribus, aut prosperâ fortunâ accessit, hoc in alium perveniens, lucrum ei accadat.

#### §. HOC QUOQUE. I.

Olim, quando pater emancipavit filium, tertiam partem bonorum filii in recompensationem, & quasi pro pretio præstitæ emancipationis retinebat. <sup>4</sup> Hodie verò hoc correctum est, ut pater non tertiam partem domini rerum filii, sed dimidiam partem usus-fructus tantum bonorum adventitiorum pro emancipationis præmio retinere possit, *text. hic. & l. 6 §. 3. Cod. de bon. quæ lib.* Ratio est in *textu*: inhumanum enim videbatur, filium proprietate, & dominiò tertie partis bonorum defraudari, & quod honoris ei ex emancipatione accedebat, dum scilicet sui Juris efficiebatur, hoc per rerum diminutionem decrescere, *Schneid. n. 7. hic.*

Ex hoc §. quia in nostra Germania hodie forma emancipationis vix amplius servatur, sed ipsò facto emancipatur, si privatam familiam, & æconomiam

ducant *inferunt* D. D. non iniquitatis solum sapere si pater à filio, cui cedit privatam familiam instituendi licentiam, aliquid petat quasi in præmium tacitæ emancipationis. Deinde

*Inferunt* II. Usumfructum, quem pater in bonis liberorum adventitiis habet, per transitum filii ad nuptias, habito respectu ad Jus commune, non in totum expirare; sed dimidiam illius partem patri, ob gratificationem emancipationis, præmii loco, adhuc deberi, sicut olim, l. 6. §. 3. *Cod. de bon. que lib. Manz. D. §. 10.*

#### §. I T E M V O B I S.

Hactenus, quomodo nobis acquiratur per personas, in nostra potestate patria constitutas; sequitur de iis, quæ in potestate *dominica* existunt, videlicet *Servis*, de quibus nobis modicus sermo erit; quoniam, quæ in usu non sunt, attendenda non sunt. Prolixiorem tamen explanationem *hujus* §. si desideres, remitto te ad *Manz. hic*. Itaque servus quidquid acquirit, nobis acquirit, cum servus proprium habere non possit. Quod *ampliatur*, ut non solum domino scienti, sed etiam ignoranti, & invito acquirat.

*Limitatur* autem procedere, in acquisitione, inter vivos facta; secus in his, quæ in ultimâ voluntate obveniunt. Servus enim, adeundo hæreditatem, invito domino acquirere non potest, ne scilicet dominus invitus gravetur ære alieno, cum hæreditas propter æs alienum latens damnosa esse possit, l. 6. ff. *de acquir. hered.*

#### §. D E I I S. 4.

Servus *fructuarius*, in quo quis usumfructum habet, in duobus calibus acquirit fructuario.

I. Quando ex re ipsius fructuarii aliquid consequitur, ut, quia fructuarius fecit istum servum dispensatorem rerum suarum. II. Quando servus ex operibus suis quid consequitur, veluti, si servus est *picior*, vel *sutor*, &c. Ea vero, quæ servus extra istas causas consequitur, ad dominium proprietatis, non fructuarium pertinent. *text. hic.*

#### §. E X H I S. §.

Quæritur in hoc §, an etiam, & quomodo nobis acquiratur per extraneam personam, quæ scilicet neque patriæ, neque dominicæ nostræ potestati subjecta est? Ad hoc *R. Imperator*, regulam vulgarem prodisse, per extraneam personam nihil nobis acquiri; à regula tamen excipitur *Procurator* qui nobis acquirit possessionem, & per illas etiam dominium, & hoc propter mandatum; quod enim quis facit per alium, per se ipsum fecisse intelligitur. Sed

*Q. An in prædictis casibus requiratur scientia domini?* Ad hoc *R. cum distinctione*, vel loquimur de acquirenda sola possessione, vel de usucapiendi conditione, vel domini acquisitione. Possessio, & dominium etiam ignoranti domino acquiritur: sufficit enim, quod ab initio mandatum intercesserit. *Manz. n. 10. hic.*

Usucapiendi conditio ignoranti non acquiritur: ratio *disparitatis*, quia in usucapione bona fides requiritur, ignorans autem nec bonam, nec malam fidem habet. *Manz. loc. cit.*



## TITULUS X.

## DE TESTAMENTIS ORDINANDIS.

## SUMMARIA

- 1 Definitur Testamentum.
- 2 Cujus Juris sit Testamentum?
- 3 Testamenti factio ante Jus civile in usu fuit.
- 4 Enumerantur requisita ad Testamentum.
- 5 Debet scribi ab ipso testatore.
- 6 Institutio hæredis dicitur basis, & fundamentum Testamenti.
- 7 Ad Testamentum requiruntur VII. testes.
- 8 Illique debent esse idonei.
- 9 Testamentum debet fieri unico contextu.
- 10 Unde in eo non potest celebrari contractus.
- 11 Testamentum etiam alieno signo muniti potest.
12. 13. 14. 15. 16. 17. & 18 Quam possint adhiberi testes.
- 19 An legatarii, & fideicommissarii recte adhibeantur?
- 20 Testamentum Nuncupativum quid sit?
- 21 Recensentur ejus requisita.
- 22 Nuncupatio per relationem ad schedam non potest fieri.
- 23 Eliduntur argumenta contraria.
- 24 Testamentum, in foro fori nullum, an teneat in foro poli?
- 25 Holographum testamentum an valeat?

## AD PRINCIP.

**T**estamentum ab etymologia nominis ( de qua disceptans Clariss. D D. Franz. hic. n. 1. Manz. tract. de Testament. tit. 1. n. 9. ) testatio mentis dictum in l. 1. ff. qui testam. facere poss. concin-

nè definitur, quod sit *Voluntatis nostra* juxta Sententia de eo, quod quis post mortem suam fieri velit.

Dicitur I. *Voluntatis nostra*: quia Testamentum in voluntatem alterius conferri non potest, l. 32. ff. de hered. Instit. & ultima voluntas non potest ex alieno arbitrio dependere, nam certum debet esse testantis consilium, Manz. loc. cit. n. 5.

Dicitur II. *juxta*, i. e. Juri conformis; solennis, & omnibus numeris perfecta; & juxta legum præcepta ordinata, arg. l. 1. ff. de injust. rupt. & irrit. fact. testam.

Dicitur III. *Sententia* i. e. seria, & benè deliberata voluntas. Schamb. hic.

Dicitur IV. *De eo, quod quis post mortem suam fieri velit*, quibus verbis differt ab actibus inter vivos, scilicet contractibus, hi etenim statim suum sortiuntur effectum. Testamentum verò non nisi post mortem, viventis enim nulla est hæreditas, l. 49. ff. de acq. hæred. Perez. ad Cod. h. t. Manz. n. 7.

Q. I. *An Testamentum sit creatura Juris gentium an civilis.*

Uc in hujus controversiæ altercatione breviter me expediam, sic statuo: Res ipsa ortum habet à Jure gentium; sed formam, & solemnitatem Jus civile constituit, ita re ipsa docent Harp. prin. h. t. n. 62. Schneid. n. 6. Schamb. hic. Manz. hic. n. 6. Zoes. ff. qui testam. fac. poss. n. 1. Fünsterwald. lib. 2. obs. 110. n. 2. Vinn. Inst. hic. n. 3. Struv. ad ff. Exercit. 32. th. 3. & communiter omnes.

Dissent. Glettle de Testament. cap. 1. §. 3. Hum. var. resol. tract. 5. q. 3.

Prior *Sententia probatur* ex eo, quod ante inductum Jus civile in usu fuerit testamenti factio, quemadmodum ( ut alia loca fileam ) *Genes. cap. 35. v.* perspicue legimus, quod Abrahamus filium suum Isaacum hæredem instituerit, exclusis concubinarum filiis, quibus tantummodò quædam munera est largitus. Idem patet ex *Tito Livio. lib. I. decad. I.* ubi refert, Tarquinium, testamentò patris hæredem institutum, omnia bona solum retulisse, exclusò fratre posthumò, cui à re nomen Egerii fuit.

*Obj. de Jure naturæ* nemo potest disponere in tempus, quo non est amplius rerum suarum dominus, quia paria sunt tempore fieri inhabili, & conferri in tempus inhabile, sed testator disponderet in tempus, quo non est amplius dominus, mors enim omnia solvit; ergò. *R. Distinguo maj.* Nemo potest in illud tempus disponere, quo non amplius est dominus effectivè *conced. maj. executivè, neg. maj.* Sed testator disponit in tempus, quo non non est amplius dominus, executivè, *conc. min. effectivè, neg. min. & conseq.*

Quantum ad voluntatem attinet, dispositio jam est sortita effectum in vita testatoris, qui perfectè disposuit id, quod voluit; licet voluntatis executio fiat post mortem; nam & tunc, quando testatur, & eò ipso momento, quo moritur, bonorum suorum dominus est. Itaque, hæres ab intestato statim incipit ex Jure naturæ obligari ad implendam defuncti voluntatem, & hæres institutus illo momento, quo moritur testator, acquirit Jus in bona defuncti, ita, ut post mortem bona non fiant vacantia, quoniam jam naturaliter sunt obligata hæredi instituto.

§. SED, UT NIHIL. I. CUM §. SEQ.

Ut nihil antiquitatis ignoretur, enumerat *Imperator* in hoc. §. tria genera testamentorum, quæ olim in usu fuerunt, & hodie penitus exoleverunt. Ego de iis mentionem facere supersedeo; tum, quod attendenda non sinit, quæ in usu non sunt. Itaque ad *Schamb. vel Manz.* remissus esto.

§. SED CUM PAULATIM.

Jure novò Testamentum dividitur in *scriptum, & nuncupativum.* Illud est, quod adminiculo Scripturæ: hoc, quod adminiculo vivæ vocis perficitur.

Requisita de Jure communi ad testamentum scriptum occurrunt sequentia.

I. Ut ultima voluntas vel ab ipso testatore, vel ejus jussu ab alio scribatur, *l. hæc consultissima. 21. Cod. de testament. Perez ad Cod. d. t. n. 2. Manz. tract. de testam. tit. 4. num. 6.* In casu autem, quo alius testamentum scripsit, debet testator vel ipse, vel octavus testis illud subscribere. *Nov. 119. c. 9. Glettle de testam. cap. 2. §. I. n. 2. Schneid. n. 7.*

II. Ut expressis verbis instituatur hæres, *l. 29. Cod. eod. cum hæredis institutio sit basis, & fundamentum testamenti, l. 10. ff. de Jure Codicill. Zoef. loc. cit. n. 27. Schneid. n. 8. Manz. loc. cit. n. 7. Perez. ad Cod. n. 5. Mantica de conject. ult. volunt. lib. 2. tit. 4. n. 2.*

III. Ut adhibeantur 7. testes, *text. hic. & d. l. 21. Cod. de testament.* Ratio hujus numeri à variis varia redditur.

Vultejus §. 5. *l. 1. b. t.* dicit, ita placuisse Romanis, ac pro ratione sufficere voluntatem.

Antonius Faber & Arumeus miserum refugium sumunt ab *L. non omnium. 20. ff. de LL.*

Harp.

*Harppecht*, & alii nullam (putant) probabiliorē assignari posse rationem, quā quod veteres peculiarem quādam vim, & energiam huic numero septenario attribuerint. Quemadmodum is ab *Hebraeis* dictus fuit numerus *libertatis*; à *Pythagoricis* *virginitatis*; ab *Apuleio* *purificationis*. Imo numerus septenarius, & sacer, & plenus perfectionis dicitur, ejusque frequentissima occurrit mentio in sacra scriptura, v. g. die *septimo* quievit dominus, eodemque homines quiescere voluit. *Genes. cap. 2.* Septem millia non flexerunt genua coram Baal. *lib. 3. Reg. cap. 18. v. 22.* Nam fratri septies in die condonabo; imò septuagesies septies *Matth. cap. 18. v. 22.* Similiter *Elisæus* Propheta dixit ad *Naaman* leprosum, *vade, & lavare septies in Jordane, & recipiet sanitatem carnis tuæ, atque mundaberis.*

*Dices*: in ore duorum, aut trium consistit omne verbum. *Matth. 18.* ergo non requiruntur 7. testes *R. Antea.* verum esse; nisi plures testes à lege desiderentur, prout in testamento ad evitandas fraudes à lege requiruntur.

Oppones *cap. 10. & de testam.* ubi poenā anathematis affici jubetur, qui testamentum, coram parochō, & duobus testibus conditum, infirmat. *R. Constitutionem, d. c. 10.* locum habere in terris Ecclesiæ Romanæ subjectis; non vero in provinciis, ad imperium Romanum pertinentibus. *Harp. n. 23.*

*Urget per Nov. Leonis 41. & 43.* quæ cavetur, ut in civitatibus 5. & in agris 3. testes ad testamentum sufficiant. *R. Novellas Leonis* non esse receptas, nisi quatenus sunt conformes Juri civili. *Harp. n. 21.*

§ IV. Ut testes sint idonei, *h. e.* tales, qui nullō Jure testimonium dicere prohibeantur, de quibus *infra.*

*Kees. ad Instituta*

V. Ut testes sint rogati specialiter ad hunc actum expediendum, nec casu, vel fortuito advenerunt, *l. 21. §. 2. ff. qui testam. fac. poss. Glette cap. 2. §. 1. n. 15. Manz. loc. cit. num. 88.* Rationem, cur rogari debeant? allegat *Menoch. de arbit. Jud. lib. 2. cent. 5. cas. 495. num. 35.* ut nimirum ex parte testantis excludatur omnis suspicio, & subordinatio.

VI. Requiritur, ut testes se subscribant, *l. 21. Cod. h. t.* nec unus scribere potest pro alio, sed, quisque propriā manu se subscribat, necesse est, *l. 80. ff. qui testam. fac. poss.* Ni fortè in tali loco testamentum conficiatur, ubi tot literati coadunari nequeunt; tunc enim potest unus pro alio subscribere. *l. fin. Cod. h. t.*

VII. Requiritur, ut testes in conspectu sint testatoris, eūque videant, conspectum agnoscant, ac faciei lineamenta probè discernant. *l. Cod. h. t.* Ratio, ne fortè aliquis subornetur, qui vocem testatoris mentiretur, ut, suis temporibus à muliere quadam sagace esse factum, testatur *Clarus, §. testamentum q. 59. Glette loc. cit. num. 16. Schneid. hic. n. 7.*

VIII. Ut testes testamento sigilla sua imprimant, *text. hic. l. 22. §. 4. ff. qui testam. facere poss.* ubi tamen necesse non est, ut singuli propriō annulō utantur, sed possunt sigillō uti etiam aliēdō. *§. 7. Inst. h. t. Manz. tr. de testam. tit. 4. n. 139.* Imò, si ab ipso testatore annulum acceperis, & signaveris, valet testamentum. *l. 22. §. 2. qui testam. fac. poss. Glette loc. cit. n. 18.*

IX. Et ultimo, ut testandi actus 9 unicō contextu absolvatur, adeoque nihil ab instituto negotio contrarium aut alienum interveniat. *§. 3. hic. & l. 21. §. fin. ff. d. t.* Ratio, ne memoria per actum extraneum à competente deliberatione avocetur, aut turbetur. *Manz. n. 154. loc. cit. Zoes. n. 29. ff. qui testam. fac. poss. Harp. n. 2. hic. P P Dicta*

*Dicta* tamen cum grano salis intelligenda sunt; quando enim dicimus testamentum unico contextu absolvendum esse, nolumus excludere actus, quos testatoris moribundi conditio, ratio sanitatis, aut naturæ necessitas efflagitat. Hinc si, calente negotio, Mystra veniat, sacro cibo decumbentem refecturus, si medicamentum ægroto porrigendum, si superfluum naturæ pondus excernendum sit, ea propter testamentum non vitatur, *Manz. tit. 4. q. 1. n. 155.*

Ex *dictis* suâ sponte fluit, inter testandi actum non posse celebrari contractum: ratio quia non potest testamentò intermisceri actus alienus, *d. l. 21. §. fin.* sed contractus est actus alienus; nam contractus fit inter plures, & semel perfectus, revocari nequit. *l. 5. Cod. de Q. & A.* Testamentum verò non fit, nisi ab uno, & insuper revocari potest usque ad extremum vitæ spiritum. *l. 4. ff. de adimend. legat.* ergo inter testandi actum contractus non potest celebrari. *Zoes. loc. cit. num. 30. Harp. n. 5. Bachov. ad Treutl. vol. 2. disp. 10. th. 5. lit. H. Hunn. var. resol. lib. 2. tract. 5. q. 4. Fach. l. 5. cap. 23.*

Oppones *l. 7. ff. de libert. assignand.* ubi dicitur, pignus in testamento constitui posse; sed pignus est contractus, §. 4. *Injt. quib. mod. re contrah. oblig.* ergo R. nos non ire inficias, quòd tales actus testamento immisceri possint, qui unius voluntate nituntur, qualis est assignatio liberti. Sic quoque non adversatur, *d. l. 26.* quia nihil aliud statuit, quàm quòd testator voluntatem suam de pignore, alteri, constituendo, in testamento declarare, hæredique necessitatem pignoris imponere possit; taliter enim contractus non celebratur, sed testator declarat, quid post mortem suam fieri velit.

#### AD V. I T A U T H O C.

Ex hætenus *dictis* patet, solenne testamentum esse *tripartitum*, b. e. ex triplici jure, puta, *civili Prætorio, & constitutionum* collectum; nam, quod uno contextu, in præsentia testium, ad hoc specialiter rogatorum, fieri debeat, est ex Jure civili. Quod autem testes, & testator se subscribere debeant, habetur ex Imperatorum constitutionibus. Et denique, quod signacula imprimi debeant, & 7. testes adhiberi, ex Jure Prætorio descendit. *Manz. num. 13.*

#### §. S E D H I S. 4.

Præter solennitates *suprà* enumeratas, *Justinianus* in *l. 29. Cod. de testam.* præcepit, ut testator ipse nomen hæredis scribat; vel si ex morbi acerbitate, vel scribendi imperitia id facere non possit, ut nomen hæredis coram testibus nuncupet, ut hi intelligant, quem hæredem consignare voluerit. Verùm hæc ipsa lex fuit postea sublata, & necessitas, ita exprimendi nomen hæredis, remissa, ita, ut hodie sufficiat, nomen hæredis scribi per alium, dictante testatore. *Nov. 119. c. 9. Manz. n. 4. hic. Schamb. & Zoes. ff. h. t.*

#### §. P O S S U N T. 5.

Jam ante dictum, nil referre, si ve I suò, si ve alienò signò quis Testamentum munierit, imò etiam ipsius testatoris signo testamentum firmari posse, patet ex *d. l. 22. §. 2. ff. qui testam. facer. p. ff.* Ratio est in *textu*, quia contingere posset, ut omnes, & singuli testes haberent proprios annulos; omnes tamen annuli unam sculpturam, & characterem, fortè quia testes omnes sunt ex una familia, quo in casu idem esset, ac si unum tantum annulum haberent. *Manz. & Harp. hic.*

#### §. T E S.



## §. TESTES. 6.

Q. Hic quoniam in testamento possint adhiberi testes? Et Imperator statuit hanc regulam, testes adhiberi possunt omnes, quibus testamenti factio est, sive activa, sive passiva, b. e. qui & testamenta facere & ipsi ex testamento capere possunt. *Manz. num. 1. Franz. n. 2.*

Mihi (ut verum fatear) præfata regula minus solida videtur; mulier enim habet testamenti facti nem tam activam, quam passivam, & tamen à testimonio repellitur. Item *filiusfam.* non habet testamenti factionem activam, & tamen in testamento testis rectè adhibetur. Itaque statuenda est alia regula, nimirum ista: Testes adhiberi possunt omnes, qui non prohibentur. Ita *Glettle tract. de testam. c. 2. §. 1. num. 4. Clariss. D. D. Franz. Inst. b. t. n. 11.*

12 Prohibetur autem I. *Mulier text. hic. §. l. 20. §. 6. ff. qui testam. fac. poss.* Rationem prohibitionis refundunt nonnulli in fragilitatem sexus, & infirmitatem Judicii. Male: sequeretur enim, foeminas in nullo planè casu ad dicendum testimonium idoneas esse, quod falsum; cum regulariter tamen in delictis, quam contractibus admittantur. *l. 18. ff. de testib. §. d. l. 20. §. 6. Brumm. ibid. §. Farinac. de testib. q. 59.* Mihi placet illa ratio prohibitionis, quæ rejicitur in sollemnitate actus, ut sensus sit, ideo mulieres in testamento testes adhiberi non posse, quia testes masculi requiruntur de forma. *Bichov. §. Vinn. n. 2. Concordat. N. Oe. Land-Tafel tit. 5. lib. 2.*

II. Prohibetur *Impubes l. 3. §. 5. ff. qui testam. fac. poss. §. text. hic.* idque propter lubricum animi consilium, judicii que atque intellectus imbecilitatem, propter quam communiter ejus testimonium reprobatum.

III. Testis esse non potest *Servus*, quia 13 non habet Juris civilis communionem, imò Jure civili pro mortuo, & pro nullo habetur, *l. 209. ff. de R. J.* At testamentum quoad solennitates est Juris civilis; ergo, *Manz. num. 9.*

IV. Coercetur *mutus*, cum testimo- 14 nium reddere possit *Surdus*, cum vocem testatoris non exaudiat. *Furiosus*, cum non intelligat, quid agat, *l. 20. §. 4. ff. qui testam. fac. poss. Glettle loc. cit. n. 5.*

V. Omnes ii, qui alias à lege in judicio prohibentur esse testes, prohibentur quoque in testamento adhiberi, bonum enim est argumentum à judiciis ad ultimas voluntates *negative* non *affirmative* *Schneid. n. 7. Manz. tract. de testam. tit. 3. q. 1. Concord. N. Oe. Land-Tafel, lib. 2. tit. 5.*

## §. SED CUM ALIQUIS. 7.

Diximus, quod servus in testamento testis adhiberi nequeat; sed

Q. hic, quid Juris? si servus, qui vulgo cred-batur esse liber, defuncto testis fuerit adhibitus? R. Imperator, quod ex liberalitate tali testamento ob favorem ultimæ voluntatis subveniat, vel valere faciat, *text. hic. §. l. 1. Cod. de testam. Schamb. §. Manz. hic.*

Dices: ergo error communis facit Jus? R. quod error communis non sit adæquata ratio, quare tale testamentum subsistat; sed, ut ultima voluntas sortiat exitum. *Mynsing. §. Vin. hic.* Quomodo autem & quando error communis faciat Jus, est altioris indaginis. Vide *Zoef. ff. de off. Pras. ad l. Barbarius.*

## §. PATER. 8.

Q. in hoc §. an ex eadem domo plures testes producere liceat? v. g. ego volo testamentum condere, potestne in eo adhiberi testis pater, & filius simul?

item duo fratres? Rationes dubitandi sunt duæ. I. Est, quoniam testimonium domesticum reprobatur. §. 9. b. t. & c. 24. de testib. II. Quia non reputatur ut idoneus testis, cui imperari potest, l. 6. ff. de testibus.

- 15 Verum *Imperator* statuit, patrem & filium, item duos fratres in eodem testamento recte adhiberi testes; ratio, quia in testamento extranei cessat omnis suspicio falsitatis, collusionis, aut conspirationis. *Harp. num. 2.*

Ad I. rationem dubitandi. R. quod domesticum testimonium tum demum reproberetur, si negotium sit inter ipsos domesticos; non etiam, si negotium versetur inter extraneos: tunc enim cessat suspicio collusionis.

Ad II. patet solutio, quoniam d. l. 6. procedit, si is, cui imperari potest, testis fiat in causa imperantis, secus, si fiat testis in causa extranei *Schamb. hic. num. 3.*

#### §. IN TESTIBUS. 9.

- 16 Declarat hic *Imperator*, quod liberi in testamento patris, cujus in potestate sunt constituti, testes adhiberi nequeant, quia testimonium domesticum reprobatur, *text. hic. & c. 24. & de testib.* Ratio alia, quia in causa propria nemo est idoneus testis, l. 3. *Cod. de testib.* sed filius testaretur in causa propria, debet enim in testamento hæres institui; ergo.

#### AD V. SED SI.

- 17 Q. hic, an pater possit esse testis in testamento filiusfam, Si de peculio castrensi testatur? & R. negativè his verbis: Sed, si filiusfam. de castrensi peculio post missionem faciat Testamentum, nec pater ejus recte adhibetur testis.

Sed vehementer adversatur, l. 20. §. 2. qui testam. fac. poss. his verbis: per

contrarium quæri potest, an Pater ejus, qui de castrensi peculio potest testari, adhiberi ab eo in testamento testis possit? & *Marcellus* scribit, posse.

*Hotomannus* in hac textuum contrarietate existimat, tantam esse difficultatem, ut videatur operam ludere, qui eos tentat in concordiam reducere. Sed maneat sua *Hotomanno* fides: ego referre existimo, an filiusfam. ante missionem Jure militari, vel post missionem Jure communi testetur? In priori casu sortitur locum d. l. 20. §. 2. tamen si enim filiusfam. Jure militari testamentum condens, nullis planè testibus indigeat, atque ita inepta videatur dubitatio, possint pater in tali testamento testis esse? quia tamen non semper testamentum scriptum, sed quandoque nuncupativum conficit hoc saltem casu quaestioni nostræ locus erit. In posteriori casu obtinet §. 9. *hic.* Ratio differentiae est, quia si filiusfam. in castris ante missionem testamentum condit, legibus, & solennitatibus solutus est, post missionem vero Juris præcepta observare tenetur. *Glettle tract. de testam. c. 2. §. 1. n. 8. Harp. n. 6. Manz. n. 9. Ludv. hic.*

#### §. SED NEQUE HÆRES. 10.

Q. Hic, an hæres in eo testamento, in quo institutus est, possit esse testis? R. quod neque hæres ipse: quia in causa propria nemo est idoneus testis, d. c. 24. & de testib. & l. 10. *Cod. cod.* Neque is, qui in potestate ejus est, nec pater ejus, nec fratres, qui in ejusdem patris potestate sunt, testes adhiberi possint: domesticum enim testimonium reprobatur. *Manz. & ceteri omnes hic Concord. N. Oe. Land-Tafel loc. cit.*

## §. LEGATARIIS. II.

Q. hic, an legatarii & fidei-commis-  
sarii possint esse testes in testamento?

Ratio dubitandi est, quia nemo po-  
test esse testis in propria causa; atqui le-  
gatarii, & fidei commissarii, censentur  
testificari in causa propria; tunc enim  
propria causa versari dicitur, quando ex  
illa quoddam emolumentum vel dam-  
num ad aliquem redundat, l. 1. §. 11. ff.  
quando appelland. sed ex hac causa id con-  
tingit, quia testamento subsistente, le-  
gata etiam, & fideicommissa subsistunt,  
eò autem corrumpente & infirmatò legata  
quoque corrumpunt, ergo.

Verum, hac ratione dubitandi non  
attentà statuendum est, legatarios, &  
fidei-commissarios in testamento rectè  
adhiberi testes. Ita Manz. traç. de te-  
stam. tit. 5. quest. I. n. 50. Glettle loc. cit.  
cap. 4 §. 1. n. 12. Harp. Inst. hic. n. 11.  
Zoes. ff. qui testam. fac. poss. n. 36. Con-  
cord. Jus Austriac. N. Oe. Land-Tafel,  
lib. 2. tit. 5. aber die legatarien &c. i. e.  
Legatarii vero, & alii, ad quos rerum sin-  
gularium dispositio quedam Testatoris perti-  
net possunt utique in testamento testes esse,  
nisi legatum sit momenti majoris; tunc enim,  
ex regionis usu testes esse nequirent.

Probatur I. per §. 11. hic. & l. 20. ff.  
d. t. quibus locis luculenter sancitur, le-  
gatarios fidei-commissarios in testamento  
rectè adhiberi testes, ex ratione, quia  
non Juris successores sunt, & totum  
negotium videtur esse inter testatorem,  
& hæredem; non verò inter testatorem,  
& legatarios, sive fidei-commissarios,  
Perez. ad cod. h. t. num. 13.

Ad rationem dubitandi & legatarios,  
& fidei-commissarios non testificari in  
causa propria, sed principaliter, & pri-  
mario in causa hæredis; hujus enim uti-  
litas, & emolumentum veritur prima-

tio: legatariorum verò utilitas tantum  
venit secundario, & in consequentiam,  
multa autem secundario, & in conse-  
quentiam permittuntur, quæ principaliter  
prohibentur, l. 1. & per consequentias.  
ff. de auctor. & consens. tut. Schamb.  
Inst. hic.

Urge' is: Licet testificantis commodum  
tantum veniat in consequentiam; in cau-  
sa tamen propria testis esse non potest.  
L. ult. ff. de testib. ubi advocatus in ea  
causa, in qua patrocinium præbuit,  
non potest produci testis; licet commo-  
dum ejus, puta, interesse existimatio-  
nis, secundario tantum vertatur: ergo  
etiam idem in legatariis, & fidei-com-  
missariis obtinebit. & conc. ant. neg. con-  
seq. Disparitas est, quod legatarii, &  
fidei-commissarii non adhibeantur testes  
ad probandam rei gestæ veritatem,  
(alias enim duo sufficerent) sed ad solen-  
nizandum testamentum Ita Schamb. Inst.  
hic. Verum hæc ipsa solutio exinde sus-  
pecta redditur, quòd legatarius non so-  
lum ad solennizandum testamentum,  
sed etiam ad probandam veritatem testis  
recipiatur. Favinaç. traç. de testib. quest.  
60 n. 289. Alia proinde solutio tribuenda,  
dic, esse speciale in testamento, quod  
legatarii in eo possint adhiberi testes;  
rationem autem specialitatis in eo con-  
stitui, ne aliàs difficile sit reperire ali-  
quos, qui testes agerent: enimverò om-  
nes refugerent officium testis, si scirent,  
hac via omnem spem legati præcidi, Me-  
noch de arbit. jud. lib. 2. cas. 106. num. 14.  
Aliter adhuc & Harp. Inst. hic. n. 12. Manz.  
loc. cit. num. 53.

## §. N I H I L 12.

Quamvis non sit licitum Notariis, in  
quacunque materia scribere instrumentū,  
sed solenniora in pergamento scribere de-  
beant. Nov. 44. cap. 2. Gril. lib. 1. obs.

119. n. 3. testamentum tamen in quacunque materia, seu charta, seu membrana, seu corio, seu ligno scribi potest; ratio non est alia, quam favor ultimæ voluntatis. *Manz. hic.*

#### §. SED ET UNUM. 13.

Tametsi nemo paganorum cum duobus testamentis decedere possit, semper enim prius rumpitur per posterius, §. 2. *Inst. quib. mod. testam. infirmant.* unum tamen testamentum pluribus codicibus confici potest; ita tamen, ut sint ejusdem tenoris, & habeant omnes requisitas solennitates, quæ si observatæ non fuerint, tum reliqua non testamentum, sed apographa, seu descriptiones tantum & copiar, vulgò *Copey* oder *Ab-schrisften* nominabuntur, *N. Oe. Land-Tafel. lib. 2. tit. 9.*

#### §. SED HÆC FIN.

20 Hactenus de Testamento solenni scripto: rectè methodò sequitur de *nuncupativo*; vocatur autem testamentum nuncupativum, quando testator linguâ suam voluntatem exprimit, & vivâ voce hæredem nuncupat, de hoc testandi genere agit, l. 21. §. 2. & l. 26. *Cod. de testam.*

Requisita hujus testamenti absolvunt sequentia.

21 I. Requiritur, ut testator hæredes palam, sive, ut voce suâ exprimat nomen hæredis, l. 21. ff. *qui testam. facer. poss.* & l. 29. *Cod. b. t. dass der Geschäftsführer seinen letzten Willen lauter, und klärlchen mit eigenem Munde anzeigen.* *N. Oe. Land-Tafel, lib. 2. tit. 10.*

Dicitur *vivâ voce*, unde si testator articulatè, *b. e. verstandlich*, ampliùs loqui non possit, & nutu duntaxat, Notatio foriè interroganti, an Titium hæredem habere velit? assentiat; testamen-

tum non valet, l. 29. *Cod. b. t. ubi is, qui neque scribere, neque articulatè loqui potest, mortuo assimilatur.* Non aliud proinde erit ejus testamentum, nisi mortuum, *b. e. nullum, & invalidum.* *Fach. l. 5. cap. 69. Carpzov. part. 3. Const. 5. definit. 9. Glettle loc. cit. cap. 2. §. num. 2. Manz. loc. cit. num. 53.* ubi alt, nec illud testamentum valere, si vis, me hæredem tuum esse, manum preme meam!

Q. II. *An nuncupatio per relationem ad schedam rectè fiat?* v. g. Q. *an valeat testamentum nuncupativum, si testator schedam aliquam in manibus teneat; vel apud Guardianum Franciscanorum depositam habeat, & coram testibus vivâ voce declaret, illum hæredem esse, qui in præfata scheda scriptus est?*

I. Sententia affirmat. Ita *Berlich. part. 3. conclus. 4. num. 22. Zoef. ff. qui testam. fac. poss. n. 56. Struv. exercit. ad ff. 33. ib. 7.*

Moventur I. Hac ratione, quia non refert, quid fiat ex æquipollentibus, l. 2. §. *si cui ff. de legat. 3.* atqui relatio ad schedam videtur esse æquipollens, cum æquè perinde de nomine hæredis constare possit, quam per vivam vocem, ergò.

Moventur II. Per l. 9. §. 8. ff. *de hæred. Instit.* ubi, *si quis nomen hæredis quidem non dixerit; sed indubitabili signò demonstraverit, valet Institutio*; atqui relatio ad schedam est signum indubitabile, ergò.

Moventur III. per l. 6. ff. *de R. C.* ubi, nihil referre dicitur, an proprio nomine res appelletur; an digitò ostendatur; aut vocabulis aliis demonstratur; ergò idem in nostro casu asserendum.

Verum, utut hæc sententia veri speciem præ se ferat, *negativa* tamen præplacet.



placet, quam calculo suo muniunt *Bachov. Inst. hic. Manz. tr. de testam. tit. 4. q. 2. n. 16. Brunnem. ad d. l. 31. ff. qui testam. fac. poss. Glette loc. cit. n. 6.*

Probatur hæc posterior *Sententia* per *Textum* evidentem in *d. l. 21.* his verbis *Heredes palam, ita, ut exaudiri possint, nuncupandi sunt*; Sed, si relatio fiat ad *Schedam*, tam parum exaudiuntur, quam parum ego exaudirem decretum *Principis*, si in scripturam redactum, mihi quidem ostenderetur, non tamen prælegeretur.

*A* cetis prætereâ genuina ratio, quia nimirum inter testamentum scriptum, & nuncupativum hæc potissimum differentia adstruitur, quod in illo testes ignorent, quis sit hæres, in hoc verò id sciant. *Harp. hic. n. 3. Schneid. in rubr. h. t. n. 2. §. fin. eod. n.* Quæ fanè differentia cessaret, si relatio ad *Schedam* rectè fieret.

23 Ad I. *R. d. l. 11. §. si cui ff. de legat. 3.* non procedere in casu, quo aliquid pro forma ad actum aliquem desideratur; forma enim per æquipollens non adimpletur, *l. 33. ff. de Jurejur.* Sic, licet per testimonium mulieris de voluntate testatoris constare posset, coërcetur tamen à ferendo testimonio, quia masculus testis de forma requiritur.

Ad II dico, requiri tale indubitabile signum, ex quo testibus nomen hæredis statim innotescit, quale non est relatio ad *schedam*.

Ad III. Jam patet solutio, quoniam demonstratio, per digitum facta tale signum est, ex quo testibus sufficienter innotescit, quis sit hæres.

II. Requiritur ad testamentum nuncupativum, ut testator nuncupationem suam omnino absolverit. Unde, si testator inter testandi actum obmutuisset; vel in sermone defecisset, sive subitâ mor-

te, sive epilepsiâ, sive apoplexiâ impeditus, ita, ut nihil amplius proloqui potuisset, testamentum non valeret, *l. 25. ff. qui testam. fac. poss.* Ratio, quia Jus nostrum non patitur, aliquem pro parte testatum, & pro parte intestatum decedere, *l. 7. ff. de R. J. Manz. loc. cit. n. 50.*

III. Requiritur, ut adhibeantur 7. testes *d. l. 21. §. 2. §. l. 26. Cod. de testam.* iique sint in conspectu testatoris, *l. 9. Cod. eod.* ne fortè per fraudem contingat, ut quis subornetur, & vocem testatoris effingat.

IV. Ut testes fuerint speciatim ad hunc actum rogati, vel convocati, *d. l. 21. §. pen. Schneid. n. 1. Harp. n. 2. Manz. n. 62. §. seqq. loc. cit.*

Advertis modò, in testamento nuncupativo easdem ferè solennitates requiri, quæ in scripto sunt necessariae, præter externam solennitatem scripturæ, subscriptionis, & subsignationis, *Perez ad Cod. h. t. 12. Mynsing. n. 4. hic Zoef. ff. qui testam. facere poss. n. 54.* Sanè tametsi ad testamentum nuncupativum scriptura non requiratur; non tamen ineptè ille fecerit, qui illud in scripturam à Notario redigi curaverit; ut nimirum in casu, quo testes mortui, aut in longinquas regiones digressi sunt ultima voluntas nihilominus sufficienter doceri possit. *Glette tract. de testam. cap. 2. §. 2. n. 1. Zoef. n. 57. Schneid. 7. Perez. ad Cod. h. t. n. 13.* Neque tamen ea propter desinet esse testamentum nuncupativum, cum scriptura non solennitatis, sed probationis ergò adhibeatur; prout in simili de consuetudine diximus, quæ licet in scripturam redigatur, adhuc tamen Jus non scriptum manet; *Schamb. Inst. hic. Manz. tract. de testam. tit. 4. q. 2. n. 47.*

Q. III. *An solennitates, hætenus enumeratae, sint de forma substantiali; an de probato-*

*probatoria tantum?* Sive ( ut magis perspicue loquar ) *an testamentum , debitis solennitatibus destitutum , ita nullum sit , ut ne quidem in foro animæ teneat?* Casus solennissimæ hujus, à Theologis non minus, quàm Jurisperitis utramque in partem vehementi diffidiò agitata. *Controversia* talis esto ! Sempronius coram 5. testibus, vel coram 7. sed non idoneis, fortè, quia per imprudentiam mulierem adhibuit, condidit testamentum, & me hæredem scripsit. Confurgit Quæstio: an ego possim, vigore hujus testamenti, res, quas forsan ex hæreditate possideo, salvâ conscientia, retinere, vel si hæres ab intestato res hæreditarias possideat, in foro conscientia illas mihi restituere teneatur?

24 Sunt non infimæ notæ AA. qui *negativam* fortiter sustineant, doceantque tale testamentum neque in foro fori, neque in foro poli subsistere, atque adeò me obligari in conscientia, res, ex tali testamento acquisitas, legitimis hæredibus restituere. Ita Covarruv. in c. cum esses 10. §. de testament. n. 9. & seqq. Pirrhing. lib. 3. de testament. sect. 1. §. 3. n. 13. Cardin. de Lugo de J. & J. disp. 2. sect. 9. Layman. lib. 1. Theolog. moral. tract. 4. cap. 17. n. 2. & seqq. Gomez. ad leg. Tauri 3. n. 120. P. Engel. de Constitut. §. 3. n. 54. Glesle tract. de testam. cap. 1. §. 5. Manz. tract. de testam. tit. 5. q. 7. Harp. §. 3. Inst. h. t. n. 26. Schamb. Inst. hic Clariss. DD. Franz. select. quest. 22.

Fundamenta hujus sententia sunt sequentia.

I. Taliter adornant: Lex justa in foro fori, est etiam justa in foro poli, ut patet in præscriptione, & usucapione; sed lex, quæ irritat voluntatem testatoris, debitis solennitatibus destitutam, est justa in foro fori, quoniam respicit utilitatem reipublicæ, ut videlicet testamenta à fraudibus reddantur immunia; ergo etiam justa in foro poli.

II. Ita efformant: Judex testamentum debitis solennitatibus destitutum, justè pronunciat, esse nullum, & hæreditatem legitimis hæredibus justè adjudicat, arg. l. 3. Cod. h. t. ergo tale testamentum erit etiam nullum in foro conscientia; alias sequeretur, quòd is, qui pro se habet sententiam justam, non esset tutus in conscientia.

III. Hunc in modum adstruunt: de Jure Canonico testamentum, sine præsentia parochi conditum, est nullum, c. cum esses 10. §. h. t. ergo non obligat in conscientia; alias sequeretur, quòd Jus Canonicum actum aliquem declaret nullum, qui tenet in conscientia.

IV. Desumunt ex l. 23. §. l. 29. Cod. de fideicommiss. Quibus locis perspicue traditur, legatum, vel fideicommissum, in testamento imperfecto relictum, peti non posse.

V. Sic effingunt, ad omnem actum requiritur non tantum voluntas, sed etiam potestas, arg. l. nemo potest. ff. de legat. atqui in nostro casu deficit potestas, quia nemo potest validum testamentum conficere sine solennitatibus, lege requisitis, l. 21. Cod. de testam. ergo.

VI. In eo ponunt, quod actus, à lege simpliciter irritatus, censeatur irritatus non tantum in foro externo, sed etiam interno; sic matrimonium clandestinum per Concil. Trident. 24. de reformat. Matrim. c. 1. simpliciter irritatum, dicitur irritatum non tantum in foro externo, sed etiam interno. Item professio, ante 16. annum emissæ, in Concil. Trident. sess. 25. de Regularib. cap. 15. simpliciter irritata, dicitur in utroque foro irritata; atqui testamentum, debitis solennitatibus destitutum, est simpliciter irritatum, l. 21. §. 1. Cod. h. t. ergo censeatur non tantum in foro externo, sed etiam interno irritatum.

Verum,

Verum, his non attentis, semper mihi visa est, & adhuc videtur, verior tutiorque sententia, quæ docet, testamentum, debitis solennitatibus destitutum, in foro conscientię tenere, adeoque ab hærede scripto licite retineri res ex tali testamento acquisitas; nec restituendus esse hæredibus ab intestato; sed hos potius teneri, scriptis hæredibus eadem reddere. Ita docent *Molina de J. & J. disp. 31. n. 16. Less. lib. 2. d. J. & J. cap. 19. dubit. 3. n. 13. Fach. l. 4. cont. 5. Zoef. ff. qui testam. facer. poss. n. 43. Bach. ad Treutl. vol. 2. disp. 10. th. 5. lit. A. Vinn. §. 3. Inst. b. t. num. 8. Mantica. de conject. ult. vol. nt. lib. 2. tit. 14. num. 13.*

**Probatur I.** Ubicunque datur obligatio naturalis, ibi datur obligatio conscientię, c. novit. 12. ✕ de judiciis; Sed ex testamento, licet debitis solennitatibus destituito, datur obligatio naturalis; ergo etiam datur obligatio conscientię. *min. ostenditur.* Solutum ex testamento imperfecto repeti non potest, l. 2. Cod. de fidei-commis. l. 16. Cod. de testament. ergo ex testamento imperfecto nascitur obligatio naturalis, quia id, quod nullō modō, b. e. neque naturaliter, neque civiliter debetur, si solutum sit, repeti potest, l. 7. l. 13. ff. de condict. indeb. *Schneid. Inst. §. 1. Quib. mod. recontrah. oblig. n. 3. Perez. Cod. de condict. indeb. n. 3. Zoef. ff. eod. n. 9.*

**Dices:** non ideō solventi legatum ex testamento imperfecto repetitionem per conditionem indebiti, non dari, quia illud legatum debetur naturaliter; sed ideō, quia illud solvendo commisit errorem Juris, qualem errorem qui committit, conditionem indebiti perdit; licet solutum neque naturaliter, neque civiliter fuerit debitum, l. 10. ff. de Juris, & facti ignorant. *Zoef. ff. loc. cit. n. 14. Harp. §. 1. Inst. quib. mod. recontrah. oblig.*

Kees ad Instituta.

n. 54. *R. neg. & perneg.* errorem Juris causam esse amissæ conditionis indebiti, tamen enim *Zoef. & Harp.* autument, conditionem indebiti non competere, si id, quod neque naturaliter, neque civiliter debitum est, solutum sit; contrarij tamen sententia tam de Jure, quàm de ratione naturali æquitati longè videtur esse verior, prout eam acriter propugnant *Carpzov. p. 3. constit. 15. definit. 42. Sichardus in l. 1. Cod. de condict. indeb. u. 2. Wesenb. in paratit. ad ff. eod. n. 9. & centeni alii;* qua tamen de re nos alibi.

**Probatur II.** Ex *dissert. text. l. 2. Cod. de fidei commiss.* his verbis: *etsi fidei commissum relictum sit; si tamen heredes & comperta voluntate defuncti, id præstiterint, nulla ejus questio fidei-commissariis moveri potest; cum non ex sola scriptura, sed conscientia relictæ fidei-commissi, voluntati defuncti videatur satisfactum.* En! ut testatoris voluntati satisfactum esse dicatur, non est necesse, ut scriptura, b. e. testamentum valeat; sed sufficit, quod hæres sciverit voluntatem defuncti, quam tenetur adimplere, eō quod de Jure naturæ sufficiat, quod de voluntate testatoris satis constet.

**Probatur III.** Hōc argumentū, id quod ex testamento imperfecto debetur, deducitur in constitutum. *Schneid. §. 8. Inst. de act. n. 23.* ergo signum est, quod debeatur naturaliter, quia, quod neque naturaliter, neque civiliter debetur, in constitutum non deducitur. *Zoef. ff. de constit. pecun. num. 5. Schneid. loc. cit.*

**Probatur IV.** Ut testamentum de Jure naturæ valeat, sufficit, intervenisse duos, aut tres testes, *arg. c. cum esses 10. ✕ de testam.* ubi diciturque, quod in ore duorum, aut trium consistat omne verbum; atqui testamentum, quod valet de Jure naturæ, obligat conscientia, d. c. novit. 13. ergo.

Qq

Proba-

*Probatum V.* Solemnitates, quas Jus civile in testamentis conficiendis requirit, ideo debent adhiberi, ne facile committantur fraudes, *l. ult. Cod. fidei commiss. l. 21. Cod. de testam.* Sin ergo de veritate, & enixa testatoris voluntate certo constet, testamentum valebit; tametsi solemnitatibus, Jure civili requisitis, instructum non sit.

*Argumenta contraria* eâ, quâ produuntur, facilitate contunduntur.

Ad I. quidem *R. neg. maj.* tametsi enim quandoque lex in foro fori justa sit, utpote ob justam, & gravem causam in reipubl. emolumentum constituta; non tamen ea propter in foro etiam conscientiae obtinet. Quod ipsum satis perpendisse videtur sapientissimus Romanorum Seneca: *angusta (inquiens) conscientia est, secundum legem esse justum.* Sic, licet emptor in casu, quo venditor infra dimidium ex contractu laesus est in foro externo supplere pretium non teneatur; nemo tamen dixerit, quod in foro conscientiae etiam non teneatur.

Item, licet actioni redhibitoriae, quanti minoris, de dolo malo, certo tempore ita praescribatur, ut intentari in judicio nequeat, reus tamen, qui dolum commisit, in foro conscientiae tutus non est. Pariter, licet de Jure civili quis mala fide praescriptionem longissimi temporis ita compleat, ut rem praescriptam in foro fori non teneatur restituere, tenetur tamen in foro conscientiae. Denique fac, quod Titus tibi abstulerit catenam auream, & ea propter à te actione rei vindicatoria impetatur, numquid, sin tu in probatione domini deficias, Titius in foro fori absolvetur? & tamen in foro poli tutus non est; ergo lex justa in foro fori non semper est justa in foro poli.

Ad II. Ex dictis patet solutio: Judex

enim judicat secundum forum fori. Sic in dato ultimo exemplo Titium rectè absolvit à restitutione catenae aureae; tametsi Titius, eam non restituendò peccet.

Ad III. *R.* etiam in Jure Canonico forum fori distingui à foro poli. Sic Jus Canonicum permittit, contrahentes invicem se decipere, dummodo laesio non excedat dimidium justii pretii, *c. pen. & c. cum delicti de empt. & vend.* & tamen hoc non licet in foro conscientiae: Paulus enim Apostolus admonuit, ne quis in negotio circumveniat fratrem suum. Deinde Jus Canonicum testamentum, coram duobus testibus sine praesentia parochi confectum, solummodo declarat nullum in foro externo, non etiam interno; quemadmodum exinde patet, quod ad tale testamentum infringendum de Jure Canonico nullum remedium datum sit. Sanè etiam Jus Canonicum in foro fori multa decernit; quae tamen in foro poli nos semper procedunt. Vide *Mantic. loc. cit. n. 24.*

IV. Exinde ruit, quod nos ipsi adversariis concedamus, legatum, vel fideicommissum ex testamento imperfecto per actionem aliquam in foro externo peti non posse. Sed illud negemus, in foro conscientiae peti non posse.

V. Ex dictis convellitur, tametsi enim deficiat potestas, aliquem ex testamento imperfecto obligandi de Jure civili, & in foro fori; non tamen deficit potestas illa obligandi in foro conscientiae, utpote in quo sufficit, quod testamentum valeat de Jure naturae, *h. e.* sufficienter constet de voluntate defuncti.

Ad VI. & ultimum *neg. maj.* Ad confirmationem dico, quod à Concilio Tridentino expressè clausula, irritans matrimonium clandestinum, & professionem ante 16. annum etiam quoad fo-



rum conscientiae subjuncta fuerit; nullibi autem in toto nostro. Jure cautum est, testamentum, in foro fori nullum, esse quoque irritatum in foro conscientiae.

Ex dictis luculenter patet utriusque *Sententiae* tanta probabilitas, ut dubium mihi nullum hæreat, posse aliquem utramque tutò sequi; quoties enim duarum opinionum, practicè probabilium, conflictus occurrit, possum quamlibet tutò sequi, etiam contra propriam opinionem probabiliorē, & tutiorem visam. *P. Sporer in Dealog. p. 1. tract. 1. c. 1. sect. 3. assert. 8. §. 1. & 3.*

Porro, quæ hucusque de testamentorum requisitis, & solennitatibus accumulavimus, ab eorum observatione ferè ubique gentium recessum esse, testis est *Perez. ad Cod. h. t. num. 20.*

Sic de Jure Austriaco ad valorem testamenti scripti nullæ penitus solennitates requiruntur, sed sufficit, quod sit holographum, *h. e.* à principio usque ad finem propria manu testatoris scriptum, & ejus subscriptione, nec non sigilli appensione munitum. *N. Oe. Land Tafel, lib. 3. tit. 3. Wann einer sein Testament, &c. i. e. Si quis sua manu Testamentum suum à capite ad calcem conscripserit, atque subsignaverit, ita ut nulla scriptio extranea ibi sit admixta, & Testamentum annulo suo, aut familie insignibus, quibus uti solet, signaverit: id Testamentum, secundum regionis mores solenne ac validum habetur, nec ut teste ullo, sigillove extraneorum, aut annulo, vel alia solennitate, sit ornatum, necesse est.*

Dixi: *mit eigener Hand durchaus schreibt.* Testamentum enim, manu alienà scriptum, & testatoris solà subscriptione, & sigillatione munitum non subsistit. *N. Oe. Land - Tafel, loc. cit. his verbis: Da er aber &c. i. e. Si vero alterius manu Testamentum exaratum fuerit;*

quanquam Testatoris manu in incontinenti subscriptum, & sigillo munitum sit, solenne non est, neque validum, nisi saltem uno aut duobus Testibus, una cum scriptore Testamenti, ac sigillis illorum sit approbatum.

Dicta procedūt de testamento scripto. Ad nuncupativum de Jure Austriaco requiritur, ut adhibeantur 5. testes. *N. Oe. Land-Tafel, lib. 3. tit. 10 Die Wort &c. i. e. Testamenta quæ verbis & ore sunt, Nuncupativa dicta, juxta consuetudinem regionis sic possunt constitui. Scilicet, advocatis à Testatore quinque viris honestis, loci incolis, quibus ipse clara voce ultimam voluntatem suam declaret, rogans, ut ejus sint memores atque testes, testimoniumque hac de re in tempore statuto coram iudice ordinario perhibere, prout juris est, ne graventur.*

Joannes Henricus Reutter in suis *disserentiis Juris civilis Austriaci, ad Tab. 7. num. 7.* asserit in testamento nuncupativo, exceptà civitate Viennensi, in aliis Dicasteriis sufficere, si adhibiti fuerint tres testes. *Ausser des Buzersch. ff. &c. i. e. In aliis judiciis Austria, Viennensibus tantummodo exceptis, satis est si tres haud rejiciendi testes, ad Testamentum sive scriptum, sive nuncupativum adhibiti fuerint.*

At quid si duo tantum fuerint adhibiti? *Manzius tract. de testam. tit. 4. quest. 1. nu. 68. Carpzov. par. 3. const. 4. definit. 41. num. 3. Item Walter de Jure consuetud. Austr. l. 3. tit. 3. v. Welcher dann; &c. existimant in Austria, & Venetiis illos sufficere. Sed contrarium scribit Suttinger in lit. T. illis verbis: So haben doch. &c. i. e. Regimen Austriacum, atque Jus Provinciale contrarium statuerunt, nec hucusque demonstratum fuit, sufficere testes duos ad Testamentum consiciendum regionis moribus.*

Proinde optimè , & securissimè ille fecerit, qui nuncupativè testari volens , ad minimum 3. 4. aut 5. testes abhibue-

rit ; vel omninò solemnitates Juris con-  
muni observaverit. *Fensterwal. l. 2. obs-*  
*117. num. 6.*

## T I T U L U S X I.

## DE TESTAMENTO MILITARI.

## S U M M A R I A.

- 1 Testamentum militare valet sine solennitatibus.
- 2 Quæ sit ratio hujus privilegii ?
- 3 Milites stationarii , & limitanei hæc privilegium non gaudent.
- 4 Veterani milites qui dicantur ?
- 5 Testamentum militare post missionem durat undè annò.
- 6 Testamentum , Jure paganorum nullum , per militiam sequentem confirmatur.
- 7 Milites togati an Jure militari testentur ?

**H**Uc usque dictum est de testamento solenni ; sequitur de minùs solenni , quale est testamentum militare.

## A D P R I N C I P.

Enumeratas hæcenus solemnitates milites in suis testamentis adhibere non debent ; sed eorum testamenta valent, licèt neque legitimum numerum testium, neque aliam testamentorum solennitatem adhibuerint , dummodò constet de ipsorum voluntate , sola enim voluntas militis pro Jure habetur, *text. hic. & l. 1. ff. h. t.* Itaque si miles suam voluntatem in vagina , seu clypeo litteris sanguine suo rutilantibus , declaraverit , aut in pulvere scripserit, valet ejus voluntas Jure testamenti, *l. 15. Cod. h. t. Brunnem. in d. l. 15. n. 2.*

**Q. I.** Quæ sit causa , & ratio , quòd militibus hoc privilegium concessum sit ?  
Rejiciunt aliqui rationem in simplicitatem , & imperitiam militum , utpote qui arma magis , quàm Jura , & leges scire, intelliguntur , *l. fin. Cod. de Jure delib.* Sed impulsiva magis est , quàm adæquata hæc ratio : non enim longè efferre oculos necesse est, & deprehendes , nostris etiam temporibus reperiri milites, in quorum ingenio non ultimò locò Jurisprudentiæ intelligentia collata est.

Adæquata proinde ratio hujus privilegii ponenda est in periculis , quæ pro patriæ defensione , & rerum nostrarum gloriosa tuitione suscipiant. *Manz. Inst. hic num. 4. Schamb. q. 1. hic. Glettle tract. de Testament. cap. 2. §. I. num. 2.*

## A D V E R S. I L L I S A U T E M.

Explicat *Imperator* , hic , quando milites hoc Privilegiò gaudeant, statuitque, quòd tunc demùm eò uti valeant , cum in expeditionibus occupati sunt. *Text. hic. l. pen. Cod. h. t. & l. 1. Cod. eod.* in expeditione autem esse intelliguntur illi , qui sunt in ipso conflictu , & acie , vel , qui in castris in fossatis , in stitivis , aut aliis locis hostilibus irruptionibus obnoxii existunt. *Manz. n. 8. Perez. ad. Cod. h. t. n. 23.*

Ex *l. 15.* sequitur, milites stationarios , qui ad agendas excubias in urbibus , & moenibus disponuntur , ut sunt, v.g. hic *Viennæ die Guardi-Soldaten.* Item milites limita-

limitaneos, die auf denen Grantz Häusern liegen. Item illos, qui extra castra in aliis locis, vel in suis ædibus degunt, hoc privilegio non gaudere; sed teneri omnia observare quæ Paganus aliquis observare tenetur, *l. pen. Cod. h. t.* cessante enim causâ privilegii, cessat ipsum privilegium. *Manz. n. 4. Harp. n. 26. Guil. lib. 2. obs. 118. num. 6. Concordat. N. Oe. Land. Tafel, lib. 2. tit. 12.*

## §. P L A N E.

Tamen si dictum sit, testamentum militis, quoquò modo factum, subistere; de serâ voluntate tamen testandi constare debet: non enim, quid scriptum, dictumve fuerit, attendi debet, *l. 19. ff. de exhib.* Unde si miles (ut plerumque inter locu, & opiparis dapibus fieri consuevit) jectum bonis animò, vel ex joco, præsentibus quibusdam in aliquem conversus dixerit: ego te hæredem facio; aut bona mea tibi relinquo, tale dictum pro testamento observari non debet: Videtur enim miles magis, captandæ benevolentiae causâ, aut repentino affectu simile quid dixisse, quam ex animo faciendi talem heredem; sæpe enim lingua prævertit mentem, *Harp. n. 2. §. 3.* Itaque de serâ voluntate testandi constare debet, & quidem, si miles in scriptis testetur, sufficit quoquo modo suam voluntatem expresserit. *text. hic. §. d. l. 15. Cod. h. t.* Si verò nuncupativè voluntatem suam ultimam condere velit, duos saltem testes aut tres adhibeat, necesse est, quoniam norma Jure militari testandi ad Jus gentium reducta est, quo jure saltem duo testes requiruntur: in re enim duorum, aut trium consistit omne verbum *d. c. cùm esse. 10. de testam. Manz. num. 10. Perez. ad Cod. h. t. num. 8.*

## V. Q U I N I M O. 2.

Q. hic, an mutus & surdus miles testari possit? R. distinguendum esse an à natura, an vero ex accidenti talis sit? Ille testari nequit: quia surdus, & mutus à natura ad militiam planè inidoneus est, cum nec juramentum præstare, nec testem militarem enuntiare, nec classicum exaudire, nec imperium belli ducis percipere possit. Hic testamentum rectè condit, & quidem Jure militari. *text. hic. Harp. num. 4. Manz. num. 9. pulchrè Vinn. lujt. hic. num. 2.*

## §. S E D H A C T E N U S.

Ex hoc §. IV. notanda dixeris.

I. Est, quòd veterani milites illi dicantur, qui exactò militiæ legitimò tempore honestè missi, & sacramentò soluti sunt, *l. 2. ff. de veteran.* Quod tempus 20. annorum fuisse, ait, *l. fin. Cod. de his, qui non impler. stipend. Schamb. hic.*

II. Est, quòd milites post missionem, & absolutionem a militia, quando videlicet veterani facti, Jure communi testari debeant, *text. hic.*

III. Est, quòd testamentum, Jure militari factum, post missionem non duret, nisi unò annò, *l. 21. §. l. 38. ff. h. t. Perez. ad Cod. eod. num. 3.*

IV. Est, quòd in casu, quo hæredi adjecta est conditio, v. gr. si Caesar hostes vicerit, institutio hæredis valeat, etiamsi victoria demum post annum secuta fuerit; Ratio, quia conditio retrahitur ad tempus mortis. *Schamb. Manz. §. Vinn. hic.*

## §. S E D E T S I 4.

Casus hujus §. talis est: Paganus quidam facit testamentum non observatis solemnitatibus Juris, deinde nomen dedit militiæ, quæstionis est, num per sequentem militiam confirmetur ejus testamentum?

Q q 3

Dixeris

# QUIBUS NON EST PERMISSUM FACERE TESTAMENTUM?

## SUMMARI A.

## A D V. S T A T I M.

- 1 Filiusfam. non potest testari.
- 2 Etiam si patris consensus accedat.
- 3 Limitatur in peculio castrensi & quasi tali.
- 4 An de peculio adventitio extraordinario rectè testetur?
- 5 Quid de Jure Austriaco?
- 6 Impuberes.
- 7 Furiosi.
- 8 Prodigii non testantur.
- 9 Quid de mutis, & surdis?
- 10 Item de captis ab hoste?

**H**Actenus de validitate testamenti ex capite causæ *formalis*; superest, ut de validitate ex parte causæ *efficientis* agamus, atque inquiramus de personis, quæ testari possunt. Ubi pro regula generali tenendum, testari posse omnes, qui speciali Jure non prohibentur. *Sichard. in Cod. b. t. n. 2. Mynsing. Inst. hic. Glettle tract. de testament. cap. 4. in princ.* Ratio hujus regulæ generalis est: quia testamenti factio est de genere permissorum, juxta vulgatum illud: *Uti quisque rei sua legasset: ita jus esto*, l. 12. ff. de V. S. permissorum autem hæc natura est, ut quod expressè non prohibetur, pro permissio habetur, c. 23. de sponsal. l. 1. ff. de testib. l. 43. ff. de procurat. *Manz. tract. de testament. tit. 2 q. 1. n. 4. Fönsterwald. lib. 2. obs. 110. num. 9.*

Cùm nulla sit firma regula, quæ suas non patiat exceptiones. Ideò Imperator hic al quot ponit ad regulam limitationes, seu exceptiones.

Excipiuntur autem I. illi, qui alieno Juri, & potestati subjecti sunt, v. g. servi, filiusfam. ita, ut etiam si filiusfam. esset centum annorum, tamen, nec testari, nec codicillari possit, l. 16. ff. qui testam. fac. poss. diciturque, id indubitati Juris esse, l. 3. §. 1. Cod. eod. Ratio: quia ad testamenti factionem requiritur libera voluntas, qualem non habet filiusfam. l. 4. ff. de R. J. ubi velie non creditur, qui obsequitur imperio patris. *Harp. n. 2. Manz. tract. de testam. tit. 2. q. 1. n. n. 88.*

## A D V. A D E O Q U I D E M.

Ista conclusio, quòd filiusfam. testari nequeat, ita extenditur, ut ne qui tem patris permissu testari possit, *text. hic.* ultima enim voluntas non potest pendere ex alieno arbitrio, l. 36. ff. de hered. *Inq. Perez, ad Cod. b. t. n. 7. Manz. num. 13. hic.*

*Dces:* Filiusfam. consentiente patre, potest donare mortis causà, l. 25. §. 1. ff. de mort. caus. donat. ergò, consentiente patre, etiam poterit testari. *R. conc. ant. neg. conseq.* Disparitas est, quòd ad testamenti factionem, utpote quæ est Juris publici, l. 3. ff. qui testam. fac. poss. requiratur, ut quis sit paterfam. Ad donationem verò, mortis causà, utpote quæ



quæ est Juris Privati, & accedit ad speciem contractus, non requiritur, ut sit paterfam. sed sufficiat, quòd per donationem patri non fiat præjudicium. *Harp. n. 19. Clariss. D. Franz. h. t. §. 7. n. 8.*

### AD V. EXCEPTIS IIS.

- 3 Tametsi filiusfam. de peculio profectitio & adventitio ordinario, cujus scilicet usus-fructus est penes patrem, testari nequeat; contrarium tamen obtinet in peculio castrensi, vel quasi tali: in hoc enim cum habeatur pro paterfam. ideo de illo rectè testatur. *text. hic. §. l. pen. §. ult. Cod. h. t. Manz. tract. de testament. tit. 2. q. 1. num. 137. Sed.*

4 Q. I. An filiusfam. de peculio adventitio extraordinario, cujus scilicet habet & usum-fructum, & proprietatem, testari possit?

Dixeris primò intuitu, quòd sic. I. per l. ult. §. 5. Cod. de bonis, quæ lib. ubi in hæc verba rescribitur: *filiusfam. in his duntaxat casibus in quibus usus-fructus apud parentes est, donec parentes vivunt, ne iisdem testari permittimus*; ergo a Contrario in his casibus, in quibus usus-fructus apud parentes non est constitutus, testari permittitur, *arg. l. 1. ff. de off. ejus cui mand. est Jurisd.*

II. Per Nov. 117. cap. 1. §. 1. ubi filiusfam. de bonis plenò Jure possessis, quovis modò disponere potest; ergo poterit etiam de iis testari.

III. Per Nov. 22. cap. 26. v. Si verò. ubi dicitur filium posse de iis rebus, quas ex secundo patris matrimonio lucrificat, testari, in his verbis: *sive disponant, sive intestati moriantur.*

IV. Quia ideò potest filiusfam. de peculio castrensi, vel quasi tali testari, quia pleno Jure ipsius est dominus, & quilibet est suarum rerum moderator, & arbiter, l. 21. Cod. mandati; atqui filiusfam. peculii adventitii etiam est plenus dominus; ergò

Verum, his non obstantibus, *Sententia contraria* communiter placuit. Ita *Zoëf. ff. qui testam. fac. poss. n. 17. Bachov. ad Treutl. vol. 2. disp. 10. t. 2. lit. G. Harp. n. 29. hic. Glettle tract. de testam. cap. 4. §. 7. n. 21. Fach. lib. 5. cap. 94. Manz. loc. cit. n. 99. Perez. Cod. d. t. m. 8. Sicard. in rubr. Cod. eod. n. 12.*

Facit pro hac *Sententia I. l. pen. Cod. qui testam. facere poss.* ubi filiusfam. in quibusdam bonis, quæ sine consensu patris possidet, non potest testari, ergò non potest testari de bonis adventitiis, quorum habet plenam proprietatem; quia tantum sunt tria genera bonorum, quæ filius sine consensu patris possidet, scilicet castrensa, quasi talia, & adventitia extraordinaria. De primis duobus potest testari; ergò de tertiis non poterit testari; aliàs enim nulla essent bona, quæ filiusfam. sine consensu patris possidet, & de quibus testari non potest. Hoc *Argumentum* cum *Bachovio* non posse solvi, existimo.

Facit II. Evidens, & aperta ratio; quia ad testamenti factionem requiritur, ut quis sit paterfam. *text. hic.* atqui respectu peculii adventitii extraordinarii filiusfam. non habetur pro paterfam. ergo.

Ad I. *ff. d. ult. §. 5.* ad peculium castrense, vel quasi tale restringendam esse, quia tempore, quo *d. l. ult. §. 5.* lata est, unicus tantum fuit casus extra castrense, vel quasi castrense peculium, quo patri in peculio filii fam. usus fructus non acquirebatur, puta! si sine consensu patris hæreditatem adiit; de hoc autem casu *d. l. pen.* expressè constitutum est quòd testari nequeat; ergo decisio *d. l. ult. §. 5.* ad alios casus, postea introductos, non rectè extenditur, cum non soleat lex præterita referri ad casus futuros incognitos. Aliter *Glettle loc. cit.*

Ad II. R. Nov. 117. cap. 1. §. 1. procedere de actibus inter vivos, uti patet ex requisito perfectæ ætatis, quæ 25. annis compleri dicitur; ad testamenti autem factionem de Jure communi solummodo 14. anni desiderantur.

Ad III. R. d. Nov. 22. cap. 26. loqui de filio, sui Juris facto, vel per mortem patris (quemadmodum patet ex verbis: *præmoriēte genitore*) vel per emancipationem.

Ad IV. dico: quod non defectus domini impediatur testamenti factionem, sed patria potestas, quæ facit, quod filiusfam. non habeatur pro patrefam. nisi in peculio castrensi, vel quali-tali. *Schamb. hic.*

5 De Jure Austriaco filiusfam. de peculio, pleno Jure possessio, recte testatur. *Fensterwald. lib. 2. obs. 13. num. 6. Walter de Jure consuetud. Austr. lib. 3. tit. 2.*

Idque vel maxime procedit, si filiusfam. uxoratus, vel filiafam. ad mariti domum deducta sit; ex consuetudine enim Germaniæ passim nuptiæ faciunt, ut quis pro patrefam. habeatur. *Manz. tract. de testam. tit. 2. q. 1. num. 164.*

#### AD VERS. EX HOC

*Differentia peculii profectitii & castrensis, in eo potissimum consistit, quod illud propter æs alienum patris creditoribus cedat; hoc non etiam: Illud conferri debeat; hoc non etiam, text. hic.*

#### §. PRÆTEREA. I.

6 II. Testari prohibentur impuberes, *text. hic.* Quia nullum eorum animi iudicium est, *l. fin. Cod. de testam. milit.* Itaque masculus 14. femina 12. annos habeat, necesse est, ut de Jure communi testari valeant. *l. 5. ff. qui testam. fac. poss.* Nec attenditur, malitia ætatis *ad Instituta.*

tem suppleat, nec ne? quoniam prædicta ætas de forma requiritur, quæ per æquipollens non adimpletur. *Manz. loc. cit. n. 52. Schamb. hic. Fensterwald. lib. 2. obs. 112. num. 2.*

De Jure Austriaco res aliter se habet, teste *Walter de Jure consuet. lib. 3. tit. 2. §. Als erslichen: &c. i. e. ut 1.* Qui legitimam ætatem non attigerunt, testari nequeunt. Majores, Testamenti conficiendi facultatem quantum adinet, anno decimo octavo, moribus regionis, censentur. Adeoque juvenis sive mas sive femina, qui annum vite suæ octavum supra decem plene sunt adepti, liberam bona sua administrandi, deque eis testandi facultatem habent.

*Suttinger in M. S. lit. T. §. Weiber-Testament.* testatur testamentum alicujus Virginis, 17. ætatis anno conditum, pro valido judicatum esse; sed addit, illam Virginem jam desponsatam fuisse, adeoque quasi pro conjugata reputatam esse. Vide *Fensterwald. loc. cit. num. 13.*

III. Testari nequeunt Furiosi, qui mente carent; testamentum tamen, ante furorem factum, per subsequentem furorem non infirmatur, tum quia furor est facti, adeoque non tollit ea, quæ sunt Juris; tum, ne afflictio addatur afflictio. *Harp. n. 12. Schneid. n. 8.*

#### §. ITEM PRODIGUS. 2.

VI. Testari prohibetur Prodigus, sive ille, cui adempta est administratio bonorum. *text. hic. §. l. 15. §. 8. ff. b. t.* Ratio: quia in Jure furiosus & prodigus passim æquiparantur, *l. 1. ff. de curat. furios.* Illud tamen testamentum, quod prodigus fecit ante ademptam bonorum administrationem, ratum, & firmum manet, etiamsi postea prodigus declaretur. *text. hic. Manz. loc. cit. num. 84.*

R r

§. ITEM

## §. ITEM SURDUS. 3.

Q. hic. an mutus, & surdus testari possit? R. distinguendum esse, an quis mutus, & surdus sit a natura, an ex accidenti? Si prius, testari non potest, l. 10 §. Sancimus. Cod. qui testam. facer. poss. parum enim à fatuis, aut brutis abest, qui a cunis surdus, & mutus est: nam animò à bestiis secernimur, qui stolidus admodum, & crudus sit, oportet, si fores habeat præclusas, per quas scientiæ intrare consueverunt, Glette loc. cit. cap. 4. §. 1. n. 2. Perez. Cod. d. t. n. 3. Manz. loc. cit. n. 289. Si mutus, & surdus sit ex accidenti, testari tum demum poterit, si litteras calleat, h. e. scribere possit. Mynsing. Inst. hic. n. 2. Zoëf. ff. qui testam. facer. poss. num. 4.

Si denique alterò vitio tantum laboraret, h. e. mutus tantum aut surdus sit, testari poterit, si voce aut scriptò mentem declarare queat, d. l. 10. §. sin autem Glette loc. cit. num. 3. Manz. n. 303. Zoëf. d. num. 5.

## §. CŒCUS. 4.

Cæcus quin testari possit, dubium nullum est, dummodò adhibeat solennitates, in l. 8. Cod. h. t. expressas, h. e. declararet voluntatem coram 7. testibus & illa à tabellione, aut octavo teste scribatur. Item exprimat non tantum nomen hæredis, sed & ejus dignitatem. Moribus tamen nostris illas solennitates non requiri, testis est Zoëf. loc. cit. num. 1. Glette cap. 4. §. 1. num. 5. loc. cit.

## §. EJUS FIN.

Ultimò testari de Jure communi non potest captus ab hoste, captivi enim sunt servi hostium §. 3. Inst. de Jure pers.

Dixi de Jure communi; secus de consuetudine, quâ inspectâ, capti in bello servi capientium non amplius efficiuntur, sed libertatem retinent; tam diu tamen ab hostibus servantur, donec vel litro solutò redimantur, seu permutatione liberentur. Glette tract. de testam. cap. 4. §. 5. n. 7. & 8. Clariss. D. D. Franz. Inst. h. t. n. 6. w. Dices 2.

## TITULUS XIII.

## DE EXHÆREDATIONE LIBERORUM.

## SUMMARIA

- 1 Definitur Exhæredatio.
- 2 Debet fieri nominatim.
- 3 A tota hereditate.
- 4 Ab omni gradu, & ex justa causa.
- 5 Enumerantur cause, ob quas liberi.
- 6 Ob quas parentes.
- 7 Et ob quas fratres exhæredari possunt.
- 8 An ob causas graviores exhæredatio fieri possit?

- 9 Causa exhæredationis debet nominatim inferi testamento.
- 10 Et ab hærede probari.
- 11 Hodie omnes indistincte liberi debent aut hæredes institui, aut nominatim exhæredari.
- 12 Esi esset posthumus.
- 13 Posthumus alius est verè, alius quasi talis.
- 14 Adoptatus an debeat hæres institui?
- 15 Miles suos liberos non tenetur instituere.

1 Exhære-

1 **E**xhæredatio nihil est aliud, quam actus ultimæ voluntatis, quo illi, quibus debetur legitima, à successione repelluntur,

Hæc ut suis solennitatibus instructa dicatur,

2 Requiritur I. ut fiat nominatim, *text. in princ. h. t. l. 3. ff. de injur. rupt. & irrit. & Zoef. ff. de lib. & posthum. n. 4. Perez. ad Cod. de lib. prat. vel exhæred.*

II. Ut fiat purè, non sub conditione *l. 3. §. 1. ff. eod. certò enim judicìo liberi à successione parentum sunt removendi, l. 16. ff. de bonor. poss. cont. tab. Zoef. loc. cit. n. 7. Manz. tract. de testam. tit. 10. q. 1. n. 11.*

3 III. Requiritur, ut exhæredatio fiat ab omni, & tota hæreditate; non tantum à certa aliqua re, unde à certo aliquo tantum fundo exhæredatus, non videtur exhæredatus, *l. 16. ff. de lib. & posth.*

Dices, institutus in re certa, v. g. in fundo, censetur institutus in tota hæreditate, *l. 1. §. 4. l. 35. ff. de hered. Inst. ergò etiam exhæredatus in re certa, censetur exhæredatus in tota hæreditate. R. conc. antec. neg. conseq.* Institutio enim est favorabilis, ideò benigna interpretatione juvanda; exhæredatio vero est odiosa, adeòque restringenda, juxta vulgatam regulam: odia restringi, favores convenit ampliari. *Perez. ad Cod. d. t. n. 9. Manz. loc. cit. n. 15. Zoef. n. 7.*

4 IV. Ut, si plures gradus hæredum sint, ab omnibus gradibus exhæredatio fiat, *l. 3. §. fin ff. de lib. & posthum. l. 41. §. 2. ff. de pupill. subst. Zoef. loc. cit. n. 6.* Unde exhæredatio, ab uno gradu facta, non subsistit, v. g. testator ita scribit: Sempronius mihi hæres esto, & si hæres esse noluerit, in ejus locum Titium substituo; filium autem meum, tamquam hæreticum, inde exhæredo.

En! filius ab uno duntaxat gradu, putà substitutionis, exhæredatus est, & idcirco exhæredatio non subsistit. *Manz. tract. de testam. tit. 10. q. 1. n. 31. Zoef. loc. cit. n. 5. Perez. Cod. de liberis prat. rit. n. 15. Clariff. D. D. Franz. Inst. h. t. n. 9.* ubi hac de re plura enodat.

V. Requiritur, ut exhæredatio fiat ex justa causa per *tex. in Nov. 115. cap. 3.* Justæ autem causæ, ob quas liberi exhæredari possunt, in *d. Nov. 515. cap. 3.* enumerantur quatuordecim, quas Poeta his versiculis concludit:

*Bis septem ex causis exheres filius esto.*

*Si patrem feriat; vel maledicat ei.*

*Carcere detrusum si negligat; aut furiosum.*

*Criminis accuset, vel paret insidias.*

*Si dederit damnum græve; si nec ab hoste redemit,*

*Testarique vetet; se societque malis.*

*Si mimos sequitur; vitietque cubile patrum,*

*Non orthodoxus; Filia si meretrix.*

I. Itaque justa causa exhæredationis est, si quis parentibus suis impias manus intulerit, *d. cap. 3. §. 1. Da die Kinder ihre Eltern aus fürsetzlichem Frevel schlägen oder tödliche Hand anlegen.* Quam grave enim sit manus inferre parentibus, satis *Exodi cap. 21.* exprimitur his verbis: *qui percusserit patrem suum, aut matrem, morte moriatur!* Hoc autem

Limitatur, si filius patrem proditorem patriæ occiderit, *l. minime 35. ff. de relig. & sumpt. fun.* ubi non tantum punitur, sed præmiò afficiendus dicitur.

II. Causa est, si quis parentibus suis gravem, & inhonestam injuriam ingesserit, *d. Nov. 115. cap. 3. §. 2. Da die Kinder ihren Eltern schwere, unehrbares Injuri- und Frevel-Wort zfügten*, v. g. si filius patrem in foro, vel in Ecclesia coram multis personis verborum contum-



melia affecerit, aut contra illum famosum libellum scripserit, *Menoch. de arbit. jud. cas. 263.* Ubi fusè explicat, quæ dicatur injuria atrox.

III. Causa est, si quis parentes in causis criminalibus accusaverit, *d. Nov. 115. cap. 3. §. 3. Wann sie &c. i. e. Sin parentes clam accusarent facti panâ corporali vel capitali puniendi. Covarruv. ad c. Raymutius 16. §. 1. 15.*

IV. Causa est, filius, vel filia cum maleficis hominibus, ut maleficus versetur, *d. Nov. 115. cap. 3. §. 4. b. e.* cum iis, qui incantationes, & artem magicam perniciosè exercent. *Harp. §. fin. Inst. b. t. n. 26. §. n. 27. Wann sie sich &c. i. e. Sin maleficis hominibus adhereant consuetudine ac familiari eorum usu gaudeant. N. Oe. Land. Tafel. Lib. secund. tit. 23.*

V. Exhæredationis causa est, si liberi vitæ parentum per venenum, vel aliò modò insidiari tentaverint. *d. Nov. 115. cap. 3. §. 5. So die Kinder &c. i. e. Si liberi vitæ parentum insidias parent veneno, aut alia ratione. Non enim potest (inquit Harp. num. 24. loc. cit.) major esse ingratitude, quàm illius vitæ insidiari, à quo quis vitam accepit.*

VI. Causa, si filius novercæ suæ, aut concubinæ patris sui, se immiscuerit, *d. Nov. 115. cap. 3. §. 6. Wann ein Sohn seine Stieff-Mutter entehret, und sich mit derselben vermischet. Minz tract. de Testament. tit. 10. q. 6. num. 23. Covarr. loc. cit. n. 18.*

VII. Si delatores contra parentes extiterint filii, & per suam delationem gravia dispendia eos fecerint sustinere, *d. Nov. 115. cap. 3. §. 7. Wann die Kinder ihre Eltern bey der Obrigkeit an geben, und dieselbe dadurch in grossen Schaden und Nachtheil brächten.*

VIII. Si liberi masculi (ad quos solos restringitur) pro parentibus, carcere

inclusis, requisiti noluerint fidejubere, *d. Nov. 115. cap. 3. §. 8. Da die Kinder &c. i. e. Si liberi pro parentibus captivis nollent fidejubere, nec eos è carcere data, quam dare possent, fidejussione liberare. Quod tamen de filiis duntaxat est intelligendum, cum filia fidejubendi facultas non competat.*

IX. Exhæredationis causa est, si liberi parentes suos testari prohibuerint, v. g. testibus aditum intercluserint, vel solennia agere obstiterint, &c. *d. Nov. 115. cap. 3. §. 9.*

Sed quid si parentes, taliter impediti, testari, & filium exhæredare non amplius potuerint? *Manz loc. cit. num. 34* existimat hæreditatem filio auferendam, & fisco applicandam esse, *arg. l. 1. §. 9. §. 1. 2. ff. si quis aliq. test. prohib. at, secus obtinet de Jure Austr. loc. cit. §. 9. So aber die Eltern. &c. i. e. Si vero parentes, non confecto testamento, quod prohibuerint liberi, decesserint; exhæredari liberi prohibentur, nihilominus debent, ac bona ad proximiores cognatos transferri.*

X. Filius, præter voluntatem parentum, sese minis, & arenariis sociaverit, & in ea professione manserit, *d. Nov. 115. cap. 3. §. 10. §. 1. 11. Cod. inoff. testament. Wann sich die Kinder zu verwegenen liederlich und leichtfertigen Personen gesellen, und sich auf ihr Thun begeben.*

XI. Causa: si parentes filæ volunt maritum dare, & dotem juxta substantiæ suæ præstare; filia autem non consenserit, sed luxuriosam, & meretricariam vitam elegerit. *Nov. 115. cap. 3. §. 11. l. 10. Cod. de inoff. testam. Da die Eltern. &c. i. e. Cum parentes pro facultatibus suis dotem liberis constituere velint, ac honestis nuptiis consentire; Quibus tamen obtemperare liberi nolint, nec ideo minus turpem vitam rationem ineant, atque probro sese commaculent. N. Oe. Land. Tafel.*

Limita-

*Limitatur* : nisi filia jam compleverit 25 annum *d. Nov. 115. cap. 3. §. 11. & auth. sed si Cod. de inoff. testam.* pater enim in culpa esse censetur, quod filiam prius nuptui non dederit. *Harp. §. fin. h. t. n. 41. Zoes. ff. de lib. & posthum. n. 15. & 16.* ubi præfatam exhæredandi causam ad filias duntaxat restringit, non etiam ad filios extendendam esse docet, eo quod major in foeminis, quam masculis castitas desideretur.

XII. Est, si liberi parentes furiosos neglexerint, *d. Nov. 115. cap. 4. §. 12. b. e.* nullam curam patris furiosi gesserint, præbendo alimonia; aut salutarem medicinam procurando. *Jus Aust. loc. cit. zum zwölften.*

XIII. Causa est, si liberi parentes suos, ab hostibus captos, cum possunt, non redemerint, *Nov. 115. cap. 3. §. 13. Wom de Etern, &c. i. e. Si parentes ab hostibus capti, nec eos redimere vellent liberi majoremnes. Manz. loc. cit. n. 48.* ubi de jure communi hanc causam non aliter dicit procedere, quam si liberi 18. ætatis suæ annum compleverint. *d. Nov. 115. cap. 3. §. 13. & auth. si captivi Cod. de Episcop. & Cler.*

XIV. Exhæredationis causa est, si liberi hæretici sunt. *d. Nov. 114. cap. 3. §. 14. Wann die Eltern Christen wären, die Kinder aber von dem Christlichen Glauben abfielen. Manz. loc. cit. n. 59.*

Vidimus, ob quas causas liberi à parentibus; sequitur de causis ob quas hi à liberis exhæredari possunt. Enumerantur autem in *d. Nov. 114. cap. 4.* octo causæ, propter quas parentes rectè, & validè exhæredantur.

I. Est, si parentes liberos suos ad interitum vitæ tradiderint. *d. Nov. 115. cap. 4. §. 1.*

II. Si parentes venenis, aut maleficiis, aut aliò modò vitæ liberorum insi-

dias struxerint *d. Nov. 115. cap. 4. §. 2.*

III. Si pater nurui suæ, aut concubinae filii sese immiscuerit *d. Nov. 115. cap. 4. §. 3.*

IV. Si parentes liberos suos in rebus illis, in quibus habent testandi licentiam, puta castrensibus, vel quasi, testamentum concedere prohibuerint. *d. Nov. 115. cap. 4. §. 4.*

V. Si mater patri, vel pater matri venenò, aliòve modò ad interitum vitæ, vel ad alienationem mentis insidiatus fuerit; tunc enim liberis concessam est patri insidianti nihil relinquere. *d. c. 4. §. 5.*

VI. Causa est, si parentes liberos furore correptos, curare, & alere neglexerint, *d. cap. 4. §. 6.*

VII. Si liberos captivos non redemerint. *d. c. 4. §. 7.*

VIII. Et ultima, si parentes hæretici sint; tunc enim à liberis catholicis exhæredari possunt, *d. cap. 4. §. 8. Ita Manz. tract. de testament. tit. 10. q. 7. per tot. Harp. Inst. §. fin. h. t. num. 51. & seqq. Schönb. Inst. de inoff. testament. §. 1.*

De Jure Austriaco, etiam si parentes unam ex recensitis causis in liberos suos admittant, exhæredatione tamen opus non erit, cum aliunde ex constitutione Albertina parentes à liberorum successione in tantum removeantur, ut neque legitima iis debeat. Quà de re nos alibi, interea vide *Sutting. M. S. lit. Erbschafft in auffsteigender Linie. Fürstern. lib. 2. obs. 119. per tot.*

Exhæredationem fratrum quod attinet illa non, nisi, ob tres causas fieri potest.

I. Est, si frater mortem fratri per insidias intentaverit. II. Si criminalem accusationem contra eum instituerit. III. Si substantiæ ipsius magnam jacturam inferre studuerit. *Nov. 22. cap. 47. Manz. loc. cit. q. 8. Harp. n. 64.*

*Dixeris primâ fronte quòd non ; quia, quòd ab initio non valet , tractu temporis non convalescit , l. 29. ff. de R. J.*

Verum decidit *Imperator* , quòd tale testamentum per sequentem militiam confirmetur , & valeat ; modo tamen aliqua novæ voluntatis signa , & argumenta appareant , ex quibus colligi possit , quòd miles velit illud Jure militari valere , *text. hic. §. l. 9. §. 1. ff. h. t.*

Opponens *l. 15. §. 2. ff. eod.* his verbis : *Testamentum , ante militiam factum à milite , si in militia decesserit , Jure militari valet ; si militis voluntas contraria non sit ; ergo non videtur requiri , ut novæ voluntatis signa exhibeantur ; sed sufficiet , quòd nihil in contrarium disposuerit , & siluerit. Tametsi varii varias cogitationes fecerint pro solutione hujus l. 5. §. 2. mihi tamen , breviter dicendum esse videtur , sensum legis talem esse : si militis voluntas contraria non sit , & si simul per declarationem novæ voluntatis constet , quòd contraria non sit , ut tunc confirmetur testamentum ; non vero , si penitus siluerit. Schamb. hic. Harp. num. 2. Ludov. Inst. n. 1.*

#### §. - D E N I Q U E. §.

Tametsi testamentum paganorum per arrogationem irritum fiat , §. 1. *Inst. quib. mod. testam. infir.* deducitur enim ad statû , a quo inchoare non potest ; aliud tamen obtinet in milite : licet enim iste patiatur minimam capitis diminutionem , seu per arrogationem , seu per emancipationem , testamentum tamen ejus non sit irritum. *text. hic. §. l. 23. ff. h. t.*

#### §. S C I E N D U M F I N.

*Duplices in reipub. communione reperiri, milites togator nimirum , & sagatos , in propatulo est. Ad togatos spectant*

*Advocati, Medici, Professores, Pro-Con- sules, &c. Non enim ii soli militant Imperio , qui gladiis utuntur & clypeis ; sed patroni causarum quoque , qui gloriosæ vocis munimine consili , laborantium spem , vitam , & posteros defendunt. Dum enim Sagati spilo, togati stilo ; dum illi armamentò , hi atramentò ; dum illi marte , hi arte ; dum illi legionibus , hi legibus pro reipubl. emolumento gloriosè decertant. l. 14. Cod. de Advocat. divers. jud. Hinc etiam est , quòd togati milites peculium quasi castrense habere dicantur : occasione cujus*

*Q. hic : An de illo Jure militari testari possint ? R. Imperator , quòd de illo testari possint Jure communi ; non vero Jure militari. text. hic. Ratio videtur esse , quia in his cessat imperitia , & necessitas expeditionis. Manz. num. 4. Sed , Nunquid absurdum est , milites sagatos præferri togatis ; R. nequaquam nostro in casu id absurdum esse , cum ratio concessi sagatis privilegii , puta , Juris imperitia in togatis exiguam gloriam pareret. Cæterum quibus prærogativa debeat , luculenter definit Poeta , dum canit :*

*Est toga Marte prior ; calamus victricibus armis ,*

*Quæ non arma queunt vincere , scripta queunt.*

*Item :*

*Sunt duo , quæ faciunt , ut quis sit nobilis , ars , Mars.*

*Major ab arte venit gloria ; Marte minor.*

# QUIBUS NON EST PERMISSUM FACERE TESTAMENTUM?

## SUMMARIA.

- 1 *Filiusfam. non potest testari.*
- 2 *Etiam si patris consensu accedat.*
- 3 *Limitatur in peculio castrensi & quasi tali.*
- 4 *An de peculio adventitio extraordinario rectè testetur?*
- 5 *Quid de Jure Austriaco?*
- 6 *Impuberes.*
- 7 *Furiosi.*
- 8 *Prodigi non testantur.*
- 9 *Quid de mutis, & surdis?*
- 10 *Item de captis ab hoste?*

## AD V. STATIM.

Cum nulla sit firma regula, quæ suas non patiatur exceptiones. Ideo Imperator hic aliquot ponit ad regulam limitationes, seu exceptiones.

Excipiuntur autem I. illi, qui alieno Juri, & potestati subjecti sunt, v. g. servi, *filiusfam.* ita, ut etiam si *filiusfam.* esset centum annorum, amen, nec testari, nec codicillari possit, l. 16. ff. qui testam. fac. poss. diciturque, id indubitati Juris esse, l. 3. §. 1. Cod. eod. Ratio: quia ad testamenti factionem requiritur libera voluntas, qualem non habet *filiusfam.* l. 4. ff. de R. J. ubi velle non creditur, qui obsequitur imperio patris. Harp. n. 2. Manz. tract. de testam. tit. 2. q. 1. n. n. 88.

## AD V. ADEO QUIDEM.

Ista conclusio, quod *filiusfam.* testari nequeat, ita extenditur, ut ne qui dem patris permisso testari possit, text. hic. ultima enim voluntas non potest pendere ex alieno arbitrio, l. 36. ff. de hered. Inst. Perez, ad Cod. h. t. n. 7. Manz. num. 13. hic.

**H**Actenus de validitate testamenti ex capite causæ formulæ; superest, ut de validitate ex parte causæ efficientis agamus, atque inquiramus de personis, quæ testari possunt. Ubi pro regula generali tenendum, testari posse omnes, qui speciali Jure non prohibentur. Sibarid. in Cod. h. t. n. 2. Mynsing. hist. hic. Glettle tract. de testament. cap. 4. in princ. Ratio hujus regulæ generalis est: quia testamenti factio est de genere permissorum, juxta vulgatum illud: *Uti quisque rei suæ legasset: ita jus esto*, l. 12. ff. de V. S. permissorum autem hæc natura est, ut quod expressè non prohibetur, pro permissio habetur, c. 23. de sponsal. l. 1. ff. de testib. l. 43. ff. de procurat. Manz. tract. de testament. tit. 2 q. 1. n. 4. Finslerwald. lib. 2. obs. 110. num. 9.

**D**es: *Filiusfam.* consentiente patre, potest donare mortis causâ, l. 25. §. 1. ff. de mort. caus. donat. ergo, consentiente patre, etiam poterit testari. R. cons. ant. neg. conseq. Disparitas est, quod ad testamenti factionem, utpote quæ est Juris publici, l. 3. ff. qui testam. fac. poss. requiratur, ut quis sit *paterfam.* Ad donationem verò, mortis causâ, utpote quæ



Ad II. R. Nov. 117. cap. 1. §. 1. procedere de actibus inter vivos, uti patet ex requisito perfectæ ætatis, quæ 25. annis compleri dicitur; ad testamenti autem factionem de Jure communi solummodo 14. anni desiderantur.

Ad III. R. d. Nov. 22. cap. 26. loqui de filio, sui Juris facto, vel per mortem patris (quemadmodum patet ex verbis: *præmoriens genitor*) vel per emancipationem.

Ad IV. dico: quod non defectus domini impediatur testamenti factionem, sed patria potestas, quæ facit, quod filiusfam. non habeatur pro patrefam. nisi in peculio castrensi, vel quali-tali. *Schamb. hic.*

5 De Jure Austriaco filiusfam. de peculio, pleno Jure possessio, recte testatur. *Fensterwald. lib. 2. obs. 13. num. 6. Walter de Jure consuetud. Austr. lib. 3. tit. 2.*

Idque vel maxime procedit, si filiusfam. uxoratus, vel filiafam. ad mariti domum deducta sit; ex consuetudine enim Germaniæ passim nuptiæ faciunt, ut quis pro patrefam. habeatur. *Manz. tract. de testam. tit. 2. q. 1. num. 164.*

#### AD VERS. EX HOC.

*Differentia peculii profectitii & castrensis, in eo potissimum consistit, quod illud propter æs alienum patris creditoribus cedat; hoc non etiam: Illud conferri debeat; hoc non etiam, text. hic.*

#### §. PRÆTEREA. I.

6 II. Testari prohibentur impuberes, *text. hic.* Quia nullum eorum animi iudicium est, *l. fin. Cod. de testam. milit.* Itaque masculus 14. femina 12. annos habeat, necesse est, ut de Jure communi testari valeant. *l. 5. ff. qui testam. fac. poss.* Nec attenditur, malitia ætatis ad Instituta.

tem suppleat, nec ne? quoniam prædicta ætas de forma requiritur, quæ per æquipollens non adimpletur. *Manz. loc. cit. n. 52. Schamb. hic. Fensterwald. lib. 2. obs. 112. num. 2.*

De Jure Austriaco res aliter se habet. teste *Walter de Jure consuet. lib. 3. tit. 2. §. Als erslichen; &c. i. e. ut 10. Qui legitimam ætatem non attigerunt, testari nequeunt. Majores, Testamenti conficiendi facultatem quantum adinet, anno decimo octavo, moribus regionis, censentur. Adeoque juvenis sive mas sive femina, qui annum vite suæ octavum supra decem plenè sunt adepti, liberam bona sua administrandi, deque eis testandi facultatem habent.*

*Suttinger in M. S. lit. T. §. Weiber-Testament.* testatur testamentum alicujus Virginis, 17. ætatis anno conditum, pro valido judicatum esse; sed addit, illam Virginem jam desponsatam fuisse, adeoque quasi pro conjugata reputatam esse. Vide *Fensterwald. loc. cit. num. 13.*

III. Testari nequeunt *Furiosi*, qui mente carent; testamentum tamen, ante furorem factum, per subsequentem furorem non infirmatur, tum quia furor est facti, adeoque non tollit ea, quæ sunt Juris; tum, ne afflictio addatur afflictio. *Harp. n. 12. Schneid. n. 8.*

#### §. ITEM PRODIGUS. 2.

VI. Testari prohibetur *Prodigus*, sive ille, cui adempta est administratio bonorum. *text. hic. & l. 15. §. 8. ff. h. t.* Ratio: quia in Jure furiosus & prodigus passim æquiparantur, *l. 1. ff. de curat. furios.* Illud tamen testamentum, quod prodigus fecit ante ademptam bonorum administrationem, ratum, & firmum manet, etiamsi postea prodigus declaretur. *text. hic. Manz. loc. cit. num. 84.*

R r

§. ITEM

## §. ITEM SURDUS. 3.

Q. hic. an mutus, & surdus testari possit? R. distinguendum esse, an quis mutus, & surdus sit a natura, an ex accidenti? Si prius, testari non potest, l. 10 §. Sancimus. Cod. qui testam. facer. poss. parum enim à fatuis, aut brutis abest, qui a cunis surdus, & mutus est: nam animò à bestiis secernimur, qui stolidus admodum, & crudus sit, oportet, si fores habeat præclusas, per quas scientiæ intrare consueverunt, Glette loc. cit. cap. 4. §. 1. n. 2. Perez. Cod. d. t. n. 3. Manz. loc. cit. n. 289. Si mutus, & surdus sit ex accidenti, testari tum deum poterit, si litteras calleat, h. e. scribere possit. Mynsing. Inst. hic. n. 2. Zoef. ff. qui testam. facer. poss. num. 4.

Si denique alterò vitiò tantum laboraret, h. e. mutus tantum aut surdus sit, testari poterit, si voce aut scriptò mentem declarare queat, d. l. 10. §. sin autem Glette loc. cit. num. 3. Manz. n. 303. Zoef. d. num. 5.

## §. CŒCUS. 4.

Cæcus quin testari possit, dubium nullum est, dummodò adhibeat solennitates, in l. 8. Cod. b. t. expressas, h. e. declararet voluntatem coram 7. testibus & illa à tabellione, aut octavo teste scribatur. Item exprimat non tantum nomen hæredis, sed & ejus dignitatem. Moribus tamen nostris illas solennitates non requiri, testis est Zoef. loc. cit. num. 1. Glette cap. 4. §. 1. num. 5. loc. cit.

## §. EJUS FIN.

Ultimò testari de Jure communi non potest captus ab hoste, captivi enim sunt servi hostium §. 3. Inst. de Jure pers.

Dixi de Jure communi; secus de consuetudine, quâ inspectâ, capti in bello servi capientium non amplius efficiuntur, sed libertatem retinent; tam diu tamen ab hostibus servantur, donec vel litrò solutò redimantur, seu permutatione liberentur. Glette tract. de testam. cap. 4. §. 5. n. 7. & 8. Clariss. D. D. Franz. Inst. b. t. n. 6. w. Dices 2.

## TITULUS XIII.

## DE EXHÆREDATIONE LIBERORUM.

## SUMMARIA.

- 1 Definitur Exhæredatio.
- 2 Debet fieri nominatim.
- 3 A tota hereditate.
- 4 Ab omni gradu, & ex justa causa.
- 5 Enumerantur causæ, ob quas liberi.
- 6 Ob quas parentes.
- 7 Et ob quas fratres exhæredari possunt.
- 8 An ob causas graviores exhæredatio fieri possit?

- 9 Causa exhæredationis debet nominatim inferi testamento.
- 10 Et ab hærede probari.
- 11 Hodie omnes indistincte liberi debent aut hæredes institui, aut nominatim exhæredari.
- 12 Esi esset posthumus.
- 13 Posthumus alius est verè, alius quasi talis.
- 14 Adoptatus an debeat hæres institui?
- 15 Miles suos liberos non tenetur instituere.

1 Exhære-

1. **E**xhæredatio nihil est aliud, quam actus ultima voluntatis, quo illi, quibus debetur legitima, à successionem repelluntur,

Hæc ut suis solennitatibus instructa dicatur,

2. Requiritur I. ut fiat nominatim, *text. in princ. h. t. l. 3. ff. de injust. rupt. & irrit. & Zoef. ff. de lib. & posthum. n. 4. Perez. ad Cod. de lib. prat. vel exhæred.*

II. Ut fiat purè, non sub conditione *l. 3. §. 1. ff. eod. certò enim judicio liberi à successionem parentum sunt removendi, l. 16. ff. de bonor. poss. cont. tab. Zoef. loc. cit. n. 7. Manz. tract. de testam. tit. 10. q. 1. n. 11.*

3. III. Requiritur, ut exhæredatio fiat ab omni, & tota hæreditate; non tantum à certa aliqua re, unde à certo aliquo tantum fundo exhæredatus, non videtur exhæredatus, *l. 16. ff. de lib. & posth.*

*Dices, institutus in re certa, v. g. in fundo, censetur institutus in tota hæreditate, l. 1. §. 4. l. 35. ff. de hered. Inst. ergò etiam exhæredatus in re certa, censetur exhæredatus in tota hæreditate. R. conc. antec. neg. consequ. Institutio enim est favorabilis, ideò benigna interpretatione juvanda; exhæredatio verò est odiosa, adeoque restringenda, juxta vulgatam regulam: odia restringi, favores convenit ampliari. Perez. ad Cod. d. t. n. 9. Manz. loc. cit. n. 15. Zoef. n. 7.*

4. IV. Ut, si plures gradus hæredum sint, ab omnibus gradibus exhæredatio fiat, *l. 3. §. fin ff. de lib. & posthum. l. 41. §. 2. ff. de pupill. subst. Zoef. loc. cit. n. 6.* Unde exhæredatio, ab uno gradu facta, non subsistit, v. g. testator ita scribit: Sempronius mihi hæres esto, & si hæres esse noluerit, in ejus locum Titium substituo; filium autem meum, tamquam hæreticum, inde exhæredo.

En! filius ab uno duntaxat gradu, puta substitutionis, exhæredatus est, & idcirco exhæredatio non subsistit. *Manz. tract. de testam. tit. 10. q. 1. n. 31. Zoef. loc. cit. n. 5. Perez. Cod. de liberis prateritis. n. 15. Clariss. D. D. Franz. Inst. h. t. n. 9. ubi hac de re plura enodat.*

V. Requiritur, ut exhæredatio fiat ex justa causa per *text. in Nov. 115. cap. 3.* Justæ autem causæ, ob quas liberi exhæredari possunt, in *d. Nov. 515. cap. 3.* enumerantur quatuordecim, quas Poeta his versiculis concludit:

*Bis septem ex causis exhaeres filius esto.*

*Si patrem feriat; vel maledicat ei.*

*Carcere detrusum si negligat; aut furiosum.*

*Criminis accuset, vel paret insidias.*

*Si dederit damnum grade; si nec ab hoste redemit,*

*Testarique vetet; se societque malis.*

*Si mimos sequitur; vitietque cubile paternum,*

*Non orthodoxus; Filia si meretrix.*

I. Itaque justa causa exhæredationis est, si quis parentibus suis impias manus intulerit, *d. cap. 3. §. 1. Da die Kinder ihre Eltern aus fürsetzlichem Frevel schlägen oder tödliche Hand anlegen.* Quam grave enim sit manus inferre parentibus, satis *Exodi cap. 21.* exprimitur his verbis: *qui percusserit patrem suum, aut matrem, morte moriatur!* Hoc autem

Limitatur, si filius patrem proditorem patriæ occiderit, *l. minime 35. ff. de relig. & sumpt. fun. ubi non tantum punitur, sed præmiò afficiendus dicitur.*

II. Causa est, si quis parentibus suis gravem, & inhonestam injuriam ingesserit, *d. Nov. 115. cap. 3. §. 2. Da die Kinder ihren Eltern schwere, unehrbare Injuri- und Frevel-Wort zfügten,* v. g. si filius patrem in foro, vel in Ecclesia coram multis personis verborum contum-

melia affecerit, aut contra illum famosum libellum scripserit, *Menoch. de arbit. jud. cas. 263.* Ubi fusè explicat, quæ dicatur injuria atrox.

III. Causa est, si quis parentes in causis criminalibus accusaverit, *d. Nov. 115. cap. 3. §. 3. Wann sie &c. i. e. Sin parentes clam accusarent facti panâ corporali vel capitali puniendi. Covarruv. ad c. Raymuntius 16. §. 1. 15.*

IV. Causa est, filius, vel filia cum maleficis hominibus, ut maleficus versetur, *d. Nov. 115. cap. 3. §. 4. b. e.* cum iis, qui incantationes, & artem magicam perniciosè exercent. *Harp. §. fin. Inst. b. t. n. 26. §. n. 27. Wann sie sich &c. i. e. Sin maleficis hominibus adhereant consuetudine ac familiari eorum usu gaudeant. N. Oe. Land. Tafel. Lib. secundo tit. 23.*

V. Exhæredationis causa est, si liberi vitæ parentum per venenum, vel aliò modò insidiari tentaverint. *d. Nov. 115. cap. 3. §. 5. So die Kinder &c. i. e. Si liberi vitæ parentum insidias parent veneno, aut alia ratione. Non enim potest (inquit Harp. num. 24. loc. cit.) major esse ingratitudo, quàm illius vitæ insidiari, à quo quis vitam accepit.*

VI. Causa, si filius novercæ suæ, aut concubinæ patris sui, se immiscuerit. *d. Nov. 115. cap. 3. §. 6. Wann ein Sohn seine Stieff-Mutter entehret, und sich mit derselben vermischet. Manz. tract. de Testament. tit. 10. q. 6. num. 23. Covar. loc. cit. n. 18.*

VII. Si delatores contra parentes extiterint filii, & per suam delationem gravia dispendia eos fecerint sustinere, *d. Nov. 115. cap. 3. §. 7. Wann die Kinder ihre Eltern bey der Obrigkeit angaben, und dieselbe dadurch in grossen Schaden und Nachtheil brächten.*

VIII. Si liberi masculi (ad quos solos restringitur) pro parentibus, carcere

inclusis, requisiti noluerint fidejubere, *d. Nov. 115. cap. 3. §. 8. Da die Kinder &c. i. e. Si liberi pro parentibus captivis nollent fidejubere, nec eos è carcere dare, quam dare possent, fidejussione liberare. Quod tamen de filiis duntaxat est intelligendum, cum filia fidejubendi facultas non competat.*

IX. Exhæredationis causa est, si liberi parentes suos testari prohibuerint, v. g. testibus aditum intercluserint, vel solennia agere obstiterint, &c. *d. Nov. 115. cap. 3. §. 9.*

Sed quid si parentes, taliter impediti, testari, & filium exhæredare non amplius potuerint? *Manz loc. cit. num. 34.* existimat hæreditatem filio auferendam, & filio applicandam esse, *arg. l. 1. §. 9. §. 1. 2. ff. si quis aliq. test. prohib. at, scûs obtinet de Jure Austr. loc. cit. §. 9. So aber die Eltern. &c. i. e. Si vero parentes, non confecto testamento, quod prohibuerint liberi, decesserint; exhæredari liberi prohiberi es nihilominus debent, ac bona ad proximiores cognatos transferri.*

X. Filius, præter voluntatem parentum, sese minis, & arenariis sociaverit, & in ea professione manserit, *d. Nov. 115. cap. 3. §. 10. §. 1. 11. Cod. inoff. testament. Wann sich die Kinder zu verwegenen liederlich und leichtfertigen Personen gesellen, und sich auf ihr Thun begeben.*

XI. Causa: si parentes filæ volunt maritum dare, & dotem juxta substantiæ suæ præstare; filia autem non consenserit, sed luxuriosam, & meretricariam vitam elegerit. *Nov. 115. cap. 3. §. 11. l. 10. Cod. de inoff. testam. Da die Eltern. &c. i. e. Cum parentes pro facultatibus suis dotem liberis constituere velint, ac honestis nuptiis consentire; Quibus tamen obtemperare liberi nolint, nec ideo minus turpem vitam rationem ineant, atque probro sese commaculent. N. Oe. Land. Tafel.*

*Limita.*



*Limitatur* : nisi filia jam compleverit 25 annum *d. Nov. 115. cap. 3. §. 11. & auth. sed si Cod. de inoff. testam.* pater enim in culpa esse censetur, quod filiam prius nuptui non dederit. *Harp. §. fin. h. t. n. 41. Zoef. ff. de lib. & posthum. n. 15. & 16.* ubi præfatam exhæredandi causam ad filias duntaxat restringit, non etiam ad filios extendendam esse docet, eo quod major in foeminis, quam masculis castitas desideretur.

XII. Est, si liberi parentes furiosos neglexerint, *d. Nov. 115. cap. 4. §. 12. d. e.* nullam curam patris furiosi gesserint, præbendo alimonia; aut salutarem medicinam procurando. *Jus Aust. loc. cit. zum zwölfften.*

XIII. Causa est, si liberi parentes suos, ab hostibus captos, cum possunt, non redemerint, *Nov. 115. cap. 3. §. 13. Wom de Etern, &c. i. e. Si parentes ab hostibus capti, nec eos redimere vellent liberi majoremnes. Manz. loc. cit. n. 48.* ubi de jure communi hanc causam non aliter dicit procedere, quam si liberi 18. ætatis suæ annum compleverint. *d. Nov. 115. cap. 3. §. 13. & auth. si captivi Cod. de Episcop. & Cler.*

XIV. Exhæredationis causa est, si liberi hæretici sunt. *d. Nov. 114. cap. 3. §. 14. Wann die Eltern Christen wären, die Kinder aber von dem Christlichen Glauben abfielen. Manz. loc. cit. n. 59.*

Vidimus, ob quas causas liberi à parentibus; sequitur de causis ob quas hi à liberis exhæredari possunt. Enumerantur autem in *d. Nov. 114. cap. 4.* octo causæ, propter quas parentes rectè, & validè exhæredantur.

I. Est, si parentes liberos suos ad interitum vitæ tradiderint. *d. Nov. 115. cap. 4. §. 1.*

II. Si parentes venenis, aut maleficiis, aut aliò modò vitæ liberorum insi-

dias struxerint *d. Nov. 115. cap. 4. §. 2.*

III. Si pater nurui suæ, aut concubinae filii sese immiscuerit *d. Nov. 115. cap. 4. §. 3.*

IV. Si parentes liberos suos in rebus illis, in quibus habent testandi licentiam, puta caltrensis, vel quasi, testamentum concedere prohibuerint. *d. Nov. 115. cap. 4. §. 4.*

V. Si mater patri, vel pater matri venenò, aliòve modò ad interitum vitæ, vel ad alienationem mentis insidiatus fuerit; tunc enim liberis concessam est patri insidianti nihil relinquere. *d. c. 4. §. 5.*

VI. Causa est, si parentes liberos furore correptos, curare, & alere neglexerint, *d. cap. 4. §. 6.*

VII. Si liberos captivos non redemerint. *d. c. 4. §. 7.*

VIII. Ex ultima, si parentes hæretici sint; tunc enim à liberis catholicis exhæredari possunt, *d. cap. 4. §. 8. Ita Manz. tract. de testament. tit. 10. q. 7. per tot. Harp. Inst. §. fin. h. t. num. 51. & seq. Schamb. Inst. de inoff. testament. §. 1.*

De Jure Austriaco, etiam si parentes unam ex recensitis causis in liberos suos admittant, exhæredatione tamen opus non erit, cum aliunde ex constitutione Albertina parentes à liberorum successione in tantum removeantur, ut neque legitima iis debeat. Quà de re nos alibi, interea vide *Sutting. M. S. lit. Erbschafft in auffsteigender Linie. Furstw. lib. 2. obs. 119. per tot.*

Exhæredationem fratrum quod attinet illa non, nisi, ob tres causas fieri potest.

I. Est, si frater mortem fratri per insidias intentaverit. II. Si criminalem accusationem contra eum instituerit. III. Si substantiæ ipsius ingratum picturam inferre studuerit. *Nov. 22. cap. 47 Manz. loc. cit. q. 8. Harp. n. 64.*

8 Q. I. *An exhereditatio ob causas aequae graves vel graviores iis, quae hactenus recensitae sunt, fieri possit?*

*Affirmativa* subscribunt *Facb. lib. 1. cont. 78. Manz. tract. de testament. tit. 10. q. 9. Covar in c. Raynutius. 16. de testam. Gail. lib. 2. obs. 94. n. 17. Mynsing. cent. 6. obs. 31. Sutting. in M. S. lit. T. v. Töchter.*

*Ratio* hujus *Sententiae* I. est: quia ubi eadem est ratio, ibi eadem debet esse *Juris dispositio*, & ubi par aut major delicti qualitas, ibi eadem poena est imponenda, ne paria, aut majora delicta maneant vel prorsus impunita, vel minus punita.

*Ratio* II. Quia ob paritatem rationis ad similes casus recte fit extensio, *l. 12. ff. de LL. ubi dicitur, non posse omnes articulos legibus, aut SCtis comprehendere, & illum, qui Jurisdictioni praest, ad similia procedere, atque ita Jus dicere debere.*

*Ratio* III. Quia, licet sint certae causae, ob quas amittitur feudum, non tamen eapropter excluduntur causae graviores, aut aequae graves, quin etiam faciant feudum amitti. *text. l. 2. feud. tit. 24. §. porro v. sed quia. ergo idem in nostro casu dicendum.*

Verum *negantium* dogma magis arripet; cui quoque calculum praebent *Zoef. ff. de lib. & posthum. hered. Inst. Harp. §. fin. Inst. de exhered. liber. n. 65. Humm. var. resolut. lib. 2. tract. 5. quest. 19. Bachov. ad Treutl. vol. 1. disp. 13. th. 8. lit. C.*

*Facit* I. pro hac *sententia differt. text. in Nov. 115. cap. 3. his verbis: ut prae-ter ipsa nulli liceat ex alia lege ingratitudinis causas opponere.*

*Facit* II. *Validissima Ratio*; quia nimirum poenalia, & odiosa restringenda, nec ob paritatem rationis extendenda sunt. *c. 49. de R. J. in 6.*

*Ad rationem* I. R. illam procedere, nisi simus in poenalibus aut odiosis. Nec tamen ideo sequitur, majora delicta manere impunita, quia publica poena coercentur. Fac proinde, quod filius committat *crimen laesae Majestatis, sacrilegii, adulterii, aut incestus*, forte quia non tantum cum noverca, sed cum propria matre commiscetur; propter haec tamen crimina a patre non poterit poena exheredationis affici, cum de iis publica poena sumatur, eo quod sint delicta publica, quae publicam laesionem, non privata, quae privatam patris laesionem spectant.

*Ad* II. *rationem*, ex jam dictis patet solutio; enimvero *d. l. 12. non procedit in poenalibus.*

*Ad* III. dico, *Jure feudali expresso* sancitum esse, ob causas, aequae graves vel graviores amitti feudum; secus *Jure nostro communi*, utpote de quo potius contrarium decisum per verba: *prae-ter illas*, quae taxativa sunt.

Nec dicas, a paritate *Juris feudalis* argumentum procedere ad *Jus commune*, id enim nulla ratione procedit, & argumentum a *Jure feudali* ad *Jus commune* legitimum non ducitur.

Ex hactenus dictis satis constat, ad exheredationis valorem requiri justam, i. e. unam ex recensitis causam. Imò non sufficit, quod pater justam exheredandi filii causam habeat; sed ut valeat exhereditatio.

VI. Requiritur, ut in testamento exheredationis causa nominatim insinuetur, & specialiter exprimatur *d. Nov. 115. cap. 3. in princip. & cap. 4. Gomez. var. resolut. tom. 1. cap. 11. n. 10.*

VII. Ut causa exheredationis, si negata fuerit, ab haerede instituto probe-  
tur, *d. Nov. 115. cap. 3. ibi: nisi forte probabuntur ingrati. Perez. ad Cod. de lib. prae-*

*præterit. Gomez. loc. cit. Manz. tract. de testament. §. 10. q. n. 29.*

VIII. & ultimo requiritur, ut e xhæredatio non in codicillo, sed in testamento fiat. *Harp. §. fin Inst. h. t. n. 9.* In codicillis enim neque dari neque adimi potest hæreditas §. 2. *Inst. de Codicil.*

#### AD PRINCIP.

Multas solennitates, ad testamentum requisitas, hucusque enumeravimus, *hic* adhuc alia, & fere præcipua superadditur, nimirum ista: ut pater filium, quem in potestate habet, vel expressè hæredem instituat, vel nominatim exhæredet; alioquin, si eum silentiò præterierit, inutiliter testabitur, *text. hic.* Ratio, quia filius, vivò adhuc patre jam dicitur quasi dominus rerum patrum, ita, ut post mortem patris, illarum dominium non dicatur transferri, sed in filium continuari, *l. 11. ff. de lib. & posth.* quod ipsum dominium à patre vel debet confirmari per institutionem, vel filio adimi per exhæredationem, ne aliàs duo, puta, hæres institutus, & filius post mortem patris ejusdem rei domini concurrant in solidum, contra *l. 1. §. 1. ff. commodati. Manz. n. 2. Schamb. hic.*

#### AD VERS. ADEO.

Q. hic quid si filius præteritus, vivò adhuc patre, moriatur, convalescitne testamentum? Videri posset quòd sic: quia cessat causa, quæ testamentum invalidat. Verùm negativè decidit *Imperator*, aitque, quòd nemo hæres ex eo testamento existere possit. Ratio: quia quod ab initio non valet, tractu temporis non convalescit, *l. 29. §. l. 210. ff. de R. J. Schneid. n. 2.*

#### AD VERS. SED NON ITA.

Erant olim duæ differentie inter filium, & filiam, nepotes, & neptes, &c.

I. Erat, quòd filiò præterito, testamentum fuerit nullum, & ipsò Jure conciderit; contrà verò, filia, nepote, vel nepte ex filio cæterisque descendantibus præteritis, testamentum va'ebat. *text. hic.* Ne autem filia & reliqui descendentes per virilem sexum penitus nihil consequerentur, statuit *Imperator*, ut haberent Jus accrescèdi ad certam portionem, *h. e.* ut potuerint, separatis hæredibus, certam portionem auferre. Quæ autem fuerit illa portio, *textus* non memorat; DD. tamen sequuntur opinionem *Ulpiani*, atque statuunt, ut, si extranei sint instituti, præteriti afferant semissem; si verò liberi, & sui hæredes sint instituti æqualiter cum iis præteriti succederept.

II. Differentia erat, quòd filius non nisi nominatim, filia autem, nepotes & pronepotes inter cæteros exhæredari potuerint, v. g. filius meus hæres esto, cæteri exhæredes sunt! *Manz. num. 9.*

Verùm hodie ex constitutione *Justiniani* eodem Jure gaudent filia, cæteri-<sup>11</sup> que liberi, quo filii; adeòque omnes liberi indistinctè aut hæredes institui, aut nominatim exhæredari debent. *d. l. ult. Cod. de lib. prat.*

Quod adeò procedit, ut testamentum, in quo liberi nec instituti, nec nominatim exhæredati inveniuntur, ipso Jure corruat, *l. 30. ff. eod. Manz. tract. de testam. tit. 8. num. 10.*

#### §. POSTHUMI. I.

Posthumus ille dicitur, qui post mor-<sup>12</sup>tem parentis nascitur, adeòque, qui tempore mortis paternæ in utero matris est. Hinc *etymologia* posthumi, quasi post humatum patrem deducitur, *l. 3.*

§. I.

§. I. ff. de *injust. rupt.* & *irrit. fact. testa-*  
*ment.*

Trahitur tamen hoc nomen etiam ad eum, qui vivo patre, post testamentum factum nascitur, d. §. I. vel arrogatur, l. *filium* 28. §. I. ff. b. t. Schamb. hic.

Talis itaque posthumus aut hæres institui, aut nominatim debet exhæredari, l. 3. de *injust. rupt.* & §. I. hic. nullâ factâ differentia inter sexum masculinum, & foemininum: par enim omnium conditio est, Text. hic. Et, qui in utero sunt, Jure civili habentur pro jam natis, quoties de commodo eorum agitur, l. 7. & 16 ff. de *stat. hom.* Harp. hic. n. 3.

Illud tamen nota, quod præteritione posthumia præteritione jam nati in hoc differat, quod testamentum, in quo jam natus præteritus est, ipso Jure nullum sit; contra verò testamentum, in quo posthumus præteritus est, ab initio valeat, & demum agnatione ipsius rumpatur. Ratio: quia is, qui in utero est, antequam nascitur, suus propriè hæres non est; nam contingere potest, ut mater abortum faciat, text. hic. Manz. tract. de *Testament.* tit. 8. n. 136.

#### AD VERS. SED FOEMININI.

Olim posthumos, & posthumas exhæredari potuisse, dubium non est per §. nostrum. Hæc tamen non fuit differentia, ut foeminini sexus personæ, filix scilicet, & neptes posthumæ vel nominatim vel inter cæteros exhæredari potuerint, v.g. *ex liberis meis Cornelius mihi hæres esto, cæteri exhæredos sunt!* Ita tamen, ut si pater inter cæteros filias exhæredarit, debuerit aliquid legati nomine ipsis relinquere. Ratio est in *textu*, ne viderentur præteritiæ fesse per oblivionem.

#### AD VERS. MASCULOS.

Masculi filii posthumus non aliter potuerunt, quam nominatim exhæredari, hoc scilicet modò, *quicumque mihi filius genitus fuerit, exhæres esto, text. hic.*

Verum hæc hodie inutilia sunt: nam posthumum, posthumanave hodie neque præterire licet, neque exhæredare; sed hæredes instituantur, necesse est. Ratio, quia nulla exhæredatio sine appositione, & probatione causæ ingratitudinis procedit, Nov. 115. cap. 3. atqui posthumus nullam potest committere ingratitudinis causam; ergo quod si defacto posthumus fuerit exhæredatus, ad similitudinem jam nati per querelam inofficiosi testamentum debet everti; non autem habet Jus dicendi nullum. Schamb. hic. q. 3. Zoef. ff. de *lib. & posthum.*

Multum autem interest, an posthumus Jus dicendi nullum habeat, an verò per querelam testamentum evertat? nam illi non nisi 30. annis; huic autem 5. annis præscribitur. II. Per Jus dicendi nullum totum testamentum evertitur; per querelam vero non nisi quoad institutionem: legata enim, & fideicommissa firma manent. *Auth. ex causa. Cod. de lib. præ.*

#### §. POSTHUMORUM. 2.

Posthumus alii sunt *verè & propriè* tales. <sup>13</sup> Alii *minùs propriè*. Verè & propriè posthumus sunt, qui post humatum patrem nascuntur; de quibus supra.

Impropriè, sive quasi posthumus dicuntur illi, qui in sui hæredis locum succedunt; sive, (ut clarius loquar) qui ante testamentum factum natus quidem est, non suus; sed post testamentum incipit esse suus hæres: talis est v.g. nepos, nam si filius, vivo patre moritur, aut alia ratione exit de potestate patria, tunc incipit



incipit nepos primum gradum obtinere, ac succedit in locum filii, *Manz. n. 5.*

Q. Ergo, an quasi posthumus hæres institui, vel nominatim exhæredari debeat, sicuti ipse filius? R. I. indubitati Juris esse, quamdiu filius vivit, & in potestate patris testantis manet, tamdiu nepotes nec sui hæredes institui nec exhæredari debere, quia non sunt sui hæredes; pater enim ipsos præcedit, sui autem illi dicuntur, qui primum in potestate gradum obtinent. *Manz. n. 1. R. I. si filius vivente adhuc testatore, moriatur; aut qualibet alia ratione per emancipationem vel patriam dignitatem, &c. de potestate patria exeat, nepotes vel neptes in ipsius locum ita succedunt, ut ex constitutione legis Juliae Velleiæ debeant, vel hæredes institui vel nominatim exhæredari, de qua materiam plura in Digestis.*

### §. EMANCIPATOS. 3.

Filios emancipatos olim de Jure civili ad va'orem, & substantiam testamenti hæredes instituere, vel exhæredari necesse non erat. Ratio, quia non amplius sunt sui hæredes: ut enim quis suus hæres dicatur, debet habere duas qualitates, scilicet, ut sit in potestate testatoris, deinde ut primum gradum liberorum obtineat. §. sui infra de hæred. qual. & diff. *Manz. hic. num. 2.*

Verum de Jure prætorio aliter obtinebat, nimirum emancipati de hoc Jure vel institui vel exhæredari debebant, masculi quidem nominatim, h. e. debuit nomen ipsius appellari. Foeminae verò inter cæteros v. g. hoc modo: *Titius, filius meus hæres esto! filia vero omnes exhæredes sumo!* Ratio prætoris fundata est in naturali æquitate, sanguinem, non verò subtilitatem Juris (sui tatem scilicet) considerante. *Schamb. hic.* Quod si defecto emancipati, neque hæredes insti-

*Kees ad Instituta.*

tuti fuerint, neque modo prædicto exhæredati, prætor dedit ipsis bonorum possessionem contra tabulas, quæ subvertant, & rescindat testamentum, l. 1. §. & sui 6. ff. de bon. poss. cont. tabul. Ratio autem, cur opus fuerit bonorum possessione contra tabulas, & non potuerint ad instar suorum hæredum testamentum nullum dicere, est hæc: quia emancipatus non est ex lege hæres, licet ergo non instituat, Jure civili tamen testamentum valet. Nec Prætor potuit facere, ut testamentum nullum sit, quia Prætor tantum dicitur custos Juris civilis, & non potest directò tollere ea, quæ sunt Juris civilis. Proinde, cum tale Testamentum de Jure civili fuerit validum, rescissione opus erat, quæ per bonorum possessionem contra tabulas fiebat.

Dices: parum refert, si quis Jus dicendi nullum testamentum, siue bonorum possessionem contra tabulas habeat; quia utroque remedio denuò consequitur hæreditatem. R. multum interesse, utrum testamentum sit nullum, an rumpatur per agnitionem, vel rescindatur per bonorum possessionem, vel querelam inofficiosi. Enimverò, si nullum est, paterfam. decedit omnino intestatus atque hæreditas ad legitimos hæredes pertinet, & Jus dicendi testamentum nullum per 30. annos durat. *Harp. §. 3. hic. n. 9.* Si rumpendum sit testamentum, fieri potest, ut posthumus non nascatur. Si verò per querelam evertendum, quinquennium illa instituat, necesse est; ultra id enim tempus non extenditur, l. si tamen ff. de inoff. testam.

Si denique per bonorum possessionem contra tabulas evertatur testamentum, illi unò anno expirat, l. 1. 12. ff. de success. edict. *Harp. loc. cit. Manz. hic. n. 14.*

SS

§. ADOPT-

## §. ADOPTIVI. 4.

Quæ in hoc §. continentur, per subsequenter §. correctæ sunt, & immutata; proinde saltum facimus ad

## §. SED HÆC QUIDEM. 5.

Hactenus vidimus, multas olim quoad institutionem & exheredationem inter liberos fuisse differentias. Justinianus verò in hoc §. declarat novum Jus, & ostendit, hodie omnium liberorum, tam masculorum, quam foeminarum, tam filiorum, quam nepotum ex filio, tam natorum, quam posthumorum, tam emancipatorum, quam in potestate existentium eandem conditionem esse, ut nimirum omnes eodem modò vel hæredes instituuntur vel exheredentur; puta nominatim, non verò inter ceteros: Ita text. hic. & l. maximum vitium. 4. Cod. de libert. prat. vel exhered.

## AD V. CIRCA ADOPTIVOS.

14 Diximus ad §. 4. circa adoptivos omnia in eo §. enumerata, mutationem recepisse. Jam hic declaratur, in quo consistat hæc mutatio, & ejus certam mentionem Imperator non facit, & aliò nos refert, videlicet ad, l. pen. de adopt. ubi circa adoptivos adhibetur temperamentum distinctionis, nimirum, utrum ab extraneo adoptatus aliquis sit, an ab uno ex ascendentibus, v. g. avò, vel proavo materno, vel si ipse pater naturalis fuerit emancipatus, etiam avo, vel proavo paterno. Si aliquis adoptatus sit ab extraneo, tunc, cum in adoptantis patriam potestatem non transeat, & omnia Jura naturalia retineat, pater naturalis tenetur filium, ab extraneo adoptatum, hæredem instituere, vel expressè, vel nominatim exheredare, ita ut præteritus Jus dicendi testamen-

tum nullum, vel injustè exheredatus querelam inofficiosi testamenti haberet. Ratio quia manet in potestate patris naturalis, & suus hæres, neque transit in adoptantis Jus & potestatem (uti diximus supra in §. de adopt. §. 2. ergò, quoad patrem naturalem, perinde ferè haberetur, atque si non fuisset adoptatus. Ratio ulterior redditur ab ipso Imperatore in §. 14. de hered. quæ ab intest. defer. & in d. l. pen. Cod. de adopt. quia, nisi à patre naturali institui deberet, facile fieri posset, ut adoptatus ab extraneo utriusque, i. e. adoptantis naturalis successione privaretur. Et quidem patris naturalis, ex voluntate ejus si ipsum præteriret; adoptantis verò, si post patris naturalis obitum pater adoptivus eum emanciparet: quo in casu ab adoptante amplius institui non debuit, cum per emancipationem ejus familiæ eximatur. Manz. tract. de testam. tit. 8. q. 2. n. 173.

Ex dictis ergò sequitur, quòd adoptatus ab extraneo, hæres ab adoptante institui non debeat; sed, quidquid ei reliquerit, hoc liberalitatis sit. l. 10. §. Cod. b. t. Ratio; quia non transit in potestatem adoptantis. §. Inst. de adopt.

Dices, Ad quid ergò prodest adoptatio? R. si maneat in tali adoptione, nullà interveniente emancipatione, ad hoc ei prodesse, ut, si intestatus, pater extraneus adoptivus decesserit, illi ab intestato succedat. Manz. n. 22. Inst. hic.

Si quis verò ab Avo materno, vel aliis ascendentibus adoptatus fuerit, tunc ab adoptante debet vel hæres institui, vel nominatim exheredari, ita, ut Pater naturalis eum licité, & valide præterire possit, d. l. 10. §. si vero Cod. eod. Ratio ibi additur, quia in hoc casu is solus Pater intelligitur, quem lex fecit, & natura non dereliquit; concurrunt enim duæ species filiationis.

Adoptionis, five duo Jura naturalia sanguinis, & civilia adoptionis. *Manz. tract. de testam. n. 176.* Ratio alia, quia ejusmodi adoptivus in potestatem, & familiam adoptantis transit; cum ergo locum habeat *suitas*, locum quoque habebit instituendi necessitas. *Manz. Injrit. hic. n. 24.*

## §. SED SI. 6.

15 Inter alia militis privilegia, & hoc est, quod, in expeditionibus constitutus, faciens Jure militati testamentum, liberos, licet sui sint, instituere, vel exhæredare non teneatur; sed præteritio ipsius loco exhæredationis habeatur, modo sciverit, se liberos habuisse. Si verò ignorans se liberos habuisse alios hæredes scripserit, eos autem præterierit, vel, quia nescit, uxorem prægnan-

tem esse, vel, quia, eo absente, nati sunt, hoc in casu non censetur eos exhæredare voluisse, ac proinde testamentum minimè valebit, l. 9. §. l. 10. *Cod. de testam. milit.* Quia nulla voluntas elici potest ex ignorantia, & errore, l. 116. ff. de R. J. *Harp. hic. & Manz.*

## §. FIN.

Illud in hoc §. sancitur, quod Mater, item Avus maternus necesse non habeant, liberos suos, aut hæredes instituere, aut nominatim exhæredare, sed, quod possint eos silentio omittere: & tale silentium tantum faciat, quantum exhæredatio patris, h. e. testamentum, in quo Mater filium suum silentio præterit, non ipso Jure nullum, sed per querelam inofficiosi rescindendum.

## TITULUS XIV.

## DE HÆREDIBUS INSTITUENDIS.

## SUMMARIA.

- 1 Quinam nequeant heredes institui?
- 2 Servus an rectè instituitur?
- 3 Hereditas in quot uncias dividitur?
- 4 Quid Juris, si hereditas à testatore in plures uncias divisa sit?
- 5 Condicio impossibilis, institutioni adjecta, quid operetur?

## CONTINUATIO.

16 Viro, qui necessariis instituendi, vel exheredandi sint? se quitur in genere qui heredes institui possint?

## AD PRINCIP.

Hæredes possunt omnes institui, qui non prohibentur. In specie autem prohibentur I. Deportati, l. 1. *Cod. de ha.*

*red. inst.* quia non sunt Cives Romani. II. Dammati in metallum, quibus nihil relinqui potest, nisi alimenta, l. 3. ff. de his, quæ pro non script. habent. III. Dammati ad triremes, quia hodie in eorum locum successerunt, qui in metallum dammati sunt. *Manz. tract. de testam. tit. 6. n. 81.* IV. Apostatae, five ii. qui à Christiana fide defecerunt. Item Hæretici, Anabaptistæ, l. 3. *Cod. de Apostat. Nov. 115. cap. 10. & 14.* V. Filii reorum criminis læsæ Majestatis, l. 5. §. 1. *Cod. a l. leg. Jul. Mæst.* VI. Excommunicati propter eandem, vel percussione cardinals. c. fin. de pen. in 6. VII. Mulier, intra tempus luctus nubens, l. 1. *Cod. de secund. nups.* Ratio: quia hæc est poena continentiae. Quod de Jure Canonico non procedit, c. pen. &

*ult. §. de secund. nupt. VIII.* Personæ incertæ, quales sunt, quas incertâ, & cœcâ opinione animo suo testator subicit, *l. quor. §. 9. ff. h. t.* Ratio: quia certum debet esse testatoris consilium. De Jure novo incertæ personæ institui possunt, dummodò certitudo earum ex futuro eventu desumi possit. *Glette tract. de testam. cap. I. §. 2. de iis, qui absolute non possunt institui, n. 2. H. r. p. n. 11. hic. IX.* Filii, ex damnato coitu nati, quales sunt nefarii, incestuosi, adulterini, sacrilegi, *Auth. licet Cod. de natur. liber. & Auth. ex complexu Cod. de incestuos. nupt. Manz. tract. de re. am. loc. cit. n. 83. & seq.* Ratio est in odio damnatæ levitatis, incontinentiæ posita. Hinc dicit *Nov. 83. §. I.* quod nulla illis sit impertienda clementia; hoc autem eatenus procedit, ut à Patre, vel Matre institui non possint; nam extraneus tales ex damnato coitu susceptos, validè instituit. *Gail. lib. 2. obs. 88 n. 2.* Ratio, quia in extraneo cessat causa prohibitionis, videlicet damnata libido, & peccatrix concupiscentia. *Manz. loc. cit. num. 113.*

X. Non possunt institui hæredes Monachi S. Francisci, veluti Capucini, & Minores de Observantia seu reollecti. Ita statuitur in *Clement. exvi. v. quia igitur. de V. S.* Ratio, quia nihil proprium habere possunt, neque in communi, neque in particulari, *Manz. loc. cit. n. 151. Glette loc. cit. n. 6.* Legatum tamen capere, & fidei-commissum particulari non prohibentur, modo sit rei mobilis, & parvæ quantitatis *d. Clement. exvi.* Ubi nominatim, & in specie prohibentur, capere legatum rei immobilis, aut magnæ quantitatis, ergo legatum rei mobilis, & parvæ quantitatis possunt accipere: exceptio enim firmat Regulam in casibus non exceptis.

*arg. l. 18. §. 11. ff. d. instruct. fund. val. instrum. leg.* Cum autem fratres minores sint incapaces Judiciorum, actionum pro rebus, sibi donatis, vel in ultimâ voluntate relictis competentium, ideò possunt implorare officium Judicis, ac rogare, ut ad præstationem legati hæres coarctetur. Vel Judex etiam non imploratus, ex officio adversus hæredem procedere, & hæredem ad præstationem legati compellere potest. *Manz. n. 163. Glette loc. cit. n. 7.*

#### ADVERS. PROPRIOS.

Olim servos proprios non aliter institui licebat, quam cum *libertate*, v.g. hîc modò: *Stichus servus meus, liber, & hæres esto!* Hodie, omisâ etiam libertatis donatione, rectè instituuntur, quia testator, eum instituendo hæredem tacitè dat libertatem, cum sine ea hæres esse non possit, &c.

Excepe servum, de adulterio, cum Domina sua commissio, accusatum: talis enim ante sententiam non manumitti nec à Domina hæres institui potest. *text. hic. Manz. & S. h. a. b. hic.*

#### § SERVUS I.

Servus itaque hæres à Domino institui potest, institutus fit liber dominòque hæres necessarius, modò in eadem causa manserit, i.e. in domo testatoris usque ad mortem, & utrumque, i.e. libertatem, & hæreditatem ex testamento consequatur. Hinc, à vivo testatore manumissus, vel in alterius domini potestatem translatus, non amplius hæres erit necessarius; sed priori casu ex suo, posteriori non nisi ex domini sui novi arbitrio, & jussu hæreditatem adire poterit, non etiam nomine suo, quia dominus, eum alienando, à libertatis datione destituisse videtur. *text. hic.* Hæc de servo



*servo proprio.* Servus verò alienus, hæres institutus, jussu, & nomine Domini, in cuius potestate adeundæ hæredationis tempore erit; adibit, quòd si ipsemet tunc liber sit, nomine suo adire poterit.

Q. Quid, si servus institutus, non obstante jussu domini, adire hæreditatem nolit; R. Dominus non fiet hæres. l. 3. v. *posuit.* Cod. h. t. l. 6. §. *fin.* l. 7. ff. de *acquir. & amitt. hered.*

Dices: talis servus, nec velle, nec nol'e habet R. quoad ea, quæ ad Juris effectum sunt comparata *conc.* quoad ea, quæ in iac'to consistunt, uti est aditio, *nego antec. & conseq. Schamb. hic.*

Urget: Hærede instituto filiosam. & adire hæreditatem reculante, pater eam acceptare potest; ergo etiam dominus, invitò servò R. *neg. conseq.* quia est speciale in patre, utpote qui magis videtur, esse una, eademque persona cum filiosam. quàm Dominus cum servo. *Schamb. hic.*

#### §. SERVUS ETIAM. 2.

Indicat hoc locò *Imperator*, etiam servum hæreditarium posse hæredem institui, i. e. servum mortuò jam Dominò, & nondum ejus aditæ hæreditate. Videbatur quidem, hunc servum institui non posse, cum hæreditatem nequeat acquirere, utpote, qui Dominò caret, ex cuius persona Jus adeundi habeat.

Verum *dicendum*, quod hæreditas jaccens, & nondum adita, Domini defuncti personam sustineat, atque repræsentet. *Confirmatur* conclusio à paritate: potest hæres institui servus, cuius Dominus adhuc in utero est; ergo & hæreditarius, qui Dominum nondum habet, *text. hic.* Servus tamen hæreditarius ante aditam hæreditatem à suo Domino hæreditatem adire non potest, quia requiritur Jussus Domini, *Manz. hic.*

#### §. SERVUS AUTEM. 3.

Non tantum unius, sed etiam plurimum Dominorum, seu communis servus hæres institui potest hæreditate, neque acquireret suis Dominis, quorum jussu eam adit, pro portione dominica regulariter, quia dominium est acquisitionis causa.

Dixi *quorum jussu*, quia, unò alteròve non jubente, pars illa jubenti accrescit; cum nemo paganus partim testatus, partim intestatus decedere possit. l. 7. ff. de R. l.

Dices: si legatum servo communi relinquatur, unò Dominò repudiante, pars vacans alteri non accrescit, l. 20. ff. de *legat.* 2. ergo idem hic. R. *neg. conseq.* quia ibi aliquis non decedit partim testatus, partim intestatus.

#### §. ET UNUM. 4.

Potest quis *hæredes* instituere, quos voluerit; ratio nulla est alia, quàm libertas ultimæ voluntatis. Ex quo *inferunt*, quòd non referat sive *Civitatem*, sive *Populum*, sive *Collegium* (saltem *licitum*) aliquis instituat. *Manz. n. 2, & 3. hic.*

#### §. HÆREDITAS. 5.

Imperator in hoc §. plures hæredes à 3 testatore institui posse, dixit. Sed, quia aliquando inæqualiter instituuntur, ideo *partes* hæreditatis *hic declarat.* Dividitur autem hæreditas plerumque in XII. *partes* seu *uncias*. Istæ autem partes, seu *unciae*, simul sumptæ, vocantur *As*, *libra*, vel *pondo*. Nomina autem partium hæc sunt:

Duodecima, sive minima pars assis vocatur *Uncia*. *Sextans*, & quasi dicas, sexta pars assis, sunt 2. *unciae*. *Quadrans*, quarta pars assis, sunt 3. *unciae*.

S s 3

Triens

*Triens*, tertia pars assis, sunt 4. unciz. *Quincunx*, quasi contineat 5. partes. *Semis*, quasi semias h. e. dimidius as, sunt 6. unciz. *Septunx*, sunt 7. unciz. *Bes*, quasi bis triens, sunt 8. unciz. *Dodrans*, sunt 9. unciz. *Dextans*, 10. unciz. *Denux*, quasi dempta uncia, sunt 11. unciz.

Ratio porro, quare Jura dividant hæreditatem in XII. uncias, alia non est, quam, quia conveniens videbatur ille numerus pro commodâ divisione hæreditatis. Itaque, si testator velit plures hæredes instituere potest ita scribere: *Titium instituo in quincunx; Mævium in quadrante; Cajum in triente*: quo in casu *Titius* 5. partes; *Mævius* 3. *Cajus* 4. accipiet. proinde fac! testatorem habuisse in bonis 1200 fl. Hoc casu capiet *Titius* 500. *Mævius* 300. *Cajus* 400.

*Dices*: quid opus testatorem tam inutilis verbis uti? cur non statim dicit: *Titium in 500. Mævium in 300. &c. Hæredes instituo*? R. I. Id fieri propterea, quia ipso adhuc vivente, crescere & decrescere potest patrimonium ejus R. II. Multum interesse: nam, si testator dicat: *Titium instituo in quincunx, sive in 5. uncis, vel quinta parte hæreditatis*: Tunc dicitur testator ipsum instituisse in quota hæreditatis, & proinde capit *Titius* istam quotam titulo universalis. Si dicat: *Titium in 500 fl.* Tunc dicitur, ipsum instituere in certa re, & *Titius* capit eam titulo singulari, & potius nomine legati, quam hæreditatis, cujus hic est effectus: nam si quis rem certam titulo singulari ex testamento alterius percipit, consequitur illam merè lucrativè, & sine omni onere; qui verò quotam, is & pro parte, qua hæres est, onera quoque sustinet, & Creditoribus hæreditariis satisfacere tenetur. Alter ef-

fectus, & discrimen est, quoad Jus accrescendi: nam, si plures ex singulari re hæredes institui essent, & unus repudiaret suam partem, non accresceret in singulari re, sed in quota hæreditatis instituto, de quo vide §. I. *infra de legat. Manz. hic. n. 8. & seqq.*

#### AD V. NON AUTEM.

Quamquam bonum sit (commodioris divisionis gratiâ) legalem distributionem servare: & hæreditatem semper in XII. uncias, non plures, neque pauciores dividere: Non tamen ad hunc numerum restrictus est Testator; sed potest vel plures, vel pauciores uncias facere. Hinc, si dixerit: *Titius ex semisse mihi hæres esto*! totus as in semisse erit; quia nemo paganus potest pro parte testatus, & pro parte intestatus decedere, l. 7. ff. de R. J. nisi miles sit, quia in hoc sola voluntas spectatur: hinc in dato exemplo *Titius* semissem, hæredes ab intestato alterum semissem caperent. *Manz. n. 16. Schamb. hic.*

*Quid, si plures testator instituerit, & assem non impleverit? v. g. Mævium in semisse; Cajum in quadrante?* R. I. quod quadrans vacans in 9. uncias dividi debeat, & *Mævius* capiat iterum 6. *Cajus* verò 3. R. II. Possè totam hæreditatem in 9. duntaxat uncias dividi, quarum 6. *Mævius*, tres *Cajus* accipit. *Manz. n. 15.*

*Quid, si testator hæreditatem in plures, 4 quam in XII. uncias dividerit. v. g. Titium in 12. Cajum in 6. uncis instituerit?* R. quod tunc in dupondium. Si verò 24. uncias instituendo hæredes excesserint in tripondium processisse videtur. Istæ tamen partes omnes ad assem revocantur, & cuilibet pro rata decreta; quod bono arithmetico relinquitur computandum. *Schamb. hic.* Sed, ne te in hac remultum confundas, dic: quod quis tot partes

partes capiat, quot ipsi assignatæ sunt, & hæreditas in tot uncias dividatur in quot ipse testator eos divisit.

### §. SI PLURES 6.

Q. in hoc. §. quando sit necessaria distributio secundum partes assis? & R. tunc partium distributionem necessariam esse si plures instituantur hæredes, & eos nolit testator ex æqualibus partibus hæredes esse. Nam, si nullas partes assignaverit, satis indicat, ex æquis partibus eos velle hæredes esse.

### AD V. PARTIBUS.

Quid si testator hæredes quosdam instituit definite, h. e. partibus in quorundam personis expressis; quosdam verò indefinite, h. e. partibus non assignatis? R. cum distinctione: vel enim as est completus; vel nondum est completus. Si as nondum est completus, tunc indefinite institutus partem residuam capit: si plures indefinite instituti sint, omnes in portionem vacantem concurrunt, eamque æqualiter inter se dividunt; quia talis esse mens, & voluntas testatoris, creditur.

### AD V. SI VERO.

Si verò totus as jam completus sit, tunc videtur, dupondium fecisse, & institutus indefinite capiet dimidiam partem hæreditatis; quia dupondium ad assem revocatur; sive hæreditas dividitur in 24. uncias, ex quibus definite instituti 12. & indefinite 12. uncias.

### §. VIDEAMUS. 7.

Si nullus sine parte scriptus sit, & tamen pars aliqua vacet, illa singulis pro parte hæreditatis accrescit. Et contra, si plures hæredes scripti in portionibus sint, tacite singulis decrescet. Sed, quomodo fiet computatio? vide Manz. hic.

qui duos computandi modos tradit, quorum primus valde obscurus est. Ego proinde secundum teneo, & dico si nullus sine parte scriptus sit, & una tamen pars vacet, quod non opus sit Jure accrescendi; sed testator censetur, hæreditatem non in plures uncias divisisse. Quod si é contra assem assignando, partes excesserit, censetur in plures uncias divisisse. v. g. Fac! testator instituit primum in triente, secundum in quadrante. Hoc in casu censetur hæreditatem in septem partes divisisse, quarum primus quatuor, secundus tres accipit. Fac iterum, quod primum in semisse, secundum in triente, tertium in quincunce instituerit: hoc in casu censetur testator hæreditatem in 16. uncias divisisse.

### §. ET SI PLURES. 8.

Si plures uncia, quam 12. distributæ, & aliquis sine parte institutus sit, hic habebit id, quod dupondio deest. Idem expletò dupondio sentiendum de tripondio, Schneid. u. §. v. g. testator fecit 4. hæredes. I. instituit in 6. uncias. II. in 4. & III. in 4. deinde IV. indefinite instituit: quid capiet hic? R. id quod deest dupondio, videlicet 10. uncias.

### §. HÆRES ET PURE. 9.

In hoc. §. traditur qualiter hæredis Institutio fieri possit? videlicet pure, & sub conditione.

Ex die verò, vel certo tempore hæres institui non potest, veluti post biennium, quam moriatur, ne quis pro parte temporis decedat testatus, pro parte intestatus. Sic etiam in certum tempus hæres institui non potest, per allegatam rationem; & etiam hanc, quod is, qui semel hæres est, non potest desinere esse hæres, L. 88. ff. h. t.

Et ideo, si ex certō tempore, vel ad certum tempus hæres instituatur, tempus habetur pro non adjecto, & censetur purē institutus, & hoc fit in favorem ultimarum voluntatum. *text. hic. Manz. & Schneid.*

### §. IMPOSSIBILIS. IO.

- 5 Q. Quid Juris si conditio impossibilis sit opposita? R. si institutionibus, legatis, fidei-commissis, donationibus mortis causā ea sit adjecta, habetur pro non adjecta, *text. hic. & l. 20. ff. h. t.* Ratio est favor ultimæ voluntatis. Sectis, si contractibus adjecta sit, tunc enim contractum vitiat & annulat, quia, partesolari voluisse, præsumuntur; Testator autemolari non præsumitur. *Manz. hic.*

### §. SI PLURES. II.

Contigit subinde, ut plures conditiones uni hæredi adjiciantur; quo in casu, si conjunctim sint adscriptæ, velut, si Romam ierit, si imperator Turcam vicerit, omnium eventus expectandus est; conjuncta enim unius loco habentur. Si separatim scriptæ sint, veluti si Capitolium ascenderit, aut Petro IO. dederit, sufficit unam esse impletam. Ratio, quia in alternativis sufficit alterum adimpleri.

### §. FIN.

Illi etiam, quos testator nunquam vidit, hæredes institui possunt, quia possunt vel per amicitiam, vel famam, vel virtutem aliunde noti esse. Sic potest quis fratris filios peregrinantes, vel profectorem primum Salsburgensem hæredes instituire, magis enim voluntas testatoris quam cognitio attendenda. *Manz. hic.*

## TITULUS XV.

## DE VULGARI SUBSTITUTIONE.

### SUMMARIA.

- 1 Definitor substitutio in genere.
- 2 Testator potest plures gradus substitutionis facere.
- 3 In Codicillis non rectè fit substitutio.
- 4 Facta tamen in fidei commissum trahitur.
- 5 Substitutio alia est vulgaris, alia pupillaris.
- 6 Iterum alia expressa, alia tacita.
- 7 Denique alia definita alia indefinita.
- 8 Factum in casum voluntatis, facta etiam in casum impotentia non censetur.
- 9 Resolvuntur argumenta contraria.
- 10 Plures possunt in locum unius substitui.

- 11 & 12 Enumerantur varii casus substitutionis.
- 13 Recensentur effectus substitutionis vulgaris.
- 14 Exspirat substitutio variis modis.
- 15 An substitutio sit potior Jure accrescendi?

### CONNEXIO.

EXpositō primō institutionis gradus, videamus modō de secundo, tertio, & consequentibus; potest enim testator plures facere institutionis gradus, &c. qui sunt post primum gradum, vocantur substitutiones, *Affier - Erb - Setzungen.* Quam materiam à subtilitate, & difficultate



tate inter alias principem compellere possis; teste enim Manzio, tanta ejus est altitudo, ut compendiaria interpretatio-  
ne exhaustiri non possit, videturque simillima mari Anglico, in quo sunt reptilia sine numero. Ai! nolim? animum abjicias, trementi similis. Industria, labore, constantia opus est, agendum intense, & acriter. Difficultatum tanta non occurrit machina, quanta nequeat laborum ariete conquassari: & cui (quæso!) non incendatur animus ubi notum est, Baldum de sola hac substitutionum materia consulendo 1500. aureorum lucrulisse.

## AD PRINCIP.

1 Substitutio à variis variè describitur: placet, quod sit secundi hæredis institutio collata in casum, quo primus institutus hæres non erit, v. g. cum testator dicit: *Titium heredem instituo; si hæres non erit, Cajum ei substituo*. Hic Titius dicitur institutus, & Cajus substitutus: & hæc substitutio est secundaria & conditionalis institutio; quia tunc demum substitutus hæres erit, quando primò locò hæres institutus hæreditatem non adit, vel, quia non vult, vel, quia non potest. Schneid. n. 3.

2 Potest autem testator plures subordinationes, & gradus hæredum facere, v. g. dicendo: *Petrus mihi hæres esto! si Petrus hæres non erit, Paulus hæres esto! si Paulus non erit, Joannes esto! si nec Joannes erit, Antonius esto!* & ita deinceps, in quantum velit testator, substituere potest: adeò, ut in subsidium, & novissimò locò servum hæredem instituere possit, ne scilicet intestatus moriatur, v. g. dicendo: *si ex prædictis nemo hæres erit, servus hæres esto!* qui propter dominicam potestatem nolens volens hæres esse cogitur. Manz. n. 3.

Kees ad Instituta.

Porrò dicitur in *Textu princip. hic. in 3* Testamento suo, quia in codicillis substituere non licet. Ratio, ne confundatur Jus testamentorum, & codicillorum. Harp. n. 39. hic. Ratio alia: quia, ubi institutio non est permessa, ibi substitutio est prohibita, cum hæc nihil sit aliud, quam secunda institutio. Fusarius de substit. q. 1. atqui in codicillis institutio non est permessa. §. 2. Inst. de Codicill. ergò, Manz. n. 5.

Q. I. An substitutio directis verbis in codicillis facta cum directo Jure valere nequeat, saltem in vim fidei commissi sustineatur, ita, ut venientes ab intestato censendantur rogati, eam hæreditatem restituere heredi, in codicillis substituto, detracta quartâ Trebellianicâ? Quamvis negativa in rigore Juris facile defendi possit, quemadmodum eam disputandi (ut ait) potius, quam decidendi gratiâ, metur Harp. num. 41. hic, ex hac ratione, quod verba directa naturam suam retineant, nec obligentur nisi in casibus Jure expressis, l. 7. ff. b. r. ubi substitutio, directis verbis impuberi ultra tempus pubertatis facta, ad fidei commissum reducitur.

Affirmativa tamen communi harmoniâ DD. acciunt. Ita Zoes. ff. de Jure Codicill. n. 7. Hamm. ad Treutl. vol. 2. disp. 11. th. 6. lit. C. Schneid. n. 15. Mynsing. n. 8.

Ratio hujus est, ut sustineatur ultima voluntas, omni meliori modò, quo potest. Accedit præterea l. fin. §. 1. de Codicill. ubi Theodosius Imperator ait: non licere ad fidei commissi interpretationem, veluti ex codicillis, voluntatem reducere, si testator testamentum facere decrevit, ergò à contrario licita erit detractio, si codicillos testator facere voluit. Deinde inter DD. facile convenit, institutionem, in codicillis directè fac-

Tt

tam

tam, ad fideicommissum reducit, uti communiter tradunt ad §. 2. *Inst. de Codicill.* ergo etiam substitutio, in Codicillis directa facta, ad fideicommissum reduci debet.

5 *Dividitur substitutio I. in vulgarem, & pupillarem.* Vulgaris est, qua cuivis ætati, & personæ à quolibet de populo (idoneo tamen) substituitur in casum non aditæ hæreditatis, veluti: *Titius hæres esto; si hæres non erit, Cajus hæres esto.* *Schneid. n. 8.* Pupillaris est, qua parentes liberis substituunt impuberibus, in potestate constitutis, in casum acquisitionis hæreditatis, & mortis ante pupillarem ætatem. Huc pertinet substitutio *exemplaris, breviloqua, &c.* de quibus *tit. seq.*

6 *Vulgaris dividitur II. in expressam & tacitam.* Expressa est, quæ fit verbis expressis v. g. *Titius hæres esto, si hæres non erit, Cajus hæres esto!* Tacita est quæ sub pupillari expressa continetur, v. g. si testator ita scribat: *Filius meus impubes hæres esto! si hæres erit, & in impubertate decesserit, Cajus hæres esto!* Hæc est substitutio pupillaris expressa, continens in se tacitum vulgarem, ita ut, si filius in impubertate non moriatur, & ab hæreditate paterna se se abstinere, Cajus substitutus nihilominus ad hæreditatem paternam admittatur, *l. jani hoc jure 4. ff. h. t.* Sed, quomodo admittetur Cajus? R. ex substitutione vulgari tacita, quasi testator etiam in illum casum substituisse, quo hæres non erit, & intra pubertatem non decesserit. Et hoc ex interpretatione, vi, & potestate legis, præsumptis, quod testator, qui ita dilexit substitutum, ut non duntaxat filii bona, sed etiam bona ipsius testatoris propria, ad eundem venire voluerit, censetur etiam velle, ut filio, ante patrem mortuo aut se ab hæreditate abstinente,

substitutus in bona, ipsius testatoris propria succedat. Ita re ipsa docent *Zoes. ff. h. t. n. 17. Bachov. ad Treutl. vol. 2. disp. 11. th. 8. lit. F. Humm. ibid. q. 50. & var. resolut. lib. 2. tract. 6. q. 7. Fusar. de substit. quest. 24. per tot. Mantica de conje. ult. volunt. lib. 5. tit. 5. n. 1. Schneid. n. 9. Perez. & Schamb. Inst. hic. Menoch. lib. 4. præsumpt. 43. n. 1. & seq. ubi ait, pro regula quasi ab omnibus constitui pupillarem expressam in se continere vulgarem tacitam, quod, an sine altercatione procedat, videbimus *infra. tit. seq.**

III. *Substitutio dividitur in definitam, & indefinitam.* Hæc est, quæ specialem casum non complectitur, sed verbis generalibus concepta est, v. g. *Titius hæres esto! si hæres non erit, Cajus hæres esto!* Illa est, quæ specialem casum complectitur, puta, *noluntatis aut impotentia!* v. g. *Titius hæres esto! si hæres esse non velit, Cajus hæres esto!*

Q. II. *An substitutus in casum noluntatis censeatur vocatus in casum impotentia, vel econtra?* Casus eximie hujus controversiæ emergat iste. Testator ita scripsit: *Titius hæres esto! si Titius hæres esse non velit, Cajus hæres esto!* Nam fac, quod Titius libenter vellet esse hæres; sed, quia fortassis deportatus est, hæres esse non possit: quæstionis est, an substitutus Cajus nihilominus admittatur; *Affir. Zoes. ff. h. t. num. 7. Perez. ad Cod. de impub. & aliis substitut. n. 3. Schamb. Inst. hic. Gomez. var. resolut. tom. 1. cap. 3. n. 10. Arumæ. exercit. 8. th. 15. Menoch. lib. 4. præsumpt. 65. Fusar. q. 31.*

*Movetur I.* Quia videtur esse eadem ratio in casu omisso, quæ in casu expresso, nam substitutio vulgaris, *si hæres esse non velit*, ideo facta intelligitur, ut defunctus hæredem habeat, & non decedat intestatus in casu, quo primus institutus hæres non vult esse hæres; sed hæc

hæc ipsa ratio militat etiam in casu, quo hæres esse non potest; ergo.

*Movenitur II. per l. 3. Cod. de substit.*  
 Et *instit.* ubi institutus sub conditione; si à patre emancipatus fuerit, censetur etiam institutus in casu, quo pater deportatus fuerit: sicuti ergò institutio in unum casum facta, trahitur ad alium casum; ita quoque substitutio facta in unum casum, trahenda est ad alterum.

*Movenitur III. per l. 25. §. 1. ff. de lib. Et posthum.* ubi proponitur talis casus: testator scripsit illum hæredem, quem adhuc in utero matris esse credidit; postea apparuit, quod tempore conditi testamenti jam fuerit natus, & consequenter testator in sua opinione erraverit. Quærebatur, an nihilominus valeat institutio? & *responsum* fuit, quod sic; ergò dispositio, facta in unum casum, censetur etiam facta in alterum.

*Movenitur IV. per l. Gallus 29. §. 5. ff. de lib. Et posthum.* ubi nepos, vocatus in casum, quo filius mortuus fuerit, censetur etiam vocatus in casum quo filius deportatus est, aut per emancipationem exiit de patria potestate; ergò dispositio facta in unum casum, censetur etiam facta in alterum.

*Movenitur V. per l. Jam hoc Jure 4. ff. b. t. ubi sub hac conditione, si heres non erit, etiam hæc conditio comprehenditur, si heres erit, Et intra pubertatem decesserit, ergò dispositio, facta in unum casum, censetur etiam facta in alterum.*

Verum, his non obstantibus, semper mihi visa est verior negantium opinio, ita, ut substitutus in casum voluntatis non admittatur in casum impotentiae. *Hunn. ad Treutl. vol. 2. disp. 12. th. 6. q. 37. Fachina. lib. 4. cap. 61. Hærp. §. 1. Inst. b. t. n. 7. Bachov. ad Treutl. c. 10. lit. A. Mantica. de conj. & ult. volunt. lib. 5. tit. 1.*

*Probatur I. Hac ratione:* quia isti duo casus voluntatis, & impotentiae sunt planè diversi, & ita diversi, ut nihil quidquam invicem commune habeant; quod exinde patet, quia non velle, & non posse sunt diversa: siquidem possum non velle Romam ire; non tamen sequitur, quod non possim, atqui diversorum ea est natura, ut, unò positò, non censeatur alterum quoque positum, ergo, &c.

*Accedit,* quod actus agentis non operetur ultra ejus intentionem, l. 19. ff. si cert. per. sed actus agentis est circa casum voluntatis; ergò non operatur in casu impotentiae, præcipuè quoniam substitutio ex conjecturis inducenda non est, arg. l. 21. ff. qui testam. fac. poss. Taceo, quod quælibet conditio debeat in forma specifica adimpleri; uti ex sequent. patebit.

*Probatur II. per l. patet. 101. ff. de condit. Et demonst.* ubi proponitur talis casus: pater filiae prædium reliquit sub ista conditione, ut nuberet Philippo; & si huic non nuberet, Philippo tamen daretur prædium: contigit, ut filia libenter nuberet, sed nondum viripotens, decessit. Q. an Philippo debeatur prædium? deciditur, quod non. Jam sic arguo: si legavi in casum voluntatis, legatarius nihil capit in casu impotentiae; ergo etiam, si substitui in casum voluntatis, substitutus nihil capiet in casu impotentiae.

*Probatur III. per l. commodissime 10. ff. de lib. Et posth.* ubi dicitur, quod si testator ita scripserit: si, vivò me, nascatur, hæres esto, non censeatur filius posthumus institutus, & rumpat testamentum, si mortuò testatore nascatur; ex ratione, quia casus omissus habetur pro omissio, ergo idem in nostro casu dicendum.

*Probatur IV. per l. 21. ff. b. t. ubi substitutus in casum, quo intra decimum annum filius decesserit, non admittitur si post decimum annum decesserit: ex ratione, quoniam in hunc casum non est substitutus, & quia conditio debet impleri in forma specifica; ergo idem in nostro casu dicendum.*

*Probatur V. per l. 22. ff. solut. matrim. ubi, si extraneus dedit dotem, & eam sibi in casu divortii reddi, stipulatus est, dos reddi non debet, si matrimonium per mortem dissolutum sit: ex ratione non alia, quam, quia casus omissus habetur pro omisso, & conditio debet impleri in forma specifica; ergo idem in nostro casu dicendum.*

9 Argumenta contraria nullò labore enervantur.

Ad I. R. non spectari, an sit eadem ratio, sed, an sit voluntas testatoris; quæ talis esse præsumitur, ut in casu omisso nullum hæredem habeat.

Ad II. R. quòd in casu d. l. 3. idem planè effectus tam ex emancipatione, quam ex deportatione sequatur, scilicet iste, ne usus-fructus ad patrem perveniat. Hæc enim unica fuit testatricis intentio, quæ adimpletur, siue patria potestas soluta sit per emancipationem, siue per deportationem. Secus est in nostro casu, ubi fortè testator ob certas rationes in casu impotentiae substitutum noluit admitti.

Ad III. R. quòd testator ideo in cit. l. 25. §. 1. unum duntaxat casum expresse-rit, quia, se statim moriturum, credit, & natiuitatem ejus quem in utero esse credidit, ignoravit. Secus est in nostro casu, ubi pater benè novit, substitutionem vulgarem duos in se continere casus, unum proinde si expresse-rit, alterum videtur exclusisse.

Ad IV. R. Ideò casum mortis exten-

di ad casum deportationis, quia utriusque casus prorsus est eadem ratio: filius enim in utroque casu definit esse suus, & consequenter nepos agnoscitur suus hæres, atque adeo rumpit testamentum, quod unicum evitare pater voluisse præsumitur. Secus autem est in nostro casu, ubi fortè alia testatorem potuit movisse ratio, quòd in casum impotentiae non substituerit.

Ad V. R. quòd ideò in d. l. 4. substitutus in utrumque casum admittatur, quia substitutio vulgaris tacita continet in se pupillarem expressam. & pupillaris tacita vulgarem expressam.

*Accedit, quòd constitutio d. l. 4. singulariter à Divo Marco facta sit, & non tantum ideò locum habeat, quia voluntas testatoris, substituentis in unum casum, præsumitur etiam fuisse in alterum; sed, quia istam præsumptionem expresse Jura, & leges confirmant.*

#### §. ET PLURES. I.

Q. in hoc §. qualiter substitutio fieri possit? & R. diversimode fieri posse, & quidem I. quòd plures in unius locum substitui possint, v. g. *Titius hæres esto! si Titius hæres non erit, Lucius, Stichus, Cajus, Sempronius sunt!*

II. Potest testator in plurium hæredum locum substituere unum, v. g. hoc modò: *Lucius, Titius, Mavius, & Publius hæres esto; & si hæres hi non erunt, Sempronius hæres esto!*

III. Potest testator singulos substituere in locum singulorum, v. g. *Mavius, & Lucius hæres esto! si Mavius hæres non erit, Sejus in ipsius partem hæres esto! si verò Lucius non fuerit hæres, Cajus hæres ejus locò esto! Manz. hic.*

IV. Denique illi ipsi, qui hæres instituti sunt, possunt invicem substitui, v. g. *Titius, Sempronius, Flavius hæres mihi*



*mibi sunt, eosque invicem substituo. l. qui plures 23. & l. potest. 36. §. 1. ff. de vulg. & pupill. substit. aut sic: Publius, Caius Stichus, invicem substituti, heredes mibi sunt!* Ratio autem quare sit liceat substituere, alia dari non potest, quam ex *l. XII. Tab. desumpta: Sanciat quisque in rebus suis uti placitum est! & pro lege voluntas ejus esto! Manz. n. 5. hic.*

V. Autem forma substituendi vocatur substitutio reciproca, sive breviloqua. Ratio: quia vicissitudinaria est, & brevibus verbis coarctata; si enim quis vulgari modo vellet exprimere, deberet ita scribere: *Titius, Sempronius, Flacius heredes sunt! si Titius heres non erit, sint heredes Sempronius, & Flacius! si Flacius heres non erit, sint heredes Titius, & Sempronius. Manz. hic. & Harp. hic.*

#### §. E T S I E X 2.

II Pro intellectu nostri §. casus formari potest talis: *Primus ex 4. secundus ex 6. tertius ex duobus unciis heres, & sibi invicem substituti sunt!* Jam Q. cum hi ex disparibus partibus, non facta ullâ in substitutione partium mentione, unô ex his deficiente, quas partes in substitutione habituri sint? R. partes datæ in institutione, censentur repetitæ in substitutione, *text. hic. & l. si plures 24. ff. h. t.* Unde, si in casu proposito deficiat secundus, habebit primus 4. tertius verò duas uncias Jure substitutionis, non Jure accrescendi, *Schamb. hic.* Modum autem supputandi talem tradit *Manzius*, quod scilicet illæ uncia quas, qui deficit, habet, in tot uncias debeant dividi, quot habent reliqui duo; & sic quot uncias habent in institutione, tot habebunt ex substitutione, v. g. testator ita scripsit, primus sit heres ex una uncia. Secundus ex besse, i. e. 8. unciis. Tertius ex

quadrante, i. e. tribus unciis. Jam ponamus! quod tertius deficiat. Quid agendum? deficientis tres uncia dividit debent in 9. uncias (primus enim, & secundus habent 9. uncias) ex his 9. unciis capiet primus unam unciam, secundus verò 8. uncias, *Manz. & Harp. hic.*

Quid si secundus deficiat, tunc bes, sive 8. uncia dividi debent in 4. uncias (quia primus & tertius habent 4. uncias) & ex istis 4. unciis tertius habebit 3. uncias, & primus unam unciam. Quod si iste computandi modus non placeat, habes alium ex *Perez. Inst. hic.* Nimirum totam hæreditatem poteris in tot partes, sive uncias dividere, quot concurrentibus assignatæ sunt. Sic si in casu posito tertius deficiat, hæreditas poterit dividi in 9. uncias, 8. habebit secundus, & primus unam. Vel, si secundus deficiat, poterit hæreditas in 4. partes dividi, & tertius habebit 3. primus autem unam. Pulchrè *Manz. hic.*

#### §. S E D S I 3.

Hujus §. casus talis poterit figurari: <sup>12</sup> testator instituit primum, & secundum heredes: secundo substituit primum, & primo substituit tertium. Q. *Quid Juris, si primus decedat, & secundus vivat?* R. tunc secundus habebit dimidiam, & tertius dimidiam, *Schneid. hic. sed dissent. Schamb.* qui dicit, quod secundus totam hæreditatem acquirat, dimidiam quidem Jure institutionis, alteram dimidiam Jure accrescendi, adeoque (tenet *Schamb.*) Jus accrescendi esse potius, quam substitutionis; quod quam falsum sit, *infra* declarabimus. Si secundus ante aditam hæreditatem moriatur, primus autem adhuc vivat, quid tunc Juris? R. quod tunc primus capiat totam hæreditatem, & quidem semissem ex Jure institutionis alterum verò semissem ex Jure substitutionis; quia alias

testator decederet partim testatus, partim intestatus: & hoc dubium nullum recipit. *Schamb hic.*

Sed quid, si primus etiam moriatur, vel nolit vel non possit adire hæreditatem? Q. an tertius tantum partem primi, an etiam partem secundi adeoque utramque partem, capiat? Ratio dubitandi est, tertius non sit substitutus secundo, sed duntaxat primo.

R. Tamen, quod tertius utramque partem capiat. Ratio, quia substitutus substituto censetur etiam substitutus instituto, ita *text. hic. & in l. si Titius 27. ff. h. t. Manz. hic. n. 4. Schneid. hic.*

Non obstat *l. qui habebat 47. ff. h. t.* ubi testator filiam substituit filio: & filia postea uxorem suam; filia prior decedit, deinde filius. Q. utrum hujus filii hæreditas ad uxorem substitutam, an ad legitimos pertineat? R. pertinere ad legitimos, non ad substitutam; ergo decisio nostri §. non subsistit. Hoc (inquam) non obstat: nam substitutio pupillaris, de qua agitur in *is. l. qui habebat 47.* à vulgari (de qua nos agimus) distinguenda est. In vulgari substitutione tertius ad utramque partem admittitur, ne alias, testatorem pro altera parte testatum pro altera intestatum decedere contingat, contra, *l. 7. ff. de R. J.* Quod nique contingeret, si in una parte substitutus ex testamento, in altera legitimus ab intestato succederet. In pupillari verò substitutione duo quodammodo sunt testamenta, alterum patris, alterum filii. §. 2. *de pupill. subst.* quæ regulam nostram non offendunt. *Harp. hic. num. 3. Schamb. & Manz. n. 8.*

#### §. SI SERVUS. 4.

Parum utilitatis continet hic §. ut eum prolixè discutere tædiolum sit, præsertim, cum utiliora huic titulo adhuc im-

misceri possint. Proinde pro capiendò hujus §. intellectu, te ad *Manz. remitto.*

*Effectus* substitutionis vulgaris varii<sup>13</sup> sunt. I. Quod si hæres institutus hæres non erit, substitutus ad hæreditatem, sibi delatam, admittatur. Duobus autem contingit modis, ut, qui institutus est, hæres non sit, aut, quia non potuit esse hæres, aut, quia noluit esse hæres. *Harp. §. 1. h. t. n. 6.*

II. Quod testamentum assumat vires à substituto, & sic à secundo gradu institutionis; licet in primo gradu institutionis non habeat vires, *l. 3. §. fin. ff. de lib. & posthum.* Ratio: quia iste gradus substitutionis non causatur, nec pendet à primo gradu institutionis, & ejus validitate; imò causatur, & pendet ab ejus invaliditate, & defectu. *d. l. 3. fin. Gomez. var. resol. tom. 1. cap. 3. num. 14.*

III. Quod ad institutum perveniant tantum bona ipsius testatoris, quæ aliàs ad institutum pervenire debuerint; non autem substitutus succedit in bonis propriis ipsius qui substitutus est, *Schneid. pr. Inst. h. t. n. 12.*

IV. Quod vulgaris expressa contineat tacitam pupillarem, uti in *tit. seq.* audiemus. V. Vulgaris substitutio facit de suo, & necessario hærede voluntarium hæredem, veluti filius de Jure Civili est suus. & necessarius hæres sui patris, licet de Jure prætorio habeat beneficium abstinendi. Si tamen pater dederit filiofam. vulgarem substitutum, ita in testamento dicens: *Titium, filium meum, hæredem instituo, & si is non erit hæres, Cajum ei substituo*: Jam filius est voluntarius hæres, ita, ut non solum de Jure prætorio, sed etiam Civili Jus abstinendi habeat. Ita in terminis *Schneid. num. 12.*

*Exspirat* substitutio vulgaris I. aditam<sup>14</sup> hæreditate per institutum, *l. 5. Cod. de impub.*

*impub. subst.* Ratio est : quia substitutio vulgaris fit sub conditione , *si hæres non erit* ; sed , aditâ hæreditate , deficit conditio , sub qua alter institutus est , ac proinde & ipsa substitutio. *Ita Harp. §. fin. h. t. num. 17.* Ratio alia , quia adita hæreditate , bona ipsius defuncti hæreditaria efficiuntur propria hæreditas , sed proprium patrimonium hæredis , adeoque substitutus hæres esse non potest , quoniam uni testatori duo in solidum hæredes esse nequeunt. *Schneid. prin. Inst. h. t. n. 13.* & per aditionem adeo expirat substitutio vulgaris , ut , si quatuor , vel plures gradus substitutionis essent facti omnes exspirarent per aditionem primi hæredis instituti , *l. si mater. 33. §. fin. h. t. Schneid. loc. cit.*

II. Exspirat substitutio vulgaris , si hæres de Jure prætorio bonorum possessionem secundum tabulas nactus fuerit : ratio quia bonorum possessores vice hæredum habentur , *l. 2. ff. de bon. poss.* adeoque , sicuti per aditionem expirat substitutio , ita etiam per bonorum possessionem. *Harp. n. 35. hic. Zoes. ff. h. t. n. 12.*

III. Extinguitur substitutio vulgaris , si testator filiis suis , qui liberos non habent , substituatur , puta substitutione fidei commissaria , & postea liberos susceperit. Nec referat , an conditio hæc , *si sine liberis* , addita fuerit nec ne ? semper enim præsumptio militat , quod nemo alienam successionem suæ propriæ anteponeere velit , *l. 30. Cod. de fidei commiss. l. 6. Cod. de Instit. & subst. Harp. n. 37. hic. pro coronide* ,

15 Q. IV. *An substitutio sit potior Jure accrescendi ?* resolvit id assero : hoc unico inductus argumento , quia substitutus venit ex expressa voluntate , & dispositione defuncti , conjunctus verò ex tacita , & conjecturata mente defuncti ,

& legis provisione , nec non suppletione , unde meritò præfertur substitutus ; provisio enim hominis tollit provisionem legis , *Zoes. ff. h. t. n. 5. Gomez. var. resol. tom. 1. c. 3. n. 16.* Hæc conclusio adeo vera est , ut procedat , etiamsi substitutio vulgaris sit tacita , adeoque repudiante impubere , admittetur substitutus excluso cohærede impubere , qui veniret per Jus accrescendi. *Ita probatur per subtilitatem textus , l. fin. Cod. de hered. inst. ubi habetur , quod si testator instituit plocium hæredem in parte , & alium in alia parte , & dixit ista verba : Sempronius Plocii hæres esto !* Ita verba dubia interpretantur in vulgarem substitutionem ut repudiante Plocio , admittatur Sempronius , & præferatur alteri cohæredi. *Ita subtiliter Gomez. loc. cit.*

Dices : in Jure accrescendi inest tacita substitutio vulgaris , quia testator vult , ut , altero repudiante , penes unum maneat hæreditas , illique accrescat : & sic illud Jus accrescendi provenit ex tacita mente defuncti , & legis dispositione ; sed etiam substitutio vulgaris tacita venit ex tacita mente defuncti , & dispositione legis , *l. 4. ff. h. t. quomodo ergo is , qui venit ex substitutione vulgari tacita præferetur cohæredi , qui venit ex Jure accrescendi , cum in eo tacita , vulgaris insit , & sic uterque pari Jure gaudeat* , Possis hic cum *Accursio* in *l. 3. ff. de V. O.* haud inepte exclamare : *miranda Novitas ! subtilis subtilitas ! quis eam ruminabit ?* At ( nolim ) conclamas , facile enim enervaveris vim argumenti , si R. quod veniens ex substitutione tacita , ideo veniente ex Jure accrescendi præferatur , qui prior venit , ex fortiori & vehementiori voluntate defuncti. I. Quia , cum testator substitutum non tantum in bonis pupilli sed etiam suis propriis prætulerit , non est dubitandum , quin multo magis

magis eum in sua sola portione prætulerit. II. Quia cohæres non fuit expressè vocatus in illam partem, quam Jure accrescendi capit, econtrà substitutus in il-

lam partem, in quam ex tacita mente defuncti admittitur, fuit etiam expressè vocatus; ergò venit ex fortiori voluntate defuncti. Ita Gomez. loc. cit.

## T I T U L U S X V I.

## DE PUPILARI SUBSTITUTIONE.

## SUMMARIA.

- 1 Definitur substitutio pupillaris.
- 2 Quid intersit, an quis succedat ex substitutione vulgari, an pupillari?
- 3 Pupillaris dividitur, in expressam, & tacitam.
- 4 An divisio substitutionis vulgaris in expressam, & tacitam in Jure fundata sit?
- 5 Enumerantur requisita substitutionis pupillaris.
- 6 Quibus liberis rectè fiat?
- 7 Mater non potest liberis pupillariter substituere.
- 8 Secus de Jure Austriaco.
- 9 An nudâ sui hæredis existentia tabule pupillares confirmantur?
- 10 Recensentur effectus substitutionis pupillaris.
- 11 An pupillaris expressa excludat matrem à legitima?
- 12 Quid sit substitutio exemplaris.
- 13 Quomodo exspiret?
- 14 Datur consilium ad evitandas insidias, quæ pupillo parari possent à substituto.
- 15 Exhæredato an rectè substituat pupillariter?
- 16 Quot modis pupillariter substitui possit.
- 17 Quibus modis substitutio pupillaris exspiret?
- 18 Quid sit substitutio compendiosa?

**E**Xpositâ natura substitutionis vulgaris; sequitur de pupillari, quæ definitur, quod sit illa, quæ fit impuberibus à parentibus, in quorum potestate sunt in casum, quo moriuntur intra pubertatem. Formula hujus substitutionis proponitur in princip. hic. his verbis: Titius, filius meus, hæres esto! & si filius meus mihi hæres non erit, sive hæres erit, & antequam pubes factus sit, moriatur, tunc Sejus hæres esto! Ecce! in hac formula duplex est substitutio; prima vulgaris, quæ fit verbis negativis in casum delatæ, & non acquisitæ hæreditatis, & si filius meus mihi hæres non erit. Altera pupillaris, qua pater filio in casum acquisitæ hæreditatis verbis affirmativis substituit; si hæres erit & intra pubertatem decesserit. Perez. Inst. h. t. Et si substitutio vulgaris, ac pupillaris sic jungantur, dicunt, vocantque esse substitutionem vulgari-pupillarem. Ubi tamen attendi debet, ex qua substitutus admittatur? Nam, si ex vulgari admittitur, h. e. si filius non erit hæres, & pubertatem vivendo excesserit, tunc substitutus sit hæres patris; quod si verò ex pupillari admittatur, h. e. si filius hæres extiterit, & ante pubertatem decesserit, tunc substitutus sit hæres pupilli. Multum autem interest, an substitutus sit hæres patris, an filii; sive, an admittatur ex vulgari an pupillari? Nam si sit hæres filii, tunc non tantum in iis bonis succedit, quæ à Patre, sed etiam, quæ



quæ à matre , à cognatis , vel aliunde acquisivit, non aliter, ac si ipse filius eum hæredem instituisset; si verò patris sit hæres, tantum capit bona patris non etiam pupilli. *Princ. Inst. h. t. Manz. n. 16. & seqq. h. t.*

3 *Dividitur in expressam, & tacitam.*

Expressa est, quæ in expressis verbis generaliter continetur, v. g. *si filius meus mihi hæres non erit, vel erit, sed in impubertate decesserit, Titius hæres esto!*

Tacita est, quæ sub expressa vulgari continetur, v. g. si ita pater scribat: *Filius meus hæres esto! & si is hæres non erit, Cajus hæres esto!* Hæc est substitutio vulgaris expressa, quilibet enim sic substituere potest, sed si filius adierit hæreditatem, & intra ætatem pupillarem debitum universæ carnis persolverit, substitutus etiam hoc casu ex tacita pupillari admitteretur; non autem ex vulgari, quia hæc aditæ hæreditate extincta est; quò autem ex tacita pupillari admittatur, ratio est: quia leges præsumunt, ut qui filio impuberi substituit in casum vulgarem, si hæres non erit, intelligatur etiam substituisse tacite in casum, si hæres erit, & nondum pubes factus decesserit. *Perez. loc. cit. & ad Cod. de impub. & aliis substit. n. 9. & 10. Schneid. hic. n. 4.* Insuper hæc divisio aperte approbatur, l. *Jam hoc Jure. 4. ff. h. t.* his verbis: *Jam hoc Jure utimur, ut, cum pater impuberi filio in alterum casum substituisse, in utrumque casum substituisse intelligatur, sive filius hæres non extiterit, sive extiterit, & impubes decesserit.* Ecce in his verbis: *sive filius hæres non extiterit* (quæ verba continent substitutionem vulgarem) *sive extiterit, & impubes decesserit* (quæ est substitutio pupillaris) aperte ostenditur, quòd vulgaris expressa in se contineat tacitam pupillarem, adeoque substitutio pupillaris rectè & solidè in expressam, & tacitam

*Rees ad Instituta.*

dividitur. Ita re ipsa docent *Zoes. ff. h. t. n. 19. Fusar. de substitut. q. 28. Menoch. lib. 4. præsumpt. 36. n. 12. Mantica. de conject. ult. volunt. lib. 5. tit. 14. Menoch. consil. 303. n. 22. & communiter omnes.* Sed

4 *Q. I. An etiam illa divisio, quæ substitutio vulgaris dividitur in expressam, & tacitam, auctoritate Juris munita sit? sive an substitutio pupillaris expressa contineat tacitam vulgarem? sive (ut magis perspicuè loquar) an substitutio facta in secundum casum, v. g. Filius meus hæres esto! si hæres erit, & in impubertate decesserit, Cajus hæres esto! intelligatur etiam facta in primum casum, ita ut substitutus in eo casu admittatur, quo filius hæres non extitit, & ab hæreditate abstinuit.*

*Negativam sustinet Anton. Faber decad. 32. error. 10. ex ratione, quia d. l. J. in hoc Jure 4. tantum constituit hoc, quòd substitutio facta in primum casum, puta, si filius hæres non erit, censeatur etiam facta in secundum casum, puta, si hæres erit, & in impubertate decesserit; non verò facta in secundum casum, intelligatur facta in primum, prout id ipsum verba textus disertè demonstrant: sive filius hæres non extiterit, & impubes decesserit.* Porro quòd substitutio, facta in primum casum, intelligatur etiam facta in secundum, non verò rotà versâ. Rationem differentiar præmemoratus *Anton. Faber.* hanc assignat, quia, ut substitutio, facta in primum casum, trahatur etiam ad secundum, favor pupilli exigit, ut nimirum hæredem testamentarium habeat; secus est in casu, quo substitutio in secundum casum facta est, nam, si pupillus ab hæreditate se abstinuit, & intra pubertatem non decedit, non militat amplius ratio favoris, quia tunc non pupillo, sed patri, utpote ex vulgari

gari substitutione substitutus, succedit. Ita subtiliter *Anton. Faber loc. cit.*

Verum subtilis hæc subtilitas non movet, quin potius statuam, substitutionem, factam in secundum casum, intelligi etiam factam in primum, ideòque substitutionem vulgarem rectè dispesci in expressam, & tacitam. Hanc *Sententiam*, utpote *communio*rem suò dignantur patrociniò *Zoes. ff. loc. cit. Bachov. ad Treutl. vol. 2. disp. 1. th. 8. lit. F. Hum. ibid. q. 50. & var. resol. lib. 2. tract. 6. q. 7. Fusar. de substit. q. 24 Mantica de conjectur. ult. vol. lib. 5. tit. n. 2. Men. lib. 4. præsumpt. 43. n. 1.* ubi ait, pro regula quasi ab omnibus constitui, pupillarem expressam in se continere vulgarem tacitam.

*Probatur hæc Sententia per cit. l. jam 4. ff. b. t. his verbis: jam hoc Jure utimur, ut cum pater impuberi filio in alterum casum substituisset, in utrumque casum substituisse intelligatur.* En! textus apertè, indistinctè, & generaliter statuit, quòd substitutio, facta in unum casum, censeatur etiam facta in alterum, non proinde attendendum erit, in quem casum testator substituerit; nam si in primum, sive in secundum substitutio facta sit, censeatur facta in utrumque casum. Ratio hujus à *Menoch. loc. cit.* adducitur hæc: nam, qua ratione testator voluit hæreditatem suam pervenire ad substitutum mediata nempè mediante personam pupilli cum hæres hæredis sit testatoris hæres, *l. ult. Cod. de hered. instit.* eadem ratione videtur voluisse, quòd hæreditas sua perveniat ad substitutum immediate, si voluerit succedere ex tacita vulgari; quia immediate testatori succeditur. *prim. Inst. hic.*

Non obstat jactatus à *Fabro* pupilli favor; favorabilior enim foret causa hæredum, ab intestato venientium, ut hi

in bona defuncti admitterentur, quam ut pupillus hæredem testamentarium haberet: adeòque non favor pupilli efficit, ut substitutus in primum casum, intelligatur substitutus in secundum; sed, conjecturata defuncti voluntas, quæ talis esse præsumitur, ut substitutio, in unum casum facta censeatur facta in utrumque.

Nec ad rem facit, *l. 28. de reb. auctor. jud. possid.* ubi filio impuberi pupillariter substitutum est, & postea pupillus ab hæreditate abstinuit; diciturque in *textu*, nulla mentione facta, an substitutus ex vulgari admitti debeat, bona patris vendita esse, quæ vendi non potuissent sine consensu substituti, si daretur substitutio vulgaris tacita. Siquidem respondetur in *text. d. l. 28.* hoc quæri, quoniam pupillus ab hæreditate abstinuit, substitutus creditoribus paternis respondere teneatur? quæ *questio* à nostra toto cœlo diversa est. Deinde haud ineptè ex isto *textu* supponitur, quòd substitutus patris hæreditatem repudiaverit; alias sequeretur, nec hæredes ab intestato abstinente pupillo, admitti, nisi fortè in casu *d. l. 28.* etiam repudiârunt hæreditatem, utpote fortassis æri alieno obnoxiam. *Bachov. loc. cit.*

His ita *præmissis* modo ad explicationem nostri principii, propius juvabit accessisse. Ex quo *Colliges*, quòd liberis nostris dupliciter substituere possumus.

**I. Vulgariter**, verbis *negativis* in casum *delatæ*, & non *acquisitæ* hæreditatis, hòc modò: *Filius meus mihi hæres esto! & si filius meus mihi hæres non erit, Sejus hæres esto!* Hæc substitutio vulgaris vocatur, quia à quolibet cuilibet sic substitui potest.

**II.** Possumus iis substituere *pupillariter* verbis *affirmativis* in casum *acquisitæ* hæreditatis, dicendo: *Titius, filius meus, mihi*

*nihî heres esto ! & si heres erit , & prius moriatur , quam pubes factus sit , tunc Sejus heres esto !* Hæc in casu , licet alius existat hæres , hæreditatemque adierit ; si tamen ante pubertatem moriatur , substitutus ipsi filio hæres fit. *Manz. n. 1.* Ratio est in textu : nam moribus institutum est , ut cum ejus ætatis filii sint , in qua ipsi sibi testamentum facere non possunt , parentes ei faciant. Dicitur autem in textu moribus , ut intelligatur non ex *l. XII. Tabb.* hanc substitutionem descendere , sicuti vulgaris ; sed consuetudine receptam esse : nam de Jure *XII. Tabb.* nemini licet alienæ familiæ hæredem constituere. *Manz. n. 3.*

¶ Porro , ut substitutio pupillaris suis numeris absolvatur , requiritur I. ut eos liberos , quibus testator pupillariter vult substituere , habeat in potestate patria. *l. 2. ff. b. t. & text. hic.* Ratio : quia hæc substitutio est effectus patriæ potestatis *Manz. num. hic Wesenb. n. 1. Zoef. ff. b. t. n. 24. Harp. Inst. hic.*

Illud non refert. I. si liberi sint naturales & legitimi simul , sive legitimi tantum ; quia nimirum transeunt in potestatem adoptantis , veluti adoptati ab ascendente , & arrogati , *l. 10 §. 6. ff. b. t. cum & hi in potestate habeantur , l. 22. §. 1. ff. de adopt.* illa tamen substitutio , quam arrogator facit , non extenditur , nisi ad legitimam , quam ab arrogante habuit , *d. l. 10 §. 6.* Ratio : quia arrogans impuberem , cautionem præstare debuit , se arrogati proximioribus omnia ejus bona redditurum , si is impubes decesserit , ne aliis illis fiat injuria per arrogationem. Vide quæ diximus ad §. 4. *Inst. de adopt. Perez. ad Cod. de impub. & aliis subst. n. 12.*

Non refert. II. si nati sint sive posthumi , §. 4. *Inst. hic.* sive instituti , sive exhæredati , *d. §. 4.* sive in primo , sive in

secundo , veluti nepotes , sive ulteriori gradu , veluti pronepotes constituti , *d. l. 2. ff. b. t. Fusar. de substitut. q. 118. n. 4. Harp. n. 5.* Quod ultimum tamen tunc demum procedit , si nepotes , & pronepotes ita sint in potestate substituentis constituti , ut post mortem ejus non sint recasuri in potestatem alterius. *d. l. 2.* Ratio : quia is , in cujus recident potestatem , iis testamentum condere potest , quo Jure sine facto suo non privandus. Unde avus nepoti ex filio non rectè pupillariter substituit vivò adhuc patre. *Manz. n. 10. Clariss. D. D. Franz Inst. b. t. n. 6. Zoef. ff. b. t. n. 26.* Ex dictis.

Colliges I. Quod substitutio pupillaris liberis emancipatis , spuris , & naturalibus tantum fieri nequeat : quoniam in potestate patria non existunt. *l. 65. ff. b. t. Harp. n. 6. Perez. loc. cit. n. 13. Mynsing. n. 5. Schneid. n. 8.*

Colliges II. Quod mater liberis suis pupillariter substituere nequeat , *d. l. 2.* quoniam liberos in potestate non habeat , §. 10 *Inst. de Adopt. Perez. d. loc. n. 11. Berlic. decis. 3. Aramæ. exer. 8. th. 14. Harp. n. 7. Zoef. loc. cit. n. 19.*

Non obstat *l. si mater. 33. ff. b. t.* his verbis : *si mater ita testetur , ut filium impuberem , cum erit annorum 14. heredem instituat , eique pupillaribus tabulis , si sibi heres non erit , alium substituat , valet substitutio.* R. Enim in *d. l. 33.* matrem non substituisse filio impuberi pupillariter sed vulgariter , prout patet ex ipsis verbis negativis : *si sibi heres non erit ;* quæ verba substitutionem vulgarem important.

Urget in cit. text. *l. 33.* fit mentio tabularum pupillarium. ergo facta est substitutio pupillaris. R. Ideo fieri mentionem tabularum pupillarium , quia mater in suis testamenti tabulis pupillum sub conditione , *si pubes erit ,* hæredem instituit , adeoque istam denuntiationem non

trahunt à substitutione pupillari, sed à persona pupilli, cui vulgaris substitutio facta est, *Clariff. D. D. Franz. n. 2. Harp. n. 7. Zoef. loc. cit. Hunn. var. resol. lib. 2. tract. 6. quæst. 10.* Sanè, si mater sua bona ad substitutum pervenire velit in casu, quo filius intra pubertatem moritur, necesse habet, ut eum fidei-commisso gravet. *Zoef. n. 19. Berlich. dec. 2. n. 4. Struv. exerc. 33. n. 23.*

8 De Jure Austriaco, quòd mater filio suo pupillariter substituere possit, ex Schwartzenthaler testatur *Suttinger in M. S. lit. S. V. substitutio*, his verbis: *Von dem &c. i. e. Ut de regionis moribus loquamur, inquit Schwartzenthalerus, verum est Testamentorum millia plura in quibus Matres liberis suis pupillariter Substitutos constituerunt, fuisse cum ab inferioribus tum ab superioribus Judiciis, publicata, executioni mandata, atque valida mansisse &c.*

II. Sequitur ad substitutionem pupillarem, ut liberi, quibus substituitur, sint impuberes, *text. hic. & l. 2. ff. h. t. Zoef. n. 28.* Ratio: quia puberes sibi ipsis testamenta habere possunt. *Manz. n. 9.*

Sanè! si ex statuto, aut loci consuetudine ante 18. vel 22. annum quis testamentum condere nequeat, poterit à patre usque ad illius ætatis annos filio fieri substitutio pupillaris, ut nimirum ex dispositione patris hæredem habeat, qui sibi ipsi de hærede providere non potest. *Zoef. ff. h. t. n. 29. Vasq. de success. p. 2. §. 14. n. 55.* Sic, cum nos supra tit. 12. §. 1. dixerimus de Jure Austriaco neminem ante 18. annum testari posse, nullus dubito, quin ad illam usque ætatem substitutio pupillaris rectè fiat. *Walther de Jure consuet. Austr. l. 3. tit. 27. Solche &c. i. e. Substitutio pupillaris non potest extendi altera minorennem liberorum æta-*

*tem. Quapropter statim atque liberi annum decimum octavum adtulerunt, vel per matrimonium, juxta mores regionis ante illam ætatem emancipari fuere, talis substitutio extinguitur.*

III. Requiritur, ut pater, qui liberis suis testamentum facit, sibi simul testamentum faciat, *d. l. 2. §. 4.* & ut illud valeat, *§. 5. h. t.* Ratio: quia pupillaris substitutio est pars, & sequela paterni testamenti, adeoque principali non subsistente, non potest subsistere accessio. *l. 178. ff. de R. J. Manz. n. 13.* Unde si patris hæreditas non sit adita, evanescit pupillare testamentum *l. 2. §. 1. V. adeo ff. h. t.* Hæreditate enim non aditâ nihil ex his valet, quæ scripta sunt in testamento. *l. 9. ff. de test. ment. tut. l. 181. de R. J. Mynsing. n. 10. Perez. hic. Zoef. n. 33.* Fac proinde, quòd pater filio ex hæredato pupillariter substituerit, (prout id ipsum potest. *§. 4. h. t.*) & Titium hæredem instituerit; hoc casu, nisi Titius ex testamento paterno adeat hæreditatem, tabulæ pupillares expirant. *Brunnem. in d. l. 2. §. 1.*

Q. II. An nudâ sui hæredis existentia tabulæ pupillares confirmantur? Ut locus sit substitutioni pupillari, requiritur impuberem hæredem extitisse, & intra pupillarem ætatem decessisse; sit enim substitutio pupillaris his verbis: *Filius meus hæres esto; si filius meus hæres erit, & intra impubertatem decesserit, Sejus hæres esto.* En! ut casus istius substitutionis evenisse dicatur, requiritur, ut filius hæres extiterit, & intra impubertatem decesserit.

Verùm fac, filium se hæreditati non immiscuisse; & consequenter hæredem non extitisse, sed ex beneficio Prætoris se ab hæreditate abstinuisse, & impuberem decessisse. Consurgit quæstio, an cum filius sit ipso Jure hæres, & quidem sine



sine omni suo facto, §. 3. *Inst. de hered. que ab intest. defer.* nudâ sui hæredis existentia, sive per hoc, quod filius sit ipsô Jure hæres, ita confirmetur tabulæ pupillares, ut substitutus ex causa substitutionis hæreditatem adire possit. Quam intricata sit, & confusa hæc controversia, vix est, ut satis exprimam. Ego, ne rei difficultate legentis sensa premam, breviter me expedio, atque fortiter teneo, existentia sui hæredis tabulas pupillares ita confirmare, ut substitutus omnino admittendus sit. Ita tenent *Zoef. ff. h. t. n. 34. Perez. ad Cod. de impub. & aliis substit. n. 20. Hum. var. resol. lib. 2. tract. 6. quest. 16. Bachov. ad Treutl. vol. 2. disp. 12. th. 3. lit. C.*

Ratio sola, sed solida est; quia conditio substitutionis pupillaris est, *Si pupillus hæres*; at verò suus hæres etiam tunc hæres extitisse dicitur, si se abstinuit ab hæreditate. *l. cum quasi 30. ff. §. 10. ff. de fidei commiss. libert.* quia ipsô Jure hæres est, *d. §. hered. que ab intest. defer.* Et morte patris non tam illi acquiri rerum paternarum dominium, quam in eum continuari dicitur. *l. 11. ff. de lib. & posth.*

Accedit, *l. 28. ff. de reb. auth. jud. possid.* ubi quamvis pupillus hæreditate patris abstinuisse proponatur, nihilominus tamen eô intra pubertatem mortuô, substitutus admittitur, & creditoribus paternis tenetur; quod frustra sanè adderetur, si non in tali casu ex substitutione pupillari substitutus admitteretur. *Perez. loc. cit.*

10 Effectus substitutionis pupillaris est:

I. Quod substitutio pupillaris expressa contineat tacitam vulgarem; quemadmodum supra quæst. I. ad oculum demonstravimus. II. quod per pupillarem substitutionem pupillo in pubertate decedenti substitutus succedat in omnibus indistinctè bonis, sive à patre, sive à

matre, sive à cognatis, sive à quocunque alio acquisitis, *l. 10. §. 2. ff. b. t. l. 59. ff. de acquir. heredit. Perez. ad Cod. d. t. n. 25. Schneid. n. 5. III.* quod pupillaris excludat matrem, & omnes ascendentes per lineam maternam à successione filii *l. 8. §. 5. b. t. de inoff. testam. cap. 1. de testam. in 6. Perez. loc. cit. n. 28.*

Q. II. *An substitutio pupillaris expressa excludat matrem etiam à legitima?*

Resolutivè dixeris quod non, I. quia legitima debetur matri Jure naturali *cap. si pater de testam. in 6.* in verbis: *sive patris Jure natura debita*; ergo per substitutionem pupillarem ab illa nequit removeri, cum Jura naturalia sint immutabilia, §. 11. *Inst. de l. N. G. & C.*

Quia filius, si nomine propriô testamentum condât, non potest matrem à legitima excludere. *Nov. 115. cap. 4.* ergo neque pater matrem poterit à legitima excludere, si nomine filii testamentum faciat; qui enim aliquid non potest facere per se, multò minùs potest per alium. *l. 10. Cod. de hered. instit.*

III. Quia legitima gravamen non recipit. *l. 32. Cod. de inoff. testam.* atqui per substitutionem pupillarem gravaretur in legitima; ergo.

IV. Quia privilegium alicui concessum non debet extendi in præjudicium alterius. *l. 2. §. 10. & 16. ff. ne quid in loc. publ.* sed quod pater filio suo pupillariter possit substituere, est privilegium; ergo in præjudicium matris extendi non debet.

Verùm tenenda est sententia contraria, quam defendunt. *Zoef. ff. h. t. n. 49. Perez. Cod. impub. & aliis substit. n. 29. Gomez. var. resolut. tom. 1. c. 3. n. 7. Hum. ad Treutl. vol. 2. disp. 11. th. 9. lit. C. Fach. lib. 4. cap. 41. Carpz. p. 3. const. 8. def. 1. Menoch. lib. 4. præsumpt. 38. n. 29. Berlich. 3. conclus. 10. n. 20.*

Nititur I. hæc Sententia. *text. l. 8. & l. 5. ff. de inoff. testament. his verbis : Sed nec impuberis , filii mater inofficiosum testamentum dicit : quia pater ei hoc fecit.*

Nititur II. Formali *text. cap. si pater de testam. in 6. ubi in hæc verba rescribitur : Licet autem filius testamentò suò matrem portione Jure naturæ debitâ privare non possit, pater tamen in testamento, quod filio impuberi facit , potest. Nam testamentum hujusmodi pupillare paternum, vel paterni potius pars est testamenti.* Sanè quid hoc textu illustrius adornari possit , non video : manet proinde vera , & immota nota sententia , ex hac potissimum ratione ; quia nimirum in filio impubere cessat ratio impietatis , utpote qui non dicitur testatus esse, sed pater ejus nomine , qui non instituendo , & vocando uxorem , non dicitur contra officium pietatis fecisse.

Ad I. R. I. Falsum esse , quòd legitima parentibus de Jure naturæ debeatur *l. 7. ff. unde liberi.* ubi dicitur, quòd ratio miserationis parentes ad bona liberorum admittat. R. II. Legitimam dupliciter considerari posse I. Ut Jus petendi alimenta II. Ut determinatam legibus portionem. Licet ergò primò sensu spectata, de Jure naturæ dicatur debita , adeoque per substitutionem pupillarem tolli non possit, id tamen nobis nequaquam refragatur : enimverò ipsi nos tenemus , matrem alendam esse à substituto , si se ipsam alere nequeat ; sed illud negamus , quòd pater nomine filii impuberis testamentum faciens , teneatur matri relinquere legitimam , quatenus sapit determinatam legibus portionem. Ad II. R. quòd illud procedat , & locum habeat , si quis faciat actum pro alio , nomine ejus , vel ex mandato : atqui in nostro casu pater non testatur nomine aut ex mandato filii , sed nomine proprio & ex

potestate patria , vigore cujus de bonis filii ita potest testari , ac si de bonis propriis disponderet , in quibus quin matrem præterire possit , non est dubitandum.

Ad III. R. Matris legitimam gravari non posse à filio , secus à patre.

IV. Eodem modò posternitur ; nullum enim matri præjudicium fieri dicitur utpote quæ à patre , seu marito suo non est instituenda.

### §. QUARATIONE. I.

In hoc §. agitur de substitutione *exemplari* , quæ exinde talis nuncupatur , quia ad similitudinem & exemplum pupillaris est inducta ; etque illa , quæ permissum est parentibus , qui mente capti habent filios , vel nepotes , cujuscunque sexûs vel gradûs , etiam si puberes sint eis ad exemplum pupillaris substitutionis certas personas substituere , puta , liberos aut fratres , si quos habeant , & his deficientibus extraneos , *text. hic. & in l. 9. Cod. de inob. & aliis substit.*

Dicitur I. *parentibus* , puta , tam matri , quàm patri ; non enim consideratur hic patria potestas , sicut in pupillari substitutione , cum ex ratione humanitatis , & commiserationis inducta sit , quæ ratio non minùs obtinet in parente femina , quàm masculo. *Schneid. hic. Perez. loc. cit. n. 33.* Quòd si uterque parens testatur , & substitutione n exemplarem faciat , tunc dispositio matris in bonis maternis , patris in paternis valitura est , *Zoes. ff. de vulg. & pupill. substit. n. 71. Perez. d. n. 38. Bartol. & Jason. in l. 43. ff. h. t.*

Dico II. *certas personas.* Non enim licet testatori in liti tinctè omnes omnino personas substituere ; verùm si mente captus habeat liberos , hos substituat , necesse est , *d. l. 9. Cod. h. t. si liberos non habeat , tunc ejusdem fratres , aut*  
sorores

sorores debet exemplariter substituere. In horum defectu, quas velit, poterit personas substituere. *Manz. hic. n. 8. d. l. 9.*

#### AD V. SIN AUTEM.

- 13 Finitur exemplaris substitutio I. quando furor vel morbus cessat: tum, quia cessante causâ cessat effectus; tum, quia tunc mente captus sibi ipsi potest facere testamentum. *Manz. hic. n. 9.*

Finitur II. Si filii nascantur ei, cui sic substituitur exemplariter, *Schneid. hic. n. 15.*

III. Si substituentis testamentum corruat, & non adeatur hæreditas, *Zoef. ff. loc. cit. n. 80.*

#### §. I G I T U R. 2.

Quòd si pater filio suo pupillariter substituit. Q. *quot sint testamenta, an unum an duo sint?* R. sub distinctione: vel enim consideratur testamentum quoad causam efficientem, materiam & effectum: & hoc casu videntur esse duo testamenta; quia, quot sunt personæ, & hæreditates, tot esse videntur testamenta: sed sunt duæ personæ, & duæ hæreditates; ergò. Vel consideratur quoad formam & solennitates, & hoc casu patris, & filii testamentum pro uno habetur, l. 20. ff. b. t. sic VII. solummodo testes non XIV. requiruntur. *Manz. hic. n. 3* Item ita una tantum falcidia de utroque detrahatur. *Harp. n. 3. hic.* Item substitutus non potest unam hæreditatem ex testamento pupillari amplecti, & illam ex testamento paterno repudiare, sed utranque aut adire aut repudiare debet, l. 10. §. filio 2. ff. b. t. *Harp. loc. cit.*

#### §. S I N A U T E M. 3.

- 14 Quandoquidem testator formidolosus esse possit, ne à substituto spe hæreditatis obtinendæ, insidiæ struantur im-

puberi instituto: Ideò *Justinianus* hîc modum præscribit, & ostendit tutissimum consilium ad subterfugiendas insidias quas pupillo metuit. Consilium autem tale est: Pater vulgarem substitutionem palam & in primis testamenti partibus, ordinare & facere debet hîc modò: *Filius meus hæres esto; si hæres non erit, Caius hæres esto!* Hoc casu Titius vulgariter substitutus, pupillo insidias struere nequit. Non vivò patre: cum quid in testamento scriptum sit, ignoret. Non post mortem patris: cum filio hærede existente, vulgaris substitutio protinus expiret. Postea si velit pater filio Titium etiam pupillariter substituere: h. e. in illum casum, quo filius hæres erit, & intra pubertatem moriatur, ut tunc Titius sit hæres, tunc suppediat hoc consilium, ut testator hanc pupillarem substitutionem in inferiori, seu ultimâ principalis testamenti parte scribere, eamque partem propriò linò, propriâque cerâ consignare, & in priori testamenti parte cavere debeat, ne tabulæ inferiores, sive pupillares aperiantur priùs, quàm pupillus mortuus fuerit. Itaque substitutione pupillari factâ pupillus ab omnibus insidiis tutus erit. Etenim vivò patre, nec quispian ei insidiabitur, eò quòd testamentum omne adhuc clausum est: neque etiam mortuò patre, quòd tota substitutionis pupillaris ratio ignoretur. *Harp. hic.*

#### AD V. I L L U D P A L A M.

Ex his verbis subseqq. colliges, quòd si hoc consilium observatum non fuerit, testamentum nihilominus valere, quamvis hoc pupillo valde periculosum sit. Ratio: quia *Imperator* hîc nihil præscribit, nisi consilium; consilium autem neminem obligat, vel adstringit, sed cuique liberum est illud sequi, vel non. *Manz. n. 8.*

## §. NON SOLUM. 4.

Q. in hoc §. *An pater non solum heredibus institutis liberis impuberibus pupillariter substituere possit sed etiam exheredatis?* Ratio dubitandi I. quia, qui non est honoratus, non potest gravari; sed filius exheredatus non est honoratus, ergo. II. Substitutio semper institutionem præsupponit, at exheredatio institutioni è diametro opponitur. Ergo.

**15** Hoc non obstante *R. Imperator*, quod filio exheredato pater pupillariter rectè substituat, v. g. hōc modō: *Titius heres esto; Marcus filius meus exheres esto: quia vitæ meæ struxit insidias; si tamen ante annum XIV. decedat, Sempronius ei heres esto.* Ratio in promptu est; quia substitutio fit non propter institutionem, sed propter patriam potestatem: atqui non minùs est & mater in potestate, qui exheredatur, quàm qui instituitur. *Manz. & Harp. hic.*

Ad rationem dubitandi I. *R.* per substitutionem hanc, non gravari filium, sed potius honorari: honor enim est, ut is, qui per se heredem habere nequit, saltem per alium habeat, l. 24. ff. de acquir. vel amitt. hered. *Schamb. hic.* Ad II. Repono hoc casu substitutionem, exheredato filio factam, considerari respectu institutionis in prioribus tabulis facta. Sunt enim quasi duo testamenta, unum patris, alterum filii: fac ergo, quod in testamento patris extraneus heres institutus sit, filius verò exheredatus: hoc casu rectè filio in posterioribus tabulis substituitur; hæc enim substitutio ab institutione priorum tabularum sustinetur. *Harp. hic. n. 3.*

*Dices:* Talis exheredato filio substitutus nihil habebit, ergo. *R.* quod habiturus sit bonis, quæ aliunde vel à matre, vel à matrimonio, vel etiam à patre, aliò,

quàm hæredis titulo ad filium pervenerunt, *Schamb. & Manz. hic.*

## AD VERS. QUÆCUNQUE.

Quemadmodum in Institutionibus, ita & in substitutionibus posthumus pro jam nato habetur: ut & in omnibus, quæ ad ejus commodum pertinent, l. 7. l. penult. ff. de stat. hom. substitutionem autem utilem esse liberis, & ad eorum commodum introductam, in confesso est, l. 2. l. 43. ff. de vulg. & pupill. subst. Hinc etiam posthumus substitutum pupillariter habere poterit, si instituitur. *Text. hic. Harp. num. 19.*

## §. LIBERIS. 5.

Hunc §. ut intelligas, repete, quæ in princ. h. t. v. requiritur, scripsimus.

## §. VEL SINGULIS. 6.

Q. hic, quot liberis substituat? *R.* Si plures sint impuberes, vel singulis, vel qui eorum morietur ultimus, substitui potest. Si singulis substitutio sit facta, tum iteminem eorum vult intestatum decedere. Si novissimo, tum pater liberos sibi invicem ab intestato succedere, & ultimum testatum mori vult. *text. hic. & in l. 37. ff. de vulg. & pupill. subst. t.*

## §. SUBSTITUITUR. 7.

Q. hic, quot modis substitutio pupillaris fieri possit? Ad quod *R. Imperator* duobus modis, nominatim & generaliter. Nominatim ita: *Titius filius meus in hi heres esto: & si heres erit, & impubes decesserit, Cajus heres esto!* Generaliter verò sic: *Quisquis mihi heres erit, etiam filio meo in impubertate decedenti heres esto.* Sed quare traditur hic ista divisio? *R.* idè: quia substitutio generalis operatur quosdam effectus, quos nominatim facta substitutio non operatur.

*Sed*



Sed quinam sunt illi effectus? *Imperator* hic tres enumerat. I. Est, quod filio in impubertate mortuo illi tantum succedant, qui sunt scripti hæredes, non etiam horum hæredes: ratio, quia de his testator non sensit. *Harp. n. 2.*

Dices: Hæredis hæres est etiam testatoris hæres, *l. fin. Col. de hered. inst.* ergo hæres hæredis scripti etiam succedit pupillo. *R. ant.* procedere ubi non singularis erga primum hæredem affectio spectatur, qualis in præsentis casu esse censetur, *Harp. n. 3. Manz. num. 6.* ubi adhuc aliter respond.

II. Effectus est, quod ex institutis hæredibus illi tantum impuberi succedant, qui extiterunt. Quod, ut planius fiat, ponamus hoc exemplum Testator instituit *Petrum & Paulum*; deinde dixit: *Quisquis mihi hæres erit, etiam filio meo in impubertate decedenti hæres esto!* Paulus repudiat suam portionem, & testatori non vult hæres existere: postea autem mortuo impuberi succedere, forte ideo quia impuberis hæreditas non est ita onerosa, sicut patris. Quæstio est, *an possit impuberi succedere?*

Dixeris, posse; quia fuit hæres scriptus à patre. Sed contrarium statuit hic *Imperator*, & in *l. 8. §. 1. ff. de vulg. & subst.* cujus ratio esse videtur: quia beneficio testatoris, & ejus substitutione indignus est, qui propriam ejus hæreditatem, & illi fortè conjuncta onera negligit, & respuit.

Ad rationem dubitandi *R.* licet hæres scriptus, si tamen verè non fiat hæres, quod fit aditione hæreditatis, pro non scripto habetur. Aliud est, si quis nominatim pupillo substitutus sit, tunc enim eveniente casu substitutionis hæreditatem pupilli consequitur, etiamsi paternam repudiaverit, *l. 10. §. filio ff. d. t. Manz. n. 11.* Quod procedit, si pupillus se

hæreditati paternæ nequidum immiscuit: nam si pupillus semel se immiscuit, tunc quia utriusque hæreditas in unam coaluit, verius esse existimo, paternam repudiare non posse. *Schamb. hic. §. quæres.*

III. Effectus est, quod pro ea parte filio succedant, quæ hæredes scripti sunt, quia partes adjunctæ in institutione censentur repetitæ in substitutione. Aliud est, si quis nominatim substitutus fuisset; tunc enim virilem, æqualemque partem habiturus esset, non eam, quam in institutione habuit. *Harp. num. 5. Manz. num. 14.*

### §. M A S C U L O 8.

Q. hic, *Quomodo substitutio pupillaris finiatur?* *R.* I. Pubertate, i. e. apud masculos XIV. apud feminas XII. anno *l. 14 ff. b. t.* Ratio: quia tunc ipsimet sibi jam testamentum facere possunt. II. Emancipatione, quia, ut suprà dictum, & mortis, & testamenti conditi tempore requiritur, ut sub potestate is sit, cui hæc substitutio facta est. III. Corruente in totum testamento paterno; tum enim principali sublato, corrumpit & accessorium. IV. Si hæreditas ex testamento paterno non adeatur, & institutus sit extraneus. V. Lapsò tempore, si tempus substitutioni restrinxerit ad pauciores annos, *l. 23. ff. eod.* VI. Si substitutus moriatur ante impuberem; quia, cum nihil adhuc Juris habeat, nihil transmittere potest, *l. 42. ff. de A. R. D. Schamb. hic. Schneid. n. 19. & seqq.*

### §. E X T R A N E O F I N.

Licet filio impuberi, quem in potestate quis habet, ita substituere possit, ut, si hæres extiterit, & intra pubertatem decesserit, alius sit hæres; attamen extraneo non licet pupillariter substituere. Neque filio puberi hæredi instituto di-

rectis verbis pupillariter substituere, dicendo v. g. *Filius meus hæres esto! si hæres erit, & intra XX. annum decesserit, Caius hæres esto!* Ratio quoad extraneum: quia hæc substitutio pendet ex voluntate patris: ratio quoad puberem, quia pubes ipsi sibi testamentum facere potest, *Manz. num. 3.* Dixi *directis verbis*: nam per fidei commissum id fieri potest. *l. 41. §. 3. ff. eod.* quò casu detracta Trebelliana reliqua testatoris tantum, non etiam alia bona ad fidei commissarium pervenient. *d. §. 3.*

Præter recensitos substituendi modos est adhuc una substitutio, quæ dicitur compendiosa, non tam formâ substantiali, quam accidentali differens ab aliis, continens sub verborum compendio diversas substitutionum species, plura tempora, pluresque ætates, v. g. *Filius meus hæres esto! & quandocunque decesserit, Mævius hæres esto*, ubi comprehendit vulgaris, si filius hæreditati non immiscuerit; & pupillaris, si hæres erit, & impubes decesserit.

---

T I T U L U S - XVII.

QUIBUS MODIS TESTAMENTA INFIRMANTUR.

S U M M A R I A.

- 1 Quando dicatur *rumpi testamentum?*
- 2 Agnatio alia naturalis, alia civilis.
- 3 Testamentum prius rumpitur per posterius.
- 4 Si posterius sit perfectum.
- 5 Irritum fieri quando testamentum dicitur?
- 6 Item quando injustum?
- 7 An solâ nudâ voluntate testamentum infirmatur?
- 8 An Principem, litis causâ liceat heredem instituire?

C O N N E X I O.

**H**ucusque dispeximus, qualiter testamentum fiat; cùm vero nihil sub soletam stabile sit, aut firmum, quin quandoque rumpatur, aut dissolvatur, ideo Imperator nunc exponit, quibus modis testamenta ritè facta rursus infirmantur.

§. R U M P I T U R. I.

Infirmitur autem testamentum duobus modis: aut enim rumpitur, aut irritum constituitur, *princ. hic.* Rumpi dicitur testamentum tunc, cùm in eodem statu manente testatore testamentum vitatur. Quod fit aut agnitione sui hæredis, aut posteriori testamento.

Agnatio autem duplex est; alia *Naturalis*, alia *Civilis*. Naturalis est, quando post mortem testatoris, vel post absolutum & perfectum testamentum aliquis naturaliter nascitur. *Manz. hic. n. 2.* & quin tali agnatione testamentum rumpatur, dubium nullum recipit, *L. 1. l. 3. l. 8. ff. h. t. Schneid. hic. num. 10.* Quòd si tamen posthumus *ex vita testatoris* decedat, non rumpitur testamentum, *l. 4. ff. h. t. num. Schneid. hic. num. 10.* Secus est, si posthumus post mortem testatoris nascatur, & illicò decedat: nam in hoc casu in illo momento, quò natus est, patri hæres existit, & si moriatur, jus quæsitum statim ad hæredes ab intestato transmittit.

Chlmg.

*Cblig. q. 4. h. t. §. Posthumi. l. de exhered. lib.*

Agnatio civilis illa dicitur, quando testator post factum testamentum acquisivit filium legitimum *h. e.* sibi arrogavit aliquem, aut adoptavit unum ex suis descendantibus, qui in potestatem & familiam adoptantis transit. Nam adoptatus ab extraneo, licet ei *i. e.* adoptanti ab intestato succedat, non tamen tenetur adoptans eum hæredem instituere, *l. 10. §. sed ne 2. Cod. de adopt.* Ratio est: quia *necessitatem operatur suitas*; atqui extraneus adoptatus non est suus: quia non transit in potestatem adoptantis, *§. 2. Inst. de adopt. ergo. Manz. §. 5. n. n. 21. de exhered.*

Jam in hoc *§.* disponitur, quod agnatione civili haud aliter, quam agnatione sui hæredis testamentum rumpatur. Ratio: quia suus hæres, qui se præteritum in testamento reperit, illud agnatione rumpit: atqui is, qui arrogatur, vel ab ascendente adoptatur, suus hæres fit; ergo &c.

#### §. POSTERIORE 2.

- 3 II. Prius testamentum rumpitur per posterius jure perfectum, & omnibus solemnitatibus instructum. Ratio quia posteriora derogant prioribus. *L. fin. ff. de Const. princip. & nemo paganus cum duobus testamentis decedere potest, l. 7. ff. de R. J.* Debet autem posterius testamentum ritè, & legitimè esse confectum: nam unum quodque eò modò dissolvitur, quo colligatum est. *l. 35. de R. J.* Et non præstat impedimentum, quod de Jure non sortitur effectum, *c. non præstat. §. 2. de R. l. in 6.* sed testamentum imperfectum de jure non sortitur effectum, quia nullum est. *§. 7. h. t. ergo.*

Limitatur I. Si id faciat miles. *l. 36. §. fin. ff. de testam. milit.* hujus enim

prius testamentum per posterius non rumpitur: ratio exceptionis est, quia militi plura testamenta facere, & hæredem ex parte instituere licet, quod pagano non permillum. *Harp. n. 4.*

Limitatur II. Ut per testamentum posterius imperfectum, prius perfectum rumpatur, si in priori extranei hæredes instituti sint, & in posteriori. *Auth. hoc inter. Cod. de testam.* Ratio: quia testamentum parentum inter liberos in suo genere perfectum est, *Schamb. hic.*

#### AD V. NEC INTEREST.

Quid si ex secundo testamento nullus hæres extiterit, rumpe turne tamè prius? *R. Imperator* prius rumpi, siue extiterit aliquis hæres ex secundo, siue non extiterit; Ratio est in textu, quia hoc solum spectatur, an aliquo casu existere potuerit: deinde *adiutio hereditatis non pertinet ad perfectionem testamenti*, sed tantum ad *eius exitum & effectum.* *Manz. hic. n. 6.* Itaque si institutus in secundo testamento aut noluerit hæres esse, aut vivo testatore, aut post mortem ejus, antequam hæreditatem adierit, decesserit aut conditio illa, sub qua hæres institutus est, non extiterit, prius testator morietur intestatus. *Manz. & Harp. hic.*

#### §. SED ET SI 3.

At quid Juris, si in secundo testamento aliquis hæredem instituat duntaxat in certa aliqua re, puta, *in domo, in fundo Tusculano, &c.* Dixeris nih lominus rumpi testamentum, *text. hic & in l. 20. ff. ad SCt. Trebell.* idem enim est, ac si ex tota hæreditate scriptus esset *l. 10. ff. de hered. Inst.* cum nemo paganus partim testatus, partim intestatus decedere possit. Quod adeò verum, ut licet in posteriori testamento adiecta sit clausula: *Volo*  
X x 2 *tamen,*

tamen , ut prius testamentum valeat: prius tamē per posterius necessario adhuc rumpitur , l. 12. §. *fin ff. de injust. rupt. & irrit. fact. testam.*

Verū ne talis voluntas & clausula omni effectū destituatur , rescripserunt divi Severus & Antonius in d. l. 29. ff. *ad Sct. Trebell.* ut valeat per modum fideicommi. ac si testator dixisset : *Rogo autem te , ut hereditatem restituas heredi scripto in testamento primo.* Unde hæres iste cogitur hereditatem restituere hæredi in primo testamento scripto , debetque contentus esse rebus sibi assignatis , aut si ex quartam hereditatis non efficiant , deducit quartam Trebellianicam , quæ ex F. C. detrahi solet , uti infra videb. *Manz. & Schamb. hic.* Hætenus de testamento rupto ; seq. de irritō.

#### §. ALIO AUTEM. 4.

5 Irritum fieri dicitur testamentum per capitis diminutionem , quando scilicet testator per conditum testamentum patitur aliquam capitis diminutionem ; non solum maximam , ut quando civitatem , & libertatem simul amittit , quia condemnatus est per sententiam ad mortem naturalem : sed etiam mediam , quando retentā libertate civitatem amittit , quia condemnatur ad mortem civilem , & deportatur. Ratio , quia res devenit ad eum statum , à quo non potest incipere , i. e. testator in eum statum deductus est , quo non potest facere testamentum. Nam servus , & is , qui civis non est , testari nequeunt , cum juris civilis communem onem non habeant , *Schneid. hic. n. 7. Manz. ibid.* Minimam capitis diminutionem quod attinet , circa eam tres casus sunt considerandi ; videl. emancipationis , adoptionis , & arrogationis.

Emancipatione testamentum de bonis castrensibus factum non fit irritum , l.

6. §. ult. ff. *de injust. rupt. & irrit. fact. testam.* Ratio quia etiam ante emancipationem respectu horum bonorum pro patrefam. reputabatur , l. 2 ff. *ad Sct. Maced.* Adoptione sive ab extraneo , sive ab ascendente facta testamentum non fit irritum , quia semper de peculio castrensi liberam habet testandi facultatem. *Schneid. hic. n. 8.*

Arrogatione ergo solā testamentum fit irritum: Ratio dilucida est : quia dando se in arrogationem testator , non o sui juris , cum capite fortunas quoque suas in familiam , & domum alienam transfert ; sicque res eum in casum devenit , à quo incipere non potest. *Harp. n. 8.*

*Obj.* si aliquis adoptatus sit ab ascendente testamentum de castrensibus factum non rumpitur , licet familiam mutaverit ; ergo etiam arrogati testamentum de castrensibus confectum non rumpitur , licet mutet familiam *R. neg. conseq.* quia arrogatus non dicitur habere castrense peculium , sed quidquid habet , habet Jure proprio & patrociniō proprio , quod in arrogantem transfert.

*Dices :* Ob furorem , surditatem , & prodigalitatem supervenientem testamenta facta non irritantur , quamvis in eum casum reducantur , à quo non potuerunt inchoare ; ergo neque propter supervenientem filiationem. *R.* in priori casu tantum intervenire impedimentum facti , in posteriori verò Juris. Ea autem , quæ sunt facti , non tollunt ea , quæ sunt Juris. *Manz. n. 14.*

#### §. HOC AUTEM. 5.

Pro intellectu hujus §. notandum ; 6 quomodo testamentum *injustum , ruptum , & irritum* invicem distinguantur *Injustum* dicitur testamentum , quod ab initio non valet , quia non jure factum est propter omittas solennitates requiritas. *Ruptum* verò



verò propriè dicitur, quod ab initio quidem valet, sed ex postfacto infirmatur manente tamen testatore in eodem statu. Irritum verò propriè dicitur, quod etiam ab initio valet, sed ejus vi, ac jus infirmatur propter mutatum testatoris statum, & sic per casum in persona testatoris contingentem ad nihilum reducit. Dixi *proprie*, quia testamentum injustum etiam subinde irritum vocatur, &c. *Schneid. §. 4. n. 4.*

§. NON TAMEN. 6.

Dictum est capitis diminutione testamentum rumpi; sed quid, si capite diminutus recuperat priinum statum, reconvalescetne testamentum? Sanè de rigore juris civitis non reconvalescit, quia, quod semel evanuit, non amplius reconvalescit, & à *privatione ad habitum non datur regressus*, *Manz. n. 3.* De jure tamen prætorio; non per omnia inutilia sunt ea testamenta, quæ ab initio jure facta per capitis diminutionem sunt irrita facta. *§. 6. h. t.* Nam si debitis solennitatibus constent, & septem signaculis signata sint, & testator tempore mortis iterum civis, sui que Juris fuerit, tunc potest scriptus hæres hæreditatem consequi, *per bonorum possessionem secundum tabulas*. Ratio hujus est in mera æquitate posita, quam prætor semper ob oculos habet. Ratio alia assignatur à *Manz. hic. n. 4.* ubi ait: quod Prætor duo tempora inquirat, nempe conditi testamenti, & mortis, medium autem non curet, juxta regulam: *Habitis extremis de me lio non curatur. l. 6. §. 2. ff. de hered. inst.* Ex his ergò deduces, quòd, si civis Romanus testamentum fecerit, postea autem peregrinus factus sit, ante mortem verò civitatem iterum recuperaverit, & civis factus fuerit. Vel si qui *testamento facto arrogandum se præbuit*, & postea sui

juris iterum factus fuerit, quòd, inquam, hoc casu testamentum reconvalescat, & quidem de Jure prætorio. Excipiuntur tamen duo casus, quibus etiam de Jure civili reconvalescit testamentum.

I. Est, quando aliquis captus est ab hostibus, & postea revertatur, tunc enim propter fictionem juris postliminii, quam jus civile introduxit, reconvalescit testamentum *ipso jure* absque nova testatoris voluntate. Quòd si autem apud hostes decedat, per fictionem legis Cornelie ejus testamentum conservatur, quæ fingit eò momento decessisse testatorem, quò captus est. *l. 5. §. pen. ff. de injust. rupt. & irrit. fact. testam.*

II. Casus est, quando maximam vel mediam capitis diminutionem passus, *plebè* ex indulgentia Principis restituitur, tunc reconvalescit testamentum *ipso Jure*. Ratio quia talis restitutio juris civilis est, & princeps non utitur jure prætorio. *d. l. 6. pen. Schneid. hic. n. 3. & 4.* Multum autem refert, an jure civili, an prætorio testamentum reconvalescat. Quia si jure civili reconvalescit hæres intra XXX. annos hæreditatem adire potest. *l. 8. Cod. de jure delib.* Si verò jure prætorio à bonorum possessio infra annum agnoscenda est à liberis, ab agnatis verò & cognatis infra 100. dies. *l. 1. §. largius. ff. de success. edict.*

Q. III. An nova voluntatis declaratio requiratur ad hoc, ut reconvalescat testamentum? & communiter sub distinctione. Vel enim mutatio status erat voluntaria, veluti quando conditò testamentò se arrogandum dedit: vel necessaria, veluti quando passus est maximam vel mediam capitis diminutionem. Si prius, novam declarationem, vel in codicillis, vel aliis litteris coram V. testibus factam requirunt. Si posterius, ipso jure reconvalescit testamentum sine nova voluntate. Ratio

*differentia* quia quando invitus quis mutat statum, non videtur sic mutare voluntatem, sicuti si volens statum mutat. *Perez. Inst. hic. n. 4. hic.*

Hactenus dicta procedunt de testamento scripto, non verò nuncupativo, in quo hæc confirmatio locum non habet, cum careat solennitate Juris prætorii. *Perez. Inst. hic. Schneid. n. 4. hic.*

### §. E X E O. 7.

- 7 Inquit hic *Imperator*, testamentum jure factum, neque nudâ testatoris voluntate, ut si dicat: *nolo testamentum meum valere*, neque imperfecto posteriori testamento infirmari, *text. hic. §. l. 2. ff. de injust. rupt. §. irrit. fact. testam.* Ratio quia nudâ & solâ voluntate non conficitur testamentum; ergo nec tolli poterit nuda voluntate: naturale enim est, unumquodque eò modò dissolvi, quò colligatum est, *l. 35. ff. de R. J.* Ratio autem, cur testamentum prius jure factum, non infirmetur posteriore, est quia non præstat impedimentum, quod de jure non sortitur effectum, *c. non præstat. de R. J. in 6. & nihil actum videtur, dum aliquid ex his, quæ ad actûs substantiam pertinent, agendum superest, l. 11. ff. Cod. de his, quib. ut indig. Manz. num. 5. hic.*

Quòd si voluntati etiam simplici accedat aliquod factum, puta, quia testator *delet, incidit, cancellat vel sigilla revellit*, tunc testamentum infirmatur, cum in his naturaliter testamentum scriptum constat, *l. 30. Cod. de testum.* Idem est, si testator coram tribus testibus dixerit,

se nolle prius testamentum valere, antequam decennium lapsum sit, tunc nudâ hac contrariâ voluntate infirmatur testamentum. *l. 27. Cod. de testam. Manz. n. 9. §. S. hamb. hic.*

### §. EADEM RATIONE FIN.

Pro facilitando hujus §. intellectu, observa I. inter homines frequenter fieri, ut iis, qui sibi ab altero in re aliqua litem timet, aut controversiam, eam data operâ distrahat in potentiolem, ut nimirum causam adversarii duriorè redderet; quòd ipsum cùm Prætori, qui semper æquitatem habet ob oculos, iniquum videretur, idèd edicto proposito vetuit, ne quis judiciis mutandi causâ alienationem faceret, *l. 3. §. tot. tit. ff. de alien. jud. mutand. causâ.*

Observe II. Quòd hoc edicto Prætoris non obstante potuerit aliquis in re litigiosa hæredem instituere, vel eam alteri legare, *l. 8. §. 3. ff. eod.* Sed jam

*Q. An liceat principem litis causâ hæres. 8*  
*dem instituere?* R. quòd non. Imperator enim Pertinax constituit, se non admissurum hæreditatem ejus qui litis causâ principem relinquit hæredem. *text. hic.* Hæc enim constitutio non videtur esse extra perfidiam.

Sed quid juris si principi in testamento minùs solenni, imperfecto, hæreditas, legatum, aut fideicommissum relictum sit? R. neque deberi hæreditatem, neque legatum, neque fidei commissum. *text. hic. in. l. 23 ff. de legat. 3. junctâ l. 3. Cod. de testam.* tamen si enim princeps solutus sit, legibus tamen dicit se vivere.

## TITULUS XVIII.

## DE INOFFICIOSO TESTAMENTO.

## SUMMARIA.

- 1 Quid sit querela inofficiosa?
- 2 Quibus competat?
- 3 Fratribus non competit, nisi turpis persona instituta sit.
- 4 Arbitratur an, & quando querela competat?
- 5 Item quando naturalibus tantum?
- 6 Qui legatum ex testamento accipit, querelam perdit.
- 7 Limitatur in tutore.
- 8 Secus in advocato.
- 9 Legitima hodie titulo institutionis relinquenda.
- 10 Nisi sit legitima fratrum.
- 11 Desinitur legitima.
- 12 Quanta sit legitima?
- 13 Quibus debeat?
- 14 Naturalibus tantum liberis à patre non debetur.
- 15 Secus à matre.
- 16 An iure natura debeat?
- 17 An statuto, aut consuetudine tolli possit.
- 18 Legitima est quota bonorum.
- 19 Diluantur objectiones.
- 20 Legitima an gravari possit?
- 21 An in ea fieri possit substitutio?
- 22 Quo titulo remitti debeat?
- 23 Ex quibus bonis debeat?
- 24 An in pecunia numerata recte assignetur?
- 25 Legitima non debetur, nisi post mortem.
- 26 Quae imputantur in legitimam?

## TRANSITIO.

**V**iso, qualiter ipso iure rite facta infirmantur, sequitur qualiter per sententiam & officium iudicis mediante querela inofficiosa rescindantur.

## AD PRINCIPIUM.

Quando quidem frequenter usu venit, ut parentes novercalibus delinimentis, & instigationibus permoti liberos suos injuste exheredent, aut praeferant, quod verbum de praeteritione materna intelligi quae tantum facit, quantum exhereditatio patris, ut dictum §. fin. de exhered. liberorum. ideo apprimè necessarium fuit, remedio aliquo juris, liberos injuria affectos munire, l. 2. & 4. ff. de inoff. testam. Quod remedium vocatur querela inofficiosa testamenti, quasi contra officium paternum facti, & communiter describitur defuncti accusator, quasi à non sanae mentis testatore contra officium pietatis factum: & petitur, ut testamento rescisso hæreditas scripto hæredi afferatur, & adjudicetur actori tanquam proximohæredi ab intestato. Perez. Inst. h. c.

## §. NON AUTEM I.

Qu. in hoc §. quibus querela inofficiosa testamenti competat? & R. eam competere non tantum liberis contra testamentum parentum, verum etiam vice versa parentibus contra testamentum liberorum, cum his non minus pie, turbato mortalitatis ordine bona liberorum debeant, tur quam liberis parentum, ut scilicet habeantur anquod suæ orbitatis solatio, l. 15. ff. h. t.

De Jure Austriaco, siue liberi parentes suo silentio præterierint, siue injuste exheredaverint, hi nullum contra liberorum testamentum habent remedium, cum nec legitima Jure Austriaco parentibus debeatur. *Fensterwald. l. 2. obs. 119. per tot. Sutting. in manuscript. lit. E. v. Erbschaft in aufsteigender Linea. Walter de Jure consuetud. lib. 3. tit. 4.* Quod ipsum, an in principia naturalia non impingat, alibi excutiemus.

[A D v. S O R O R.

3 II. Competit etiam querela inofficiosi testamēti fratribus & sororibus. Intellige consanguineis & germanis, non vero uterinis, *l. 27. Cod. h. t.* Quod procedit, si turpis persona sit instituta, & nulla ingratitudinis vel turpitudinis causa possit fratri imputari. Concordat *Suttinger in manuscript. lit. T. v. Testamentum*, illis verbis: *Keiner ist seine Brüder oder Schwestern zu instituien schuldig*; modo non turpem personam instituat.

Dico autem I. *Fratribus & Sororibus.* Excluduntur proinde ulteriores, ut fratrum filii; nam hi testamentum patris querelare non possunt, *l. fratris 21. Cod. h. t.* Dixi II. *Si turpis persona sit instituta*, quales sunt mimi, arenasarii, meretrices, scorta, excoriatores equorum, lufores, &c. *Manz. n. 14.* Dixi III. *Si nulla ingratitudinis causa*, &c. sunt enim tres causæ, ob quas etiam licet exheredare fratrem turpi persona instituta, quas supra tit. 13. enumeravimus.

A D v. U L T R A.

Reliqui collaterales, ut jam dixi, hanc querelam non habent; melius proinde faciunt, si se sumptibus inanibus non vexent, cum obtinendæ victoriæ spem nullam habent, *l. 1. ff. h. t.* Ratio quia hæc querela aliquo modo odiosa est, ac-

cusans testatorem quasi dementiæ, ac proinde non extendenda. *Manz. n. 20. hic.*

§. J A M A U T E M.

Q. in hoc §. quibus liberis detur querela inofficiosi? ad hoc R. *Imperator*, quod non tantum liberis detur ex justis nuptiis procreatis; sed etiam adoptivis, putaiis, qui ab ascendente adoptati sunt, & in potestatem adoptantis transeunt *Mauz. hic.*

Q. An arrogato querela inofficiosi 4 competat, si sine justa causa exheredatus sit; R. si impubes sit negative, quia hic ex constitutione, §. 3. *de adopt. l. 8. §. 15. ff. h. t.* Si pubes sit, affirmative; cum huic aliud remedium nō competat. *Schamb. hic.*

Naturalibus liberis tantum contra testamentum patris querela non datur bene vero contra testamentum matris, *l. 29. §. 1. ff. h. t.* Ratio quia mater certa est. *Manz. n. 5. hic.* posthumis dari querelam, textus quidem hic asserit, sed ipsum non est extra dubii aleam, cum de jure novo, si fuerint præteriti, rumpant testamentum, si vero exheredati, jus dicendi nullum habeant. De quo alibi.

A D v. S I N U L L O.

Querela inofficiosi tunc tantum competit, quando nullo alio jure ad defuncti bona perveniri potest. Hinc, qui aliquo alio jure ad jura defuncti pervenire potest, à querela excluditur; habito enim remedium ordinario, ad extraordinarium recurrendum non est. *l. 16. ff. de minor.* sic filius, præteritus à patre, querelam non habet, cum per jus dicendi nullum ei consultum sit. *Schamb. hic.*

§. S E D H Æ C I T A. 3.

Pro intellectu hujus §. observa, de jure antiquo querelam inofficiosi semper locum



locum habuisse, si filius non habuerit totam & integram legitimam ex testamento relictam. Verum *Imperator* jus vetus exulare iussit, atque statuit, quod in casu, quo filio integra legitima relicta non est, cessante querela inofficiosi ad supplementum agere debeat, per actionem, quæ vocatur *condictio ex lege*, *text. in l. 30. Cod. h. t.* Concordat *Sutting. loc. cit. §. legitima. Die Kinder &c. i. e. Liberi paternum testamentum* ob non integram legitimam relictam non possunt evertere sed solum ad supplementum agere.

## §. S I T U T O R. 4.

6 Indubitati juris est, eum, qui testamento, in quo præteritus (intellige præteritionem maternam) vel exhæredatus est, legatum accepit, aut quoquo modo, sive factò, sive dictò iudicium defuncti agnovit, & comprobavit, ad querelam inofficiosi testamenti amplius aspirare non posse, *text. in l. 10. l. 12. ff. h. t. juncta l. 9. §. 10. Et l. 23. §. pen. ff. eod.* Ratio est, quia quod quis semel approbavit, amplius reprobare non potest. *Harp. hic. n. 1.* Hoc supposito pro capiti hujus §. ponitur talis casus: Cornelius fecit testamentum, & legavit Titio pupillo 100. s. filium autem suum, qui tutor erat Titii, omnino exhæredavit, apposta quidem ingratitudinis causa, sed non probata. Filius tutor Titii sui pupilli nomine ex testamento patris legatum accepit.

Quæstio oritur: Num possit deinde adhuc suo nomine testamentum querelare? Ratio dubitandi ex dictis confurgit, quia, qui patris voluntatem semel approbavit, eam postea per querelam inofficiosi evertere, incassum laborat.

7 Sed, hoc non obstante, sancit *Imperator* in nostro §. quod de inofficioso adhuc agere possit: ratio, quia non agnovit  
*Kees ad Instituta.*

suo nomine, sed alieno, & nomine tutoris neque sibi legatum accepit, sed pupillo, idque ex necessitate officii, quod utique ipsi damnosum esse non debet. *Manz. n. 5.*

*Dices:* si advocatus nomine tertii, i. e. alieno nomine legatum petiit, non potest ex postfacto contra illud testamentum querelare per, apert. *text. l. fin. ff. h. t.* ergo neque tutor & neg. conseq. differentia ratio est, quod advocatus obligatus non sit ex necessitate officii agere, sicut tutor obligatus est. Leges autem magis favent iis, qui coacti munus subeunt, quam qui sponte, *l. 7. §. 1. ff. qui satisd. rog.* Hinc si & advocatus jussu Magistratus patrocinium præstiterit adhuc querelare poterit, *l. 5. §. advocatum. ff. de his, que ut indig. Schamb. hic. Manz. n. 6. Harp. n. 6.*

## §. S E D S I. 5.

Casum præced. §. *Imperator* hic invertit. Illo enim superiori §. tutor erat filius exhæredatus, & pupillus erat legatarius. Hoc §. pupillus est filius exhæredatus, & tutor est legatarius. Proinde Q. quid si Titii pupilli pater fecerit testamentum, & Titium exhæredaverit, Sempronio autem tutori scripto aliquid legaverit, deinde vero Sempronius tutor pupilli sui nomine de inofficioso egerit, & succubuerit, potestne tamen tutor Sempronius legatum sibi in eodem testamento relictum petere? Ratio dubitandi: quia qui semel testamentum accusavit quasi inofficiosum, sicque iudicium defuncti impugnavit, nec obtinuit, perdit legatum, & fideicommissum in illo relictum, idque quasi indigno ablatum vindicatur fisco, *l. 8. §. 14 ff. h. t.* At hac dubitandi ratione non obstante, decidit *Imperator* hic, quod legatum non amittat: ratio, quia officii necessitas, & tutoris industria excusata esse debet, *l. 22. ff. de his, que ut indig. Harp. hic.* Hodie etiam

Y y

in

in casu, quo tutor obtinuit pro pupillo, legatum consequitur, rescinditur enim hodie sola institutio, cætera namque firma manent. *Auth. ex Causa Cod. de lib præter.*

### §. I G I T U R F I N.

9 Olim de jure antiquo legitima potuit relinqui quocunque titulo sive jure Institutionis hæreditario, sive nomine legati, vel fideicommissi, vel ex donatione mortis causa, *text. hic.* Verum hodie de jure novissimo non sufficit filium habere legitimam quocunque titulo, v. g. *donationis, legati, &c.* sed debet eam habere jure Institutionis. *Nov. 115. c. 3.* quia titulus institutionis est honorabilior titulo legati, vel donati, *l. 5. §. sed etsi portio. ff. de legat. præst. Item* multo quoque utilior est, propter jus accrescendi, nam si filius fuerit institutus & acceperit aliquem cohæredem, si cohæres hæreditatem repudiat, *hæc accrescit filio;* quod secus foret, si titulo singulari legati scilicet, vel fideicommissi legitimam haberet. *Harp. n. 5. hic. & Schneid. n. 4.*

*Obj. Nov. 18. cap. 1.* ubi in hæc verba rescribitur: *sive quis institutionis modo, sive legati, sive fideicommissi legitimam liberis reliquerit, non tamen evertit testamentum.* R. hanc *Nov. per alteram Nov. 115. cap. 3.* correctam esse. Prior enim promulgata est anno à partu Redemptoris 536. posterior vero anno 541. *Manz. tract. de testam. tit. 12. q. 13. n. 2.* De jure Austriaco quid hac in re obtineat, paulo post in fine hujus *tit.* audiemus.

10 Limitantur dicta in legitima fratrum & sororum quæ quoquo modo & titulo recte relinquitur. Ratio quia in *Nov. 115.* tantum de legitima liberorum & parentum correctio habetur, non etiam de legitima fratrum. Correctiones autem utpote odiosæ non facile sunt extendendæ. *Glettle select. quest. p. 2. q. 10. n. 39.*

### A D V. Q U O D A U T E M.

Illud ex hoc *V.* collige, quòd una duntaxat quarta (hodie, quia legitima aucta est, unus triens vel semis) relinqui debeat, sive unus fuerit, sive plures, quibus de inofficioso agere permittitur.

Verum hæc ipsa de legitima materia *II* gradum hic sistere, ac prolixiori in ejus explicationem calamo excurrere jubet, tum quod à scientia videatur necessaria, tum quod ab utilitate nulli sit postrema. Itaque concinne dixeris, quòd legitima sit determinata legibus portionis ab intestato debita, sive ejus quod quid jure legitimæ successionis ab intestato habiturus esset, *l. 8. l. 31. Cod. b. t. l. 8. §. 6 ff. eod. Berlich. conclus. 11. part. 3. n. 1.* Dicitur ab intestato debita: quia legitima mensuratur juxta successionem ab intestato, ita ut si quis succedat ab intestato in universam hæreditatem, legitima sit triens, vel semis secundum quantitatem & multitudinem liberorum totius hæreditatis; si vero quis ex statuto, vel lege municipali ab intestato tantum in medietate hæreditatis succederet, tunc legitima tantum est triens, sive tertia illius mediæ hæreditatis. *Manz. tract. de testament. tit. 12. q. 3. n. 8. Card. Tusch. lit. L. conclus. 183. n. 38.* ubi infert, foeminas ex statuto à successionem ab intestato exclusas, etiam à legitima removeri.

*Oppones:* De Jure Austriaco filiarum provinciales patri suo ab intestato non succedunt, nisi in mille; de qua portione si legitima assignanda foret, utique modica nimis futura esset legitima. R. ista mille filiabus, nomine legitimæ, assignari, ex legitima autem non constitui iterum legitimam; adeoque regulam memoratam procedere de successionem in partem hæreditatis, quæ major est legitimâ.

## QUANTA SIT LEGITIMA?

- 12 Hic jus vetus secernendum est à jure novo. Jure veteri quantitas legitimæ erat quadrans, sive quarta pars hæreditatis, *d. l. 8. §. 6. & 8. ff. b. t. & l. 31. Cod. eod.*

Jure novo aucta est legitima, ac refert, adsintne quatuor liberi, aut pauciores, quam quatuor. Illis debetur triens, sive tertia pars hæreditatis. His semis, sive media pars hæreditatis. *Nov. 18. c. 1.* Quantitas legitimæ his versiculis comprehenditur.

*Quatuor aut infra dant natis Jura Trientē. Semissem vero dant natis quinque vel ultra. Arbitrium sequitur substantia cætera patris.*

Porrò an liberi, qui parentibus non succedunt, in numero liberorum sint censendi ad augendam, vel minuendam portionem legitimæ eorum, qui succedunt, non hujus loci esse duxi, ne nimium excurram. *Vide Berlich p. 3 conclus. 12. Facch. lib. 4. cont. 31. Zoes. ff. b. t. n. 87. Manz. tit. 12. q. 4. n. 4. Gail. lib. 2. obs. 122. n. 16. Gomez. var. resol. tom. 1. cap. 1. n. 22. Card. Trsch. lit. L. conclus. 208. n. 67. Glettleseleß. quest. 10. p. 2. n. 10.*

## QUIBUS DEBEATUR LEGITIMA?

- 13 Legitima debetur liberis, *l. 7. ff. de bon. damnat.* Naturalis enim ratio liberis parentum hæreditatem adjicit, & filius dicitur quasi creditor in legitima. *in filium. Cod. famil. hercis.*

Ampliatur, ut procedat tam in masculis, quam in foeminis, quia sublata est omnis in successione sexus differentia, *l. 4. Cod. de lib. prat.* sive constituti sint in patria potestate, sive emancipati, *l. 15. Cod. de legit. hered.* sive naturales & legitimi simul, sive legitimi tantum, *l. 22. ff. de adopt.* Quod tamen procedit secundum

distinctionem in *lib. 1. tit. 11. de adopt. datam: utrum videlicet ab ascendente, an ab extraneo adoptatus quis sit?* Imò & ingressis monasterium bonorum capax legitima debetur, *l. 56. §. 1. Cod. de Ep & Clericis. 14.* Sane naturalibus liberis tantum pater legitimam relinquere non tenetur. *Auth. licet. Cod. de natur. lib. Nov. 89. cap. 12. & 15.* & licet filiis, vel filiabus naturalibus ex hæreditate patrum certa portio ab intestato debeatur. *d. auth. licet. Cod. de Nat. lib. & Nov. 89. cap. 12. & 15.* attamen si pater eos testamento præterierit, petere nihil possunt, *Berlich. conclus. 11. p. 3. n. 6. Hum. ad Trent. vol. 1. disp. 13. th. 14.* A majoritate rationis legitima non debetur liberis, ex damnato coitu natis: puta adulterinis, nefariis, sacrilegis, &c. Ratio est (quam ipsam rationem pro regula & principio capias velim) quia legitimam metimur in causa testati secundum causam intestati: qui ergo ab intestato non succedit, illi neque debetur legitima. *Manz. loc. cit. tit. 12. q. 1. n. 24.* & qui à successione excluditur, à petitione quoque legitimæ repellitur. *Facch. lib. 7. cap. 46. in fine. Berlich. loc. cit. n. 20.* atqui liberi ex damnato coitu suscepti ab intestato nec patri, nec matri succedunt. *Nov. 89. cap. ult. & auth. ex complexu Cod. de incest. & inut. nupt. Harp. Inst. de success. ab intest. n. 346.* Imò nec in testamento hæredes institui, nec iis aliquid legari potest. *Manz. tract. de testament. tit. 6. n. 82. Walter de jure consuet. Aust. lib. 3. tit. 16. v. Zum ande- ren; ergò iis, neque à patre, neque à matre debetur legitima. Sed*

Q. An idem ratione matris in liberis naturalibus, & spuriiis procedat? *℞. negative.* Mater enim tenetur liberis naturalibus, & spuriiis legitimam relinquere, nec potest illos sine justa causa præterire, aut exhæredare. Ratio, quia isti matri

ab intestato succedunt , l. 2. l. 4. l. 8. ff. unde cognati §. novissime Inst. de SCt. Orf. ergò ipsis debetur legitima. Berlich. n. 7. unde cum spurii matri illustri , extantibus aliis justis liberis non succedant , ideo nec iis à matre legitima debetur. *Merlin. tract. de legit. lib. 1. tit. 2. q. 4.* Nepotibus ab avo tum demum legitima debetur, si pater eorum prius quam avus decederit , & hoc in casu agnoscuntur avo , h. e. fiunt sui hæredes , adeoque illam portionem , quam pater accepisset , avus iisdem relinquat , necesse est. *Merlin. d. loc. q. 10.* sed quid Juris , Si pater nepotum ab avo fuerit exhæredatus , debeturne legitima nepotibus ? R. sub distinctione : vel pater nepotum decedit ante testatorem , vel post testatorem. Si prius : tunc nepotes per agnationem rumpunt testamentum , & sic res reducitur ad causam intestati ; atque adeo cum ab intestato nepotes succedunt , ideo debetur ipsis legitima ex regula paulo ante tradita. Si posterius , legitima iis non debetur , quia ab intestato non possunt avo succedere , pater enim ipsos præcedit. *Manz. tract. de testament. tit. 8. q. 2. limit. 7. n. 420. Gomez. var. resol. tom. 1. cap. 11. num. 21.*

#### QUO JURE DEBEATUR LEGITIMA ?

16 Communem DD. calculum tulit sententia , quæ in hunc modum distinguit : Vel enim per legitimam designatur jus petendi necessaria alimenta , vel determinata legibus portio. Si prius legitima merissima est creatura juris naturalis , l. 7. ff. de bon. damnat. l. 7. §. ff. unde liberi. Nov. 1. §. 2. in quibus locis disertè traditur , quod ipsa ratio naturalis , vel ut lex quædam tacita , parentum hæreditatem addicat liberis : quod parentum hæreditas debeat liberis secundum naturæ , &

parentum commune votum : quod denique secundum ipsam naturam liberi Jus habeant ad legitimam. Et ut brevis sim , alimenta Jure naturæ liberis deberi , apertè sancit , l. 1. §. 3. ff. de J. & J. atqui legitima est surrogata in locum alimentorum. Nov. 18. ergo legitima debetur Jure naturali , quatenus alimenta sapit.

Si verò per legitimam designetur determinata legibus portio , fundamentum suum habet in Jure positivo , l. 12. Cod. de legit. hered. Nov. 18. c. 1. l. 35. §. 1. Cod. de inoff. testam. Ubi Justinianus expresse testatur , portionem hanc , querelam inofficiosi excludentem , leges , suamque constitutionem definivisse ; licet ergò naturalis ratio , & æquitas suadeat , jubeatque liberis aliquid relinquere ; quantum tamen , quo modo , qua forma relinqui debeat , lex civilis definivit. Vide *Manz. tract. de testam. tit. 12. q. 11. Fach. lib. 4. cap. 32. Hum. ad Treutl. vol. 1. disp. 13. ib. 11. q. 27. Glettle p. 2. q. 10. n. 27. Mynsing. cent. 6. obs. 44. Fünsterw. lib. 2. obs. 119.*

Ex dictis colliges : legitimam statuto 17 aut consuetudine in totum tolli non posse : quoniam de Jure naturæ , puta , quoad alimenta debetur : statutum autem , vel consuetudo , quæ repugnat juri naturæ , utpote irrationalis non valet , & jura naturalia jure civili tolli non possunt. §. 11. Inst. de J. N. G. & C.

Dices : Per exhæredationem filius in totum excluditur à legitima , & filius ejus , qui reus est criminis per duellum notatus ab universa patris hæreditate removetur. l. 5. Cod. ad leg. Jul. Majest. ergo legitima à Jure civili per statutum , aut consuetudinem in totum tolli potest. R. Per multos esse , qui absolute negent antecedens , atque constanter asserant , filio exhæredato , & liberis , quorum pater reus est crimi-



criminis perduellionis, saltem alimenta deberi, ne necari videatur, cui alimenta negantur, contra *l. 4. ff. de lib. agnoscend.* Deinde transeat antecedens, ea tamē propter non indistincte asserendum, legitimam statuto, aut consuetudine in totum abrogari posse, quia hoc tum demum procedit, si major ratio naturalis concurreret, puta, ne delicta reipubl. nociva, impunita relinquantur, contra *l. 51. §. 1. ff. de solut.* Denique non mirum filium exheredatum & alimentis privari, cum ingratitudo debitum naturæ tollat, *Nov. 22. cap. 27.* dicaturque à sancto Bernardo, *ventus urens, siccans fontem misericordie, rorem pietatis, & fructum gratie, panormit. in cap. fin. de donat.*

### QUALIS SIT LEGITIMA?

- 18 Duo veniunt hic in disceptationem. Unum est, *an legitima sit pars bonorum, an hereditatis?* Alterum, *an recipiat gravamen nec ne?* Utrumque ex asse discutere longum foret, & integro tractatu opus esset, quod non patitur nostri instituti ratio. Ne tamen nostram mentem penitus inapertam relinquamus, *R.* legitimam esse quotam bonorum, non hereditatis. Ita *Gail. lib. 2. obs. 119. §. 120. Manz. tract. de testam. tit. 13. q. 62. n. 5. Berlich. p. 3. concl. 11. n. 3. Menoch. lib. 4. præsumpt. 101. n. 59.* & innumeri alii ab his allegati. Ratio I quia legitima deducitur deductio ære alieno, & impensa funeris, *l. 8. §. 9 ff. de inoffic. testament.* atqui illa, quæ dicuntur bona. *l. 39. §. 1. ff. de V.* S. ergo legitima est quota bonorum.
- Ratio II. Quia legitima debet relinqui libera, & sine omni gravamine, *l. quoniam 32. Cod. de inoffic. testament.* ergo legitima non est pars hereditatis: hanc enim qui capit, multis oneribus involvitur, nec non commoda suscipit, & incommoda.

*Dices:* legitima titulo institutionis re-<sup>19</sup>linquenda est. *Nov. 115. cap. 3.* ergo est pars hereditatis; institutio enim tribuit denominationem hæredis, qualem dicere non possis; nisi quotam hereditatis habeat. *R. I.* quod filius in casu, quo à patre in re singulari, quæ quantitatem legitimæ adæquat, etiam legitimam titulo institutionis accipiat, & tamen non dicitur habere partem hereditatis, quia omnia onera hereditaria solus cohæres sustinet, & filius est instar legatarii, *l. 13. de hered. just.* ergo licet legitima titulo institutionis relinqui debeat, non tamen exinde sequitur, legitimam esse quotam hereditatis. *R. II.* Filium in legitima institutum pro hærede habendum esse in iis duntaxat, quæ ipsi sunt utilia; nimirum, ut Jure accrescendi gaudeat, & titulo hæredis, qui est honorabilior, quam titulus legati, insigniatur: non verò in iis, quæ ipsi sunt præjudiciofa, puta, ut oneribus hereditariis subjiçatur, ne alias id, quod in ejus favorem est introductum, puta, ut legitima titulo institutionis relinquatur, in ejusdem odium retorqueatur.

*Inflabis:* Nihil interest, siue legitimam, partem hereditatis, siue bonorum appelles; ergo de lana caprina disceptatur: *Antecedens demonstratur in exemplo.* Pater habet in bonis 1200. fl. & unicum filium, cujus legitima est triens, seu 400. fl. Jam fac, adesse debita 600. fl. siue modo prius deducatur æs alienum siue non deducatur, in effectu idem est; nam si deducatur, & legitima de bonis, qualia dicuntur, quæ ære alieno deducto supersunt, detrahatur, tunc remanent 600. fl. de quibus filius nomine legitimæ deducit 200. fl. & sic habet partem bonorum; si vero æs alienum non deducatur, tunc filius nomine legitimæ recipit 400. fl. & onera pro rata legitimæ sustinet, adeoque

adeoque sive habeat partem hæreditatis, sive quotam bonorum, in effectu idem est. *R.* Tametsi quoad quantitatem legitimæ parum referat, num prius æs alienum deducatur, nec ne? & sic sive partem bonorum, sive hæreditatē habeat: nihilominus tamen ratione aliorum onerum magis expedit, quotam bonorum habere, quam hæreditatis, hanc enim qui habet, incrementa, & decrementa recipit, commoda & incommoda sustinet, atque ita omnibus creditoribus tenetur respondere, nec non omnes actiones hæreditarias *active* & *passive* suscipere. Qui vero quotam bonorum habet, instar legatarii est, adeoque nulla sentit onera *l. 13. Cod. de hered. Inst.*

An legitima gravamen recipiat?

- 20 *Ista quæstio perspicuè decisa est in l. quoniam 32. Cod. de inoff. testament. ubi expressis terminis sancitur, quòd legitima gravari nequeat, adeoque ei nullum penitus onus conditionis, modi dilationis, moræ vel alterius gravaminis apponi possit, & si quod adjectum fuerit, rejiciatur ipso Jure, & non appositum adjectumve censeatur, d. l. 32. Ratio: quoniam legitima ex providentia legis, non judicio testatoris debetur, & ideo, quem testator non honoravit, non potest onerare, vel gravare, l. 22. §. 1. ff. de adopt. Gail. lib. 2. obs. 19. n. 1.*

Dixi *ipso Jure*: de Jure enim antiquo is, cui legitima cum gravamine relicta fuit, de inofficioso agere, atque ita testamentum evertere potuit. Hodie verò de Jure novo gravamen legitimæ adjectum qualecunque illud sit, ipso Jure tollitur, & rejicitur, ac non fuisse appositum. *Gail. d. lo. n. 3. Gomez. var. rescl. vol. 1. cap. 11. n. 24. Berlich. p. 3. Conclus. 14. n. 5. Manz. loc. cit. 12. q. 44. n. 9. Concord. Walter de Jure consuet. Austr.*

*lib. 3. tit. 20. Die natürliche Erb-Gebührnusz, &c. i. e. Quod naturā heredibus debetur, seu legitima, relinqui debet liberis sine onere aliquo. Cum autem proprietatem rei uni ex liberis, ejusdemque rei usumfructum ad certum aliquod tempus, Pater dederit, onus hoc legitimam ad tempus gravans frustra ei imponeretur: adeoque nullius esse vis debet onerosa ususfructus ad dictio. Si tamen Pater familias uxori assignaverit usum-fructum usque dum majorennēs evadant liberi, hi contra testatoris hæc de re voluntatem insurgere nequeunt, ex moribus Provinciae. Præsertim cum Matri liberorum procurandorū atque educandorū necessitas simul à patre imposita est, idque sine paternorum bonorum imminutione, donec ætatem legitimam assequuti sint liberi. si vero usus-fructus matris produceretur ultra minorennitatis liberorum annos, & ad vitam matris terminum, locum habere non posset usus-fructus ejusmodi, præterquam usque ad majorennitatem liberorum.*

Dubitatur: *An in legitima possit fieri substitutio?* *R. I.* Quoad substitutionem pupillarem rem expeditam esse, hanc enim in legitima rectè fieri, apertè sancit, *l. 8. §. 7. ff. de inoff. testam. & l. 26. Cod. eod. his verbis: Ex tribus uncis hærede instituto filio intra pubertatis annos directum non inutiliter à patre fieri substitutionem, certum est. Merlin. tract. de legit. lib. 3. tit. 2. q. 13. Gail. lib. 2. obs. 119. n. 4. Manz. tit. 12. q. 45. n. 1. & 2. Concord. Walter. loc. cit. Wann aber solche Substitution, &c. i. e. Sin vero hac substitutio ad id tempus solum est constituta quo legitimam ætatem nondum attigit filius atque si decesserit antequam condendi Testamenti facultate gaudeat, stare debet hac Paterna voluntas, effectumque sortiri.*

*II.* Substitutionem vulgarem in legitima fieri non posse. Ratio sola, sed solida est, quòd hodie omne gravamen, onus,

onus, dilatio, mora, conditio de legitima rejiciantur. *d. l. 32.* Atqui substitutio vulgaris involvit conditionem, puta, *si voluerit; ergo Conc. Walter. loc. cit. &c. Es solle kein Vatter.*

Quò titulò legitima relinquenda.

- 22 Tametsi legitima inspecto Jure communi titulò Institutionis relinquenda sit, prout suprà ad §. ult. h. t. diximus: Secus tamen obtinet de Jure Austriaco, teste Waltero, *cit. loc. &c. Die geschriebene Rechte.* His verbis: *Ex setzte glei. h. &c. i. e. Sive Pater liberos instituat heredes in Testamento suo quantum ad Legitimum, sive in Codicillis Legitimam illis assignet, legati nomine, moribus Provinciae pariter valet patris dispositio.*

Ex quibus bonis debeatur legitima?

- 23 Ad propositam quæstionem simpliciter, & generaliter R. dicere possis, quòd legitima debeatur ex ipsa substantia patris, prout innuit, *l. 36. & repletionem. Cod. h. t.* his verbis: *Repletionem fieri ex ipsa substantia patris.* Verùm enim verò cum quandoque multa, & varia bona, diversæque qualitatibus in substantia patris reperiantur, ideò inquirendum, ex quibus bonis debeatur, & ex quibus non debeatur legitima. Itaque

Certum est I. legitimam non deberi ex bonis primogenituræ subjectis, qualia sunt Regna, Ducatus, Principatus &c. Ratio: quia bona primogenituræ subjecta non proveniunt ex substantia patris; ergò primogenitus ea habet præcipua. Ratio alia; ne fiat dismembratio Ducatus, Marchionatus, &c. ex quo si legitima deberetur, is intra paucos annos ad nihilum reduceretur. *Manz. tract. de testament. tit. 12. q. 33. Merlin. tract. de*

*legitima. lib. 2. tit. 1. q. 2. Berlich. p. 3. conclus. num. 23.*

Certum est II. Legitimam ex bonis fidei-commisso, vel restitutioni obnoxiam etiam relinquendam non esse. Ratio est: quia legitima debetur ex substantia patris. *d. l. 36.* Bona autem fidei-commisso obnoxia non proveniunt ex substantia patris, sed sunt quasi aliena, *auth. res quæ Cod. commun. de legat. Rosenthal. de feud. conclus. 13. cap. 7. num. 33. Fach. lib. 7. cont. 46. Berlich. loc. cit. num. 20. 24.* Controvertitur: *An legitima in mera pecunia numerata recte assignetur?* Videtur id affirmandum: quoniam legitima debetur ex substantia patris, *d. l. 36. Cod. h. t.* sed pecunia numerata etiam est ex substantia patris, ergò:

Verùm negantium sententia, cui & ego adstipulor, verisimilior, & communior est; tum quia legitima debet assignari in rebus mediocribus, non deterioribus, qualis est pecunia, quæ facile absumitur: tum quia interest filii potius res habere quam pecuniam, propter justam forsitan affectionem, quod res majorum fuerint. *Fach. lib. 4 q. 33. Zoes. num. 102.*

Concordat *Walter. loc. cit. Da etlichen Kindern, &c. i. e. Si liberis quibusdam immobilibus, aliis vero pecunia numerata loco legitime sint assignata, liberi quibus nummi tantummodo sunt contributi, non tenentur incommodo suo pecuniam accipere; singulis namque liberis jus est partem sibi debitam consequendi, tam in immobilibus quam in pecunia patris, pro rata scilicet cujusque portione.*

Quando debeatur legitima?

Dixerint nonnulli, vivò adhuc patre deberi legitimam, eò quòd à patre petierit portionem substantiæ suæ, & cum ea in peregrinas regiones defluerit. Verùm

rùm cum non exemplis, sed legibus iudicandum sit; ideo,

- 25 R. Et pro regula traditur, quod legitima filiis non debeatur, nisi post mortem patris. l. 1. §. si impubere. II. ff. de Collat. Ratio; quia viventis nulla est hæreditas, aut successio. l. 1. ff. de hered. vel. act. vend. atque improbum est de viventis hæreditate sollicitum esse. l. 2. §. 2. ff. de vulg. & pupill. substit. Manz. tract. de testam. tit. 12. q. 15. num. 2. Berlich. p. 3. conclus. 14. n. 13. Mynsing. cent. 4. obs. 25. Hunn. ad Treutl. vol. 1. disp. 13. q. 37. Gail. 2. de pace publ. cap. 13. num. 30. ubi ait, quod pater possit omnia sua bona in mare projicere, & sic filium suum legitimam defraudare.

Ampliatur, ut pater non teneatur filio in vita sua legitimam solvere, etiamsi pater esset prodigus & dilapigator. Berlich. d. lo. num. 8. Vasq. l. 37. num. 1. Ratio est: quia habitus remedio ordinario, non est excurrendum ad extraordinarium. l. 16. ff. minor. atque in casu, quo pater prodigum agit, aut dilapidatorem, habetur remedium ordinarium, puta, ut ei per Magistratum bonis indicatur. §. 3. Inst. de curat. ergo.

Quæ imputentur in legitimam?

- 26 Statuenda est hæc regula universalis, ut videlicet ea omnia in legitimam imputentur, quæ ex substantia testatoris pure, & sine gravamine sunt profecta. l. 30. & l. 36. Cod. h. t. Glette p. 2. select. quest. 10. n. 38. In specie in legitimam imputantur,

I. Quæ filio obveniunt titulo institutionis, §. ult. Inst. h. t.

II. Quæ relicta sunt titulo legati aut fidei commissi. d. l. 30. & 36.

Quod ipsum tamen limitatur, si legato, vel fideicommissio mora, onus, dies,

conditio, aut aliud gravamen adjectum fuerit; legitima enim pure & sine gravamine est relinquenda, l. 32. Cod. h. t. adeoque tale legatum in legitimam imputandum non est. d. 36. §. cum autem. Manz. loc. cit. tit. 12. q. 39. num. 6. & 7. III. Quæ filio donata sunt mortis causa; quia donatio mortis causa legatis exequata est. l. 8. §. 6. ff. h. t. IV. Dns & donatio propter nuptias. l. 49. Cod. h. t. & l. ult. Cod. de collat. Zoef. ff. h. t. n. 105. Vide Manz. loc. cit. q. 42. V. donatio inter vivos arg. §. fin. Inst. h. t. ubi quartam habitam per donationem inter vivos filius non movet querelam. Verum tenendum est, non imputari donationem inter vivos in legitimam, nisi pater expresse voluerit illam imputari. l. 25. ff. h. t. & l. 35. §. 2. Cod. eod. Zoef. n. 106. Glette loc. cit. Manz. d. lo. q. 41. per tot. De fructibus res expedita non est, num imputentur in legitimam? Fac. v. g. Filius institutus est in legitima hæres, & rogatus, ut post certum tempus v. g. decennium, vel sub conditione restituat hæreditatem Sempronio. Antequam conditio existat, vel tempus restitutionis adveniat, filius multos fructus percepit. Quæstionis est, an illos teneatur imputare in legitimam?

Quidquid fortè inspecto jure Digestorum propugnare possis, de jure Codicis communiter obtinet, fructus in legitimam non imputari. Ratio fundamentalis est: quia Justinianus in l. 49. R. repletionem & auth. novissima Cod. h. t. vult repletionem legitimæ faciendam esse ex substantia patris; atqui fructus post mortem testatoris percepti non sunt ex substantia patris, nunquam enim patris defuncti fuerunt; ergo. Zoef. ff. h. t. n. 107. Manz. tract. de testam. tit. 12. q. 40. Glette loc. cit. n. 39.

An



An ea, quæ conditionis implenda causâ filiorum relicta sunt, imputentur in legitimam? v. g. Pater instituit filium & Titium hæredem. Titium gravat hac conditione, si filio centum dederit. Q. An ipsos centum filius imputare debeat in legiti-

nam? R. quod non: Ratio; quia illa imputantur in legitimam, quæ ex substantia testatoris percipiuntur, d. l. 36. §. repletionem. Atqui isti centum non percipiuntur de substantia testatoris, sed Titii; ergo. Vide Glottæ n. 41. Manz. n. 13. & seqq.

## T I T U L U S X I X.

## DE HÆREDUM QUALITATE, ET DIFFERENTIA.

## SUMMARIÆ.

## §. NECESSARIUS. I.

- 1 Hæres quis dicatur?
- 2 Alius est necessarius.
- 3 Alius suus, & necessarius.
- 4 Alius extraneus.
- 5 Qui triplici tempore debet habere testamenti factionem passivam.
- 6 Suus duntaxat duplex.
- 7 Extraneus dicitur adire hereditatem: suus vero se immiscere.
- 8 Jus deliberandi quare introductum sit?
- 9 Ad inventarium quid requiratur?
- 10 Quot modis adeatur Hereditas?
- 11 Vel repudietur?

## CONNEXIO.

**M**ulta hucusque diximus de Hæredibus instituendis, exhæredandis, & substituendis. Cum autem hæredes sint differentes, habeantque diversas qualitates; ideo tractatur hic de hæredum qualitate, & differentiâ. Hæres dicitur successor in universum Jus, quod defunctus tempore mortis habuit. Sunt autem triplices hæredes, alii necessarii tantum, alii sui & necessarii, alii extranei. text. in princ. hic.

Necessarii Hæredes sunt servi, à domino hæredes instituti, quia nolint, velint, hæredes esse coguntur, nec habent arbitrium repudiandæ hereditatis, sed post mortem testatoris protinus liberi, & necessarii hæredes fiunt. Dico, fiunt: quia aditio est facti, ad quod quis cogi non potest, ne quidem servus à Domino. l. 3. ff. de hered. inst. Tametsi itaque talis hereditatem non adeat, habetur tamen ipso Jure pro hærede, ac si adivisset, adeoque nolens volens tenetur esse hæres, & hoc favore dominorum introductum est, quibus, si pauperes fuerint, & multo ære alieno obstricti, magno solatio fuit, quod per institutionem servi suæ famæ consulere, & evitare potuerint, ne bona nomine ipsorum dominorum subhastarentur. Quam ignominiosum autem fuerit, alicujus bona proscribi, & subhastari eleganter Cicero edixit: Hercule inquit, cujus bona ex edicto possidentur, & hujus omnis famæ, & existimatio simul cum bonis possidetur.

## AD V. PRO HOC.

Cum autem æquum sit, ut, qui in uno gravatur, in altero relevetur, l. 30. ff.

*de Jurejur.* ideò pro hoc incommodo servus duplex commodum consequitur. Unum est *libertas*, quæ inestimabilis est, omnibusque rebus præstantior. Alterum est, quod res quas *servus post mortem Domini acquisiverit*, ab istâ distractione separentur, nec venum eant. *Harp. hic.*

### §. SUI. 2.

- 3 Sui & necessarii hæredes sunt, qui in potestate testatoris tempore mortis sunt, eumque proximo gradu contingunt, v. g. filius & filia. Contingere tamen etiam potest, ut nepos neptisque sui necessarii hæredes fiant; si nimirum filius vivo patre defierit suus hæres esse, forte quia *morte interceptus, aut emancipatus, aut deportatus est*, tunc enim nepos neptisque in locum patris succedunt, & fiunt sui hæredes. *text. hic.*

Dicuntur *sui hæredes*, quia domestici hæredes sunt, & vivò quoque patre quodammodo rerum paternarum domini existimantur, adeoque mortuo patre non dicuntur acquirere dominium, sed in ipsò continuari. *l. 11. ff. de liber. & posthum.* Necessarii verò dicuntur, quia omnino servorum instar sive nolint, sive velint, tam ab intestato, quam ex testamento hæredes fiunt. Ratio est *patria potestas*, quæ olim dominicæ par erat.

Verùm Prætor plenus æquitate removit illam necessitatem, & introduxit in favorem liberorum beneficium *abstinendi*, ita ut hodie ab hæreditate paterna abstinere possint, & hæredes voluntarii sint. Ratio: quia inter duos ingenuos longè melius est defunctum contumeliâ affici, quam vivum; utpote qui injuriam sentit. *Manz. n. 8.*

### §. CÆTERI. 3.

- 4 Extranei hæredes sunt, qui tempore mortis non sunt in potestate testatoris

patriâ vel Dominicâ, *text. hic.* Illud non refert, sive sanguinis conjunctione testatorem attingant, nec ne. Si licet emancipatus testatorem sanguinis conjunctione, item filii & filiæ matrem: emancipatus tamen, & filii à matre instituti in censum extraneorum revocantur. Ratio prioris: quia licet emancipatio jura sanguinis non tollat, §. 11. *Inst. de l. n. g.* & C. patriam tamen potestatem extinguit. §. 6. *Inst. quib. mod. pat. potest. toll.* quâ peremptâ Jus etiam fuitatis perimitur §. 3. *hic.* Ratio posterioris: quia mater liberos non habet in potestate. §. 10. *Inst. de adopt.*

### §. IN EXTRANEIS. 4.

Si hæres extraneus instituatur illud potissimum observandum, ut habeat testamenti factionem, non activam, sed passivam, h. e. ut ex alieno testamento aliquid capere possit, licet testamentum facere nequeat. Unde ait hîc Imperator: *furiosus, mutus, posthumus, infans, filiusfam. & servus alienus testamenti factionem (puta passivam) habere dicuntur. Licet enim testamentum facere non possint, attamen ex testamento vel sibi vel alii acquirere possint.*

Testamenti autem factio passiva cum 5 extraneis hæredibus triplici tempore requiritur. I. tempore institutionis seu conditioni testamenti. Ratio: ut constiterit institutio. II. tempore mortis testatoris; quia tunc testamentum effectum sortitur III. tempore aditæ hæreditatis; quia ibi acquiritur hæreditas. De intermediis temporibus, si v. g. institutus post factum testamentum deportetur, & ante mortem restituatur, curandum non est: ratio, quia medii non habetur ratio, modò de extremis constet; & inhabilitas medii temporis non curatur, si extrema sint habilia. *Manz. n. 13. & 14.* Dicta procedunt

6 dunt de hærede extraneo, in hærede enim suo sufficit duobus temporibus, testamenti factionem passivam habere. **I. tempore conditi testamenti**, & **II. tempore mortis**; Ratio: quia suus ipso jure statim post mortem testatoris hæres existit, citra ullum factum aditionis. *Harp. hic. n. 7.*

#### §. EXTRANEIS. §.

7 Pro intellectu hujus §. & meliori loquendi modo observa: quod extranei hæredes dicantur *adire & repudiare hereditatem*: sui vero *se immiscere*, & *abstinere*. Nam adire propriè est ad aliud ire, unde cum sui hæredes non vadant ad aliud, quia jam vivò patre bonorum paternorum quasi domini sunt, *l. II. ff. de liber. & possib.* non dicuntur adire, sed se immiscere, *Schneid. n. 3.* hoc supposito in viam redeo: & cum is, qui hereditatem semel adiit, vel ei se immiscuit, postea relinquendæ ejus facultatem amplius non habeat. *l. 4. Cod. repud. de hered.* nisi fortè minor 25. annis fuerit, cui ob infirmam ætatis consilium prætor per restitutionem in integrum succurrit, sicut & præcipuè militi, quia ardua magis, quam Jura scit, *l. fin. Cod. de Jure delib.* cum, inquam, postea hereditatis relinquendæ facultatem non habeat, ne quis temere adeundo eam sibi præjudicet, data fuit succedentibus sive ex testamento, sive ab intestato extraneis hæredibus de adeundo, vel non adeundo, deliberandi potestas, ut prius benè perintrent, ac perpeditat hereditatem adire, nec ne? Dixi autem *extraneis hæredibus*? sui enim de Jure civili non habent tempus deliberandi, quia necessarij hæredes sunt, sive velint, sive nolint. Dixi iterum de jure prætorio datur ipsis beneficium abstinendi, consequenter & deliberandi se paternæ hereditati immiscere velint, *Harp. n. 4.* Olim hoc

tempus deliberandi usque ad annum, ex quo hereditatem sibi delatam agnovisset, duravit. *l. 19. Cod. d. t.* Hodie autem id limitatum per *l. fin. §. sed quia quidem, Cod. eod.* quæ lex indulget volentibus deliberationem petere à principe annum integrum. Ab inferioribus verò 9. menses. Lapso hoc tempore habetur deliberans, prout ipsi est deterius vel proadeunte, vel pro repudiante, *l. fin. §. pen. Cod. d. t. Schamb. & Schneid. num. 10.*

#### §. SED NOSTRA. 6.

8 Quoniam per beneficium deliberandi hæredi non sat consultum erat, ideò Justinianus remedium adhuc utilius, & tutius invenit, beneficium scilicet inventarii, de quo quidem hic mentionem non facit, sed nos ad constitutionem suam remittit, quæ continetur in *fin. Cod. de Jure deliberandi*. Et in compendio hoc continet, si hæres dubitat, utrùm adeunda sit hereditas, nec ne, potest intrepidè adire, vel se immiscere sine periculo, *d. l. fin. §. 2.* dummodò conficiat inventarium, & describat in eo omnia bona defuncti, adhibitis solennitatibus in cit. Constitutione requisitis, *Manz. num. 4.* & 5. Quæ ipsæ solennitates ferè omnes ab usu recesserunt, ita, ut circa inventariorum confectionem, locorum consuetudines inspicere necesse sit. De Jure 9 Austriaco requiritur **I.** ut intra 30. dies post apertum testamentum inventarii initium fiat. **II.** ad ejusdem confectionem à Magistratu decernantur authentici Commissarii. **III.** Citentur proximi agnati *Walter lib. 3. tit. 34. de Jure consuet. Austriac. In Auffrichtung eines Inventarii solle von Stund an, nach dem Dreißigsten beschehen, und darzu unpartheyische Commissarii von der Obrigkeit verordnet, auch denen nächsten Befreunden darzu verköndet werden.*

Z z 2

Item

Item wann man, &c. i. e. Item cum ad Inventarii confectiōem proceditur, bona omnia, Immobilia & Mobilia, litterisque scriptisve comprehensa, & quicquid præterea ad hæreditatem pertinet, ordine describi: si quid vero vel consilio, vel ignorantia fuerit omissum, creditoribus, & etiam aliis quorum interest, omnino jus est, hæc ut edantur petendi; ita ut si negares hæres, Creditores & illi quorum interest est, ad probandam omisionem admitti debeant: plane ut possint Testatoris familia, vel servis rerum domini sui plurimum haud ignavis, testimonium compellere iudicis auctoritate. Quod si per alios rem probare nequeunt, Hæres ipsemet juratus audiri potest. Concordat quoad delationem juramenti Sutting. in manuscript. lit. 1. §. Inventarii beneficium. Wann ein Gerichtliches, &c. i. e. Cum juridicum Inventarium factum est, nec tamen omnia ibi comparent, negantii accuratum esse inventarium, incumbit omissa manifestare juramento.

Effectus inventarii confecti occurrunt varii.

I. Est, quod hæres creditoribus ultra vires hæreditarias, non teneatur. text. hic. & in d. l. ult. Concordat Sutting. loc. cit. his verbis; Ein Erb, cum beneficio legis, ac inventarii, non tenetur sustinere onera hæreditaria, sed solummodo creditoribus juxta facultates hæreditatis paternæ, exceptis bonis feudalibus, satisfacere tenetur.

II. Effectus est, quod pendente inventarii confectiōe hæres non possit conveniri à creditoribus defuncti, d. l. ult. §. 11. III. Quod creditores compellere possit res hæreditarias in solum accipere, neque teneatur de earum evictione, d. l. ult. §. 6. Harp. Inst. hic. num. 10. Contra si hæres omisso Inventariò hæreditatem adierit, tenetur tam creditoribus, quam legatariis, & fidei com-

missariis in solidum, etiam ultra vires hæreditarias, frustra allegans in hæreditate nihil esse. Novell. 1. §. si verò non fecerit. Zoës. ff. de Jure delib. n. 13. Ratio: quia Jura præsumunt hæredem, qui non confectò inventariò hæreditatem adiit, in dolo fuisse, quasi clam aliquid subripuerit, & in bonis defuncti malignè versatus sit, d. Nov. 1. §. in prin. quæ ipsa præsumptio est Juri & de jure, non admittens probationem in contrarium d. Nov. cap. 2. & l. ult. Cod. de jure delib. Concordat Jus Austr. teste Sutting. in manuscript. lit. 1. Inventarium, & Walter. lib. 3. tit. 38. ibi: Wann sich einer &c. i. e. Cum quis sine beneficio legis & inventarii, hæreditati se immiscet, debitis omnibus, oneribusque subjacet, iis etiam satisfacere tenetur, non tantum pro viribus hæreditatis, sed & ex aliis suis bonis plene exsolvere.

#### §. ITEM EXTRANEUS FIN.

Quandoquidem diximus, hæreditatem semel aditam dimitti non amplius posse; ideò nunc. Q. Quando & quos modis dicatur aliquis adivisse? R. Imperator, duobus modis aliquem dici hæreditatem adivisse: verbò & factò; verbò, h. e. solò animò nudaque voluntate declarata verbis: ut si dicat, se velle adire, se velle hæredem esse: Factò, quando quis se pro hærede gerit. Pro hærede autem se gerere dicitur, qui rebus hæreditariis tanquam dominus utitur, vel prædia colit vel locat ædes, vel alia facit, quæ domino conveniunt, dummodo sciat eum, in cujus bonis pro hærede se gerit, testatum intestatumve obiisse, & se hæredem esse. l. 19. ff. b. t. Sebamb. hic. Concord. Walt. loc. cit. tit. 35. Die Antrettung, &c. i. e. Aditio hæreditatis fit factò: cum quis bona hæreditaria contrectat, nempe solvendo creditoribus, vel debita exigendo, vel construendo, cedendo, locando, vendendo, hypothecam constituendo &c.

Ex



Ex dictis colligitur, quòd ad hæreditatis aditionem requiratur animus, quem cum etiam mutus, & surdus habere possunt, & hi adire. *l. 5. ff. de acq. hæred.* modò intelligant, quid agant, ac sufficienter consensum suum indicent, nam aditio hæreditatis non requirit amplius hodiè verba solennia, sicut olim. *Perez. Inst. hic.* Furiosus, cum non intelligat, quid agat, hæreditatem per procuratorem rectè adit. *l. 35. ff. de acq. vel amitt. hæred.* Quod respectu furiosi utilitatis, & quasi pietatis causâ, ne afflicto addatur afflictio, receptum est; enim verò per procuratorem regulariter hæreditas acquiri non potest. *Manz. §. 4. Inst. h. t. n. 20.*

**II** Sicut autem verbò aut factò hæreditas acquiritur, ita etiam contrariâ voluntate, verbò vel factò declaratâ, mox repudiatur. *l. 95. ff. h. t.* unumquodque enim eò modò tollitur, quò colligatum. Verbò autem repudiatur, si dicat, *nolo adire hæreditatem.* Factò, si in alium transfert hæreditatem. Item si præteri-

tus, aut exhæredatus ab hærede instituto scienter rem hæreditariam emat, vel ei ut hæredi solvat, quod testatori debebat. *l. 23. §. 1. ff. de inoff. testament. Schamb. hic.*

Effectus repudiationis est, quòd amplius ad adeundam hæreditatem non admittatur. Ratio: quia alteri jam Jus quæsitum, quod illi facto repudiantis auferri non debet, & sicut hæreditas semel adita amplius repudiari nequit, ita hæreditas semel ab extraneo repudiata amplius adiri non potest, imputet enim sibi, qui rem non melius perpendit. *Manz. n. 22.* Minori tamen per restitutionem succurritur. *l. 6. Cod. de repud. hæred.* Item sius hæres: licet selevit vel paternâ hæreditate abstinerit, potest tamen NB. *donec res paterna in eodem statu permanent. h. e.* non alienatae sunt, intra triennium & hæreditati se immiscere, *d. l. 6. quod singulariter suo hæredi datum. Manz. num. 24. & Schamb. hic. in fine.*

## T I T U L U S XX. D E L E G A T I S.

### S U M M A R I A.

- 1 Definitur legatum.
- 2 Quomodo differat ab hæreditate?
- 3 Quales, & quot actiones pro consequendo legato competant?
- 4 Hodie legata, & fideicommissa exa-quata sunt.
- 5 An res hæredis legari possit?
- 6 An aliena?
- 7 An valeat legatum, si res non sit in commercio legatarii?
- 8 An res pignori data rectè legatur?
- 9 Quid juris, si res aliena legata sit, cu-

jus legatarius non vivo testatore est factus dominus?

- 10 Quid sit jus accrescendi?
- 11 Quando locum habeat?
- 12 Quid & quotuplex sit conjunctio?
- 13 Res propria legari potest.
- 14 Quid Juris, si quis putet, rem, quam legat, esse alienam, quæ tamen sit sua?
- 15 Quid Juris, si rem legatam alienaverit?
- 16 Vel oppigneraverit?
- 17 An debitum debitori rectè legatur?
- 18 An dos mulieri legari possit?

- 19 Si res legata pereat, cui pereat?
- 20 Si ex pluribus rebus una legata pereat, quid Juris?
- 21 Quid intersit, an quis fundum instructum, an cum instrumentis legaverit?
- 22 Si grex ovium legatus sit, an una ovis debeatur?
- 23 Quid sit cedere, quid venire diem?
- 24 An res etiam incorporales recte legentur?
- 25 Quid sit legatum generis, & quotuplex sit genus?
- 26 Quid Juris legato optionis?
- 27 Quibus legari possit?
- 28 An incerta personæ legari possit?
- 29 An posthumus?
- 30 An legatum valeat si testator erraverit in nomine, cognomine, vel agnomine?
- 31 An falsa demonstratio vitiet legatum?
- 32 An falsa causa?
- 33 An pama nomine legari possit?

## TRANSITIO.

Posset videri hic Titulus impertinenter huc esse collocatus: quia versamur in modis acquirendi domini per universitatem, legata autem, & fideicommissa acquiruntur nobis non per universitatem, sed ut res singulæ, ut proinde iste tit. statim post tit. de donationibus fuisset collocandus. Verum enim verò cum hætenus de testamentis Imperator egerit, non sine causa nunc de legatis agit, quia legata sunt pars quædam testamenti & velut accessorium; pars autem sequitur suum totum, l. 44. ff. de R. V. sicut accessorium suum principale. cap. 42. de R. J. in 6. Manz. hic.

## §. LEGATUM. I.

Legatum est donatio quedam à defuncto relicta, ab hærede præstanda, text. hic.

Dicitur I. donatio: quia ex liberalitate, & munificentia proficiscitur. l. 1. ff. de donat. & nullum onus, aut incommodum, sed lucrum duntaxat, ut pura donatio, in se continet. §. 6. b. t. quia in re differt legatum ab hæreditate, quæ & lucrum & onus habet, sicut & bonorum possessio, d. l. 32. ff. mandati. & l. 118. ff. de V. S. Dicitur II. quadam; quâ particulâ significatur, legatum esse quidem donationis speciem, sed tamen propriè non esse donationem; quia, ut patebit, ab omnibus donationis speciebus distincta est: etenim ad donationem requiritur acceptatio alterius, i. e. donatarii, legatum autem sola testatoris voluntate constat. Schamb. hic.

Dicitur III. à defuncto relicta, per quas particulas à donatione inter vivos distinguitur, quæ non à defuncto relinquitur; differt autem adhuc etiam à donatione inter vivos, quia hæc semel perfecta, temerè, hoc est, sine justa causa ingratitudinis revocari non potest: ut dictum supra tit. de donat. Deinde discrepat à donatione mortis causâ, quòd hæc in præsentem, legatum verò & in absentem fiat, Harp. hic. n. 7. & 8. Dicitur IV. ab Hærede præstanda, ut pateat, quòd legatarius non possit propriâ anthoritate rem occupare, sed petere eam debeat ab hærede, l. 1. ff. de Legat.

## §. Sed olim. 2.

Olim quatuor modis legata relinqui solebant, scilicet per vindicationem his verbis: do, lego: capito, sumito, &c. quo genere legari tantum poterant res, quæ testatoris erant tempore mortis & conditi testamenti. Per damnationem his verbis: hæres meus damnas esto dare; dato, facito, hæredem meum dare jubeo. Quo genere res omnes tam propriæ, quam alienæ legari poterant. Sinendi modo

modo his verbis : *heres meus damnatus esto finire , vel finito eum rem illam finire , sibi que habere* : quo genere legabantur res propriæ testatoris , & hæredis. Per præceptionem hoc modò non legabatur , nisi hæredibus scriptis , ex parte , hòc modò : *illam hæc præcipito* , quasi præ reliquis capitol v. g. *primus & secundus hæres sunt* : *secundus autem præcipuum habeat fundum Cornelianum*. Schamb. & Perez. hic. Sed Hæc IV. legatorum genera unà cum solennitatibus verborum exoleverunt , & unam naturam legatorum constituit *text. hic*. Pro legato autem consequendo tres actiones competunt , nimirum : *Rei vindicatio* , *actio personalis ex testamento* , & *hypothecaria* , quarum tamen nulla intentari potest , nisi aditâ hæreditate : nam si ex testamento hæreditas non sit adita , legata corruunt. l. 21. ff. de Fidei-commis. l. 181. ff. de R. J. Schneid. n. 12. Ratio , cur detur rei vindicatio , est ; quia domino datur adversus eum , qui rem possidet ; sed legatarius statim testatore mortuò fit dominus rei legatæ , l. un. §. 1. Cod. de Caduc. toll. ergò legatario statim à morte testatoris datur rei vindicatio tam contra hæredem quàm omnes alios possessores. Ad hoc autem ut rei vindicatio competat , requiritur. I. quòd legatum consistat in specie , non in genere , vel quantitate ; nec sit alternativum , quia alias propter incertitudinem non transfertur dominium , nisi factâ declaratione. 84. §. Stichum ff. de legat. II. Quòd res sit testatoris , non hæredis , nec alienæ rei dominium testator , quod non habet , transferre potest. l. nemo plus juris , § 3. ff. de R. J. Schneid. n. 20. & Chlång. q. 3. ob. 2. & 3. h. t.

Ratio , cur detur actio personalis ex testamento contra hæredem , est ista : quia actio personalis datur contra eum ,

qui nobis est obligatus : atqui hæres est legatario obligatus ex quasi contractu ; quia hæres adeundo hæreditatem dicitur cum creditoribus & legatariis quasi contrahere. §. heres. §. de Oblig. quæ ex quasi-contractu. Manz. n. 18. Datur hæc actio tum maximè , quando legata est quantitas , vel res aliena , tum enim rei vindicatio , uti dictum , non competit. Illud non refert , legatumne in testamento , an codicillis relictum sit ? nam si in Codicillis ab intestato factis legatum relictum sit , utilis saltem actio personalis ex testamento locum habet. Schneid. n. 16.

Ratio , quare actio hypothecaria competat , est : quia legatario pro legato universa defuncti bona tacitè per legem obligata , & oppignerata sunt , donec legatum solvatur. l. 1. Cod. commun. de legat. Manz. n. 19. tres ergo legatario pro legato consequendo actiones applicantur *realis* , *personalis* & *hypothecaria* : non tamen cumulatim competunt , h. e. omnes tres simul in eodem libello cumulari nequeunt , dantur enim *electivè* , h. e. hæres ex iis unam eligere debet , quâ legatum petat. l. 76. §. 8. ff. de legat. Manz. n. 20. & communiter omnes.

Dices I. Quando quis est rei alicujus dominus , tunc is non potest agere actione personali ; atqui legatarius est rei legatæ dominus juxta dicta , ergò R. I. dist. maj. quando quis est rei alicujus dominus naturalis & civilis simul , con. maj. tantum civilis , sicut legatarius , neg. maj. R. II posse etiam dominum instituere actionem personalem ad possessionem obtinendam. Licet enim legatarius fiat dominus , saltem ab adita hæreditate , possessionem tamen non consequitur , quam proinde actione personali persequi poterit. Schamb. hic.

Dices II. Traditionibus , non nudis pactis transferuntur rerum dominia , l.

20. *Cod. de pact.* ergò legatarius non fit statim dominus post mortem ante traditionem, per consequens rei vindicationem habere non potest. & per fictionem juris in legatarium transferri dominium; fictio autem tantum operatur in casu ficto, quantum veritas in casu vero. *Manz. n. 29. § 30*

*Dices*: Saltem non dabitur actio hypothecaria: nam si legatarius rei legatæ dominus est, quomodo res ei erit obligata, cum rei propriæ non consistat pignus? & ipsam rem, quæ legata est, utpote propriam legatarii nexu Pignoris non obstringi, sed reliqua defuncti bona *Harp. n. 20. Chlun. q. 4.*

Permultæ olim erant inter legata & fidei-commisla differentiæ. I. Legata non poterant relinqui nisi testamentò, aut Codicillis testamentò confirmatis, §. 10. *Inst. de fidei-commis. hereditat.* fidei-commisla verò tam ex testamento, quàm ab intestato relinquuntur. II. Post mortem hæredis vel legatarii inutiliter legabantur: secus in fidei-commisso. §. 35. *Inst. eod.* III. à legatario non poterat relinqui legatum: Poterat tamen fidei-commissum. IV. Non poterant relinqui legata ante hæredis institutionem, poterant tamen fidei-commisla. V. Legata strictè interpretanda erant, fidei-commisla verò pinguiorem naturam habebant. *Schamb. hic. Harp. n. 1.*

4 Verùm istas & id genus differentias Justinianus sustulit, & legata fidei-commisiss per omnia & in omnibus reciprocè exæquavit: in tantum, ut, quod legatis tribuitur, idem tribuatur fidei-commisiss, & vicissim. *Hic. § l. 1. Cod. commun. de Legat.*

*Ob. l. 1. ff. de legat. 1.* in qua Ulpianus ait: *per omnia exæquata sunt legata fidei-commisiss*; ergò ista exæquatio Ulpiano, non Justiniano attribuenda. & I. Ul-

pianum loqui de exæquatione quoad deductionem quartæ falcidiæ; quæ sicut ab initio obtinuit in legatis, ita etiam per SCtum Pegasianum extensa fuit ad fidei-commisla. & II. Quosdam non malè conjecturare, *ly per omnia*, ex posterioribus Juribus à Triboniano ad *d. l. 2.* esse adjectum; maxime cum *d. l.* ferè biennio ante editionem Pandectarum evulgata sit. Et Justinianus compilatoribus hanc potestatem dederit, ut pro arbitratu suo & adicere quædam, & detrachere scriptis veterum possent. *l. 1. Cod. de vet. Jur. enucl. Schamb. hic. Harp. n. 5.*

*Dices*: Est adhuc hodie differentia: legata enim verbis directis, fidei-commisla obliquis relinquuntur, ergò: & esse differentiam, quoad modum relinquendi, sive in verbis, quibus relinquuntur, *conc.* quoad effectum, *neg.*

#### A D V E R S. S E D N E.

Nota, quòd ob sublatas differentias *Imperator* de utrisque simul, i. e. tam de legatis, quàm fidei-commisiss agere potuisset, id tamen ne permixtio quandam difficultatem inducat; ideoque separatim prius de legatis, postea verò de fidei-commisiss agere voluit. *text. hic.*

#### §. N O N S O L U M. 4

*Imperator* hic incipit declarare, quæ res possit legari, atque, quod non tantum res testatoris, sed etiam hæredis, & prorsus aliena legari possit.

Et I. quidem nullum dubium est quin testator rem suam propriam legare possit Ratio ex lege VII. *ut quisque rei sue legasset, ita jus esto*, & quilibet rei suæ moderator & arbiter est.

II. Potest testator legare res hæredis. 5 Ratio est; tum, quia hæres & defunctus una eademque persona esse censentur. *Nov. 43.* adeòque res hæredis testatori non



non aliena, sed ipsius quasi propria videtur: tum quia & civilis & naturalis ratio postulat, ut hæres qui commodum accipit ex testamento, & voluntatem defuncti in commodum sequitur, eandem quoque in incommodum impleat, & sequatur, *Harp. n. 3. § 4.*

- 6 III. Potest legari res aliena. Ratio nulla est alia, quam ut ultimæ voluntatis liber sit sty'us, & testatoris voluntas exitum sortiatur. Non tamen in se interesse licet, quod domino invito res suæ auferantur, contra regulam, §. *fin. inst. de his, qui sui, &c.*

Sed in tantum hoc verum est, ut cogatur hæres rem alienam legatam redimere, & redemptam legatario præstare. Quod si verò dominus rei nolit eam vendere; tunc hæres tenetur legatario æstimationem illius rei præstare. Ad quam & tunc recte admittitur si dominus rem quidem vendere velit, sed non nisi immodico pretio; quia paria sunt nolle vendere, & velle, sed immodico pretio *l. 14. §. 2. ff. de legat. 2. Manz. n. 5. 6. § 7. Schneid. n. 7.*

#### AD VERS. SED SI.

Dictum est, rem alienam legari posse. Hoc autem recipit duas limitationes. I. est, quod tunc demum rei alienæ legatum valeat; si sit res, quæ est in commercio humano. Nam si sit res, quæ est extra commercium humanum; ut *res sacra, sancta, publica*, tunc neque ipsa res, neque æstimatio debetur, *text. hic.* Ratio: quia ipsa res, cum dominio nostro subijci non possit, tra si non potest, neque ejus æstimatio præstari, quia commercium est jus emendi & vendendi invicem, h. e. de re contrahendi: quarum autem rerum non est commercium, hæ nec pretio æstimari possunt, ut mirum non sit, hic nullam earum æstima-

*Res ad Institutu.*

tionem dari, cum talis æstimatio haberi non possit. *Manz. n. 8.*

Q. I. Quid si res legata quidem sit in commercio hominum, sed non sit in commercio legatarii, valebitne legatum, saltem in tantum, ut legatario debeat æstimatio? *R. cum distinctione:* aut res legata non est in legatarii commercio propter crimen vel sectæ diversitatem, vel propter statûs conditionem, aut vitium corporis. Priori casu, nec res legata, nec ejus æstimatio debetur. *l. mortuo 49. §. 2. ff. de legat. 2.* Hinc si Christianus hæretico, aut Judæo legaverit Christianum, nec legatum, nec æstimatio debetur, quia Judæis & hæreticis interdictum est mancipium Christianum acquirere, possidere, vel habere. *tot tit. Cod. ne Christianum mancip. heret. vel Jud. hab.* Posteriori casu rei legatæ æstimatio debetur; v. g. si *cæco, surdo, aut mutuo milita* sit legata, tunc æstimatio debetur. *l. filiusfamil. 114. §. si quid. 5. ff. de legat. 1. Schamb. hic. vers. quæres* 1. quâ distinctione data textus contrarios, quos accurato calamo enucleat *Hun. var. resol. lib. 2. tract. 8. q. 6.* facile combinare possis. Refert nimirum, an legatarius rei legatæ commercium jure non habeat, an de facto? illo casu nec æstimatio: hoc casu ista debetur, quia affecto non est addenda afflictio. *Schneid. n. 10. Harp. n. 18. § seqq.*

Q. I. Quid juris, si econtra defunctus, vel hæres non habuerit rei legatæ commercium, habeat tamen legatarius? *R. tunc vel rem vel æstimationem deberi. l. 49. §. 3. ff. de legat. 2. Schamb. hic. Harp. n. 18. Schneid. n. 10.*

*Dices:* Impossibile nulla est obligatio. *l. 185. ff. de R. l.* atqui impossibile est hæredi præstatio ejus rei, quam comparare, quamque habere non potest; ergo ad præstationem obligari non potest.

A a a

R.

R. hæredi præstationem illius rei, cujus non habet commercium, impossibilem non esse: quandoquidem, licet ipse hæres rem istam sic comparare non possit, ut eam, sibi habeat; & retineat, nihil tamen prohibet, quòminus eam ita comparare queat, ut alii acceptam præstet; siquidem id, quod quis sic capit, ut non retineat, sed alii restituat, capere non videtur *l. 71. ff. de V. S. Harp. loc. cit.*

#### AD V. QUOD AUTEM.

II. Limitatio regulæ est, tunc tantum legatum rei alienæ valere, si defunctus scribat rem alienam esse, secus si ignorabat; tunc enim præsumitur hæredem oneraturus non fuisse onere luitio- nis, sive redemptionis. *l. 10 Cod. h. t. Et errantis nullus est consensus l. 12. Cod. de Jur. & fact. ignor.*

Excipe, nisi personæ proximæ v. g. parenti uxori, cognato rem alienam ignoranter legaverit, his enim legatum debetur, *d. l. 10.* Ratio: quia præsumptio affectus in personam conjunctam tollit præsumptionem, quòd hæredem oneraturus non fuisset, si rem alienam esse scivisset. *Manz. n. 10.*

#### AD VERS. ET VERIUS.

Quid si contentio oriatur inter hæredem & legatarium, cui incumbit onus probandi, quòd testator sciverit, vel ignoraverit rem legatam alienam esse; R. Incumbere legatario, tum quia est actor, cui regulariter incumbit probatio. *l. 4. Cod. de edend.* tum quia hæres habet præsumptionem pro se, cum is de damno vitando agat; alter verò de lucro captando, *Schamb. in fine hic. & Manz. n. 11. & 12.*

#### §. SED ET SI.

Quod de re aliena dictum est in §. 8 præced. idem placuit in re credit ori obligatâ, sive pignori data: ut nimirum rem legatam, quam testator scivit esse oppigneratam, hæres luere teneatur. Fac, v. g. *Cajus debitor poculum aur um oppigneravit Titio creditori: idemque Cajus testamento illud ipsum poculum legavit Sempronio?* cogitur hoc casu hæres Caji poculum illud luere, i. e. soluto creditori Titio pecuniâ, illud redimere sive recipere, & receptum præstare Sempronio legatario? si modò id obligatum fuisse testator sciverit. Est enim verisimile, eum, qui scit, rem pignori obligatam esse, eamque legat, voluisse hæredem suum gravare, ut rem luere. *text. hic. & in l. 57. ff. de Legat. 1.*

Quòd si testator ignorasset, rem legatam pignori fuisse obligatam (quia fortè facto institutorum, vel procuratorum obligata erat) hæres compelli non potest, ut eam luat. *Harp. n. 2. & 3.*

Dices I quid ergò hoc casu proderit legatum legatario? R. ad hoc, ut ipse rem legatam suâ pecuniâ redimere, ac sibi met retinere possit. Quæ redemptio eo utilior erit, quo magis valor excedit quantitatem debiti. *d. l. 57.*

#### AD V. SI TAMEN.

Planè interdum legatario ad legatum consequendum, luendi onus sive necessitas incumbit, etiamsi testator rem legatam sciverit nexu pignoris obstrictam: nimirum tunc, quando testator voluit legatarium luere, & hoc expressit. *text. hic.* Ratio, quia lex silet, ubi homo loquitur, & provisionem legis. *Manz. n. 5.*

Dictum: si testator ignoraverit, rem pignori obligatam esse, quòd tunc eam legatarius luere debeat, Hoc

Fallit

Fallit I. Quando res pignerata à testatore legata est conjunctæ personæ, cui verisimiliter, si scivisset eandem, vel aliam æquè bonam fuisset legaturus; *d. l. si res. § 7.*

Fallit II. Quando nihil est superfluum in re legata, solutâ quantitatē debitâ, & sic legatum non contineret utilitatem. Nam tunc onus luendi spectat ad hæredem, etiamsi nesciverit testator rem pigneratam esse. *Schneid. n. §. hic.*

### §. SI RES. 6.

- 9 Q. in hoc §. quid juris, re alienâ legata, cujus legatarius, vivò testatore dominus factus est? *R. cum distinctione,* aut legatarius factus est ejus rei dominus ex causa onerosa (qualis est illa, pro qua aliquid præstare debemus, v. g. *emptionis, permutationis, locationis, dotis, &c.*) aut ex causa lucrativa, qualis est illa, pro qua nihil quidquam præstamus, v. g. *donationis, legati, successionis, &c.* Jam si legatarius factus est rei dominus ex causa onerosa, tunc poterit agere actione ex testamento contra hæredem, ut consequatur pretium. *text. hic. & in l. 168. §. 4. ff. de Legat. 1.* Ratio; quia licet rem habeat, tamen aliquid aliud pro ea exposuit quo caret. *Manz. n. 5.*

Si factus est rei dominus ex causa lucrativa, tunc contra hæredem agere non potest, nec quidquam petere, sed tale legatum inutile redditur. *Ratio est in textu:* quia duæ causæ lucrativæ in unum hominem, & eandem rem concurrere non possunt. Videtur enim esse contra naturalem æquitatem, id petere, quod jam habet: idque sine ullo tuo incommodo, vel onere, *l. 206. ff. de R. J. Harp. n. 6.*

### AD VERS. HAC RATIONE.

Ex dictis infert *Imperator*, si cui in duorum testamentis eadem res fuerit legata, quòd multum intersit, an legatarius ex primo testamento acceperit ipsam rem, an duntaxat æstimationem. Si ipsam rem ex alterius testamento, nihil potest prætere, neque rem, neque æstimationem. Non rem; quia illam habet ex causa lucrativa adeoque sortitur locum prædicta regula, quòd duæ causæ lucrativæ in eundem hominem concurrere nequeant. Non æstimationem: quia æstimatio inest rei, & propterea peteret quod jam habet, & contra regulam: *quod meum est, amplius meum fieri non potest.*

Si verò ex primo testamento acceperit æstimationem, rem ipsam ex secundo petere potest. Ratio; quia, qui fundum v. g. habet, habet etiam æstimationem, saltem intrinsecam: qui autem habet æstimationem, non habet ipsam rem, *Schamb. hic.*

Q. III. Si legatarius ex primo testamento acceperit æstimationem, & hæres in secundo scriptus rem redimere nequeat, an adhuc semel æstimationem præstare debebit? Videtur quòd sic, quia legatarius nondum habet rem: deinde quantitas sæpè legata; semper debetur: ergò etiam æstimatio. Sed contrarium verius est: *quia æstimatio est locus rei;* ergò sicut rem non potest iteratò petere, sic nec æstimationem iteratò petere potest. *Schamb. loc. cit.*

Ad rationem dubitandi I. dico, rem tunc deberi, si ejus acquisitio sit hæredis possibilis.

Ad II. dico, quantitatem ideò sæpius prætendi posse, quia summa multiplicari potest: eadem res sæpius præstari non potest. *Harp. n. 12.*

## 5. EA QUOQUE RES. 7.

Legari possunt non tantum res quæ in rerum natura sunt, sed & quæ nondum existunt, futuræ tamen sperantur, v. g. *fructus, qui nascentur*, item *proles ex ancilla, quæ prodibit*. Ratio; quod est in spe, idem est, ac si esset in re. Tale tamen legatum conditionale non est, sed pro puro habetur, unde legatario ante natiuitatem fructuum, vel partum prolis defuncto, transmittitur ad hæredes. *l. 8. §. fin. ff. de condit. Manz. num. 4.* Ratio assignatur *ex l. conditione extrinsecus 99. ff. de condit. & demonst.* ubi dicitur, quod conditiones extrinsecus non ex testamento venientes, i. e. quæ tacite ineffe videntur non faciant legata conditionalia, subintellige, ut Duarenus, & plerique alii interpretantur, *quoad transmissionem*. Dixi non ex testamento venientes; nam quæ descendunt ex testamento, i. e. ex verbis aut ex tacita voluntate testatoris, transmissionem impediunt, *arg. l. 5. ff. quando dies legat. ced. Humm. ad Treutl. vol. 2. disp. 13. q. 12.*

## 6. SI EADEM RES. 8.

Subjicitur in hoc §. Jus accrescendi, quæ materia, teste omnium interpretum iudicio, subtilis, obscura, difficilis involuta, totoque ferè jure diffusa est.

10 Definitur hoc jus accrescendi, quod sit *jus, quo portio vacans, accrescit portioni occupata*. Hoc jus accrescendi, æquiparatur alluvioni. *l. 33. ff. de usu fruct. & quemad.* & quidem haud ineptè: nam sicuti alluvio tacitum, latensque inducit incrementum, ita, id, quod accrescit, tacite, latenterque ipso jure accrescit, i. e. sine ullo prorsus facto pars vacans cedit occupatæ.

Hoc jus accrescendi habet locum in iis, quæ ultimâ voluntate relinquuntur,

sive titulo universali sive particulari. Aliiter tamen, si universali, aliter si particulari; de quo ut recta methodo agamus, *Solvimur à portu, pateant nunc carbasa ventis.*

I. Itaque jus accrescendi locum habet inter cohæredes testamento scripto, v. g. *Titium & Mævium mihi hæredes sunt!* in hoc casu si Mævius moriatur ante aditam hæreditatem, aut repudiet eam, Titius capit universam hæreditatem, & quidem *jure accrescendi*, quod idèò introductum, ne testator partim intestatus decedat, contra regulam, *l. Jus nostrum 7. ff. de R. J.*

Et hoc jus accrescendi non tantum tunc habet locum, quando testator Titium & Mævium conjunctim sine assignatione partium hæredes instituit, verum etiam si eos separatim vocaverit ad hæreditatem, v. g. *certam cuilibet partem, vel rem relinquendo*. Vel si unum tantum hæredem ex parte, vel ex certa re hæreditatis instituerit: tunc enim ejusmodi institutio se extendit ad universum jus defuncti, quasi universaliter facta esset sine mentione patris, vel rei certæ. Ratio non alia, quàm ne defunctus pro parte testatus, pro parte intestatus decedat, quod fieri non potest, quia actus testandi est individuus. *Zoes. ff. b. t. n. 36.*

Dicta, quod videl. institutus in re certa totam hæreditatem acquirat, procedunt, si is non habeat cohæredem universalem; tunc enim institutus in re certa habetur loco legatarii, & omnia accrescunt hæredi universali, & nihil hæredi in quota instituto: ex re enim singulari institutus est loco legatarii, *l. 13. Cod. de hæred. Inst. Gomez. var. resol. c. 10. n. 13.*

II. Jus accrescendi locum habet inter legatarios, tunc scilicet, quando res iisdem conjunctim relicta est, ubi scitu dignum necessarium, quid sit conjunctio, & quotuplex, Con.



12 *Conjunctio definitur, quòd sit duorum vel plurium legatariorum ad unam eandemque rem vocatio, quæ tunc contingit, si una eademque res duobus ab eodem testatore legatur.*

*Ista conjunctio triplex est, realis, verbalis, & mixta.*

*Conjunctio realis est, quando duo vel plures tantum sunt conjuncti. Re autem tantum conjuncti illi dicuntur, quibus eadem res sub diversa ratione relinquatur, v. g. Titio fundum meum do, lego. Sempronio eundem fundum do, lego. Et illi, qui re tantum conjuncti sunt, propriè, & in specie disjuncti appellantur. Harp. hic. n. 4.*

*Conjunctio verbalis est, quando duo verbis tantum sunt conjuncti. Verbis autem tantum conjuncti dicuntur, quibus eadem res legatur, datis partibus sub una ratione. v. g. Titio & Sempronio fundum Tusculanum aequis partibus do, lego.*

*Conjunctio verbalis est, quando duo re & verbis junguntur. Re & verbis autem conjuncti dicuntur, quibus eadem res in una & eadem oratione non expressis partibus relinquatur. Titio & Sempronio fundum meum Tusculanum do, lego. Zoes. ff. b. t. n. 29. & Hunn. ad Treutl. b. t. th. 2.*

*His præmissis, Q in hoc §. quid juris sit, si una eademque res pluribus conjunctim relinquatur? R. Inter omnes sine dissidio convenire in conjunctione reali, & mixta, legatarios in concursu facere partes, ut nimirum inter eos æqualiter legatum dividatur. Si vero alter eorum deficiat, tunc legatum totum ad superstitem, sive collegatarium jure accrescendi pertinere. text. & in l. un. Cod. de ead. toll. Ratio est in præsumpta testatoris voluntate, qui, cum legatarios conjunxit, præsumitur, voluisse potius, ut unus totam rem habeat, quam hæres. Manz. n. Schamb. hic. vers. observ. 2*

*Dices in conjunctione reali, & mixta potius videtur habere locum jus non decrescendi, quam accrescendi, eo quòd uterque ab initio conjunctione solidum habeat. R. Id tamen dici non posse, cum solidum ab initio statim, non expectato eventu alterius deficientis, prætereundere nullus possit, ut proinde solidum simpliciter non habeat; sed consideratò casu alterius deficientis. Adeoque sub diverso respectu videtur habere locum jus accrescendi, & jus non decrescendi. Jus non decrescendi, quatenus singuli considerantur, ut habentes solidum in casu deficientis alterius: jus accrescendi, quatenus considerantur, ut habentes partes: in concursu utriusque; tota igitur res ab eventu pendet, illo scilicet, num alter concurrat, num deficiat. Si respectus habeatur ad casum concursus, videntur habere partes, & per sequens locus est juri accrescendi. Si respectus habeatur ad casum defectus, videtur uterque habere solidum, adeoque jus non decrescendi locum sortitur. Quidquid sit de nomine, quia de lana caprina foret, dilceptare non vacat. Schamb. hic. vers. observ. 2. An in conjunctione verbali tantum jus accrescendi locum habeat, discutiemus alibi.*

#### §. S I C U I F U N D U S. 9.

*In hoc proponitur talis casus. Legatus est mihi fundus Cornelianus 300. solidorum, ego postea emi à Cornelio domino fundi nudam proprietatem 100. solidis, relicto ei usu fructu; successu temporis accidit, ut usus fructus finiretur vel per mortem Cornelii, vel per capitis diminutionem, & mihi consolidationis jure, adeoque gratis sine onere & pretio accideret, idque vivo adhuc testatore. Q. an ex testamento totius fundi, i. e. proprietatis, & usus-fruc-*

tus æstimationem petere possim, & non duntaxat proprietas?

Videtur, quod tantum æstimationem proprietatis, non etiam usus fructus. Ratio, quia sola proprietas ex causa onerosa delapsa est ad legatarium: usus fructus verò ex causa lucrativa. Diximus autem suprâ, quod duæ causæ lucrativæ in eundem hominem concurrere nequeant.

Hoc non obstante R. Julianus hic § in l. 82. §. 2. ff. de legat. 1. quod totum fundum petere possim, eò quod usus fructus tantum se habeat per modum accessorii, & servitutis locum obtineat, non autem pars sit rei, sive domini. Et hoc de rigore juris procedit: aliud de æquitate obtinet, quâ inspectâ iudex solummodò hæredem condemnat ad æstimationem proprietatis, non etiam pretium usus fructus. *text. hic. § Harp. n. 4.* Pari ratione, si res alicui legata sit, & is partem emerit à verò domino, altera verò pars ei sit donata, vel quocunque alio titulò lucrativò acquisita: actione ex testamento tantum ad pretium partis emptæ agere poterit. *d. l. 82. §. 3. Perez lsf. hic.*

#### §. SED SI REM. IO.

- 13 Res legatario propria legari non potest, ita, ut neque res, neque æstimatio debeat. Ratio: quia quod meum est, amplius meum fieri non potest *text. hic. §. 14. de act. & non potest dominum nisi ex una causa nobis contingere. Harp. n. 12.*

Sed quid, si legatarius rem suam, sibi legato relictam, post testamentum factum alienaverit, sicque res ipsius esse defuerit? R. nihilominus legatum inutile esse. *text. hic. § d. 41. §. 2. ff. de legat. 1.* Ratio desumitur ex regula Catoniana, quæ sic habet: *quod legatum ab initio non*

*valet, tractu temporis non convalescit. l. 1. ff. de regulâ. Caton. § cap. 18. de R. l. in 6.*

Obtrudes l. 1. §. fin. de reg. Caton. ubi Celsus in hæc verba rescribit: *Item si tibi legatus est fundus, qui scribendi testamenti tempore est tuus; si eum vivò testatore alienaveris: N B. legatum tibi debetur, quod non deberetur, si testator statim non decessisset.* En! stude, ut contrarietur lex ista nostro §. ita ut Hotomanus sibi persuadeat, eò operam locari locò, si conciliationi manus admoveatur, quo poneret, cui circulum quadrare niteretur.

At ego, si res accuratiori lance trutinetur, existimo, facilè istos textus posse in concordiam reduci, si dicatur in casu *d. l. 1. §. fin.* legatum fuisse conditionale: *lego tibi fundum illum, si vivo me alienaveris.* Si hoc, regula Catoniana cessat, utpote quæ tantum in legatis puris sortitur locum, non etiam conditionalibus, *C. cetera 41. §. trāzari ff. de legat. 1. § l. 4. ff. de reg. Caton. Schamb. hic. Harp. n. 6. Hann. ad Treutl. vol. 2. disp. 13. q. 25. Arumæ. exercit. 9. th. 5.*

#### §. SI QUIS II.

In hoc §. duæ quæstiones proponuntur. I. Si quis putet rem, quam legat, esse alienam, & tamen sit sua. Q. *An tale legatum valeat?* R. in textu, quod sic: Ratio quia favore ultimæ voluntatis plus valet; quod in veritate est, quàm quod in opinione. Ratio alia; quia quisque præsumitur facilius ad legandas res proprias, quàm alienas, *Manz. n. 2.*

Dices nostræ regulæ è diametro refragatur illa regula, quæ traditur l. 15. ff. de acq. hered. ubi dicitur: *plus valet, quod in opinione est, quàm quod in veritate.* Sic is, qui putat se hæredem necessarium, cum sit voluntarius, non potest

potest repudiare hæreditatem; ergò. *R.* plus valet id, quod in opinione est, quam quod in veritate est; si opinio pugnet cum voluntate, *conc.* si opinio non pugnet cum voluntate, sed tantum cum veritate, *neg.* sic volens committere fornicationem, credens se cognoscere personam liberam, quæ tamen à parte rei maritata est, licet à parte rei adulterium committat, a sulter tamen non est, quia plus valet, quod in opinione est, quam quod in veritate, cum opinio pugnet cum voluntate; quia si scivisset esse conjugatam, illam non cognovisset: sic & is, qui putat se hæredem esse necessarium, cum sit voluntarius, non potest repudiare hæreditatem: quia non censetur velle repudiare, qui se putat necessarium, cum sciat, quod necessarius repudiare non possit; siquidem aditio vel repudiatio in mera ac porsus libera voluntate consistit.

Quod si opinio tantum cum veritate pugnet, plus valet, quod in veritate est, quam quod in opinione. Sic is, qui vult legare rem quam putat esse alienam, à fortiori illam vult legare, si sit sua. Sic etiam, qui putat se à non domino tradatur, verum acquirit dominium, *l. peu. §. 1. Cod. de jur. & fact. ignor. Schamb. hic. Harp. n. 4.*

II. Questio est: si testator putavit rem legatam esse legatarii, & eam legatario legavit, cum tamen ejus non sit, an valeat legatum? *R.* valere. Ratio: quia præponderat errori voluntas testatoris; præsumitur enim legatarium honorare in eactum inutilem facere voluisse, *l. 109. ff. de legat. 1.* Alia ratio habetur in textu: quia exitum voluntas testatoris habere potest.

Dices: dando alteri rem, quam puto esse ejus, non transfero dominium, quia non est voluntas transferendi, *l. 3. §.*

*3. ff. de condi& caus. dit.* ergò etiam non valebit legatum, quia deest animus legandi *R.* ex favore ultimæ voluntatis præsumi, quod testator velit omnem rem legatam præstari, si possit, hoc autem casu potest: ergò si testator rem quæ legatarii est, leget, non idè non valet legatum, quia animus legandi deest, sed idè, quia voluntas ejus effectum sortiri non potest. *Schamb. hic.*

### §. SI REM. 12.

Hoc §. talis casus proponitur: testa-<sup>15</sup>tor legavit in testamento Titio fundum suum, v. g. Tusculanum, postea autem eundem fundum adhuc vivens alienavit, oritur dubium, *an alienando censeatur legatum revocare?* Celsus existimat, si non adimendi animo vendidit, adhuc deberi. Ratio: quia legatum omnino præstandum est, nisi constet, quod testator id aut revocaverit, aut ademerit, *l. 4. ff. de adim. vel transferend. legat.*

At ain! quando testator censeatur animo adimendi legatum distraxisse? Quamvis hoc difficile sit cognitu: quia voluntatis quæstio est, puto tamen *hujus distinctionis* ope rem dirimi posse, an testator rem distraxerit ex necessitate rei familiaris ductus, an sua sponte sive mera & nuda voluntate.

Si sua sponte rem distraxerit, revocasse legatum censeatur, *l. 11. §. 12. ff. de legat. 2.* nisi legatarius probet non fuisse voluntatem & animum defuncti legatum adimendi, *Schneid. n. 4.*

Si ex necessitate rem distraxerit, fortè quia pecunià paratà indiguit, vel quia res legata erat peritura, legatum non videtur revocatum, sed hæres rem legatam tenetur redimere, aut æstimationem præstare, nisi probet, cum necessitate animum adimendi legatum conjunctum fuisse, *d. l. 11. §. 12. cod. & l. 18. ff. de adim. legat.*

AD

## A D V. I I D E M.

16 Quid si res legata post factum testamentum à testatore fuerit oppignerata, censeturne tunc quoque legatum ademptum? Ratio dubitandi: quia oppignratio est species alienationis.

Sed R. non censi ademptum, sed legatarius hæredem compellere poterit, ut rem oppigneratam à creditore luat, sibi que restituat. Ratio; quia res oppigneratae manent in dominio testatoris, ut proinde cum res bonis testatoris non eximantur, nec legatum ademptum censeatur, *Manz. n. 9.*

Quam distinctionem dedimus circa alienationem totius legati: eadem adhibenda est circa alienationem partis. Ratio: quia quid juris est de toto quoad totum, idem juris esse debet de parte, quoad partem. *l. 7. ff. de R. V. Harp. n. 3. & 4.*

## §. SI QUIS DEBITORI. 13.

17 Quid si creditor debitori suo liberationem legaverit, estne utile tale legatum?

Dixeris quod non: quia res sua nemini legari potest, sed quod aliquis debet, illius adhuc dominus est. *l. 2. ff. de libert. legat.*

Sed contrarium deciditur. Ratio: quia non videtur legata res ipsius debitoris, sed liberatio, quæ est in facultate creditoris. *Manz. num. 2. 3.* Adeo autem utile est tale legatum, ut legatarius hæredem compellere possit, ut liberet eum, & instrumenta obligationum restituat. *text. hic.* Non tamen debitor liberatur ipso jure, sed ope tantum exceptionis. Ratio: quia legatum non est modus tollendi obligationem. *Schamb. hic.* Nisi legatarius ab hærede penerit, ut se per acceptilationem liberet, v. g. hoc modo: quod ego promisi defuncto, tu

hæres, habesne acceptum? tunc enim ipso jure liberatur; acceptilatio enim est modus tollendæ obligationis. *Schamb. hic.*

Sicut in perpetuum liberatio legari potest; ita enim potest testator jubere, ne intra certum tempus à debitore debitum exigatur: & tunc pro eo tempore non potest peti nec usura nec poena. Nam ubi nulla est petitio, ibi nulla mora est. *Schneid. n. 4.* usurae autem debentur ex mora *l. 32. §. 2. ff. de usur. Manz. n. 14.*

## §. EX CONTRARIO. 14.

Quid si verò è contrario debitor creditori suo debitum legarit, valetne legatum R. cum distinctione, si nihil plus est in legato, quam in debito, inutile est legatum, v. g. si is, qui debet 100. leget 100 Ratio: quia legatum est donatio, hoc autem casu nihil donaret; ergo.

Si verò plus est in legato, quam in debito, tunc omnino valet: quia jam sapit donationem. Hinc si debitum sit in diem, vel sub conditione, & illud legetur purè, legatum est utile, propter repræsentationem, h. e. propter præsentem solutionem. Id enim lucratur creditor, quod accipiat statim post mortem debitoris id, quod post certum tempus, aut post eventum conditionis cum propriis præstandum erat, aut quod interdum nunquam daretur, si fortè conditio non extitisset. *Manz. n. 6.*

Idem est, si causâ, aut loco plus sit in legato, quam in debito, enim verò & tunc legatum utile erit, v. g. si aliquid debeatur in genere, & illud legetur in specie; vel si debeantur centum Romæ, illorum solutio legetur Viennæ. Vide *Manz. num. 7. & seqq.*



## AD V. QUOD SI VIVO.

Q. hic, quid si autem in legato in diem, vel sub conditione, vivo testatore dies venerit, vel conditio extiterit, est ne nihilominus legatum utile? In exemplo: debui Sempronio 100. solvendo post triennium, & legavi purè, hoc in casu, ut dictum, utile est legatum.

Quid si autem vivam adhuc per triennium, & dies solutionis adveniat, manetne utile? dixeris, quod non: quia commodum repræsentationis, i. e. præsens solutio cessat, & nihil amplius est in legato, quam debito: præterea res devolvitur in illum casum, à quo non potest inchoare. Quæ posterior ratio movit Paulum Jctum in *l. debitor. 82. ff. de legat. 2.* ut velit, tale legatum non valere.

Sed Imperator rejicit sententiam Pauli, statuitque secutus Papinianum in *l. 5. ad fal.* quòd nihilominus utile sit legatum. Ratio est in textu; quia semel constituit. Quod Manz. hic. num. 14. ita explicat: quia potuit habere locum repræsentatio; potuit enim fieri, ut debitor ante diem moreretur, aut conditio non existeret. Inspiciendum ergo est, quod evenire potest, & id potiùs, quod est in aptitudine, quam quod est in actu.

Ad rationem dubitandi R. quòd dicta regula non procedat, cum casus superveniens tendit ad eundem finem, quem non tam impedit, aut destruit; quam promovet, Zoef. ff. *b. t. n. 21. Manz. n. 15.*

Hinc regula illa: non est novum, ut, quæ semel utiliter constituta sunt, dorent, licet ille casus extiterit, à quo initium capere non potuerunt, *l. 85. §. 1. ff. de R. J*

Rees ad Instituta

## §. SED SI UXORI. 15.

Pro hujus §. intellectu, Nota I. Quod 18 de jure communi dos solutò matrimonio revertatur ad uxorem, seu partem dotantem. *l. 2. ff. solut. matrim.* nisi pactum de lucranda dote intervenierit. Schneid. n. 1. Et quidem hodie, si dos consistat in bonis immobilibus, tunc statim: si in mobilibus, non nisi intra annum reddenda est *L. un. §. cum autem. Cod. de rei uxor. act. Schamb. hic.*

Nota II. quod maritus habeat beneficium competentiae adversus uxorem, quæ dotem repetit, h. e. non potest conveniri, *l. 12. ff. solut. matrim.* His prælibatis.

Q. An valeat legatum, si maritus uxori dotem relegat? Dixeris non valere, quia res sua nemini rectè legatur, sed dos jam antè est uxoris, cum naturale ejus dominium habeat, *l. 30. Cod. de jur. dot.*

Contrarium sancit hic Imperator: Ratio; quia plenius est legatum, quam de dote actio. I. Propter commodum repræsentationis: quia legatum statim peti potest; dos autem si in re mobili consistat, non nisi intra annum reddenda est. II. Si pacta dotalia uxori incommoda sint opposita, censentur illa cessata. *l. 6. ff. b. t.* III. Si maritus in dotem expensas fecerit, censentur remissæ. *d. l. 1. §. 2. ff. b. t.* IV. Quia marito & liberis ex eodem matrimonio natis competit in actione dotis beneficium competentiae: legata autem in solidum persequimur, neque iis obstat hoc beneficium. Schamb. hic.

## AD V. SED SI.

Q. hic, quid si maritus uxori dotem legaverit, quam non accepit? R. cum distinctione *l. 1. §. 8. ff. b. t.* vel maritus impliciter dotem non expressà ullà dotis quantitate legavit, & non valet legatum,

B b b

quia

quia cum nihil sit datum, nihil hoc legato continetur: propter incertitudinem voluntas exitum habere non potest.

Vel expressit certum corpus, aut quantitatem, v. g. centum, quos mihi dotis nomine attulit, vel fundum Cornelianum, quem in dotem mihi dedit, do, lego uxori, & valet legatum, *text. hic*. Ratio, quia sublatō errore dotis manet favor legati & dotis, & licet nullam dotem attulerit, tamen falsa demonstratio, vel causa adjecta legatum non evertit. *Manz. num. 12.*

#### §. SI RES LEGATA. 16.

- 19 Q Si res legata pereat, cuinam, an legatario interitus iste noceat an hæredi, ita ut hic æstimationem adhuc præstare teneatur. *R. textus, si res legata sine facto hæredis pereat, legatario decedit.* Ratio quoad legatarium, quia res perit domino. *l. 6. § 9. Cod. de pignorat. act.* atqui dominium rei legatæ accedit à morte testatoris legatario; ergo. Ratio quoad hæredem: quia interitus rei in specie debitæ ad creditoris periculum spectat. *§. 3. Inst. de empt. § vendit. § l. 12. qui 45. ff. de O & A. Manz. n. 2.*

Dixi *Interitus rei in specie debitæ*: nam si aliquid in genere vel quantitate relictum sit v. g. centum floreni, & illos amiserit hæres, dum voluit solvere, ea propter non liberatur: Ratio; quia genus perire non potest, sicut nec quantitas. *Schamb. hic. Schneid. n. 3.*

Dixi II. *citra culpam*: nam si culpa, si ve ut Imperator loquitur, factō hæredis res perierit, hæredi perit, ita, ut teneatur legatario præstare rei æstimationem. Ratio: quia factum cuique suum, non aliis nocere debet, *l. 155. ff. de R. J. & casum præstat, cuius culpa præcedit, l. 30 §. 4. ff. ad leg. fal.*

Dixi III. *vel citra moram*. Nam si hæ-

res moram commiserit, & præstationem legati distulerit non liberatur. Ratio: quia mora culpæ species est. *cap. un. X. de commodat. & mora cuilibet sua, non aliis nocere debet. c. mora. 26. de R. J. in. 6.*

#### A D V. SI VERO.

Quid si servus hæredis legatus sit, & ipse hæres eum manumiserit? *R. textus.* hæredem teneri (puta ad æstimationem, nam libertas servo semel data revocari non potest. *arg. §. 6. quib. ex caus. manumitt. non licet*) nec refert, si ve sciverit, si ve ignoraverit servum legatum esse, licet enim regulariter iusta ignorantia excuset, tamen hic nocet, quia hæres defuncti factum præstare tenetur, cum ex defuncti persona lucrum sentiat. *Manz. n. 9.*

#### §. SI QUIS ANCILLAS. 17.

Contingit quandoque, eidem res plures legari, unde oritur quæstio, si una ex illis rebus pereat, an debeat adhuc altera? *R. cum distinctione*; vel sunt tales res, quarum una non accedit alteri accessoria, sed habet per se modum principalis, vel sunt tales res, quarum una est alteri accessoria.

Si prius, licet una res pereat, altera tamen debetur. Ratio; quia intelliguntur duæ res principales legatæ. Unde si quis ancillam cum suis natis si ve liberis legavit, licet mortua sit ancilla, partus tamen debetur. Ratio: quia partus non est in fructu, neque enim naturæ humanæ dignatas patitur, ut partus in fructu, aut accessione sit. *Schneid. n. 3. § 4.*

Si posterius, extinguitur totum legatum. Ratio; quia accessorium sine principali non potest subsistere. Unde si servus fuerit cum peculio legatus, mortuo servo, neque peculium debetur. Ratio; quia peculium loco accessorii est.

21 Ex eodem capite fluit, si quis fundum legaverit cum instrumentis, & deinde fundum voluntariè alienaverit, quòd extinguatur legatum, ita, ut neque instrumenta debeantur, quia instrumenta vicem accessorii tenent.

Non obstat, quòd Jctus in l. 1. ff. de instructo, vel instructum. legat. dicat, duo legata esse. Nam hoc ita intelligendum est, quòd unum sit principale, alterum accessorium, ne aliàs in eadem lege admittatur contradictio. Manz. num. 7. Ista altà pace transcunt. Sed

Quid, si dixerit testator: *Lego fundum instructum*? Idem Juris esse statuit textus §. nostri, *idem est, si fundus instructus vel cum instrumento legatus fuerit*. Sed vehementer, & quasi è diametro.

Adversatur l. 5. ff. de fundo instruct. ubi ita scribitur: *si cui fundum & instrumentum ejus legare vis, nihil interest, quomodo leges: fundum cum instrumento: an fundum & instrumentum: an fundum instructum*. Imo contra: nam inter ea legata hoc interest, quòd si fundo alienato mortuus fuerit, qui ita legavit, ex hoc scriptura fundum cum instrumento, nihil erit legatum: ex ceteris poterit instrumentum esse legatum. Varii iterum varia pro conciliatione in medium producant. Schamb. hic, ait observandum esse: duplicia haberi à paterfam. instrumenta, quædam ad culturam necessaria, quædam, quæ paterfam. habet, ut fundus magis instructus sit. l. 12. §. sed si fundus. 27. ff. h. t.

Si legatus sit fundus cum instrumento, sola necessaria veniunt, & accessoria, quæ pereunte legato etiam pereunt: si fundus instructus, etiam reliqua instrumenta, quæ paterfam. propria habet, debentur pereunte legato, hæc non pereunt, quia non sunt accessoria.

### §. SI GREX. 18. CUM §. 19.

Quid si grex ovium fuerit legatus, 22 & postea totus ad unam venerit; Q. An legatarius unicam illam ovem petere & vindicare possit?

Dixeris, quòd non; quia re legata pereunte, legatum non debetur, §. 16. supra: sed si grex ovium ad unam reducitur, grex perit, quia decem constitunt gregem, l. 3. ff. de abig.

Contrarium hic deciditur: ratio, quia legato grege, & sic quodam totali, singulæ ejus partes legatæ censentur. l. 22. ff. de legat. 1.

### AD V. GREGES.

Ex hoc v. observa quòd si post testamentum augeatur numerus gregis, h. e. ad 150. ascendat, cum tempore testamenti facti tantum 100. erant, augmentum, legatario debeatur. Ratio, quia grex non minus est universale corpus, quam ædes: sicut ergo ædibus legatis columnæ, & marmora, quæ post factum testamentum adjecta sunt, legato cedunt: ita & oves, quæ post testamentum gregi adjiciuntur. Ratio utriusque; quia universalia corpora recipiunt augmentum, & decrementum, & tamen semper sunt eadem; atqui tam ædes, quam grex sunt corpora universalia; ergo Manz. hic. n. 5.

Contra dicta objicies: mortuo bove qui legatus erat, neque corium, neque caro debetur. l. 49. ff. de legat. 2. ergo mortuò grege una ovis non debetur. R. Disparitatem esse, quòd legato grege, singulæ oves censentur legatæ; bove autem legato, bos est legatus, non etiam reliquiæ bovis. Schamb. hic. Harp. n. 12.

Urget per l. fin. ff. quibus modis usus fructus amitt. ubi dicitur: *cum gregis usus-fructus legatus est, usque eo numerus pervenerit gregis, ut grex non intelligatur*, i. e. non

B b b a fms

*sint oves decem, perit usus-fructus; ergo etiam hic legatum. R. conc. ant. neg. conf.* Disparitas est: quia usus-fructus facilius perit, quam proprietas; sed quæ ratio hujus? *Schamb.* hanc assignat, ut aliquid ad proprietarium adhuc perveniat ne proprietas ei reddatur planè inutilis. Sicut autem legatarius unam adhuc petere potest ovem, ita etiam potest petere plures, si grex post factum testamentum actus sit, quidquid enim legato huic accedit, vel decedit, accedit, & decedit legatario, semper est enim grex, *l. 21. ff. de legat. 1.* qui neque accretione, neque decretione mutatur, sed idem manet. *l. 21. §. 1. ff. de except. rei jud. Schamb. hic. & Harp. n. 5.*

#### §. SI PECULIUM. 20.

23 Pro faciliiori hujus §. intellectu observandum est, quid sit cedere diem, & venire diem. Cedere dies dicitur, quando res incipit deberi. Venire dicitur, quando res peti potest. *l. 213. ff. de V. S. Fac. v. g. Titius mihi promittat dare centum prima die Septembris.* Hoc in casu statim à die factæ promissionis dicitur cedere dies, quia centum incipiunt deberi, sed venisse dies non dicitur; hinc ante primum diem Septembris istos centum petere non possum. *Schneid. n. 2.*

Dices; ad quid prodest cessisse diem, & non venisse? numquid inanis est illa cessio? *R.* Ad hoc prodesse, quod cessio diei operetur transmissionem, h. e. quòd rem illam cujus dies cessit, sive quæ incipit deberi, transmittat ad hæredes, si contingat legatarium mori, priusquam dies veniat; quia omnia ea transmittuntur ad hæredes, quæ debentur, sed ea, quæ cessa sunt, debentur, ergò. *Manz. n. 2.* his præmissis.

Q. Quando ergò dies legati cedat? *R.* cum <sup>in</sup> conditione: aut est legatum purum,

aut in diem certum; aut conditionale.

Si est legatum purum, tunc statim à die mortis cedit, & venit dies, adeoque tale legatum ad hæredes transmittitur, licet legatarius decedat ante aditam hæreditatem. *l. ff. quando dies legat. ced.*

Si est legatum in diem certum, tunc quidem statim post mortem testatoris cedit, sed non venit dies, adeoque ante adventum diei peti non potest. *d. l. 5.*

Si est legatum conditionale, vel in diem incertum: tunc ante conditionis existentiam, aut diei adventum neque cedit, neque venit dies, ac proinde legatum non debetur, neque etiam pendente conditione & die legatarium ad hæredes suos transmittitur. *l. 4. & 5. §. 2. & l. 21. ff. eod. Schneid. n. 5. 6. & 7.*

Sicut in legato conditionali ante diei aut conditionis adventum neque cedit, neque venit dies, ita etiam in usu-fructus, aut alterius servitutis vel juris personalis legato neque venit dies ante aditam hæreditatem, *l. 2. & l. 8. ff. eod.* Ratio: quia si antè cederet, frustranea foret cessio, quæ inventa est propter transmissionem, sed jura personalia ad hæredes non transmittuntur, *d. l. 2. & 3.* quia personalia personam non egrediuntur. *Manz. n. 21.*

Cætera, quæ de peculio, quod servo legatur, hoc in §. tractantur, cum in usu non sint, attendenda non sunt. Quare si antiquitatum te teneat desiderium, confer te ad *Manz. aut Schamb. hic.*

#### §. TAM AUTEM. 21.

Docet in §. *Justinianus*, non solum res<sup>24</sup> corporales, sed etiam incorporales legari posse. Sic testator legare potest, quod sibi debetur, licet debitum & obligatio res tantum incorporalis sit: v. g. dicit testator, *Titio do, lego mille quos mihi Mævius debet.* Sed

Quomodo



Quomodo præstabitur tale legatum :  
 R. cedendo actionem l. 75. §. ff. de legat.

1. Itaque si hæres actionem illam, quam contra debitorem habet, legatario cesserit, liberatur, neque opus habet, pecunias legatario solvere. l. legatum 105. ff. eod. juxta regulam : obligatus eo, quia actionem habet ; cedendo eam liberatur. l. 51. ff. de peculio. Manz. num. 4. At qualem actionem consequitur legatarius ? R. si hæres actionem cesserit, consequi directam, si non cesserit, utilem, quæ idem consequitur quod directâ. L. ex legato 18. Cod. de Legat. Harp. n. 5. hic.

#### A D V. N I S I.

Quid si testator debitum, quod legavit, ipse exegerit ? R. legatum extinguuntur. text. hic. Ratio : quia censetur mutasse voluntatem ademisse legatum. Ratio alia : quia legatum consistit in obligatione solutionis ejus, quod debetur, tollitur obligatio ; ergo. Aliud est, si debitor ultro obtulerit debitum, tunc enim legatum non censetur revocatum. text. in l. 11. §. 13. vers. Cum tamen ff. de legat. 3. Offerente enim debitore non potuit non accipere ; ergo non videtur animum mutasse. Zoef. ff. de adimend. legat. num. 19. Schneid. n. 6.

#### A D V. S E D E T T A L E.

Non tantum res, sed etiam facta legari possunt, v. g. Mævi damnas esto Titio domum exstruere. Ratio : quia & voluntas testatoris debet habere exitum, & tale legatum utile est, nec res tantum, sed & facta in obligationem veniunt. Harp. n. 69.

#### §. SI GENERALITER. 22.

25 Genus in sensu juridico propriè id dicitur, quod sui naturæ pluribus sese speciebus communicat, & quod nomine

quidem incertum atque confusum est, sed per species contentas fieri certus potest. Harp. num. 2.

Hoc triplex est : Genus generalissimum, genus subalternum & genus infimum.

Genus generalissimum est, quod supra se aliquod prædicabile non habet, ut ens, res, substantia. Genus subalternum est, quod continetur quidem sub genere generalissimo, prædicatur tamen de pluribus differentibus specie, ut corpus animal. Genus infimum est quod de pluribus differentibus numero prædicatur, ut homo, bos, equus, &c. & hoc vulgò à Dialecticis vocatur species, sicuti Jcti speciem nuncupant, quod Dialectici individuum vocant. v. g. Stichus, Bucephalus, fundus, &c. Harp. n. 4. Schneid. n. 3. & Schamb. hic. His præmissis.

Dico I. In genere generalissimo, seu subalterno, si legatum relictum sit, illud est inutile. Veluti lego rem, animal. Ratio : quia ejusmodi legatum ridiculum, & derisorium futurum esset, cum hæres rem minimam vel muscam solvendo se liberaret. Itaque de tertio duntaxat genere noster §. tractat. Hinc

Dico II. Si in genere infimo legatum relictum sit, referre, an legatum contineat individua, quæ habent certos & determinatos fines à natura, veluti homo, equus, bos, &c. & indistinctè tale legatum valet, non attentâ consideratione, an testator tales res in patrimonio habuerit, nec ne? L. Legato 37. ff. de Legat. 1.

An contineat dividua, quæ non habent certos fines à natura, sed constituentur hominis facto, ut domus, quæ potest à domino dividi interjectis parietibus in quotcunque domunculas voluerit : & hoc in casu distinguitur, an testator tales res & domus in patrimonio

B b b 3

habue-

habuerit, quo casu valet legatum: an testator non habuerit in patrimonio *redes*, & tale legatum magis derisorium est quam utile, *l. 21. ff. de legat.* quia posset hæres luteam domunculam dando se liberare. *Schneid. n. 8. & seqq.* Idem quod de domo legata diximus, dic de fundo & vino legato. Si fundus, si vinum legatur: refert num testator ea in patrimonio habuerit, quo casu valet legatum: num non habuerit, quo casu derisorium est, eò quod pars glebæ fundus, & gutta vini vinum sit. *Schamb. hic.* Jam lubeat in ordinem, & explicationem nostri §. reverti, pro cuius intellectu,

Q. Si res in genere legetur, cujusnam sit electio, an hæredis, ut possit solvere, quod lubet; an legatarii, ut possit accipere, quod placet? Regula quidem est, quod in alternativis electio sit debitoris, cap. *in alternativis*, de R. J. in 6. & *l. plerumque 10. ff. de jure dot.*

R. tamen Imperator, quod electio sit legatarii idemque confirmat. *L. legato 37. ff. de legat. 1.* Ratio: quia electio ad eum spectat, cui gratia est concessa. Ratio alia assignatur à *Schamb.* quia contractus strictè, ultimas voluntates laxè interpretamur. Non mirum proinde, quod in contractibus, ubi versatur debitum genericum, aut alternativum, debitoris sit electio.

Dicta procedunt, si testator aliud non dixerit, nam si ex verbis testatoris aliud possit colligi, optio danda est hæredi. Hinc si dixerit verba executiva ad hæredem, v. g. hæres meus damnas esto dare Sempronio unum ex meis equis, tunc electio est hæredis. *Schneid. n. 15.* vel si res in genere legata, non sit in patrimonio testatoris, tunc electio etiam hæredis est, v. g. Sempronio equum lego: hoc in casu, si nullum equum habeat, non potest legatarius aliquem eli-

gere, *lib. 2. ff. de opt. legat.* Ratio quia electio in rebus alienis non conceditur. *Manz. num. 7. Harp. num. 13. & seqq.*

Sed quomodo sit electio? R. legatarius civiliter eligere debere, h. e. nec optimum, nec pessimum, sed mediocre, *d. l. 37. Harp. n. 20.*

#### §. OPTIONIS. 23.

Optionis legatum dicitur, cum testator jubet legatarium aliquam ex rebus suis optare, i. e. eligere, dicendo v. g. *Semproni ex equis meis quem voles, elige, aut tibi vindica.* Differt à legato generis I. quod in legato generis mediocre eligi debeat: in hoc verò optimum possit eligi. *l. 2. ff. de opt. legat.* Quod olim legatum fuerit transmissivum ad hæredes, legatariò ante electionem decedente. Optionis vero etiam ratio est in textu; quia tale legatum reputabatur conditionale; constat autem ex supra dictis: quod legatum conditionale, legatariò ante eventum conditionis mortuo, ad heredem ejus non transmittatur. Dixi olim, hoc enim ex constitutione Imperatoris in meliorem statum reformatum est, & hæredi legatarii licentia data optare, licet vivus legatarius hoc non fecerit. Ratio est alia, quàm favor ultimarum voluntatum, *Manz. n. 6.*

#### AD V. ET DILIGENTIORE.

Si duobus vel pluribus optio relicta sit, & ipsi dissentiant in corpore eligendo, (nam homines ad dissentiendum sunt faciles) vel si uni legatario optio legata sit, iste verò plures hæredes reliquerit, qui in eligendo dissentiant, dubitabatur olim, quid esset statuendum. Alii ex JCris volebant, perire legatum, alii in pendenti esse legati petitionem, donec consensisset; eò quod conditio defecisset, vel esset in suspensa.

Sed

Sed Imperator in l. 3. *Cod. commun. de legat.* statuit, sorte litem esse dirimendam, ut, quem fors tetigerit, is solus potestatem eligendi haberet. Ratio est in textu; ne pereat legatum. *Manz. n. 7. § 8.*

Illud notandum, quod à fortis sive fortunæ judicio nec appellari, nec contra eam restitutio in integrum peti possit, nisi fraudem intervenisse quis probare velit. Ratio: quia fortuna in hoc mundo non habet superiorem, ejusque dux Deus est, secundum Salomon. *Proverb. cap. 16. vers. 43. Harp. num. 16. Schneid. n. 4.*

#### §. LEGARI. 24.

Hactenus, de rebus quæ legari possunt. Jam de personis, quibus legari possit, statuitque Imperator illis legari posse, cum quibus est testamenti factio, puta *passivi*, h. e. qui hæredes scribi, atque institui possunt. Favore tamen alimentorum receptum est, ut liceat etiam incapacibus, & qui testamenti factionem non habent, alimenta legare, v. g. *de portatis. l. 11. ff. de aliment. legat.*

#### §. INCERTIS. 25.

Olim sicut incerta persona hæres institui non potuit, ita neque incertæ personæ legata & fideicommissa relinqui poterant, eò quod certum debeat esse testatoris judicium. Quod adeò procedebat, ut neque à milite incertæ personæ legari potuerit, *text. hic.*

Incerta autem persona illa dicitur, quam testator incertâ opinione animo subjicit, veluti: *quicumque filio meo filiam suam in matrimonium dederit, ei hæres meus illum fundum dato*, aut ita: *Qui primi à morte mea consules designabuntur, iis hæres meus 100. solidos dato.* Tale legatum, inquit textus, olim non valebat. Dicitur autem olim, aliud enim

de jure novo obtinet, uti in §. 27. *h. 1.* videbimus.

#### AD VERS. LIBERTAS.

Fit hoc in v. ampliatio ad præced. regulam, videlicet quod nec libertas incertæ personæ legari potuerit: eo quod nominatim servis libertatem dare oportuerit, nominari autem nequit, qui incertus est.

#### AD VERS. SUB CERTA.

Limitantur præmissa, ut in legato sub certa demonstratione non procedant. Hinc & olim potuit sub certa demonstratione, h. e. ex certo personarum numero incertæ personæ legari, v. g. *ex cognatis meis qui nunc sunt, si quis filiam meam uxorem duxerit, ei hæres hortum meum dato.* Ratio: quia saltem disjunctivè certum erat testantis consilium. *S hamb. hic.*

#### AD VERS. INCERTIS.

Q. hic, an si hæres legatum incertæ personæ relictum solverit, putans ex errore juris se teneri possit illud per conditionem indebiti repetere? *R. negativè*, quia repeti prohibentur, quæ naturaliter debita solvuntur. *l. 3. §. ult. ff. quod quisque juris. ei & legata ex imperfecto testamento soluta repeti non possunt. l. 2. Cod. de fideicomm. Schamb. hic. § Harp. num. 12.*

#### §. POSTHUMO. 26.

Posthumus alienus ille dicitur, qui natus suus hæres non fit, qualis est, qui ex filio emancipato concipitur, & nascitur nepos. Item qui ex filio in potestate constituto nascitur nepos. Nam ut quis posthumus suus dicatur, requiritur I. ut sit in potestate, qualis non est conceptus ex filio emancipato, II. ut primum gradum obtineat, qualis non est natus

natus ex filio in potestate constituto. *Schamb. & Manz. hic.* Tali posthumus alieno olim legari non potuit. Ratio : quia incertis personis legatum relinqui non potuit; atqui posthumus alienus duplici ratione incertus est. I. num nasciturus sit? II. num suus futurus sit? Et quamvis etiam in suo posthumus natiuitatis dubium versaretur, tamen *favor fuitatis illam institutionem conservabat. Manz. num. 7.* Verum cum subtilis nimis erat hæc constitutio, ideo ista omnia emendavit *Imperator*, uti mox audiemus.

#### §. SED NEC HUIUSMODI. 27.

Ista omnia, quæ incertis personis, & posthumis alienis hæcenus diximus, olim obtinebant. *Justinianus* autem ea correxit, atque hic illam correctionem in codice reperiri, quod de priori codice intelligas, necesse est, nam in hodierno codice non extat; satis tamen est, eam correctionem in nostris institutionibus hic confirmari. Et licet, quia prior codex intercidit, nihil certi de correctionis synopsis constet, in hoc tamen communiter DD. conveniunt, quod primò in certæ personæ legari possit, modò tamen tale incerta persona, vel nunc vel in futurum possit, certificari nequeat, voluntas est nulla. *Schamb. Manz. n. 2. Schneid. n. 4.*

#### A D V E R S. T U T O R.

Licet, ut dictum incertæ personæ legari possit; tutor tamen incertus dari non potest. Ratio est in textu; quia certò iudiciò debet quis pro tutela suæ posteritati cavere. Ratio alia; quia testamentarius tutor liberatur à satisfactione, & ideo, quia fides à testatore satis proba-

ta præsumitur, quæ probatio in persona incerta locum habere non potest. *Manz. n. 5.*

#### §. P O S T H U M U S. 28.

Posthumus, inquit *Imperator*, alienus hæres institui & antè poterat, & nunc potest. Nam quòd possit, liquet: quia ut possit, constituit eam constitutione, cujus suprà meminimus. Sed magnum exoritur dubium, quomodo *Imperator* hic possit asserere, & antè posthumum alienum potuisse hæredem institui, cum id in §. 26. suprà h. t. expressè neget?

Ego, ne inutili hac materia plus æquò me detineam, omisissis aliorum conciliationibus, quarum IV. affert *Schamb.* puto hanc inter alias eminere: quòd posthumus alienus, & antè nunc potuerit hæres institui spectato Jure civili. *Harp. num. 2. hic. & Manz. n. 4.* Sensus ergo talis est: sicuti olim posthumus alienus potuit de jure prætorio hæres institui, ita nunc potest de civili.

Unus tamen casus excipitur, si scilicet posthumus sit in utero ejus mulieris, quæ de Jure nuptias contrahere vel uxor esse non potest: h. e. cum qua nemo de jure nuptias contrahere potest, sicut olim cum virgine Vestali; & hodie cum moniali.

Quantum autem ad legata attinet, ea posthumus alieno relicta neque de Jure prætorio, neque de Jure civili olim valebant. Ratio: quia prætor non prospiciebat legatis, sed duntaxat hæreditatibus. Et cum Imperatori absonum videretur, potuisse hæreditatem alicui posthumus alieno relinqui, non verò legatum: fuit fortè hæc ipsa ratio, quæ ad correctionem eundem inflexit.



## §. S I Q U I D E M. 29.

30 Nota, quid sit nomen, cognomen, prænomen, & agnomen, ut Publius Cornelius, Scipio Africanus. Prænomen est, quod nomini antepositum, ut in dato exemplo *Publium*. Nomen, quo quis vocatur, uti *Cornelius*. Cognomen, quod in distinctionem familiarum assumitur. Agnomen, quod ab eventu, re gesta, vel alia de causa impositum est. v. gr. *Cicero à cicere*, *Scipio Africanus à devicta Africa*. *Schamb. hic. Harp. num. 3.*

Q. Si testator in nomine, prænomine, cognomine, aut agnomine erraverit, an legatum valeat? R. nihilominus valere legatum, si de persona constet. Hinc si testator scripserit: lego Publio fratri meo, qui vocatur Marcus, legatum non vitiat. Ratio est in textu: quia nomina significandorum hominum gratia reperta sunt, qui si alio quolibet modo intelligantur, nihil interest. Idem est, si in rei legatæ proprio vocabulo erratum fuerit, modo de re constet. Hinc si quis, fundum Sempronianum legaverit, qui vocatur Cornelianus, valet legatum, *l. 4. ff. de legat. 1.* quia de nomine non curatur, modo de corpore constet. *Harp. n. 9.*

Sed quid, si testator circa nomen appellativum erraverit, v. g. si quis, cum vellet vestem legare suppellectilem adscripsit, vel pro equo bovem; R. quod tunc legatum vitietur, *d. l. 4.* quia nomina appellativa sunt inventa cum rebus, ac proinde immutabilia. Nam fundus, qui hodie Cornelianus fuit, potest cras Sempronianus esse: mutatio nimirum domino fundi. *Manz. num. 4.* §. 5. Deinde talis error sapit lultitiam, proinde intolerabilis. *Schneid. n. 4.*

*Kees ad Instituta.*

Sanè si nomina appellativa talia sint, quæ ab impositione civili originem habent, ut sunt artificum nomina, v. g. *pictor, pistor*, &c. error circa ea legatum non vitiat, v. gr. lego Titium pistorem, qui pictor est, quia ly pistor est per modum demonstrationis adjectus, quæ falsa non vitiat, uti §. seq. dicemus. *Schamb. Harp. n. 12.*

## §. H U I C P R O X I M A. 30.

Sicut falso legatarii nomine, sic falsâ demonstratione rei legatæ legatum non vitiat. Quare, si testator ita scribat: Sticho servo, quem à Cajo emi, do, lego, licet ab alio, quam Cajo emerit, tamen utile legatum est, modo de servo constet. Idem est, si falsâ circumscriptio ne designet legatarium, v. g. Joanni Medicinæ Doctori centum do, lego: licet, Joannes Jurisperitus sit, legatum valet. Ratio; quia de corpore si constet, de nomine vel demonstratione non curatur; & ubi constat de substantia, non curatur de accidenti. *l. 34. ff. de condit. & demonstr. Manz. n. 3.*

Dicta procedunt, nisi legati substantia deficiat. Hinc si dicat testator: lego 100. quæ in arca sunt, legatum non valet. *l. 51. ff. de legat. 1.* vel si dicat: lego Titio 100. quos mihi debet, si nihil debeat, legatum perit. *l. 75. §. 2. ff. eod. Schneid. & Schamb. hic. Harp. n. 7.*

## §. L O N G E M A G I S. 31.

Nota, quod causa exprimatur per dictionem, quia, vel quoniam, Condicio vero per si, vel cum. Modus vero per ut, quemadmodum diximus in tit. 10. de nuptiis vers. secundum impedimentum dirimens est condicio.

Quando igitur legatum relinquitur, adjecta falsâ causâ, propterea non vitiat, veluti si testator ita scribat: Titio,

C c c

quia

quia negotia mea curavit, Stichum do, lego: vel ita; Titio, quia ejus patrocini-  
nio capitali crimine liberatus sum, cen-  
tum do, lego; va et legatum, licet  
Titius mea negotia non curavit, neque  
patrocinio suo me liberavit. *text. hic.*  
Ratio, quia legatum est mera liberalitas,  
& nullam requirit causam. *Schamb. hic.*  
Nisi testator præcisè vi & motivo illius  
causæ legasset; ita ut aliàs legaturus non  
fuiſſet, quod non præsumitur, sed hæ-  
redi probare incumbit *l. 72. §. falsam ff.*  
*d. t. Manz. n. 4. Schamb. loc. cit.*

Quod si legatum relinquatur sub con-  
ditione, ita ut causa sit conditionaliter  
enuntiata, tunc causa falsa vitiat lega-  
tum; deficiente enim conditione deficit  
legatum: veluti si Titius negotia mea in  
Italia curaverit, lego ei centum; hic si  
negotia non curaverit, legatum non ac-  
cipiet ex dicta ratione.

Idem, quando non sub conditione,  
sed sub modo causa adjecta est; veluti  
lego Titio centum, ut hoc, aut illud fa-  
ciat, Hoc legatum peti non potest, nisi  
modus, sub quo relictum est, fuerit  
adimpletus, *l. in fine. ff. de condit. & de-*  
*monſtrat. Schneid. n. 6. Harp. num. 7.*

In eo tamen maximè diversum est le-  
gatum sub conditione à legato sub mo-  
do. Legatum enim sub conditione perit,  
etiam si conditio defecerit casu fortuito,  
aut tertii facto vel culpâ, vel quocun-  
que alio modo. *l. 110. ff. de condit. &*  
*demonſtrat. l. 4. Cod. de condit. infert.*  
Contra, si per legatarium non stet, quod  
minus impleatur modus, legatum debe-  
tur, & ad hæredem transit, veluti lega-  
to Titix relicto, ut alicui nubat, si is  
nolit Titiam ducere, legatum nihilomi-  
nus eidem Titix debetur; sufficit enim  
per honorariam personam non stare,  
et dominus satisfiat modo, quocunque  
eodem casu contingat, facultatem im-

plendi modum deficere: *l. 1. Cod. de hù;*  
*que sub modo legata, &c. Harp. n. 8. hic.*

#### §. AN SERVO. 32.

Casus §. talis est: Titius hæres esto,  
servo autem Titii lego mille, Q. *An le-*  
*gatum valeat?* R. purè inutiliter legari,  
quia idem esset debitor & creditor, vel  
idem esset hæres & legatarius, quod  
implicat. Creditor esset, & legatarius,  
quia, quidquid servus acquirit, domi-  
no acquirit: debitor & hæres esset,  
quia ipse tanquam hæres illud debet  
præstare.

Dices: potest servus ante mortem  
testatoris alienari vel manumitti; ergò ad-  
huc potest valere legatum. R. *neg. conſeq.*  
Quia obstat regula Catoniana, quæ vult,  
quod ab initio non valet, tractu tempo-  
ris non convalescere.

Dixi *purè*: quia sub conditione tali  
servo legari potest; nam tunc attenditur  
eventus conditionis ante quem talis lega-  
ti dies non cedit. *L. 5. §. 2. ff. quando dies*  
*legat. ced. Schamb. hic.*

#### §. EX DIVERSO. 33.

Q. An ex diverso valeat legatum à  
servo relictum domino, v. g. si servus  
hæres instituat, & domino relinqua-  
tur legatum? R. valere: quia dominus  
idem hæres, & legatarius non fit. Sed  
dominus tantum est legatarius, non hæ-  
res, donec servus jussu domini hæredi-  
tatem adierit: adeoque si servus fuerit  
manumissus, ante quàm jussu domini  
hæreditatem adierit, servus sibi acquirit  
hæreditatem, & dominus manet tantum  
legatarius. Planè servo adeunte jussu do-  
mini hæreditatem, legatum infirmatur:  
quia res in eum statum deducitur, ut  
idem sit hæres & legatarius *Perez. Inst.*  
*hic.*

## §. A N T E. 34.

Cum hæredis institutio sit basis & fundamentum testamenti, ideò ante hæredis institutionem, olim nec legata, nec libertates relinqui poterant, exceptò testamento militis. Quia verò Imperatori videbatur incivile, ordinem scripturæ sequi, testatoris verò voluntatem sperni, maximè cum fideicommissa ante hæredis institutionem relicta valerent, statuit in *l. 14. Cod. de testam.* ante & post, & inter medias hæredum institutiones, legata, & multò magis libertates relinqui posse, *Schamb. & alii hic.*

## §. P O S T M O R T E M. 35.

Olim post hæredis, legatariive mortem inutiliter legabatur; veluti cum hæres meus mortuus fuerit Sempronio centum do, lego; aut Sempronio cum mortuus fuerit, centum do, lego. Ratio: quia olim regula erat: *Actio quæ contra nos viventes non cepit, nec contra hæredes nostros datur.* Sed Imperator ista omnia correxit, & hujusmodi legatis firmitatem tribuit, ita, ut hodie talia legata ad instar fideicommissorum valeant, & ab hærede hæredis, vel legatarii exigi possint. *text. hic.*

## §. P O E N Æ 36. E T F I N.

33 Olim pœnæ nomine inutiliter legabatur. Dicitur autem pœnæ nomine legari, quod coërcendi hæredis causa relinquitur, quò magis aliquid faciat, vel non faciat; veluti si quis ita scripserit: *Sejus mihi hæres esto. filiam suam Titio in uxorem dato: nisi hoc fecerit, Sempronio viginti solvito:* vel ita, *Hæres meus, si servum Stichum non manumiserit, Titio 10. dato.* Tale legatum non valebat Ratio I. quia non debet esse in voluntate hæredis, ut legatum debeat, vel non *l. 32. ff.*

*de hæred. Inst. II.* Quia legata ex benevolentia, non odiò hæredis procedere debent.

Verùm hujusmodi scrupulositas Imperatori Justiniano non placuit, ideò constitutionem promulgavit in *l. un. Cod. de his, quæ pœnæ nomine, &c.* quæ concessit posse pœnæ nomine legari. Ratio: quia reipub. interest, suprema hominum judicia exitum habere *l. 5. ff. quemadm. testam. aper.* Ratio alia, quia non videtur iniquum, ut is gravari possit, qui à testatore honoratus est. *Manz. n. 10. hic.*

## A D V. E X C E P T I S.

Excipiuntur tamen ea, in quibus adjicitur pœnæ præcepto tali, quod continet aliquid impossibile, vel legibus interdictum, aut alias probrosum. Veluti: *Titius hæres esto, & si cælum non ascenderit, vel Danubium non ebiberit, dato Sempronio decem.* Hoc in casu etiam neglectò testatoris præceptò Titius hæres erit, & nihilominus relictos 10. servabit. Ratio: quia non fert ratio honestatis, eum præstare pœnam, qui non facit quod est extra ejus potestatem, aut jura facere vetant.

Similiter, si testator ita scribat; *si hæres meus liberos suos in testamento suo præterierit, Sempronio centum dato.* Hæc pœna non astringit hæredem; quia legibus interdicta; quæ autem contra leges sunt, nos facere non possumus. *l. 25. ff. de condit. Inst.*

Denique si testator ita scribat: *Nisi filiam tuam duxeris, nisi matrem tuam verberaveris, nisi in foro nudus saltaveris.* Sejo 20. solvito: non stringit hæc pœna, quia probrosa est, nam quæ lædunt pietatem, existimationem, & verecundiam, & generaliter quæcunque bonos contra mores fiunt, nec facere nos posse credendum est. *d. l. 15. Manz. num. 12. & seqq. & Schneid. n. 3.*

Sed corrumpente tale legatum, an habetur conditio impossibilis pro non adjecta?

Liberè dixeris legatum valere, & conditionem impossibilem, aut probrosam haberi pro non adjecta. Ita apertè statuit §. *impossibilis* 10. *de hered. Inst.* ubi scribitur, impossibilem conditionem haberi pro non adscripta in ultimis voluntatibus.

At contrarium verius est, nimirum legatum corrumpere. *text. hic. in fine hujusmodi enim testamentorum dispositiones valere, secta meorum temporum non patitur.*

Ad §. *impossibilis* 10. *R.* cum distinctione: conditio impossibilis habetur pro

non adjecta, si apponatur honorato. *con.* si gravato *neg.* Clariùs explicat. *Zoef. ff. de his quæ pœna nomine relinq.* ubi ait. d. §. 10. accipiendum esse de addita conditione ei, cui relinquitur, i. e. honorato; hunc enim privari legato ex eo, quòd conditionem non adimpleverit, iniquum est, cum non stet, per eum, quòd conditionem non adimpleat, sed per rerum naturam, vel per rei turpitudinem. Secus est de conditione addita ei, à quo relinquitur, & qui jubetur præstare quid impossibile aut turpe, qui ideò non meretur pœnam, quia pœna culpam præsupponit, quæ hic nulla est. Vide etiam *Manz. num. 18. & Harp. num. 14.* qui uterque huic solutioni suffragatur.

## T I T U L U S X X I.

### DE ADEPTIONE ET TRANSLATIONE LEGATORUM.

#### S U M M A R I A.

1. *Quid ademptio legati?*
2. *Illa fit vel expresse, vel tacite.*
3. *Quid sit translatio legati, & quot modis fiat?*

**C**UM nihil magis homini debeatur, quàm ut liber sit stylus voluntatis nostræ l. 1. *Cod. de sac. Ecclës.* & ideò ultima voluntas sit ambulatoria usque ad extremum vitæ spiritum. l. 4. *ff. de adimend. legat.* Ideò testator legatum semel relictum iterum adimere vel transferre potest. Ademptio nihil est aliud, quàm *relictæ, legati, vel fidei-commissi revocatio.*

1. *Ista ademptio fit dupliciter. Expresse & tacite. Expresse adimitur legatum quando testator verbis contrariis, vel quibuscunque aliis, quæ revocatorio voluntas sufficienter demonstratur, revocat; v. g. non do, lego, &c. Illudque fieri potest*

tam in eodem, quàm in alio testamento imò etiam in codicilis: quia in legatis & fidei-commisissis spectatur ut plurimum voluntas testatoris, quæ non minùs codicilis, quàm testamentis manifestatur. *Manz. n. 5.*

Illud observa, legata, nonnunquam <sup>3</sup> exceptionis, subinde ipsò jure adimi.

Ipsò jure adimuntur in eodem testamento, vel aliò testamento perfectò, vel codicilis perfectis. Opere exceptionis, sin posterius testamentum solenne & perfectum non fuerit. *Schneid. n. 12. Schamb. hic.*

Tacite adimitur legatum, quando non ex verbis, sed ex factò aliquo voluntas testatoris revocatoria colligitur.

Quod tum contingit. l. si inimicitie inter testatorem & legatarium supervenerint, exque graves vel capitales fuerint: quia per hujusmodi inimicitias auferuntur



fertur beneficiendi voluntas, nisi reconciliatio intervenerit. *l. 3. §. ult. § l. 22. ff. de adimend. legat.*

II. Si rem legatam testator voluntariè alienaverit, *§. 12. de legat. § l. 18. ff. b. t. tametsi à testatore res alienata redempta sit. l. 14. ff. de adimend. legat.*

III. Exactione debiti legati; si enim testator nomen, quod alicui legavit, à debitore exegerit, ademisse legatum præsumitur. *l. 11. §. 13. ff. de legat. 3.*

IV. Si legata destructa seu dissoluta fuerint ex voluntate testatoris. *l. 65. §. ult. ff. de legat. l. Perez. hic. Harp. n. 12. § seqq.*

#### §. TRANSFERRI. I.

- 3 II. Modus adimendi legatum est *translatio*. Quæ IV. modis fit. I. De persona legatarii in legatarium, veluti fun-

dum quem Titio legavi, nunc Sejo do, lego. II. De persona ejus, qui jussus est dare, ut alius det; veluti, quod legavi à primo hærede, nunc lego à secundo.

III. De re ad rem, veluti quando testator pro fundo legato, jubet dare 100. aureos. IV. De præsentì tempore in conditionis eventum, ut quando id, quod purè relictum est, transfertur sub conditione. *Schneid. n. 26.*

Quid si translatio de persona in personam fiat, & ille, in quem transfertur, non sit capax legati? R. nihilominus priori legatum adimi. *l. 34. ff. de legat. l. quia translatio involvit ademptionem; ergò si non valet in vim translationis, valebit saltem in vim ademptionis, juxta illud: Si id quod ago, non valet, ut ago, valeat saltem, ut valere potest. Manz. num. 4. hic.*

## TITULUS XXII.

## DE LEGE FALCIDIA.

### SUMMARIA.

### AD PRINCIP.

- 1 Quare Falcidia lex lata sit?
- 2 Quid lege Furiâ, vel Voconia obtinuerit?
- 3 Quale tempus in assignanda legitima inspiciatur?
- 4 Quomodo fiat computatio falcidiae?
- 5 Quæ imputentur in Falcidiam?
- 6 In quibus causis Falcidia locum habeat?

### CONNEXIO.

**D**ictum est in *preced. tit.* quòd testator possit non solum diminuerè, sed etiam in totum adimere legatum, & in alium transferre. In hoc *tit.* declarat Imperator, qualiter, & quando per ipsum hæredem legata per testatorem relicta diminui possint. *Schneid. hic. num. 1.*

Ad intellectum hujus principii scias. I. velim, olim ex lege XII. Tab. adeò liberam fuisse testandi, legandive scientiam, ut testator totum suum patrimonium legatis exhaurire potuerit; verba enim legis XII. Tab. ista erant: *Uti quisque legasset de re sua, ita Jus esto l. 120. ff. de V. S.* Verùm quia propterea multi intestati decedebant, quòd hæredes instituti videntes se nihil aut parùm ex testamento consecuturos, & nolentes absque emolumento subire onera aliena, repudiabant hæreditatem. Ideò huic malo ut occurreretur, in gratiam testatorum, ne intestati morerentur, tres leges testamentariæ ad coercendam nimiam legendi

2 legendi licentiam sunt latæ. I. Erat lex Furia, à Furio inventa, qua cautum erat, ne uni legatario plus relinqueretur, quàm mille aurei. Verùm huic legi facillè fraus fiebat: nam si quis v. g. quinque millia aureorum bonis habuisset & scripsisset 5. legatarios, & cuilibet mille reliquisset, hic testator in legem Furiam non incidebat, & tamen patrimonium exhauriebatur legatis, ita ut hæres ob nihil lucri hæreditatem repudiaret, & testator intestatus decederet.

Ideò cùm lex Furia frequenter eluderetur, lata est lex Voconia, à Voconio inventa, qua cautum erat ne plus legatarius, quàm hæres haberet; sed hæc lex facillè eludebatur. Nam si quis, cùm centum solidos in bonis haberet, hæredem Sempronium instituisset, & 99. legatarios scripsisset, hic legem Voconiam non transgrediebatur testator, & tamen faciebat locum repudiationi, quia fortè hæres ob unicum solidum hæreditatem adire noluit.

Quare cùm neutra lex ex istis duabus sit cauta fuisset, ideò novissimè lata est lex falcidia, non à falcando, sed à Falcidio tribuno plebis dicta, qua cavetur, ne plus legare liceat, quàm dodrantem totorum honorum, i. e. 9. uncias, remanente quadrante apud hæredem, sive unus sive plures instituti fuerint, l. I. §. ad. leg. Falcid. & text. hic.

Itaque duo capita in se continet lex Falcidia. I. Conceditur libera potestas testandi & relinquendi legata usque ad dodrantem.

Altero cavetur, ut ultra dodrantem legare nemo possit: vel si plus legatum sit, IV. pars legatis defalcetur, eamque retineat hæres. d. l. I.

### §. ET CUM I.

In hoc §. ponitur talis casus: quidam cùm haberet in bonis 400. aureos, instituit duos hæredes Titium, & Sejum, deinde nominatim à Titio legavit, dicens: *danno te Titi, Sempronio dare 200. aureos vel 190.* à Sejo verò nihil specialiter legavit, vel tam parùm legavit, ut legatum portionem Seji tantam, vel vix diminueret, ut adeò ei adhuc restent 100. aurei.

Quæstio nunc est an, quia portio Titii tota legatis est exhausta (si videl. ponamus legatos fuisse ab eo 200. aureos) aut supra modum onerata, (si ponamus ab eo legatos esse 190. aureos) an possit Sejus de legato Sempronii aliquid defalcare? Videri potest quòd non Ratio: quia dictum supra, sufficere, ut quarta pars apud hæredes maneat, sive unus sive plures fuerint sed in nostro casu manet adhuc quarta pars, nimirum centum aurei Sejo legati; ergò.

Sed hoc non obstante, & Titium posse tantum de Sempronii legato detrahere, ut quartam partem suæ portionis, scilicet 60. aureos salvos habeat. *text. hic. & in l. 77. ff. h. t.* Ratio quia in singulis hæredibus ratio falcidiæ ponenda est.

Non obstat ratio dubitandi, quia procedit tunc tantùm, quando simpliciter legata relinquuntur; ut si testator Titio & Sejo hæredibus in 400. aureis institutis sic scribat: Sempronio 300. aureos do, lego. Hoc enim casu non magis gravat unum, quàm alterum, & quilibet habet salvam quartam falcidiæ.

### §. QUANTITATIS. 2.

Ut exactè sciatur, quæ sit quarta ex lege falcidia, competens universa patrimonii quantitas diligenter spectari debet, h. e. quantum in bonis habeat testator.

Verùm

Verum cum frequenter accidat, ut bona testatoris tempore mortis minora vel maiora sint, quam tempore aditæ hæreditatis; ideò hic.

- 3 Q. Quale tempus in ratione legis Falcidiae ineunda considerari debeat? R. quod quantitas patrimonii spectetur tempore mortis. Ratio quia legata cedunt à tempore mortis, & ipsò jure minuuntur per falcidiam. l. 37. §. 5. & l. 26. ff. ad leg. falcid. Sicut ergo debitum nec augetur, nec minuitur, si debitoris bona augeantur, vel minuantur; ita legatum post tempus mortis nec augetur, nec minuitur.

Ex quo infertur si inter mortem & aditam hæreditatem quid vel accessit, vel decessit bonis hæreditariis, id totum hæredi, non legatariis decedere vel accedere. Ut res magis clarificetur, fac: quod aliquis tempore mortis tantum 100. aureos in bonis habuerit, & 100. aureos adeòque omnes legaverit. Hoc in casu extra aleam dubitationis positum est hæredem posse ex ratione falcidiæ detrahere 25. ita ut 75. legatario restituat. Sed quid si intermediò tempore ante aditam hæreditatem tantum accesserit hæreditati: (fortè per servos hæreditarios, aut ex partu ancillarum hæreditariarum, aut ex foetu pecorum) ut hæres quartam falcidiæ haberet, licet nihil de legatis 100 aureis detrahat? R. hæredem detrahere falcidiam de 100 aureis legatis, i. e. 45. aureos, & una cum istis omne lucrum retinere. Ratio: quia omne commodum & incommodum hæreditatis à morte testatoris ad hæredem velut ad dominum pertinet, non ad legatarios. *Manz. num.*

4 Et hoc in casu, quo post mortem testatoris hæreditati aliquid accessit: Jam.

Fac ex diverso, quòd is, qui 100. aureos in bonis habuit, tantum 75.

legaverit, hoc in casu iterum extra dubium est, quòd hæres nihil amplius possit defalcare à legatis: quia suam quartam salvam habet. Sed quid, si antè hæreditatem aditam tantum decesserit de hæreditate, (fortè incendiò ædium, naufragiò mercium, morte servorum) ut non amplius, quam 75. aurei, vel multò minus supersit? R. quòd hæres nihil amplius possit detrudere, sed teneatur solida legata præstare. Ratio: quia qui sentit commodum, sentiat & onus, & imputet sibi, quòd non citius adierit hæreditatem *Manz. n. 5.*

*Dixeris*: sic erit nimis damnosum, & molestum hæredi legata integra solvere, & nihilominus molestias percipere. R. hoc ei damnosum non esse: quia liberum est hæredi non adire hæreditatem; proinde consultum est legatariis, tali in casu pacisci, sive transigere cum hærede, ut is accepta aliquà portione hæreditatem adeat, & legata præstet, ne fortè non adita hæreditate nihil illi consequantur. *Harp. n. 3. hic.*

#### §. CUM AUTEM FIN.

Q. in hoc §. Quomodo computatio, & ratio legis falcidiæ ineunda sit? R. *Imperator*, quòd, quando ad divisionem venit, ut constet, quantum hæredi nomine Falcidiæ, & quantum legatariis nomine legati debeatur, ante omnia deducendum sit I. Æs alienum. II. Funeris impensæ; hæ enim æri alieno comparantur. III. Prætia servorum manumissorum, sive pretia pro servis redimendis relictæ. Ratio est favor libertatis.

His omnibus deductis tunc demum spectandum est, quantum supersit, id enim patrimonium putatur. Igitur ex residuo quadrans, sive quarta pars hæredi relinquenda, tres verò partes inter legata-

legatarios pro rata portionis legatæ distribuendæ sunt. *Harp. hic. n. 10.* quod ut clarius fiat.

Pone: testator deductis deducendis 400. aureos habuit in bonis, & 400. aureos legavit. Hic quarta pars suæ partis singulis legatariis detrahitur, ita, ut hæres 100. aureos consequatur, & legatarii 300.

Rursus finge: testator, qui 400. aureos in patrimonio reliquit, 350. adeoque supra dodrantem, legavit. Hoc casu primum hæres ex voluntate testatoris, detrahit octavam, id est 50. aureos, qui ex 400. supersunt, & octavam partem 400. aureorum efficiunt. Deinde hæres etiam ex beneficio legis legatariis singulis pro rata portione ejus, quod cuique eorum legatum fuerit tantum detrahit, ut alia 50. atque sic in universum 100. quartam scilicet partem bonorum defuncti habeat.

Iterum & denique pone: testator, qui 400. aureos in bonis habuit, aureos 500. legatis erogavit. Hic primò omnium quinta pars, h. e. 100. aurei, qui patrimonium excedunt detrahuntur, quibus detractis adhuc 400. supersunt: postea singulis legatariis quarta pars suæ partis institutionis aufertur, quæ nomine Falcidiæ cedit. *text. hic. & Harp. n. 1.*

Et ista sunt, quæ pro declaratione *textus* observari oportet. Lubeat modò ruptò ordine nonnihil altius in hanc materiam excurrere. Itaque,

5 Q. quæ imputentur in Falcidiam? R. ea duntaxat imputari, quæ jure hæreditario ad hæredem pervenerunt. Sive, ut clarius loquar, quæ hæres accipit, quæ hæres. Unde id, quod jure legati, fidei-commissi, aut conditionis implendæ causâ accipit, v. g. si testator dixit: *lego Cajo 100. ut hæredi meo Sejo 100. solvat, si Cajus 100. solverit*, hi non imputan-

tur in Falcidiam. *Munz. de testam. tit. 12. q. 43. n. 13. & text. apert. l. 91. ff. ad leg. Falcid.* ubi Martianus in hæc verba respondit. *In quartam hereditatis, quam per legem falcidiam hæres habere debet imputantur res, quas jure hæreditario capit, non quas jure legati, vel fidei-commissi, vel implendæ conditionis causâ accipit; nam hæ in quartam non imputantur, sed in fidei-commissaria hereditate restituenda; sive legatum, vel fidei commissum datum sit hæredi sive præcipere, vel deducere, vel retinere jussus est, in quartam id ei imputatur.* En in hoc *textu* aperta differentia statuitur inter Falcidiam & Trebellianicam, videl. Ista, ut in Falcidiam ea duntaxat imputentur, quæ hæres jure hæreditariò capit: in Trebellianicam autem etiam ea, quæ ex voluntate testatoris proveniunt, imputentur. Sed quæ est ratio differentie? *Harp. n. 14.* hanc assignat: quia lex falcidia quartam hereditatis partem apud hæredem manere jubet; ergò nihil, quod non est hæreditarium, poterat in falcidiam imputari: Scitum verò Trebellianum voluit simpliciter apud hæredem remanere quartam ex fidei commissis; ergò quidquid fidei-commissi nomine hæres habuerit, id ei in quartam partem imputabitur. Ut ut suâ non careat soliditate hæc differentie ratio, mihi tamen non placet: proinde istam assigno; quia scilicet penes hæredem legatis gravatum totum onus hereditatis manet. non verò penes hæredem fidei-commissò gravatum, cum hic actiones tam activas, quam passivas, in fidei-commissarium transmittat, & tantum quoad quartam Trebellianam onus i. e. actiones sustineat. Adeoque prior meritiò sublevatur, ut ea duntaxat imputet, quæ jure capit hæreditariò. *Zoej. ff. ad Sc. Trebell. n. ult. Perez. Inst. de fidei-commiss. hered. & ad Sc. Treb. Dige:*



*Dicas* : Legata & fidei-commisſa hodie per omnia exæquata ſunt ; ergo ſicuti in falcidiam tantum ea imputantur , quæ hæres jure hæreditario capit , ita , & in Trebellianicam. *R. diſt. ant.* legata & fidei-commiſſa particularia per omnia exæquata ſunt *conc.* , univerſalia , *neg.* Trebelliana autem de iucitur à fidei-commiſſo univerſali. *l. 1. § tot. tit. ff. ad SCt. Trebell. Harp. n. 15. hic.*

- 6 Q. II. *In quibus cauſis falcidia locum habeat* ? *R.* non tantum locum habere in legatis , ſed etiam I. in fidei-commiſſo particulari. Ratio : quia legata & fidei-commiſſa particularia per omnia exæquata ſunt, *l. 1. ff. de leg. 1. Schneid. n. 14. Harp. prin. b. t. n. 14. Diſſent. Zoëſ. ff. ad leg. Falcid. n. 7.* II. In donatione mortis cauſa : ſi hæres non habeat quartam *l. 5. Cod. b. t.* III. In legatis ab inteſtato præſtandis. *l. 10. Cod. b. t.* IV. In donatione inter vivos , quæ morte confirmantur. *l. 12. Cod. eod. ut eſt regulariter in donatione inter virum & uxorem , quæ non valent , niſi morte confirmantur. l. 25. Cod. de donat. int. vir. & uxor. Schneid. loc. cit. n. 12. Zoëſ. n. 4. § 5. loc. cit.*

Q. III. *An non lex Falcidia aliquando ceſſet* ? *R.* in multis caſibus ceſſare. I. Ratione privilegii in milite teſtante. *l. 7. Cod. b. t.* II. Facto teſtatoris ſi hodie expreſſis verbis detractiõnem hanc prohibuerit. *Nov. 1. cap. 2. § auct. ſed cum teſtator. Cod. b. t. Dixi hodie* ; olim enim hanc detractiõnem prohibere non poterat , *l. 15. §. 1. § ult. ff. b. t.* Ratio ,

quare hoc in caſu jus vetus correctum ſit , eſt hæc , ut rata & inviolata ſervetur teſtatoris voluntas , *d. Nov. 1. §. ſi verò expreſſim.*

*Dices* : Sic hæres non adibit hæreditatem , & per conſequens volũctas teſtatoris corruet. *R.* quod in caſu recuſantis hæredis adire hæreditatem admittatur ſubſtitutus , legatarii , fidei-commiſſarii , venientes ab inteſtato , &c. *Zoëſ. ff. h. t. n. 29.*

III. Ceſſat detractiõ falcidiæ : factõ hæredis , ſi non fecerit inventarium & hæreditatem adierit. *L. fin. §. 12. Cod. de Jure deliber.* Ratio : quia jura præſumunt ab hærede jam fuiſſe detractam falcidiam. *Zoëſ. loc. cit. n. 73.*

IV. Si ſcienter integra legata ſolverit , putans , ſe teneri de jure. *l. 1. Cod. b. t.* Dico *ſcienter* : nam ignorantia dabit repetitionem , quatenus eſt facti , quia hæc probabilis eſt ; ſi fuerit ignorantia juris , ceſſat repetitiõ , hæc enim improbabilis & intolerabilis eſt. *l. 9. Cod. b. t. Zoëſ. n. 38. § Schneid. n. 20. hic.*

V. Si dos prælegata fuerit uxori à marito. *l. 57. ff. b. t.* Ratio : quia uxor recipiendo legatum dotis , recipit id , quod ſuum eſt. *Schamb. hic. Zoëſ. n. 42.*

*Illud obſerva procoronide* , quod propterea , quia legata aliqua à detractiõne Falcidiæ immunia ſunt , reliqua legata non graventur , ſed falcidia de iis duntaxat pro rata detrahatur. Ratio ; quia aliàs privilegium conceſſum aliquibus legatis nihil operaretur. *Schamb. in fine hic.*

## TITULUS XXIII.

## DE FIDEICOMMISSARIIS HÆREDITATIBUS ,

## ET AD SCTUM TREBELLIANUM.

## SUMMARIA.

## §. SCIENDUM. I.

- 1 Fidei-commissa alia sunt universalia , alia particularia.
- 2 Quid sit fideicommissum universale ?
- 3 Olim fidei-commissa non valere.
- 4 Hodie non possunt relinqui , nisi capacibus testamenti factionis passivæ.
- 5 Relinquuntur testamento , Codicillis , & ab intestato.
- 6 Si in testamento relinquuntur , necessaria est directi hæredis institutio.
- 7 Possunt pure , sub conditione , & ex certo tempore relinqui.
- 8 Fiduciarius hæres etiam post restitutam hæreditatem hæres manet.
- 9 Quid sit quarta Trebellianica ?
- 10 Si hæres fiduciarius non velit sponte adire hæreditatem , potest cogi.
- 11 Cessat Trebellianica , si hæres in certa aliqua re particulari institutus est.
- 12 Quomodo ab intestato relinquuntur fidei-commissa ?
- 13 Fidei-commissarius , si restituere rogatus est , an etiam deducat Trebellianicam ?
- 14 Quando fidei-commissum sine teste valeat ?

## AD PRINCIP.

1 **P**ostquam actum est de institutione directa , & legatis , agendum modò de obliqua & fideicommissis. Quia autem fideicommissa alia sunt universalia , alia particularia , ideò priori locò de universalibus nobis sermo erit.

**U**niversale fideicommissum est : 2  
Quando universum patrimonium per interpositam personam alicui relinquitur : ut , quia testator primo locò instituit directum hæredem , & ejus fidei committit , ut retenta quarta aditam hæreditatem alteri restituat , qui vocatur fideicommissarius hæres ; qui autem rogatus est restituere , vocatur fiduciarius hæres. Schamb. hic. Jam in ordine ad nostrum §. Sciendum , olim omnia fideicommissa infirma fuisse. Ratio est in *textu* ; quia nemo invitus cogeretur præstare id , de quo rogatus erat.

Relinquebantur autem fideicommissa 3  
solum iis , quibus aliàs directè in testamento aliquid relinqui non potuit , v. g. furis , incestuosus , deportatis , peregrinis , &c. Et si tali personæ per verba obliqua ab hærede quid relictum fuerit , non tenebatur ullo vinculo juris ad restitutionem , sed tantum pudore quodam ; quia turpe saltem erat , & grave , fidem fallere. Propter quam rationem postea D. Augustus semel atque iterum jussit , ut consules suam auctoritatem interponebant , & cogerent fiduciarios hæredes fideicommissarius præstare ea , quæ rogati essent restituere. *text. hic.* Ergò.

Sed circa hunc §. hodie duo sunt immutata. I. Ut fideicommissum non liceat 4  
relinquere iis , qui directò hæredes institui nequeunt , l. 1. *Cod. de hæred. Inst.* Ratio : quia legata & fideicommissa per omnia exæquata sunt. Sed legare non licet nisi

nisi iis, cum quibus est testamenti factio. §. 14. *Inst. de legat.*

II. Hodie non amplius extra ordinem per implorationem officii nobilis persequimur fideicommissa, sicut olim, sed ordinariis actionibus, videl. fideicommissum universale per fideicommissariam petitionem hæreditatis. *tot. tit. ff. de fideicommiss. pet. t. hered. Manz. n. 17.*

*Dices* : Si hodie personis incapacibus non possunt relinquere fideicommissa, tunc erunt omnino inutilia : nam ad quid vellem caracem per obliquum instituere, quem possum directè instituere ? Resp. ad hoc fideicommissa prodesse, quia hæreditas directò ex certo tempore non potest relinqui, §. 9. *Inst. de hered. Inst.* potest tamen relinqui per fideicommissum, v. g. *ut post. decennium Titio restitatur. Manz. n. 18.*

#### §. I N P R I M I S. 2.

**F**ideicommissa trifariam relinqui possunt : Testamento, Codicillis, & ab intestato. De fideicommissis, quæ testamento relinquuntur, agitur in *h. tit.* De illis, quæ codicillis relinquuntur, agitur in §. 2. *infra de codicill.* de iis verò, quæ ab intestato relinquuntur, agitur in §. 10. *infra h. t.* Et quidem, si quis velit in testamento relinquere fideicommissum, opus est, ut aliquis directus hæres instituat, qui adeat hæreditatem. Ratio ; quia institutio hæredis est caput & fundamentum testamenti, quo corrumpente totum testamentum corrumpit, consequenter etiam fideicommissa corruunt. *Manz. n. 6.* Formulæ verò fideicommissi tam universalis quam particularis sunt variae. Hodie verborum solennitas non attenditur, sed quælibet verba voluntatem testatoris declarantia ad fideicommissum apta videntur *l. 2. Cod. commun. de legat.* Si quis tamen ita dixerit : com-

*mendo tibi Titium*, non erit fideicommissum. *arg. l. 78. §. 8. ff. ad SCtum Trebell.* Non tamen necesse est, ut testator totam hæreditatem per fideicommissum relinquat ; nam & de parte restituenda hæredem rogare poterit. Idem enim juris de parte, quod de toto. *l. 76 ff. de R. V. Harp. n. 6. §. 7.*

Quin, & liberum est testatori vel pupillari, vel sub conditione, imò ex certo die, v. g. *rogo te hæres, ut post quinquennium hæreditatem Titio restituas*, relinquere fideicommissum, *text. hic.*

*Dices* : Non potest alicui ex certo die relinqui hæreditas directò, ut supra §. 9. *de hered. Inst.* traditum ; ergò nec per fideicommissum. Resp. *conic. ant. neg. consequ.* Ratio disparitatis : quòd in institutione directa, decederet quis pro parte temporis testatus. pro altera intestatus, quod est contra regulam juris, in *l. 7. ff. de R. J.* In fideicommissaria id non fit : Hæres enim institutus semper manet hæres. licet hæreditatem restituat. §. *seqq.* Ratio rationis : quia hæredem esse, est juris, restitutio facti ; Illa autem quæ sunt facti non tollunt ea, quæ sunt juris. *Schamb. Inst. hic.*

#### §. R E S T I T U T A. 3.

Tametsi fideicommissario restituta sit hæreditas, is tamen, qui restituit, adhuc hæres permanet, ex dicta ratione : quia hæredem esse est juris, restitutio est facti ; ea verò quæ sunt facti, non tollunt ea, quæ sunt juris, ergò & semel hæres nunquam desinit esse hæres, *l. 7. §. 10. ff. de minor.* Is verò, cui restituitur hæreditas, i. e. fideicommissarius, aliquando hæredis, aliquando legatarii loco habetur.

Et quidem si tota hæreditas ei est restituta & restituta, tunc habetur loco hæredis. Si verò tantum pars bonorum vel res

particularis reflecta est, habetur *locus legatarii. Harp. n. 5. & Manz. n. 3.*

*Dices:* Si hæres semper hæres permanet, sequitur, quod adhuc sit obstrictus, & obligatus legatariis, & creditoribus defuncti, quod ab iis possit conveniri, &c. Item quod debitores defuncti sibi habeat obligatos, & solus ab iis debita exigere possit. *R.* sequelam omnino veram esse. Hæc tamen res correctionem recepit, ut mox audiemus.

#### §. ET NERONIS. 4.

Quia hæres institutus, etiam restituta hæreditata remanebat hæres, cogeatur, omnia subire onera hæreditaria: & hinc fiebat frequenter, ut hæres hæreditatem adire recusaret: Ideo SCtum Trebellianum Neronis Imperatoris temporibus Trebellio Maximo, & Annæo Senecæ consulibus factum & cautum est, ut actiones omnes tam activæ, quàm passivæ, quæ alias spectatō jure, non nisi hæredi & in hæredem dabantur, fideicommissario & in fideicommissarium absque ulla cessione darentur. Quod quia in actionibus directis, utpote a thærentibus contrahentium assibus fieri non poterat: ideo Prætor SCtum de utilibus actionibus sentire, & has utiles, non directas ei, & in eum dandas esse, interpretatus est. Ex quo colligitur, quod fideicommissarius, restitutione sibi ex hoc SCto facta, hæredis loco sit. *Schamb. hic.*

*Dices:* Si directæ actiones manent penes hæredem, adhuc poterit conveniri & conveniri. Resp. posse omnino, sed actionem directam exceptione restitutæ hæreditatis elidi. Et quidem, si totam hæreditatem fidei commissario restituerit, quoad totam hæreditatem exceptione hac utetur. Si partem, pro parte restitutâ exceptione gaudet, quoad alteram partem ipse sustinebit onera. *Manz. n. 5. & 6.*

#### §. SED QUIA §. & 6.

Et si SCtum Trebellianum bene consuluerit hæredibus, eò quod in fideicommissarium onera transferret: non tamen satis consulit testamento, & voluntati testatoris, & ipsi fideicommissario. Nam quia hæredes scripti, cum aut totam hæreditatem, aut maximam ejus partem restituere rogarentur, adire hæreditatem recusarent, ob nullum vel modicum lucrum fiebat, ut extinguerentur omnino fideicommissa, & testatores sine hæredibus decederent. Hæredes enim, hæreditatem non adeunte, destituitur testamentum, & neque legata, neque fideicommissa amplius valent. *l. 9. ff. de testam.* Quare postea Vespasiani Augusti temporibus, cum Pegasus & Pusio consulatum gererent, aliud SCtum factum est (ab authore suo Pegasianum dictum) quod IV. capita continebat. I. Erat, quod hæres rogatus poterat retinere quartam, & illam de fideicommissis detrahere, sicut licet de legatis falcidiam detrahere. II. Quod propter illam quartam, quam retinebat, solus onera hæreditaria ferebat, ita, ut fideicommissarius pro legatario partiarior, qualis ille fuit, cui pars bonorum legabatur, haberetur, nisi inter ipsum & fideicommissarium stipulationes de oneribus, & commodis hæreditariis utrinque pro rata dividendis, interpositæ essent, *text. hic.* III. Quod rogato nolente retinere quartam, sed integram hæreditatem restituente, interponebantur per nummum imaginarium stipulationes emptæ & venditæ hæreditatis, per quas hæres directus reddebatur securus, nec cogeatur subire onera hæreditaria. Stipulatio autem inter emptorem & venditorem talis erat, quod venditor promittebat admittere omnia onera hæreditatis.



titis. IV. caput erat, quòd si hæres scriptus suspicabatur hæreditatem fortè damnosam, aut alia ex causa recusabat adire, ut varii sunt affectus & voluntates hominum, ac fideicommissarius postulabat, ut adiret scriptus hæres hæreditatem, poterat hic jussu Prætoris cogi ad adeundam, & restituendam hæreditatem. Quo in casu nullà stipulationum formà opus erat. Statim enim securus reddebatur, cum omnes actiones transirent in fideicommissarium, & ipse coactus hæreditatem adiisset. Verùm ista omnia exoleverunt; uti mox patebit: proinde non multum attendenda.

## §. S E D Q U I A 7.

Diximus in §. *præced.* IV. olim fuisse capita SCti Pegasiani; sed *Imperator* hic explicat, quatenus retentò primò & quartò capite, ea in SCtum Trebellianum transfuderit, atque ex duobus SCtis unum fecerit, quod Trebellianum vocari jussit: ratio est in textu; quia istæ stipulationes & ipsi antiquitati displicebant, utpote captiosæ.

- 9 *Quid ergo hodie obtinet?* Resp. si scriptus hæres sponte adiens hæreditatem rogatus fuerit, aut totam hæreditatem, aut supra dodrantem restituere, licitum est ei, vel quartam totam, vel quod quartæ deest, ex constitutione Imperatoris retinere (quæ proin vocatur quarta Trebelliana) aut si eam fideicommissario per errorem facti solverit, repetere; quo in casu pro rata portione actiones & onera inter hæredem & fideicommissarium dividuntur. *text. hic.*

## A D V. S I V E R O.

Si hæres sponte totam hæreditatem restituat, non retentà quartà, tunc omnes actiones hæreditariæ in fideicommissarium transeunt, & hæres ab omnibus

oneribus est liber, quia tunc fideicommissarius locò hæredis est.

## A D V. S E D E T I A M.

Colliges ex hoc V. quòd hæres scriptus, si recusaret hæreditatem adire, potente fideicommissario cogi possit adire, & sibi totam hæreditatem restituere: ita tamen, ut omnes actiones ad fideicommissarium, & contra eum transferantur.

Ubi tamen observa, tria concurrere debere, ut hæres cogi possit ad adeundam hæreditatem.

I. Quòd fideicommissarius caveat hæredi de refarciendo damno, si aliquid incurrat ex additione hæreditatis. II. Quòd fideicommissarius sit capax fideicommissi. Nam hodie fideicommissum relictum ei, qui non habet testamenti factionem passivam, non valet, sed deferitur tunc ad fiscum *Schneid n. 10. hic.* III. Quòd sit fideicommissum universale, non autem particulare; quia legatarius non potest cogere hæredem, ut adeat hæreditatem. *l. 16. §. Et generaliter ff. ad SCt. Trebell. Schneid. loc. cit. hic.*

## §. N I H I L 8.

Quæ diximus obtinere in restitutione fideicommissorum, si quis ex asse hæres institutus, aut totam hæreditatem, aut pro parte restituere rogatur, eadem quoque obtinet, si quis ex parte hæres institutus totam eam partem, aut partem partis restituere rogatur, v. g. Si testator ita scribat: *Sejum in quadrante hæredem instituo, Et rogo te Sei, ut illum quadrantem, quàm primum adieris, Mævio restituas.* In hoc casu æquè potest quartam partem de quadrante deducere, vel totum quadrantem fideicommissario restituere, & in eum molestias & onera rejicere. Ratio, quia quod in toto, quoad ipsum totum sancitum est, idem in parte

quoad partem ipsam censendum. Si itaque quadrans ille conficeret, & contineret 800. fl. posset hæres 200. retinere, reliquos cum suo onere Mævio restituere. *Manz. hic.*

§. S I Q U I S U N A. 9.

- 11 Si quis unâ aliquâ re particulari deducta, quæ quartam continet, jubeatur reliquum restituere, ut si testator dicat: *Sempronium heredem instituo, & rogo te Semproni, ut acceptâ vel deductâ re singulari, v. g. domo, hereditatem Titio restituas*: non potest aliam quartam deducere, sed perinde tenetur restituere, ac si quartam nomine hæreditario haberet: *text. hic.* Ratio: quia æque multum, imò plus lucri habet.

A D V. S E D I L L U D.

In hoc tamen differt fideicommissarius, qui certam aliquam rem pro Trebelliana deducere jussus est, ab illo, qui jussus est, à tota hæreditate suam quartam detrahere, quod prior habeatur locò legatarii, ita, ut habeat illam rem absque omni onere hæreditario, posterior non etiam: quia scinduntur actiones & pro dodrante transferuntur ad fideicommissarium, pro quadrante verò remanent apud heredem. *text. hic.*

Quid si hæres jussus est unam certam rem deducere in qua maxima pars hæreditatis continetur? R. quod adhuc legatarius eam sine omni onere habeat, ita ut omnia onera & actiones in fideicommissarium transferat, ne tamen invitus oneribus subjiçatur, potest fideicommissarius deliberare, an expediat sibi reliqua bona cum onere restitui. *Schneid. & Manz. hic.*

§. P R Æ T E R E A. 10.

- 12 Actum de fideicommissio relicto in tes-

tamentis, Sequitur de eo, quod ab intestato relinquitur, v. g. *Si quis heredem ab intestato successurum in codicillis roget, ut hereditatem vel totam partem alteri restituat.* Quo casu etiam Scto Trebelliano locus erit. Ratio vero dubitandi videtur fuisse ea; quod nemo debeat gravari, qui non est honoratus: hæredes autem ab intestato non videntur esse honorati. Verum R. quod etiam hos testator honoret, eò quod alium per testamentum non instituat, quemadmodum posset. *Schamb. hic.*

Non tantum fideicommissa, sed etiam legata hodie ab intestato relinqui possunt: quia legati & fideicommissi natura confusa est. Dico *hodie*: olim enim legata ab intestato relinqui non poterant, quia erant accessoria ad testamentum: adeoque sine principali non potuere subsistere. *Manz. n. 6. & 7.*

§. E U M Q U O Q U E II.

Ipsè quoque fideicommissarius rogari potest, ut id rursus, quod sibi relictum vel pro parte vel in totum, vel etiam aliud quid restituat alteri. Ratio nulla est alia, quàm ut custodiatur voluntas testatoris. Et hoc hodie frequenter fit in fideicommissis perpetuis familiæ; ubi specialiter senior de familia gravatur fideicommissum in familia conservare, & post mortem suam alteri futuro seniori restituere. *Manz. n. 3. & 4.*

Q. *An etiam tunc fideicommissarius iterum quartam detrakere possit?* Resp. *negative*; tum quia non est textus, tum quia ratio inductiva quartæ cessat, cum jam sit adita hæreditas, & sic testator non moriatur intestatus. Limitatur, si hæres fiduciarius in gratiam fideicommissarii eam non detraxerit; tum enim is detrakere poterit. l. 1. §. *Neratius* 19. ff. d. t. *Schamb. hic.*

§. E T

## §. ET QUIA FINALIS.

14 Proponitur in hoc §. jus novum à Justiniano Imperatore introductum, videlicet fideicommissum etiam sine testibus, aut scriptorâ relictum valere, de quo extat in *l. ult. Cod. de fideicommiss.* Nam antehanc constitutionem fideicommissa, non nisi §. testibus munita relinqui poterant. *L. ult. §. ult. Cod. de Codicill.* Ex illa autem constitutione talis potest figurari casus.

Testator vocavit ad se suum hæredem, ab intestato, vel cum jam antea fecisset testamentum hæredem, in eo institutum & illum rogavit remotis omnibus arbitris, ut Sempronio post testatoris mortem totam hæreditatem vel partem aliquam restitueret. Sempronius id rescivit, & mortuo testatore ab hærede fideicommissum petit, hæres negat suæ fidei quidquam commissum esse. Sempronius quia sine scriptura, & testibus fideicommissum relictum est, sufficienter id pro-

bare non potest. Q. quid juris? Resp. quòd fideicommissarius Sempronius possit hæredi deferre juramentum, præstito tamen prius juramento calumniæ, quod semper cogitur præstare is, qui alteri defert juramentum. *l. 34. §. qui jurandum ff. de jurejur.* Et tunc aut cogitur hæres jurare, non esse relictum fideicommissum, aut solvere; nec potest tale juramentum fideicommissario referre, sed recusans jurare, habetur pro confesso. Item non potest confugere ad solennitates juris civilis, & opponere, quòd voluntas testatoris non fuerit solennis propter mendacium præcedens. *d. l. fin.*

Si verò ab initio confitetur fideicommissum relictum esse, sed excipit de minus solenni voluntate, tunc auditur. *l. 25. Cod. de fideicommiss.* Schneid. hic. in solo tamen poli fideicommissum præstare tenetur, quia constat de voluntate testatoris, ex qua consurgit obligatio naturalis.

## TITULUS XXIV.

## DE SINGULIS REBUS PER FIDEICOMMISSUM RELICTIS

## SUMMARI A.

- 1 Definitur fideicommissum particulare.
- 2 Non tantum res sua, sed etiam aliena legari potest.
- 3 Libertas an per fideicommissum rectè relinquatur?
- 4 Quibus verbis relinquuntur fideicommiss.

**A**ctū est de fidei-commissio universalis, sequitur nunc de particulari. Est autem fidei-commissum particulare, quando res aliqua singularis, ut equus, scyphus, &c. per interpositam personam alicui relinquatur. Hòc fidei-commissio par-

ticulari gravari potest non tantum hæres, sed etiam fidei-commissarius tam universalis, quàm particularis, & in genere omnis, qui honoratus est, etiam legatarius, quamvis olim à legatario legari non potuerit. Ratio: quia legata imperative, v. g. jubeo, mando, damnas esto, &c. fideicommissi precative relinquuntur, soli autem hæredi imperare, rogare autem quemlibet possumus. Dixi olim, cum enim hodie legata fidei commissis exequata sint, § 3. *Inst. deleg. l. 2. Cod. commun. de leg. etiam à legatario legatum relinqui potest. Schamb. & alii hic.*

§. Po-

## §. POTEST AUTEM. I.

2 Sicut quælibet res in commercio testatoris sive hæredis, sive etiam aliena sit, legari; ita etiam eadem per fidei-commissum relinqui possunt; ubi si res aliena relicta fuerit, tenetur gravatus, sicut in legatis eam emptam, vel si redimi non possit, communem rei illius æstimationem præstare, ratio non est alia, quam quod legata fidei-commissis exæquata sint. *Manz. n. 4.*

Illud tamen observandum est, quod nemo in plus gravari possit, quam à testatore honoratus est; unde si testator ita scripserit: Titio 40. do, lego; rogo autem te Titi, ut 100. restituas Cajo, quoad excessum ultra 50. fideicommissum inutile est. Ratio; quia nemo in plus g. avari potest, quam à testatore honoratus est. *text. hic.* Sed valetne fidei-commissum quoad 50. *R. affirmative, ne inutile per inutile vitietur. cap. 37. de R. J. in. 6.*

*Ob. l. 70. §. I. ff. de legat. 2.* ubi dicitur: quod si legator legaverit alicui certam quantitatem pecuniæ, & legatarium gravarit, ut alteri fundum aliquem, qui in valore suo quantitatis pecuniarum legatum excedit, restituat, non liberetur legatarius, si velit veram fundi æstimationem, vel tantum partem fundi pro modo quantitatis legatæ præstare, sed teneatur ad fundum præstandum, licet hic plus valeat, quam quantitas legata; ergo potest quis in plus gravari quam honoratus est. *R.* non mirum esse in casu *d. l. 70. §. I.* legatarium ad præstationem fundi teneri; quia accipiendo pecuniam eâ conditione sibi relictam, ut ex rebus suis aliquid præstaret, intelligitur per acceptationem pecuniæ rem suam non pluris æstimasse, quam quanta illa

pecunia est. Ideoque fundum præstando non censetur plus præstare; quam ex testamento accepit. *Harp. n. 5. hic.*

## §. LIBERTAS. 2.

Libertas quoque per fidei-commissum relinqui potest non tantum servo proprio, sed etiam alieno; quo casu manumittere: quod si autem venalis non sit, differtur quoad possit redimi & manumitti; dominus enim non tenetur eum vendere nisi ille ex iudicio testatoris quid acceperit, tunc enim eum vendere tenetur. Est autem differentia, an servo per legatum, an per fidei-commissum libertas relicta sit? Priori enim casu fit libertus testatoris, diciturque Orcinus aut Plutonicus, quasi libertus ejus, qui ivit ad Plutonium vel Orcum.

Non potest autem directò dari libertas, nisi ei, qui & testamenti & mortis tempore in potestate testatoris est; qui enim per fideicommissum libertatem relictam habet, cum eam per manus tertii acquirat, ejus libertus efficitur. *Schamb. hic.*

## §. VERBA FIN.

Docet in §. *Imperator*, per quæ verba possint fidei commissum relinqui. Non enim curatur, an sint præceptiva verba, ut *mando, volo &c.* vel rogativa seu precaria, *rogo, peto, &c.* quia potius voluntas, quam verborum solennitas attenditur. Planè verba commendatitia vim fideicommissi non habent; aliud enim est personam commendare, aliud voluntatem suam fidei-committentis hæredibus insinuare. *Harp. hic.* Deinde debet certum aliud determinatè relinqui, quod non fit per verbum *commendo.* *Manz. n. 5.*



# T I T U L U S XXV. DE CODICILIS.

## S U M M A R I A.

## A D P R I N C I P I U M.

- 1 Quod sit Codicillus ?
- 2 Codicilli fiunt cum testamento, & sine testamento.
- 3 Quomodo cum testamento fiunt ?
- 4 Item quomodo ab intestato.
- 5 Enumerantur requisita codicillorum.
- 6 Quae sit differentia inter testamentum & codicillos ?
- 7 In codicillis directe non potest dari hereditas.
- 8 Quibus modis codicilli infirmantur ?
- 9 An institutio heredis in codicillis directe facta trahatur in fideicommissum ?
- 10 Testamentum ob praeteritionem nullum virtute clausula codicillaris sustinetur in vim fideicommissi.

## C O N S T I T U T I O.

I **H**ucusque sufficiat dixisse de majoribus ultimis voluntatibus, quae testamenta nuncupantur: Nunc sequitur de minoribus ultimis voluntatibus, quae codicilli appellantur. Codicillus autem nihil est aliud, quam ultima voluntas minus solennis, absque institutione heredis de eo, quod quis post mortem suam fieri velit, coram §. testibus declarata. Ita accurate Schneid. n. 3. Germano Idiomate codicillus definitur: Ein Codicill ist ein Begriff eines letzten Willens, durch den kein Erb eingesetzt, noch die Zierlichkeit eines Testaments gebraucht, sondern allein Particular-Geschäft, von den Geschäften, verordnet werden. Manz. hic. n. 2. \*

Kees ad Instituta.

(\*) Quae ultima verba, *sonderen allein* particularem dispositionem absque generali factam exprimunt.

In hoc principio traditur origo codicillorum. Nam ante Augusti tempora in usu non fuerunt: sed quia Augustus implevit voluntatem Lucii Lentuli, scriptam in codicillis, & filia Lentuli solvit legata per patrem in codicillis relicta; Augustus adhibuit in consilium Jurisconsultum Trebatium, cum quibusdam aliis sapientibus viris, an usus codicillorum esset recipiendus? Quibus visum est, non solum utilissimum, sed etiam necessarium, propter magnas & longas peregrinationes, ut cum testamenta, forte propter deficientem numerum testium aliqui facere non possent, eis codicillos facere liceret. Schneid. n. 8.

## §. N O N T A M E N. I.

**P**ro pleniori hujus §. intellectu notandum est, codicillos duobus modis fieri posse: cum testamento, & sine testamento:

Cum testamento fiunt codicilli, quando quis facit & testamentum & simul codicillos. Quod tribus modis fieri potest.

I. Ante testamentum. II. Post testamentum. III. In ipso testamento.

Ante testamentum fiunt codicilli, quando testator primò fecit codicillos & postea testamentum. Et licet olim ante testamentum facti non valerent, nisi per testatorem in testamento sequens expressè essent confirmati, *text. hic.* Hodie tamen valent, siue ante, siue post testamentum conditum fiant. Ac etiam si in testamento expressè non fuerint

E e e

fuerint confirmati, tamen ipso jure confirmari censentur, nisi expressè appareat testatorem mutasse voluntatem & eos revocasse. Ratio; quia præsumitur testator perseverasse in priori voluntate. Quod enim non mutatur, quare stare prohibeatur? *l. 27. Cod. de testam. Manz. n. 11.*

Post testamentum fiunt codicilli, quando primò fecit testamentum & postea codicillos, & si expressè in eo confirmantur, dicuntur esse confirmati in futurum; veluti si dicatur in testamento solenni: *Codicillos, quos faciam, valere volo*: confirmatio tamen necessaria non est, uti dictum.

In ipso testamento fiunt codicilli, quando quis facit testamentum, & simul in subsidium codicillos, ut tunc demum valeant codicilli; cum testamentum non possit valere, ut testamentum: quia fortè sunt adhibiti tantum sex testes; & adjecta est clausula codicillaris: *Si non valet jure testamenti, volo, ut valeat tanquam codicillus, & omni meliori modo, quo valere potest.* Ex quo.

Colliges differentiam inter codicillos ante testamentum, post testamentum, & in ipso testamento factos. Nam quando testamentum est nullum, tunc etiam codicilli ante & post testamentum facti corruunt, quia sunt accessorium, & omne coram jus ex testamento pendet. *l. 16. ff. de jure Codicill.* Codicilli verò in testamento i. e. in subsidium testamenti facti, irritò factò testamento non corruunt, sed incipiunt tunc habere suam vim & firmitatem.

4 II. Fiunt codicilli sine testamento ab intestato, cum testator simpliciter facit codicillos non conditò testamento. Et isti codicilli per se stant, nec habent dependentiam à testamento, neque re-

quirunt tacitam, vel expressam confirmationem in testamento, cum sine testamento fiant, & vicem testamenti obtineant. Et sicut testamentum in scriptis & sine scriptura, ita codicilli ad similitudinem testamenti tam in scriptis, quam sine scriptis fieri possunt; modò decedens convocatis 5. testibus exponat, & declaret, quid post mortem suam fieri velit. *Schneid. n. 28. Clariss. D D. Franz. Inst. hic. n. 5.*

Q. Quid ergò ad codicillum requiratur, 5 *que sollemnitatis, que forma?* R. I. requiri, ut is qui codicillatur, habuerit codicillandi potestatem. Potest autem ille solus, & illi omnes codicillos facere, qui & testamentum condere possunt, Unde qui testari prohibentur, etiam à potestate codicillandi coercentur. *l. 6. §. 3. ff. h. t.*

II. Ut adhibeantur 5. testes: quia in omni ultimà voluntate requiruntur ad minus 5. testes Non autem requiritur, ut testes ad hoc sint specialiter rogati, sufficit enim, quòd fortuito advenerint. *L. fin. Cod. de Codicill.* Imò & foeminam in codicillis testem adhibere posse, veritus obtinet. *Harp. §. ult. h. t. n. 8.*

III. Si codicilli facti fuerint in scriptis, necessaria est testium subscriptio non tamen requiruntur eorum sigilla. *Schneid. n. 2.*

#### §. CODICILLIS. 2.

6 PRæcipua inter testamentum & codicillos hoc loco traditur differentia, videlicet quòd in codicillis hæreditas directò dari non possit, nisi miles sit *l. 36. ff. de testam. milit.* & quia contrariorum eadem est disciplina, neque in iis hæreditas potest adimi, aut exhæredatio scribi. Ratio est in *textu*; ne confundatur jus testamentorum & codicillorum, h. e.,

v. e. ut differentia aliqua sit inter testamentum & codicillos.

7 Dixi directò: nam per fideicommissum hæreditas in codicillis relinqui potest, v. g. hõc modò: *Rogo te hæres mi, ut, cum primum adieris hæreditatem meam, eam Sejo restituas & reddas.* Et in hoc casu, hæres retentâ quartâ Trebellianatenetur ad restituendam hæreditatem fideicommissario. *L. ab intestato 16. ff. de jure codicill.* Ratio porrò, quare directâ institutio possit fieri in testamento, non vero codicillis, ista esse videtur: quia per hæreditatem directam transfertur familia, quæ juris civilis est, ut actu civili tantum, i. e. testamento transferri, fideicommissum verò ex jure naturali & æquitate profluat, ut etiam per codicillos relinqui possit. *Schamb. hic.*

#### AD V. NEC CONDITIONEM.

Sicuti directò in codicillis non licet instituere, ita quoque non licet directò substituere, & ita scribere: *Si Titius non erit, Cajus hæres esto.* Ratio, quia substitutio est secunda hæredis institutio. Deinde, sicut hæreditas non potest simpliciter adimi in codicillis: ita quoque non potest hæredi in testamento instituto in codicillis conditio adjici, dicendo: *Titium, quem in testamento hæredem esse jussi, hæredem esse volo, si navis ex Asia venerit.* Ratio: quia in defectum conditionis videtur quis cogitasse de ademptione hæreditatis. Itaque rejectâ conditione hæres tamen succedet, ac si purè institutus esset. *l. 6. ff. de jure codicill. Manz. n. 9.*

#### §. CODICILLOS. FIN.

I. Differentia, quâ discernitur testamentum à codicillis, est, quod non liceat facere plura testamenta,

ut simul valeant; potest tamen aliquis facere plures codicillos diversi tenoris, ita, ut omnes valeant. Ratio differentia: quia in testamento universa hæreditas, quæ est una; codicillis verò res singulæ, quæ sunt plures, relinquuntur. *Manz. n. 3. & Harp. n. 2.*

III. Differentia inter testamentum & codicillum est, quod testamentum multis solennitatibus debeat esse instructum: Codicilli autem nullam (quam particulam negativam non ita intellige, ut penitus nulla solennitas requiratur, sed non tanta, quanta in testamento) solennitatem desideret. *text. hic.*

Et sunt: quæ pro declaratione textus in hoc titulo sunt necessaria. Verum cum adhuc aliqua sint scientiâ digna, ideò prolixius in hunc tit. lubeat excurrere. Itaque,

Q. I. Quibus modis codicilli infirmantur? R. iisdem modis codicillos infirmari, quibus testamenta, præsertim si fuerint facti cum testamento; tunc enim corruente principali, i. e. testamento, corruit etiam accessorium, i. e. codicilli. *l. 1. Cod. b. t.* nam omne jus & robur codicilli ex testamento dependet, ut dictum supra. Itaque si hæreditas ex testamento non adeatur per ipsum hæredem scriptum, neque legata in codicillis debentur. *l. si quis §. fin. ff. de jure codicill.*

Codicilli ab intestato iisdem extinguuntur, quibus testamenta. Exceptò unicò casu: nam agnatione posthumi codicilli ab intestato non rumpuntur. *l. ab intestato 16. ff. eod.* Et in hoc differunt codicilli à codicillis cum testamento factis.

Sicut enim testamentum agnatione Posthumi rumpitur, ita & codicilli cum testamento facti. *l. 1. Cod. b. t.* Codicilli

cilli autem ab intestato sic non rumpuntur, quia & tunc posthumus ab intestato censetur rogatus præstare legata in codicillis. *Schneid. n. 1. hic.*

9 Q. II. Si directò in codicillis instituatür hæres, an actus nihil operetur, h. e. an voluntas testatoris non sustineatur tanquam relicta verbis obliquis, ita, ut venientes ab intestato censeantur rogati deductâ Trebellianicâ reliquam hæreditatem instituto in codicillis, restituere? R. Papinianus in l. 13. §. 1. de jure codicill. ubi ita scribit: *Tractari solet de eo, qui cum tabulis testamenti non fecisset; Codicillis ita scribit: Titium heredem esse volo. Sed multum interesse, utrum fideicommissariam hæreditatem à legitimo per hanc scripturam, quam codicillorum instar habere voluit, reliquerit, an verò testamentum facere se existimaverit, nam hoc casu nihil à legitimo peti poterit.* Ex quo inferunt interpretes; si de voluntate constet defuncti, quòd is verè codicillos facere voluerit, institutionem directè in codicillis factam, flecti in obliquam. Cujus ratio est hæc; quia cum testator sciat, in codicillis hæredem institui directè non posse, vel scire debeat, & defunctus non censetur ludere voluisse, ideò leges flectunt verba directâ in obliqua.

Sin verò is testamentum facere voluit, & non complevit, tum nihil valet ex ratione: quia id, quod voluit, non potuit; & quod potuit, non voluit. l. 1. ff. eod. Nisi clausula codicillaris (v. g. si non valet testamentum, valeat ut codicillus, vel valeat omni meliori modò, quo de jure valere potest) apposita sit, tum enim valebit jure codicilli, nisi probetur eam clausulam à Notario citra

testatoris jussum esse appositam; *Schamb. hic. Schneid. n. 1. §. 2. h. t.*

Q. III. & ultimò: An testamentum ob præteritionem sui hæredis nullum, virtute clausulæ codicillaris sustineatur; Negant *Manz. tract. de testam. tit. 8. ampliat. 29. Harp. §. 1. h. t. n. 25. Fach. l. 4. cap. 11.*

Movetur: quia talis clausula non operatur vim fideicommissi, si testamentum sit inofficiosum. l. Titia 13. ff. de inoff. testam. ergò nec operabitur, si testamentum sit nullum. Sed placet, sustineri in vim fideicommissi. *Schamb. hic.*

*Prob. I. per l. 16. ff. qui testam. fac. poss.* ubi dicitur, quòd clausulæ codicillaris ea sit vis, ut omninò valeat id quod relictum est; atqui etiam tali casu valere poterit, si dicamus suum præteritum, utpote hæredem legitimum esse rogatum, ut hæreditatem illam hæredi scripto restituat; ergò.

*Prob. II. ex l. generaliter 24. §. ex testamento ff. de fideicommiss. hæredit.* ubi dicitur: ex testamento, quod agnatione posthumi ruptum esse consistit, neque directas libertates petere, neque fideicommissarias deberi, si quas non à legitimis quoque hæredibus paterfam. reliquerit. Ergò si à legitimis quoque hæredibus reliquerit, competent, atqui per clausulam codicillarem censetur à legitimis quoque hæredibus reliquisse d. l. 16. ergò.


Ad rationem dubitandi. R. ant. verum esse de jure veteri. Ratio datur à lege, eò quòd in testamento inofficioso censeantur quasi à demente esse relicta, à quo relicta non valent. Dixi de jure veteri; nam hodie per querelam sola institutio rescinditur, cætera namque firma manent. *auth. ex causa Cod. de lib. & possib. ut proinde hodie*



hodie etiam inofficiosum testamentum vigore clausulæ codicillaris in vim fideicommissi valere, non ineptè dixeris Habes itaque, auditor studiosissime (ut hoc anno me facturum adspondi,)

completum in II. Institutionum Imperialium librum (qualiscunque sit) commentarium. Tu facias, velim, ut in fine II. libri scientiâ juris nulli sit secundus.





# INSTITUTIONUM IMPERIALIUM LIBER III.

---

## TITULUS PRIMUS DE HÆREDITATIBUS. QUÆ AB INTESTATO DEFERUNTUR.

### SUMMARIA.

- |   |  |
|---|--|
| 1 <i>Transitio.</i>   | 8 <i>In Austria Filie Patri non succedunt.</i>                               |
| 2 <i>Liberi ab intestato succedunt tam de Jure Divino, naturali, quam Civili.</i>                         | 9 <i>Ita ut neque legitima iis debeat.</i>                                   |
| 3 <i>Quotuplices dentur Liberi?</i>   | 10 <i>An consuetudo ista etiam ad successionem Fraternali extendatur?</i>    |
| 4 <i>Liberi naturales, &amp; legitimi succedunt exclusis omnibus ascendentibus, &amp; collateralibus.</i> | 11 <i>An consuetudo ista valeat, quâ Filia remouetur à Paterna legitima?</i> |
| 5 <i>Nec refert Masculi sint, an Femina.</i>  | 12 <i>Differentia suistatis &amp; emancipationis sublata est.</i>            |
| 6 <i>Limitatur in feudis.</i>   | 13 <i>An posthumi succedant?</i>   |
| 7 <i>Nisi fundum sit faminum.</i>   | 14 <i>An Clerici?</i>  |
|   | 15 <i>Monachi quomodo succedant suis Parentibus?</i>                         |

- 16 Si novicius moriatur, quis ei succedat?
- 17 Primogenitura quid sit?
- 18 An refragetur rationi?
- 19 An nepos ex Primogenito præferatur in successione Patruo?
- 20 Probatur affirmativa.
- 21 Resolvuntur objectiones.
- 22 Si omnes Liberi sunt in primo gradu, successio fit in capita.
- 23 Quomodo fiat successio, si omnes sint in remotiori gradu?
- 24 Quid si aliqui in primo, aliqui in remotiori?
- 25 Proximior non excludit remotiorem, si Jus representationis locum habeat.
- 26 Liberi legitimati quomodo succedant?
- 27 An legitimati per subsequens matrimonium succedant in feudis?
- 28 Quomodo succedant Liberi legitimi tantum?
- 29 Item naturales tantum?
- 30 Ex damnato coitu nati nec Patri nec Matri succedunt.
- 31 32 33 34 & 35 Ascendentes quomodo succedant descendantibus?
- 36 Succeduntne Parentes Liberis cum vel sine distinctione Bonorum?
- 37 An defuncti frater utrinque conjunctus præferatur Avo suo.
- 38 Quomodo fiat successio, si cum ascendentibus concurrant Fratres Germani, & horum præmortuorum Filii?
- 39 Quomodo succedant Parentes legitimi?
- 40 Et naturales tantum.
- 41 Quid per Albertinam constitutionem introductum sit?
- 42 & 43 Explicantur aliqui casus, quomodo de Jure Austriaco fiat successio.
- 44 Ista consuetudo Austriaca, Erbschafften fallen nicht zurück, non habet locum in linea collaterali ascendenti.
- 45 An Albertina repugnet Juri naturali?
- 46 Quando succedant collaterales?
- 47 Et quomodo succedant?
- 48 In successione feudali agnati præferuntur cognatis.
- 49 De Jure Austriaco Frater consanguineus cum Fratre Germano in bonis paternis equaliter; in maternis vero & ab ipso defuncto acquisitis solus Germanus succedit.
- 50 Demonstratur in figura.
- 51 Qualis fiat successio, si Fratres consanguinei & uterini concurrant?
- 52 Qualiter succedatur, si cum Germanis concurrunt Fratrum prædefunctorum Liberi?
- 53 Quomodo fiat successio, quando Fratrum Germanorum Filii soli concurrunt.
- 54 & 55 Agitur de successione Fratrum consanguineorum & uterinorum.
- 56 57 58 & 59 Agitur de successione Fratrum legitimorum, legitimorum tantum, & naturalium tantum.
- 60 Quomodo vir & uxor sibi invicem succedant.
- 61 Pacta dotalia cum primis servanda sunt.
- 62 De Jure Austriaco Vidua gaudet Jure retentionis.
- 63 Quid operetur illa clausula: Was beyde Theile wæhrender Ehe mit einander eroberen, solle ein gleiches Gut seyn?
- 64 Bona constante Matrimonio acquisita in dubio præsumuntur per maritum acquisita.
- 65 Quidquid stante matrimonio acquiritur, ad maritum spectat.
- 66 Agitur de supra dicta clausula.
- 67 Si nullæ adsint litteræ dotalitæ, quid Juris?

- 68 *Quomodo de Jure Civili novissimo  
conjuges invicem succedant.*  
69 *Quando succedat Fiscus?*  
70 *Quid requiratur, ut bona dicantur  
vacantia?*  
71 *Si quis in peregrinatione moriatur,  
quis succedat?*  
72 *In Gallia receptum est Jus Albigani.*

## CONNEXIO.



Quando quidem antiquatae sunt materiae, quae à Tit. I. usque ad Titul. 14. secundum Institutionum ordinem hoc Libro traduntur; ideo his non diu immorandum, sed potius duxi, properandum esse ad Jus, in foro & curia usitatum, quod contineri videas in Nov. 118. cujus explanationem priusquam aggrediar, ponenda est ratio ordinis; teste enim *Socrate ad Xenophontem lib. 5. de dictis Socrat.* recto ordine nihil pulchrius, nihil praeclarius, nihil ad usum accommodatius est, tum quòd ad rei, de qua agitur, cognitionem, & intelligentiam mirifice conducit, tum quòd memoriam cæteroquin labilem l. 44. ff. de acq. vel amit. poss. plurimum juvet, & artificiosè informet. Sit proinde.

## TRANSITIO.

- I **H**æreditatem vel ex Testamento, vel ab intestato nobis deferri, dictum est §. ult. *Inst. per quas person. cuiq. acq.* postquam verò vidimus, quomodo ex testamento: superest, ut dispiciamus, quomodo ab intestato deferatur. Intestatus autem dicitur, qui non relinquit testamentarium hæredem; & ordo succedendi ab intestato triplex est, puta, *descendentium, ascendentium, & collateralium.* Quos tres ordines, ut distinctè tradamus, sit.

## SECTIO. I.

**P**rimum in successione ab intestato locum obtinent descendentes, seu liberi tam ex lege Divina, *Epist. Pauli ad Galat. c. 4. v. 7.* in illis verbis: *Si filius? ergò hæres: quàm naturali. l. 7. ff. de bon. damnat. Nov. 1. §. 1. ibi: secundum ipsam naturam. Harp. n. 55. Gomez. tom. 1. var. resol. cap. 1. n. 2. Quametiā Civili. §. 2. Inst. de hered. qualiz. & diff. §. 1. h. t.*

Sunt autem Liberi varia in differentia: alii enim sunt *naturales, & legitimi simul*: alii *naturales tantum*: alii *legitimi tantum*: alii *spurii* seu *vulgò questiti*: alii *ex damnato coitu nati*: de quibus vide, quæ diximus lib. I. tit. 11. num. 2. Hic illud discutiendum, quinam & quomodo succedant ab intestato? itaque sit

§. I. De Successione Liberiorum naturalium, & legitimorum simul.

**C**irca Liberos naturales & legitimos simul statuenda est regula, quòd succedant Parentibus ab intestato, exclusis omnibus ascendentibus, & collateralibus. *Nov. 118. cap. 1. Auth. in successionem Cod. de suis & legit. Ratio est; quia hos natura simul & Parentum commune votum ad successionem vocat. l. 2. ff. Unde Liberi.* Ratio alia; quia hi vivo etiam Parente quodammodo bonorum paternorum domini reputantur, l. 11. ff. de lib. & posthum. Quòd verò excludantur ascendentes, ratio est; quia amor descendit, non ascendit, & stimulus naturalis hortatur ad prius cogitandum de liberis, ita, ut filii non debeant thesaurizare Parentibus, sed hi filiis suis. *cap. 6. & de censib. Mathz. num. 3.*

Illud



5 Illud non refert : I. *cujus sexus sint Liberi, Masculi, an Femina*, nam æqualiter omnes succedunt, *d. Nov. 118. cap. 1.* Ratio, quia successio ab intestato ex cognatione causam trahit; foeminae autem non minus cognatae sunt, quàm Masculi, *Harp. n. 58. Schneid. n. 5. Gomez. loc. cit. n. 3.*

6 Quod procedit I. in allodialibus, non etiam in bonis feudalibus; enim verò in feudis foeminae regulariter non succedunt. *Tit. 1. §. 3. & Tit. 8. de success. feud.* Ita, ut si feudum alicui, & hæredibus ejus datum concessumve sit, masculo duntaxat, non etiam foeminis concessum esse intelligatur: Inspectis enim Jure feudorum sub nomine hæredis veniunt duntaxat Masculi, *per text. in tit. 13. de alienat. feud. §. etsi lib. 1. feud. Pach. lib. 7. cap. 3. 4. 7. 42. & 43. Mynsing. cent. 5. ob. 72. n. 6. Harp. num. 158. hic. & plures ab eo allegati.* Ratio verò exclusionis est; tum, quia foemina ab omnibus Civilibus Officiis remota est. *l. 1. §. 2. l. 2. §. 1. ff. ad. S. C. Vell.* Nec militaria Servitia (propter quæ feuda concedi solent. *Tit. 24. §. Item qui. lib. 2. feud.*) obire & dominum armis juvare, & defendere potest: tum quia feuda in favorem Familiarum propagandorum constituuntur. Familias verò per masculos, non per foeminas conservari, in confesso est. Sanè si feudum sit Foemineum, quale censetur esse, in quo Foemina ab initio investita est, germanicè: *Ein Weiber-oder Gmckel-Lehen*; etiam Foeminae ad successionem feudi admittuntur. *Cap. un. de feud. foemin. & cap. un. de natura successionis feudi. Vults. de feud. lib. 1. cap. 9. n. 32. Engel. ad decret. tit. de feud. n. 20. Clariss. D. P. Konig. ibid. n. 40.* Unde si de materia feudali sermo fiat, jam alibi monui, ante omnia esse inspicendum tenorem investituræ. *Kees ad Institut.*

Procedit II. Nisi consuetudine vel statuto introductum sit, ut pro conservatione Familiae nobilium, & personarum illustrium, filiae tantum in bonis maternis æqualiter cum suis fratribus succedant, in bonis autem paternis certam duntaxat portionem habeant, eaque contentae esse debeant.

8 Quemadmodum in hac nostra Austria per usum, & consuetudinem obtinuit, ut existentibus filiis filiae provinciales ab hæreditate paterna removeantur, atque certâ nomine dotis assignatâ portione contentae esse jubeantur. *Suttinger in manuscript. lit. Verzuchten*, his verbis: *Est ist zu Wissen. . . i. e. Tenendum est, quod in universa Austria nostra inter illustres ac nobiles, foemine seu filiae nequaquam cum masculis seu filiis ad hæreditatem paternam admittuntur.* Etenim quæ nupsit, ab ea hæreditate propter necessariò factam renunciationem; penitus excluditur. Verum inupta etiam, quanquam ea non renunciaverit familia, tamen à fratribus nihil, præter victum cultumque statui convenientem, donec nubat, exigere potest: deinceps verò dote, quæ pro moribus & consuetudine virginis elocandæ, mediante renunciatione constituitur, contenta esse debet.

9 Quæ ipsa constitutio Austriaca in tantum extenditur, ut Pater suis filiabus neque legitimam teneatur relinquere. *Sutting. loc. cit. ibi: Es ist auch. . . i. e. Id quoque regionis usu servatur inter Illustres & nobiles, ut pater non teneatur filiae, per renunciationem à familia separatae, ullam testamento relinquere legitimam: filiae quippe satis est factum, si ea cum dote, juxta modum consuetudinis, ad matrimonium dimissa est.*

Q. I. An consuetudo Austriaca, quâ foeminae excluduntur à successionem paternâ, extendenda sit ad successionem fraternam, ita ut extantibus Masculis, F f f neque

neque Fratribus ab intestato succedant ?  
 R. *Negativa*. Ratio sola, sed solida est; quia talis consuetudo, quâ extantibus Masculis Fœminæ à successione paterna removentur, est Juris communis correctoria, atque adeò odiosa, consequenter strictissimam recipit interpretationem, *Arg. cap. 28. de R. J. in 6. & ultra casum expressum non extendenda. Mynsing. Respon. 1. Decad. 15. n. 13. Carpzov. p. 3. const. 20. defin. 11. n. 7. Gail. lib. 2. obs. 33. n. 9. latè & more suo solide Funsterov. lib. 4. obs. 27. per tot.*

41 Q. II. An talis consuetudo vel statutum valeat, quò filix etiam non habitâ portione adæquante legitimam, à successione paternâ removentur ?

Rario dubitandi est; quia legitima debetur Jure naturæ, cum in locum succedat alimentorum, *Nov. 1. §. 2. Jus autem naturale est immutabile. §. 11. Inst. de J. N. G. &c.*

Verum tenendum est, *valere*; consuetudines enim & statuta vim legis habent, *l. omnes ff. de J. & J. & l. diuturni ff. de ll. per legem autem legitimam diminui posse diximus l. 2. Inst. de inoff. testam. n. 16. & 17.* Siquidem legitima eatenus duntaxat Jure naturæ debetur, quatenus alimenta sapit, non etiam quatenus designat certam & determinatam legibus portionem. *P. Engel. ad Decret. de success. ab intest. §. 2. n. 5. Fach. lib. 4. cont. 32.*

12 Non refert II. *Liberi sint sui aut emancipati*; omnes enim suitatis & emancipationis differentia sublata est. *Nov. 118. cap. 1. & successionis Jus fundamentum habet in Jure sanguinis. Jura autem sanguinis per emancipationem non tolluntur. §. 3. Inst. de legit. agnat. tut.*

13 Non refert III. *Sive nati sint Liberi, siveque humanâ fruantur*, live sint posthumi, *l. 6. l. 7. de suis & legit. l. 4. Cod.*

*cod.* Posthumus enim pro jam natis habentur quoties de eorum utilitate agitur, *l. 6. l. 7. de suis & legit. l. 4. Cod. cod.* Posthumi enim pro jam natis habentur, quoties de eorum utilitate agitur, *l. 7. ff. de stat. hom.* Dummodo justo tempore vivus, nec monstrosus nascatur, aut ex utero materno excindatur, esto voce non emissa, eadem horâ inciderit in obstetricis manus, & manes. *l. 12. ff. de lib. & posthum. l. 3. Cod. de post. hered. Clariss. D. D. Franz. Inst. h. t. n. 10.*

Non refert IV. *Laici sint Liberi, sive Clerici*, *l. 56. §. 1. Cod. De Episc. & Cler. Brunn. ibidem n. 12. Manz. n. 22.* Imo etiam Monachi ab intestato succedunt. *Auth. nunc autem Cod. d. t. & Auth. ingressi Cod. de S. S. Eccles.* Ratio: quia Monachi retinent Jura suitatis. *d. l. 56. §. 1.* Ita tamen ut Monachus non sibi (est enim ob votum paupertatis incapax domini) sed Monasterio acquirat, sicut in simili Servus acquirit suo Domino. *Nov. 23. cap. 38. & Auth. si qua mulier. Cod. de S. S. Eccles. junctâ can. 16. caus. 18. q. 2. Clariss. D. D. Franz. Havnold. de J. & J. tom. 1. fol. 307. n. 45.*

Q. III. An omnes indistinctè Monachi seu Religiosi ab intestato suis parentibus, vel cæteris cognatis succedant ?

Sunt qui distinguant inter Mendicantes, & alios Religiosos bonorum immobilium capaces. Ita *Jul. Clar. §. Testamentum. q. 29. n. 1.*

Verum ex dispositione *Concil. Trid. sess. 2. c. 3. de regular.* dicendum est, omnes ordines, etiam Mendicantes, præter *Minores de observantia Capucinos, & Domini Professam Societatis JFSU, succedere ab intestato.* Ratio verò, quare Franciscani, Capucini, & Dominici Professæ Societatis ab intestato non succedant, in aperto est; quoniam paupertatem profitentur, & per ipsam professionem reputantur mortui, haud autem ac

si naturaliter mortui essent. *Mannold. de J. & J. tom. 1. fol. 302. n. 19.* ubi in contextu subicit, in Societate J E S U non solum professos, sed etiam Coadjutores Formatos dominii incapaces esse, illos verò qui post Novitiatum sola vota simplicia, ediderunt, quique dominii capaces sunt, à successione ab intestato nullatenus removeri.

16 Q IV. An Novitio intra annum probationis ab intestato mortuo succedat Monasterium, an proximi collaterales?

Tametsi stando in theoria haud difficulter defendi possit, Monasterium succedere, prout hanc sententiam magis fundamentis instruit *Funsterov. l. 4. obs. 25.* communiori tamen Doctorum calculo recepta est sententia, non Monasterium sed proximos collaterales ab intestato admittendos esse. Ita re ipsa docent *Manz. tract. de testam. d. 2. tit. 2. num. 269.* *Perez. ad Cod. de S. S. Eccles. n. 15.* *Cbllingenp. Inst. h. t. q. 46.* *Zoës. ad Decr. de success. ab intestato, n. 8.* *Pirrhing. eod. tit. n. 41.* *Engel de Regular. n. 14.*

Ratio sola sed fundamentalis est: quia Novitius cum effectu non censetur esse Religiosus, nisi quando Actu professionem fecit; sicut ergò Religionem ingressus ante professionem nondum se obtulit Monasterio quoad Personam, ita nec quoad bona, de quibus adhuc plenam disponendi libertatem habet, tam per actum inter vivos, quàm ultimæ voluntatis. Accedit quòd Novitius iterum ad sæculum redire possit, si velit, & Monasterio nulla acquiratur actio, nisi secutà professione, *Concil. Trident. sess. 25. c. 10.*

Non refert V. quo ordine Liberi sint nati, primò locò, an secundò, nam illi & isti ab intestato æqualiter admittuntur. *d. Nov. 118. cap. 1.*

Limitatur: nisi quodam in loco Jus primogenituræ vigeat; hoc enim casu so-

lus primogenitus ad successionem admittitur, qui tenetur reliquis Fratribus portionem condignam alimentorum nomine decernere, quæ portio alio nomine vocatur Oppronaglium, Germano idiomate: *Eine Fürstliche Abfindung, oder ein Fürstliches Deputat.* Confer *Cattman Müller in sua Oppronalogia.* Est autem Jus primogenituræ nihil aliud, quàm dignitas quædam & prærogativa, cujus natu major in successione ceteros fratres excludit. Differt à majoratu, quòd primogenitura fundamentum suum habeat in prioritate naturalium; majoratus verò in ætatis prærogativa. *Jacob. Spreid. in suo Specul. verb. majoratus. num. 21.* Ubi ait, naturam primogenituræ illam esse, ut de linea in lineam progrediatur, ita ut quotiescunque bona primogenituræ affecta lineam unius ex vocatis ingressa fuerint, secundogeniti linea non admittatur, donec primogeniti linea penitus evacuata, & finita sit. *Peregrin. de fideicommiss. art. 27. n. 24.* In majoratu econtra prærogativa ætatis est fundamentum. Quoniam ille ad successionem vocatur, qui in familia post mortem possessoris, major natu, & senior reperitur. *Engel brecht de Jurisdic. Imp. Thes. 141. lit. C.* Unde prono velut alveo fluit, in primogenitura Jus præsentationis sibi locum vendicare, secus in majoratu. *Besold. lib. 1. dissert. nomicop. l. 4. n. 13.* *Funsterov. lib. 4. obs. 13. n. 3.* Quam differentiam etiam ponit *Hermes ad Jus publ. cap. 18. n. 9.* Tametsi aiqui majoratum, primogenitura n, & fideicommissum familiæ communi loquendi usu promiscuè usurpent. *Idem Funsterov. lib. 4. obs. 27. n. 92.*

Q VI. An Jus primogenituræ refragetur rationi. Tametsi Jus primogeniti legibus Justinianeis repugnet, utpote quæ inter Liberos æqualitatem percipiunt, eosque culpant, qui inter mares & fœ-

minas differentiam ponunt. Nov. 118. c. 1. l. maximum vitium, Cod. de lib. praterit. Ita ut aliqui proinde moti autument, consuetudinem, quæ primogenitum cæteris exclusis ad successionem vocat, utpote corruptelam morum observandam non esse. Bald. in l. omnes ff. de J. & J. Alexand. Consil. 123. Col. 4. vol. 2. Prædictas tamen leges favor publicus, quem primogenitura respicit, non potuit tulisse: Vilescunt enim crebrâ divisione illustres Familiæ, & præter nomen dignitatis tandem nihil retinent. Tiraq. de Jure primogenit. q. 3. ubi ejusmodi consuetudinem, quâ Jus primogeniti invaluit, omninò, ait, servandam esse; eique suffragantur Hermes in Fasciculo Jur. public. cap. 18. num. 5. Gomez. ad leg. Tauri 40. & plures ab his allegati: ex hac potissimum ratione, quòd divisio honorum familiis illustribus sit perniciosissima, utpote quæ rem attenuat, & corrumpit, tandemque in nihilum redigit, & prorsus destruit, Borcholt. de feud. cap. 7. de success. n. 41. nihil enim tam magnum quod divisione non sit parvum; & diminutis divitiis, minuitur, decrescit, & obscuratur claritas, honor & dignitas familiarum, Rekhing. de Reginin. Sacul. lib. 1. Class. 4. cap. 17. n. 10. Imò fordescunt Domini non solum apud alios, sed etiam proprios subditos, quorum loculi hæctica laborant: Aiso dasz es fast besser, ein reicher Bauer, als ein armer Edelmann zu seyn, Tiraq. de nobilit. cap. 32. num. 22. Knidpsbil de fidei commiss. cap. 7. n. 35. Gail. lib. 2. obs. 153. n. 2. Ne ergò destruantur illustres familie, bonisque occidant, aut manca redatur nobilitas, recta ubique ratio suavit, ut primogenita recipèrentur, quibus familie illustres conservantur, ac immortò veluti fulcrò sustinentur.

Nec ea propter secundo genitus rationem querelandi habet: incuset potius or-

dinem naturæ, quæ ipsum priorem non produxit; respiciat alios, se infeliciores, puta, tertio aut quarto genitum, vel sorores, vel alios inferioris conditionis nobiles; perpendat, si fortuna volet, fiet de secundo primogenitus. Deinde Jure etiam Divinò meliori sorte fruebatur primogenitus; præferbatur enim cæteris fratribus in sacrificiis offerendis. Sedebat ad dextram patris, duplicatos cibos recipiebat. Diebus festivis pretiosam vestem ferebat. Item majorem partem hæreditatis recipiebat, prout Abraham primogenito hæreditatem, cæteris pecuniam dedit, &c.

Q. VI. An nepos ex primogenito præferatur in Successione Patruo? Magna hæc est, & à multis retroactis sæculis stylo- & pilò agitata controversia, quæ ut feliciori sorte terminetur, emergat iste Casus:

Henricus, Rex Hispaniæ, progenit duos filios, Carolum, & Philippum. Carolus, utpote primogenitus, moritur, relictò ex se Ludovico. Quæstionis est, si decedat Henricus, an hujus Nepos Ludovicus, an Philippus, qui est Patruus Nepotis, in primogenituram succedat?

Sunt, qui Philippo, patruo Nepotis suffragantur. Ita Cujac. lib. 2. feud. tit. 11. Sord. consil. 403. n. 34. & plures alii, Traquello de Jure primogen. q. 40. condensati.

Movetur I. Si Nepos præferretur patruo, tunc deberet preferri vel ex consuetudine, vel Jure communi: neutrum rectè dicitur; Ergò non præferatur. min. ostenditur. Non ex consuetudine, quia consuetudo vult primogenitum secundo genito præferri; atqui patruus genitura præcedit nepotem, ergò. Non ex Jure communi; quia Jus representationis solummodo hoc operatur, ut remotior cum proximiori concurrat, & æqualiter succedat; non verò



ut proximiorē penitus excludat §. 6. *Inst. h. t.*

Moventur II. Privilegium primogenituræ est personale ; quia propter ætatem competit, quæ est qualitas personalissima ; ergo ad hæredem non est transmissibile *l. ff. de R. J. cap. 7. de R. J. in 6.* ubi dicitur *personalis cum persona expr. r. r. e.*

Moventur III. Quod in spe duntaxat fundatum est, ad hæredes non potest transmitti *l. 10. ff. de Vulg. & pupill. Subst.* Ubi substitutus nihil transmittit ad hæredes, si ante hæredem, cui substitutus est, decedat, sed Jus primogenituræ, filio primogenito defuncto, in spe duntaxat competit ; ergo id ad suum hæredem transmittere non potuit.

20 Verum, his argumentis non attentis, communiori D. D. calculo munita est sententia, quæ docet, nepotem ex filio primogenito in successione Regni, *Marchionatus, Ducatus, aut Majoratus, seu Primogenituræ, præferri Patruo.* Ita re ipsa mordicus defendunt Gomez. ad *l. Tauri 40. n. 65. Hermes in fascicul. Jur. publ. cap. 18. n. 25. Tiraquell. de Jur. primogenit. q. 40. Rosenthal. c. 7. conc. 26. n. 12.* ubi ait : adeo difficilem esse hanc quæstionem, ut Nili potius originem, quam ejus veram decisionem inveniri posse, existimavit Bald. in *l. cum antiquioribus Cod. de Jure delib.* qui post multa, in utramque partem adducta, eam indecisam relinquit, dicens : *Solvat Apollo ! Hunn. var. resol. lib. 3. tract. 1. q. 26. Harp. prin. Inst. h. t. n. 17. Zoef. ff. de suis, & legit. hered. n. 15.*

Nititur hæc posterior sententia, quæ mihi quoque arridet his fundamentis.

I. Quia certum est, & indubitatum, quod in qualibet successione Nepos succedat Avo suo, repræsentando personam patris sui præmortui, capiendū id, quod Pater recepisset, sed Pater cepisset

primogenituram ergo capit illam & filius ; quia alias Jus repræsentationis nihil operaretur.

II. Ea est conditio, & natura primogenituræ, ut gradatim deferatur primogenitis in linea recta tamdiu, donec illa linea expiraverit, evacuata, & finita sit, & hoc ex probabili præsumptione constituentis primogenituram : qui sicuti semel filium primogenitum alteri filio prætulit, ita quoque omnes, ex eo descendentes prætulisse omnino præsumitur, *l. 102. ff. de condit. & demonstr.*

III. In feudo Nepos Patruo præfertur. 2. *Feud. tit. 50.* Ergo idem in primogenitura procedet, cum commoda differentie ratio dari nequeat.

IV In successione Electoratus Nepos præfertur Patruo. *Aur. Bull. tit. 7. ergo etiam in primogenitura.*

V. Hanc sententiam ipsa Fortuna, cujus Dux est DEUS, videtur definivisse, dum nimirum Nepos evasit victor, quando Otto Magnus, Romanorum Imperator, Judicio gladiatorio aleam hujus quæstionis commisit, ut proinde antagoniste necesse habeant. Fortunæ inclinare cervicem ; enimvero

.. Tantumne aliquis sibi posse videtur. Fata quoque ut superet ?

Refutantur argumenta contraria.

Ad I. & Nepotem ex consuetudine præferri Patruo ; sicuti enim Nepos gradum Patris supplet, ita ejus Personam in proximitate repræsentat, quasi viventem, & præsentem sistendo : cum Parentes censeantur vivere in liberis. *l. in Jus ff. de R. I.* proinde sicuti Pater gauderet primogeniturā, si in vivis esset, ita eādem gaudet filius.

II. Retorquendo eluditur, enimvero, si primogenitura juxta antagonistas Jus personale est, sequitur, nec ad pa-

F f f 3 truma

truum transire; quod ipsum tamen eorum assertioni repugnat.

III. Resolvitur ex §. 4. *Instit. de V. O.* ubi id, quod in spe est, etiam ad hæredes extraneos transmittitur; textus enim ita sonat: *Ex conditionali stipulatione tantum spes est, debitum iri, eamque ipsam spem in hæredem transmittimus, si prius quam conditio extet, mors nobis contigerit.* Itaque cum adversarii volunt, id, quod in spe est, non transmitti ad hæredes, intelligendum est de spe vana, & simplici; non verò de spe certa, firma & radicata, qualem primogenitus habet. Plura argumenta resolvit *Harp. & Huyn. loc. cit.* mihi sufficit, potiora refutasse.

Non refert IV. In quo gradu sint Liberi, primò, an ulteriori? omnes enim æqualiter ab intestato succedunt.

Ubi tamen cautè incedendum, ac distinctio adhibenda, sintne omnes Liberi primo gradu, an omnes in remotiori, an denique aliqui in primo, aliqui verò in remotiori.

22 Si omnes liberi sunt in primo gradu, successio fit in capita, h. e. quilibet filiorum accipit virilem, seu æqualem portionem, ut ecce: Titius reliquit tres Liberos, & in bonis suis 300. fl. Hoc in casu successio fit in capita quivis liberorum capit 100. fl. *d. N. 118. cap. 1. & auth. in Successione Cod. de suis & legit.*

23 Sin omnes liberi sunt in gradu remotiori, refert iterum, an ex eadem stirpe descendant, an ex diversa?

Si descendant ex eadem stirpe, iterum fit successio in capita. Ut ecce: Titius reliquit tres nepotes ex filio suo unico Cajo. Hi tres nepotes omnes sunt in gradu remotiori, & descendant ex eadem stirpe, adeoque succedunt in capita, & portiones accipiunt æquales, §. 5. *Instit. h. t. l. 2. Cod. d. t.* Si descendant ex di-

versa stirpe, successio fit in stirpes, ut ecce: Titius reliquit ex uno filio quatuor nepotes, ex altero duos tantum: hi omnes sunt in gradu remotiori, descendant tamen ex diversa stirpe, adeoque succedunt in stirpes, h. e. quatuor nepotes ex uno filio accipiunt dimidiam hæreditatem, & reliqui duo nepotes ex altero filio alteram dimidietatem. Successio enim in stirpes tunc fieri dicitur, quando non tot partes sunt, quot sunt capita; sed tantum recipitur, quantum pater habiturus fuisset, si vixisset, *d. l. 2.* atqui in præfato casu uterque filius receperat dimidiam hæreditatem; ergo quatuor nepotes ex primo filio accipiant unam dimidiam, & reliqui duo nepotes ex altero filio etiam unam dimidiam, ut itaque illam portionem consequantur, quam pater acceperat, si supervixisset.

Si denique aliqui sint ex liberis in gradu primo, aliqui verò in gradu remotiori, tunc in gradu primo constituti succedunt in capita. In gradu verò remotiori constituti succedunt in stirpes, h. e. capiunt eam partem hæreditatis, quam parens eorum habiturus fuisset, si vixisset. Ut ecce: Titius habet tres filios: primus moritur, relictis ex se quatuor liberis. Hoc casu secundus, & tertius Titio succedunt in capita. Illi autem quatuor liberi ex primo nati, succedunt in stirpes, h. e. eam portionem accipiunt, quam pater eorum acceperat, si vixisset, h. e. tertiam partem. *d. Nov. 118. c. 1. l. 1. §. 4. & 6. ff. de suis, & legit.*

Dices: proximior in gradu excludit remotiorem; sed secundus, & tertius sunt proximiores in gradu, quam liberi, ex primo nati; ergo & *diff. ant.* Proximior in gradu excludit remotiorem, si veniat remotior ex persona propria, *con. min.* Si veniat Jure repræsentationis *ne. min.* Sed secundus, & tertius sunt proximi-

proximiores, quàm liberi è primo nati, si isti liberi, venirent ex persona propria, *con. min.* Si veniant Jure repræsentationis, *ne. min.* & *conseq.*

Nepotes, seu liberi, ex primo nati, cum patruo succedentes, veniunt Jure repræsentationis, h. e. ingrediuntur locum sui patris, capiuntque illam portionem, quam pater accepisset, si vixisset, *de Nov. 118. cap. 1. in successione. Cod. de suis, & legit. Manz. Inst. §. 6. h. t. & ceteri omnes. Walter de Jure Consuet. Aust. lib. 3. tit. 56. 57. 58. & seqq.*

## §. II. De Successione liberorum Legitimatorum.

26 Liberi legitimati per subsequens matrimonium, æquè succedunt, ac liberi, ex justo thoro nati, ita, ut nulla inter eos statuenda sit differentia, sed omnibus, & per omnia pro veris, justis, & legitimis habendi sint, §. 2. *Inst. h. t. l. 10. Cod. de Nat. Harp. n. 271. Manz. n. 87.*

27 Q. VII. an legitimati per subsequens matrimonium etiam in bonis feudalibus succedant? vide *lib. 1. tit. 10. n. 85.*

Legitimati verò per Rescriptum Principis tum demum parentibus succedunt, si non adsint liberi justis & legitimis, *l. 22. Cod. de nupt. Nov. 89. cap. 9.* Ratio quia extantibus justis liberis, i. e. naturalibus & legitimis, Princeps regulariter legitimare non solet. *d. Nov. 89. cap. 12.* & si legitimet, non censetur ad alios effectus legitimasse, quàm ut porta dignitatum aperiatur legitimatis, non verò Juris succedendi ab intestato, ne aliàs justis liberis præjudicet *Manz. tit. 10. Inst. hic §. 1. n. 33. & seqq.*

Sanè si Princeps velit uti plenitudine potestatis, etiam liberis justis existentibus, naturales quoniam Jus succedendi legitimare potest: notissimi enim Juris est,

Principem ex justa causa alteri Jus quæsitum auferre posse, modò justà causa moveatur. Deinde Princeps per legitimationem per subsequens matrimonium liberis justis præjudicare potest, ergò etiam per legitimationem, per Rescriptum Principis, cum matrimonium non aliter inducat legitimationem, nisi quatenus subitet dispositioni Principis. *Zoëf. ad Decret. qui filii sint legit. n. 27. Gail lib. 2. obs. 142. n. 10.*

## §. III. De Successione liberorum legitimorum tantum.

Liberi legitimi tantum, alio nomine<sup>28</sup> vocantur adoptivi. Hi vel sunt *adoptivi in specie*, vel *arrogati*. Adoptivi in specie (quales dicuntur illi, qui Juris alieni sunt) vel adoptantur ab extraneo vel ab ascendente, v. g. *ab avo materno.*

Adoptatus ab extraneo succedit ab intestato, tam patri adoptivo, quàm naturali, *l. pen. §. 1. & §. 2. Cod. de adopt. §. 14. Inst. h. t.* Quod procedit, si adoptio duraverit usque ad mortem patris adoptivi; enim verò si fuerit ab adoptante emancipatus, tunc ei ab intestato non succedit. *d. l. pen. §. fin. autem Cod. de adopt. Brunr. ibid. n. 3. Schneid. §. 10. Inst. h. t. n. 7.*

Adoptatus ab ascendente succedit patri adoptanti, & naturali. *Harp. n. 250. DD. Franz. Inst. h. t. n. 35.* Quod procedit, si adoptio duraverit usque ad mortem adoptantis; enim verò si emancipatione soluta sit, ita demum succedit, si gradu sit proximus. *d. Nov. 118. cap. 1.*

Arrogatus succedit arrogatori ab intestato sicut naturalis, & legitimus, non solum in illis bonis, quæ ad ipsum transtulit, sed etiam in bonis ipsius arrogatoris, *d. l. pen. §. fin. Cod. de adopt.*

Quod

Quod procedit, si arrogatio duraverit ulque ad mortem patris arrogantis: enimvero si emancipatio intervenerit, hæcque iusta fuerit, à successione removetur. *Schneid. n. 16.* Si verò iniqua fuerit, ex constitutione Divi Pii quartam partem bonorum prætereundum potest, §. 3. *Inst. de adopt. Harp. n. 248.*

#### §. IV. De Successione liberorum Naturalium tantum.

Liberi naturales tantum, quos alio  
29 nomine Bastardos vocare solent, matris, & omnibus, ex linea materna ascendentibus, succedunt unà cum legitimis, l. 2. l. 8. ff. *Unde cognati. l. pen. Cod. ad SC. Orph. Concord. Walter de Jure Consuet. Aust. lib. 3. tit. 16.* his verbis: *Es mag. ein Mutter. . . i. e. potest mater liberorum haud legitime quæsitum memor in testamento esse: hi quippe matri ab intestato succedere possunt, & hæredes ex ejus testamento existere; præterquam cum mater est persona illustris, vel ex stemmate principum nota.*

Patri verò liberi naturales ab intestato non succedunt; alendi tamen sunt ab hæredibus juxta mensuram substantiæ, & arbitrium boni viri. *Nov. 89. cap. 12. Auth. licet. Cod. de nat. lib. Sanè, si pater naturalis nullos habeat liberos legitimos, neque legitimam uxorem, liberi naturales in sextantem, seu duas uncias hæreditatis paternæ succedunt, quas cum matre concubina juxta personarum numerum dividunt. d. Nov. 89. cap. 12. Spurii seu vulgò quæsitum, patri nullatenus succedunt. l. 5. ff. de in Jus voc. l. 2. & 4. ff. unde cognat. Ratio: quia patrem habere non intelligitur, cui populus pater est, §. 12. *Inst. de nupt. Matri verò, ac reliquis, per lineam maternam ascendentibus, unà cum aliis, legitime natis, Spurii**

succedunt. Ratio, quia mater certa est; pater verò incertus, d. l. 5. Sanè, si mater sit persona illustris, Spurii eidem non succedunt: ita specialiter sancitum est l. si qua illustris. §. Cod. ad SC. Orph.

Cæteri liberi, ex damnato coitu nati, quales sunt nefarii, incestuosi, sacrilegi, adulterini, nec patri nec matri succedunt. *Nov. 74. cap. ult. Nov. 89. cap. 12. & Auth. ex complexu Cod. de incest. & inutil. nupt.* Imò, de Jure civili eis ne quidem alimenta à parentibus debentur. *d. Nov. 89. cap. ult. & d. Auth. ex complexu.* ubi dicitur, nullam ipsis impertiendam esse clementiam. *Manz. n. 74.* Quod tamen procedit de alimentis, sine quibus vel propria industria, & labore, vel aliò modò licitò vitam conservare possunt; non verò de illis quibus negatis, mori necessum foret: hæc enim alimenta debentur ex lege charitatis; ne alias necare videantur, qui alimenta negant, juxta l. 4. ff. de agnos. & alend. lib. & cap. 5. *de eo, qui dux. in matr. &c.* accurate, & more suo solidè *Clariss. D. D. Franz. Inst. b. t. n. 41.*

#### SECTIO II.

#### De Successione Ascendentium.

**O**rdine turbato, succedis Bulgare nato. Antiquus iste versus est, innuens, quòd deficientibus liberis, ascendentes, seu parentes nostri ad successionem defuncti admittantur; ita tamen, ut dicatur ordo naturæ quasi turbari; nam ordo naturæ est, ut prius moriatur pater, quàm filius; & si aliter contingat, dicitur ordo naturæ turbari. *Schneid. n. 3.* cum verò ascendentes quoque in multiplici differentia sint, adeò, ut distinctè procedamus, sequitur.

§. I.



## §. I. De successione Parentum naturalium, &amp; Legitimorum simul.

31 Itaque, si quis decedat sine liberis, primò locò ad successionem vocantur parentes utriusque sexûs, *d. Nov. 118. cap. 2.* in infinitum, secundùm gradûs prærogativam, ut videlicet proximior, v. g. pater excludat remotiorem, v. g. avum, *Schamb. & Harp. n. 367.* cum verò etiam collaterales unà cum ascendentibus quandoque succedant, idè pro clariori intellectu hæc distinctio adhibenda.

32 Vel enim parentes soli existunt, & concurrunt ad filii defuncti hæreditatem; vel simul etiam existunt, & concurrunt Fratres, & Sorores defuncti. Si parentes soli existant, & sint gradu proximi, succedunt pariter, & æqualiter filio defuncto, ut ecce: adest pater, & simul mater. Hi succedunt defuncto filio in partes æquales, exclusis omnibus remotioribus, puta, avò, avi, proavò, proavi, &c. *d. Nov. 118. cap. 2. auth. defuncto Cod. ad SC. Tertull.* Imò, si solus pater, aut sola mater adsit, tunc ille solus, hæc sola in bona defuncti succedit, exclusò avò, avi, & cæteris ascendentibus, proximior enim in gradu excludit remotiorem, *d. Nov. 118. cap. 2.* Jus repræsentationis in linea ascendentium locum non habet, contra naturam siquid invidetur, ut parens repræsentet suum filium, à se genitum, cum hic ab illo, non ille ab hæc descendat, & communiter repræsentatio fiat eorum, qui nos genuerunt, non ab iis, à quibus nos geniti sumus *d. Nov. 118. cap. 2. à Sonnetting. Inst. b. t. n. 12. Mayz. Inst. hic. n. 27. Schneid. n. 22.*

33 Si parentes soli adsint non verò gradu proximi, sed in ulteriori gradu  
*Rees ad Instituta.*

existant, refert, sintne ex eadem linea? & successio fit quasi in capita; ut ecce: adest solus avus paternus, & sola avia paterna; hi succedunt defuncto nepoti æqualiter, ita, ut mediam partem hæreditatis capiat avus paternus, & alteram mediam partem avia paterna. *d. Nov. 118. cap. 2.*

Si verò sint ex diversa linea, refert iterum, sint pares numero an impares? Si pares sint? iterum succedunt in capita, ut ecce: ex linea paterna adest avus paternus, & avia paterna; ex linea verò materna adest avus maternus, & avia materna. Hoc in casu omnes quatuor defuncto succedunt æqualiter, & quilibet accipit quadrantem, h. e. tres uncias, *d. Nov. 118. cap. 2. ver. si autem Manz. n. 30. & ceteri omnes.*

Si num. rō sint dispares, successio fit quasi in stirpes, ut ecce: adest ex linea paterna, & avus paternus, & avia paterna; ex linea verò materna adest sola avia materna. Hoc in casu hæreditas dividitur in duas partes, ita, ut una pars media devolvatur ad avum paternum, & aviam paternam; altera verò media pars spectet ad solam aviam maternam. *d. Nov. 118. cap. 2.* his verbis: Si plurimi ascendentium vivunt, hos proponi jubemus, qui proximi gradu reperiuntur, masculos, & feminas sive paternos, sive materni. Si autem eundem habent gradum, ex aquo inter eos hæreditas dividitur, ut medietatem quidem accipiant omnes à patre ascendentes, quantumque fuerint: medietatem verò reliquam, à matre ascendentes, quantumque eos inveniri contigerit.

Q. VIII. Succedantne parentes liberis cum, vel sine distinctione bonorum? vide *Clariss. D. D. Franz. Inst. hic. n. 50.* ubi pro & contra allegatis Authoribus, hanc quæstionem latè deducit; ego huic, & aliis quæ hic ventilari solent, controuer-

troverſis diſcutiendis manum nolui ad-  
move, certis inflexus rationibus.

Haſtenus, quomodo parentes ſoli ſuccedant. Sequitur, quid Juris, ſi defunctus relinquat parentes, & ſimul etiam germanos Fratres, & Sorores, h. e. utroque latere ipſi defuncto conjunctos? Quo in caſu hi cum parentibus ſuccedunt defuncto in capita, ſecundum numerum perſonarum, ita, ut parentes & fratres, quotquot illorum ſunt, viriles, & æquales portiones accipiant hæreditatis. *d. Nov. 118. cap. 2. verſ. ſi verò.* Ut ecce: Titius deceſſit, relictis patre & matre, & tribus fratribus germanis. Hi omnes ſuccedunt Titio æqualiter, ita, ut hæreditas dividenda ſit in quinque partes, & ſinguli virilem portionem conſequantur.

Dixi: *Fratribus Germanis*; Fratres enim, ex uno latere tantum conjuncti, quales ſunt *Conſanguinei & Uterini*, cum parentibus ad ſucceſſionem defuncti non admittuntur. *Schneid. n. 30. Carpzov. p. 3. conſt. 17. definit. 5. n. 6. Clariff. D. D. Franz. n. 53. Fach. lib. 6. cap. 8.* Ratio; quia Fratres Germani duplici vinculo juncti ſunt; duo autem vincula fortius ligant, quam unum. Ratio alia redditur à *Manz. tit. 5. Inſt. hic n. 8.* quia (inquit) ſi parentes non amplius viverent, ſed ſoli Fratres Germani, uterini, & conſanguinei, germani reliquos excluderent, ut infra de Succeſſione collateralium (Deo annuente) audiemus: ergò multò magis debent Aſcendentes eos excludere, qui potiores ſunt, utpote in ſecundo ordine ſuccedendi conſtituti.

37 Q. IX. *An defuncti Frater, utrinque conjunctus, præſeratur Avo ſuo, nec ne?*

Ratio dubitandi eſt; quia Frater utrinque conjunctus, unà cum Patre ad ſucceſſionem admittitur; atqui Pater excludit Avum: ergò Frater quoque

eundem excludet; quia pari Jure cum Patre fruitur.

Sed nigros dudum calculos tulit iſtæ ſententia, communique harmonia DD. receptum eſt, avum, ſive paternum, ſive maternum, unà cum Germano Fratre admittendum. Ita tenetur *Hunn. var. reſol. lib. tract. 1. Q. 35. Fach. lib. 6. cap. 7. Harp. n. 388. Manz. loc. cit. n. 24. Schneid. n. 24.*

*Probat* luculenter per *d. Nov. 118. cap. 2.* his verbis: *Si verò cum aſcendentibus inveniantur Fratres, aut Sorores, ex utriſque parentibus conjuncti defuncto, cum proximis gradu aſcendentibus vocabuntur.* Ex hoc textu ſic arguo: Parentes, gradu proximi, ſuccedunt unà cum Fratribus germanis, *d. cap. 2.* atqui in caſu quæſtionis propoſitæ avus eſt gradu proximus; quia proximus iſ cenſetur, quem nemo antecedit, *l. 92. ff. de V. S.* ergò avus ſuccedit cum fratribus germanis.

Ad rationem dubitandi. *R.* Avum hoc in caſu idem Juris habere, quod pater defuncti habuit; eſt enim, patre deficiente, proximior, ideò, ſicut Frater germanus non potuit excludere patrem; quia ex aſcendentibus fuit proximior, ita neque poteſt excludere avum; quia hic, deficiente patre, eſt proximior.

*Diximus*, quomodo ſuccedant aſcendentes unà cum fratribus, utroque latere conjunctis; ſequitur, quid Juris, ſi cum Aſcendentibus concurrant fratres germani, & horum præmortuorum filii? Quo in caſu ſecernenda eſt *Nov. 118. cap. 3. verſ. ſed & ipſi à Nov. 127. in præſat.*

*Infpecta Nov. 118. cap. 3.* Soli fratres germani cum aſcendentibus admittuntur, excluſis fratrum liberis; verum, inſpecta *Nov. 127.* etiam præmortuorum fratrum liberi cum Aſcendentibus,

dentibus , & fratribus germanis admittuntur , non quidem in capita . sed in stirpes , acceptâ videlicet , illâ portione , quam ipsorum pater consecutus fuisset , & hoc Jure repræsentationis. Ubi

*Nota* : Quod , tametsi Jus repræsentationis in successione descendendum in infinitum porrigatur ; in linea tamen collateralis ultra fratrum liberos non extendatur. *Auth. post fratres Cod. de legit. hered. Nov. 118. cap. 3. vers. si autem defuncto* : ut proinde nepotes , aut pronepotes fratris germani cum aliis fratribus germanis non admittantur. *Manz. loc. cit. n. 56. Schneid. n. 13. Harp. n. 387. Scharf. cent. 2. Consil. 62. per tot.*

## §. II. De Successione Parentum legitimorum tantum.

39 Tametsi Jura successionum soleant esse reciproca , ut proinde videatur dicendum , quod , sicuti filius adoptivus patri adoptanti extraneo ad intestato succedit , ita quoque pater filio adoptivo succedere debeat : tenendum tamen est pro regula , quod pater adoptivus extraneus filio adoptato ab intestato non succedat , sed pater naturalis. §. 14. *Inst. h. t. l. 10. §. 1. & 2. Cod. de adopt.* Si verò pater adoptivus sit ex Ascendentibus , puta : *avus maternus* , filio adoptivo succedit , excluso patre naturali, *L. pen. vers. si verò pater. Cod. de adopt.* Quod procedit de Jure Codicis : inspecto enim Jure Novellarum , pater adoptivus ascendens unâ cum patre , & matre naturali æqualiter succedit , Ita *Hainold. de J. & J. tom. tit. 5. cons. 3. §. 1. n. 460. Clariss. D. D. Franz. loc. cit. n. 67.*

Arrogator filio arrogato regulariter quidem succedit ab intestato *d. §. 14. Inst. h. t. & l. pen. §. ult. Cod. de adopt.*

procedit tamen eo solo casu ; quo arrogatus pubes , non emancipatus , & sine liberis decessit ; enimverò si impubes decesserit , bona ipsius restituenda sunt iis , qui ab intestato successissent. *vide , quæ dicta sunt ad §. 3. sup. de adopt.*

## §. III. De Successione Parentum Naturalium.

Quandoquidem correlativorum ea est disciplina , ut statutum de uno , censetur statutum etiam de altero ; ideò ex dictis facile colliges quomodo parentes , naturales tantum , liberis suis ab intestato succedant : sicuti enim filius naturalis non aliter succedit quam si neque liberos legitimos , neque uxorem legitimam reliquerit ; ita pariter Pater naturalis filio suo non aliter succedit , quam si filius non reliquerit prolem , vel uxorem legitimam , quo casu duas uncias , seu sextantem accipit. *d. Nov. 89. c. 13.*

Contrà Mater filio naturali sine discrimine succedit ex ratione correlativorum , §. ult. *Inst. de SC. Tertul. l. 2. §. 1. ff. eod. & l. 4. ff. unde cogniti.* Quemadmodum etiam succedit Spurio , eò quod mater semper sit certa ; Pater verò , cum incertus sit , à successione Spuriorum removetur. *d. Nov. 89. cap. ult.*


Cæteris , ex damnato coitu susceptis , puta , incestuosis , aulterinis , &c. Neque Mater , neque Pater succedit , cum nec hi Parentes , nec illi Liberi nominandi sint. *Schneid. n. 49.*

Potest , quæ hucusque de secundo ordine succedendi dicta sunt , procedunt de Jure communi , à quo Jus Austriacum per constitutionem Albertinam recessit , secundum quam sublata est successio Ascendentium , ita , ut parentes à successione liberorum per collaterales

penitus excludantur. Testis est Joann. Bapt. Sattinger in suis *Manu-Script. lit. E. vers. Erbschaft in aufsteigender Linie*, his verbis: Dem allgemeinen Lands-Brauch nach. . . . i. e. Ex consuetudine generali regionis cujus non possunt parentes liberis succedere. Hinc convenienter provisus, portio quam habent liberi ex hereditate paterna, consanguineis à latere legitime stantibus cedit. Idem testatur Bernard. Walter de jure consuetud. Austr. lib. 3. tit. 63. ibi: und Wiewohl. . i. e. Sed cetero in casu ascendentes, veluti pater, mater, avus, avia, secundum jura Imperialis, cum defuncti fratribus superjunctibus ex aequali parte admittantur; tamen, quia ex prisca Austriacae consuetudine, hereditas ab intestato non retrorsum defertur; hinc ii ascendentes à successione per consanguineos collaterales penitus excluduntur: Etenim consuetudo provincialis hereditatem retrorsum deferri non fuit. Et. Tit. 80. ibid. Zum fünften, Wann. . i. e. cum aliquis intestatus decedit, nullis liberis, nullisque consanguineis à latere, sed tantummodo patre, matre, avo, avia, aliisque ascendentes in linea recta relictis; non possunt hi ascendentes hereditatem capere, nam ex prisca admodum consuetudine regionis nostrae, non defertur hereditas

trorsum, nec remeant gradum. Ubi igitur non alii superjuncti, et hereditas ad fiscum principis pertinet. Hic accedit Joann. Henr. Reutter in suis *different. jur. civ. & Austr.* his formalibus. In Oesterreich. . . i. e. In Austria, his etiam temporibus (siquidem nondum praedit nova juris ordinatio, huic fortè juri mutationem allatura) non succedunt parentes in hereditate liberorum: nam hereditas ex consuetudine Austriaca, non retrorsum defertur in linea recta, ita quidem usu exigente, ut deficientibus heredibus aliis, ii ascendentes per fiscum excludantur.

Sequitur I. Quòd si aliquis ex una parte relinquat Patrum, & alterà parte ex secundo patruo filium, iste filius, licet gradu sit remotior; excludat tamen patrum. Ut ecce: Titius habet tres filios, primum, secundum, & tertium. Primus moritur relicto filiò Cajò; secundus etiam moritur, relicto Filiò Sempronio; Tertius verò vivit. Contingit, ut Filius secundi etiam decedat, questionis est, quis ei succedat; & R. Filium primi Cajum succedere exclusò Patruò Tertio. Ita Walter loc. cit. tit. 77. *Fünfterv. lib. 2. obs. 13. n. 19.* ubi ita judicatum esse refert: Rem ex arbore accipe.:



### A P P L I C A T I O.


**I**N posito casu, si Sempronius moriatur, Succedit ei Cajus, exclusò Patruò suo Tertio; ratio non est alia, als weiln dem Oesterreichischen Lands-

Brauch nach, die Erbschaft nicht Zurückfallt. i. e. quàm quòd, ex consuetudine Austriaca, hereditas non retrò defertur.

Sequitur



- 43 Sequitur II. Quod in casu, quo aliquis neque Fratrem, neque Liberos, sed nepotem ex suo Fratre ex una parte, ex altera verò Patrum relinquit, Nepos ex Fratre excludat Patrum. Ut ecce:



In posito casu moritur Paulus, qui ex una parte relinquit Patrum suum, Christophori Fratrem, Georgium; ex altera parte fratris sui Marci Nepotem Andream. Ille de Jure Austriaco, licet gradu sit longè remotior, excludit tamen Georgium ex nulla alia, quam dicta ratione, cum amor descendat; non ascendat. Plura de hac materia, ad praxin accommodata, vide apud *Walter, & Suttinger. loc. cit.*

- 44 Illud adhuc memoriâ dignum existimabam, quod illa consuetudo Austriaca (*hereditas, cum nulli existunt hæredes in linea descendente, ad fiscum, non autem ad ascendentes deferatur;*) in linea collateralis ascendenti locum non habeat, sed duntaxat in linea recta ascendenti procedat. Ut ecce: moritur Petrus, relinquens filiam Gertrudem, & filium Georgium; Georgius etiam decedit relicto ex se uno filio. Quæstio movetur, an *Gertrudi, an filio Georgii, Fiscus succedat?* & *R.* rationem dubitandi in eo fundari, quod ipse Petrus, tanquam Pater, eidem non successisset; ergo neque Gertrudis succedet; cum in utroque casu militet eadem ratio, *daz nemlichen die Erbschaft nicht zuruck falle.*

Verum, hinc dubitandi ratione non attentâ, teste *Suttingerò in Manuscript. lit. E. vers. Erbschaft*, in excello inferioris Austriæ Regimine per sententiam judicatum est, Gertrudem, exclusò Fisco, in præfato casu ad successionem admitti, ex ratione; quod in exorbitantibus à Jure, & in odiosis non debeat fieri extensio, *cap. odia 15. de R. J. n. 6.* atqui contra limites Juris communis esse, quod Parentes à successione Liberiorum removeantur, apud omnes in confesso est; ergo ista consuetudo, utpote odiosa, & à Jure communi vehementer exorbitans, nequaquam extendenda est. Deinde te ipsum interrogo, num rationi naturali non videatur refragari, quod Fiscus præferatur illi, cui lex naturæ, sanguinis prærogativam secuta, hæreditatem addicit? sed manum de tabula.

Q. X. An consuetudo; per quam in Austria Parentes à successione Liberiorum intestato excluduntur, non refragetur Juri naturæ?

Ratio dubitandi præcipua hæc est; quia Parentibus debetur legitima de Jure naturæ, prout apertè sancit *Nov. 1. §. 2. ubi: tanquam hoc secundum ipsam naturam eis debeatur.* Atqui con-

consuetudo Austriaca Parentes excludit etiam à legitima: ergò refragatur Juri naturæ.

II. Eadem ratione Parentibus debetur hæreditas Liberorum, qua Liberis debetur hæreditas Parentum, *text. express. in Nov. 115. cap. 4.* Sicuti ergò consuetudo, qua Liberi excluderentur à successione Parentum, videretur improba, & irrationabilis; ita consimiliter consuetudo, quæ Parentes remouentur à successione Liberorum, videri debet improba & irrationabilis.

III. Certum est, & indubitatum, à Liberis Parentibus alimenta deberi, *l. 5. §. 2. & §. 16. de agnos. & alend. lib. & arg. l. 4. ff. eod.* ita, ut alimenta, tanquam de Jure naturæ positivo debita, per consuetudinem tolli nequeant, *§. 16. hyst. de J. N. G. & C.* ergò etiam legitima Parentibus debita, per consuetudinem tolli non poterit, cum sit locò alimentorum. *Gul. lib. 2. Obs. 122. n. 4.*

Verùm his non obstantibus, fortiter tenendum est, *præfatam consuetudinem Juri naturæ nullatenus refragari* Ratio sola, & solida est; quia Jus succedendi ab intestato, est merissima Creatura Juris Civilis, *Nov. 89. cap. 1. Nov. 74. cap. 1.* ibi: *mox lex introducta successionum modos: & legitima Parentibus debetur solo Jure Civili, non naturali, l. 12. Cod. de legit. hered. Nov. 13. cap. 1. l. 36. §. 1. Cod. de inoff. test.* ubi Justinianus expressè testatur, *portionem hanc querelam inofficiosi excludentem, leges, suamque constitutionem definitivè;* ergò consuetudo, quæ parentes excludit à successione: & legitimæ Liberorum, Juri naturæ non adversatur; quod enim Jure Civili introductum est, eodem Jure Civili, & per consuetudinem tolli potest, *§. pen. Inst. de J. N. G. & C.*

Pro resolutione rationum dubitandi

notandum est, legitimam dupliciter considerari posse. I. quatenus alimentata sapit, II. quatenus est certa, & determinata legibus portio.

Primò modò accepta ( ipsi fatentur Austriaci ) quòd parentibus debeatur à liberis; sicut in pari alimenta debentur filiabus renunciatis, & secundo genitis in primogenitura.

Secundò autem modò si legitima consideretur, de Jure Austriaco parentibus ( inquirunt ) non deberi, sed per consuetudinem sublatam esse. Res profectò dura, & exteris deploranda; non quidem in casu, quo adsunt collaterales, utpote quibus etiam ratio naturæ suffragatur, sed in casu, quo collaterales deficiunt, & tota hæreditas applicatur Fisco.

*Dices:* tamen parentes consequuntur alimenta, ut proinde querelandi causam nullam habent. R. etiam cuilibet extraneo alimenta deberi, ubi alendi se deficiunt facultates, ut proinde parentes non forent melioris conditionis, quam quilibet extraneus, nisi dixeris, alimenta etiam deberi Parentibus, qui proprio labore, & industria se sustentare valerent.

### SECTIO III.

#### De successione Collateralium.

**D**iximus liberos ad parentum: & parentes ad hæreditatem liberorum. Superest, ut de tertio ordine succedendi ( puta, collateralium ) agamus; enim verò si quis decedat, non relictis descendantibus aut ascendentibus, tunc succedunt collaterales, & quidem primò loco fratres, quorum alii sunt legitimi, alii illegitimi. Legitimi iterum alii legitimi tantum, alii legitimi, & naturales simul.

Fratres naturales, & legitimi simul

iterum

iterum alii *Germani*, h. e. qui ex eadem Matre nati sunt. Alii *consanguinei*, qui ex eodem patre, sed diversa matre nati sunt: alii *uterini* qui ex eadem Matre, sed diverso patre progeniti sunt.

### §. I. De successione Fratrum naturalium & Legitimorum Germanorum.

Primò locò ad successionem Defuncti vocantur Fratres Germani, exclusis Consanguineis, & Uterinis. Nov. 118. cap. 3. Ratio, quare excludant Fratres consanguineos, & uterinos, est hæc; quia duplex vinculum, quo Fratres invicem juncti sunt, fortius stringit; quàm simplex Manz. tit. 6. §. 1. n. 7. hic.

48 Quod procedit I. In allodialibus; non verò in Feudalibus: in his enim non tam attenditur duplicitas vinculi, quàm agnatio, atque adeò consanguinei à Germanis non excluduntur, sed æqualiter succedunt. Clariss. D. D. Franz. Inst. hic. n. 75. Vult. de Feud. l. 1. 9. n. 122. Gail. 2. Obs. 151. n. 1.

49 Procedit II. de Jure communi Romano, secus de Jure consuetudinario Austriaco, secundum quod Frater consan-

guineus cum Fratre Germano in bonis paternis æqualiter, in maternis vero, & ab ipso defuncto acquisitis bonis solus Germanus succedit. Ita testatur famosus Practicus *Walter de Jure Consuet. Austr. lib. 3. tit. 64.* his verbis: *Stirbee ein Mann . . . i. e. Deceßit aliquis relictis fratribus, quorum alios simplici, alios duplici vinculo junctos habuit: eo in casu defertur ex jure Imperiali hæreditas ad eos tantum, qui defuncto fratres duplici vinculo juncti fuerunt; quod quidem ex provinciali consuetudine, in bonis ab ipso defuncto acquisitis procedit: In bonis autem, quæ ipsi ex successione familiae obtulerunt, (in denen erbgütern, welche von dem stamm herkommen), hæc differentia servatur; nimirum, qui defuncto junctus fuit frater ex patre, is cum eo qui duplici vinculo frater extitit, bona quæ defunctus ex paterna habuit successione, æquis partibus accipit; materna verò eum sequuntur quem ex duplici vinculo adeoque ex matre fratrem habuit; ratio igitur ea servatur, ut bona hæreditaria (erbgüter) semper ad eam revertantur stirpem ex quâ perfectæ sunt; puta, paterna paternis; materna maternis. Väterliches auf Väterliche, mütterliches auf mütterliche geschwistrige.*

Joannes  
Pater.

Martha  
Mater

Joannes  
Pater

Anna, secunda  
Conjux.



## A P P L I C A T I O.

50 IN posito casu, si moriatur Paulus, tunc Christophorus acquirit omnia illa bona, quæ Paulus suâ operâ congregavit, vel ex successione Matris acquirit. In illis verò bonis, quæ

Paulus ex successione Patris obtinuit, Georgius, & Christophorus æqualiter succedunt. Vide quoque *Sutting. in Manuscript. lit. E. vers. Erbschaft, Linea der Geschwistrigte von einem und zweyen Bänden,*

dei, &c. Ratio nulla est alia, quàm, quia de Jure Austriaco cedunt paterna paternis, materna maternis.

51 Sic pariter fac, quòd ad successionem defuncti concurrant fratres consanguinei,

& uterini. Hoc in casu si tres consanguinei succedunt in paternis, uterini in maternis; in acquisitis verò aliunde, consanguinei, & uterini succedunt æqualiter. Utece:

+                    +                    +                    +                    +                    +

Jo. Pater. Martha 1. Conjux. Id. Joan. A. ma 2. Conj. Anna ead. Joach. 2. Marit.

Georg. 1. fil. Christ. 2. fil. Paul. 3. fil. Marcus filius. Wolffg. Andreas.

In posito exemplo, si moriatur Marcus, tunc Georgius, Christophorus, & Paulus Marco succedunt soli in bonis paternis, in maternis verò succedunt Wolffgangus, & Andreas etiam soli; in acquisitis autem aliunde, quàm ex successione Matris, omnes succedunt æqualiter. Ita *Walter* loc. cit. his verbis: *Wann zweyerley &c. i. e. Cum utrinque extant fratres sororesve diverso vinculo, alii à patre, alii verò à matre defuncto juncti; tunc ii sunt heredes in bonis paternis, qui cum eo ex eodem patre, in maternis verò ii tantum qui ex eadem matre nati sunt: quod quidem & de jure scripto procedit, nec non consuetudini provinciali consentaneum est: si autem defunctus bona aliunde quàm ex parentum successione obtinuit, tunc defertur hereditas ad utrosque æquis partibus in capita.*

Dixi: æquis partibus; ubi accuratè observes velim, quòd *Walter* videatur dissentire à *Suttinger*; hic enim (quantum licuit colligere) nullam facit differentiam inter casum, quo Germani concurrunt cum consanguineis quoad bona aliunde, quàm ex immediata Matris successione, acquisita, & illum, quo consanguinei concurrunt cum uterinis. Siquidem indistinctè asserit, quòd in utroque casu in bonis, aliunde (puta, per Testamentum, Donationem, aut alio titulo) acceptis, vel proprià industrià

acquisitis, Fratres æqualiter succedant, prout pater ex loco citato, *lit. E. vers. Erbchafft-Linea* in Jure communi, his verbis: *das contrarium aber. . . i. e. sæpè tamen contrarium ex Consuetudine Austriaca in Consilio (bey der Regierung) defuitum est: nimirum fratres sororesque utriusque vinculi cum aliis vinculi duplicis, tam in paternis quàm acquisitis bonis admissi sunt successores æquis partibus.* *Walter* e contra in bonis aliunde acquisitis, æqualem successionem non admittit in casu, quo Germani cum consanguineis, sed duntaxat eo in casu, quo consanguinei cum uterinis concurrunt, vide quoque *Fünflewald. lib. 4. observ. 4. per tot.* Mihi hac in materia, consuetudinem Austriacam allegando, utique arisisset latius excurrere; sed instanti ratio abrumpt eorum.

Hactenus audivimus. quomodo Fratres Germani succedant. Sequitur, quid Juris, si cum Germanis concurrant Fratrum prædefunctorum Filii? & breviter deciditur, quòd isti filii veniant Jure repræsentationis, h. e. illam portionem capiant, quam parens ipsorum, si adhuc viveret, accepisset. *d. Nov. 118. cap. 3.* repræsentans enim utitur Jure repræsentati. *Manz. tit. 6. §. 1. num. 26. Harp. num. 407. Concord. Jus Austriac. teste Walter. lib. 3. tit. 67. Gebet ein Mann mit Todt ab; . . . i. e. Decessit aliquis relictis*



relictis ex una parte fratribus, ex altera vero nepotibus ex prædefuncto fratre, eo in casu nepotes in locum parentis succedunt; & concurrunt cum fratre defuncti superstitite, non tamen in capita, verum in Stirpes. Ubi tamen observandum, quod, licet Jus repræsentationis de Jure communi in linea descendenti in infinitum, & de Jure Austriaco teste *Walter lib. 3. tit. 62.* usque ad quartum gradum inclusivè extendatur; in collateralibus tamen ultra Fratrum filios non porrigatur, *d. Nov. 118. cap. 3. Schneid. n. 13.*

53 Q. XI. Quomodo fiat successio, quando fratrum Germanorum præmortuorum filii soli concurrunt, an in capita, an stirpes? Hæc Questio, quæ inspecto Jure communi, vehementer dubia est, decisionem recepit ex Constitutione Caroli V. Romanorum Imperatoris, in Comitibus, Anno à partu Virginis 1529. Spiræ habitis, juxta quem fratrum filii, si soli adsint, succedunt in capita. Concord. *Jus Austr. teste Sutting. in Manuscript. lit. E. vers. Erb Recht. ibi: Weilen die Constitution i. e. Quoniam Constitutionis Caroli V. Imperatoris, qua anno 1529. Spiræ prodit, clara apertaque Sententia est, ut fratrum liberi, utpote in pari gradu, in capita non in Stirpes succedant: per eam utique omnia contraria statuta, ordinationes, consuetudines, præscriptique mores, ac proinde ipsa Austriaca Consuetudo antiquata & abrogata sunt.*

## §. II. De Successione Fratrum consanguineorum, & uterinorum.

54 Si quis à vivis cedat, non relictis fratribus Germanis. neque eorum Liberis, tunc succedunt Fratres consanguinei, & uterini æqualiter; ita, ut  
*Kees ad Instituta.*

nec consanguineus uterinum, nec hic excludat consanguineum, sunt enim in pari gradu, & hodie omnis differentia agnationis sublata est. *d. Nov. 118. cap. 3. auth. post. fratres. Cod. de legat. hered.*

*Limitatur in feudis, ubi consanguineus uterinum fratrem excludit; siquidem in Feudis spectatur sola agnatio. Schneid. n. 20.*

Q. XII. An, si concurrant fratres uterini, & consanguinei, bonorum fiat divisio? ita, ut bona materna uterinis: paterna consanguineis cedant.

Tametsi, inspecto Jure communi, 55  
verior esse videatur sententia, quæ docet fratres consanguineos, & uterinos æqualiter succedere, nullâ factâ distinctione bonorum, eò quod *d. Nov. 118. cap. 3.* generaliter, & indistinctè fratres consanguineos, & uterinos ad successionem defuncti vocet; hancque sententiam sustineat, *Hun. var. resol. lib. 3. tract. 1. Q. 37. Bachov. ad Treutl. vol. 2. disp. 16. th. 5. lit. C. Clariss. DD. Franz. Inst. hic. 82.* Communiori tamen Doctorum calculo munita, & consuetudine Austriacâ recepta est sententia, quæ consanguineis paterna: uterinis verò materna decernit. Juxta illud: *Maternis cedunt materna: paterna paternis.* Ita re ipsa tenent *Harp. num. 442. Schamb. hic Walter loc. cit. tit. 65. Ibi: Wann zweyerley Geschwister, i. e. Cum utrinque extant fratres sororesve diverso vinculo, alii à patre, alii verò à matre defuncto juncti; tunc ii sunt heredes in bonis paternis, qui cum eo ex eodem patre, in maternis verò ii tantum qui ex eadem matre nati sunt: quod quidem & de jure scripto procedit, nec non consuetudini provinciali consentaneum est. Si autem defunctus bona aliunde quam ex parentum successione obtinuit; tunc de-*  
*H h h fertur*

*ferur hereditas ad utrosque aequis partibus in capita prout supra jam demonstravimus, & n. § 1. hoc. tit. figuram posuimus.*

### §. III. De Successione Fratrum legitimorum, legitimorum tantum, & naturalium tantum.

56 Fratres, legitimati per subsequens Matrimonium, succedunt eo modo, quò fratres ex justo thoro nati, cum per omnia pro legitimis habeantur, Nov. 117. *§ cap. tanta. X. qui filii sint legit. Schneid. n. 36.*

57 Legitimi verò per rescriptum Principis considerari possunt, vel cum respectu ad se invicem, vel cum respectu ad fratres, ex legitimo thoro natos. Primo modo considerati succedunt ab intestato. Nov. 74. cap. 2. Secus, considerati secundo modo. *Schneid. n. 37. Manz tit. 7. §. 3. n. 44.*

58 Fratres legitimi tantum, sibi invicem non succedunt, cum in potestatem adoptantis non transeant. *l. pen. §. 1. Cod. de adopt.* Quod intellige de adoptatis ab extraneo: Diversum obtinet in arrogatis; hi enim, durante arrogatione, agnatis arrogatoris succedunt; cognatis non etiam, *l. 23. §. 1. pen. Cod. de suis & legit. hered.* Quod Jus adhuc hodie inviolabiliter custoditur, quoniam *d. Nov. 118. cap. 4.* tantum tollit differentiam inter agnatos, & cognatos quoad conjunctos vinculo naturali, non verò quoad conjunctos civili.

Adoptati ab ascendente, & sibi invicem, & agnatis, cognatisque adoptantis succedunt, *d. Nov. 118. c. 4. Clariss. D. D. Franz. n. 85. § 86. Schneid. Inst. hic. n. 41.*

Fratres naturales tantum, vel sunt<sup>59</sup> conjuncti per Patrem vel per Matrem? si prius, sibi invicem succedunt, secus, si posterius. Nati verò ex damnato coitu, indistinctè ab omnium transversalium successione removentur; non enim merentur nomen filiorum, aut fratrum. *Nov. 74. cap. ult. Nov. 89. cap. ult. Schneid. & Franz loc. cit.*

Tandem, si nec fratres adsint, nec horum liberi, promiscuè vocantur collaterales secundum gradus prærogativam, ita, ut proximior excludat in gradu remotiorem, & hæc successio extendatur in infinitum, *Nov. 118. cap. 3. §. 1.* ubi indefinite sancitur, omnes à latere cognatos vocari; quæ locutio generalior est, quàm ut ad certum gradum restringi possit. Dissent. *Schneid. Manz. Myns. & plures alii*, qui Jus successionis decem graduum limitibus coarctandum putant, *per text. §. fin. Inst. de success. cognat.* ubi decimi duntaxat gradus videas mentionem fieri. Sed R. ibi gradum non *determinativè*, sed *exempli causa* positum esse; exempla autem non restringunt regulam.

#### SECTIO. IV.

#### De

#### Successione Viri & uxoris.

**E**Xpeditum est, quòd, inspecto<sup>60</sup> Jure civili antiquo, vir, & uxor sibi invicem non succedant, eò, quòd nulla inter ipsos fit sanguinis conjunctio. Hoc tamen, cum Prætori durum videretur, aliqualem correctionem recepit, cui explicandæ priusquam manus addam,

*Observa:* quòd, quoties de successione viri, & uxoris occurrit quæstio, toties duo consideranda sint; *Primum* est,

est, num inter conjuges non sint inita pacta dotalia? Secundum est, an non vigeat aliqua consuetudo, aut statutum, quò caveatur, qualiter conjuges sibi invicem succedant?

Si facta sint inter conjuges pacta dotalia, necesse est, ea ad amantissimè serventur, non attenta dispositione juris communis, statuti, aut consuetudinis. Ratio: quia provisio hominis tollit provisionem legis, & lex silet, ubi homo loquitur. *l. fin. Cod. de pact. conv.*

61 Dices: Pactum de succedendo non valet, *l. fin. Cod. de pact.* ergò non possunt pacta dotalia fieri de mutua conjugum successionem. R. *antecedens* procedere duntaxat de Jure communi; consuetudine enim ferè totius Europæ receptum est contrarium, teste *Gail. 2. ob. 117. num. 6. Mynsing. 2. obs. 33. num. 10.*

62 Pacta itaque dotalia servanda sunt, ita ut de Jure Austriaco, defunctò maritò, vidua gaudeat Jure retentionis, nec cedere bonis teneatur; donec ei dos, donatio propter nuptias, largitas sponsalitia, paraphernalia, & quæcumque alia, vigore pactorum dotalium debita, integrè restituantur. *Walter de Jure consuet. Aust. lib. 3. tit. 8. Eine Wittib ist, ihres verstorbenen Ehe-Manns verlassene Haab und Güter seinen Erben abzutreten, nicht schuldig; sie werde dann zuvor von ihnen des Vermächts ihres habenden Heyraths-Brießs gänzlich abgefertiget.* Ad hoc tamen, ut vidua Jure retentionis uti, & fructus ex bonis mariti percipere possit, requiritur, ut illa inventarium confici curaverit, sine quo si bonis mariti sese immisceat, perdit hypothecam, & privilegia sibi competentia, *Schwarzsch. in aach. ad proces. Jud. ad fin. cap. 2. de minor. test. num. 13.* Facit Ordinatio politica Ferd. I. tit.

*Von den Pupillen, und minderjährigen. Tüborn. Ibi: Solle solche &c. i. e. D. bet mater vel noverca statim post mariti mortem, bonorum omnium mobilium & immobilium ritè inventarium conficere ad omni suspicionem alienum: hoc autem non faciens carebit ut suspecta omni jure hypothecæ; ei tamen salva erit ejus quod aliàs suum est persecutio, ex ratione juris facienda.*

Et hæc ita demum procedunt, si dos & similia Jura, quæ vidua sibi deberi præten dit, sint liquida, & in continenti probari possint. Aliàs si sint illiquida, & controversa, tunc mulier Jure retentionis non gaudet, sed vel debet præstare cautionem, vel bona in sequestrandam sunt, donec mulier præ tensiones suas sufficienter liquidaverit: ita testantur *Matth. Berlich. part. 2. Con. cl. 32. num. 15.* Retentio enim est quasi compensatio. *l. fin. Cod. commod. debiti* autem liquidi cum illiquido compensatio non admittitur, *l. fin. Cod. de compens. Carpz. part. 2. const. 25. definit. 17. n. 8. Sutting. Manuscript. lit. W. vers. Wittib. Ibi: Wittiben müssen, &c. i. e. Vidua debent præ tensiones suas sufficienter liquidare ac probare. & ita in excels. Austr. Regim. judicatum esse, testatur.*

Q. XIII. Quid juris, si in litteris dotalitiis hæc clausula expressa fuerit? quod utrinque conjuges constante matrimonio acquisiverint, commune est. Ut hac in quæstione distinctè procedatur, sic

*Affertio I.* Bona constante matrimonio acquisita, in dubio præsumuntur, operâ, & labore mariti acquisita esse. Ratio: ut ex parte uxoris evitetur turpis, & inhonesti quæstus suspicio, *l. quintus § 1. ff. de donat. inter Vir. & Uxor. Füllsterwald. lib. 4. obs. 6. num. 21. Sutting. in Manuscript. lit. B. vers. Eroberte*

H h h 2

Gütter

*Gütter in wählender Ehe.* His verbis, *Præsumptio est pro marito, quod acquisita opera & labore ejus sint parta*, ad evitandam turpem & inhonestam suspicionem, NB. *nisi probetur, pecuniam ex parte uxoris extitisse.*

65 *Affertio II.* Quid quid, stante matrimonio, maritus, & uxor acquisiverunt, non bonum commune est utique, sed ad maritum spectat, vel ipsius hæredes. Ita docent *Fünstervald. loc. cit. n. 21. Carpzov. part. 2. const. 25. def. 8. num. 4. Gail. 2. obs. 78. num. 9.* Ratio: quia maritus teneatur alimentare uxorem, sobolem, omnemque familiam in victu, & amictu. Item tenetur dotem dare filiabus, *l. fin. Cod. de dot. promiss. ægrotæ uxori providere de medico, & cætera onera matrimonii sustinere: ut proinde ipsa ratio æquitatis suadeat, bona, stante matrimonio, eidem discernere, & non uxori, quæ forsan nihil profuit, nisi in Thalamo; aut in tumultu. Concord. Jus Austr. teste Sutting. in Manuscript. lit. E. vers. de clausula. Ibi: bona constante matrimonio acquisita inter conjuges communia esse, non fert ratio juris.*

66 *Affertio III.* Si ista clausula: *quod utrinque conjuges constante matrimonio acquisiverint, id in commune erit*, in litteris dotalitiis expressè posita fuerit, tunc, cum pacta dent legem contractibus, *l. 1. §. 6. ff. deposit. bona constante matrimonio acquisita; æqualiter dividenda sunt. Walt. lib. 3. tit. 15. Sutting. loc. cit.*

*Limitatur in Litteratis, & iis, qui officia habent: tametsi enim præfata clausula: Was beyde Theil. &c. litteris dotalitiis expressè inserta fuerit; inter litteratos tamen, & officio aliquo provisos æqualem successionem non operatur, cum inter Nobiles, & litteratos uxor ut plus*

*consumat, quam lucretur, quod perfectò probatione non indiget, cum forte tu ipse testem agere posses.*

II. Considerari, & inquiri debet, an non existat aliquod statutum, aut consuetudo in eo loco, ubi maritus habet domicilium, quò statutò aut consuetudine dispositum sit, in quibus rebus, & qualiter conjuges sibi invicem succedant? si vigeat aliquod statutum, aut consuetudo, secundum hanc Judici procedendum erit; Consuetudo enim derogat Juri communi. *l. 9. ff. de J. & J. Schneid. de Success. int. vir. & ux. n. 3. & 4.*

De Jure Austriaco, si Maritus moriatur, & uxor litteras dotalitias pro se nullas habeat, succedit illa marito in tertiana partem bonorum mobilium, si maritus ex prima uxore liberos post se reliquerit; si verò prius uxorem non habuerit, aut habuerit, sed ex ea nullum hæredem reliquerit; tunc uxor in bonis mobilibus succedit in secundam partem. Ita testatur *Bernard. Walter. lib. 3. tit. 67. ibi: So ist in solchem Fall bisz hero Landsbrauchlich gewesen, dasz der Wittib, wann der verstorbene Ehe-Mann zuvor ein eheliches Weib gehabt, und von ihr Kinder hinterlassen, der dritte Theil seiner fahrenden Haab und Gütter zustehe, und erfolgen solle; wo aber der verstorbene Ehe Mann zuvor kein Weib gehabt, oder von derselben keine Kinder vorhanden, so folget der Wittib halber Theil der Fahrnuß.*

Sed quid Juris in bonis immobilibus? R. hac de re quoad plebeios nihil me certi invenire potuisse, nisi quod *Walter, lib. 2. tit. 80. in fine* asserat: *Wann allenthalben &c. i. e. Cum nulla ex parte veniunt cognati, tunc admittit jus civile viduam ad hæreditatem defuncti mariti capiendam, & reciproce: id verò mi-*  
nime



nimè fert consuetudo, quippè quæ in eo casu hæreditatem ad fiscum defert.

Dixi : Quoad plebeios ; inter personas enim illustres dotalia, vulgò *die Wittib-Sitz*, recepta sunt, circa quæ res ita se habet : *des Wittib-Stuhls halber*, &c. i. e. Circa dotalia solent plebei pacisci, eaque juxta pactum debent servari ; qualia verò quantaque ea esse debeant, eorum nullus ex consuetudine modus est certus ; hic quippe ab arbitrio & consensu paciscentium dependet. Ubi autem de dotalibus (*Wittib stuhl*) nihil est expressum, ea vidue, matrone, in statu nobilitatis constitutæ (*herren und ritter-stands*) debet pro ratione conditionis assignari. *Fensterwald. n. 4. obs. 19. n. 5.*

Quod si tandem nulla pacta dotalia existant : aut nullum statutum in loco, ubi maritus domicilium habet, vigeat, tunc recurrendum est ad Jus commune, casus enim omissus remanet sub dispositione Juris communis, *l. 7. ff. de condict. caus. dat. caus.* De Jure autem communi inter Jus antiquum, novissimum, & Jus Prætorium distinguendum.

De Jure civili antiquo, & L. XII. Tab. vir & uxor sibi invicem prorsus non succedebant, cum nulla inter eos sanguinis sit conjunctio *l. 7. Cod. commun. de success.*

Verum, cum Prætori hoc durum & difficile videretur, constituit, ut, si defunctus neque liberos, neque parentes, neque consanguineos reliquerit, successio devolveretur ad conjuges, ita, ut vir uxori, & rotâ versâ, succederet, excluso Fisco, *l. unicâ. Cod. unde vir, & uxor.*

68. De Jure civili novissimo, si matrimonium sit indotatum, h. e. mulier nullam dotem, vel maritus nullam donationem propter nuptias habeat, & præterea pars superstes sit inops, præmo-

riens verò dives, tunc superstes parti defunctæ succedit, sive extent liberi, vel collaterales ; sive non extent : & quidem, si extent liberi, tunc, si numerò sint IV. vel plures, superstes conjux succedit in virilem portionem, h. e. *bekommet einen Kindes-Theil*. Si verò III. vel pauciores liberi extent, tunc pars superstes ex conjugibus succedit in quartam partem hæreditatis. Ita aperte sancit, *Auth. præterea Cod. Unde vir, & ux. Brunn. ibid. Schneid. n. 17. Gail. obs. 98. n. 5.*

Idem procedit, si non concurrant liberi, sed collaterales ; horum enim si III. adsint, Conjux superstes succedit in quartam partem ; si verò IV. sint, vel plures, admittitur in æqualem portionem, cum hac notabili differentia, quod in casu, quo, superstes conjux concurrat cum collateralibus, portionis suæ, & proprietatem & usum-fructum acquirat ; si verò unâ cum liberis succedat, solum usum fructum consequatur *d. auth. præterea. Manz. tit. 11. §. 5. n. 65. Schneid. n. 14.*

## SECTION V.

### De Successione Fisci.

SI defunctus neque liberos, neque<sup>69</sup> parentes, neque collaterales, neque conjugem post se relinquit, bona censentur vacantia, & Fisco cedunt : so mag die hohe Obrigkeit die Erblose Guther zu ihrer Cammer ziehen. *l. 1. l. 4. Cod. de bon. vacant.*

Ad hoc autem, ut bona dicantur<sup>70</sup> vacantia, requiritur, ut prius inquiretur per proclamata publicè affixa, num non existat aliquis, qui defuncti hæreditatem sibi deberi probare possit, *l. si ad tempore. ff. de remiss. pig. ult. Cod. d. t.*

*Manz. tit. 12. n. 5.* quando, & in quibus casibus in Austria succedat Fiscus? vide *Walter lib. 3. tit. 80. per tot.*

- 71 Illud adhuc pro coronide notandum, quod, si quis in peregrinatione moriatur, neque Fiscus neque hospes, Jure hospitii, bona defuncti retinere possit; sed per manus Episcopi, si fieri potest, vel hæredibus ab intestato debeant tradi; vel in pias causas erogari. *text. in auth. omnes peregrini. Cod. commun. de success. Manz. loc. cit. num. 25.*

Hoc tamen Jure non utuntur Galli; 72 enim verò in Gallia Jus, (ut vocant) *Albiganii* receptum est, vigore cujus Fiscus succedit peregrinis, seu alienigenis. *Manz. n. 26. Perez ad Cod. qui testam. fac. poss. num. 6.* Quod ideo memorix commendare volui, ut intelligant illi, qui ad Gallos peregrinantur, quem exitum bonorum expectare queant, si in Gallia, (ive fortè Gallici) naturæ debitum persolvant.

## TITULUS II.

## DE OBLIGATIONIBUS.

## SUMMARI A.

- 1 Ponitur ratio ordinis.
- 2 Definitur obligatio.
- 3 & 4 Alia est naturalis; alia civilis; alia naturalis, & civilis simul.
- 5 Explicatur definitio obligationis naturalis, & civilis simul.
- 6 Traduntur regule, quomodo possim cognoscere, an sit obligatio naturalis tantum; an civilis tantum; an naturalis, & civilis simul?
- 7 Recensentur effectus istarum obligationum.
- 8 Pactum quid sit?
- 9 Quomodo differat à pollicitatione?
- 10 Pactum, aliud est nudum; aliud vestitum.
- 11 Secundum consuetudinem pactum nudum quoad effectum non differt à stipulatione.
- 12 Pactum vestitum quid sit?
- 13 Quomodo vestiatur?
- 14 Quid contractus?
- 15 Alius est bonæ fidei; alius stricti Juris.
- 16 Qua inter illos sit differentia?

- 17 In contractibus bonæ fidei à tempore moræ currunt usurae.
- 18 In contractibus stricti Juris usurae currunt à tempore litis contestatæ.
- 19 Contractus alii iterum sunt nominati, alii innominati.
- 20 Differunt, quod in his, re integrâ, sit locus penitentia; secus in illis.
- 21 An dolus contractus nullos reddat?
- 22 Quando Dolus, dans causam contractui, & quando in contractum dicatur incidere?
- 23 Dolus, dans causam contractui bonæ fidei, facit contractum ipso Jure nullum.
- 24 Non etiam contractum stricti Juris.
- 25 Item, si tantum incidat in contractum.
- 26 27 28 & 29 Metus quando contractum irritet?

## CONNEXIO.

Dictum est in §. *fin. Inst. de J. N. G.* & C. omne Jus, quod utimur, pertinere vel ad Personas; vel ad Res; vel ad Actiones. In I. de personis: in II. & III. ad hunc usque Tit. de rebus actum est.

est, Sequitur recta ratione ordinis de actionibus, quarum mater cum sit obligatio, ideo prius de obligationibus, quam de actionibus agendum.

### Ad Principium.

2 In hoc principio Sacratiff. Princeps Justinianus definit obligationem, aitque esse *Juris vinculum*, quò necessitate adstringimur, alicujus rei solvende secundum nostræ civitatis Jura. Antequàm hanc obligationis definitionem explicem, juvat vidisse, quotuplex sit Obligatio? Ita enim intelleges, qualem obligationem hic Imperator definierit.

3 Dividitur autem obligatio in naturalem tantum, civilem tantum, & naturalem & civilem simul. Obligatio naturalis tantum est vinculum, adstringens ad præstandum id, quod solo Jure naturæ debetur, l. 95. §. 4. ff. de solut. talis v. g. est, quæ ex nudo pacto provenit; ex testamento imperfecto; ex conventionione patris cum filio, &c. Obligatio civilis tantum, est vinculum, adstringens ad præstandum, quod solo Jure civili debetur, talis est quæ oritur ex litterarum obligatione; ex sententia condemnatoria non debitoris, l. 56. ff. de re jud. Item oritur obligatio, civilis tantum, quando quis, deferente adversariò jurat, eum sibi debere centum, quod petit. Hoc in casu jurans obligat adversarium, esto hic nihil debeat, l. 5. §. 2. l. 9. §. 1. ff. de Jure jur. non naturaliter (uti patet) ergò civiliter. Clariss. D. D. Franz. Diss. hic. n. 8. Obligatio naturalis, & civilis simul, est vinculum, adstringens ad præstandum quod Jure naturali, & civili debetur. Talis est, quæ ex negotiis, utroque Jure validis confurgit, v. g. ex stipulatione, emptione, venditione, locatione, conductione, &c. & de hac obli-

gatione naturali, & civili simul procedit posita definitio, in qua

Dixi I. *vinculum*, quod est *genus*; omnis enim obligatio est vinculum, l. 59. ff. de condict. indeb.

Dixi II. *Juris*, quæ vox locò differentie ponitur, nam per eam vinculum obligationis distinguitur ab omnibus aliis vinculis materialibus, hoc est, illis, quibus fortè vinciuntur boves; aut aliæ res. Harp. n. 8.

Dixi III. *Quò necessitate adstringimur*, quibus verbis continetur vis & officium obligationis, quod in eo consistit, ut invitos etiam, & nolentes necessario adstringat, proditò in eum finem remediò actionis; quamprimùm enim quis naturaliter & civiliter obligatur, nascitur inde actio, l. 42. §. ea ff. de procurat. Unde contractus ab initio dicitur voluntatis; ex post facto necessitatis, l. 16. §. 3. ff. commodati. l. 5. Cod. de O. A. Manz. ad prin. n. 4.

Dixi IV. *Alicujus rei solvende*, quæ particulæ effectum obligationis declarant; quia verò verbum rei, & verbum solutionis generalia sunt, generaliter quoque intelligenda sunt, ut non tantum, de re aliqua danda; sed etiam de faciendo intelligantur, ut sensus sit: obligatio est *Juris vinculum*, quò necessitate adstringitur ad aliquid dandum vel faciendum. Manz. num. 5.

Dixi V. *Secundum nostræ civitatis Jura*, h. e. juxta constitutionem in l. 23. quod met. caus. ubi sancitur, quòd nemo debeat propriâ authoritate Jus sibi dicere; sed per legitimas actiones illud persequi, Schneid. hic.

Advertis modò, definitam hic esse obligationem naturalem, & civilem simul; neque enim naturali tantum, neque civilis tantum habet illam necessitatem solvendi. Non naturalis; quia natura-

naturaliter tantum obligatus nulla actione ad solutionem compelli potest. *l. 1. ff. de pact.* Non civilis tantum, quia per exceptionem doli eliditur; paria autem sunt; actionem nullam habere, & talem, qualis per exceptionem infirmari potest, *Manz. n. 8.*

6 Q. I. Quomodo possim cognoscere: num ex aliquo negotio confurgat obligatio naturalis, & civilis simul? R. hoc posse colligi ex his quatuor seqq. regulis.

*Prima* est hæc. Quando lex civilis expressè resistit conventioni contrahentium, quando prohibet, actum, vel contractum fieri, tunc neque naturalis, neque civilis obligatio oritur, *l. 5. Cod. d. ll. ubi diserte cautum est*; nullam conventionem, nullum contractum inter eos videri subsecutum, qui contrahunt, lege contrahere prohibente. Tale exemplum est in prodigo, cui bonis interdictum est, *l. 6. ff. de O & A.* qui neque civiliter obligatur. *Schneid. n. 13. Zoëf. ff. de O. & A. n. 43.*

*Secunda* regula est hæc. Quando lex civilis, vel canon alicui conventioni neque resistit, tunc sola, & nuda obligatio naturalis tantum nascitur propter consensum, & naturalem æquitatem. Talis obligatio naturalis tantum nascitur I. ex nudo pacto; hæc enim talis est conventio. cui lex, vel canon expressè neque resistit, neque assistit, *l. 7. §. 4. ff. de pact.* II. ex contractu, inter patrem, & filium familias inito; pater enim, & filius in jure civili pro una eademque persona habentur, *l. fin. Cod. de impub. & aliis subst.* Sicut ergo aliquis sibi non potest obligari; ita nec pater filio, nec filius patri; quia alias sibi obligaretur. Cum verò ista factio de jure duntaxat civili procedat, & filius, & pater de jure naturali diversæ per-

sonæ esse censeantur: ideò sibi invicem, saltem naturaliter, obligantur, *Manz. num. 36. Schneid. num. 16.* III. Obligatio naturalis tantum confurgit ex testamento imperfecto, propter voluntatem defuncti, quæ de re ex professo egimus, *lib. 2. tit. 20. n. 24.*

*Tertia* regula. Quando lex civilis expressè assistit alicui conventioni, & prætereà æquitas naturalis, & consensus adsit, tunc oritur efficax obligatio, & naturalis, & civilis. Illa, propter consensum, hæc, propter approbationem Juris civilis. Exempla nobis sunt omnes contractus, à Jure civili approbati, v. g. *emptio venditio, locatio, conductio, Mutuum, commodatum, depositum, &c. Obliuio. Q. 3. hic.*

*Quarta* regula. Quando lex civilis alicui conventioni expressè assistit; in qua tamen æquitas naturalis deficit, tunc, propter assistentiam legis, oritur obligatio, civilis tantum. Exemplum prostat in litterarum obligatione & in non debitore, per sententiam condemnato. Dissent. *Zoëf. ff. de O. & A. n. 9.* ubi latissime discurret, num detur obligatio civilis tantum; & tandem *negative* concludit, quæ sententia, si ad lancem solidioris Jurisprudentiæ appendatur, quam exiguis fundamentis nitatur, utique demonstrassem, nisi otiosum tenuissem, de lana caprina multum contendere.

### Quinam sint effectus istarum trium Obligationum?

IV. Obligationis naturalis tantum, 7 tres præcipui sunt effectus I. est, quod, licet non producat actionem, *arg. l. 7. §. 4. ff. de pact.* producat tamen exceptionem, *d. l. 7. §. 4.* Ut ecce: obligatus mihi es naturaliter & civiliter ex contractu



tractu mutui, postea per nudum pactum tecum constituo, quod illud debitum à te nunquam velim exigere. Hoc pactum, ex quo confurgit naturalis obligatio, parit exceptionem, & si ego à te illud mutuum petam, poteris me repellere per exceptionem pacti de non petendo *l. 27. §. pactus ff. de pact.*

I I. Effectus obligationis, naturalis tantum, est, quod naturaliter tantum, debitum, si fuerit solutum, repeti non possit. Ut ecce: heres ex testamento, in nuda solemnitate, receptum legatum praestat; vel quis ex nudo pacto promissum solvit, hoc in casu soluti non datur repetitio *l. 10. ff. de O. & A.* naturaliter enim debita, si soluta fuerint, repeti non possunt. *Schneid. n. 25.*

III Effectus obligationis naturalis est, quod debitum, naturale tantum, compensari possit cum debito, naturali & civili simul *l. 6. ff. de compensat.*

IV. Quod in constitutum recte deducatur *l. 1. §. pen. ff. de const. pecun. Clariss. D. D. Franz. hic. n. 6.* ubi plures effectus obligationis, naturalis recenset.

Effectus obligationis, naturalis & civilis simul, est quod pariat actionem, & si per aliquam exceptionem non elidatur, exactionem. *l. 27. §. 2. ff. de pact. Manz. n. 62. Schamb. Inst. hic.*

Effectus obligationis, civilis tantum, est, quod pariat actionem; non autem exactionem, quia per exceptionem, v. g. non numerata pecunia, pacti de non petendo, actio excluditur *§. praterea. Inst. de except. Schneid. n. 7.*

### §. Omnium I.

Summa seu prima divisio obligationis, naturalis & civilis simul desumpta est à causa efficiendi remota, & secundum quam obligatio alia est civilis; alia pra-

Kees ad Instituta.

toria, quae aliò nomine etiam honoraria vocatur. *Civilis* vocatur illa, quae à Jure civili vel ex *L. XII. Tab.* vel ex *SC.* vel *Plebisc.* vel *Constit. Principum*, vel *Responsis Prudentum* inducta, & approbata est. Talis est legis Aquiliae obligatio, ab Aquilio, tribuno plebis, & sic à plebiscito inducta *l. 1. ff. ad leg. Aquil.* Item obligatio de pauperie, quam quadrupes fecisse dicitur, à *L. XII. Tab.* introducta. Idem obligatio litterarum, stipulatio, sponsalitia largitas, &c. *Manz. hic.* *Pratoria* est, quae à praetore inventa est, est v. g. obligatio ex furto *Prin. Inst. de perpet. & tempor. act.* ex rapina *prin. Inst. de vi bon. rapt.* ex constituto *§. 11. Inst. de act.* ex Jure Jurando voluntario *§. 11. Inst. eod.*

Differentia inter obligationem civilem, & praetoriam, praeter alias, haec est praecipua, quod illa sit perpetua, & duret XXX. annis, haec verò annalis sit & unius anni spatio circumscribatur. *Schneid. n. 6. hic.*

### §. Sequens fin.

Secunda divisio obligationis est, quod alia oriatur ex contractu; alia ex quasi-contractu; alia ex delicto; alia ex quasi-delicto. Illa verò, quae ex contractu nascitur, iterum vel *re*, vel *verbis*, vel *litteris*, vel *consensu* contrahitur, prout (annuente *DEO*) per decursum hujus libri videbimus. Interest tamen, priusquam ad contractus in specie descendamus, juvat hic, velut in vestibulo, naturam contractus in genere excutere; &c. cum pacta adhuc latius pateant contractu, ideo primò locò differendum de pactis.

*Pactum definitur*, quod sit duorum & vel plurium in idem placitum consensus *l. 1. §. 1. ff. de pact.*

9 Dixi I. *duorum*, vel *plurium*, distinguatur à pollicitatione, quæ solius est offerentis promissum *l. 3. ff. de pollicitat.* Hæc Pollicitatio ejus est naturæ, & indolis, ut nullam omnino obligationem producat, quamdiu ex parte altera non intervenit acceptatio, quâ interveniente, in verum pactum transit, ita ut consurgat obligatio naturalis. Ante acceptionem autem nullam planè producit obligationem, ita ut pœnitere, & pollicitationem promittenti liceat revocare *l. 2. §. 6. & l. 10. ff. de donat.* ubi dicitur, licet in aliquem donationem contulerim, remque donatam per nuntium miserim, rei tamen dominium in donatarium non transferri, si aut omnino non acceptionem decesserit *P. Engel. ad Decret. de pact. n. 2.*

*Limitatur I.* Si pollicitatio facta sit Ecclesiæ, pauperibus, vel piæ causæ; hæc enim statim obligat, licet nulla intervenierit acceptatio: quia censetur à D E O acceptata.

*Limitatur II.* Si pollicitatio facta sit Reipubl. ex aliqua causa, puta: ad reparationem incendii, ruinæ &c. enim statim obligat, cū n censetur acceptata à lege *l. 1. ff. de pollicita. l. 3. l. 6. §. 2. l. 9. ff. Eod. Glettle tract. de pact. cap. 1. n. 2.*

Dixi II. *In idem placitum*, subintellige; de dando aliquo vel faciendo: non enim quilibet in idem placitum consensus est pactum; fac enim, quod duo, vel plures in eandem sententiam conspirent, hic datur duorum, vel plurium in idem placitum consensus, & tamen non datur pactum; ergo benè subintelligitur, de dando aliquo vel faciendo *Bachar. ad Treutl. vol. 1. disp. 6. th. 1. lit. A.*

10 Dixi III. *consensus*; quæ vox generis locum obtinet.

*Dividitur I. pactum in nudum & vestitum.* Nudum est, quod in nudis placiti finibus consistit. *Schneid. Inst. hic n. 6.* Seu est, id, quod neque causam, nec etiam eam de jure firmitatem habet, ut actionem generare possit. Ut ecce: placuit inter nos liberos nostros permutare. Hæc conventio, antequam ab alterutra parte adimpleatur, dicitur nudum pactum; quia neque speciale nomen habet, puta, *emptionis*, *venditionis*, *donationis*, &c. neque causam, hoc est aliquod datum, vel factum certâ lege ut vicissim alter aliquid det vel faciat. Neque eam de jure, firmitatem habet, ut actionem generet, ait enim, quæ lex, quæ constitutio hanc ei firmitatem dederit? aliud exemplum nudi pacti accipe: Ego tibi præsentem pecuniarum fortè indigo, absque al qua causa, & nulla præcedente stipulatione, promissi dare pecunias mutuas, vel commodare meum equum; ut, id tibi per quam gratum fore responlisti. Hòc in casu ista mea promissio ante rei interveni- tum nihil est, nisi nudum pactum, quod neque nomen, neque causam habet, neque actionem producit *d. l. 7. §. 4.*

Dixi: *nulla stipulatione præcedente*: si enim stipulatio præcessisset, hoc est, si una pars interrogasset: *promittisne dare centum?* & altera respondisset: *promitto.* Tunc oriretur efficax actio, & obligatio; licet res actualiter non intervenisset, *Zoes. ff. de V. O. n. 4.* Unde patet, quæ sit inter pactum nudum, & stipulationem differentia? Nam si ego alteri præsentem, & consentienti, absque interrogatione præcedente, ex lucrativa causa aliquid promittam; oritur nudum pactum. Secus, si interrogatio præcesserit, & ego desuper responderim, quæ promiserim; tunc enim non nudum

dum pactum : sed stipulatio nascitur , per quam nudum pactum vestitur. *Schneid. Inst. h. t. de pact. n. 13. Manz. Inst. de V. O. in prin. n. 3.*

**11** *Quæres I.* An etiamnum hodie aliqua sit inter nudum pactum , & stipulationem differentia ? *R.* Secundum consuetudinem ferè totius Europæ quoad effectum inter nudum pactum & stipulationem nullam amplius observari differentiam ; verùm ex illo non minùs , quàm ex stipulatione , actionem produci. Quod , num veritate valeat ? Illi noverint , qui inter quotidianos causarum strepitus in Foro , ac Tribunalibus iudant. Vide *Carpz. p. 2. Const. 19. definit. 17. n. 7. Brunem l. 45. ff. de pact. Wesenb. in parat. de pact. n. 10.*

**12** *Pactum vestitum* est , quod non in solius placiti finibus consistit ; sed vel transit in proprium per legem nomen , vel habet causam , vel assistentiam legis , ut actionem producat. Hoc pactum nomine , magis , propriò , contractus appellari potest *P. Engel. n. 7. de pact.*

**13** *Quæres II.* Quot , & quibus modis nudum pactum vestiatur ? *R.* variis modis vestiri. I. vestitur *legis assistentiâ* ? quando nimirum , ipsa lex alicui negotio , quod alias nudum pactum est , eam firmitatem atque efficaciam accommodat , ut actionem producat. Sic vestitur , & firmatur. I. pactum donationis *l. 35. §. fin. Cod. de donat. §. 2. Inst. eod. II. pactum dotis l. un. Cod. de rei uxor act.*

III. Pactum de constituto *§. 9. Inst. de act. IV. Pactum hypothecæ l. 4. ff. de pignor. & plura alia , quæ recenset Clariss.*

*D. D. Franz. loc. cit. n. 27. Schneid. n. 9.* II. vestitur nudum pactum *re* , veluti in contractibus realibus , puta ! *mutuò , commodato , depositò pignore , &c.* licet enim centies ibi promittam , mutare centum , commodare meum equum , &c.

nunquam tamen contrahitur *mutuum* , aut *commodatum* , nisi res interveniat , hoc est , nisi numerentur centum , aut tradatur equus. III. vestitur pactum *verbis* , ut in stipulatione *l. 14. Cod. de pact.* Nam si tibi absque prævia solennitate verborum ( quæ in interrogatione unius & congrua responsione alterius consistit ) aliquid promittam , nudum pactum erit. Si verò interrogatio præcedat , & subsequatur responsio , v. g. si me ita interrogas : *promissione dare centum ?* & ego respondeam : *promitto* , Tunc producitur actio ex stipulata , prout *infra. 16. latius hac de re differemus.* IV. vestitur pactum *consensu* ; tametsi enim in omnibus pactis consensus intervenire debeat ; sunt tamen certæ conventiones quæ solo consensu ita perficiuntur , ut statim actionem producant ; licet res nondum interveniret ; prout patet in *emptione , venditione , locatione , conclusionè , Mandato , & Societate* , de quibus suo loco. V. vestitur pactum per coherentiam cum *contractu* ; si scilicet incontinenti adjiciatur *contractibus bonæ fidei* , v. g. si vendo tamen tibi domum meam , appositò istò pacto , ut liceat mihi adhuc per unius anni spatium in ea habitare. *Schneid. n. 17. P. Engel. n. 8.* Huc usque de *pactis* : Sequitur de *contractibus* in genere.

*Contractus* à variis variè , à paucis bene definitur. Placet , quòd sit *conventio , speciale nomen habens , vel , eo deficiente , causam.* Glettle *tr. de pact. cap. 2. §. 3. n. 7.*

Dixi I. *Conventio* quæ vox generis vicem sustinet , cum latior sit definitio , omnis enim contractus est conventio ; at , versà rotà , non omnis conventio est contractus ; nam pactum nudum est conventio : non tamen contractus.

Dixi II. *Speciale nomen habens* , hoc est tale nomen , quò auditò conceptus no-

ster statim fertur in certum aliquod negotium, cui nomen illud à Jure est alligatum. Ut ecce: auditò nomine *mutui*, conceptus noster statim tendit in tale negotium; quo res fungibilis traditur cum obligatione restituendi rem ejusdem generis. Similiter, auditò nomine *emprionis*, *venditionis*, conceptus noster statim fertur in tale negotium, quo hoc agitur, ut fiat permutatio mercis cum pretio.

Dixi III. *Vel eò deficiente, causam nomine autem causæ in præsentī materia nihil aliud intelligitur, quàm conventio- nis impletio, ab alterutra paciscentium parte facta; sive (ut explicatius loquar) nomine causæ nihil aliud denotatur, quàm datio; vel factum, quo conventio ab uno paciscentium eà intentione impletur, ut alter, ad vicissim quid præstandum, incipiat, efficaciter esse obligatus. Ut ecce: placuit inter nos, equos nostros permutare. Hoc in casu, antequàm tibi dem meum equum, vel tu mihi tuum, nuda est conventio, nudum est pactum pariens quidem utrinque obligationem, sed non exactionem. At, quam primùm ego tibi meum equum dedi; vel tu mihi tuum, desinit ita conventio esse nuda, & illicò in contractum transit. Ratio, quia per impletionem, ex alterutra parte factam, causam acquirit, quam causam ponit impletio unius, eà intentione facta, ut & alter conventionem impleat. Glettle loc. cit. n. 10. Clariss. D. D. Franz. n. 41. & plures alii ab his allegati.*

15 *Dividitur I. contractus, quòd aliud sit bonæ fidei; alius stricti Juris. Ubi*

*Observa, bonam fidem in Jure nostro bifariam accipi I. quatenus significat, quidquid à dolo, fraude, & calliditate alienum est, sicuti bonæ fidei emptor dicitur, qui ignorans rem alienam emit l.*

*109. ff. de V. S. Hoc sensu bonâ fide gestum dicitur omne illud, ubi abest dolus l. 68. ff. de contrah. empt. II. Quatenus significat id, quod æquum & bonum est, ac à rigore Juris alienum l. 81. ff. depositi. & in hoc sensu accipitur bonæ fides in hac nostra divisione, h. e. pro justo, & æquo, ut sensus sit quòd contractus bonæ fidei illi dicantur, in quibus bonæ fides exuberare debet, ita, ut Judex in illis etiam de eo judicet, quòd inter partes conventum non est; modò tamen æquum sit, & bonum arg. l. 31. §. in bonæ fidei ff. de Usur. ubi habetur, quod in contractibus bonæ fidei à tempore mortis curant usuræ; licet in casum mortis de iis nihil conventum; nihilque cogitatum sit. Tales autem contractus bonæ fidei dicuntur omnes, quorum actionem enumerantur in §. 28. Inst. de act. Schneid. n. 17.*

*Contractus stricti Juris sunt, in quibus Judex de iis duntaxat judicat, de quibus nominatim, & diserte inter partes conventum est. Tales sunt Mutuum, stipulatio, & omnes illi, quorum actiones in cit. §. 28. Inst. de act. non enumerantur. Unde*

*Colliges: præcipuam inter contractus bonæ fidei & stricti Juris, hanc esse differentiam, quòd in illis Judex etiam de iis judicet, de quibus nominatim actum non est; si modò æqui bonique ratio id suadeat. Contra verò in contractibus stricti Juris Judicis potestas ad rigorem conventionis ita adstricta sit, ut nequeat judicare: vel condemnare ultra id quod à partibus expressum est l. 99. ff. de V. O. Ut ecce: ego vendidi tibi fundum, nondum perceptis, sed pendentibus fructibus. Hoc in casu, licet nulla in contractu fructuum mentio facta sit, nihilominus tamen unâ cum ipso fundo censentur venditi l. 13. §. 10. ff. de act. empt.*



*empt. vend.* Contrà verò, si eundem fundum stipulanti tibi promiserim, fructus præstare non tenebor, utpote in contractu stipulationis nominatim, & expresse non promissos *l. 78. §. 1. ff. de V. O.* Pone iterum, quòd equum aliquem, benè ornatum, tui gratià obequitaverim, ac eum postea tibi vendiderim. Hoc casu licet nulla ornamentorum facta sit mentio eo tamen nihilominus tenebor præstare; utpote qui equum talem censeor vendidisse, qualem obequitavi *l. 38. ff. de adilit. edict.* At verò si fingamus, me eundem equum tibi stipulanti promisisse, hoc in casu (nisi expressa ornamentorum mentio facta sit) ea tibi præstare non tenebor *d. l. 99. ff. de V. O. Glettle loc. cit. cap. 3. §. 1. num. 10.*

18 *Secunda differentia* inter contractus bonæ fidei, & stricti Juris notatu digna est, quò in contractibus bonæ fidei usuræ incipiant currere statim à die moræ commissæ *l. 3. §. 1. & l. 32. §. 2. ff. de usurp. Harp. Inst. de act. §. 28. n. 18. Brunem. in d. l. 3. §. 1. Wesenb. in paratit. de Usur. n. 3.* In contractibus verò stricti Juris usuræ a tempore moræ non debentur; enim verò expedita res est, in stricti Juris contractibus usuras non deberi; nisi expresse in stipulationem deductæ fuerint *l. 3. Cod. de Usur. Glettle de pact. cap. 3. §. 1. n. 12. Brunem. in d. l. 3. Schneid. Inst. de act. §. 28. num. 34.*

Quæres IV. à quo ergò tempore in contractibus stricti Juris currant usuræ? Sunt qui autument, in contractibus stricti Juris neque à tempore litis contestatæ deberi usuras; nisi expresse per stipulationem fuerint promissæ. Ita Schneid. & Glettle loc. cit. Humm. ad Trem. l. vol. 2. disp. 3. tb. 3. Q. 14. Bach. ibid. lit. C. Vafq. Quæst. llust. lib. 3. cap. 36. num. 47. Moventur per *l. 1. C. d.*

*de Condit. 1. in debiti, & l. 3. Cod. de us.* quibus locis generaliter, & indistinctè sancitur; usuras in contractibus stricti Juris, qualis etiam est indebitum *arg. §. 28. inst. de act.* non deberi aliter quàm si expressa conventionione fuerint promissæ. Sunt è contra alii, qui utraque manu propugnent: in contractibus stricti Juris usuras deberi à tempore litis contestatæ. Ita Harp. §. 28. Inst. de act. n. 18. Carpzov. part. 2. const. 20. def. 17. & lib. 4. Res. 56. Brun. in l. 35. ff. de Usur. ubi ait: hanc sententiam judicando multoties observatam esse. Moventur præcipuè per *d. l. 35. ff. de usur.* in his verbis: *litis contestatæ, usura currunt.* Nec est, cur dicas, *d. l. 35. de bonæ fidei contractibus* intelligendam esse; siquidem paulò antè in *l. 32. §. 2. eod. tit.* apertè definitum est, usuras in contractibus bonæ fidei à litis contestatæ tempore currere, ut proinde verisimile non sit, eandem quætionem denuò movere, & in *cit. l. 35.* demum definire voluisse.

Mihi in hac rerum concertatione aridet posteriorum sententia docentium, à tempore litis contestatæ deberi usuras in contractibus stricti Juris; tum, quia textu sat clarò nititur; tum, quia eidem suffragari videtur Consuetudo Austriaca. Teste Walter *leb. 2. tit. 10.* his verbis: *Wann der schuldner i. e. Cum debitor creditori nullam promisit usuram, tunc, nihil eo nomine debetur, nisi ex quo venerit dies sorti solvenda constituta (zahl frist).* Si autem die vel primà, vel alterà aliàve omni elapsa, debitor in mora fuerit dolose; tunc hic damnum ex mora dilationeque injusta ortum, nec non usuras legitimas viceffimas (5 pro 100) à tempore moræ computandas præstabit. Sed et si à creditore nulla fuerit facta denunciatio, nec ab eo debitor sit monitus ut solvat:

*hoc etiam in casu, cum dies interpellat pro creditore, veniunt usure inhibemini a debitorum praestanda a tempore mora.*

*Tertia differentia inter contractus bonæ fidei & stricti Juris est, quod contractus bonæ fidei ipso Jure nulli sunt, si dolus iis causam dederit: contra verò contractus stricti Juris, dolo malo initi valeant, & duntaxat producant exceptionem doli contra fraudatorem. Schn. loc. cit. num. 32. Qua de re nos infra prolixius.*

20 *II. Dividuntur contractus in nominatos & innominatos. Nominati sunt, qui speciale nomen habent, à lege sibi attributum, v. g. Mutuum commodatum, depositum, pignus, stipulatio, locatio, conductio, emptio, venditio, Societas, mandatum &c. Innominati dicuntur, qui non habent nomen proprium, habent tamen causam l. 7. §. 2. ff. de pact. Hujusmodi sunt contractus do, ut des; do, ut facias; facio, ut des; facio, ut facias. Item permutatio, quæ, licet habeat elegans nomen, quia tamen in genere comprehendit omnem contractum, per quem res cum re permutatur, dicitur innominatus, & sic speciali nomine caret. Schneid. Inst. hic. n. 11, Harp. Inst. hic. n. 20.*

21 *Præcipua, & principalis differentia inter hos duos contractus est, quod in contractibus nominatis, re, etiam adhuc integrâ, non sit locus pœnitentiæ l. 5. Cod. de O. & A. ubi contractus dicuntur esse ab initio voluntatis, ex postfacto autem necessitatis. Contra verò contractus innominati ejus sunt naturæ, atque indolis, ut in iis, re adhuc integrâ pœnitentiæ locus sit l. 5. ff. de condict. caus. dat. caus. non secut. ita ut ille, qui ex sua parte contractum implevit, pœnitere possit, & ab eo, qui necdum satisfecit, datum repetere, licet neque*

*in mora sit, nec in culpa. Imò, etsi paratus sit ex sua quoque parte contractum implere, vel aliqua præparatoria ad implendum fecerit. Text. in l. 3. §. 2. & 3. l. 5. §. 1. & 2. ff. de condict. caus. dat. caus. non secut. Molina de J. & J. disp. 258. num. 3. Ratio, quia is, qui dicto modo dedit, non obligat se accipienti, sed tantum hunc sibi obligat, ad vicissim quid dandum, vel faciendum: ergo potest ille, qui jam implevit contractum, Jure suo cedere, & nolle alterum, qui accipit, sibi obligatum esse: adeoque libere pœnitere. Econtra ei, qui necdum implevit contractum, sed tamen ab altero aliquid accipit, non licet pœnitere sed compelli potest Actione præscriptis. verbis, ad implendum contractum; vel si malit is, qui aliquid dedit, conditione, causâ datâ, causa non secuta, ad restituendum, quod datum est. Ita Clariss. D. P. König. ad decret. de pact. §. 3. n. 15. P. Engel. ibid. §. 3. n. 13. Clariss. D. D. Franz. Inst. h. t. n. 13. Fach. lib. 11. cont. 8.*

*Hactenus dictum est, quid & quotuplex sit contractus. Jam verò, cum frequenter contingat, contractibus immisceri dolos, aut eos celebrari metri; Superest inquirere, quid in quovis casu sentiendum? Quæres V. An dolus contractus ipso Jure nullos reddat?*

*Ut solennis ista Quæstio accuratius re-22 solvatur, referre (existimo) an dolus dederit causam contractui, an incidit in contractum? Causam verò dare contractui dicitur dolus, quando quis, eò præscitò nullo modo fuisset contracturus. Sin autem adhuc fuisset contracturus, sed non eodem modo tum dicitur dolus incidere in contractum, v. g. vult quispiam emere vinum Austriacum, & nullum aliud. Venditor decipit emptorem, dando Moravicum, & asserendo,*

do, esse Austriacum. Hoc in casu dolus dicitur, dare causam contractui, quia, præscitò dolo, non fuisset contracturus. Quòd si emptor adhuc emisset Moravicum, sed non eodem pretiò, quo Austriacum, tum dicitur dolus incidere in contractum. *Schamb §. 30. Inst. de act. Zoef. ff. de dolo malo.* His prælibatis, sequitur.

**23** *Assertio I.* Dolus, dans causam contractui bonæ fidei, facit contractum ipso Jure nullum ex parte decepti. Ita re ipsa docent. *Vinn. lib. 1. select. quest. cap. 12. Zoef. loc. cit. Glettle. part. 1. quest. 25. Schamb. loc. cit. Carpz. part. 2. const. 34. definit. 9. n. 3. Guil. lib. 2. obj. 2. n. 6.* Idque, in foro conscientie etiam verissimum, tradunt. *Covarr. in reg. possessor. part. 2. §. 6. n. 6. Molina de J. & J. disp. 352. n. 4. Dissent. Clariss. D. D. Franz. Inst. h. t. n. 85. Haunold. tom. 3. de J. & J. tr. 8. cap. 2. cont. 1. §. 3. num. 85. Probatum nostra Assertio I. per l. & eleganter ff. de dolo malo ubi disertè cautum est, nullam esse venditionem, si in hoc ipso, ut venderet, minor circumscriptus est. *Brunn. ibid.**

*Secundo per l. 3. §. ult. ff. pro Socio*, ubi dicitur, Societatem, si dolo malo, aut fraudandi causâ, coita sit ipso Jure nullius momenti esse, ex ratione, ibi subjectâ, quia contractus Societatis est bonæ fidei, cui nihil est magis contrarium, quàm fraus & dolus.

*Dices: I.* Ubi adsunt substantialia contractus, ibi non potest contractus esse ipso Jure nullus; sed, licet dolus causam dederit contractui bonæ fidei, adest tamen consensus, adiunt cætera substantialia, puta, *merx & pretium*, ergò contractus non est ipso Jure nullus. *℞.* Ad hoc argumentum *neg. min* dolus enim excludit consensum, ad valorem

omnis contractus essentialiter requisitum,

*Instabis:* utique adest consensus in corpus; ergo vera est *minor*, videlicet adesse consensum. *℞.* In contractibus bonæ fidei non sufficere, adesse consensum in corpus, sed requiri consensum in causam siquidem is, qui contrahit, non absolute sed conditionatè consentire, à lege præsumitur, puta, *si omnes circumstantie, quæ ad contrahendum impulerunt, à parte rei subsint.* Unde, si una ex circumstantiis allegatis deficiat, jam etiam deficere consensum, atque adeò contractum nullum esse, intelligitur, *Zoef. loc. cit. n. 14. aliter Glettle tract. de pact. cap. ult. §. 2. n. 17.*

*Objicies II.* Vis, & metus non reddunt contractum ipso Jure nullum, prout infra dicemus ergò neque dolus. *℞. concess. ant. neg. conseq.* Disparitas est, quòd metus palam dolus autem clam inferatur, & is, qui metu inductus consentit, eligendo inter duo mala minus. Contra, dolo circumventi, ut si aliqua voluntas; non tamen tam enixa est, & certa; quàm illius, qui metum passus est, quia decipitur.

*Objicies III.* ex contractu bonæ fidei, cui dolus causam dedit, transfertur dominium *arg. l. 7. ff. de dolo malo*: ergò contractus talis non est ipso Jure nullus, cū n, quod de Jure nullum est; nullum producat effectum. *℞.* Quòd translatio dominii non arguat necessariò valorem causæ præviæ, prout patet in solutione indebiti, ubi si quis, errore ductus, solvat, quod non debet transferri dominium; licet non subsit causa, de Jure valida; & subsistens.

*Objicies IV. l. 5. Cod. de resc. nd. vend.* ubi contractus, cui dolus causam dedit, rescindi dicitur, ergò tenuit, privatio enim supponit habitum. *℞.* Venditionem

ibi

ibi rescindi de facto , prout in simili in l. 1. ff. de feriis. Sententia rescindi dicitur , quæ ipso Jure nulla est.

Cæterum , dixi in Assert. I. ex parte decepti ; nam , si deceptus , & dolo circumventus contractum servare velit , eundem etiam servare tenetur decipiens , cum ex hujus parte consensus sit absolutus , ut temerè refragetur , si alter valorem contractus urgeat , deberet enim propriam turpitudinem in sui favorem allegare , qualem allegans non auditur , l. 30. Cod. de transact. & dolo nemini debet patrocinari , l. 2. ff. de except. doli.

24 Assertio II. Dolus , dans causam contractui stricti Juris , non reddit contractum ipso Jure irritum , l. 5. Cod. de mut. stipul. ubi obligari , ac efficaci actione conveniri posse , dicitur , qui , dolo inductus promisit stipulanti ; competit tamen decepto , si nondum impleverit contractum , exceptio doli mali , qua agentem ex contractu repellit , l. 5. Cod. d. t. & l. 37. ff. de V. O. Si verò contractum jam impleverit , & alia fortè desint remedia , dabitur ei actio de dolo , tanquam ultimum subsidium. Glette tract. de pact. cap. ult. §. 2. n. 23.

Sed an , quæ est ratio disparitatis , quòd dolus dans causam contractui bonæ fidei contractum reddat ipso Jure nullum ; secus contractum stricti Juris ? En hæc est differentiæ ratio , quia in contractibus bonæ fidei consensus requiritur non tantum in corpus sed etiam in causam , utpote in quibus exuberare debet bona fides. In contractibus verò stricti Juris sufficit , adesse consensum in corpus utpote qui recipiunt strictissimam interpretationem , & in iis non veniunt nisi ea , quæ exigi stricta contractus natura , ad quam sufficit , adesse consensum in corpus , Ita subtiliter discurret.

Zœj. loc. cit.

Assertio III. Dolus , insidens in contractum , seu bonæ fidei , seu stricti Juris , non annullat quidem contractum ; datur tamen decepto actio ex eodem contractu , ut damnum refarciatur , atque illud , in quo damnificatus est , suppleatur l. 9. prin. ff. de dolo malo & l. 13. §. 4. & 5. ff. de act. empt. vend. Ita communiter omnes.

Quæres V I. An metus contractum reddat ipso Jure nullum ?

Priusquam resolvatur ista Quæstio , notandum venit , quid ? & quotuplex sit metus ? Itaque

Metus describitur , quòd sit præsentis , vel imminuentis periculi ; vel mali causæ , mentis trepidatio. Hic vel provenit à causa necessaria ; vel à causa liberâ. A causa necessaria dicitur provenire , si incutiat à morbo , periculo naufragii , aut alio simili principio naturali. A libera , si inferatur ab homine. Metus , à causa libera proveniens , dividitur in gravem , & levem. Uterque iterum vel est justus , vel injustus , prout diximus lib. I. tit. 10. n. 95. quò brevitas causa remissus esto.

Assertio I. Metus , procedens à causa necessaria , contractum non reddit irritam , neque irritabilem cap. sicut. & de regular. Ratio , quia injuriam non patitur . qui metum , à causa naturali incussum sustinet. Qua fronte enim , quo colore animi quis Æolo , aut Neptuneo succenseat ; vel eos improbos ; & injustos arguat ; si , concitata , horrida tempestate , quam coegerint , ut Jovillaret ? Accedit , quòd vota etiam & juramenta , ac cæteræ promissiones , in gravi tempestate aut infirmitate ex timore mortis facta , irrefcindibiliter valeant , ergò etiam valebit contractus. Glette tract. de pact. cap. ult. §. 1. n. 8.

Assertio



*Affertio II.* Metus, scaturiens à causa libera sed juste incussus, itidem nullum contractum facit irritum aut irritabilem. Ratio; quia contractum, metu initorum, infirmitas aut rescindibilitas unicè desumitur ab injuria, per metum illatà; sed, quando quis ipse metui causam præbuit, non censetur, ejus illatione injuriam pati. *Confir. ex l. 21. ff. quod met. caus.* ubi dicitur, quòd mulier, quæ, contra patronum suum ingrata, aliquid promissit, ne in servitutem redigeretur, edictò non juvetur, quia, hunc metum sibi ipsi intulisse, creditur.

28 *Affertio III.* Metus, à causa libera injustè incussus, sed levis, iterum contractum non reddit irritum aut irritabilem. Non irritum, quia metus levis ab homine constante spernendus est, & non meretur favorem Juris, qui metu levi frangitur; sed dignum se constituit, ut a sinibus bombis tumuletur. Non irritabilem quia restitutio ex edicto, *quod metus causa*, non ob quemlibet metum, sed eum duntaxat, qui est majoris mali, & in virum constantem cadit, conceditur, *l. 5. l. 6. l. 7. ff. quod met. caus. Zoes. ff. eod. n. 25. Clariss. D. D. Franz. h. t. n. 84.*

*Affertio IV.* Metus gravis, ad extorquendum contractum ab ipsomet contrahente injustè, incussus, non reddit contractum ipso Jure nullum, sed duntaxat irritabilem. Ita *Glettle loc. cit. n. 12. Manz. Inst. de act. §. 25. n. 7. Zoes. loc. cit. & plures ab his allegati. Probat ex l. ult. Cod. de his, quæ vi, &c.*

ubi dicitur, quòd venditiones, donationes, transactiones, per vim extortæ, debeant infirmari, ergò ipso Jure tenent, quod enim ipso Jure nullum est, non dicitur infirmari. *Confirmatur per §. 1. Inst. de except.* ubi, qui, metu coactus, promissit, Jure civili obligatur, eòquòd coacta voluntas etiam sit voluntas, *arg. l. 21. §. pen. ff. quod met. caus.* Is enim, qui vi, metuque cogitur, hoc ipso consentit, dum inter duo mala minus eligit, & mavult contrahere, quàm malum intentatum pati.

Cæterum, sunt certi actus, qui metu iniiti, sunt ipso Jure nulli, ut est

*I. Matrimonium cap. 13. & de Sponsal.* in hoc enim plenissima desideratur libertas, siquidem matrimonia coacta difficiles solent habere exitus. *II. promissio dotis, metu facta, l. 21. §. 3. ff. quod met. caus.* quod, ob favorem dotis, utpote speciale, receptum esse, docet *Zoes. loc. cit. n. 10.* *III. Votum, ad quod emittendum quis metu inductus est cap. 3. & de his quæ vi metusve caus.* *IV. Absolutionis beneficium à sententia excommunicationis, vel alterius censuræ cap. un. eod. in 6.* *V. Tutoris auctoritas, metu extorta, l. 1. ff. de auct. tut.* *VI. Jurisdictionis prerogatio, in aliquem facta per metum, l. 2. ff. de Jud. Zoes. loc. cit. n. 24.*

Porro, *baptismus, confirmatio, & susceptio ordinis*, etsi maxime metus in causam dederit, tenent, nec rescindi possunt, *cap. 3. §. item & de baptis.* Ratio, quia indebilem caracterem ponunt.

## T I T U L U S XV.

## QUIBUS MODIS RE CONTRAHITUR OBLIGATIO.

## S U M M A R I A.

- 1 Ponitur connexio.
- 2 Quæ sit etymologia mutui ?
- 3 Definitur mutuum.
- 4 Quenam res dicantur fungibiles ?
- 5 Oves, & Bores non constituunt objectum mutui.
- 6 Mutuum quomodo differat à commodato, deposito, pignore ?
- 7 Genus & speciem aliter Jurista sumunt, quam Philosophi.
- 8 Si res in eodem genere non est acquisibilis, sufficit præstari estimationem.
- 9 An dicatur, mutuum contrahi, si detur species, ut pecunia, exinde redacta, habeatur mutua ?
- 10 Ad mutuum sufficit etiam ficta traditio.
- 11 Pactum, quò conventum est, ut recipiens decem, restituat undecim, non valet.
- 12 Usuræ usurarum de Jure sunt prohibita.
- 13 Interesse realiter præstitum, in sortem redigi potest.
- 14 Quid Juris, si usuræ non misceantur sorti, sed super illis specialis obligatio conficiatur, & usuræ fictione brevis manus in stipulationem deducantur ?
- 15 An pecunia credita in eadem moneta restitui debeat ?
- 16 Quid Juris, si mutatio moneta facta fuerit ? & quotuplex sit mutatio ?
- 17 An civitas, & quando obligetur ex mutuo ?
- 18 Filiusfamilias non obligatur ex mutuo neque in conscientia.
- 19 Indebitum quid sit ?
- 20 Et quotuplex ?
- 21 22 23 24 25 & 26 Quando detur indebiti repetitio ?
- 27 Quid sit commodatum ?
- 28 Quando differat à mutuo ?
- 29 Ex commodato nascitur duplex actio, directa, & contraria.
- 30 An commodans commodatum ante tempus revocare possit, si ex inopinato grave subiret damnum ?
- 31 Qualem culpam præstet commodatarius ?
- 32 Depositum quid ?
- 33 Nascitur exinde duplex actio, directa & contraria.
- 34 Qualem culpam præstet depositarius ?
- 35 An depositarius re deposita uti possit ?
- 36 Quid si pecunia deposita fuerit ?
- 37 An depositarius in periculo incendi, naufragii, teneatur res depositas præ suis salvare ?
- 38 Quid sit sequestratio ?
- 39 Et quotuplex ?
- 40 Quid sit pignus ?
- 41 Res aliena non potest oppignerari.
- 42 Ex pignore nascitur duplex actio.
- 43 An actio pignoratitia detur contra tertium possessorem ?
- 44 Creditor fructus perceptos tenetur imputare in sortem.
- 45 Ad qualem culpam teneatur creditor ?
- 46 Creditor probare debet, absque sua culpa rem pignori datam, amissam esse.
- 47 Quid sit pactum antichreseos ?
- 48 De Jure canonico reprobatum tanquam usurarium.
- 49 Quid sit pactum commissorium.

CONNE-

CONNEXIO.

**I** Dixit Imperator in §. ult. *praced. t. t.* obligationes, quæ ex contractu oriuntur; aut *re*, aut *verbis*, aut *litteris*, aut *consensu* contrahi. Descendit modo ad singularem specierum declarationem; & primò statim locò declarat contractus, qui re ineuntur, quos enumerat: puta: *mutuum*, *indebitum*, *commodatum*, *depositum*, *pignus*. Qui contractus ideo reales appellantur, quia ad eorum perfectionem rei interventus desideratur. Ita, ut, re non interveniente, nuda pacta, nudæ conventiones sint. Unde licet millies tecum conveniam, quòd velim tibi pecuniam mutuam dare, vel meum equum commodare, vel catenam auream apud te deponere: ex tali tamen conventionem neque mutui, neque commodati, neque depositi obligatio prius confurgit, quam rei traditio interveniat. *Manz. Schneid. & Wesemb. hic.*

AD PRINCIPIMUM.

**2** *Primus* contractus, qui re initur, est *mutuum*, circa cuius ethymon varii non fuerunt mutui, vehementi inter se agitati diffidiò; non à mutatione; num exinde, quòd ex meo tuum fiat, statuenda foret mutui originatio? Mihi placet illa mutui ethymologia, quòd ex meo tuum fiat, ita, ut, vice versà, ex tuo rursus fiat meum, in re scilicet ejusdem generis. *l. 2. ff. de R. C. Harp. Inst. hic. n. 5. & 6. Hum. var. resol. lib. 3. tract. 3. p. 1. q. 1.*

**3** *Definitur* mutuum, quòd sit *contractus re initus*, *nominatus*, & *stricti Juris*, quòd *res fungibilis eà lege datur, ut non in specie* (hoc est individuò) *sed in genere redatur ejusdem qualitatis*, & *bonitatis*. *Clingensp. q. 3. h. t. Harp. n. 7. Hæc*

ipsa definitio, utpote ex magnorum virorum eliquata definitionibus, ut reddatur luculentior, juvabit accuratam ejusdem analysin posuisse.

**Dixi I.** *Contractus*, quæ vox locò generis ponitur; mutuum enim contractum esse, nemo est qui neget, idque probant text. in §. 2. *Inst. de J. N. G. & C. §. ult. Inst. oblig. junctà l. 1. §. 1. & 2. ff. de O. & A.*

**Dixi II.** *Re initus*; quia (ut paulò ante dictum est) ad sui perfectionem requirit rei interventum, ita, ut à traditione rei totam suam substantiam capiat, *l. 1. §. 2. ff. de O. & A. l. 2. §. 3. ff. de R. C. Harp. n. 10. Zoes. d. t. n. 8.*

**Dixi III.** *Nominatus*, quoniam speciale nomen & quidem elegantissimum, atque nullis aliis contractibus communicabile, Jure civili proditum, habet, *l. 2. ff. d. t.*

**Dixi IV.** *Stricti Juris*, arg. §. 28. *Inst. de act.* ubi dicitur, omnes contractus, ibi non enumeratos, esse stricti Juris; atqui mutuum non enumeratur, ergo est contractus stricti Juris.

**Dixi V.** *Quòd res fungibilis*, id est talis quæ *pondere*, *numero*, & *Mensura* constat; quod tamen ita accipiendum non est, quasi mutui datio consistat in omnibus istis rebus, quæ numerum, pondus, vel mensuram habent; hoc enim sensu omnes, ac singulæ res mutuo dari possent; siquidem nihil in rerum natura est reperibile, quod numerum, pondus, vel mensuram non habeat, & etiam equi, muli, domus, fundi, &c. numerari possint. Verum, ex demum res numero, pondere, & mensurà constare dicuntur, quæ ita in genere suo functionem vicissitudinariam recipiunt, & una alterius vice ita fungitur; ut, re ejusdem generis solutà, idem, quod creditum est, quoad

bonitatem, & qualitatem secundum moralem hominum æstimationem redditum esse videatur. Ejusmodi res fungibiles sunt v. g. vinum, oleum, frumentum, argentum infectum, æs, aurum, pecunia signata. Vinum Mensurâ, argentum infectum pondere, pecunia signata numero constare dicitur, quoniam existimatio vini, eodem locò, & annò nati, ex sola mensura pendet; argenti infecti valorem solum pondus indicat; pecuniæ signatæ summam solus numerus conficit. Unde, si tibi mutuò decem pondera argenti; licet mihi non hæc ipsa pondera in specie, seu individuò restituas, sed alia pondera ejusdem bonitatis, & qualitatis, censeor in morali hominum æstimatione idem habere, quod dedi; similiter discurrendo de vino, & pecunia signata. *Clariff. D. D. Woller tract. de Mutuo, cap. 1. n. 43.*

Ex dictis suâ sponte fluit in aliis rebus, (puta, fundis, ædibus, libris, vestibus,) mutuuum non contrahi; licet enim etiam istæ res numerari, vel appendi, vel mensurari possint, quia tamen in genere suo vicissitudinariam functionem non recipiunt, hoc est, altera alterius vice non ita fungitur, ut re, ejusdem generis solutâ, æquè creditori satisfiat, ac si res ipsa, quæ mutuò data fuit, statim ipsi reddita esset, idèò objectum mutui non constituunt; enimverò, ejusmodi res totaliter diversas esse, videas; fortè quia fundus unus situ præstantior, ædes arte, & symetria pulchriores, libri typò ornatiores, vestes arte, & formâ nobiliores sunt, ita, ut si alius fundus, aliæ ædes, alii libri, aliæ vestes redderentur, non idem, quod mutuò datum redditum esse intelligeretur. Solidè *Clariff. D. D. Woller loc. cit. cap. 3. n. 51.*

Ex eodem fonte, pronò velut alveò, 5  
fluit. Oves & Boves in mutuuum dari non posse, ita, ut si mihi gregem bouum, & ovium dares, ut totidem tibi reddam, mutuuum non constituatur. Ratio: quia vix credibile est, oves tantam habere invicem similitudinem, ut una ab altera neque formâ, neque magnitudine, neque pondere, neque qualitate, aut bonitate differat. Et quamvis aliquando in duobus individuis æqualitas reperiatur (v. g. in duobus equis) merè per accidens & singulare est, ad quod non reflectendum, l. 5 ff. de ll. *Hunn ad Treutl. vol. 1. disp. 18. Q. 8. Manz. n. 9. hic. Haunold. de J. & J. tract. 9. n. 313. Clariff. D. D. Franz. Inst. h. t. n. 38.*

Dixi VI. Eâ lege datur, quibus ver- 6  
bis differt mutuuum à commodato, deposito pignore in quibus res nostras ita aliis tradimus, non ut accipientium fiant, & dominium transferatur; sed, ut de iis usum, custodiam, vel securitatem crediti habeant. In mutuo verò res ita datur accipienti, ut is rei, mutuò datæ, dominus fiat; dare quippe est, dominium transferre, §. 14. *Inst. de act.* Unde oportet, mutuò dantem, esse dominum rei mutuò datæ, aliàs enim transferre dominium non posset: quia, quod quis non habet, alteri dare non potest. Unde mutuuum non contrahitur, si pecuniam alienam alteri dederò, l. 11. §. fin. & l. 13. ff. de R. C. *Manz. n. 6.* consumptione tamen, bonâ fide factâ, mutuuum reconvalescit d. l. 13. *Brunnem. ibid. Clariff. D. D. Woller tract. de Mut. cap. 1. n. 83. Chlingensp. Q. 7. h. t.*

Dixi VII. Ut non in specie, sed in gene- 7  
re reddatur. Ubi observâ, quòd Jurisperiti genus, & speciem aliter sumant, quàm Philosophi: enim verò, quod Philosophi nominant speciem, Juristæ genus appellant, & quod Philo-  
sophi



sophi individuum nuncupant, Juristæ nominant speciem. *Schamb. hic. Clariss. D. D. Woller. cap. 1. num. 54.* Itaque, non in specie, sed in genere mutuum reddatur, necesse est. Ratio, quia ideò aliquis mutuum accipit, ut in usus suos impendat; sed, si rem mutuò acceptam, in specie deberet restituere, eà uti non posse, quia fungibilium usus consistit in abusu, & earum non est utilitas, nisi in consumptione. Deinde, si res mutuò data, in specie reddenda esset, tunc negotium hoc in speciem alterius contractus incideret, puta, commodati, depositi, vel precarii, *Manz. n. 13.*

Denique in eodem genere, res mutuò data reddatur, necesse est, id est triticum pro tritico, vinum pro vino, æs pro ære, plumbum pro plumbo, &c. nam, si conveniatur, ut res diversi generis restituatur; puta, vinum pro tritico, equus pro oleo, frumentum pro pecunia, ex tali negotio oriretur vel permutatio, vel contractus innominatus, do ut des, *l. fin. ff. præscript. verb. Harp. n. 17. Mynsing. n. 6.*

Dixi VIII. *Ejusdem qualitatis, & bonitatis*, quia aliud pro alio invito creditori solvi non potest, *l. 2. §. 1. ff. de R. C.* Unde vinum novum pro veteri, avena pro tritico non rectè redditur, *l. 3. ff. eod. Manz. num. 15.*

8 Nisi fortè res credita in eodem genere non esset reperibilis, aut difficulter acquisibilis: hoc enim casu debitor, solvendo æstimationem, liberaretur, *Nov. 4. cap. 3. auth. hoc: nisi Cod. de solut. l. 22. ff. de R. C. Haunold. tract. 9. cap. 3. cont. 7. n. 341. Brunnem. in d. l. 2. §. 1. n. 19. Concord. Fünsterw. lib. 2. obs. 69. per tot. Walter de Jure consuet. lib. 2. tit. 17. Von Solutionen, Bezahl-und Abrechnungen derer Schulden. Vers. desgleichen. Illis verbis: Gleicher Weise &c. i. e. Ex*

*eadem ratione non potest debitor creditori corpus aliud pro alio in solutum dare; veluti agrum pro prato, vas argenteum pro pecude. Cum autem debitor corpus ipsum, quod tradendum esset, penes se non habet: idque citra ejus negligentiam periit; tunc creditori incumbit ex bonis debitoris aliquid accipere ejusdem pretii: ita tamen ut electio penes creditorem, non vero debitorem sit.*

Ex hætenus dictis facile colligere est, quæ sint requisita mutui? enimverò *Requiritur I. ut res sit fungibilis. Ubi*

*Quæres I. An possit dici, mutuum contrahi, dando speciem, ut ex ejus distractione procedens pecunia habeatur mutua*

*Dixeris, quòd non, I. per l. qui negotia. 34. ff. mandati. his verbis, His argumentum esse, eum, qui cum mutuam pecuniam dare vellet, argentum vendendum dedisset, nibilo magis pecuniam creditam rectè petiturum. Sanè, si pecuniam statim petere potest, certè non est mutua, quia, ut fiat mutua, debet in dominium alterius transferri & non in specie repeti.*

II. Mutuum ex eo dicitur, ut ex meo tuum fiat: ergò cum pecunia, ex lance redacta, non fuerit adhuc mutuantis; non erit mutua.

Verùm tenendum est, in præfato casu mutuum contrahi. Ita *Zoef. de R. C. n. 9. Hunn. var. resol. lib. 3. tract. 3. Q. 5. Clariss. D. D. Woller. loc. cit. cap. 3. n. 56. Harp. n. 90.* Nittitur hæc Sententia expresso textu *l. rogasti II. ff. de R. C. ubi habetur iste casus: Rogasti me, ut tibi pecuniam crederem; ego, cum non haberem, lancem tibi dedi, ut eam venderes, & nummis utereris; si venderis, puto, ait JCtus, mutuam pecuniam factam. Quid, ait, illustrius? quid plinius? Juris-Consultus, non ipsam lancem, dicit mutuam fieri, sed pecuniam ex lance vendita redactam.*

Ad I. R. d. l. 34 loqui de stricta Juris ratione, secundum quam pecunia, ex argento, vel lance redacta, non potest dici mutua facta. Tum quod mutuum *re*, id est *numeratio* fieri debeat, & non *nuda conventione* contrahatur: tum quod mutui naturæ non conveniat, ut pecunia, quæ nunquam fuit mea, mutua fiat, cum mutui natura sit, ut de meo tuum fiat; altera autem *l. rogasti* II. intelligenda sit de æquitate, & singulari benignitate Juris, quod fingit, pecuniam, ex re vendita redactam, pervenisse, brevi manu quasi traditam ad dominum lancis, ac eandem illico ab ipso recepisse Ita Zoef. & Schamb. aliter Harp. n. 9

Ad II. ex dictis patet solutio. Jura enim hoc casu fingunt, quod creditor brevi manu pecuniam acceperit, & deinde debitori, tanquam mutuam, dedit.

*Quæres II.* Quid Juris in hoc casu? Rogasti me, ut tibi pecunias darem mutuas. Ego cum paratas pecunias non haberem dedi tibi chirographum, quo Titius, se meum debitorem esse, confessus est, ut exigas debitum, exactâ pecuniâ utaris; postea verò mihi tantumdem restituas. Tu pecuniam, ob ejus fortè inopiam, obtinere non potuisti; *queritur*, an tenearis mihi pecuniamolvere loco illius chirographi? an ego, chirographum recipere tenear? R. me teneri ad recipiendum chirographum, quia ante veram numerationem pecuniæ, à Titio mihi debitæ, non contrahitur mutuum. Siquidem etiam in fictis traditionibus requiritur, ut creditor per fictam manû accipiat pecuniam. Accedit, quod in *cit. l. Rogasti*, non dicatur, lancem fuisse fictam mutuam, sed pecuniam, exinde redactam; ergo & hoc in casu dicendum, non chirographum fuisse mutuum factum, sed pecu-

niam, ex eo redactam. Ita judicatum fuisse in facultate Juridica Lipsiensi, Testis est *Clariff. D. D. Woller cap. 3. n. 99.* Idem tenet *Carpz. Part. 2. Decis. 129.* *Brunn. in d. l. rogasti. §. l. 15. ff. de R. C.* ubi ait, idem tenendum, si uxor marito *nomen* in dotem dedit, & maritus pecunias, ob inopiam debitoris obtinere non valet. Quem *casum*, utpote *quotidianum*, diligenter nota.

II. Ad *mutuum* requiritur *consensus* mutuantis, & mutuarii, & quidem in translationem domini: natura enim mutui est, ut ex meo tuum fiat. *Zoef. ff. de R. C. n. 10.*

Unde fluit, si ego, quasi deponens pecuniam tibi dederò, tu, quasi mutuam accipias, aut vice versa. Item, si tu pecuniam quasi mutuam dederis ego, quasi commodatam, ostentandi causa acceperim, contractum mutui non celebrari. Contractus enim *depositi*, & *commodati* non sunt translativi domini, *l. 1. ff. depositi. l. 1. §. 1. §. l. 10. ff. commodati. Clariff. D. D. Woller. cap. 4. n. 19. §. 20.*

III. Desideratur ad *mutuum traditio*, *Id* eaque vel *vera*, vel *ficta*. Vera intervenire dicitur, quando quis verè, & realiter rem alteri mutuum dat; prout, si quis physicâ numeratione pecunias alteri tradit. Ficta vero traditio intervenit, quando res, quæ creditur, fictione tamen Juris pro tradita habetur; prout contingit, I. si Titio, mutuum roganti, catenam auream vendendam, ut pecuniam, inde redactam, sibi mutuam habeat, *d. l. rogasti, l. 1. ff. de R. C.* II. si pecuniam meam, apud te deposuero, & postea tibi roganti permisero, ut ea utaris ex causa mutui, *l. 9. §. fin. ff. cod.* III. si tibi, roganti mutuum, debitorem meum, pecuniam mihi debitam, dare jussero. Vel, si inter nos conven-

rit, ut pecuniam, quam ex causa mandati mihi debes, eam, crediti nomine, teneas, *l. 15. ff. eod.* Nec obstat *l. 34. ff. mandati*, quæ *d. l. 15.* diametraliter refragari videtur; enimverò illa de *stricto Jure*, altera verò *l. 15. de benignitate Juris* intelligenda est. *Zoef. ff. de R. C. n. 11.*

II IV. Requiritur, ut *tantumdem* restituatur, hoc est nec *minus*, nec *plus*, quam mutuo acceptum est; creditor enim ultra creditum, & sortem principalem ex vi mutui & debito Justitiæ nihil petere, aut ullum lucrum accipere potest, ita, ut pactum illud, quo conventum est, ut recipiens decem florenos mutuos, restituat undecim, non valeat, & non nisi decem exigi possint. *l. 11. §. 1. ff. de R. C.* Ratio, quia mutuum re contrahitur; re autem non contrahitur obligatio ultra id, quod datum est, *l. 17. ff. de pact. l. 9. Cod. de non numerat. pecun.* & pactum contractui stricti Juris adjectum eidem, juxta communem D. D. sensum, non inest. *Zoef. ff. de pact. n. 63.*

Ampliatur, ut, quod ultra sortem numeratam promissum est, neque tanquam *usura*, quæ de Jure illicitæ sunt, & improbæ, *l. 20. Cod. quib. ex caus. infam. irrogetur*, neque Jure donationis, utpote quæ in dubio non præsumitur, peti possit, *Humm. ad Treutl. vol. 1. disp. 18. q. 12. §. 13. clariff. D. D. Franz. Inst. hic. n. 36.*

Quæ procedunt de rigore Juris communis; aliud obtinet de consuetudine ferè totius *Europæ*, & principaliter inferioris *Austriæ*, secundum quam quinque, vel sex floreni pro singulis centenis licitè recipiuntur. Ita docet, & comprobat *Neue Nieder Oesterreichische Executions-Ordnung Tit. 10. §. 3. ibi: der auf 5. oder meistens 6. procento zugelassenen Interessen halber &c.* Qui vero 7. 8. 10.

vel 12. pro 100. recipiunt, non jacturâ fortis duntaxat, sed poenâ etiam corporali puniuntur. *Neue Nieder-Oesterreichische Executions-Ordnung. d. Tit. 10. ibi: derjenige, &c. i. e. Fenerator non modo privatione fortis creditæ, verum etiam præstatione ejus quod interest, nec non animadversione in corpus bonaque, pro ratione delicti feneratoris, penas dabit laud remittendas; qua in re judex etiam ex officio agere debet.* Quo in passu illud quoque singulariter notandum duxi, quod de Jure Austriaco ex instrumento obligationis aliquis conveniri nequeat; nisi causa debendi Instrumento obligationis expressè inserta fuerit, *D. N. Executions-Ordnung. 1. §. ibi: als setzen, &c. i. e. Volumus & statuimus, ut in omnibus in posterum instrumentis credendi debendique vera causa obligatorii contractus exprimat. Ac cum ea non ex numeratâ pecuniâ, verum ex aliis rebus datis & creditis erit, tunc earum verum genus & qualitates, ut & pretium, quo ea date fuerint, erunt exprimenda. His autem in instrumento crediti deficientibus, nulla propter id executio judicialis prius impetrabitur, quam iis de rebus sententia causâ cognitâ lata fuerit*

Præterea de Jure Austriaco non minus receptum, quam Jure communi comprobatum est, quod debitore, in mora existente, usuræ à tempore præfixæ solutionis confestim currant, eo quod dies interpellat pro homine, *l. magnum 12. Cod. de trab. & committend. stipulat. Sutting. in Manu Script. tit. 1. Vers. Interesse*, illis verbis: *dass nemlichen die Interesse von zeit des aufgesetzten Zahlungs-Termin anfangen zu lauffen*; ex eo, quod dies interpellat pro homine; *ist erkannt worden*, in causa &c.

Quod si verò quis adsponderit, se quam primùm soluturum, & usurarum nulla facta fuerit obligatio, usuræ non debent

debentur, nisi à tempore litis. *Sutting. loc. ibi: Wann sich einer, das Capital mit ehestem zu bezahlen, verschreibt, kan man gleichwohl ebender keine Interessen als tempore litis b'gehren.* Concord. *Carpz. in Respons. lib. 4. resp. 56. Wo keine Interessen ver'schrieben, auch kein Terminus solutionis f'w'gesetzt, ist man, das Interesse allein von Zeit der Klag zu bezahlen, schuldig.*

Ex dictis habes, quid Juris? & Præxeos sit circa Usuras? jam

*Quæres III. Quid Juris in Usuris Usurarum? v. g. queritur: an Creditori Interesse alterius Interesse exigere, concessum sit? Ut ecce: Titius debet Cajo in capitali 1000. fl. & in singulos annos locò interesse, 5. pro centum. Jam Titius per quatuor annos Interesse, quod ad 200 fl. excurrit, non solvit. Quæstionis est, an Cajo concessum sit, non duntaxat istos ducentos florenos, sed & de his 5. pro centum interesse exigere.*

- 12** *R. Usuras usurarum de Jure adeò esse prohibitas; ut id nemo, nisi insanus, nesciat. Ita enim disertè cautum est in l. 28. Cod. de Usur. his verbis: quapropter hac apertissima lege definimus, nullò modò licere cuiquam usuras præteriti temporis vel futuri in sortem redigere, & earum iterum usuras stipulari. Et hic modus, quoties usura, sorti conjuncta, alias usuras parit, vulgò Anatocismus appellatur, in tantum prohibitus, ut, licet usuræ usurarum promissæ fuerint, hand tamen debeantur, quin & solutæ conditione indebiti jure repetantur, l. si non sortem ff. de usur. Carpz. part. 2. const. 30. def. 29. n. 3. Finslerwald. lib. 2. obs. 14 n. 2. Wesemb. consil. 72. n. 6. Et tamen si Berlich. part. 2. concl. 38. n. 33. & Menoch. de Arbit. lib. 2. Cent. 2. cas. 119. num. 17. & seqq. differentiam sta-*

tuant inter usuras usurarum, & interesse alterius interesse, ita, ut, usuras usurarum prohibitas esse autument, interesse verò alterius interesse exigere posse, censeant; explosa tamen dudum est plena iniquitatis eorum sententia, ac proinde constanter tenendum, nec usuras usurarum, nec interesse alterius interesse licitè exigere posse, ex ratione, quòd interesse non minùs sint accessiones ac ipsæ usuræ, l. 1. §. *bellissimè ff. ut legat. caus. caut. accessionis autem accessio nunquam præstanda, & accedens accidentis non detur, arg. l. 1. ff. de usufr. legat. Carpz. loc. cit.*

Concord. *Jus Aust. per General. Cef. de anno 1659. ibi: Jedoch wollen wir hierdurch anietzo so wenig; als zuvor, die Interessen zu Capitalien zumachen zugelassen haben. Vide Cod. Austr. lit. IV. vers. Wucherlichen Contracten.*

Sanè, interesse solum, & realiter <sup>13</sup> præstitum quin in sortem redigere liceat, dubitandum non videtur, eo quod nova fors constitutur, neque interesse alterius interesse, ob dominium, in creditorem semel translatum, ampliùs dici possit, l. in re mandata ff. mandati. Zoef. ff. de usur. n. 27. Finslerwald. lib. 2. obs. 14. n. 9.

*Quæres IV. Quid? si usuræ non mis-* <sup>14</sup>  
ceantur sorti, sed super illis specialis obligatio confecta, inque ea, usuræ ex ea pecunia, quæ antea usura erat, fictione brevis manùs, fuerint in stipulationem deductæ?

Sunt, qui, hoc licere, existiment. Ratio videtur esse ista, quia nihil interesse videtur, utrùm creditor usuras realiter, & verà traditione acceptas, statim iterum mutuo det; an verò debitor, ut mutuo fictione brevis manùs acceptum, recognoscat: sicuti ergo usuras, realiter præstitas, creditor debitori  
mutuas



mutuas rectè dat, & in novam sortem reducit; ita quoque videtur concessum esse, ut usuras fictione brevis manus in novam sortem redigat.

Verùm, tamen hanc sententiam, *Cothmann. Conf. 18. n. 218. Berlich. Decis. 268. n. 8.* suo dignentur assensu; contraria tamen longè verisimilior, & in conscientia videtur esse tutior. Tum quia debitor faciliùs stipulatur usuras usurarum, & fictione brevis manus mutuo acceptas, confitetur: quàm veteres realiter solvit, Tum, quia *d. l. 28. Cod. de usur.* generaliter *Anatocisimum* prohibet, & per *Generale Casarion de Ann. 1659.* indistinctè prohibetur, ne usuræ redigantur in sortem. *Accedit*, quòd hæc ipsa via paratissima foret, ad mergendos miseros debitores, qui inopia, & necessitate pressi, nescio quid, brevi manu acceptum, confiterentur. Sed, O tempora! O mores! plurima circa materiam usurarum disputantur, & sanciuntur, paucissima verò observantur, & quos, infensissimos earum hostes esse, oporteret, spe infamis lucri allectos, intimos amicos experimur. Sunt, qui miserè depulmant, extenerant, trucidantque infortunatos debitores, nunquam desinunt, ut jure liceat exclamare: *Germaniam immensò fenore exhauriri.*

Quintò ad mutuum requiritur, ut restituatur in eodem genere, ejusdem bonitatis, & qualitatis, v. g. vinum pro vino, triticum pro tritico, pecunia pro pecunia. *Wesemb. num. 6. Manz. n. 14.*

15 Quæres V. An pecunia credita in eadem moneta, & eadem materia restitui debeat? v. g. queritur, an, si alicui credita esset certa pecuniæ summa in moneta aurea (v. g. in *Duggaten*) possit in moneta argentea (v. g. in *Thaleren*) restitui?

*Kees ad Institut.*

*Dixeris* prima fronte, mutuum in eadem moneta, qua datum, restituendum esse; quia creditori aliud pro alio non potest restitui, *l. 2. §. 1. ff. de R. C.* Sed, si pro auro argentum restitueretur, aliud pro alio solveretur, ergò pecunia credita in eadem moneta, qua data est, restitui debet.

Verùm, hæc *dubitandi ratione* non obstante, proposita *Questio* ope *Distinctionis* dirimenda est, an nimirum inter contrahentes conventum sit, ut solutio fiat in moneta aurea, quæ data est, nec ne? Si conventum sit, res expedita est; statur enim pacto, cum contractus ex conventionem legem accipiat, *l. 1. §. 6. ff. depositi.* Concord. *Walter de Jure consuet. Aust. lib. 2. tit. 17.* ibi: *Zu dem anderen, wann die Contrahenten auf den Münz-Form, und Schlag contrahiren, nemlichen Duggaten, Cronen-Thaler &c. so muß der Schuldner mit gleichem Schlag bezahlen.*

Si non sit conventum; mutuum in alia moneta restitui posse. Ita *Zoëf. ff. de R. C. n. 22. Fach. lib. 2. cap. 50. Harp. num. 190. Menoch. Consil. 49. n. 38. Humm. ad Treutl. vol. 1. disp. 18. th. 12. q. 45.*

*Ratio sola sed solida* est, quia pecuniæ bonitas non consistit in materia, sive corpore pecuniæ sicuti bonitatis vini in ipso vino; sed in valore impositio, & quantitate, secundum quam æstimatur, uti patet ex text. *l. 1. ff. de contrab. empt.* His verbis: *eaque materia, formâ publicâ percussâ: usum, dominiumque non tam ex substantia præbet, quàm ex quantitate.* Ex quo colliges; si quis florenum mutuum det, non censeri, ipsum corpus sed valorem, id. 60. crucigeros, mutuos dedisse, quos si debitor solvit: idem reddit, tam quoad quantitatem, quàm quoad bonitatem: nam, pecuniæ

bonitas in solo valore, à Magistratu vel principe imposito, consistit.

Ad rationem dubitandi *R. neg. min.* Bonitas enim pecuniæ non in materia, sed valore impositio consistit. Unde, si monetam argenteam pro aurea restituas, modò adæques quantitatem, idem quod accepisti, reddidisse diceris. *Quæro te:* ego habeo Aureum in specie, qui tunc temporis valet 4. florenos, tu habes duos Imperiales, quorum unus impræsentiarum valet 2. fl.; quis altero est ditionior? Hæc alta pace procedunt. At,

16 *Quæres VI.* Cujus temporis æstimatione habenda sit, mutatione monetæ facta?

*Observa:* mutationem monetæ aliam esse *intrinsecam*; aliam *extrinsecam*. Intrinseca fit, quoties eadem æstimatione, sive idem valor manet; sed *materia* pretiosior aut vilior efficitur, *Wann die Thaler, oder Gold-Gulden an der Feme schlechter: oder an dem Gewicht ringer werden.* Extrinseca mutatio fit, quoties materia non mutatur, sed tantum æstimatione, sive quoties valor pecuniæ crescit, vel decrescit. *Also hat der Reichs-Taler gegolten, Ann. 1610. 1. fl. 24. kr. An. 1615. 1. fl. 30. kr. An. 1620. 2. fl. 20. kr. An. 1621, in dem Martio 2. fl. 30. kr. Majo. 2. fl. 48. kr. Junio 3. fl. 6. kr. Julio 3. fl. 15. kr. Augusto 4. fl. Septembri 4. fl. 30. kr. Octobr. 5. fl. Novemb. 5 fl. 30. kr. Decemb. 6. fl. 30. kr. An 1622. 7. fl. 30. kr.* His positis.

*R. Sive* Mutatio monetæ intrinseca: sive extrinseca facta fuerit, tempus contractus inspicendum esse, quantitatem quæ credita est, eandem quantitatem quæ credita est, restitui debere, non in tot præcisè aureis, aut in talibus nummis, data est; sed, si æstimatione creverit, pauciores; sin decreverit, plures & quidem in talibus nummis, quales repe-

riuntur tempore solutionis, restituendos esse. Ita *Harp. n. 209. & n. 211. Menoch. lib. 2. de arbitr. cas. 907. num. 9. & 10. Myns. cent. 4. Obs. 1. Berlich. p. 2. concl. 36. num. 5. Hunn. d. disp. 14. th. 11. Chling. Inst. b. 1. q. 12.* Ubi, ita Inclytam Facultatem suam respondisse, dicit. Ratio non est alia, quàm, quòd pecuniæ bonitatis non consistat in corpore, sed in valore impositio, & quantitate, secundum quam æstimatur; ergò debitor non tenetur, tot corpora, quot accepit, restituere; sed quantitatem, & summam illam quam accepit, hanc si restituat, rem in eadem bonitate restituisse, dicitur.

*Dices:* In æstimatione vini non tempus contractus, sed solutionis, spectandum est. *l. 22. ff. de R. C.* ergò idem in pecunia statuendum. *R. Con. ant. neg. conseq.* Disparitas est, quòd bonitas vini consistat in corpore, ut corpus censeatur mutuo datum fuisse: bonitas autem pecuniæ non consistit in corpore, sed in quantitate.

Poriò, hæc materia de mutatione monetæ tam *diffusa & confusa* est, ut, illam ex assè discutere, & in certam regulam deducere, temporis angustiae non patiantur, nec id exigit instituti ratio. Unde te remitto ad *Resolutionem Casaream de dato Vienne 20. Aprilis Anno 1627.* quam recenset *Fünsteruv. lib. 2. obs. 198. n. 5. & Cod. Austri. lit. M. vers. Münz. Resolution.* Ubi aliquot regulæ statuuntur, quas judicando observandas esse, decrevit *Ferdinandus II. Imperator.*

Tamen si, pro ratione instituti iusto plura fors dixisse videar; non possum tamen, ob materiæ eximiam utilitatem, continere calamus, quin huic materiæ adhuc jungam illa duo specialia, quæ in acceptione mutui, à civitate, & Filio familias facta, singulariter recepta sunt. Itaque,

*Quæres*

17 *Quæres VII.* Quid Juris, si civitas mutuam acceperit? *R.* Distinguendum esse, an ipsa civitas (forte per actorem suum, ad hoc nominatim deputatum, communicatō prius consilio) pecuniam mutuam receperit; an Administratores & Syndici, nomine civitatis, pecuniam acceperint mutuam?

Si ipsa Civitas, non minus, quam quisque alius privatus, obligatur, tamen si pecunia in ejus utilitatem versa non fuerit; civitas enim Jure privatorum utitur, *l. 16. ff. de V. S.* Si administratores, tunc Civitas prius non obligatur, quam, si à creditore probatum fuerit, pecuniam in utilitatem civitatis conversam esse. Ita sancit, *text. capital. in l. civitas. 27. ff. de R. C. Zoëf. ff. d. t. num. 41. Hunn. var. resol. lib. 3. tr. 3. p. 1. q. 18. Clariss. D. D. Franz. Inst. b. t. num. 37.*

18 *Quæres VIII.* Quid Juris, si Filius-fam. pecunias mutuas acceperit? *R.* Filios-familias in Jure habere pingue aliquod beneficium, quod vocatur *S. C. Macedonianum*, vi cujus beneficii ex contractu mutui non obligantur; ita, ut non tantum in foro civili, sed etiam in foro conscientie non teneantur, pecunias mutuo acceptas restituere.

Non in foro civili, *l. 1. ff. ad S. C. Maced. § l. 9. §. 2. ff. eod.* Non in foro conscientie: potuerunt enim Legislatores, tum in poenam, & odium fœneratorum; tum ob bonum Reipublice statuere, ut per hanc exceptionem in utroque foro mutuo dantes excludantur, & Jure repetendi priventur, *d. l. 9. §. 2.* Ita docent *Molin. de J. § J. disp. 101. n. 6. Less. lib. de J. § Just. cap. 20. Dub. 2. n. 2. Panormit. in cap. Novit. 13. de Jud. n. 33. Haunold. tom. 3. tr. 9. cap. 3. cont. 6. n. 227.* Quod ipsum vel maxime procedit de Jure Austriaco ex Constitutione Rudolphi 11. Imper. de dato 18.

*Julii 1601. ibi: Die sollen &c. i. e. ii non solum jacturam patientur ejus quod juvenibus mutuam dederint; verum: etiam probatione facti, graviter plectentur.* Vide *Cod. Austr. lit. S. vers. S. C. Maced. & Finsterw. lib. 2. Obs. 10.*

Dices: Si Filius-fam. mutuo quod accepit, solvit, non habet soluti repetitionem, *l. 9. §. 4. ff. ad S. C. Maced.* Ergo signum est, quod obligantur naturaliter, argumentō eorum, quæ dicta sunt ad *Lib. 11. Tit. X. n. 24. vers. Probatur 1. R.* Hoc speciale esse in Filio-fam. quod naturaliter non obligetur; & tamen soluti repetitionem non habeat. Ratio Specialitatis est, quia post solutionem, semel factam, cesset periculum, propter quod *S. C. Macedonianum* introductum est; scilicet, ne filius-fam. à creditore compulsus, insidietur vitæ parentis. *Haunold. loc. cit. Clariss. D. D. Franz. Inst. hic. n. 27. Zoëf. ff. de S. C. Maced. Quos, utpote hac de materia prolixius discurrentes, consule.*

## §. Is quoque I.

*Secundus Contractus*, qui Re initur, est *Indebitum*, quod desinitur, quod sit quasi contractus re initus, quo pars quapiam per errorem solvit parti alteri, credenti quod sibi debeat, id quod non debetur *Schamb. Inst. hic.*

Dicitur I. quasi contractus, ita enim sancitur in *§. 6. Inst. de oblig. qua ex quasi contractu, Manz. hic. n. 21.*

Dicitur II. per errorem, siquidem qui scienter indebitum solvit, donasse censetur, ex regula: *cujus per errorem dati repetitio: ejus consulto dati, donatio est l. 53. ff. de R. J.*

Dicitur III. Credenti quod sibi debeat; nam, scienter indebitum suscipiens, convenitur ut fur. *l. 18. ff. de cond. fur.*

Dicitur V I. *Quod non debet.* Ubi *Premitto*, indebitum esse *quadruplex*.

- 20 I. *Indebitum civiliter sed naturaliter* debitum; puta, si quis solvit id, quod ex nudo pacto debet; vel id, quod alicui ex testamento, minus solenni, relictum est, juxta dicta *Lib. II. Tit. X. n. 24.*

II. *Indebitum civiliter & naturaliter* debitum, quod datur in obligatione litterarum. Item in debito ex causa mutui; quod creditor mihi remisit per nudum pactum de non petendo, quo tollitur naturalis obligatio, remanente solâ civili.

III. *Indebitum naturaliter & civiliter*, ut quando solvitur id, quod nullo Jure debetur.

IV. Est indebitum ope *Exceptionis*, ut quando quis naturaliter, & civiliter obligatus est, competit tamen ei exceptio. Ubi tamen adhibenda *Distinctio*, an sit exceptio *temporalis*, an *perpetua*? Item an *favorabilis* an *odiosa*? His premissis, sequitur,

- 21 *Affertio I.* *Indebitum civiliter, naturaliter* tamen debitum; si solvatur, per *Conditionem Indebiti* repetere non possum; in regulam enim jam abiit, quod *repeti prohibeantur, qua naturaliter debita solvuntur*, l. 3. §. *fin.* ff. *quod quisque Jur.* l. 60. ff. *de condict. indeb.* Ratio rationis, quia qui taliter solvit, errat in Jure: solvens autem ex errore Juris, repetitionem non habet, l. 10. *Cod. d. Jur.* §. *facti ignor.* Harp. n. 52. ubi octo argumenta contraria exactè refutat.

*Excipitur* tamen *minor. 25. annis*, qui licet per errorem Juris indebitum solverit, *conditionem* tamen, sive repetitionem habet: error enim Juris minori non officit, l. 9. ff. *d. t. l. 25. §. Sin autem.* ff. *de Prob.*

- 22 *Affertio II.* *Indebitum naturaliter & civiliter* debitum, indistinctè repeti potest, sive fuerit facta solutio per erro-

rem Juris, sive facti: inique enim petit alter cum alterius jactura locupletari. *Accedit*, quod id, quod civiliter tantum debetur, neque naturaliter, neque civiliter, propter defectum *consensus*. Non civiliter, propter *exceptionem*; licet enim creditor actionem habeat, hæc tamen actio ejus indolis est, ut per *exceptionem* elidi possit: nihil autem interest, utrum quis actionem non habeat, an verò habeat? Sed talem quæ per *exceptionem* infirmari potest, l. 112. ff. *de R. J.* Idque est, quod quotidie auribus insonat: eum, qui *exceptionem* perpetuam habet, solutum per errorem repetere posse, l. 26. §. 3. §. 40. ff. *de condict. indeb.* Hum. ad Treutl. vol. 1. disp. 22. *Quæst.* 19. Schneid. num. 3. *Inst. hic.*

*Affertio III.* *Indebitum naturaliter, & civiliter*, ut, quando solvitur id quod nullo Jure debetur; potest repeti, quacunque ignorantia solutum fuerit, *tot. tit.* ff. *de condict. indeb.*

*Affertio IV.* *Indebitum ope exceptionis* 24 *temporalis* repeti non potest. Unde, si quis mihi debeat centum solvendo A. 1712. & solvat 1711. adeoque undè citius, non poterit solutum repetere, l. *in d. em* 10. ff. *de condict. indeb.* Ratio est, ut evitetur circuitus; & dolò quodammodo facere censetur, qui ab altero petit id, quod paulò post est restitutus eidem, cap. 59. *de R. J. in 6. l. 8. ff. de dol. mal. excep.* Manz. n. 11. Schneid. n. 6. Harp. n. 27.

*Dicta* procedunt, si debitum debeatur in diem certum; secus, si in diem incertum, hoc enim casu repetitio datur, l. 16. l. 56. ff. *de condict. indeb.* Ratio *Differentiæ* est, quia quod in diem certum debetur, certum est deberi; id verò, quod in diem incertum debetur, non est certum deberi, quia ab eventu conditionis pendet; quæ existeret



tere non potest, *Harp. num. 27.*

*Assertio V.* Indebitum ope exceptionis perpetuæ, favorabilis, seu talis, quæ in favorem debitoris, id est, illius, qui indebitum solvit, introducta est, repeti potest, *l. 26. §. 3. ff. de condict. indeb.* Unde, si mulier, pro alio intercedens, non opposita *S. C. Vellejani exceptione*, solvat, repetitionem habet, *l. 40. ff. de condict. indeb. Et leg. 9. Cod. ad. SC. Vellej. Manz. n. 10. Clariss. D. D. Franz. Infl. de obligat. quæ ex quasi contr. n. 13.*

*Assertio VI.* indebitum ope exceptionis odiosæ, sive talis, quæ in odium creditorum inducta est, semel solutum, repeti non potest. Hinc, si filius-fam. exceptione *SC. Macedoniani* ommissa, per errorem Juris solvit, repetitionem non habet, *d. l. 40. Et l. 9. §. pen. ff. ad SC. Maced. Harp. num. 36.*

Ad vers. Daturque.

*Quæritur* in hoc *Versiculo*, qualis ergo actio detur ad repetendum indebitum? R. quod detur actio condictitia, id est, condictio indebiti, exinde sic dicta, quod indebitum solutum sit.

Ad vers. Nam perindè.

Dicit in hoc *Versiculo Imp.* quod æque indebitum per conductionem indebiti possit repeti, ac si mutuum alter accepisset, quod per conductionem certi ex mutuo repeti potest, modò appareat eum dare oportere, id est, indebitum accepisse. *Manz. n. 17.*

Ad vers. Unde.

Quod si pupillo indebitum solutum sit, ab ipso repeti non potest, nisi factus sit locupletior. Ratio, quia, sicut pupillus ex mutuo, sine tutoris auctoritate accepto, non obligatur, ita neque ex indebito soluto; in hoc enim contractus mutui, & indebiti comparantur.

§. Item is II.

*Tertius contractus*, qui *Re* celebratur, est *Commodatum*; quod concinnè definitur, quod sit contractus realis, quo res gratis ad certum usum & tempus ea lege conceditur, ut, finito usu, & tempore, in specie reddatur.

Dixi I. *Realis*, quia hic contractus non oritur, nisi res interveniat, *text. hic. & in l. 1. §. 1. ff. commodati.*

Dixi II. *Gratis*, ut secernantur à *locatione*, & *conductione*. Siquidem, si usus rei concedatur pro certa mercede, consistente in pecunia numerata, locatio conductio est. *text. hic.* Sin verò usus rei pro alia re, non consistente in pecunia numerata, concedatur, erit contractus innominatus, *l. Si tibi §. 1. ff. præscriptis verbis. Manz. n. 15.*

Sanè, commodati naturæ repugnare non videtur, ut ex post facto aliquid accipiatur, non quasi merces, sed ut remuneratio, maxime cum in contractu *Depositum* id expresse admittatur, *l. 2. §. fin. ff. vi. bon. rapt.* Et etiam in *Mandato*, quod vel maxime debet esse gratuitum, honorarium intervenire possit, *l. Salarium; Et l. Si remunerandi ff. Mandat. Manz. loc. cit.*

Dixi III. *ad certum usum*, & *tempus*; quibus verbis distinguitur à *Precario*, quod neque ad certum usum, neque ad

certum tempus conceditur, & proinde pro arbitrio concedentis revocari potest, l. 1. §. 2. ff. de precario. Schneid. num. Differt etiam his verbis à *Pignore* & *Depositò*; in his enim contractibus creditor, & depositarius re sibi concessa, absque crimine furti uti non possunt, §. *Furtum*. 6. Inst. de oblig. qua ex delict. nasc.

Dixi IV. *Conceditur*, quia in commodato propriè res non datur, id est, dominium non transfertur; sed usus tantum alteri relinquitur. Unde, quando *Imperator* in *textu* dicit in commodato rem utendam dari, impropriè loquitur, quia dare translationem *Dominii* designat; in commodato autem non *Dominium*, sed *Usus* rei conceditur.

Dixi V. *Ut finitò usu*, & *tempore*: usum enim & tempus determinatum si commodatarius transgrediatur, furtum committit, §. 7. Inst. de obl. g. qua ex delict. Schneid. n. 5. Manz. n. 22.

- 28 Dixi VI. *In specie reddatur*: quibus verbis *Commodatum* differt à *Mutuo*, in quo non redditur eadem *Species*, sed idem *Genus*, l. 2. §. 1. ff. de R. G. Unde fluit, in rebus fungibilibus commodatum locum non habere, quia rerum fungibilium usus consistit in abusu, & nulla est earum utilitas, nisi consumantur; consumptæ autem non possunt restitui in specie: quia non entis non amplius sunt qualitates. Manz. n. 26. Sanè, res fungibiles ( præcipuè *pecunie*, ad pompam, & ostentationem: fortè, ut quis dives appareat, & in oculis clangore resonent ) commodari posse, non est, cur negetur. Schneid. n. 11. Harp. n. 16,

Ad vers. & tenetur,

29. Hòc *Versiculò* explicatur *Effectus* commodati, qui in eo consistit, quòd commodatum producat duplicem actionem, *directam* & *contrariam*.

*Directa* datur *Commodanti* contra *Commodatarium*, ejusque *Hæredes*, ut res commodata, usu finitò, in specie non deteriorata, restitatur; aut, si deteriorata sit, simul interesse præstetur, l. 3. §. 1. ff. *Commodati*.

*Contraria* verò datur *Commodatario*, quia repêtit, quod suà interest, nomine rei commodatæ, l. 17. §. sic ut ff. *commodati*. v. g. expensas, si quas, ad perpetuam rei commodatæ utilitatem spectantes, fecerit. Dixi *perpetuam*; nam quæ præsentem rei usum concernunt, illas non repetit, l. 18. §. 2. ff. eod. *Mantic. de tacit. & ambig. convent. lib. 9. tit. 2. n. 6.*

*Datur* & tunc actio contraria contra commodantem, si scienter rem vitiosam commodaverit, & commodatarius exinde damnum aliquod passus sit, ad damnum illud refarciendum. Fortè si vas vitiosum commodaverit, ut vinum infusum aut corruptum fuerit, aut effluerit. d. l. 18. §. 3. Manz. d. loc. n. 11, Harp. n. 15.

*Limitatur*, si commodans vitium ignoraverit, d. l. 18. §. 3. l. pen. ff. eod. nam licèt alias vitium scire debuerit, hic tamen, ubi de mero beneficio agitur, cessat, *Mantica loc. cit.* Unde colligitur, quòd commodatario de dolo, & lata culpa tantum teneatur. *Bachov. ad Treutl. vol. 1. disp. 24. tb. 4. lit. C. Brunnem. in d. l. 18. §. 3. n. 5.*

*Datur* denique actio contraria tunc, si commodans ante completum usum rem commodatam auferat; tametsi enim commodatum ab initio sit officii, ex postfacto tamen necessarius est. Manz. n. 29.

*Quæres I.* An non liceat commodanti rem commodatam ante tempus revocare, qui alias ex inopinató grave subiret damnum? Fac, v. g. me quatuor equos

equos habuisse, & tibi commodasse duos, reliquos verò duos casu inopinatò perisse. Jam, cum illis duobus equis, quos tibi commodavi, difficulter caream, *queritur*: an eos ante tempus revocare nequeam?

Videtur primà fronte, quòd *non*. I. Quia donatio, ob superveniens infortunium, revocari non potest; ergò neque commodatum. II. Quia nemo potest mutare consilium in detrimentum alterius.

Verum, contrarium tenendum: tum, quia commodans non videtur voluisse rem alteri gratis utendam, concedere cum suo proprio incommodo, & detrimento; ut proinde ratio æquitatis exigat, rem commodatam, si commodans, de *damna vitando*, certet, ante tempus revocari posse; quilibet enim sibi ipsi proximus est. Ita docent *Molin. tr. de J. § J. disp. 249. n. 8. Haunold. tom. 3. cap. 7. n. 759. Zoëj. ff. commod. num. 20. Clariss. D. D. Franz. hic. n. 12.* Quò facit etiam, quòd *Locator*, si ædes propriis usibus necessarias habeat, expellere possit *Conductorem* ante tempus, *L. 3. Cod. locati*. Ut magis nostrò casu id obtinere re debeat, utpote in quo agitur de concessione *gratuita*, in locatione verò de *onerosa*.

Ad I. *R. neg. parit.* quia per donationem transfertur *Dominium*; in commodato tantum *Usus*: facilius autem revocatur usus, alteri concessus, quam dominium semel translatum.

Ad II. *Resp.* Id procedere; nisi rationabilis causa subit, prout est in nostro casu.

Ad vers. At is.

31 *Queritur* hic, ad qualem culpam teneatur commodatarius? Quid & quotu-

plex sit culpa, latè dictum est in *Lib. I. Tit. 26. n. 10. & seqq.* Quò jam remissus esto, & quò legeris, supposito.

*Resp.* Ad *Questionem* propositam, statuendo universalem regulam, quam non solummodò pro contractu commodati; verum etiam pro pluribus aliis contractibus; quibus agitur de præstatione culpæ, observes velim. Itaque vel contractus respicit utilitatem utriusque, id est, *accipientis & dantis* simul; vel *accipientis tantum*, vel *dantis tantum*.

Si contractus respicit utilitatem utriusque contrahentis, tunc præstat *dolus*, *culpa lata & levis*, non etiam *levissima*, *L. §. 2. & l. 18. ff. Commodati*. Si accipientis tantum, tunc præstat etiam *levissima culpa*, *text. hic. & d. l. §. 2. junctà l. 18. ff. d. t.* Si verò dantis tantum, tunc alter non nisi de *lata culpa* tenetur, *d. l. §. 10.*

Ex dictis jam faciliè colliges, ad quam culpam præstandam teneatur commodatarius. *Refert.* nimirum, an commodatum respiciat utilitatem commodantis tantum (veluti si Sponsus Sponsæ commodet ornamenta, ut honestius in nuptiis incederet) & tunc solus *dolus*, & *lata culpa* præstat, *d. l. §. 10.* An respiciat gratiam, & utilitatem utriusque (veluti, si Titius, & Caius parent simul convivium in ædibus Titii, Caiusque commodaret pocula) & hòc casu præstat *dolus*, *lata & levis culpa*, *d. l. 18.* An respiciat utilitatem commodatarii tantum (veluti plerumque contingit) & tunc præstat *dolus*, *lata*, *levis*, & *levissima culpa*, *d. l. 18. ff. Commodati. Brunnem. ibid. n. 1. Carpzov. p. 2. conf. 26. def. 6.*

*Casum fortuitum* commodatarius præstare non tenetur, *L. §. 4. & 7. ff. commodati, junctà l. 23. ff. de R. J.*

Ratio,

Ratio, quia quælibet res perit suo domino; commodatarius autem rei commodatæ dominus non est, ergo. Ratio alia, quia commodatarius non est debitor certæ speciei; debitor autem certæ speciei casum non præstat, l. 207. ff. de Solut. & §. 3. Inst. de empt. & vend. Harp. n. 23. Concord. Walter de Jure consuet. Aust. lib. 2. tit. 19. ibi: Doch werden hiebey, &c. i. e. Excipiuntur tamen casus qui divinitus & præter commodatarii prudentiam, seu fortuito accidunt; qualia sunt incendia, vis bellica & aquarum furta, & similia; hæc quippe non tenetur præstare commodatarius.

Limitatur I. Nisi expressè conventum sit inter partes, de præstando casu fortuito; contractus enim ex conventionem legem accipit, l. 23. ff. de R. J. & l. 1. Cod. Commodati. H. Nisi rei commodatarius, æstimationem, se præstiturum, adponderit, d. l. 5. §. 3. ff. eod. III. Nisi culpa commodatarii intervenierit (forte, quia in mora restituendi fuit) d. l. 5. §. 4. & l. 33. & cap. un. X. de Commodat. vel, quia rem commodatam per personam, minus idoneam, remisit, l. 10. §. fin. ff. d. t. Planè, si per nuntium communem remisit, de casu non tenetur; nuntius enim publicus pro idonea persona habetur. Schamb. Inst. hic. vers. Quæres. Item Brunnem. in d. l. 10. vide etiam Carpzov. p. 4. const. 11. def. 12. & 13. Item Gomez. var. res. tom. 2. cap. 7. n. 3. Zoës. ff. commodati. n. 13.

Sed quid Juris, si quis per servum suum rem commodatam commodanti remisit, & servo res commodata per vim ablata fuerit, aut servus cum re aufugerit? Ut confestim me expediam, in Quæstionis Decisionem id tibi in medium profero, quod de Jure Austriaco obtinere, scribit Walter lib. 2. tit. 19. vers. Gleicher Weisz. Ibi: wann der Leyher &c.

i. e. Cùm commodatarius servum mittit, ut rem commodatam restituat: hic autem re receptâ infideliter agit, vel aufugit, vel res ei ab altero diripitur; tunc damnum non ab eo qui rem concediderat; sed ab ipso commodatario est perferendum.

#### §. P R Æ T E R E A. 3

Quartus contractus, qui Re contrahitur est Depositum, quod definitur, quod sit Contractus realis, quo res gratis custodienda, alicui traditur eò fine, ut eadem in specie, quandocunque deponenti libuerit, restituat.

Dixi I. Realis, quia hic contractus non aliter, quàm, re ipsa interveniente, celebrari potest.

Dixi II. Gratis: nam si interveniat merces in pecunia numerata, tunc erit locatio conductio; si verò merces in alia re consistat, contractus innominatus erit.

Dixi III. Custodienda; etenim hæc censetur esse forma depositi, per quam ab aliis contractibus, qui in re consistunt, distinguitur: siquidem in reliquis contractibus, qui re ineuntur, res custodienda non datur; sed ut vel accipientis fiat (veluti in mutuo & indebito) vel, ut eâ accipiens utatur (veluti in commodato) vel, ut eam in securitatem crediti habeat (veluti in pignore) Harp. n. 5.

Dixi IV. Traditur, tum, quia in deposito res non datur, id est, rei dominium non transfertur l. licet. ff. depositi. tum, ut indicetur rerum immobilium depositum non dari, utpote quæ tradi non possunt. Manz. n. 3. Schneid. Zoës. ff. depositi. n. 1. Dissent. Harp. n. 17. Bachov. in Treutl. vol. 1. disp. 26. th. 4. lit. D. Vimm. Inst. hic. fusè Glettle part. 3. cap. 13. Clariss. D. D. Franz. Inst. h. t. n. 10. Ego exultimo, dissentientium sententiam hac solâ responsione explodi posse, si dicatur, rerum immobilium dari depositum; sed improprium.

Dixi.



Dixi V. *Ut eadem in specie*, quibus verbis differt à *mutuo*, quod in *genere* restituendum; natura verò depositi est, ut res in specie restituatur. Unde si actum fuerit, ut depositarius non eandem rem, sed aliam restituat, ex hoc negotio contractus innominatus *do, ut des*, confurgit.

Dixi VI. *Quandocunque deponente libuerit*, in hoc enim vel maxime consistit depositi natura, ut ad nutum deponentis restituatur. Ratio, quia depositum, solius deponentis gratia, regulariter contrahitur, ut proinde, quandocunque voluerit, id revocare possit, c. 2. §. de deposito l. 1. §. 12. ff. depositi.

Et hoc in tantum extenditur, ut, etiamsi terminus, faciendæ restitutioni à deponente præfixus, necdum elapsus fuerit; deponens tamen rectè revocet depositum, Manz. l. 10. tit. 4. n. 7. Pirhing. ad Decret. de deposito §. 3. n. 7. Manz. n. 17. Ratio est, quia depositum unice spectat commodum deponentis, ut proinde non censeatur terminus adjectus in præjudicium deponentis; sed ad definiendam obligationem depositarii, qui proinde non liberatur, si sine iusta causa ante præstitutum tempus invito deponenti depositum restituat, l. 5. §. 2. ff. depositi. Clariss. D. D. Franz. Inst. b. t. n. 30.

#### AD VERS. TENETURQUE.

33 Sicuti ex *Commodato* oritur duplex actio, ita etiam ex *Deposito*, *Directa*, quæ datur deponenti, ejusque hæredibus adversus depositarium ejusque hæredes, ut res deposita, non deteriorata, restituatur, l. 1. §. 16. depositi, una cum fructibus, & omni causa, l. 1. §. 3. ideo ff. eod. *Contraria*, quæ datur depositario contra deponentem, qua repetit, quod sibi abest nomine depositi suscepti; aut, quia in illud impensas fecit; aut, quia damnum passus est propter vitium  
Kees ad Instituta.

rei depositæ. Schneid. Inst. hic.

#### AD VERS. SED IS.

Queritur in hoc Versiculo; ad quid<sup>34</sup> teneatur depositarius? R. id ex regula, superius data, patere; nimirum, quod non nisi de *dolo* & *lata culpa* teneatur, text. hic & in l. 32. ff. depositi. Ratio, quia depositum deponentis utilitatem tantum respicit, &, si negligenti amico, rem custodiendam, commiserit, id suæ imputare debet facilitati; ex qua si damnum sentiat, sentire non videtur, l. 203. ff. de R. J. Manz. n. 24.

Dicta, quod depositarius de *dolo* & *lata culpa* tantum teneatur procedunt,

I. Nisi depositarius *ultrò* & *sponte propria* se obtulerit, ad depositum recipiendum; tunc enim, quia per talem spontaneam oblationem Juris interpretatione, omnem diligentiam in re custodienda simul promissa, intelligitur, culpam etiam non tantum levem, sed etiam levissimam præstare tenetur, l. 1. §. 35. ff. depositi P. Engel. ad Decret. de deposito n. 5. Pirhing. lib. 3. tit. 16. §. 2. n. 5.

II. Nisi depositarius pro rei custodia *mercedem* acceperit, quo in casu, ad levem culpam præstandam, obligabitur, quia tale depositum migrat in contractum *locationis Conductionis*, in quo, quia utriusque utilitatem respicit, levis culpa præstat, l. 1. §. 9. ff. depositi. P. Engel. loc. cit. Mantica. de tacit. & ambig. convent. lib. 10. tit. 9. num. 12.

III. Nisi *nominatim convenerit*, ut depositarius omnem culpam vel etiam casum præstaret; hoc enim casu ad præstationem omnis culpæ & casus fortuiti tenebitur; contractus enim ex conventionne legem accipiunt. l. 1. §. 5. & §. 35. ff. depositi.

IV. Nisi sint *Nautæ*, *Caupones*, aut *Stabularii*; hi enim, ad levissimam  
M m m culpam

culpam præstandam, tenentur, l. 1. l. 2. l. 3. ff. *Naut. Carp. Ratio*, quia horum officium annexam habet custodiam, d. d. *ll. Clariss. D. P. Konig. ad decret. de depos. n. 22. Zoef. ff. d. t. n. 2. Et 3. Bruunem. in d. l. 3. num. 4. Concord. Walter de Jure consuet. Austr. lib. 2. tit. 21. Wann, &c. i. e. Cum aliquis in diversorio publico rem custodiendam seu asseruandam Tabernario tradidit, tunc tenetur Tabernarius rem illam præstare; ita quidem, ut cum rem ei conceditam vel domesticus vel hospes aliæve persona abstulerit, teneatur Tabernarius damnum sarcire. Quod tamen limitatur, procedere in variis casibus, quos ordine recenset *Walter. d. loc.* Illud tamen, in medium non adducere non potui, quod *Walter loc. cit. in fine*, Juris esse, asserit: *Wann ein Gast &c. i. e. Cum hospes Tabernario vidulum, ephippium, saccum, aut sarcinas consignatas custodiendi tradidit, & vincula deinceps soluta deprehenduntur; tunc tenetur Tabernarius res singulas ibi contentas præstare: sed & cum hospes eas sigillatim prius non indicavit, tamen de illis quæ ablatae erunt, ut & de earum prætiò, juramentum ejus fidem faciet.**

Ista pro declaratione textus. Cæterum  
 35 *Quæres I.* An depositarius re deposita uti possit? R. quod non custodiam enim tantum habet, &, si re deposita, invito Dominò, utatur, furti se reum constituit, l. 3. *Cod. depositi.* Et hoc sine omni dubio procedit, si species deposita sit. *Schamb. Inst. hic.* Sed,

36 *Quæres II.* Quid? si v. g. pecunia deponatur, poteritne depositarius eam uti, si paratus sit tantundem restituere?

R. I. Extra dubii aleam versari, si pecunia clausa & obsignata fuerit, quod depositarius eam uti non possit,

quin furtum committat: Ita aperte sancit, l. 29. ff. *depositi*, his verbis: *si sacculum, vel argentum signatum deposuero, & is, penes quem depositum fuit, me invito, contrectaverit, & depositi & furti actio in eum mihi competit.*

Resp. II. Idem dicendum esse, etiam si pecunia non fuerit clausa, aut obsignata, l. 3. l. 4. *Cod. b. t. ubi indistinctè dicitur, depositarium committere furtum, utendo re deposita; quamvis hoc in casu dissident, Huon. ad Treutl. vol. 1. disp. 26. th. 6. lit. A.* eò quod pecuniam, non obsignatam, deponens, tacite ejus usum depositario concessisse videatur; hoc tamen in rigore Juris vix obtinet, ut de æquitate procedat, eò saltem casu, quo depositarius ejus est conditionis, ut omni, quo petitur, momentò depositum valeat restituere. *Schamb. hic.*

Sanè, si pecunia, non obsignata deposita fuerit, & depositario adnumerata hòc pactò, ut, si opus habeat, eam utatur, utendo furtum planè non committit, &, licet tale depositum notissimos depositi terminos egrediatur, depositum tamen manet, & actio depositi competit, propter animum deponendi non mutandi, l. 24. l. 25. l. 26. §. 1. ff. *depositi* *Zoef. ff. eod. num. 3. Glettle part. 3. quest. 13. Clariss. D. P. Konig. de deposit. num. 7.*

*Quæres III.* An depositarius in periculo incendii, naufragii, aut hostilis incursionis res depositas præ suis servare teneatur, si utraq; non possit?

Res dubio plena est; nam ex una parte S. Pontifex in cap. *bona fides 2. & h. t.* generaliter asserit: *bona fides abesse præsumitur, si rebus tuis salvis existentibus depositas omisi.* Ex altera vero parte haud culpabile videtur, nec contra bonam fidem, si quis prius de rebus propriis, quam alienis sollicitus sit,

fit; ex quo regula charitatis proximi est, dilectionem incipere à se ipso, *can. si non licet. 9. caus. 23. quest. 5.*

His non attentis, *questio* adminiculò *Distinctionis* decidenda est: vel enim res depositarii sunt pretiosiores; aut æquæ pretiosæ, ac depositæ: & tunc depositarius proprias depositis potest, absque eo, quod culpam, in deposito præstandam, committat; siquidem verosimile non est, quod ad rerum depositarum custodiam cum damno ac periculo proprio se obligare voluerit, & ipsa naturalis ratio dicitur (- cæteris paribus) suis potius, quam alienis invigilandum esse, *Mascard. de probat. vol. 1. concl. 508. n. 4. Mantie. de tact. & ambig. convent. lib. 10. tit. 9. n. 40. Hainold. tom. 3. tit. 10. num. 746. Brumm. ad d. l. 32. ff. depositi n. 9.*

Vel res depositæ notabiliter sunt pretiosiores rebus depositarii: & tunc depositarius illas relictis propriis, salvare tenetur, & si, neglectis depositis, res suas viliores conservarit, id dolò fecisse præsumitur, *d. cap. bona fides 2. & de deposito. Toties enim dolus præsumptus dari dicitur, quoties major diligentia adhibetur rebus propriis, quam depositis. Bartol. & Cujac. in d. l. quod. Nerv. 32. ff. depositi. Interea depositarius; quod conqueratur, causam non habet; damnum enim, quod exinde sentit, deponens per actionem depositi contrariam refundere tenetur. P. Engel. ad decret. de depos. n. 9. Clariss. D. P. Konig. ibid. n. 33. Brumm. loc. cit. Imò Mantie. lib. 10. tit. 9. n. 42. Abbas & Gonzalez. in cit. cap. 2. aperte docent, depositarium non teneri, rebus propriis relictis, depositas pretiosiores conservare; quorum sententia æquitati minùs videtur consona.*

*Vidimus, quid sit Depositum: sequitur de Sequestrationes, quæ etiam depositi species est; & definitur, quod sit rei litigiosæ, à pluribus facta, depositio. Harp. hic. n. 59. Sive (ut clariùs intelligas) sequestratio est nihil aliud, quam actus, quo res litigiosa à pluribus controversentibus, vel Judice eâ lege tertio (qui Sequester vocatur) custodienda traditur; ut, finita lite, victori reddatur.*

*Dividitur in voluntariam, & necessariam. Illa mutuò consensu partium perficitur. Hæc jussu, & autoritate Judicis (parte etiam invitâ) constituitur. Unde (regulariter) prohibita, tum, quia ab executione non est ducendum exordium litis; tum, quia absurdum est, cogi quemquam possessione decedere, antequam sit convictus, l. un. Cod. de prohib. sequest. l. ult. Cod. d. R. V.*

*Dixi regulariter prohibita, certis enim casibus permixta est: puta, si debitor, sive conventus ad inopiam vergat (fortè quia bona sua dissipat, atque profundit) vel, si reus nulla bona immobilia habeat, & de fuga suspectus sit, l. 7. §. fin. ff. Qui satis dare cog. Harp. n. 107. & seqq. De sequestrationis materia integrum Titulum scribit Walter lib. 2. tit. 22.*

#### §. CREDITOR. 4

*Quintus, & ultimus contractus, qui Requiritur, est Pignus, à Pugno dictum, quasi res, quæ pignori datur pugnò sive manu tradatur. Clariss. D. P. Konig. ad Jus Canon. de pignor. & aliis caut. n. 1.*

*Pignus tripliciter sumitur, I. pro ipsa re oppignerata, § 7. Inst. de act. t. n. tit. ff. & Cod. de distrab. pig. II. Pro jure reali, quod creditor in re oppignerata habet, tot. tit. ff. & Cod. Qui pot. in pig. III. Pro ipso contractu seu conventionem, ex qua isthæc pignoris obligatio descendit, l. 1. §. fin. ff. de pact. in quo sensu acceptum.*

*Definitur*, quòd sit *contractus*, *re initus*, quo *res* *Creditori* *traditur* in *securitatem debiti*.

Dixi I. *Re initus*, quia *pignus* neque *nudò consensu*, neque *verbis*, neque *litteris*, sed *rei traditione* constituitur. *text. hic. §. l. 1. §. 6. ff. de O. & A.*

Non obstat *l. 18. ff. de pignor. act. & d. l. 1. in princip.* ubi *pignus* dicitur, etiam *nuda conventione*, sine *traditione* contrahi; enimverò *d. d. II.* intelligendæ sunt de *hypotheca*, quæ quandoque in *Jure* cum nomine *pignoris* confunditur, promiscuè ponitur. *Harp. Inst. hic. n. 4.*

Dixi II. *Quo res* (subintellige *propria*)  
41 *res enim aliena* oppignerari non potest, *tot. tit. Cod. Si res alien. pign. dat* nisi *volente* vel *rati habente* in ipso *dominò*. *l. 20. ff. de pignor. act.* Quòd si *debitor* *rem alienam* *pignore* dederit, tenebitur *actione pignoratitia*, contraria si *creditoris* *interfit*, *l. 6. Cod. d. 1. & præterea* (extra ordinem) crimine *Stellionatus* notatur, *l. 16. §. 1. ff. de pignor. act. Zoef. ff. Quæ res pig. oblig. non poss. Manz. n. 6. Fünsslerw. lib. 2. obs. 90. n. 1.*

*Dicta* procedunt, si *res simpliciter* sit *aliena*, ita, ut *debitori* nullum *penitus Jus* in eo *competat*. Secùs si *Jus* aliquod in *re oppignerata* habeat. Sic *emphyteuta* *rem emphyteuticam*, *creditor* *rem oppigneratam* rectè *pignori* dat, *d. l. 16. §. ult. & tot. tit. Cod. Si pignus pignori datum sit. Clariss. D. D. Franz. n. 16.*

*Dices*: *Res aliena* potest *vendi*, *l. 28. ff. de contrah. emp.* ergò etiam *oppignerari*. R. *Con. ant. neg. conseq.* *Disparitas* est, quòd *venditor* duntaxat *teneatur*, ad *tradendam possessionem*, & *usu capiendi conditionem*. *Gloss. in d. l. 28.* Contra verò *debitor* in *pignore* *tenetur* *transferre Jus* in *re*, quod non potest, nisi *dominus* sit, *arg. l. Nemo plus Javis*

*54. ff. de R. J. Harp. n. 148. Pirhing. ad Decret. de pignor. §. 3. num. 15.*

Dixi III. *traditur*; per hanc enim particulam *Pignus* distinguitur ab *Hypotheca*, quando enim *res obligatur Creditori* sola *conventione*, absque *traditione* *rei*, tunc *hypotheca* dicitur, sive *res obligata mobilis* sit, sive *immobilis*. Proinde, ut intelligas, an *pignus* sit, an *hypotheca*, respicias, necesse est, an *res* sit *tradita*; an *nudà conventione* obligata, absque *traditione*: si priùs, *pignus*: si posterius, *hypotheca* erit. Unde advertis, *pignus*, (regulariter) in *rebus mobilibus*; *hypothecam* autem in *rebus tam mobilibus*, quàm *immobilibus*, constitui: licet cæteroquin *pignus*, & *hypotheca* in *Jure* frequenter confundantur, & non, nisi ionò nominis, differre dicantur, *l. 5. §. 1. ff. de pignor. & hypoth. Schneid. n. 91. §. 7. Inst. de Act. Clariss. D. P. Konig. loc. cit. n. 6. Manz. n. 11.*

Dixi IV. *In securitatem debiti*; quibus verbis distinguitur à cæteris *contractibus*, *re initis*; *mutuum* enim & *commodatum* *rei usum*: *depositum*, *rei depositæ custodiam*: solum verò *pignus* *securitatem debiti* concernit. *Harp. n. 9.*

#### ADVERSUS QUIA.

*Explicatur* in hoc versiculo *effectus* *pignoris*, qui est *Actio*, quæ duplex est. *Directa & contraria*. *Directa* est, quæ *debitò*, integrè solutò, datur *debitori*, ejusque *hæredibus* adversus *creditorem*, ejusque *hæredes*, ut *res pignoratata* restituatur, *Sch. amb. hic. & Harp. n. 307.* Dixi *integrè*, quia quamdiu *debitum* non universum solvitur, ut quamdiu aliquid, vel modicum ex *solutione debiti* restat; *pignus* non liberatur, *l. 9. §. 3. de pignorat. act.* Sicuti enim *particularis solutio* non relevat *debitorem*, *l. 13. §. 8. ff. de act. emp.*



*empr.* ita quoque non liberat pignus, l. 19. ff. de pignor. & hypo b. *Mant.* n. 27.

43 Dubitatur, an actio pignoratitia directa contra tertium possessorem detur? R. Negative, quia actio hæc personalis est, utpote descendens ex contractu; ergo non datur, nisi contra eum, cum quo contractum; non est autem contractum cum tertio. *Zoës.* ff. de pignorat. act. n. 5. Facta tamen solutione primo creditori, vel aliâ ei datâ satisfactione, pignus quoad utrumque permittitur. Nec datur tertio Jus aliquod retinendi, vel persequendi pignus. l. debitor. 40. ff. d. t. cum, solutio Jure concedentis, resolvatur etiam Jus accipientis, l. Si ex duobus §. 1. ff. de in diem addict. cap. nuper. & de donat. inter vir. & uxor. *Card. Tusch.* tom. 6. lit. R. *Concl.* 272. Ut proinde debitor, rem suam etiam à tertio possessore vindicare, non prohibeatur. Ita judicatum ab excelso Austriæ Reginine in causa *Elisabet Pugarin* contra *Carl Kletcher*, ibi *Welcher &c.* i. e. Qui sub pignore catenæ aureæ actricis, quam ipsa prius *Augustino Rueffen* pro 80. fl. oppigneraverat, ipse ad petitionem dicti *Augustini* prioris creditoris, pecuniam fl. 160. crediderat. Negabat Reus se velle catenam mulieri petenti restituere, ni prius 160. fl. sibi numerarentur. sententiâ die 14. Septemb. 1539. publicatâ, judicatum est: Non jure à Reo denegari restitutionem catenæ aureæ, ad petitionem actricis offerentis solutionem 80. fl. pro quibus ipsa catenam oppigneraverat, & usurarium ea die debitarum: Reum proinde obligari ad restituendum pignus; ei tamen de residuo saluum jus remanere in bona debitoris sui *Augustini Rueffen*.

44 Cæterum, si creditor ex re oppignerata fructus perceperit, illos tenetur computare in sortem, l. 1. & 2. Cod. de pignorat. act. l. 2. ff. de pignor. Unde, si

creditor tantum ex fructibus perceperit, quantum est debitum, pignus ipso Jure liberatur, l. 1. Cod. de distrab. pig. Fructus enim percepti ex pignore, lucro creditoris non cedunt, sed computantur in sortem, cap. 6. & de pignor. eamque extenuant, hoc est, exonerant primo usuris, dein sortem. *Schneid. hic.* num. 17. *Mev. p. 5. decis. 382. Neguzant. de pignor. memb. 5. part. 5. num. 11. Brunem. in l. 2. Cod. de pignor. act.* ubi ait: hoc procedere, si fructus consumpti sunt à creditore; nam, si extent adhuc, non extenuant sortem, l. Si Convenirit. Cod. h. t. sed repetuntur per se actione pignoratitia, l. 22. §. 2. ff. eod. Illud verò silentiò premere non potui, quòd in casu, quo mutuum à te petitur, & debitor tibi hypothecare velit fundum, consultius sit, ut fundum non accipias pro hypotheca, sed satagas, ut fundum tibi vendas cum pacto retro vendendi: nam, si fundum pro hypotheca accipias, fructus, ex eo percepti, lucro debitoris cedunt; secus, si eundem emas cum pacto retro vendendi, hòc enim casu fructus tuos facis, *Schneid. loc. cit. Zoës. ff. de retract. n. 25.*

Actio contraria est illa, quæ datur creditori adversus debitorem, ut præstet id, quod sibi ratione pignoris abest, v. g. si quas impensas fecerit, l. 8. ff. de pignor. vel si propter rem alienam, vel vitiosam oppigneratam, damnum passus sit, l. 10. l. 31. ff. eod. *Harp. n. 314. Zoës. ff. de pignor. n. 13. & seqq.*

#### AD VERS. SED QUIA.

Queritur hic, ad qualem culpam creditor teneatur? Quando quidem iste contractus utriusque gratiam respicit, & quidem debitoris, ut ejus necessitati consulatur; creditoris verò, ut ei ma-

gis in tuto sit credium. Ideò creditor non tenetur, nisi de dolo, lat. & levi culpa, ex regula, supra de *commodato* tradita. Culpam levissimam, vim majorem, aut casum fortuitum non præstat creditor, l. 23. ff. de R. J. Ratio, quia res quælibet perit suo domino; debitor autem pignoris dominus manet. *Manz. num. 26. Wesemb. in parat. de pignorat. act. n. 7. Zoes. ff. eod. num. 12.* Nisi fortè aliter convenierit inter partes, ut scilicet cet. amissio rei oppigneratæ liberet debitorem, l. 5. & 6. *Cod. de pignorat. act. Perez. ibid. n. 15.* Aut, nisi culpa casum præcesserit; culpa enim sua cuique nocet. Ubi

46 *Quæres 1.* Quid Juris? si creditor dicat, se rem, pignori commissam, amisisse; debitor verò contendat, propriam creditoris culpam amissionem contigisse? Cuinam incumbet onus probandi, rem culpam, vel absque culpa amissam fuisse?

Ut breviter me expediam in hac ardua, & plena utilitatis *Quæstione*, R. creditorem probare debere, absque sua culpa rem, pignori datam, amissam esse. Ita *Fach. lib. 1. cont. 87. Fünsterwald. lib. obs. 92. num. 7.* Vide etiam *Carpz. part. 2. const. 26. def. 17. Mascard. de probat. Conclus. 87. Gail. lib. 2. Obs. 21. Wesemb. part. 1. Consil. 36.* & pro hac Opinione expressè judicatum est ab *Excels. Regim. Austr. ult. Novemb. 1655. Die Frau &c. i. e. Rea incumbere onus ritè probandi, se pignora, quæ (ut in actis scriptum est) accepit, non minus diligenter ac res proprias curasse: eaque citrà suam culpam ablata esse.*

Porro, pignus quoque nonnunquam oneratur pacti, quorum potissimum duo occurrunt.

47 *Primum* est pactum *Antichreseos*, quod nihil est aliud, quam conventio, quâ id agitur, ut liceat creditori re oppigneratâ uti, frui, donec debitum solutum fuerit. *Haunold. tom. 4. tract. 10.*

n. 928. Hoc pactum Jure civili, licitum est, & permissum, l. 14 l. 17. ff. de usur. Ratio ponitur incertitudine fructuum, & compensatione usurarum legitimarum, l. 11. §. 1. ff. de pignor. & hypoth. illis verbis: cum in usuras fructus percipiat.

At, de Jure Canonico ejusmodi pactum, tanquam usurarium, reprobatur, cap. 6. §. de pignor. Ratio, quia usura est quidquid ultra sortem accipitur (intelligendo, sortis nomine, etiam *lucrum cessans*, & *damnum emergens*, & quidquid, à creditore Jure potest æstimari, & actione pignoratitiâ peti) atqui, si fructus retinerentur ex pacto, præcisè titulò incerti eventus fructuum & pretii, quidquid acciperetur; & quicumque fructus essent, ultra sortem essent, ergò pactum de illis percipiendis usurarium foret. *Haunold. loc. cit. vide Zoes. ff. de pignorat. act. Gail. lib. 2. obs. 1. pulchrè Clariss. D. D. Franz. Inst. h. t. n. 22. & seqq.*

Secundum pactum vocatur pactum 49 *commissorium*, & est illud, quo inter Debitorem, & Creditorem convenit, ut, debitò, intra certum tempus non solutò, res oppignerata pro quantitate debita creditori committatur, hoc est, ejus fiat. Et hoc pactum, cum eidem sæpè insit fraus intolerabilis, utpotè injustum, iniquum, charitati proximi diametraliter contrarium, & labi usurariæ obnoxium, sive ab initio, sive ex postfactò adjectum fuerit, non tantum à Jure civili, l. 3. *Cod. de pact. pignor.* verum etiam canonicò, cap. 7. §. de pignor. prohibitum est. Ratio hujus prohibitionis est, quia pignus ferè semper excedit in valore debitum, & debitor in necessitate constitutus, ad quævis pacta facilè flectitur, ut suæ duntaxat consulat necessitati. *Clariss. D. P. Konig. ad Decret. de pignor. num. 24. Gonzalez. in cit. cap. 7. Haunold. loc.*

*loc. cit. num. 929.* Qui omnes admittunt, quod si creditor ita pacisceretur cum debitore, ut, debitum intra tempus non solutum, pigraus creditori juxta

boni viri arbitratum pro justo pretio vendatur, non committeretur usura, l. 16. §. *fin. de pignor. & Engel. tit. de pignor. num. 10.*

## T I T U L U S XVI.

## DE VERBORUM OBLIGATIONIBUS.

## S U M M A R I A.

## A D P R I N C I P I U M.

- 1 Connexio.
- 2 Definitur stipulatio.
- 3 Enumerantur requisita stipulationis.
- 4 Quare stipulatio inventa fuerit?
- 5 Ex stipulatu oriuntur due actiones.
- 6 Stipulatio pure, & sub conditione recte contrahitur.
- 7 An stipulatio pura sit: decem aureos annuos dare spondes, quoad vivam?
- 8 Quid, & quotuplex sit conditio?
- 9 Conditio potestativa, negative concepta, quid operetur?
- 10 An cautio Mutiana in contractibus locum habeat?
- 11 Spes, debitum iri, an transeat ad heredes?
- 12 An, factum promittens, teneatur precise ad factum?

## C O N N E X I O.

**I** V Idimus, quid sint contractus, qui Re celebrantur. Sequitur secunda species contractuum, qui Verbis contrahuntur. Ubi altum vertice eminet Verborum Obligatio, & stipulatio.

Dicitur autem Verborum obligatio, non quod in aliis contractibus non etiam requirantur verba, sed, quia in hoc Contractu non quaecunque Verba sufficiunt: sed talia, quæ debitam solennitatem constant, puta, Interrogatione & Responsione. Manz. n. 3.

Stipulatio definitur, quod sit contractus nominatus, Juris civilis, & stricti Juris, ex interrogatione unus, & congrua secuta responsione alterius resultans. Ex quo colligitur, ad validitatem stipulationis requiri

**I. Interrogationem, & Responsionem.** 3 Nam, si quis alteri presenti ex lucrativa causa aliquid promittat absque præcedente Interrogatione; non stipulatio, sed Pactum nudum erit, de Jure communi non producat actionem, aut efficacem Obligationem.

**II. Interrogatio debet præcedere, & subsequi Responsio,** ita, ut, si responsio præcederet, stipulatio invalida redderetur. Ratio, quia hic ordo requiritur de Forma; formam autem neglectam, quidquid agitur infirmum est. Schneid. num. 19. hic.

**III. Requiritur Verba:** Unde sequitur, inter Absentes stipulationem non contrahi. Luc. vel. §. 1. hic. neque tunc oriri hunc contractum, si quis interrogat, promittis? & alter capite tantum annuat. Ratio, quia formam neglectam, quidquid sequitur, infirmum est. Manz. num. 7. requiritur ergo, ut Interrogatio præcedat, & congrua responsio subsequatur; v. g. hoc modo promittisne, mihi dare centum? respondeat: promitto.

4 Adinventæ est stipulatio, reliquarum obligationum firmandarum causâ. Pacta enim nuda obligationem efficacem non produciunt, nisi stipulatione munita sint, l. 45. ff. de pact. Item contractus innominati ante implementum ab una parte poenitentiam admittunt; sed quando stipulatio intervenit, etiam ante implementum efficax obligatio oritur, l. 3. Cod. de rer. permutat. Schneid. n. 9.

#### AD VERS. EX QUA.

5 Ex contractu stipulationis duæ oriuntur actiones, videlicet, *Condictio certi* & *actio ex Stipulatu*. Condictio certi tunc confurgit, si certum quid in stipulationem deductum sit, v. g. *Equus meus Bucephalus decem amphoræ Vini Rhe-nensis optimi*.

Actio ex stipulatu datur, quando aliquid incerti in stipulationem deductum est; non quidem ex toto suo genere, sed ita incertum, ut ex circumstantiis, vel relatione ad aliud non appareat, *quid, quale, & quantum* sit? v. g. si quis mihi promissit equum in genere, vel generaliter, decem amphoras vini. Hic enim, etsi appareat, *quid* sit promissum, scilicet *Vinum*, & *quantum*, scilicet 10. amphoræ, tamen non appareat, *quale*? Manz. n. 21.

#### §. I N H A C. I.

Imperator in hoc §. declarat, quibus verbis stipulatio hodie contrahatur re-jecta solennitate verborum, quæ olim ad contrahendam stipulationem necessaria erat. Nam, olim per quæcunque verba fiebat interrogatio, per eadem: & non alia oportebat, fieri Responsionem (veluti *promittis? promitto. Dabis? dabo.*) & nec poterat fieri per verbum æquipollens; sed hæc sollemnitas hodie sublata est. Unde ex hoc §.

*Colliges I.* Quod stipulatio contrahatur quibuscunque verbis, modo sint *apta ac congrua* ad interrogata, & responsa, interrogatioque præcedat & sequatur responsio. *Mens* enim, non *Verba* considerata sunt, l. 16. Cod. de Fidei Commiss.

*Colliges II.* Quod diversitas linguarum non vitiet stipulationem, ut si quis *latinè* interroget, alter *græcè* respondeat, dummodo contrahentes se invicem intelligant vel per *interpretem*. Text. hic. & Schneid.

#### §. O M N I S. 2.

Stipulatio contrahitur vel *purè* (quando neque *dies*, neque *conditio* adjicitur) vel non *purè* (quando vel *dies*, vel *conditio* adjicitur) Unde, 6

Si purè stipulatio inita sit, tunc, statim *cedit*, & *venit dies*, id est, statim *debetur* & *exigi* potest confestim, quod promissum est, l. 213. ff. de V. S. quod ipsum tamen cum temperamento, & granò salis intelligendum est; creditor enim etiam non statim, cum sacco paratus venire debet, l. 105. ff. de solut. Schneid. n. 8. sed, miserationis causâ, promissori tempus aliud ad solvendum indulgetur. Quale autem tempus sit, in Jure expressum non est; adeoque arbitrio Judicis, secundum personarum qualitates determinandum, relinquitur; quia omnia in legibus expressè non definita Judici determinanda, committuntur. Manz. n. 5. hic.

In tribus tamen casibus reperitur *Tempus*, à Jure expressum, I. in *Constituto*, ubi *debitor* ante 10. dies non potest conveniri, l. 21. ff. de constit. pecun. II. in *dote*, quæ intra annum est solvenda, l. 1. §. 7. Cod. de rei uxor. act. III. in *Re judicata*, quando quis per sententiam condemnatur, dilatio *quadrimestris* ad solvendum ei concessa est Schneid. n. 5.

Stipulatio



Stipulatio in diem dicitur, quæ differendæ solutionis gratiâ, diem habet adjectum, quo pecunia, vel alia res promissa solvatur, v. g. 10. *Aureos primis Calendis Martii dare spondes?* Hôc casu mox quidem cedit, sed non venit dies, id est, debetur quidem statim, peti tamen non potest, priusquam totus ille dies elapsus sit.

Dices: Si juxta dicta mox nascatur *Obligatio*; ergo & *Actio*, qua peti potest: quia posita *Causa* necessariâ, statim ponitur *Effectus*. R. nasci quidem innox actionem, sed non exactionem; siquidem actio illa exceptione elidi potest, nimirum hac: quod *plus tempore* petatur *Schamb. hic.*

### §. AT SI ITA. 3.

Pro *Intellectu* hujus §. tres casus principales notandi sunt. I. Est, quando sic stipularis: 10. *Aureos annuos, quoad vivam dare spondes?* Et hic est propriè casus §. nostri. Sed, an talis stipulatio pura erit? Dixeris, quod non, quia diem, sive *tempus vitæ* habet adjectum. Verùm, ait hic Imperator, hanc *stipulationem* esse *puram*, & *perpetuam*. Pura quia ex ea stipulator confestim agere, adeoque decem initio statim, cujuslibet anni petere potest, l. 56. §. 4. ff. b. t. Siquidem tempus hic non *differendæ*, sed potius *multiplicandæ* solutionis gratiâ, & sæpius *reiterandæ* puræ obligationis causâ adjicitur, l. 10. §. seqq. ff. eod. Dixi: initio statim cujuslibet anni. Ratio hujus est, quia tempus adjectum est in favorem *Creditoris*, non *Debitoris*; in ipsius ergo facultate depositum est, an statim petere velit? Nisi fructus singulis annis de quodam fundo essent præstandi, nam tunc expectandum est, donec fructus ex fundo percipiantur, l. 26. §. Pater ff. Quando dies leg. ced. Schneid. num. 1.

*Res ad l. i. i. i. i.*

Perpetua est ejusmodi stipulatio, qua in stricto Jure transitoria ad hæredes: transitoria autem ad hæredes ideò est, quia tempus (utpote *Fasti*) non est modus tollendæ obligationis (utpote *Juris*) l. 44. §. Placet ff. de O. & A. Verùm, si hæredes stipulatoris à promissore 10. annuos, petant, eos, propter apposita verba, *quoad vivam*, per exceptionem repellit; tacitè etiam per illa verba, *quoad vivam*, conventum videtur, ne ultra vitam fieret præstatio. *Schamb. hic. Manz. n. 6.*

II. Casus est, quando sic stipularis, 10. *Aureos, quoad vivam, dare spondes?* Hôc casu pure obligatio confurgit, & stipulans tota 10. non annuatim præstanda, sed simul petere potest; quia pro tota vita unica tantum 10. debentur, & non plura, l. 56. §. 4. ff. b. t. Schneid. num. 2. Et, licèt in stricto Jure hæc obligatio transeat ad hæredes; æquitate tamen conventionis propter apposita verba promissor hæredes stipulatoris per exceptionem repellit, l. 44. §. 1. ff. de O. & A. *Schamb. hic.*

III. Casus est, quando quis stipulatur à Cajo Aureos annuos, non adjectò *quoad vivam*; tunc sine dubio non unico, sed singulis annis decem debentur, & quia pura est obligatio, peti possunt ab initio anni, cum tempus adjectum sit in favorem creditoris. *Schneid. n. 3.* Et hæc obligatio, quin transitoria sit ad hæredes, non ambigo, l. 16. §. 1. ff. b. t. quilibet enim, non tantum sibi, sed etiam suis hæredibus paciscendo prospicere, intelligitur. *Accedit*, quòd ratio, propter quam exceptionem in primo, & secundo casu dedimus, hoc in casu cesset. *Schneid. num. 4. Harp. n. 8. Schamb. hic.*

Dices: si quis decem aureos annuos leget, legatum non transit ad hæredes,

N n n

sed

sed morte legatarii expirat, *d. l. 16. §. 1.* ergo in nostro casu dicendum. *R. Con. ant. neg. conseq.* Ratio *differentia* est, quod testator tantum voluerit benefacere personæ legatarii; in contractu autem non tantum nobis, sed etiam hæredibus nostris prospiciamus.

#### §. SUB CONDITIONE. 4.

8 Lubeat latius non nihil in hunc §. ob sui *Utilitatem*, excurrere, ac *Naturam conditionum* exactius perspicere.

*Conditio est Eventus quidam futurus, in quem Dispositio suspenditur.*

*Conditio* variè dividitur; quædam enim est *propria*, quædam *impropria*. *Propria* illa dicitur, cujus *eventus* est contingens. *Impropria*, quæ quidem *Figuram* & *Speciem* conditionis præ se fert; *Vim* tamen, ac *Potestatem* ejus non obtinet: qualis est illa, quæ *vel in præsens*, vel *præteritum* concipitur.

*Conditio propria* quædam est *necessaria*, quædam *impossibilis*, quædam *possibilis*.

*Conditio necessaria* est vel *certa omni certitudine*; vel *non est certa omni certitudine*. Prior est, quæ habet causam certam, & infallibilem, v. g. *si sol cras orietur*. Posterior est, quæ habet quidem causam certam, & infallibilem, sed tempus valde incertum, v. g. *si Caius morietur*.

*Conditio impossibilis* est vel talis *naturâ* vel *Jure*. *Naturâ* talis est, cujus *existentia naturæ* repugnat, v. g. *si caelum digito tetigeris*. *Jure* impossibilis est, cujus *existentia honestati & bonis moribus* adversatur. Veluti: *si Titium mactaveris dabo tibi 10.*

*Conditio possibilis* est, quæ habet se ad *utrumque*, quatenus *potest contingere*, vel *non potest contingere*. Hæc triplex est *potestativa*, *causalis* & *mixta*. *Potestativa*

est, quæ pendet ex mera voluntate ejus, cui promittitur, veluti: *promitto tibi 10. si istud vel illud feceris*, puta, inimicum meum placaveris; est enim in tua potestate, & facultate, num illum placare velis?

Casualis est, quæ dependet ex casu, & fortuna, v. g. *promitto tibi 10. Si Imperator Turcam vicerit.*

Mixta est, quæ participat aliquid de potestativa, & conditionali, sive, quæ partim dependet ex tua voluntate, partim ex casu, veluti: *promitto tibi 10. si redieris ex Gallia*. Hæc conditio dependet partim à tua voluntate, partim à casu, & fortuna; quia multi casus accidere possunt, quo minùs, etiamsi velis, redire possis. Datur & alia conditio, quæ mixta vocatur, quæ partim ex tua, partim ex alterius voluntate pendet, v. g. *spondeo tibi 100 si Titiam duxeris*. His præmissis,

Redeo ad Textum, & dico, quod *sub omni conditione stipulatio* fieri, & tam *affirmativè*, quàm *negativè* concipi possit. *Affirmativè*, veluti: *promitto tibi 10. si Caesar hoc anno redierit in inferiorem Germaniam*. *Negativè*, veluti: *promitto tibi 10. si Caesar hoc anno non redierit in inferiorem Germaniam*. Et, si stipulatio taliter contracta fuerit, tunc ante existentem conditionem neque cedit: neque venit dies, *l. 213. ff. de V. S.* sive (ut *Schneid.* loquitur) neque *Actio*, neque *Obligatio* nascitur. *Ratio*, quia, sub conditione promissa, non ante pariunt obligationem, quàm conditio extiterit. *d. l. 213.* & quod est in conditione, non est in obligatione, *arg. l. 8. ff. si quis omiff. caus. test. Manz. r. 5. hic.* Quod *dictum*,

*Limitatur I.* Nisi sit *Conditio impropria*; vel *necessaria*. Nam talis conditio impropria, quæ videlicet in præsens tempus, vel præteritum concipitur, veluti:

luti : *promitto tibi 10. si Caesar hoc mense fuerit Augustus*; vel *jam est Augustus*: non suspendit obligationem, sed habetur pro pura, l. 37. cum seqq. ff. si cert. petat. Ratio, quia, quæ certa sunt, obligationem non morantur.

Idem ex eadem ratione dic de conditione necessaria; hæc etiam pro pura habetur, l. 9. §. qui sub cond. ff. de novat. Schneid. n. 13.

**Limitatur II.** Nisi sit **Conditio** impossibilis **Natura**, vel **Jure**; talis enim stipulationem vitiat, §. 11. Inst. de inut. stipulat. Ubi hujus rei rationem dabimus.

**Dices**: **Conditio** impossibilis non vitiat actum ultimæ voluntatis, sed habetur pro non adjecta, l. 1. §. 6. ff. de hered. Inst. ergo neque vitiabit actum inter vivos. R. **Conc. ant. neg. conseq.** Disparitas est, quia testamentum ab uno; contractus à duobus celebratur. Si proinde in contractu adjectbrint conditionem impossibilem, vitiatur contractus; sibi enim imputare debent contrahentes, quod suo contractui legem clariorem non dixerint. Secus est in ultima voluntate; ubi solus testator concurrit, qui, si conditionem impossibilem testamento adjecerit, hæredi nulla potest culpa imputari, proinde, ut voluntas fortiatut exitum, jura talem conditionem pro non scripta reputant. Harp. §. 11. Inst. de inut. stip. n. 4. Chling. hic. q. 11. object. 1.

#### AD V. SI QUIS ITA.

Dictum supra, conditionalem stipulationem posse etiam negativè concipi, sive sit conditio casualis, sive potestativa. Jam hic ponit Imperator Exemplum conditionis potestativæ, negativè conceptæ, puta, *si in Capitolium non ascendero*, 10. dare sponde? Et dicit, quod perinde sit, ac si stipulatus fuero: *spon-*

*desne dare 10. cum moriar*? Itaque ante mortem meam nihil à promissore peti potest; Ratio, quia in conditionali stipulatione non potest agi, priusquam conditio sit purificata: atqui ante mortem meam non potest purificari (quia nunquam certum, planumve fiet, me non ascensurum, nisi cum moriar, si enim hodie non ascendere possum) ergo. Schneid hoc. vers. n. 1. Manz. hic. 10. Ex his

**Colliges**, quod conditio potestativa, negativè concepta, ante mortem nullam producat obligationem, neque actionem.

**Dubitatur**, an **Cautio Mutiana** in contractibus locum habeat? Nota si alicui legatum sub conditione potestativa, negativè concepta relictum est, puta, *si Capitolium non ascenderit*: tunc legatarius per Fidejussorem cavere potest, se nunquam ascensurum; si verò ascenderit, se legatum, unà cum fructibus, restitutum. Et hanc cautionem hæres tenetur acceptare, legatumque legatario extradere. l. Mutiana. 7. & l. 73. ff. de condit. & demonstr.

Jam **queritur**: ane ista cautio habeat quoque locum in contractibus? R. **Negativam communem** esse. Ratio **diversitatis** hæc assignatur, quia in contractibus sibi imputare debet, qui conditionem hanc adjicere passus fuit. Ludwel. inst. hic. Aliam rationem differentiarum adornat Brunn. in d. l. Mut. 7. quia (inquit) in contractibus obligatio conditionalis ad hæredem transmittitur, non verò legata conditionalia, l. un. §. fin. autem aliquid sub. condit. Cod. de caduc. tollend.

#### AD V. EX CONDITIONALI.

Dictum supra, effectum stipulationis, sub conditione contractæ, esse, quod, antequam extet conditio, neque obli-

gatio, neque actio nascatur: tantum spes sit, pendente conditione, debitum iri; sed

Jam *queritur*: si stipulator decedat ante eventum conditionis, an transmittat illam spem ad hæredem? *Dixeris* quod non, quia legatum legatario ante eventum conditionis decedente ad hæredes non transmittitur, *d. l. un. §. Sin autem* ergo nec debitum ex stipulatione.

Verum, hoc non obstante, statuit hic Imperator, spem, debitum iri, in hæredes transmitti. Ratio, quia sæpe in Jure nostro spes fungitur locò rei, *l. 8. ff. de contrah. emp. §. vend.* & quod est in *Spe*, perinde habetur, atque si esset in *Re*. Ratio alia, quia spes, debitum iri, vendi potest, ergo & transmitti. *Antecedens* patet ex *l. 8. §. 1. ff. de contrah. emp.* Ad rationem dubitandi *R. Con. ant. neg. conseq.* Differentiæ ratio est, quod in stipulationibus, aliisque contractibus, contrahentes non tantum sibi, sed & hæredibus suis prospicere velle, videantur, *l. 9. ff. de probat.* legata vero, ob meritum aliquod, obveniant. *l. 9. ff. pro socio.* Adeoque testator, legatario tantum, non etiam hæredibus ejus consulere voluisse, existimandus est, *Ludwel. hic.*

#### §. L O C A. §.

*Supra* dictum est, stipulationem quamdam esse in diem: & in tali stipulatione in diem quandoque dies est expressa (de qua dictum) quandoque vero *tacita* (de qua hic) veluti, quando solutio collata est in certum quendam locum, ut: *promittisne, mihi dare 10. Norimbergæ.* Hoc casu tacite inest tempus, quo commodè eò pervenire possis. Illud adhuc observa, si tempus, adeò angustum, stipulationi adjiciatur, ut impossibile sit, intra illud tempus illuc

pervenire, quod stipulatio nulla sit, & irritetur, veluti: *promitto, hodie Romæ dare 100.* quia impossibile est, uno die Viennâ Romam venire, impossibilis autem conditio omnes contractus vitiat, *l. 31. ff. de O. §. A.*

#### §. C O N D I T I O N E S. 6.

*Explicationem* hujus §. ex jam deductis habes, ubi diximus: conditionem aliam esse propriam, aliam impropriam. De impropria id juris statuimus, quod pro pura habeatur; quæ enim per rerum naturam certa sunt, obligationem non morantur.

#### §. N O N S O L U M. F I N.

*Queritur* in hoc §. quæ in stipulationem deducantur? *R.* non solum *Res*, sed etiam *Facta* in stipulationem deduci: v. g. *promittis librum scribere? domum adificare? vel alia negotia gerere? vel hoc, vel illud non facere?* Cæterum, si stipulatio facti contracta fuerit, tunc consulit hic Imperator, stipulationi pœnam subicere, in casum solvendam, quo factum non impleatur. Nam si promittens factum non præstet, tunc plerumque devenitur ad præstationem interesse, quod stipulator probare debet. Jam verò, cum interesse consistat in facto, & difficilis plerumque sit probationis, ratione lucri cessantis, & damni emergentis: Ideò præscribit Imperator tale consilium, ut is, qui factum stipulatur adjiciat certam, & definitam aliquam pœnam, quæ in locum ejus, quod interest, succedat, v. g. in hunc modum: *promittisne, mihi adificare domum? §. nisi intra annum hoc feceris, promittisne, pœne nomine, 100.?* Ratio hujus consilii in textu hæc assertur, ne scilicet quantitas stipulationis in incerto sit, ac necesse sit aëtori probare, quod ejus inter sit,



interfit quasi diceret Imperator, quia, si poena non fuerit adjecta, aestimatio facti incerta erit, quoniam facta ab aliis pluris, ab aliis minoris aestimari solent. *Schneid. n. 7.*

*Controversitur* an is, qui Factum promisit, id praecise teneatur praestare, ut, offerendo id, quod interest, non liberetur. **R. I.** ex stipulatione dandi praecise quis ad dandum obligari, & praestando interesse, non liberari. Huic sententiae communi Harmonia D. D. accinunt, puta, *Glette tr. de pact. §. n. 22. Harp. prin. in h. t. n. 59. Schamb. & Schneid. hic. Manz. n. 4. hic. Hum. var. resol. l. 3. tract. 4. quest. 14.*

*Nititur* haec sententia **I. l. 75. §. fin. ff. de V. O.** ubi dicitur, quod, datione fundi Tusculani, in stipulationem deducta, ejus dominium omnino debeat in stipulationem transferri. Ratio hujus datur, quia stipulatori Jus, ad rem aliam dandam, quaesitum est; aliud autem pro alio invito creditor, non obtruditur, **l. 2. §. 1. ff. de R. C.** ergo.

*Nititur* **II.** validò *text. l. 35. §. fin. Cod. de donat.* ubi dicitur, quod promissionem factam necessarius traditionis effectus debeat subsequi, & donator necessitatem habeat omnimodè rem conventam tradendi.

*Nititur* **III.** hac inexpugnabili ratione, si ex stipulatione dandi quis non praecise obligaretur ad dandum, tunc posset v. g. venditor rem unam venditam, licet, ac sine omni culpa alteri vendere: nam secunda venditio non esset contra Jus primi emptoris, utpote, qui non haberet venditorem, ad ipsam rem venditam tradendam, determinatè obligatum, adeoque, posset venditor utrique contractui satisfacere, ac primo quidem emptori interesse solvere, alteri verò ipsam rem tradere; sed consequens

repugnat, **l. 21. ff. ad Leg. Cornel. de falsi.** de qua dicitur, quod is, qui rem duobus in solidum vendit, poenâ falsi sit coercendus, ergo, &c.

**R. II.** Non tantum ex stipulatione dandi praecise aliquem teneri ad dandum: sed etiam ex stipulatione faciendi praecise promissorem ad praestationem facti teneri, & offerendo interesse, non liberari. Ita *Glette loc. cit. n. 23. Schamb. hic P. König. de solut. n. 19. Dissentit communis D. D. Schola. puta, Bach. ad Treutl. vol. 1. Disp. 28. th. 2. lit. E. Fach. l. 2. c. 30. Harp. prin. Inst. de V. O. n. 59. Hum. var. resol. l. 3. tr. 4. Quest. 13.*

*Nostri Sententia* fulcitur **I. Argumentò**, qui Factum promittit, obligat se ad ejus praestationem: sed, ad quod quis se obligat id praecise tenetur praestare, **l. 1. ff. de constit. pecun.** ergo qui Pactum promittit, tenetur id praecise praestare.

**II. Argumentum** sic adorno, qui init *Sponsalia*, tenetur praecise *Matrimonium* contrahere; nec est in arbitrio debitoris, offerendo id, quod interest, à contractu matrimoniali se liberare: atqui contractus matrimonialis est simplex factum; ergo falsum est, eum, qui factum promisit, satisfacere, si offerat id, quod interest. Item, qui matrimonium contraxit, tenetur omnimodè parti cohabitare, ita, ut non audiat, si id, quod interest, velit solvere; & tamen certum est, quod cohabitatio sit factum simplex; ergo falsum est, eum, qui factum simplex promisit, posse se à contracta obligatione liberare, si offerat id, quod interest.

**III. Sic dico:** in obligationibus dandi, non potest aliud pro alio creditori invito obtrudi; sed praecise quis tenetur ad dandum, ideo videlicet, quia ipsi

ad rem promissam Jus quæsitum est; ergo etiam in obligationibus *faciendi* aliud pro alio invito creditori obtrudi non poterit; cum æquè sit ipsi Jus quæsitum.

*Obj. I.* Eum, qui factum promittit, non obligare se *determinate* ad ejus præstationem; sed *alternative*, ac *disjunctivè*; puta, vel ad præstationem *Facti*, vel *Interesse*: atqui in obligatione alternativa non *Stipulatoris*, *Creditoris*, aut *Actoris*: sed *Debitoris* & *Rei* est *Electio*, quodnam ex illis præstare velit, *l. 10. §. fin. ff. de eo, quod cert. locò l. pen. Cod. de condict. indeb.* ergo, si promissor factum præstare nolit; offerendo interesse, se liberare poterit.

*R. Neg. maj.* qui enim factum (v. g. *Imaginem pingere*) promittit, is promittit *simpliciter* & *determinate*, non *alternative*, vel pingere imaginem, vel præstare interesse. *Accedit*, quod alternativam obligationem debuisset exprimere, si simpliciter se obligare non voluisset.

*Dices:* Promissorem facti implicite retinere ipsam conditionem: *volo, ad præstationem facti, esse obligatus; nisi malim id quod interest, solvere.* Sed contra est I. quod conditio, in mente retenta, nihil operetur, *l. 7. ff. de condict. ob caus. dat.* Contra est II. quod tacitæ conditiones sine expressa Legis dispositione non sint temere adstruendæ; nulla autem est *Lex*, nulla *Constitutio* assignabilis, ex qua cum fundamento possit deduci, quod, qui factum simplex promittit, censeri debeat, potestatem sibi reservasse, solvendi id, quod interest. *Glettle loc. cit.*

*Obj. II.* ad factum nemo potest cogi, cum enim facta membrorum, corporisque operâ perficiantur, nullâ ratione possunt

ab invito extorqueri; ergo liberatur promissor, præstando interesse.

*R. I.* ex *Schamb. conc. ant. neg. conseq.* inde non sequitur, quod physice compelli nequeat, eum liberari præstando interesse; potest enim creditor dicere: malo, ut perpetuò obligatus maneat, quam, ut interesse suscipiam.

*R. II.* Quod contractus matrimonialis, & individua vitæ consuetudo etiam non possint ab invito obtineri; & tamen, qui ad memorata facta se obligavit, tenetur ea præcise præstare; ergo ex eo, quod factum aliquod nequeat ab invito obtineri, non sequitur, id promissum non esse præcise præstandum. *Deinde*, etiam rei promissæ traditio nequit citra violentam impressionem à reluctante haberi, & tamen *plerique Adversarii* (imò ferè omnes) nobiscum sentiunt, quod ad *Dationem*, sive ad *Traditionem* debitor præcise sit obligatus; ergo lubricum est fundamentum, cui adversarii innituntur.

*Accedit* denique, quod Reverentia, parentibus debita, Gratitude, aliive similes virtutum actus ab invitis nequeunt obtineri; & tamen cadunt sub obligationem: ergo ex eo, quod factum simplex ab invito non sit obtinibile, minus rectè inferitur, id, quod in contractum deductum, non esse determinate præstandum.

*Obj. III. l. 72. ff. de V. O.* illic in hæc verba rescribitur; *ubi, quid fieri stipulatur, si non fuerit factum, pecuniam dare oportet.*

*R. Textum* hunc loqui (& alios similes) de eo casu, quo implementum facti vel est impossibile, vel creditor ipse elegit interesse præ facto, propter moram promissoris, *Glettle loc. cit.*

## DE DUOBUS REIS STIPULANDI, ET PROMITTENDI.

## S U M M A R I A.

- 1 *Reus stipulandi, & Reus promittendi quinam dicantur?*
- 2 3 & 4 *Enumerantur requisita ad hoc ut plures rei debendi, & stipulandi constituentur.*
- 5 *Duo rei debendi, ambo in solidum obligantur.*
- 6 *An habeant beneficium divisionis?*

## C O N T I N U A T I O.

**H**Actenus dictum est de *Stipulationibus*, quæ inter *Singulos* (non *Plures*) contrahuntur: verum, cum sæpè *due, pluresve personæ* intervenire soleant, tam à parte *stipulantium*, quam *promittentium*, ut unus pluribus in solidum obligetur; & contra plures uni in solidum teneantur: idèò hunc *Titulum* de *Cor-Rei* subjiçit *Imperator*.

## A D P R I N C I P I U M.

**P**RO *difficilis* hujus *Materia* lucidiore *Cognitione*,

*Observa I.* Reos *stipulandi* dici illos, quibus eadem res in solidum debetur. Reos verò *promittendi* nuncupari illos, qui eandem rem singuli in solidum debent, *Zoe. ff. b. t. n. 2.*

*Observa II.* Non tantum ex *stipulatione* sed etiam in aliis contractibus (puta, *Emptione, Locatione, Depositò*; item & in *ultimis voluntatibus*) duos, vel plures Reos debendi constitui posse: cum hac tamen *differentia*, ut illi, quibus ex *stipulatione* aliquid debetur, *Rei stipulandi*, & qui debent, *Rei promittendi*; contra verò, cui ex alio contractu de-

betur, *Rei credendi*, dicantur *Harp. n. 3.*

Porro, ad hoc, ut plures *Rei debendi* & *stipulandi* dicantur,

*Requiritur I.* ut *Rei stipulandi* stipulentur eandem rem, & quantitatem pecuniæ: & *Rei debendi* promittant, & obligent se ad eandem rem, vel quantitatem pecuniæ. Hinc, si ego à *Titio* stipuler 10. tu verò stipuleris ab eo *Equum*, vel alia 10. non dicimur duo *Rei stipulandi*. Et econtra, si *Titius* mihi promitteret *centum*, & *Cajus* promitteret mihi *Vinum*, vel alia centum, non eadem, quæ à *Titio* stipulatus sum; *Cajus*, & *Filius* non dicerentur *Cor-Rei debendi*. *Ratio*, quia natura hujus contractus est, ut illud idem in obligationem deducatur, & diversitas rei debitæ vitiat constitutionem duorum Reorum, l. 35. ff. b. t.

*Requiritur II.* Ut ex una, eademque causa fiat & *Stipulatio*, & *Promissio* à pluribus; nam & diversitas causæ, in obligationem deductæ, duorum Reorum constitutionem vitiat. Unde, si ego stipulor à *Titio* 10. ex causa *Mutui*, tu verò stipularis ab eo decem ex causa *Emptionis*: non sumus *Cor-Rei stipulandi*. Sicut nec *Cajus*, promittens mihi decem ex causa *mutui*, & *Titius* alia decem ex causa *emptionis*, *Cor-Rei debendi* dicuntur.

*III. Requiritur*, ut quilibet in solidum promittat; hæc enim est principalis substantia, & natura duorum Reorum debendi, ut quilibet in solidum sit obligatus; alias, si quilibet pro parte tantum se obligaret, diceretur separatim debitor suæ portionis l. 2. ff. eod.

*IV. Requiri-*

IV. *Requiritur*, ut quilibet eorum principaliter sit obligatus; secus, si unus principaliter, alter verò se accessorie obligaret. Nam tunc non essent Cor-Rei debendi, sed unus diceretur principalis debitor, alter verò, qui accessorie se obligavit, Fidejussor. *Schneid. Inst. hic.*

His ita *præcognitis* videamus, quomodo, & quibus verbis constituentur duo Rei stipulandi, & duo Rei promittendi

Duo Rei stipulandi constituentur hoc modo: si Titius interroget Sempronium, promittisne, mihi dare fundum Tusculanum? Et deinde ex modico intervallo, priusquam Sempronius respondeat, Cajus eum similiter interroget, dicendo? Semproni, eundem fundum Tusculanum & mihi dare spondeas si postea Sempronius respondeat, dicatque: Utrique vestrum dare promitto; non est dubium, in hoc casu constitui duos Reos stipulandi. Illud autem nota, ut duo Rei stipulandi fiant, non debere Sempronium Titio particulariter, & Cajo particulariter respondere (tunc enim essent diversæ Stipulationes) sed debere, duas interrogationes præcedere, & unam tantum responsionem sequi. *Manz. n. 10.* Duo Rei promittendi constituentur hoc modo: *Mævi, decem aureos dare spondes? & Sei, eosdem decem dare spondes?* Si singuli separatim respondeant, *spondeo*; vel simul respondeant, *spondemus*: non est dubium, quin hoc casu constituentur duo Rei promittendi; quia duo eandem rem, & quantitatem in solidum debent. *Manz. n. 19. h. t.*

Hodie, sublatâ hæc verborum solennitate, his potissimum verbis duo Rei debendi constituentur: *sammentlich wird sonderlich, Einer für alle, und alle für Einen, mit ungescheidener Hand.* *Manz. n. 30. hic.*

### §. EX HUIUSMODI I.

*Effectus* huiusmodi stipulationum est, quòd una sit obligatio in solidum, licet plures sint obligati, vel plures Creditores. Unde, uno ex debitoribus, seu Cor-Reis promittendi solvente, perit obligatio, & reliqui liberantur. Sicut è contra si uni ex Cor-Reis stipulandi solvatur, reliqui, quod prætendant à debitore non habent.

Illud certum est, quòd si plures sint Cor-Rei, quem ego velim, convenire possim, *l. 2. Cod. h. t. sed*

*Quæres*, an Cor-Reis non sit saluum 6 Beneficium *Divisionis*, sicut fidejussoribus? *R. Inspectò Jure Digestorum, l. 2. § l. 11. ff. h. t. & Jure Codicis l. 2. Cod. eod. quòd non Jure verò novissimò* secus esse, quò inspectò, hoc beneficium Cor-Reis debendi competit, *Nov. 89 cap. 1. & auth. Hoc. ita Cod. h. t. & hanc sententiam communi usu forensi receptam esse, testes sunt Gail. 2. observ. 14. Carpzov. Jur. for. part. 2. consl. 17. de finit. 14.*

### §. EX DUOBUS FIN.

In hoc §. *queritur*, an ex duobus Reis promittendi, alius *pure*, alius in diem, vel sub *conditione* obligari possit? videtur, quòd non: quia diversitas causæ, & quantitatis, vitiat duorum Reorum constitutionem, ergò etiam diversitas temporis, sive conditionis adjectæ.

Verùm, hoc non obstante, *R. Imper.* quòd Rei promittendi bene sic fieri possint, ut unus *pure*, alter in diem, vel sub *conditione* obligetur. *Ratio*, quia ista disparitas ad paritatem reduci potest, cum qualitatis, dispares in obligationem non faciat.

Ad



Ad rationem dubitandi R. in priori casu identitatem rei, & causæ esse de Substantia constitutionis duorum reorum, ergo diversitas causæ hoc ipso constitutionem vitiat; tempus autem adjectum tantum est accidens quoddam

stipulationis; accidens autem non mutat rei substantiam. *Manz. n. 8.*

Dicta eatenus procedunt, ut in casu, quo unus purè, alter in diem, vel sub conditione promisit, à priori statim possit exigi, quia statim debetur; secus à posteriori, *text. hic.*

## TITULUS XVIII.

## DE STIPULATIONE SERVORUM

## SUMMARIA.

- 1 *Servus ex persona Domini rectè stipulatur.*
- 2 *Etiam si sit hereditarius.*
- 3 *Quidquid autem per stipulationem acquirit, non sibi, sed domino acquirit.*
- 4 *Filius-fam. acquirit patri.*
- 5 *Servus communis, cui acquirit?*

## AD PRINCIPIMUM.

I **Q**ueritur in hoc §. an Servi Stipulari possint? Videtur, quod non, quia stipulatio est contractus Juris civilis; servi autem de Jure civili habentur pro mortuis, l. 32. ff. de R. J. seu, quia stipulatio fit per verba; sicut ergo naturaliter, mortuus non potest loqui naturaliter, ita civiliter mortuus non potest loqui civiliter.

Hoc tamen non obstante, *deciditur* hic, quod servus Jus stipulandi habeat, non quidem ex Persona sua, sed Domini sui; sicut enim vox Filii vox Patris, ita vox Servi, vox Domini intelligitur, arg. §. 4. *Inst. de inut. Stipulat. Manz. n. 4.* Dixi, Jus stipulandi; Jus enim promittendi servus non habet. Unde promittendo nec servus, nec dominus obligatur. Non servus, quia stipulatio est *Rees ad Instituta.*

Juris civilis, cujus incapax est, d. l. 32. Non dominus, quia res nostra per servos melior fieri potest, deterior non etiam, l. 133. ff. de R. J. *Harp. n. 7. hic.*

## §. AD VERS. SED ET HEREDITAS.

Queritur ex priori Decisione, qua 2 statuitur, quod servus ex persona Domini stipulari possit; an etiam servus hereditarius, sive servus jacentis hereditatis stipulari possit?

*Dixeris quod non.* Ratio, quia servus stipulari non potest, nisi servus ex persona domini, atqui ex persona domini stipulari non potest, quia dominus mortuus est; ergo, &c.

Sed *contrarium* hic *deciditur.* Ratio, quia hereditas jacens in plerisque defuncti vicem sustinet *text. hic.* & in l. 36. ff. de A. R. D. Hinc talis servus, quidquid stipulatur, acquirit hereditati jacenti, per consequens futuro postea heredi.

Dixi: in plerisque quia in iis, quæ sine vera persona esse nequeunt, & in quibus vivens persona requiritur, hereditas jacens defuncti personam non repræsentat. Sic servus hereditatis jacentis hereditatem adire non potest; requiritur enim jussus domini, §. 3. *Inst. per quas personas cuique acquir.* Nec rectè  
O o o servus

servus hæreditarius usumfructum stipulabitur, cum uti servitute non possit, nisi sit persona, quæ fruatur, *d. l. 63. ff. de A. R. D. Schamb. hic.* Sic quoque hæreditati jacenti furtum fieri non dicitur, *l. 1. §. Scævola ff. si u, qui, testamentò liber esse, jussus erit. &c.* Siquidem furtum requirit personam veram, cui fiat, cum invito domino fieri debeat, §. 6. *infra de oblig. quæ ex delict. nasc. l. 40. de Furt. Harp. n. 10.* dicitur tamen, fieri aliud crimen, nimirum expilatæ hæreditatis, *tot. tit. ff. de crim. expilat. hæred. Manz. n. 16.*

#### §. SIVE AUTEM. I.

3 *Queritur* hic, cui servus stipulando acquirat; & *R.* quod acquirat suo domino, quodcumque stipuletur, puta, sive domino, sive sibi, sive conseruo suo, sive impersonaliter. Adeoque, sive ita dicat: *dabisne mihi 10. sive dabisne domino meo? sive: dabisne conseruo meo? sive impersonaliter, id est, dabisne 10. semper, & perpetuò manet regula: servus quidquid acquirit, domino acquirit.* Ratio jam trita est, quia ipse servus, cum in potestate alterius sit, nihil suum habere potest, §. 3. *Iust. per quas pers. cuique acquir. l. 118. ff. de R. J.*

#### AD VERS. IDEM JURIS.

4 Quod Juris Imperator statuit in Servo respectu Domini: idem Juris esse (ait) in Filio fam. respectu Patris; ut nimirum & iste, quidquid acquirit, patri acquirat. Quod procedit in Peculio duntaxat profectio, & adventitio; quoad Usumfructum. In castrensi, & quasi tali (cum pro Patrefam. habeatur) patri non acquirit. *Manz. n. 11.*

#### §. SED, CUM FACTUM 2.

Quamvis dictum sit, quod servus; quidquid acquirit acquirat domino; id tamen fallit, si servus aliquod Factum stipuletur, quod factum. Personam ipsius servi tantum respicit, v. gr. ut sibi liceat ire, vel ambulare per fundum vicini. Nam hoc in casu Jus eundi servus tantum sibi, non Domino acquirit; ita, ut Dominus vi istius stipulationis ire non possit. Ratio est, quia facta personalia ad alios transire non possunt, & quæ facti sunt, non acquiruntur domino. *l. 44. ff. de condit. & Manz. num. 2.* Ratio rationis, quia facta naturaliter sunt, quorum servus capax est. *Harp. n. 2.*

Sanè, licet dominus non acquirat factum per suum servum, acquirit tamen Jus, ut per servum eat, hoc est, potest mittere, & jubere, servum ire per fundum. Sic etiam, si servus itinere impediatur, Actio, quæ est Juris, cujus servus capax non est, non Servo, sed Domino competit contra impediendum. *Schamb. hic.*

#### §. SERVUS FIN.

Servus communis (id est, qui duorum, aut plurium est dominorum) dominis suis non in solidum, neque pro virilibus, & æqualibus partibus; sed proportionè dominica (hoc est, quantum quisque eorum Juris in servum habet) stipulando regulariter acquirit, *l. Servus 5. ff. hoc. tit. At, rem exemplò accipe: Ego, & tu enim servum communem 30. fl. quorum ego 20. tu 10. exposuisti. Ego Itaque duas portiones habeo in servo, tu tertiam. Jam, si servus stipuletur 300. fl. non acquirentur tibi 150. (id est, portio virilis, sive æqualis) sed 100. duntaxat; mihi verò reliquæ 200. Ratio est, quia is, qui,*  
plus

*plus in Societatem contulit, plus Lucri ut ferat, æquum est, l. 29. ff. pro Socio Harp. n. 2.* sed melior mihi videtur hæc ratio, quia causa *Acquisitionis* est *Dominium*, ergò pro qua parte servus illi acquirit, ut causatum respondeat suæ causæ. *Manz. n. 4. hic.*

Sed *Regula*, & *Decisionis* nostræ *Imperator* in hoc §. tres ponit *Exceptiones*.

*Prima* est, si servus *Jussu* unius tantum domini stipuletur, tunc enim soli *jubenti* acquiritur: *Ratio* quia hic intercedit factum duntaxat unius; factum au-

tem cuique suum ( non alteri ) nocere, vel prodesse debet. *Manz. n. 6.*

*Secunda* est, si servus communis nominatim, & expresse uni ex dominis tantum stipuletur; actus enim agentis non operatur ultra intentionem ejus.

*Tertia* est, si servus rem talem simpliciter stipuletur, quæ alteri ex dominis acquiri non possit; veluti si domum, quæ jam est alterius dominorum, alteri stipuletur, quia, quod semel meum est amplius meum fieri non potest, *Harp. n. 5. hic.*

## TITULUS XIX.

## DE DIVISIONE STIPULATIONUM.

## SUMMARI A.

1. *Stipulationes* aliæ sunt *judiciales*, aliæ *civiles*, aliæ *Prætorie*, aliæ *communes*.
2. 3. 4. & 5. *Explicatur*, quid quævis sit.

**R**ecensetur hóc tituló *Divisio Stipulationum*, quæ *quadrimestris*, puta, quodd aliæ *Judiciales*, aliæ *prætorie*, aliæ *conventionales*, aliæ *communes* ( id est; tam *Prætorie*, quàm *Judiciales* ) sint.

## §. JUDICIALIS. I.

2. *Judiciales* sunt, quæ à mero *Judicis* officio proficiuntur, hoc est quarum *Author* est *Judex* à *Prætor* datus; non verò *Prætor* ipse, non partes, inter se litigantes ( v. g. *Cautio de Dolo* ) est *judicialis stipulatio*: etenim illa plerumque in *judiciis*, jubente *Judice*, præstari solet: ut si *Sempronius* rem à *fure*, aut quovis alio vindicet, & metuat, ne, pendente *Judicio*, res à *fure* corrumpatur, reus cavere de *dolo* abfuturo in re

restituenda per *Judicem* cogitur, l. 10. l. 45. ff. de R. V. Sicque *Judicialis* est *stipulatio cautio de persequendo servo*, qui in fuga est. Hanc siquidem cautionem sæpe *Judex* interponi curat, veluti si *legatarius* servum sibi *legatum*, ab hærede petat, hæresque cum in sua potestate esse, ut, quia sit in fuga, neget, hæres à *Judice*, servum suis sumptibus requirere, & *legatario* restituere, aut *pretium* ejus præstare jubetur. *Harp. num 3. hic.*

## §. PRÆTORIE. 2.

*Prætorie* sunt, quæ à mero, seu solo *Prætoris* officio proficiuntur; siue quæ ex *Edicto prætoris* interponi jubentur, seu ( ut ait *Manz.* ) quæ extra formam *Judicii nobili prætoris* officio in genere præstari jubentur, &, quando *Judex* præcisè ex hac causa aditur, ut tales cautiones interponantur, [v. g. si vicini ædes ruinam minentur, tenetur vicinus præstare cautionem de damno infecto, quam cautionem prætor sub hac forma

O o o 2

proposuit

proposuit ; quod mihi ex domo tua damnum accidere potest , dare spondes ? l. 7. ff. de Damn. infect. Quod si alter cavere nolit , Prætor mittit in possessionem bonorum postulantem ex primo Decreto , cuius finis est , ut vicino per talem custodiam , tædio affecto , extorqueatur Cautio. Quod si adhuc vicinus necdum cavere velit , permittit Prætor ex secundo Decreto , ut vicini ædes possideantur ab eo , qui sibi cautum voluit , expellendo vicinum de possessione , l. 22. §. 20. ff. de dam. infect.

Alia Stipulatio prætoria est , si alicui Legatum vel Fidei - commissum in diem , vel sub conditione relictum sit ; tunc enim ( quoniam formido subest , ne hæres mediò tempore legatum dissipet , & ad inopiam deveniat ) Prætor jubet hæredem repromittere ; sive cavere , se legatum soluturum , cum dies venerit , aut conditio extiterit. Manz. n. 6. Ad stipulationes prætoria referuntur *Ædilia* ,

talis est stipulatio *simplex* , vel *duplex* in casum evictionis , l. 56. ff. de Evict. Item , dum venditor de vitio , quod rei venditæ adesse timetur , cavere debet , l. 1. §. 1. ff. de Ædilit. Edict. Schamb. hic.

### §. CONVENTIONALES. 3.

Conventionales dicuntur Stipulationes , quæ ex Conventione Partium quarum Res & Negotium agitur , interponuntur , & harum Stipulationum tot ponunt esse Genera , quot sunt Contractus ; cum omnibus contractibus , ad corroborandos eos , Stipulatio adjici possit. Schneid. num. 9.

### §. COMMUNES. FIN.

Communes Stipulationes sunt , quæ jubente Prætoris , extra iudicium , & interdum officio Judicis in iudicio proponuntur , ut Cautio , rem Pupilli salvam fore quam præstat Tutor. Et Cautio de rato , quam præstat quicumque nomine alieno agit. Perez hic.

## TITULUS XX

## DE INUTILIBUS STIPULATIONIBUS

### SUMMARIA.

- 1 An valeat stipulatio rei , qua non est in rerum natura ?
- 2 Res sacra in stipulationem non rectè deducitur.
- 3 An res propria rectè in stipulationem deducatur ?
- 4 Stipulatio , qua quis promittit , alterum daturum , an valeat ?
- 5 Stipulatio , alteri per alterum facta , non tenet.
- 6 Solutio in personam alterius rectè confertur.
- 7 Stipulatio , ex una parte pure & ex altera conditionate facta , non tenet.
- 8 Inter patrem , & filium , servum & Dominum non valet stipulatio.
- 9 Mutus , & surdus non rectè stipulatur.
- 10 Nec furiosus.
- 11 Pupillus , sibi aliquid dari , rectè stipulatur.
- 12 Stipulatio an vitiat per conditionem impossibilem ?
- 13 An rectè fiat inter absentes ?
- 14 Stipulatio , præpostere concepta , an valeat ?



- 15 *An presumatur, praecessisse interrogatio, si in instrumento fiat mentio promissionis?*  
 16 *Simpliciter promittens, praesumitur omnia promississe, de quibus interrogatus est.*  
 17 *Si quis alteri stipulari velit, consultum est, ut penam adjiciat.*  
 18 *An stipulatio conditionalis transeat ad heredes?*  
 19 *Si quis promittat, se hunc annum datum, quando teneatur dare?*

## C O N N E X I O.

**H**ucusque quid, & quotuplex sit Stipulatio? & qua forma valide, atque utiliter fiat? Sequitur, quomodo inutiliter contrahatur? idque ideò ut Contraria juxta se posita magis elucescant.

## A D P R I N C I P I U M.

Hic traditur universalis regula de materia Stipulationum, qua statuitur, quòd omnes res, quæ Dominio nostro subijci possunt, in Stipulationem deduci possint, mobiles illas sint, sive immobiles.

## §. A T S L I.

**I**n hoc §. prima exceptio ponitur; nam, si quis rem stipuletur, quæ in rerum natura non est (ut homo mortuus, vel res extincta) nec esse potest (ut hippocentaurus, phynex, pegasus, chimæra, &c.) Stipulatio inutilis est, text. hic, & l. 1. §. 9. ff. de O. & A. Quia impossibile nulla est obligatio, l. 185. ff. de R. J. adeò, ut nec debeatur æstimatio, l. 39. §. ult. ff. de legat. 1. & §. 4. Instit. hic. Estque Ratio, quia ubi res ipsa omnino non debetur, ibi nec ejus æstimatio præstanda, dd. text. Harp. n. 6.

Dixi, nec esse potest; res enim, quæ, licet in rerum natura non sit, si tamen esse possit, in stipulationem recte de-

ducitur. Sic id, quod in utero est, aut fructus futuri, Stipulationis Objectum ponere, dubium non est, l. 73. ff. de V. O. quod enim in spe est, perinde habetur, atque si esset in re, l. 8. ff. de contrah. empt. Manz. n. 3.

## §. I D E M J U R I S. 2.

Sicuti res, quæ in rerum natura esse non potest, ita nec res Sacra, religiosa, publica, & liber homo in stipulationem deduci possunt, cum, dominio nostro subijci, & proprietatis Jure nobis acquiri non possint. Et hoc adeò procedit, ut stipulatio non convalescat; licet res sacra, vel religiosa, talis esse desinat, & fiat profana, l. 83. §. 5. ff. de V. O. estque Ratio, quia quod ab initio vitiosum est, tractu temporis non convalescit, l. 1. ff. de Reg. Catoni l. 29. ff. de R. J. Item stipulatio rei sacræ, religiosæ &c. sub conditione, si profana exit, &c. non valet, d. l. 83. §. sacram §. casum enim talem, seu adversam hominis liberi fortunam sperare neque civile, neque naturale est, l. 34. §. omnium 1. ff. de contrah. empt. Schneid. n. 3.

Sanè res propria, licet in stipulationem pure deduci nequeat, quia, quod meum est, meum amplius fieri non potest, §. 10. Inst. de legat. & §. 14. de act. potest tamen res propria sub conditione, si mea esse deserit, in stipulationem deduci, l. 31. ff. de V. O. l. exilium 6. §. 1. ff. de contrah. empt. Estque Ratio differentia, quia nulla hic versatur turpitudò, aut mali omnis nota; & illa, quæ naturâ suâ dominio nostro sunt exempta, in obligationem deduci nullò modò possunt, sicuti sunt res sacræ, & religiosæ, &c. aliud est de rebus propriis, quæ, licet hic, & nunc domino non acquirantur ex natura sua tamen dominium non respuunt, Schamb. hic.

*Dices* : res sacra , religiosa , &c. potest bonâ fide emi , & vendi , ita ut emptio & venditio subsistat : modò bona fides adsit , l. 4. §. 6. ff. de contrab. empt. ergò & poterit in stipulationem trahi. R. Con. ant. negando consequentiam , quia in Stipulatione id agitur , ut dominium omnino transferatur , l. 57. §. ult. ff. de V. O. in Emptione non item. Neque enim venditor cogitur dare , aut emptorem facere dominum , sed tantum rem tradere , & evictionem præstare , l. 4. ff. de contrab. empt. atqui liber homo , res sacra , &c. in Dominio esse non possunt ; haberi autem , & possideri possunt. Ratio porro , cur liberi hominis , rei Sacræ , vel publicæ venditio in Jure subsistat , si emptor ignoret , hæc esse videtur , ne scilicet libertas commerciorum impediatur , arg. l. 44. ff. de usurp. & usucap. Harp. n. 9. hic.

#### §. SI QUIS ALIUM. 3.

- A** Inutilis est etiam stipulatio , si quis promiserit , alterum daturum , aut facturum , text. hic , & in l. 83. ff. de V. O. Ratio , quia nemo ex alterius contractu obligatur , l. pen. & tot. tit. Cod. ne uxor. pro Marit. & res inter alios acta , aliis præjudicare non debet , l. 63. ff. de re jud. Ratio quoad promittentem , quia impossibile nulla est obligatio ; respectu autem promittentis censetur factum alienum impossibile , quia tertius cogi non potest , ut præstet id , quod inter me , & te actum est , quia nemo potest necessitare membra aliena. Manz. num. 3.

Et hoc procedit adco , ut promissor facti alieni ne quidem teneatur curare , ut tertius det , vel faciat , quia peccatum est in formâ contractus ; formâ autem neglectâ quidquid agitur , inutile est , l. 1. Cod. de prad. decur.

*Fallit* prædicta regula I. in promittente factum alienum sub pœna ; tunc enim promissor , non quidem ratione facti , sed pœna , obligatur. Unde pro consilio cape , quòd semper pœna adjiciatur , sic enim Promissor facti alieni , licet non ad factum ; tamen obligatur ad poenam. Schneid. n. 7.

*Fallit* II. in promittente factum sui hæredis , l. 38. ff. de V. O. censetur enim suum factum promississe , cum una , eademque persona hæres , & defunctus censetur. Novell. 84.

*Fallit* III. si quis promiserit , se effecturum , aut curaturum , ut det tertius , vel faciat ; quia hoc in casu non alienum , sed suum factum promittit. Et hoc in casu tantam adhibere diligentiam tenetur , quantam potest ; hoc si fecit , liberatur. Manz. n. 9. plures fallentias vide apud Schneid. & Schamb. omnes enim apponere , prohibet *Instituti Ratio*.

#### §. SI QUIS ALII. 4.

Quemadmodum quis factum alterius **S** promittere non potest , ut alter obligetur , ita nec quis alteri , sed sibi tantum , ve Juri suo subjecto rectè stipulatur , alteri enim per alterum non queritur obligatio , l. 1. Cod. per quas pers. cuique acquir. & stipulationes adinventæ sunt , ut unusquisque acquirat sibi , quod suâ interest. §. 18. infra h. t. Dixi : vel Juri suo subjecto. *Fallit* enim I. Si Pater fam. vel Dominus servo , aut , vice versa , stipulatus sit ; quia habentur pro una persona , & vox patris est vox filii , & contra. *Fallit* II. si promittens , alteri dare , Juramentò promittat ; omne enim Juramentum , quod absque interitu salutis æternæ servari potest , servandum est , cap. cum contingat. 28. X. de Jure Jur. *Fallit* III. si quis piis locis , & pauperibus

peribus stipuletur, veluti: *dabis in Klagbaum 100. l. illud Cod. de SS. Eccles. hic. n. 5.*

#### AD VERS. PLANE SOLUTIO.

6 Quamvis alteri quis stipulari non possit: potest tamen solutio in personam alterius conferri; sive persona solutioni adjici, ita, ut, si promissor huic solvat, is liberetur, v. g. hōc modō: *mihi, aut Titio centum dare, spondes?* stipulatio utilis est, habetque illum effectum, ut promissor Titio solvere possit, eique solvendo liberetur. Hoc tamen verum est, quod in tali casu promissor mihi soli obligetur, nec ulla obligatio, aut Actio Titio acquiratur, utpote cujus persona, solutionis tantum causa, adjecta est. Ratio autem, quare Titio nulla Obligatio, aut Actio quaeritur, est regula universalis, quod alteri per alterum non quaeratur obligatio, aut actio. *Manz. n. 4.* Ne tamen persona Titii frustra adjecta sit, & actus semper interpretari debeat, ne sit frustraneus, & ut valeat potius, quam pereat, ideō Titio recte solvitur, etiam, me inivitō, & reluctante: ratio, quia solutio, sive datio est alternativa; in alternativis autem electio est debitoris, *l. 10. Cod. de Condict. indeb.* cui liberum proinde, cui velit solvere. Ratio denique, cur solutio in extraneam personam (puta, in Titium, vel Sejum) conferri possit, obligatio non item, hæc assignatur, quia Obligatio est Juris; solutio verò est Facti, *l. 7. §. fin. ff. de curat. furios.* atqui notissimum est, ea, quæ sunt Juris, sive civilia, alii per alium non acquiri; ea verò, quæ facti sunt, acquiri posse, *l. 53. ff. de A. R. D. Harp. num. 14. Schamb. hic.*

Dices: Ex dictis sequitur, quod mea obligatio inanis sit; frustra enim quis mihi obligatur, si alteri solvendo libera-

tur. R. Quod si Titio in memorato casu solvatur, ego stipulator adversus Titium habeam mandati actionem, *text. hic.* quia Titio, solutionis causa adjecto, tacite mandasse videor, ut pecuniam à se promissore acciperet, *l. 13. §. 1. ff. de V. O.* taciti autem, & expressi eadem est virtus, *Manz. n. 13. Schneid. n. 2.*

#### AD VERS. QUOD SI QUIS.

Quando quis stipulatur sibi, & extraneo copulativè, tunc extraneo nihil acquiritur, sed stipulanti pro media parte ejus, quod promissum est. Et sic stipulatio valet pro parte, & pro parte non valet, ne utile per inutile vitietur, *cap. utile 38. de R. J. in 6.* Et, licet Jus accrescendi locum habeat in *ultimis voluntatibus*, *l. re conjuncti 89. ff. de legat. 3.* tamen in *contractibus* locum non habet, *text. in l. si mihi & Titio. 100. ff. V. O. Schneid. hic.* sane, si res in stipulationem deducta sit, quæ divisionem non recipiat, (ut *Equus, Annulus, statera, &c.*) non *Dimidium*: sed *species ipsa tota* debetur, *l. 5. ff. communia præd. l. 64. ff. de contrab. empte. Harp. num. 19.*

#### §. P R Æ T E R E A. §.

Inutilis quoque est stipulatio, si pec- 7  
cetur in forma, id est, incongrua ad interrogata responsione, dum scilicet non est congruus, & consonans ex utraque parte intellectus: sic, si ego stipuler *pure*, & tu respondeas *sub conditione*, stipulatio nulla est, *l. 1. §. 3. ff. de V. O.* quia non est responsum congruè, ego enim purè desidero, non sub conditione.

Quæres, si diversitas sit in *Quantitate* (v. g. si stipuler 10. tu promittas 15. vel 20.) quid Juris? R. hōc casu non vitari stipulationem in totum sed tantum quoad eam partem, in quam non  
concurrit

concurrit utriusque consensus, scilicet quoad excessum l. 1. §. 4. ff. de V. O. estque Ratio, quia in minorem Summam concurrit utriusque consensus, cum ea majori insit, ut proinde utile per inutile vitiari non debeat. Schamb. hic.

#### §. ITEM INUTILIS. 6.

8 Imperator redit hic ad secundum vitium stipulationis, qualiter scilicet ratione Contrahentium vitietur. Quando enim quis ab eo, qui suo Juri subjectus est, stipulatur, redditur inutilis stipulatio. Itaque inter Patrem, & Filium, Dominum, & servum nulla consistit Stipulatio, ut efficax Obligatio inde oriatur: licet enim propter consensum naturalis obligatio isto casu orta sit, tamen non civilis, quia patria potestas est de Jure civili introducta, Princip. Inst. de patria potest. Sed de Jure civili, pater & filius una persona esse, censentur, l. fin. Cod. de impub. & aliis subst. Unde, si oriretur civilis obligatio, sequeretur, partem sibi ipsi fore obligatam. Idem de Servis, qui de Jure civili pro nullis habentur, l. 32. ff. de R. J. Schneid. hic.

#### AD VERS. SED SERVUS.

In hoc v. traditur Differentia inter Filiumfam. & Servum, & quidem talis quod servus ex contractu non tantum domino suo civiliter obligari nequeat, sed ne quidem ulli alii. Ratio est, quia servi de Jure civili pro nullis, sive mortui habentur; aliud tamen est de obligatione naturali: nam, cum Jure naturæ inter homines nulla sit differentia, §. 1. Inst. de Libert. ideò servi obligari possunt, saltem naturaliter, §. 2. Instit. de Fidejuss. Filiifam, etsi patri, ob rationem prædictam, civiliter obligari nequeant, aliis tamen obligari possunt, text. hic. &

in l. 34. ff. de O. & A. Ratio quia Filiifam. juris civilis ( utpote liber homo ) capax est. Harp. hic.

#### §. MUTUS 7.

Quia in stipulatione verbis opus est, & alter alterum exaudire debet: ideò nec Mutus, nec surdus stipulationis contractum celebrare potest, text. hic. possunt tamen alios contractus inire, qui solo consensu fiunt, l. 73. ff. de Jure dot. Sanè, si hi servos habeant, per illos recte stipulantur; quia, licet hi impedimentum, & vitium habeant, quominus stipulari possint; cum tamen sit impedimentum Pacti, & non Juris, recte, per servos suppleri, dixeris. Schamb. hic.

#### §. FURIOSUS 8.

Quoniam in stipulatione Consensus requiritur, l. 1. §. 3. de Pact. Furiosi autem nulla est voluntas, l. 40. ff. de R. J. Ideò Furiosus stipulari non potest. Ita quoque ex delicto non obligatur, l. 14. ff. de off. pref. Idem dic de Prodigio, qui licet sibi stipulando acquirere possit, aliis tamen promittendo non obligatur. Schneid. hic.

#### §. PUPILLUS 9. ET 10.

Suprà in Tit. de autoritate Tutorum traditum est, quod Pupillus sine tutoris autoritate suam conditionem meliorem facere possit, deteriorem non etiam. Ex quo sequitur, quod sine tutoris autoritate aliis promittere non possit; sibi autem stipulari queat. Quod tamen intellige de Pupillo non Infante, quia parum à Furioso distat, Text. hic. sive infantie proximo, qualis ille dicitur, qui infantie proximior est, quàm Pubertati, v. g. Pater 8. vel 9. Annorum, Manz. hic. n. 4. quem tamen sibi stipulari posse, communior opinio est, eò quod tantum removeantur infantes, qui 7. scilicet annorum



norum sunt, & *text. hic.* expresse decidat, infantile proximum, tibi stipulari posse, ex ratione subiuncta, quia propter utilitatem eorum benignior Juris interpretatio facta est, ut idem Juris habeant, quod pubertati proximi.

*Dices:* Filius-fam. impubes ne quidem, auctore *Patre*, obligatur, ergo nec pupillus, auctore *Tutore*. *R. negando conseq.* Ratio *Differentie* est, quia pupillo semper cautum est contra tutorem, si forte obligatio sit damnosa; filio autem contra patrem cautum non est. Nam tutor *Actione Tutelae* pupillo tenetur; filio in patrem nulla competit *Actio* ob rem matre gestam, & paterna reverentia patrem excusat à *Ratiociniis*. *Perez. Inst. hic.* Alia, & succincta *Differentie* ratio assignatur à *Schamb. hic.* quia filius-fam. patri, pupillus tibi acquirit. Unde pater, in rem suam auctor fieri nequit, tutor verò ad utilitatem pupilli auctoritatem suam rectè interponit. *Ludwell. hic. n. 5.* Planè, cum *Pater*, non ut *Pater*: sed ut legitimus *Administrator* bonorum filii *adventitiorum* consideratur, auctoritatem filio accommodare potest, *l. si infanti. Cod. de Jure delib. l. ult. §. si autem 4. in fine Cod. de bonis, que liberis. Chling. quest. 3. ob. un.*

#### §. SI IMPOSSIBILIS. II.

12 Colliges ex hoc §. qualiter stipulatio, ratione impossibilis conditionis adjectæ vitietur. Et *Primo* quidem impossibilis conditio de *natura*, & etiam de *Jure*, *affirmative* concepta, stipulationem, & cæteros contractus vitiatur, *text. hic*, & in *l. 13. ff. de O. & A. junctâ l. impossibilis. 7. ff. eodem.* item *l. impossibilium. 186. ff. de R. J.* estque ratio, quod, promittens sub conditione impossibili, non videatur habere animum, nec volunta-

*Kees ad Instituta.*

tem, se obligandi. Unde contractus, tanquam evacuatus consensu partium, est nullus, *ad. II.* Non tamen conditio impossibilis *ultimas voluntates* vitiatur, sed pro non adjecta habetur, §. 10. *Inst. de hered. Inst.* & hoc favore *ultimarum voluntatum*, *l. 12. ff. de R. J.* Nec est verisimile, aliquem in ultima voluntate velle *jocari*, aut actum *inutilem* facere. Sicut etiam in *Matrimonio* pro non adjecta habetur, *cap. fin. de condit. apposit. Schuid. hic.* Sanè si conditio impossibilis *negative* concepta sit, v. g. *si digitò cælum non attigero*, Stipulatio valet, & pura est, ita, ut cedat, & veniat dies, quia est certa, & necessaria conditio, & jam existit. Excipe, si conditio sit impossibilis *Lege*, quia hæc, etiam *negative* prolata, non valet, v. g. *si patrem non occidero*, *dare 10. spondes? l. 7. §. malefictum. ff. de pact.* quia gratis quis à malo abstinere debet. *l. 2. ff. de condit. ob turp. Manz. n. 11. Schamb. hic.*

#### §. IDEM VERBORUM. 12.

Vitiatur quoque Stipulatio ratione 13 *Absentiae*, cum alter alterum loquentem exaudire & intelligere debeat. Unde etiam per *Epistolam*, & *Nuntium* stipulatio non celebratur, aliàs non esset differentia inter *Stipulationem*, & alios contractus, qui consensu contrahuntur. Sed,

*Q. Si Instrumentum*, vel *scriptura* aliqua producat, in qua habetur, aliquem certò *tempore* & *locò* promississe; promissor autem excipiat, & dicat, se tunc *absentem* fuisse; cui credendum? an *Scripturæ*, an *Promissori*?

*Cæsarienses Advocati* circa hanc *Questionem* dubitarunt, ex hac fortè *Ratione* dubitandi, quia, licet quis *Scripturam* pro se habeat de pecunia numerata,

P p p tenetur

tenetur tamen probare se numerasse, ergò etiam videbatur dicendum, licet quis Scripturam proferat de partium præsentia, hanc tamen probare debeat, prius quàm in Iudicio obtineat.

Verùm, *Imperator* omnem dubitationem sustulit, statuitque in l. 14. de contrab. § committ. Stipul. tali Scripturæ credendum esse, donec probetur contrarium, arg. l. 18. Cod. de prob. estque Ratio, quòd in dubio Actus præsumatur eò modò gestus, quo debuit, arg. l. Gallus 29. §. 1. ff. de lib. § posthum. Manz. n. 7. Ista tamen præsumptio, quæ pro Instrumento militat, non est *Juris*, & de *Jure*; sed *Juris* tantum, ideòque probatione in contrarium recipit, ut si is, qui contradicit, vel per scripturam, vel testes, omni exceptione majores probaverit se, vel adversarium toto eò die, quo Instrumentum conficiebatur, aliis in locis fuisse, omnino audiendus erit, text. & in d. l. 14. Ludwel Inst. hic.

Dices: negantis nulla est probatio, l. 2. ff. de prob. sed reus negat, se fuisse præsentem, ergò ejus nulla est probatio. R. Disting. maj. negantis nulla est probatio, directè, con. indirectè, negò. Non est necesse, ut reus probet, se præsentem non fuisse; sed si probare poterit, se fuisse alibi, & sic affirmat; indirectè tamen negat, quia negat, se fuisse præsentem. Exinde colligunt D. D. negativam non esse improbabilem, si sit circumscripta Locò, vel Tempore. Nam, si habeat determinationem temporis, vel loci, potest negativa (saltem per indirectum) probari. Ut in casu posito, si scilicet probat, se fuisse alibi, hoc ipso enim probat, se præsentem non fuisse. Manz. n. 10.

#### §. POST MORTEM. 13.

Stipulatio, concepta post mortem Stipulatoris, vel Promissoris, olim non valebat, ratione impossibilitatis, cum post mortem nec stipulator agere, nec promissor conveniri possit. Hodie tamen valet: ita ut activè & passivè, ad Hæredes transeat, sicut aliæ actiones, l. 1. Cod. ut a&. ab Hæred. §c. quòd procedit, sive sit facta mentio hæredum, sive non; quilibet enim, sibi, suisque hæredibus prospicere, intelligitur, l. 13. Cod. de contrab. Stipul. Schneid. hic.

#### §. IDEM SI QUIS. 14.

Olim stipulatio, præpostere concepta<sup>14</sup> inutilis erat, quando scilicet dies Executionis præcedit diem Obligationis. Ut ecce: si navis ex Asia venerit, promittisne dare hodie centum? & talis stipulatio olim non valuit, quia Dario eventu conditionis prior esse non debet, sed posterior; & dies Executionis non debet præcedere diem Obligationis.

Verùm, Imperator constituit in l. præposteri 25. Cod. de testam. talem stipulationem valere, ex hac fortè Ratione, quia non tam subtilitas Verborum, quàm Mens contrahentium inspicere debet, arg. l. 1. 2. § 3. ff. de Pass. Sanè, Præposterior in Interrogatione, & Responsione stipulationem vitiat; requiritur enim de forma ad stipulationem, ut Interrogatio præcedat, & Responsio subsequatur. Schneid. hic.

#### §. ITA AUTEM. 15.

Stipulatio, in Tempus mortis collata (v. g. cum moriar, vel cum morieris, dare spondes? & olim valuit & hodie valet, quia viventes, & languentes morimur, l. 22. ff. ad SC. Syllan.

Sed quando in tali stipulatione venit, aut cedit dies? Harprecht autumat, venire, & cedere diem in *confinio mortis*; creditorem tamen non debere, statim cum sacco paratum venire contra *l. 105. ff. de solut.* & illum molestare, qui cum morte luctatur; sed debere expectare, & post mortem petere. Schamb. & Manz. hic.

#### §. ITEM POST MORTEM 16.

Quod post mortem alterius rectè stipulemur (v. g. *post mortem Titii dare spondes?*) non videtur esse *Dubium*. Nec obstat, talis stipulatio videatur ponere votum captandæ mortis, siquidem iusta tali stipulationi causa subesse potest, quæ omnem sinistram præsumptionem auferat, arg. *l. 23. ff. l. de Pañ. dotal.* ubi pater rectè stipulatur, post mortem filix dotem sibi restitui, affectus enim paternus omnem sinistram præsumptionem excludit.

#### §. SI SCRIPTUM. 17.

15 Colliges ex hoc. §. quod si Instrumentum producat, in quo scriptum, quod Titius Mevio promiserit 10. ly promiserit denotet Interrogationem, & Respon- sionem intervenisse. Hujusque Ratio est, tum, quia Instrumento inest Præsumptio, ut omnia, eo comprehensa, censentur ritè, ac solenniter esse gesta, §. ult. inf. de Fide-juss. *l. 30. l. 134. §. penult. de V. O.* tum, quia verba cum effectu (id est, ut valeant) sunt accipienda, *l. penult. §. 2. ff. ne quis eum qui in Jus voc. vi ex.* cum ergò Promissio sine præcedente Interrogatione sit inefficax, Interrogationem ritè præcessisse, præsumimus, ut sic Actus valeat potius, quàm pereat *l. 12. ff. de Reb. dub. Gomez. tom. 2. var. resol. cap. 11. n. 17. Harp. hic. n. 1. & 2. Ex dictis*

Infert Schamb. quod in omni actu Solennitas intrinseca præsumatur. Dicitur autem (inquit) solennitas intrinseca, sine qua verborum significatus aut nullò modò, aut regulariter verificari non solet, uti hic, quia promissio (regulariter) fieri solet, præviâ interrogatione, nec sine illa valere potest: unde perinde habetur, ac si scriptum esset interrogatione præcedente, responsum esse, *l. 1. Cod. de contrah. Stip. Extrinseca* verò solennitas qualis est, sine qua actus (regulariter) subsistere potest, v. g. *Emptio & Venditio* sine autoritate Tutoris, aut Curatoris non præsumitur, Schamb. loc. cit. & ad §. fin. de Fide-juss.

Non obstat *l. 1. Cod. de usur.* ubi argumentò, à contrario ductò, sancitum videtur, quod testi, de promissione tantum deponenti, non credatur, stipulationem intervenisse, ut idem in instrumentis videatur dicendum. R. enim *con. ant. negando conseq.* Ratio Differentiæ est, quia Instrumenta fiunt de communi consensu Partium; idè omnia verba, in iis posita, censentur posita meliori modò, quo possunt. Sed Testes producuntur ab una parte, & idè ejus dicta strictè intelligenda, & deponunt tantum de his, quæ percipiuntur sensu aliquo corporeo, *l. testim. ff. de test.* non verò de iis, quæ percipiuntur intellectu, quia tunc magis Judices essent, quàm Testes, Brun. in d. *l. 1. Cod. de usur.* ubi infert, quod solennitas intrinseca in testibus non præsumatur; vide etiam Schneid. hic.

#### §. QUOTIES. 18.

Quando Stipulator interrogat de pluribus rebus, & Promissor respondet simpliciter, & indistinctè, tunc in omnibus obligatur Promissor; quia res nominata in

P p p 2

Stipula.

*Stipulatione*, censentur tacite *repetita* in *Responsione*; talis enim censetur responsio, qualis præcessit interrogatio. *Manz. n. 2.* Quod si verò ad unam, vel aliquas ex rebus specificatis respondeat, tunc non ad omnes, sed ad illas, quas in specie promissit, obligatur, *text. hic.* & in *l. 138. §. 3. ff. de V. O.*

#### §. ALTERI 19.

**17** Quod alteri *Extraneo* nemo stipulari possit, *suprà* dictum. Ratio hujus hic datur, quia inventæ sunt stipulationes & obligationes, ut unusquisque acquirat sibi, quod sua interest. Quod si tamen quis alteri stipulari velit, & exinde ponere effectum, hoc consilium sequatur, necesse est, nimirum poterit stipulationi pœnam adjicere dicendo: *promittisne Sempronio centum? & nisi ei dederis, promittisne, mihi 20. fl. nomine pœnæ?* si alter *promittat*, stipulatio quidem, quoad centum non valet, valet tamen quoad 20. fl.; quos exigere poterò, *text. hic. & Authores.*

#### §. SED ET SI. 20.

Valet quoque stipulatio, alteri facta, si stipulantis *interfit* vel *intererit*. Sic *Con tutor* rectè stipulatur *Pupillo*, rem salvam fore; nam sua interest, ne *Actione Tutela* conveniatur. Item, si quis procuratori suo stipuletur, valet stipulatio, v. g. ego habeo Procuratorem Augustæ, qui pro certis usibus opus habet pecuniæ. Cum scirem, Augustam profecturum; ita à te stipulatus: *Si Augustam veneris, Procuratori meo 100. dare, spondes?* Hoc in casu valet stipulatio. Et, si promissor dederit, *Actione Mandati* id à Procuratore repetere possum, *Manz. n. 5. & 6. Harp. n. 15.* Denique, si *Debitor* stipuletur, suo *Creditori* aliquid solvi, valet stipulatio, quia mea interest, debitum meo *Creditori* persolvi. *Schamb.*

#### §. VERSA VICE. 21.

*Factum alienum* promitti non posse §. 3. *suprà b. t.* dictum est. Ut tamen talis stipulatio fortiaur *Effectum*, consilium tale est, ut *Pœna* adjiciatur stipulationi, quo in casu promissor tenetur aut id efficere, aut pœnam solvere, *text. & Author. hic.*

#### §. ITEM, NEMO. 22.

Ex hoc §. aliud nihil *Colligas*, nisi, quod stipulatio *rei*, nondum quidem in *presenti* suæ, in casum tamen collata, quo *futura* est *sua*, non valeat, v. g. *dabisne mihi Stichum, si à domino mihi legatus fuerit?* *Manz. hic.*

#### §. SI DE ALIA RE 23.

*Resultat* quoque *Vitium* stipulationis ex *re*, puta, si non concurrit *utriusque* (& *stipulatoris*, & *Promissoris*) *consensus* in eandem rem, *text. hic. & l. 83. §. 1. ff. de V. O.* veluti si hominem *Stichum* à re quis stipulatus fuerit, & tu de *Pamphilo* senseris, quia non concurrit consensus in idem. *Schamb. hic.*

#### §. QUOD EX TURPI. 24.

Si *turpi* ex causa quid promissum fuerit, nulla stipulatio est, v. g. *si quis, Homicidium, se facturum, promittit.* Ratio quia, *Turpia* in *Jure* comparantur *Impolibilibus*, *l. filius 15. ff. de condit. inst. & Pacta* invitantia ad *delinquendum*, non valent. *l. 5. ff. de pact. dotal.* Ex hoc verum est, ut nec *Pœna* talis stipulationi rectè adjiciatur, nec *Juramentum*, *cap. non est. 58. de R. J. in 6.*

#### §. CUM QUIS 25.

In *conditionali* stipulatione, si ante; <sup>18</sup> conditionis eventum sive stipulator, sive promissor moriatur, nihilominus eorum *Heredes*



*Heredes & convenire, & conveniri possunt, text. hic. & in l. 57. ff. de V. O. aliud est in Legato condicionali l. 41. ff. de condit. & demonstr. Ratio Differentie est, quia stipulatio condicionalis jam ab initio est aliquid; Legatum condicionalis non idem. Ratio rationis, quia in stipulatione condicionali intervenit Factum stipulatoris, sibi, & hæredibus suis prospicere volentis, l. 9. ff. de Prob. At, in legato condicionali nullum legatarii factum intercedit; sed à sola Testatoris voluntate pendet, qui tantum personæ legatarii bene facere voluit; eique soli (ob meritum fortè, vel singularem Amorem) non ejus hæredi prospicere voluisse, intelligatur, l. 9. ff. pro Socio. Harp. §. 4. Inst. de V. O. n. 12.*

## §. QUI HOC ANNO. 20.

19 Quid Juris? si aliquis mihi promiserit, hoc Anno: vel hoc Mense solvere certam pecuniæ summam, possumque pro lubitu meo quandocunque petere? R. Quod non; sed tunc demum, si omnes anni, vel mensis partes præteritæ sint. Ratio, quia Tempus illud totum pro debitoribus est, & dies arbitrio solventis tribui debet, §. 2. Inst. de V. O. Manz. n. 4. hic.

Dices: si quotannis, vel in Annis singulos vel annum aliquid quis promiserit, in principio statim cujusque anni peti po-

terit, §. 3. Inst. de V. O. & l. 56. §. 4. ff. eod. ergo etiam, si quis, hoc Anno se soluturum, promiserit, ab initio anni soluti peti poterit. R. Con. ant. neg. conf. Ratio Differentie est, quia in primo casu tempus adjicitur, multiplicandi obligationis causa, & sic in favorem stipulantis. Unde Interpretatio pro eo facienda, nec Finis, sed initium anni attendendum. Secus est in secundo casu, ubi tempus adjicitur, differendæ solutionis causa, & sic in favorem Debitoris, qui quandoque voluerit, solvere poterit. Harp. §. 3. Inst. de V. O. Manz. hic. pro tradita hoc. §. Doctrina cape hos Versiculos.

*Annua si debes, tunc inspicies Caput anni;  
Anno si debes, in Fine teneberis Anni.*

## §. SI FUNDUM, ET FIN.

Subnectit hic Imperator, eum, qui Fundum, vel Hominem dari, stipulatur, non continuo agere posse. Quamvis enim hæc stipulatio pura sit, & idem contestim agere posse, videatur. §. 2. Inst. de V. O. id tamen, benignè, & cum aliquo temperamento temporis intelligendum est; neque enim cum Sacro statim Creditor venire debet, l. 105. de solut. Nil igitur tempus expectandum est, quo executio stipulationis, si est, traditio commoda, fieri potest, l. 73. ff. de V. O.

## TITULUS XXI.

## DE FIDE-JUSSORIBUS.

## SUMMARIA.

- 1 Fide-jussor quid sit?
- 2 Fide-jussio definitur.
- 3 Mandator quis dicatur?
- 4 Quomodo differat à Fide-jussore?

- 5 Quid sit constitutor?
- 6 Quid sponsor?
- 7 Quid expromissor?
- 8 Cui obligationi possit accedere fide-jussio?
- 9 An fide-jussor accedere possit obligationi, descendenti ex delicto?

P P P 3

10 Fide-

- 10 *Fide jussio an transeat ad heredem?*
- 11 *Quid sit beneficium ordinis?*
- 12 *An de Jure Austriaco locum habeat?*
- 13 *Quid sit beneficium Divisionis?*
- 14 *Quando locum habeat?*
- 15 *Quid sit beneficium cedendarum actionum?*
- 16 *Quando cedi debeant?*
- 17 *Fide jussor non potest in plus obligari, quam principalis.*
- 18 *Qualem habeat contra principalem actionem?*
- 19 *Quando petere possit liberationem?*

### CONNEXIO.

Hucusque egimus de Verborum obligatione, seu *Stipulatione* principali. Nunc de accessoria, id est *Fide jussione*, agendum.

### AD PRINCIPIMUM.

Pro pleniori hujus *Tituli* cognitione observes (velim) quinque esse *Genera Personarum*, quæ pro aliis *Fidem* suam interponere solent, & quidem aliò vertice eminet.

I. *Fide jussor*, qualis est is, qui alienam obligationem in suam fidem recipit, debitore principali nihilominus manente obligatò. Unde.

2 *Fide jussio* bellè definitur, quod sit *Contractus verbalis*, quo quis alienam obligationem in suam *Fidem* recipit, debitore principali nihilominus manente obligatò.

3 II. *Mandator* qualis est is, qui sponte propria, alteri pecuniam credi mandat. Quo in casu, si mandatarius mandanti obtemperat, & pecuniam credit, is, qui pecuniam accepit, obligatur ex causa *Mutui*, & constituitur principalis debitor, utpote, cujus causa mutuum comparatum fuit. Is verò, qui mandavit; creditori ex causa *Mandati* obligatur, ita, ut creditor utrumque, & mutuatarium,

& mandatorem habeat obligatum, l. 13. ff. b. t.

Differt *Mandator* à *Fide-jussore* I. quòd 4 *Fide-jussio* principale debitum & præcedere, & subsequi possit, § 3. *Inst. b. t.* *Mandatum* verò semper præcedat. II. *Fide-jussio* non fit, nisi per solennem *Stipulationem*: *Mandatum* vero solo consensu constituitur. *Manz. n. 10.* De *Consuetudine* quin nudò etiam *Pactò* *Fide jussio* rectè constituatur, dubitandum non est. *Zoëf. ff. b. t. n. 1. & 2.*

III. Occurrit *Constitutor*, qualis est, is, qui per nudum pactum constituit, se soluturum id, quod vel ipse, vel alius debet.

Differt à *Fide jussore*, quòd *Constitutum* fiat nudò *Pactò*, & semper obligationem, jam contractam sequatur. *Fide-jussio* verò vel præcedat, vel subsequatur, & fiat per *Stipulationem*. *Honn. ad Treutl. vol. 1. disp. 27. th. 1. lit. B.*

IV. *Sponsor*, qualis est is qui sponte 6 propria (unde *Sponsor* dicitur) non rogatus, pro alio intercedit. Et talis habet *Mandati Actionem* contra *Debitorem principalem* si ejus nomine aliquid solverit, l. qui patitur. 18. ff. *mandati*. Differt à *Fide-jussore*, quòd *Fide-jussor* rogatus, *Sponsor* verò sponte, & non rogatus intercedat pro alio. *Schneid. Inst. hic. n. 8.*

V. *Expromissor*, qualis est is, qui alienae obligationi non accedit, ut *Fide-jusser*; 7 sed novam principalem init, & red liberato, se solum, ejus loco, obstringit. *Harp. n. 5.*

Differt à *Fide-jussore*, quia *Expromissor* solus, & principaliter obligatur: *Fide-jussor* verò unà cum *Debitore* principali, & accessorie tantum. Item, *Fide-jussor* habet *Beneficium Excussionis*: *Expromissor* non etiam, *Schneid. loc. cit. n. 12.*

AD

## AD VERS. QUOS HOMINES.

Redditur hoc versiculò *Ratio*, quare *Fide-jussores* soleant constitui, videlicet idèò, ut diligentius cautum sit *Credito-ri*, & in casu, quo *Debitor* principalis Facultatibus labitur, ac non solvendo efficitur, creditor habeat, quem convenire possit. *Manz. n. 17.*

## §. IN OMNIBUS. I.

8 *Queritur* in hoc §. cui obligationi possit accedere *Fide-jussor*? Et traditur *Regula generalis*, quòd *Fide-jussor* accedere possit omni obligationi, qualitercunque contractæ, sive *Re*, sive *Verbis*, sive *Litteris*, sive *consensu*. Item, non obligationi duntaxat *naturali* & *Civili simul*: sed etiam *naturali tantum*, & *civili tantum*, *Text. hic. & l. 1. l. 2. ff. h. t.* Quæ ipsa tamen *Res* ut magis reddatur perspicua, sit

*Affertio I.* obligationi *naturali*, & *civili simul* potest accedere *Fide-jussor*. *Text. hic. & d. l. 1.* De hocque nemo, nisi qui de *existentia* solis in meridie, dubitat.

*Affertio II.* obligationi *naturali tantum* (qualis ex *nudo pacto*, vel ex *Testamento imperfecto*, vel ex *contractu Filisfam. cum Patre inito* producitur) etiam potest accedere *Fide-jussor*. ita, ut talis *Fide-jussor* obligetur, & teneatur tam *naturaliter*, quam *civiliter*, atque adeò *efficaciter conveniri* possit, *l. 7. ff. de except. & arg. l. 35. ff. h. t. Manz. num. 12. Schneid. n. 3.*

Non obstat, quòd *Fide-jussor* in plus obligari nequeat, quàm *Debitor* principalis, §. 5. *Inst. hic. & l. græcè 8. §. 7. ff. h. t.* Siquidem *R.* *Fide-jussorem* in plus obligari non posse *extensive* (hoc est, *fortius, rem suam nam*) posse tamen in plus obligari *intense* (hoc est *fortius, & efficacius*) prout rem *Exemp. d.* demonstrat; tamen enim *Debitor* principalis

*simpliciter* obligatus sit: *Fide-jussor* tamen cum *Juramento*, aut cum *Hypotheca* se obligare potest. Item, potest *Fide-jussor* obligationem suam corroborare adjectione *Pene*; quamvis *Penam* non promiserit principalis *Debitor*, *Molin. tract. 2. de J. & disp. 541. n. 7. Zoëf. ff. h. t. n. 12. & 13.*

*Affertio III.* Obligationi *civili tantum* etiam rectè accedit *Fide-jussor*, *Text. hic. & l. 16. §. 3. ff. h. t.* Ita tamen, ut *Exceptio Principali* competens, etiam *Fide-jussori* competat, *l. 32. ff. h. t. l. 7. §. 1. ff. de Except. & l. 12. Cod. de non numer. pecun. Schneid. num. 4. Clariss. D. D. Franz. Inst. h. t. n. 18.* Ratio, quia *Exceptiones reales* rem ipsam minuunt, & quasi auferunt principale debitum, quò sublatò aut diminutò, accessorium quoque profertur. Deinde, si *Exceptio*, competens principali debitori, non etiam competere ejusdem *Fide-jussori*, sequeretur, quòd principali debitori competens *exceptio*, eidem nihil prodesset, utpote, qui à *fide-jussore* *Actione Mandati*, ad illud, quòd solvit, consequendum impeti posset, atque ita *F. de jussor* contra principalem debitorem regressum haberet. *Zoëf. ff. de except. num. 21.*

*Affertio IV.* Non solum principali, sed etiam *accessoria* obligationi potest *Fide-jussor* accedere, atque ita *Fide-jussor* *Fide-jussoris* fieri, *l. 8. §. ult. ff. h. t.* Et talis *Fide-jussor* appellatur: eum *Schadloser Burg*, qui *Jure etiam Austr.* excusò principali conveniri debet, id est, *Fide-jussor indemnitis*. *Schneid. num. 6. Clariss. D. D. Franz. n. 28.*

*Quæres I.* An *Fide-jussor* accedere possit obligationi descendenti ex *Delicto*, vel *Quasi delicto*? *R.* *distingendum* est, num tale *delictum* sit, cui venit imponenda *pæna pecuniaria*? num vero tale, cui venit imponenda *pæna corporalis*? 9

Si prius, extra aliam *Disputationis* est, *Fide-jussorem* admitti posse, ita ut *Reus*, carcere detentus, dato idoneo *Fide-jussore*, custodia, & squaliore Carceris relaxandus sit. Ratio est, quia *Aktoris*, vel *Fisci* nihil quicquam interest uter poenam pecuniarum solvat, ipsemet *Reus*, an *Fide-jussor*, vel quis alius, arg. l. 23. l. 53. ff. de solut. Accedit l. 70. §. ult. ff. b. t. ubi aperte rescribitur, in crimine *Furti* (cujus Poena Jure Justiniano pecuniaria fuerat, §. 5. Et §. ult. Inst. de oblig. quæ ex delict. nasc.) *Fide-jussorem* pro *Reo Furti* accipi posse. Si posterius? *Fide-jussor* nequaquam admittendus est. Ratio, quia *Fide-jussor* deberet se obligare ad poenam corporalem, ad quam se obligare non potest, cum nemo sit membrorum suorum dominus, l. 13. ff. ad Leg. Aquil. ; & *Justitiæ* refragari videretur, ut poenam corporalem sustineret is, qui non deliquit, præcipue, cum *Jura* velint, ut *Delicta* teneant suos *Authores*. Ita docent *Harp. n. 29. Gomez. var. resol. tom. 3. cap. 9. n. 8. Covar. lib. 2. var. resol. lib. 2. cap. 8. n. 8. Manz. n. 20. Concord. Walter de Jure consuet. Austr. Lib. 2. tit. 15. v. die wurrckliche Burgschafften, ibi: in Malefiz-Sachen aber hat einige Burgschafft nicht statt, es ware dann Sache, dasz die Unthat, und Verbrechen mit keiner teiblichen straffe gebuisset, sonderen in andere Weeg abgetragen moegle werden.*

#### §. FIDE-JUSSOR. 2.

- 10 *Queritur* hic, an *Fide jussio* sit transitoria ad hæredes? Ratio dubitandi in eo ponitur, quod creditor sequatur fidem hujus personæ, quæ fides non est alia, & ubi *Fides*, & *Personæ industria* est electa, res non transit ad tertium, l. un. §. 9. Cod. de cad. tollend. Sic per mortem solvitur *Mandatum*, l. 27. §. 3. ff. Man-

dati. Tutela. Inst. quib. mod. tuc. finit. *Societas*. §. solvitur. Inst. de Societ. Ratio non est alia, quam, quod in his *Negotiis* sit electa *Personæ industria*. ergo etiam *Fide-jussio* per mortem expirabit, cum & in hac videatur esse electa *Personæ industria*.

Verum, hac dubitandi ratione non obstante, R. Imp. quod *Fide-jussio* sit transitoria ad hæredes, ex ratione, quia *Accessorium* sequitur naturam sui *Principalis*; sed principalis obligatio est transitoria ad hæredes arg. §. 5. Inst. de oblig. quæ ex quasi cont. ergo etiam *Fide-jussio* quæ est obligatio accessoria. Et hoc in tantum ampliatur, ut active, & passive obligatio *Fide-jussoria* ad hæredes transeat; sive facta sit mentio, sive non, l. 49. ff. de O. Et A. contractus enim omnes ita censentur initi, ut etiam hæredes includantur,

Ad rationem dubitandi R. hic non tam fidem personæ, quam *Bona & Facultates*, ejus electas esse, adeoque, non considerari *Industriam Fide-jussoris*, sed id duntaxat, num *Bona* habeat, & *Facultates*? ut in casu, quo debitor principalis non est solvendo, creditor habeat, quem convenire possit.

#### §. FIDE-JUSSOR. 3.

*Fidei-jussorem* & sequi & præcedere obligationem posse, non solum *Justinianus* hoc loco disertè statuit; verum etiam liquidè constat ex l. 6. §. ult. & l. 4 ff. b. t. Nec obstat, quod *Fide-jussio* sit obligatio accessoria; accessorium autem sequatur, non præcedat principale, l. 178. ff. de R. J. Siquidem R. *fide-jussoriam* obligationem præcedere quidem posse obligationem principalem ordine *Temporis*, & *Conceptione Verborum*, non verò *Effectu*, & *Re ipsâ*; priusquam enim debitor principalis debet, *Fide-jussor*



jussor conveniri non potest l. 57. ff. b. t. Harp. & D D. hic.

#### §. SI PLURES. 4.

Non unus tantum: sed plures pro eodem Debitore principali intervenire possunt Fide-jussores, & quidem, si plures Fide-jussores pro uno principali sese obstrinxerint, quotquot erunt numero, singuli in solidum tenentur, l. 3. Cod. b. t. Ita, ut creditor totum debitum, à quocunque eorum velit, exigere possit, text. hic. & in l. 5. Cod. b. t. Natura enim (ut ait Schneid. Inst. hic. n. 17.) plurium Fide-jussorum est, ut quilibet in solidum teneatur, & hoc, inspecto Jure antiquo, in tantum extenditur, ut in electione, & arbitrio creditoris consistat, quem primò locò convenire velit, num Fide-jussorem, num Debitorem principalem, d. l. 5. Cod. b. t.

Verum, cum Imperatore Justiniano rigorosum, & perquam durum videretur, ut in casu, quo plures dati sunt Fide-jussores, omnes in solidum conveniri possent, & præterea in electione creditoris consisteret, quem primò locò convenire vellet. Ideò jure novissimò Fide-jussoribus tria data sunt Beneficia:

I. Vocatur Beneficium Ordinis seu Excussionis, quo constitutum est, ut Creditor servet Ordinem, & non conveniat Fide-jussorem; nisi exactò & excussò prius Debitore principali, Nov. 4. c. 1. & auct. presente. Cod. b. t. Canonistæ in cap. pervenit. & de fide-juss. Quæ excussio Debitoris principalis adeò rigorosa est, ut usque ad Saccum, & Peram fieri debeat, antequàm Fide-jussor conveniri possit. Carpz. Jurisprud. forens. part. 2. Const. 18. definit. 5. n. 2.

De Jure Austriaco contrarium obtinet & Fide-jussor post moram ante Principalem sine Discussionem conveniri debet; Kees ad Instituta

aliàs Fide-jussor liberatur. Fünsterwald. lib. 2. obs. 94. n. 5. Sutting. in Manuscript. lit. B. v. Bürg. his verbis: Bürgen müssen zahlen &c. i. e. Fide-jussores debent solvere non excussò principali, per tacitam Consuetudinem, longò usu firmatam, ubi, multoties ita judicatum esse, asserit.

Quòd autem Fide-jussor liberetur, si creditor debitorem principalem primò locò convenerit, testatur idem Sutting. loc. cit. Wann einer, &c. i. e. Si quis dato fide-jussorè, principalem, non fide-jussorem convenerit; eo fide-jussorium onus ipso jure cecidit.

At, quid Juris. si Fide-jussor non simpliciter se obligasset, sed in casum, quo debitor principalis? esset solvendo Fünsterwald. loc. cit. n. 11. ita scribit: Wann aber, &c. i. e. Si verò, ut supra dictum est, fide-jussio non simpliciter facta est, sed in casum, quo principalis non haberet in bonis quo solvendo esset: tunc excussio (principalis) prius est ritè facienda. Fünsterw. loc. cit. ubi sup. obs. 95. ex Waltero de Jure consuet. Austr. Praxeos esse ait, quod, tametsi, inspecto Jure communi, Miles fidejubere nequeat, de Consuetudine tamen Austriaca contrarium observetur: Es vermögen, &c. i. e. quamvis de jure scripto, qui actu sunt in militia, fide-jussores esse nequeant: tamen, quia de Consuetudine provincie contrarium obtinet; hoc etiamnum est observandum.

II. Beneficium, Fide-jussoribus concessum, nominatur Beneficium Divisionis seu beneficium Epistolæ Divi Adriani, quo constitutum est, ut si ex pluribus Fide-jussoribus unus in solidum conveniatur, petere possit, ut creditor actionem dividat, quemlibet Fide-jussorem pro rata duntaxat portione conveniat, text. hic. & l. 26. l. 27. §. ult. l. 28. ff. junctà l. 20. §. un. Cod. b. t.

Q q q

Ad

## AD VERS. IDEOQUE.

14 In hoc *§.* traditur *Limitatus* ad prædicta, nimirum, ut tum demum Fidejussor; in solidum conventus, gaudeat Beneficiò *Divisionis*, si *litis contestatæ* Tempore reliqui Fidejussores sint solvendo; secus enim reliqui tenentur etiam ad partem præstandam, quam teneretur is persolvere, qui *litis contestatæ* tempore desinit esse solvendo, *text. hic. & l. Fidejussor. Cod. h. t.*

Dixi *litis contestatæ tempore*, nam, si creditor inter Fidejussores semel *Actionem* dividerit, & unus, vel alter confidejssorum post litem contestatam facultatibus labatur, periculum erit Creditoris, non confidejssorum, qui solvendo sunt, *l. § 1. §. 4. ff. h. t. Brunnem. ibid. Clariff. DD. Franz. h. t. n. 43.*

## AD VERS. SED, SI AB UNO.

Quid *Juris*? si unus ex fidejssoribus à creditore conveniatur in *solidum*, & non opponat *Exceptionem Divisionis*, sed totum solvat, poteritne à creditore repetere id, quod suam portionem excédit? *R. Imp. negativè.* Ratio redditur à *Manzio hic. num. 15.* quia Fidejssor ipso jure in solidum obligatus erat; ergò repetere non potest quod solvit; quæ enim efficaciter debita solvuntur, repeti prohibentur *l. 60. ff. de condict. indeb.* Habet tamen Fidejssor in posito casu regressum adversus debitorem principalem, ad repetendum id, quod pro eo expendit. *§. 6. Inst. h. t. Manz. tract. de Fidejuss. cap. 6. n. 10.*

Alit, quid *Juris*, si debitor principalis solvendo non sit? *R.* quòd inanis tunc sit actio, quam inopia debitoris excludit, *l. 6. ff. de dolo malo.*

Sed, Numquid Fidejssor habebit *Ag. essum* contra reliquos suos *Confide-*

*jussores*? poteritque ab his repetere, quòd solvit ultra ratam suam? *R.* non posse *per text. apert. in l. 11. Cod. h. t.* Ratio quia nihil negotii cum iis contraxit, & nulla inter Fidejussores invicem est *Obligatio*, neque ex *contractu*, neque ex *quasi contractu*; ergò neque *Actio Manz. n. 20. hic. Brunnem in dict. l. 11.*

*Dices*: Fidejssor; qui *Solidum* solvit, videtur reliquos confidejssores ex *quasi contractu* (puta, *Negotium-Gestione*) sibi habere obligatos: ut proinde, *Actione Negotiorum gestorum* contra ipsos experiri posse, videatur. *R.* ad *subtile & acutissimum* hoc *dubium*, quòd fidejssor *principaliter* censeatur debitoris principalis *negotium* gessisse; Fidejssorum verò tantum per *accidens*, & in *consequentiam*, quòd non attenditur, *arg. l. 6. §. 1. ff. de Negot. gest. Brunnem. loc. cit.*

Itaque Fidejssor, qui, non posita *Exceptione divisionis*, *solidum* solvit, contra fidejssores nullum regressum habet.

Verum, cum & hoc Imperatori *Justiniano* perdurum videretur, ideò

III *Beneficium* introduxit, quòd vocatur *cedendarum actionum*, quòd Beneficio constitutum est, ut creditor Fidejssori, *solidum* exsolventi, vel solvere parato, actiones suas, quas ipse habet, tam contra debitorem principalem (qui etiam fidejssori *Actione Mandati* tenetur) quàm confidejssores, cedat. *D. D. in Nov. 4. cap. 1. & l. 13. l. 17. l. 36. l. 39. ff. h. t. & hoc adeò procedit*, ut Fidejssor, non antè ad solvendum coarctari possit, quàm creditor omnes actiones, *reales*, & *personales*, atque totum Jus, quòd tum contra reum principalem, tum contra confidejssores habet, cum omnibus qualitatibus, Fidejssori cesserit, *dd. ll. Clariff. D. D. Franz. n. 58. Schneid. n. 23. § 24.* Quæ ipsa excepti

exceptio cedendarum actionum etiam in executione post latam sententiam opponi potest. *l. 51. §. fin. ff. h. t.* Ratio est, quia non impugnat sententiam; quales exceptiones admittuntur etiam post rem judicatam. *Mev. part. 1. decis. 145. n. 3. Brunnem in d. l. 51.* Quæ omnia impense tibi notes, etiam, atque etiam velim: paucis enim abhinc diebus res ista me multum juvit; contigit nimirum, ut meus quidam *Principis* ex Fide-jussione conveniretur. Ego Creditori *Exceptionem* opposui cedendarum Actionum. Creditor *Instrumentum obligationis*, quod à debitore principali habuit, cedere quidem annuit, sed pignora sibi reservare voluit. *Decisum* est, meum principalem Actionem ex Fide-jussione impeti non posse, donec & Pignora, & omnia cætera Jura, quæ adversus debitorem habuit, cesserit; & hoc fundatum est in *l. 2. Cod. h. t. Perez ibid. n. 36. Brunnem. ibid.*

*Quæres II.* Quando Fide-jussor petere debet, cedi sibi actiones?

16 *Sunt*, qui mordicus propugnent, ante solutionem, vel in ipsa statim solutione peti debere, ita, ut solutione jam facta fide-jussor petere non possit, ut actiones sibi cedantur. Ita *Trentl. vol. 2. disp. 28. tb. 6. lit. B. Menoch. de præsump. lib. 3. præsumpt. 45. num. 26. berlich. part. 2. conclus. 22. num. 67.*

*Moventur I. hac Ratione*, quia per solutionem ejus, quod debetur, solvitur omnis obligatio; ergo tunc creditori nulla amplius Actio remanet; per consequens etiam nulla potest cedi; cum non entis nulla sint qualitates, &, quod non est, cedi non potest.

*Moventur II. per l. Modestinus. 76. ff. de solut.* ubi perspicue traditur, si post solutionem factam Actiones cessæ sint, nihil eâ cessione actum esse,

Verum, tametsi huic *Sententia Rigor Juris* suffragetur, & in apice Juris propugnari possit; *Æquitati* tamen (quæ in omnibus spectanda, *l. 91. ff. de R. J. & teste Menochio de arbit. l. 1. quest. 13. n. 17.* Thyriaca contra Venenum appellatur) longè proximior est *Sententia*; Cessionem Actionum etiam post factam solutionem peti posse, datâ ad hoc fide-jussori adversus creditorem Actione empti, eò quod Fide-jussor, solidum solvens, videatur quasi emisse nomen debitoris; in *Emptione* autem, & *Venditione* Juris sit, ut Jus à venditore, quocunque tempore postulaverit emptor, cedatur *l. 36. ff. h. t.* Ita reipsâ docent *Carpz. part. 2. const. 17. def. 16. n. 7. Bart. in d. l. 36. Harp. Inst. hic. n. 62. Perez. ad Cod. h. t. n. 37. Manz. tract. de fidejuss. cap. 10. n. 34. & seqq.*

*Ad Argumenta contraria R.* quod ea procedant de Rigore, & Apice Juris; tametsi fortassis de hac nostra solutione *Nasum*, aut *Frontem* corruges, & fortè, hanc esse solutionem miserorum, regeras: *Zasid* tamen teste in *l. 23. ff. de R. C.* hæc in casu legis novæ dicitur optima solutio, quæ leges contrarias quandoque, ita interpretatur, ut procedant de rigore Juris.

Illud, incidenter notandum duxi, quod videlicet is, qui fide-jussit cum *Muliere*, solus ex fide-jussione teneatur in solidum; secus, qui fide-jussit cum *Minore*; hoc enim casu non nisi pro virili portione tenetur. Ratio *Diversitatis*, vulgò hæc assignatur, quod *Sexus* ignorari non possit, benè verò *Ætas*, & *Beneficium SC. Velleiani* semper certum sit, *Prætoris* verò *Restitutio* incerta, utpote, quæ pendet ex cognitione causæ. *Brunnem in l. 74. ff. h. t.*

## §. FIDE-JUSSORES. 5.

Quo Fide-jussor *extensivè* in *plus* obligari nequeat, quàm debitor principalis obligatus est, diximus ad §. I. l. t. v. *Affertio* II. hic, idem repetitur, & prætereà sancitur, in minùs, quàm debitor principalis, obligari posse Fide-jussorem, ex *Ratione*; quia majori summæ inest minor, l. 1. §. ff. h. t.

## AD VERS. ITEM, SI ILLE.

- 17 Quid; si debitor principalis promississet purè, & simpliciter, potestne Fide-jussor sub conditione, vel ad certum tempus promittere? R. nolle; contra verò, si Principalis se se obligasset sub *conditione*, vel ad *diem*, Fide-jussor se non posset obligare purè & simpliciter. *Ratio*, quia (ut *Multa Paucis* comprehendam) Fide-jussor in *duriorè* causam obligari non potest, quàm debitor principalis, potest tamen in *mitiore* obligari. *Manz. n. 17.*

*Dices*; stipulatio prorsus vitiatur, in qua pura est interrogatio. Promissio verò *conditionalis* §. 5. *Inst. de inut. stip.* ergò idem in Fide-jussione dicendum, quia fit per stipulationem. R. *conc. ant. neg. conseq.* quia stipulatio, & promissio pariunt tantum unam obligationem, quæ non potest esse partim pura, partim *conditionalis*: hic autem obligatio Rei, sive Debitoris principalis tota pura est, Fide-jussoris tota *condizionalis*.

## §. SI QUID. 6.

- 18 Ex hoc §. nihil habes, quòd colligas, quàm, quòd Fide-jussor id, quod pro debitorè principali solvit; aut expendit, *Actiue Mandati* ab eodem repetere possit. Tum, quia *Officium* suum nemini debet esse *damnosum*. Tum, qui alteri non *prohibet*, pro se solvere, *mandare* creditur. l. 47. ff. de *condict. indeb.*

*Dicta* procedunt, si quis pro *præsente*, vel alias *sciente*, ac *patientè* Fide-jusserit aut solverit. l. 18. ff. *Mandati*. Secùs, si pro *absente* aut *ignorante* Fide-jusserit, vel solverit: hoc enim casu *Actio Negotiorum gestorum* competeret, cum nullum *Mandatum* præcesserit, l. 20. §. 1. l. 53. ff. *Mand. Harp. n. 3.*

Porro reperiuntur nonnulli *Casus*,<sup>19</sup> quibus Fide-jussor ante solutionem, à se factam, contra debitorem ad *Liberationem* agere potest.

I. Est, si debitor principalis *nimis diu* solutionem protraxerit, l. 38 §. 1. ff. *Mandati*. Diu autem videtur protrahere, cum intra *Decennium* non solverit; quamvis, arbitrio Judicis ponderandum, alii rectius relinquunt. *Harp. n. 8. Schneid. n. 4.*

II. *Casus* est, si debitor post Fide-jussorem ita in *Prodigalitatè* inciderit, ut facili omnibus bonis exinde labi possit, tunc enim *Periculum* est in mora. *Gail. l. 2. ob. 25 et 26. Concord. Walter loc. cit. v. Eyslachen.* Sanè, si Fide-jussor *sciens*, vel per *Ignorantiam Juris*, *Exceptionem*, debitori principali competentem, neglexerit, & solverit aliquid, repetere ab eodem non potest; damnum enim, quod habet, suæ imputat facilitati. *Manz. n. 12.*

## §. FINALIS.

In hoc §. *Imperator* statuit, quòd si quis *Instrumentum* producat, in quo continetur aliquem Fide-jussisse, & Fide-jussor *opponat*, nullam *Stipulationem* intercessisse, videantur omnia solenniter acta, ita ut *Instrumento* standum sit, donec probetur contrarium, cap. 14. de *fid. instrum. Manz. num. 3.*



## T I T U L U S X X I I.

## DE LITTERARUM OBLIGATIONIBUS.

## S U M M A R I A.

- 1 *Casus Litterarum obligationis.*
- 2 *An illa producat obligationem naturalem?*
- 3 *Quid sit exceptio non numerata pecunia?*
- 4 *Reus excipiendo fit actor, quomodo intelligendum?*
- 5 *Quam liu exceptio non numerata pecunia locum habeat?*
- 6 *Quid? si Creditor actionem ultra biennii metas malitiosè extendat?*
- 7 *Explicatur, quid de Jure Austriaco de exceptione non numerata pecunia obtineat?*
- 8 *Illam non remora'tur paratam executionem.*
- 9 *An post biennium exceptio non numerata pecunia objici possit, si debitor probari velit, pecuniam sibi numeratam non esse?*
- 10 *In causa depositi, empti, transactionis, exceptio non numerata pecunia non habet locum.*

## T R A N S I T I O.

**D**ictum *suprà*, obligationes alias contrahi *Re*, alias *Verbis*, alias *Litteris*, alias denique *Consensu*. Expositis itaque Obligationibus, quæ *Re*, & *Verbis* contrahuntur, subjicitur nunc *tertia Divisionis*, *suprà* positæ, *species*, puta, *Obligatio Litterarum*.

## A D P R I N C I P I U M.

*Olim* Obligatio Litterarum fiebat *Naturaliter*: quomodo autem fuerit facta? *Imperator* non tradit; nec ego trado,

cum ista Nomina ( *Teste Imperatore hic* ) ab usu recesserint. Vide *Harp. n. 4*.

## A D V E R S. P L A N E.

*Hodie* Litterarum obligatio contrahitur tunc, quando quis, spe futuræ numerationis, dat alicui *Chirographum*, in quo confitetur, se certam quantitatem pecuniæ ab eo mutuò accepisse, quam tamen non accepit. Ut ecce: ego, indigus pecuniarum, conveni cum aliquo *Mercatore* vel *Cambiario*, ut mihi crederet 100. Ipse annuit, & petit, ut ei mitterem *Chirographum*. Ego bonæ fide scripsi *Chirographum*, & in eo falsus sum, me à *Mercatore* 100. accepisse, spe fretus, fore, ut eisdem mihi mitteret, vel numerari faceret.

Verum, ipse recepit *Chirographum*; pecuniam autem mihi non mittit: hoc non obstante, post aliquod tempus *chirographum* producit, &, ad solvendos 100. confessatos, me urget. Jam

*Quæres* I. an ego *Mercatori* sim obligatus? *R.* certum esse, me eidem *Re*, seu ex *Mutuo* obligatum non esse, quia *Mutuum* non contrahitur absque *actuali*, & *reali* pecuniæ numeratione. Neque sum obligatus *verbis*, quia *Stipulatio* nulla intercessit. Neque obligor *Consensu*, quia non aliter consensu in hanc confessionem, nisi *Actualis* sequeretur *Numerario*. Sum tamen obligatus *Litteris*, non quidem *naturaliter*, quia deficit consensus, sed *civiliter*, tum, quia hanc obligationem litterariam *Jus civile* approbat; tum, quia *Chirographum* contra scribentem probat, l. 26. *Deposi. i. Manz. n. 11.*

Q q q 3 *Quæres*

## §. FIDEJUSSORES. 5.

Quo Fide-jussor *extensivè* in *plus* obligari nequeat, quàm debitor principalis obligatus est, diximus ad §. 1. *h. t.* *§.* *Assertio* II. hic, idem repetitur, & prætereà sancitur, in minus, quàm debitor principalis, obligari posse Fide-jussorem, ex *Ratione*, quia majori summæ inest minor, *l. 1. §. ff. h. t.*

## AD VERS. ITEM, SI ILLE.

- 17 Quid; si debitor principalis promississet purè, & simpliciter, potestne Fide-jussor sub conditione, vel ad certum tempus promittere? *R.* noisse; contrà verò, si Principalis se se obligasset sub *conditio* ne, vel ad *diem*, Fide-jussor se non posset obligare purè & simpliciter. *Ratio*, quia (ut *Multa Paucis* comprehendam) Fide-jussor in *diviorem* causam obligari non potest, quàm debitor principalis, potest tamen in *mitiorem* obligari. *Manz. n. 17.*

*Dices*; stipulatio prorsus vitiatur, in qua *pura* est interrogatio. Promissio verò *conditionalis* §. 5. *Inst. de inut. stip.* ergò idem in Fide-jussione dicendum, quia fit per stipulationem. *R. conc. ant. neg. conseq.* quia stipulatio, & promissio pariunt tantum unam obligationem, quæ non potest esse partim *pura*, partim *conditionalis*: hic autem obligatio *Rei*, sive *Debitoris principalis* tota *pura* est, Fide-jussoris tota *conditionalis*.

## §. SI QUID. 6.

- 18 Ex hoc §. nihil habes, quòd colligas, quàm, quòd Fide-jussor id, quod pro debitorè principali solvit; aut expendit, *Actione Mandati* ab eodem repetere possit. Tum, quia *Officium* suum nemini debet esse *damnosum*. Tum, qui alteri non *prohibet*, pro se solvere, *mandare* creditur. *l. 47. ff. de condict. indeb.*

*Dicta* procedunt, si quis pro *presente*, vel alias *sciente*, ac *patente* Fide-jusserit aut solverit. *l. 18. ff. Mandati.* Secus, si pro *absente* aut *ignorante* Fide-jusserit, vel solverit: hoc enim casu *Actio Negotiorum gestorum* competeret, cum nulum *Mandatum* præcesserit, *l. 20. §. 1. l. 53. ff. Mand. Harp. n. 3.*

Porro reperiuntur nonnulli *Casus*,<sup>19</sup> quibus Fide-jussor ante solutionem, à se factam, contra debitorem ad *Liberationem* agere potest.

I. Est, si debitor principalis *nimis diu* solutionem protraxerit, *l. 38 §. 1. ff. Mandati.* Diu autem videtur protrahere, cum intra *Decennium* non solverit; quamvis, arbitrio *Judicis* ponderandum, alii rectius relinquunt. *Harp. n. 8. Schneid. n. 4.*

II. *Casus* est, si debitor post Fide-jussorem ita in *Prodigalitatem* inciderit, ut facile omnibus bonis exinde labi possit, tunc enim *Periculum* est in mora. *Gail. l. 2. obs. 25 & 6. Concord. Walter loc. cit. §. Erstlichen.* Sanè, si Fide-jussor *sciens*, vel per *Ignorantiam Juris*, *Exceptionem*, debitori principali competentem, neglexerit, & solverit aliquid, repetere ab eodem non potest; *damnum enim*, quod habet, suæ imputatur facilitati. *Manz. n. 12.*

## §. FINALIS.

In hoc §. *Imperator* statuit, quòd si quis *Instrumentum* producat, in quo continetur aliquem Fide-jussisse, & Fide-jussor *opponat*, nullam *Stipulationem* intercessisse, videantur omnia solenniter acta, ita ut *Instrumento* standum sit, donec probetur contrarium, *cap. 14. X. de fid. instrum. Manz. num. 3.*

## TITULUS

## T I T U L U S X X I I.

## DE LITTERARUM OBLIGATIONIBUS.

## S U M M A R I A.

- 1 *Casus Litterarum obligationis.*
- 2 *An illa producat obligationem naturalem?*
- 3 *Quid sit exceptio non numerata pecunie?*
- 4 *Reus excipiendo fit actor, quomodo intelligendum?*
- 5 *Quamliu exceptio non numerata pecunie locum habeat?*
- 6 *Quid? si Creditor actionem ultra biennii metas malitiosè ex endat?*
- 7 *Explicatur, quid de Jure Austriaco de exceptione non numerata pecunia obtineat?*
- 8 *Illam non remouetur paratam executionem.*
- 9 *An post biennium exceptio non numerata pecunie obijci possit, si debitor probari velit, pecuniam sibi numeratam non esse?*
- 10 *In causa depositi, empti, transactionis, exceptio non numerata pecunia non habet locum.*

## T R A N S I T I O.

**D**ictum *suprà*, obligationes alias contrahi *Re*, alias *Verbis*, alias *Litteris*, alias denique *Consensu*. Expositis itaque *Obligationibus*, quæ *Re*, & *Verbis* contrahuntur, subiicitur nunc *tertia Divisionis*, *suprà* positæ, *species*, puta, *Obligatio Litterarum*.

## A D P R I N C I P I U M.

*Olim* *Obligatio Litterarum* habet *Nominibus*: quomodò autem fuerit facta? *Imperator* non tradidit; nec ego tradidit,

cùm ista Nomina ( *Teste Imperatore hic* ) ab usu recesserint. Vide *Harp. n. 4.*

## A D V E R S. P L A N E.

*Hodie* *Litterarum obligatio* contrahitur tunc, quando quis, spe futuræ numerationis, dat alicui *Chirographum*, in quo confitetur, se certam quantitatem pecuniæ ab eo mutuò accepisse, quam tamen non accepit. Ut ecce: ego, indigus pecuniarum, conveni cum aliquo *Mercatore* vel *Cambiario*, ut mihi crederet 100. Ipse annuit, & petit, ut ei mitterem *Chirographum*. Ego bonæ fide scripsi *Chirographum*, & in eo falsus sum, me à *Mercatore* 100. accepisse, spe fretus, fore, ut eisdem mihi mitteret, vel numerari faceret.

Verum, ipse recepit *Chirographum*; pecuniam autem mihi non mittit: hoc non obstante, post aliquod tempus *chirographum* producit, &, ad solvendos 100. confessatos, me urget. Jam

Quæres I. an ego *Mercatori* sim obligatus? *R.* certum esse, me eidem *Re*, seu ex *Mutuo* obligatum non esse, quia *Mutuum* non contrahitur absque actuali, & reali pecuniæ numeratione. Neque sum obligatus *verbis*, quia *Stipulatio* nulla intercessit. Neque obligor *Consensu*, quia non aliter consensu in hanc confessionem, nisi *Actualis* sequeretur *Numerario*. Num tamen obligatus *Litteris*, non quidem naturaliter, quia deficit consensus, sed civiliter, tum, quia hanc obligationem litterariam *Jus civile* approbat; tum, quia *Chirographum* contra scribentem probat, l. 26. *Deposi. i. Manz. n. 11.*

Q q q 3 Quæres

*Quæres II.* an ergò isti *Mercatori* dabitur contra me *Actio*? Dixeris prima fronte, quòd non, quia nemo *Improbitate* suâ actionem debet consequi.

Verum *R.* dari contra me *Actionem*, quam aliqui *Condiotionem chirographariam*, alii *Condiotionem ex Litteris* baptizant.

*Ista autem Actio*, si eâ impetar, à me potest elidi per *Exceptionem non numeratæ Pecuniæ*, qua ego non nego me illam confessionem in litteris fecisse; sed dico, pecuniam mihi actualiter numeratam non fuisse. Adeòque onus probandi *Numerationem*, rejicio ad ipsum *Creditorem*, qui probare tenetur, pecuniam confessatam numeratam esse; quòd si in *Probatione* defecerit, potero *Chirographum* condicere, l. 14. *Cod. de non numer. pecunia.* Harp. n. 5.

*Dices*: Reus in *Exceptione* fit Actor, & *Exceptionem* suam probare tenetur, l. 1. ff. *except.* ergò *Debitori* incumbit onus probandi; non *Creditore*. *R.* antecedens procedere, quando excipiens affirmat aliquid factum esse; secus, si neget, numerationem factam esse; tunc enim negantis nulla est probatio, l. 2. ff. *de probat.* Manz. n. 20.

*Quæres III.* Quamdiu exceptio non numeratæ pecuniæ opponi possit? *R.* Textus: ultra biennii metas hujusmodi *Exceptio* nomine extenditur. Concord. *Jus Austr.* exceptio non numeratæ pecuniæ ultra biennium non habet locum: siquidem biennium istud non utile sed continuum tempus habet; estque beneficium odiosum contratenorem, & fidem instrumenti, cui vim suspendit, & probationem transfert in eum pro quo militat, minimè extendendum: deriù elapso tempore, remanet instrumentum, & cessio obligationis in communi vigore, quemadmodum & saluæ sunt debitori convento exceptiones ordinariae.

*Quæres IV.* Quid, si *Creditor* intra biennium nunquam agat, & malitiosè differat *Actionem*, donec tempus illud elabatur? *R.* quòd *Debitor* hoc in casu possit nihilominus exceptionem opponere, & condiotione chirographariâ, per modum querelæ, adversus debitorem agere, vel ad hoc, ut sibi pecunia confessata numeretur, vel chirographum reddatur. Quòd si debitor nec hoc sece-rit, postea non audietur; sed, tamquam verus debitor condemnabitur, & ad solutionem tenebitur, l. 14. *Cod. de non numerat. pecun.* Harp. n. 10. Ratio est, tum, ut puniatur *Negigentia* debitoris, qui per integrum Biennium syngrapham penes creditorem reliquit, & non repetiit; tum, quia debitor non præsumitur tam supinus, & negligens, ut intra biennii spatium pecuniam non exigeret; aut cautionem datam non reposceret.

*Dicta* procedunt de *Jure communi scripto*; cum autem parum prodesse videatur, habere notitiam *Juris communis*; ignorare verò ea, quæ de consuetudine in *Curiis & Tribunalibus* practlicantur, Ideò

*Quæres V.* Quid ergò in hac nostra *Austriaca* circa *Exceptionem non numeratæ pecuniæ* *Juris & Styli* sit?

Ut rem exactè intelligas, præ omnibus tibi impensè notes (velim) quòd de *Jure Austriaco* quævis scriptura privata, manu propriâ, & Sigillo *Debitoris* munita, paratam post se trahat executionem. Reid. *Dest. Execut. ord.* Tit. 1. §. 10. §. 1. Joann. Henr. Reister in suis *Tabul. de different. Jur. commun.* & *Austr. ad Tab. 16. n. 19. Sutting. obs. 103. n. 2. Eine jedwedere Privat. Berschreibung, &c. i. e. Quodlibet privatum instrumentum, ex consuetudine provinciae, paratam habet executionem, nec in executione altiore indagationem requirentes, ulla ve*



ullave appellatio admittuntur . multo minus partes in parato cursu executionis , Commissionibus debent impediri : sed debitor per gradus executionis compellitur ad solvendum numeratam presentique pecuniâ : tunc potest NB. facta solutione , aut etiam intra cursum executionis , qui tamen non interruptitur , quas habet exceptiones , juxta ordinem juris proponere.

Quæ constitutio in tantum extenditur , ut nec Exceptio solutionis , nec compensationis executionem remorari possit. Per Generale Ferd. II. de dato 5. Decemb. A. 1633. ibi: auch keine ; i. e. Ne nulla dilatoria exceptio, a iave longius tempus vel iudicium requirens , ullave appellatio admitti debeat. Ita iudicatum sub dato 9. jan. 1642. ut domine Comitissæ de Marsperg executio ulterius proseguenda concederetur : exceptionem autem solutionis ; juxta juris ordinem solutione factâ proponendam ; haberet Domina Comitissæ de Megau. His in antecessum præmissis ,

8 R. Ad propositam Questionem , Exceptionem non numeratæ pecuniæ de Jure quidem Austriaco locum habere , non tamen remorari paratam executionem , per cit. Generale Ferd. II. Stehet also , &c. i. e. igitur in dicto casu , qui adversus propriam scripturam , de non numerata pecunia excipit ; is hoc habet beneficium , ut post factam solutionem , possit intra biennium petere , ut sibi succurratur. Atque incumbit tunc creditori onus , vel docendi actuatem pecunie numerationem ; vel , in casu succumbentis , pecuniam sibi nuper insolitam numeratam , & omnes per viam executionis factas impensas . Itaque de Jure Austriaco Debitor confessatam summam creditori tenetur solvere ; post solutionem vero factam demum rejicit onus probandi in creditorem , qui pecuniæ numerationem probare tenetur. Fünsterv. lib.

2. obs. 7. n. 6. Quod utique procedit , si intra biennium debitor exceptionem non numeratæ pecuniæ moverit. Sed ,

Q. VI. An post biennium Exceptio non numeratæ pecuniæ objici possit , si debitor liquidò probare velit , pecuniam sibi numeratam non esse ?

Negativam acerrimè tuentur. Glottle select. quest. part. 3. cap. 2. Harpprecht. n. 13. Hunn. lib. 3. tract. 6. Q. 2. Fack. lib. 2. cap. 81. & plures ab his allegati.

Movetur I. per l. 8. Cod. de non num. pecunia. Ubi perspicuè cautum est , Debitorem post legitimum tempus ( id est biennium ) omni modò compelli , debitum solvere. II. per text. l. 14. Cod. eod. ubi dicitur , elapsò Biennio , Quere- lam nullò modò amplius introduci posse. III. per d. l. 14. §. 3. Cod. eod. ubi statuitur ; elapsò biennio , debitorem audiendum non esse , si Creditori Juramentum deferat.

Verum , tametsi in rigore Juris hæc Sententia facillè defendi possit ; mihi tamen contraria ( utpote Æquitati consona ) magis arridet , quæ docet elapsò biennio , exceptionem non numeratæ pecuniæ adhuc locum habere , si debitor liquidò probare possit , pecuniam numeratam non esse. Hujus sententiae Patronos producit Clariss. D. D. Franz. n. 23. hic. Gomez. var. resol. tom. 2. cap. 6. ult. Bachov. ad Treutl. vol. 1. disp. 20. th. 2. lit. C. Carpzov. part. 1. const. 32. def. 66. n. 24. qui in iudicando ab hac sententia ait , recedendum non esse. Mev. part. 2. Decis. 22. n. 3. Zoes. ff. de O. & A. n. 34. Brunnem. in l. 12. Cod. de non num. pecun. Fünsterv. lib. 2. obs. 8. Susting. in Manuscript. v. Exceptio non numerata. pecuniæ. Ubi pro hac sententia allegat aliquod præjudicium.

*Nititur* I. hâc efficaci ratione, quia nimirum illicitæ, & iniquæ exactiones, sive petitiones in Jure non sunt admittendæ, *l. 6. ff. de off. prasid.* atqui petere pecuniam quæ numerata non est, utique est iniqua petitio, ergo non admittenda.

II. Exceptio doli est perpetua *l. 5. §. fin. ff. de dol. mal. except.* exceptioni verò non numeratæ pecuniæ exceptio doli conjuncta est, & una succedit in locum tertii, *l. 3. Cod. de non numer. pecun.* licet itaque exceptio non numeratæ pecuniæ temporalis sit, atque biennii metâ circumscribatur; exceptio tamen doli perpetua erit.

III. Introducta in alicujus favorem non debent torqueri in ejus odium, *l. 6. Cod. de LL.* atqui hâc modò Exceptio non numeratæ pecuniæ in favorem debitoris introducta, in odium ejus retorqueretur, siquidem absque illa de Jure communi habuisset exceptionem communem de dolo perpetuam, ergo.

*Argumenta contraria* unâ *Responsione* confunduntur; *allegati* enim *textus* procedunt de eo casu, quo debitor *contrarium probare* non potest. *Brunn. & omnes, supra recensiti.*

*Ceterum*, ista *Exceptio*, quam hæc-10 nûs exposuimus, in nullo alio contractu, quàm *Mutui*, & in *Causa Dotis* locum sibi vindicat. Unde, si quis ex alia causa (puta, *Depositi*, *Empti*, *Transactionis* &c.) confiteretur *se debere* 120. talis confessio contra scribentem, & confitentem probaret, *l. 26. §. fin. ff. depositi.* Ratio specialitatis est, quia homines in his contractibus ad effrenatè confitendum sunt procliviores, ut nimirum consequantur Pecunias, aut Uxores, quàm in aliis. *Schneid. n. 15.*

*Dices*: In hac nostra Austria rarò exceptio non numeratæ pecuniæ fortietur locum; quotquot enim obligationes legeris, aut videris, semper clausula subjicitur, qua debitor renuntiat omnibus exceptionibus (puta, *non numeratæ pecuniæ: rei non sic: sed altergestæ; de non in rem versò, &c.*) & hac renuntiatione non obstante, exceptioni non numeratæ pecuniæ nihilominus locum esse; qua enim fragilitate quis inducitur ad confitendum, eadem quoque inflectitur ad renuntiandum, *Harp. n. 19.*

## T I T U L U S X X I I I .

### DE OBLIGATIONIBUS EX CONSENSU.

**O**bligationibus quæ *Re*, *Verbis* & *Litteris* ineuntur discussis, sequitur *quarta species* obligationum ex contractu; nempe obligatio, quæ solò consensu perficitur: etsi enim omnes obligationes consensum necessariò requirant, hæc tamen quatuor, quæ hic recensentur (puta, *Emptio Venditio*, *Locatio Conductio*, *Societas*, & *Mandatum*) consensu contrahi ideò dicuntur, quia nu-

dâ voluntate, nudò, & solò consensu contrahentium perficiuntur; in cæteris verò contractibus præter consensum, aliud quid necessarium est; in iis puta, quæ re celebrantur rei traditio; in stipulatione, verborum solennitas, in litterarum obligatione, scriptura: æque hæc est præcipua inter contractus consensuales, & cæteros differentia.

T I T U L U S XXIV.  
DE EMPTIONE ET VENDITIONE.

SUMMARIA.

- 1 Definitur emptio venditio.
- 2 Quare dicatur, solo consensu contrahi?
- 3 Resolvitur l. 13. §. 8. ff. de act. empt.
- 4 Emptio domus, quam emptor ignorabat conscripserat nulla est.
- 5 Venditor tenetur tradere, non dare.
- 6 Evictio de jure communi præstanda; licet nihil conventum sit.
- 7 Secus de Jure Austriaco.
- 8 & 9 Emptio venditio quando dicitur perfecta?
- 10 Quid? si sit rerum fungibilium?
- 11 In scriptis celebrata, non aliter perfecta dicitur, quam si instrumenta confecta fuerint.
- 12 Si una pars asserat, in scriptis celebratam esse, altera verò neget, quis probare teneatur?
- 13 Arrha, adjecta emptioni venditioni, quid operetur?
- 14 Pretium debet esse certum, & consistere in pecunia numerata.
- 15 An in arbitrium tertii recte conferatur?
- 16 Quid Juris? si in instrumento emptionis venditionis quantitas pretii expressa non sit?
- 17 Qualis sit contractus, si partim in pecunia: partim in specie consistat pretium?
- 18 Si res emptæ ante traditionem pereat, cujus sit periculum?
- 19 Deciditur, emptoris esse.
- 20 Resolvuntur objectiones.
- 21 Limitatur, si dolus, vel culpa venditoris intervenierit.
- 22 Item si res alternativè vendita.  
Kees ad Instituta.
- 23 Vel fungibilis sit.
- 24 An valeat emptio venditio, si equus intra tot dies tibi placuerit?
- 25 Adornatur effectus hujus contractus.
- 26 An venditor, interesse præstando, liberetur à traditione?
- 27 Explicatur, ad quid venditor obligetur?
- 28 Monopolia Jure civili prohibita.

**P**rima species contractus, solò consensu initi, est Emptio-Venditio; quæ commodè definitur, quòd sit contractus, solò consensu initus, de Re, pro certo pretio tradenda, Clariss. D. D. Franz. Inst. h. t. n. 4.

Dixi I. solò consensu initus, ut differat emptio venditio à reliquis contractibus, qui ( præter consensum ad sui perfectionem ) requirunt vel solennitatem verborum, vel scripturam, vel rei interventum, emptio enim, & venditio solò consensu ita perficitur, ut statim, simul atque de re, & pretio conventum est, producat actio, l. 1. l. 9. ff. de contrah. empt. Harp. n. 15.

Non adversatur l. 13. §. 8. ff. de act. empt. vend. ubi dicitur, quòd actio empti, & venditi non nascatur, priusquam res sit tradita, offerri ( ait textus ) pretium ab emptore debet, cum ex empto agitur, & ideo, etsi pretii partem offerat, nondum est ex empto actio; venditor enim, quasi pignus, retinere potest eam rem quam vendidit. Non ( inquam ) lex ista adversatur: enimverò nascitur quidem actio ex emptione venditione, etiam ante traditionem rei venditæ, & solutionem pretii, sed illa actio exceptione non soluti pretii eliditur, l. 25.

R r r

ff.

*ff. d. t.* Adeoque sensus *d. l. 13. §. 8.* est, quod ante traditionem, & solutionem pretii non nascatur actio, quæ sortiatur plenum effectum, utpote elidenda per exceptionem; non autem sensus est, quod nulla penitus nascatur actio ante traditionem, *Harp. n. 16.*

- 4 Dixi II. *de re*, quia sine re (puta, merce, quæ veneat) nec emptio, nec venditio potest intelligi, *l. 8. ff. ne contrah. empt.* Unde, sua sponte fluit, quod emptio alicujus domus, quam emptor ignorabat, esse exustam, sit nulla, *l. 57. ff. d. t.* Ratio, quia deficit merx, requisitum essenziale emptionis-venditionis, *Manz. n. 10.*

Dixi III. *pro certo pretio*, ratio, quia sine pretio nulla venditio est, *l. 2. ff. de contrah. empt.* cum pretium sit etiam substantiale requisitum emptionis-venditionis, *l. 36. ff. d. t.*

- 5 Dixi IV. *tradenda*, quandoquidem tradere, non dare mercem emptori tenetur, *l. 11. §. 2. l. 30. §. ult. ff. de act. emp.* atque per hoc emptio venditio distinguitur à permutatione, quæ rei alienæ nulla est, *l. 1. §. 3. ff. de rer. permut. Zoes. ff. eod.* Quod si tamen mercis sit Dominus venditor, facit & emptorem Dominum, modo pretium sit solutum. Sin venditor Dominus non fuerit, usufructu conditionem transfert in emptorem, & ei, evictionis nomine obligatur; etiamsi nihil expressè de ea convenerit, *l. 11. §. 2. ff. de act. emp. Harp. n. 29.*

- 7 Quod procedit de *Jure communi*; secus obtinet de *Jure Austriaco*, secundum quod, si de præstanda evictione expressè conventum, atque venditionis instrumento inserta non sit; evicta re, emptor adversus venditorem nec agere, nec legitimè, efficaciter denunciare potest, *Sutung. obs. 14. 31. & 33. Fünsterwald lib. 2. obs. 88.*

#### AD PRINCIPIMUM.

Quæritur hic in principio, quando 8 contractus emptionis venditionis dicatur esse perfectus? multum refert, accurate intelligere, quando nam emptio-venditio dicatur perfecta? Nam I. non est amplius locus pœnitentiæ. II. Oritur statim obligatio, & actio. III. periculum rei emptæ ad emptorem pertinet. Itaque,

R. Ad propositam questionem sub triplici distinctione. I. vel emptio-venditio purè contrahitur, vel sub conditione: II. vel fit in scriptis, vel sine scriptis: III. vel est rerum, quæ pondere, numero, mensurâ constant, vel aliarum rerum: v. g. domus, agri, vinea, equi, vestis &c. his positis, sequitur

Conclusio I. si emptio-venditio purè 9 celebrata est, tunc statim simul atque de pretio, & merce inter contrahentes conventum est, perficitur, quamvis pactum nondum numeratum sit, & ne arrha quidem data fuerit, *text. hic.* Ratio quia contractus emptionis venditionis solò consensu constat, ergo non requiritur in eo actualis rei interventus, ut vel merx tradita, vel pretium numeratum sit. *Manz. n. 4. hic.* & sic, non obstante, quod neque res tradita, nec pretium numeratum fuerit, contractus nihilominus perfectus: nec amplius pœnitentiæ locus erit. *Sutung. in Manu-Script. lit. R. Fünsterwald. lib. 2. obs. 75. num. 4.*

Dicta procedunt si emptio venditio sit 10 rerum non fungibilium, v. g. domus, agri &c. secus, si sit rerum fungibilium, quæ pondere, numero, & mensurâ constant; harum enim emptio venditio non aliter perficitur, quam si adnumerata, admensa, & appensa fuerint, *text. notabilis in l. 35. §. 5. ff. de contrah. empt. Clariss.*



Clariff. D. D. Franz. h. t. n. 81. Zoef. ff. de peric. & commod. rei vend. Ratio, quia id genus res censentur venditæ sub conditione mensurationis, appensionis, vel adnumerationis, emptio autem conditionalis (prout statim audiemus) non prius dicitur perfecta, quam ubi conditio extiterit, ergo. Chlingensp. Inst. h. t. Quest. 11. Berlich. Decis. 346. 347. & 348.

Dixi: & ne quidem arrha interveniret: ratio est in textu, quia arrha tantum, evidentioris probationis causâ, interponitur, non ad substantiam contractus, siue ergo arrha interveniret, siue non, modo de pretio convenerit inter partes, emptio perfecta esse, intelligitur. Harp num. 11.

Conclusio II. si emptio-venditio sub conditione celebrata fuerit, non prius dicitur perfecta quam si conditio extiterit; conditionalia enim pendent ex eventu conditionis, l. 8. §. quod si ff. de peric. & commod. rei vend. Unde, si pendente conditione, res empti tota perierit, periculum venditoris erit, l. 8. ff. d. t. Wesemb. in parat. eod. tit. n. 3. Schneid. n. 5. Dixi tota, periculum enim deteriorationis spectat ad emptorem, d. l. 8. v. sanè si extet res, Brunnem. ibid. n. 17.

III. Si emptio venditio in scriptis celebrata fuerit, non aliter perfecta intelliguntur, quam si instrumenta desuper confecta fuerint, text. hic & l. 17. Cod. de fide instrum. ratio quia nihil censetur actum, quamdiu aliquid restat ad agendum, l. ult. Cod. ad SC. Syl. Manz. n. 10. Unde, si contractus in instrumentum scripturæ redactus non fuerit, quisque contrahentium impunè recedere poterit ab eo, text. hic. nisi quid arrhæ nomine fuerit datum, quod amittitur; aut duplum

restituitur, text. hic. ut ecce: pretium alicujus libri licitatus sum à scrutario, cumque ille dubitaret de consensu domini, ego interim, donec consensum requireret, arrham obtuli. Hoc in casu possum resilire ab isto tractatu; ita tamen, ut arrhæ patiar dispendium, l. 17. Cod. de fide instrum. Glettle part. 3. cap. 20. n. 13. Fünsterwald. lib. 2. obs. 76. n. 1.

Sed quid Juris? si una pars asserat<sup>12</sup> venditionem in Scriptis celebratam esse, altera verò neget? R. asserentem probare debere, inter contrahentes in principio statim actum, & conventum esse, ut emptio-venditio redigeretur in scripturam. Brunnem. in d. l. 17. Schneid. n. 4. hic. Mascard. de probat. Conclus. 435. n. 8. Klok Consil. 16. num. 117. vol. 2. Menoch. lib. 3. presump. 148. Qui omnes communi harmoniâ testantur hanc esse communem opinionem, ita, ut, si de voluntate partium, quod contractum in scriptis fieri voluerint, satis non constat, solò consensu perficiatur emptio venditio, & hoc vel maximè procedit in Austria, i. e. ubi Instrumentum emptionis venditionis magis pro testimonio venditionis habetur, quam pro necessario requisito ad contractum, & sæpius post rei venditæ traditionem confici solet. Sutting. in Manuscript. lit. K. ibi, ita judicatum, refert.

Illud adhuc notandum, arrham ali-<sup>13</sup> quando ab emptore dari in signum, & argumentum emptionis, ita, ut postea nihilominus solvatur integrum pretium, inter contrahentes conventum, & hōc casu procedunt ea, quæ diximus, ut nimirum, si unus contrahentium invito altero, à contractu resilire velit, arrha vel perdatur, vel duplicata restituatur. Dixi: invito altero

nam, si mutuū consensu ab emptione recederent, emptor reciperet, quod, arrharum nomine, dedit, *l. 11. §. 6. ff. de act. empt. Schneid. n. 11. Mynsing. n. 7.* Aliquando verò datur arrha non in argumentum, & securitatem contractus, sed ut pars pretii; & hoc in casu, cum res non amplius sit integra, neutri permittitur, à contractu rescindi. *Gomez. Var. resol. tom. 2. cap. 2. n. 18. Manz. n. 33.*

### §. PRETIUM. I.

*Pretium* in emptione venditione adesse est necessarium, ut nulla emptio sine pretio esse possit: ratio, quia *substantialia* actus ab actu abesse non possunt, atqui substantialia emptionis venditionis sunt *consensus, merx, & pretium*, ergo.

### AD VERS. SEDET CERTUM.

- 14 Debet autem pretium *duas qualitates*, seu *proprietates* habere. I. est, ut sit certum. II. ut consistat in pecunia numerata; certum autem pretium esse dicitur, cujus quantitas, aut ipso nomine expressa est, aut conveniente aliqua relatione, seu demonstratione designatur, quæ vice nominis fungitur, V. g. hic fundus sit tibi emptus 100. aureis; vel, hic fundus sit tibi emptus tanti, quanti ego eum emi, vel emo à te fundum tanti, quantum pretii in arca, vel crumena habeo, vel tanti, quanti in proximis nundinis res valebit, *l. 7. §. 1. ff. de contrah. empt.* ratio, quia in hisce posterioribus casibus non tam *incertum* dicitur pretium, quam ignotum. *Harp. n. 4.*

### AD VERS. ALIOQUIN.

- 15 *Queritur hic an valeat emptio venditio, si determinatio pretii in arbitrium*

tertiū conferatur, v. g. ut res tanti sit tibi emptā, quanti Titius eam æstimaverit? Tametsi veteres multum dubitaverint? num talis emptio-venditio valeret nec ne? Imperator tamen hic statuit, quod pretium possit conferri in arbitrium tertii, ex ratione fortassis ista, quia contrahentes sæpè ignorant condigna rerum pretia, ut proinde, ne impediantur commercia, necesse fuerit permittere, quod æstimatio in peritum aliquem arbitrum conferri possit: *Manz. n. 13.*

Illud tamen substantialiter desideratur, ut ille tertius, in cujus arbitrium determinatio pretii refertur, *certus sit & specificè nominatus*, v. g. *vendo tibi equum tanti, quanti Titius æstimaverit.* Unde, si ille tertius non exprimitur, prout sæpe numero faciunt plebei in casu, quo de pretio convenire non possunt; dicentes: faciemus rem æstimari & quanti æstimata fuerit, tanti sit tibi vendita, talis emptio-venditio nulla est; ex ratione, quia semper disceptare contrahentes, in eligendo æstimatore, & sic contractus facile redderetur elusorius, cum homines ad disentiendum faciles sint, *l. 17. principaliter. ff. de recept. arbit. Schneid. Inst. hic. n. 4.* Ex eodem fonte fluit, quod etiam talis venditio non valeret, si partes dicerent, quod postea motus animi jam concordare velint. *Sie wollen sich des Kuff-S. billings halber, hernach schon vergleichen. Harp. n. 13.*

### §. AD VERS. EMPTORE QUIDEM.

Ex hoc v. nihil aliud colligas, quam quod si tertius, specificè nominatus pretium definiverit, tunc emptio venditio teneat, & producat actio empti venditi, qua contractum servare recusans ad ejus unplementum compellitur.

AD

## AD VERS. SIN AUTEM.

16 Sed quid? si tertius ille vel noluerit, vel non potuerit definire pretium? tunc emptio-venditio nulla erit, *text. hic.* ratio, quia talis emptio-venditio, in qua determinatio pretii confertur in arbitrium tertii, conditionalis esse, censetur, puta, si Titius, vel ille tertius arbitratus fuerit; conditionalia autem conditione non existente perimuntur, l. 8. §. quod si ff. de per. & comod. rei vend. Manz. n. 24. cæterum, si tertius inique arbitratus fuerit, tunc recurritur ad arbitrium discreti Judicis, qui arbitramentum ad terminos æquitatis reducat. Zoëf. ff. de contrab. empt. num. 35. Arbitrium autem dicere, nemo compellitur; nisi illud acceptaverit. Schneid. n. 6.

*Quæres I.* An ex instrumento emptionis venditionis agi possit, in quo quantitas pretii expressa non est? Ratio dubitandi est, quia ex instrumento, in quo fit mentio promissionis, agi potest perinde ac si scriptum esset, interrogationem præcessisse, §. 12. & §. 16. *Inst. de inut. stipul.* ergò idem hic dicendum erit.

Verùm, *contraria Sententia* verisimilior est, cui subscribunt *Gail. lib. 2. obs. 13.* *Zoëf. loc. cit. n. 36.* *Fach. lib. 2. cont. 34.* *Bachov. ad Treutl. vol. 1. disp. 28. th. 6. lit. D.* Ratio sola, sed fundamentalis est, quia in emptione & venditione pro forma requiritur, ut pretium sit certum, & determinatum; quale dici non potest, cujus quantitas non patet. Deinde, licet in instrumento aliquo scriptum esset, dotem fuisse promissam, ex eo tamen agi non potest; si non constet de certitudine, & quantitate dotis promissæ l. 1. *Cod. de Dot promiss.* ergò idem hic differendum.

Ad rationem dubitandi *R. con. an. neg. conseq.* Disparitas est, quia in stipulatione facile currit præsumptio Juris, quòd interrogatio præcesserit, si constet de promissione; nemo enim censetur voluisse aliquid promittere, quin per illam promissionem se simul etiam obligare voluerit. Jam, cum ad obligationem sola promissio non sufficiat, sed interrogatio præcedere debeat, facile præsumitur præcessisse, ut actus potius valeat quàm pereat, *Harp. §. 16. Inst. de inut. stipul.* Secus est in emptione, & venditione, ubi, licet vellemus præsumere, de pretio conventum esse, certitudinem tamen pretii, quæ essentialiter requiritur, præsumere non possemus.

## AD VERS. QUOD JUS.

Quemadmodum in emptione venditione pretium debet esse certum, & determinatio ejus in arbitrium tertii conferri potest: ita etiam de mercede in locatione conductione par Jus obtinet. De quo snò locò.

## §. ITEM PRETIUM. 2.

*Secunda* qualitas pretii est, quòd debeat consistere in pecunia numerata, non in specie: alias enim permutatio foret, *text. hic.* Quod tamen cum mica salis intelligendum, ut pretium in pecunia numerata ab initio determinetur, nam, in solutione bene potest res alia solvi pro pecunia, volente tamen venditore: non autem, eò invitò, l. 9. *Cod. de rescind. vend. Schneid. n. 1.* Ratio quia in omni negotio primaria contrahentium intentio inspicienda est, non id, quod ex postfacto per accidens sequitur. *Manz. n. 15.* Unde advertis, emptionem venditionem, & permutationem esse diversos contractus;

permutatio enim tunc propriè fieri dicitur, quando *species certa* pro *specie certa* datur, veluti *hic bos* pro *illo equo*, *hic liber* pro *illo pileo*, &c. Emptio venditio verò quando pro specie datur pretium in pecunia numerata. *Schneid. n. 4* ubi plures differentias inter emptionem venditionem, & permutationem enumerat.

*Quæres II.* Qualis sit contractus, quando ex una parte certa species tantum, ex altera vero parte species, & simul pecunia datur? R. cum primis inspiciendam esse contrahentium intentionem. Si inter partes actum sit, ut sit emptio venditio, erit judicanda talis; si ve pretium superet valorem speciei, si ve non. Si vero inter contrahentes actum sit, ut esset permutatio (fortè, quia *conventioni* nomen *permutationis* semper attribuerint) tunc *permutatio* erit, licet pecunia major sit, quàm æstimatio speciei, *l. 6. §. 1. Et 2. ff. de act. empt. vend. Gloss. ibid.* Ratio est, quia intentio dirigit tam ultimas voluntates, *l. 76. §. donationis ff. de legat.* quàm contractus, ne alias agentium intentionem, & mentem negligamus, quod leges non ferunt, *l. 19. ff. de R. C. l. multum. Cod. si quis alteri, vel sibi, &c. Covar. var. resol. lib. 2. cap. 4. n. 9. Zoef. ff. de rer. permut. n. 6.*

Sed quid? si de mente, & intentione contrahentium non constet? Tunc distinguendum est, num pecunia prævaleat, num res? Si prius, censebitur emptio venditio. Si posterius, permutatio erit, *cap. 6. de permut. Manz. n. 18. Inst. hic. Zoef. loc. cit.* Ratio est, quia à potiori fit denominatio. *Covar. Var. resol. lq. cit. Gomez. var. resol. Tom. 2. cap. 2. n. 10.*

Ast, quid tunc Juris, si res, & pretium sint æqualis valoris? tunc

sunt aliqui, qui docent, esse contractum innominatum *Gomez. loc. cit. Harp. n. 7. Schneid. n. 9. Birt. in l. 1. ff. de rer. permut.* Moventur per *l. 1. l. 2. Et l. 3. ff. de prescript. verb.* ubi regula generalis proponitur, quòd quoties de nomine alicujus contractus dubitatur, toties danda sit *actio prescriptis verbis*, & consequenter censeatur contractus innominatus.

Verùm, alii tenent, partim esse emptionem venditionem, partim esse permutationem. *Fach. lib. 2. cap. 41. Covar. loc. cit. Manz. n. 19.* Moventur hac ratione, quòd nimirum tale negotium utrinque contractus substantialia habeat, novi autem nihil esse, ut aliquis contractus diversò Jure censeatur, ut partim sit venditio partim donatio, *l. 32. §. pen. l. 5. §. 5. ff. de donat. inter vir. Et uxor.* Sanè, hæc quæstio, prout fortè primò intuitu videri posset, non est de lana caprina, sed magni effectus, & utilitatis: enim verò in permutatione Jus retractus locum non habet; secus in emptione-venditione. *Zoef. ff. de Retract. num. 85. Et seqq.*

#### §. CUM AUTEM. 3.

Iste §. concordantem habet integ. *Tit. 18 in ff. de pericul. Et commod. rei vend.* qui ut dilucidè intelligatur, fac, v. g. *me tibi vendidisse catenam auream, vel domum meam*, & antequàm catenam vel domum traderem, fortuitò incendiò catenam vel domum comburi. *Quæstionis est, ad quem pertineat periculum?* Videtur primà fronte statuendum, quòd periculum pertineat ad venditorem.

I. Quia quælibet res perit suo domino, *l. 6. Et 9. Cod. de pignorat. act.* atqui ante traditionem venditor adhuc manet dominus rei venditæ, quia non nudis pactis, sed traditionibus transferuntur rerum



rerum dominia, l. 20. *Cod. de pact. ergo.*

II. Quia rei oppigneratæ periculum non spectat ad creditorem, pignus possidentem, sed ad debitorem, ex ratione, quia est dominus pignoris, d. l. 6. § 9. ergo etiam rei venditæ periculum non spectat ad emptorem, sed venditorem, quia hic est dominus rei venditæ.

III. Quia pecunia, quam emptor, tanquam pretium rei venditæ, solvere venditori, destinavit, si pereat, perit emptori; ergo similiter, si res vendita ante traditionem pereat, peribit venditori.

IV. Per l. 3. ff. locati. Ubi dicitur, si fundus venditus, antequam traderetur, fuerit publicatus, quod periculum spectet ad venditorem, & hic pretium restituere teneatur.

V. Per l. lectos. 12. ff. de pericul. & commod. rei vend. ubi in hæc verba describitur. *Lectos emptos aditis; cum in via publica positi essent, concidit, si traditi essent emptori; aut per eum stetisset, quominus traderentur, emptoris periculum esse, placet.* En: in hac lege asseritur, quod tunc demum periculum ad emptorem pertineat, si res ei tradita fuerit, aut per eum steterit, quominus traderetur, ergo à contrario, si res ei tradita non fuerit, aut per eum non steterit, quominus traderetur, non ad emptorem, sed ad venditorem, spectare debet periculum.

VI. Per l. 14. §. 1. ff. eod. tit. his verbis: *Materia emptæ si furto periisset, postquam tradita esset, emptoris esse periculum ostendit: sui minus venditoris; videri autem trabes traditas, quas emptor signasset.* En, apertè hic dicitur ante traditionem periculum rei venditæ spectare ad venditorem.

Verùm his argumentis, quæ ponderari non carent, in contrarium nihil remorantibus, communi Doctorum calculo approbata est *Sententia*, quæ docet, periculum rei venditæ ante traditionem pertinere ad emptorem. Ita *Bachov. ad Treutl. vol. 1. disp. 37. th. 8. lit. C. & D. Glettle. part. 3. quest. 20. Zoef. ff. de pericul. & commod. rei vend. n. 6. Covar. lib. 1. cap. 15. n. 2. Brunnem. in l. 8. ff. d. t. Carpz. part. 2. Constit. 26. def. 19. Gomez. var. resol. tom. 2. n. 32. & communiter omnes.*

*Nititur I hæc Sententia apertissimò textu nostrò §. 3. Inst. hic cum autem emptio venditio perfecta est, quod effici diximas, simul atque de pretio convenerit, periculum rei venditæ statim ad emptorem pertinet; tametsi ea res emptori nondum sit tradita.* Non explico hunc textum, ne soli lucernam addidisse, videar.

*Nititur II l. 5. §. 2. ff. de rescind. vend. ubi dicitur, mortuò homine venditò, perinde habendum esse venditionem, ac si traditus esset, utpote, cum venditor liberetur, & emptori homo pereat.*

*Rationes* porrò pro hac sententia à variis variæ allegantur, mihi illa placet, quæ in ipso textu continetur, putata, quia scilicet omne commodum rei venditæ ante traditionem spectat ad emptorem; ergo etiam incommodum ad eum spectabit, cum secundum naturam sit, ut eum sequantur incommoda, l. 10. ff. de R. J.

Argumenta contraria nullo labore diluuntur.

Primum quidem quod attinet, ad-20 miniculò distinctionis resolvitur: quælibet res perit suo domino, nisi dominus sit

fit debitor certæ speciei, *con. maj.* si dominus sit debitor certæ speciei, *neg. maj.* & sic *distinctâ min. neg. conseq.* Venditor hic non consideratur ut dominus, sed ut debitor certæ speciei. Juris autem est, quod debitor certæ speciei casum fortuitum non præstet, *l. 23. ff. de R. J.* Accedit, quod emptor suæ debeat imputare negligentiae, quod rem, quam statim post solutionem pretii auferre poterat, penes venditorem reliquerit.

Ad II. R. quod commodum rei oppigneratæ non spectet ad creditorem, sed ad debitorem: non mirum ergo quod periculum ad debitorem, non verò ad creditorem spectet.

Ad III R. *con. ant. neg. conseq.* ratio differentiae est, quia emptor non est debitor certæ speciei, sed generis: genus autem perire non potest, *l. 11. Cod. si cert. pet.* Sanè, si rem emisset pro his taleris, in cista existentibus, cum hoc in casu emptor debitor esset certæ speciei, non video, cur, damnum ad venditorem pertinere, dici non posset, utpote, qui etiam sentiet commodum incrementis valoris pecuniarum. *Chingensp. Inst. h. t. quest. 9. ob. 2.*

IV. Exinde convellitur, quod in casu *d. l. 33.* fundus ob delictum, à venditore commissum, publicatus fuerit, adeoque venditor in culpa fuit, quod fundus perierit; non mirum ergo, quod pretium restituere teneatur, quia paulò post audiemus, nostram sententiam limitari in casu, quo casum fortuitum præcessit culpa venditoris.

V. Eadem ferè *Responsione* prosternitur, siquidem lecti non casu fortuito, sed culpâ venditoris, lectos in via publica temere reponentis, periire.

VI. Et ultimum ideò nec hili, nec pili est, quia loquitur de *casu*, quo non certa *species*, sed *genus* venditum est. Quando autem genus venditur, periculum ante traditionem non ad emptorem, sed venditorem spectat, prout statim latius explanabimus. *Harp. n. 21.*

Ex hætenus fusè *deductis* patet, periculum rei venditæ ante traditionem pertinere ad venditorem. Hæc tamen *doctrina*

*Limitatur I.* si res dolo, vel culpâ<sup>21</sup> venditoris perierit, *text. hic. & l. 35. §. 4. ff. de contrab. emp. junctam l. 5. §. 2. ff. commodati.* ratio, quia dolus, & culpa ei nocere debet, qui dolum, aut culpam amisit, *l. 9. quæ in fraud. cred.* Sed qualem culpam præstabit venditor? R. levem, ex ratione, quia emptio-venditio utriusque contrahentis utilitatem respicit, ergo præstanda est levis culpa, *arg. l. 2. §. ff. commodati. Carpzov. loc. cit. n. 6. Manz. n. 15.*

*Limitatur II.* si res *alternative* fuerit<sup>22</sup> vendita (v. g. Stichus aut Pamphilus) & unus eorum mortuus sit ante traditionem, tunc venditori perit, & adhuc debetur, *l. 34. §. pen. ff. de contrab. emp.* Si vero alter quoque superstes postea moriatur, emptori perit, quia jam determinatè, & in specie debeatur emptori, *Pirhing. ad Decretal. de empt. vend. n. 51.*

*Limitatur III.* si in *genere*, vel res<sup>23</sup> aliqua *fungibilis* (quæ scilicet *pondere*, *numero*, *Mensurâ* constat) vendita sit, hoc enim casu periculum venditoris est, *l. 14. ff. de peric. & commod. rei vend.* ratio, quia genus perire non potest. *Carpz. part. 2. const. 26. def. 23.* Nisi res fungibiles per averfionem venditæ sint, hoc est, *überhaupt*, per *Pausch*, v. g. *certum*, & *integrum dolium vini*, hoc enim casu periculum ad emptorem spectat,

spectat, quia censetur certa species vendita. l. 25. §. 5. ff. de contrah. empt. Clariss. D. D. Franz. n. 80. hic. Schneid n. 3.

## AD VERS. QUOD SI FUGERIT.

Quæritur hic, quid Juris, si fugerit servus, qui venditus est; aut subrepta res sit, quæ venit, ita, ut neque dolus, neque culpa venditoris intercesserit? R. Interesse, an venditor custodiam suscepit, nec ne? Illo casu periculum sustinet, quia contractus ex conventionem legem accepit. Hoc casu non etiam, quia culpam levissimam, & casum fortuitum non præstat; supponitur autem, culpam levem non intervenisse. Manz. n. 19.

## AD VERS. UTIQUE.

Quando res vendita ante traditionem ad alium devenit, tunc certum est, quod ab ipso venditore possit revocari, & repeti, idque vel per rei vindicationem, vel actionem Furti. Quod si verò ipse has Actiones intentare non velit debet eas emptori cedere, text. hic.

## §. EMPATIO. 4.

24 Jam supra dictum est, emptionem venditionem purè, & sub conditione celebrari posse. Hic queritur an talis conditio valeat: si equus iste infra octo dies tibi placuerit? si tibi venditus 10 fl. Ratio dubitandi est, quia talis venditio non valet: vendo tibi, quanti volēs, l. 35. §. 1. ff. de contrah. empt. ergò neque ista: vendo tibi, si intra certum tempus tibi placuerit.

Verum, hoc non obstante, hic deditur, valere, quia pure, & sub conditione emptio venditio fieri potest.

Ad Rationem dubitandi R. con. ant. neg. conseq. illa enim emptio venditio: quanti volēs, longè diversa est à nostra.

Kees ad Instituta

Ibi enim de nullo certo pretio convenitur, ut emptio contracta videri non possit quia tota substantia obligationis confertur in alterius voluntatem. In casu autem §. nostri non substantia contractus, sed accidens duntaxat (puta, conditio) confertur in arbitrium alterius, postquam de certa merce, & pretio certò convenit. Manz. hic. aliter Harp. n. 2. & 3.

## §. LOCA, FINALIS.

Quæritur hic, quænam Res emi, vendique possint? Imperator hanc questionem non decidit, sed obiter statuit; loca sacra, vel religiosa, item publica emi, vendique non posse; ratio est, quia sunt exempta commercio, l. 4. ff. de contrah. empt. Quod si tamen emptor ignorans emerit, & à venditore deceptus sit, contractus quidem est nullus; dabitur tamen emptori ex eo actio, non quidem ad implementum contractus, sed ad id, quod suum interest, se deceptum non esse, l. 4. l. 62. ff. de contr. empt. Schemb. Inst. hic.

Effectus emptionis-venditionis est, 25 quod venditor obligetur, ad tradendam rem venditam, liberam, vacuam ab alterius possessione, non vitiosam cum omnibus fructibus & accessionibus, nec non ad damna, dolo vel culpâ suâ illata, resarcienda. Solide Clariss. D. D. Franz. Inst. h. t. n. 88.

Dixi I. ad tradendam rem venditam, supra enim in explicatione definitionis audivimus, quod tradere non dare venditor teneatur, l. 25. §. fin. ff. de contrah. empt. unde etiam res aliena vendi potest. l. 28. ff. d. t. ita tamen, ut Venditor, evictionis nomine, emptori obligetur, l. 11. §. 3. ff. de act. empt. Quæ evictio de Jure communi à venditore præstanda est; etiam si nihil expressè de illa

S s s

illa

illa conventum sit, l. 60 ff. de evict. Harp. n. 30. prin. Inst. b. t. Wesenb. in parat. de act. empt. n. 2. Menach. vol. 1. conf. 48. n. 13. Quod de Jure Austriaco (diximus) non procedere; quid autem sit evictio, vide tot. tit. ff. de evict.

26 *Quæres III.* An venditor rem venditam præcisè teneatur tradere; an vero præstando interesse, liberetur?

Sunt nonnulli, qui posterius sustineant, quos inter eminent Donell. ad l. 4. Cod. de act. empt. Sochn. in l. certi ff. si cert. pet. Fach. l. 2. cont. 30. Covar. var. resol. vol. 2. cap. 10. num. 1. Mynsing. cent. 1. obs. 53. Hunn. Var. resol. quæst. 7. pag. 119.

Moventur præcipuè per l. 1. ff. de act. empt. & l. 11. §. 9. ff. eod. Quibus locis perspicuè traditur Venditorem ad tradendum præcisè compelli non posse, sed, præstando interesse, liberari.

Verùm, hoc non obstante, tenendum est, venditorem præcisè obligari ad tradendum Ita Zoës ff. de act. empt. vend. n. 13. Carpzov. part. 2. conf. 1. definit. 15. ubi ait: hanc sententiam præxi ubique locorum receptam esse, prout similiter, ab Excelso Austria Regi, mine judicatum esse, testatur Sustinger in Manu Script. lit. R.

Ratio, quia aliud pro alio invito creditori non solvitur, l. 2. §. 1. ff. de R. C. & alteri per alterum non debet inferri iniqua conditio, l. 74. ff. de R. J. præterea hoc ipsum satis evincit text. in l. exemptio 13. §. 2. ff. de act. empt. ubi Ulpianus v. venditorem oportere ipsam rem præstare. Harp. princip. Inst. n. 33. b. t. ubi 16. argumentis hanc Sententiam instruit.

Ad textus oppositos facilis est solutio cum intelligendi sint de casu, quo aut emptor sponte propriam præstationem interesse recipit; aut, quo traditio rei

venditæ est impossibilis, fortè, quia non amplius est acquisibilis. Vide, quæ scripsimus ad §. fin. de V. O.

Dixi II. liberam, hoc est, immunem à servitutibus, insuetis pensionibus, nexu pignoris, annuis redditibus, & similibus oneribus. Clariss. D. D. Franz. loc. cit. 89.

Dixi III. non vitiosam; nam, si res vendita vitio affecta sit, tunc emptori succurritur ex Edicto ædilitio; per quod duæ actiones proditæ sunt, puta, redhibitoria, & actio quanti minoris. Priori ad hoc agitur, ut venditio in totum rescindatur, venditor rem vitiosam recipiat, pretium emptori restituat, atque omnia in priorem litatum reducantur, l. 23. ff. de adib. l. 1. Cod. de adilit. act. Perez. ibid. Posteriori ad hoc agitur, ut tantum pretii restituatur, quanti minoris emisset, si emptor vitium per speculum habuisset, l. 61. ff. d. t. Schanib. Inst. b. t. pag. 659.

Dixi IV cum omnibus fructibus, & accessionibus, constat enim ex prædictis, quod post emptionem venditionem perfectam omne commodum, & incommodum ad emptorem spectet. text. in prin. Inst. b. t.

Vidimus, ad quid venditor obligetur. 27 Emptor tenetur I. ad solvendum, hoc est, ad dandum pretium, & transferendum ejus pretii dominium, l. 11. §. 2. ff. de act. empt. ita ut, solvendo numeros alienos non liberetur, & conveniri possit ex vendito, ut vel numeros alios solvat, vel, si consumpti sint, eorum nomine, venditori indemnitatem promittat, l. 7. Cod. d. t. II. Emptor teneturolvere usuras, si moram, non solvendò pretiò, commiserit, l. 13. §. 20. ff. eod.

Dices: Venditor tantum tenetur tradere rem venditam, & non dare prout superius



superius diximus; ergo etiam emptor non tenetur dare pretium, sed tantum tradere; ne alias emptor, & venditor ad imparia obligentur: *R. Con. ant. neg. conseq.* In assignanda ratione disparitatis vehementer se torquent *Doctores.*

*Harprecht. princ. Inst. h. t. n. 73* hanc assignat, quia emptor est debitor generis, venditor verò certæ speciei, cujus præstatio videtur esse difficilior, & gravius onerare venditorem, quam præstatio generis, seu quantitatis; itaque venditor relevatur in eo, ut tradere, non dare teneatur. Deinde nisi emptor, pretium dare, necessum haberet, nullus ejus foret usus, cum rerum fungibilium usus consistat in abusu, §. 2. *Inst. de usufr.* rei autem, in specie debita, usus est; licet non sit accipientis propria, potest enim locari, commodari, &c.

Aliter ex *Wejembecio* resolvit hanc difficultatem *Schambogen. Inst. h. t. p. 658.* aitque, regulariter quidem verum esse, quod debitor rem dare debeat, & alias non liberetur; ista tamen regula patiatur exceptionem in contractu emptionis venditionis, tum, ne propter incertitudinem, & difficultatem probationis dominiorum impediatur hic contractus, usibus quotidianis maximè necessariis, tum, quia per evictionis præstationem, ad quam venditor tenetur, jam indemnus servatur emptor, perinde, ac si dominum nactus esset.

*Dicta de Emptione Venditione* satis sunt; non quod plura dici nequeant, sed, quod extenderent terminos instituti nostri, in eo potissimum consistentes, ne rudis adhuc, & infirmus animus studiosi, multitudine, ac varietate rerum oneratus, desertor studiorum efficiatur.

28 Illud tamen memoriâ dignum existavi, quod Monopolia (vulgò *Für-Kauffe*) utpote civilium morborum

causæ, manifestò manifestiores, non tantum de Jure Justiniano, l. *un. Cod. de Monopol.* Verum etiam per multas Imperii constitutiones severissimè prohibeantur, *Recess. Imper. de Anno 1584. sub tit. die Monopolia, und schädliche Für-Kauffe be'angend.*

Pulchrè de Monopoliis scribit *Becher in seinem Commerciens-Tractat. part. 2. cap. 2.* his verbis: *Das Monopolium bestehet, &c. i. e. Monopolium in hoc consistit: cum nempe membrum civitatis solum ad se nutriendum id retinet, quo alias multi alii è civitate præter illum, vitam tolerare possent. Cum enim finis societatis civilis multitudinem civium requirat, utque hi omnes victum habere queant; monopolium contra uni vel paucis tribuat, quo multi honesti viverent: hinc fit ut quibus victus eo pacto subducitur, vel pereundum, vel patria carendum sit, sicque civitas tenuitate ac solitudine debilitetur; quod iterum fini Societatis civilis est adversum, quippe ea hominibus benè multis constare debet. Nam etsi qui monopolium exercet, eo ditior fiat, quo aliorum victum ad se trahit: tamen magis civitatis communiter interest, ut in eâ multi cives rem mediocriter amplam ac generi honesto sufficientem possideant; quam si tennes in ea sint multi, paucissimi que divites. Cum enim premittitur egestate civitas, ruunt cum ea universa ipsi divites. Ex quibus suâ sponte fluit, reipublicæ regulariter Monopolia esse perniciosissima, quod ipsum sat ponderasse videtur hæc nostra Austria, dum per varia generalia eorum usum severissimè prohibuit, de quibus vide *Cod. Aust. lit. F. v. Für-Kauff. & Funsterwald. l. 2. Obs. 83.* ubi 17. casus recenset, quibus Monopolium dicitur committi. Cæterum, quin princeps, exigente id causâ publicæ utilitatis, aut ipse Monopolia exercere, vel horum liberum exercitium*

aliis indulgere possit, extra dubitationem est; prout id ipsum testatur *Arist.* 1. *polit.* 7. *Bes. de arar. pub.* c. 3. n. 6. enim verò salus reipublicæ suprema lex

esse: & utilitas publica commodo privato nunquam non præferri debet, 1. *un. §. 14. Cod. de Cad. tollend.*

## T I T U L U S XXV.

## DE LOCATIONE ET CONDUCTIONE.

## S U M M A R I A.

- 1 Locare, & conducere quis dicatur?
- 2 Quid sit locatio conductio?
- 3 Explicatur definitio.
- 4 Quomodo differat à contractu innominato?
- 5 Locatio conductio censetur renovata, si conductor, locatore sciente, finitò conductionis tempore, manet in re conducta.
- 6 Reconductio quomodo de Jure Austriaco procedat.
- 7 &
- 8 Actio conducti cui detur? & ad quid?
- 9 An merces in arbitrium tertii rectè conferatur?
- 10 Merces debet consistere in pecuniâ numerata.
- 11 An possit in re fungibili constitui?
- 12 Quid sit emphyteusis?
- 13 Dominus directus quis dicatur?
- 14 Quis emphyteuta?
- 15 Explicatur definitio emphyteuseos.
- 16 Scriptura an ad emphyteusin requiratur?
- 17 Emphyteusis quomodo differat ab aliis contractibus?
- 18 Canon propter Sterilitatem an remittatur, aut diminuat?
- 19 Emphyteusis alia est ecclesiastica, alia civilis.
- 20 Alia perpetua, alia temporalis.
- 21 Quomodo finiat? Emphyteusis?
- 22 An ex taciturnitate censetur renovata?

- 23 An res interitu pereat?
- 24 Emphyteusis, ob non solum canonem amittitur.
- 25 Mora purgatio quando locum habeat?
- 26 Alienatio, irrequisitò dominò, facta, facit perire Emphyteusin.
- 27 Deterioratio quando faciat eam amitti?
- 28 Si conveni. m. cum Auri fabro, ut ex suo auro m. hi conficiat anulum, & ego ei velim dare decem, qualis sit contractus?
- 29 Qualis sit contractus, si tecum conveniam, ut in fundo meo domum mihi edifices, & omnem materiam suppedies?
- 30 Ad quid obligetur conductor?
- 31 Qualem culpam præstat?
- 32 Casum Fortuitum non præstat.
- 33 Limitatur in tribus casibus.
- 34 Merces quando solvenda?
- 35 Locator ad quid obligetur?
- 36 Si domus incendio consumpta sit, quis probare debeat, culpâ vel sine culpâ perisse?
- 37 Locatio conductio transit ad hæredes?

**S**ecunda species contractuum, consensu initorum, est locatio conductio, circa quam, antequam ad explicationem principii hujus Tit. accedamus, videndum est, quid sit Locatio conductio? Item, quis locare: quis conducere dicatur?

1 Locare autem dicitur, qui alicui usum rei concedit, constitutâ certâ mercede: Conducere verò dicitur, qui accipit usum rei pro certa mercede. Unde advertis, quis locator, quis conductor nominetur. Locator is dicitur, qui mercedem accipit, conductor qui eam præstat. *Schneid. n. 3.*

2 Definitur locatio conductio, quòd sit contractus Juris gentium, nominatus, bonæ fidei, solò consensu initus, quo vel personarum operâ, vel rei usus pro certa aliqua mercede, in pecunia numerata consistente, præstatur.

3 Dixi I. Juris gentium: Ita enim habet l. 5. ff. de J. & J. ibi: ex hoc jure gentium emptiones venditiones, locationes conductiones, &c. & l. 1. ff. locat. cond. ibi: Locatio, & conductio cum naturalis sit, & omnium gentium, &c.

Dixi II. Nominatus, bonæ fidei, &c. arg. §. 28. Inst. de act.

Dixi III Solo consensu, quia hic contractus perfectus esse censetur, statim atque partes contrahentes de re ipsa, sub certa mercede locanda, conveniunt; neque ulla litterarum, vel verborum sollemnitas, vel actualis rei traditio, aut pecuniæ numeratio requiritur. *Manz. n. 9.*

Dixi IV. Vel personarum opera, vel rei usus, solemus enim non tantum pro certa mercede locare res nostras (v. g. equos, agros, domus, &c.) verum etiam operas hominum, puta, mercenarii, nuntii, opifices &c. *Harp. n. 3.*

Dixi V. Usus, ut distinguatur locatio conductio ab emptione venditione, in qua dominium transfertur, vel saltem usucapiendi conditio.

Dixi VI. Pro certa mercede, quia si usus rei non concedatur pro certa mercede, sed gratis, tunc non locatio, sed commodatum erit, vel precarium. *Harp. n. 10. hic Zoëf. ff. de precar. n. 3.*

4 Dixi VII. in pecunia numerata, ratio

est, quia, si aliam rem, quàm pecuniam numeratam, locò mercedis promiseris, vel si convenerit, ut una res detur usui pro alia, non est locatio, sed contractus innominatus, facio, ut facias, v. g. si equos meos tibi hodie concederem, ut cras tuos haberem. *Myns. n. 5.* Vel, si concederem alteri meos agros, & convenirem cum ipso, ut mihi dimidiam, vel tertiam partem fructuum solveret, esset contractus Societatis, vel si habitationem concederem, ut mihi vinum, vel frumentum præstaret, esset contractus innominatus, facio ut des, *Manz. n. 16.*

#### AD PRINCIPIMUM.

Dicitur in hoc principio, quòd locatio conductio magnam similitudinem habeat cum emptione, & venditione, iisdemque Juris regulis consistat.

Prima autem similitudo est, quòd, quemadmodum emptio & venditio censetur esse perfecta statim atque de mercede & pretio inter venditorem & emptorem conventum est, sic locatio & conductio statim habetur pro perfecta, quando locator, & conductor de mercede convenerunt, ratio est, quia uterque contractus solò consensu perficitur, idque vel expressò vel tacitò: expressò, si verbis expressis, & vivâ voce rei usus pro certa annua pensione locatur, & conducitur. Tacitò, qui exinde colligitur si conductor, finitò conductionis tempore, maneat in re conducta, locatore id sciente, & patiente; hoc enim casu locatio conductio censetur renovata, l. 13. §. ult. l. 14. ff. locat. cond. l. 16. Cod. eod. Clariss. D. D. Franz. Inst. b. t. n. 25. Concord. Walter de consuet. Aust. lib. 2. tit. 5. ibi: Wann der Bestand-Herr seinen Bestand zu ordentlich und bedingter Zeit nicht auffkündet, so wird der Bestand wider tacitò confirmiret.

Sed aiunt, quoque censetur renovata locatio conductio? R. Si prædium conductum sit rusticum, locationem conductionem censeretur renovatam usque ad anni spatium, *d. l. 13. §. ult. Brunnem. ibid. n. 16.* Si verò prædium conductum fuerit urbanum, ad tantum tempus renovatam censeretur, quantum conductor post conductionem primam finitam habitarit, & dominò patiente, manserit; non verò in primum tempus locationis. *Brunnem. in d. l. 16. Cod. b. t. Mantic. de tacit. § amb. conv. l. 5. tit. 15. Menoch. l. 3. præsumpt. 80. n. 6.* ratio differentiae est, quia utilitas prædii rustici consistit in perceptione fructuum, qui solent semel tantum, & ad finem anni percipi. Econtra utilitas prædii urbani consistit in habitatione, quæ singulis momentis percipitur, *Franz. loc. cit.*

Cæterum; quandoque fit Reconductio, antequam tempus locationis finitum est, puta, si inter partes convenerit; aut consuetudo loci exigat, veluti in hac nostra Austria, ut resignatio fiat ante elapsum tempus locationis, interjecto nimirum semestri vel trimestri tempore. Quo casu locatio ad medium annum tacite renovata censetur. *Brunnem in cit. l. 16. n. 3.* Quæ ipsa tacita Reconductio locum etiam sortitur in operis locatis, v. g. si quis advocatum conduxerit ad annum, & expresse conventum sit: ut alter alteri utrinque resignationem facere debeat semestri tempore præeuntem. Si nulla resignatio facta fuerit, reconducta videtur opera Advocati. *Mev. part. 3. Decis. 61.* Pariter, si quis alteri certam summam pecuniæ, à 6. pro cento, mutuan; dederit ad unius anni spatium, hoc pactò adjectò: ut sortis solutio trimestri termino præannuncietur. Si resignatio tempore, conventò facta non fuerit in-

vito creditori ante lapsum anni sortem solvere non potest, eoque, in alium annum tacite reconduxisse, videatur: *Vide Menoch. lib. 3. præsumpt. 85. Manz. lib. 5. tit. 15. num. 43.*

II. Similitudo est, quod, quemadmodum, constitutò pretiò, emptori actio ex empto: venditori actio ex vendito competit, ita quoque constitutà mercede, locatori actio locati, & conductori actio conducti competat; ratio non est alia, quam quod uterque contractus solò consensu perficiatur. *Manz. n. 7.*

Actio verò locati datur locatori, ejusque hæredi adversus conductorem, ejusque hæredem, *text. hic. § l. 29. Cod. b. t. ad hoc, ut merces, unà cum usuris post moram solvatur, l. 2. ff. in quib. caus. pig. vel hypoth. tacit. contrah.* Item ut omnia damna, quæ conductoris culpa obtigerunt, refundantur, *l. 9. § 3. ff. locati. Harp. n. 43. ubi sub n. 44. asserit, quod si equus conductus crepuerit, præsumatur casu, & sine culpa conductoris periisse, ita, ut locator, asserens, culpa conductoris equum periisse, eam probare debeat; omnis enim, qui dolum, aut culpam allegat, eandem docere, & probare debet, l. 18. §. qui dolo ff. de probat. Gomez. var. resol. tom. 2. cap. 3. 22.*

Actio conducti datur conductori *l. 8. 15. ff. locati* ejusque hæredi, *l. 19. §. 2. ff. eod.* adversus locatorem ad hoc, ut re conductà uti frui liceat, & impensæ utiles, ac necessariae refundantur, *l. 19. §. Si inquilinus. ff. Locati, Schamb. h. c.*

### §. ET QUÆ I.

Tertia Similitudo consistit in hoc, 9 quod, sicuti in emptione, & venditione determinatio pretii potest conferri in arbitrium tertii, ita & in hoc contractu determinatio mercedis in arbitrium tertii



tertiū conferri possit: &, sicuti tunc, cum emptio venditio in arbitrium tertii confertur, in suspenso tamdiu manet obligatio, tanquam conditionalis, donec ille pretium definierit, &, si definire vel noluerit, vel non potuerit, tunc pro nihilo habetur emptio venditio, ita quoque locatio, in arbitrium tertii collata, non pura est, sed conditionalis, &, donec definitio mercedis sit subsequuta, vel in suspenso maneat obligatio, vel definitione non subsequuta, pro nihilo habeatur, utpote conditione non existente, *Manz. n. 4. Ex Dictis* suā sponte fluit, non contrahi locationem non actionem tunc, si quis sartori vestimenta farienda, aut fulloni poluenda, curandave dederit, nullā certā mercede constitutā, promittens, cautum se daturum postea, quantum inter eos convenerit; ratio, quia deficit requisitum substantiale, puta, *certa merces*, erit proinde *contractus innominatus* censendus, ex quo actio *prescriptis verbis* nascitur, l. 22. ff. *prescript. verb. Schamb. Inst. hic.*

## §. PRÆTEREA. 2.

Quarta Similitudo, quæ intercedit inter contractum emptionis, & locationis, est hæc, quod, sicut pretium emptionis venditionis tantum consistit in pecunia numerata, ita merces locationis non possit in alia materia constitui, nisi in pecunia numerata, *text. hic.* Unde, si vicinus vicino usum bovis commodat, ut vicissim sibi postea etiam usum sui bovis commodaret, non erit contractus locationis conductionis, sed innominatus, *do, ut des.* Quare, si bos dolō. vel culpā periit, non *Actio locati* (cum merces non intervenerit) neque *actio commodati* (cum commodatum debeat esse gratuitum) sed *actio prescriptis*

*verbis* dabitur, *Manz. Myns. & Schneid. hic.*

*Objicies I. Si olei 21. Cod. b. t. ubi* fructus annui sub olei certa ponderatione locati esse dicuntur, ergo merces in locatione conductione potest etiam in re fungibili, & non semper debet in pecunia numerata consistere. Ut istum *Text.* in concordiam reducerent, varii varia excogitarunt. Sunt enim, qui statuunt, in contractu locationis conductionis mercedem constitui posse in quacunque alia re fungibili. Ita *Vult. ad. prom. Inst. b. t. n. 17. Harp. §. 4. n. 2. b. t.* Sunt alii, qui *text. d. l. de contractu innominato* intelligant. Verūm, his *refragatur*, quod in *text.* expressè verbum *locare* positum sit, à cuius proprietate non facillè recedendum. Deinde, sunt præterea alii *Text.* puta l. 35. ff. *b. t. §. 1. 8. Cod. eod.* in quibus aperte cautum est, mercedem in fructibus, & annuis quantitibus consistere posse.

Ego in hac rerum altercatione illam probo Sententiam, quæ docet, distinguendum esse, inter locationem rei fructiferæ, & non fructiferæ. Illo casu merces etiam in certa parte fructuum consistere poterit. Hòc casu merces pecuniaria sit, necesse est. Ita re ipsā strenuè propugnant, *Bachov. ad Treutl. vol. I. disp. 29. Thes. 3. lit. G. Brunnem. in d. l. Si olei. 21. à Sommet. Inst. b. t. n. 7. Clariss. D. P. König. ad Decret. b. t. n. 16.*

## §. A D E O. 3.

*Tractatur* in hoc §. materia de *Emphyteusi*, ab utilitate & sui frequentia nulli secunda. *Emphyteusis* vero græcā voce implantationem, seu insitionem significat: nam, & primæva natura, & institutione hujus Contractus fuit, ut non nisi res steriles, & incultæ in *Emphyteusin*

eusi in concederentur eò fine, ut ab Emphyteuta per implantationem, culturam & Seminationem frugiferæ redderentur. P. Engel. ad Decret. de locat. cond. n. 11. Hodie verò, etiam res cultæ, & frugiferæ in emphyteusin conceduntur, declarante id Consuetuaine, optimâ rerum interprete, Clariss. D. D. Franz. hic. n. 7.

<sup>12</sup> Emphyteusis definitur, aut potius quòd sit contractus Jurisgentium, consensu initus, bonæ fidei, quo pradium alteri utendum fruendum conceditur pro certo canone, in recognitionem directi domini annuatim solvendo. Germanicè vocatur: Ein Erb-Zinss Gut. Ein Erb-Leben Ein Hoff-Gut. Ein Gült-Hoff. Ein Bauren-Leben.

In Austria Emphyteusin Walterus de Jure consuet. lib. 4. tit. 1. his verbis describit: Wann ein Prælat, Herr, oder Land-Mann, &c. i. e. Cùm prælatus, Dominus, vel rusticus fundum seu prædium alicui pro canone (zinss) ac præstatione (dienst) annua, nimirum ipsi ejusque hæredibus, (erblich) concedit eo pacto emphyteuta (der Zinss-mann) qui fundum ea lege accipit, in eo habet dominium utile (das nützliche eigenthum.) Et quanquàm ejusmodi concessio prædii, non modo in hæredes (erblich) sed etiam in numerum annorum præfinitum, vel in aliquot tantum personas (leiber) possit conferri: tamen in hac provincia, magis consuetudo viget, ut ea concessio à domino fiat in hæredes (erblich:) qua propter ea prædia dicuntur grund-erb-güter, erbgrund: Uti verò concessio fit in numerum annorum præfinitum, vel in aliquot personas (leiber:) tunc non solet concipi eum clausula, pro eo ejusque hæredibus; sed in modum locationis (bestand-weiß) quem quidem sensum trahunt verba hinlassen vel verlassen, in instrumentis locationis vel dotalitii (Leihgeding) usitata.

Ex istis verbis poteris colligere intelligentiam certorum terminorum & vocabulorum, quæ in Contractu emphyteutico usitata, eique communia, & ad cognitionem hujus materiæ perquam necessaria sunt. Itaque Dominus Directus-<sup>13</sup> qui concedit bona, seu prædia in emphyteusin, nostrâ vernaculâ vocatur der Grund-Herr. Emphyteuta verò, qui-<sup>14</sup> prædia excolenda, & utenda fruenda recipit, nostro idiomate nominatur der Zinss-Mann. Emphyteusis ipsa, seu illa prædia, quæ conceduntur, appellantur ein Erb-Guth. Ein Erb-Grund Annua pensio denique, quæ ab emphyteuta annuatim præstatur, dicitur latinè vestigal, seu canon emphyteuticus. Germanicè jährlicher Zinss; oder Dienst. Cæterum, priusquàm ultra prægrediamur, pro principio teneas, velim, nimirum toties, quoties de materia emphyteutica sermo fit, ante omnia tenorem, & conventionem investituræ inspiciendum esse, qui quandoque tam Juri communi, quàm naturæ emphyteuseos, ob singularem conventionem, quæ dat formam, & legem contractui, derogat, & ante omnia servandus. Wesemb. consil. 331. n. 54. Part. 7. Finsterwald. l. 2. obs. 37. n. 8. § 9. His præmissis, in viam, & explicationem Definitionis redeo.

Dixi I. quòd emphyteusis sit Contractus-<sup>15</sup> quia ex illa ultrò, citròque nascitur obligatio: siquidem dominus directus tenetur, emphyteutæ rem emphyteuticam tradere, & post traditionem pati, ut emphyteuta eâ libere utatur, & fruatur. Emphyteuta econtrâ obligatur, agros colere, atque canonem annuatim præstare. Harp. n. 14.

Dixi II. Juris gentium, puta, quoad originem, quia non solum apud Romanos, verum alias quoque gentes ante Constit-

*Constitutionis Zenonis* usus emphyteuseos receptus fuit. Sic testatur *Aristotel. lib.*

2. *Oeconom.* ubi scribit *Bizanzios*, cum, exhaustis ararid pecuniis indigerent, fundos publicos certa mercede locasse, fertiles ad tempus, steriles in perpetuum, *Clariss. P. Konig. ad decret. loc. cit. n. 32.*

Dixi quoad originem, quoad formam enim *Juris Civilis* est, idque propter *Constitutionem Imperatoris Zenonis*, qui eidem robur suum, & formam certam communicavit, atque peculiare nomen tribuit. *Manz. n. 13. Harp. n. 17. hic.*

Dixi III. *Consensus initus*, ratio, quia emphyteusis ad similitudinem locationis conductionis solo consensu constat, & ad sui perfectionem neque rei traditionem, neque solennitatem verborum requirit; sed sola conventio de concedendo prædio fruendo, & præstanda annua pensione, obligationem, & vim illi tribuit. *Harp. n. 15.*

16 *Quæres I. An scriptura ad substantiam contractus emphyteutici requiratur?* scripturam ad valorem contractus emphyteutici requiri, constanter docet *Schneidm. num. 7. hic Hun. var. resol. lib. 3. tract. 7. Part. 2. quest. 11. Cravetta Consil. 112. num. 8. Sard. Decis. 331. n. 10. lib. 2.*

Movetur l. 1. *Cod. de Jure emphyt.* per illa verba: *Scriptura interveniente, qui ablativus, absolute positus (inquunt) importat conditionem, arg. l. 109. ff. de condit. & demonstr.*

Verum, hoc non obstante, solidior, & veritati conformior semper mihi visa est illorum doctrina, qui docent, vehementer consultum esse ut emphyteusis in scripturam redigatur; non tamen esse de necessitate, ita *Zoës. ff. locat. cond. n. 55. Clariss. D. P. Konig. lo. cit. n. 38. Harp. num. 58.* Consultum verò quòd sit, est ista ratio, quia emphyteusis per *Scripturam* commode probari potest, *Kess ad Instituta.*

& cum emphyteusis quæ doque ad tempus, memoriam hominis excedens, constituitur, & præterea variae conventiones eidem immisceantur, idè ad faciliorem emphyteuseos, & conventionum, eidem adjectarum, probationem per quam multum cooperabitur scriptura. *Surd. Decis. 10. Mascard. de probat. conclus. 603. vol. 3.*

De necessitate verò quòd non sit *Scriptura*, ratio est, quia emphyteusis est ex ordine contractuum consensualium, *text. hic.* quorum nullus ad sui valorem exigere scripturam, l. 4. *ff. de fide instrum.*

Dixi IV. *Quo prædium*: quibus verbis indigitatur, quòd contractus emphyteuticus non, nisi in rebus immobilibus, constituitur; l. 1. *ff. si ager. vect. Harp. n. 88.*

Dixi V. *Utendum-fruendum*, ut appareat, emphyteutam non fieri dominium rei, in emphyteuticam concessæ; sed duntaxat adipisci dominium utile, quale habet usufructuarius. Et in hoc contractus emphyteuticus differt à contractu censuali, qualis tunc dicitur celebrari, si quis alteri concesserit plenum dominium rei immobilis, cum hac conditione, ut ipsi annuam pensionem, vel censum solvat. *Manz. n. 24.*

Differt etiam emphyteusis à contractu emptionis venditionis, & locationis conductionis. Ab illo, quòd in contractu emptionis venditionis transferatur dominium directum & utile; in emphyteusi verò duntaxat utile. Ad hoc, quòd in locatione conductione solummodò usus & quidem temporalis; in emphyteusi verò dominium utile transferatur. Deinde, in locatione pensio solvitur, tanquam justa æstimatio fructuum, vel usus: in emphyteusi verò canon præstatur principaliter in recognitionem domini directi *P. Engel. loc. cit. n. 12.*

T t t

Dixi

Dixi VI. *Pro certo canone, annuatim solvendo*, hæc enim annua pensio præcipue est propria contractus emphyteutici, nam; sine ea transfret in speciem vel donationis, vel ususfructus, vel feudi, *Manz. n. 32.*

18. Dixi VII. *In recognitionem domini directi*, paulò enim ante dictum est, canonem emphyteuticum non solvi, ob fructus perceptos, sicuti merces in locatione conductione, sed in signum superioritatis, & honoris gratiâ. *Wesenb. n. 6.*

Unde sua sponte fluit, quòd licet merces, seu pensio, quam colonus in locatione conductione solvit, propter sterilitatem remittatur, vel saltem diminuat; diversum tamen in emphyteusi obtineat; utpote in qua, ob annorum sterilitatem canon neque remittitur, neque diminuitur: ratio *Disparitatis* est, quia canon non solvitur in compensationem fructuum, sed in recognitionem domini directi, quod in superiori recognoscere debet; sive fluant anni *fertiles* sive *steriles*. Colonus verò mercedem solvit intuitu fructuum, quales si nulli, aut pauci nascantur, æquitati consonum est, ut merces aut remittatur, aut diminuat. *Manz. n. 42. Gail. lib. 2. obs. 23. Clariss. D. P. Konig. n. 43.*

19. *Dividatur I. Emphyteusis in ecclesiasticam, & civilem.* Illa dicitur, cum bona *Ecclesie*: hæc, cum res *profane* (quæ ad *Principem*, ad *Civitatem*, ad *Fiscum*, vel etiam ad *privatum* spectant) in emphyteusin conceduntur, *l. 4. & auth. præterea Cod. de SS. Eccles. l. 1. Cod. de Jure emphyt.* Illud notandum, ad hoc ut emphyteusis dicatur ecclesiastica, & prærogativis suis gaudeat, requiri, ut in rebus ecclesiasticis constituatur. v. g. *fundò*, ad *ecclesiam* pertinente, & non sufficere, ut à *persona ecclesiastica* tan-

tum constituatur. *Clariss. D. P. Konig. loc. cit. n. 29. Harp. n. 119.*

*Dividitur II. In perpetuam, & tempo-20 ralem*, de qua divisione sunt, qui dubitent, *an detur emphyteusis non perpetua?* Verum, ex usu & consuetudine constat, dari emphyteuses, non perpetuas, hoc est ad *duas, tres generationes*, vel ad *30. annos &c.* & idem confirmat *Novell. 120. cap. 5. & 6.* In dubio tamen semper intelligitur, esse perpetua. *Harp. num. 94.* nisi sit emphyteusis ecclesiastica, quæ, nisi expressè hæredum fiat mentio, præsumitur tantum ad vitam accipientis, vel certè non, nisi usque ad tertiam generationem concessa. *Nov. 7. cap. 3. P. Engel. num. 14. vide Zoëf. ff. locat. cond. n. 65.*

Amittitur emphyteusis variis modis. 21

I. *Lapsu temporis*, ad tempus enim concessa eò lapso censetur negata, *l. 1. l. fin. ff. Si ager vectigal. Zoëf. loc. cit. n. 73.*

*Quæres II. an, transactò tempore, em-22 phyteusis ex utriusque partis taciturnitate censetur renovata?*

Ratio dubitandi in eo posita est, quia Emphyteusis est species locationis conductionis, quæ (ut *suprà* latius discussimus) ex tacito partium consensu renovari dicitur. Verum, tenendum est, lapsò tempore, ad quod emphyteusis constituta est, ex taciturnitate partium non censi renovatam, siquidem, in emphyteusi majus versatur præjudicium quam in locatione conductione, utpote, in qua merces correspondet fructibus, ut hujus intuitu consensus in relocationem facile præsumatur. Quod, secus se habet, in emphyteusi, ubi canon plerumque exiguus est, adeoque non præsumendum quòd dominus directus in continuationem utilis domini tam facile consentiat. *Fach. lib. 1. cont. 84. Clariss.*



*Clar. ff. D. P. Konig. ad Decret. de locat. cond. n. 47.*

23 II. Amittitur emphyteusis totali ipsius rei, in emphyteusi concessa, interitu, v. g. si ager casmate vel diluvio pereat: aut à mari occupetur, l. 2. *Cod. de Jure emphyt.* Hoc in casu expirat tota emphyteusis, ita, ut emphyteuta penitus liberetur à præstatione canonis, ratio, quia; cessante causâ, cessat effectus, *cap. 60. de appellat.* & non entis nulæ ampliùs sunt qualitates. *Manz. Inst. h. t. n. 27. Zoef. ff. h. t. n. 74. Brunnem. in d. l. 1. n. 6. Fünsterw. lib. 2. obs. 43. n. 5. Fa. h. lib. 1. cont. 90.* Sanè, si pars tantum rei emphyteutica perierit, emphyteuta nihilominus tenetur præstare integrum canonem, *text. hic. & d. l. 1. Fach. d. loc. cont. 89. Harp. n. 373.* ratio, quia canon solvitur in recognitionem domini directi, quæ recognitio adhuc locum habeat, tametsi pars rei emphyteutica perierit, *Manz. n. 29.* Unde

*Colliges*, licet damnum notabile, aut magna sterilitas annorum contingat, ea tamen propter emphyteutæ canonem neque remittendum, neque diminuendum esse, ita, ut *Carpzov. Jurisp. Forens. part. 2. constit. 38. defin. 19. num. 2.* apertè asserat, etiamsi omnes fructus absumpserit sterilitas, emphyteutam tamen ne quidem à parte pensionis liberari. Huc quadrant vulgares illi rithmi:

*Si perit res tota, non dolet Emphyteuta.*

*Si perit pro parte, nulli se liberat arte.*

Concordat *Jus Aufriac.* teste *Walter lib. 4. tit. 12.* ibi: *Da ein Grund - oder erb. Guth &c. i. e. Cum fundus emphyteuticus bello, incendio, vi aquarum, partem perit vel destruitur; tum non tenetur Dominus directus pensionis quidquam remittere, sed emphyteuta tenetur nihilominus eam præstare. Est autem ipsi ea pensio ni-*

*mis onerosa? potest tunc fundum qualemcunque exigentem Domino directo resignare. Ita etiam; cum colono per gelu vel tempestatem deficiunt fruges; nihilominus tenetur is Domino pensionem solvere.*

Sanè si emphyteuta propter bellum fundum prorsus ingredi non possit; & sic ab omni fructu impediatur, æquitati videtur consonum ut remissio fiat canonis. Ita *Gail. 2. obs. 23. n. 23. Fünsterw. loc. cit. n. 5. Brunnem. in d. l. 1. num. 7. Carpzov. loc. cit. n. 6. Resp. 91. lib. 1. tit. 9.*

III. Extinguitur emphyteusis, dilata<sup>24</sup> Solutione Canonis, etenim, si emphyteuta in emphyteusi ecclesiastica per biennium, in sæculari per triennium continuum in solutione canonis cessaverit, toto Jure, quod in re emphyteutica obtinet, cadit, *cap. fin. h. t. & l. 2. Cod. de Jure emphyt. Brunnem. ibid. num. 2.* etiamsi nunquam fuerit interpellatus, *d. l. 2.* tempus enim interpellat pro homine. *Clariss. D. P. Konig. l. cit. num. 50. Glettle part. 2. select. quest. 24. num. 1.*

*Limitatur*, si emphyteuta celeri solu<sup>25</sup> tione moram purgaverit. Ubi tamen emphyteusis ecclesiastica secernenda à civili. In illa procedit, quod diximus, hoc est, si lapsò biennio canonem emphyteuta celeriter obtulerit, expelli non potest fundò emphyteutico, *d. cap. ult. h. t.* In hac diversum obtinet, neque mora purgatur, licet post triennium emphyteuta pensionem, seu canonem promptè obtulerit, *d. l. 2. Cod. de Jure emphyt.* ibi: *Sed, omnimodè eo, si dominus voluerit, repellendo:* quæ verba arguere videntur, ita absolutè repelli posse, ut nec moram purgare possit emphyteuta. Deinde *d. l. 2.* executionem calucitatis committit voluntati Domini directi, ex cujus arbitrio, & voluntate

non penderet executio caducitatis, si emphyteuta caducitatem celeri satisfactio-  
ne declinare posset. Ita more suo soli-  
dissime Glettle loc. cit. num. 2. & Cla-  
riff. D. D. Franz. Inst. b. t. Part. 2. n.  
16. Jason. in d. l. 2. n. 73. Covar. var.  
resol. lib. 3. cap. 17. n. 4. Fach. l. 1. cont.  
89. Berlich. Part. 2. Concl. 46. n. 47.  
Quod autem aliud definitum sit in em-  
phyteusi ecclesiastica, rationem diffe-  
rentiæ ponit, Zoëf. ff. b. t. n. 85. quod  
Ecclesia, ut durius agit, inducendo jus  
commis- si per cessationem biennii, ita  
vicissim mitius, admittendo purgationem  
moræ. Vide etiam Fünsterwald. lib. 2.  
obs. 42. n. 6. § 7. & Carpz. p. 2. const.  
38. def. 11.

Illud tamen singulariter notandum ;  
tamen si emphyteuta canonem per trien-  
nium non solverit ; Domino tamen di-  
rectionem licere, propria auctoritate  
emphyteutam ex fundo emphyteutico  
expellere, sed opus esse Judicis pro-  
nuntiatione, & sententiâ. Fünsterw.  
lib. 2. obs. 41. n. 3. Mynsing. obj. 77.  
cent. 6.

Concord. Jus Austr. teste Sutting. in  
Manuscript. lit. G. v. Grund-Recht. ibi :  
Wan ein &c. i. e. Cum emphyteuta pen-  
sionem annuam non solvit ; non idcirco  
potest Dominus, citra juris formam &  
sententiam in fundum ire. Item testatur  
Walter. lib. 4. tit. 6.

- 26 IV. Amittitur emphyteusis, si em-  
phyteuta rem emphyteuticam, irrequi-  
sitò Domino, alienaverit, l. fin. Cod.  
de Jure emphyt. licet enim emphyteuta  
Jus suum alienare & vendere possit ;  
prius tamen id debet Domino directo  
denunciare, & hujus consensum requi-  
rere, d. l. ult.

Concord. Jus Austr. teste Walterd.,  
lib. 4. tit. 16. Einem jeden solden oder  
Zinsz. Mann &c. i. e. cuilibet Emphyteuta

licet fundum emphyteuticum aliosve citra  
Domini contradictionem vel intercessionem  
vendere : ita tamen ut venditio Domino,  
hujusve curatori vel judici ( pleg oder  
richter ) prius denuncianda sit.

Quod adeò verum est, ut Domino  
directo liberum sit, rem, ita commis-  
sam revocare, etiam nullò pretiò, emp-  
tori restitutò. Doctores in l. 3. Cod. de  
Jure Emphyt. Carpz. part. 2. const. 38. def.  
13. num. 1.

Cæterum, si emphyteuta alienatio-  
nem denunciaverit ; & dominus per  
duos menses consensum suum non de-  
claraverit, poterit is, citra periculum  
commissionis, emphyteusin pro libitu,  
cui velit, vendere, d. l. fin. Zoëf. loc.  
cit. n. 100. Fünsterwald. l. 2. Obser. 47.  
Interim tamen Dominus non tenetur  
quemcunque, ab emphyteuta præsen-  
tatum, acceptare, & emphyteuta ven-  
ditionem tamdiu obligatur suspendere,  
donec emptorem invenerit, quem Do-  
minus rationabiliter repellere nequeat,  
Walter loc. cit. tit. 16. Desgleichen &c.  
i. e. Similiter, cum Dominus rationales  
habet causas ; cur emptorem in locum Em-  
phyteuta admittere nolit ; tunc potest ven-  
ditionem tamdiu suspensam tenere, donec  
idoneus emptor vel emphyteuta ( stift-  
mann ) sibi præsentetur. Fünsterw. loc. cit.  
n. 7. ubi adhuc latius hac de materia  
ser bit, & adhuc illud memoriâ dignum  
exultimavit, quod, licet prædium em-  
phyteuticum meliorationibus auctius,  
& pinguius reddatur ; canon tamen,  
litteris emphyteuticis comprehensus à  
domino augeri non possit, & meliora-  
menta in commodum emphyteutæ ce-  
dant Borcholt. de Feud. cap. 3. n. 13. Carp.  
2. Const. 38. d. f. 22. n. 4. Fünsterwald.  
lib. 2. obs. 89. ibi : Ob ein Grund Herr  
seine Untertbanen mit dem Grund-Dienst  
steig. rn muge ?

Concord.

Concord. *Walter lib. 4. tit. 4. Wann der Unterthan &c. i. e. Cum emphyteuta sub emphyteuticâ præstatione certâ fundum tenet; fundus autem ita possessus melioratione auctior sit; non ideo debet Dominus ullam novam præstationem imponere, nec canonem olim constitutum in majorem mutare; verum debet impositâ iam olim præstatione contentus esse.*

27 V. Finitur emphyteusis culposa, & insigni rei deterioratione, utpote, ob quam Emphyteuta omni suo Jure cadit, *Nov. 120. cap. 8. & aurb. Qui rem Cod. de SS. Eccles. ut si arbores, fructiferas etiam, quas ipse posuit, incideret, sylvas extirparet, vineas devaltaret, vel agros substitueret. &c. Guil. 2. obs. 67. n. 7. Clariss. D. P. Konig. loc. cit. n. 52.* Ratio est, quia legi contractus non satisficit, quæ est, ut nomen ipsum sonat, rem meliorare. *Zoes. ff. locati conducti. Mynjng. cent. 6. obj. 86. Carpz. part. 2. const. 38. def. 23.* Requiritur tamen, ut ista deterioratio dolo, latâ, vel saltem levi culpâ facta fuerit. *Menoch. de arbit. Jud. cent. 1. lib. 2. cas. 78.* Siquidem, ob culpam levissimam, in Rei emphyteuticæ deterioratione commissam privationis pœnam emphyteuta subire non debet, *Carpzov. loc. cit. n. 5.*

Sed quid? si pars duntaxat fundi deteriorata fuerit, an tota emphyteusi privandus erit? Sunt qui docent, non, nisi pro parte, privandum esse, ex ratione, quod pœna commensuranda sit delicto, *arg. l. Sancimus Cod. de pen. Clariss. D. P. Konig. loc. cit. n. 51. Zoes. n. 98. Carpzov. loc. cit. num. 9.*

Verum, Consuetudine Austriacâ contrarium receptum est, secundum quam, bona emphyteutica raro dividere, aut nunquam, concessum est, *Walter lib. 4. tit. 14. ibi: Wann ein Dienſt-Mann &c. i. e. Cum ex negligentia vel prava Em-*

*phyteuta æconomia fundus deterior vel inutilis sit, tunc potest Dominus, juxta morem provincie, novam ei Emphyteusi imponere, (die Zustiftung auferlegen.)*

#### §. ITEM QUÆRITUR. 4.

Enumeravimus aliquot similitudines, quæ inter locationem conductionem, & emptionem venditionem intercedunt, jam in hoc §. proponitur facti species, in qua dubitare possis, num emptio venditio, num locatio conductio sit? est autem talis: cum auri fabro conveni, & pactum feci, ut ex suo auro mihi conficiat annulum, & ego velim ei dare 10. *Questionis est, an ex tali negotio consurgat emptio venditio: an verò locatio conductio?*

*Cassius* autumabat, materiæ esse emptionem venditionem, operæ verò locationem conductionem, rationem pro se habeat istam, quia, licet quoad aurum dici posset emptio venditio, quod interveniat pretium: quoad operam tamen emptio venditio dici non potest, cum nemo dicatur vendere, sed locare operam, *l. 22. §. 2. ff. locati.*

Verum, hoc non obstante, *Justiniano* placuit, tantum emptionem venditionem contrahi, ratio redditur à *Pomponio* in *l. 20. ff. de contrah. empt.* ubi ait; non posse ullam locationem esse, ubi materia non datur ab eo, cui res fiat, ergo, cum aurum non fuerit datum auri fabro, non locatio conductio, sed emptio venditio erit, quasi aurifaber suum aurum certò pretiò vendiderit. *Manz. n. 4. hic. & Harp. n. 2.* Qui posterior solide docet, semper distinguendum esse, utrum is, qui sibi aliquid fieri petit, etiam aliquid det, ex quo id fiat; nec ne? Nam, si aliquid dederit? erit emptio venditio, *Arg. d. l. 20.* Unde, si conveniat inter me, & Titium, ut mihi numerum

aliquem tegularum pro certa quantitate pecunie præbeat. Si tegulae ex meo fundo fiant, locatio conductio, si ex fundo Titii, emptio venditio erit.

Sed, qualis erit contractus, si tecum conveniam, ut in fundo meo domum mihi ædifices, & omnem materiam suppedites? Erit locatio conductio arg. l. 22. §. 2. ff. locati, quia aliquid dedi, puta, fundum, & aream, quæ dicitur maxima pars domus, l. 98. §. ult. ff. de Solut. Menoch. de retinend. poss. remed. 4. n. 16. Harp. Inst. hic. n. 4.

### §. CONDUCTOR. §.

30 Quæritur in hoc §. ad quid conductor obligetur? R. Imperator generaliter, quod omnia secundum legem conductionis (hoc est: secundum pacta & conventiona) facere debeat, quia contractus ex conventionem legem accipiunt, l. 23. ff. de R. J. Quod si autem nulla pacta inter locatorem, & conductorem intercesserint, tunc ea præstanda sunt, quæ æquo, bono congrua sunt, iste enim contractus est bonæ fidei, adeoque in ea multa veniunt præstanda, de quibus inter partes conventum non est, modò æquitati conveniat, Manz. num. 2.

31 Quæres, qualem culpam conductor teneatur præstare? Dixeris, levissimam per text. hic. ubi disertè dicitur, à conductore talem custodiam desiderari, qualem diligentissimus Paterfamilias suis rebus adhibet.

Verum, hoc non obstante, communi harmoniâ D. D. obtinet, conductorem non, nisi ad levem culpam præstandam, obligari. Text. satis aperti habent in l. 3. §. 1. ff. Nauta, caupones, &c. l. 9. §. 3. l. 11. §. 3. l. 13. §. 1. ff. & l. 28. Cod. h. t.

Præterea, supra pro regula statuimus quod levis tantum præstetur culpa, si

contractus utilitatem utriusque respiciat; talis autem contractus est locatio conductio, l. 5. §. 3. ff. commodati. ergo Clariss. D. D. Franz. n. 39. b. t. Manz. n. 19. Harp. n. 8. & communiter omnes.

Ad rationem dubitandi R. quod Superlativus ibi positus sit pro positivo, prout omnes ita interpretantur. Vel dic, text. loqui de tali conductore, qui se per expressam conventionem ad exactissimam diligentiam obligavit.

Casum fortuitum conductor non præstat, text. hic. quælibet enim res perit suo domino, l. 9. Cod. de pignor. Act.

Limitatur I. Nisi casum in se expresso pacto tulceperit, tunc enim contractus ex conventionem legem accipit, l. 1. §. 6. ff. deposit.

Limitatur II. Nisi conductor in mora restituendi fuerit. mora enim cuique nocet, l. 47. §. fin. de leg. 1.

Limitatur III. Nisi casum præcefferit culpa conductoris, tunc enim casum præstat, cujus culpa notabiliter præcessit, l. 3. Cod. de peric. tut. Clariss. D. P. Konig. ad decret. b. t. n. 23. ubi non referre, ait, ex culpa propria Conductoris, sive ex culpa famulorum vel domesticorum contigerit casus, l. 11. §. fin. ff. b. t. l. 27. §. 9. ad Leg. Aquil.

Præterea conductor obligatur l. ad sol-34 vendam locatori integram mercedem, l. 25. l. 58. ff. b. t. & quidem post moram cum usuris, 32 §. 2. ff. de Usur. l. 13. Cod. h. t. Concord. Jus Austriac. teste Walter. lib. 2. tit. 5. circa finem: Ibi: Wann der, &c. i. e. Cum conductor mercedem promissam tempore terminoque definito non solvit; tunc tenetur Domino seu locatori usuras à tempore solutionis faciendæ, ipsamque mercedem præstare. Est autem merces illo tempore solvenda, de quo inter partes conventum est, l. 34. ff. de R. J. vel quo tempore consuetudo obtinet, d. l. 34. & l. 8.



*l. 8. Cod. h. t.* Quod si nulla sit consuetudo, nulla intervenerit conventio, solutio mercedis præstanda est in fine anni, vel temporis, a locatione præfixi. *Bald. in l. Divortio ff. solut. Matrim. Walter. loco citato. ibi: Die rechte Zeit &c. i. e. Terminus est is quem contrahentes constituerunt, ubi autem de eo nihil est conventum; tunc conductor mercedem non ineunte sed exeunte non solvere tenetur.*

II. Obligatur Conductor, re conductà ita uti, ut decet bonum patrem familias, *text. hic. & l. 25. §. 3. ff. h. t.* Unde si levi ipsius, vel domesticorum culpà, *Seria, Fenestrae, Fornaces, & similia fracta sint, vel domus combusta, aut res locata deterior facta fuerit, damnum refarcire debet. l. 43. ff. h. t. Clariss. D. P. Konig. loc. cit. n. 23.*

III. Conductor obligatus intra tempus conductionis à contractu non recedere, ita, ut si recesserit nihilominus ad totius temporis pensionem teneatur, *l. 55. §. ult. Locati conducti.* Nisi iusta emigrandi causa subsit, qualis esse censetur. I. Si domus ruinam minetur, *l. 7. §. ult. ff. h. t.* II. Si domus infestetur spectris, *Gomez. var. resol. tom. 2. cap. 9. num. 3. Covar. resolut. lib. 4. cap. 6. Brunnem. in d. l. 27. §. ult.* III. Si bellum, vel si pestis ingrueret. *Gail. lib. 2. obs. 23. n. 7.* His, & id genus aliis casibus conductor obligatur tantum ad pensionem pro rata. *Carpz. part. 2. Const. 37. def. 10. Manz. Inst. hic. n. 8. & seqq.*

35. Locator obligatur I. ad præstandum liberum rei locatæ usum, *l. 15. ff. h. t. l. 24. §. cod.* II. Ad rem locatam, sumptibus reficiendam, *l. 25. §. 2. h. t.* Fortè, quia ostia, scale, fenestrae, fornaces &c. successu temporis, & vetustate deterioratæ sunt. III. Locator obligatur ad refarcendum damnum, conductori illatum ex re vitiosa locata, quod proce-

dit tantum in eo casu, quo scivit, rem esse vitiosam, *l. 19. §. 1. ff. h. t.* ubi dicitur, quod si quis ex ignorantia locaverit *pascuum saltuosum*, in quo nascuntur herbae, male & pestiferae, ex quibus pecora demortua sunt, ad refarciendum damnum non teneatur; mercedem tamen remittere debeat. *Brunnem. in d. l. 19. §. 1. n. 4.*

Dices: in *d. l. 19. §. 1.* statuitur, quod si quis dolia vitiosa, NB. ignarus locaverit, & deinde vinum effluxerit, teneatur in id, quod interest, nec ignorantia ejus sit excusata. R. Text. intelligendum esse de eo, qui artem vasorum profectur, in tali enim error circa artem est improbabilis, *Zoes. ff. h. t. n. 29. Brunnem. in d. l. 19. §. 1.*

IV. Locator obligatur ad restituendas Impensas, à conductore factas, *l. 55. §. 1. & l. 61. ff. h. t.* quod tamen procedit de impensis necessariis, & utilibus, puta, si in equo conducto, ferreæ solex factæ, vel pro curatione ejus aliquid expensum, *Clariss. D. P. Konig. loc. cit. 20.* poterit autem conductor impensas vel de mercede, nondum soluta, deducere, vel rem conductam tam diu retinere, donec impensarum nomine satisfiat *d. l. 61.* Vide, quæ de impensis latius dicta sunt. *Lib. II. Tit. l. num. 51. & seqq.*

Controversia non levis est, cujus sit damnum? locatoris, an conductoris, si domus conductà incendio conflagarit?

Certum est I. Conductorem non teneri, ad damnum aliquod refarciendum, si incendium casu fortuito, & sine ejus culpa exortum sit, v. g. *per fulmen, milites, aut malitiam exterorum hominum*, casum enim fortuitum conductor non præstat.

Certum est II. Si incendium latà, vel levi conductoris culpà excitatum fuerit, conductorem, & damno refarciendo,

ciendo, obligari, levem enim culpam præstare tenetur, prout paulò antè diximus.

- 36 In eo tantum rotatur *difficultatù* cardo, si nescitur, an culpa, an casu incendium coortum sit, ad quem tunc damnum pertineat, & quis probare debeat, culpam, vel casu incendium consurrexisse?

Sunt, qui onus probandi rejiciant in conductorem, ex ratione, quia (inquiunt) locator habet pro se præsumptionem Juris, l. 3. §. 1. ff. de officio Praefecti Vigil. ubi dicitur, quòd incendia plerumque culpam inhabitantium fiant. Jam, qui habet præsumptionem Juris pro se, ille rejicit probandi onus in adversarium, l. ult. ff. quod met. caus. Ita Fachin. l. 1. cont. 87.

Verum contraria sententia, quæ onus probandi locatori injungit, benigniores calculos tulit, teste Gail. lib. 2. obs. 21. P. Engel ad decret. h. t. n. 7. Arupia disp. 24. quest. 10.

Ratio, sola, sed solida est, quia triviale est, quòd auctori incumbat probatio, l. 2. ff. de probat. & l. 4. Cod. de edendo, & culpa vel delictum non præsumatur, sed probari debeat, l. Merito ff. pro socio. Vide etiam Menoch. lib. 2. de Arbit. cas. 390. & l. 6. præsumpt. 61. n. 31. Item Carpzov. de Criminal. quest. 39. n. 28. Bachov. ad Treutl. vol. 1. disp. 18. lit. C. Brunnem. in d. l. 3. §. 1.

- 37 Ad Rationem dubitandi R. quòd, licet in legibus, pro anteriori Sententia allegatis, dicatur, incendia plerumque culpam inhabitantium fieri; non tamen exinde mox inferri posse: esse præsumptionem de tali culpa, quæ ex contractu locationis præstanda venit, cum possit esse culpa levissima, quæ obligationem resarciendi damnum, non inducit. Deinde, licet in l. Si vendita. ff. de peric. & commod. rei vend. dicatur, negligentia

servorum potuisse cooriri incendia: male tamen domino imputatur culpa, siquidem commune est Doctorum dogma, Dominum non aliter teneri ex delicto sui famuli, quàm si delinquat circa officium sibi commissum, arg. l. 1. §. Familia ff. de Publican. Sic, si stabularius in stabulo candelam negligenter custodierit, Dominus de resarciendo damno tenebitur, eò quod culpæ nota sit negligentis hominis operam uti. Quòd si verò stabularius in culina aliquid coxerit, & ibi per incuriam domum incenderit, nullatenus imputandum Domino, cum stabularius extra suum officium deliquerit, Gail. l. cit. n. 6.

#### §. MORTUO. FIN.

Locatio conductio finitur variis modis. I. Mutuò consensu, fin. quib. mod. toll. oblig. & arg. l. 35. ff. de R. J.

Q. An morte Locatoris, vel conductoris solvatur? Dixeri, quòd sic, quia mors omninò solvit Nov. 22. cap. 2.

Verum, contrarium hic deciditur, ita, ut tam conductoris, quàm locatoris hæres locationi conductioni usque ad tempus conventum stare teneatur. Conductoris, quia succedit in omne Jus defuncti, l. 27. ff. de acq. vel amitt. hæred. & contractus semper censentur ita iniiri, ut etiam includantur hæredes l. 12. l. 49. ff. de V. O. Locatoris, quia contra factum defuncti venire non potest, l. 3. Cod. de reb. alien. non alien.

Ad rationem dubitandi R. illam regulam procedere in personalibus, &c. non in realibus aut in contractibus, Manz. hic.

II. Finitur locatio - conductio lapsu temporis præfiniti, quia ad tempus concessa, post hoc elapsum censentur negata, l. 13. §. ult. ff. h. t.

III. Si res locata ante finitam locutionem vendatur : emptor tamen aut quisvis alius successor singularis locationi stare non tenetur nisi eò pacto rem acquisierit, l. 9. C. h. t. l. 12. ff. eod. ratio, quia non representat personam venditoris, *Zoef. ff. h. t. n. 40. Covar. 2. Var. resol. cap. 15. num. 1. Carpz. Part. 2. Const. 37. Defin. 4. num. 3.* Hinc etiam num illud vulgare brocardicon: *Kauff gehet vor Mieth.* Concord *Jus Austriac.* teste *Walter lib. 2. tit. 5. ibi: Wann der Bestand-Herr &c. i. e. Cum locator vendit rem locatam, debet conductor emptori cedere: nam cedere nolentem potest expellere emptor; quia emptio venditio rumpit locationem.* *Sutting. in Manu Script. Lit. K.* ubi refert, ita judicatum esse.

Interim, ne rei locatæ venditio conductori nociva sit, poterit contra locatorem actionem ad interesse intentare, quanti nimirum sua interest, rem locatam ante lapsum temporis venditam esse. l. 2. §. 4. l. 30. §. l. 33. ff. *Locati Finsterwald. l. 2. obs. 18. n. 6. Gomez. Var. resol. tom. 2. cap. 3. n. 9. Zoef. loc. cit. n. 41. Berlich. Part. 2. concl. 45. n. 10. Perez. ad Cod. de Locat. cond. n. 16.*

Concordat *Jus Austriac. Loc. cit. doch siebet dem, &c. i. e. potest tamen conductor mercedem jam antè solutam, pro ratione temporis per quod rem tenuit repetere, nec non id quod interest adversus locatorem persequi ob successionem non prævisam.*

IV. Si locator rem locatam propter supervenientem, & ante non prævisam causam probet, propriis suis usibus domum suam esse necessariam, v. g. si domus, in qua habitavit, incendiò perierit, vel si uxorem duxerit, & familiam habere incipiat, l. 3. Cod. h. t. *Zoef. ff. eod. n. 33. Fingerwald. lib. 2. obs. 17. 33. n. 3.*

V Si domus egeat necessariâ refectione, d. l. 3.

VI. Si conductor re locatâ malè utatur, d. l. 3. *Sichard. ibid. & Menoch. de Arbit. cas. 78.* fortè, quia domum multum deteriorat, trabes incidit, ostia confringit, fenestras destruit, vel etiam in domum conductam meretrices inducat, cum & talis deterioret rem conductam, l. non aliter ff. de usu. & habitat.

VII Si mercedem conventam constitutò tempore, vel, (si certum solutionis tempus non fuit adjectum) intra biennium non solverit, d. l. 3. Cod. h. t.

## TITULUS XXVI.

## DE SOCIETATE.

## SUMMARIA.

- 1 Quid sit Societas?
  - 2 Socius Socii mei non est Socius meus.
  - 3 Quomodo differat Societas à Communionem?
  - 4 Societas alia universalis, alia est particularis.
  - 5 Natura Societatis est ut Lucri, & Damni Communicatio equalis fiat.
- Res ad Instituta.*

6 & 7 Tractantur pacta Societati adjici solita.

8 An valeat hoc pactum, ut quis lucri partem ferat: damno autem non teneatur?

9 Leonina Societas?

10 11 12 13 14 Explicantur modi, quibus Societas solvitur?

15 Quam culpam Socius Socio præsset?

V V V

Tertia

**T**ertia species *Contractuum*, consensu initorum est *Societas*, quæ nostrâ vernaculâ vocatur *eine Geworbs-Gemeinschaft*, & definitur, quodd sit *Contractus Juris gentium, nominatus bonæ fidei, solò Consensu ed animò initus, ut res, operave honeste earumque rerum lucra, & damna inter socios communicentur.*

*Dixi I. (Cetera enim vocabula ex dictis recipiunt sui cognitionem) solò consensu, quia simul, atque de communicandis lucris, & damnis partes consenserunt, societatis contractus perfectus, atque absolutus esse, dicitur; nec opus est Scripturâ, Solemnitate verborum, aut Rei Traditione, L. 2. §. 1. ff. de O. & A. Manz. n. 17. Harp. n. 6.*

**2** *Requiritur autem consensus in tantum, ut Socius mihi esse non possit, quem ego Socium esse nolui. Unde regula nata est: Socius Socii mei Socius meus non est, L. 47. §. 1. ff. de R. J.*

*Dixi II. Ed animò initus, contractus enim Societatis non inducitur, si absque animo, & affectione Societatis contrahendæ, aliquis in communionem incidit, sic v. g. si duobus una, & eadem res legata sit in aliquo testamento, vel, si duobus eadem hæreditas relicta sit. Societas non contrahitur, sed communio; ratio, quia animus deficit, Obliungensperg. Quæst. I. ob. iii. h. t. Harp. n. 8.*

**3** *Dixi III. Ut res, operave; ratio, quia Societas aliter rata non est, nisi ab utraque parte, res, vel opera, vel ab una parte res, ab alia verò opera in Societatem conferatur; ratio rationis, quia substantialia ab actu abesse non possunt, atqui substantialia Societatis sunt Consensus, & communicatio lucri, damni, ergò, Manz. n. 19. ubi infert, si quis neque operam, neque rem in Societatem intulerit, magis esse Dominationem quàm Societatem.*

*Dixi IV. Ut lucra, & damna inter Socios communicentur, principalis enim Societatis finis est, ut omnia lucra, & damna inter Socios, Jure quasi Fraternitatis, communia sint, in hoc differt ab aliis contractibus.*

#### AD PRINCIPIMUM.

*Dividitur Societas in universalem, & particularem. Universalis dicitur, qua inducitur universarum rerum communio, hoc est, qua communicantur omnia bona, quæ Socii habent, non tantum præsentia, sed etiam futura, non tantum acquisita, sed etiam acquirenda, nullâ factâ differentia; sive ex prospera fortunâ, sive ex industria, sive ex contractibus, sive ex ultimis voluntatibus proveniant, L. 3. §. 5. ff. pro Socio, & hoc in tantum.*

*Ampliatur, ut bona, quæ Socii tempore contractus possident, ipso Jure sine apprehensione, aut traditione communicentur, & eorum dominium in socios hinc inde transferatur, L. 1. §. 1. & L. 2. ff. pro Socio. Ratio porro est, quia omnium rerum, quæ in patrimonio cujusque loci sunt, traditio valde foret difficilis, & sine magno incommodo fieri non posset; ideò, utilitatis causâ Jura fingunt traditionem, & apprehensionem intervenisse, d. l. 2. Schamb. Inst. hic.*

*Dixi bona, quæ Socii tempore contractus possident; ea enim, quæ post contractum acquiruntur, ipso Jure non communicantur, l. 74. ff. pro Socio. Harp. n. 16. Manz. n. 4. Brunnem. in l. 1. ff. eod. Rationem differentiarum Zoef. ff. pro Soc. n. 6. reddit istam, quod traditio rerum in universali initio sit difficilis, ut lex eam pro factâ habeat: non etiam sit difficilis eorum, quæ postea acquiruntur.*

Particularis



Particularis Societas vocatur illa, qua res singularis aut res plures quidem, sed nominatim expressæ communicantur, v. g. quando duo pluresve super aliqua certa, & speciali negotiatione (veluti vini, frumenti, olei emendi, vendendive) conveniunt, & hæc Societas ultra rem, in Societatem deductam, & negotiationem ejus non extenditur, limitata enim causa limitatum producit effectum, Manz. n. 9.

## §. E T S I T. I.

5 Natura Societatis potissimum in eo consistit, ut lucri, & damni fiat communicatio æqualiter, pro contributione scilicet quantitatis, ita, ut inæqualis contributio faciat etiam portiones inæquales; quia æquum est, ut is, qui plus contulit, etiam plus percipiat, L. 6. ff. pro Socio. Unde, si Titius contulerit 200. fl. Sejus verò 100. hoc in casu spectant ad Titium duæ partes lucri, & damni, ad Sejum verò una pars lucri & damni, Manz. & Schneid. hic.

Quod si aliter conventum sit inter Socios, quales nimirum debeant esse partes lucri, & damni, conventioni statuitur, eò quod pacta dent legem contractibus, cap. 85. de R. J. in 6. & æquitati nihil magis conventionibus bonæ fidei id custodire, quod inter contrahentes actum est, L. 1. §. 6. depositi. l. 11. §. 1. ff. de act. empt. Funsterwald. lib. 2. obs. 87. num. 2. Carpz. Jurisprud. forens. Part. 2. const. 39. Def. 39. num. 4.

## A D V E R S. N E C E N I M.

6 Quandoquidem dictum est, pacta Societatis esse servanda, ideò nunc in specie hic nonnullis pactis dubitatur, num, Societati adjecta, valeant? & I. Q. an tale pactum inter socios subsistat, ut ad unum duæ partes & lucri, & damni pertineant, ad alium tertia?

Resp. Imperator hic: nunquam fuisse dubium, quin valeat conventio, si duo inter se pacti sunt, ut ad unum quidem duæ partes, & lucri, & damni pertineant; ad alium tertia.

Verùm hac generali, & indistincta Imperatoris constitutione non obstant, Harprechtus & Manzius cum pluribus aliis rectius statuunt, Decisionem Imperatoris non aliter procedere, quàm, si is, qui plus lucri, & damni habet, plus pecuniæ, vel operæ Societati contulerit, L. 29 ff. pro Socio, ibi: Si modo aliquis plus contulit Societati; ratio est, qui alias tale pactum induceret inæqualitatem, quæ naturæ Societatis contraria est, licet proinde noster §. indistincte loquatur, temperamentum tamen recipit ex d. l. 29

## §. D E I L L A. 2.

Quæritur hic, an in Societate talis conventio valeat, ut ad Titium duæ partes lucri, & tertia damni: ad Cajum verò duæ partes damni, tertia lucri pertineat?

Quintus Mutius putabat, id genus conventionum Societati contrariari, ex ratione, quia in Societate æqualitas observanda est, l. 63. ff. pro Socio.

Verùm, Servius Sulpitius negavit, hoc pactum contra naturam Societatis esse, ex ratione, hic subjunctâ: quia sæpè quorundam ita pretiosa est opera in Societate, ut eos, justum sit, conditione meliori in Societatem admitti; hoc est, quia sæpè fieri potest, ut ex Sociis unus duntaxat operâ suâ Societati proficit, ut æquissimum sit, plus illum lucri percipere, quàm alerum otiosum, vel minus industrium. Putabat itaque Sulpitius, posse Societatem esse æqualem, etiam partibus lucri, & damni inæqualibus constitutis, ratione scilicet vel rei, vel operæ quam alter copiosiore in Societatem infert, Manz. n. 4. Harp. n. 12.

V v v 2

A D

## AD VERS. NAM ET ITA.

8 In hoc  $\psi$ . Imperator ulterius confirmat *Sulpitii* Sententiam argumentò ductò à majori ad minùs; atque, ita coiri posse Societatem, ut alter pecuniam conferat, alter non conferat, & tamen lucrum inter eos commune sit; ratio, quia sæpè opera alicujus pro pecunia valet, ergò multò magis valebit Societas: si uterque pecuniam contulerit; & conventio facta fuerit, ut ad alterum duæ partes lucri, & tertia damni, ad alterum duæ partes damni, & tertia lucri pertineat.

Cæterum, si una pars pecuniam conferat; & altera duntaxat operam, finita Societate fors ipsa, seu capitale non venit in communicationem, sed fors revertitur ad dantem, & solum lucrum communicatur, *L. 52. §. 2. ff. pro Socio. Schneid. in 5. Harp. n. 26. Fünsterwal. l. 2. obs. 87. n. 6. Zoef. loc. cit. n. 21.*

## AD VERS. ET ADEO.

In hoc  $\psi$ . Quæritur, utrum valeat Societas, hòc pactò inita, ut quis lucri partem ferat, de damno autem non teneatur?

In hac quæstione tantò inter se diffidiò colliduntur Doctores, ut tot ferè sint *Sententiæ*, quot *Capita*; enimverò,

Sunt, qui tale pactum valere putant, ita tamen, ut tanti sit opera Socii, quanti verisimiliter damnum foret, si pecuniam contulisset. Ita *Wesemb. iust. h. t. n. 3.* rationem assignat istam, quia satis perdit ille, qui operam suam perdit.

Sunt alii, qui tale pactum valere, absolutè negant, ex ratione, quia usurariam pravitatem sapit, eò quòd pecunia non tam communicetur, quàm potius alteri mutua detur sub lucro, quod

forte salvà mera usura est. Ita *Zoef. ff. pro Socio. Gail. 2. obs. 24. n. 5.*

Sunt iterum alii, qui censent, valere tale pactum non quidem Jure Societatis, sed Jure Conventionis, tribuentis legem contractui. Ita *Manz. h. t. n. 19.* ubi ait, licèt respectu ejus qui omne damnum sustinet, tale pactum videatur sapere inæqualitatem, ei tamen, utpote volenti non censerì, injuriam fieri, *arg. cap. Scienti 27. de R. J. in 6.*

Sunt denique qui aliter sentiunt, sicuti *Harp. iust. hic. n. 15. Bach. vol. 1. disp. 27. thes. 9. Lit. B. Brunnem. in l. 29. §. 1. ff. pro Socio.*

Sanè, illa conventio, ut alter Sociorum omne lucrum ferat, alter verò omne damnum, Societati contraria, & invalida est, utpote *Leonina*, *l. 29. §. 2. ff. h. t.* vocatur autem *Leonina*, quia iniquissimam illam sapit *Divisionem*, quam *Leo* cum *Vulpe* fecisse fertur, cum enim *Leo*, & *vulpes* prædam communem occupassent; hanc *Leo* instituit *divisionem*. I. (inquit) pars erit mea ratione Societatis, tecum initæ. II. itidem mea erit, quia majorem tuâ contuli operam. III. verò pars similiter mihi remanebit, quia te sum fortior; & IV. partem qui mihi eripuerit, amicus meus non erit. *Harp. n. 19.*

## §. ILLUD. 3.

Illud ex hoc §. habes, quod colligas nimirum in casu, quo partes in una *Causa* (v. g. *Lucri*) sunt expressæ, altera verò (v. g. *Damni*) ommissæ; Illas in causa ommissa partes censerì repetitas, quæ in altera causa expressæ fuere: contrariorum enim eadem est disciplina.

## §. MANET. 4.

Visò , quomodo *contrahatur* , sequitur , quomodo *dissolvatur* , & *finiatur* Societas ?

<sup>10</sup> *Finitur* autem I. *Renuntiatione* , quæ , si sit *mutua* , & *reciproca* , illicò facit , dissociari Societatem , *arg. l. Nihil tam naturale* , 35. ff. de R. J.

Sed , quid Juris , si *una duntaxat pars renuntiaverit* ? R. Idem esse , cum nemo invitus stare tenetur in Communione , *l. fin. Cod. Commun. divid.* Et hoc est speciale in Societate , siquidem in aliis contractibus , alterò invitò , recedere , concessum non est , *arg. l. 5. Cod. de O. & A.* Et hoc procedit , etiamsi conventum sit , ne intra certum tempus à Societate recedatur , *l. 14. ff. b. t. ratio* , ut evitetur *Rixarum Occasio* , quas Communio parere solet , *Gail. 2. obs. 24. Manz. n. 9.*

## AD VERS. SED PLANE.

Dicta procedunt , quatenus *Renuntiatio* sit *bona fide* , sine fraude , & *Dolo* : si enim quis *callidè* , & *malitiosè renuntiaverit* ; ut , qui institutus est hæres , in Societate universali solus retineat hæreditatem , renuntiatio non teneret. Imò callidè renuntians hâc poenâ afficitur , quòd teneatur lucrum , quod captavit , communicare , damnum verò , quod fortè præter spem emergit , solus perferre , *Text. hic. & l. 65. §. 3. ff. pro Socio.* Illud etiam lucrum , quod alter , cui renunciatum est , post renunciationem tulit , sibi soli acquirit. Damnum verò cum Socio malitiosè renuntiante communicat. *Text. hic. & d. l. 65. §. 3. Schneid. Inst. hic. n. 3.*

## §. SOLVITUR. 5.

Secundò solvitur Societas *morte* etiam I. unius Socii , *Text. hic.* eò quòd in Societate censeatur electa personæ industria , qualis contractus ad hæredes non transit , *Gail. l. 1. obs. 97. num. 2. Manz. n. 4.* Etiam si , ut ad hæredes transfiret , pactum aut conventio facta fuerit , *l. 29. ff. pro Socio* , ratio non est alia , quàm ut rixis , & discordiis , quarum mater est communio , obviam eatur , *Schneid. num. 2. Harp. n. 17.*

Dicta procedunt etiam in casu , quòd tres , quatuor , vel plures Societatem coierunt , ut morte unius tota Societas solvatur , *Text. hic. & l. 65. §. morte ff. pro Socio.*

## §. ITEM SI 6.

Tertio finitur Societas *Fine negotii* ;<sup>12</sup> fac enim , quod alicujus certæ rei (v. g. *unius equi comparandi gratiâ*) contracta Societas , & istud negotium finitum sit ; tunc enim ipsa quoque Societas finitur : cessante enim causâ , cessat effectus , & limitata causa producit limitatum effectum , *Text. hic.*

## §. PUBLICATIONE. 7.

Quarto finitur Societas *Publicatione* ,<sup>13</sup> si omnia Socii bona publicentur & confiscentur , quia tunc deficit materia , cujus sit Societas , *text.*

## §. ITEM, SI QUIS. 8.

Quinto solvitur Societas *Cessione bonorum* ,<sup>14</sup> ratio est eadem , quia deficit materia , cujus sit Societas.

## §. SOCIUS. FIN.

- 15 *Queritur, quam culpam Socius Socio præstet? & R. secundum ea, quæ Lib. III. Tit. XV. de Comm.ato proposita sunt, quod Socius Socio non præstet, nisi dolum, latam & levem culpam, eo quod contractus Societatis respiciat uti-*

litatem utriusque; q. 10 in casu non præstatur, nisi levis culpa. L. 5. §. 2. ff. Commodati l. 23. ff. de R. J. Dissent. Clariss. D. D. Franz. Inst. h. t. n. 16. qui contra communem DD. Sententiam evincere elaborat, in Societate non aliam quam *latam culpam* præstari.

## T I T U L U S XXVII.

## D E M A N D A T O.

## SUMMARIA.

- 1 *Quid sit Mandatum?*
- 2 *Debet esse gratuitum.*
- 3 *Mandatarius quomodo differat à Negotiorum gestore?*
- 4 *Mandatum aliud est expressum, aliud tacitum.*
- 5 *Aliud judiciale, aliud extrajudiciale.*
- 6 *Aliud generale, aliud speciale.*
- 7 *Aliud generale cum libera, aliud generale simplex.*
- 8 *Mandatum contrahitur quinque modis.*
- 9 10 11 12 & 13 *Explicantur illi modi.*
- 14 *Ex consilio quando, & quomodo quis obligetur?*
- 15 *Mandatum contra bonos mores nullum est.*
- 16 *An pœna mortis teneatur, qui mandavit vulnera, & Mandatarius intulit Mortem?*
- 17 *Fines Mandati diligenter sunt custodiendi.*
- 18 *Si pleris emat Mandatarius, quam mandatum est, actionem Mandati contrariam perdit.*
- 19 *An, quoad excessum, non habeat actionem Negotiorum gestorum?*
- 20 *Mandatum expirat per Revocationem,*

21 *Item per mortem Mandatarii.*

22 *Item per Renuntiationem.*

23 *Ex Mandato nascitur duplex actio, directa, & contraria.*

**Q**uarta species Contractuum, qui solo Consensu constant, est Mandatum, definiturque quod sit Contractus, solo consensu initus, quo negotium gratis gerendum, committitur, & suscipitur.

Diximus I. Solo Consensu initum, quia ad sui Perfectionem Mandatum nihil quidquam (præter Consensus) requirit nullam verborum Solennitatem, neque litteras, neque alicujus rei actualem Traditionem.

Diximus II. *gratis*: Mandatum enim nisi sit gratuitum, nullum est, nam Originem ex Officio, atque Amicitia trahit, cui contraria est Merces. Interveniente igitur, Mercede, sive pecunia, non Mandatum sed Locatio, & conductio contrahi intelligitur, quemadmodum infra §. 13. h. t. (Deo annuente) audiemus. Harp. n. 16.

Diximus III. *Committitur*, nam si quis non ex Commissionem sed suâ sponte Negotium alienum in alicujus absentia gerat, non dicitur Mandatarius, vel Procurator, sed Negotiorum Gestor, & nascitur



nascitur inde non obligatio, vel contractus Mandati, sed quasi contractus, scilicet *Negotiorum Gestio*, de qua in *seq. tit.* Dein vox committitur etiam posita est, ad differentiam commendationis; nam si quis solum commendat, non contrahitur obligatio, quia commendatio potius vim rogandi, quam mandandi habet, *S. h. e. id. n. 5.*

Diximus IV. *suscipitur*, quia, si negotium non ex commissione suscipiat, sed ultrò interveniat, & studii solum causâ deferat officium, Mandati non tenetur. *Manz. n. 26.*

4 *Dividitur I. Mandatum in expressum & tacitum.* Illud est, quod in verbis expressis consistit, v. g. *volo, rogo, mando*, &c. Illud est, quod non quidem verbis apertis: sed per *Silentium, Patientiam, Ratihabitionem* declaratur, ut, si alio pro me fidejubente, vel aliud negotium gerente taceam, videor ei mandare, ut pro me fidejubeat, negotiumve gerat & in tali casu Mandati teneor. *l. 6. §. 2. ff. h. t. Harp. n. 22.*

5 *Dividitur II. Mandatum in judiciale, sive ad Lites, & extrajudiciale, sive ad Negotia.* Illud qui suscipit, plerumque Mandatarius dicitur; hoc verò qui suscipit, *Procurator* nuncupatur. Licet non raro ista negotia confundantur.

6 *Dividitur III. Mandatum in generale, & speciale.* Generale est, quod sine ulla negotii definitione alicui committitur, & procuracionem omnium rerum, sive universorum bonorum, & negotiorum habet, *l. 60. l. 68. l. 63. ff. de Procurat.* Speciale, cum negotium unum, vel plura (sed certa, & determinata) gerenda alteri committimus.

7 Mandatum generale subdividitur in *generale cum libera*, & *generale simplex*, sive *sine libera*. Generale simplex, sive sine libera est, cum negotia omnia sim-

pliciter alteri committimus. Tale qui mandatum habet, simpliciter *res administrandi potestatem* consequitur, non *transigendi*, non alienandi.

Generale cum libera est, cum liberam alteri potestatem concedimus, ea omnia faciendi, quæ ipsi verisimiliter facturi fuisset. Tale qui habet, non simpliciter tantum administrare; sed & *alienare, vendere, exigere, novare, solvere creditoribus* potest, & ea denique omnia facere, quæ ipse Dominus verisimiliter faceret, si adesset, *L. 58. ff. de procurat.* Exciipiuntur ea, quæ speciale Mandatum requirunt, puta, *Matrimonium, &c. Zoes. ff. Mandatum. 2. Harp. n. 27.*

#### AD PRINCIPIMUM.

Mandatum contraditur quinque modis. 8

I. Si Mandator, suâ tantum gratia, aliquid Mandatario committat, sive, quando quis negotia solius Mandantis suscipit.

II. Quando quis suâ, & ipsius Mandatarii gratiâ, aliquid mandat.

III. Quando quis alienâ, sive alicujus tertii causâ, potissimum mandat; vel, quando quis talia negotia suscipit, quæ neque ipsum neque Mandantem respiciunt.

IV. Quando Mandator, suâ, & alienâ gratiâ, aliquid mandat; vel quando Procurator negotia mixta, mandantis, & alicujus tertii suscipit.

V. Quando quis ipsius procuratoris, & alicujus tertii causâ mandat, *Text. hic.*

#### §. MANDANTIS. I.

Mandantis tantum gratiâ, intervenire Mandatum, dicitur, si quis tibi mandat, ut negotia ejus gereres, vel ut fundum ei emereres. Ratio, quia ad cognoscendum cujus gratiâ Mandatum fiat, inspicien-

inspiciendum est, cujus utilitatem concernat negotium, quod mandatur, atqui in posito casu Mandatum concernit utilitatem mandantis tantum ergo, *Manz. hic.*

### §. T U T A G R A T I A. 2.

10 Mandantis, & Mandatarii gratiâ, contrahitur Mandatum in *sequentibus* Casibus.

I. Si tibi mando, ut pecuniam Titio sub usuris credas, qui eam in rem meam versurus est. Ratio cur utriusque gratiâ, dicatur contractum, est, quia utriusque utilitas hic vertitur. Tua, quia ultra tibi obveniunt. Mea, quia in rem, & utilitatem meam pecunia vertitur.

Duos alios casus, exempli causa ponit *Manz. hic.* ad quem te remitto. Ego (ne diu his subtilitatum nugis inutiliter inhæreamus,) puto, hoc exemplum dari posse ex quo reluceat, quando mandatum datur, Mandandis, & Mandatarii gratiâ, contractum, puta, si mando ut mihi & tibi emas fundum.

### §. A L I E N A. 3.

11 Alienâ tantum causâ intervenit Mandatum, v. g. si quis tibi mandaret, ut negotia Titii gereres, vel, ut Titio fundum emereres.

Dices: In hoc Mandato, quod alienâ tantum gratiâ fit, nulla vertatur utilitas Mandantis, ergo mandatum esse non videtur, quia si nihil intersit Mandantis, negotium expedire, non vero Mandatum, sed consilium potius esse, videtur; nec Mandati actio competit, l. 8. §. 3. ff. *Mandati*, *Harp. n. 35. R.* Liceat non vertatur utilitas Mandantis, periculum tamen ejus subest, cum mandatum semper periculo mandantis contrahatur, & adversus eum actio Mandati detur, *Harp. num. 36.*

Dices: *suprà de inutil. stipulat. §. 4.* dictum est, quod alteri per alterum non quæraturs actio, ergo non poterit, alienâ tantum causâ intervenire Mandatum. Resp. I. Quosdam velle hoc esse in Contractum Mandati singulare. R. II. Non alii, quam mandanti, ex hujusmodi Mandato acquiri actionem, & soli Mandanti Mandatarium obligari ad Mandatum illud exequendum: quamquam utilitas hujusmodi Mandati in tertium redundet. Vides ergo quod tertio non acquiratur actio, ut d. §. 4. nobis non adversetur. *Schamb. hic.*

### §. S U A, E T A L I E N A. 4.

Mandantis, & alienâ gratiâ, intercedit Mandatum, si v. g. mandet tibi Mævius, ut sua, & Titii communia negotia geras.

### §. T U A, E T A L I E N A. 5.

Mandatarii, & alienâ gratiâ, intercedit Mandatum, si v. g. mando tibi, ut Titio sub usuris credas. Ratio, quia tibi, & Titio principaliter prodest. Tibi quia usuras recipis. Titio quia ejus necessitati consultum.

### §. T U A T A N T U M. 6.

Mandatarii tantum gratiâ Mandatum fit, si v. g. Titio mandem, ut pecuniam suam in emptiones prædiorum potius collocet, quam sub usuris mutuas det. Verum hoc propriè Mandatum non est, unde etiam non obligatorium, quia est *Consilium*. Ex consilio autem quis non obligatur, cap. 62. de R. J. in 6. & l. 47. ff. *ead.* Ratio, quia consilium, non necessitas est ita, ut quis illud cogatur sequi. Et unusquisque potest ac debet diligenter explorare, an expediat sibi consilium? l. 2. ff. *Mand.* *Schneid. hic. n. 2.*

Diximus:

14. **Diximus** : ex consilio neminem obligari. Verum, cum id *indistinctè* non procedat. Ideò referre existimo, an consilium detur contrahenti, an delinquenti?

Si contrahenti datur consilium, quod tanti ponderis est, ut alias non fuisset contracturus, consulens *Actione Mandati* tenetur per *Chriff. Text. L. 6. §. 5. ff. Mandati*. His verbis : *aut si non esset facturus, nisi ego mandassem? etsi mea non interfuit? tamen erit Mandati Actio.* Harp. n. 4. *Schamb. hic.*

Si verò consilium tale fuerit, ut contracturus tamen fuisset, refert iterum, an *fraudentum fuerit, nec ne?* Si prius, tenetur consulens; ve'uti, cum scires eum cui mutabam, labi facultatibus, tamen lucri in causâ, idoneum eum affirmasti, quia tunc teneris de dolo, *L. 18. ff. de dolo malo*. Si posterius, licet res postea malè succedat, non tamen consulens tenetur, *d. L. 47. ff. de R. J. § c. 62. de R. J. in Schneid. n. 2.*

Si denique consilium detur delinquenti, consulens indistinctè tenetur, sive alter alias delictum commissurus erat, sive non; si enim non erat facturus, de bono facit malum; sin facturus erat, de malo facit deteriore. Nec enim laudando oportet malitiam augeri, *L. 1. §. Sed. utrum. v. Non enim. ff. de serv. corrupt. Schneid. loc. cit. Manz. n. 7.*

#### AD VERS. ET ADEO

Nulla Regula sine exceptione est. Diximus supra: Ex consilio in contractu aliquem regulariter non obligari. Hoc recipit limitationem, ut procedat, si consilium indistinctè conceptum sit; secus verò, quando certa persona designata fuit, *L. 6. §. 2. ff. Mandati, v. g. si mandando tibi, ut Titii pecunias sceneres*. Ratio, quare hoc casu obligetur, est, quia non tantum Mandatarii: sed Titii etiam

*Kees ad Instituta.*

causâ, Mandatum factum esse, intelligitur, & consilium non est, quando alterius, quam Mandatarii causâ, mandatur. *Manz. n. 10.*

#### §. ILLUD QUOQUE. 7.

Mandatum contra bonos mores non est obligatorium. *Text. hic. & in L. 6. §. 3. ff. b. i. sic quis id adem sacrum spoliandam, hominem vulnerandum, occidendum, Mandatum suscipit, nihil Mandati Iudiciò consequi potest, hoc est, non habet, istius facti nomine, ullam adversus Titium mandati actionem, neque regressum, si res malè cedat, L. 22. §. 6. ff. eod.* Ratio, quia rerum turpium nulla est obligatio, *L. 26. ff. de U. O.* impu- tet proinde sibi, qui tale Mandatum executus est, cum ei parere non debuerit.

Porro, tamen Mandatarius contra Mandantem in rebus turpibus nullam habeat adversus Mandantem Actionem. Interim tamen habet is, cui nocitum, & in cuius perniciem mandatum datum est, saltem Actionem contra mandantem, non quidem mandati (quia res, inter alios acta, aliis ad pariendam actionem, non prodest) sed ex delicto, cum æquè eum violet, qui mandat delictum: quam qui perpetrat. Unde is, qui persuasit, iussit, mandavit, ut injuria fieret, Actione Injuriarum tenetur, *L. 11. ff. de injuriis, & qui damnum alterius procuravit, nullo Actione Legis Aquiliæ conveniri potest, Manz. n. 7. Schamb. hic. Chlingensperg. Quest. 6. obj. un. b. i.*

*Controversia non levis est, an is qui mandavit, hominem vulnerari tantum protestans, prohibensque discedere ne occidat, si, cum Mandatarius occiderit, ordinaria l. gis Cornelia de Siciariis penâ teneatur?*

Affirmativa subscribunt non infimæ notæ Anthores, *Zoef. ff. Mandati n. 11. Menoch. 2. Arbit. cas. 352.*

Xxx

Movem

*Moventur I.* quia quoties quis aliquid facit, ex quo cogitare potest, mortem subsequituram, vel subsequi posse, toties ultimò supplicio tanquam homicida, afficiendus est, *L. 6. Cod. ad L. Jul. de Sicar.* atqui ex vulneribus mors subsequi potest, cum vulnera non dentur ad mensuram, ergò.

*II.* Nihil interest quoad poenam *Legis Corneliae* ordinariam, occidat quis, an causam mortis præbeat, *L. 15. ff. ad L. Cornel. de Sicar.* atqui is, qui vulnerari jubet, causam mortis præbet, si ex vulnere moriatur vulneratus, ergò, perinde ut homicida mortis supplicio afficiendus erit.

*III.* Per *L. 38. § Qui Abortionis ff. de pen.* ubi afficitur capitali poenâ qui alicui poculum abortionis, vel amatorium præbuerat, & quidem propter hanc rationem, quia ex tali poculo mors subsequi potest; ergò, cum etiam eadem ratio in vulnere militet, idem Jus statuatur, necesse est.

*IV.* Dans operam rei illicitæ ad ea omnia tenetur, quæ etiam, præter expectationem sequuntur, *arg. cap. Tua sequuntur 19. & de Homicid. & cap. ult. eod. in 6.* atqui, qui jubet vulnerare, dat operam rei illicitæ, *L. 10. & l. 30. ff. de Homicid.*

*V.* Quid vult antecedens, vult etiam consequens, *L. 2. ff. de Jurid. antecedens* est vulnus, consequens est mors, ergò qui vult vulnus, mortem quoque intendisse, censetur.

Quamquam *Achilleâ* fortitudine nitantur hæc *Argumenta*; ea tamen non sunt; ut recti tenacem animum in sui deditionem trahant. Assumo in negativæ sententiæ propugnatione debitor. *Hun. var. resolut. lib. 3. tract. 7. part. 4. Quest. 5. Harp. n. 18. hic. & §. de pub. Jud. n. 80. Fach. l. c. 36.*

Ratio sola sed solida est, quia nemo poenâ homicidii ex *L. Cornelia* afficitur, nisi qui occiderit, & animum simul occidendi habuerit. En rebelle caput; duo ad Homicidium conjunctim, puta, occidendi animus & eventus, *L. 1. §. 3. §. ad Leg. Cor. de Sicar.* ubi in hæc verba rescribitur: *eum qui hominem occidendi animo admisit, absolvi posse, & qui hominem non occidit, sed vulneravit, ut occidat, pro homicidio damnandum.* Jam verò, qui mandavit vulnerare, prohibuit autem occidere, nec occidit, nec etiam animum habuit occidendi, ergò qua fronte (ais) ut homicidam damnari posse?

*Accedit*, quòd verba mandati strictissimè sint intelligenda, adeoque Mandatum de vulnerando nullatenus intelligi potest de occidendo.

*Ad I Resp. min.* procedere de eo casu, quo regulariter, frequenter, & facile mors sequi potest. At, ex vulnere non facile, non frequenter, non regulariter mors sequitur. Nam quanti (oblecro) sauciantur, qui tamen non moriuntur?

*Ad II. R. d. l. 15.* de eo exaudiendam esse, qui directè, dolòque malò causam mortis præbuit. Deinde, non sufficit, ut quis causam mortis præbuerit, sed requiritur etiam, ut hoc ipsum intenderit, ejusque animi fuerit, ut mors sequeretur. Quod in nostro casu asseri non potest.

*Ad III.* repono *I.* quod ex poculo Abortionis, seu Amatorio frequenter & regulariter ferè mors sequatur: secus ex vulnere. *II.* Dico id singulare esse, in poculo abortionis, seu amatorio, cum res sit maximi mali, & pessimi exempli. Quod ergò contra regulam Juris, quòd nempe homicidii delictum sine animo, & proposito occidendi non

commit-



committat, *d. l. 1. §. 3.* constitutum est, ad exemplum, & consequentiam non est producendum, *L. 4. §. 5. ff. d. 11.*

Ad IV. R. illam regulam procedere de casu, quo quis dat operam rei illicitæ, ex qua frequenter, & necessario mors sequitur; at ex vulnere mors frequenter, & necessario non sequitur.

Ad V. Dico: *maiorem* propositionem de eo consequenti intelligendam, quod ex antecedente necessario. Imò, ex eo vulnere, quod infligi Mandans iussit, nunquam mors sequitur, siquidem vulnus, non lethale, infligi mandavit.

#### §. IS, QUI EXEQUITUR. 8.

<sup>17</sup> In hoc §. explicatur Officium procuratoris, quod in eo consistit, ut diligenter observet *quid, quale, quantum, quousque mandatum sit*, si excessum fecerit, sibi facit. Uno verbò: Fines Mandati sunt diligenter custodiendi, *cap. 27. de Præbend. in 6.* Nam, qui excessit, aliud quid facere videtur, *l. 5. ff. Mandati.* Ideoque Mandatarius non modò nullum mandatori damnum, aut præjudicium infert, & adversus mandantem, ratione excessus, actionem non habet, *L. 36. §. Mandati. e. g.* mandavit tibi aliquis, ut rem suam certò venderes, tu verò minoris vendisti, & venditione factâ, rem venditam emptori tradidisti. Hoc casu dominium in præjudicium ipsius Mandantis in emptorem non transiisti, *L. 12. Cod. Mand. l. 19. Cod. de Procurat.* igitur non obstante Traditione rem suam vindicare Mandator poterit, nec ei vendicanti *Exceptio rei venditæ* & *tradita* nocebit, cum non ex voluntate ipsius vendita sit, ac propterea perinde habeatur, ac si vendita non esset,

*l. 1. §. 3. ff. de except. rei vend.*

Sane, si emptor Mandatorem velit indemnem servare, & id, quod definito pretio deest, superaddere, mandans rei vindicationem intentare non potest, *L. 5. §. 4. ff. Mandati Harp. n. 9.*

Non obstat *L. 26. ff. de contrah. Empt.* Ubi debitor, qui in fraudem suorum creditorum rem vendidit minoris, dominium transfert. *Resp.* debitorem esse rei venditæ dominum: procuratorem, sive Mandatarium non etiam. Ille ergo facilius, quàm hic, dominium in emptorem transferre poterit, *Harp. n. 7.*

#### AD VERS. UT ECC E.

Quæritur in hoc v. quid Juris, si quis alteri mandaverit, ut fundum Cornelianum, Mandantis nomine emeret 100. aureis? R. rem *Distinctionis* adminiculò dirimendam esse: *vel Mandatarius certò pretiò, à Mandatore definitò vel pluri, vel minoris emit.*

Si certò pretiò à Mandatore definitò, emit, dubium nullum est, quin id à Mandatore actione mandati sit repetiturus.

Si pluri emit, certum est, quòd <sup>18</sup> Mandatarius, quoad excessum contra Mandantem non habeat actionem Mandati, *text. hic. §. in l. 3. ff. Mandati. Schneid. n. 3.*

Quæres I. An saltem, quoad concurrentem summam sive summam Mandatam, actionem Mandati habeat? Sabimus, & Cassius id negabant, sed diversæ Scholæ Authores, (Nerva scilicet & Proculus) rectè usque ad summam mandatam Mandatarium acturum existimant; & hæc sententia veluti benignior, prævaluit, *L. 3. §. ult. §. l. 4. ff. Mand.* Ratio, quia utile per inutile vitari non debet, *c. 37. de R. J. in 6.* quoties res ipsa separationem recipit. *Manz. n. 11.*

X x x 2

Quæres

*Quæres II. An Mandatarius pro excessu non saltem habeat actionem Negotiorum gestorum?* R. Interesse, num specialiter Mandator prohibuerit, rem majori pretiò comparari, nec ne? si prius? indistinctè tenendum, quòd Mandatarius Actionem Negotiorum Gestorum non habeat. Ratio, quia negotia non sunt, quæ prohibenti sunt. *Manz. n. 13. & Actio negotiorum gestorum non competit ei qui gessit invito dominò. l. fin. Cod. de Neg. Gest.*

Poterit tamen hoc in casu Mandatarius sibi consulere rei retentione & exceptione Doli mali. Ita, ut cogatur Mandans vel totum contractum approbare, vel improbare. Adeoque, vel integrum pretium solvere, vel rem totam Mandatario relinquere, *Schneid. n. 3.* Ratio, quia officium suum nemini debet esse damnosum, *L. 7. ff. Testam. quemad. aper. & justum non est, ut Mandans locupletetur cum aliena jactura cap. 38. de R. J. in 6. Manz. n. 14.*

Si mandator specialiter non prohibuerit rem majori pretiò comparari, communi autem hominum existimatione justum sit pretium, quod ipse pro fundo expendit, & sic utiliter negotium Mandatoris gessit, puta, ex æquitate saltem Mandatario competere, quoad excessum actionem Negotiorum gestorum, tum, quia, quoties negotia utiliter geruntur, actio ista competit, *L. 2. ff. § l. 2. Cod. de Negot. gest.* tum, quia nemo debet cum alterius jactura locupletari, *cap. 48. de R. J. in 6. Schamb. hic. Manz. n. 12.*

Si denique minoris emit? tenetur tradere rem mandanti, & residuum restituere, *Text. hic.* Ratio, quia majori summæ inest minor, *L. 1. §. Si stipulanti. ff. de V. O. & plus continet in se minus, cap. 35. de R. J. in 6.* Lucrum

sanè retinere non potest, cum officium Mandatarii debeat esse gratuitum, *l. 26. ff. Mand. Schneid. n. 3. in fin.*

### §. RECTE. 9.

Visò, quomodo Mandatum contrahatur, sequitur, quomodo dissolvatur?

*Dissolvitur, autem I. per Revocationem,* quando scilicet Mandans, penitentia ductus, re integra, revocat Mandatum. Ratio, quia Mandatum fit plerumque in favorem mandantis; Favori autem, pro se introducto, quilibet renunciare potest, *L. pen. C. de pact.* Quod procedit licet Mandatum tertii gratià contractum sit, quia res principaliter inter Mandantem, & Mandatarium geritur *Manz. n. 6.*

Illud tamen ad Revocationem Mandati validam requiritur, ut revocatio fiat, *re adhuc integra.*

*Quæres, quamdiu res censetur esse integra?* R. tunc si necdum cæpit interesse ejus, qui Mandatum suscepit, *arg. l. 8. §. 6. ff. Mand.* censetur autem ejus interesse regulariter, si jam quasdam, intuitu Mandari, expensas fecit. v. g. si mandavi Titio, ut mihi ædificet domum, quamdiu lapides, & ligna non parantur res integra dicitur. Si vero lapides & ligna comparaverit, res integra amplius esse, non censetur, ac proinde Mandatum revocari non potest. Ratio quia mutare cum alterius jactura non licet, *l. 75. ff. de R. J.* nisi Mandatario refundatur id, quod suū interest; tunc enim etiam, re non integra, Mandatum revocari potest, *L. 8. §. 6. ff. h. t. Schamb. hic.*

## §. ITEM, SI ADHUC. 10.

- 21 Secundò expirat Mandatum, si adhuc, *integrò Mandato Mors alterutrius interveniat*, seu Mandantis, quia cessat voluntas, seu Mandatarii, quia electa est personæ industria, quæ personæ cohæret, adeoque ad hæredes non transitoria.

Dixi: *integrò Mandatò*, nam si res non sit integra, videtur hæredi incumbere, ut exequatur, quod cæpit defunctus, juxta regulam: hæres inchoata defuncti negotia absolvere debet. *arg. l. 5. §. 5. Et l. Tutorem 37. §. 1. ff. de administ. Tut.*

Sanè, si Mandatarius ignoret, Mortem Mandantis & negotium expediat, adhuc Mandati actionem habet, *Text. hic. Et in l. 26. ff. b. t. ratio* quia ignorantia iusta, & probabilis nemini damnum debet afferre.

## §. MANDATUM. II.

- 22 Tertiò extinguitur Mandatum per *Renuntiationem Mandatarii*, quatenus res adhuc est integra. Ratio I. quia, cum liceat Mandanti revocare, licebit etiam Mandatario renuntiare propter Jus æqualitatis: imò, plus videtur tribuendum Mandatario, utpote, qui gratuitum officium præstat. Ratio II. quia licet Mandatarius, susceptò Mandatò, statim sit obligatus, nulla tamen nascitur contra Mandatarium actio, quamdiu non interest Mandantis.

Dixi: *quatenus res adhuc est integra*, Nam, licet Mandatum suscipere, cuilibet ab initio sit liberum, susceptum tamen consummandum est. Non enim licet mutare consilium suum cum alterius detrimento. *l. 1. 75. ff. de R. J. & paria sunt aliquid non facere, & non idoneò tempore facere, l. 3. §. 7. ff. de eo quod. cert. loc.*

## §. MANDATUM. 12.

Mandatum & in diem differri, & sub conditione contrahi potest, v. g. *mando tibi, ut post octiduum hoc agas. Vel, mando tibi, ut si navis ex Asia venerit, hoc agas.* Ratio quia quilibet est rei suæ Moderator, & Arbitrator: cur ergò rei suæ, aut negotio non liceat legem ponere, quam quisque vult?

## §. IN SUMMA. 13.

Ex hoc §. notabitur, de natura mandati esse, *ut sit gratuitum*, alias transiret in aliam speciem contractus. Si enim datur pecunia numerata, est locatio conductio. Si verò certa species datur, est contractus innominatus, *facio, ut des, vel do, ut facias*, & idè actio *prescriptis verbis* competit, *l. 1. ff. Mand.*

Sanè, si Mandatarius expeditò negotiò Honorarium accipiat, non vitiabitur hic contractus, quia honorarium est signum duntaxat Gratiitudinis, & Remunerationis, *L. 6. ff. b. t. ubi dicitur: si remunerandi gratià honor intervenerit, erit Mandati Actio, Schamb. hic.*

Quæres, si quis ab aliquo Doctore consilium petat, dicatque, quòd ipsi bene velit retribuere officium, & non futurus sit ingratus, vel etiam certum honorarium promittat, qualis datur Doctori contra promittentem actio? Resp. Mandati non, quia hoc est gratuitum, neque locati, quia nulla merces est constituta, neque *prescriptis verbis*, quia Salarium incertum est genere, & specie. Nullum proinde remedium ordinarium competit.

Quid ergò agendum Doctori? debet ille per implorationem officii Judicis suum consequi. Unde dicitur, extraordinem peti solet, *L. 7. l. 56. §. pen. Et l. 1. ff. Mand.*

Et si enim sanctissima civilis Sapiencia pretiò numerariò non sit dehonestanda, L. 1. §. 5. de extraord. cognit. labor tamen, & studium æstimationem recipit, non quidem per modum mercedis, sed honorarii. Unde ait *Manz. n. 20.* quòd Doctores, dum salarium petunt, non soleant dicere pro hoc consilio, *peto 30.* sed *exspecto Schamb. hic.*

Ex Mandato nascitur duplex actio, *Directa, & contraria. Directa est actio*

*personalis, civilis, rei persecutoria, bonæ fidei, quæ datur Mandanti, ejusque heredi contra Mandatarium, ejusque heredem, ad id, quod suū interest, non peractò, vel malo peractò negotiò commissò. L. 8. §. Mand. ff. h. t.*

Contraria verò datur Mandatario contra Mandantem, ut Mandatum peractum ratum habeat, & refundat, quod Mandatario nomine Mandati, abest, ne officium suum sit illi damnosum. *Schamb. hic.*

## T I T U L U S XXVIII.

# DE OBLIGATIONIBUS, QUÆ EX QUASI- CONTRACTU NASCUNTUR.

### S U M M A R I A.

- 1 Quid sit Quasi-Contractus?
- 2 I. species Quasi-Contractus est Negotiorum gestio.
- 3 Quid sit illa?
- 4 Quam culpam præstet Negotiorum gestor?
- 5 II. species Quasi-Contractus est Tutela Administratio.
- 6 III. Rei Communio.
- 7 IV. Hereditatis Communio.
- 8 V. Hereditatis aditio.
- 9 VI. Indebiti Solutio.
- 10 Inficiendo lis quando dicatur crescere.

### CONNE XI O, ET I N C I P I U M.

**H**ucusque diximus de Obligationibus, quæ ex vero Contractu: sequitur de iis, quæ ex Quasi-Contractu descendunt. Dicitur autem quasi-contractus, quia duntaxat improprie contractus est, quoniam in quasi-contractu neutrius voluntas, neque expressè, ne-

que tacitè concurrat; sed unius tantummodo actus, sive factum, sæpè altero id ignorante, ut hic non contrahatur re ipsa, & veritate, sed *præsumptivæ fictione Juris* contractus intervenisse censetur, Jura enim hominis factum suppleant, & interim pro unâ parte consentiunt, præsumendo neminem esse tam stultum qui etiam absens & ignorans non velit conditionem suam meliorem fieri. *Schneid. hic.* Ex dictis quasi contractum laud ineleganter definire possis, quod sit præsumpta conventio, ex qua, ob factum aliquod nascitur obligatio, *Glesle. Inst. hic.* Dicitur autem præsumpta conventio, ut differat à vero contractu, ubi expressus utriusque consensus desideratur. In quasi autem contractu intervenit duntaxat tacitus consensus, quem Jura ob aliquam æquitatem naturalem adesse præsumunt: licet alterutrius consensus præsumitur, ignorans, aut etiam invitus existat, l. 2. ff. de Neg. gest. Ubi dicitur, hoc æquum esse, ut alter, cujus



cujus negotia gesta sunt, obligetur, *Schamb. hic.* Quasi contractuum species VI. occurrunt, de quibus sequitur.

### §. I G I T U R. I.

Prima obligationis ex quasi contractu species est, *Negotiorum Gestio*, quæ, ut clarè intelligatur, figuremus hunc casum: Sempronius profectus est in longinquas regiones & reliquit domum suam penitus vacuum. Quæ cum vi ventorum, & injuria imbrium ita vexaretur, ut ruinam, lapsumque minaretur, Titius, volens absenti favere, domum reparat, tecta reficit.

*Quæstio est, an Sempronius Titio, ad refundendos sumptus obligatus sit?* Posset videri, quod non. Ratio dubitandi est, quia sine consensu nulla nascitur obligatio, *L. 1. § ff. de Pact.* cum ergo Sempronius non consenserit, sed ignorans fuerit, quomodo poterit obligari? Deinde culpa est, se immiscere rei alienæ, ergo damnum, quod sentit, propriâ culpâ sentit, quod sentire non videtur, *l. 203. ff. de R. J.*

Hoc tamen non obstante &. Sempronium ex quasi contractu negotia gerenti obligari, *Text. hic.* Ratio est in *textu*, ne absentium, qui, subita festinatione coacti, nulli demandata negotiorum suorum administratione, peregrè profecti essent, deferuntur negotia, quæ sanè nemo curaturus esset, si de eo, quod quis impendisset, nullam habiturus esset actionem.

Ad *Argumenta contraria* &. saltem adesse consensum ex præsumptione legis, quem propter utilitatem, ne negotia aliena desererentur, intervenisse præsumunt. Deinde culpa Negotiorum gestori non potest objici, eò, quod objicientis conditionem reddiderit meliorem. *Manz. n. 6. § 7.* & regula illa, quod culpa sit rei alienæ se immiscere, pro-

cedit tunc, si quis intendat utilitatem propriam, *Schamb. hic.*

Ex dictis facilè colliges, quod Negotiorum gestio sit quasi contractus, quo quis alterius absentis, & ignorantis negotia sine Mandato utiliter gerit, *Harp. n. 4.*

Diximus I. *absentis*, quia mandare censetur, qui præsens patitur, alium sua negotia gerere, *l. 18. ff. Mandat.* Et ideo Mandati potiùs, quàm Negotiorum gestorum actio inter præsentem competit.

Diximus II. *ignorantis*, quia, sicut is, qui præsens est, ita quoque ille, licet absens sit, nihilominus tamen sciens patitur, suum negotium geri, mandare censetur, *Manz. num. 13.*

Dixi III. *sine mandato.* Quibus verbis differentia specifica Negotiorum gestionis, ac Mandati continetur. Si quis enim negotia alterius ex Mandato ipsius gesserit, Mandatum erit, sicque verus contractus. Si verò citra Mandatum gesserit; negotiorum gestio atque ita quasi contractus erit, *l. 5. ff. de O. & A. Harp. n. 29.*

Dixi IV. & ultimò *utiliter gerit*, quia ad hoc, ut repetitio sumptuum locum habeat, necesse est, ut alterius negotia utiliter gerantur, vel utiliter saltem incipiantur, licet effectum gestio non habuerit, veluti si Medicus curaret absentis cujusdam filium, & is nihilominus moreretur, Medico actio Negotiorum gestorum contra patrem competeret, *l. 10. §. 1. ff. Mandati.* nec enim semper est in Medico, relevetur ut æger, *Schneid. n. 9.* Utiliter porro, negotium gestum esse, dicitur, quando dominus idem erat facturus, quia erat impar impensis. Nam tunc actio Negotiorum gestori non datur, sive ignoret, *l. Sed an ultro §. 1. ff. Mand. Schneid. eod.*

Idem

Idem est, si voluptatis tantum causa, negotium gerat; tunc enim, ad sumptus repetendos, actionem non habet, l. 26. ff. de Negot. gest. Manz. n. 20. Ratio, quia debet ex eo onerari dominus, quod ipse facturus non esset, l. in fundo 38. ff. de R. V. Sanè, in univ-  
ersum (puto) determinari non posse, quando negotium utiliter gestum esse, dicatur, sed id discreti Judicis arbitrio relinquendum erit, quemadmodum docet Manz. n. 21. Vidimus quid sit Negotiorum gestio, sequitur quæ ex ea nascantur actiones. Quarum duæ occurrunt, directa & contraria. Directa est actio prætotia, personalis, bonæ fidei, competens ei, cujus negotia gesta sunt, ejusque hæredibus adversus Negotiorum gestorem, ut rationes negotii gesti reddat & si quid dolo cu paxe ejus commissum, vel omissum est, id præstet.

Contraria vero actio datur è contra Negotiorum gestori adversus dominum, ejusque hæredes, ut, si quid sibi ratione administrationis vel adfit, vel abfuturum sit, sibi præstet, & se indemnem servet, ne officium suum sit tibi damnosum. Schamb. hic. Naturam harum actionum in Lib IV. fusiùs explicabimus. Sufficiat ergò, hanc obiter non nihil perstrinxisse.

#### AD VERS. QUO CASU

Quæritur in hoc V. quam culpam Negotiorum gestor præstare teneatur? Ut hæc quæstio radiis, & splendore niteat claritatis, certa ab incertis, & clara ab obscuris discernenda sunt, quod, ut ob-  
tineamus, juvat causè processisse. Itaque

Prima fronte videtur dicendum, quòd non nisi de dolo, & lata culpa teneatur, quia totum negotium solius domini utilitatem respicit; sicuti ergò Depositarius ex dicta ratione dolum & latam cul-

pam tantum præstat, ita idem dicendum, videtur de Negotiorum gestore.

Verum, hoc non attentò, sine alteratione inter DD. obtinet, quòd Negotiorum gestor præstet etiam levem culpam, l. 20. Cod. de Neg. gest. cum enim sponte negotiis istis se ingerat, videtur, promittere diligentiam, id est culpam le-  
vem, l. 23. ff. de R. J. Schamb. hic.

Imò, illud quoque sine concertatione procedit, quòd Negotiorum gestor tantum dolum & latam culpam præstet, si negotia deserta accesserit, l. 9. interdictum ff. de Neg. Schneid. §. 28. de act. n. 10.

Denique & illud indubitatum est, quòd gestor levissimam culpam præstet, quando alius adfuerit, qui negotia diligentius administraturus fuisset, text. hic. Schneid. & alii hoc loc. cit.

Ad rationem dubitandi ex regula generali, supra de commodato posita & eam procedere in contractibus, non in quasi contractibus. Nam, etiam in administratione intellexit utilitas tota ad pupillum pertinet, & tamen tutor de dolo, lata, ac levi culpa tenetur, L. 7. Cod. A. b. tut. Manz. n. 34.

Dicta proinde sine litigio procedunt. Sed controvertitur an indistinctè, etiam extra casum, quo alius negotia diligentius administraturus fuisset, Negotiorum gestor teneatur præstare levissimam culpam? sunt non pauci Auctores, qui gestorem, ad levissimam quoque culpam præstandam, adstringunt. Quos inter agmen ducit, Hum. ad Treuch. vol. 1. Disp. 10. th. 5. Quæst. 19. Harp. hic. num. 32.

Argumentum I. producit ex l. 24. Cod. de usuris, ubi dicitur, quòd omnis culpa à negotiorum gestore præstari debeat, ergo & levissima, cum is, qui omnia dicit, nihil excludat.

II. Des

II. Depromunt ex *L. 21. Cod. Mand.* ubi *Constantinus Imperator* rescribit, in administratione alienorum negotiorum nihil quidquam neglectum, ac declinatum culpâ vacuum esse: atqui Negotiorum gestorem aliena negotia gerere in confesso est; sequitur ergo, quod si quidquam in eorum gestione neglexerit, ac declinaverit, culpâ haud vacuus sit, ac ea propter de culpa levissima conveniri possit. Sunt adhuc plura argumenta quæ pro hac sententia adducunt: at possis illa sola indignatione enervare, aliud enim non merentur. Itaque,

His non obstantibus, placet, quod Negotiorum gestor regulariter tantum præstet culpam levem. Ita *Arumæ. exercit. 15. th. 11. Zoef. ff. de Neg. num. 8.*

Pro hac sententia *Facit. I. l. 20. Cod. Mand.* ubi tantum mentio culpæ lata, & levis, non etiam levissima; ergo ad hanc non tenetur, inclusio enim unius est exclusio alterius.

*Facit II. l. 11. Si Negotia ff. de Neg. gest.* his verbis: *Qui negotia aliena gerit, & bonam Fidem, & exactam diligentiam rebus ejus, pro quo intervenit, prestare debet. En exactam (ait Imperator) non exactissimam.*

*Facit III.* efficacissima ratio; enim verò, quæ causa fuit, introducendæ actionis Negotiorum? numquid, ne absentium negotia defererentur? at, ain, si exigatur à gestore levissimæ culpæ præstatio, quia adeò supinus erit, ut negotia aliena gerat, cum is deberet majorem, quàm diligens Pater familias suis rebus adhibet, diligentiam impendere?

Ad I. R. omnem diligentiam in *d. l. si Mater 24.* non pro exactissima diligentia (quæ levissima culpæ opponitur sed pro exacta accipi, & pro ea, quam

*Kees ad Instituta*

Negotiorum gestio requirit. Hoc vel ex eo verosimile est, quod levissimæ culpæ, quæ culpa penè non est, rarò in libris Juris nostri mentio fiat. Vel, *postò* (non tamen *concesso*) sub omni culpa levissimam includit: non tamen improbabiler dixerit, textum loqui de casu, ubi alius, negotia diligentius gesturus se Negotiorum gestioni obtulit. Cujus rei conjectura oritur ex eo, quod in *d. l. Si Mater* proponatur, gessisse negotia, matrem, cum qua & alii concurrebant, qui se gestioni offerebant. Sed, quia Mater, pietatis necessitudine ducta propensiore animò liberos, eorumque negotia prosequitur, meritò aliis præfertur; meritò itidem se ad levissimam culpam obstringit. Ita, *Arumæ loc. cit.*

Ad II. R. *d. l. 21.* non de gestione negotiorum loqui, sed de mandato, in quo pro diversitate utilitatis, cujus scilicet gratiâ contractum est, nonnunquam lata tantum, nonnunquam levis, nonnunquam levissima præstatur. Ut argumentum à Mandato ad Negotiorum gestionem neutiquam procedat.

## §. TUTORES. 2.

Secunda species Quasi contractus recensetur *Tutela Administratio*. Ratio, cur Tutela, seu administratio tutelæ sit quasi-Contractus, hæc redditur, quia verus Contractus requirit aliquod negotium (puta *Conventionem inter partes*) aut, inter tutorem, & pupillum nihil actum, nihil tractatum *Text. hic*. Ratio alia, quia omnis verus contractus est voluntarius, *l. 5. C. de O. & A.* sed tutela non est voluntaria, quia tutor datur pupillo ignoranti, & invito, *L. 6. ff. de Tut. & curat. dat. & invit.* cogitur quis tutor esse, *l. 1. ff. de Administ. tut.* Tutela enim est munus publicum *l. 9. ff. de his, qui sunt sui, vel alieni*

Y y y

*alieni Jur. ad publica autem munera potest quis invitus cogi, arg. l. 1. ff. de muner. & honor. Harp. n. 2.*

Ex tutelæ administratione nascuntur duæ actiones, *directa & contraria*. *Directa* est *civilis personalis, bonæ fidei, competens pupillo ejusque hæredibus contra tutorem, ut rationes administrationis reddat, & præstet, quod sibi abest, vel abfuturum est, ob ejus culpam, etiam levem. Dico le-rem, ratio est in favore pupilli posita. l. 23. ff. de R. J.*

Contraria verò datur tutori, ejusque hæredibus contra pupillum, & hæredes, ut se indemnem servet, impenfas, factas restituat, & si se pro pupillo obligaverit, debitum solvendo liberet, & exsolvat, *l. 1. & fin. ff. de contrar. tutel. act. Schamb. hic.* Ratio, quare tutori applicetur actio contraria, est, ne officium illi suum sit damnosum. *l. 1. ff. de contrar. Tutel. act.*

Dices: Quomodo datur actio contra pupillum; cum tamen pupillus sine Auctoritate Tutoris non possit obligari? Resp. pupillum obligari ex lege, lex enim ipsum obligationi subjicit.

#### §. I T E M, S I I N T E R. 3.

6 Tertia Quasi - Contractus species est *Rei Communio*, dum scilicet duo, vel plures rem quampiam sine Societate communem habent, puta, quia duobus eadem res est legata, vel donata, hoc est, potest, & solet contingere ut unus ex ea solus percipiat fructus, vel solus faciat expensas, quo casu ex quasi contractu sibi obligati sunt, ut alter pro rata alteri fructus præstet vel expensas pro rata, refundat; res enim communis non debet uni soli esse lucro nec damno, *l. 6. ff. h. t.*

Dixi sine Societate, quia, si res sit communis ex contractu Societatis,

tunc dabitur actio pro Socio, pro lucris, & damnis communicandis. Vides, in quo differat Societas à communionem: nimirum in hoc, quod Societas expressam conventionem requirat; communio verò sine voluntate; & consensu contrahatur.

Datur ex hoc quasi - Contractu actio communi dividendo, quæ utrinque *directa* est, competens ei, qui rem cum altero communem absque Societate habet adversus eum, cum quo habet, ut res æqualiter dividatur. Dicitur *utrinque directa*, quia utrumque æquè principaliter respicit, & uterque actoris, & rei partes sustinet; habetur tamen pro actore, qui provocat, *l. 2. ff. h. t.*

#### §. I D E M J U R I S. 4.

Quarta species quasi contractus est 7 *Hereditatis Communio*. Quando videlicet ad duos, vel plures eadem hæreditas pertinet. Differt à rei communionem, quod in illa res universalis, in hac res singularis cum altero sit communis. Eodem tamen modo, sicuti in rei communionem, ratione fructuum, & expensarum, unus alteri quasi ex contractu obligatus est. Nascitur exinde actio *familiæ herciscundæ*, id est, hæreditatis dividendæ, hæreditas enim nomine familiæ, & dividere verbo herciscere hic venit. De hac actione nolo hic agere, sed ejus explicationem ad propriam usque sedem remitto, videlicet, §. 20. *infra de Act.*

#### §. H E R E S Q U O Q U E. 5.

Quinta species quasi Contractus enar- 8 ratur *Aditio hereditatis*, dum enim qui hæreditatem alterius adit, obligatur hic Legatariis, & Fidei Commisariis non ex contractu, cum non concurrat utriusque consensus, potest enim & hæres ignorare,



ignorare , an *l.* & cui , & alter etiam ignorare , quod sibi legatum relictum sit. Obligatur ergo ex quasi contractu , quia adeundo agnoscit , & tacite dicit quod voluntatem defuncti adimplere velit. Unde , & Legatariis , & Fidei-Commiffariis datur actio personalis ex testamento , qua hæredem , ad sibi præstandum , quod debet , compellere possunt.

Dices , Creditoribus defuncti tenetur hæres ex vero contractu , ergo etiam Legatariis. *Resp. conc. ant. neg. conseq.* quia Creditores inter & defunctum intervenit verus contractus , ut hæres , tamquam illius personam representans , eidem contractui satisfacere teneatur , respectu legatariorum verò , neque cum hærede , neque cum defuncto negotium , vel contractus intercessit , *Schamb. hic.*

#### §. I T E M I s. 6.

9 Sexta quasi-contractus species est *Indebiti Solutio*. Quando enim quis per errorem alteri solvit quod non debuit , & alter per errorem etiam accepit , tunc ad restitutionem accepit , quasi ex contractu obligatus videtur , *l. 5. §. 3. ff. de O. & A.* nemo enim debet cum alterius jactura locupletari. Ex hoc quasi-contractu nascitur conditio Indebiti , de qua latè disseruimus *suprà §. 1. tit. quibus modis re contrah. oblig.*

#### §. EX QUIBUSDAM. 7. E T U L T.

10 In superiori §. *Regulam* posuimus istam , repeti potest , quod indebitè per errorem solutum est. Hic ponitur ad regulam *Exceptio* , ut videlicet ex iis causis indebitè solutum , repeti non possit , ex quibus inficiando lis crescit.

Dicitur autem lis inficiando crescere in iis Causis , in quibus quis propter inficiationem vel negationem condemna-

tur in duplum. In *exemplo* : aliquis mihi damnum dedit , v. g. *vestes maculavit , vel laceravit* , hoc in casu , si reus fateatur culpam , condemnatur ex *Lege Aquilia* in *simplum* damni dati. Si verò *neget* , se dedisse damnum , & postea *convincatur* , condemnatur in duplum. Quod inductum est in *penam mendacii*.

Aliud *exemplum* : si quis tempore *incendii , ruine , naufragii* , & *temulentiæ* aliquid apud alterum deposuit , eo , postea depositum repetente , depositarius rem depositam simpliciter , sive *simplum* restituere , compellitur , quando fateatur : si verò inficiatur , & convincatur tunc , præter rem depositam , tenetur etiam illius rei depositæ pretium restituere , *l. 1. ff. de incend. ruin. & naufrag. Manz. non. 4. & 7.*

Itud etiam *notandum* quod hodie inficiando lis tantum crescat in legatis piis , quæ v. g. relictæ sunt *Ecclesiis & cæteris venerabilibus locis* ; ita , ut negans tale legatum condemnatur in duplum.

Jam his positis , facile poterit intelligi *exceptio §. nostri* , videlicet ex quibus causis inficiando lis crescit , ex iis causis indebitum solutum non repetitur. In *exemplo* : Titius convenit me ex lege *Aquilia* quasi ipsi damnum dedissent , quod æstimat 20. fl. quia igitur incertus sum , vel dubito , utrum ego vel aliquis alius damnum dederit ? idcò , ne ob negationem contingat , me condemnari in duplum , solvo 20. fl. postea apparet , non à me sed ab alio Titium fuisse damnificatum. *Questio* est , an possim 20. fl. à Titio repetere ? *R. Negative* , quia ex quibus causis inficiando lis crescit ; indebitè solutum repeti non potest. *Ratio rationis* , quia videor tacite transigisse cum Titio. Ex causa autem transactionis solutum , ut indebitum , repeti non potest , cum ipsa transactio sit

Y y y 2

justa

iusta debitionis causa. *Manz. n. 15.* Vides, quod tota res in præsumpta transactione posita sit, quæ, si causa semel sopita sit, resuscitari non amplius debet.

NB. Si transactio tacita rescindi non possit, ubi nihil prorsus debetur, multò minus expressa, si quis enormiter, sive ultra dimidium iusti lædatur, rescindi poterit. *Manz. loc. cit.*

Exemplum aliud: Prælati quidam instituit contra me actionem ex testamento, quasi Parens meus defunctus Monasterio, ipsius reliquisset, legati nomine, 100. fl. Ego, putans, vel dubitans, legatos esse, metu incurrendi duplum ob inficiationem, solvo 100. fl.

Hoc in casu, si postea appareat, à Patre meo legatum non esse relictum, nulla mihi repetitio datur. Ratio tum in favore piæ causæ, tum in præsumpta transactione posita est. *Manz. n. 16.*

Illud non ignorandum, ad hoc, ut decisioni huius §. locus sit, requiri, aliqua ut subsit causa, scilicet *damnum datum*; licet fortè non ab eo, qui convenitur, sed ab alio, legatum aliquod in pios usus relictum esse, licet fortè minus solemniter fuisse aliquid eo tempore depositum, licet, non apud hunc, sed alium. Nam si nullum *damnum datum* sit, aut nihil relictum vel depositum, puto locum esse repetitioni. *Schamb. hic.*

## TITULUS XXIX.

### PER QUAS PERSONAS NOBIS

### OBLIGATIO ACQUIRITUR.

#### SUMMARIA.

- 1 *Possessio acquiritur per Liberos nostros, & servos.*
- 2 *Quod procedit de servo, bona fide Possesso.*
- 3 *Et etiam servo communi.*

Actum est de Contractibus; & quasi, ex quibus obligationes nascuntur; sequitur, per quas personas nobis obligatio acquiratur. Acquiratur autem nobis obligatio non solum per nosmetipsos, sed etiam per Liberos, & servos, nostræ potestati subiectos. Estque ratio, quia per liberos nostros, & servos conditio nostra melior fieri potest, deterior non item, ac proinde acquirere nobis possunt, alienare nostra non possunt. *Harp. n. 3.*

Ea tamen inter servos, & liberos differentia est, quòd, Servi quidquid acquirunt, totum, & omne nostrum fiat. Liberi autem secundum *distinctionem peculiorum*, parentibus acquirant. Nam si obligatio respiciat *peculium castrense*, & *quasi tale*, tota obligatio ipsi filiosam, si *profectitium*, tota patri, si *adventitium*, quoad usumfructum Patri, quoad proprietatem filio acquiratur. Pater tamen semper re spectu adventitii, & profectitii, actionem intentat, quia adventitii legitimus administrator est, *Schamb. & Manz. hic.*

#### §. ITEM I!

Liberi homines, vel servi alieni, 2 bona fide à nobis, vel, ut liberi, vel ut servi nostri possessi, quaecunque obligatio-

obligationem, ex re nostra, vel operis suis proveniente, habent, eam quaerunt possidenti, quali ex re ejus, cui serviunt. Et hoc ipso ex re bonae fidei possessoris acquisitio fieri intelligitur propter alimenta, quae ei praestare debet, à quo percipit operas. Et sic compensatur illud cum alimentis. Nam, sicut alias solemus dicere, qui non laborat, non manducat. Ita quoque possumus hic asseverare: cum quo quis manducat, cum eo quoque laboret; & cum quo communicamus in Mensa, eisdem communicamus & operam; quod enim ex re nostra fit, nostrum est.

§. PER EUM. 2.

Sicut per servum proprium, ita quoque per usufructuarium nobis acquiritur obligatio, quam alias proprietario acquireret. Idem de servo usurario procedit, ut & iste acquirat usurario, pro modo scilicet necessitatis, & indigentiae.

§. CUM. 3. ET ULT.

Sicut servus communis res, ita & 3 obligationes (*regulariter*) pro rata domini acquirat suo domino. De quo vide §. *fin. supra de stipul. serv.* Ego huic materiae non puto insistendum, cum utilitate careat.

T I T U L U S X X X.

QUIBUS MODIS TOLLITUR OBLIGATIO.

S U M M A R I A.

- 1 Solutio quid sit?
- 2 Particularis Solutio invito creditori non potest fieri.
- 3 Nisi de ea conventum sit.
- 4 Solutio debet fieri legitime tempore, loco, modo, & causa.
- 5 Quis possit solvere? 6. & cui possit solvi?
- 7 Quis sit effectus Solutionis?
- 8 Solutio in quam causam imputanda?
- 9 Acceptilatio quid sit?
- 10 Item quid Novatio, & quotuplex?
- 11 An obligatio pupilli novari possit?
- 12 An Novatio fiat, quando non persona, sed causa debendi mutatur?
- 13 Quae sint requisita Novationis?
- 14 Delegatio quid sit?
- 15 Quomodo mutuo consensu tollatur obligatio?
- 16 Quomodo compensatione?

17 Redditio chirographi facit tolli obligationem.

C O N T I N U A T I O.

**H** Actenus dispeximus, quomodo contrahantur, superest, ut agamus, quomodo solvantur obligationes? Solvuntur autem praecipue quatuor modis I. Solutione. II. Acceptilatione. III. Novatione IV. Mutuo consensu.

A D P R I N C I P I U M.

Primus Modus solvendae obligationis, est Solutio. Vox solutionis modo latius, modo strictius sumitur. Latius accepta significat quamcumque satisfactionem legitimam, & liberationem debitoris, sive ea per acceptilationem, & ultroneam remissionem Creditoris: sive per delegationem alterius debitoris; sive per quemcumque alium modum fiat, l. 54. ff. de Solut. l. 176. ff. de V. S. strictius

tius sumpta denotat eam tantum satisfactionem, quæ contingit per veram debiti præstationem, quo in sensu solutio accuratè definitur, quod sit ejus, quod debetur, *realis, legitimè facta, præstatio*. Harp. n. 6. sive, est *actualis & naturalis pecunia, vel alterius rei debite adnumeratio, præstatio*. Manz. n. 2. Et, cum hæc materia frequens sit, & perquam utilis, ideò paulo uberius discutienda, quod commodè sic fieri poterit, ut I. videamus, quid, & quantum solvendum sit? II. qua forma? III. à quo? IV. cui? & V. quis sit effectus Solutionis?

Primum proinde quod attinet, dico, quòd id solvendum sit, quod debetur; invito enim Creditori aliud pro alio solvi non potest, l. 2. §. 1. ff. de R. C. Ut, si cui debeatur pretium, vel pecunia, ei nolenti species, vel corpus (puta, equus, fundus, domus, poculum, &c.) solvi nequit, cum aliud sit res, aliud pretium, l. 1. ff. de rer. permut. l. 88 ff. de V. S. quò facit illud Seneca: æquissima (inquit) vox est, & Jus gentium præferens, redde quod debes. Harp. n. 7. P. König. de solut. n. 15.

Quæres, num totum quod debetur, solvendum sit? an verò particularis solutio invito Creditori fieri possit? R. particularem solutionem invito creditori fieri non posse. Ita Harp. n. 146. tit. quib. mod. re contrah. oblig. ad Princip. Manz. n. 7. hic. Fach. lib. 10. cap. 59. fusè Bachov. ad Treutl. vol. 2. disp. 29. tb. 2. lit. B. Engel de solut. n. 4. König. ibid. n. 21. Gomez. var. Resolut. lib. 2. cap. 10. n. 5. Gail. lib. 2. observat. 19. n. 7. Et hæc Sententia adeò vera, adeò frequens, adeò iusta est, ut capere nequeam, quæ tenebræ Humii mentem, ingeniumque obfuscaverint? ut in suis var. resolut. lib. 3. tract. 3. part. 1. quest. 11. se rebel-

lem exhibeat, fundamentis instructus adeò *frivolis*, ut risum potius, quàm solutionis *nisum* mereantur.

Probatur autem nostra Sententia ex regula universali, quòd aliud pro alio creditori solvi non possit d. l. 2. §. 1. ff. de R. C. & alteri per alterum iniqua conditio inferri non debeat, l. 155. de R. J. at creditori, si particularem solutionem recipere teneretur, inferretur iniqua conditio, quia particularis solutio (Teste ipso J. Cto in l. 3. ff. fam. hercis.) maxima, & plurima damna secum trahit; eò quòd pecunia, minutim accepta faciliè consumatur, aut dispergatur.

Roboratur hæc Sententia ex validiss. text. l. 41. §. 1. ff. de Usur. Ubi queritur, an Lucius Titius, qui debitor erat 100. fl. & usurarum aliquanti temporis; cum obsignaverit, & apud Judicem deposuerit minorem pecuniæ summam, quàm debebat; an (inquam) saltem respectu quantitatis, & summæ depositæ usurarum cursus retardetur? & Respond. negativè hunc in modum: si non hac lege mutua pecunia data est, ut liceret, & particulatim, quod acceptum est, exsolvere, non retardari totius debiti usurarum præstationem. Jam aures præbe, nunquid depositio pecuniæ debitæ cæteroquin tantum operatur, quantum solutio; at depositio partis non liberat debitorem; ergò neque solutio partis.

Hæc tamen Sententia suas etiam patitur Exceptiones, in quibus solutione argumentorum adversantium, veluti speculo, relucet. I. Si Creditor ultrò admittat particularem solutionem, quòd refertur §. 1. Inst. quib. mod. re contrah. oblig. Ubi in hæc verba rescribitur: quod debetur, pro parte rectè solvitur (intellige, creditori volenti) non etiam invito.

II. Si



II. Si aliter in debitorem, & creditorem conventum sit *d. l. 41. §. 1. ff. de Usur.* Hoc autem, conventum esse, præsumitur si solutio promissa sit in duobus locis copulativè, v. g. *Ephesi, & Capua. l. 1. §. 4. ff. de eo, quod cert. loc.*

III. Si favor libertatis hoc suadeat, quò pertinet *l. 4. §. 6. ff. de stat. liber.*

IV. Si tantum per partes creditum sit, tunc enim etiam per partes rectè solvitur, quia obligatio non eo modo distrahi potest, quo contracta est, *l. 25. de R. J. de qua tamen exceptione vehementer dubito.*

V. Si ex diversis causis debeatur, v. g. 100. ex mutuo, 100. ex empto, &c. tunc enim, cum diversa sint debita, unum sine altero potest exsolvi, etiam invito Creditori, *l. 1. Cod. de solut. Engel. loc. cit. & Konig. n. 22. Harp. n. 183.*

VI. & ultimò, si debitum ex una parte sit liquidum, vel confessatum, non ex alia, tunc enim Creditor cogitur, accipere partem liquidam, aut confessatam debiti, donec de altera parte constet, utrum verè debita sit, nec ne? *arg. l. 21. ff. de R. C. & l. 8. ff. si pars. hered. petat. Brunnem. in l. 9. Cod. de solut. plura argumenta contraria enodat. Harp. loc. cit.*

4 Vidimus, quid & quantum solvendum sit? sequitur de forma solutionis, quæ in eo potissimum consistit, ut solutio fiat legitime tempore, loco, modo, & causa. De quibus in ordine.

Tempus quod attinet, illud metiendum venit ex qualitate obligationis, hæc enim vel est pura, vel est conditionalis, vel in diem. Si obligatio est pura, neque diem, neque conditionem habens, debitor confestimolvere tenetur, *§. 2. Inst. de V. O. l. 14. ff. de R. J.* Ratio, quia in obligatione pura statim cedit, & venit dies, *l. 23. ff. de V. S. Harp. Sn. 7.*

Sanè, dicta cum grano salis intelligas, necesse est; non enim eodem mox die, qua mutuum accepisti, ejus solutio facienda; sed tempus aliquod pro solutione arbitrio Judicis assignari debet, *l. 105. ff. de solut.* Ratio, quia alias tales contractus elusorii redderentur. *Engel. n. 6.* Si obligatio est conditionalis, solutio facienda est, conditione existente, quia tunc primum cedit, & venit dies, conditionalia enim ab existentia conditionis pendent. *Confer. §. 4. Inst. de Verb. Oblig.* Unde, quod ante existentiam conditionis solutum est, quasi indebitum repeti potest, *l. 16. l. 18. l. 48. ff. de conduct. indebit. Harp. n. 16.*

Sanè, si debitum sit in diem contractum, puto ante diei adventum solutionem fieri posse. ratio, quia in favorem debitoris adjectus esse, censetur, cui proinde renunciare non prohibetur, *l. 38. §. 16. l. 137. §. 2. 2. ff. de V. O.* secus est, si dies in favorem, & commodum creditoris adjectus sit, *l. 15. ff. de annuis legat. Zoës. ff. de solut. n. 31. Harp. ad princ. Inst. Quib. mod. re contrah. oblig. n. 101. Engel. de solut. n. 6.*

Locum quod attinet, res ope distinctionis dirimenda. Vel enim certus locus solutioni adjectus est, vel non. Si certus locus solutioni adjectus sit, solvi debet in loco convento, *l. 9. ff. de eo, quod cert. loc.* nec alibi à debitore peti potest, & si alibi creditor peteret locum plus petiisse, diceretur, *l. 2. §. Si quis ff. eod.* Quòd si debitor tergiversaretur ad locum, solutioni destinatum, venire, in alio etiam loco utiliter convenitur, *l. 1. ff. eod. Engel. n. 7. loc. cit.* Si certus locus solutioni adjectus non sit, tunc in loco contractus, aut domicilii solutio petenda. *Zoës. ff. de eo, quod cert. loc. n. 3. Harp. n. 18. hic.*

Modum

*Modum* quod attinet, is in eo versatur, ut perfectè, & plenè fiat solutio tam ratione rei solvendæ, quàm ipsius Juris transferendi. *Harp. num. 19.*

*Causam* quod attinet, debet solutio fieri ex illa causa, ex qua agitur, non ex alia. Hinc, si quis id, quod alterius causâ, solvere necesse habet, solvit nomine propriò nec se ipsum, nec alterum, pro quo solvere debuisset, liberat, *l. 17. ff. de solut. l. 72. ff. de Jure Dot. Harp. n. 23.*

*Egimus de forma solutionis; sequitur quis possit solvere?* Potest autem solvere

I. Ipse debitor, habens liberam rerum suarum administrationem: qui hanc non habet, se solo non rectè solvit, *l. 5. l. 17. Cod. de solut.* Ratio, quia solutio est species alienationis, unde pupilli, qui Tutores: & Minores, aut Prodigii, qui Curatores habent, solvere non possunt sine horum Authoritate, & consensu. *Konig. de solut. n. 4. Harp. n. 24.* Sed quid, si pupillus: vel minor de factò solverit? Vide §. ult. *Inst. Quib. alien. licet, &c.*

II. Solvere potest debitoris Procurator, & quidem non tantùm ille, cui solutio speciali Mandato commissa est sed etiam Procurator universalis, qui instructus est Mandato universali cum libera, *l. 58. l. 59. ff. de Procur. Konig. num. 5 Glettle part. 1. Select. Quæst. 27. sub n. 3.*

III. Non tantùm ipse debitor, sed quicumque alius pro ipso, etiam ignorante, vel invito, solvere potest; atque ita eundem ipso Jure à debito liberare, *text. hic. in princ. l. 23. l. 40. l. 53. ff. de solut.* non enim interest Creditoris, à quo recipiat suum, modò recipiat. *Manz. n. 24. hic.* Ratio alia, quia naturalis simul, & Civilis ratio suadet, alienam conditionem meliorem quidem (etiam ignorantis, & inviti) nos facere

posse; deteriore non posse, *Konig. loc. cit. num. 6.* Id tamen observandum est; quod, qui solvit pro debitore sciente, ac volente, Actione Mandati, *l. 6. §. 2. ff. Mand.* qui pro ignorante actione Negotiorum gestorum, totum ab eo, pro quo solvit, repetere possit, *l. 43. ff. de Negot. gest.* Ille verò, qui pro debitore invito, vel contradicente solvit, careat omni actione, eò, quòd animo donandi alium deobligasse, videatur, *l. fin. Cod. de Negot. gest. Zoef. ff. de solut. n. 4. Konig, n. 6. Manz. n. 29. hic.*

*Dices:* Invito non detur beneficium, *l. 156. ff. de R. J.* ergò pro invito solutio fieri non potest. *Resp. antecedens* procedere, si respiciatur illius, cui beneficium confertur, solus favor; hic autem concurrat etiam interesse tertii, puta, Creditoris, *Harp. n. 38 Schamb. hic.*

*Discussimus, qui possint solvere? sequitur, cui possit solvi? Rectè autem solvitur*

I. Ipsi Creditori, qui rerum suarum habet administrationem, & quidem volenti, & invito, vel certè, si creditor solutionem, debito loco, & tempore factam, recipere nolit, poterit debitor eas pecunias Magistratui consignare, & ita debitore principali, & ab usuris imposterum liberatus erit, *l. 9. Cod. de solut. & ibi Brunnem.*

II. Quod si Creditor rerum suarum administrationem non habeat, rectè ipsius tutori, vel Curatori solvitur, *l. 14. ff. h. t.* rectius tamen, & cautius Decretum, Authoritasque Judicis adhibetur; tunc enim debitor plenissimam liberationem consequitur, adeò, ut nec beneficium restitutionis in integrum locum habeat, utcumque pecunia soluta malè pereat; cum aliàs Pupilli, & Minorennnes ex causa etiam contra solutionem, sibi cum Authoritate Tutoris, &

& Curatoris ; vel ipsi tutori ; aut curatori factam , restitutionem in integrum petere possint , §. ult. *Inst. quib. alien. licet. vel non* & l. 1. *Cod. si advers. solut. Konig. n. 11. de solut. Harp. n. 46. ubi latè hac de re discurret.*

III. Rectè solvitur Procuratori creditoris , speciale , vel generale Mandatum habenti. *Harp. n. 60.*

*Effectus* Solutionis est , quòd per eam omnis obligatio , sive ea sit naturalis , sive civilis ; sive re sit contracta ; sive verbis , sive consensu , sive denique sit principalis , sive accessoria , ( ut *usuraria* , & *fide-jussoria* ) ipso Jure perimatur. Si igitur debitor solverit , non solum ipse liberatur , sed & fide-jussor , item pignora , & hypothecæ , l. 43. ff. *de solut.* è contra , si solverit fide-jussor , etiam reus obligatione creditoris liberatur , *text. hic.* Dico *Creditoris* , quia debitor fide-jussori manet obligatus , §. 6. *sup. de fide-juss.* *Harp. n. 67.*

*Quæres IV.* In quale debitum solutio imputetur , si , ex pluribus causis obligatus , aliquam summam solvat , nihil exprimens , quam causam , seu debitum velit dissolvere ?

*Resp.* Interesse , an debita sint paria , an disparia ; si debita sint disparia , ( fortè quòd alia sint sub hypotheca , alia sine hypotheca ; alia sub usuris ; alia sine istis ; alia sub pœna , alia sine pœna ) tunc semper , in duriorem causam solutio facta esse intelligitur , l. 1. l. 3. l. 97. l. 103. ff. *de solut.* cum enim tali casu in potestate debitoris sit , liberè determinare , in quodnam debitum velit solutionem imputare , l. 1. *Cod. eod.* semper in dubio præsumitur , facere id , quod sibi utilius est. *Konig. n. 31. Engel. n. 5.* Si debita sint cuncta paria , ex omnibus Summis , pro portione solutum , videbitur , l. 8. ff. *de solut.* *Harp. n. 70.*

*Dicta* procedunt , si utrumque debi-  
*Kees ad Instituta.*

tum sit *principale* , nam , si alterum sit *accessorium* ( puta , si debeat aliquis mille ex Mutuo , & quingentos ex usuris , quas decem annis non solvit ) si offerat quingentos ; tali casu censetur debitor solvere usuras , non capitale ; quamvis enim debitori utilius foret , talem pecuniam ex capitali deducere , quando quidem hoc modo minuerentur usuræ , cum usuræ usurarum non debeantur , attamen de Jure quia in tali casu non est in potestate debitoris , sed Creditoris , in quam summam velit imputare , cum creditor justè possit petere , solvi prius usuras , quàm capitale , ideo non censetur id actum , quod debitori , sed quod Creditori utilius est , l. 5. §. 3. ff. *de solut. l. 1. Cod. eod. P. Konig. eod. n. 31.* & ista de Solutione te satient ; reliqua quæ hoc titulo occurrunt , parum utilitatis habent.

#### §. I T E M I.

Secundus modus , & quidem Juris civilis , obligationem tollendi , est *Acceptilatio* , dicta à verbo *acceptum* , & supino *latum* , desumpta denominatione à forma , sub qua fit ; quæ est imaginaria solutio ; seu ( ut clariùs loquar ) quæ est *conceptio verborum quibus interrogatus creditor , debitore congruè , & incontinenti respondet , se id , quod sibi debetur , acceptum ferre* , l. 1. ff. *h. t.*

Dixi : esse modum tollendi obligationem , à Jure civili inductum , l. *pen. ff. de solut.* ex quo sequitur , per eam obligationes alias , quàm ex contractu , Jure civili introducto , provenientes , & verbis contractas , qualis est stipulatio , tolli non posse. Fit autem ista acceptilatio per interrogationem , & responsionem , v. g. *acceptosne fers 100. Solidos , quos tibi debeo ; si Creditor respondeat , acceptos fero* , sublata est omnis obligatio , *Schamb. hic.*

Z z z

§. Est

## §. EST AUTEM. 2.

Dictum, quod per acceptilationem nulla alia, quam verborum obligatio, tolli potuerit. Verum, cum utile foret, ut & aliæ obligationes hoc modo tollerentur; ideo *Aquilius* hunc modum præscribit, ut prius illa obligatio in stipulationem transfundatur, & ubi transfusa fuerit, postea per acceptilationem tollatur. In *Exemplo*: debes mihi 100. ex Mutuo. Hanc obligationem realem transfero in stipulationem, hoc modo: promittisne illos 100. quos mihi ex Mutuo debes? si respondeas: Promitto. Sic teneris mihi ex stipulatione, si jam ex postfacto me interroges, acceptosne fers illos 100. & ego respondeam, acceptos fero. Ipso jure sublata est obligatio. *Perez. Inst. hic.*

## §. PRÆTEREA. 3.

Tertius *modus* tollendæ obligationis, est *Novatio*, quæ nihil est aliud quam prioris obligationis in aliam obligationem transfusio, atque translatio, *l. 1. ff. de novat.* Fit duobus modis. I. cum mutatur, & novatur persona debitoris. In *exemplo*: Sejus mihi debet ex Mutuo: quoniam verò timeo, ipsum mihi satisfacere nolle, accedo Titium, ejus amicum, & in hunc modum interrogo: Titii, promittisne solvere illos centum, quos mihi Sejus debet? si respondeat: promitto, solvitur obligatio, quoad Sejum; & nova constituitur quoad Titium. Vides modò quare hæc promissio dicatur novatio? quia videlicet novatur persona debitoris; siue novus constituitur debitor. *Manz. n. 5.* Illud non refert, quænam præcesserit obligatio, naturalis, aut civilis, siue re, siue litteris, siue verbis, siue consensu contracta; omnis enim obligatio verbis novari potest,

*l. 1. §. fin. ff. de novat.* Non solum Juris civilis obligatio, sed etiam Juris gentium. Et in hoc differt ab acceptilatione. Estque ratio diversitatis, quia natura acceptilationis est, radicitus tollere obligationem, quæ cum sit introducta à Jure civili, non potest tollere obligationes, causatas à Jure gentium; sed natura novationis est, non penitus, & radicitus obligationem tollere, sed illam potius in aliam transfundere; non nimirum proinde; si obligationes Juris gentium tollantur per novationem; non etiam acceptilationem, cum facilius aliquid transferatur in aliam speciem, quam in totum perimatur. *Schneid. num. 5.*

## AD VERS. ADEO.

*Dicta ampliantur*; ut etiam prior obligatio tollatur, & debitor liberetur; licet obligatio posterior sit nulla, v. g. si id, quod Sejus mihi debet, à Titio pupillo sine Tutoris sui Authoritate stipulatus sum, hoc in casu, etiam si maximè **II** promiserit; tamen posterior obligatio in persona pupilli vana, inutilis est, quia pupillus absque consensu, & Authoritate tutoris sic obligari non potest. *Manz. n. 15.* Ratio autem, quare liberetur prior debitor, est, quia actus eò modò valere debet, quo potest. *l. 80. ff. de V. O.* & si id, quod ago, non valeat, ut ago; valeat saltem, ut valere potest. Neque ea propter mihi creitori fit injuria. Nam, vel scivi, pupillum obligari, vel nescivi; si scivi, mihi imputare debeo, quòd cum eo novatione usus sim. Si nescivi, non excusor, quia est ignorantia Juris, quæ neminem excusat. Si denique errabam in facto, & putabam, eum esse adultum, adhuc non sum excusatus, quia, qui contrahit cum alio, ejus conditionem ignorare non debet, *l. 19. ff. de R. J. Manz. n. 17.*

*Dices:*



*Dices* : Si servus , pro debitore se soluturum , spondeat , non fit novatio ; ergò neque , si pupillus promittat. *Resp. neg. conseq.* quia Servus personam non habet , l. 32. ff. de R. J. debet autem subesse persona , ut novatio fiat. *Schamb. hic.* Ratio alia , quia , ut novatio teneat , requiritur , ut sequens obligatio teneat , vel naturaliter , vel civiliter. Servus autem naturaliter non obligatur , *Schneid. n. 6.*

*Clamabis* : ergò , cum in persona pupilli novatio fiat , sequitur , quòd pupillus ( naturaliter saltem ) obligetur , quod nos negavimus , *sup. tit. de Authorit. Tut. ad prin. Quest. 3. Vers. Resp.* Sed inanis est clamor , plus enim non sequitur , quàm , pupillum obligari naturaliter obligatione ficta , non verà. *Vid. loc. cit. & Glette ibi alleg. n. 7.*

AD VERS. SED , SI EADBM.

Secundò fit Novatio , quando eadem persona , quæ prius obligata erit , manet obligata , adeòque quando non mutatur persona , sed causa debendi , v. g. si , quod Titius mihi debet ex causa Mutui , deducam in Stipulationem. Vel , si in <sup>12</sup>posteriori obligatione , ejusdem generis , quid novi sit , die , conditione , jure jussore adjectis , aut detractis , v. g. si mihi prius promiseris 100. fl. in Festo S. Michaelis solvendo & obligas te mihi nunc in præsens , &c. *Perez. hic.*

AD VERS. QUOD AUTEM.

Si obligationi puræ per Novationem Conditio adjiciatur , talis Novatio non prius perficitur , quàm conditio extiterit. *Ratio* , quia conditionalis ex eventu conditionis pendet , *cap. 5. de condit. appof.* Quòd si conditio defecerit , novatio nihil valet , & Prior obligatio inconcussa manet. Non enim præstat impedimentum , quod de Jure non sortitur effectum , l. Non præstat. ff. de R. J. acta

autem sub conditione non sortiuntur effectum , nisi conditio evenerit , l. 213. ff. eod. *Manz. n. 30.*

Ex dictis facile colliges , quæ sint Novationis requisita ? Nimirum requiritur I. quòd sequens obligatio teneat , aut civiliter , aut saltem naturaliter. Si neutro modo tenet , vacillat , & inutilis est novatio , l. 1. §. 1. ff. de novat. II. ut fiat per stipulationem , *text. hic.* Nam , quando qui nudo pacto constituit , se solu- <sup>13</sup>turum , quod alius debet : non fit novatio , sed constitutum per quod non liberatur prior debitor , sed novus debitor priori obligationi adjicitur , quæ tamen prior obligatio in suo vigore permanet , l. 28. ff. de const. pec. *Manz. n. 10.* III. animus novandi : Circa quem secernendum Jus vetus à Jure novo. Jure veteri animus novandi ex variis conjecturis desumebatur , *text. hic.* Jure autem novo non aliter novatio inducitur , quàm , si partes nominatim , & expressè profiteantur , quòd animum novandi habeant. *Schneid. n. 8.*

Porro , cum delegatio sit species novationis , & magnam cum ea affinitatem habeat , ideò volumus etiam aliquid de ejus natura discerere. Delegare autem nihil est aliud , quàm vice suà alium rem creditori dare , quod fit tunc , quando quis mandat debitori suo , ut pro eo solvat creditori ejus , ita , ne creditor con- <sup>14</sup>sensiat , ac debitor per solennem stipulationem ei debitum promittat. *Wann einer seinem Glaubiger seinen Schuldner anweist.* v. g. debeo tibi 100. & , vice versa , 100. mihi debet Titius. Ego Titii personam pro me tibi delego , cui & tu acquiescis , & Titius promittat solutionem. Requiritur autem I. ad delegationem , ut consentiat creditor meus , l. 16. Cod. de Solut. Ratio , quia invitus nemo cogitur mutare debitorem suum , etiam si magis idoneus offeratur , l. 45.

Z z z 2

§. Item

§. item si ff. Mand. II. ut consentiat debitor meus. Ratio, quia nova obligatio confurgit; invitus autem nemo obligatur. In hoc differt delegatio à cessione, & Venditione nominis debitoris. *Wann einer einen Schuld-Brieff dem andern verkauft; oder seine Schuld einem andern ubergibet.* Et in tali Cessione, aut venditione non requiritur consensus debitoris; sed venditio; & Cessio (etiam ignorante, & invito debitore meo) fit. Ratio differentiae, quia in Cessione, & Venditione non fit nova obligatio, adeoque novus consensus non requiritur; sed tantummodo solutio, & exactio veteris debiti alteri mandatur. *Schamb hic v. Queres. Manz. n. 8.* ubi infert, quod pro abundanti cautela hodie instrumentis talis clausula adjungi solet: promitto solvere creditori, ejus hæredibus, & omnibus justis, sine legitimis possessoribus hujus Chirographi, *allen echtmässigen Inn-haberen dieses Brieffes.*

#### §. HOC AMPLIUS 4. ET ULT.

Quartus modus, tollendæ obligationis, est, *contraria voluntas*, seu *dissensus*, nihil enim est tam naturale, quam unum quodque eodem modo dissolvi, quo colligatum est, l. 35. ff. de R. J. Ad hoc tamen, ut hæc conclusio procedat, requiritur, quod res sit integra. Unde: si vendita est res eaque tradita, sicut pretium solutum est, non potest simpliciter contrariâ voluntate recedi à contractu emptionis; nisi interveniat actus, priori similis, ita ut pretium restituatur, & ultra dissensum res vendita retro tradatur. Estque ratio in, d. l. nihil damnatur. 35. posita. *Schneid. n. 2.* Ex quo sequitur, quod aliæ obligationes, quæ solò consensu non contrahuntur, sed re ut *mutuum*, vel *Verbis*, ut *Stipulatio*, sola contrariâ vo-

luntate non tollantur; sed debeat intervenire actus, retro similis priori, v. g. in *Mutuo* retro traditio in stipulatione, ut obligatio in *Aquilianam* stipulationem transferatur; *ibid.* Sunt præterea præter recensitos, obligationes dissolvendi, modos aliqui alii, de quibus *breviter.*


I. Est *compensatio*, quæ est, *debiti & crediti inter se contributio*, de hac specie agemus *infra* §. 30 de Act.

II. Modus est *Confusio*, si v. g. debitor suo creditori; vel Creditor suo debitori hæres existat, tunc enim confunduntur ipsorum bona, & Jura, & dissolvuntur eorum obligationes. Ratio, quia hæres & defunctus censentur una eademque persona, & nemo potest sibi ipsi debere, §. 15. *Inst. de act.*

III. Modus est *Interitus rei debite*, si enim res in specie fuit debita, nocet interitus creditoris, l. 23. ff. de V. O. & §. 3. *Inst. de Empt. & vend.*

IV. Modus est *oblatio realis rei debite cum depositione, in loco debito*, puta, *judicio*, l. 9. *Cod. de solut. Schneid. hic. n. 1.* Dico, *realis*, quia verbalis, quando quis dicit, se paratum esse solvere, non sufficit; nec sistit usurarum cursum. *Schneid. ibi.*

V. Modus est *Redditio Chirographi*. Nam creditor, restituendo debitori Chirographum, videtur facere pactum de non petendo, l. 2. ff. de Pact. Secus est in restitutione pignoris, quia creditor, restituendo pignus, non videtur remittere debitum. Ratio differentiae, quia *Restitutio Instrumenti* non potest importare aliam *Commoditatem*, quam *Remissionem debiti*, quod secus est in pignore. *Schneid. n. 19. hic.* ex eo tamen non præsumitur liberatus debitor, quod instrumentum apud ipsum reperiatur, sed debet instrumenti redditum probare, nisi sit persona talis, quæ non est domestica, l. 24. ff. de probat. *Schneid. loc. cit. in fin.*



# INSTITUTIONUM IMPERIALIUM

## LIBER IV.

### TITULUS PRIMUS

DE

### OBLIGATIONIBUS, QUE EX DELICTO NASCUNTUR.

#### SUMMARIA

- |   |   |
|---|---|
| 1 Qualis oriatur Obligatio ex Delictis?   | 14 Furti pena Jure Austriaco.                                     |
| 2 Quotuplicia sint Delicta?   | 15 Si Fur, rupto laqueo, decidat, an liberetur?                   |
| 3. 4. 5 Actiones penales quando transeant ad Hæredes, vel quando non transeant? | 16 Judeus an à Collo, an à Pede suspendi debeat?                  |
| 6 Definitur Furtum.   | 17 Usus, & Possessionis quomodo committatur Furtum?               |
| 7. 8. 9 10 & 11. Explicatur Definitio.  | 18 Liberi Hominis quomodo committatur Furtum?                     |
| 12 Etymologia Furti unde ducatur?   | 19 Item, quomodo rei sue?   |
| 13 Furtum aliud manifestum, aliud nec manifestum.                               | 20 Opem ferens, vel Consilium præbens ad Furtum quomodo puniatur? |
|   | 21 Filius an Patri dicatur Furtum facere?                         |

- 22 Cui competat Actio furti?  
 23 Creditori, ratione pignoris, an detur?  
 24 An fulloni?  
 25 An Depositario?  
 26 An contra impuberem competat?  
 27 Quid sit civiliter & quid criminaliter agere?

## AD PRINCIPIUM.

✱✱✱✱ Uandoquidem Ordine, &  
 ✱✱ recta Methodo nihil vel pul-  
 ✱✱ Q chrius est vel præclarius,  
 ✱✱✱✱ vel ad Usus accommodatius,  
 Teste Socrate (accuratus enim Ordo tum ad Rei, de qua agitur, Cognitionem & Intelligentiam quam plurimum conducit, tum Memoriam, cæteroquin labilem, l. 44. ff. de acquir. vel amitt. Poss. vehementer juvat, informatque (idcirco Imperator noster laudatissimus ipse Rationem subnectit, quare Libro IV. Materiam de Obligationibus ex Delictis subjiciat? ideò nimirum, quia omnis Obligatio descendit ex Contractu, vel Quasi-Contractu, ex Delicto, vel Quasi-Delicto. De iis, quæ ex Contractu, vel quasi tali descendunt in Libro III. dispeximus. Superest, ut de iis, quæ ex Delicto, vel quasi oriuntur, agamus. Differunt autem in eo, quòd illæ in quatuor genera dividantur, adeoque Re aut Verbis, aut Litteris, aut Consensu contrahantur; hæc verò unius generis sint, & omnes ex re; id est, ex ipso facto, sive delicto nascantur, *tex. hic. & in l. 4. ff. de O. & A. Harp. n. 10. hic.*

- I Q. I. qualis Obligatio ex Delictis oriatur? R. utramque oriri, naturalem, & civilem. De civili dubitandum non est, quoniam & nomina, & Pœnas Delictorum à Jure civili inventas esse, in confesso est, & Delicta puniri debere, omnes Leges statuunt l. 51: §. 2. ff. ad Leg. Aquil. l. 13. de Off. Praef. l. 3. Cod. de

Episc. præstant. Ipso deinde Seneca teste, sanctissimum Officium est, si fiat Justitia de criminosis; nec potest pinguior Victima mactari Deo, quam Homo sceleratus. Unde Judex Malefactorem non debet concedere Puellæ, petenti eum Maritum, l. Servos 8. Cod. ad l. Jul. de Vi publ. cum solus Princeps remittat Pœnam, l. 27. ff. de Pœn. Schneid. n. 3. hic. De naturali Obligatione, num hæc ex Delictis oriatur, major est dubitandi Ratio; tamen enim Delinquens in hoc consentiat, ut delictum fiat; non tamen in hoc consentire videtur, ut ex Maleficio obligetur. Verum unò ore DD. statuunt; ex delictis etiam naturalem Obligationem oriri. Jure enim naturali ut quis obligetur, non semper Consensu opus est, cum sufficiat, quòd naturalis æquitas id statuatur. Sic, qui Beneficium accepit, naturali Æquitate ad benefaciendum obligatur; licet in hoc, ut obligetur consensum non sit, l. 25. Consistit. ff. de petit. Hæred. Quinimò, quis delinquendo se ad pœnam delicto prædestitutam, obligare intelligitur, eò quòd, cum Antecedens voluerit, Consequens simul etiam voluisse, censeatur, l. 34. ff. de Jure Fisci. Non proinde attenditur, consensus in Obligationem ex Delicto adfit, nec ne. Sufficit enim quandoque ad hoc, ut Obligatio naturalis confurgat, quòd naturalis Æquitas id suadeat, prout in nostro casu suadet, ut Delicta puniantur, ne Societas humana turbetur, l. 70. §. 5. ff. de Fidejuss. ubi dicitur: Pœnas ob Maleficia solvi, magna ratio suadet. Accedit, quòd naturalis Obligatio ex Sententia condemnatoria oriatur, licet Condemnatus non consentiat. Judicium enim in Invitum redditur, l. 83. §. 1. ff. de V. O. ex illa scilicet Æquitate naturali, quæ vult, Magistratibus obtemperandum esse l. 2. ff. de



*ff. de J. & J. Anima. Exerci. 17. ib. 1. Schneid. hic. Harp. n. 11.*

2 Visò qualis Obligatio nascatur ex Delictis, sequitur, quòturpius sit Delictum? sunt autem duplicia, publi- & privata. Publica sunt, quæ ipsi de Legi publicè sunt affecta. Quæ sunt, Crimen in lege Mæstatis, Parricidium, Hæcicidium, Adulterium, Falsum &c. quibus Tit. 18. hoc lib. Privata dicuntur, quorum Persecutio privata duntaxat Persona cuius interest, conceditur. Id genus hic quatuor enumerantur, puta, Factum Rapi- na, Injuria, Damnum &c. Porò, priusquam ad Expositionem horum quatuor Delictorum descendamus, pro pleniori huius materie Intellectu aliquot Principia notanda, duxi.

3 I. Est, Actiones pœnales, ex delictis defuncti descendentes, adversus hæredes, & ceteros successores, non competunt, l. 38. ff. de R. J. pœnâ (inquit) ex delicto hæres teneri non debet, l. 20. ff. de Pen. si pœna alicui irrogatur, receptum est, ne ad hæredes transeat. Id ipsum confirmatur ex Jure Divino. Non occidetur parentes pro filiis, nec filii pro parentibus; sed unusquisque pro peccato suo moriatur. Estque ratio, quia pœna constituitur in emendationem delinquentis, quia, si moriatur, meritò pœna, utpote quæ suos duntaxat Authores sequitur, l. 26. ff. de Pen. delinit, præcipue, quia delicta morte delinquentis extinguuntur, l. 5. ff. de Calum. Harp. num. 14.

Limitatur I. I. prædicta regula: nisi his cum defuncto contestatus fuerit, l. 139. l. 164. ff. de R. J. l. 26. ff. de Pen. l. 22. Cod. eod. estque ratio, quòd per litis contestationem defunctus quasi contraxerit: sicut ergò debitum ex vero contractu ad hæredem transit, ita id, quòd per litis contestationem quasi contractum est, ad eos transmittitur, qualiscum-

que ergò sit actio, si re pœnalis, si re persecutoria, si re mixta, per litis contestationem continuatur ad hæredes. Hum. var. resol. lib. 4. part. 6. Quest. in fine, quòd intelligendum de delictis duntaxat privatis. Brunnem. in l. un. Cod. de delict.

Limitatur II. nisi ad hæredes quid pervenerit, hoc enim casu ex delicto defuncti hæres tenetur, l. 38. ff. de R. J. & l. un. Cod. ex Delict. Desinit in quant. hered. conven. quòd non tantum in privatis, sed & publicis delictis procedit. Brunnem. in d. l. un. estque ratio, quia turpia lucra etiam ab hæredibus extorquenda sunt, l. 5. ff. de Calumniat. Harp. n. 16. Ex his à contrario infertur, si nihil ad hæredes pervenerit, quòd ex delicto defuncti non teneantur hæredes. Verum, hoc ipsum

Limitatur, ut procedat de Jure civili, non verò de Jure Canonico, de hoc enim Jure hæres tenetur pro viribus hæreditariis ad exonerandam defuncti conscientiam, etiam si nihil ad eum pervenerit, cap. ult. de sepult. cap. in litteris 5. de rapt. cap. tua 9. de usur. Gomez. var. resol. tom. 3. cap. 1. n. 85. Covar. lib. 3. var. ref. cap. 3. n. 7. Brunnem. in d. l. un. Zoës. ad Jus Canon. de sepult. n. 11. Unde aliquod. notabile sequitur; puta, quòd si quis stupraverit virginem, & decedat ante litem motam, non poterit talis delibata virgo agere contra hæredes pro damno, & interesse de Jure civili, secus de Jure Canonico, de quo hæres pro viribus hæreditariis tenetur exonerare conscientiam defuncti. Gomez. l. cit. n. 84. in fine.

Secundum axioma est: nunquam plura delicta concurrentia faciunt, ut unius impunitas detur. Qui igitur hominem surripuit, & occidit, quia surripuit, furti, quia occidit, legis Aquilæ actione tenetur,

tenetur, neque una harum actionum alteram consumit, *l. 27. ff. ad leg. Aquil. l. 2. ff. de privat. delict. Harp. non. 34.*

- 5 Tertium principium est, quod ex quocunque maleficio, sive privato, sive publico duplex Judicium nascatur, & agatur vel *civiliter*, vel *criminaliter*. Civiliter quis agere dicitur, quando illud, quod petitur, est parti applicandum, licet sit poena, & ex delicto agatur. Quando verò ad poenam, Fisco applicandam, agitur, licet sit poena pecuniaria, criminaliter agi dicitur. *Schneid. n. 8. hic. aliter explicat Manz. de injuriis. §. 10. ubi ait, quod is dicatur criminaliter agere, qui petit, ut reus puniatur ex arbitrio Judicis corporaliter, vel, ut poena Fisco inferatur, Gail. 1. Obs. 65. n. 2. Illud tamen non ignorandum, quod una harum actio consumat alteram, l. 56. §. 1. ff. de Furt. estque ratio, quod nemo debeat ob idem crimen duplici poena affici, l. 14. ff. de Accusat. & cum utraque actio & civilis, & criminalis ad poenam, & vindictam tendat, Juris autem sit, quod si plures actiones ad idem concurrant, una tantum experiri possit, rectè asseritur, quod una alteram absumat. Ita Gail. d. loc. Harp. n. 43. hic. Humm. ad Treutl. vol. 2. disp. 30. Quest. 17. Manz. 10. §. Inst. de injuriis n. 7.*

Dissentit Gomez. var. resol. tom. 3. cap. 5. n. 4. & quidem I. per *l. ult. ff. de furt.* ubi, postquam decisum, quod quis criminaliter ex furto agere possit, hæc verba subjiciuntur: *non ideo tamen minus, si quis velit, poterit civiliter agere; sed R. Jutis Consultum non velle, ut simul, & semel, sive cumulative, de furto agi possit, sed alternativè, ut sensus sit, quod quis non tantum criminaliter, sed civiliter ex furto agere possit. Harp. d. loc.*

II. per *Auth. sed novo Jure Cod. de serv. fugit.* sed R. quod ista constitutio de latrone specialiter concepta sit. His in antecessum præmissis, subintrat

### §. FURTUM. I.

Definitur furtum, quod sit *contrectatio fraudulosa, lucri faciendi gratia, vel ipsius rei vel etiam usus, possessionive, quod lege naturali prohibitum est admittere, text. hic. adde: invito Domino, facta.*

Dicitur I. *Contrectatio*, id est, rei alienae ablatio, sive amotio de loco ad locum.

Unde sequitur I. Si quis ingrediatur in domum alienam animò furandi, quod fur non sit, nec furti poenâ affici debeat: ratio, quia non contrectavit aliquid aut de loco ad locum amovit: ratio alia, quia delicta de assumpto actu, & subsequuto eventu intelligenda sunt, non secundum propositum tantum, *l. 225. ff. de V. S. nam propositum, in mente retentum nihil operatur, l. 7. Cod. de condict. ob caus.* Ratio, quare poenâ furti affici non debeat, est; quia cogitationis poenam nemo patitur, *l. 18. ff. de Pen.* quia tamen talis ingressus est mali exempli, ideo talis, saltem extra ordinem, puniendus. *Manz. n. 6. Illud tamen certum est, à tali committi furtum Theologicum; sive in foro poli, de quo sola animi intentio ad tribunal vocatur, Exod. cap. 20. v. 17. Harp. n. 5. Sanè, licet subinde res de loco ad locum non amoveatur, tamen committitur furtum: sic, licet debitor non auferat instrumentum, sed tantum inter deleverit, furtum tamen committit, amovisse enim videtur, qui corrumpit, l. 27. in fine ff. de furt. Schneid. hic. n. 2.*

Sequitur II. *rerum immobilium* furtum non committi, quia moveri de loco in locum non possunt. *Perez. Inst. hic.*

Sequitur

Sequitur III. quod inficiendo depositum, quis furtum non committit: ratio, quia non Inficiatio sed Contrectatio furtum ponit; licet talis inficiatio propè furtum sit, ut ait, *l. 67. ff. de furt. Manz. n. 7.*

8 Dicitur II. *Fraudulosa*, furtum enim sine dolo malo non fit, *l. 50. §. 2. ff. eod.* unde, si quis rem alienam auferat, putans suam esse, furtum non facit. *§. 7. l. ff. h. t.*

9 Dicitur III. *lucrifaciendi causa* unde, si quis rem absque lucris animo auferat (v. g. *Vitruv.*) & frangat illam, non committit furtum; sed incidit in aliud delictum, quod vocatur damnum, injuria datum, vindicatur ex *Leg. Aquilia*. Sic & is furti non tenetur, qui libidinis causa, alienam Ancillam meretricem rapit: qui tabulas testamenti, aut alia instrumenta, occultandæ veritatis causa, amovet, *l. 39. ff. de furt. l. 27. ff. eod.* talis enim plagium, *l. 43. §. 4. ff. eod.* & crimen falsi committere dicitur, *l. 16. ff. ad leg. Corneli. de fals. Harp. n. 24. Et num. 25. Manz. n. 14.* Maleficia enim propositum, & voluntas delinquentis distinguit, *l. 53. ff. de furt.*

10 Dicitur IV. *vel ipsius rei* (puta, *corporalis*) incorporeales enim res, cum tangi non possint, furtum non ponunt, ob sui ablationem. *Mobilis*, quia immobiles objectum furti non constituunt. *Aliena*, rei enim suæ furtum non committitur.

Dicitur V. *vel usus ejus*, potest enim fieri furtum usus. Sic depositarius utens re deposita, creditor re oppigneratâ, commodatarius aliter re commodata, quam conventum est, id si faciant, deponente debitore, & commodante invito, furtum committunt, *§. 6. h. t. Schamb. hic.*

Dicitur VI. *Possessionis re*: sic si debitor rem oppigneratam Creditori auferat, *Kees, ad Instituta*

rat, cum possessio debitoris non sit, furtum committit, *§. 10. l. ff. h. t.*

Dicitur VII. *quod lege naturali prohibitum est admitttere*. Ista verba ad sub-<sup>II</sup>stantiam definitionis parum videntur esse necessaria. Denotant tamen, furtum natura turpe esse, *l. 42. ff. de V. S.* quæ vult neminem debere cum alterius jacturâ locupletari, *cap. 48. de R. l. in 6.* unde etiam præceptum Decalogi sancit: *non furtum facies*.

Dices: si furtum esset natura turpe, esset, & fuisset apud omnes gentes prohibitum; atqui non fuit prohibitum apud Spartanos, Lacedæmonios, Ægyptios &c. furta enim impunita reliquerunt, ergo natura turpe furtum non videtur. R. ex perversa unius, vel alterius gentis natura non benè inferri, mutari Jus naturale. Eito proinde, furta apud nonnullos populos fuisse impunè relicta; exinde tamen male intuleris, & jus naturale illa concessisse; aut apud nos concessa esse, *Schamb. hic. Harp. n. 55.*

#### §. FURTUM AUTEM. 2.

Furti ethymon vel à furvo, id est, <sup>12</sup> nigro, trahitur, vel obscuro, quia plerumque clam, & obscurè, sive de nocte in tenebris fieri solet, tenebræ enim ad delinquendum sunt aptæ, *l. 1. §. 4. ff. de vent. inspic.* vel à fraude, quia sine fraude non committitur; vel à ferendo, id est, auferendo, quia in iis solummodo rebus locum habet, quæ de loco ad locum moveri possunt; quidquid sit, parum illi hæc inquisitio utilitatis habet.

#### §. FURTORUM. 3.

Furtum dividitur in *manifestum*, & <sup>13</sup> *non manifestum*. Illud dicitur, quando fur in ipso flagranti crimine deprehendi-

A a a a tur,

tur, veluti in loco, ubi maleficium commiserat, vel etiam in alio loco, publico, vel privato, antequam eo pervenerat, ubi destinavit, rem furtivam deponere, vel eo die manere cum furto, l. 4. ff. de furtis. Idem est, etiam si non apprehendatur: sed conspiciatur ab ipso Domino, vel etiam ab alio, & ei acclametur; licet, furtiva adjecta, aufugerit, l. 7. §. 1. ff. eod. Non manifestum vocatur, quando fur rem eo jam pertulit, quò perferre eo die destinaverit, vel, quando non apprehensus est, nec ei acclamatio facta, contrariorum enim est eadem disciplina, ita ut, cognito uno de contrariis, cognoscatur & alterum, text. hic. Illud certum est, quòd si Dominus furem viderit se autem occultaverit, ne à fure conspiciatur, fortè quia necem timuit, non dicatur fieri furtum manifestum, l. 7. §. 1. ff. h. t. Schneid. hic. n. 4.

#### §. CONCEPTUM. 4.

Erant olim adhuc quatuor alia furto-  
rum genera. Furtum *conceptum*, *ablatum*, *prohibitum*, & non *exhibitum*, de quibus vide, Manz. n. 9. hic. ubi testatur istas quatuor species furto-  
rum exolevisse. Illud tamen observa; quòd si constet, in domo quapiam furem latere, vel rem furtivam, sive indicia, circumstantiæ, aut fama sit, rem ibi occultatam esse, implorato Judicis officio nobili, Inquisitio fieri adhuc hodie possit, & soleat. Schamb. Manz. & Harp. hic. ita ut is, qui scienter rem furtivam suscipit, eamque cedat, actione furti nec manifesti teneatur, text. hic. & l. 14. Cod. de furt. qui verò furem celat, teneatur poena de receptatoribus, l. 48. §. Qui furem ff. de furt. Schneid. n. 5.

#### §. P O E N A. 5.

Variae olim poenæ fures sequebantur, postea tamen eo deventum, ut poena manifesti furti quadrupli esset, poena autem nec manifesti dupli, ita ut quadruplo vel duplo æstimatio rei furtivæ non insit, ut ecce: abstulit mihi quis argenteum Scyphum valentem 20. fl. si clam furtum intulit præter Scyphum tenetur 40. fl. Sin palam 80. fl. restituere. Ratio porrò hujus poenæ dari non potest quia poenarum constitutio Juris est constituti non recepti, & poenæ omnes Principi sunt arbitrariæ. Manz. n. 5.

Hodie furti manifesti, & nec manifesti ratio differentiae vix ulla habetur. Fridericus enim Imperator in §. fin. ut. de pace tenenda, & ejus violat. lib. 2. feud. tit. 27. constituit, ut furtum manifestum illud sit, sive nec manifestum, capitale foret, & quidem is, qui 5. solidos contrectavit, laqueo suspendatur; qui minus, scopis & forcipe excorietur, & tundatur.

Verum, & ista constitutio non amplius per omnia viget; sed non nihil reformata est à Carolo V. Imperatore in sua Constitutione penali (in der peynlichē Hals-Gerichts Ordnung,) ubi constituit, ut pro qualitate personarum, pro quantitate rerum ablatarum, pro frequentia contrectationum, & varietate aliarum circumstantiarum fures vel ad duplum, vel quadruplum, vel ad poenam carceris fustigationis, relegationis, aurium abscissionis, vel etiam ad laqueum condemnentur, prout videre est in lingua nostra germanica ab art. 157. usque ad art. 158.

De Jure Austriaco Constitutio criminalis part. 2. art 84. ita se habet: Wann der erste Diebstahl, &c. i. e. Cum primum furtum est 25. fl. vel amplius; aut cum fur



*fur jam antea ob furtum parvum, his penas dedit, nec tamen se emendavit, est fur iteravit; quanquam ea non ascendant ad summam 25. fl. debet masculus laqueo, femina gladio puniri. Cum verò furtum non majus est ac 10. fl. nec ultra secundam vicem patratum; vel cum alie mitigandi circumstantiæ adsunt: tunc pœna ipsi erit infligenda quam iudex arbitrabitur*

Dubitatur, an fur, ad laqueum legitime condemnatus, si, rupto laqueo, incolumis de patibulo in terram deciderit, iterata vice suspendi debeat?

Negative subscribunt Authores Fide & Doctrina non infimi. Gomez. tom. 3. cap. 13. n. 37. Wesenb. in parat. ff. de pœn. num. 9. Arum. exercit. 17. lib. 8. Movenitur ideò, quia ejusmodi delapsum miraculo attribuunt; eò quòd rarò, & insolentè accadat; contra miraculum autem non agendum sit. Deinde ait sacra Scriptura) *laqueus contritus est, & nos liberati sumus, Psal. 174. v. 7.* ergò & fur liberandus, si, fracto laqueo, deciderit.

Verùm affirmativa Juri conformior est, quia sententia Judicis suum debet Effectum sortiri, & realiter Executioni mandari, l. 10. Cod. de pœn. Const. Carol. Art. 162. und solle der Mann mit dem Strang. von dem Leben zu dem Tode gestraffet werden. &c. i. e. & debet masculus laqueo mortiferè puniri. Et is demum pro absoluto habetur, qui Pœnam persolvit, arg. l. 7. ff. de Jure pat. Harp. n. 86. Hunn. ad Treutl. loc. cit. Quæst. 27. & ibi Buchov.

Ad Rationes dubitandi R. Miraculo adscribi non debere, quæ naturalem causam habent, puta; infirmitatem Funis, aut Catene & gravitatem Oneris appensi, aut Negligentiam Carnificis. Deinde, Psalmus iste ad rem planè nullatenus facit, quoniam gratiarum actionem

Populi Israëlitiçi continet, eò quòd à Philistæorum Armis, quibus dudum peracerbe vexabantur, liberati fuerint. Sanè, si de sua Innocentia protestatus sit, & desuper, Fune ruptò, deciderit, non video, cur res suspecta fieri debeat? ut proinde absolvi posset, cum tutius sit, quam Innocentem damnari. Arum. loc. cit.

Quæres: an Judæus à Collo, an à pedibus suspendi debeat? Resp. à Collo, nisi aliud Consuetudine receptum sit. Ratio, quia Judæi Jure communi Romano utuntur, & secundum Leges Romanas judicantur, l. 8. Cod. de Jude. In Jure autem Romano nullibi reperitur cautum, quòd Judæus Fur à Pedibus suspendi debeat, ergò id sine Lege non asserendum, præcipuè quòd Judæi pro Furtis eadem qua Christiani, pœna, non duriori, affici soleant. Harp. n. 104. hic.

### §. FURTUM. 6.

Furtum non solum committitur per rei alienæ Amotionem; sed etiam per quamcunque Rei, usus, vel Possessionis Contrectationem, veluti si Creditor utitur Pignore, Depositarius Re deposita, Commodatarius Re commodata ad alium usum, quam conventum est. Item si longius abeat cum Re commodata &c. in hoc Furto duplicatur non ipsa Proprietas Rei, sed solus Ujus, sive Interesse Domini concernens usum. Schneid. hic.

### §. PLACUIT. 7.

Dicta autem non aliter procedunt, quam si sciant, aut probabiliter scire possunt, id, invito Domino, facere, cumque, si intellexisset, non permissurum, quia furtum sine affectu furandi non committitur, text. hic & in l. 77. §. 2. ff. de Usucap. Schamb. Ratio alia, quia furtum non est sine dolo; à dolo autem excusat quælibet credulitas, & error. Manz. n. I.

## §. SEDE ET SI. 8.

Quæritur hic, an furtum committatur, si aliquis credat, se rem commodatam, vel aliam quamcumque, invito Domino, contrahere; Dominus autem invitus non sit. Resp. in textu furtum non fieri: propria enim furti natura est, ut, invito Domino, fiat. Quod procedit de foro formi; non foro poli: quia in foro conscientie talis revera furtum commisit; licet ad restitutionem non teneatur.

## AD VERS. UNDE.

In hoc v. proponitur talis casus: Titius Servum Mævii incitavit, ut quasdam res domino suo surriperet, & ad eum perferret. Servus id domino suo patefecit. Dominus, volens Titium in delicto deprehendere, permisit, ut Servus quasdam res ad Titium perferret. Quæritur, utrum Titius teneatur iudicio furti, an vero servi corrupti? Quidam putabant, neutro iudicio teneri. Non furti, quia furtum non fit, sciente, & volente domino. Non servi corrupti, quia servus corruptus non fuit. Imperator tamen statuit, quod furti, & servi corrupti actio adversus Titium detur, text. hic. & in l. 20. Cod. de furt. Ratio est duplex in text. quia, tametsi servus corruptus non fuerit, consilium tamen corruptoris ad perniciem probitatis servi introductum erat, & ne ex huiusmodi impunitate in alium servum, qui facile posset corrupti, tale facinus à quibusdam perpetretur, text. & Manz. hic.

## §. INTERDUM. 9.

Imperator ostendit in hoc §. quod etiam liberi hominis (v. g. filii fam.) in potestate existentis, furtum fieri possit, ita ut pater contra furem consequatur actionem furti ad duplum, vel ad quadruplum, text. hic. & in l. 14. §. 13. ff. de furt.

Dices, quomodo pater poterit ad duplum, vel quadruplum agere; cum tamen liberum corpus non recipiat æstimationem? R. à fure præstandum esse duplum, aut quadruplum ejus, quod patris interest, filium non esse ablatum, v. g. quia interea pater opera filii carere debuit. Schneid. hic. Miter, cum filium non habeat in potestate, actionem furti pro filio ablato non habet, l. Mater. 48. ff. eod. Illud notandum, quod subtrahens filium, vel alium hominem liberum, animo celandi, vel privandi, incidat etiam in poenam capitalem, & ex Lege Fabia, tanquam Plagiarius puniatur, l. 3. ff. de plag. Harp. n. 3. hic.

## §. ALIQUANDO. 10.

Aliquando etiam quis potest suæ rei<sup>19</sup> furtum facere, v. g. si debitor rem suam, creditori oppigneratam, subtrahat. text. hi. & l. 19. §. 5. ff. Furt. Ratio, quia aufert ei possessionem, quæ ad creditorem spectat, l. 16. ff. de usucap. quo tamen casu res propriè furtiva non sit, ita ut tamen usu capi possit, l. 4. §. 21. ff. d. t.

Non obstat, l. 6. Cod. de usu-cap. pro emp. ubi apertè negatur, rem à debitor subtraham usu capi posse. Resp. sic quidem usu capi non posse, ita ut Jus creditori salvum non maneat. Salvo tamen Jure creditoris, usu-capi potest. Schamb. §. 3. Inst. de usu cap. aliter Harp. hic. n. 7.

## §. INTERDUM. II.

Quæritur in hoc §. an & is teneatur<sup>20</sup> furti, qui consilium, ad furtum faciendum, dedit, vel opem tulit?

Observe, quod is dicatur opem ferre, qui ministerium, servitium, sive adiutorium, ad surripiendas res, præbet, Text. in l. 5. §. 3. ff. de furt. v. g. qui  
scalas

*scalas fenestris supponit; aut ipsas fenestras, vel ostium effringit, ut alius furtum faceret. Item is, qui claves adulterinas, scalas aut ferramenta ad effringendum commodaverit; vel etiam ille, opem tulisse, dicitur, qui tibi nummos excussit, ut alius raperet; aut obtentus toga, corporisque obiectu aspectui tuo obtineat, ut alius rem surriperet, &c.* Consilium dare dicitur, qui persuadet, & impellit, atque instruit consilio, ad furtum faciendum, *l. c. o. §. 3. ff. de furt.* His præmissis,

*Resp. I.* Certum esse, illum, qui opem, & consilium, copulativè tulit, furti teneri, *Text. hic*, quia non multum abest à contrectatione, furtò videlicet subsequitò. Idem est, si quis opem tantum tulit, *Text. hic. v. At ubi ope Mevni Titius furtum fecerit, ambo tenentur*: licet enim talis rem à parte rei non contrectet, interpretatur tamen, contrectasse. *Manz. n. 11.* Illud tamen requiritur, utroque casu sciat; ad quid opem ferat; & concurrat, *Text. hic. sciens, cujus rei causa?* quia furtum sine dolo non committitur. Unde, si bonà fide scalas commodaverim, & ut iis ad furandum usus fueris, ego furti non teneor; ignorantia enim facti alieni excusationem meretur, *l. fin. ff. pro suo.* Item, si quis ex petulantia, & levitate opem aut consilium ferat non actione furti, sed in factum tenetur, *Text. hic.* Ratio, quia furtum, sine effectu furandi, non committitur. Item, voluntas, & propositum distinguunt maleficia.

#### AD VERS. CERTE.

Quæritur: an ille furti teneatur, qui Consilium tantum præbet? *R.* interesse, an furtum sit subsequitum, nec ne? si prius, tenetur, *l. 36. ff. de furt.* si posterius, non tenetur, quia furtum non verbis, sed factis committitur, *l. 52. §. Neque verbo, ff. eod. Harp. n. 5.*

#### §. HI, QUI. 12.

Quæritur in hóc. §. *an etiam filius, & servus furtum faciant, quando Patri aut domino rem quandam surripiunt?* *R.* videri dicendum, quòd non; quia pater, & filius, servus & dominus, una eademque persona esse, intelligitur; sibi autem ipsi nemo potest furtum facere. Deinde filius, vivò adhuc patre, dicitur esse rerum paternarum dominus, *l. 11. ff. de lib. & posthum.* Rei autem suæ non datur furtum, ergò, &c.

Verùm contrarium hic deciditur, & in *l. 17. ff. de furt.* Ratio, quia magis veritas, quàm fictio civilis attenditur, juxta regulam: *concurrente Veritate, & Fictione, præfertur Veritas, l. 23. ff. de lib. & posthum.* itaque res, à filio subtracta, efficitur furtiva, & ita vitiosa, ut usucapi non possit, nisi redeat in potestatem patris, vel domini, *l. 48. ff. de furt.* Caveas proinde, ne emas rem, Patri subtractam à filio; si enim hoc facis scienter, furti teneris, *arg. l. Eos Cod. de furt.* si verò ignoranter, non potes usu capere, §. 2. *sup. de usu cap. Schneid. n. 1.*

#### AD v. SED FURTI.

Tametsi in casu §. nostri in rei veritate committatur furtum, tamen contra furantem actio furti non datur. Ratio est in *textu*, quia nec ex alia ulla causa potest inter eos actio nasci. *Accedit*, quod actio famosa, qualis est actio furti, inter patrem & filium, locum non habeat, *l. 11. ff. de dolo.* Idem est in uxore, faciente furtum de rebus mariti, *l. 52. ff. de furt.* si proinde Uxor, stante matrimonio, furatur Marito, non actione furti, sed rerum amotarum convenitur, *tot. tit. ff. rer. amot. Manz. n. 8. hic.*

## §. FURTI. 13.

Quæritur hic: cuiam competat actio furti? & R. quod ei, cuius interest, rem non esse subreptam, sive dominus sit, sive non, *Text. hic. & l. 16. junct. l. 11. ff. de furt. l. ult. Cod. eod.*

Requiritur autem I. ut intersit ex honesta causa, *l. 11. l. 76. §. 1. ff. de Furt.* si enim ex inhonesta causa intersit, ut, si malæ fidei possessori, aut ipsi furi res surripiatur, furti actio, regulariter non datur, *l. 12. §. 1. ff. eod.* Estque ratio, quia nemo ex improbitate sua actionem consequi debet. *Manz. n. 4 & 5. hic.*

II. Requiritur, ut intersit propter damnum datum, nam, si præcisè intersit propter ereptam lucri occasionem, hæc actio non datur. Unde si rem tibi subtraxerim, quam pro hærede possides, furti actione non teneor, *l. 71. ff. de furt.* ubi dicitur, interesse enim ejus videtur, qui damnum passurus est, non ejus qui lucrum facturus esset. *Manz. n. 3. hic.*

Non obstat *l. 13. ff. rem ratam haberi*, ubi *Paulus* interesse definit, non tantum damnum emergens, sed etiam lucrum cessans. Siquidem R. in nostro casu solum damnum emergens contineri, fortè ideò, quia hæc actio odiosa est, & proinde restringenda. *Harp. n. 6.*

III. Ut intersit, ratione Juris realis, v. g. proprietatis, pignoris, possessionis, usus &c. nam rei, solum promissæ aut debitæ, nulla habetur ratio. Unde, si mihi res quædam per stipulationem promissa aut vendita fuerit; postea verò ante traditionem promissori vel venditori subtrahita, contra furem actione furti agere non possum. *l. 85. ff. de furt.* quia ante traditionem tantum jus ad rem, non in re habeo, adeoque meâ, ratione Juris realis non interest. *Harp. n. 7.*

## §. UNDE CONSTAT. 14.

Ex dictis sequitur I. Quod creditor de<sup>23</sup> pignore surrepto, quamvis ipse debitor surripuisset, furti agere possit, *Text. hic. & l. 12. §. 2. ff. de furt.* quia ejus interest, cum expediat ei, pignori potius incumbere, quam in personam agere, *Text. h. c. & plus sit cautionis in re, quam in persona, l. 25. ff. de R. J.*

## §. ITEM, SI FULLO. 15.

Sequitur II. Si Sartor v. g. vestis reparanda vel facienda sub certa mercede data, eique furto subrepta sit, sartori actionem competere, & non domino: estque ratio, quia is actione furti agere potest, cuius interest; domini autem parum interesse, censetur, quia contra fullonem actione locati experiri potest, si culpâ sartoris levi furtum admissum, & res surrepta fuerit. Et hoc procedit, quando fullo, & sartor sunt in totum solvendo; aliàs datur domino furti actio, inanis enim esset actio locati, quam inopia debitoris excluderet, *cap. 16. de restit. spoliat.*

## AD V. SED ET BONÆ FIDEI.

Datur & actio furti bonæ fidei emptori, cui res tradita est, & deinde subtrahita; licet adhuc dominus non sit. Ratio, quia interest ipsius I. propter perceptionem fructuum, qui bonæ fidei possessori cedunt, §. 35. *Inst. de R. D. II.* propter usu-capionis conditionem, *Manz. n. 9.*

## §. QUÆ DE FULLONE. 16.

Ex hoc §. notabitur, hodie inter Com<sup>24</sup> modatarium, Fullonem, & Sarcinatorem circa furti actionem, hanc esse differenciam, quod Fullo, & Sarcinator agant furti actione contra furem, eo demum casu,



casu, quo sunt solvendo, ut in §. *preced. diximus*. Et licet olim idem fuerit in *commodatario*, tamen *Imperator* in *l. fin. Cod. de furt.* hoc emendavit, statuens, ut commodans statim habeat electionem agendi, vel actione commodati contra commodatarium, cui res commodata culpa sua substracta est, vel actione furti contra furem, non considerato hoc, an commodatarius sit solvendo, nec ne? *Ratio*, quia in commodato (*regulariter*) celebratur contractus gratia commodatarii: plus igitur debet subveniri domino, qui exercuit liberalitatem commodando rem alteri gratis, quam in casu *preced.* §. ubi contractus fit gratia utriusque. Dominus minus tamen, alterutra actionum electi, ad aliam redire non potest. Quod est verum, si sciens utramque sibi competere, unam elegit. Secus, si ignorans *Text. hic.*

## §. SED IS. 17.

25 Quæritur in hoc §. quid si res deposita furto subducta sit, cui actio competat, deponenti, an depositario? *℞.* Imperator, deponenti, quia illi datur actio furti, cuius interest, rem salvam, & furto non subreptam esse, atqui depositarii non interest, quia depositarius, ob rem depositam, furto amissam, non tenetur; sed Dominus sibi imputare debet, quod negligenti amico rem custodiendam dederit. §. *Præterea* 3. *Inst. quib. mod. recontrah. oblig.*

Sed, an non tunc demum depositarius habeat actionem furti, quando is in dolo fuit? *v. g.* si cum fure collusit? videtur, quod sic, quia depositarius dolum præstat deponenti, ut ipsius interesse videatur.

Sed contrarium *hic* deciditur, ex ratione, quia absurdum est, ut aliquis ex dolo suo actionem habeat, *l. 14. §. 3. ff. de furt.* Nemo enim ex sua im-

probitate actionem consequi, *l. 48. §. 4. ff. eod. l. 1. §. 1. ff. de dolo malo, &c.* vel ex dolo suo præmium reportare debet, *l. 10. §. 1. ff. solut. Matrim. Manz. num. 3.*

Ad rationem dubitandi *℞.* tunc alicui accommodari actionem furti, si ipsius intersit ex honesta causa; secus, si propter dolum admissum.

Porro, cum Depositarius etiam culpam latam præstet; quid *Juris* erit, si *etâ culpâ furtum admiserit*? sunt, qui deponenti tantum actionem tribuant ex ratione, quia dolus, & lata culpa æquiparantur, *l. quod Nerva. 32. ff. depositi.*

Sed *Schneid.* hoc in casu etiam depositario actionem furti concedit; ita tamen ut Dominus electionem habeat, & tunc demum depositarius furti agere possit, quando dominus scienter elegit actionem depositi. *Ratio* autem, cur depositario actionem furti præbeat, est, quia dolus furis præponderat latæ culpæ depositarii, *Arg. l. 9. §. fin. ff. ad. L. Aquil.*

Ad rationem dubitandi *℞.* dolum non æquiparari latæ culpæ, si ex parte alterius dolus concurret; hoc enim casu dolus præponderat latæ culpæ. *Manz. n. 6. hic.*

## §. IN SUMMA. 18.

Quæritur *hic*, an actio furti detur etiam 26 contra impubere? *℞.* cum distinctione, vel est adhuc infans aut infantie proximus? & non facit furtum, *l. 1. Cod. de fals. monet.* quia infans caret intellectu, & nescit, quid agat, nec dolus cadit in talem ætatem; sine hoc autem furtum non committitur. *Schneid. hic.* Si verò pubertati sit proximus, doli capax, & malitia suppleat ætatem, utique furti tenetur: quia intelligit, se delinquere, & sic fit reus, *Text. hic.* Poena tamen semper

semper temperatur, ita ut ætas à furti poena ordinaria excuset, *Const. Carol. art. 164. Von jungen Dieben.*

Quisnam verò pubertati proximus dicendus sit, variant *D. D.* cum in Jure non reperiatur definitum. Sunt, qui illum dicant pubertati proximum, qui excessit medium temporis inter infantiam, quæ anno septimo terminatur, & pubertatem, quæ in masculo anno 14. in foemina anno 12. inchoatur adeoque masculinum à decimo anno, & dimidio, foeminam à nono anno cum dimidio pubertati proximam dici; sed communior opinio id Judicis arbitrio relinquit, qui expendat necesse est, an doli, malitiæ, fraudis, & delicti capax sit; nec ne? *Manz. n. 7.*

### §. FURTI ACTIO 19. ET ULT.

Pro intellectu hujus §. notandum, ex Furto dupliciter agi posse, civiliter & criminaliter. I. casu si agatur. Oportet Furum quatuor Actiones proditæ sunt. I. Actio ad exhibendum, quæ est preparatoria ad Rei Vindictam. II. Rei Vindictio III. Condictio furtiva, & IV. Actio furti, qua agitur ad Penam Dupli, si furtum est nec manifestum, vel Quadrupli, si furtum est manifestum. Cæterum, quid sit Rei vindictio, & Condictio furtiva? cui? adversus quem? & ad quid competat? *Infra. §. 14. Inst. de act. vid. bimus*, ubi ex *Instituto* de his Actionibus agemus.

## TITULUS II.

### DE VI BONORUM RAPTORUM.

#### SUMMARIA.

- 1 Quid sit Rapina?
- 2 Quæ actio furti Raptio teneatur?
- 3 An actio vi bonorum raptorum pro re minima competat?
- 4 Qui, rem suam esse existimans, rapuit, raptor non est.
- 5 Cui competat actio vi bonorum raptorum?

#### CONNEXIO.

Imperator in principio *preced. Tituli* quatuor species delictorum privatorum enumeravit. Discussâ itaque prima specie videlicet Furto, sequens est, ut altera species, puta Rapina ad lancem examinis appendatur; priusquam autem ad ipsam actionis vi bonorum raptorum explicationem accedamus, præmittamus

Definitionem Rapinæ. Quæ nil est aliud quam *contractatio fraudulenta*; & *violenta rei alienæ mobilis*.

Dixi I. *contractatio*, quæ vox locò generis ponitur, & in eo convenit cum furto.

Dixi II. *fraudulenta*, nam, sine fraude, & dolo non committitur rapina, §. I. *hic. & l. 2. ff. eod.* unde rapina non dicitur, si quis rem alienam suam esse credens, rapuerit, §. I. *b. t.*

Dixi III. *violenta*, quia ad rapinam requiritur interventus Violentiæ; si enim clam res auferantur absque vi, non rapina, sed furtum commissum, dicitur.

Dixi IV. *Rei mobilis*, quia res immobiles propriè non dicuntur rapi, sed invadi, ideoque in iis actio vi bonorum raptorum locum non habet, *l. 1. b. t. l. 5. l. 7. & l. 9. Cod. unde vi*, sed ei, qui

qui vim passus est, interdictum unde vi conceditur, l. i. ff. de vi, & vi armat.

AD PRINCIPIMUM.

2 Quæritur in hoc §. *quænam actio detur contra Raptorem?* R. Quod actio furti, quis enim (ait text.) magis rem alienam, invito dominò contrectat, quàm qui vi rapit? ergò datur contra raptorem actio furti, de quo nullus est, qui ambigat. Sed

Q. *quâ actione furti raptor tenetur, manifesti, an nec manifesti?* Rem dubiam efficiunt duo textus, quorum primus est in l. i. ff. h. t. his verbis, qui rem rapit, & furti nec manifesti tenetur, & vi bonorum in quadruplum. Secundus existit in l. Si vendidero 80. §. 3. ff. de Furt. ubi in hæc verba rescribitur: cum Raptor omnimodò furtum facit, manifestus fur existimandus est. Varii variè hos textus combinant: communis solutio est, quæ distinguit, num raptor deprehensus sit, nec ne? Si prius, fur manifestus: si posterius, nec manifestus erit. Ita Harp. num. 12. hic. Schamb. hic. Schneid. num. 10. Manz. num. 7. & 11. hic.

Dices: raptor semper deprehenditur, cum rapere sit de manu auferre. l. 4. ff. ne quis eum, qui in Jus vocat. est. Resp. I. Negando, semper deprehendi, fac enim, Infanti, vel Cæco rem eripi. II. pone alium casum ex l. 52. §. fin. ff. de furt. quòd aliquis domum alienam armatus ingrediatur, & res quasdam auferat, à nemine deprehensus, talis erit raptor nec manifestus, d. l. 52. §. fin. ff. furti. non manifesti videlicet, si nemo eum deprehenderit tollentem. III. figura adhuc alium casum, quòd quis in turba ad hominem adultum accesserit, eique v. g. pileum ex capite rapuerit, ignorante dominò? quis ex numero plurium id fecerit? talis, utpote non deprehensus; furti nec manifesti tenebitur.

Reet ad Instituta.

AD V. SED TAMEN.

Præter actionem furti Prætor adhuc aliam actionem, puta, vi bonorum raptorum contra rapientem concessit.

Dices: hæc actio videtur esse superflua, cum sufficere videatur actio furti, ergò nulla videtur esse ratio, cur Prætor hanc actionem introduxerit. R. I. hanc fuisse rationem, ut Vis, quæ maxime Juri contraria est, coerceretur; sive, ut innotescat, etiam Prætozem habuisse curam reprimendæ improbitatis. Resp. II. actionem vi bonorum raptorum non duntaxat esse non superfluum, sed quandoque necessariam. Fac enim rapinam non fieri, lucri faciendi causa, sed injuriæ causa. Hoc casu, cum furtum non fiat, nulla superest actio, quàm vi bonorum raptorum. Manz. n. 16.

AD V. ET EST.

Hæc autem actio vi bonorum raptorum intra annum in quadruplum est, post annum in simplum: Text. hic. Ratio, quia actio, prætorix, quatenus sunt pœnæ persecutorix, sunt annuæ; quatenus sunt rei persecutorix, perpetuò durant, l. 35. ff. de O. & A.

AD V. QUÆ ACTIO.

An actio vi bonorum raptorum etiam pro unica aliqua re, & quidem pro re minima, competat? Dixerū, quòd non. I. quia actio vi bonorum raptorum in plurali cōcepta est, & pluralis locutio singulari non acquiescit; minimū duo requirit.

II. De minimis non curat Prætor, l. Scio 4. ff. de integer. rest. & parum pro nihilo reputatur, l. 25. ff. locati.

Verū. contrarium hic deciditur. Ratio, quia non à materia, sed à causa efficiente (atrocitate scilicet delicti) actio æstimatur.

B b b b Ad

Ad I. *dico*, sæpè pluralem locutionem ad unum restringi, sic actio negotiorum gestorum datur etiam ad unum negotium.

Ad II. *Resp.* in extraordinariis, odiosis, & criminalibus quandoque modicum non curari, secus in actionibus, & judiciis ordinariis; vel *dic*, odio violentiæ specialiter cōtrarium inductum esse, cum propter spoliū, & violentiam sæpè à regulis Juris recedatur.

#### AD V. QUADRUPLO.

Quæritur, *An quadruplo insit rei persecutio?* videtur quod non, quia in actione furti manifesti res non continetur; sed quadruplum est merè pœnale, ergo id ipsum locum habebit in rapina, cum gravius delinquat raptor, quàm fur.

Verum, hoc non obstante, *R. Imperator* rei persecutionē quadruplo infest, ita ut pœna tantum sit tripli sive raptor in delicto comprehendatur, sive non, *Harp. n. 20.*

Ad rationem dubitandi *R. rationem* differentię esse, quia raptor multis aliis pœnis afficitur, pluribusque actionibus implicatur, quàm fur. Sic fur de jure *ff. & Cod.* pœnā tantum pecuniariā afficitur, raptor autemetiam judiciū publicū; ex *Lege Julia de vi privata*, & publica, tenetur. Deinde, pœna rapinæ semper uni-formis est & perpetua, puta, tripli; sive raptor deprehendatur, sive non. Secus in fure *Schneid.*

#### §. I T A T A M E N I.

Traditur in hoc §. quod ad hoc, ut actio vi bonorum raptorum competat; requiratur rapientem esse in dolo, adeoque vim, & dolum concurrere, *Text. hic. & l. 2. §. 8. ff. h. t.* Unde

*Q. quid? si aliquis, errore facti ductus existimet rem, quam rapit, suam esse?*

*vel, errore Juris deceptus, putet, licere domino, rem suam per vim ab alio auferre, rem alienam rapuerit, poteritne etiam actione vi bonorum raptorum conveniri?* Rationes dubitandi varię sunt. I. quia Ignorantia juris neminem excusat, *l. 9. ff. de Jur. & Fact. Ignor.*

II. Error in facto proprio non est tolerandus *l. 7. ff. ad SC. Vell.* Bonus enim, & diligens paterfam. non debet ignorare, quid suum, quidve alienum sit, *arg. l. 15. Cod. de rescind. vend.*

Verum, his dubitandi rationibus nihil refragantibus, *Imperator R.* cum neque actione vi bonorum raptorum, neque actione furti impeti posse. Ratio, quia in utraque dolus desideratur; quælibet autem Ignorantia, Error, Creditulitasve à dolo excusat, *l. 1. ff. de Abi-geis. l. 14. Cod. ad L. Flav. de Plag. Manz. n. 4. & 5. Schneid. n. 1.*

Ad rationes dubitandi *R. Ignorantiam Juris, & Facti proprii* neminem quidem excusare à culpa; excusare tamen à dolo, & pœna, quæ propter delictum aliquod, dolo commissum, infligitur. Illud tamen certum est, non statim alleganti se ignorasse, rem esse alienam, credi; nisi adsint aliqua indicia, aut conjecturæ, quibus verisimiliter decipi potuit. *Schneid. n. 2.*

#### AD V. S E D N E.

Tametsi rapiens per vim rem suam penes alium constitutam, vel alienam putans esse suam, actione vi bonorum raptorum, propter dolum cessantem, non teneatur; nihilominus tamen, ne inveniat, per quam raptores impunè suam exerceant avaritiam, sancitum est, ut nemini liceat vi rapere, vel rem mobilem, vel se moventem, v. g. *Equum, Bovem*, &c. licet suam eandem existimet, ita, quidem, ut rapiens rem



rem suam propriam, ejus dominiō cedat; rapiens verò alienam, hanc non tantum teneatur restituere, sed & hujus æstimationem præstare, *Text. hic.* & in *l. 7. Cod. Unde vi.* Ratio, quia nemo sibi ipsi Jus dicere debet, *l. un. Cod. Ne quis in sua caus. Jud.* nec quis quidquam propriâ authoritate, aut vi quadam, sed legitimis actionibus consequi debet, *l. Extat. 13. ff. Quod met. caus.* Unde & violentus creditor etiam Jure suo cadit, quia debitum à Judice legitimis actionibus reposcere debet, *l. pen. ff. ad L. Jul. de vi privat.*

#### AD V. QUOD NON SOLUM.

Dicta procedunt non tantum in rebus amobilibus: sed etiam in mobilibus, quando quis per vim earum possessionem invadit, *Text. hic.* & *l. 7.* quia æqua-

le delictum sequitur æqualis poena. Idem denique procedit in rebus incorporalibus, de quo *vide Schmid. hic. n. 3.*

#### §. FIN.

Q. in hoc §. cui competat Actio vi bonorum raptorum? & R. quod ex quibus causis Furti actio competit, ex iisdem competat Actio vi bonorum raptorum. Adeoque non requiritur, ut agens sit dominus; sed sufficit, si ejus inter sit rem non esse surreptam, quo casu tamen non agitur ad quadruplum ipsius rei, per vim subtractæ, sed ad quadruplum ipsius interesse. Ex quibus colliges, hanc actionem non tantum domino, sed etiam bonæ fidei possessori, conductori, commodatario, creditori, depositario, in casu quo omnem culpam in se recepit, competere. *Text. & AA. hic.*

### TITULUS III.

## DE LEGE AQUILIA.

#### SUMMARIA.

- 1 Damnum quid sit?
- 2 Recensetur p. in unum Caput Legis Aquilie.
- 3 Ob occisionem liberum Hominem utilis Actio legis Aquilie datur.
- 4 Quæ sint Requisita ad actionem Legis Aquilie?
- 5 Quid sit Injuriâ occidere?
- 6 Miles in loco consueto ludens, de damno non tenetur.
- 7 Putator arborum quando teneatur?
- 8 Item, quando Medicus?
- 9 Imperitia an culpam ponat?
- 10 Mulio quando ex Lege Aquilia conveniri possit?
- 11 An cum ista actione alia concurrant?
- 12 Ex tertio Capite quoniam teneantur?

13 Actio directa quæ dicatur?

14 Item, quæ utilis?

#### CONTINUATIO.

**R**ecensetur in hoc Titulo tertia privati delicti Species, nempe dampnum Injuriâ datum, pro quo actio Legis Aquilie competit, ita ab Authore Aquilio Tribuno plebis, dicta. *Perez. Inst. hic.* Definitur autem Dammum, quod sit patrimonii nostri diminutio, prout est sive vel corruptione rei, vel deterioratione, *l. 3. l. 5. §. 1. ff. ad Leg. Aq.* Quibus ultimis verbis differt à Furto & Rapinâ; quia furtum, & rapina sunt quidem etiam patrimonii nostri diminutio, sed cum quotione rei. Deinde damnum, injuriâ

juriâ datum non fit lucri causa; secus furtum, & rapina. *Chling. Inst. Q. 1. Ob. 1.* Ut autem damnum ex Lege Aquilia vindicari possit, requiritur, ut damnum sit datum injuriâ. Injuriâ autem datum dicitur, quod non Jure datur. Unde bruta damnum inferre non dicuntur, sed pauperiem facere, quia carent ratione, atque ad eò nec Jure, vel non Jure quidquam agere censentur. *tot. tit. Inst. Si quadr. pauper. facere dicatur*: sic Furiosus, & Infans non dicuntur damnum injuriâ dare, licet alteri incendiant ædes suas, quoniam usu rationis carent, & reputatur tale incendium inter casus fortuitos, *l. 5. §. Ideo. ad Leg. Aquil. Chling. hic. Quæst. 2. Schneid. num. 5.*

#### AD PRINCIPIMUM.

- 2 Legis Aquiliæ olim tria Capita extiterunt: quid *Primum*, & quid *tertium* sit, videbimus. *Secundum* ab usu recessit. *Primum* autem Capite cautum erat, ut, si quis servum alienum, alienamve quadrupedem, qua pecudum numero sit, injuriâ occiderit, tantum domino dare damnetur, quanti plurimi illa res eò anno fuerit.

Dixi I. *Servum*, quia, si quis liberum hominem occiderit, hac actione non tenetur, sed Lege Cornelia de Sicariis, juxta quam gladio punitur, secundum illud: *Homicida, quod fecit, expectet, l. 3. Cod. de Epis. Jud.* Ratio rationis est, quia actio Legis Aquiliæ datur ad æstimationem rei interemptæ; atqui liberum corpus non recipit æstimationem, *l. 1. §. 5. ff. de his. qui effud. Manz. n. 4. hic.* deinde æstimatio debet præstari domino atqui liber homo neque in suo, neque in alterius dominio est, sed solius Reipublicæ. *Harp. n. 7. hic.* Sanè, licet ob interemptum aut vulneratum hominem liberum actio directa Legis Aquiliæ non detur, utilis tamen v. g. patri

ob occisum filium, uxori ob necem Mariti, liberis ob mutilatum patrem, non deneganda est, non quidem ad consequendam corporis æstimationem, sed ad consequendas impensas, in curatione factas. Item lucra, & operas, quibus post interfectionem carere debet. Facenim, patrem fuisse hominem industrium, & artificiosum, ita, ut arte suâ & labore integram familiam commodè aluerit. Hoc in casu liberi, cum alimentis, ob trucidatum patrem destituantur, ad damnum datum agere possunt, *arg. l. 13. ff. ad leg. Aqu. Manz. n. 1. Harp. n. 8.*

Dixi II. *Servum alienum*, nam qui suum servum occidit, sibi ipsi damnum dat, quod sentire damnum non videtur, *l. 203. ff. de R. J. Perez. hic.*

Dixi III. *alienamve quadrupedem, qua pecudum numero continetur*. Ut enim hæc actio detur, requiritur, tale sit animal, quod pecudum numero continetur, id est (ut sequenti §. explicabimus) gregatim pascitur.

Dixi IV. *Injuriâ*, quod §. 2. explicabimus.

Dixi V. *occiderit*, hæc enim actio non aliter competit; nisi quis Gladio, Fuste, Lapide, Telo, aut aliò Instrumento occiderit, *l. 7. §. 1. ff. h. t.* Unde, si quis causam tantum mortis dederit, v. g. includendo aliquem, ut fame perierit, utili tantum actio Legis Aquiliæ datur, §. *fin. Inst. h. t.* Item, si quis alterum duntaxat vulneraverit, aut aliò modo læserit, non ex primo, sed ex tertio capite agitur, §. 13. *h. t. Manz. num. 13.*

Dixi VI. *Domino*, hæc enim actio directa soli domino datur, *l. 11. §. legis l. 14. ff. h. t.* In quo differt ab actione furti & vi bonorum raptorum, quæ datur omnibus illis, quorum interest. Sanè, *bonæ fidei Possessori, Usu-fructuario, Creditori, commodatario* utilis actio Legis

Legis Aquiliæ, aut actio in factum non deneganda, *Harp. n. 17. Schneid. n. 13.*

Dixi VII. *Quanti plurimi* &c. quæ verba explicabimus *infra* §. 9. b. t.

#### §. QUOD AUTEM. I.

- 4 Ut ex primo Capite Legis Aquiliæ actio detur, requiritur inter alia, ut tale animal occidatur quod pecudum numero continetur; *pecudes* autem dicuntur, quæ *gregatim* pascuntur, v. g. *Oves, Boves, Equi, Muli, Asini, &c.* Ex quibus *deduces I.* quod si quis feras, bestias, v. g. *Ursum, Leonem, &c.* in alterius dominio constitutum, occiderit, ex hoc capite primo non teneatur, *Text. hic. & l. 1 ff. b. t.* Ratio, quia *gregatim* non pascuntur. *Deduces II.* idem dicendum esse de *Canibus, Felibus, &c.* quia nec istæ (licet sint quadrupedes) *gregatim* pascuntur. *Deduces III.* nec Anseres hoc primo capite contineri; tametsi enim *gregatim* quandoque pascantur, tamen non sunt quadrupedes *Manz. n. 2. & seqq.*

#### §. AD V. DE SUBJUS.

Ratio *dubitandi*, num *Sues* hoc primo capite contineantur, Ista est, quia *Pecudes* dicuntur, quasi *Pecuniam* dantes, & utilitatem hominibus præstantes; sed *sues* nihil profunt, ergò.

Verùm, Imperator *R.* etiam *sues* hoc primo capite contineri, quia etiam suæ aliquid utilitatis adferunt, scilicet per foetum, & insuper sub cura subulci *gregatim* pascuntur, *Harp. n. 15. hic.*

#### §. INTEREA. 2.

- 5 Enumeravimus hucusque *duo Requirita* ad hoc, ut ex primo capite Legis Aquiliæ agi possit, puta, I. ut servus vel

animal occidatur; non tantum vulneretur. II. ut sit tale animal, quod *gregatim* pascitur. Hic recensetur *tertium Requiritum*, ut, videlicet *Injuriâ* occidatur. Dicitur autem *injuriâ* occidi, qui non Jure, sed contra Jus, id est, dolo, sive per culpam levem, & levissimam occisus est, *l. Sed & si. 6. §. 1. ff. b. t.* Quare, si nullus dolus, nullave culpa subest, huic maleficio, aut Actioni ex Lege Aquilia locus non est; velut si à *Furioso, & impubere*, sive *Infante* damnum detur, *d. l. 5. §. 2.* Item si à *Bellua*, vel *Quadrupede* inferatur damnum, tunc enim bellua non propriè damnum, sed pauperiem fecisse, dicitur, *l. 1. §. 3. ff. Si quadrup. paup. fec. dicat. Harp. n. 2.* Item is qui Latronem, insidiantem sibi, & se invadentem, vel quemcumque alium ferro se petentem, *l. 5. ff. b. t.* occiderit, hac Lege non tenetur, si aliter periculum effugere non potuit. Ratio est in *l. 4. ff. b. t.* quæ ait: nam adversus periculum naturalis ratio permittit se defendere, & vim vi repellere, omnes leges, & omnia jura permittunt. *l. Scientiam 4. & 5. ff. ad Leg. Aq.* Et, quod quis ad defensionem corporis sui facit, Jure fecisse dicitur, *l. 3. ff. de J. & J. Manz. n. 3.* Modò id fiat cum moderamine inculpatæ tutelæ. De qua materia *infra* §. *Item Lex Cornelia 5. de pub. Jud. agens.* Interea vide *Gail. lib. 1. Obs. 16. de pace publ. Manz. Schamb. & Schneid. hic. Harp. fufè d. §. 5.*

#### §. AC NE IS 3. ITA QUE. 4.

*Colliges ex his §§.* quod casu occidens 6 servum vel animal, hac lege non tenetur, si dederit operam rei licitæ, nec præcesserit aliqua culpa; quia, quæ ex improvise casu proveniunt, tato potius quam noxæ imputantur, *l. 1.*

B b b b 3

Cod.

*Cod. ad leg. Cornel. de Sicariis.* & casus fortuitus nemini venit imputandus. Itaque si miles in loco consueto bombardas exerceat, servum, eò loco commorantem, aut transeuntem jaculando occiderit, culpæ reus non erit; nisi datà operà id fecisse probetur, §. 4. *hic.* Requiritur tamen duo. I. ut sit jaculator ad istum Lufum deputatus. II. ut ludat in loco consueto & ordinato. Unde, si non miles luserit, Lege Aquilià, tenebitur. Ratio est in d. §. 4. *hic*, quia culpæ reus est, fecit enim, quòd non debuit, & culpa est, se immiscere rei, ad se non pertinenti, cap. 36. de R. J. in 6. & operam danti rei illicitæ omnia imputantur, quæ sequuntur, l. 30. §. *In hoc quoque.* ff. h. t. ludus autem illicitus est ratione *Personæ, & Loci, Manz. n. 5.* Ex dictis aliud infert exemplum *Harp. hic. n. 5.* quòd scilicet quis, si dum pilà tempestivè luderet, ubi ex consuetudine ludebatur, pilà, vehementius percussa, aliquem ex spectatori- bus eluscaverit, de hoc damno non teneatur. Ratio, quia dedit operam rei licitæ & ( ut supponitur ) nullum propositum, nullamque nocendi voluntatem habuit. Sanè, licet *Occidens* culpà ex *Lege Aquilia* teneatur; non tamen tenetur ex *Lege Cornelia de Sicariis*, quia in criminalibus dolus requiritur, nec lata culpa dolo æquiparatur, l. 7. *Leg. Cornel. de Sic. Schneid. n. 11. hic.*

#### §. ITEM? SI PUTATOR. §

- 7 Aliud est exemplum, si putator penes viam publicam, aut vicinalem, id est quæ in vicos ducit, ex arboribus ramos amputet, transeuntem servum casu occidat vel vulneret, si non proclamavit, aut serò nimis hac lege tenetur, l. 31. ff. h. t. quia publicè interest, posse sine metu, & periculo per itinera commeari.

Sanè, si quis extra viam in fundo suo ramos putet, proclamatione opus non est; nisi transeuntem videat, ne dolose agat quia alter alienum ingrediendo fundum, sibi debet imputare, si casu lædatur, cum ei eo in loco commeari Jus non competat, d. l. 13. ff. h. t.

#### §. PRÆTEREA. 6.

Pergit *Imperator* exemplis declarare, 8 quomodo aliquis propter culpam ex lege Aquilia teneatur? & Q. an *Medicus* possit a *Ætione Legis Aquiliæ* conveniri, si curam alicuius susceperit, & si postea mortuus fuerit? R. certum esse, quòd conveniri nequeat, si secundum præcepta artis suæ curaverit, quia evenus Mortalitatæ Medico imputari non debet, c. 19. *de Homicid.* Secundum illud:

*Non est in Medico semper relevetur ut Ager?*

*Interdum doctà plus valet A. te Malum.*

Et sufficit in Jure officium fecisse, quamvis finem quis non semper assequatur, l. 56 §. fin. ff. *Mandat. Manz. n. 2.* Quòd si verò *Medicus* curationem ægroti deseruerit, & propterea servus ægrotus decesserit, eo nomine *Medicus* ex *Lege Aquilia* conveniri poterit, *Text. hic. & l. 7. §. ult. ff. h. t.* Ratio, quia curationem ægroti derelinquere, culpa est, *Schneid. n. 2.* Et hæc adeò vera sunt, ut, etiamsi salarium à paupere non percipiat, tamen curationem debeat absolvere; quia, si pauperibus gratis inservire debent *Advocati, & Procuratores*, ita quoque *Medici.* *Gai. Obs. 43. n. 10.* & plus debet valere vita proximi, quam amor pecuniæ, *Schneid. n. 2. hic.*

#### §. IMPERITIA. 7.

Imperitia quoque culpæ adnumeratur, *Text. hic. & l. Imperitia 232. ff. de*



de R. J. Quare, si ex imperitia Medici mors infecta est, ut, quia imperitè secuit servum; vel perperam ei medicamentum dedit, Medicus ex lege *Aquila* tenetur. Et hoc non tantum procedit in *Medico*, sed etiam in *Judice*, in *Assessore*, *Advocato*, & quocunque artem proficiente & imperitè eam exercente. *Schneid. n. 4.* Illud notandum, quòd ad hoc, ne mors infirmi Medico imputetur, IV. requirantur. I. Ne excedat limites suæ Professionis, quia culpa est, se immiscere rei, ad se non pertinenti, *l. Culpa est. ff. de R. J.* II. ut sit peritus in arte, eamque intelligat, qui Imperitia culpæ adnumeratur, *d. l. 132.* III. ut si diligens circa curam infirmi, *cap. ad aures* ✕ *de atate*, & *qualitate*. IV. ut edoceat ægrotum de his, quæ contraria sunt agnitioni suæ, *d. c. d. ad aures.* Ita V. si concurrant, & tamen mors superveniat; Medicus tutus est, etiam in foro conscientie, *Gail lib. 2. obs. n. 25.* ubi plura hoc de re scribit, nostri autem instituti non sunt.

#### §. IMPETU. 8.

Si Mulio vel Equilo mulos, vel equos 100b imperitiam, vel virium infirmitatem, aut illorum impetum refrænare non possit, ita, ut servus lædatur, tenebitur ex hac lege. Ratio, quia culpa est, id affectare, in quo scit, aut scire debet, operam suam aliis fore damnosam, *l. Idem Juris 8. §. 1. ff. l. t.*

#### §. HIS AUTEM VERBIS. 9.

Q. in hoc §. in quantum quis condemnari soleat, si ex Lege *Aquila* conveniatur? R. Imperator, quòd reus non tantumtaxat teneatur, quanti servus occisus, vel quadrupes occisa hodie æstimatur, sed quantis plurimi illa rei eò annò, retrorsum numerando, fuit:

Unde fac, quòd ante 10. menses emerim equum 100. aureis, & is ante mensum sit affectus cæcus, ita ut ultra 20. aureos non valeat, & hodie occidatur, hoc in casu occidens conveniri potest non solum ad 20. & ita ad pretium modernum; sed quanti hoc annò plurimi fuit equus adeoque ad 100. *Text. hic. & in l. 21. ff. eod.*

#### AD VERS. QUARATIONE.

Ex *Dictis* inferitur, actiones legis *Aquilæ* non esse tantum rei persecutoriam, sed etiam poenalem, adeoque mixtam. Et quamvis contingere possit, ut res perempta toto annò non pluris valuerit, quam tempore occisionis, non tamen desinit esse poenalis, quia propriam & primævam actionis naturam inspicimus, & secundum illam judicamus, non secundum accidentale, *Manz. n. 7.*

#### AD VERS. IDEOQUE CONSTAT.

Ex eo, quòd actio Legis *Aquilæ* poenalis sit sequitur, eam ad hæredes non transire, quia poenales actiones (*Regulariter*) ad hæredes non transeunt, *l. 111. ff. de R. J.* delicta enim tenent suos authores, *l. 22. Cod. de Pen.* Quod tamen limitatur; nisi lis cum defuncto fuerit inchoata, aut aliquid lucri ad hæredes pervenerit, *l. 23. §. 8. ff. b. t.* Ratio prioris est, quia Liti-contestatio est Quasi-contractus, ut hæres non tam ex Delicto, quam Quasi-contractu teneatur. Ratio posterioris, quia omnia lucra iniqua ab hæredibus extorquentur, ne alienò scelere ditescant, *l. un. Cod. ex delict. defunct. n. 9.* ubi ait hæredes ex Jure Canonico, secundum quod hæres tenetur exonerare conscientiam defuncti, obligati, damna, à defunctis illata, secundum facultates condignè refarcire, *arg. c. in litteris ✕ de Rupt.*

#### §. ILLUD

## §. ILLUD NON. IO.

Non duntaxat perempti corporis æstimatione in lege Aquilia habenda est, sed placuit ex *Interpretatione* hujus *Legis* ejus quoque æstimationem haberi, quod interest, id est, damni, hac occasione illati. Unde, si quis servum tuum instituerit hæredem, & is, antequam jussu tuo adiisset hæreditatem, si occisus à Titio, tenebitur Titius, præter corporis æstimationem, præstare damnum, quod Dominus sentit ex amissa hæreditate, id est æstimationem hæreditatis, quia in hac actione æstimatur omne, quod ullo modo interest. *l. 21. ff. b. t.* Idem *Jurè est*, si ex parimularum unam, vel ex quadrigis equorum unum quis occiderit, habitâ ratione ejus, quod cætera corpora depretiata sunt, propter causas, corpori cohærentes, si fortè equi propter parilitatem lineamentorum, & coloris aptissimi ad quadrigam erant. *Perez. Inst. hic.*

## §. LIBERUM II.

**II** Q. in hoc §. *utrùm cum a*ctione *Legis Aquilæ concurrant etiam aliæ A*ctiones? Et *R. affirm.* adeoque, si quis servum meum occiderit, possum *civiliter* agere, puta, ex *Lege Aquilia* ad emendationem damni, & interesse. Item *criminaliter* ad vindictam publicam, *Text. hic. & l. 23. §. 9. ff. b. t.* Estque ratio, quòd ad diversos fines tendant istæ actiones; ut tamen accusatio ex *Leg. Cor. de Sicar.* competat, requiritur, ut servus dolò sit interemptus, *l. 3. Cod. ad L. Corn. de Sicar.* quia lex *Cornelia* requirit dolum. *l. In lege ff. de Sicar.* Unde, qui non dolò, sed culpâ quacunque (quæ in criminalibus dolò non comparatur *Jul. Pac. hic.*) servum occidit, lege *Cornelia* non tenetur, *l. 7.*

*ff. ad. leg. Cor. de Sicar.* sed accusari poterit ex *Tit. de extraord. criminibus* ad pœnam pecuniariam, vel arbitriam. *Schneid. n. 2.*

## §. CAPUT SECUNDUM. 12.

*Diximus in principio Legis Aquilæ tria esse Capita; de I. egimus; II. exolevit; de III. in §. §. seqq.*

## §. CAPITE TERTIO. 13.

Ex tertio capite legis Aquilæ vindicatur omne aliud damnum præter servi, & quadrupedis occisionem. Itaque, si quis servum, pecudemque alienam vulneraverit; vel, si quis talem quadrupedem, quæ pecudum numero non est, veluti *canem*, vel *feram Bestiam* vulneraverit, aut occiderit; vel denique, si quis res inanimatas *deteriores* reddiderit, *utendò, frangendò, secandò, collidendò, effundendò, commiscendò, rumpendo, &c.* ex hoc tertio capite ad emendationem damni tenetur. Unde apparet differentia inter primum, & tertium caput legis Aquilæ. Nam primum caput est de servo, & pecude occisis. Tertium est de servo & pecude vulneratis. Item de non pecude, id est quadrupedibus quibuslibet, ut *ferâ*, vel *canem* occisis aut vulneratis. Denique de reliquis animalibus, ut *avibus*, aut *piscibus* vulneratis, aut occisis, nec non tandem de rebus quibuscunque aliis inanimatis, v. g. *supellectile, vinò, oleâ, arbuscò, segete, libris, vestibus, &c. fractis, combustis, corruptis, &c. Harp. n. 2. hic.* Porro cum in *textu* §. nostri illa legis verba, *usserit, fregerit, ruperit, &c.* exprimantur, ille autem, qui vinum alienum ebibit, panem alterius comedit, &c. neque urat, neque frangat, neque propriè rumpat. Ideo Q. *an etiam A*ctione *Legis Aquilæ teneatur?* *R.*

et directa non ; bene verò utili. Ita statuit l. 30. §. 2. ff. b. t. quin *Vinum*, & *Panis* res sunt tales, quæ à Deo ad usum videntur esse conditæ, *Brunnem d. l. 30.*

#### §. ILLUD PALAM. 14.

Quemadmodum ex primo capite legis Aquiliæ ita demum occisor tenetur, si dolo, aut culpâ etiam levissima, Homo, aut quadrupes occisus, occisive fuerit ita quoque ex tertio capite is demum tenetur, qui in dolo, vel culpâ fuit. Casum, planè fortuitum, ex hoc capite vindicari non posse, in propatulo est, quia, quæ ex improvviso casu accidunt, fato, non noxæ imputantur, l. 1. Cod. ad leg. Cor. de Sicar. *Manz. n. 1.* Illud notandum, quòd ex tertio capite damnicans non tanti teneatur; quanti res deteriorata totò eò annò: sed quanti in diebus 30. proximis, retrò numerandis, fuerit, ratio differentia est, quia in primo capite majus, in tertio minus damnum versatur, plus enim est occidere, quam vulnerare. *Harp. n. 3.*

#### §. AT NEC PLURIMI. 15.

Quamvis in hoc tertio capite non addatur verbum *plurimi*; sed simpliciter dicatur *quanti*; prudenter tamen subintelligitur, sufficit enim, quod in primo capite eò verbò plebs usa sit:

#### §. CÆTERUM FIN.

- 13 Pro cognitione hujus §. sciendum, quòd damnum, Injuriam datum, tribus actionibus vindicetur. I. actione *directa* II. *utili*, & III. actione *subsidiaria* in *factum*. Dicitur autem actio directa, quæ competit ex *mente*, & *verbis*: Utilis verò, quæ non constat ex manifesta mente, aut verbis legis, sed ex interpretatione *Kees ad Instituta.*

tatione; propter æquitatem, & similitudinem rationis introducta est. *S. hucid. num. 1. hic.* & *Harp.* licet autem sit differentia inter actionem directam, & utilem quoad verba, quoad effectum tamen idem important, idem enim quis consequitur per utilem quod per directam, l. 47. §. 1. ff. de *Negot. gest.* Actio autem in factum, quæ datur tunc, quando neque ex mente, neque ex verbis legis, neque ex interpretatione Juris Consultorum actio datur; & tamen æquum est, actionem dari. *Manz. n. 7.* Vide, quæ in § 18. de act. scripsi. II. sciendum, quod damnum triplici modò dicatur inferri; aliquando enim datur damnum de corpore in corpus, v. g. si manu tuâ occidas servum meum, vel dejicias eum de ponte in flumen, & suffocetur. Et hoc in casu datur directa actio legis Aquiliæ, quam tunc dari diximus, quando ex mente, & verbis legis constat; atqui constant sic per §. 9. & 14. b. t. ergò. Aliquando datur damnum in corpus de non corpore, v. g. si quis servum alienum, vel pecudem incluserit, ut fame periret; vel pecus ita exagitaverit, ut præcipitaretur, vel alicui persuaserit, ut in puteum descenderet, & in descendendo mortuus, aut læsus fuerit. Et in hoc casu datur actio *utilis*: non directa Legis Aquiliæ, quia lex nihil expresse statuit, quæ actio detur, si à non corpore in corpus damnum datum sit; sed Juris-Consulti, ex præsumptâ legis voluntate actionem dari voluerunt, quæ dicitur actio utilis. *Manz. num 5.* Nota, in hoc ultimo casu etiam dari actionem in *factum*, principium enim est, ubi locum habet actio legis Aquiliæ utilis, ibi quoque actionem in factum sortiri locum, sed non vice versa sicut ex casu sequenti patebit, ubi tantum datur

C c c c actio

actio in factum, & non legis Aquiliæ, neque directa, neque utilis. *Schneid. num. 5.* Aliquando datur damnum de non corpore in non corpus, veluti si quis ex Misericordia liberat servum alienum, quem Dominus ad castigandum posuit in compedibus, qui postea aufugit. Hoc in casu datur actio in factum,

& non actio legis Aquiliæ *directa*, aut *ut lis*, quia neque de corpore, neque in corpus damnum datum est, *Schamb. hic.* cum tamen æquum sit, damnificato actionem applicare, ideo Jura ei accommodant actionem in factum, quæ tunc, quando omnis actio deficit datur.

## T I T U L U S IV. D E I N J U R I I S.

### S U M M A R I A.

- 1 *Injuria dupliciter accipitur.*
- 2 *Injuria definitur.*
- 3 *Si verba sint indifferentia, an censentur injuriosa?*
- 4 *Injuria tribus modis committitur.*
- 5 *Realis quomodo fiat?*
- 6 *Item quomodo verbalis?*
- 7 *An Injuriam inferens cum protestatione Honoris teneatur Injuriarum?*
- 8 *An veritas excuset ab injuria?*
- 9 *An Injuriam verbalem aliâ verbali liceat repellere?*
- 10 *Per quos patiamur Injuriam?*
- 11 *Qua sit pœna Injuriarum?*
- 12 *Quæ dicatur Injuria atrox?*
- 13 *De Injuria & civiliter & criminaliter agi potest.*
- 14 *Actio recantatoria quæ dicatur?*
- 15 *An cum estimatoria concurret?*
- 16 *Illustris Persona per Procuratorem in criminalibus stare potest in Iudicio.*
- 17 *Explicentur modi, quibus Injuria tollitur.*

### A D P R I N C I P I U M.

**Q**UARTA delicti privati species est *Injuria*, quod nomen varias *Significationes* habet: accipitur enim I. Pro om-

ni eo, quod non Jure fit, *hic* & in l. 1. ff. h. t. II. Pro damno Tit. *preced.* III. Pro *Injustitia*, quando Judex iniquam, & injustam sententiam pronuntiat. Hoc autem Titulo Injuria sumitur pro *Contumelia*, à *Contemnendo* sic dicta, & haud inconcinne *definitur*, quod sit *delictum privatum*, quo quis *dolo malo*, sive *contumeliose* Corpus, *Dignitatem*, aut *Famam*, & *Existimationem* alterius ledit. *Manz. §. 1. h. t.*

Dixi *dolo malo*, cum primis enim ut injuria facta esse dicatur, *dolus* interveniat, necesse est, nam in *dolo* & *affectu* facientis injuria consistit, neque sine consilio, & mente conflare potest, l. 1. ff. h. t. Quare neque is, in quem *dolus* non cadit, qualis est *Furiosus*, & *Impubes*: Neque is, qui dixit, vel fecit, quod per se quidem injuriosum est, non ex *affectu* injuriandi, sed potius animo *jocandi*, vel *corrigendi* profectum, injuriarum actione conveniri potest, l. 3. §. 1. & 3. l. 13. §. *Quæ Jure potestatis* ff. h. t. Reus tamen probare compellitur, se, non animo injuriandi, id fecisse, vel dixisse. *Ratio*, quia *dolus*, & *animus delinquendi* præsumitur, in eo qui in re illicita est versatus, l. Si non 5. Cod. h. t. *Wesemb. in parat. h. t. num. 8. Gail. lib. 2. Obs. 106. n. 1.*

Quodd



3 Quod si verba sint indifferentia, quæ possunt, & non possunt importare injuriam, actor probare debet, injurioso animo prolata esse, *Harp. n. 9.*

Sed quid? si Reus constanter dicat, se non dixisse injuriandi animo; id autem neque conjecturis, neque aliter probare possit, an ei Juramentum purgatorium deferri poterit? sunt, qui id *negant*; sed alii rectè us *affirmant*. Ratio in prochiu est, siquidem, quæ in conscientia & animo consistunt, non nisi Juramentò, probari possunt. Et ita practitari, testatur *Harp. n. 12. Gail. lib. 2. Obs. 48. n. 30.*

#### §. INJURIA. I.

4 Exponit hic Imperator, *tribus* principaliter modis Injurias fieri, *Re* scilicet, *Verbis* & *Litteris*. Omnes autem hii modi ad *duo* Genera non incommodè revocari possunt, ut omnis injuria dicatur, fieri aut *Re*, aut *Verbis*, *l. 1. §. 1. b. 1.* Hinc est, quod communiter *D. D.* Injuriam aliam dicant esse *realem*, aliam *verbalem*. *Schneid. n. 1. Gail. 2. Obs. 104. n. 4.* Realis dicitur, quando Manus inferuntur, aut alio quodam facto Injuria infligitur. Exempla hujus Injurie in *Text. tria* proponuntur.

5 I. Est, quando quis *pulsatur*, *verberatur*, aut *caditur*, quia tales Actus cedunt in Contemptum, ut non mirum, quod Injurioli dicantur.

II. Est, quando quis sciens, me nihili mihi debere, *petit vel facit*, se immitti in Possessionem Bonorum meorum. Talis mihi tenetur Injuriarum. Ratio, quia me prostituit, esse *pauperem*, & non *solvendo*. *Manz. n. 8.* diffamare autem aliquem de *Paupertate* non minima Injuria est, *Paupertas* enim multum diminuit *Existimationem*. *Schneid. num. 10. hic.* Dixi: *sciens, me sibi nihil debere*, nam,

si quis Immissionem petat à Judice in veri debitoris Bona, ille non peccat, sed Jure suo utitur. Jure autem suo utens nemini facit Injuriam, *l. 55. ff. de R. J.*

III. Est, quando quis honestam Fœminam, & Matremfam. vel etiam prætextatam, vel prætextatam affectatus est, qui tacitus, nihilque omnino loquens aliquam frequenter insequitur, quocunque vadit, vel pudicitiam attentaverit, hoc est blandis, & impuris verbis compellaverit, aut etiam ad flagitium invitarit, talis Injuriarum tenetur; quia tales Actus notam *Scorti* incurrunt. *Manz. n. 12.*

Dixi *honestam Fœminam*. Unde. *Injuriarum* non teneris, si *publicam Sacerant* impuris Verbis attentaveris, quoniam hujus *Pudicitiam* nemo lædere dicitur, utpote & *Manibus* & *Pedibus*, & *omnibus totius Corporis Membris* dudum in *Forum* propulsam. *Manz. ibid.*

Dixi insuper: *pretextatam*, vel *Prætextatam*, hoc est *ingenuè vestitam*, vel tali *Habitu* incedentem, qui *Ingenuitatem*, & *Honestatem* præ se fert. *Schneid. n. 23.* Unde, qui *Matronam*, aut *Virginem*, *meretricia Veste* indutam, affectatur, aut impuris verbis compellit, *Injuriarum* non tenetur, *l. 15. §. 15. ff. b. 1.* sed sibi imputare debet, si, ut *Meretrix*, attentetur, quia talis quis præsumitur, in quali *Habitu* reperitur. *Schneid. n. 22.* Plura *Exempla* Injurie realis, & quidem centena adducit *Harp. à n. 4. usque ad 70.*

*Verbalis Injuria* dicitur, quando *Manus* non inferuntur; sed aut *Voce*, & *Dictò* alicui *Contumelia* inuritur, aut *Scripto* & *Litteris*, *l. 1. §. 1. ff. b. 1.* *Voce* & *Dictò*, quando v. g. aliquis *Scurra*, *Fur*, *Nebulo*, *Sperius*, *Boyardus*, aut aliò ignominioso *Nomine* compellatur; vel etiam quando aliquis *mentiri* dicitur; 6

tamen, ut talia verba *Animo injuriandi* proferantur, Injuria enim in *Affectu* Injuriantis consistit. Unde si ad te, Crimen mihi objicientem, dicam, *tu mentiris*, Injuriarum non teneor, quia non injuriandi animo facio, sed mei *Honoris* defendendi causa, quod autem ad defensionem corporis, & honoris sui facit, rectè fecisse dicitur. *Schneid. num. 8. Gail. 2. Obs. 100. n. 3. Scripto* & *Litteris* committitur Injuria, quando quis ad *Infamiam* & *Dedecus* alterius *Libellum*, aut *Carmen*, aut *Historiam*, aut *Cantilenam* scripsit, aut composuit, *l. 5. §. 6. ff. b. t. Manz. num. 22.* Ut hæc materia reddatur luculentior, lubet aliquas *Questiones* subnectere. Itaque,

7 Q. I. an injuriam inferens cum protestatione, v. g. *tu mentiris*, salvo honore tuo, injuriarum teneatur? Affirmantium dogma commune est. Ratio, quia protestatio nihil operatur, c. *Sollicitudinem. 54. de Appellat.* at, hæc protestatio talis est, quia verbum injuriosum præcedens declarat, quod alterius honori parcere non voluerit, ideoque duo pugnantia conjungit, & per consequens talis protestatio, utpote actui contraria nihil operatur. Ita docent *Gail. lib. 2. obs. 101. num. 2. Aruma. exercit. 17. th. 16. Schneid. n. 8. hic. Harp. num. 77. hic. & ad ff. de Injur. n. 7.*

8 Q. II. an veritatis convitii, quo nocens infamatur, excuset? Dixeris prima fronte, quod veritas criminis objecti ab injuria non excuset. I per *l. Si non Cod. h. 2.* ubi sola criminis objecti veritas ab actione injuriarum neminem excusat, nisi citra animum injuriandi illud objecerit.

II. Per *l. 2. Cod. quando, & quibus quarta pars?* &c. ubi apertè scribitur quòd veritas convitii nullam præbeat excusationem.

III. Per *c. Cum Minister &c. Relevantes 43 Q. 5.* ubi dicitur, pravum animum relevantis rem facere iniquam, sive verum sit crimen, sive non.

*Secunda Sententia*, quæ docet, ob veritatem criminis aliquem ab injuria excusari, nititur his fundamentis: I. *l. 18. ff. b. t.* his verbis: *eum, qui nocentem infamavit, non esse lenem, æquum, ob eam rem condemnari: peccata enim nocentium nata esse, & oportere, & expedire.*

II. Per *l. 3. Cod. de Officio Rector. Provin.* ubi *Constantinus* Imperator omnibus concedit potestatem, injustos, & maleficos publicè judicandi.

III. Per *l. un. Cod. de famos. lib.* ubi capitali poena punitur, qui crimen objectum non probat, sequitur à contrario, quòd non puniatur, si crimen probet.

*Tertia Sententia* rem *Distinctionis* ope componit, & ista sententia mihi quoque arridet, eamque suo muniant patrocinio *Gail. l. 2. obs. 99. n. 1. Zoef. loc. cit. num. 3. Schneid. n. 14. Harp. n. 98. Gomez. var. Resolut. tom. 3. cap. 6. num. 2.* Refert nimirum, an Reipublice expediat, convitium sciri, an non expediat! si prius, non tenebitur, si probet illud, veluti si quis alium *latronem*, *furem*, *homicidam*, *adulterum*, *lenonem*, *leprosum*, *infamem* vocaverit. Ratio, quia interest Reipublicæ, infamiam esse notam *d. l. 18. ut delicta puniantur l. 51. ff. ad leg. Aquil. & ne leprosi conversentur cum aliis, & ab iis morbos contrahant c. 1. & de conjug. leprosi. & denique, infames ad dignitates sublimentur contra *l. 1. de infam.* Si posterius? veritas convitii injuriantem non excusat; sed injuriarum tenebitur, veluti, si quis aliquem *pauperem*, *claudum*, *strabonem*, *luscum*, *monoculum*, *loripedem*, *cæcum*, *mutum*, *surdum*, *gibosum* nominaverit, vel*

vel etiam crimen, jam punitum, alicui, cui honor restitutus est, objecerit. Ratio, quia nemo debet alterius infamiam detegere, cum defectus nostros detegi inhumanum sit, & injuriosum l. 2. Cod. quando, & quomodo quarta pars &c. atque secundum istam distinctionem in Camera Imperiali judicatum esse refert Gail. loc. cit. in fine.

9 Q. III. an Injuriam verbalem licet alia injuria verbali repellere? v. g. vocasti me latronem, & ego, à te provocatus appellavi te furem, vel etiam latronem? Q. an cuilibet nostrum competat actio injuriarum? Vehementi conflictu in hujus Controversia certamine inter se colliduntur AA. pugnandi causam præbent non levium dubitandi rationum momenta. Et quidem prima fronte dixeris, injuriam verbalem alia injuria verbali repelli posse, & per consequens neutri competere actionem.

I. Quia vita, & fama pari passu procedunt l. 9. ff. de manumiss. vind. sicut igitur ad defensionem vitæ vim vi repellere licet l. 3. ff. de J. & J. ita quoque ad defensionem honoris injuriam injuria retorquere, permissum erit.

II. Quia paria delicta mutua compensatione tolluntur c. fin. & de adult.

III. Per l. 10. §. Quoties ff. de Compensat. ubi dicitur, in omnibus delicti criminibus compensationem admitti, ex quibus ad poenam pecuniariam agitur; at, in judicio Injuriarum ad poenam pecuniariam agitur §. 7. h. t. ergò.

IV. Potest quis ad defensionem suæ Innocentiæ ad alterum dicere: tu mentiris: ergò poterit ipsum quoque furem compellare, quia æquè injuria est dicere: tu mentiris, quam appellare furem.

V. Per l. 14. §. 6. ff. de Bonis libert. ubi rescribitur talis casus: libertus patroni filium ob aliqua crimina accusavit,

accusatus ista crimina in illum retorfit.

Q. an filius Patroni bonorum liberti possessionem à Priore petere possit? videbatur, quod non, ob d. l. 14. in princ. ubi, qui libertum capitis accusavit, à possessione contra tabulas removetur. Sed affirmativè R. ex hac subjuncta ratione, quia ignoscendum est ei, qui provocatus se ulcisci voluit. Ex quo patet, injuriæ retorsionem in foro fori esse impunibilem.

Verum, ut sua hæc Rationes dubitandi mole non careant, mentem tamen, veritatis tenacem, non expugnant. Sto proinde, petrae similis, pro Sententia, quæ injuriam verbalem injuria verbali negat repelli posse, adeoque in memorato casu, & statu Questionis utrique actionem injuriarum accommodat. Ita tenent Schneid. n. 12. hic. Harp. n. 87. Gail. lib. 2. Obs. 100. n. 9. Bachov. ad Treutl. vol. post. disp. 30. th. ult. in fin. Probatur I. per l. Neganda. 19. Cod. de his, qui accusare non poss. Ubi Reus, vel accusatus alicujus criminis lite pendente accusationem reaccusare nequit. Ratio redditur in l. 5. ff. de publi. Jud. ubi dicitur Reum non relatione criminum sed innocentia se se purgare debere. II. per c. Veniens. 16. de Jure jur. ubi reciproca injuria invicem non compensatur; sed uterque injuriator obligationis vinculo obstringitur. III. Per rationem fundamentalem, quia omnis vindicta privata (regulariter) prohibita est l. Extat. 13. ff. quod met. caus. Jam verò, si ego, accepta verbali injuria, vicissim tibi crimen objicio, hæc replicatio non ad defensionem, sed ad vindictam tendit. Neque enim per reciprocam criminis objectionem eliditur crimen, quod mihi objecisti, adeoque talis retorsio non videtur fieri ad defensionem, sed præcisè ad vindictam, quæ concessa non est.

Et ex hac ratione ruit primum Argumentum

*mentium*, licet enim vim vi repellere, Jura, & leges permittant; non tamen licet injuriæ retorsione uti: argumentum enim à defensione corporis ad defensionem honoris non procedit, quia termini non sunt pares. Pro vita enim tuenda agitur defensione vitæ, & sic vis vi removeri potest; Sed injuriâ verbali agitur de vindicta: quæ semel illata, non potest removeri & per consequens non ad defensionem, sed vindictam videtur facta.

Secundum argumentum etiam parum, aut nihil evincit, quia illud procedit, quoties crimina circa idem factum committuntur, veluti mutuum adulterium uxoris & mariti, idem Matrimonium concernit, & ad eundem finem civiliter agitur, scilicet ad dissolvendum Matrimonium, quoad thorum & mensam, & lucranda dotem; secus, si sunt diversa facta, uti in *d. l. Neganda* 19. Atqui hic sunt separatæ injuriæ, & versantur circa diversa facta, nec injuria prosequendo propulatur, *Schneid. loc. cit.* Aliter *R. Harp. n. 92. hic ubi ait in d.c.* singulari Matrimonii favore receptum, ut mutuum uxoris, & mariti adulterium mutua compensatione tollatur, ac proinde, ad consequens non producendum, *l. 14 ff. d. ll.*

Ad III. *R.* nam ibi dicitur duntaxat, quod compensatio pœnæ pecuniariæ liquidæ cum alio debito liquido fieri possit; *u. g.* autem nos facti ad factum compensationem dari.

Ad IV. *R.* non. aut. neg. consequ. quia, quando quis dicit *tu mentiris*, agitur ad defensionem, ut repellatur delictum obiectum, & negatur in effectu, quod dictum est, adeoque non tendit ad vindictam *Schneid. n. 12. h. c.* Aliter (*puto*) sic *R.* posse, quod in casu, quo ego vicissim crimen obijcio, v. g. *adrocinii*,

vel *furti*, revera aliquem furem, vel latronem appellem, quod non tendit ad defensionem honoris mei, sed præcisè ad vindictam. In casu autem, quo dico, *tu mentiris*, crimen furti eidem non impingo, sed me defendo, quando autem latronem, vel furem te compello, videntur ista verba, exaggerandi duntaxat mendacii causa, adjecta.

Ad V. *R.* in *cit. l. 14 § 16.* hoc tantummodo statui, quod propter retorsionem criminis in eo non puniatur, ut amittat bonorum possessionem. Non verò statuit, immunem ab injuriarum judicio. *Harp. n. 95.* Deinde: *retorsio*, si ve *reaccusatio* ideo ubi in casu *l. 14. §. 19.* concessa est, quia reaccusator ut pote socius criminis, accusare non potuit. *l. 8. ff. de accusat.* Sanè, licet provocatus alteri injuriam intulerit, utendo Jure retorsionis, & sic injuriarum, teneatur; mitius tamen puniri debet, quam provocans & propter justum dolorem, quem compescere, & temperare difficilimum est, ita omnes ferè DD. *Gail. loc. cit. n. 10. Harp. n. 79.* & ista pro hac *Controversia* sufficiant.

#### §. PATITUR AUTEM. 2.

Q. in hoc §. *quinam*? & per quos injuriam patiantur? & *R.* Imperator, quod aliquis injuriam patiantur, vel per se ipsum, vel per alias personas. Per se ipsum, cum immediatè, seu directò ipsi Patriam. aut Matrifam. si ve præsentis si ve absentis injuria infertur. Per alias personas, cum alteri quidem injuria infertur; sed in eum per consequentiam redundat, & ipsum (mediate saltem) contingit. Sic per alium dicitur quis injuriam pati, cum illa infertur liberis meis, in potestate constitutis, vel uxori meæ vel sponse meæ, vel nuri, vel cadaveri, aut famæ defuncti, cujus ego haeres



hæres eram. Ratio horum omnium est, quia spectat ad nos & nostram existimationem injuria, quæ his fit, qui potestati nostræ, vel affectui nostro subiecti sunt, l. 1. §. 3. ff. h. t. Harp. n. 1.

Dixi: in potestate constitutis, si enim emancipati sint liberi, aut naturales, aut Spurii, hisque injuria fiat, ad existimationem nostram spectare non videtur, cum nemo tales liberos in potestate habeat. Manz. n. 6. & 7.

Dices: sic per sponsam sponso non fit Injuria, cum eam in potestate non habeat. R. Ideo sponso per sponsam injuriam fieri, quia quasi eadem persona videntur, instar conjugis, & mariti, can. 8. caus. 31. Q. 2. licet non de præsentis, tamen de futuro, quatenus cingendus habetur pro cincto.

#### AD V. ITAQUE.

Contingit aliquando, ut ex una injuria tribus personis detur actio, fac enim, uxori meæ filia fam. injuriam factam esse. Hoc in casu, & Marito, & uxori, & Patri uxoris, in cujus potestate adhuc existit, competit injuriarum actio, text. hic. neque ullius actio per aliam consumitur; sed quivis suo nomine experiri potest, l. 1. §. fin. ff. h. t. Schneid. n. 12. Uxor tamen injuriam, marito illatam, vindicare non potest, defendi enim uxores à viris, & non viros ab uxoribus, æquum est, l. 2. ff. h. t. Secus est de socero, hic enim pro injuria, nurui suæ facta, agere potest, modò filium adhuc in potestate habeat. text. hic.

Ex dictis colligunt DD. quod Abbas pro Monacho, Episcopus pro Clerico, civitas pro cive, frater pro fratre, consanguineus pro consanguineo injuriarum agere non possit, cum certæ, & determinatæ sint personæ, propter quas ex injuria eis illata, alteri actio injuriarum

civilis quæritur. Ergo non extendendum ad consequentias, arg. l. 14. ff. de ll. Harp. n. 30. Dixi civilis, criminaliter enim, sicuti quilibet extraneus agere poterit, sic frater pro occiso fratre criminaliter agit. Schneid. n. 15.

#### §. SERVUS. 3.

Domino, ratione dominicæ potestatis, pro injuria servo illata, actio injuriarum competit in duobus duntaxat casibus. I. quando atrox injuria servo facta est, ut quia acriter verberatus est, vel vulneratus. II. quando servo injuria illata est in contumeliam Domini. Extra istos casus Dominus injuriam servo illatam, persequendi Jus non habet; sed, ne maleficia impunita maneant, in reliquis casibus Judex injuriantem ex officio punire potest, l. 15. §. 35. ff. h. t.

#### §. SI COMMUNI. 4. CUM §. SEQ.

Ad istos duos. §§. commentari operæ pretium non est, utpote de servis tractantes, proinde vide alios.

#### §. SED SI LIBERO 6.

Id ipsum, quod hoc §. continetur, inutile est; illa tamen non abs re poni poterit.

Quæstio: an pro Injuria illata servis, sed liberis hominibus, qui pro mercede serviunt (veluti famuli, procurator mercenarius, &c.) illi, cui serviunt, vel cujus negotia gerunt, competit actio Injuriarum? R. quod sic, si videlicet tunc ipsis injuria infertur, dum exequuntur officium, & gerunt negotia domini, quia representant personam domini, & per consequens injuria ipsis in contumeliam domini illata esse censetur. Schneid. num. 2. Artae. disp. 24. th. 22. Harp. num. fin. hic.

#### §. POR-

## §. P O E N A. 7.

**I** Q. in hoc §. quæ sit poena injuriarum? Olim ex *Leg. XII. Tab.* propter membrum ruptum, poena erat *Talio*, id est, licebat illi, cui membrum ruptum esset, retaliando ita membrum rumpere: propter os verò fractum, percussumque nummariæ poenæ erant constitutæ; ob reliquas autem injurias tantum erat poena 25. *assum.* Verùm Prætores postea poenam hujusmodi minùs dignam judicantes, abrogarunt eandem, & permiserunt, ut injuriam passus eam æstimaret, æstimatam Judex ex æquo & bono augeret, vel minueret secundum gradum dignitatis, vitæque honestatem. Et, si Reus conventus solvendo non sit, Judex poterit poenam Pecuniariam in corporalem convertere juxta tritam paræmiam, qui non habet in ære, luat in pelle, *l. fin. ff. de in Jus vocand. Schneid. n. 8.* Illud tamen certum est, quando quis uno impetu plura verba injuriosa dixit, unam solummodo injuriam esse, *l. 15. §. 4 ff. b. t.*

## §. S E D E T L E X C O R N E L I A. 8.

In superiori §. explicatum fuit, quomodo de Jure prætorio vindicentur injuriæ? in hoc verò §. ostenditur, quomodo de Jure civili? De Jure autem civili propter injuriam realem in tribus tantummodo casibus ex *Lege Cornelia* injuria vindicatur, scilicet tunc, quando quis pulsatus, vel verberatus est, vel quando domus alicujus vi est introita, *Text. hic. & in l. 5. ff. eod.* non autem interest, si domus ea alicujus sit propria, siue aliena, & mercede conductæ, siue gratis concessa, imò amplius, si quis Hospitio tantum receptus sit, in omnibus enim casibus turbatur quieta Habitatio. *Manz. num. 2. & 3. Extra*

*istos tres Casus* omnis actio Injuriarum prætoria est, quam prætoriam actionem etiam in istis tribus casibus intentari posse, dubium non est, sed, vice versa, actio civilis non potest extra istos casus moveri. *Schneid. n. 1.*

*Dices:* quid prodest actio civilis ex lege *Cornelia*? nunquid superflua est, quoniam sufficit actio prætoria? *R.* ad hoc prodesse, quod actio civilis sit perpetua. Prætoria verò annualis & hoc ex Theoria universali, quia videlicet remedia civilia plerumque perpetuò, id est, 30. annis durant, prætoria verò per annum, uti *infra de perpet. & tempor. act.* videbimus, *Manz. n. 9. & Mynsing cent. 5. obs. 7.* ubi ait: ita judicando observatum esse.

## §. A T R O X. 9.

*Duplicem* ob Causam Imperator in hoc §. declarat, quæ sit atrox Injuria. *Prima* quidem Causa est, quod ea gravius puniatur quam levis, *l. 16. ff. de Pen.* *Secunda*, quia quibusdam Personis actio Injuriarum non datur, nisi pro atroci Injuria, §. *Servis 3. b. t. Schneid. n. 2. hic.* Injuria autem atrox dicitur, & fit <sup>12</sup> *tribus* principaliter Modis, puta ex Facto, ex Loco, & ex Persona. Ex facto fit injuria atrox, si quis ab aliquo vulneratus, vel fustibus cæsus sit, vel os, seu facies, alicui percussus, *l. 7. §. fin. ff. b. t.* Ex loco æstimatur, & redditur Injuria atrox dupliciter. I. ex loco corporis, ut si quis violetur in oculo, in quo injuria facta gravior est, quam in quacunque alia corporis parte. II. ex loco extra corpus, ut si quis in loco publico, puta in *Theatro*, aut in *Foro*, aut in *Templo*, aut in *conspectu* Judicis Injuriam accipiat, *text. hic. & in l. 8. ff. b. t.* Ex persona, quando Magistratui à Subdito, Parenti à Filio, Patrono à Liberto, Præceptor

teri à Discipulo : vel Vro , in Dignitate  
c. llocato , ab *abj. & sortis Persona* Inju-  
ria inferitur , l. 7. §. 2. 3. & ult. ff. b. t.  
Has tres species *Poeta* ita canit :

*His tribus ex causis injuria dicitur atrox*  
*Facti , Personæ , vel ratione Loci.*

### §. I N S U M M A. 10.

13 Quemadmodum de aliis *privatis delictis* , ita & de *Injuriis vel criminaliter* , vel *civiliter* agere licet , *Text. hic.* & in l. 7. §. 6. ff. de *Injur.* Civiliter autem quis dicitur agere , quando actor injuriæ maculam , sibi inustam , æstimat , ac certam pecuniæ quantitatem , *Pœna loco* , Reo imponi , sibi que ( salva tamen *Moderatione* , & *Taxatione Judicis* ) adjudicari petit , v. g. si in libello dicat : *se malle cavere 1000. fl. quam talem injuriam patitur* Judex autem solet injuriæ æstimationem moderari , & taxare , ac dein *injurio* defert *Juramentum* , ut juret , quòd injuriam tanti æstimet. Quo præstito , sequitur definitiva ad summam juratam , prout in taxatione expensarum receptum est. *Gail. Obs. 102. num. 10. & 11.* quòd si injuriatus ad taxationem Judicis jurare nolit : fortè quòd Judex minus , sua opinione & petitione , injuriam æstimaverit , poterit Judex sub comminatione *absolutoria Sententiæ Juramenti* præstationem injungere , *Gail. num. 11. loc. cit. Harp. n. 1.* Criminaliter agere tunc quis dicitur , quando quis , commissa æstimatione , petit , simpliciter , Reum puniri. Et tunc pœna arbitraria est , adeo ut Judex possit Reo imponere vel pœnam corporalem , pro qualitate , & atrocitate facti , vel pecuniariam , applicandam Fisco. *Schneid. n. 1.* Porro , quamvis , ratione injuriæ , agi possit civiliter , & criminaliter , hoc tamen *Limitatur* , procedere non *cumulative* , ita ut una intentata alteram tollat , l. 1. *Kees ad Insitut.*

*Cod. quando Civil. actio crimin. præjud.* Ratio , quia utraque ad vindictam comparata est , & neutra rem familiarem , seu damnum pecuniarum concernit , *Harp. n. § 8.* concurrentibus autem pluribus actionibus , ejusdem rei nomine ad idem , una tantum quis experiri potest , l. 43. §. 1. ff. de *R. l. Manz. n. 8.* Sanè si actio civilis & criminalis tendant ad *diversa* ; Illa ad *Persecutionem rei familiaris* ; altera ad *Vindictam* , tunc una per alteram non tollitur , l. 7. §. 1. ff. b. t. unde , si actor egit injuriam civiliter , pro injuria reali atroci , poterit etiam contra eundem agere ex l. *Aquil. ad emendationem Damni* , & *Interesse* &c. alia quippe est æstimatio damni , alia contumeliæ. *Schneid. n. 2. Wesenb. in paratit. b. t. n. 14.*

Præter duas præmissas actiones est 14 hodie & alia in usu , quæ vocatur *Actio recantatoria* , sive actio ad *Palinodiam* , *anf einen Widerruf* , per quam quis petit , ut injurians injuriam verbalem falsam publicè in *Judicio* revocet , recantet , honoremque restituat , & veniam roget. *Harp. n. 63.*

De hac actione dubitatur , an illa cum 15 actione injuriarum ad æstimationem *cumulari possit* ? Dubium ( ut perspicue loquar , ) in eo vertitur , *utrum actio recantatoria criminalis sit , an merè civilis.* Nam , si criminalem esse , dicas , notum est , cumulationem non habere locum , cum utraque actio ad vindictam spectet. Quo stante , una alteram absorbet , uti dictum. Et quidem , hanc actionem criminalem esse multi sunt , qui autument.

Verùm communiter , imò etiam in Camera Imperiali receptum est , illam esse civilem , Teste *Gail. lib. 1. Obs. 65. n. 8.* Ubi ait *quotidie libellos injuriarum in Camera recipi ad Palinodiam* , qui recipi , & admitti non possent , si criminalis  
D d d d judi

judicium esset, seu, cum, vigore Ordinationis, nulla causa criminalis (excepta fracta Pace) ibi agitari possit. Harp. n. 64. & seqq. Manz. n. 11. accedit, quod in actione recantatoria admittatur Procurator, Teste Myusung. cent. 2. Obs. 9. & ad hunc §. in criminalibus autem Judiciis neque ad agendum, sive persequendum, neque ad defendendum (regulariter) Procurator admittitur, l. pen. §. 1. ff. de c. Tua §. de procur. Schamb. hic. v. *Questio prima.*

Non refragatur, quod actio recantatoria infamet, ea propter criminali dicenda sit. Quia Secundario duntaxat infamat, non primario, principaliter enim ad honoris restitutionem agitur. Sic actio Depositi etiam civilis est, & tamen, ex ea condemnatus, fit infamis, l. 6. ff. de his, qui not. infam. Schamb. hic. Idem hic de actione Tutela, pro Socio Mandati, &c. quæ omnes civiles sunt, & tamen infamant. Harp. n. 71. hic. Accedit, quod actio ad Palinodiam, juxta multos AA. apud Harp. n. 109. non infamet, ex ratione, quia in Constitutione Caroli V. inducente hanc tertiam Actionem, nulla fit mentio de Infamia Macula, vide quoque Hum. ad Treutl. vol. 2. disp. 30. Q. 46. Ex dictis, veluti fonte, fluit, actionem recantariam cum actione injuriarum æstimatoria cumulari posse, nec ab una alteram consumi. Illa enim ad Restitutionem Famae & Honoris, hæc ad Vindictam tendit Scharb. d. loc. v. *Questio secunda.* Et, cum ista actio civilis sit, (uti ostendimus) sequitur, illam non unius anni spatio circumscribi, sed perpetuam esse, prout sunt omnes actiones civiles. Schamb. loc. cit.

#### AD VERS. HOC VIDELICET

Q. in hoc v. utrum actionem injuriarum liceat auctori per Procurationem perse-

qui, vel Reo per Procuratorem suscipere? R. cum Dist. si civiliter agatur, Procurator omnino admittitur, l. 11. §. 2. ff. b. t. si verò agitur criminaliter, Procurator (regulariter) non admittitur. Ratio, quia poena injuriæ arbitraria est, ut Judex poenam quoque corporis afflictam, imponere possit: quo in casu judicium redderetur elusorium, Sententia enim neque in Persona rei, neque Procuratoris Executioni mandari posset. Non rei, quia absens est, vix enim, ad poenam corporis sustinendam, comparebit. Gail. 1. Obs. 109 non Procuratoris, quia is innocens est, & delicta tenere debent suos Authores, l. 22. Cod. de Pen. Manz. n. 16.

Excipitur Persona illustris, quæ actio 16 nem injuriarum, etiam criminaliter intentatam, per Procuratorem suscipere potest, Text. hic. & l. fin. Cod. b. t. Ratio exceptionis, & hujus Privilegii fortè ista est, ne facile id generis personæ infamiae macula imburatur. Harp. n. 92. Et quamvis, d. l. fin. Cod. b. t. discretè caveat, etiam in hoc casu sententiam ferri in principalem, non in procuratorem, id ipsum tamen in praxi non observatur; sed, quia condemnatus ex actione injuriarum sive civiliter, sive criminaliter intentata, fit infamis, l. 1. ff. de his, qui not. infam. ideo sententia, ad evitandam infamiam, plerumque in Procuratorem fertur. Gail. 1. Obs. 111. num. 2. & 3. juxta Regulam: Infamiam effugit, qui alium suo, loco supponit. §. 1. Inst. quib. ex caus. manumit. Manz. n. 20. nec id procuratori nocet, quia, condemnatus alieno nomine, non redditur infamis, l. 6. §. Si quis alieno ff. de his, qui notantur infam. Unde Schneid. n. 11. Cautelam proponit, quomodo qui in actione injuriarum, civiliter intentata, evitare possit? videlicet, eam suscipiendo per Procura-



Procuratorem, quia, ut quis fiat infamis, requiritur ut præsens in Judicio condemnatur, §. 2. *infra de Pæn. temere litig. Schamb. v. Observa.* Illud notandum, juxta modernum stilum rarò Infamiam incurrì, etiam si quis nomine proprio ex injuria condemnatur quia plerumque reservatio Honoris sententiæ adjicitur: *dasz ihm solches an seinen Ehren solle unnochtheilig. seyn. Gail. 1. Obs. 65. num. fin. Manz. num. 21.*

## §. NON SOLUM. II.

Non solum is, qui fecit injuriam, v. g. qui percussit, vel convitium alteri dixit, tenetur injuriarum, sed etiam ille qui mandavit, *Text. hic. & fin. l. 11. ff. h. t.* Ratio, quia *paria sunt facere, & mandare*, & qui facit per alium, per se ipsum fecisse, intelligitur. Idem est, si quis alios conduxerit, ut in alterius contumeliam cantilenas cantent, aut verba injuriosa spargant.

## §. HÆC ACTIO FIN.

- 17 Diximus: *quid sit injuria, & qualiter inferatur? Q. modo, qualiter tollatur?* ac I. quidem tollitur injuria *Dissimulatione*, si nimirum alicui inferatur injuria, isque eam non statim ad animum revocet, nec pro injuria reputet; sed rideat, & non curet, ita ut appareat, sibi non displicere, quod factum. Quo in casu ita tollitur injuria, ut per dissimulationem eam semel remissam, postea, ut maximè velit, ex pœnitentia recolare nullo pacto possit, *l. 11. §. 1. ff. h. t.* eò quòd volenti non fiat injuria, *c. 27. de R. J. in 6. l. 154. ff. eod.* Hinc benè faciunt, qui injuriati libello inferunt, se injuriam confestim ad animum

revocasse, *dasz er alsobald die Schmach zu Gemuthe gezogen. Manz. num. 2.* Actus autem familiaritatis, & dissimulationis censentur isti, si injuriatus rideat, ludat, motu proprio edat; & bibat cum injuriante, amice salutet, manum porrigat, osculum præbeat, &c. Ratio quia tales sunt id genus actus, qui inter amicos tractari solent, *Manz. n. 4. Schneid. n. 3.* Sanè, si quis statim injuriam ad animum revocaverit; licet postea injuriantem salutet, vel ei dexteram porrigat, vel edat, aut bibat, non tamen propterea injuriam, sed rancorem præsumitur remisisse. *Harp. n. 1. & Schneid. hic.* Item, si quis actum familiaritatis ad alium finem, & perfunctoriè fecerit, vel, honoris causa, eum omittere non potuerit, injuriam remisisse, nequaquam intelligitur, v. g. fac. post injuriam injuriantem, & injuriatum, ad idem convivium esse invitatos, & positos ad unam mensam, hoc in casu per actus familiares injuria remissa non intelligitur. *Schneid. num. 3.* Unde solent aulici (inquit. *Harp. loc. cit.*) poculum injuriantis Jure aulico accipere, hoc est, citra præjudicium injuriæ. II. Tollitur Injuria *Præscriptione*, sive lapsu unius Anni, *l. 5. Cod. h. t. III. Per Juramentum*, delatum Reo, qui jurat, se non fecisse; sed vel Joco, vel calore *Iracundia*. IV. Per *Mortem* injuriantis, vel injuriati ante litem contestatam, *l. 13. ff. h. t.* actiones pœnales ad hæredes non transeunt, §. *Non autem. 1. de perpet. & temp. act.* Dixi ante litem contestatam, quia, si lis cum defuncto contestata sit, actio perpetuatur, & instantia litis in ejus hæredes transfertur, *l. Injuriarum 12. ff. h. t. Harp. n. 77.*

## TITULUS V.

## DE OBLIGATIONIBUS, QUÆ EX QUASIDELICTO NASCUNTUR.

## SUMMARIA.

- 1 *Imprudentia est Quasi delictum.*
- 2 *Medicus, imperitè curans verè delinquit.*
- 3 *Quatenus quis teneatur de Delicto, & effuso?*
- 4 *Et quis teneatur?*
- 5 *De suspensio quando quis teneatur?*
- 6 *Exercitor, & Caupo quatenus teneantur?*
- 7 *An invitum cogi possit, recipere Hospites?*

## CONNEXIO.

**I**N §. *supra* de Obligat. dictum est omnes Obligationes aut ex Contractu, aut ex Quasi-Contractu; aut ex Delicto, aut ex Quasi delicto, nasci. De tribus speciebus hucusque egimus; sequitur de quarta & ultima. Quasi autem delictum est factum quoddam, cui nec verus dolus, nec vera culpa causam dedit, seu quod fit absque vero dolo, & vera culpa; lex tamen fingit, vel supponit, esse culpam, Schamb. Res exemplo fiet clarior.

## AD PRINCIPIUM.

- Prima species Quasi delicti est *Imprudentia Judicis, malè judicantis*. Nam si **1** Judex imprudentiam, vel imperitiam malè pronunciat, tunc litem suam facit, hoc est, in tantum parti læsæ tenetur, in quantum alteri Jus dicere æquum videbitur, *Text. hic.* & in l. 132. §. ff. de O. & A. Ratio quia imperitia annumeratur culpæ, l. 5. §. ff. R. I. Manz. n. 2. Ratio autem, quare dicatur quasi delictum, assignatur in *textu*, & desumi-

tur à sufficienti partium enumeratione, quia non est contractus, nec quasi contractus, nec proprium delictum, ergò est quasi delictum. Non contractus, vel quasi talis, quia contractus à Jure est permissus; imperitè autem judicare non licet. Non propriè delictum, quia dolo caret, sibi que persuasum habet, quòd optimè judicet, ita ut propter bonam hanc sui persuasionem verè delinquere non intelligatur. *Harp. n. 4.*

*Dices, Medicus, per imperitiam male curans, verum committit delictum, & convenitur ex lege Aquilia, §. 7. sup. de leg. Aquil. ergò & Judex, malè judicans. R. varios varias dare differentias rationes: placet ista, quia Medicus artis suæ peritiam proficitur, Judex verò non professione Jurisprudentiæ, sed publica authoritate constituitur, etiam invitus. DD. ad l. 17. Cod. de Jud. unde communiter dicitur, Judicis officium, utpote publicum, esse coactum, Medici, vel Chirurgi magis voluntarium. Schamb. hic. ubi ait: de hac Quæstione, multum disputare, esse frustraneum, cum Juris Consultorum Medicorumve errore vix unquam in judicium vocentur. Justè profecto: quoniam nullus foret litium finis.*

*Q. tamen quomodo vocetur hæc actio, quæ contra Judicem imperitè judicantem, datur R. ab aliquibus vocari actionem ex Syndicatu: à nonnullis actionem male judicati; ab aliis actionem in factum. Tu de nomine non te multum angas, si ne illam baptizari, ut velint, sufficiat tibi, quòd sit actio prætoriana in factum, quæ*

quæ datur ei, qui per sententiam Judicis, ex imperitia malè judicantis, læsus est, adversus eum, ut dominum litis solvat, in quantum æquum alteri Judici videbitur, considerato errore, & imperitia malè judicantis. Non si erravit in lege facili, gravius punietur, quam si in lege difficili, aut obscura erraverit. *Manz. m. 16.*

Hactenus *l. 1. de iur. l. 1. de iur. l. 1. de iur.* procedunt, si per *Imperitiam* malè judicaverit, quia, si Judex dolo malo, scienter, & ex proposito, vel etiam pecunia, gratia, favore, odio, vel timore corruptus perperam Jus dicit, verum, & proprium delictum committit, & severiori pœna subicitur, *l. 1. de iur. l. 1. de iur. l. 1. de iur.* scilicet, ut famæ qatatur dispendium, & veram litis ei, quem læsit, præstet æstimationem, *l. 1. §. 1. Cod. de Jud.* Imò juxta *Auth. Novo Jure Cod. d. 1. si pecunia corruptus sit*, & causa pecuniaria sit, dati triplum, promissi duplum Magistratui restituere tenetur dignitate, & cingulo amisso: si verò causa criminalis fuerit, confiscatis omnibus bonis, in exilium mittetur. *Schamb. hic.*

### §. I T E M I s. I.

3 Secunda, Quasi-delicti species est *Dejectio, vel Effusio*, ex cœnaculo facta. Nam is, ex cujus cœnaculo vel hypocausto, cubiculo, vel alio conclavi, aut parte domus superiore (sive domus illa propria ipsius sit, sive conducta, sive gratis ad habitationem concessa) lapis, tegula, vel aliquid simile in plateam, vel locum, quo vulgo itur; dejectum, vel aqua, oleum, aut urina, effusum fuerit, ita ut prætereunti in corpore, vel vestibus nocuerit, ad duplum damni dati ex quasi delicto tenebitur. Dixi *ex cujus cœnaculo*, quia si ipse habitator facit, non ex quasi delicto, sed ex vero

delicto, lege Aquilia teneretur; quia in vera culpa est. *Hosp. mon. 2. Schamb. hic.* Ratio hujus pœne est, quia publicè interest, vias publicas, salvas & ab omni periculo liberas esse: sic ergò effundentes, vel dejicientes geminato peccant, bonum publicum & hominem privatum lædendo. *Manz. mon. 2.*

Sed, cur dicitur, quòd inhabitans, ex quasi delicto teneatur? Ideò, quia plerumque ob aliorum culpam tenetur, puta, servorum; aut liberorum hominum; aut aliorum domesticorum, qui improvidi, aut incauti fuerunt, *text. hic.*

Sed, ultro ais, quare inhabitans ex alterius delicto teneatur? Ideò, quia inhabitanti semper culpa imputatur, vel enim domestici, vel hospites dejicienda nocuerunt. Si domestici? inhabitans in culpa, est, quòd tales personas in ædibus retineat, qui ita imprudenter operantur. Si peregrini, & hospites? debuisset eos admonere, ne incautè quid dejicerent, aut effunderent, quo non facto, culpa non vacat.

Sed quid, si monuerit, & tamen peregrini, sive hospites quid dejecerint? R. tamen teneri; non quidem ex culpa, utpote cessante; sed hac ex causa, quæ specialis est, cur ex alieno delicto innocens teneatur, quia nimirum publicè interest, sine metu, & periculo per itinera commeari. *Schamb. nu. 1. Manz. num. 2.*

Dixi: *contra inhabitantem ex hoc Quasi-delicto agi*, quia contra dominum ædium hæc actio in factum non datur, *l. 5. §. Hac in factum, 4. ff. h. t.* Dicitur autem *inhabitare*, qui in sua domo, vel in conductâ, vel etiam *gratia concessâ* habitat, Hospes non tenetur, *d. l. 1. §. pen. Schamb. hic.* poterit tamen inhabitator per actionem in factum ab hospite, qui damnum dedit, id recuperare.

quod propter ipsius effusionem præstare coactus est, *l. si vero 2. §. 4. ff. de his, qui dejec. vel effud. Schneid. num. 5.*

- 4 Q. quid si plures in tali cænaculo, vel domo habitent? R. cum *distin.* aut plures in eadem domo, & eodem cænaculo æqualiter, & pro indiviso habitant, & tunc, si constat, quis dejecerit, is solus tenetur, quia pœna suos debet tenere authores, *l. 22. Cod. de Pœn.* si non constat, in dubio omnes tenentur, & quilibet in solidum, *l. 1. §. fin. ff. de his, qui dejec. &c.* uno tamen solvente, cæteri liberantur, & is, qui solidum solvit, adversus reliquos pro rata agere poterit, *l. 4. ff. eod.* Aut sunt plures habitantes in eadem domo, sed in separatis, & distinctis cænaculis, & tunc actio in eum solum in solidum dabitur, unde dejectum, effusumque aliquid fuit. *l. 5. ff. eod. Schneid. n. 7.*

#### AD VERS. OB HOMINEM.

Vidimus, qualis sit pœna in eos statuta qui deijciendo, aut effundendo nocuerunt rei, quæ æstimationem recipit.

Jam Q. quid Juris, si liber homo, qui nullam æstimationem recipit, occidatur, vel ei noceatur? R. si liber homo occisus sit, quod 50. aureos, pœnæ nomine, solvere oporteat. Si verò duntaxat vulneratus fuerit, tunc de Jure communi certa pœna non est expressa, sed condemnatur Reus in id, quod Judici, æquum esse, videbitur, adeoque pœna est arbitraria. *Manz. n. 16.* Debet autem Judex computare mercedes, Medicis præstitas, cæterosque sumptus, & impendia, quæ in curatione facta sunt. Item denique operas, quibus læsus illo tempore caruit, & quibus imposterum, ob membrum aliquod fortè perditum, cariturus est *text. hic. & in l. fin. ff. de*

*his qui dejec. vel effud.* Sed an Cicatricum, & Deformitatis etiam sit habenda ratio? *d. l. fin. id negat.* Quod volunt procedere in Masculis, non etiam in Feminis, quia his deformitas magis nocet, quàm illis, vide *Manz. num. 19. Schamb. v. Quæres.*

#### AD V. CUI SIMILIS. §.

Tertia Quasi delicti species est, quando quis eo loco, quo vulgo itur, *suspensum quid habet*, vel positum, quod facile cadere vel alicui nocere potest; tunc enim, licet adhuc nulli nocitum sit, cuilibet de populo actio prætoriana in factum datur ad pœnam 10. Aureorum, quia ipse metus à Prætoe punitur, & melius est in tempore occurrere, quàm post vulneratam causam remedium quærere. Dixi: *facile*, quia, si ita sit positum, ut prætereuntibus nocere nequeat, non tenetur, *l. 5. §. 11. ff. h. t.* Unde mulieres hoc modo, ne facile cadant, viridaria in ollis ante fenestras licitè habere possunt, *Schneid. n. 11.*

#### §. SI FILIUS FAM.

Quamvis paterfam., ex cujus cænaculo, vel domo quid dejectum effusumque est, pro liberis, & servis, proque tota familia ex quasi de icto obligetur, ut diximus, si tamen filiusfam. seorsim à patre habitaverit, & quid ex cænaculo ejus dejectum, effusumque fuerit, siue quid positum, suspensumque habuerit, quod facile decidere potuit, nulla in patrem, sed in ipsum filium, ex quasi maleficio in factum actio dabitur. *Text. hic. & l. 1. §. 7. ff. de his, qui dejecer. &c.* Ratio, quia de peculio in patrem ex filifam. contractu, vel quasi competit, non ex delicto, vel quasi, §. 4. *infra* Quod cum eo, qui in alieno potest. *&c.* Quod si tamen etiam ex delicto; vel quasi



quasi filiusfam. sit condemnatus, tunc quoque & pater peculio tenus conveniri potest. *l. 35. ff. de noxal. act.* Ratio, quia tunc non tam ex delicto, vel quasi, sed potius quasi ex contractu obligatus est, cum per iudicium quasi contrahatur, *l. 3. §. Idem scribit. ff. de peculio Schamb.* Quod dictum est de filiofam. ob dejectionem, vel effusionem quasi delinquente, idem (adjungitur in fine hujus §.) sentiendum est de iudice, per Imperitiam male judicante.

#### §. ITEM EXERCITOR FIN.

6 Nota, quod exercitor navis, sive nauta ille dicatur, ad quem quotidianus quaestus navis pertinet, §. *Si igitur 1. infra.* Quod cum eo, qui in aliena potest. Exercitor cauponæ, sive caupo, qui viatores hospitio recipit, *l. Naut ff. Naut. caup.* Exercitor stabuli, sive stabularius, qui permittit jumenta apud se stabulari, *d. l. Nauta §.* Hi omnes, aliorum hominum opera uti, necesse habent. Quod si itaque ab iis hominibus, quorum opera utuntur alicui in navi, caupona, aut stabulo damnum datum, aut furtum factum est, tunc tenetur nauta, caupo, stabularius ex quasi delicto, quia quasi culpa est, opera hominum malorum uti. *Text. hic. & in l. fin. §. 4. ff. Nauta, Caup. &c.* Ut intellectus hujus materiæ reddatur facilior, scias, necesse est, quod deponens rem suam in navi, caupona, vel stabulo, triplicem actionem pro re subtracta habeat; quarum tamen una electa ea contentus esse debet, *l. licet 6. §. Possimus. 4. ff. Nauta, Caup. &c.*

Prima est actio in factum prætoriam, ex quasi delicto descendens, quæ datur ei, cui in navi caupona, aut stabulo damnum datum, vel furtum factum est ab iis, quorum opera utitur dominus, adversus dominum in duplum.

Dixi I. Prætoriam, quia hæc actio datur ex dicto prætorio, *l. un §. 3. ff. furt. advers. naut.* ubi tamen notandum quod præter istam actionem, ex edicto prætorio descendente, etiam dantur actiones civiles, locati, si merces intervenierit; aut depositi, si gratis res susceptæ sint, *l. 3. §. 1. ff. nauta, caupones, &c.* verum utilis esse videtur remedium prætorium; quia actio locati ad culpam duntaxat levem, & depositi ad latam. hæc verò etiam ad levissimam datur, quod speciale est in hac actione, *d. l. 3. §. 1. nauta, caup. &c. Schamb. hic. Schneid. n. 4.*

Dixi II. ex quasi-delicto, quia, culpa esse, censetur, opera malorum hominum uti. *Manz. n. 17.*

Dixi III. quæ datur ei, cui damnum datum, aut furtum factum est. Illud non interest, in quibuscunque rebus id contigerit, sive sint merces, sive vestes, sive nostræ, sive alienæ, dummodo nostra inter sit, salvas esse, *l. 1. §. Ait prætor. d. t.* Nec refert, sive exercitor sciat, res esse immixtas, sive non, *d. l. 1. §. fin.* ubi dicitur; recepit, res salvas fore, sive sint ei assignatæ, sive non, eo ipso enim, quod in navim immixtæ sint, receptæ videntur. Accedit, quod periculosum foret, semper exercitoribus ostendere bona, quæ quis navi infert; per hoc enim immineret periculum vitæ, & quandoque quis insidiis latronum, furumque exponeretur. *Schneid. n. 2.*

— Dixi IV. in navi, caupona, aut stabulo, quia exercitor non tenetur, si nauta, v. g. extra navem, furtum fecit, *l. 7. ff. nauta caup. &c.* famulus cauponis extra officium, sibi commissum, aliquid recepit, *l. 3. §. 2. eod.* Ratio, quia regulariter dominus non tenetur pro delictis famulorum, extra officium delinquentium. *Manz. n. 2.* Sic quoque dominus non tenetur, si quis in nuptiis focariæ pallium traderet pro custodia, eamque amitte-

mitteret, quia cellarius, non focaria, ad hoc officium deputatus est. *Manz. n. 5.*

*Dixi V. quorum opera utitur dominus, nam, si alii homines, qui in navi vehuntur, puta, extranei, aliis damnum dent, aut Furtum faciant, exercitor non tenetur. l. 6. §. 3. ff. nautæ, caup. &c. juxta l. un. §. 6. fur. advers. naut. Schamb. hic. Schneid. n. 2.*

*Obj. l. 1. §. ult. l. 2. l. 3. ff. de naut. caup. stabul. &c. in quibus aperte cautum, quod caupo etiam Viatorum præstare factum teneatur; ergo non tantum tenetur pro sua familia. R. cum Harp. n. 7. Schamb. hic. & pluribus aliis, præter actionem, jam discussam, cauponem, exercitorem, &c. ob furtum viatorum conveniri posse in factum de recepto actione, quæ quasi ex contractu descendit, & in simplicium adversus cauponem, &c. propter damnum, aut furtum à viatoribus factum, competit. Atque de hac actione præmemorati textus intelligendi sunt, l. un. §. 3. loquitur de actione, quæ ex quasi delicto adversus cauponem in duplum oritur, neutiquam verò propter furtum, vel damnum, à viatoribus illatum, contra dominum datur. Itaque ad hujus rei evidentiam diligenter notandum est, duo Edicta fuisse de nautis, cauponibus, & stabulariis, quo-*

*rum uno prætor in factum actionem de recepto dedit, quæ ex quasi-contractu oritur: altero in factum actionem ex quasi delicto in duplum. Differunt hæc duæ actiones, quod illa sit rei persecutoria, & ideo in hæredem detur, l. 3. §. 4. ff. naut. caup. &c. Hæc verò penalis sit, Ideoque in hæredem non competat, l. ult. §. ult. ff. eod. In illa caupo, exercitor, stabularius præstat factum omnium, etiam vectorum, id est, qui navi vehuntur, l. 2. §. 3. ff. eod. in hac verò exercitor non tenetur nomine vectorum, aut caupo nomine viatorum, sed eorum, quorum opera utitur, l. pen. ff. eod. Schneid. n. 5. Et hæc est secunda actio, quæ vocatur in factum de recepto, ex quasi contractu competens, Schamb. hic.*

*Tertia est actio furti, competens deponenti contra eum, qui res furto subtrahit, quicumque ille fuerit, l. 5. §. fin. ff. h. r. & de hac actione Tit. supra egimus.*

*Q. An quis invitatus cogi possit, recipere hospitem? R. regulam esse, quod cogi non possit, l. 1. §. 1. ff. Naut. caup. Excipe, si quis hospitari cæperit, vel hospitii signa ostenderit, quod de casu procedit. l. un. §. fin. ff. fur. advers. naut. in his verbis: nec repellere potest, nisi nimia sit hospitum affluentia. Harp. n. 9.*

## TITULUS VI.

### DE ACTIONIBUS.

#### SUMMARIA.

- 1 Quid sit actio?
- 2 Officium Judicis aliud nobile, aliud Mercenarium.
- 3 Advocatus pro mercede sua non habet actionem.

4. Autoritate propria nemo potest rem suam occupare.
- 5 Quomodo de Jure Austriaco puniatur rem occupans sine auctoritate Judicis?
- 6 Actio alia realis, alia personalis.
- 7 & 8 Casus actionis personalis.

9. Actio

- 9 Actio alia directa, alia utilis.  
 10 Actio realis definitur.  
 11 Usque  
 16 Ponitur casus Rei vindicationis.  
 17 18 19 20 Quid sit actio confessoria? cui? contra quem? ad quid competat? Et quae sint ejus Requisite?  
 21 Usque  
 27 Quid sit actio negatoria? cui? contra quem? ad quid competat? Et quae sint ejus requisita?  
 28 Actiones aliae sunt praetoriae, aliae civiles.  
 29 Quid intersit, an actio sit praetoria, an civilis?  
 30 Actiones ex statuto an sint civiles, an praetoriae?  
 31 Et 32 Actio Publiciana quid sit?  
 33 Quibus competat?  
 34 An vero domino competat?  
 35 Contra quem competat?  
 36 An detur contra titulo possidentes?  
 37 Quae sint requisita actionis Paulianae?  
 38 Ponitur casus actionis rescissoriae.  
 39 Remedium rescindens, Et rescissorium an detur?  
 40 Restitutionem in integrum quis concedat?  
 41 42 43 Recensentur requisita ad restitutionem in integrum.  
 44 Intra quale tempus actio rescissoria intentari debeat?  
 45 Usque 49 Quid sit Actio rescissoria?  
 50 Ponitur casus actionis Paulianae.  
 51 Quid sit actio Pauliana?  
 52 Alienare in fraudem Creditorum.  
 53 An ille dicatur alienare in fraudem Creditorum, qui non acquirit?  
 54 Quibus competat?  
 55 Titulus alius onerosus, alius lucrativus est.  
 56 Quid intersit, an titulo oneroso, an lucrativo alienatio in fraudem creditorum facta sit?  
 57 Quid requiratur ad actionem Paulianae ad Instituta.  
 nam?  
 58 Fraus alia est consilii, alia eventus.  
 59 Qualis fraus requiratur ad actionem Paulianam?  
 60 61 62 63 Et 64 Quando propterea sit actio Pauliana, Et ad quid competat?  
 65 Actio Serviana exponitur.  
 66 Illata, Et invecata in praedium rusticum an tacite pignori obligentur?  
 67 68 69 70 71 Et 72 Actio Serviana cui? contra quem? Et pro quibus rebus competat?  
 73 Merces an tacite pro pignore obligentur  
 74 Quae sint requisita actionis Servianae?  
 75 76 77 78 79 80 Quid sit actio quasi Serviana? cui? Et contra quem competat?  
 81 82 83 Et 84 Exponitur actio de constituta pecunia.  
 85 86 Et 87 Quale debitum constitui possit?  
 88 Ad quid competat actio de constituta pecunia?  
 89 Usque 93 exponitur actio de peculio.  
 94 Definitur Juramentum.  
 95 Et 96 Quot sint species Juramenti.  
 97 Quid sit Juramentum voluntarium extra judiciale?  
 98 99 Et 100 Exponitur Juramentum judiciale.  
 101 Et 102 An Juramentum judiciale operetur necessitatem acceptandi, aut referendi, si actor penitus nihil probaverit?  
 103 Quid sit Juramentum necessarium?  
 104 Quae sint ejus requisita?  
 105 106 107 Et 108 Exponitur in quibus causis Juramentum necessarium non habeat locum?  
 109 Et 110 Cui sit deferendum Juramentum suppletivum?  
 111 112 Quid sit Juramentum in litem?  
 113 Et 114 An Judex rerum ultra duplum vera estimationis condemnare possit?

- 115 116 117 118 119 120 121 Exponitur actio ex Jure jurando in factum.  
 122 Quid sit actio de albo corrupto?  
 123 Quid actio de in Jus vocato vi exempto?  
 124 Exponuntur actiones prejudiciales.  
 125 126 Exponitur condictio fictiva.  
 127 Actiones alie sunt rei persecutorie, alie pene persecutorie, alie mixte.  
 128 129 130 & 131 Quid sit actio vi bonorum raptorum?  
 132 Casus actionis familia herciscundae.  
 133 usque 137 Quid sit?  
 138 Major eligit, & minor dividit.  
 139 Quid Juris, si femina cum masculo concurrat?  
 140 141 142 143 144 Quid sit actio de communi dividundo?  
 145 Actio finium regundorum quando detur?  
 146 Actio servi corrupti quid sit?  
 147 & 148 Cui, & contra quem competat?  
 149 Actio in triplum quando detur?  
 150 Actio in factum contra calumniatores quando competat?  
 151 usque 155 Quid sit? cui? contra quem? & ad quid competat?  
 156 Condictio ex lege adversus executores quando competat?  
 157 Violentia quotuplex?  
 158 & 159 Casus actionis quod metus causa, contra quem, & ad quid competat?  
 160 Quid sit actio illa?  
 161 Quae ejus requisita?  
 162 Metus qualis istam actionem producat  
 163 & 164 Cui cedat periculum rei ad vendendum aestimato data?  
 165 & 166 Quae actiones in duplum competant?  
 167 Actiones alie bonae fidei sunt, alie stricti Juris.  
 168 Bona fides, & strictum Jus quid hic denotent?  
 169 Actiones bonae fidei quid sint?  
 170 Quae sint actiones bonae fidei?  
 171 Clausula, alles getreulich, und ohne Gefahrte, an faciat actionem stricti Juris esse bonae fidei?  
 172 173 174 Actio praescriptis verbis excutitur.  
 175 Actio aestimatoria quid sit?  
 176 Ad quem spectet?  
 177 178 179 180 & 181 Actio praescriptis verbis exponitur.  
 182 Casus petitionis hereditatis.  
 183 Usque 196 tractatur petitio hereditatis.  
 197 Usque 203 Recensentur privilegia doti concessa.  
 204 Creditores alii chirographarii, alii hypothecarii.  
 205 An mulier praefertur fisco?  
 206 Usque 211 An mulier praefertur creditoribus, expressam hypothecam habentibus?  
 212 In donatione propter nuptias?  
 213 Quid in dote confessata?  
 214 Donativa nuptialia, ad quem spectent?  
 215 Quid sit actio ex stipulatu pro dote?  
 216 & 217 Cui? & contra quem detur?  
 218 219 Quinam teneantur dotare?  
 220 An mater?  
 221 An frater sororem?  
 222 Usque 228 Exponitur materia compensationis.  
 229 Usque 232 Exponuntur actiones arbitrariae.  
 233 Usque 236 Explicatur actio de dolo.  
 237 238 & 239 Quid sit actio de eo quod certo loco?  
 240 Quot modis dicatur plus peti?  
 241 242 243 244 & 245 mutare libellum, vel emendare quando liceat?  
 246 Usque 248 Quid sit beneficium competentiae, & quibus competat?  
 249 & 250 Cessio bonorum quid operetur?



## C O N N E X I O.

**T**Riviale est, omne *Jus* quo utimur, vel ad *Personas* pertinere, vel ad res, vel ad *Actiones*, §. ult. *Inst. de J. N. G. §. C. De Jure personarum in Libro I. dictum est. De rebus Libro II. III. §. IV. ad hunc usque Titulum*, rebus enim etiam obligationes annumerantur, cum sint res incorporales. Superest, ut actiones quoque ad lancem examinis appendantur. Quam materiam, nomine compendii, eorum omnium insignire possis, quæ hætenus dicta, & in cæteris partibus Juris latissimè hinc inde quasi sparsa, & disjecta sunt. Itaque *opera pretium est, ut aureo huic Titulo omnium virium impendio, & contentione animi impigrè insudetur, meretur id Dignitas materix, suadet Utilitas, efflagitat Necessitas*; *Jurista* enim, qui *Cognitione Actionum* caret, est instar *Militis* carentis gladio.

## A D P R I N C I P I U M.

**I** *Actio definitur hic in princip. quòd sit Jus persequendi in Judicio, quod sibi debetur, text. hic. & l. § I. ff. de O. & A.*

Dicitur I. *Jus*, id est, facultas, seu potestas legitima, à Jure tributa.

Dicitur II. *persequendi*, ut differat ab aliis rebus, in Jure consistentibus, v.g. à *Via*, *Usu*, *usu fructu*, *Dominio*, &c. *Via* enim est *Jus eundi*, &c. *Uusus fructus* est *utendi fruendi*; *dominium* est *Jus disponendi*, *actio* verò est *Jus persequendi*, hoc est, *Rei*, vel *Juri* nostro tam diu insistendi, donec aut consequamur quod nobis debetur, aut ejus obtinendi spes nobis præscindatur. *Harp. n. 30. hic.* quod utrumque contingit officio Judicis, ubi observ. officium Judicis aliud nihil esse, quàm potestatem cognoscen-

di, & judicandi secundum modum Jurisdictionis, vel facultatis concessæ, arg. l. 12. §. 1. ff. de Jud.

*Dividitur in nobile, & mercenarium.* 2  
Nobile est, quod per se stat, non deserviens alicui actioni, & hoc aliquando exercet Judex motu proprio, abique eo, quòd requiratur, aut rogetur, ut si in sceleratos propria autoritate inquirat, arg. cap. 24. & de accusat. Aliquando verò ad petitionem, & instantiam partis; veluti quando Judex suum officium alicui impertitur, qui nullam habet actionem, æquum tamen est, aliquid fieri, vel præstari, v. g. si quis petat, se restitui in integrum, lib. I. §. 1. ff. de Minor. vel alimentari à patre suo, filius enim ad consequenda alimenta nullam habet in Jure actionem, l. 4. ff. de Jud. ut proinde ei necesse sit, nobile Judicis officium implorare, l. fin. Cod. de alend. lib.

Sic pariter Advocatus, vel Medicus, 3  
qui per stipulationem sibi de salario expresse non prospexit, non aliam, aliquid consequendi viam habet, quàm si ad nobile Judicis officium confugiat: excellentiam enim artis, quæ non est prætio æstimanda, actionem non habet, sicuti illi, qui operas suas pro mercede locant; sed à Judice ei pro modo facundix, & impensi laboris qualitate decernatur, necesse est, l. I. §. I. ff. de variis, & extraord. cognit. Schneid. num. 10. Gail. lib. I. obs. 44. Carpzov. p. 1. const. I. def. II. Mev. p. 3. decis. 332. num. 7. Mercenarium judicis officium est; quod per se non stat, sed actioni deservit, quasi ancilla suæ dominæ. Hoc exercere Judex toties dicitur, quoties aliquis ex contractu, vel quasi, ex delicto, vel quasi tali actionem in judicium deducit, & judex desuper cognoscit, aut judicat. *Harp. num. 21.*

Dicitur III. *in judicio*, tum ut actio-

nes judiciales secernantur ab extrajudicialibus postulantibus. Nam si quid *extra* judicium ab aliquo requiram, non dico *agere* sed *requirere petere*, &c. quoniam actio exigit judicium. *Manz. num. 13. Harp. num. 36.* tum ut indicetur, quod nemo debeat propria autoritate jus sibi dicere, aut rem, quam sibi deberi contendit, occupare, sed potius legitimis actionibus experiri, ac suum consequi debeat, *l. 13. ff. quod met. causa.* Imò in jure gravissimæ poenæ in illos constitutæ sunt, qui propria autoritate, vi quadam ablativa, vel expulsiva possessionem rei, penes alium constitutam, occupant. Nimirum, ut is, qui præfato modo, propria scilicet autoritate, rem violenter occupavit, eam non duntaxat teneatur restituere, sed &, etsi dominus sit, dominium ejus amittat; si vero dominus non sit, æstimationem ei, cui adempta, præstare teneatur, *l. 7. Cod. unde vi. Brunn. ibid. n. 3.* Imò, talis, propria autoritate facta, occupatio, pacis publicæ Edicto continetur. *Gail. de pace publ. lib. 1. Cap. 1.* Et tamen *Covarr. var. resolut. lib. 3. cap. 16. n. 7.* hujus legis constitutionem à toto Christiano orbe abolitam esse, autumet; contra tamen sentit. *Menoch. de recup. poss. remed. 9. num. 3. Et Brunn. loc. cit. num. 11.* qui posterior, poenam juxta hanc legem irrogandam esse, asserit; nisi per consuetudinem probetur sublata.

De Jure Austriaco, qui rem propria autoritate sine decreto judicis occupat, de vi tenetur, *Suttinger obs. 124. num. 2.* his verbis: *Und derowegen hat sich der Gegentheil, deme solcher gestalten etwas (außer derer Gerichtlichen Commissarien) entzogen wird, eines Gewalts billig zu beklagen.* Quævis autem (etiam minima) vis poena 50. fl. mulctatur, si verò armata manu illa sit, vim inferens 100.

fl. punitur. Teste *cod. Suttinger obs. 134. num. 1.* ibi: *Wann einer &c. i. e. Qui alteri vim fecit, ac de ea ut panti lasse satisfaciatur, sententia est condemnatus; ei propter vim illatam etiam minimam, solet multa 50. fl. imponi, si autem manu armata vis facta est; multa est 100. fl. ad minimum.*

Dicitur IV. *quod sibi debetur.* Ubi, tametsi aliqui amantes subtilitatem, existiment, per ista verba non comprehendi, nisi actiones personales, utpote per quas petimus, quod nobis debetur, rectè tamen dixeris, sub *ly debetur* etiam comprehendi actiones reales, quia & illud, quod nostrum est, hætenus debetur, ut nobis restituatur. *Manz. n. 29. Harp. n. 43. Hamm. var. resolut. lib. 4. p. 2. q. 3.*

#### §. OMNIUM I.

Exposita actionis definitione, progreditur modò *Justinianus* ad ejus divisionem. Dividitur autem actio I. in *realem*, & *personalem*, omnium enim (inquit *text. hic.*) actionum, quibus utimur, ea est natura, ut aut in personam dirigantur, aut in rem. Actio personalis illa dicitur, qua agimus contra eum, qui ex contractu, vel quasi, ex delicto, vel quasi nobis obligatus est ad aliquid dandum, vel faciendum. *Schneid. n. 12.*

Casus *Actionis personalis.* Titius vendit mihi equum, &, aliquoties interpellatus, recusat, illum tradere, vel dedit mihi damnum, & non vult illud rescire. Q. qualis mihi adversus Titium competat actio? & quod personalis, ratio, quia (quoad equum) est mihi obligatus ex contractu venditionis, ad illum mihi tradendum: & (quoad damnum) ex delicto, ad illud sarcien-

dum. *Manz. n. 13.* Dicuntur autem actiones, quæ ex contractu, vel quasi, ex delicto, vel quasi progenerantur, ideò personalis, quia omninò infixæ sunt personis litigantium, & ossibus actoris tenacissimè inhærent, sicuti character baptismi inhæret animæ, hinc etiam personam ejus comitari dicuntur, sicut lepra leprosum. *Schneid. num. 2.*

8 Unde *Infero*: si posito casu Titius equum mihi venditum postea alteri vel vendat, vel donet, vel quacunque alia ratione alienet, quod mihi contra tertium, in quem facta est alienatio, nulla competat actio. Non personalis, ratio, quia personalia personam non egrediuntur, & iste tertius mihi ex nullo contractu, vel quasi, ex nullo delicto, vel quasi obligatus est. Non realis, quia actio realis ex parte agentis præsupponit dominium quod in me ante traditionem translatum non est; *traditionibus* enim, non nudis *pactis* transferri rerum dominia, in propatulo est. *lib. 20. Cod. de pact. Manz. num. 15. § 16.*

*Dices*: omnes actiones personales transeunt ad hæredes. Item tertio cedi possunt, ergo actio personalis personam contrahentium egreditur. *R.* ad I. quòd hæres, & defunctus censentur esse una eademque persona, cum hæres in universum Jus defuncti succedat, *l. 59. ff. de R. l. Manz. n. 19. hic.* Ad II. dico, quòd in cessionarium actio duntaxat utilis, non directa transferatur. *Schneid. num. 11.* Sic, si, accepto certo pretio, actionem vendidi, quam habeo adversus Titium, tibi cessi, non directam, sed utilem contra Titium actionem exercere potes. *l. 1. Cod. de O. & A.* Item creditor, cui debitor nomina in solutum dedit, utilem actionem rectè intentat, *l. 6. eod. Perez. ad Cod. de O. A. n. 14.*

Quod, ut melius percipiatur, *Observa* Actionem directam appellari illam, quæ non tantum ex mente, & voluntate legis, sed ex ipsis verbis datur. *Utilem*, quæ non ex verbis, sed mente legis, suadente, & exigente æquitatis ratione, detur. Ut ecce: *lex XII. Tab. si* verba legis consideremus, illis duntaxat actionem de pauperie accommodat, quibus animal quadrupes nocuit. Jam fac, quod non *bos*, vel *equus*, sed animal *bipes* v. g. *grus*, *ciconia*, &c. pauperiem tibi fecerit. Hoc in casu utilis tibi de pauperie actio contra dominum bruti competit. *Schneid. n. 5.* Quæ tamen actiones in effectu non differunt, *§. ult. Inst. ad leg. Aquil.*

Actio *realis* illa dicitur, qua quis non contra eum, qui ex contractu, vel quasi, ex delicto, vel quasi, sed contra illum agit, qui possidet rem, in qua actor dominium, vel aliud jus habet. *Manz. n. 20.* Vocatur realis, quia rem ipsam sequitur, & semper adversus eum datur, qui rem possidet; etiamsi illa per mille manus ambulaverit, *l. 25. ff. de O. & A.* Species actionum realium variaz occurrunt, puta, *rei vindicatio*, actio *confessoria*, actio *negatoria*, actio *Publiciana*, *rescissoria*, *Pauliana*, & *quasi Serviana*, de quibus in ordine, & cum exempla declarant regulam, ideo cuilibet actioni præmittam casum. Itaque sit.

*Casus rei vindicationis.* Cum ambularem in campo, excidit mihi de digito annulus, quem postea invenit Titius. Vel fur quidam subtraxit mihi scyphum argenteum, eumque vendidit Titio. Ego interpello Titium, ut annulum aut scyphum restituat. Ille recusat. Q. qualis mihi contra Titium competat actio? *R.* quod rei vindicatio, *text. hic. & in l. 25. ff. de O. & A.*

**12** *Quid sit Rei vindicatio?* Definatur, quod sit actio realis, qua dominus agit adversus possessorem rei suæ corporalis, & petit, se dominum declarari, eamque sibi una cum fructibus restitui. Dicitur *corporalis*; pro rebus enim incorporalibus non rei vindicatio, sed actio confessoria, vel negatoria datur, de quibus §. seq. Deinde rei vindicatio in eum dirigitur, qui possidet, *text. hic. & l. 6. ff. de R. V.* Sed res incorporales possideri non intelliguntur, *l. 4. §. 27. ff. de usu-cap. ergo Harp. n. 39.*

**13** *Cui competat?* Rei vindicatio ei competit, qui iure gentium, aut civili, rei petitor dominus est, *l. 23. ff. b. t. Zoes. n. 4.* Unde, cum dominium aliud sit directum, & aliud utile, prout *lib. 11. tit. 1. n. 28.* dictum est, ideò rei vindicatio alia directa, alia utilis. Illa datur domino directo. Hæc domino utili puta *emphyteuta vasallo usufructuario, Schneid. n. 64. Manz. n. 16. Zoes. ff. de R. U. n. 3.*

**14** *Contra quem competat?* Rei vindicatio regulariter competit contra possessorem *l. 9. l. 24. ff. de R. V.* Cum vero varii sint possessores; Ideò competit. I. adversus eum, qui rem possidet *naturaliter, & civiliter, hoc est, qui rem corpore & animo habet.* II. competit contra naturaliter possidentem tantum, *l. 9. ff. de R. V.* cum & iste habeat facultatem rei restituendæ. III. contra civiliter possidentem tantum, hoc est, qui animo tantum retinet possessionem, actu autem rei non insitit, ut in *l. 6. §. Qui ad mundinas ff. de acq. vel amitt. poss. IV.* adversus eum, qui nudam habet detentionem, puta contra commodatarium, depositarium, colonum, &c. *d. l. 9. ff. de R. V.* Qui tamen iudicium evitare possunt, laudando, & nominando dominum, *l. 2. Cod. ubi in rem actio, &c. Schneid. n. 81. Zoes. loc. cit. num. 38. V. adversus dolo desinentem*

possidere, *l. 27. §. 3 ff. de R. V.* Ratio, quia paria sunt, possidere, & dolo desinere possidere, dolus enim repræsentat rem, *lib. 150. ff. de R. l. 3 lib. 131. ff. eod. Manz. n. 25.* Dolo autem desinere possidere dicitur, qui rei vindicationem, sibi imminentem, metuit, & rem alienat, aut perdit, ne apud se reperatur. *Schneid. n. 84.*

*Ad quid competat?* Competit rei vindicatio ad hoc, ut res restituatur cum omni causa, hoc est, utilitate, quæ ex illa re causatur, vel producitur. Unde, si dolo possessoris; vel culpa res perierit, vel deterior post litem contestatam facta fuerit, vel fructus perceperit, aut aliud emolumentum ex re natum sit, horum omnium ratio in rei restitutione habebitur, *l. 17. §. 1. ff. & l. 7. §. 12. Cod. d. R. V.* Fructus autem non aliter adjudicantur in hac actione, quam si ab actore nominatim petiti fuerint, *l. 25. §. 8. ff. de acq. l. edit. Manz. n. 42. Schneid. num. 136.* Secus in petitione hæreditatis, fructus enim augent hæreditatem, *l. 1. Cod. de hered. petit. Perez. Cod. de R. V. n. 19.* Quales verò fructus bonæ, vel malæ fidei possessor teneatur restituere, diximus *l. 11. tit. 1. §. 35. per tot.* Interea ex dictis utique hauseris.

*Quæ requirantur ad Rei vindicationem?* **16** Nimirum duo: unum ex parte Actoris; alterum ex parte Rei. Ex parte Actoris requiritur *Dominium*, quod probare debet, actori enim incumbit probandi onus, eoque nihil probante, reus absolvitur, *l. 4. Cod. de edendo.* Ex parte rei possessio, seu detentio, & rei restituendæ facultas, *l. 9. ff. de R. V.* Quomodo autem dominium probetur, latè deducit *Schneid. hic. n. 65. & seqq.* Cæterum, cum domini probatio sit difficillima, §. 4. *Infl. de Interdict.* Ideò te monitum velim, ut diligenter attendas, an aliquo



aliquo interdicto rei possessionem nancisci, & adversus possessorem experiri possis. Quo habito, inepte faceres, si rei vindicationem in iudicium deduceres, cum in casu intentati interdicti solam probare debeas possessionem, cujus probatio longè est facilior. *d. §. 4.*

§. Æ Q U E. 2.

- 17 Dictum est, quæ competat actio pro rebus corporalibus. traduntur in *hoc §.* duæ actiones pro rebus incorporalibus, quarum prima vocatur *confessoria*; altera *negatoria*.

*Causa actionis confessoria.* Titius concessit mihi servitutem aquæ ductus per fundum suum ad meum. Ego aquam per fundum Titii constanter absque ulla Titii contradictione duxi. Postea, fundo vendito, novus dominus, sive emptor impedit me in usu aquæ ductus, Q. jam quomodo mihi contra impedientem consultum sit? *R.* per actionem confessoriam, à confitendo dictam, actor enim eam proponendo confitetur, & asserit, sibi jus aliquod in fundo alieno competere. *Schneid. n. 8. Harp. n. 2.*

- 18 Quid sit actio confessoria? Dico, quod sit actio realis, competens alicui ratione servitutis constitutæ, vel alterius juris, contra impedientem, ad hoc, ut iudex per sententiam declaret, atque pronuntiet, actori jus competere, & condemnet reum, ut cesset ab impedimento, & de non amplius turbando caveat, fructusque perceptos, & interesse præstet.

- 19 Cui competat? Actio confessoria ei datur, cujus est, v. g. qui servitutem habet, hoc est, qui contendit, sibi competere jus eundi, agendi, aquam ducendi per fundum vicini ad suum, *Perez. ad Cod. de Servit. num. 31.* Illud autem non refert, utrum actionem confessoriam intentans, in fundo dominante habeat sive

directum dominium tantum, vel utile tantum, quale habeat *emphyteuta*, vel *vassallus*. Illis enim directæ: his utilis datur. *Manz. num. 11. Schneid. n. 11.* An usufructuario datur? Affirmat, *l. un. §. 4. ff. de remiss.* Negat e contra *lib. 1. & lib. 5. §. 1. Si usufruct. per.* Referre existimo, quis impediat usufructuarium in usu, & exercitio servitutis? Si ab ipso proprietario impediatur, actio confessoria neque directæ, neque utilis ei datur, *d. l. 1. & l. 5. §.* Ratio, quia adversus proprietarium jus utendi fruendi principaliter persequitur, & sic servitus, fundo fructuario debita, venit in consequentiam, ne aliâ servitutem servitutis petere videatur. *Schneid. & Manz. loc. cit.* Si à quodam tertio in exercitio, & usu servitutis impediatur, usufructuario datur actio confessoria, saltem utilis, *d. l. un. §. 4. Sometting. Inst. h. t. n. 33. Harp. n. 6.*

Contra quem competat? datur contra dominum prædii servientis, qui constituit servitutem, postea impedit dominum prædii dominantis in usu, & exercitio servitutis, *l. 6. §. 3. si Servit. vind.* Dices: actio confessoria semper est inutilis; vel enim servitus debetur ex testamento? & datur actio personalis ex testamento. Vel debetur ex stipulatione? & datur actio ex stipulatu, vel debetur ex alio contractu, puta, emptionis, &c. & datur actio ex empto; ergo nunquam sortitur locum hæc actio, imò inutilis est, utpote quæ 10. inter præsentem; 20. inter absentes: actiones verò personales ex contractu 30. demum annis extinguuntur. *R.* actionem confessoriam non tantum non esse inutilem; sed quandoque maximè necessariam: fac enim, quod extraneus quidam me in usu; & exercitio servitutis turbet: hoc in casu actio personalis ex contractu ideo locum

cum non habet, quia personam contrahentis non egreditur: contra actio confessoria datur contra quoscunque impediētes. *Schneid. n. 14.*

- 20 *Pro quibus Rebus competat?* Quandoquidem hæc actio duplex est, alia *directa*, alia *utilis*. Ideò directa datur pro servitutibus, nulla facta differentia, personales illæ sint, sive reales, urbanae, sive rusticae. *Harp. hic.* Utilis verò competit pro quolibet jure incorporali, puta, jure *decimandi*, *piscandi*, *venandi*, *praesentandi*, &c. *Mynsing. n. 22. Schneid. n. 10. Et communiter omnes.*

*Ad quid competat?* Datur ad hoc, ut Judex declaret, auctori Jus in re competere, reumque condemnet, ut cesset ab impedimento, &, de non amplius turbando caveat, atque Fructus perceptos, & Interesse præstet, *Manz. n. 27.*

*De Actione negatoria.* Actio negatoria confessoria actioni contraria est, *l. Sicuti ff. si servit. vind.* cum verò, teste Philosopho, contraria, juxta se posita, magis elucescant. *arg. l. un. §. 2. Cod. de Caduc. toll.* ideò præfata actio recta methodo hic subicitur discussioni, itaque sequitur.

- 21 *Calus Actionis negatoria.* Habeo prædium vicinum prædio Sempronii, &, ut Sempronius ad suum prædium pervenire possit, magno ipsi opus erat circuitu, quem ut evitaret, me inscio, & invito, constanter per meum prædium ad suum duxit vehiculum, vel egit jumentum, hac persuasus fide, sibi, in meo fundo competere servitutem actus. Ego aliquoties Sempronium requisivi, ut ab usu, & exercitio, ducendi vehiculum desisteret; at is, sprete omni adhortatione, non desistit. Quaestio est, quomodo mihi adversus Sempronium consilium sit? R. per actionem negato-

riam, exinde sic dictam, quia nego, Sempronio in meo prædio, aut fundo servitutem actus competere.

*Quid sit Actio negatoria?* Puto, concinè taliter describi posse, quòd sit *actio realis*, qua quis negat, prædium suum alteri servitutem debere; sed asserit, illud, quoad adversarium, esse liberum, petique, ut judex declaret, prædium suum esse liberum, condemnetque reum, ut ab usu servitutis desistat, cautionem de non amplius molestando præstet, damna illata restituat, fructusque Et interesse præstet. *Manz. n. 10.* Dixi notanter: quoad adversarium esse liberum; tamen enim prædium meum non in totum sit liberum; sed fortè alicui tertio serviat, si tamen liberum sit respectu ejus, cum quo ago, rectè procedit actio negatoria. *arg. l. 4. §. 7. ff. si servit. vind.* ubi dicitur, quòd licet serviant ædes meæ; si tamen ei non serviant, cum quo ago, verum sit dicere, quoad te liberæ ædes habeo, *Schneid. num. 43.*

*Cui competat?* Actio negatoria duplex est, *directa*, & *utilis*. Illa datur habenti *plenum vel directam* dominium in prædio, in quo adversarius prætendit, sibi jus, vel servitutem competere, *l. 2. l. 4. ff. si servit. vind. Struv. Syntag. Jurisprud. lib. 8. tit. 5. num. 49. Schneid. num. 31.* Utilis verò competit, habenti dominium utile in fundo, quo alter servitutem sibi arrogat, v.g. *emphyteuta, vasallo usufructuario*, &c. *Manz. n. 13. hic.*

*Contra quem competat?* Negatoria actio competit adversus eum, qui in prædio nostro servitutem prætendit, *l. 8. §. 5. l. 17. ff. eod.* Item contra eum, qui aliter utitur servitute, quam nti debebat, *l. 11. ff. commun. prad. l. 14. ff. si serv. vind. Struv. d. loc. n. 50.*

*Pro quibus Rebus competat?* Quemadmodum

modum actio confessoria ) ut supra diximus ) directa , datur pro servitutibus , nulla facta differentiâ , personales illæ sint , an reales , urbanæ , an rusticæ : ita quoque actio negatoria dicta toties competit , quoties adversario nostro negamus servitutem , personalis illa sit , sive realis , rustica , sive urbana , *Schneid. n. 30.* Item , sicuti actio confessoria utilis pro quolibet alio jure incorporali , patâ jure decimandi , piscandi , monetandi , collegendi , &c. competit : ita quoque negatoria datur , dum quis alteri simile jus negat competere , *Siruv. loc. cit. 52. Manz. n. 52. Mynsing. n. 35.*

25 *Quæ sint Requisita actionis negatorie?*

Unum ex parte actoris , alterum ex parte Rei. Illud exigit , ut prædium sit liberum , nec debeat servitutem. Hoc , ut à reo sit usus attentatus , *Schneid. n.*

26 34 Quem usum attentatum actor probare debet. *Manz. num. 22.* Sed , Debetne actor etiam probare , fûdum suum esse liberum , atque adeò alteri non servire ? Ratio dubitandi est ; quia fundamentum intentionis suæ quilibet probare debet , *l. 23. Cod. de probat. & actori incumbit onus probandi , l. 4. Cod. de edendo.* Verùm contrarium omnes tenent *arg. l. 8. Cod. de servit.* ubi dicitur quòd quælibet res in jure præsumatur esse libera. unde sic licet argumentari : qui habet præsumptionem juris pro se , relevatur ab onere probandi , *arg. l. 5. §. 1. ff. de probat. & onus probandi rejicit in adversarium , l. ult. ff. quod met caus.* ergò in actione negatoria non actori , sed reo incumbit probandi onus , ex ulteriori hac ratione , quia affirmatio , non negatio probanda est , *l. 23. Cod. de probat.* atqui reus affirmat , sibi deberi servitutem , actor verò negat , ergò reus , non actor probare necesse habet , negantis enim nulla est probatio

*Kees ad Institut.*

*l. 2. ff. de probat. Manz. num. 16. Schneid. num. 38. & cæteri omnes.* Ad rationem dubitandi R. allegatus leges procedere ; nisi actor habeat præsumptionem juris pro se , hanc enim qui ancillantem habet , rejicit probandi onus in adversarium. *d. lib. ult. ff. quod met caus. & lib. 5. ff. de probat.* Manet proinde inconclusum dogma quòd in actione negatoria onus probandi incumbat reo. Verùm hoc Limitatur in casu , quo reus est in quasi possessione servitutis. Ut ecce , ego habeo in muro Sempronii apertam fenestram , præstantem mihi servitutem luminis. Sempronius mihi de repente negat servitutem luminis , ac me impetit actione negatoria. Hoc in casu ego , ut pote reus , non teneor necessitate probandi , in muro Sempronii servitutem luminis mihi competere ; sed Sempronius probare debet , domum suam ab onere servitutis esse liberam. Ita *Alciat. de præsumpt. reg. 2. præf. 1. 2. Ant. Faber. ad Cod. lib. 3. tit. 24 num. 8. Mascard. conclus. 1306. num. 4. Munchmeyer. in select. enucleat. cas. præf. part. 1. cas. 75. fol. 255.* qui omnes concordia harmonia docent , quòd negatoria agenti si adversarius in quasi possessione sit , incumbat onus probandi , ratio videtur esse ista , quia præsumptio , quæ pro libertate prædii militat , est *generalis* , illa verò , quæ pro possessore facit , est *specialis* ; vulgatum autem , & apud omnes et indubitatum quòd præsumptio specialis semper vincat generalem. *Fach. lib. 11. cap. 56. Barb. ad loc. commun. lib. 14. cap. 9. ax. 10.*

*Ad quid competat?* Datur actio negatoria , ad hoc , ut judex declaret , rem esse liberam , & nulli servire , *l. 4. §. pen. ff. si Serv. vind.* reumque condemnet , ut cesset ab usu servitutis , vel cujusque alterius juris attentato , atque

F f f f,

cau

cautionem præstet, de impostero, neque per se, neque per successores suos non amplius turbando, aut inquietando, l. 7. ff. d. t. damna denique illata resarciat, fructusque, & interesse præstet, d. l. 4. §. 2. v. Sed Zoëf. ff. si sero. vind. n. 9.

§. SED ISTE. 3.

28 Traditur hic *secunda actionum divisio*, desumpta à causa efficiente, scilicet quod actiones aliæ dicantur *civiles*, aliæ *Prætorie*. Civiles sunt, quæ à jure civili inventæ, & introductæ sunt, cum verò jus civile constet ex his partibus, puta, *lege, Plebiscito, Senatus consulto, Principum placitis, responsis Prudentum*, ideò actiones civiles illas esse dixeris, quæ ex una istarum juris civilis partium introductæ sunt. Prætorie sunt, quas prætor ex sua jurisdictione comparatas habet; sive quæ ex edictis prætorum introductæ sunt. Quandoque enim jus civile nullam actionem tribuit eò quod rigorem juris observet: Prætor autem, utpote qui semper habet æquitatem ob oculos, actionem accommodat, & jus civile supplet, ubi æquitati naturali convenit, aliquid dari, vel fieri *Manz. Schamb. & alii hic*. Dices: Nihil interest, num actio dicatur civilis, num Prætoria? R. hoc interesse; quod actiones civiles sint perpetuæ, id est, durent 30. annis, Prætorie verò sint annales, & lapsu unius anni circumscribantur, prout audiemus *infra* ad

30 *Tit. de perpet. & tempor. act. Dubitatur*: an actiones, ex statuto modernorum *ducum, magistratum, vel civitatum* introductæ sint dicendæ prætorie, an civiles? ut ecce, ponamus, quod ex jure statutario alicui delata sit hæreditas, ad quem jure communi non pertinet, eritne petitio hæreditatis, inde resultans,

civilis, an prætoria? R. communius obtinere, esse civilem. Ita *Harp. n. 15. hic. Manz. n. 31. Gail. lib. 2. obs. 17. n. 7.* Ratio, quia jus civile illud dicitur, quod quisque populus, aut quæque civitas sibi proprium constituit: § 1. *Inst. de l. N. G. & C.* ergò civiles sunt actiones, quas quisque populus, aut quæque civitas introduxit.

§. NAMQUE

De *actione Publiciana*. Dictum est *superius*, actiones alias esse *civiles*, alias *Prætorias*. Jam incipit *Imperator* declarare, quæ sint prætorie: ubi altò vertice eminet actio Publiciana, pro qua figuratur talis casus: profectus sum *Linzium*, & in itinere, vel ibi in foro emi à quodam extraneo, mihi incognito, equum, credens, venditorem istius equi dominum esse. Amitto hujus equi possessionem, forte, quia à me aufugit, & equus pervenit ad Titium. Ego requiro Titium, ut mihi equum restitueret. At ille recusat, aitque, venditorem illius equi non fuisse dominum. Q. qualis mihi contra Titium competat actio? Certum est quod rei vindicatio non detur, quia non sum dominus istius equi, *arg. l. Nemo plus 54. ff. d. R. J.* tradens enim dominium, quod non habuit, in me non potuit transferre. Deinde, suppono, quod equum triennio nondum usuceperim, ergò de jure civili actionem non habeo. Verùm cum Prætori iniquum videtur, ut habens bonam fidem, & justum titulum, nullam haberet actionem, ideò introduxit actionem *Publicianam*, quam illis accommodat, qui bonâ fide & justò titulo rem aliquam à non domino acceperunt, & eam ante completam usucapionem amiserunt. *Manz. num. 4. hic. Schneid. n. 14.*

Quid



32 *Quid sit actio Publiciana?* Definiri potest, quod sit *actio Prætoria in rem*, quæ petimus id, quod nobis ex justa causa à non domino bona fide traditum est, & nondum usu captum, unâ cum fructibus, damnis, & interesse restitui. *Schneid. num. 14.*

33 *Quibus competat?* Datur hæc actio quasi dominium habenti, hoc est, illi, qui rem ex justa causa, puta, translativâ dominii à non domino traditam accepit, & antequam usu caperet casu aliquo amisit, ac hæredibus ejus, *text. hic. Glettle Inst. b. t. n. 45. Zoëf. ff. de Publ. act. n. 2.* Dubitatur an actio Publiciana vero domino competat? Certum est,

34 quod domino, quâ tali, actio Publiciana non competat, I. per l. 1. §. 1. ff. de act. Publ. his verbis; *merito Prætor ait, nondum usucaptam, nam si usu-captum est habet civilem actionem*, puta, rei vindicationem non honorariam. II. per l. 18. ff. de pignor. ubi dicitur *eum Publicianâ uti, qui dominion non habuit.* III. quia Prætor voluit succurrere actori, quia alias actionem non haberet, *text. hic.* atqui verus dominus habet rei vindicationem, ergò. *Schneid. n. 32. Harp. n. 18. Zoëf. loc. cit. num. 3. Hum. ad Treut. vol. 1. disp. 25. q. 35.* Cæterum si verus dominus dominium (cujus probatio in jure dicitur difficillima, §. 4. *Inst. de interd. 1.*) facile probare non possit & hac actione sub qualitate justî tituli, & bonæ fidei possessoris experiri velit, non video, cur removendus esset? eò quod in l. 39. §. 1. ff. de Evid. disertè cautum sit, quod is, qui egit rei vindicatione, & amisit, quia fortè dominium probare non potuit, redire possit ad publicianam. Quid multis? inep- tum ego illum dixero, qui petere volens restitutionem alicujus rei amissæ, rei

vindicationem solam in judicium deduxerit, difficillima enim est probatio domini. Melius proinde fecerit si rei vindicationem, & actionem Publicianam simul intentaverit, ac libellum alternatim conceperit, v. g. peto hanc rem jure domini, aut si probatione domini deficerem, jure quasi domini. Ita, praxi receptum esse, tradit *Gail. 1. obs. 62. num. 4. à Sometting. Inst. b. t. p. 4. num. 53.*

*Contra quem detur?* Competit actio Publiciana contra eum, qui jus infirmius habet actore, reique possessor, vel detentor est. l. ult. ff. de Publ. in rem act. Contra verum dominum regulariter non datur, hæc enim actio idcò introducta est, ut vincat is, qui jure firmiori nititur, d. l. ult. atqui actor jus firmius non habet, quàm verus dominus; ergò. Deinde, dolo actor peteret id, quod mox domino esset restitutus, l. 173. §. Dolo ff. de R. l. Schneid. n. 34. Zoëf. n. 5. à Sometting. loc. cit. num. 54. ubi aliquot casus recenset, quibus etiam contra verum dominum datur hæc actio. Q. num actio Publiciana detur contra titulò possidentem? R. regulariter contra titulò possidentem non dari. Ita *Schneid. num. 28. Zoëf. loc. cit. num. 4. Schneid. hic. Manz. num. 40. Harp. n. 24. Jason, n. 16.* Ratio sola, sed solida est, quia is, qui possidet cum titulo, habet duo jura, possessionem scilicet, & titulum; actor autem habet duntaxat titulum, ergò meritò removetur, quia duo vincula fortius ligant, in pari causa melior est conditio possidentis, c. 65. de R. J. in 6. Limitatur. I. si possessor ex titulo lucrativo possideat, tunc enim melior est conditio actoris, utpote de damno vitando certantis. *Vult ejus hic. n. 18. Schamb. Zoëf. loc. cit. Limitatur II.* si possidens habeat titulum à fure, vel ab alio,

qui rem cum vitio tenuit; titulus enim, à fure quæsitus, habetur pro non titulo. *Schneid. n. 59. Dubitatur, an contra cum detur, qui titulo pro hærede possidet? Vide Schneid. n. 32. Harp. n. 25. Obli- gensp. Inst. h. t. q. 31. ob. Bachov. tract. de act. disp. 3. Th. 21.*

*Quæ sint Requisita actionis Publicianæ?*  
Ex parte actoris requiritur I. traditio, *l. 1. l. 7. ff. de Pub. in rem. act. Ratio, quia is, qui hac actione experitur, habetur pro quasi domino: nisi autem traditio præcesserit, non est, cur pro tali habeatur? quia non nudis pactis, sed traditionibus transferuntur rerum domi- nia, l. 20. Cod. de pact. Glette loc. cit. num. 38. II. requiritur, ut traditio facta sit ex iusta causa, hoc est, titulo ad transfe- rendum dominium haberi, *l. 1. l. 2. l. 3. d. t. talis causa est emptio, venditio, do- natio, legatum, &c. Unde colliges: quod si quis mihi rem alienam locasset, commo- dasset, vel oppignerasset, & ego rem illam amitterem, mihi actio Publiciana non competere, l. 13. §. 1. ff. d. t. quoniam isti tituli non sunt habiles ad transferendum dominium. Manz. n. 29. III. Ut quis rem bona fide nactus sit, *l. 7. §. fin. & l. 8. Publ. in rem act.* in quibus legibus pro regula traditur, quod Publiciana actio locum habere nequeat, ubi præ- scriptio non procedit, atqui, stante malâ fide non procedit præscriptio, *c. 2. de R. J. in 6. ergo Mynsing. Inst. hic. ff. l. cit. num. 6. IV. requiritur, ut res non- dum sit usucapta, hoc enim casu com- peteret rei vindicatio, & actio civilis, usucapio enim tribuit dominium, prout Lib. II. tit. VI. diximus, Manz. num. 36. Mynsi. n. 34. Dices: Ecclesia, civitas, res publica actionem Publicianam habet; etiam res donata, legata, vel vendi- ta non sit, *l. 23. Cod. de Sacros. Eccles.****

ergò traditio non requiritur. *R. disting. conseq.* ergò traditio non requiritur, in ca- sibus, ubi potestate legis res habetur pro tradita; *con. sectus neg. conseq.* Speciale hoc est privilegium Ecclesiæ, civitati, & rei- publicæ concessum, ut res eidem dona- ta, legata, vendita habetur ipso jure pro tradita; à specialibus autem non du- citur legitimum argumentum *Obli- gensp. Inst. h. t. q. 28. obj. 2. Vinn. §. Hop. hic.* Sanè actionem Publicianam dari in omni- bus casibus, ubi ipso jure absque tradi- tione transfertur dominium, vel quasi, nullus est, qui dubitet, *l. 1. §. 2. l. 12. §. 1. ff. h. t. Struv. Syntag. jur. civilis lib. 6. tit. 2. n. 43.* Ex parte rei in actione Publiciana requiritur I. possessio, vel de- tentio, hoc est, ut habeat facultatem rei restituendæ; vel ut dolò desierit rem possidere, *Schneid. n. 47. Manz. n. 38. II. ex parte rei conventi requiritur, ut jus infirmius habeat, quam petitor, nam ut actor in hac actione vincat, debet ni- ti jure potentiori; alioquin prævalere non potest; quia, si reus æquali jure munitus sit, defenditur prærogativâ pos- sessionis, cujus in pari causâ melior est conditio, l. 91. §. 3. ff. de V. O. Unde diximus supra hanc actionem contra ti- tulò possidentem non dari.*

*Dices: actio Publiciana nunquam po- test habere locum, ergò gratis de illa inquiritur. Anteced. prob.* Qui actionem Publicianam intentat, malam fidem ha- bet, novit enim, se non esse dominum, ergo sicuti is, qui malam fidem habet, non præscribit (puta de Jure Canonico) ita quoque is, qui malam fidem ha- bet, actionem Publicianam intentare non potest, præcipue, quia paulò an- tè circa requisita hujus actionis quasi pro regula diximus, quod ibi locum non habeat

habeat hæc actio, ubi non procedit præscriptio & tametsi is, qui actionem Publicianam movet, eadēus malam fidem habeat, quatenus intelligit, se non esse rei petitiæ dominum; ea tamen propter non sequitur, actionem hanc ei denegandam esse, utpote, quæ non datur ad hoc, ut verum dominum rei dominiō privet; sed ad hoc, ut is, qui infirmius jus possidendi habet, rem restituat ei, qui plus juris habet, & ab hoc possideatur donec in notitiam veri domini perveniatur. Qui ergo hanc actionem intentat, intelligit quidem, se dominum non esse; non tamen scit verum dominum, adeoque hoc tantum intendit, ut, cum de vero domino non constet, saltem sibi res restituatur in qua plus juris habet quam alter, qui possidet. *Schneid. Inst. hic. n. 59.* Deinde, illa *Regula* de *præscriptione* procedit *affirmative*, hoc est, locum habet præscriptio; ergo etiam publiciana, non autem *negative* veluti præscriptio locum non habet, ergo neque Publiciana, *Schneid. n. 57.*

*Ad quid detur actio Publiciana?* Datur ad hoc, ut quis declaretur quasi dominus, & res restituatur uni cum fructibus, & expensis. *Manz. n. 41. 42. & seqq.*

#### §. R U R S U S. 5.

Secunda actio Prætoria vocatur actio *rescissoria*, vel *restitutoria*; cujus est iste

*Casus*, Perdidit meum horologium, idque invenit Cornelius, & ignarus ad quem spectaret, vendidit Sulpitio. Postea Sulpitius legationem, & reipublicæ causa, suscepit, & à Principe suo ad regem Hispaniæ, tamquam Ambasciator, missus est, meumque horologium, bona fide emptum, secum tulit, atque per triennium absuit. Cum autem reverteretur, vidi apud ipsum horologium meum, quod peto mihi restitui. Sulpitius recusat. Consurgit *Quæstio*, quomo-

do mihi adversus Sulpitium consultum sit? Certum est, quod inspecto iure civili, nulla mihi comperat actio. Ratio, quia Sulpitius horologium, utpote rem mobilem trienniō præscripsit *Lun. Cod. de usucap. transform.* adeoque Sulpitius meam actionem per exceptionem præscriptionis elideret, illudque mihi solatii remaneret, quod sancitum in *l. 23. & l. 112. ff. de R. J.* puta, quod actionem nullam habere videatur qui perpetuæ exceptione à limine iudicii repelli potest. *Manz. n. 5.* Verum, cum absentia alterius nulli debeat esse præjudiciosa, *l. 140. ff. de R. J.* Ideo Prætor, *aquitate* motus, actionem *rescissoriam* induxit, quā implo-ro officium iudicis nobile, ut me in integrum restituat, usucapionem rescindat; & me ad agendum pro meo horologio, perinde admittat, ac si usu capta non esset. *Manz. n. 6.*

Hic *observa*, vehementer inter se collidi *DD.* an in actione rescissoria duplex detur remedium, *rescindens*, & *rescissorium*, an unum duntaxat; Sunt, qui duplex statuunt remedium, *rescindens*, & *rescissorium*. Rescindens (*contendunt*) illud esse, quando Prætor, imploratus à læso, rescindit usucapionem, & removel omne obstaculum, per quod actor ab intentanda actione impediatur. Rescissorium vocant illud, quod competit, rescisso obstaculo per remedium rescindens, & hoc remedium rescissorium est ipsa actio rescissoria, quæ post rescissam usucapionem competit. *Manz. n. 2. & Zöf. hic.*

Sunt alii qui statuunt iudicium *res-* 39  
cindens, & rescissorium esse quidem duo diversa, uno tamen actu expediri, adeoque non opus esse duplici libello, duplici pronuntiatione sententiæ, &c. sed in uno libello, in una litis contestatione,

& sententiâ totum iudicium expediri posse. Ita *Zoef. ff. de minor. n. 60. Cujac. lib. 7. obj. 31.* Imò *Harp. Inst. hic. n. 7.* constanter asserit, ita se rem habere, ut, cum à Magistratu redditur hæc actio rescissoria, tacitè, & re ipsa simul quoque usucapio rescindatur, *l. 28. Cod. de postlamin. revers. l. 9. ff. quod met. caus.* Verum, ut sit, ista disceptatio de jure duntaxat veteri procedit.

- 40 Aliud obtinet de jure novo, quod pro tua utilitate, ut perspicuè intelligas, *Nota*, Quòd de jure novo (saltem *Austriaco*) restitutionem in integrum solus Princeps impertiri possit, adeoque pro ipsius concessione solus ille implorandus sit. Ita *D. Jo. m. Henr. Reuter in suis different. jur. civil. § Aust. tab. 14. n. 98.* Concor-dat *Walter de jure consuet. Austr. lib. 1. tit. 37.* in illis verbis. *Wiewvohlen die restitutio in integrum, darumben vuir vielfaltig. angelanget werden, ein vürszliches Regal, auch unserem Herren, und Lands-Fürsten aus habender Macht ohne Mittel aufsteht, &c.* Vide etiam *Fünsterwald. lib. 1. obs. 94. n. 4.* & præcipuè *Sutting. obs. 102.* Itaque in præmissò casu debeo ac-
- 41 cedere principem, eique supplicare, ut me restituat in integrum, & usucapionem rescindat. Ubi tamen *Nota*, quod notandum monet *Sutting. loc. cit.* nimirum advocatum, qui restitutionem in integrum petit, impense debere considerare sequentia. I. num non competat remedium ordinarium, per quod læsio emendari possit? habitò enim remediò ordinariò, non est excurrendum ad extraordinarium, *l. 16, ff. de Minor.* Unde pendente appellatione, restitutio in integrum non petenda. *Walter loc. cit. in hangenden appellations. Sachen &c. i. e. Pendente appellatione nemo a rebus conventi restitutionem impetrare debet: non enim concurrere & cumulari possunt remedia or-*

*dinaria & extraordinaria.* II. num causa sit sufficiens, ob quam quis petit, se restitui in integrum? qualis est *minoren-nitas, persona miserabilis, metus, dolus, absentia necessaria, & probabilis.* Cæterum, læsio minima attendi non solet. *Sutting. loc. cit. n. 7.* his verbis: *Wann nun das Gericht &c. i. e. Cum judex super meritis cause, nullas videt novas rationes restituen-di in integrum: qui restitutionem petit ex pratoriâ causâ: si qua justa causa mihi videbitur: leve ex ea presidium habet.* III. num restitutionem petens læsionem legitime probaverit? restitutio enim non, nisi læsionis gratiâ conceditur. Unde ca-42 veant advocati, patrocinantes implorantibus restitutionem in integrum, ne libellum offerant absque expressione læsionis, sive causæ, ob quam clientes in integrum restitui velint. *Sutting. n. 4. Carpzov. jurif. 43 prudent. foren. p. 1. const. 16. definit. 23. num. 1. IV.* num restitutio intra legitimum tempus petatur? *Sutting. n. 5.* Tempus autem petendæ restitutionis est quadriennium continuum tam de jure communi, *l. fin. Cod. de temp. in integr. restit.* quàm de Jure Austriacò. *Reuter loc. cit. n. 99.* Quod minorennibus de jure communi incipit currere finitâ demum minori ætate, id est, ab initio anni vigesimi sexti. De jure autem Austriaco ab initio anni vigesimi tertii, juxta dicta *ad Tit. XXII. lib. 1.* Aliis verò à die cessantis absentix, aut alterius impedimenti, *l. fin. Cod. de temp. & in integ. restit. Reute. cit. num. 99. Jason. verò in auth. Quas actiones. Cod. de SS. Eccles. & Fünsterwald. lib. 1. obs. 105. n. 1.* generaliter à tempore scientiæ currere, docent.

Sed, ain, qui sequitur, si præmissa concurrant? tunc advocatus rectè petit, ut à principe restitutio in integrum concedatur, & in hunc finem porrigendus



dus est principi libellus supplex, quem  
 deinde princeps remittit ad judicem ordi-  
 narium ejus, contra quem petitur resti-  
 tutio, ut ei communicetur ad responden-  
 dum; habitò responsò, id ad principem  
 remittitur, &, si principi æquum, jus-  
 tumve videatur, restituit læsum ex absen-  
 tia in integrum; causa verò principalis,  
 num videlicet in casu polito horologium  
 meum sit, nec ne? cognoscenda relin-  
 quitur judici ordinario. Ita *Sutting. obs.*  
*102. n. 1.* his verbis: *Wann eine Parthey*  
*&c. i. e. Cum alter contendentiū restitu-*  
*tionem petit à principe, à quo ea ex provin-*  
*cia consuetudine petenda est: tunc exigit*  
*princeps responsum (bericht und gutachten)*  
*per consilium regiminis, a judice ordinario*  
*(Land-marschallischen gericht); hic vero*  
*ab altera parte (von dem gegentheil) respon-*  
*sum capit, ac pergit juxta ordinationem*  
*agere, ut in responso ad principem consulen-*  
*44:em remittendo fieri solet.*

Dubitatur, intra quale tempus inten-  
 tari debeat actio rescissoria, & quamdiu  
 duret? *R. I.* ad primam partem, ins-  
 pectò Jure communi, intra illud tempus  
 intentandam esse actionem rescissoriam,  
 ad quod læsus restitutus est, ut, si ad  
 10. dies, restitutus sit intra illos, si ad  
 annum, intra annum, *l. ult. Cod. de*  
*temporib. restit. & l. 26. §. 8 ff. ex quib.*  
*caus. major. R. II.* ad secundam partem,  
 durare uno annò utili, *text. hic. Schneid.*  
*n. 76. & Schamb. hic. §. Q.*

De jure *Austriaco* restitutioni finiendæ  
 certus terminus non est præscriptus. *Son-*  
*deren es pfeget &c. i. e. Verum, cum pars*  
*adversa in mora est, respondendi super pe-*  
*tenda restitutione tunc qui petit, solet ad-*  
*versarium ad id compellere per ordinarias*  
*litteras compulsorias, adhibita demùm clau-*  
*sula hac comminatoria: nisi responsum cir-*  
*cà petitam restitutionem ab adversario bre-*

*vi fiat propter moram ab ipso judice exoffi-*  
*cio conception, ad regimen aulicum remissum*  
*iri. Ubi autem ipse restitutionis petitor ne-*  
*gotium haud prosequitur; pars adversa,*  
*cum possit sententiam contra eum latam,*  
*aliave judicii decreta, ex juris ordine per-*  
*sequi, eo pacto potest eum, qui restitutio-*  
*nem petebat, ad continuationem adigere.*  
*Sed intra quod tempus remittendum sit*  
*responsum illud, quod de ipso regimine auli-*  
*co, & per hoc de primæ instantiæ judice re-*  
*quiritur; id jam diximus haud esse defi-*  
*nitum, nec terminum esse constitutum;*  
*quin, multe sunt causæ cur id definire,*  
*penè impossibile sit.*

Quid sit actio rescissoria. Definitur,  
 quod sit actio Prætoriana, qua, rescissâ usu-  
 capione, agitur ad rem à possessore usucap-  
 tam, quasi nunquam usucapta sit.

Q. An realis sit, an personalis *R.* ta-  
 lem esse, qualis fuit actio, per præ-  
 scriptionem amissa, ita, ut si illa realis  
 fuerit, & hæc realis erit. Si personalis,  
 hæc quoque talis erit; hæc enim actio  
 non est propria actionis species, sed so-  
 lum qualitas adjeciticia actionis amissæ,  
 & hinc, si ante usucapionem mihi com-  
 petierit actio realis, etiam actio resc-  
 issoria erit. Contra, si prior actio perso-  
 nalis fuerit, etiam hæc personalis erit. Ut  
 ecce; Titius mihi vendidit ædes suas,  
 & nondum tradidit. Ego postea, Reipu-  
 blicæ causâ, 30. annis abesse cæpi, ita,  
 ut actio ex empto per præscriptionem ex-  
 tinctâ sit. Hoc in casu ex legatione re-  
 dux supplico principi, ut præscriptio-  
 nem rescindat; & pristinam actionem  
 mihi restituat, quæ deinde vocabitur  
 actio personalis ex empto rescissoria.  
*Schneid. n. 9. à Sommeting. Inst. h. t.*  
*n. 59.*

Cui competat, & contra quem? Cum  
 actio rescissoria, ob illatam ex absentia  
 læsio-

lesionem, detur; non omnis autem sufficiat absentia, idèò videndum, qualis requiratur absentia Ubi. *Observa* V. dari absentia species. I. est absentia necessaria, & probabilis simul: tali absentia abesse dicitur, qui, ægritudinis causa, abest, l. 60. ff. de re jud. Item, qui Reipublicæ causa, abest, fortè, quia dedit in militia, vel legatione fungitur, l. 1. ff. ex quib. caus. major. & l. 45. ff. eod. Brunn. ibid. II. est absentia probabilis tantum, hac sententia abesse dicitur, qui abest, studiorum causa, l. 87. ff. de legat. III. est absentia necessaria tantum, qualis in eo datur, qui abest, delicti causa, fortè, quia, relegatus est, vel quia, metu criminis, fugam cœpit, l. 10. ff. ex quibus caus. major. vel, quia sine decore in publico comparere non audet. Brunn. ind. l. 10. n. 2. IV. absentia est voluntaria sine contumacia, qualis est in mercatoribus, qui vadunt ad nundinas, arg. l. 36. ff. eod. Brunn. ibid. V. absentia est voluntaria cum contumacia, hac abesse dicitur, qui citatus ad iudicem, contumaciter non comparuit, l. 23. ff. de jud. pulchrè Schneid. Inst. hic. n. 22.

His prælibatis I. datur actio rescissoria præsentem contra absentem, quacunque absentia quis abfuerit: *text. hic.* ubi actio rescissoria datur contra eum, qui Reipublicæ causa abfuit, ut proinde multò magis contra illum dabitur, qui alia ex causa abfuit. Ratio hujus est, quia absentia unius alteri non debet esse præjudicialis, præcipuè quòd præsentem nulla culpa, aut negligentia imputari possit. Manz. num. 23. Schneid. num. 24. Limitatur ut dicta conclusio procedat; nisi absens reliquerit domi procuratorem, quem præsens convenire, atque ita remediò ordinariò, convenire, atque ita remediò ordinario uti potuisset, *text. in l. 22. §. 2. ff. ex quib. caus. major. Schneid. num. Brunn. in d. l. 21. n. 2.*

Dices, non valenti agere, non currit præscriptio, l. 1. §. fin. de annal. Except. Sed præsens contra absentem non potest agere, ergò contra illum non currit præscriptio, consequenter nulla opus est restitutione. R. l. 1. §. fin. procedere de eo, qui non potest agere; ob aliquod impedimentum juris, sicut filiusfam. durante potestate patriâ, bona adventitia à patre alienata, revocare, aut eo, nomine agere non potest. Jus enim civile patri jus agendi concedit, l. 6. §. 2. Cod. de von. qua l. b. Secus est in eo, qui ob impedimentum facti; agere non potest, qualis est præsens respectu absentis. Hup. num. 14. Inst. hic.

Datur II. actio rescissoria absenti contra præsentem, qui rem absentis usucepit, l. 1. §. 2. ff. d. t. Modò autem absens quis fuerit absentia necessariâ, & probabili simul, d. l. 1. §. 2. vel absentia probabilitantum, l. 28. ff. d. t. Illis enim, qui ex causa voluntaria, vel necessaria tantum abfuerunt, actio rescissoria nullo modò accommodatur. Schneid. num. 34. Manz. n. 24. §. 25. Mynsing. num. 25. Ratio prioris est: quia absentia, Reipublicæ causa, nemini debet esse damnosa, l. 140. ff. de R. J. Ratio posterioris, quia, necessariò absens ex delicto non debet sperare lucrum, c. 7. §. de jud. §. c. 9. §. de dolo absens verò voluntariè sibi debet imputare, quòd domi procuratorem non constituerit, vel suis negotiis ipse non attenderit, dd. AA. loc. cit.

III. Datur actio rescissoria absenti contra absentem per *text. l. ult. ff. ex quib. caus. major. Brunn. ibid. Menoch. lib. 4. præsumpt. 189. n. 124.*

Non obstat, quòd privilegiatus non utatur privilegiò contra æquè privilegiatum, arg. l. Assiduis. 12. Cod. qui pot. in pig. R. enim I. quod hoc procedat,

cedat, si diversa, non verò, si paria sint privilegia, prout diximus *Lib. I. tit. 11. n. 41. R. 2. neg.* præscribentem esse privilegiatum, quia non sola absentia, sed etiam lætio causat hoc privilegium, & actionem rescissoriam; præscribens autem latus non est *Schneid. n. 47.*

- 49 *Ad quid competat?* Cùm hæc actio aliquando sit *realis*, aliquando vero *personalis*, pro qualitate actionis, per præscriptionem extinctæ, & per restitutionem resuscitatæ. Ideò in reali competit ad declarationem dominii, vel juris, quod actor circa rem prætendit. In personali ad dandum, vel faciendum id, ad quod reus se obligavit. *Schneid. n. 22.*

### §. ITEM, SI QUIS. 6.

III. Actio Prætoria, est actio *Pauliana*, qua revocatur res, in fraudem creditorum alienatæ.

- 50 *Casus Actionis Paulianæ:* Sempronius mihi debet ex causa mutui 200. fl. quos se in festo S. Michaelis soluturum, adspondit. Ego, finito solutionis termino, Sempronium interpellavi, quatenus me solveret. Ille recusat, & cùm adverteret, me actionem intentaturum, scyphum aureum, quem fortè solum adhuc in tota sua substantia habuit, alienat, & pecunias, inde redactas ideò dissipat ut nihil de debito meo consequeretur. Q. quomodo mihi in simili casu consultum sit? *Certum* est, quòd contra Sempronium, debitorem meum incassum agerem, si quidem inanis est actio, quam inopia debitoris excludit, *l. 6. ff. de dolo malo.* & c, tametsi ad pœnam possem agere, *l. fin. §. fin. ff. si quid in fraud. credit.* id tamen minus arridet mihi, cùm parùm utilitatis exinde feram, quòd Sempronius mancipetur carceri.

*Kees ad Instituta.*

Ideò Q. an non aliud remedium suppetat, quo meæ indemnitati valeam consulere? *Ref.* suppetere remedium actionis *Paulianæ*, à prætore ideò introductæ ne fraudulenta alienatio creditori mihi noceat, per quam actionem revoco scyphum, à debitore in fraudem meam alienatum; à quocumque possessore, perinde, ac si alienatio, & traditio, à debitore facta nunquam fuisset. *Manz. n. 7. Schneid. n. 13. & text. hic.* Unde patet.

*Quid sit actio Pauliana,* definitur enim, *§ 1* quòd sit actio prætoria, qua creditores revocant id, quod per debitores in fraudem creditorum alienatum, & traditum est, perinde, ac si alienatio, & traditio nunquam facta fuisset, *text. hic. & in l. 1. Cod. de revocand. iis, quæ in fraud. Chl. ingensp. Inst. hic. q. 36.*

*Pro quibus rebus competat?* Sic statuo: *52* per actionem Paulianam revocari possunt res non tantum *mobiles*, & *immobiles*, in fraudem creditorum alienatæ; sed etiam *incorporales*, veluti, si debitor utilitatem *ususfructus*, vel aliam *servitutem*, aut *Jus venandi*, *piscandi*, *collectandi*, &c. in fraudem creditorum alienaverit, pecuniasque, inde redactas dissipaverit, *Schneid. n. 17.* Alienare autem in fraudem creditorum dicitur non tantum ille, qui *vendit*, *donat*, &c. sed etiam, quando alio quodam modo patrimonium suum *diminuit*, v. g. qui rem pro *derelicto* habet, ut alius eam occupet, qui debitorem suum liberat per *acceptilationem*, vel pactum de *non petendo*. Item, qui litem *mori*, id est, in causa *appellationis*, *fatalia*, labi patitur; vel rem *hypotheca*, supponit; aut *feudalem* facit, &c. *l. 3. l. 4. ff. quæ in fraud. cred. Brunn. ibid. Zoef. n. 7. Perez. ad Cod. de revocand. quæ in fraud. Cred. n. 8.*

Dubitatur, an ille etiam in fraudem

G g g g

credi-

creditorum alienare dicatur, qui, dum potest, non acquirit, v. g. *hereditatem delatam*, vel *legatum relictum* repudiat? R. negativè per *l. 6. ff. d. t.* ubi dicitur, quòd hæc actio ad diminuentes patrimonium suum pertineat, non verò ad eos, qui id agunt, ne locupletentur; atqui ille, qui non acquirit, dum potest, non dicitur diminuire patrimonium, sed duntaxat illud non augere. *Perez. loc. cit. n. 18. Schneid. n. 20.*

- 53 Non obstat, *l. 45 ff. de jure Fisci*. Ubi Paulus respondit, si quid in fraudem fisci quæsitum, seu acquisitum non sit, revocari. Etenim id singulare privilegium est in fisco, quod ad alios non spectat; *Harp. n. 12.*

Urges: Id etiam, quod acquiri potuit, si non sit acquisitum, non videtur in fraudem fisci factum, *l. 26. ff. de jure fisci*. Vide *Perez. loc. cit. n. 14. Zorff. ff. quæ in fraud. cred. n. 9. Brunn. in d. l. 26.*

- 54 Quibus competat? Competit actio Pauliana omnibus creditoribus, in quorum fraudem alienatio facta est, eorumque successoribus, *l. 10. ff. quæ in fraud. credit.* Nec refert, si ex contractu, si ex quasi-contractu: si ex delicto, si ex quasi delicto: si purè, si in diem, si sub conditione debeatur; hi enim omnes, nomine creditorum, comprehendendi intelliguntur, *l. 10. l. 11. & 12. ff. de R. V. Schneid. n. 22. & seqq.*

- 55 Contra quos competat? Antequam designamus, contra quos hæc actio Pauliana detur? *Observe*, Titulum alium esse *onerosum*, alium *lucraticum*. Titulus onerosus est quando res pervenit ad aliquem cum onere dandi vel faciendi, talis est titulus *Emptionis Venditionis Permutationis*, &c. Titulus lucrativus est, quando res ad aliquem pervenit sine onere & gravamine, aliquid dandi, vel faciendi, talis est titulus *Donati, Legati*,

&c. *Schneid. n. 31. Manz. n. 29.* His præmissis R. actionem Paulianam competere contra omnes illos, in quos bona in fraudem creditorum translata sunt, eorumque successores, eatenus saltem, quatenus ad eos aliquid pervenit, *l. 10. §. 1. l. 11. ff. quæ in fraud. cred. Glettle Inst. h. t. n. 61.*

Multum tamen refert, an is in quem facta est alienatio, rem titulo lucrativo: an oneroso possideat? Enim verò, si rem titulo oneroso possideat, actione Pauliana tunc demum tenetur quando utriusque, id est tam alienantis, quam accipientis fraus, & dolus intervenit, *l. 10. §. 1. & 2. ff. d. t.* ubi disertè cavetur, quòd is, qui titulo oneroso rem recipit, non sit particeps fraudis, & hac actione non teneatur. Si verò titulo lucrativo rem in fraudem creditorum alienatam, quis possideat revocatoria actione tenetur, etiam si fraudis particeps non fuerit, *l. 6. §. 11. ff. d. t.* Ratio differentie est, quia is, qui titulo oneroso possidet, certat de damno vitando; qui verò titulo lucrativo possidet, certat de lucro captando.

Non mirum ergò quod contra illum non detur actio Pauliana, quia in pari causa melior est conditio possidentis, *l. 2. ff. uti possid. benè* verò detur contra hunc, quia melior est conditio certantis de damno vitando, quam de lucro captando. *Manz. n. 20. Harp. n. 14. Concord. Walter de jure consuet. Aust. lib. 2. tit. 8. per tot.*

Quæ requirantur? Ut actio Pauliana competat, plura concurrant, necesse est. I. alienatio fraudulenta, hoc est, in fraudem & præjudicium creditorum facta, *l. 10. §. 1. ff. d. t.*

Q. Qualis sit us requiratur? *Observe*, 58 Fraudem esse *dolentem*, aliam *consilii*, aliam *eventus*. Fraus consilii illa dicitur, quæ



ex dolo decipiendi & fraudandi animo, & proposito descendit. Fraus eventus est quæ non descendit ex dolo, & fraudulento animo, sed defraudat citra animum dolum. Talem fraudem committit, qui credit, se, non obstante alienatione, tamen solvendo esse. *P. König. lib. decret. tit. 14. p. 1. n. 3. Schamb.*  
 59 *in l. qu. 5. quib. ex caus. manumitt.* His possis. & *de iur. esse inter alienationem, quæ fit per actum ultimæ voluntatis, & illam, quæ fit per actum inter vivos.* Si alienatio facta sit per actum ultimæ voluntatis, v. g. *l. gatum, si lei commissum, donationem mortis causa, &c.* tunc sufficit sola fraus eventus *l. 1. §. 1. ff. si quid in fraud. patron.* Ratio, quia, taliter relictis, non antè debentur, quàm, deducto omni ære alieno, *l. 1. §. 7. ff. ad SC. Trebell.* Si proinde debitoris bona expungendis debitis non sufficiant, legata rediguntur ad nihilum, utpote, quæ non debentur, nisi ære alieno deducto, *d. l. 1. §. 7. Perez. ad Cod. de revocand. quæ in frau. l. cred. Manz. n. 27. Schneid. n. 55. Zoes. ff. quæ in fraud. credit. n. 12.* Si alienatio facta sit inter vivos, tunc requiritur fraus consilii, & eventus: Consilii, quia actio Pauliana propter fraudem debitoris introducta est, *d. l. 10. §. 1.* cessante ergò fraude cessat actio. Unde si debitor non per fraudem, sive titulo oneroso, sive lucrativo bona sua alienaverit & crediderit, se, non obstante alienatione, solvendo esse, Pauliana non competit *Manz. n. 25. Schneid. n. 15.* Ratio, quia cuilibet licet rem suam alienare, dummodò fraude careat & sæpe de facultatibus suis amplius sperant homines, quàm in eis est. *Hamm. ad Treut. vol. 2. d. sp. 24. tit. 5. q. 35. v. Datur. pag. 503. Brunm. in l. 10. ff. quæ in fraud. credit. n. 3.* ubi ait, ad ponendam Paulianam actionem nec fraudem even-

tus sine consilio, nec fraudem consilii sine eventu sufficere. Ita docent præallegati DD. constanter tenentes, creditoribus actionem Paulianam non competere, si debitor non habuerit fraudem consilii, sive deinde accipiens titulo oneroso, sive titulo lucrativo rem possideat. Verùm (salvo melius sentientium Iudicio) mihi non Theoria, sed æquitatis rationi consonum videtur, etiam in actibus inter vivos solam fraudem eventus sufficere ad hoc, ut creditoribus actio Pauliana contra illos detur, qui à debitore, etiam fraudis non particeps, titulo lucrativo rem acceperunt, eò quòd semper sit melior conditio creditorum, de damno vitando certantium, quàm illius, qui titulo lucrativo possidet, utpote certantis de lucro captando. Fraus Eventus requiritur, quia alias non habet, quòd conqueratur creditor, cui regressus vacat in aliis bonis *Auth. allegat.* Cæterum, an in ista fraus ex parte tam alienantis, quàm accipientis desideretur, paulò ante decisum est. Cùm verò fraus non præsumatur, sed probari debeat ab actore, idèd quomodo probetur? vide *Schneid. n. 69. Mascard. de prob. vol. 2. concl. 815. Menoch. lib. præsumpt. 2. à num. 42. usque ad n. 114.*

II. ad actionem Paulianam requiritur 60  
 ut prius excutatur debitor, & hic inveniat non solvendo. *l. 1. Cod. d. 1.* Ratio viva est, quia ad hoc, ut actio Pauliana intentari possit, requiritur, ut constet, creditores esse damnificatos: atqui non potest constare, eos esse damnificatos, nisi prius excutiant bona debitoris, ergò *Schneid. n. 59. Perez. ad Cod. d. 1. n. 7. Brunm. in d. l. 1. Concord. N. O. consuetud. lib. 2. tit. 8. Zum dritten ... i. e. Tertiò, possunt alienata bona tunc de iur. revocari, cum sentiunt ex ea creditores lesionem damnumque, ita ut ipsis*  
 ratione

*ratione crediti sui non plenè satisfieri queat. Cum verò debitor, etsi dolosa facta sit alienatio, nihilominus solvendo est, habetque quo ceteris creditoribus suis satisfaciat; tunc locum non habet revocatio; siquidem creditorum non interest.*

**III.** Requiritur, ut creditores, alienationem debitoris ignoraverint. *Walter de Jure consuetud. lib. 2. tit. 8. Zum anderen. . . i. e. Deinde, locus revocationi est, cum creditoribus insciis alienatio est facta: cum enim eam hi compertam habuerunt, nec intercesserunt, aut contrahenti quicquam adversus eam significarunt; tunc non possunt revocationem petere.*

**61** Quando proponenda sit? Actio Pauliana intra annum utilem intentanda est, *l. 1. l. 10. ff. quæ in fraud. credit.* Ratio, quia hæc actio est Prætoris; remedia autem Prætoris plerumque sunt annalia, *Schneid. num. 80. Manz. numero. 3.*

**62** Sed a quo tempore currit annus iste? Sunt, qui doceant, annum currere à tempore alienationis, factæ à debitore. Ita *Wesemb. in Paratit. d. t. numero 12.*

Moventur **I.** per *l. ult. ff. eod.* ubi in hæc verba rescribitur: *Hujus actionis Annus computamus utilem, quo experiundi potestas fuit, ex die factæ venditionis.*

Moventur **II.** per *l. 20. §. 18 ff. eod.* his verbis: *annus hujus in factum actionis computatur ex die venditionis bonorum.*

At communior est, & longè verisimilior sententia, quæ docet, annum utilem currere à die factæ excussionis. Ita *Huhold. tr. de J. & J. tom 5. tract. 2. cap. 2. cont. 3. num. 174. Bichov. ad Treutl. vol. 2. disp. 24 ib. §. lit. F. Perez. ad Col. de revoc. his, quæ, &c. n. 3. Schneid. num. 83. Myns. Bargal. de*

*dolo, & culpa lib. 5. cap. 8. num. 24. Brumm. in d. l. 10. §. 18. n. 27. Schamb. hic, in fine. Facit I. pro hac sententia, l. 1. ff. quæ in fraud. credit. ubi dicitur, quòd annus utilis incipiat currere à tempore, quo experiundi potestas fuerit; atqui ante excussionem debitoris non est experiundi potestas, l. 1. Cod. d. t. ergò.*

Facit **II.** hæc ratio, quia non valenti agere non currit præscriptio, *l. 1. Cod. de annal. except.* sed ante excussionem debitoris contra bonorum possessores non potest agi, *d. l. 1. & nos paulò ante v. 2. ergò Concord. Walt. de Jure consuet. Austr. loc. cit. in illis verbis: Von dato ihrer Wissenheit an zu raitten;* atqui creditores non possunt scire, in suam fraudem à debitore bona alienata esse, nisi facta sit excussio, opinari enim possunt, non obstante alienatione, debitorem adhuc solvendo esse. At *textus oppositus, R.* illos non sic esse interpretandos, quasi annus computaretur à die venditionis, factæ à debitore; sed à die venditionis bonorum factæ à creditoribus ex decreto prætoris, ut sensus sit, actio Pauliana incipit currere ab illo tempore, quo debitoris bona authoritate Judicis vendita sunt, & constat, ea expungendis debitis non sufficere. *Perez. & Bach. loc. cit. Ex dictis habes actionem Paulianam duntaxat esse annalem; hæc tamen conclusio patitur duas notabiles Limitationes. I. est in rebus incorporalibus, sive in actionibus, veluti, si debitor in fraudem creditoris debitorem suum liberasset, quo casu creditori, ad revocandam illam liberationem, tantum tempus datur, quantum actio illa debitoris durasset, l. 10. §. 23. ff. eod. II. est in alienatione, facta ex causa lucrativa, illud enim, quod ex causa lucrativa ad possessorem perpetuò*  
hoc

hoc est, intra 30. annos, revocari potest, *d. l. 10. §. 24. Brunn. ibid. Schneid. n. 81. Et Carpzov. p. 2. const. definit. 20. n. 3.*

63 *Ad quid competat?* Actio Pauliana datur, ut res, in fraudem creditorum alienatae, etiam, non refuso pretio, *l. 7. ff. eod. una cum fructibus restituantur, l. 10. §. 20. ff. b. t. Et l. 38. ff. de usuris.*

64 Sed, quales fructus sunt restituendi? Dicendum videtur, omnes indistincte fructus restituendos esse, *arg. §. 35. inst. de R. D. Et l. 22. Cod. de R. V. ubi dicitur quod malae fidei-possessor universos fructus teneatur restituere; atqui is, qui fraudis particeps, à debitore emit, est utique malae fidei possessor: ergo.*

Verum, hoc non obstante, communiter obtinet, illos duntaxat fructus esse restituendos, qui tempore alienationis terrae cohæserunt, & qui post inchoatum judicium percepti sunt. Illos verò, qui medio tempore, quod intercessit inter alienationem, & litis contestationem, percepti sunt, in restitutionem non venire. Ita aperte sancit *text. l. ult. §. 4. ff. quæ in fraud. credit.*

Non obstat dubitandi ratio, aliud enim est in rei vindicatione, in qua de domo quaeritur, aliud in revocatoria, seu Pauliana actione, quæ tantum rei alienatae traditionem rescindit. In illa enim fructus omnes restituuntur à malae fidei possessore, qui sciens rem alienam tenuit, ejusque fructus percepit, *d. l. 23.* In hac verò tantum agitur ad restituendum id, quod in bonis debitoris fuit, & in fraudem creditoris alienatum est, *d. l. ult. §. 4.* Sed fructus, medio tempore percepti in bonis debitoris nunquam fuerunt, utpote percepti post translatum à debitore dominium *Zoef. ff. Quæ in fraud. credit. Perez. l. cit. n. 15.*

Urges in actione Pauliana omnia re-

vocantur, perinde, ac si nulla alienatio facta esset, per *dissert. text. l. 10 §. 22. ff. d. t.* ergò restituendi quoque sunt fructus, medio tempore percepti; alias enim non omnia reponerentur in pristinum statum. *d. l. 10. §. 22.* intelligendam esse secundum *l. ult. §. 4.* ut nimirum nulla alienatio censeatur facta respectu fructuum, qui tempore alienationis terrae cohæserant, & post litis contestationem percepti sunt. Ita *Bartol. ad d. l. fin. Zoef. Et Perez. loc. cit.* rationem, more suo subtilem, reddit *Bachov. ad Treutl. l. 2. disp. 24. ib. §. lit. E.* quia nimirum Prætor succurrere voluit creditoribus cum nimia injuria eorum, qui à debitore emerunt, & satis putavit esse, si creditores rem recuperarent, quæ à debitore alienata fuit; qualis alienatio fructuum, medio tempore perceptorum, facta fuisse, dici non potest, eò quod debitoris non fuerint.

*Instabis ex l. 10. §. 20. ff. eod.* ubi etiam fructus percipiendi restitui jubentur ergò multò magis fructus, medio tempore percepti. *R. d. l. 10. §. 20.* esse intelligendam de illis fructibus, qui percipi poterant post litem contestatam, vel de terrae cohærentibus tempore alienationis, *Brumm. in d. l. 10. §. 20.*

§. Item Serviana. 7. de actione Serviana, & quasi Serviana.

IV. Actio Prætoriana est Serviana, à Servio Prætoris talis dicta *Myn. n. 10. 65* pro cujus meliori cognitione. Nota, Pignus aliud esse *expressum*; aliud *tacitum*. Illud est, quod expressa conventionione partium constituitur; puta, si debitor, & creditor expressè conveniant de rei in securitatem creditoris oppigneratione. Hoc est, quod, partibus etiam tacentibus, absque expressa conventionione ex disposi-

tione legis constituitur. Sic bona *tutorum*, & *curatorum* tacite *pupillis*, & *minoribus* pro *administratione tutela*, vel *curatela* hypothecata sunt, l. 20. ff. de *administ. tut.* Item bona *mariti* tacite sunt oppignerata *uxori*, pro *dote* l. 1. §. I. Cod. de *rei uxori. act.* Pariter, qui in *rescindendam domum* pecunias credidit, tacite habet domum sibi hypothecata, l. 1. ff. in *quib. caus. pig. vel hypoth. tacit. contrah.* Item *locatori* pro *annua pensione* omnia *illata*, & *invecta à conductore* tacite obligata sunt, *text. apert.* in l. 2. & 4. ff. d. t. & hoc, quoad locatorem *prædii urbani*, sine altercatione procedit, ita, ut omnes admittant, ea, quæ in *prædium urbanum* *illata*, & *invecta* sunt, *locatori* esse obligata, sive *ignorante locatore*, *illata* & *invecta* sint.

66 Sed Q. an idem procedat in *illatis*, & *invectis in prædium rusticum*? Sunt viri non infimæ authoritatis, qui mordicis propugnant, ea, quæ in *prædium rusticum* *illata*, & *invecta* sunt, puta, *aratra*, *ligones*, &c. non aliter *pignori* obligari quam per expressam partium conventionem de *pignore* interpositam. Ita *Alenoch. de adipiscend. remed.* 3. q. 4. n. 33. *Barhou. tract. de act. disp. th.* 34. *Arumæ. exercit.* 18. th. 7. *Vinn. Inst. hic. num.* 8. *Harp. num.* 12. *Zoef. ff. in quib. caus. tacit. &c. num.* 2. *Schamb. hic. Moventur I. arg. l. 4. ff. de pact. ubi cautum est in prædium urbanum illata, & invecta pignori obligata esse locatori, etiam si nihil nominatim convenerit, ergo illata in prædium rusticum non erunt pignori obligata, nisi nominatim conventum sit.*

Moventur II. per l. 4. ff. in *quib. caus. tacit. pig.* his verbis: eo jure utimur, ut, quæ in *prædia urbana* *inducta*, & *illata* sunt, *pignori* esse, credantur, quasi id tacite convenerit in *illis prædiis* NB. contra observatur.

Moventur III. hac potissimum ratione, quia (*dicunt*) *locatori prædii rustici* fructus tacite obligari, l. 7. ff. *eod.* ut proinde per hos ei sufficienter prospectum, consultumve sit. Secus autem se habet in *prædiis urbanis*, utpote in quibus nulli alii sunt fructus præter ipsam *pensionem annuam*. ut proinde necesse fuerit, *locatori* per *illata*, & *invecta* providere, cui alias pro *pensione annua* in nihilo provitum foret.

Sed, Tamen si hæc *sententia*, veritatis specie fulgeat, suisque non sit destituta fundamentis; *communiori* tamen *DD.* calculo obtinuit. ad hoc, ut *illata*, & *invecta* in *prædium rusticum* *locatori* *pignori* obligentur, expressa partium conventionem non opus esse; sed sufficere *scientiam*, & *voluntatem domini*. Ita tenent *Schneid. num.* 15. *Inst. hic. Neguzant. de pignor. p. 2. memb. 4. num.* 145. *Humm. ad Treutl. vol. 2. disp. 25. th. 2. q. 32. Sichard. ad l. Certi 5. Cod. de locat.* Pro hac *sententia* facit l. 1. 3. ff. in *quib. caus. tacit.* his verbis: Si *horreum conductum* fuit, vel *diversorium*, vel *area*, *tacitam conventionem de invectis*, & *illatis etiam in his locum habere*, putat *Neratius*, quod verius est; atqui *horreum*, utpote in quo reponi fructus solent *prædium rusticum* esse, quis ita in *Jure* hospes est, qui ignoret?

Facit II. l. *Certi. 5. Cod. de locato.* ubi in hæc verba differtè rescriptum est: *certi juris est, ea quæ voluntate dominorum coloni in fundum conductum induxerint, pignoris jure dominis prædiorum teneri. Quando verò domus locatur, non est necessaria in rebus inductis, vel illatis scientia domini, nam ea quoque pignoris jure tenentur.* Advertis, ad hoc, ut *illata à colono* in *prædium rusticum* *domino Jure* *pignoris* teneantur, *scientiam ejusdem* requiri?

Argu-



Argumenta contraria, si ad hanc veritatis appenduntur, nullius sunt hili, nec pili I. Quid attinet R. *conced. negand. conseq.* Argumentum enim à contrario, licet in Jure fortissimum sit illud tamen non procedit, ubi aperti Juris textus resistunt, prout refragantur, l. 3. § l. 5. paulò antè allegatæ.

II. Aliud non probat, quàm in prædiis rusticis requiri scientiam, & voluntatem domini, ita, ut hæc scientia, & voluntas illud sit, quod in prædiis rusticis contra observatur: nos verò ipsi ultrò largimur, ad hoc, ut illata in prædium rusticum nexu pignoris obstringantur, scientiam & voluntatem domini deficerari

III. Ipsorum adversariorum inane commentum est, existimantium, per fructus locatori prædii rustici sufficienter cautum esse. Sed quid? si nulli nascantur fructus? Quid? si non sufficientes? Mala profectò est consequentia: Fructus locatori prædii rustici tacitè obligantur, ergò sufficiunt pro securitate, ergò nullæ aliæ res obligantur. Nos ipsi concedimus, fructus locatorii prædii rustici pro annua pensione obligari; sed *negamus*, & *pernegamus*; non etiam obligari reliqua, in prædium rusticum illata, & invecta. Manet itaque inconcussa veritas, illata, & invecta in prædium rusticum nexu pignoris obstringi, modò scientia, & voluntate domini illata, & invecta sit. Imò praxi, & usu receptum est, illata, & invecta in prædium rusticum domino obligari haud aliter, quam locatori prædii urbani, hoc est, sive sciverit, sive ignoraverit, aliquid illatum, aut invecum esse. Testes agunt *Mev. p. 4. decis. 127. Brunn. in d. l. 3. ff. in quib. caus. tacit. n. 4.* His in antecessum præmissis, sequitur.

Casus Actionis Servianæ: Ego locavi

Sempronio primam mearum ædium contignationem pro annua mercede 700 fl. Ille varias res, puta, *cistam, picturas, tapetes, arma, sclopeta, &c.* intulit, & anno finito pensionem debitam non solvit; res verò, quas intulit, *ciam auxit*, & in *Cornelium alienavit*. Ego Sempronium aliquoties interpellavi, quatenus solveret mercedem annuam; at ille recusavit. Q. *quomodo mihi consultum sit?* Certum est, quod contra Sempronium mihi competat actio personalis ex locato verum fac, Sempronium non esse solvendo, atque adeò inane fieri actionem, quam inopia debitoris excludit Quid Re 63 *medi?* Habeo actionem Servianam contra Cornelium quæ concinnè dicitur, quod sit actio Prætoria, realis, quæ datur locatori pro rebus in prædium locatum à conductore eo animo, ut perpetuo illic essent, invectis, & illatis, contra quemvis possessorem, excusso prius conductore, ad hoc, ut res alienatæ actori restituantur eique satisfiat pro annua pensione, & damnis, à conductore factis. *Manz. n. 22. Schneid. n. 13.*

Cui competat? Hic opus, hic labor, tot<sup>69</sup> enim ferè occurrunt sententiæ, quot capita. Sunt, qui hanc actionem nulli alii accommodent, quàm locatori prædii rustici, pro rebus coloni, expressa partium conventionione obligatis. Ita *Haimold. de J. & J. tom. 5. tract. 2. cap. 2. num. 178. Chlinsensp. Inst. hic. q. 41. Schamb. hic. Gletle. num. 66. à Sometting. num. 77. Moventur per §. Item Serviana 7. hic. in verbis: Serviana quis experitur de rebus coloni, quæ pignoris Jure pro mercede fiondi ei tenetur.* Qui hanc sententiam admittunt, simul docent, actionem quasi servianam competere pro aliis omnibus, tam generalibus, quàm specialibus: tam expressis, quàm tacitis hypothecis. Sunt alii, qui actionem servianam omnibus illis tribuant, qui tacitum quaecun-

que

que pignus habent. Ita *Oldendorp. class. 3. act. 11. Jul. Pac. Inst. hic. Mynsing. num. 26.* Sunt denique alii, qui hanc actionem nulli alii applicent, quam locatori, non adhibita differentia, an locator sit prædii rustici, an urbani? modò locator sit. Ita *Manz. num. 25. Schneid. n. 54. Harp. num. 1. Andler. Inst. hic.* Moventur præcipuè per *text. §. 7. hic.* qui, tametsi de locatore prædii rustici tantum loquatur; ob identitatem tamen rationis ad alios locatores rectè extenditur. Dico *locatores.* Unde *Colliges*, quòd is, qui alteri gratis, vel mercede, in pecunia numerata non constituta, habitationem concessit, pro deterioratione rei concessæ hanc actionem non habeat, eo quòd non adsit contractus locationis conductionis. *Manz. & Schneid. loc. cit.* Ego huic rei, cui videlicet competat serviana vel quasi serviana actio? multum anxie insudandum esse, non duxi; haud ignaves, eas in effectu non differre, & in Jure frequenter confundi, atque promiscuè usurpari. *Jul. Pac. Inst. hic. v. Nota V.*

70 *Contra quem datur?* Actio Serviana datur I. contra conductorem fundi rustici, qualis vocatur *Colonus Schneid. n. 23.* II. contra conductorem prædii urbani, qualis vocatur *Inquilinus, l. 5. Cod. de locato. Schneid. ibid.* III. contra *heredes* tam coloni, quam inquilini, *active* enim & *passive* transit ad hæredes. IV. datur contra quemvis possessorem extraneum, qui res, à conductore illatas, possidet. *Schneid. num. 50. Manz. num. 43. Mynsing. hic.* Ratio prima est, quia hæc actio realis est. *Jul. Pac. Inst. hic. v. Not.* III. ergò rem comitatur, *Oldendorp. class. 3. act. 11. q. 5.* Ratio secunda, quia res transit cum sua causa, & onere, *l. 22. Cod. de distract. pign. Brumm. ibid.* Quod sine altercatione procedit, quando Inclu-

sio, seu Arrestatio bonorum facta est, hoc est, quando de ipsis bonis investis confectum est publicum Instrumentum, *l. 56. ff. locati.* ubi sciendum, quòd locator, si conductor in mora sit solvendæ annuæ mercedis, possit curare confici aliquod *Inventarium*, & in eo bona conductoris conscribi; quæ (ut vocant) *Inclusio*, seu Arrestatio juxta omnes hanc vim producit, ut bona conductoris alienata transeant cum suo onere in quemcunque possessorem. *Myns. num. 25. Oldendorp. loc. cit. §. 2 q. 7. Schneid. num. 52. Wesenb. in parat. ad ff. in quib. caus. tacit. num. 6.*

Sed Q. *an bona illata ante inclusionem etiam cum suo onere tacite hypotheca transeunt in quemvis possessorem?* Sunt, qui *negative* subscribant per *text. l. pen. ff. in quib. caus. pig. vel hypoth. tacit.* ubi mancipia illata, tametsi pro pignore obligata sint, manumitti tamen possunt ante præclusionem, seu arrestationem. Item per *l. Generaliter 29. ff. Qui, & à quib. manumitt.* Ubi generalis hypotheca non impedit, quò minus servus manumissus liber fiat. *Affirmativa* magis arridet, quæ docet, bona, à conductore illata, & ante Inclusionem alienata, transire cum onere tacitæ hypothecæ in quemcunque possessorem. Ita *Schneid. num. 53. Manz. num. 48. Harp. §. 5. quib. mod. recontrab. oblig. num. 29. Schamb. hic. Neguzant. p. 2. memb. 4. num. 131. Zoes. ff. in quib. caus. tacit. num. ult. Perez. ad Cod. eod. n. 15.* Ratio sola, sed solida est, quia alia tacita hypotheca ante inclusionem esset inanis, & ferè nullius effectus, si liberè alienari posset. Deinde, absurdum est dicere, res simul atque in prædium urbanum inducta fuerint, obligatas esse, & nihilominus sine onere hypothecæ alienari posse, ita, ut loca-

tur, earum causa, actione serviana adversus possessorem experiri nequeat.

Ad *Textus oppositos* R. id, favore libertatis, singulare esse, ut generalis hypotheca manumissionem non impediatur, atque adeo perinde magis cum quam infirmari nostram sententiam, eo quod *Jus singulare in uno* significet *Jus commune* esse contrarium in aliis. *dd. Ad.*

72 *Pro quibus rebus competat?* Competit actio Serviana pro iis rebus, quæ nexu taciti pignoris locatori obstricta sunt, *text. hic.* Sunt autem taliter obligatae illæ dumtaxat res, quæ à colono, vel inquilino in prædium rusticum, vel urbanum eo animo illatae, vel investitæ sunt, ut perpetuo ibi maneant, l. 7. ff. quib. caus. & l. 32. ff. de pignor. ly perpetuo autem ita velim, intelligas, ut non æternitatem, sed illud tempus designet, quamdiu durat locatio conductio. *Menoch. 2. arbit. cas. 441. Schneid. n. 36.* Unde *Colliges*, pecuniæ, ad usum quotidianum destinatas, Item *Vestes quotidianas, Libros studiosorum*, & alias res ad quotidianum usum destinatas, tacite obligare. *Schneid. num. 40. & seqq. Harp. §. 4. Inst. quib. mod. re cont. oblig. d. n. 22. usque ad. n. 43.* Ratio fundamentalis est, hæc, quia illæ res, quæ sub generali hypotheca expressa non veniunt, etiam nexu tacitæ hypothecæ non obligantur; ne aliàs major vis sit *taciti*, quam *expressi* contractû, l. 195. ff. de R. J. atqui præmemoratae res sub generali hypotheca expressa non veniunt, l. 6. §. 2. & seqq. ff. de pignor. *Zoëf. ff. de pignor. n. 12. Neguzant. p. 2. memb. 2. n. 24.* ergo

73 Dubitatur, an merces, in domum conductam investitæ, tacite pro pensione censeantur obligatae? Dixeris, quod non, ea enim est naturai, & conditio mercium, ut quotidie distrahantur, & commutentur ad Instituta.

tur, ita ut non perpetuo maneant in domo conductæ.

Verum, *contrarium* tenendum, puta merces pro pensione obstrictas censeris, non in *specie*, sed in *genere*, quasi pignus duret, per substitutas alias merces in locum alienatarum, l. 34. ff. de pignor. Facit etiam huc, l. 13. ff. eod. ubi, grege, pignori obligato, si aliqua decedant, & aliæ subintendantur; subnatæ pignoris Jure tenentur, ut idem in nostro casu statuendum sit, atque ita verificetur, species, quæ tempore cessæ, & solvendæ pensionis extant, pignori affectas esse. *Perez. ad Cod. in quibus caus. num. 5. Zoëf. eod. n. 4. Schneid. n. 39. Harp. loc. cit. n. 28.*

74 *Quæ requirantur ad actionem Servianam?* Requisita actiones Servianæ absolvent quinque. I. est, ut præcesserit contractus locationis conductionis *text. hic. & l. certi Juris Cod. de locato.* Unde, pronô velut alveo fuit, actionem servianam non dari, ubi habitatio pro mercede non consistente in pecunia numerata, concessa est, eo quod non esset contractus locationis conductionis. II. requisitum est, ut res fuerint illatae, & investitæ in prædium conductum *arg. l. 5. Cod. in quib. caus.* Unde, quæ illatae non sunt vel extra domum relictæ, pro pensione tacite obligatae non censentur *d. l. 5. Mynsing. n. 14. Manz. n. 40.* Et in hoc differt tacite hypotheca, locatori constituta, ab aliis tacitis hypothecis, utpote, quæ citra illationem obligantur, veluti res mariti pro dote, res Tutorum pro administratione, &c. *Schneid. num. 55.* III. est, ut sint tales res, quæ in generali expressa hypotheca veniunt, l. 6. ff. de pignor. Unde omnes illæ res, quæ non veniunt sub hypotheca expressa generali, nexu tacitæ hypothecæ non tenentur, sic, quia vestes quotidianæ

H h h h

tidianæ

tidianæ, pecuniæ ad quotidianum usum destinatæ, bona, fideicommissio subiecta aut alienari prohibita, sub hypotheca generali non veniunt, *l. 6. 7. & 8. ff. de pignor. l. fin. §. 2. & 3. Cod. commun. de legat. Zoës. ff. de pig. num. 12. Neguzant. p. 2. memb. 2. n. 42.* Ideò nexu tacitæ hypothecæ non obtinguntur. *S. hneid. n. 57. Manz. n. 34.* Ratio, quia non debet plus operari tacitum, quàm expressum *arg. l. 3. ff. si cert. pet. IV.* est, ut res eo animo illatæ sint, ut perpetuò ibi maneant, prout, *§. pro quibus competat?* paulò antè diximus. V. requisitum est, ut prius bona debitoris executiantur, quàm actio serviana contra extraneos intentari queat *auth. hoc. si debitor. Cod. de pignor.* Ubi *Olsera*, De Jure Codicis posse extraneum actione Servianâ imperi etiam ante excussum principalem, *l. 8. & 24. Cod. de pignor.* Verùm, Jure Novellarum aliud obtinet *d. auth. hoc. si debitor. Perez. ad Cod. de pignor. num. 14. Zoës. loc. cit. num. 21. vide Brunn. in d. l. 28. Berlich. p. 2. concl. 24. 66. & seqq.* porrò, quæ & qualis probatio in actione serviana requiritur? longum foret excutere, vide *Schneid. n. 58.* Illud tamen notè bene, commodius esse, & consultius, intentare Interdictum Salvianum, quàm actionem Servianam, vel quasi talem, cum in illo sufficiat probare possessionem debitoris absque dominio *arg. l. 24. ff. de R. V.* e contra verò in actione Serviana, in bonis debitoris fuisse, probari debeat, quæ probatio difficilior, quàm possessionis.

75 *Ad quid competat?* Competit actio Serviana ad hoc, ut Judex declarat, actori Jus hypothecæ in illis competere, remque restituat reus actori, donec satisfiat de annua pensione. *Manz. num. 50.*

Dices: Actio Serviana penitus videtur esse inutilis, ergò incassum est, tanta de

hujus actionis natura abstruxisse. *Anteced.* ostenditur exinde; quia pro perfequendis tacitis pignoribus competit Interdictum Salvianum, quod intentare tutius est, quàm actionem Servianam *arg. l. 24. ff. de R. V. R. I.* Inutile non esse, habere plures actiones, plura remedia, ut nimirum in casu, quo uni remedio renunciavit, habeat quis regressum ad illud. *R. II.* dari casum, teste *Schneid. hic. n. 67.* in quo Interdictum Salvianum locum habet, sed præcisè opus est actione Serviana, nimirum tunc, quando debitor obligat rem, quæ quidem tempore obligationis in bonis ejus fuit, illam tamen non possedit, hoc in casu, cum possessionem debitor probare non posset, necessario intentanda est actio Serviana, de qua sit dictum satis sequitur.

*De actione quasi Serviana.* Hæc actio quasi Serviana aliò nomine vocatur hypothecaria, *text. hic. & l. 1. Cod. Commun. de legat.* pro cujus meliori intellectu figuratur iste.

*Casus:* dedi Pamphilo 2000. fl. mutuos, &, ut de debito magis mihi cautum foret, hypothecavit mihi fundum suum. Postquàm tempus, solutioni præfixum, effluxit, interpello Pamphilum, vel mutuum reddet, vel hypothecam insolutum cederet. Ille recusat, fortè, quia non vult, vel, quia non potest, cò quòd fundum alienaverit in tertium. *Q. quomodo mihi consultum sit?* Certum est, quòd inspectò Jure civili, nulla mihi competat actio; quia pacta non afficiunt rem, sed personam & ex nudo pacto quo hypotheca constituitur, de Jure civili non producitur actio. Prætor tamen, cum videret, quòd hypotheca parùm prodesset; nisi Jus reale poneret, constituit, ut hypotheca ipsam rem afficiat, producatque Jus reale, *l. pignori. ff. de pignorat. act. l. 18. Cod. de pignori.*



*cod. Neguz. part. 3. memb. 1. num. 1.* atque adeo actionem hypothecariam, quæ *Definitur*, quod sit actio Prætoriana, realis, perpetua, quæ datur creditoribus, expressam, vel etiam tacitam, hypothecam habentibus, adversus debitorem & excusso debitore, quemcunque possessorem ad hoc, ut actor hypothecam retinere, vel alienare possit; si debitor solutionem non præstitit. vide *Schneid. num. 69.* Dixi I. Prætoriana, quia ex nudo pacto proficiscitur, l. 4. ff. de pignor. l. 1. ff. de pignorat. act. adeoque non competeret, l. 7. §. 4. ff. de pact. nisi Prætor æquitate inflexus, eam introduxisset, *Harp. n. 26.* Dixi II. perpetua, tametsi enim hæc actio Prætoriana sit; cum tamen sit rei persecutoria, quandoque durat 30. quandoque vero 40. annis *Oldendorp. q. 5. in fine v. perpetuo.* & nos *Lib. II. Tit. VI. n. 39.* cætera verba ex decursu patebunt.

*Cui competat?* Antequam dilucidetur, qui actio hypothecaria: seu quasi Serviana detur? Nota, actionem quasi servianam ab actione Serviana in duobus præcipue differre, I. est, quod actio quasi Serviana, seu hypothecaria competat tam pro expressa, quam pro tacita hypotheca. Serviana econtra detur tantum pro tacito pignore, quod lex in solo contractu locationis in rebus, à conductore illatis, constituit, ita, ut Serviana actio pro nullo alio pignore detur, quam illo, quod à lege in bonis, in prædium urbanum, vel rusticum illatis, constitutum est; actio verò quasi Serviana generaliter competat pro omni alia hypotheca, tam expressa, quam tacita *Schneid. num. 73.* II. est, quod actio Serviana pro rebus duntaxat mobilibus: quasi verò Serviana detur pro rebus tam mobilibus, quam immobilibus, prout paulò post latius examinabimus. Interea Colliges quod actio quasi Serviana detur I. creditori,

cui bona sunt hypothecata *text. hic.* II. competit hæredibus creditoris, l. 1. §. 2. *Cod. si unus ex plurib. hered.* III. Legatariis, & fidei-Commisariis, l. 1. *Cod. commun. de legat.* IV. Cessionario vel emptori pignoris, hypothecæ, h. t. ff. & *Cod. de hered. vel. act. vend.* V. alteri creditor cui primus creditor obligavit suum nomen debitoris, l. *Nomen Cod. quæres pign. oblig. poss. vel,* cui pignus pignori dedit, l. *grege. §. cum pignori ff. de pignor.* §. h. t. *Cod. si pign. pignor. dat. sit. Neguzant. p. 8. memb. 2. n. 2. Schneid. n. 78. §. 79.*

*Contra quem detur?* Actio hypothecaria datur I. contra principalem debitorem l. 24. *Cod. de pignor. §. hypoth.* II. contra heredes debitoris, l. 1. §. 2. *Cod. si unus ex plurib. hered.* III. contra quemvis tertium possessorem. Ratio, quia hæc actio realis est, adeoque sequitur quemlibet possessorem, l. 17. ff. de pignor. §. l. 18. *Cod. eod. Schneid. n. 80. Neguzant. loc. cit. num. 1. Manz. n. 26.* requiritur tamen, ut prius excutiat debitor, quam conveniatur tertius possessor *auth. hoc, si debitor. Cod. de pignor. Berlich. p. 2. concl. 24. n. 66,* qua de re paulo post latius.

*Dices:* actio hypothecaria datur contra tertium, etiam non excusso debitore principali *Nov. 112. cap. 1. §. 1. ergò. R. d. Nov. 112. cap. 1. §. 1.* loqui de casu singulari, quo debitor, actione hypothecaria jam in iudicio conventus, rem hypothecatam alienavit *Fach. lib. 8. cap. 105. Brumm. in l. 10. Cod. de pignor. n. 10. aliter Carpzov. p. 2. const. 18. def. 12.*

*Quæ sint Requisita quasi Serviane actio 78 nū?* I. requiritur, ut creditor hypothecam, sibi constitutam, habeat, l. 23. ff. de probat. II. ut sit talis res, quæ obligari potuit, unde res sacre, sanctæ, religio-

sa, &c. in actionem hypothecariam non veniunt. III. ut prius excutiat debitor principalis, quàm contra tertium actio hypothecaria moveatur, *d. auth. hoc si debitor Cod. de pignor.*

79 *Qua probari debeat in actione Hypothecaria?* Adminiculò distinctionis dirimenda venit hæc Q. vel enim creditor agit adversus ipsum debitorem, vel contra tertium. Si prius? tunc sufficit, quòd creditor probet, rem sibi hypothecatam esse; nec opus est, quòd actor probet debitorem rei oppigneratæ dominum esse; enim vero, si debitor exciperet, & diceret, se rei oppigneratæ dominum non esse? non audiretur, utpote allegans propriam turpitudinem, *l. 21. §. 1. ff. de pignor. §. l. 41. ff. de pignor. act. Schneid. n. 59.* Si posterius, hoc est, si creditor agit contra tertium, non sufficit probare, rem nexu pignoris obligatam esse, sed insuper creditor probare debet rem hypothecatam in bonis debitoris fuisse, hoc est, debitorem re hypothecatâ, tanquam suâ, usum esse, *l. 15. §. 1. ff. de pignor. l. 3. Cod. eod.* Unde colligere possis, longè commodius, & consultius esse, intentare interdictum Salvianum, vel quasi, quàm actionem Servianam, vel quasi, in priori enim casu sufficit probare possessionem debitoris absque dominio, *l. 24 ff. de R. V. Schamb. hic. in fine.* videatur quoque Bachov. ad. Treutl. vol. diss. 1. th. 7. lit. H. Gail. 2. obs. 26. num. 2.

80 *Ad quid datur?* Datur ad hoc, ut actor hypothecam retinere vel alienare possit, si debitor solutionem præstare recuset. *Schneid. num. 82.*

### §. IN PERSONAM. 8.

Hactenus videmus de prætoriiis *realibus* actionibus, sequuntur modò *personales*, puta, actio de *constituta pecunia*, actio de *peculio*, & actio in *factum* ex Jure-

jurando. Actio *receptitia exolevit*, differabat ab actione de *constituta pecunia*, quòd illa pro omnibus indistinctè rebus: hæc pro rebus tantum fungibilibus competierit.

### §. DE CONSTITUTA. 9.

Constitutum nihil est aliud, quàm nudum pactum, quo quis promittit, se soluturum id, quod ipse, vel alius debet, cum reflexione ad prius debitum. *Schamb. hic.* Quæ ultima verba impensè notes, velim; enim verò, si debitum nullum præcesserit, non *constitutum* erit, sed *nudum pactum*, non producens actionem, *l. 7. §. 4. ff. de pact.* Itaque, ut actio de constituta pecunia locum habeat, debet promissio fieri debiti præ existentis, prout ex dicendis luculentiùs patebit. interim pro meliori intellectu consurgat iste

Casus; Credidi Stichò 50. fl. quos in festo S. Michaelis se soluturum adspondit; verum, promissis non stetit, adeoque statui, Stichum in Judicium trahere, eumque actione impetere. Supervenit Titius, me rogans, ne Stichum coram Judice conveniam; sed potius adhuc per duos menses feram patientiam, se postea soluturum id, quod Stichus mihi debet. Ego Titii petito detuli, atque per duos menses expectavi. At, nec tunc Titius (licet aliquoties interpellatus) solutionem præstat. Q. *qualis mihi contra Titium competat actio?* Certum est, quod de Jure civili nulla mihi competat actio. Ratio, quia constitutum fit per nudum Pactum; ex nudo autem pacto de Jure civili actionem non produci, in confesso est *d. l. 7. §. 4. de pact.* ex ratione, tum, ne nimium constringatur oris libertas, tum, quia nuda pacta videntur ex levitate emissa, circa animum, efficaciter se obligandi, tum, ut evitetur litium multitudo.

Verum, quia fidei humanæ nihil magis

gis congruit, quàm ea, quæ placuerunt, custodire, *l. 1. ff. de pact. l. 20. Cod. de transact.* & præterea promissio, cum reflexione ad prius debitum facta, non videatur tam leviter emissa; quàm nudum pactum. Ideò, Prætor, naturalis æquitatis ratione inflexus, introduxit actionem de constituta pecunia, de qua in *ff. & Cod. de constit. pecun.* integri Tituli existunt.

81 Concinnè autem describitur, quòd sit actio Prætoriana, personalis, & ei persecutoria, perpetua, quæ datur contra eum, qui per nudum pactum constituit, se soluturum id, quòd prius ipse, vel, alius quidam ex nudo pacto; vel quacunque causâ debebat *text. hic. § l. Cod. eod.*

Dixi I. Prætoriana, ratio, quia Prætor eam induxit, *l. 1. l. 16. ff. de constit. pecun.*

82 Dices: ergò est annalis arg. princip. *Inst. de perpet. § temp. act.* ubi dicitur, actiones ex edicto Prætoris descendentes, plerumque esse annales. R. Actionem de constituta pecunia esse rei persecutoriam *l. 18. §. 2. ff. d. t.* adeòque esse perpetuam, prætorianæ enim actiones, quæ sunt perpetuæ, hoc est, omnes sunt perpetuæ, hoc est, durant 30. annis, *l. 2. Cod. eod.* & propterea dicitur in princip. *Inst. de perpet. § temp. act. plerumque.* Harp. Manz. & communiter omnes in *d. princip.* ubi D E O dante; & nos discutiemus, quæ prætorianæ actiones sint annales? quæ perpetuæ?

Dixi II. personalis, ratio, quia non ex domino, sed ex conventionione oritur. Harp. n. 5.

—Dixi III. per nudum pactum, ratio, quia in casu, quo quis per stipulationem promissit, se soluturum id, quod ipse vel alius debet, non actio prætoriana: sed civilis ex stipulatu competeret. Schneid. n. 12. Mynsing. n. 4. Ratio, quia habitò remediò, ordinario non est excurrendum ad extraordinarium, *l. 16. ff. de Minor.* Unde, si te præsentem interrogo: constituasne, te

soluturum, quod Titius debet? & tu, R. constituo. Adversus te actio ex stipulatu datur, non verò de constituta pecunia, utpote, quæ tunc demum competit: si quis absque prævia interrogatione, fortè per nudum pactum, per Epistolam, vel per Nuntium promittat, se soluturum id, quod ipse, vel alius debet.

Cui competat? Competit I. ei, cui per nudum pactum constitutum est id, quod ipse, vel alius debet *text. hic.* II. ejushæredibus, *l. 1. l. 2. Cod. de constit. pecun. num. 14.*

Contra quem competat? Competit I. contra eum, qui soluturum se, promissit, quod ipse, vel alius debebat, etiam ex delicto *text. hic. § l. 29. ff. de constit. pecun. Harp. n. 20.* II. datur contra hæredes constituentis, *l. 1. & 2. Cod. d. t.* III. datur etiam contra foeminas, si pro se constituerent; secùs, si pro aliis, *l. 1. §. 2. ff. b. t.* Sicuti enim mulier juvatur SC. Vellejani beneficiò, si pro alio fide jusserit, ita quoque juvatur, si pro alio constituerit. Schneid. num. 36. Zoëf. loc. cit. n. 4. Brunn. in d. l. 1. §. 2. P. Engel. de fidejuss §. 1.

Quæ sint requisita actionis de constituta pecunia? Ad actionem de constituta pecunia desideratur I. ut constitutum fiat nudo pacto; aliàs, si per stipulationem quis constituat, se soluturum, quod ipse debet vel alius, non actio hæc: sed actio ex stipulatu producitur, prout paulò ante dictum est. II. ut debitum aliquod præcedat, *l. 2. Cod. de constit. pecun.* Ratio, quia constitutum est prioris debiti confirmatio, ut proinde dari nequeat, nisi debitum præcedat. Schneid. num. 21. Perez. ad Cod. cod. n. 4. Verùm, cum debitum triplex sit, aliud naturale tantum, aliud civile tantum, aliud naturale & civile simul. Schneid. d. lo. ideò videndum, quale debitum rectè in constitutionem deducatur? Itaque sequitur.

Il h h h 3

Affertio

86 *Affertio I.* Naturale, & civile debitum simul quin non tantum ab ipso debitore, sed etiam a tertio; antea non obligato, in constitutum rectè deducatur, nemo, nisi qui lucem in meridie; negat l. 5. §. 2. ff. de const. pecun. Jason hic. n. 45.

*Dices:* Ad quid prodest constitutum in casu, quo ipse debitor ex naturali, & civile obligatione tenetur, nunquid ordinaria actio ex contractu præcedente competit? R. ad hoc prodesse, ut commodiori loco, & tempore solvatur, v. g. tu promisisti, te soluturum Romæ, hoc casu potest constitui, ut solvatur Viennæ. Vel, tu debes 100. fl. in moneta aurea, constitui potest, ut solvantur in moneta argentea. Vel, tu debes mihi naturaliter tantum, ut proinde contra te actio mihi competat, potest constitui, ut pro illo debito mihi detur actio. Mynsing. num. 9. 10. & 14. Schneid. num. 22.

87 *Affertio II.* debitum naturale tantum etiam in constitutum rectè deducitur, l. 1. §. fin. ff. d. t. Ratio, quia prætor naturalem tantum æquitatem in hoc edicto attendit, quæ ad producendam hanc actionem sufficit; atqui in debito naturali versari æquitatem naturalem, nemo est, qui non intelligat; ergo Manz. num. 29. Unde fac, tibi ex testamento imperfecto legatum deberi, hoc in casu, ad illud consequendum, nulla tibi competit actio, l. 12. Cod. de testam. Si tamen hæres per nudum pactum constituat, se illud legatum soluturum tantum robur legato accedit, ut per actionem de constituta pecunia efficaciter peti possit. Schneid. n. 23. Wesenb. n. 9.

88 *Affertio III.* Debitum civile tantum constitui non potest, l. 2. §. 1. ff. de const. pecun. Ratio quia tale debitum nullam habet naturalem æquitatem, cui soli Prætor suffragari voluit. Manz. num. 30. Mantica. lib. 19. de amb. & tacit,

convent. tit. 3 n. 4. Bachov. ad Treutl. vol. disp. 23. tit. 7. Lit. F.

*Dices:* obligationi, civili tantum, potest accedere fidejussio §. 1. Inst. de fidejuss. ergo etiam obligatio, civilis tantum, poterit constitui. R. con. ant. neg. consequ. Disparitas est, quia fidejussio est contractus Juris civilis, quoniam per stipulationem, quæ mera Juris civilis creatura, est, contrahitur, ut mirum non sit, obligationi, civili tantum, aliam obligationem civilem, puta fidejussoriam, accedere posse, ita, ut ipso quidem Jure obligetur, licet per exceptionem non numerata pecuniæ elidatur. Constitutum verò ex Edicto Prætoris est introductum, & Prætor tuetur solam naturalem æquitatem, quæ si non subsit, constitutum locum habere non potest. Manz. num. 41. Obliungsp. q. 48. ob. 1. Schneid. n. 26.

*Ad quid competat?* Actio de constituta pecunia datur ad hoc, ut fiat, quod constitutum est v. g. ut solvat pecunias, quas promissit; vel præstet factum, quod præstandum in se recipit Oldendorp. in pract. n. 4. & q. 4. §. tenendum.

*Dubitatur,* an is, qui pro alio constituit, habeat beneficium ordinis, seu excussionis? vel, si plures pro alio constituerint, habeant beneficium divisionis? R. affirmative. Ita Schneid. num. 29. Perez ad Cod. loc. cit. num. 14. Zoef. ff. de const. pecun. num. 20. Moventur per Nov. 4. cap. 1. ubi generaliter cautum est, quod omne omnino genus intercedentium possit opponere exceptionem ordinis vel divisionis; atqui constituens pro alio dicitur utique intercedere, ergo. Illud silentio nolui involvere, quod, si quis se soluturum promittit, omne id, quod constituerit, Cajum debere, non teneatur; nisi in vita Caji calculus subducatur, & de debiti quantitate constet,



constet, adeoque, si prius moriatur Cajus, quàm constet, quid & quantum debeat? promissor liberetur per *differt. tex. l. 122. §. Agerius 4 ff. de V. O.* Ratio, quia fortè debitor, si viveret, suas rationes & exceptiones, quibus debitum impugnare posset, haberet. Et iste casus adeò specialis est, ut, nisi expressò textu niteretur, quilibet contrarium diceret, testante id *Schneid. n. 52. & Brumm. ad l. 22.*

### §. ACTIONES. 10.

Quid? & quotuplex sit peculium? *Lib.*

*II. Tit. IX. §. 1. exposuimus, sequitur*

89 *Casus Actionis de peculio.* Sulpitius concessit filio suo certam summam pecunie, ut cum ea, quasi cum proprio patrimonio ageret. Filius deinde à me bovem emit 20. fl. quos promisit solvere in festo S. Michaelis; sed promissis non stetit, & pater interea filio ademit peculium *Quam contra patrem possim intentare actionem?* Certum est, inspectò Jure civili, quòd *non.* Ratio, quia nemo ex contractu alterius obligatur, *l. pen. Cod. ne uxor pro marit. & filius non tenetur pro patre, nec pater pro filio b. t. Cod. ne filius pro patre.* Quare de jure civili si velim agere contra ipsum filium, sit fortè *Cassense*: vel *quasi tale* peculium habet, agam, necesse est; si verò id genus peculium non habeat, possum actionem de peculio contra patrem intentare, pater enim, concedendo peculium filio suo, tacitè concedere, & permittere videtur, ut illud peculiotenus obligare possit. *Manz. n. 22.*

90 *Quid sit actio de peculio? Describitur, quòd sit actio Prætoria, personalis, que detur ex contractu filii contra patrem ad hoc, ut solvat, quatenus est in peculio.*

91 *Cui competat?* Competit actio de peculio contrahendi cum filiofam. cui pater concessit peculium.

*Contra quem competat? Datur contra* 92 *patrem.* Ratio quia filius ex præsumpta voluntate patris censetur contraxisse. Sane, si pater peculium filio ademerit, hac actione amplius non tenetur, *l. 45. ff. de peculio*, cessat enim præsumpta voluntas qua pater, in contractum filii consensisse, videtur. *Manz. n. 43.* dummodò bonà fide ademerit, *l. 21. ff. eod.* nam, si dolò, & in detrimentum creditorum ademisset peculium, adhuc teneretur pater; dolus enim in omni actu censetur exceptus. *Schneid. n. 14.*

*Quæ sint Requisita actiones de peculio?* 93

I. requiritur, ut filius habeat *Peculium*, puta, *profectitium*; de *adventitio* enim pater conveniri non potest, ratio, quia filius in eo patri præjudicare non potest. Quòd si verò pater filio remiserit usumfructum, poterit etiam pater, ut legitimus administrator, peculiotenus conveniri. *Schneid. n. 15.* II. requiritur debitum, à filiofam. factum ex *contractu*; vel quasi. Enimverò ex *delicto*, vel *quasi* ipse filius tantum; non etiam pater conveniri potest juxta illud: ex *penalibus* causis non solet de peculio actio in patrem dari, *l. 58. ff. de R. J.* pater enim non ad *delinquendum*: sed ad *contrahendum* dedisse peculium, intelligitur, Sane, si filius ex delicto in *Judicio* condemnatus fuit, executio fit peculiotenus contra patrem, *l. 35. ff. de noxal. act.* ratio quia per litis contestationem filius quasi contraxit, ut proinde non ex delicto: sed quasi ex contractu obligatus sit. *Harp. hic.*

*Ad quid detur?* Datur actio de peculio ad hoc ut solvatur id, quod ex contractu filii debetur; quatenus tamen se peculii quantitas extendit, ultra enim pater conveniri non potest limitata enim causa limitatum producit effectum. *Manz. num. 46.*

*Modus*

Illud adhuc pro *coronide* hujus actionis notandum, quod pater, hac actione impetratus, habet privilegium deductionis, id est ante omnia possit deducere, quod sibi aut personis, suæ potestati subjectis, debetur, l. 1. §. 1. & 2. ff. de peculio. Manz. n. 54. Schneid. n. 38.

Dices; sic reliqui creditores nihil accipient, quia patri debetur totum peculium. R. sensum esse non de peculio concessio; sed, si post peculium datum filius cum patre contrahat, debitorque ejus maneat, tum pater hoc debitum prius poterit deducere.

Porro hæc actio de peculio concurrit cum actione *exercitoria*, *insitoria*, & actione *de in rem verso*. Ita tamen, ut, si quis unam ex his elegerit, ad aliam recurrere nequeat, præterquam, si, iusto errore ductus minus commodam elegerit arg. l. 22. ff. de except. rei jud. Unde colligitur, quod, quoties de eadem re agitur, excepti rei judicatae obstat, quò minus denuò agi queat, prout hanc rem late demonstrat. *Hunn var. resol. lib. 4. p. 8. q. 5. ubi vide.* Cum verò ista actio plerumque ex contractu servorum, & filiorumfamiliæ descendat; hodie autem servitus ex orbe Christiano, tanquam dura Tyrannis, exulare iussa sit, ideo.

Dubitatur, an etiam in Monachis locum habere possit? Vide *Treutl. vol. I. disp. 24. th. II. lit. G. & Bachov. ibid.* Ego huic rei, ob ejus nullam, aut exiguam utilitatem, multum laboris tribuere, operæ pretium non duxi.

#### §. ITEM SI QUIS II.

94

*Materia de Jure-jurando & utilis est, & in foro frequens.* Juramentum enim optimum dicitur *litium* expediendarum Remedium l. 1. ff. de Jure jur. Quare huic materiæ impigre insudandum. De-

*finitur Juramentum, quòd fit Invocatione Divini nominis in testimonium veritatis. P. Konig. ad. Decret. de Jure jur. num. 2. S. Thom. 2. 2. q. 89. n. 1.*

Dividitur I. in *assertorium*, & *promissorium*. Assertorium est, quo rei presentis, vel præteritæ veritas asseritur; sive quod interponitur, quidpiam vel asserendo, vel negando, esse vel fuisse, v. g. Juro, me in D E U M credere. Juro, me Titium non occidisse. Juro, me hanc rem furatum non esse. De futuris hoc Juramentum non emittitur; nam, cum de futuris contingentibus ordinariè non habeatur certa cognitio, temerarium foret, de iis assertive jurare. Promissorium est, quo promittimus, nos aliquid daturus, vel facturos, aut non facturos, adeoque confirmatur dictum de futuro, v. g. juro, me eleemosynam daturum, Romanam peregrinaturum, non blasphematurum, &c. *Pirrhing. ad Decret. Sect. I. §. 1. n. 12. de Jure-jur.*

II. Juramentum discerpitur in *voluntarium*, *judicialia*, & *necessarium*. Ita *Pirrhing. loc. cit. num. 20. P. Konig. Lib. 2. Tit. 24. n. 42. & seqq. Zoës. ad Jus Can. de Jure Jur. num. 33.*

#### DE JURAMENTO VOLUNTARIO.

Juramentum voluntarium (quod alii <sup>27</sup> *extrajudiciale* aut *conventionale* vocitant) definitur; quòd fit illud, quod ex conventionione pars parti defert extra Judicium sub ea conditione, quòd velit ab alteriori processu abstinere. & Juramento stare, si præstiterit, v. g. Ego, remotis arbitris, Titio 100. fl. mutuos dedi, quos cum terminò præfixo non restituerit, requiro ipsum, quatenus mihi illos redderet. Titius absolutè negat, se à me aliquid recepisse. Ego, omnibus aliis remediis probatoriis destitutus, & lites judiciales exclusus, Titio deferro Juramentum, ut juret, se

se mutuum non accepisse. Hoc Juramentum vocatur voluntarium, seu extrajudiciale, &, si præstitum fuerit, Titius à solutione debiti liberatur, eò quòd ego, quasi transegisse, videar, & post Juramentum præstitum non amplius interrogatur, num aliquid debeat? sed tantum num juratum fuerit? *l. 22. §. fin. ff. de Jure Jur. l. 5. §. 2. ff. eod. P. König. loc. cit. num. 43.* Dixi notanter: absolute negat; enimverò, si Titius confiteatur, se quidem mutuum accepisse; sed excipiendo asserat, illud jam solvisse, non debeo tam incautus esse, ut eidem deferam Juramentum, quia Titius excipiendo sit actor, adeoque hujus exceptionis affirmativam ipsi probare incumbit, *arg. l. 2. §. 1. 19. ff. de probat. P. Engel. ad Decret. de Jure Jur. num. 20.*

## DE JURAMENTO JUDICIALI.

- 98 Juramentum judiciale vocatur illud, quod pars parti defert in Judicio, approbante id Judice, seu autoritate Judicis interveniente. *Pirrhing. loc. cit. n. 20.* Juramentum hoc judiciale, differt à voluntario, seu extrajudicali I. quòd judiciale deferatur in judicio; voluntarium verò extra judicium, *arg. l. 17. ff. de Jure Jur. P. Engel. loc. cit. n. 21.* II. quòd, si alicui deferatur Juramentum judiciale, is vel teneatur jurare, vel, si nolit jurare, debeat referre, *l. 38. ff. eod. ita, ut, si neque juraverit, neque retulerit, habetur pro confesso, & teneatur solvere, l. 34. §. fin. ff. eod.* Contra se habet in juramento voluntario, quod non habet tantam necessitatem; sed, si malit is, cui delatum est per viam juris procedere, & in judicio litigare, poterit pro arbitrio facere, *l. 17. ff. de Jurejur. P. Engel. loc. cit. n. 21. Zoëf. ad Jus Canon. de Jurejur. num. 34.* Dixi: quòd is, cui Juramentum delatum est, teneatur ex  
*Kees ad Instituta.*

his tribus unum facere; vel jurare, vel Juramentum referre, vel solvere,

- Sed, ain! quid Juris? si Juramentum 99 retulerit actori; hic autem præstare recuset? Tunc actor perdit actionem, & reus absolvitur, *l. 34. §. fin. ff. eod. ibi: ex relatione, non jurante actore, absolvit reum, Brunnem. ibid. num. 25.* Limitatur, nisi actor justam, relatum juramentum detrectandi, causam habeat, sicut in casu, *l. Marcel. II. §. 1. ff. de act. rerum amot.* ubi, qui rerum amotarum actione experitur, potest alteri Juramentum deferre, ut juret, se nihil amovisse, quale Juramentum referri non potest, *d. l. 11. §. ult. Carpzov. p. 1. const. 13. def. 10. §. 11.* Ratio, quia deferens non habet scientiam facti alieni. Porro, sicuti actor Juramentum, à reo sibi delatum, ex justa causa recusare potest, *d. l. 11. §. 1. & §. fin. ita, rota versa, reus Juramentum ab actore delatum, retractare potest, si justam retractandi causam habeat. Qualis est I. Si is, qui 100 Juramentum judiciale defert, jurare nolit de calumnia, d. l. 34. §. 4. II. Si deferens non habeat potestatem deferendi, l. 35. §. eod. III. Si is, cui deferatur Juramentum judiciale, jam antè intentionem suam plenè probaverit; vel saltem alio modo legitimo probare velit *cap. 2. de probat. Zoëf. ibid. n. 41.* IV. Si deferatur super facto alieno, ignoto, ei cui deferatur v. g. si deferatur heredi super facto defuncti, *arg. l. 11. §. 2. de act. rer. amot. Tutori, vel Curatori super facto pupilli, arg. l. 4. ff. de in lit. jur.* V. causa, recusandi Juramentum delatum est; si quis semel delatum, & revocatum Juramentum iterum deferat, *l. 11. Cod. de Jurejur.* ubi dicitur, quòd, si quis alteri detulerit Juramentum, & illud, quia credidit, se posse testibus, vel instrumentis causam suam probare, iterum revo-*

revocaverit; postea in defectu alterius probationis, amplius Juramentum deferre non possit, & per consequens reus delatum rectè recusat. Ratio videtur esse ista, quia delationi Juramenti per revocationem censetur renuntiasse. *Zoes. ff. de Jure Jur. n. 36. P. Konig. loc. cit. n. 68.*

101 Controversia non levis est. *an Juramentum judiciale operetur necessitatem acceptandi, aut referendi; actor penitus nihil probaverit?* Utamque in partem vehementi altercatione divelluntur *AA.* ita, ut dubitare possis, quæ sententia sit communior? Mihi, stando in theoria, illa semper visa est veritilimior & adhuc videtur *sententia*, quæ docet, Juramentum judiciale locum habere; etiamsi actor penitus nihil probaverit. Ita se ipsa tenent *Carpzov. Jurisprud. forens. p. I. Consil. 12. def. 2. Berlich. p. I. Candelus. 29. num. 8. Boëtius Decis. 95. Cravetta Consil. 207. num. 4. Zoes. ff. de Jure Jur. num. 34. Schneid. Inst. hic. num. 21. Fach. lib. I. cont. 19. Vinn. lib. I. sele. Q. 42. Brunnem. inl. 38. ff. de Jure-Jur. Facit. I. pro hac sententia text. in l. Manifeste 38. ff. de Jure Jur. ubi sine ulla distinctione; num actor aliquid probaverit; nec ne generaliter asseritur, manifesta turpitudinis, & confessionis esse, nolle nec jurare, nec Juramentum referre. *Facit. II. text. in l. 35. ff. eod. ubi dicitur, tutorem omnibus aliis probationibus deficientibus, posse Jus Jurandum deferre; ergo necesse non est, ut actor aliquid probet. Facit. III. text. in l. 25. §. pen. ff. de probat. ubi iterum sine distinctione asseritur, quod ei, cui onus probationis incumbit, licentia danda sit, adversario suo de rei veritate juramentum deferendi. Facit. IV. Text. in l. ult. §. 10. Cod. de Jure delib. ibi: vel per Sacramentum illius, si alie probationes defecerint. Facit V. Solida hæc, & valida Ra-**

*tio*, ut nimirum actor, cum omnes ei deficient probationes, saltem metu divini Numinis extorqueat veritatem ab adversario. *Facit. VI. quod ipsum Jus Divinum cujus author DEUS est, fons, & origo Justitiæ, huic nostræ sententiæ suffragetur exodi c. 22. v. 10. & 11. ubi clarè, & perspicuè ostenditur, quando hominum defunt testimonia, ad DEUM testem posse provocari, præsertim ubi asserendum est, quod in conscientia latet. Quibus omnibus accedit denuò, quod reus, cui Juramentum deferretur, nullam ejus recusandi justam causam habeat, eò quod quasi-Judex constituatur in propria causa, ita ut si jurare velit? victoriam suam in partem trahat. Sin verò jurare nolit, Juramentum referre possit. *Franz. sele. Q. 19. num. 101.**

Objicies I. l. 4. *Cod. de edendo ubi, 102* actore nihil probante reus absolvendus venit; etsi nihil præstiterit, hoc est. etsi reus non juraverit. Verùm, nec hili, nec pili 1est hoc argumentum; *negatur* enim suppositum, quod actor, deferens Juramentum, nihil probet; ipsum enim Juramentum species probationis est. *arg. l. 5. §. 2. ff. de Jure Jur. Zoes. loc. cit. num. 35.*

Obj. II. probationes non sunt petendæ de domo adversarii; aut è sinu Rei, l. 7. *Cod. de testibus.* R. probationes non sumi de domo Rei; sed potius reum constitui Judicem, & testem effici in causa propria, eò quod præstare, aut referre Juramentum possit.

Obj. III. Judex non potest deferre Juramentum necessarium; nisi præcesserit semiplena probatio, l. 3. *Cod. de Jure-Jur.* ergo etiam actor non poterit deferre Juramentum judiciale, nisi semiplenè probaverit. R. *Concess. aut. neg. conseq.* Disparitas est, quod in Juramentum necessario non datur referendi potestas sicuti



cuti in juramento voluntario, & illud est necessitatis, hoc voluntatis.

Obj. IV. In dubio favendum est reo *cap. 11. de R. J. in 6.* ergò, cum, actore nihil probante, dubium sit, quinam causam justam foveat, Reo favendum adeoque onere Juramenti gravandus non erit, *R.* Reum per delationem Juramenti nequaquam gravari, eò quòd jurare necesse non habeat, sed possit Juramentum referre. Neutrum si facere velit audiendus non est, enim verò vel foveat, *justam*, vel *injustam* causam? Si justam; quæ erit, Juramentum præstare, recusandi ratio? cum omnes laudent Deum qui jurant in eum *Psal. 62.* Si injustam? indignus est, quem favore prosequamur.

Obj. V. Actor, & reus ad imparia non debent obligari, *l. fin. Cod. de fruct. & lit. expens.* Sed, actore, plenè probante, reus condemnatur, ita ut actori juramentum deferre nequeat *cap. 2. de probat.* ergo etiam, actore nihil probante, reus absolvendus erit, ita, ut ad juramentum non debeat compelli. In hoc argumento *Antagonista* quasi *Achillem* ponunt; verùm ea, qua allegatur, retunditur facilitate. *Neg.* enim in *conseqq. suppos.* quod actor nihil probet, dum Juramentum defert, hoc enim ipsum probationis est. Deinde, hoc argumentum est à dissimili, unde non fiat bona illatio, nam si actor Instrumentis, aut Testibus intentionem suam legitimè probaverit, & de Jure suo plenè docuerit, causa satis est liquida, ut non oporteat eum onerari superfluo Juramento, at, nulla facta probatione, contendente Actore, sibi deberi, Reoque id negante, res est dubia, & tamen decidenda. Jam, cum deficiat probatio ordinaria, confugiendum est ad subsidiariam, illato Jure Jurando, *Vinn. loc. cit.*

Obj. VI. *l. 35. §. 1. ff. de Jure Jure* ubi reus Juramentum delatum nec præstare, nec referre tenetur. *R. Text. d. l. 85. §. 1.* loqui de eo, qui, Juramentum deferendi, *potestatem* non habet, puta, de *prodigo*, quasi Juramentum deferat, reus justam, id præstare, recusandi causam habet prout suprà diximus.

Obj. VII. *l. 26. fin. C. de Usuris.* Sed *R. d. l. 26. §. fin.* loqui de Juramento *Purgationis*, quod necessarium est, adeoque non potest referri.

Obj. VIII. *l. 11. §. 2. ff. de act. rer. amot.* ubi nec pater, nec hæres uxoris, vel mariti jurare cogitur. Sed, an non advertis? *Text.* loqui de Juramento, quod super facto *alieno*, puta, *defuncti*, delatum est, quale recusandi justam reus causam habet, prout etiam suprà dictum.

Obj. IX. *l. 12. §. 2. Cod. de R. C.* ubi aperte *deciditur*, quòd, si reus jurare non velit, compelli non debeat. *R.* in illa lege dubium fuisse, num actor justam causam, deferendi Juramentum, habuerit, & propterea, ait *Text.* quòd causa inquiri debeat, & non statim compelli reus, ut juret; dubium autem esse potuit, quia super facto alieno Juramentum deferabatur. Ex hæcenus deductis patet, nostram *sententiam* argumentis niti *validissimis*, quibus tamen non franguntur alii, quin contrarium *sententiam* veriore statuunt. *Mascard. de Probat. vol. 2. Conclus. 957. n. 7. Menoch. lib. 1. de presumpt. Q. 81. n. 2. Bart. in l. 3. Cod. de R. C. Glessle part. E. cap. 4. n. 12. Suttinger Observat. 145. num. 2.* his verbis: *Actor autem deferere necesse habet, ut ante semi plenè probaverit.* Ast, ut verum fatear: mihi videtur *Suttinger* æquè, ac ceteros *contrariam sententiam* amplexatos esse ex *confusione* Juramenti *necessarii*, & *judicialis*, prout

pariter ita dijudicat *Brunnem de process. inquisit. cap. 23. num. 6.* Accedit quod *Welter de Jure consuetud. Austr. lib. 1. tit. 27.* indistinctè asserat : Der Kläger kenne... i. e. quod potest actor causam principalem juramento rei committere : ubi autem reus delatum juramentum nec prestare nec referre vult : tunc ea contumacia ut confessio rei probanda perinde habeatur ; atque ex ea condemnari potest reus. Verum, de Juramento judiciali dicta sufficiant. Sequitur.

### DE JURAMENTO NECESSARIO.

103 Juramentum necessarium exinde tale dicitur, quia in defectu plenæ probationis, Judici necessario deferendum : & à parte, cui defertur, necessario prestandum est, *P. Konig. ad Decret. de Jurejur. n. 73.* Definitur, quod sit illud, quod Judex, causa cognita, ob inopiam plenæ probationis, uni ex litigantibus defert *l. 31. ff. de Jurejur. l. 3. & 12. Cod. de R. C.* vocatur alio nomine suppletivum, eò quod in supplementum probationis deferatur. *Funsterwalt. lib. 2. obs. 64. n. 4.* Ut Juramentum necessarium deferri possit. plura concurrant, necesse est

104 I. Ut ea pars, cui defertur semiplenè, idque conclusivè, non præsumptivè, v. g. per unum saltem Testem, omni exceptione majorem, Intentionem suam probaverit? contraria vero pars nullas pro se habeat probationes aut præsumptiones. *Sutzing. obs. 146. num. 3. Mynsing. cent. 1. obs. 68. num. 5. P. Konig. loc. cit. num. 86. Alexand. Confil. 32. vol. 1. §. Confil. 19. vol. 4.* Quid verò sit semiplena probatio? vide apud *Mascard. vol. 1. Q. II. per tot.*

II. Ut ille, cui defertur, sciat verisimiliter veritatem per sensum corporeum, hoc est, habeat talem aliquam scien-

riam, quæ sensu corporeo percipitur. *Bart. in l. admonendi 31. ff. de Jurejur. Mynsing. cent. 1. obs. 68. num. 3. Menoch. de Arbitr. Cas. 190. num. 6. Mascard. vol. 2. Conclus. 68. num. 61.*

105 Unde Inferunt I. hoc Juramentum su- per credulitate, scientia ex fama, aut ex auditu deferri non posse *Brunnem. in d. l. 31. num. 16. Mascard. loc. cit.* Ratio, quia jurans succedit loco Testis, & dicitur testis irregularis, propterea, quod in propria causa testetur, sicut ergò testis non probaret, de crudelitate dep- nens, ita neque is, cui necessarium Ju- ramentum defertur.

106 Inferitur II. hoc Juramentum non de- ferri hæredi super facto defuncti, eò quod, ignorate illud, præsumatur. *Mynsing. loc. cit. Mascard. d. loc. num. 63. Menoch. d. loc. num. 6.* ubi ait, idem procedere, quando jurans actui non interfuit, sed solum dicit se per famam audivisse. Sic etiam ex eadem ratione hoc Juramentum deferri non potest Ab- batissæ, quæ in officio, & dignitate al- terius successit, ut juret super facto il- lius, cui successit. Sanè, si hæres mul- tum conversatus fuerit cum defuncto, & cum eo fortè cohabitaverit, ita, ut de facto defuncti verisimiliter informa- tus sit, posse ei hoc Juramentum deferri, testantur *Menoch. §. Mascard. loc. cit. Concord. Walter de Jure Consuet. Austr. lib. 1. tit. 28. ibi : Zum dritz. . . . i. e. Tertio debet ipse principalis juramento de- fungi : nam ejus hæres ad id non admitti- tur : nisi cum hic negotium gessit de quo contentio est, vel iugiter cum defuncto prin- cipali versatus est, aut alias hujus factorum gnarus imprimis existit.*

III. Requiritur, ut is, cui defertur Juramentum necessarium, sit persona honesta & integra vita, neque suspecta de perjurio, uno verbo, sit talis, quæ in causa,

causa, etiam aliena pro teste, omni exceptione majore haberetur, *Mynsing. loc. cit. Menoch. d. loc. num. 14. Mascard. d. Conclus. 958. num. 66. Walter d. loc. ibi: English, daß die Personen, so den Eid thun sollen, eines ehrlichen Ruffs, Wandels, und lebens seyen.*

IV. Ut causa non sit ardua, sed modica, & civilis, *Mynsing. loc. cit. Schwarzenzheler lib. 2. act. 10. cap. 2. num. 16.* in causis enim arduis, & magni momenti Juramentum suppletivum locum non habet, *Gail. lib. 1. obs. 108. n. 11.* Ratio est, quia timore plenum est, ne jurans, lucri aviditate excæcatus, perjurium committat, *P. Engel. ad Decret. de Jurejur. num. 36.* Quæ autem causa sit ardua, vel modica? arbitrio Judicis, ex qualitate, & conditione personarum determinandum, relinquitur. *Suttinger. loc. cit. num. 3. Schneid. Inst. n. 45.* Ex eodem principio fluit, quod Juramentum necessarium in causis criminalibus locum non habet, hoc est, accusatori in supplementum probationis deferri nequeat. Ratio est, quia est causa ardua, & talis, ubi probationes debent esse luce meridiana clariores, *l. ult. Cod. de probat. Schwarzenzheler de Proctf. jud. lib. 2. act. 10. cap. 2. num. 15. Pirrhing. ad Decret. de Jurejur. num. 65. Fach. lib. 1. cont. 15. Siehard. in l. 3. Cod. de R. C. n. 5.* Sane, quin accusatore, crimen plenè non probante, Reo, seu accusato, ad ostendendam suam Innocentiam, Juramentum purgatorium (quo etiam necessarium dicitur) deferri possit, dubitant non est, *Schwarzenzheler loc. cit. num. 17. P. Engel. loc. cit. num. 35.* Item Juramentum necessarium locum non habet in causis matrimonialibus præcipuè, si agatur de impediendo, vel dissolvendo matrimonio. *P. König. loc. cit. n. 83.* Ratio est, quia causa matrimonii gravis, &

ardua est, *arg. cap. ult. de procurat. in G. & æquiparatur causæ criminali, Zoef. vol. 2. cong. 3. num. 27. Pirrhing. loc. cit. num. 97. Mascard. loc. cit. num. 43. Gail. l. 2. obs. 24. Dixi: si agatur de impediendo: vel dissolvendo matrimonio; secus est, si de contrahendo, vel sustinendo matrimonio lis sit, fortè, actor semiplenè probaverit, sponsalia contracta esse, hoc enim casu ad Juramentum suppletivum admittendum esse actorem, testes sunt *Panormit. in cap. 84. num. 7. de Jurejur. Pirrhing. d. loc. num. 97. Gail. cit. lib. 2. obs. 94. n. 12.**

V. Ut Juramentum necessarium locum habeat, requiritur, ut semiplena probatio (quam *suprà* diximus, requiri) contraria aliqua præsumptione dilui non possit. *Bald in l. Cod. qui, & advers. quos; &c. Mynsing. loc. cit. Sutting. obs. 146. num. 3. Mascard. vol. 2. Conclus. 958. num. 23.*

Unde *Infertur I.* non deferri hoc Juramentum, quando adversario dolus objiceretur, nam, contra semi plenam probationem doli obstatet præsumptio bonitatis, *Masc. d. loc.*

*Infertur II.* non deferri, quando quis vellet probare, sibi aliquam rem donatam esse, non proponeretur causa, qua verisimiliter donans fuisset inductus, obstat enim generalis præsumptio, neminem præsumi jactare suum. *Mascard. d. lo. n. 25.* ubi adhuc aliquos casus recenset, in quibus juramentum ob præsumptionem, ei refragantem, locum non habet. Cæterum, tametsi Juramentum necessarium ei, cui dolus objicitur, deferri nequeat, in ordine ad hoc, ut reus condemnatur, poterit tamen Reo deferri Juramentum purgationis. *Mascard. loc. cit. n. 29.*

*Difficultate non caret, cuinam sit deferendum Juramentum, suppletorium actori,*

ri, an Reo? In tam varias opiniones hac in re divelluntur AA. ut, arduum esse, videatur certi quid statuere, & hinc *Sutring. cit. obs.* 146. n. 4. positum (ait) esse in Judicis potestate, actori, an reo deferre velit Juramentum? prout ei æquitas pro eruenda veritate suggerit. Verum enimverò cum Judici incumbat, arbitrium suum regulare, & gubernare secundum terminos, & tramites Juris, ac æquitatis, l. 1. ff. de Usur. *Carpzov. in pract. crimin. part. 3. q. 20. n. 4. Menoch. de arbit. Jud. Q. lib. 2. caus. 270. n. 4.* Ideò Judici attendendum esse, existimo, num Reus penitus nihil probaverit, & actor semiplenè, num uterque semiplenè probaverit? Si actor semiplenè intentionem suam prebaverit, & Reus nihil præstiterit? actori deferendum erit, cum Judex prudenter opinari possit, meliorem esse actoris, quam Rei causam. Sin verò æqualis sit utriusque probatio? Reo Juramentum deferat, necesse est, in causa enim dubia favorabiliores sunt partes Rei, quam actoris, l. 125. ff. de R. J. Ita re ipsa tenent *Furswald. lib. 2. obser. 65. per tot. P. Engel. ad Decretal. de Jure Jur. n. 37. Fach. lib. 1. cont. 18.*

410 Ex hætenus deducti patet, quæ sint inter Juramentum necessarium & judiciale differentiæ. I. Quod judiciale possit referri; necessarium non etiam c. ult. de Jure Jure Reclich. part. 1. Conclus. 53. n. 65. II. Judiciale deferatur à parte parti, necessarium verò à Judice. III. Quòd Juramentum judiciale ita habeatur pro veritate, ut sententia desuper lata, propter instrumenta, noviter reperta, non retractetur; secus, si, lata sit super Juramentum necessarium, hoc enim casu ob Instrumenta, noviter reperta: sententia retractari potest l. 31. ff. de Jure Jur. c. ult. & cod. Ratio differentiæ est,

quia Juramentum judiciale ex consensu utriusque partis emittitur, ut videatur esse species transactionis, quæ propter Instrumenta, noviter reperta, non retractatur, l. 19. Cod. de transact. necessarium verò defertur à Judice, altera parte enim invita. *Schneid. n. 42. Zoef. ff. de Jure. n. 45. & 52.*

### DE JURE - JURANDO IN LITEM.

Juramenti necessarii species est Juramentum in litem, ab etymologia nominis idè tale dictum, quia in ipsam litis seu Rei, in Judicium deductæ, æstimationem concipitur, unde etiam litis æstimatio, & Juramentum, litis æstimatorium, appellatur. *P. Konig. ad Decret. de Jure Jur. part. 5. n. 91. Haunold. com. 5. tract. cup. 6, num. 1071. Definitur, quòd sit illud, quod res in Judicium reducta æstimatur arg. l. 1. & seqq. ff. de in lit. jurand. Zoef. ff. eod. n. 1.* Hoc Juramentum plerumque tunc locum habet, quando ab adversario contumaciter, & dolo malo res vel non exhibetur, vel non restituitur, aut dolo ejus factum est, quò minus exhiberi, vel restitui possit. *Wesenb. in parat. ff. de in lit. Jur.* Deferrì autem hoc Juramentum in litem solet tripliciter, I. ad probandam veram æstimationem rei, in Judicium deductæ, l. 2. §. 1. ff. de in lit. Jur. & l. 68. ff. de R. U. & vocatur Juramentum veritatis, ut ecce: Titius debet mihi equum in specie, ego aliquoties, equum mihi restitui, peti; at Titius dolo malo equum non restituit, & post moram restituendi equus periit. Ego peto æstimationem istius equi: cum verò illam per testes probare nequeam, sic Judex defert mihi Juramentum in litem, hoc est, ut ego jurem de vera litis æstimatione, quanti



quanti nimirum secundum verum revalorē mea iuterfit, equum periisse, *Schneid. n. 39. Inst. hic.*

II. Solet deferri, ad probandam rei æstimationem, non secundum veritatem quanti scilicet res communi æstimatione valet, sed ratione interesse singularis secundum affectionem ipsius actoris. Ecce: Commodavi tibi Codicem mihi valde charum, tu, non obstante quò per sententiam Judicis ad restitutionem condemnatus fueris, contumaciter tamen non restituisti, sed dolo malo dilaceras codicem, qui in rei veritate non valet 4. fl. ego tamen potius carere vellem 20. fl. quàm isto codice, & de hoc pretio affectionis ego juro. Quòd si juraverim, Judex reum condemnare debet in summam juratam; ita tamen, ut si Judex summam juratam credat esse exorbitantem, jam ad summam verisimilem moderari possit. l. 4. §. 2. §. 3. ff. de in lit. jurand. *Huynol. loc. cit. num. 1115. Struv. Exercit. 17. lib. 12. tit. 3. Thes. 66. §. 67. Schneid. loc. cit. num. 36. Zoef. ff. de in lit. jurand. n. 5.*

Q. an Judex reum ultra duplum veræ æstimationis condemnare possit? Ratio dubitandi I. desumitur ex l. un. Cod. de Sentent, quæ pro eo, quod interest, &c. ubi Judici præcipitur, ne taxando interesse, excedat duplum veræ æstimationis.

II. Ex l. 33. ff. ad leg. Aquil. ubi in hac verba differtè rescribitur: Si servum meum occideris, non affectiones æstimandas esse, puto (veluti si filium tuum naturalem quis occiderit, quem ut magno emptum velles (sed quanti omnibus valeret. Sextus quoque Oedius ait, pretia rerum non ex affectione, nec utilitate singulorum; sed communiter fungi. Ex hoc Textu forsan *Schneid. loc. cit. num. 37. & Bartolus in d. l. un. Cod. de sentent. fuere moti, quòd autem, in Juramento affectionis Ju-*

dicem, taxando Interesse, ultra duplum vero æstimationis non posse excurrere.

Verum, maneat sua *Schneidwino*, & *Bartolo* fides, mihi magis arridat altera opinio, quæ sustinet, Judicem in Juramento affectionis, taxando interesse, duplum veræ æstimationis excedere posse. Ita docent *Huynol. loc. cit. n. 1118. Struv. d. loc. th. 67. lit. A. Facit. huc l. 8. ff. de in lit. jurand. ibi: non est æquum pretio (id est, quanti res est) litem æstimari cum NB. §. contumacia punienda sit, §. arbitrio potius domini rei pretium statuendum sit, potestate petitori, in litem jurandi, concessa. Facit. II. Ratio, quia alioquin sequeretur, quòd quis compelli posset, rem suam duplo justii pretii vendere, quòd absurdum foret. Sequela probatur nam per Juramentum, quo res æstimatur, censetur vendi res æstimata, quia æstimatio est venditio *Huynold. loc. cit.**

Non obstat prima dubitandi ratio; enim vero d. l. loquitur de interesse, non de æstimatione affectionis, quæ utique potest interesse excedere. Deinde, id, quod interest, de quo igitur in d. l. un. multum differre ab eo, super quo in litam juratur, manifestè docet, l. 64. ff. de jud.

Altera dubitandi ratio facili etiam labore diluitur; enimverò d. l. 23. intelligenda est de casu, quo reus in restituenda contumax non fuit; secus, si fuerit, contumax, contumacia enim, vel dolo facit; ut Judex ultra duplum veræ æstimationis Reum condemnet, l. 1. ff. de in lit. jurand. ibi: non enim res plaris fit per hoc: sed ex contumacia æstimatur ultra rei pretium. *Huynold. loc. cit. num. 1079.* Itaque, quòd Judex in Juramento affectionis, taxando interesse duplum veræ æstimationis possit excedere, hæc potissima videtur esse, ratio, ut nimirum  
contu-

nimirum contumacia, vel dolus rei, rem non restituentis castigetur. *Zoes. ff. de in lit. jurand. num. 1.* vide etiam *Humm. ad Treutl. vol. I. disp. 21. ib. II. Q. 44. § 45.*

114 III. Deferri solet Juramentum in litem ad æstimationem interesse singularis extra rem, ut ecce, deposui penes te 100. fl. quos ad petitionem meam, non restituisti, ita, ut contra te moverim actionem depositi, & Judex te ad restituendum condemnaverit. Sed jussui Judicis non obtemperas; ego propterea incidi in poenam, quia Titio sub poena 100. fl. promissi, quod 1. *Februarii*, ipsi velim debitos 100. restituere. Hoc in casu desertur mihi Juramentum in litem, ratione interesse singularis extrinseci, id est, extra nummos, ut jurem de damno, propter contumaciam tuam mihi illato. *Schneid. loc. cit. n. 37. Har-nold. loc. cit. num. 1078.* His latiori fortè, quàm par erat, discursu excussis, tandem propius ad actionem in factum ex Jure Jurando, quæ in hoc §. 11. tractatur, juvabit accepisse. Cujus figurari potest talis.

115 Casus: vendidi tibi equum 60. fl. cum autem pretium peterem, contendisti, equum tibi 50. fl. fuisse venditum. Ego id nego; tu defers mihi juramentum in Judicio. Judex, advertens contractum, remotis arbitris, esse celebratum, Juramentum approbat, illudque ego accepto, & juro equum fuisse venditum 60. fl. Tu ex post facto adhuc 60. fl. solvere, temere retractas. Q. quomodo contra te experiri possim? R. Quod mihi competat adversus te actio ex Jure Jurando in factum *text. hic.* Quæ concinnè *Definitur* quod sit *actio pratoria, personalis, quæ: datur illi qui legitime juravit, sibi aliquid deberi, contra deferentem ad hoc,*

*ut debitum solvatur; vel res una cum fructibus, & accessionibus restituatur.* *Manz. Inst. hic. num. 25.* Dixi I. *Pratoria*, quia Prætor illam introduxit *text. hic.* Dixi II. *Personalis*, quia non ex dominio nascitur, vel ex Jure, quod quis habet ex re, sed ex Jurejurando, quod speciem habet transactionis, *l. 1. § 2. ff. de Jurejurand. Harp. n. 3.*

Cui competat? Datur actio in factum ex Jurejurando ei, qui deferente adversario, juravit, rem suam esse, vel sibi deberi, *l. 9. §. fin. l. 11 §. ff. de Jurejurand.* Item etiam datur ei, cui, ad Jurejurandum parato, Juramentum ab adversario remissum est, *d. l. 9. §. 1. paria enim sunt jurare, remitti Juramentum, l. 5. §. ult. ff. eod. Manz. num. 28.*

Contra quem competat? Competit hæc actio contra illum, qui Juramentum detulit, & ejus hæredes, *d. l. 9. §. fin.* hæres enim una, eademque persona est cum defuncto, defunctus detulit, ab ipso hærede delatum esse, intelligatur *arg. l. 22. ff. de Usurpat, & usucap.* Cæterum, hæc actio adversus tertium possessorem non datur in casu, quo postulante adversario, juravi, rem ab illo possessam, meam esse, & res per alienationem devenit ad tertium, *d. l. 9. §. ult. & l. 11. eod.* Ratio fundamentalis est hæc, quia hæc actio personalis est, ergo personam ejus, cui Juramentum delatum est, non egreditur, prout in simili diximus ad *princip. hujus Tit. de actione personali* *Manz. num. 39. Schneid. n. 111.*

Quæ sunt Requisita Actionis in factum ex Jure Jurando? I. Requiritur, ut Juramentum jurandi delatum fuerit, & ab eo postulatum. Unde? si quis juraret ultro, nemine id postulante, aut Juramentum deferente; sibi tantum juraret, & hanc Actionem non sibi pateret, *l. 3.*

*ff. de*

*ff. de Jure Jurand.* imò talis, qui illicò se ad Juramentum defert, se suspectum redderet *S. hneid. num. 72. Manz. num. 21.* II. Requiritur, ut Juramentum præstetur, iudice id approbante. Ratio, quia quandoque partes ad jurandum faciles sunt, nec perpendunt gravitatem rei, *l. Generaliter §. 1. Cod. de R. C.* ne ergò committantur perjuria, approbatione, & autoritate Judicis opus est. *Manz. n. 32.* III. Requiritur, ut Juramentum in continenti acceptetur. quale etiam dicitur, si is, cui delatum, dilationem ad deliberandum petierit. *Schneid. n. 78. Mynjing. n. 19.*

120 *At quid competat?* Competit hæc actio ad hoc, ut debitum solvatur, vel res petita restituatur cum omni causa. Et cum Juramentum interponi possit, tam in actione reali, quam in actione personalis, idè sequitur naturam illius actionis, cui adjectum est. *Schneid. n. 115.*

121 Illud in aleam Controversia rapitur, an, si is, contra quem juratum est, dicat, attulerim perjurasse, & perjurium probare velit, audiendus, & Juramentum retractandum sit? Dixeris primo fronte, quòd sic. I. Quia alias jurans ex delicto actionem consequeretur, adeoque reportaret lincrum ex sua malitia quod absurdum foret, *l. 12. §. 1. de furt. l. 14. Cod. sod. II.* Quia delicta non debent manere impunita, *l. 41. §. ult. ff. ad leg. Aquil.*

Verum, his non attentis, R. adversarium, qui, jurantem pejerasse, ait, audiendum non esse, neque causam; Juramento semel determinatam, prætextu perjurii, aut per Instrumenta, noviter reperta retractari posse, *l. 31. ff. de Jure Jur.* Ratio sola est, quia post Juramentum semel præstitum, non amplius de debito sed tantum interrogatur, an juratum sit? *l. 5. §. 2. ff. de Jure Ju-*  
*Keer ad hystituta.*

*rand. & Juramentum habet vim Transactionis, l. 21. ff. de dol. mal.* quæ semel perfecta, nec probationem in contrarium, neque appellationem recipit, *l. 12. §. 3. Cod. de R. C. Manz. num. 44. Schneid. l. num. 114. Harp. n. 14.*

Ad I. R. Jurantem non ex sua improbitate: sed ex conventionione, quæ Jurjurando inest, actionem consequi, voluit enim, ut sub hac conditione, si alter juraret, rem suam esse, vel sibi deberi, causa decideretur, conditione proinde impleta, non est iniquum, actionem competere, volenti enim non fit injuria. Ad II. R. perjurium non manere impunitum; tamen si facultas, Juramentum retractandi, non concedatur, quidem aliæ poenæ adversus eum, qui perjurium commisit, constitutæ sunt, de quibus vide *Menoch. lib. 2. de arbit. Jud. cent. 4. ca. 319. D. D. ad §. 1. Inst. de pen. temer. litig. Harp. n. 16.*

### §. POENALES. 12.

Postquam expositæ sunt actiones Prætoriae reales & Personales, recta methodo subjiciuntur poenales, quarum tres occurrunt, puta, de albo corrupto, actio de non in Jus vocando parentem, vel patronum. Et actio de in Jus vocato, vi exemplo.

Actio de albo corrupto definitur, quod 122 sit actio Prætoriae, poenalis, in factum, competens cuilibet de populo contra eum, qui id, quod in albo: seu tabula gysata & dealbata à prætore propositum est, per se, vel per alium dolo malo, corrumpit, vel amovit, ad poenam 50. aureorum, adori applicandam, *l. Si quis. ff. de Jurisd. Harp. n. 10.* Hodie hæc actio tunc locum habet, si qui Mandata, Edicta, Decreta, aut alia Programmata, à Magistratibus portis vel valvis Ecclesie, Curie, vel Academia affixa, corruerunt, avulserunt, aut dilacerarunt, & poena est extraordi-

K k k k

traordinaria Zoef. ff. h. t. Chlingensp. Inst. hic. Q. 63.

Actio de non in Jus vocando definitur quod sit actio Prætoria, pœnalis, qua in 50. aureos tenetur, qui parentem, vel patronum sine permissu Prætoris in Jus vocavit text. hic. l. 4. & l. ult. ff. de in Jus voc. Hodie ista actio nullum ampliùs usum habet, eò quòd ille modus, in Jus vocandi, qui Jure veteri manu injecta & utajunt) oborto collo exercebatur, in usu esse desit. Imò, hoc ipso, quòd Judex quem ad instantiam alicujus citet, venia intelligitur impetrata. Cujac. lib. 1. obs. 10. Zanger. lib. 2. de except. cap. 7. num. 9. ubi sub n. 30 addit, quòd, si pater hac exceptione non impetratæ veniæ hodiernis moribus uti velit, ea non attentata, litis contestatio ipsi imponatur.

Actio de in Jus vocato, vi exempto, describitur, quòd sit actio prætoria, pœnalis in factum: competens contra eum, qui aliquem, in Jus legitimò vocatum, vi exemnit, vel detinuit, vel dolo malo fecit, ut vi eximeretur. ad hoc, ut auctori præstet non id duntaxat, quòd in veritate est sed tantum, quanti res controversa ab auctore, prævio Juramento in litem, de affectione aestimata fuerit l. pen. §. 1. ne quis eum, qui in Jus voc. Harp. n. 38. Schneid. n. 72. Brunnem. in d. l. pen.

#### §. PRÆJUDICIALIS. I?

124 Actiones præjudiciales exinde tales nominantur, quia præjudicant aliis quæstionibus, inter rem n. & auctorem controversis, quæ, ante causam status decisam, dirimi non possunt, ut ecce, mortuus est patruelis meus, cujus hæreditatem cum solis adire vellem, inter venit Titius, contendens, ut cum ipso dividerem hæreditatem. Ego nego illud cognatum, vel ab intestato hæredem esse. Ista Cognitio, num Titius cognatus,

& ab intestato hæres sit; præjudicialis dicitur, præjudicat enim quæstioni controver. æ; puta, num. hæreditas cum Titio dividenda sit? in tantum, ut decidi nequeat, donec quæstio præjudicialis decisa sit. Manz. n. 4 & 5. Harp. n. 1. ubi ait, hoc etiam in casu actionem præjudicialem sortiri locum, v. g. Pater petit alimenta à filio; filius negat patrem suum esse. qui alimenta petit. Ecce, hic, priusquam decernantur alimenta, decidenda est quæstio præjudicialis, num is, qui alimentum petit, pater sit, nec ne? Porro, tamen innumeræ in Jure nostro cognitiones præjudiciales reperiantur; hoc tamen loco tres præcipuè tractantur, & quidem.

Prima actio præjudicialis est, in qua Q. de libertate, liber sit quis, an servus? ut ecce, petit aliquis à me operas, tanquam à liberto; ego autem nego, me libertum esse. Hæc cognitio, an libertus sim, debet præcedere cognitionem, & decisionem, an tenear, ad operas, & cum talis cognitio prius fieri debeat: ideo præjudicat actioni, qua possem compelli, ad operas præstandas. S. hamb. Inst. hic. Hodiernis moribus, quibus prædura Tyrannis, servitus, inter Christianos exulare, iusta est, hæc actio præjudicialis directæ, locum ampliùs non habet. Dixi directæ; utilis enim conceditur Principibus, comitibus, Nobilibus, & Dominis prædiorum adversus Rusticos, Colonos, Censitos, & Homines proprios in casu, quo à longo tempore præstiterunt operas Serviles, & postea sine consensu, & dimissione migrarunt in aliam Civitatem, ubi se pro liberis hominibus gesserunt, & Dominum suum abnegarunt, adhuc, ut Judex ejusmodi censitos proprios declaret, & ad servitia debita condemnet, donec doceant, se legitimè dimissos esse. Manz. n. 16.

Secunda



*Secunda actio præjudicialis est, per quam cognoscitur an aliquis sit libertus? vel ingenuus? Competit Patrono contra libertum, qui se gerit pro ingenuo; & econtra datur ipsi liberti contra tertium, tractantem eum, ut libertum; cum tamen ingenuus sit. Manz. n. 4. hic. Hodie hæc actio præjudicialis de ingenuitate directu locum non habet. Utilis tamen datur modernis Dominis, qui Rusticos suos, vel Homines proprios manumiserunt, & eis liberam facultatem, à suis prædiis migrandi, concesserunt, cum etiam hi Dominis suis honorem debeant, l. 2. Cod. de in Jus voc. Gail. tract. de Arrest. Imp. cap. 8. n. 19.*

*Tertia actio præjudicialis est de partu agnoscendo, per quam Q. num. aliquis filius sit, necne? Et quidem hæc actio præjudicialis datur Patri contra Filium, negantem, se Filium esse; & econtra Filio adversus Patrem, negantem, se esse Patrem. Ut ecce, Joannes, Filius Petri, acquirit aliquam hæreditatem, quam Pater ad se recipit, usufructum, tanquam ex bonis adventitiis, inde percepturus. Joannes negat, se Filium Petri esse. Hoc in casu datur Petro actio præjudicialis, qua petit, ut Judex eum declaret, legitimum Patrem, & Genitorem Joannis esse, eumque condemnet ad debitam reverentiam, & obedientiam, & ut patiat, eum hæreditate uti, & frui. Manz. n. 3. Zoef. Inst. hic. n. 12. & 13. Filio contra Patrem Actio hæc præjudicialis datur hoc in casu: Petrus negat alimenta Joanni, dicens, Joannem Filium suum non esse. Hic Joannes potest intentare hanc actionem præjudicialem, ac petere, ut declaretur Filius Petri, adeoque Petrus condemnatur, ut agnoscatur Joannes pro filio, eique alimenta præstentur. Chl. ingensp. Inst. h. t. q. 70. Quomodo vero filiatio probe-*

*tur? fusissimè tractat. Mascard. de probat. vol. 2. concl. 789. & p. in ibus seqq. Ex quo illud, memoria dignum existimavi, nimirum, natum ex uxore in domo mariti, cum ea cohabitantis, in tantum præsumi, filium, esse legitimum, ut Matri, neganti, illum esse filium mariti: natumque esse ex adulterio, non credatur per cap. Per tuas. & de probat.*

### §. SIC ITAQUE. 14.

Tametsi (*regulariter*) nemo possit 125 adversus alterum actione personali experiri, qui, rem suam esse, asserit; sed potius debeat intentare actionem realem. Nihilominus tamen, singulari odio furum, receptum, constitutumque est, ut dominus contra furem Actione etiam personali (puta, *conditione furtiva*) experiri possit *text. hic.*

*Dices*; in actione personali petimus, nobis rem dari, instituitur enim omnis Actio personalis sub ista formula: *ajo, te, mihi dare, oportere*; atqui fur dare non potest, dare enim translationem domini significat, quod non habet fur, ergo *q.* Hoc non obstante, contra furem actionem personalem (puta, *conditionem furtivam*) rectè intentari *text. hic.* & tametsi hanc Imperatoris decisionem nonnulli mirentur, & varias desuper difficultates, & inutiles moveant subtilitates, ac variis laborum tricis se implicent; dicendum tamen est, speciale esse in conditione furtiva, ut contra illum detur, quem ajo, non dare oportere, sed restituere. Specialitatis autem ratio in singulari odio furtum posita est. Ita *Schneid. n. 1. Harp. n. 9. & plures, ab his allegati.*

*Dices*: adversus furem datur Actio furti ad poenam dupli, vel quadrupli. Item Rei vindicatio, ergo *condictio furtiva* otiosa est, & supervacanea *q. con.* 126  
K k k k. 2. ant.

*ant. neg. consej.* Tamen si enim Dominus contra furem actionem furti intentare queat; hanc tamen eligere non vult, quia poenalis est ad quadruplum, vel duplum, & præterea infamat, potest enim velle mitius cum fure agere, adeoque conditione furtiva experiri, quæ infamiae non est irrogatoria. *Schneid. n. 7.* Deinde Rei-vindicationem fortè ideò intentare tenuit, quia in ea dominium probare debet, quæ probatio difficilis est, ita mavult intentare, & movere conditionem furtivam, in qua aliud necesse non est, quàm, ut doceatur, rem furto sublatam esse. *Manz. n. 20.*

#### §. APPELLAMUS. 15.

Ex hoc. §. illud pro ornatiori loquendi norma notandum, Actiones in rem proprie nominari *Vindicationes*, in personam verò *Conditiones*, l. 25. ff. de O. & A. rationes hujus differentiae accumulatur *Manz. Inst. hic.*

#### §. SEQUENS. 16.

127 Huc usque absolvimus duas Actionum divisiones, nempe, quòd I. Actiones aliæ sint in Rem, aliæ in Personam. II. Aliæ sint civiles, aliæ Pretoriae. Sequitur nunc *tertia* Actionum Divisio, quæ talis est, quòd aliæ actiones sint rei persecutoriae, aliæ poenae persecutoriae; aliæ mixtae. Differunt ab invicem I. Quia actiones poenales lapsu unius anni extinguuntur, rei persecutoriae verò sunt perpetuae, hoc est, durant 30. annis §. 1. *Inst. de perpet. & temp. act.* Actiones rei persecutoriae transeunt in hæredes active & passive l. 49. ff. de O. & A. actiones verò poenales neutro modo transitoriae sunt, maleficia enim suos debent tenere authores, l. 22. *Cod. de poen.* & hæres ex delicto defuncti non tenetur. *l. un. Cod. ex delicto defuncti.* Dices: si ego ita stipuler: dabisne mille

intra 14. dies; & nisi deberis, dabisne 100. poenæ nomine? actio transit ad hæredes, l. 68. ff. d. V. O. ergò etiam actiones poenales transitoriae sunt ad hæredes & con. *ant. neg. consej.* Suppositum enim falsum est, actionem ad poenam, ex conventionem partium debitam, esse poenalem; rei enim persecutoria est, sicuti sunt omnes, quibus poenam, ex conventionem debitam, persequimur. *Harp. n. 5.*

#### §. REI PERSEQUENDÆ. 17.

128 Actiones, rei Persecutoriae, dicuntur illæ, quibus persequimur, quod ex patrimonio nobis abest, sive id nostrum sit, & ab alio possideatur, sive nobis debeatur. *Harp. n. 2. Schneid. num. 3.* claritis rei persecutorias actiones describit *Manz. n. 1.* dicens: esse illas, quibus persequimur non poenam, sed vel rem nostram, vel nobis debitam. Unde *Infertur*: omnes actiones reales, quas supra longa serie enumeravimus, v. g. *Rei vindicationem*, actionem *confessoriam*, *neg. toriam*, *Publicianam*, *rescissoriam*, *Paulianam*, *Servianam*, esse rei persecutorias, quia in omnibus petimus id, quod nostrum est, vel nobis debetur. Item actiones personales, quæ ex contractu; vel quasi contractu nascuntur, ferè omnes rei esse persecutorias, per illas enim, ferè omnes rem, nobis debitam, persequimur, sicuti est actio *mutui*, *commodati*, *depositi*, *Mandati*, *pro Socio*, *empti venditi*, *locati conducti* &c. *Perez. Inst. hic.* Dixi: ferè omnes, quia actio depositi, licet ex contractu descendat, & personalis sit, in certis tamen quibusdam casibus, tam ad rem, quàm ad poenam competit, videlicet tunc, quando quis incendii, ruinae, naufragii, aut tumultus tempore res suas apud alterum deponit, depositarius autem dolosè inficiatur,

ciatur. Hoc in casu, ob pœnam mendacii, actionem in duplum concedit, l. 18. ff. depositi. Schamb. Inst. hic.

### §. EX MALEFICIIS. 18.

129 Actiones *pœna persecutoria*, dicuntur illæ, quibus actor petit, quod nec sibi *abest*, nec Reo *abest*. Quod spectat actio *furti manifesti*, & *nec manifesti*, quæ merè pœnalis est, ita ut res furtiva non in sit duplo; aut quadruplo: illa enim per alias actiones, rei persecutorias, petitur, aut condicatur. Cui, & *adversus quem?* & *ad quid actio furti competat?* vide Tit. I. *suprà hoc. lib. per tot.* Illud tamen memoria non excidat: nostris moribus pœnam *dupli*, vel *quadrupli* ab usu penitus recessisse, sed fures, puniri vel pœna corporis, vel pecuniæ, pro qualitate furti.

De Jure consuetudinario Austriaco, *Wann der erste Diebstahl* i. e. Ubi furtum primum ad 25. fl. vel *suprà ascendit*, aut plura concurrunt furti, vel fur jam antea furti parvi pœnam bis tulit, nec tamen se emendavit, *ast furtum denuo commisit*: quanquam id minus fuerit ac 25. fl. debet in masculum laqueo, in feminam gladio animadverti. Ubi autem furtum minus est ac 10. fl. nec iterum patratum, vel alie adsunt mitigandi circumstantiæ, tunc pœna ex arbitratu judicis est irroganda.

### §. VI AUTEM. 19.

Hoc §. tractantur actiones *mixtæ*, quibus partim *pœnam*, partim *rem* ipsam persequimur, quales hic recensentur tres: puta actio vi bonorum raptorum, actio legis Aquiliæ, & actio ex testamento competens pro legatis, quæ *venerabilibus* locis relicta sunt. Quid sit actio vi bonorum raptorum, & legis Aquiliæ? cui? adversus quem? & ad quid competant? abundè dictum est *suprà Tit. 2. §. 3.*

Actio verò personalis ex Testamento licet (*regulariter*) ad *simpulum* competat, in duobus tamen casibus ad *duplum* datur. I. Quando hæres negat, legata relicta esse *venerabilibus* locis. II. Quando legata id genus locis relicta, solvere & præstare differt, donec conveniatur coram Judice. *Schneid. & D.D. hic.* De Jure Austriaco hæc actio, quatenus pœnalis est, locum habere, non videtur, cum aliud non desideretur, quam ut legata ad pias causas præ omnibus aliis illico solvantur. *Walter de Jure consuet. Austr. lib. 2. tit. 48. ibi: Zum vierden sollen die Geschaffte, i. e. quartò, debent legata, quæ testator propter Deum vel animæ salutem reliquit, ante cetera omnia legata solvi.*

### §. QUÆDAM. 20.

Sunt adhuc quædam aliæ actiones, *mixtæ* vocantur; non quidem hoc sensu, quasi partim *rem*: partim *pœnam* persequantur; sed, quia partim in *rem*: partim in *personam* directæ sunt, quarum tres occurrunt, puta *familia Herciscunda*, *communi dividundo*, & *signium regundorum*.

Casus Actionis *Familia - herciscunda*. 132 Debitum naturæ persolvit ante duos menses *Sempronius*, nullo condito testamento, & reliquit post se duos fratres germanos. Hi ab intestato defuncti bona occuparunt, & hæreditatem per aliquod temporis spatium pro indiviso possederunt. Ast, cum, durante communione, variæ inter eos orirentur discordiæ, senior Frater, hæreditatem dividi, petiit; junior verò id recusavit. Q. *quomodo ad Divisionem compelli possit?* R. per actionem *Familia - herciscunda*, circa quam *Observa*, Familiam hic nihil aliud denotare, quam hæreditatem; *herciscere* verò idem esse, quod dividere, ut sensus

K k k k 3 sit:

fit: actio *Familiae herciscundae* est actio *Hereditatis dividendae*. Definitur, quod sit actio civilis, mixta, duplex, quae datur hereditatem, inter ipsos dividendam. Dixi I. Civilis, quia descendit ex Leg. XII. Tab. l. 1. ff. *Familiae hercis.* Zoef. ff. *Familiae hercis.* n. 2. Dixi II. Mixta, quia partim in Rem est partim in Personam. In rem esse dicitur, quia respectu portionis meae ago ad id, quod meum est, & sic in rem. In personam esse dicitur, quia omnes illae actiones, personales esse dicuntur, per quas petimus id, quod nobis debetur ex Contractu; vel quasi, ex Delicto, vel quasi. Unde, si alter fructus ex hereditate solus perceperit, peto, mihi dimidiam partem praestari. Si ego expensas solus fecerim, peto eas pro rata mihi refundi. Si dolo, aut culpa lata, & levi aliquid amissum vel deterioratum sit, resarciri. Struv. lib. 10. exercit. 15. tit. 2. th. 13. lit. D. Schneid. n. 4. Dixi III. duplex, quia unusquisque haeredem & rei & actoris partes sustinet, ille tamen, sicuti in omni Iudicio duplici) pro actore habetur, qui primus ad Iudicium provocat, l. 2. §. 1. ff. *commun. divid.* l. 13. ff. *de Jud.* Manz. n. 10.

133 Cui competat? Quandoquidem haec actio duplex est, directa. & utilis. Ideo sciendum, quod directa detur cohæredi de Jure civili, sive ex testamento, sive ab intestato, l. 2. §. 3. *Familiae hercis.* Utilis verò datur I. haeredibus de Jure Pratorio tales existentibus II. Fideicommissariis l. 24. §. 1. l. 40. & l. 49. ff. *cod.* Struv. loc. cit. th. 4.

134 Contra quem competat? Tamen si haec actio mixta, hoc est, partim in Rem: partim in Personam concepta sit, non tamen datur contra quemcunque possessorem rerum hereditarium, sed tantum inter ipsos cohæredes locum habet, l. 1. ff. *Famil. hercis.* Schneid. n. 6. Unde,

si quis neget, rem esse hereditariam, sed affirmet, esse suam speciali titulo, vel Empti vel Prescriptionis; non datur contra eum actio *Familiae herciscundae*; sed agendum est *Rei-vindicatione*; vel actione *Publiciana*. Surdus vol. 3. conf. 345, n. 11. & seqq. Ratio est, quia haec actio contra possidentem titulo singulari non datur, l. 25. l. Quod pro emptore. ff. d. 1. Zoef. loc. cit. num. 3. Schneid. n. 6. Brunnem. in d. l. 25. §. 7.

Quae sint Requisita actionis *Familiae herciscundae*? 135  
Requiritur, ut actor sit Cohæres, & à Reo pro tali agnoscat. Quod si, hæres esse, negetur? disting. est, num cum altero hereditatem possideat nec ne? Si prius? non excluditur ab actione *familiae herciscundae*; nec opus habet, ut probet, cohæredem esse, cum praesumptio ex possessione pro eo militet, Brunnem. in l. 1. ff. *f. mil. hercis.* Si posterius? repellitur Exceptione *Præposterationis*; id est, debet prius docere esse hæredem, adeoque, recursum suum ad petitionem hereditatis sumat, necesse est, petetque, se declarari hæredem, quo obtento poterit deinde descendere ad actionem *familiae herciscundae*. Manz. n. 11. Illud extra aleam Dubitationis est, 136  
actionem, *familiae herciscundae* cumulari posse cum petitione hereditatis, hoc est, posse, actorem petere, ut declaretur Hæres, & Divisio hereditatis fiat, Schneid. n. 10. Brunnem. in d. l. 1. Struv. loc. cit. th. 5. l. G. II. Requiritur, ut cohæredes possideant hereditatem pro indiviso, siquidem, si testator divisionem fecerit, standum erit divisioni, l. 10. *Cod. fam. hercis.*

Ad quid competat? Actio *familiae herciscundae* datur, ad hereditatem dividendam; sive ex testamento, sive ab intestato hereditas delata fuerit, l. 2. ff. *famil. hercis.*



137 Q. quomodo faciendæ sit divisio hereditatis? R. Si cohæredes; ratione divisionis, inter se ipsos convenire nequeant, tunc debere Judicem partes suas interponere, ac divisionem facere pro æquo, & bono, l. 4. §. 3. l. 5. l. 16. l. 22. l. 26. ff. famil. hercis. Prius autem quàm Judex ad divisionem progrediatur, res dividendæ diligenter consignari, & æstimari debent. Carpov. Part. 3. Const. 15. def. 1. n. 2. Quod si æstimatio facta fuerit? tunc faciendæ sunt Quotæ, quas singulas singulis hæredibus adjudicat ex officio, l. 5. ff. famil. hercis. & si partes timeant, ne Judex, affectu privato ductus uni plus adjecerit, quàm alteri? res forti committitur. Struv. Exercit. 15. lib. 10. tit. 2. th. 9. lit. Z. Schneid. n. 25. Si verò res sit individua? poterit Judex uni ex hæredibus rem: alteri verò vel reliquis pecuniam adjudicare, d. l. 22. §. 1. dasz derselbe, qui rem habet, denen ubrigen Erben, nach Proportion musse so, und so viel herausgeben. Carpov. & Struv. loc. cit.

138 Dicta procedunt de Jure civili; aliud obtinet de Jure Canonum per text. in cap. 1. & de Paroch. ubi rescriptum est; quod major dividat, & minor eligat, ad exemplum divisionis, quam ab Abrahamo cum Loth, fratris filio, sic factam esse, S. Scriptura proditum est Genes. cap. 13. v. 8. Et hæc canonica Constitutio passim in foro, & Camera observatur. Guil. 2. Obs. 116. n. 4. Mynsing. cent. 4. Obs. 37. n. 1. Imò, Berlichio teste, Part. 3. Concl. 21. n. 7. generali totius Germaniæ Consuetudine recepta est, ita circa divisionem hereditatis res expedita sit, quod natu major frater portiones, quales vult, constituat; minor autem, utram velit, eligat. Guil. loc. cit. n. 12.

Quem dividendi morem Jus quoque

Austriacum expressè probat, teste Waltero de Jure consuetud. Aust. lib. 3. Tit. 96. Bey Herren und Ritter-Stande, i. e. Apud nobiles & Equites, cum inter fratres agenda divisio est, debet natu major divisionis partes constituere, totidemque diversa divisionis instrumenta (theil u. theil) conficere, quot sint fratres. Ea instrumenta debet natu major minoribus natu fratribus proponere, ut quod velint libere eligant: quæ electio juxta juris ordinem ab ipsis fieri ita potest, ut natu vivimus primo loco, qui proximus huic est ætate, secundo loco eligat & sic porro gradatim. Ubi autem moras necit natu major, non statuens partes divisionis, vel natu minor non eligens; valeat tunc in eos judicis auctoritas, faciat quæ judex divisionem ex officio, si eorum tanta est contumacia. Cæterum, si Femina cum Masculo in divisione hereditatis concurrat? licet illa natu minor, dividit tamen, & masculus eligit. Carpov. Part. 3. Const. 15. def. 7.

Quod ipsum an & Jure Austriaco maneat? nullibi desuper potui invenire Constitutionem, & impensè optandum foret, ut tandem aliquando determinata de hereditatibus Constitutio in apicem prodiret. Interim quomodo, in major divisionem debeat constituere? vide Walter. loc. cit. ubi ait Es sollen die Theile i. e. Non oportet partes ex voluntate natu majoris constitui: Sed ea ex consuetudine prepositorum judicio (nach herren anschlag) constitui debent & æstimari. Res autem mobiles, veluti clenodia, vasa argentea, & similia, secundum prætium aperitis hominibus juratis dictum æstimantur. Plura de hac divisione videre possis apud eundem Walter. Carpov. loc. cit. Quibus annumera Schurpff. cent. 1. Consil. 71. & Struv. loc. cit. thes. 11. & thes. 16. per tot.

140 *Actiois Communi dividundo* Casus; ego, & Pamphilus habemus hortum communem quem nobis donavit, vel legavit quidam cognatorum. Cum verò circa fructuum perceptionem frequentes inter nos rixæ orirentur, ideò ego peto, fundum dividi. Pamphilus recusat.

141 Q. quomodo, mihi contra Pamphilum consultum sit? R. Per actionem communi dividundo, Quæ vulgò *definitur*, quòd sit civilis, mixta, duplex, quæ inter eos datur, inter quos res aliqua particularis communis est, ad hoc, ut dividatur & quod alteri ab altero præstari æquum est, præstetur. Dixi I. Civilis, quia descendit ex *Leg. XII Tab.* & ideò introducta est, quia nemo invitus cogitur manere in communione, eò quòd communio pariat discordia; Reipub. autem interfit, ne inter cives discordiæ sint, l. 21. §. fin. ff. de captiv. & postlim. revers. Manz. n. 7.

142 Dices: Ad rem communem dividendam datur actio pro Socio; aut fami iæ herciscundæ, ergò hæc actio communi dividundo est otiosa, & superflua. R. Actionem pro Socio tunc competere quando res communis est ex contractu, aut conventionē: & actionem familiæ herciscundæ competere, pro dividenda re aliqua universali, puta, hereditate: actionem verò communi dividundo sortiri locum, quando res aliqua sit communis non ex conventionē, aut contractu, sed incidenter, fortè, quando una, eademque res duobus legata; vel donata fuit; vel, quando una, eademque res à duobus simul emptæ est simpliciter sine affectione Societatis, l. 2. ff. commun. divid. l. 2. Cod. pro Socio.

Dixi II. mixta, quia partim realis, partim personalis. Realis quidem, quantum scilicet ad portionem suam, quam quis petit. Schneid. n. 2. Personalis,

quia ex quasi contractu oritur, §. 3. Inst. de obug. quæ ex quasi contractu. Dixi III. duplex quia par est utriusque causa, & uterque rei communis dominus est; actoris tamen loco ille habetur, qui prius ad iudicium provocavit. Manz. n. 9.

Cui competat? Hæc actio communi dividundo duplex est, directa, & utilis. Directa datur illis, qui rem aliquam communem habent, eamque pro indiviso possident, l. 1. ff. commun. divid. Nec refert, res illa nobilis sit, sive immobilis. Item, quoquo modo communis; sive causa Societatis; sive alia, l. 2. commun. divid. modo possessio non sit injusta, l. 7. §. 4. ff. eod. ubi inter prædones hæc actio non datur. Zoef. ff. d. t. n. 6. Manz. num. 12. Utilis datur *emphyteuta* *Usufructuario* d. l. 7. §. Si duo. Item ei, qui in fundum, quem credidit, sibi esse communem cum Titio, communis erat cum Sejo, expensas, vel sumptus fecit, l. 6. ff. commun. divid. Zoef. loc. cit. Schamb. Inst. de Oblig. quæ ex Quasi Cont. §. 4.

Contra quem datur? Datur contra illum, qui rem communem possidet, ad hoc, ut res communis dividatur, & reus ea præstet, quæ præstari æquum est; puta, fructus, quos fortè solus percepit, dividat & expensas pro rata refundat, damna quoque, ex dolo lata, & levi culpa illata, resarciat. Struv. lib. 10. Tit. 3. Exercit. 15. thes. 23. Disceptatur, an pater in testamento possit præcipere, ut filii in perpetua maneat communione? Vide Harp. hist. de Oblig. quæ ex quasi cont. §. 3. num. 48. & Schneid. Inst. hic. n. 21.

Casus *Actiois finium regundorum*. Habeo, agro tuo confinem, agrum, qui per terminos lapidales invicem discreti sunt. Tu arando evellis limites lapidales, & prætereà atrium ultra, quam decet,

in

in meum agrum infer. Ego peto ut novi termini ponantur; tu recusas. Q. *quomodo mihi consulatur?* R. Per actionem finium regundorum, quâ ego peto, ut novi termini, id est, *Nene March Stein* ponantur, & *Sempronius* condemnetur, ne deinceps artrum suum ultra limites exerceat; & partem occupatam mihi restituat.

145 Unde *Definitur* actio finium regundorum, quod sit actio civilis, mixta, duplex, qua inter eos agitur, qui confines agros habent, ad constitutionem novorum terminorum, vel reparationem antiquorum, item ad prestationem fructuum, & interesse. *Manz. & Schneid. Inst. hic.* Unde sua sponte fluit, quod regere hic nihil aliud significet, quàm dividere, discernere, vel fines in pristinam formam restituere, *Zeß. ff. finium regund. n. 4.* cæterum! cui? contra quem? & ad qui hæc actio competat? facile est conjicere, possis etiam videre *Struv. Exercit. 14. Lib. 10. tit. 1. per tot.* ubi latissimè de materia finium, & terminorum lapidalium scribit.

#### §. OMNES 21.

Absolvimus tres actionum Divisiones; sequitur nunc quarta, videlicet, quod aliæ in *simplum* conceptæ sint, aliæ in *duplum*, aliæ in *tripulum*, aliæ in *quadruplum*; ultra quadruplum autem nulla extenditur actio ut aliquis in Jure poenarum finis, & modus sit. Deinde! cum poenæ omnes Legislatori sint arbitrarie, meritò stat pro *Ratione Voluntatis*, ut, proinde in inquirenda ratione, quare hæc: vel illa poena pro hoc: vel illo delicto statuta sit? solliciti, & anxii esse non debeamus.

#### §. IN SIMPLUM. 22.

In *simplum* agere, dicimur, cum rem nostram, vel nobis debitam, petimus  
*Kees ad Institur.*

absque aliqua *geminazione*, vel *multiplicatione*: vel quando poenam aliquam absolutè, sine ulla re, persequimur. Sic in exemplo, quando ex *stipulatione* petimus rem *promissam*; ex *mutui datione* rem *creditam*; ex *empto*, & *vendito mercem*, vel *pretium*, &c. tunc dicitur agere in *simplum*.

#### §. IN DUPLUM. 23.

Actiones in *duplum* dicuntur illæ, quibus præter rem, nobis debitam, aliquid *ultra* petimus, quod æstimationem rei debitæ *duplo* excedit, tales actiones hic quinque enumerantur. I. Actio *furti nec manifesti*, de qua egimus *Tit. 1. de oblig. quæ ex delict.* II. Actio *damni injuriæ* ex lege *Aquila*, de qua extat §. 4. *suprà ad Leg. Aq. 111.* Actio *depositi ex causa Incendii, tumultus, ruine, naufragii* adversus inficiantem, in qua tamen actione *duplo* *simplum* rei inest l. 1. *ff. depositi.* IV. *Servi corrupti*, quæ oritur ex delicto ejus, qui *Servum* alterius, *dolo malo*, & *calliditate* quadam corrumpit, in qua totum interesse & *damnum* duplicatur. *Perez. Inst. hic.* V. Actio ex *testamento*, quæ pro legato, venerabilibus locis relicto, competit adversus hæredem, qui legati solutionem differt donec *Judicio* conveniatur; vel, qui legatum negavit; de qua *Actione* §. 19. *h. t.* egimus. Superest, ut, cum de reliquis quatuor jam egerimus, de actione *servi corrupti* agamus, quæ (eatenus saltem, quatenus ad filiosfam. trahitur) *Utilitate non caret.*

De actione *servi corrupti* Casus: Habui *Servum*, vel *filium fam.* vitæ *moribus* valde conspicuum, & præclara indole benè insignitum, huic concessi, utpote *industrio*, & *sedulo*, certam pecuniæ quantitatem, ut cum ea negotiaretur. *Sempronius*, vir, vitæ  
LIII per-

*perdita* persuasit filio ut *usu*, *compotationibus*, & *conviviis* pecunias profunderet. Filius, sic inductus, pecunias dilapidavit; & mores, tam corruptos, contraxit, ut corruptionem, ut si fieri posset, 100. fl. emendarem. Q. quomodo mihi contra *Sempronium seductorem* consultum sit? R. quod à me impeti possit actione servi corrupti, quæ peto, ipsum in duplum, id est 200. fl. condemnari.

Quid est actio servi corrupti? Est actio prætorie, personalis, mixta; domino servi competens adversus eum, qui servum corruptit, in duplum. Dicitur I. Personalis, quia descendit ex delicto. II. Prætorie, quia datur ex delicto Prætoris l. 1. ff. de Serv. corrupt. III. Mixta, quia non solum rem ipsam, & verum interesse: sed etiam poenam persequitur.

Cui competat? *Observa!* hanc actionem aliam esse utilem, aliam directam. Directa datur domino servi corrupti l. 1. ff. de Serv. corrupt. Utilis datur patri, si filius ejus per aliquem corruptus fuerit. Item Marito, si Uxor corrupta sit. Et; licet liberi homines ad æstimationem non recipiant; agit tamen Pater & Maritus ad æstimationem operarum, quas filius, & uxor præstare potuissent, si corrupti non essent.

145 Contra quem competat? Directa datur domino contra corruptorem servi sui, qui scilicet suo consilio vel persuasionibus servum bonum fecit malum? vel malum deteriore. Utilis datur patri contra corruptores suorum liberorum l. Ut tantum. ff. de serv. corrup. ubi patet. Gomez. n. 11. hanc actionem enim patri applicari posse, si filiam Virginem habuerit, & eam quis defloraverit. At sciendum! hodie illum, qui Virginem corruptit, ex Jure canonico cap. 2. de adult. teneri, in

uxorem ducere, & (aliqui legunt aut) secundum ipsius dignitatem, & corruptoris facultates notare. Quanta autem dos constitui debeat? id arbitrio Judicis determinandum relinquitur. Illud tamen certum est, post ablatam virginitatem dotem majorem debere constitui, quoniam Virginitas, quæ secunda dos dicitur, perit. Schneid. n. 13. Sed

Quæ requirantur ut actio servi, vel 147 filii vel uxoris corruptæ competat? requiritur I. ut servus sit in moribus, sive animo corruptus. Si enim in corpore duntaxat lædatur, vel corruptatur? non actio de servo corrupto: sed legis Aquilæ datur §. 13. Inst. de l. g. Aquil. II. Ut quis dolo malo persuaserit. Nam! dolo cessante, ut quia lusus gratiâ quis aliquid suaserit, cessat hæc actio l. 3. ff. de Serv. corrupt. actibus enim in cunctis dominatur sola voluntas. Manz. num. 21.

Ad quid competat? Datur ad 148 duplum damni accepti, ut, si ante corruptionem servus valuerit 24. post corruptionem autem tantum 14. & sic 10. minus valeat, ago non tantum ad damnum datum; sed; ad duplum, id est, ad 20. Deinde; si egit dominus, ratione servi corrupti, ulterius subjicit, quia, præter corruptionem, servus mihi ex dolosa persuasionem furatus est calicem, valentem 30. fl. peto quoque, persuadentem ad scyphum, & ejus æstimationem condemnari Schneid. num. 15. Quando verò pater agit pro filio, vel filia corrupta, tunc æstimationem non refertur ad corpus, quia liber homo æstimationem non recipit, sed ad operas æstimandas quibus pater vel maritus privatur. Harp. num. 9. Manz. n. 29. tibi ponit exemplum in filia, ita liberaliter instituta, & educata, ut eam pater, modicâ dote,



v. g. 100. fl. facile in Matrimonium elocare potuisset; sed, quia aliquis animum ita corrumpit, ut etiam cum dote 300. fl. vix possit nubere, ideò (putant) corruptorem ad duplum interesse, id est, 200. obligari. *Manz. num. 29.*

§. T R I P L I. 24.

149 In Triplum una tantum est actio, puta, *condictio ex lege*, ob *maiores sportulas*, &c. Quæ olim dabatur Reo contra actorem, qui per fraudem plus debitò in libello complexus est, ut *Viatores*, sive *Apparitores* majores sportulas acquirerent. Hodie ista actio usum nullum habet, quia *apparitores*, sive *executores* sua quisque certa salaria habent,

§. Q U A D R U P L I. 25.

Recensetur in hoc §. actiones in *quadruplum*, quarum quatuor reperiuntur I. actio *forti manifesti*, de qua *hòc lib. tit. i.* egimus. II. actio, *quod metùs causà*. III. de *calumniatoribus*. IV. *condictio ex lege adversus executores*. Et quia posteriores duæ habent aliquam affinitatem cum §. *preced.* ideò primò locò agemus.

150 De actione in factum contra Calumniatores. Pro pleniori hujus §. intellectu observa, calumniatorem alium esse in causis criminalibus, qualis ille dicitur, qui sciens, prudensve aliqui falsa crimina dolo malo intentat, juxta l. i. §. ff. ad SC. Turpill. ejus convicti pœna olim erat ex lege *Remmia*, ut ejus fronti littera K. inureretur; sed id sustulit *Constantinus l. 17. Cod. de pen.* postea introductum, ut pœnà talionis afficeretur l. *fin. Cod. de calumniat.* sed & ista pœna exolevit, remansit hodie adhuc pœna infamie l. 8. *Cod. eod.* Huic calumniatori similes quasi sunt *prævaricatores*, qui vera crimina abs-

condunt, probationes proprias dissimulando, & falsas rei accusationes admittendo, d. l. i. §. i. item *tergiversatores*, qualis ille dicitur, institutà, & ordinatà accusatione, sine abolitione, id est, sine venia desistendi, ab accusatione desistit, l. 10. *Cod. ad SC. Turpill. Schamb. hic.* De his autem *hic.* §. non agitur, sed de *calumniatoribus*, in causis civilibus, qualis illi dicuntur, qui ideò pecuniam accipiunt, ut, calumniæ causà alicui facerent negotium in Judiciis, vel non facerent. Quod ut melius percipiatur, ponitur talis.

Casus: Tametsi cum *Sempronio*, mihi nihil unquam negotii fuerit; ipse tamen accepit, à *Titio 22. fl.* vel aliud *Emolumentum*, ut mihi *litem* inferret, & sic me in *Judiciis* per *biennium* divexavit, probè gnarus, se nihil prorsus habere Juris. Vel aliter: *Sempronius*, nullam prorsus adversus me habens actionem, *Calumnie*, & *Vexationis* causà, me volebat trahere in *Judicium*. Ego, homo à *Judiciis*, litibus multum abhorens, 10. ei dedi, ut *Judicium* evitarem. Q. *quomodo mihi contra Malitiam Sempronii consulatur?* R. quod habeam adversus ipsum in utroque casu actionem ex *Edicto Prætoris in factum*; quâ peto, *quadruplum* acceptæ pecuniæ mihi restitui. *Manz. num. 3. & 4.*

162 Quid sit actio in factum de Calumniatoribus? Definitur hæc actio, quod sit *personalis*, *prætoris*, *mixta*, quæ datur contra eum, qui *pecuniarum* ideò accepit, ut alicui innocenti per *calumniam* negotium in *Judicio* faceret vel non faceret, intra annum in *quadruplum*, post annum in *simplum*.

Cui competat? Dic breviter, quòd detur ei, qui dedit pecuniam, ne trahatur ad *Judicium*, l. 3. §. *fin. ff. de calum-*

*calumniat.* Quòd si verò alius dederit pecuniam ; tunc res *Distinctionis* adminiculò , determinanda est : aut alius tibi dedit pecuniam , ut me calumniosè in Judicium traheres , & is nihil repetere potest , quia tecum est in pari causa turpitudinis , sic mihi hæc actio datur *d. §. fin.* Aut alius tibi dedit , ne me calumniosè trahas in Judicium , & tunc mihi datur hæc actio ad quadruplum ejus , quod sic accepisti ; ei verò , qui dedit pecuniam datur ad simplum , *l. 7. §. 2. ff. eod.* Sanè hæredi ejus pecuniam dedit , ne trahatur in Judicium , actio hæc non in quadruplum , sed in simplum datur per *apert. text. l. 4. ff. eod. Schneid. n. 14.*

154 *Contra quem competat ?* Datur I. contra eum , qui à tertio accepit pecuniam , ut litem calumniosam moveret. II. Contra dantem . qui scilicet tertium subornavit , eique dedit pecuniam , quia & iste poena quadrupli tenetur , *l. 31. Cod. de Episcop. & Cler.* III. Datur domino principali contra suum procuratorem , vel Advocatum , qui pecuniam accepit , ut domini negotium per calumniam ageret , id est , ut ab adversario se pateretur vinci , quo casu , & accipiens , & dans in quadruplum tenetur. IV. Contra hæredem accipientis , quatenus ad eum pervenit : nam turpia lucra etiam ab hæredibus repetuntur ; licèt crimina extinguantur , *l. in hæredem. ff. de calumn. Schneid. n. 22.*

*Quid requiratur ?* Ut hæc actio fortiaur locum , desideratur I. Ut pecuniam calumniator acceperit ad hunc finem , ut calumniosam actionem institueret , vel , ne illam institueret ; aliàs , si pecunia daretur , ut crimen non detegeretur , ex S. C. *Turpilliano* tenetur , prout dictum. II. Ut pecunia

data sit , ob negotium Judiciale calumniosum ; nam si negotium extra judiciale foret , alia daretur actio , sic v. g. si tibi dedi 100. ne me spoliare , actio , quod metus causâ , aut conditio ob turpem causam mihi accommodaretur. Ita *Schneid. n. 22. & 23.*

*Ad quid datur ?* Intra annum ad quadruplum ( cui tamen inest simplum ) 155 post annum in simplum hæc actio datur *Manz. n. 16. & 17.*

### De conditione ex Lege adversus Executores.

Hæc actio datur contra *Executores* , 156 seu *Ministros publicos* , qui exigunt aliquid ultra *constitutas & consuetas sportulas*. Facit enim , *Viennæ* consuetudine inductum esse , ut pro singulis citationibus Apparitori solverentur 6. crugig. & is exegerit 12. Q. *quomodo solvendi 12. consulatur ?* R. per conditionem ex lege adversus executores , quæ sic definitur , quod sit actio *personalis , civilis , mixta , quæ datur ei , qui ; ad instantiam executorum , majores sportulas solvit , contra ipsos executores ad quadruplum ejus , quod injustè exegerunt. Schneid. n. 24.*

Hodie universa propemodum locorum consuetudine taxata sunt salaria executorum ut ista actio usum vix nullum habeat , & aliunde actiones in duplum , triplum , & quadruplum penitus exoleverunt : proinde , si executor , plus debito , exegerit , poenâ extraordinaria afficiendus erit , *Schneid. num. 26.*

### DE ACTIONE , QUOD METUS CAUSA.

Hæc actio ut melius percipiatur , 157 *notandum* , eam competere pro vi illata violentia ; violentiarum verò esse V. Genera.

158 Genera. Nam I. quædam Violentia dicitur *expulsiva*, quæ propriè cadit in res *immobiles*, quando scilicet quis *deficitur ex possessione fundi, alium, &c.* & pro tali violentia datur Interdictum *unde Vi*, ad recuperandam possessionem, prout §. 6. de *Interd.* audiemus. II. est quædam Violentia *ablativa*, quæ circa res *mobiles* committitur, quando per vim ejusmodi res rapiuntur, & auferuntur, de qua violentia *Tit. de Vi bonor. rapt. supra.* III. Est quædam violentia *turbativa*, quæ committitur, quando duo, pluresque prætentendunt, se possessores esse ejusdem rei, & unus turbat alium, & si cadit in res *immobiles*, proditum interdictum *uti possidetis*, si verò in rebus *mobileibus*, tunc Interdictum *utrobi locum* habet. IV. Est quædam violentia *inquietativa*, quando aliquis, qui non est possessor, nec prætenedit, se esse possessorem, vi aut clam inquietat, & non sinit, alium uti re sua quietè, quo casu Interdictum, *quod Vi, aut clam* competit. V. Est quædam violentia *compulsiva*, quando quis per *vim & metum* cadentem in *constantem* virum, compelli ut, ad aliquid *dandum*, vel *faciendum*, & tunc ista actio, quod *Metus causa* locum habet, *Schnei. nu. 33. & 34.* quam exemplificat similis

159 *Casus*: Equum habui, valde generosum, quem sibi vendi, frequenter me Titius rogavit. At ego id tenui. Titius, evaginato gladio, me ad venditionem murlit. Ego, metu confternatus, & præsentis periculi timore percussus, equum ipsi vendidi 40. fl. quem vendere numquam cogitavi, aut, si vendidissem, non, nisi 80 fl. vendidissem. Q. *quomodo mihi contra ipsum confuturum?* Certum est, quòd de Jure civili nulla mihi adversus ipsum competat actio, quia *coacta voluntas est*

*etiam voluntas*, qui enim vi, metuve cogitur, verè consentit, *inter duo scilicet mala minus eligendo.* *Manz. n. 5.* Sed Prætor, æquitate inductus, tale Edictum proposuit: quod, *Metus causa*, gestum est, rationem non habebit, *l. 1. ff. quod met. caus.* licet enim coactus velit, non tamen vult, ut volens, sed, ut coactus. Deinde Temeritas metum incutienti lucrum parere, aut prodesse non debet. Hinc descendit actio *quod metus causa*.

*Quid sit actio, quod Metus causa?* 160 Actio, quod metus causa, *definitur*, quòd sit *actio personalis, in rem scripta, prætoria, quæ datur illi, qui per metum, cadentem in constantem virum, ad alienandam, vel dandam aliquam rem, coactus est, contra quemcunque possessorem rei, & infra annum ad quadruplum ejus rei, post annum ad simplex, &c.* Dicitur I. *personalis*, quia descendit ex obligatione, puta, ex delicto *concussionis*, & *Coactionis*. Dicitur II. *in rem scripta*, quia non solum datur adversus eum, qui metum intulit, sed adversus quemcunque, qui ex metu illato sensit commodum; licet ipse metum non intulerit, nemo enim debet ex delicto alterius lucrum sperare. Et in hoc sapit naturam *realium* actionum *Schneid. n. 35.*

*Dices*: cum actio, quod metus causa, adversus quemcunque possessorem datur, cur non vocatur *realis*? R. denominationem fieri à causa principali; principalis autem causa hujus actionis est *Delictum*; ergò *personalis* dicenda; licet etiam ipsam rem persequatur. *Manz. n. 13.* Unde *in rem scripta* dicitur; quales dicuntur illæ actiones, quæ ex natura sua quidem *personales* sunt; quia tamen etiam *rem* persequuntur, idè actiones illæ, in *rem* scriptæ esse, dicuntur. *Schamb. hic.*

L l l l 3 Dici-

Dicitur III. *Pretoria*, quia præto illam introduxit. Reliqua *definitionis* verba ex decursu reddentur perspicua, quando declarabimus, cui? *adversus quem?* Et ad quid hæc actio competat? quod priusquam præstemus, Sequitur.

161 *Quæ requirantur ad Actionem, quod Metus causa?* Ut hæc actio competat, requiritur I. ut agatur pro *Violentia compulsiva*, qua quis ad aliquid *dandum*, vel *faciendum*, adactus est. II. Ut metus talis fuerit, qui cadit in *constantem virum*, qualis est metus *mortis*, *cruciatu corporis*, *servitutis*, *incarcerationis*, &c. Num autem talis metus sit, diserti Judicis arbitrio, pro qualitate personarum determinandus *minor in femina*, & *homine minus robusto*, aut *adulto* sufficiet. Illud non refert, si metus illatus ipsi actori, aut liberis ejus; pater enim plus censetur diligere sum filium, quam se ipsum, & nullus est affectus, qui vincat paternum, *l. fin. Cod. de Cur. fur.* Unde si quis dedit aliquid, ne filia aut uxor stuprum patiat, per hanc actionem id repetere potest, cum iste metus *Viris bonis major*, quam *mortis*, esse debeat, & gravius sit *Viro Adulterium Uxoris*, quam *Occisio proprii filii*. Schneid num. 38.

162 Porro cum non quilibet metus hanc actionem pariat, ideo sciendum, V. esse genera metus. I. Metus *facti*, quando scilicet imminet periculum *mortis*, *cruciatu corporis* &c. & de hoc metu procedit hæc actio. II. est metus *minarum* qui hanc actionem non producit *l. 9. Cod. quod met. causa* nisi I. persona, quæ minatur, possit minas ad effectum perducere. II. nisi consueverit, tales minas perducere ad effectum *l. 5. Cod. eod.* III.

nisi sint minæ atrociores, *facti* scilicet, his enim tribus casibus etiam metus *minarum*; hanc actionem progenerat, Schneid. n. 41. in reliquis casibus poterit is, qui *minarum metu* percellitur, officium Judicis implorare, & cautionem, de non offendendo, petere, Schneid. n. 42. III. est metus *potentie publicæ*, quando is, qui incutit metum, est potens, & superior aliquis dominus, sic est *Comes*, *Baro Nobilis* erga *rusticos*, &c. Enim verò

*Est rogare Ducum species violenta-jubendi,*

*Et, quasi nudato supplicat ense Potens.*

Unde si subditus rogatus; suo Comiti fundum vendat, vendidisse, censetur. Hic tamen metus *potentie publicæ* hanc actionem, quod metus causa; non parit, sed talis contractus officio Judicis, & *conditione ex l. pen. Et ult. Cod. Quod met. caus.* rescinditur. IV. est metus *reverentialis*, quem pater habet in *liberos*, maritus in *uxorem*, Patronus in *libertos*, & iste metus etiam non inducit actionem, quod metus causa; sed actus, tali metu initus: officio judicis venit rescindendus *l. 1. §. 6. ff. quar. rer. act. non dat.* V. est metus *perfidie*, quando, ad celebrandum contractum, quis sollicitatur ab aliquo, cujus perfidiam timet. Veluti si *cliens*, rogatus ab *advocato*, *Medicus* ab *agrote*, &c. eis vendat fundum. Et nec iste metus producit actionem *quot. met. caus.* Contractus tamen initus officio Judicis rescinditur *l. 6. Cod. de postul. l. si Medius ff. de var. Et extraord. cog.* Ex dictis, veluti fonte, fluit, quod solus metus *facti* ponat hanc actionem, quod



quod met. caus. Alio metus genere contractus initus, rescinditur officio Judicis. *Schmid. n. 50.*

163 Cui competat? Statuo breviter, quod detur metui passio, sive in se, sive in libris, sive in uxore. Et, cum sit rei persecutoria, datur etiam hæc actio heredibus, metum passi, l. 16. §. 2. ff. quod met. caus. *Schamb. hic.*

164 Contra quem competat? Competit I. contra metum inferentem II. contra ejus hæredes in id, quod ad eos pervenit, turpia enim lucra etiam ab hæredibus revocantur l. 15. ff. eod. licet enim (inquit Textus) pena ad hæredem non transeat? attamen, quod turpiter, vel scelere quasitum est, ad compendium hæredis non debet pertinere. *Schamb. hic.* III. contra hæredes hæredis; etiamsi ad illos nihil pervenerit, sed res per primum hæredem consumpta sit, sufficit enim, semel pervenisse ad proximum hæredem, lib. 17. ff. h. t. quæ lex ita ait: sufficit enim semel pervenisse ad proximum hæredem, & perpetua actio esse coepit, alioquin dicendum erit, nec ipsum, qui consumpsit, quod ad eum pervenit, teneri. Et hæc lex singularis est, teste *Brumm.* Ubi dicit, quando regula limitata tur, actiones, ex delictis competentes, non transire contra hæredes; nisi aliquid ad hæredem pervenerit, quod hoc ita soleat declarari; si tamen ad primum hæredem pervenerit, sufficit, & sic actio erit perpetua. Pervenisse autem dicitur tempore litis contestatæ, ut, iste sensus esse, videatur, si hæres tempore litis contestatæ rem habuerit: licet postea amiserit, adhuc tenebitur. *Schamb. hic. v. dices.* Unde si ante litem contestatam res apud primum hæredem, bonæ fidei possessorem casu perierit, putat *Brumm.* ad l. 20. ff. eod. hæredis hæredes non te-

neri. IV. contra quemcunque possessorem, vel detentorem rei, per metum ablata; sive habeat rem ex titulo oneroso, sive lucrativo, &c. *Schneid. num. 52.*

Ad quid competat? Datur hæc actio intra annum in quadruplum, post annum in simplum. Ubi tamen observa, non statim reum condemnari in quadruplum; sed tunc demum, quando Judex rem, metu ablatam, restituere reum jussit, & is Judicis jussui non obtemperaverit. Solet enim Judex interloqui, ut rem restituat intra 10. dies: vel tempus, ad hoc in sententia præscriptum. Quod si à contrario jussui Judicis reus pateat, remque restituat, absolvitur; sin minus, condemnabitur in quadruplum; quadruplicatur autem omne, quodcunque restitui oportet, id est æstimatio rei, & fructuum, l. 14. §. 7. ff. quod met. causa. Tenetur autem hoc quadruplum præstare non tantum is, qui metum intulit, sed & tertius rei, metu extortæ, licet bonæ fidei possessor; idque in poenam contumaciæ, quod jussui Judicis, præcipientis, rem restituui, non paruerit. Unde *Ulp.* in d. l. 14. §. 1. ait: Satis clementer Prætor cum reo egit, ut daret ei restituendi facultatem, si vult penam evitare. *Schamb. hic.* Illud, coronidis loco observa, quod si, metum passus, aliquod pretium acceperit, illud, metum inferenti, teneatur restituere, & si contra alium, cui metum inferens rem; metu extortam, vendidit; agat, huic secundo emptori pretium restituui debet. Sic est *Text. exp.* in l. 3. Cod. de his, quæ vi, metusque causa, & *Schneid. n. 67.*

#### §. SED FURTI. 261

Suprà in §. 32. diximus V. actiones esse in duplum conceptas, scilicet actio-

actionem *furti nec manifesti*, *servi corrupti*, *legis Aquiliae*, *depositi* in quatuor calibus, puta, *tempore incendii*, *tumultus*, *nausfragii*, *ruinae*, &c. & deinde actionem *ex testamento pro legato*, *venereabilibus locis relicto*, &c. hoc §. Imperator ostendit *differentias* istarum actionum quæ in eo consistunt, quod actio *furti nec manifesti*, & actio *servi corrupti* omnimodè, semper & indistinctè sint in duplum ab origine & ex natura; sive *neget* aliquis, se furtum fecisse, servumque corrupisse, sive *confiteatur*. Contra vero reliquæ actiones ex sua natura, & origine tantum in simplum dantur; postea autem ex accidenti primum, nimirum propter inficiationem, duplantur. *Manz. hic.*

§. SIC ITAQUE. 27.

166 In hoc §. ostendit Imperator differentiam inter actiones *quadruplares*, quæ in eo posita est, quod in his *tribus* (videlicet actione *furti manifesti*, actione *in factum de calumniatoribus*, in *condictione* contra *executores litium*) reus condemnetur semper in quadruplum; sive restituere paratus sit, sive non. In actione verò, *quod metus causa*, tunc demum ad quadruplum agitur, si reus, rem restituere jussus, *Judici* non paruerit. Est ista differentia, quod in actione *furti manifesti* quadruplum mera pœna sit; in reliquis verò *tribus* quadruplo res: sive simplum insit. *Manz. & Harp. hic.*

§. ACTIONUM. 28.

167 Insignis est, & valde memorabilis iste §. in quo V. generalis, & principalis *Divisio* actionum subjicitur, videlicet, quod omnes actiones sint aut *bonæ fidei*, aut *stricti Juris*.

At *Dices*: omnis bona divisio debet fieri per species, directè oppositas,

& contrarias; sed hæc divisio, qua actiones dicuntur alie bonæ fidei, alie stricti Juris, non fit per species, directè oppositas; ergo non est bona. Pro resolutione vanæ hujus objectionis 168 nota, quod *bona fides* verbum sit *homononymum*, id est *duplicem* recipiens *significationem*, & quidem I. *bona fides* accipitur pro *sincero*, *recto*, *integro* & *puro animo*, ab omni *fraude*, *caliditate*, aut alio *improbitalis* fomite sejuncto, & in hoc sensu *bona fides* accipitur pro *æquo*, & *bono*, quatenus nimirum opponitur *stricto* & *summo* *Juri*, quod alibi *summa injuria* dicitur, Hoc supposito, & ad *object. neg. min.* siquidem, si *bona fides* accipitur in secunda significatione, puta, pro *æquo* & *bono*, tunc directè opponitur *stricto* *Juri*, ut proinde divisio facta sit per species, directè oppositas. *Manz. Inst. num. 1. & Schneid. n. 5.*

Ex dictis facit colliges, actiones 169 bonæ fidei taliter concinne & eleganter describi; nimirum, esse illas, quæ largius in *bona fide* exuberant; seu, in quibus *Judex* habet *largam* & *amplam* potestatem judicandi non tantum de iis, quæ inter partes *expresse* conventionta sunt, sed etiam de iis, quæ naturalis *æquitas* suadet; licet ea in contractu neque *dicta* neque *cogitata* sunt. In exemplo: Ego vendidi tibi fundum, nondum perceptis, sed pendentibus fructibus. Hoc in casu, licet nulla in contractu fructuum mentio facta sit; nihilominus tamen veniunt in actionem empti, l. 13. §. 10. ff. de act. empt. vide quæ diximus lib. 3. tit. 14. num. 17. & seqq. Actiones verò *stricti Juris* illas esse, in quibus *Judex* non habet liberam ex *æquo*, & *bono* judicandi potestatem; sed verbis pascicentium ita adstrictus est, ut nec in plus, nec in minus, quam verbis

verbis expressum est, reum condemnare possit. Ut ecce! si tibi fundum, pendentibus, & maturis, fructibus, per stipulationem dare promiserim, & de fructibus nihil dictum aut cogitatum fuerit, fructus non debentur, l. 78. \*. 3. ff. de V. O. Manz. n. 6. & 7. Schneid. hic.

## AD V. BONE FIDEI.

170 Q, in hoc v. quanam actiones dicantur bonæ fidei? Ut breviter te expedias, dic, quod omnes actiones de mundo, quæ in hoc nostro §. 28. in specie non enumerantur, sint stricti Juris: Contra verò illæ, quæ hic in §. 28. recensentur, sint bonæ fidei. Ita communiter docent fere omnes DD. ex ratione, quod inclusio unius sit Exclusio alterius arg. l. 63. §. 1. ff. de condit. & demonstr. Schamb. Inst. hic. Manz. n. 13. Schneid. n. 7. Harp. n. 71. & seqq. Mynsing. n. 7. & communiter omnes. ita ut audacter sic argumentari possis; hæc, vel illa actio in hoc §. 28. non recensita; ergo est stricti Juris.

Obj. l. 8. de Jud. ubi ita scribitur: Placuit in omnibus rebus præcipuam esse iustitiæ, æquitatisque, quam stricti Juris, rationem. Sane, si in omnibus rebus æquitas servanda est, ergo etiam in omnibus actionibus; ergo omnes actiones sunt bonæ fidei. R. Aliud esse, servandum esse æquitatem, aliud verò, posse de iis judicare, quæ inter partes conventa non sunt. Æquitatem Judex etiam in strictis judiciis fervare, hoc est, illam summo rigori Juris præferre debet, ast de iis in stricti Juris judiciis judicare nequit, quæ inter partes expressè conventa non sunt: Schamb. loc. cit. Unde sua sponte fuit, quod, licet actio injuriarum, ex æquo: & bono esse, Kees ad Institut.

dicatur, l. 11. §. 1. ff. de Injur. Item funeraria actio ex bono, & equo ori-ri, l. 14. §. 6. ff. de relig. & sumpt. fun. actio de sepulchro violato in bonum, & æquum concepta, l. plen. ff. de sepulch. viol. condictio indebiti, ex bono, & æquo introducta, l. pen. ff. de condit. indeb. quod, licet (inquam) præmemoratae actiones taliter conceptæ, aut introductæ dicantur, omnes tamen stricti Juris sint, ex hac videlicet fundamentali ratione, quia in hoc nostro §. 28. in specie, & nominatim non enumerantur; & Judici illa laxa, & ampla potestas, etiam de non conventis judicandi, non competit. Harp. n. 78. Manz. n. 41.

171 Q. an illa clausula, Instrumentis inserti solita, alles getreulich, und ohne Gefahrde, actionem stricti Juris transformet in actionem bonæ fidei? Negant, Harp. n. 67. Manz. n. 51. & plures, ab his allegati, ex ratione, quia modus actionum, à lege introductus, privatorum pactis non potest immutari, l. 17. ff. de R. J. Affirmant Berlich. P. 2. conclus. 24. n. 62. Bald. lib. 1. Consil. 343. Wesenb. p. 1. Consil. 14. n. 17. ex ratione, quia in l. 152. §. ult. ff. de C. J. bona fides, & clausula, seu promissio de præstatione doli, exæquantur. Mihi (ut verum fatear) præplacet prior opinio, & existimo, illam clausulam ideò tantum adjici, ut ostendatur nullum dolum intervenisse, qui æque à contractu stricti Juris quam bonæ fidei abesse debet, Manz. n. 49. Cæterum, cum de nonnullis actionibus bonæ fidei, quæ in hoc §. 28. recensentur, in prioribus libris dictum sit, ideò illas denuò, sub eundem revocare, supersedeo, & eas duntaxat, quas nondum tetigimus, hic subjiciendas, duxi. Sunt autem earum adhuc IV. puta, actio præscriptis verbis

in genere, actio *præscriptis verbis* affirmatoria, actio *præscriptis verbis* ex permutatione. & *petitio hereditatis*. Itaque sequitur

DE ACTIONE PRÆSCRIPTIS VERBIS  
IN GENERE.

IV. Esse contractus innominatos, puta *do, ut des; do, ut facias; facio, ut facias; facio, ut des*, manifestò est manifestius. Ex his contractibus non nascuntur *nominatae*, & *speciales actiones*, plura enim per istos IV. contractus fiunt, tractanturque negotia, quàm rerum sunt vocabula, *l. 2. l. 4 ff. præscript. verb.* atque proinde *difficile*, imò *impossibile* fuisset, cuivis negotio proprium nomen actionis applicare. Itaque Imperator dedit generalem quandam actionem quæ ex omnibus negotiis nascitur, quæ per memoratos IV. contractus fiunt, eamque actionem baptizavit *præscriptis verbis*, vel actionem *in factum*. Schamb. *Inst. hic*.

172 Ubi tamen *observa* I. quòd actiones *præscriptis verbis*, & actio *in factum* promiscuè sumantur: ita ut toties competat actio *in factum*, quoties actio *præscriptis verbis* competit. In eo tamen *differunt*, quòd actio *præscriptis verbis* in causis *civilibus* tantum; actio verò *in factum* tam in *civilibus* quàm in *criminalibus* locum fortitur. *Menz. n. 12. Schamb. hic. Oldendorp. class. 4. act. 40.*

173 *Observa* II. & pro *regula* capesce: quòd toties actio *præscriptis verbis*, vel actio *in factum* detur, quoties negotium, quod geritur, naturam contractus habet; sed tamen negotium tale sit, ut ad certam speciem contractus referri nequeat. Ut ecce: Ego unum duntaxat equum habeo; & tu unum; jam, cum nullus nostrum curru

vehi possit, rogo te, ut tuum equum mihi commodes, & promitto, quòd postea meum tibi commodare velim, ut pariter currum ambulatum vehi possis. Tu mihi equum tuum per 8. dies commodasti: ego verò, cum & meo equo uti velles, illum tibi commodare recuso. Q. qualis tibi adversus me competat actio? R. Quòd tibi competit actio *præscriptis verbis* ex contractu innominato *do, ut des*. Sed, quare non datur actio *commodati*? vel *locati*? Ideò, quia commodatum debet esse gratuitum, & in locatione merces consistere debet in pecunia numerata, *Manz n. 15. & n. 19.* Fac iterum, quòd auri fabro poculum argenteum miserim, ut exploraret ejus pretium, & bonitatem; postea verò, cum poculum vellem repetere, auri faber nolit restituere, Q. qualis mihi adversus auri fabrum applicetur actio? R. Quòd actio *præscriptis verbis*, ex ratione, quia istud naturam contractus sapit; & tamen speciale nomen non habet, quo in casu actionem *præscriptis verbis*, vel actionem *in factum* competere dictum fuit *supra*. Item III. competit 174 actio *præscriptis verbis* ei, qui merces M. giltro navis tradidit, & incertum est an navem conduxerit, an merces vehendas locaverit *l. 1. §. 1. ff. de præscript. verb.* IV. Ei, qui puerum docendum sive nutriendum, aut pecus pascendum dat, ita ut, si post certos annos venerit, pretium communice-  
tur *l. 13. §. 1. ff. eod.* V. Ei, qui vendere vult vestimenta, & emptori dat vendenda, ut pretio alter utatur. *l. 19. ff. de præscript. verb. l. 11. ff. de R. C.* VI. Ei, qui equos venales experiundos dat, ut, si in triduo displicuissent, reddantur, *l. 20. ff. de præscript. verb.* VII. Ei, qui argentum dat explorandum; si alter, cum dis-

spli.



plicuisset, servo det referendum, idque pereat. *d. l. 20. in fine. VIII.* Ei, qui donavit, & alter conditioni adjunctæ non pareat, *l. ult. Cod. de rei permut.* Ratio horum omnium non est alia, nisi ista, quod toties detur actio præscriptis verbis, quoties deficient ulitata actionum nomina.

*Observa III.* quod reperire sit casus, in quibus competit actio in factum; nullatenus verò actio præscriptis verbis. Ut ecce! cum *Mævius & Titius* ambularent juxta *Tiberim*, rogavit unus alterum, ut anulum suum ei ostenderet, ad hoc, ut illum intueretur; cum autem anulum reciperet, per incuriam anulus ei de manu excidit in *Tyberim*. *Q. qua actione pretium anuli alter consequi posset?* *R.* Quod actione in factum, quæ tunc competit, quando negotium sapit naturam delicti, & tamen speciale nomen non habet. Vide latè *Manz. Inst. hic. n. 5. & seqq.*

#### DE ACTIONE PRÆSCRIPTIS VERBIS ÆSTIMATORIA.

175 Priusquam hujus actionis naturam excutiamus, præmittendum duxi, quid sit *Contractus æstimatorius*? est autem nihil aliud, quam *contractus innominatus*, quo rem, certò prætiò æstimatam, quis tradit alteri vendendam ea lege, ut vel pretium conventum: vel ipsa res incorrupta restituatur. *l. 1. §. 2. ff. de æstimatoria actione.*

179 *Requisita* hujus contractus duo sunt. I. ut res vendenda cum certa æstimatione alicui tradatur. Hinc si res non æstimatur, sed in genere & simpliciter pro justo pretio vendenda committitur; non hic contractus, sed vel locatio, vel mandatum initum esse, censetur. *Hahn. ad b. t. n. 5. II.* ut res

eum in finem tradatur, ut ea vendatur, *d. l. 1.* Unde si ab initio convenient partes, ut res non alio vendatur, sed ut ipse accipiens eam pro certo pretio habeat, iterum non hic contractus: sed emptio venditio erit, atque adeò non æstimatoria, sed actio empti venditi locum habebit, *l. 10. §. 4. & 5. §. l. 18. ff. de jure dot. Effe-*ctus contractus æstimatorii est, ut rem accipiens teneatur incorruptam cum omni causa, puta fructibus, qui accesserunt, *l. 18. §. 1. & 2. ff. de pignor. act. aut æstimationem restituere, l. 1. §. fin. ff. de æstimat. act. Struv. lib. 19. tit. 3. Exercit. 25. th. 6. lit. A.*

*Q. I. quid? si pluris res fuerit vendita, quam erat æstimata?* v. g. *Sejus* 177 proxeneta fundum, vel catenam auream, à *Sempronio* pro 90. æstimatam accepit, & 100. fl. vendidit, teneaturque *Sejus* 90. vel. 100. fl. restituere. *R.* ante omnia conventionis rationem habendam esse, ita ut, si conventum sit, ut lucrum proxenetæ cedat, standum sit conventioni, *l. 13. ff. de præscript. verb.* cum pacta dent legem contractibus, *l. 23. ff. de R. J.* quod si nihil conventum fuerit, lucrum pertinebit, ad dominum, *arg. d. l. 14.* ubi, ut lucrum cedat proxenetæ, rem vendendam accipienti, opus est pacto, & conventionem, qua opus non foret, si hoc ipso, quod rem vendendam acceperit, lucrari posset id, quod pretium excedit. *Zoes. ff. de æstimat. act.* Accedit, quod ex mandato nihil remanere debeat penes mandatarium; licet extra fines mandati aliquid acquisiverit mandatarius, ut idem hoc casu dicendum videatur à paritate rationis, *Brunneus. in l. 1. ff. de æstimat. act. Struv. loc. cit. thes. 6.*

*Q. II. Ad quem spectet periculum rei, ad adventum æstimatio data?* *Coguntur* 178  
M m m m 2 in

in hac Q. duo text. qui sibi invicem vehementer videntur contrarii. I. est in l. 1. §. 1. ff. de æstimat. act. ita sonans: æstimatio autem facit periculum ejus, qui suscepit: aut igitur debebit ipsam rem incorruptam reddere, aut æstimationem, de qua convenit. II. est in l. 17. §. 1. ff. de præscript. verb. his verbis: si margarita tibi æstimata dederò, ut aut eadem mihi adferres, aut pretium eorum. Deinde hac perierint ante venditionem, cujus periculum sit? Et ait Labeo, quod & Pomponius scripsit, siquidem ego te venditor rogavi, meum esse periculum: si tu me, tuum. Si neuter nostrum; sed duntaxat consensimus; teneri te hæcenus, ut dolum. & culpam mihi præstes; actio autem ex hac causa utique erit præscriptis verbis. Hos duos text. ut in concordiam reducerent, varii varia excogitarunt.

Ego, (ut breviter me expediam) referre existimo, num æstimatio facta sit (ut ajunt) propter ipsam rem; num verò propterea, ut sciret accipiens, quanti rem vendere deberet? Sin æstimatio propter rem facta sit, ita, ut quasi conditionalis inter dantem. & accipientem contracta sit emptio venditio, fortè, quia proxeneta rem hac conditione accepit æstimatam, ut vel pretium exsolveret, vel rem in natura restitueret; tunc fortietur locum d. l. 1. §. 1. & periculum erit accipientis, ita, ut, si res casu perierit. teneatur ad exsolutionem pretii. Capzov. lib. 1. respons. 106. Ratio est, quia æstimatio facit emptionem venditionem, & dominium transferri in accipientem. Menoch. lib. 3. præsumpt. 74. & vol. 3. Consil. 229. n. 16. Sin æstimatio eapropter facta sit, ut intelligat accipiens, quanti rem vendere debeat, iterum refert, quisnam alterum rogaverit? num dominus pro-

xeretam; num proxeneta dominum? I. casu æstimatio facit periculum proxenetae, cujus maximè interfuisse, præsumitur, rem vendendam æstimato datam esse, & vix videtur rogaturus fuisse, nisi in ejus commodum primariò verteretur. Sic ponamus, me rem venalem habuisse, idque scivisse Titium, negotiandi studio alias detentum, Jam Titius rem istam libenter emisset, spe fortè fretus, fore, ut illam majoris venderet, & sic aliquid lucri faceret. Verum, cum pecunias paratas non haberet, & præterea occasionem, eam rem pluris vendendi se habere, existimaret, rogavit me, ut illam rem, quam venalem habui; sibi traderem. Ego rem ipsi dedi sub hoc expresso pacto, ut pro ea vel 100. fl. pro pretio ferat, vel rem incorruptam restituat. Titius rem accipit, sed, quem credidit empturum, non emit, & interea res furto ablata est. Hoc in casu periculum spectat ad Titium, ex Ratione, & Lege allegata, II. casu periculum spectat ad dominum d. l. 17. §. 1. eò quòd, utilitas primariò subesse, censeatur, Quòd si verò de Rogatione non appareat, in dubio periculum spectabit ad dominum; ita tamen, ut proxeneta dolum, latam, & levem culpam, præstet, d. l. 17. §. 1. Brumem. in d. l. 1. §. 1. Bachov. ad Treutl. vol. 1. disp. 30. lit. E. Vide etiam Schamb. Inst. hic. Zoef. ff. de æstimat. act. & Harp. n. 92.

Ex dictis jam facile colliges, quid sit actio præscriptis verbis æstimatoria, nimirum actio civilis, bonæ fidei, quæ datur ei, qui rem, æstimatione facta, alteri vendendam dedit, ejusque heredi, adversus eum, qui accepit, heredesque ejus, ut vel res restituatur, vel æstimatio præstetur, Struv. loc. cit. tb. 8. per tot.

DE ACTIONE PRÆSCRIPTIS VERBIS  
EX PERMUTATIONE.

180 Casus: habeo libros Theologicos, de quibus, cum tuo corpore Juris glossato permutandis, inter nos conventum est. Ego ex parte mea conventioni steti, librosque Theologicos tibi quantocyus tradidi: tu verò, licet à me aliquoties amicè interpellatus, Corporis Juris glossatum tradere mihi recusas. Q. *quomodo mihi contra te prospectum, consultumve sit?* & R. quòd mihi adversus te competat actio *præscriptis verbis ex Permutatione*. Quam eleganter *descriptis*, quòd sit actio *personalis, civilis, bonæ fidei, competens ei, qui rem certam animo permutandi dedit, ad hoc, ut ab altero res vicissim tradatur; aut res tradita restituatur, ut denique id, quod interest, præstetur.* Manz. *Inst. hic. n. 7.*

Dixi I. *personalis*, quia descendit ex contractu *innominato*, puta, *do, ut des* seu *Permutatione*, quæ contractus est *vetustissimus*, & omnium *primus*. Oldendorp. *Class. 4. ad. 37. pag. 737.* ubi *observa*, Nonnullus magnopere invicem *altercari*, num contractus *innominatus do, ut des*, à permutatione differat? ita, ut aliqui existiment, in eo differre, quòd permutatio tunc fieri dicatur, quando certe rerum species commutantur cum certis speciebus, veluti, si *do tibi meum equum*, ut tu mihi *des tuum*. Contra verò contractus *do, ut des* tunc celebrari dicitur, si *genus cum specie commutetur*, v. g. si *do tibi equum*, ut des mihi *frumentum*; vel, si *do tibi vinum*, ut des mihi *frumentum*. Manz. *n. 12. Zoes. ff. de permut. n. 4. Harp. n. 85.* Verùm ne de lana caprina otiosè contendas, dic, permutationem, & contractum *innominatum*

*do, ut des*, reipsa non differre, cum nemo tam incurius præsumatur, qui hunc contractum ineat, nesciens, quid recepturus sit. Schamb. & Vult. *hic.*

Dixi II. *ei, quem rem dedit*; permutatio enim solo consensu non contrahitur, sed rei interventu, ita, ut prius non producat actionem, quàm res ex una parte data sit, l. 3. *Cod. de rer. permut.* Brunnem. *ibid.* In quo differt *permutatio* ab *emptione venditione*, quæ solo consensu perficitur. Manz. *n. 11.*

Dixi III. *ad hoc, ut ab altero res vicissim tradatur; aut res tradita restituatur; aut denique id, quod interest, præstetur.* Ubi, impense velim, observes: Quòd in præfixo casu in meo positum sit arbitrio. & libera voluntate, num. postquam mea ex parte contractum adimplevi, adversuste agere velim ad hoc, ut & tu ex tua parte contractum impleas, quo in casu actio *præscriptis verbis* mihi competit: num verò pœnitere velim, ita, ut malim, libros Theologicos mihi restituui, quàm ex tua parte contractum adimpleri. & possum variare meam petitionem, atque petere, ut libri Theologici, tibi jam traditi, mihi restituantur, quo in casu mihi competeret *condictio causâ data, causâ non secutâ d. t. ff. de condict. caus. dat. caus. non secut.* Zoes. *ibid.* Ratio hujus est, quia in contractibus *innominatis* locus est pœnitentiæ ex parte illius, qui implevit contractum, l. *Si pecuniam. ff. d. t.* Oldendorp. *loc. cit. fol. 741.* Dixi: *ex parte illius, qui implevit contractum*, alter enim, etsi vel maxime deinde vellet adimplere contractum, non teneris amplius rem recipere, cum mora sua cuique noceat. Manz. *n. 40. Wesenb. in parat. ff. de transact. n. 7.* Quò pulchrè facit l. *plen. Cod. de rer. permut.* & Brumm. *ibid.* Porro, sicuti

in electione est illius, qui ex sua parte contractum implevit, agere ad hoc, ut ex altera parte etiam impleatur; vel, ut res tradita restituatur, & sic à contractu discedatur, ita quoque is, qui non implevit traditione permutationem, non tenetur præcisè, tradendo rem conventam, implere contractum, sed, præstando interesse, se liberare poterit, *l. 4. Cod. d. t. Brunn. ibid. n. 4. & Bartol. in l. ult. Cod. eod.*

#### DE PETITIONE HÆREDITATIS.

182 *Casus*: Titius decessit ab intestato, & ego sum proximus illius Agnatus, ita ut conjunctione sanguinis me nullus antecedit. Vel: Titius fecit testamentum, & me in illo hæreditatem scripsit. Ego hæreditatem adivi, & me hæredem declaravi. Interim Caius totam hæreditatem, vel ejus partem, vel rem aliquam hæreditariam occupat, & ut mihi eam restitueret, amicè requisitus, retractat. *Q. quomodo mihi consultum sit? R.* quod detur mihi actio, quæ vocatur *petitio hæreditaria*, quâ peto, me declarari hæredem, & Cajum condemnari ad id quod possidet, mihi unâ cum fructibus restituendum. *Nanz. Inst. hic. n. 3.*

183 Unde definitur petitio hæreditatis: quod sit *actio in rem universalis bonæ fidei, quæ datur ei, qui vel ex testamento, vel ab intestato heres est, adversus eum, qui pro hærede vel pro possessore rem hæreditariam possidet, ad hoc, ut declaretur heres Titii, pater defuncti, & Cajus condemnetur, ut hæreditatem, vel partem ejus, vel rem hæreditariam, quam possidet, restituat unâ cum fructibus, & emolumentis*: Oldendorp. *Class. 5. fol. 977.*

184 Dixi I. *in rem*, quia non datur contra eum, qui nobis ex contractu, vel delicto obligatus est; sed contra eum, qui rem hæreditariam possidet,

quam nobis patimur restitui, quod est proprium actionum realium. *Manz. n. 10. Præterea huc facit l. 8. ff. de pet. hered. ubi hæreditatis petitio vocatur Vindicatio; Vindicationes autem sunt omnes actiones reales, §. 15. Inst. h. t.*

Non obstat, quod per petitionem hæreditatis actor petat, sibi dari pretia rerum hæreditarium, quas possessor distraxit. *Locum alienum, à debitoribus hæreditariis exactum, l. 25. §. 18. ff. de petit. hered. petere autem, sibi aliquid dari, hoc est, dominium transferri, proprium sit actionum personalium, in quibus agitur ad dandum, vel faciendum: in realibus vero ad restituendum. Siquidem exinde plus non sequitur, quàm quod petitio hæreditatis multas etiam habeat præstationes personales, d. l. 25. §. 18. quapropter in l. 7. Cod. de petit. hered. mixta, & personalis actio vocatur. Interea tamen, cum per istam actionem, potissimum ad res hæreditarias, restituendas, agatur, rectè Justinianus hic eandem simpliciter statuit esse realem, cum à potiori fiat denominatio. Schneid. hic. n. 2. Bach. ad Treutl. vol. 1. disp. 14. th. 2. Lit. B. Zoef. ff. de petit. Hered. n. 3. Struv. Exercit. 20. lib. 5. lib. 3. Thes. 45. Lit. B.*

Dixi II. *universalis*, quia per eam 185 petitur corpus bonorum, hoc est, universitas, in qua sunt varia Jura, & diversæ species, res scilicet corporales, & incorporales, mobiles, & immobiles & cum actiones assimilentur Rebus, quæ petuntur, sequitur, petitionem hæreditatis actionem esse universalem, utpote per quam universitas bonorum petitur. *Wesemb. in paratit. de petit. hered. n. 6.*

Non refragatur, quod res, etiam 186 minima, hac actione, petatur, ut minus rectè universalis esse videat-



videatur. Enim verò, qui hanc actionem instituit, non meretur Jus ex re, quam adversarius habet; sed ex Jure, quod ipse habet, quale est universale, tam respectu totius hereditatis, quam partium; quod enim Jus obtinet in toto, id & in parte habere, dicitur, l. 76. ff. de R. V. Zoes. loc. cit. num. 5.

- 187 Cui competat? Datur I. Petitorio hereditatis illi, qui hæres est, vel ex testamento, vel ab intestato, l. 1. ff. de petit. hered. sive per se, sive per alium, in potestate existentem, puta servum, vel filiumfam. l. 2. § 3. eod. idem enim est si servus, vel filiusfam. hæres scriptus est, ac si pater: vel dominus scriptus fuisset, cum Dominus, & servus, Pater, & filius pro una, eademque persona habeatur, & omne acquiratur Patri, & Domino, tot. tit. Inst. per quas pers. Zoes. ff. de petit. hered. n. 2.

- II. Datur pretio hereditatis hæredi, l. 3. ff. d. t. ut ecce! Titius, hæres Sempronii, decedit; & successorem relinquit Cajum; isti Cajo hereditatis petitio competit, sicuti Titio competere, si viveret. Ratio est, quia hæres est etiam testatoris hæres l. fin. Cod. de hered. Inst. III. Datur hæc actio, sive quis sit hæres in solidum; sive ex certa parte; dummodo illa pars sit quota hereditatis, non autem quota bonorum. Nam quota hereditatis continet omnia Jura active & passive, cum sit pars Juris universalis, & etiam in quota hereditatis petit se aliquis hæredem declarari. Sanè, qui quotam bonorum habet, petitio hereditatis ei non competit, quia talis habetur instar legatarii; legatarius autem, pro consequendo legato, non habet petitionem hereditatis; sed actionem ex testamento, vel rei vindicationis; vel

actionem hypothecariam, l. 1. ff. de leg. 1. IV. Datur hæc actio emptori hereditaris, non quidem directa; quia, qui emptam, aut donatam hereditatem possidet, eam titulo universalis non possidet, sed singulari, id est, ex conventionione partium, quæ conventio hæredem non facit, l. 3. Cod. de pact. convent. sed utilis datur hereditatis emptori, l. 5. Cod. de hered. vend. his verbis: quamvis utiles etiam adversus debitores hereditarios actiones emptoris tribui placuit. Zoes. ff. de hered. pet. n. 12. Schneid. n. 15. prædicta non sic intelligas, necesse est, ut emptor habeat petitionem hereditatis contra possessores rerum hereditarium: non autem contra venditorem; quia contra eum actio personalis ex empto locum habet. Schneid. loc. cit.

Contra quem competat? Datur hæc actio I contra possidentem pro hærede, l. 9. § 1. 10. ff. de hered. pet. Qualis ille dicitur, qui asserit, & contendit, se hæredem esse; cum tamen rei veritate non sit. Nec refert, utrum bonâ fide putet; se esse hæredem, an mala fide se hæredem asserat? d. l. 11. ff. eod. Schneid. n. 18. II. Datur contra possidentem pro possessore, qualis ille dicitur, qui nullam justam vel coloratam causam possidendi habet. &, qui interrogatus, cur possideat? nullam possessionis suæ causam reddere potest, sed simpliciter R. quia possideo, l. pro hærede. 11. §. fin. ff. eod. l. 7. Cod. eod. Id genus sunt prado, fur, raptor, & quilibet alius malæ fidei possessor. Manz. n. 35. Idem est, si quis allegat titulum, sed invalidum, v. g. titulum pro emptore, si sit res emptâ à furioso; pro donato, si res uxori à marito donata sit; pro dote, si à minore 12. annis, nupta mihi, sciens dotem accepi; nam quoties minor

minor 12. annis nubit. matrimonium non est, consequenter nec proprie dos esse censetur, utpote quæ non datur sine matrimonio, l. 3. ff. de Jure dot. tales ergo pro possidente, seu pro possessore habentur, per Text. apert. l. 13. §. 1. ff. de hered. pet. Zoef. numer. 17.

191 Dices: nemo cogitur possessionis suæ titulum allegare, l. 11. Cod. de hered. petit. & quidem ex ista ratione, quia valde incivile foret, reum ad suum incommodum, & actoris commodum ad hoc cogi posse, ut daret arma actori contra se ipsum, l. 7. Cod. de test. ergo, conventus petitione hæreditatis, Titulum allegare non tenetur. R. anteced. regulariter verum esse, limitationem tamen poni in hæreditatis petitione, quâ conventus tenetur dicere titulum suæ possessionis, & ad hoc per Judicem compelli potest. Ratio est. ne Judicium reddatur elusorium &, ut sciatur, poteritve reus hac actione conveniri? nam (ut dicemus infra) hæc actio contra titulo justo possidentem non datur. Neque Reo, id durum esse, videatur, quod videlicet, conventus petitione hæreditatis, teneatur edere titulum suæ possessionis, quia, si justam causam allegaverit, hanc actionem à se avertet. Zoef. ff. h. t. num. 17. Manz. num. 71. Et quidem ista exceptio, se possidere cum titulo, ex communiori opinione peremptoria est, ita ut etiam post litem contestatam usque ad sententiam opponi possit; quo tamen casu reus condemnatur actori in expensas. Schneid. n. 33. & n. 35.

Illud in dubium rapitur, an hæreditatis petitio detur contra titulo possidentem, v. g. an, qui bona fide rem possidet ex empto donato, legato, dote, &c. teneatur hac actione, puta, peti-

tione hæreditatis? Partera affirmativam evincere videtur text. l. 13. ff. de petit. hered. ubi (utiles saltem) petitio hæreditatis contra eum, qui titulo singulari possidet, dari asseritur.

Verum negativa (ut ut oggiant 192 aliqui Neoterici) communis est Teste Bach. lib. 11. cap. 4. Zoef. ff. h. t. num. 18. Schneid. num. 20. Manz. num. 36. & Clettle P. 2. Q. 15. Probatur unica, sed solida hac ratione, quia ad hoc, ut actor vincat reum, debet se fundare in Jure potentiori, quàm reus; aliàs in pari causa melior est conditio possidentis, cap. 65. de R. J. in 6. sed in petitioni hæreditatis actor principaliter se fundat ex suo titulo, & habet titulum nudum, scilicet quod hæres sit; qui tamen non est verus titulus, aliàs non daretur hæc actio contra possidentem pro hærede, sed qualitas quædam. Reus verò conventus habet duplex Jus, Titulum scilicet emptionis, & possessionis, adeoque æquè titulum habet, ac hæres, &, cum simul quoque possessionem habeat, subintrat regula, quod in pari causa melior sit conditio possidentis, d. cap. 95.

Confirmatur per l. 2. Cod. de pet. hered. ubi dicitur: emptor autem, qui propriè munitus possessionis titulo est, etiam singularum rerum Jure convenitur, ergo conveniri debet actione in singulari.

Ad c. l. 13. & 14. R. ibi poni limitationem ad nostram sententiam, videlicet in duobus casibus contra emptorem hæreditatis hanc actionem dari, I. si modico pretio emerit. II. si hæredi contra venditorem consultum non sit, fortè quia abest, vel solvendo non est. Schneid. n. 26. Manet proinde vera Conclusio, contra titulo possidentem petitionem hæreditatis non dari.

193 Sed Q. quam ergò hæres actionem habeat? R. rei vindicationem, l. 4. Cod. in. quib. caus. cessat. long. temp. præscript. Ratio, quia hæres per aditionem hæreditatis sit dominus hæreditatis, ut proinde actionem rei vindicatoriam Jure intentet; quæ tamen actio nisi difficilior est, quàm hæreditatis petitio, eò quòd in hac sufficiat probare, se esse hæredem, & res petitas tempore mortis apud defunctum fuisse. In illa verò actor rei dominium probare tenetur, cujus probatio, quàm ardua sit, & difficilis, nemo est, qui nesciat. *Schneid. n. 22.*

*Dices:* neque rei vindicatio contra possidentem datur, quia æquè reus exceptivè diceret: ego cum titulo possideo; & licet tu actor te fundes quoque in titulo, puta, in dominio; tamen ego præter titulum habeo etiam possessionem, ergò ego sum potior, quia in pari causa &c. *Resp. neg.* esse parem causam actoris, & rei, qui enim se fundat in dominio, & illud probat, majus, & potentius Jus habet, quàm ille, qui solum nititur titulò, & possessione; potuit enim esse, titulum non fuisse translativum domini, quia tradens dominus non erat. Ita *Schneid. n. 23.*

194 *Quæ requirantur?* A parte actoris duo requiruntur I. ut sit hæres defuncti, de cujus hæreditate agitur, sive fuerit hæres institutus in testamento, sive ab intestato succedat defuncto, l. 1. ff. b. t. III. Ut nunquam adhuc habuerit possessionem rerum, pro quibus hanc actionem intentat. Unde si rerum hæreditariarum possessionem jam semel consecutus est, & ex post facto possessione cecidit; non amplius petitionem hæreditatis, sed rei vindicationem habet, estque ratio, quia hæres, qui consecutus est possessio-

*Hæres ad instituta,*

nem rei hæreditariæ jam est dominus ejus effectus, ita, non amplius dicatur res hæreditaria, sed propria ipsius hæredis, l. 1. §. 15. ff. de acquir. poss. in petitione autem hæreditatis non veniunt res propriæ, sed hæreditariæ, l. 16. §. Non solum ff. h. t. *Schneid. n. 58.*

A parte rei etiam duo desiderantur. I. Ut rem hæreditariam possideat. II. Ut eam possideat pro hærede, vel pro possessore, quia hæc actio non datur contra titulò possidentem, ut mox autè demonstratum.

III. Denique requiritur, ut res tempore mortis vel in possessione vel detentione defuncti fuerint, nulla facta distinctione, an earum dominus fuerit, nec ne? quia & res commodata, deposita &c. in hanc actionem veniunt, l. 8. ff. Commod. estque ratio; quòd periculum ad hæredem spectet. *Schneid. n. 60.*

*Ad quid competat?* Datur petitio 195 hæreditatis ad hoc, ut declaretur hæres, & ut hæreditas ipsi restituatur unà cum fructibus, *Manz. n. 52.* qui autem, & quales fructus restitui debeant? collige ex *Scriptis ad §. 35. Inst. de R. D.*

#### §. F U B R A T 29.

Materiam aggredior utilem, & quotidianam & per consequens studiò, & sedulitate dignam, ubi præliminariter noto, olim tam marito pro dote promissa consequenda, quàm uxori pro dote datà repetenda duas actiones competisse, actionem scilicet ex stipulatu, quando stipulatio erat interpolita, & rei uxoriæ actionem. Verum, *Justinianus* rei uxoriæ actionem sustulit; & quidquid plus Juris erat in rei uxoriæ actione, transtulit in actionem ex stipulatu, ita ut pro dote una dun-  
N n n n taxat

taxat actio ex stipulatu competeret. Cujus actionis naturam priusquam discutiamus, non abs re erit, illa privilegia, quæ Justinianus huic actioni ex stipulatu pro dote annexuit, enumerare.

197 Quotum IV. occurrunt. I. est, quod actio ex stipulatu pro dote sive consequenda, sive reperenda sit bonæ fidei, licet aliàs actio ex stipulatu sit stricti Juris, arg. §. 28. *Inst. b. ta* Estque Ratio hujus privilegii, qui, successit in locum rei uxoriæ actionis, quæ erat bonæ fidei, surrogatum autem sapit naturam ejus, in cujus locum surrogatur, *l. nu. §. Sed etsi 1. Cod. de Rei uxor. action. Manz. hic.*

198 II. Privilegium hujus actionis est, quod stipulatio de præstanda & restituenda dote fingatur intervenisse: licet in rei veritate nunquam intervenierit. Quod privilegium parum utilitatis habere mihi videtur, cum etiam nudum pactum sufficiat, hoc enim habet assistentem legis, & producit actionem pro dote, ut actio ex stipulatu superflua esse videatur; nisi dicar, ideo stipulationem fingi intervenisse, ut magis firmaretur promissio dotis, & efficacior actio nascatur, cum aliunde stipulatio sit firmiter cægis contractibus. *Schneid. num. 23.*

199 Privilegium hujus actionis est Jus tacitæ hypothecæ, quod uxor habet in bonis mariti pro dote sua, omnia enim bona mariti sunt tacite obligata, & hypothecata pro restitutione dotis, *l. nu. §. 1. Cod. d. t.* Jure enim civili maritus (*regulariter*) non lucratur dotem, etiam si uxor præmoriatur; sed, soluto matrimonio dos uxori, vel *heredibus* ejus restituenda est, *l. 2. ff. solut. matr.* & pro tali restitutione dotis omnia bona mariti tacite uxori obligata sunt, addo ut *Schneid. n. 32.*

ex Caldo asserat, mortuo marito, uxorem posse propria autoritate absque licentia Judicis, remanere in detentione domus, quam cum marito vivente inhabitabat, donec scilicet dos restituatur. Et, hoc dictum diligentissime notare, jubet *Jason ad hunc §. 29.* Porro, sicuti uxor pro dote Jus tacitæ hypothecæ habet in bonis mariti; ita, Rotâ versâ, maritus habet Jus tacitæ hypothecæ in bonis uxoris, pro dote consequendo, *d. l. un 1. v. Damus ex utroque latere hypothecam. Schneid. n. 44.* Effectus autem hujus privilegii est quod uxor, ratione istius hypothecæ, possit agere actione hypothecariâ, etiam contra extraneos possessores rerum ipsius mariti. Sicut enim expresse hypothecata, si alienantur, transeunt cum suo onere, *l. 12. Cod. de distract. pig.* ita & tacite obligata. *Schneid. n. 34.*

Dubitat, an privilegium tacitæ hypothecæ sit reale? an personale? R. esse reale, & per consequens omnibus aliis prodesse, ad quos ita actio ex stipulatu pro dote transit. Imò teste Bartolo tacita hypotheca ad quemcunque transmittitur; etiam si transfiret ad Diabolum infernalem res, in dotem data *Schneid. loc. cit.*

203 Quartum privilegium, quod mulieribus circa actionem dotis concessum est, Jus Prælationis, ita ut mulier non solum habeat in bonis mariti tacitam hypothecam, sed etiam Privilegium prælationis, quod præferatur omnibus aliis Creditoribus mariti, etiam anteriora Jura habentibus, contra vulgarem Regulam: *prior Tempore, potior Jure.* & hoc propter Commiserationem, & Favorem mulierum. Quis enim (inquit *Imper. in l. Affiliu. 12. Cod. qui pot. in pig. hab.*) earum non misereatur, propter obsequia, quæ mari-



tu præstant, propter partus periculum, & ipsam liberorum procreationem? Concurrit insuper publicus favor, quia Reipublicæ interest, mulieribus conservari dotes, ut facilius novos maritos acquirant, liberisque civitatem replent. *Schneid. n. 51. n. 52. sed.*

204

**Q. quibus creditoribus mulier, ratione dotis, præferatur?** *Observa* triplicis generis esse creditores. I. *Chyrogapharios*, quales illi dicuntur, qui tantum habent *personalem* aliquam obligationem contra personam debitoris, non vero certum aliquod *Jus expresse*, vel tacite in bonis debitoris. II. sunt creditores *hypothecarii*, qui, ultra personalem obligationem, habent etiam bona debitoris, tacite sibi obligata. Sicut bona *Tutorum* pupillo tacite sunt pro *Administratione*, *Tutelæ* obligata *l. 20. Cod. de administ. tut.* Item *Locatori* sunt *Conductoris* bona, in domum conductam illata, tacite hypothecata, *§. Serv. Instit. de act. III.* sunt creditores *hypothecarii*, qui, ultra *personalem* obligationem debitoris, habent etiam *Pignora*, & expressas *Hypothecas*, ut quando debitor expressis verbis obligavit creditori *Domum*; vel etiam *Pignus realiter* tradidit. *Schneid. n. 56. n. 57. Zoëf. ff. de Privileg. credit num. 6.* His præmissis sequitur.

**Affertio I.** Creditoribus chyrogaphariis mulier quin præferatur, dubium nullum est, *d. l. Affid. 12. Cod. qui pot. in pig.* & hoc non solum ex privilegio mulierum, sed etiam ex dispositione *Juris communis*, qua cavetur, ut quilibet, habens *Jus reale*, præferatur habenti *Jus personale*, *l. 9. Cod. qui pot. in pig. Schamb. hic.*

**Affertio II.** Mulier præfertur creditoribus hypothecariis, tacitam hy-

pothecam habentibus; sive priorem, sive posteriorem, *d. l. Affid. 12.* est. que Ratio, quia non tantum hypothecam habet, sed etiam privilegium *prælationis*, & sic majus *Jus*. Dux enim rationes vincunt unam, & duo vincula fortius ligant uno. Deinde *Jus Prælationis* inutile foret, si priorem tacitam *Hypothecam* habentibus uxor non præferretur, cum ex *Jure communi* posteriorem tacitam habentibus præferatur. *Manz. hic.*

Dubitatur, an mulier præferatur *Fisco*? *observa*, quod *Fiscus* in omnibus bonis *Creditorum* tacitam hypothecam habeat, licet non fuerit de *pignore conventum*, *l. 1. §. 2. Cod. in quib. caus. tacit. pign. §. c.* ita, ut *Fiscus* in bonis, post contractum, cum eo initum, quæsitis, cæteris creditoribus, anteriorem tacitam hypothecam habentibus, præferatur, *l. 28. ff. de Jure Fisci. dixi post contractum*; in bonis enim, ante contractum, cum *Fisco* initum, quæsitis debitori, *Fiscus* non præfertur; sed, prior tempore, erit potior *Jure*, *l. 8. ff. qui pot. in pig. Hunn. ad Treutl. vol. post. disp. 24. th. 7. Q. 88.* Jam *R.* respectu tacitæ hypothecæ mulierem; & *Fiscum* pari passu ambulare, nec *Fiscum* præferri mulieri, nec contra: sed qui prior est tempore, est & potior *Jure*. Et ita docet *l. 2. Cod. de privileg. Fisci. Hunn. loc. cit. 44. Schneid. n. 56.*

Non obstat generalitas *Textus lib. 12. Cod. qui pot. in pig.* ubi generaliter definitur, mulierem potiora *Jura* habere contra omnes mariti creditores, & cum hic *textus* sit *correctorius*, ac *Jus novum* inducat, idcirco videtur dicendum, *d. l. 2. Cod. de privileg. Fisc. corrigi & emendari.* Non (inquam) hoc obstat; tamen si enim verba *d. l.*

N n n n 2

affi-

*affiduis* 12. sint generalia, atque omnes omnino creditores postponant mulieri; regula tamen ista nova, & correctoria non erit ad exceptiones, eaque, quæ singulari nituntur privilegio referenda. Nunquam enim leges novæ, & correctoriæ, quamvis generales, ad ea applicentur, quæ speciali, ac singulari privilegio nituntur. *Humm. loc. cit.* Dicta hætenus sine gravi diffidio procedunt.

206 Sed controversitur, an mulier in bonis mariti præferatur creditoribus, expressam anteriorem hypothecam habentibus? In negativum turmatim avolant AA. quos inter agmen ducit *Gail. lib. 2. obs. 25. n. 20.* ubi ait: in judicando ab hac sententia recedendum non esse. *Schneid. Inst. hic. n. 58. Covarruv. lib. 1. resol. cap. 7. Negizant. de pignor. & hypoth. P. 5. memb. 2. num. 5.*

207 *Movetur I.* Hæc argumentò: receptum, & Jure cautum est, Fiscum, & mulierem pari deambulare passu, hoc est, habere eadem, & paria privilegia, *l. 2. Cod. de privileg. fisci.* atqui fiscus non præfertur creditoribus, anteriorem expressam hypothecam habentibus, *l. 4. Cod. qui pot. in pig. & l. 8. ff. eod.* ergò neque mulier. Hoc argum. esse insolubile, autumat *Sichard. in l. Affiduis 12. Cod. qui pot. in pig.*

*Movetur II.* quia provisio hominis potior est, quam provisio legis, & hæc cessat, ubi a test. provisio hominis, *l. ult. Cod. de pact. & l. 1. ff. de test. tam. tut.* quibus locis aperte cantum est, quòd tutela testamentaria excludat tutelam legitimam, & successio ex testamento potior sit, quam successio ab intestato; atqui creditor privatus expressam anteriorem hypothecam habet ex conventionem, & provisionem

propriam; mulier verò solummodo ex dispositione legis, *d. l. affiduis 12. ergò.*

*Movetur III.* Jus, alteri quæsitum, sine facto suo non est auferendum, *l. ult. ff. de pact. & l. 11. ff. de R. J.* atqui, habentis hypothecam expressam anteriorem, habent Jus, quæsitum facto suo, ergò, ipsis sine facto suo non est auferendum.

*Movetur IV.* Privilegia, quæ à Principe: aut à lege concessa sunt, non debent extendi in præjudicium tertii, *lib. 4. Cod. de Emancipat. liber.* ergò mulier non est præferenda creditoribus, expressam anteriorem hypothecam habentibus; ne aliàs privilegium, mulieri concessum, in præjudicium creditorum extendatur.

*Movetur V.* per *l. 29. Cod. de Jure dot.* ubi *Justinianus* ait, quòd in casu, quo maritus vergit ad inopiam, uxor possit res dotales vindicare, vel à posterioribus creditoribus, vel ab aliis, qui non potiora Jura, NB. *legibus*, habere noscuntur. Ecce *text.* iste rem posterioribus duntaxat creditoribus, & aliis, qui potiora Jura non habent, hoc est, qui tacitam tantum, sicut mulier, hypothecam habent præferri statuit; ergò non præfertur creditoribus expressam hypothecam anteriorem habentibus.

*Movetur VI.* hoc solido & efficaci argumento, in *cit. l. Affiduis. 12. Cod. qui pot. in pig.* dicitur, mulierem præferri creditoribus, anterioris temporis privilegio vallatis; ergò mulier præfertur tantum creditoribus, tacitam hypothecam anteriorem habentibus; hanc enim duntaxat hypothecam habent ex privilegio legis; expressam verò ex conventionem propria.

*Movetur VII.* hac (ut sibi blandiantur) *gigantea* ratione, quia (ajunt) multi creditores, qui fortè crediderunt,

runt, quòd per expressam hypothecam sibi optimè providerint, sic contra bonam fidem iniquè deciperentur, quod absurdum foret.

VIII. & ultimò. Antagonistæ pro firmanda sententia ponunt casum, in quo (dicunt) dari indissolubilem pignoris controversiam, circulum vitiosum, v. g. primò loco concurrat creditor privatus, habens expressam hypothecam anteriorem. Secundò loco concurrat fiscus, habens ex privilegio legis tacitam hypothecam. Tertiò loco comparet mulier cum sua dote, habens privilegium tacitæ hypothecæ, & prælationis. Hoc in casu mulier non potest præferri creditori privato, quia creditor privatus præfertur fisco, utpote, cui omnis præfertur, qui habet expressam hypothecam anteriorem. *Berlich. p. I. Concl. 65. n. 119. & communiter omnes.* fiscus autem præfertur mulieri, cum qua pari passu procedit, ita ut, prior tempore, sit potior Jure; nec una pars alteri præferatur, *l. 2. Cod. privil. fis.* ergò mulier in casu posito non potest præferri privato creditori, cum iste præferatur fisco, qui fiscus præfertur mulieri, ut proinde creditor privatus etiam sit præferendus mulieri, si enim vinco vincentem te, multò magis vinco te, atqui privatus creditor vincit fiscum, ergo etiam mulierem, quam vincit fiscus.

208 His non obstantibus, affirmativa mihi longè videtur verisimilior, mulierem videlicet in bonis mariti præferri creditoribus, etiam expressam anteriorem hypothecam habentibus. Ita reipsa docent *Zoëf. ff. qui pot. in pig. n. 18. Harp. Inst. hic. n. 7. § 8. Each. lib. 3. cont. 99. Huyn. ad Treutl. vol. poster. disp. 24. th. 7. Q. 43. Buchov.*

*l. cit. lit. B. Berlich. P. I. conclus. 65. n. 6. Mynjing. cent. 4. obs. 13.*

Primum argumentum tale est: clari, & expediti Juris est, quòd is, qui credit alicui ad reficiendam domum, quæ prius alteri expressè fuit hypothecata, tacitam habeat in domo hypothecam, hoc privilegio conjunctam, ut præferatur aliis creditoribus, expressam hypothecam habentibus, *l. Interdum 5. ff. qui pot. in pig. hab. l. Licet. 7. Cod. eod.* Jam verò mulier, ratione dotis, præfertur ei, qui ad refectionem domus credidit. *Nov. 97. cap. 2. § 3.* ergò præfertur multò magis creditoribus, expressam anteriorem hypothecam habentibus, si enim vinco vincentem te, multò magis vinco te, *l. 14. §. 3. ff. de divers. temp. præscript.*

Secundum sic adstuo: Ad *d. l. Affiduis 12. Cod. qui pot. in pig.* generaliter, & distinctè asseritur, quòd mulier potiora Jura habeat contra, NB. omnes, mariti creditores, ergò etiam contra habentes expressam hypothecam anteriorem; alias tantum haberet potiora Jura contra reliquos, ac proinde esset Justiniano in faciem contradicere, utpote, qui prælationis privilegium mulieri concessit contra omnes mariti creditores.

Tertium argumentum in hoc consistit, quòd expressi, & taciti eadem sit virtus, & idem Judicium, *l. 3. ff. Si cert. præcipue*, si sit eadem ratio; atqui mulier præfertur creditoribus, tacitam hypothecam anteriorem habentibus, ergò præferenda etiam erit creditoribus, expressam hypothecam anteriorem habentibus, cum eadem militet ratio. Ideò enim prioribus præferatur, quia (ut ait *text.*) mulier ob servitia, quæ marito præstat,

N u n n 3 ob

ob periculum partus, & dolorosam liberorum procreationem, præmia compassionis meretur, & præterea Reipublicæ interest mulieribus conservari dotes; sed hæc ratio æquè militat contra creditores, expressam hypothecam anteriorem habentes, ergò.

*Quartum* desumitur, ex *Nov. 97. cap. 4.* ubi is solus præfertur mulieri, qui in militi in emendam, id est, officium aliquod palatinum ex quo certus erat redditus credidit munitus hypothecâ, eam in rem expressâ; & probatâ per instrumentum, ergò. cum hic tantum præferatur mulieri, signum est, quòd alii, expressam hypothecam anteriorem habentes, mulieri non præferantur; casus enim exceptus firmatus firmat regulam.

*Quintum* argumentum, &, exiguo meo iudicio, validissimum hoc est; quia certum est, & indubitatum, quòd clementissimus Imperator *Justinianus* privilegium, mulieribus concessum, voluerit esse plenissimum, & amplissimum; atqui, si mulier creditoribus, tacitam hypothecam habentibus, tantum esset præferenda, hoc prælationis mulieri privilegium rarò prodesset, & angustissimis terminis concluderetur, sunt enim certi duntaxat casus, quibus lex tacitam hypothecam induxit, puta locatori in rebus illatis, & investis in domum conductum; pupillo in rebus tutorum &c. Jam si tunc demum mulieri privilegium prælationis competeret, si concurrat cum locatore vel pupillo, quis non videt? quis non advertit? quam rarò privilegium mulieri esset utile, aut proficuum.

*Argumenta contraria facili conatu prosteruntur.* I. quidem quod attinet, *R. I.* mulierem, & fiscum tum demum pari passu procedere, & paria

habere Privilegia, ita ut neutra pars alteri præferatur; sed, prior tempore, sit potior Jure, quando sunt, & concurrunt soli; secù, si concurrant cum privato, anteriorem hypothecam expressam habente, tunc enim mulier præfertur privato, & consequenter etiam fisco, utpote, cui præfertur privatus. Deinde si mulier, concurrens cum privato, non haberet potiora privilegia, quàm habet fiscus; sequeretur, quòd mulier, habens tacitam hypothecam posteriorem, non esset præferenda privato, habenti anteriorem tacitam hypothecam; siquidem fiscus, habens tacitam hypothecam posteriorem, non præfertur privato, habenti hypothecam tacitam anteriorem, prout ipsi adversarii testantur, & id ipsum probat *l. 1. Cod. Rem alienam gerentibus*, &c. *R. II.* perpetuum non esse, quòd mulier, & fiscus pari passu deambulant, ex dictis enim patet, & ipsi adversarii admittunt, mulierem præferri creditoribus, tacitam hypothecam anteriorem habentibus; cum tamen fiscus illis non præferatur *d. l. 1.* ergò mulier habet potiora Jura, quàm fiscus, *Zoëf. loc. cit.*

*I. l.* Adminiculo *distinctionis* ruit, Provisio hominis tollit provisionem legis, si provisio legis facta sit in supplementum provisionis hominis, *con.* si provisio legis sit absoluta, & principalis, ita ut lex per se absolute aliquid statuatur, *neg.* Ecce ideò tutela testamentaria excludit legitimam, & successio ex testamento successionem ab intestato, quia lex induxit tutelam legitimam, & successionem ab intestato tunc, quando quis per testamentum pupillo de tutore: vel sibi de hærede testamentario non providit, atque adeò lex supplet absolute, ut tutela legitima, & successio ab intestato  
semper



semper locum habeat; sed tantum in eo casu, quo homo non providet; secus est in nostro casu, ubi ex absolute, principaliter, & determinate disponit, ut mulier creditoribus, etiam anteriorem expressam hypothecam habentibus, præferatur; nec attendit provisionem hominis, per quam licet creditor acquirat hypothecam; non tamen consequitur ex sua provisione Jus prælationis, hoc enim ex sola legis autoritate competit. Sicuti ergo lex creditori privato, anteriorem hypothecam habenti, dare potuit privilegium prælationis, ita & illud iterum tollere potuit, arque in mulierem transfundere, ut nimirum ista præferatur ratione dotis, omnibus indistincte creditoribus, concurrente vel maxime favore publico, qui in dote nunquam non eminenter relucet. *l. 1. ff. solut. matr. l. 33. ff. de pact. l. 4. Cod. de primipilo.*

Ad III. R. I. allegatam regulam non procedere, quando concurrat favor publicus, qualis versatur in dote; ob publicam verò utilitatem jus alteri quæsitum, sine facto suo auferri posse, ad longum asseruimus in *lib. 2. tit. 1. q. 6. R. II.* etiam illis, qui habent tacitam hypothecam anteriorem, esse jus aliquod quæsitum; & tamen illis præferri mulierem, ipsi adversarii concedunt, ergo etiam, non obstante, quod creditor privatus per expressam hypothecam anteriorem habeat jus quæsitum, ipsi tamen præferenda erit mulier. Adhuc aliter R. Schamb. *Inst. hic.*

IV. exinde convellitur, quod lex nemini dicatur facere injuriam *l. 13. 1. ff. de injur.* atqui lex tribuit mulierj privilegium prælationis, *d. l. Affidus 12.* ergo. Deinde ista regula: privilegia, à principe concessa non de-

bent extendi in præjudicium tertii, locum non habet, quando cum præjudicio tertii concurrat favor publicus, tunc etiam damnum tertii non trahitur in considerationem, *arg. l. 1. §. 2. ff. de R. V.*

V. nec hili, nec pili est, illa enim verba, *qui potiora jura habent:* non denotant creditores, expressam anteriorem hypothecam habentes, sed fiscum in causa primipili, & liberos in dotis maternæ ex actione, *l. 4. Cod. in quib. caus. tacit. pig. contrah.* Nos ipsi concedimus, causam primipilarem præferri mulieri, utpote magis privilegiatam, quam dotem mulieris: Primipilus autem vocatur is, qui annonæ, inter milites distribuendæ, præficitur,

VI. magis con quam infirmat nostram sententiam: textus enim ita sancit, ut mulier præferatur creditoribus, anterioris temporis privilegio vallatis; ergo non tantum illis creditoribus, qui habent tacitam hypothecam anteriorem, sed & illis, qui habent expressam hypothecam anteriorem, præferenda erit, ex ratione; quia & isti temporis privilegio vallati sunt, puta quod gaudeant prioritatem temporis, si cum aliis privatis creditoribus, expressam hypothecam habentibus, concurrant, quætemporis prioritas non est, nisi privilegium, a lege concessum; quod enim prior tempore sit in hypothecis potior jure, merum est legis privilegium & beneficium, ut proinde sensus sit, mulierem præferri creditoribus etiam expressam anteriorem hypothecam habentibus; tamen contra reliquos creditores privatos temporis privilegio vallati sint. *Humm. ad Treutl. loc. cit.*

VII. Argum. quod concernit. R. quod creditores sibi debeant imputare, quod cum marito contraxerint, & prius

prius non diligentius inquisiverint, an tantis facultatibus valeat, ut præter dotem mulieris sibi etiam sufficiant *arg. l. 19. ff. de R. J. vel quòd tam diu exspectaverint, & sibi de solutione non prospexerint, donec vel dos mulieris privilegiis subjiceretur, vel mulier eam resposceret: vel suis beneficiis renuntiaret. Berlich. loc. cit.*

Ad VIII. & ultimum R. 1. aliquos velle *d. l. 2. Cod. de Privileg. fisci.* hodie esse abrogatam per *l. assiduus 12. Cod. qui pos. in pign.* ita ut hodie mulier etiam fisco, quantumvis priori, præferatur. Ita *Donel. ad d. l. assiduus. 12. num. 3. R. 2.* fiscum præferri mulieri, si mulier, & fiscus sint soli; secus, si cum privato concurrant; tunc enim mulier præfertur fisco, non ex propria mulieris, sed ex persona primi creditoris expressam anteriorem habentis; juxta illud: si vinco vincentem te, multò magis vinco te. Deinde si mulier, concurrens cum privato non haberet potiora privilegia, quàm habet fiscus, sequeretur, quòd mulier habens tacitam hypothecam posteriorem, non esset præferenda privato, habenti anteriorem tacitam; siquidem fiscus, habens tacitam hypothecam anteriorem, non præfertur privato, habenti hypothecam tacitam anteriorem, *d. l. 1. Cod. rem alien. gerent, Berlich. part. 1. conclus. 71. num. 8.*

211 Ex hætenus itaque deductis patet; mulierem inspecto jure communi præferri omnibus indistinctè creditoribus, expressam, etiam anteriorem hypothecam habentibus. Dixi: *inspecto jure communi*, secus est de Jure Austriaco, secundum quod mulier ratione tacitæ hypothecæ ipsi competentis, præfertur posterioribus creditoribus, sive tacitam, sive expressam hypothecam ha-

bentibus, non verò, habentibus expressam anteriorem. Ita *Sutt. in M. S. lit. H. v. Heyrath Gut* ubi ait: aliquoties in excelso *Regimine* ita judicatum esse.

Q. an mulieri, Jus prælationis competat in donatione propter nuptias? ita in bonis paraphernalibus. 212  
Certum est, quòd mulier, tam in donatione propter nuptias; quàm in bonis paraphernalibus, privilegium habeat tacitæ hypothecæ, *lib. ubi 29. Cod. de Jure dot. l. fin. Cod. de pact. convent.* Privilegiò autem prælationis in neutro casu gaudet. Non I. Quia *d. l. Assiduus 12.* aperte id negat illis verbis: *non enim pro lucro fovemus mulieres; sed ne damnum patiantur, suisque rebus defraudentur, Schneid. Inst. c. n. 60.* Non II. Quia privilegia singularia, & in Jure exorbitantia; strictè sunt accipienda, nec producenda ad consequentias, *l. 14. ff. de LL. Zoëf. ff. de Jure dot. n. 25. Humm. ad Treutl. vol. poster. disp. 24. th. Q. 53.*

Dubitatur, an Privilegium prælationis competat uxori in dote confessata? 213  
*Observa*, dotem confessatam illam appellari; quando maritus præbet *Instrumentum*, vel *cautionem obligationis*, in qua constat, se recepisse 1000. in dotem à muliere, & non apparet, illos 1000. fl. esse numeratos. Hæc dos dicitur *confessata*, vel *dos non numerata*. Et sicut in litterarum obligatione datur exceptio non numeratæ pecuniæ, intra biennium opponende, ita quoque in dote confessata datur exceptio non numeratæ dotis, intra certa tempora opponenda. Ast quæ sunt illa tempora? Illa nimirum, quæ in *Authent. Quod locum Cod. de dot. causa; non numerata.*

Nam si intra biennium, à die matrimonii contracti, morte, vel divortio sol-

solvatur matrimonium, tunc uxori, vel ejus hæredibus repetentibus dotem, potest à marito objici exceptio non numeratæ dotis intra annum. Si verò post biennium usque ad decimum annum solvatur matrimonium, tunc infra tres menses hæc exceptio opponi poterit. Sin verò matrimonium, steterit ultra 10. annos, tunc huic exceptioni præscriptum est, ita ut dos confessata habeatur pro numerata, *d. Auth. Schneid. un. 64. Concordat Suttinger. loc. cit. ibi: Die exceptio dotis cautæ, non numeratæ, hæ nach 10. Jahren nicht statt.* Quod procedit quoad maritum, secus quoad creditores mariti, quibus confessio mariti non potest præjudicare. *S. Schneid. num. 65. Gail. n. 2. obs. 81. Suttinger. lit. dos. un. Es können auch.*

214 Illud adhuc notandum, *donativa nuptialis*; hoc est, *die Hochzeit-Præsent*, ita ut à parte superstitæ hæredibus defuncti medietas sit restituenda. *Suttinger lit. H. §. Hochzeit-Præsent.* His ita declaratis, superest, ut de actione *ex stipulatu pro dote* agamus, quæ in rei uxoria actionis locum surrogata est.

215 Quid sit actio *ex stipulatu pro dote*? Est actio personalis, civilis, bonæ fidei, quæ datur marito adversus uxorem, patrem, vel eum, qui dotem promissit, ad dotem consequendam: vel quæ, solutò matrimonio, datur uxori, hæredibusque ejus, adversus maritum, ejusque hæredes, ad dotem repetendam.

216 Cui competat? I. Datur marito, pro dote consequenda, sive certa, sive incerta ei dos fuerit promissa, *l. un. Cod. de rei uxor. act. II.* Datur uxori pro dote, marito data, repetendâ. De Jure enim communi, solutò per divortium, vel mortem uxoris matrimonio, dos non cedit lucro mariti, *Kees ad Inst. tit.*

sed revertitur ad ipsum patrem dotantem, *l. Dos à pat. 4. Cod. solut. matr. ne & filiarum amissæ, & pecuniæ damnum sentiat, l. 6. ff. de Jure dot.* vel etiam revertitur ad mulierem, dotem dantem, & ejus hæredes, *l. 2. ff. solut. matr. nisi pactum, de lucranda dote, intervenerit, de quo est tot. tit. Cod. de pact. conv. Manz. num. 14.* tunc enim provisio hominis tollit provisionem legis. III. Datur etiam patri, etiam ex ficta stipulatione. Quod procedit, si nomine filiarum, & pro filia agat; secus enim est, si pater velit pro sua tantum persona agere. Quando enim pater vult restitutionem dotis in suam personam conferre, necesse est, ut per solennem stipulationem expresse hoc faciat. *Schneid. num. 25. hic. IV.* Datur hæc actio etiam extraneis personis, quæ scilicet scemnam dotatam non habent in potestate, v. g. *Matri, Fratri, &c.* sed non aliter, nisi expresse stipulati sint, dotem, solutò matrimonio, sibi restitui. *Schneid. n. 78. Manz. n. 2.*

Contra quem competat? I. Datur marito contra uxorem, quæ dotem dare promissit, *l. 33. ff. de Jure dot.* II. Contra partem uxoris, seu socerum *d. l. 33.* III. Contra hæredes soceri, *l. 2. Cod. de dot. promiss.* IV. Etiam contra extraneum, qui dotem dare promissit, *d. l. 33.* V. Datur uxori contra maritum, ejusque hæredes pro dote restituenda, & hoc procedit, si Matrimonium, vel per divortium, cui maritus culpâ suâ fortè causam dedit (quo casu uxor repetit dotem, & lucratur donationem propter nuptias, *l. 8. §. 7. Cod. de repud.*) vel per mortem mariti, ante enim Matrimonium solutum ista actio non datur, estque ratio quia durante causa dotis, durat dos; sed, durante matrimonio

durat causa dotis scilicet onere matrimonii, ergò etiam durat dos. *Manz. n. 27. Limitantur* Dicta, nisi maritus vergeret ad inopiam, tunc enim, quia periculum in mora est, ante tempus matrimonii soluti, pro dote restituenda, agi potest, per *text. express. l. ubi autem 29. Cod. de Jure dot.* Ratio, ne periclitetur mulier. *Manz. nu. 23. Schneid. n. 100.*

*Qui dotare teneantur? I.* Dotare filiam tenetur pater, ita, ut officio Judicis compelli possit, *l. fin. Cod. de dot. promiss.* paternum enim est officium, dotem dare pro sua progenie. Dicta *ampliantur. I.* Ut, si pater esset *absens*, Judex ex suo officio de bonis paternis possit filiae constituere dotem, ne perdat tempus nubendi sub expectatione patris, *l. §. 4. ff. de Jure dot. Zoes. de Jure dot. n. 5.*

219

*Q. An teneatur pater dotare filiam, qua sine ejus consensu nupsi?* Certum est de *Jure civili*, non teneri, estque ratio, quia de hoc *Jure* matrimonium, sine consensu patris contractum, est nullum, *§. 1. pen. Inst. de nup.* atqui, ubi matrimonium non valet, ibi nec dos constitui potest, quia matrimonium potest quidem consistere sine dote; dos autem sine matrimonio consistere non potest; & ibi non est matrimonium, ibi nec dos esse poterit, *l. fin. Cod. de donat. l. 3. ff. de Jure dot. Hum. ad. Treutl. vol. 2. disp. l. 24. ib. 2. Q. 13.* Verùm cum de *Jure Canonico* consensus patris ad nuptias non de *necessitate*, sed duntaxat de *beneficentia* requiratur, *can. 2. caus. 17. Q. 2.* communiter concluditur, si filia nupserit viro digno, patrem à dote præstanda non liberat. *Gloss. in can. 16. caus. 32. Q. 2.* secus, si indigno nupserit contra *honestatem* familiæ. *Schneid. n. 48.* durum enim, & acerbum foret, patrem

cogi, filiae dotem assignare, quæ maritum elegit, *nomen, dignitatem, & totam patris familiam* denigrantem. Quòd si filia 25. annos exceiserit, & deinde viro indigno nupserit? et propter dote privari non potest, ut proinde præfixa *decisio*, quòd filia, nubens indigno, dote privari possit, intelligatur sub *h. c. limitatione*; nisi 25. annos exceiserit, hoc enim casu patri potius imputandum venit, qui tanto tempore filiam distulit in matrimonium elocare, *Nov. 15. cap. 3. Confirmatur.* Si filia meretrix exheredari potest, *l. 10. Cod. de inoff. test.* ergò etiam, licet pater filium, nubentem indigno, dotare non teneatur, eam tamen dotare tenebitur, si ante 25. annos matrimonio eam non collocaverit. *Schneid. num. 88. Hum. loc. cit.*

*Q. An mater teneatur dotare filium?*

220

*R.* breviter, quòd non: non enim *maternum*, sed *paternum* est officium dotare filiam, *l. neque Mater Col. de Jure dot.* Sanè si Mater dives sit, Pater autem inops, & illa tenebitur dotare filiam, sicut etiam tunc tenetur alere, *l. Si quis à liberis, §. 4. ff. de agnoscend. lib. Zoes. ff. de Jure dot.*

*Quid de fratre dicendum? dic bre-*

221

*viter*, quòd sororem dotare non teneatur, cum non *fraternum*, sed *paternum* sit officium dotare filias, *d. l. fin.* Quòd si soror sit inops, frater autem dives? communiter obtinet, eum compelli posse ad dotandam sororem. *I.* Quia tenetur fratrem inopem alere. *Gloss. in 4. ff. de pupill. educ. II, Per l. cum plures 12. §. pen. ff. de ad. miss. test.* Ubi Paulus, *R.* fratrem honestè quidem, alio patre natam, ut videatur ex necessitate teneri, ad dotandam sororem consanguineam, argumentò à contrario sensu. *Zoes. n. 16. Schneid. n. 95.*



222 *Ad quid competat ?* I. Datur, ad consequendam dotem promissam. II. Pro evictione dotis *l. un. §. Et ut plenius. §. de talibus evictis. Cod. de rei uxor. act.* III. Ad usuras à tempore moræ, quia hæc actio est bonæ fidei. IV. Datur, ad dotem restituendam, si scilicet matrimonium solutum sit.

### §. IN BONÆ FIDEI. 20.

223 *Compensationibus.* Compensatio definitur, quod sit *debiti*, & *crediti inter se contributio*. Ideo inducta, quia nostrum interest, potius nonolvere, quam solummodo recedere, *l. 3. ff. de compensat. & fructu sit per plura quod potest fieri per pauciora. Harp. n. 4* cum ergo uno iudicio res expediri, possit, puta per *actionem & exceptionem*, non debet admitti *pluralitas* iudiciorum, interest enim Reipublicæ lites diminui. *Schneid. n. 8.*

224 *Quis sit Effectus Compensationis ?* Effectus Compensationis est, quod per eam tollatur omnis obligatio, *naturalis*, & *civilis*. Quod enim operatur *solutio*, idem operatur *compensatio*, quia habet vim solutionis, *lib. si debitor 4. ff. qui pot. in pig. hab.* Item, compensatio habet hunc effectum, ut sistat cursum usurarum, & impediat pœnam, alias ex mora solvendam, *lib. cum aliter ff. 11. ff. de compens. lib. 5. Cod. eod.* In exemplo: quando hæres differtolvere legata, præsens locis relicta, incidit in pœnam, dupli, §. 23. *Injtit. b. t.* Jam si hæres, conventus ad istam pœnam solvendam, opponat *exceptionem compensationis*, dicatque causa pia mihi etiam ad totidem obligata est, evitabit pœnam. Estque ratio, quia, ubi nulla est petitio, ibi nulla est mora, *l. 88 ff. de R. J. & paria suntolvere, & compensare, d. l. Si*

*debitor 4. Schneid. num. 11.* ubi puta, per compensationem *emphyteutam* posse evitare pœnam commisi. Verum contrarium verius est, nam ut compensatio locum habeat, oportet, ut debitum, quod compensatur, sit *simile*, quod non est in *dominio directo*, & *Vasallu*: hic enim non tantum teneturolvere *pensionem* annuam, sed per talem solutionem *recognitionem* domini directi declarare per compensationem; ergo, licet faciat solutionem, ipso tamen facto non recognoscit dominum directum. *Zoes. ff. locati conducti n. 8.*

225 *Quæ debita compensari possint ?* I. Debitum *civile & naturale* potest compensari cum debito naturali & civili simul, v. g. tu 100. mihi debes ex causa *Mutui*, ego tibi 100. debeo ex causa *Venditionis*. In hoc casu datur compensatio, ita ut si adversus me exempto & vendito agas, ego tuam actionem elidam per exceptionem compensationis, *l. 3. ff. de compens. & hoc extra dubium versatur.* II. Debitum, naturale tantum, compensari potest cum debito naturali, & civili simul, *lib. 6. ff. eod. veluti, debeo tibi 100. ex stipulatione, tu mihi 100. debes ex nudo pacto: Possum tibi, ex stipulatu agentis, obicere compensationem illius debiti, quod ex nudo pacto mihi debes.* Idque receptum est æquitatis causa, subtilitate Juris repugnante. Quod enim natura tantum debetur, peti non potest, proindeque, in compensationem venire non posse videbatur, quoniam compensatio speciem quandam habeat petitionis, *l. 15. ff. rem rata non haberi.* Sed hanc compensandi rationem naturalis æquitas tueretur, quæ hunc obligationi naturali effectum tribuit, ut compensationem cum debito naturali, & civili simul deduci possit. *Harp. n. 5. Brunn. in d. l. 6.*

226 *Limitatur* ; nisi debitum naturale exceptione peremptoria elidi possit, l. 14. ff. eod. v. g. debeo tibi 100. ex mutuo, tu debes mihi 100. ex nudo pacto, quos tamen per pactum, de non petendo, remisi. Hoc casu, si agas contra me ex mutuo, non possum petere compensationem. Estque ratio, quia debitum, quod exceptione tollitur, debitum non esse intelligitur, arg. lib. 112. ff. de R. J. si debitum non est, ergo nec in compensationem deduci potest. Harp. num. 6. Schneid. 14. Zoes. ff. h. t. num. 10. ut pro regula deinceps tuendum sit: *quæcunque per exceptionem perimi possunt, in compensationem non veniunt.* Unde fluit, quod debitum civile tantum in compensationem non deducatur, quia semper aliqua exceptione eliditur, proinde in compensationem non deducendum, d. l. 3. §. Si quis autem. ff. de const. pecun. Sanè si exceptio non numeratæ pecuniæ locum amplius non habet, fortè, quia biennium elapsum est, rectè adhuc in compensationem deducetur. Schn. n. 15. aut si sit tale debitum civile, quod exceptione perimi nequit, ut, si non debitor damnatus sit solvere, quia sententia, quæ habetur pro veritate facit haberi pro debito Zoes. loc. cit.

In quibus rebus compensatio locum habeat ? I. Possunt compensari res fungibiles, scilicet quæ functionem in genere suo recipiunt; quænam autem fuit res, functionem in genere recipientes, diximus supra de mutuo, v. g. Vinum, oleum, triticum &c. II. potest quantitas cum quantitate compensari, v. g. si decem tibi, & tu mihi eandem summam debeas, fit compensatio; & hoc est, quod DD. dicunt: *quantitatis ad quantitatem rectè compensationem fieri*, ita, ut si sit æqualis, totum debitum

tollatur; si inæqualis, saltem usque ad concurrentem summam. Manz. n. 16. *Species ad speciem* compensari non potest, unde, si debeas mihi equum album, & ego debeam tibi equum nigrum, compensationem uti non possum. Ratio I. quia in *species* cadit probabilis quædam affectio, quod non sic est in rebus fungibilibus, & quantitativis, l. 3. ff. de in lit. jurand. II. Non datur compensatio *speciei ad quantitatem*, veluti, si mihi, petenti à te 10. obijceres compensationem de equo, quem tibi debeo. Ratio, quia unum non fungitur vice alterius. Manz. num. 20. III. Non datur compensatio in deposito, Text. hic. Ratio specialitatis est ipsa exuberantia bonæ fidei, habita in Depositarium. Manz. num. 28. Schneid. num. 50.

*Quæ requirantur ad Compensationem?* 228

I. ut debitum hinc inde sit purum, liquidi enim debiti ad illiquidum non fit compensatio, l. fin. Co l. de compensat. v. g. quod in diem debetur, non potest compensari cum debito puro, l. 7. ff. de compensat. Item, *conditionale* debitum cum debito puro non compensatur ante extantem conditionem, quia non tantum est illiquidum, sed adhuc dubium, an debeatur? Schneid. n. 47. Hum. Vol. 1. disput. 25. th. 3. q. 21. Illud observa, quod pro debito liquido etiam illud habeatur, quod brevi liquidari potest, cum, quæ parum distant, nihil distare videantur. Zoes. num. 11. l. cit. Schneid. n. 18 II, ut sit *quantitas*, sive res fungibilis, quæ pondere, numero, mensura constet. *Species* enim cum *specie*, vel *quantitate* compensationem renuit, l. 8. ff. de pignor. act. ex ratione, quod compensatio sit solutio; alterius autem pro altero solutio invito non fiat, l. 2. §. 1. ff. de R. C. propter affectum, qui

qui in *speciem* probabiliter cadit. *Zoes. num. 12.*

§. PRÆTEREA. 31.

*Subtilis est, & scabrosa* hujus §. materia, adeò ut *Faber* in ea *Præceptionem* desideret, dicatque, *malle se discere, quàm docere.*

CONTINUATIO IN §. ACTIONEM. 28.

229 *Imperator* divisit *Actiones*, in *bona fidei, & stricti Juris*. In hoc §. non ponit quidem *novam divisionem*; sed *ultimi Membri* quasi *sub divisionem*. Nam inter actionem *stricti Juris* aliquæ manent in *puris suis terminis*, id est, *stricti Juris*, ita, ut in iis, *Judex* nihil præcisè facere possit, quam id, quod inter partes contrahentes *dictum, conventumque* est; tamen, id fortè æquum esse, judicet. Aliæ autem *stricti Juris* actiones sunt, in quibus *Judex* petitionem actoris non statim sequitur reumque convictum condemnat; sed sententiam suspendit, & prius, tanquam *Intercessor*, benevolus *Consiliator*, statuit, & æstimat quemadmodum ex bono & æquo satis fieri oporteat. *Manz. n. 3.*

Adeòque illæ dicuntur actiones *arbitrariae*, in quibus *Judex* reum conventum posset quidem protinùs condemnare, eò quod *convictus sit*, sed tamen non protinùs condemnat; & antequam ad *sententiam definitivam* procedat, reum prius *arbitrio* suo, & per sententiam *interlocutoriam* benignè, ac clementer admonet, & actori satisfacere jubet, atque postea primùm, si *arbitrio* ejus satisfacere nolit, *definitivè* condemnat. Ut ecce, actio rei vindicatoria est actio *stricti Juris*, quia in §. 28. non enumeratur. Hæc actio fit *arbitraria*, ob contumaciam rei, rem non restituentis; fac enim, quòd

*Judex* non statim processerit ad sententiam definitivam, & reum condemnaverit ad rem, Domino verò restituendam; sed prius etiam admonuerit, ut rem restitueret, & reus admonitioni non paruerit. Hoc in casu propter contumaciam rei, rem non restituentis, ista actio fit *arbitraria*, qualis, ut diximus, illa est, in qua præcedit *arbitrium Judicis*; sive admonitio *Judicis*, antequam ad sententiam definitivam procedat. *Schneid. num. 6. Harp. n. 2.*

Q. I. ex quibus causis actio efficiatur *arbitraria*? *Schneid. n. 11.* qui in hac subtili, perplexa, & intricata materia *clarissimus* videtur, id IV. *Regulis* comprehendere posse ait. Nimirum I. aliquando actio *stricti Juris* fit *arbitraria*, propter adjectionem loci, non quidem ad hunc effectum, ut *Juramentum* in litem locum habeat; ut habeatur ratio interesse propter locum, quòd pecunia non fuerit soluta in hoc loco, in quo solutio fieri promissa erat, v. g. promissisti mihi per stipulationem solvere 100. *Norimbergæ*, si promississes non adjecto illo loco non possem petere, nisi ista 100. sed, propter adjectionem loci, si non solveris *Norimbergæ*, & ego te conveniam in hac Civitate, *Judex* dicitur arbitrari instar interesse, quanti mea interest illa 100. non esse mihi *Norimbergæ* soluta.

II. Efficitur aliquando actio *arbitraria*, ratione *pene imponenda*: propter dolum à principio commissum, vel metum illatum, ut in actione, quòd metus causa; licet enim inferre metum sit contra bonos mores, non tamen à principio puniuntur, si restituatur id, quod per metum traditum est, quòd in traditione intervenerit consensus ejus, qui metum passus est, & coacta voluntas sit etiam voluntas; sed,

si conventus hac actione, jussus à Judice restituere rem, non restituit; licet conventus non intulerit metum; tamen propter hoc accidens superveniens fit arbitraria actio, ut condemnatur Reus ad quadruplum & ita non statim, & originaliter ad poenam quadrupli datur, sed tunc, si jussui non paruerit.

III. Aliquando efficitur actio arbitraria propter interrogationem Judicis, quod vertitur in interrogando. Ut in *noxalibus actionibus* Judex potest dominum servi interrogare, an velit refarcire damnum, illatum à servo, vel dare servum pro noxa. Si respondet se servum daturum, & postea non faciat, jam oritur arbitrium Judicis, ut etiam ad totam summam damni dati eum condemnare possit, & ita fit arbitraria propter condemnationis qualitatem, an in *solidum*, vel *noxaliter* fiat?

IV. Aliquando efficitur arbitraria propter jussum Judicis, de restituendo, vel exhibendo rem: à principio enim & ex natura actionis igitur Rei vindicationis ad ipsam rem tantum; sed, si conventus, jussus à Judice, restituere rem, & ipse contumaciter recusaret propter ipsam contumaciam, ex post facto supervenientem, potest & debet arbitrari, etiam contra naturam actionis stricti Juris, deferendo auctori Juramentum in litem de affectione. *Hucque Schneid. loc. cit.*

Q. II. Quare actiones dicuntur esse *arbitrarie*. R. Quia in his actionibus Judex, priusquam negotium definiat, interloquendo arbitratur, quemadmodum auctori satis fieri debeat, cujus is effectus est, ut, qui Judicis arbitrio paruerit, & satis fecerit intra tempora, ab eo dicta, evitet poenam; & solam rem præstet. Sin minus? tunc sequitur condemnatio, secundum

rigorem Juris, atque etiam in id, quod auctoris interest, & in quantum ab eo juratum fuerit. *Perez. hic.*

Q. III. An non p. sit paucis verbis explicari, quid sit actio arbitraria? R. Possè; an verò ad captum? dubito. Itaque dico, quod *actio arbitraria* sit illa, in qua ex natura actionis sententia interlocutoria præcedit definitivam. Sive est illa, in qua Judex sententiam definitivam non pronuntiat; prius interloquendo arbitretur, & statuatur, quomodo, seu quemadmodum ex bono, & æquo satisfaciendum sit. Cui interlocutioni si satis fiat, tum illam *absolutio*: sin minus, eam *condemnatio* subsequatur. *Schamb. hic.*

Uti in exemplo actionum, in hoc §. enumeratarum, patebit. Quarum prima est actio *publiciana*, in qua debet prius fieri sententia *interlocutoria*, antequam *definitiva* feratur; per interlocutoriam autem jubet Judex, rem restitui auctori; quæ si restituatur, absolvitur Reus. Sin minus, severius proceditur, & manu militari res ab eo aufertur. Si verò illam non amplius possideat, sed dolo malo deserit possidere, sequetur gravis illa condemnatio, quanti in litem auctor juraverit, Judexque æstimaverit.

*Secunda* actio arbitraria est *serviana*, & *quasi serviana*; quia in hac Judex præcipit possessori pignoris, ut illud restituat: cujus arbitrio, sive jussui si paruerit, aut pecuniam creditori solverit, reus absolvitur. Sin minus res manu militari ab eo aufertur. Si dolo malo deserit possidere, tanti condemnabitur, quanti in litem ab actore juratum fuerit. Quæ *condemnatio* cum gravis, & *serva* sit, meritò Judex ante definitivam clementius aliquid arbitrari potest. *Manz. n. 9.*

*Tertia* actio arbitraria est actio, quod



*quod metus causa*, quia in hac Judex jubet rem, metu extortam, restituere, cujus jussui, si reus paruerit, poenam quadrupli evitat; sin minus, fit condemnatio severior in poenam quadrupli. *Perez. Inst. hic.*

*Quarta actio arbitraria est actio de dolo*, quia, si is, qui dolo malo circumvenit aliquem, ad jussum judicis rem non restituat, sequitur condemnatio, quanti actoris interest, dolo deceptum non fuisse, infamiaque notabitur, si verò ante sententiam definitivam rem restituerit, evitabit condemnationem, & poenam infamiae.

*Quinta actio arbitraria est actio de eo, quod certo loco*, quia certo loco constituit, se soluturum, conveniri hac actione potest, etiam alio in loco. Cum ergo hoc durum, & iniquum esse videatur, ideo Judex potest pariter arbitrari, & interloqui, ut satis det reus pecunia, ibi solvenda, ubi promissa est. Quod si Judicis arbitrio Reus paruerit, absolutionem consequetur; sin minus, sententia definitiva feretur, ut etiam solvat in loco, de quo non est conventum, l. 4. §. 1. ff. de eo, quod cert. loco. *Manz. n. 14.* ubi adhuc aliter hanc actionem explicat.

*Sexta actio arbitraria est actio ad exhibendum*, quia hæc datur, si intersit actoris, rem exhiberi. Quam si ad jussum judicis restituerit, absolvitur. Sin, minus; sententia Judicis definitiva condemnabitur, quanti actoris interest, rem exhibitam non esse. *Perez. Inst. hic.*

*Septima actio arbitraria est actio noxalis*, quæ (ut *infra* audiemus) contra dominum competit, quando servus noxam, sive delictum commisit: arbitraria autem est ideo, quia Dominus servi æstimationem damni, ab

ipso dati, solvere, vel servum pro noxa debere jubetur; cujus jussui, si paruerit, absolvitur; sin minus, in tantum condemnatur, in quantum Reus in litem juravit. *Manz. n. 16.*

Enumeravimus *suprà VII.* actiones arbitrarias, inter quas occurrunt actio de dolo, actio de eo, quod certo loco, & actio ad exhibendum, de quibus quoniam nondum egimus, sequitur modò.

*Casus Actoris de dolo*: Titius testamentum fecit, in quo me hæredem instituit, Sempronio laudem supra modum legis *Falcidiae*, h. e. ultra *dodrantem* legavit. Sempronius mihi dolose persuasit, hæreditatem esse sufficientem, ad integra legata solvenda, & sic suum legatum integrum consecutus est. Postea ego comperit, quod hæreditas non sufficiat, quod potuissem detrudere *Falcidiam*. Q. *Utrum, & quam actionem habeam contra Sempronium, ad consequendam indemnitatem meam?* R. de Jure civili nullam, suæ enim facilitati imputet, qui facile credit, & se circumveniri patitur. Prætor tamen, æquitate motus, concessit actionem de dolo. *Manz. n. 4.* Circa istam actionem autem ita edixit: *quæ dolo malo facta esse dicentur, si de his alia actio non erit, & jussu Causa videbitur, Judicium dabo.* *Zoes. ff. de dol. mal. n. 15.*

Describi poterit actio de dolo malo, quod sit actio personalis, pratoria, rei persecutoria, stricti Juris, arbitraria, famosa, quæ datur adversus decipientem aliquem dolo malo, causa cognita (si alia actio deficiat) pro consequenda indemnitate. Ita *Manz. n. 5.*

Dixi I. *Personalis*, quia descendit ex delicto.

Dixi II. *Pratoria*, quia descendit ex Edicto pratoris, quod habetur in

233

234

in l. 1. §. 1. ff. de dol. mal. ergone erit tantum annalis? olim dabatur anno duntaxat utili, sicut realique prætoriarum actiones; hodie autem durat biennio continuo, à die admissi doli numerando, l. fin. Cod. de dol. mal. Manz. n. 7. elapso tamen biennio in factum actio superest, l. 28. ff. de dol. mal. Huyn. ad Treutl. vol. 1. disp. 11. th. 7. lit. F. ex quo notandum, quod ista actio intra biennium, & debeat intentari & finire, ita, ut, si biennium elapsum sit, tamen adhuc lis contestata duret tamen ista actio non amplius competat; sed mutetur in actionem, contra l. ult. ff. de fidei commiss. tut. ubi dicitur, quod litis contestatione actiones temporales perpetuantur. Singulare enim & speciale est, actionem doli litis contestatione non perpetuari. Ratio, quia est famosum Judicium. Zoef. n. 26.

Dixi III. Rei persecutoria, quia datur tantum ad simplicem, & sic nullam penam continet; quod mirum videri potest, cur dolus, utpote grave delictum, non poena dupli, aut quadrupli, coerceatur, instar actionis, quod metus causa, aut furti. Dic quod in sua quilibet potestate habet, à paucioribus decipi; nec fidere passim omnibus; at metum evitare, sive violentiam, & furtum, non est penes quemvis. Deinde dolus non eam, quam Vis cum furto habet affinitatem, decepto enim volenti, non invito res auferitur; ideoque furti poena non habet locum, Manz. n. 13.

Dixi IV. Stricti Juris, quia in §. 28. non enumeratur.

Dixi V. Arbitraria, quia, si rem restituere jussus, non paruit, tantum condemnatur, quanti actor in litem juraverit. Quid si autem res perierit? tunc Reus protinus condem-

natur in id, quod actoris interest. l. 18. §. 1. ff. de dol. mal. Manz. n. 17. Zoef. n. 24.

Dixi VI. Famosa, l. 1. §. 4. l. 11. ff. de dol. mal. omnia enim Judicia, dolum persequentia, infamant, d. l. 1. §. 4.

Dixi VII. Dolo malo, dolus enim bonus, quo quis, solertia sua, Hostem, vel Latronem circumvenit, hanc actionem non generat. l. 1. §. Non fuit. ff. eod.

Dixi VIII. Causa cognita, cum 235 enim hæc actio sit tam gravis, ut infamet; non temere indulgenda est: sed, causæ cognitio præcedat, necesse est, l. 9. ff. de dol. malo.

Ast, quid venit in causæ cognitionem? R. duo, videlicet res, & personæ. Circa rem hoc consideratur, utrum summa, de qua agitur, sit magna, vel modica? Ideo, si summa sit modica i. e. intra duos aureos consistens, non datur l. 9. ff. eod. Ratio, quia de minimis non curat Prætor l. 4. ff. de integ. rest. & poena debet commensurari delicto; quæ autem comparatio esset inter infamiam, & duorum aureorum? Circa personas illud venit in causæ cognitionem, quænam sint illæ personæ, inter quas intentatur? Nam contra parentes, vel Patronos actio famosa non datur, l. fin. §. cum autem Cod. de furt. Item humilis adversus eum, qui dignitate excellit, hac actione experiri non debet, l. 11. ff. eod. Parcendum enim est honestorum virorum existimationi, Schamb. hic Zoef. eod. n. 17. Interim liberi, & liberti, aut humilis conditionis personæ actionem subsidiariam in Factum arripere potuerunt, suæque indemnitati consulere d. l. 11. ff. de dol. mal.

Dixi

Dixi IX. Si *alia actio deficiat*, impenſe enim *notandum*, quod Actio de dolo malo non alias locum habeat, quam ſi deſit alia actio, quæcunque illa ſit, *l. 2. Cod. de dol. mal.* Eſtque ratio, quod ejus modi actionis genus, quo perpetuæ Ignominie nota inuritur, non debeat Prætorē temere decerni, habita alia actione, qua quis experiri, & ſuum conſequi poteſt, *i. l. §. ait Prætor. ff. de dol. mal. Zoëf. ff. cod. n. 15.*

236 Sane ut intelligat, quando actio de dolo competat; *discernenda* ſunt factorum genera. Nam ſi dolus dederit cauſam contractui *bonæ fidei*, contractus eſt ipſo Jure nullus, quemadmodum diximus §. 1. *ſupra de oblig. Q. 4.* Unde vel *vindicationi*, vel *condictioni indebiti* locus erit. Si autem inciderit in contractum bonæ fidei, tunc dabitur actio ex eodem contractu, ut damnum reſarciatur. Si vero dolus cauſam dederit contractui *ſtricti Juris*, vel in hunc inciderit; tunc, cum alia actio non detur, competit actio de dolo, ſi res ſit tradita: ſi necdum tradita, exceptio doli, *l. ſi quis 36. ff. de V. O. Schamb. hic.* habens autem *exceptionem doli*, non ſimul *agere* poteſt de dolo, *l. ſin. ff. de dol. mal.* Eſtque ratio, quia per *exceptionem doli* ſuæ indemnitati ſufficienter poteſt conſulere. Quo in caſu, utpote habito ordinario remedio, non eſt excurrendum ad actionem de dolo, utpote remedium ſubſidiarium, & extraordinarium, *Hunn. ad Treutl. vol. 1. diſp. 11. th. 6. q. 44.* Solet etiam dolus extra contractum fieri. Et tunc, ſi incidat in *delictum*, ſpeciali nomine ſignatum, v. g. *furtum*, *rapinam*, &c. producit *ordinariam* actionem v. g. *furti*, *vi bonorum raptorum*, &c. Quod ſi autem dolus non producat

*Res ad luſit.*

delictum ſpeciale, ut ſunt variz hominum machinationes; tunc neceſſario recurritur ad hanc actionem, ut ſi quis daret fraudulentum conſilium, *l. quod ſi cum ſcires, 8. ff. de dol. mal.* ita erudite, & ſolidè *Schamb. hic.*

Dixi X. *Pro conſequenda indemnitate*: hæc enim actio ad nihil aliud competit quam, ut *Res*, dolo malo ablata, vel *Interſeſſe* reſtituatur. Præterea nullam poenam hæc actio perſequitur, ita ut ex parte actoris ſit mere rei perſecutoria; ſibi enim imputet, quod ſe tam facile circonveniri paſſus ſit.

Cui & contra quem hæc actio com- 237 petat? explicatione non indiget: cuique enim patet, dari *decepto* contra *decipientem*, non ejus *heredes*, niſi quatenus ad eos pervenit, *l. ſi plures §. 1. ff. de dol. mal. Zoëf. ff. cod. & Schamb. hic.*

Cauſus de actione de eo, quod certo loco. Mutuos Sempronio dedi 100. fl. ſub iſto pacto: ut eos mihi Monachii in proximis nundinis præteritis redderet. Sempronius tempore determinato Monachium non venit. Et ſic non potui meos 100. fl. conſequi, quos ſi habuiſſem, potuiſſem conſequi, & promovere aliquam utilitatem, vel damnum aliquod à me avertere. Nunc autem deprehendi ipſum Sempronium Ingolſtadii. Q. *Utrum eo loco poſſim eum convenire?* Dixeris quod non, quia *plus loco* peterem, §. *ſi quis 33. infra h. t.* qualis non auditur in Judio, imo olim cauſa cadebat. Deinde intereſſe etiam videtur, me petere non poſſe, quia mihi datur *condictio certi* ex mutuo, quæ actio eſt *ſtricti Juris*: non involvens, niſi ea, quæ inter partes dicta, & conventa ſunt.

Verum, quia contingere poteſt, P p p p ut

ut Sempronius nunquam Monachium veniat, vel data operâ, vel aliunde impeditus, & sic ego ex facto ipsius damnum sentirem, idcirco Prætor mihi concessit istam actionem, quo alio loco debitorem meum convenire possum.

238 *Definitur autem ista actio, quod certo loco, quod sit actio stricti Juris, arbitraria, quæ petimus alio in loco, quam conventum est, id, quod nobis debetur, salvo interesse unius, alteriusve partis.*

Dixi I. *stricti juris*: Ratio, quia in §. 28. non enumeratur. Ratio alia, quia adjectio loci tunc tantum actionem efficit arbitrariam, quando apponitur obligationi *stricti Juris*: non vero, quando adjicitur obligationi bonæ fidei. Nam si adjectio loci fiat in obligatione bonæ fidei, tunc actio non fit arbitraria; sed aliunde ex natura sua liberam Judici potestatem Juris tribuunt, ex æquo, & bono judicandi. Ut proinde actione arbitraria opus non habeat. *Manz. n. 9.* Dixi II. *arbitraria*: rationem jam supra dedimus. Dixi III. *alio in loco*: quia, si quis petat in illo ipso loco; in quem solutio collata fuit, actio manet in terminis stricti Juris, & non est opus arbitrio Judicis. *Manz. n. 11.* Dixi IV. *salvo interesse unius, alteriusve partis*. Ratio, quia arbitraria actio utriusque utilitatem continet, tam Actoris, quam Rei. Quod si Rei interest; minoris fit pecuniæ condemnatio, quam pretium sit. Sin Actoris; majoris pecuniæ condemnatio fiet. *l. 2. ff. de eo quod certo loc. Zoef. eod. n. 7.*

239 *Casus de actione ad exhibendum*: Titius mihi per furtum subtraxit aliquot vestes, quarum unam; quod Cajus emerit, audiui. Cum tamen

adhuc dubitarem de veritate, num mea vestis sit, nec ne: Petii, illam vestem mihi exhiberi, ac ejus inspiciendæ copiam fieri. Cajus id recusavit. Q. quomodo mihi consultum sit? R. Per actionem *ad exhibendum*, quæ oppositè describitur, quod sit actio civilis, personalis, in rem scripta, arbitraria, quæ competit ei, cujus interest pecuniariter, sibi rem mobilem exhiberi, adversus possidentem (licet naturaliter tantum) qui copiam exhibendi habet, ut rem mobilem exhibeat, ut postea experiundi copia fiat.

Dixi I. *civilis*, quia de Prætoris Jurisdictione nulla fit hujus actionis mentio. *Schamb. hic.* Dixi II. *personalis* quia per eam actor non petit rem aliquam, aut Jus aliquod in re sibi restitui; sed petit ut reus aut rem inspiciendam exhibeat, aut solvat, quanti ea res erit, quod proprium est actionum personalium, *Manz. n. 14.* Dixi III. *in rem scripta*, quia, tametsi sui origine personalis sit; tamen, quia nihil aliud quam res exhiberi petitur, adversus quemcunque possessorem competit. Dixi IV. *arbitraria*; rationem supra allegavimus. Dixi V. *competit ei, cujus interest pecuniariter*; quia non tantum competit domino, sed etiam ei: cujus ex quacunque causa civili, & pecuniaria interest, rem exhiberi non affectu tenus, *l. plen. h. 2.* ubi petens exhiberi libros, quia, cum eos legisset, doctior & melior futurus esset, non auditur, *Schamb. hic.* *Zoef. ff. ad exhib.* Dixi VI. *adversus possessorem*: sic & creditor, cui res pignori data est, hac actione rectè convenitur, *l. 3. §. fin. ff. ad exhib.* *Manz. num. 24.* Dixi VII. *ut rem mobilem exhibeat, ut postea fiat, experiundi copia*: hæc enim actio est plerumque actio *preparatoria* ad aliam actio-



actionem in rem, vel etiam in personam, l. 1. Cod. eod. interest enim, scire prius, num res sua sit: ne frustra actionem intentet.

### §. C U R A R E 32.

Faciunt hic aliam adhuc divisionem actionum: scil. quod aliae sint, quibus certum; aliae, quibus incertum quid petitur. Certum dicitur peti, quando ex libello apparet, quid? quale? quantumve sit id, quod in iudicium deductum est? v. g. in Mutuo, commodato, deposito, &c. Incertum, quando id non apparet: ut, si quis petat hereditatis petitione rem universalem, scil. hereditatem; si actione tutela, negotiorum gestorum, pro socio: rem generalem: scil. reddidi in genere rationes tutela gestorum, negotiorum, societatis &c. Item, incertum peti dicitur, si alternative quid petatur. Sed, si tales actiones intententur, quale est officium Iudicis, & in quo consistit illud. R. ex textu. quod curare debeat, ut omnino, quantum possibile est, certae pecuniae, vel rei sententiam ferat; etiamsi de incerta re apud eum actum sit. Adeoque regula quasi ponitur, quod sententia debeat esse certa, Schneid. num. 22. Ratio, quia sententia debet imponere finem liti, & controversiae: sed si sententia sit incerta, ambigua & obscura, finem liti non imponit; sed litem ferit ex lite, contra l. 3. Cod. de fruct. & lit. expens. ergo. Manz. n. 2. qui ex his infert, quod talis sententia non valeat; omnem debiti quantitatem cum usuris solve.

Diximus autem I. etiamsi de incerta quantitate actum sit, v. g. si quis agat ad interesse, licet haec quantitas incerta sit, Iudex tamen, illam taxando, certam debet ferre sententiam,

Schmb. hic. Diximus II. quantum possibile est: nulla enim regula est, quae suam non patiatur exceptionem; subinde enim Iudici possibile non est certam ferre sententiam. Scilicet in noxalibus actionibus incerta sententia, ut vel damnum resarciat, vel servum noxae det, admittitur. Quamvis ad resarcitionem damni condemnare possit; cum facultas noxae dedendi à lege sit, l. 6. §. 1. ff. de re iudicata. II. In actionibus universalibus, quibus petitur quis corpus totius hereditatis cum augmento, & decremento, ut est hereditas. Sicut itaque in his actionibus, v. g. petitione hereditatis, familiae - hercercunda &c. petitio: ita & sententia incerta esse potest, ratione rerum universalium. quae deinde in executione specificantur. Manz. n. 20. III. In actionibus generalibus, v. g. tutela, pro socio negotiorum gestorum &c. sufficit enim in his, cum ad diversas species competat, & varias negotiationes comprehendat, generaliter petere, sibi reddi rationem administrationis tutelae, societas, negotiorum gestorum, &c. IV. In re, alternative debitae, v. g. promisit quis, equum, vel bovem: condemnari talis potest, ut alterutrum horum praestet; est enim electio penes debitorem, l. 75. §. 8. ff. de R. O. Idem dic, si quid debeatur in genere, & necdum sit facta declaratio per debitorem, v. g. equum quis promisit; sic tales condemnari potest, ut equum praestet, qualem velit: non vero Bucephalum in specie, quia alias in plus condemnaretur, quam promisit. Manz. n. 34. V. Admittitur etiam in certa sententia, quod accessoria, v. g. peto fundum cum fructibus. Ubi, sicut petitio est incerta, ita etiam sententia poterit esse incerta; semper enim inspiciendum est, quod est

magis principale, l. 44. ff. de relig. & sumpt. fun. modo ergo sententia quoad fundum certa sit, illa quæ in consequentiam veniunt, non curantur, l. 1. ff. de auth. tut. Manz. num. 40. Schneid. n. 16. ubi plures alias limitationes ponunt.

Dices: Regulam posuimus, quod sententia debeat esse certa; licet de incerta quantitate actum sit. Item sententia debet esse conformis libello, l. 18. ff. commun. divid. quomodo ergo poterit sententia esse certa, si libellus est incertus? R. sententiam debere esse conformem quoad duo potissimum. I. Quoad rem petitam, ut videlicet Judex de alia re non pronunciet; quam de qua fuit actum, II. Quoad causam, ex qua res petita est, v. g. si quis rem, tanquam sibi donatam, petat, tunc Judex non debet adjudicare ex causa emptionis, vel legati, Manz. n. 40. Deinde, ista regula, quod sententia debeat esse conformis libello, universalis non est, fallit enim in variis casibus. I. Si petita sit minor quantitas, ex processu autem appareat, majorem deberi, Judex rectè in majorem condemnat. II. Si ipse reus confiteatur, debere plus. III. Si Judex reum absolvit. Schamb. hic.

### §. SI QUIS AGENS 33.

In hoc §. Imperator monet actorem, ne in libello plus petat, quam debetur, traditque pœnam plus petenti. Ubi observa, IV. modis plus peti, Re, tempore, Loco, Causa I: Plus petit Re, qui scil. majorem quantitatem, quam quæ obligatione continetur, actione comprehendit; veluti, si quis pro 10. aureis, qui debentur, 20. petat. II. Tempore plus petit, qui,

quod in diem, vel sub conditione debet, petit ante diem, vel existentem conditionem. III. Loco plus petitur, quando quis, quod certo loco sibi dari stipulatus est alio loco petit pure, i. e. omissa mentione loci, stipulatione comprehensi; quo casu Judicis erit æstimare, quanti debitoris intersit, solvere in loco convento potius, quam alibi IV. Causa; qui quod in genere: vel alternative debetur, petit in specie; vel ex alternative debito rem certam. Ideo talis plus petere dicitur, quia, cum alias in debito generali, & alternativo, electio sit debitoris, non autem creditoris, hanc illi eripit, suamque hoc modo conditionem meliorem facit: debitoris vero, siue adversarii sui deteridrem, quod fieri non debet.

Pœnam in plus petentes aliam sanxere Jura vetera, aliam moderna. Olim plus petentes causa cadebant, quæ pœna posterioribus Imperatoribus rigida nimis visa est, adeoque Imperator Zeno constituit, ut is, qui plus tempore petit, inducias temporis illius, quod conatus antevertere, duplicare cogatur: veluti, si uno mense petierit citius, quam petere debuit, expectare cogitur duos menses, & insuper impensas litis reo refundere. Qui vero, re, causa loco plus petit, ex constitutione Justiniani condemnatur in omne damnum, quod sua petitione reo intulit; & ista pœna usu comprobatur. Manz. num. 58.

### §. SIN MINUS 34.

Q. hic, quid? si quis minus, quam 241 ad eum pertinet, libello complexus fuerit? R. Imperator, quod talis sine periculo agat: i. e. nihil incommodi sent.

sentiat; cum nec causa cadat, nec partem debiti amittat, quam petitione sua complexus non est. Igitur, si, cum ei 10. aurei deberentur, §. sibi dari oportere, intenderit; aut si, cum totus fundus ejus esset, partem dimidiam suam esse petierit; non impeditur, reliquum in eodem, vel alio Judicio prosequi; neque enim obstare rei judicatae exceptio illi agonti poterit, cum de alia re agatur. *Perez Inst. hic.*

### §. SI QUID ALIUD 35.

- 242 Pro hujus §. intellectu observa, quid sit emendare, quid mutare libellum? Emendare libellum nihil est aliud, quam aliquid *adjicere*, in eo confusa dilucidare, obscura distinguere, manente semper actionis, & libelli substantia. Mutare libellum est, omissa priori actione, aliam instituere vel manente priori actione, aliam rem petere. Ut ecce, peto à te catenam auream ex causa depositi; postea, omissa ista actione, instituo actionem commodati. Vel, si ego ex causa contractus emptionis, vel venditionis servum Stichum à te petam; postea autem asseram, non Stichum, sed Pamphilum mihi deberi. In istis duobus casibus dicitur intervenire libelli mutatio. *Schneid.*
- 243 num. 6.

Q. An, quando, & quousque libelli emendatio, aut mutatio concessa sit? R. I. Ante litem contestatam, non tantum libelli emendationem permissam esse; estque ratio, quia ante ceptum Judicium parti licet à Judicii limitibus recedere; ergo multo magis libellum mutare, vel emendare. *Zoef. ff. de edend. n. 11.* R. II. Emendationem libelli non tantum permissam esse ante, sed & post litem contestatam usque ad

sententiam: patet hoc ex l. 46. ff. de re jud. actorum verba emendare, tenore sententia perseverante, non est prohibitum, *Manz. n. 7. concord. Walter de Jure consuet. Austr. l. 1. tit. 8. ibi: Welcher Kläger . . . i. e. Actori non substantiam libelli mutant; verum qua in libello proponuntur saltem elucidare volenti, sive ante sive post litem contestationem, nihil obstat; is enim nihil novi proponit qui aliquid elucidat. R. III. Mutationem libelli post litem contestationem non amplius concessam esse. Ita Schneid. n. 13. hic. Facb. lib. 11. c. 92. concordat consuetudo Austriaca, teste Suttinger. obs. 16. ibi: Es geschieht, &c. i. e. Raro evenit ut quis libellum mutet aut mutandi licentiam petat: Hoc autem in casu, mutationem non admittit judex, nisi quatenus alteri parti communicatio nondum fuit pere executionem facta: sic enim utrique parti licet per suplicem libellum judici mutationem proponere, novamque petitionem concipere, judiciumque circa eam petere: quod quidem indulgere judex solet, quando non obstat interesse publicum vel patrie. At facta executione considerandum, an pars altera expensas tulerit, vel ipsa fuerit litem contestata? Si prius; tunc debet actor petenti reo expensas restituere. In casu posteriori mutatio libelli, utpote post litem contestatam, non amplius admittitur. Vide etiam *Walter lib. 1. tit. 8. Dissentis communis D. D. Schola* ab hac nostra sententia; at, de Jure communi disceptant, non quod in praxi forensi obtinet.*

### §. SUNT PRÆTEREA 36.

Sexta actionum divisio est, quod 245 quaedam actiones sint, quibus solidum per-

P p p p 3

persequitur, & quædam, quibus *non solidum* persequimur. In solidum agimus fere in omnibus actionibus, exceptis aliquibus, de quibus *hic*, & *seq. §.* In hoc, & *seq. §.* agit Imperator de iis, qui habent *beneficium competentia*; sive qui non possunt conveniri in *plus* quam *commode* facere possint, i. e. *relinquid* illis debet, ne *egeant*. *Schamb. hic.*

### §. ITEM, SI DE DOTE. 37.

246 Inter illos autem, qui habent beneficium competentia, est I. *Maritus*. Nam si, soluto matrimonio, *mulier*: vel ejus *pater* dotem *repetat*, maritus non *semper* in *solidum* condemnatur; sed *eatenus*, quatenus *honeste* facere potest. &, quatenus *facultates* ejus patiuntur. Itaque si tantum in facultatibus habeat, ut, salvo honesto victu, dotem integram solvere possit, in *solidum* condemnatur; sin minus, in tantum, in quantum facere potest. Ratio autem, cur hoc privilegium marito concessum sit, redditur ista, quia *Reverentia maritalis*, item *honor Matrimonii* omnino exigit; habere *necessitatis* rationem. Et quamvis Imperator in *presenti §.* loquantur tantum de *muliere*, dotem *repetente*, & de *Judicio dotis* tantum; sive de actione, quam in *§. fuerat. 29.* actionem *ex stipulatu*, de *dote repetenda*, vocavimus; illud ipsum tamen procedit in aliis quoque personis, *Manz. n. 4.* Dicta procedunt I. Nisi *uxor* æque in *necessitate* sit posita, ut *egeat*; tunc enim illa erit potior, *l. præses Cod. de servit. & acq.* II. Nisi Maritus factio suo omnia delapidaverit, *l. 18. §. 1. ff. solut. matrim.* neque enim *favorem* meretur, qui culpa sua *damnum* pa-

titur. III. *Eo mortuo*, i. e. hoc *beneficium*, utpote *personale*, expirat, neque ad *heredes* transit, *d. l. 12. ff. eod. Schamb. hic.* Excipiuntur tamen *Filii*, ex eodem matrimonii dati: his enim idem *privilegium* specialiter lex concedit, *l. 18. ff. solut. Matrim.* Dicitur eodem matrimonio, unde contra *novercam* non: dicitur etiam *Filii*, unde *nepotibus* non dabitur, quia in privilegiis, *filiorum* nomine non veniunt *nepotes*, *arg. l. 18. ff. de excusat. tut. Schneid. n. 9.* Illud etiam *notandum*, quod sicut *marito*, ita contra *uxori* hoc privilegium competit, si, soluto Matrimonio, à matre conveniatur ex contractu, inter ipsam uxorem, & maritum, constante matrimonio, celebrato, *l. 17. ff. solut. matrim.* statutum enim in uno *correlativorum*, censetur quoque statutum in alio, *l. fin. Cod. de vid. toll. Schamb. hic.*

### AD V. PROPTER RETENTIONEM.

Subinde contingere potest, ut maritus sufficientes quidem habeat fa- 247 cultates, & tamen non in totum condemnatur, si de dote restituenda conveniatur. Quod tum maxime contingit, quando Maritus impensas quasdam necessarias in res dotales fecit; tunc enim habet maritus Jus retentionis, h. e. potest manere in rei detentione tam diu, donec ei satisfiat, & impensæ necessariæ restituantur. Vel, si una cum *rebus* aliis in dotem accepisset etiam pecunias, potest deducere, & toto minus accipere, Ratio hujus retentionis est eadem, quæ compensationis; frustra enim fit per *plura*, quod potest fieri per *pauciora*, *arg.*



*arg. l. 1. ff. quod viet. caus. Manz. n. 6.* Notanter autem dicitur in *textu*: *Impensas necessarias*. Nam impensas utiles actione mandati repetit, puta, si ex voluntate, actione negotiorum gestorum repeti possunt. *Schneid. num. 16. Schamb. hic.* Voluptariae autem, quatenus facies rerum patitur, sine illius corruptione tolli poterunt. *l. 9. ff. de impensis. Manz. n. 22. § 23.*

### §. SEDET SI QUIS 38.

248 In hoc §. recensentur iterum aliquæ personæ, quæ non possunt semper conveniri in solidum, gaudentes beneficio competentiae, inter quas relucet alto vertice I. *Parens*, propter duplicem rationem, tum, quia reverentiam liberi parentibus debent, *l. 6. ff. de in Jus vocand.* tum, quia filius tenetur alere patrem egentem, *l. 5. §. 15. de agnos. liber.* Ideo, si filius peteret, patrem in solidum condemnari, hac exceptione repelleretur. *Schneid. hic n. 1.* Et quia appellatione *parentis* non tantum pater, sed etiam *avus* & *proavus*, & omnes *maiores* continentur, ideo *Matri*, *avie*, & *proavie* hoc beneficium datur, *l. 151. ff. de V. O. II. Patronus*, si conveniatur à liberto, gaudet etiam beneficio competentiae, *l. 17. ff. de re jud. III. Socii* invicem habent etiam hoc privilegium *l. 6. ff. pro socio.* IV. Hoc privilegium donatori quoque competit, qui scil. promisit, se donaturum: vel donavit, sed nondum tradidit, & convenitur ad tradendum, ut non teneatur; nisi, in quantum facere potest: ne liberalitas sua ei sit *damnosa*, *Manz. n. 8.*

### §. COMPENSATIONES 39.

*Compensationes quoque opposita ple-*

rumque efficerent, ut minus actor non consequatur, quam ei debeatur. Nam, si actor vicissim reo aliquid debeat, condemnatio non fit in solidum, sed debitor utitur compensatione pro quantitate debiti actoris; uti *supra §. 28. diximus.*

### §. CUM EO FINALIS.

Pro hoc §. intelligendo, notandum, 249 olim durissimam *panam* statutam fuisse contra *debitorem*, non solventem *æs alienum*; ita, ut eum non tantum *vincire*, *verberare*, in *carcerem* conjicere; sed *corpus* in *partes* *dissecare*, & inter *creditores*, *solutionis* loco, *parti-ri* licuerit. Verum cum *inhumanum* hoc videretur, inductum est *beneficium cessionis bonorum*, ut liceret debitoribus *bonis credere*, i. e. omnia sua bona *dimittere* & *concedere* creditoribus, sicque una vice se à petitione *æris alieni* liberare. De quo est integer *Tit. in ff. de cessione honor. & Cod. qui bon. ced. poss.* Utilitas autem hujus cessionis est, quod debitor importunitatem carceris, aliasque molestias, quas attententi creditores causare solent, subterfugiat, *l. 1. & 4. Cod. & d. t. Harp. n. 30.*

Illud autem *observandum*, quod licet cessio bonorum à memoratis molestiis liberet, non tamen liberet debitorem à debito, & obligatione; si bona cessa ad debiti solutionem non suffecerint. Sed si post cessionem ad pinguorem fortunam pervenerit, potest de novo conveniri, *text. hic.* sub hoc tamen temperamento, ut in bonis, post cessionem *quæsitis*, gaudeat privilegio competentiae, *text. hic. §. l. 6. ff. de cess. bon. Manz. n. 10.* Quod est verum, si conveniatur à *prioribus*; non vero si à *novis creditoribus*, post *ces-*

concessit: secundum naturam enim est, ut, quem sequuntur *Commoda*, eum sequantur & *Incommoda*, l. 10. ff. de R. J. atqui commodum, & omnis utilitas ex contractu filii, vel servi sequitur patrem, dominumque, ergo, &c. *Manz. num. 4. Et seqq.*

AD V. ET QUIA.

- 2 Ne autem verbosa fiat *disputatio*, legibus enim inimica verborum prolixitas, l. 39. §. In refutatoriis. Cod. de appell. cumque eadem fere Jura servantur in servis, quæ in filiisfam. dicit hic Imperator, quod sermonem tuum in personam servi. dominique tantum dirigere velit, idem intelligens de filiis, & parentibus, quorum in potestate sunt. Dixi fere, quia in quibusdam est *differentia*, de qua §. 7. b. t.

§. SI IGITUR. I.

- 3 Prima actio, quæ ex alieno contractu oritur, vocatur actio quod jussu, quæ commodè definiri potest, quod sit actio Prætoria, personalis, quæ datur ei, qui cum filiofam. vel servo contraxit, contra patrem dominumve, cujus Jussu contractum est insolidum, Harp. n. 1. Hanc si bene intelligas, casum hujus actionis facile de te poteris efformare, ut superfluum mihi esse videatur, huic & seq. actionibus Casum præfigere. Itaque.

Dixi I. Prætoria, quia de Jure civili ex contractu alterius nemo obligatur.

Dixi II. personalis, quia ex contractu datur in personam, sive, quia nascitur ex obligatione.

Dixi III. qui cum filiofam. vel servo contraxit. Ratio, quia is, qui ita ex jussu domini cum servo contrahit, fidem domini sequi videtur. *Manz. n. 3.*

Ratio alia, quia parum obest, quin ipse contraxisse videatur, qui jussu

lit l. 1. ff. quot jussu. qui enim facit per alium, ipse fecisse intelligitur, *Schneid. n. 1.*

Dixi IV. contra patrem, dominumve Ratio est eadem; quia parum abest, quin ipse contraxisse videatur, qui jussu,

Dixi V. Cujus Jussu contractum est.

Quia I. requiritur. ut hæc actio contra dominum, vel patrem detur, ut ipsi jusserint, vel consensum Jussui æquivalentem ostenderint, Unde si servus, vel filiusfam, sponte propria contraxit, hæc actio locum non sortitur, *Harp. n. 2.* & in hoc differt hæc actio ab actione de peculio, & de in rem verso, quæ non requirunt talem consensum, *Manz. num. 34.* II. requiritur; ut Jussu contractum sit, quod tunc fieri dicitur; si quis mandaverit ei, quem in potestate habet, in hunc enim proprie Jussus cadit; non etiam in extraneos, his enim mandasse dicimur. Ratio, quia jubere possumus

etiam invitos, mandare tantum volentibus, adeoque si extraneis mandatum fuerit, tunc actio mandati competit. *Manz. n. 19.* in effectu tamen idem est Jussus, Mandatum, & utrumque præcedit contractum. Illa tamen differentia est, quod omnis quidem, qui jubet mandare dicatur jubere; jubemus enim hos tantum, qui in nostra potestate sunt; mandamus vero aliis *Schamb. hic.* Dixi: ad hoc ut actio quod Jussu competat, requiri, ut pater, vel dominus jusserint; vel consensum; Jussui æquivalentem, ostenderint. Unde, Sequitur I. patrem, vel dominum ex contractu servi, vel filiofam.

obligari; licet non jusserit ab initio; sed postea contractum ratihabuerit, l. 1. §. 5. quod jussu. ratio, quia Ratihabitio retrahitur, & mandato, si ve Jussui æquiparatur, c. Ratihabitionem 10. d. R. J. in 6. II. Idem dicendum,

**Dices:** Exercitor navis tenetur ex delicto nautarum, §. 3. *Inst. de oblig. qua ex quasi delict.* ergo etiam ex contractu eorum. *R. con. ant. neg. conseq.* disparitas est, quia natura ad contrahendum non sunt constituti, adeoque nulla est causa ex qua exercitor ex eorum contractu obligetur. Secus est, si naturæ delinquant, quia tum exercitor, in culpa esse, intelligitur, quatenus operâ malorum hominum utitur. *Cblig. q. 6. ob. 2. Instit. hic.*

**Dixi V. vel Sub - Magistri, l. 1. §. 5. ff. de exercit. act.** quod procedit, si exercitor sciverit, si non, à Magistro alium substitutum esse. Ratio generalis est, quia exercitor omnia facta Magistri tenetur præstare, alioquin contrahentes deciperentur. Imò, licet exercitor substitutionem per expressum prohibuerit, tamen tenetur *d. l. 1. §. 1.* Ratio in *Utilitate Navigantium* posita est, quæ requirit, ut exercitor ex generali præpositione teneatur, eò, quod subita navigandi necessitas non patiatur, plenius deliberandi spatium, *lib. 1. in prin. & §. magistrum ff. de exercit. act. L. 1. ff. h. t. n. 3. Manz. n. 15. 16. 17. & 18.*

**Dixi IV. adversus Exercitorem navis;** ubi tamen notandum, contrahentes cum Magistro electionem habere, utrum exercitorem, an Magistrum convenire velint, *l. 1. §. Est autem 17. ff. d. t.* sicut enim exercitor tenetur propter præpositionem actione *Pratoria*, ita Magister ex suo contractu directâ civili actione tenetur. *Harp. num. 9.* dummodò Magister sit liber homo, quia servus civiliter conveniri non potest, cum standi personam in Judicio non habeat. *Manz. n. 25.* Quod si contra Magistrum experiri nolit? *Exercitorem* actione rectè impetit. Ratio I. quia voluntate, & Jussu ipsius præ-

ponentis contractus censetur initus. Ratio II. Quia omne *Emolumentum ex contractu* Magistri ad Exercitorem spectat; secundum naturam ergò esse videtur, ut ad eum quoque *Onera, actiones, & pericula* pertineant, *arg. l. 10. ff. de R. J.* Ratio III. Quia contrahentes ipsius *Exercitoris* potius, quàm *Magistri fidem* secuti sunt; in cujus conditionem inquirere plerumque *presens necessitas* non patitur, *Glettle Instit. d. t. n. 3. Manz. num. 9.*

Ut autem Exercitor hac actione conveniri possit, *desideratur* I. Ex contractu aliquid *deberi*. Nam ex delicto Magistri hæc actio non nascitur, sed competit actio in factum ex quasi delicto, eò quod dominus culpâ carere non videatur, *malorum hominum operâ* utendo, *l. 1. §. 2. ff. de exerc. act. Glettle d. l. n. 6.* II. *Desideratur* contractum cum Magistro vel sub Magistro esse initum. Nam ex contractu nautarum Exercitor non tenetur, quia alio fine eos conduxit, quàm, ut *contraherent*, *d. l. 1. §. 2.* III. Ut Magister non exceßerit fines mandatæ negotiationis; non enim ex omni causa hæc actio in exercitorem datur, sed, ejus tantum rei nomine, cui Magister præpositus fuerit, *l. 1. §. 7. ff. d. t.* iniquum enim est, aliquem teneri *ultrâ*, quàm voluit. Ex quo sequitur, si exercitor proposuit Magistrum navi ad hoc solummodò, ut *vecuras* exigeret, & nihilominus Magister navem elocasset. Vel contrâ, ad *locandum* tantum, & non ad *exigendum*, is tamen exegerit, quod non teneatur Exercitor, *l. 1. §. 12. ff. d. t.* præpositio enim dat legem contractibus. *Brun. ibid.* Idem est, si Magister tantum *Frumenta* emendo præpositus sit, & is emerit *Vinum*. *Manz. n. 29. Harp. n. 7.*

**Dices:** Exercitori navis non detur actio contra eos, qui contraxerunt cum Magistro, *l. 1. §. 18. ff. de exerc. act.*

Qq q q 2

ergo

ergo neque contrahentibus cum Magistro contra Exercitorem. *Resp. conc. ant. neg. conf.* sufficit enim Exercitori, quod cum Magistro vel actioni locati, mandati, vel negotiorum gestorum (prout nempe vel gratuito, vel cum mandato navis curam habet) experiri possit, *l. 1. §. 18. ff. d. Sanè, si Exercitor aliter rem suam servare non possit, fortè, quia Magister non exiit solvendo, vel, quia aufugit, tunc Exercitori per restitutionem, vel aliter subveniendum, sicuti in actione infistoria receptum est, l. 1. in fin. l. 2. ff. de Instit. act. Cling. q. 6. ob. 4.* Illud adhuc observa, si plures sint Exercitores, hanc Actionem contra omnes dari in solidum. *l. 1. §. vet. ff. de exercit. act. ne in plures adversarios distingatur is, qui cum uno duntaxat contraxit. Zoef. loc. cit. n. 5.*

Dixi VII. Ut in solidum præstet. *l. 1. §. 29. ff. eod.* qui ad summam Reip. navium exercitoria pertinet. *Schamb. n. 9, hic.*

#### AD INSTITUTORIA.

IO. Tertia actio. quæ ex alieno contractu descendit; est actio infistoria, ab infitore sic dicta, quem vulgò Factorem vocant. Hæc actio in multis convenit cum actione exercitoria, uti ex sequentibus patebit. Describitur actio Infistoria, quod sit actio Prætoria, personalis, quæ datur ei qui cum infitore de rebus ad ipsius negotiationem pertinentibus, contraxit, adversus eum, qui infitorem præposuit, in solidum.

Præquam definitionem aggrediar, juvat, pro faciliiori intellectu dixisse, quis sit Institutor, & quomodo actio institutoria cum actione exercitoria conveniat, & ab eadem differat. Institutor exinde sic appellatus, quod negotio gerendo, institutor *l. 3. ff. de instit. act.* ille dicitur, qui Tabernæ, aut alicui aliter Negotiationi terrestri præpositus est. Quem

(uti dictum) vulgò Factorem appellamus, præponentem verò Principalem. *Schamb. hic.*

Convenit actio institutoria cum actio. II ne exercitoria. I. Quod nihil refert, an quis tabernæ suæ masculum, vel feminam, liberum, vel servum, adultum, vel puerum proposuerit, præponens enim ex omnium contractu obligatur, *l. 7. §. 1. & 2. de inst. act.* sibi enim imputare debet præponens, quod fortè minus idoneum præposuerit. Ratio alia, quia non institutoris, sed præponentis fidem sequitur is, qui cum Institutore contrahit, *Manz. n. 10.* II. Sicuti in actione exercitoria non duntaxat dominus: sed etiam alius, ejus nomine, qui Jus præponendi habet præponit, ita etiam in actione institutoria idem receptum. Unde tutor, curator, procurator Institutorem rectè præponunt, *l. 5. §. fin. ff. eod.* quia hi omnes, dominorum loco, habentur. *Zoef. num. 1. ff. de inst. act.* III. Sicuti exercitor non tenetur, quatenus Magister fines negotiationis excessit, ita nec institutor, *l. 11. §. Conditio 5. ff. eod.* quia conditio præponentis servanda est, illa enim dat legem contrahentibus, *Wesensb. in paratit. b. t. n. 3.* Unde, si ad emendandum institutor constitutus sit, & ille vendiderit, principalis non tenetur, fines enim præpositionis diligenter sunt custodiendi. *Manz. n. 20.* IV. Sicuti, si plures exercitores sint, quilibet in solidum potest conveniri, ita etiam si plures sint Institutores, *l. 13. §. 2. ff. de act. instit.* Ratio, ne adversarius distrahatur in plures actiones. *Perez. inst. hic.* V. Sicuti actio exercitoria datur hæredi, & contra hæredes perpetuò, ita & hæc, *l. 15. ff. d. t.* Ratio quia utraque est rei persecutoria. IV. Sicuti contrahentes cum Magistro habent actionem civilem contra ipsum Magistrum, ita etiam contrahentes cum institutore con-



contra ipsum actionem civilem habent. *Manz. n. 19. VII.* Sicuti exercitori non datur actio contra contrahentes; nisi in casu, si rem suam aliter servare non possit, ita etiam Institutori, &c. *l. 1. & 5. ff. de prad. stipulat. Wesenb. loc. cit. n. 7.*

- 12** *Differt Actio Institutoria ab actione exercitoria.* I. Quod hæc nomen habeat ab eo, qui præponit. Illa ab eo, qui præponitur. Rationem assignat *Schamb. hic.* quia in hac elegantius à præponente; in illa à præposito nomen fieri poterat. *Inconveniens enim, & inculta latinitas foret, si diceres; magisteriana actio.* II. Actio exercitoria locum habet in Negotiatione maritima; siue navali: institoria verò terrestri *Schneid. n. 1.* III. In exercitoria Magister navis sibi alium substituere potest; institor non etiam. Ratio differentie prima assignatur hæc, navigandi scil. necessitas, quæ major est cum *Magistro*, quam *Institore*. Nam interdum locus, & tempus non patitur plenius deliberandi consilium, *l. 1. ff. de exercit. act.* Secunda est navigandi utilitas. Omnia enim facta magistri debet præstare, qui cum præposuit; alioquin contrahentes deciperentur, quod facilius in Magistro evitandum, quam Institore, major enim utilitas Reipub! prodegitur ex negotiatione maritima, quam terrestri, *Schamb. hic. Manz. de exercit. act. ampl. 3.*

His, in antecessum præmissis, sequitur definitionis declaratio, itaque Dixi I. *Prætoria* II. *Personalis*. Rationes jam supra datæ. Dixi III. *Datur ei, qui cum Institore contraxit.* Unde illi non datur, qui cum ejus substituto contractum iniit. Ratio, quia Institor alium substituere non potest, *l. 1. §. 5. ff. de exercit. act.* Nisi in casu, quo institor peregre profectus est, tunc enim *Quasi institorem* ex operariis suis relinquit

*l. 5. §. 10. ff. de instit. act. Schamb. v. Quod autem hic.* Dixi IV. *De rebus ad ipsius negotiationem pertinentibus:* quia non omne, quod Institor repetit, obligat eum, qui proposuit. Sed ita, si ejus rei gratia, cui præpositus fuerit contractum est, *l. 5. §. 11. d. t. Dixi V. Adversus eum, qui Institorem præposuit.* Ratio est eadem, quæ supra, quia secundum naturam est ut *incommoda* sequantur eum, quem sequuntur *Commoda*, *l. 10. ff. de R. J. & contrahentes*, magis fidem præponendis, quam Institoris secuti esse, intelliguntur.

Illud tamen requiritur, ut Institor taliter præpositus sit, ut quæstum exerceat. Unde; si quis cum *Villico* contraxit; dominus principalis non obligatur, quia *Villicus*, non ad exercendum quæstum; sed, fructus percipiendos præponitur. *Manz. num 24.* Expressum *mandatum* non semper desideratur, quia sufficit *ratihabitio*, aut *scientia & patientia*, quia *ratihabitio* mandato æquiparatur, *c. Ratihabitionem. de R. J. in 6. & scientia*, atque *patientia* pro *Voluntate* habetur, *arg. l. 7. §. 1. ff. de sponsal. Manz. n. 8.* Imò, *Wesenb. in parat. h. t. n. 5.* statuit, si talis sit, qui negotiationes gerere jam solitus fuit, quod dominus ex ejus contractu obligetur. Ex quibus facile decidere possis *casum*, qui non ita pridem in aliquo Judicio acriter ventilabatur. Habuit aliquis comes in sua dynastia *Præfectum*, vulgò *einen Pfleger*. Hic vendidit 200. urnas *Vini*, non habitò ad hoc speciali mandato à suo *Principali*. Solebat autem jam antè *Frumenta*, & *Vina* vendere; nec unquam *principalis* ea propter *conquestus* est. Imò tales *venditiones* semper *ratihabuit*. Istam autem, quæ dictas 200. urnas *Vini* continebat, *ratihabere* non voluit. Q. Quam, & an

*actoria*, & *infitoria*, quæ locum habent in merce *dominica*. Dicitur merx *peculiaris* illa res, in qua dominus permittit servo suo, proprio nomine, negotiari; sive illa, quæ est in peculio servi, & cujus questus ad ipsum servum omnis redit. Merx vero *dominica* dicitur illa res, in qua, nomine alieno, h. e. *Vicedomini* negotiatur; sive, quæ non est in peculio servi, & cujus questus omnis ad dominum pertinet. Differt ergo merx *dominica* à merce *peculiari*, quod merx *dominica* non sit in peculio servi, & questus omnis statim ad dominum *pertineat*, redeatque; merx vero *peculiaris* est in peculio servi, & questus, sive lucrum pertinet quidem ad dominum, sed non statim ad illum redit; sed tum demum, si dominus id exigat. Item in illa negotiatur nomine *alieno*, v. g. *Patris* vel *Domini*; in hac nomine proprio, *Manz. n. 33. Harp. n. 3.*

II. Differt actio *tributoria* ab actione *exercitoria* & *infitoria* in eo, quod ex his non tantum obligetur *pater*, vel *Dominus*, qui *filium*, vel *servum* proposuit. Sed & is, qui *liberum hominem*. *Tributoria* verò tenetur is, qui scivit, *servum*, vel *filium* negotiari.

III. Ex *infitoria*, & *exercitoria* tenetur in *solidum* is, qui *proposuit*. *Tributoria* convenitur pro *rata* *pater*, vel *Dominus*, *Perez. Inst. hic Hum. ad Treutl. vol. 1. disp. 24. th. 8.*

Dixi V. In quibus, *sciente*, & *patiente* *Domino* *negotiati* sunt. Ad hoc enim, ut ista actio *tributoria* competat, *substantialiter* delideratur *scientia* & *permissio* *Domini*; sive *Non contradictio*, l. 1. §. *Scientiam* 3. ff. de *tribut. act.* ubi dicitur, *non enim velle debet Dominus, sed non nolle. Manz. num. 22.* Itaque si, *ignorante* *Domino*, vel *patre*, *servus*, vel *filius* sam. contraxerit,

non huic *tributoria*, sed de *peculio* actioni locus erit. Inter quas actiones grandis est differentia. Etenim *Pater*, vel *Dominus*, ex contractu *Fili*, aut *servi* actione de *peculio* conventus, privilegium habet, ut præcæteris creditoribus deducere possit quod sibi à *filio*, *servo*que debetur, quamvis naturaliter tantum *patri*, vel *Domino* debeat, §. *Cum autem* 5. h. t. l. 9. §. 2. ff. de *peculio*. At, actione *tributoria* *pater*, dominusque conventus, hoc deductionis privilegio non gaudet; sed veluti extraneus creditor, cum reliquis creditoribus in partitionem *mercium* *peculiarium* pro *rata* sui debiti vocatur, §. 6. h. t.

Dixi VI. *Equaliter*, & *pro rata* *pater*, *Dominus*ve cum aliis creditoribus dividat. Ex quibus verbis apparet, ad quid detur ista actio; nimirum ad hoc, ut æqualis fiat distributio inter *patrem*, & alios creditores in *mercibus* *peculiaribus*. Dico in *mercibus* *peculiaribus*; quia non totius *peculii* ratio habetur, sicuti in actione de *peculio*; sed id solummodo in *tributum*, & *divisionem* venit, quod in *mercibus* est, quibus negotiatur, l. 11. ff. de *tribut. act.* Unde, si *filius* 1000. habuisset in *peculio*, & eum *dimidia*, vel *tertia* tantam parte *negotatus* esset; reliquum autem *fænore*, aut *emendis prædiis* exposuisset, hoc in *tributoriam* non venire, sed illud *duntaxat*, cum quo *negotatus* est, *Schneid. n. 5.* Item, si *filius* *plures* *merces* *separatas*, & *plures* *negotiationes*, v. g. *pannorum*, *frumenti*. *Vini* &c. habuerit, non confunduntur *creditores*; sed *separatim* *singuli* in *tributum* vocantur *eius* *meritis*, in quam crediderunt, l. 5. §. *Si plures* 15. ff. eod. Et, si forte circa eandem *mercem* *plures* *creditores* concurrant, *neuter*

habendum non esset. Neque actione de peculio; suppono enim, quod pater filio peculium non concesserit. Debet proinde sibi actione de in rem verso providere. Ratio hujus actionis est, ne dominus alieno damno locupletior fiat. Zoef. ff. h. t. n. 1. Hæc autem actio, licet à variis varie: meo tamen Judicio belle definitur, quod sit actio Prætoria, personalis. quæ datur iis, qui cum Filiofam. aut Servo contraxerunt adversus Patrem, vel Dominum: Vel, qui contraxerunt inscio etiam patre, aut domino, cum filiofam. aut Servo contra Patrem, vel Dominum, ut id præstet, quod in rem, i. e. utilitatem patris, vel domini versum est. Schamb. hic. Quare dicatur Prætoria, & personalis. Rationes supra datæ sunt. Itaque

Dico I. quæ datur iis, qui contraxerunt, nec non ejus hæredibus, l. 3. ff. h. t. Ratio jam assignata est, ne scilicet pater, vel dominus cum alterius jactura locupletetur. Illud hic notandum, quod actio de in rem verso (regulariter) toties detur, quoties procurator habet actionem. Ratio, quia utraque eadem æquitatis ratione nititur. Unde fac, quod filiusfam. sumpserit pecuniam mutuam, ut sibi vestem, suo statui, & conditioni conformem, & necessariam compareret. Hoc in casu creditori actionem vel negotiorum gestorum, vel de in rem verso accommodare poteris, quia ad utramque sufficit, rem patris utiliter gestam esse, Manz. num. 20.

Dico II. Insicio etiam patre, aut domino; secus enim, si pater sciret, neque contradiceret, actio quod Jussu fortiretur locum.

Dico III. Ut id præstet, quod in rem versum est. In rem versum autem

Kees ad hylitit.

intelligitur. quidquid necessario: & utiliter in rem patris, vel domini filius, vel servus impendit: veluti, si mutuans pecuniam creditoribus domini solverit, aut ædificia ruentia fulserit; aut frumentum emerit, & id ipsum in familiam domini consumpserit; aut quid aliud fecerit, quod ipse dominus factururus fuisset. Perez. inst. hic. Dixi necessario, vel utiliter. Nam, ea, quæ magis ad voluptatem pertinent, quam ad utilitatem; non possunt à patre repeti, tanquam in rem versa, l. 3. §. 4. ff. de in rem verso. Ratio, quia non debet onerari ex eo dominus, quod ipse factururus non esset. Illud non refert, num consilio responderit eventus, nec ne? Unde, si filius, ad alendam familiam, frumentum comparaverit, licet postea perierit, vel corruptum sit, nihilominus tamen actio de in rem verso locum habebit, l. 1. §. 1. ff. eod. Ratio, quoniam fatalis eventus ab obligatione negotii, sua causa gesti, non excusat, arg. l. 10. ff. de neg. gest. Schneid. n. 3.

Non obstat l. 10. §. 6. ff. de in rem verso. ubi scribitur, hanc actionem non dari, nisi versum duret. Nam, R. legem loqui de eo casu, quo pater id, quod à filio ad patrem profectum est, retro filio solvit. Hoc enim in casu cessat actio adversus patrem, & creditori contra filium agendum est. Harp. n. 13. Schneid. loc. cit. Manz. num. 26.

Q. Quid? si versus, vel filiusfam. pecuniam acceperit, & simulaverit, se illam in rem domini, vel patris versurum, non tamen verterit, & creditorem deceiverit, dabiturne hæc actio? R. negat. per exp. tex. l. 3. §. 9. ff. eod. Ratio: ne credulitas creditoris domino, vel patri obesset; aut calliditas servi, filive noceret. Curiose pro-

Rrrr

inde

inde inquirat *creditor*, necesse est, qui *mutuam* dat pecuniam *filio*, aut *servo*; quomodo ea pecunia utatur; nam, si nimis credulus fuerit, nec pecunia in rem patris versa; facile hujus actionis adminiculo privabitur. *Harp. n. 20.* Poterit tamen actionem de peculio in casu, quo nihil verum est, intentare. Quod si autem filius peculium non habeat? creditor nihil à patre consequetur. Nec hoc videtur iniquum; cum sibi imputare debeat, qui non explorarit diligentius, an servus, vel filiusfam. peculium haberet; & quantum in eo esset: Item, an in rem domini, vel patris converterit, nec ne? Nam, qui cum alio contrahit, vel est, vel esse debet, nam ignarus conditionis ejus, l. 19. ff. de R. J. Perez. Inst. hic.

Illud adhuc notandum, quod actio de in rem verso contra patrem, vel dominum, catenus duntaxat, quatenus in rem verum est. Proinde; si pars sit versa, pro patre erit hæc actio, l. 10. §. in rem ff. eod. Ratio, quia ideo hæc actio datur, ne pater cum alterius factura locupletetur; pro ea vero parte, quæ non est in rem ejus versa, non est factus locupletior, ergo. *Zoes. in rem verso. n. 2.* habebit tamen respectu ejus partis, quæ versa non est, actionem de peculio, text, hic.

Dices, tamen in *textu* dicitur: in *solidum dari*. R. Id verum esse, quatenus est in rem verum, *Manz. num. 35.* Vides modo in quo hæc actio differat ab actionibus, in *solidum* competentibus, puta, actione quod *Jussu*, *exercitoria*, & *institoria*.

AD V. CUM AUTEM QUÆRITUR.

Q. Hic, quomodo peculium asseman-  
dum sit? In peculio demum numeran-

dum esse, quod superest, deductis iis, quæ Domino, aut Patri, aut iis, quos in potestate habet, debentur. Ihti enim habent in actione de peculio privilegium deductionis, prout jam aliquoties dictum.

### §. CÆTERUM V.

Insignis est iste locus de compara-<sup>18</sup>  
tione, & Electione harum VI. actionum. Inquit enim *Imperator*: ei, cui hæc IV. actiones. quod *Jussu*, *exercitoria*, *Institoria*, & *tributoria*, competunt, etiam reliquas duas, de peculio, & de in rem verso competere, ita, ut ei detur Electio; velitne v. g. intentare actionem quod *jussu*: an de peculio? Proinde cautus quis esse debet, ne eligat sibi actionem, minus idoneam, & minus utilem, quia una electa, non datur regressus ad aliam, l. 9. §. de tribut. act. & l. 43. §. 1. ff. de R. J. Unde, si cui competat actio quod *Jussu*, *exercitoria*, vel *institoria*, stultissimus erit, si moveat actionem de peculio, vel de in rem verso. Ratio est duplex, tum, quia in tribus prioribus *solidum* aliquis consequitur; in duabus posterioribus non plus, quam revera in peculio est, vel in rem domini verum. Tum, quia, in posterioribus actor probare cogitur id, quod acceptum est, in rem domini, verum esse; vel tantum fuisse in peculio. *Manz. n. 3.*

### AD V. IS QUOQUE.

Quid si vero concurrat actio tri-<sup>19</sup>  
butoria cum actione de peculio & de in rem verso. Satiùs interdum esse, & consultius, tributoria experiri; interdum vero de peculio, aut de in rem verso. Tributoria ideo utilius est agere,



agere, quam de peculio, quia in hac actione de peculio dominus habet Privilegium deductionis; in tributoria autem non habet; sed tenetur merces peculiares æqualiter inter se & alios creditores dividere. De peculio autem utilius est agere, quia in tributoria non *totum* peculium versatur; sed *pars* tantum, puta, ea, quæ in mercibus consistit. At, in actione de peculio *totum*, quidquid est in *peculio*, versatur; sive in *Mercibus*, sive in *Prædiis*, sive in *Domo*, sive in *Vinea* consistat. Semper autem (prout ipse *Imperator* fatetur) *optimum* est, de in *rem verso* agere, si quis possit probare id, quod credidit, in rem domini verum esse. Ratio, quia, quod in rem verum est, id totum actor consequitur, ne quis aliena iactura locupletetur. *Harp. n. 5. § 6.*

§. QUÆ DIXIMUS 6.

Quæ in *Textu præcedentium* §. 5. dicta sunt de *servo*, eadem intelligenda sunt de *filio*, vel *filia*: *nepote*, vel *nepte*, in *potestate patria* existentibus. Illa tamen inter *servum*, & *filium* remanet *differentia*, quod servus tantum *naturaliter* teneatur ex suo *contractu*, non etiam *civiliter*, cum hoc Jure personam non habeat. Filius vero & *naturaliter* & *civiliter* obligetur. Quæ ratione, qui cum *filiis* contraxit, duos habebit obligatos, *filium in solidum*, patrem *peculiotenus*. Quod tamen fallit in causa *Mutui*, ob beneficium *S. C. Macedoniani*.

§. ILLUD 7.

- 20 Dictum est *filiis* obligari ex quolibet *contractu naturaliter*, & *civiliter*; patitur autem hoc *Exceptio-*

*nem in pecunia mutuo sumpta*, qualem si acceperit, nec ipse, nec pater eius tenetur, sed exceptione *S. C. Macedoniani* sed indemnem præstat. *Nomen* traxit hoc à *Macedone*, improbo *Faneratore*, qui *filiis* *sum.* incertis nominibus mutuas pecunias dare consueverat. Hinc frequenter accidebat, ut filii, ære alieno pressi, & à creditoribus ad solvendum compulsi, vitæ parentum insidiarentur, eorumque mortem præmatura spe conciperent. Hominis proinde illius *Improbitas* saluberrimæ *Legi* occasionem subministravit, ac *Senatui* persuasit, ut, confecto *Senatus Consulto*, *Imposturas feneratorum* compesceret, distinctæ *Juventuti* fomentum subtraheret, ac *Vota improba*, in herba velut, suffocaret.

Q. Quid sit incertis nominibus mutuum dare? R. aliud non esse, quam causam debendi in *chirographo* non exprimere, vel cautionem in mortem patris concipere, i. e. convenire *filiis* post mortem patris solvere, obligatus esset, vel denique *chirographo* non inserere; quantum *fœnori* datum esset. *Zoes. ff. S. C. Maced. n. 1.*

§. ILLUD FIN.

Non istis tantum; de quibus egimus, conveniri patet, vel dominus potest actionibus, sed etiam directè *directis*. ex ipso *contractu* *descendentibus*, si ipsorum *Jussu* *contractum* sit, v. g. *directa* actione quod *Jussu ex vendito*, &c.

Nec obstat, quod nemo ex *contractu* alterius obligetur, in his enim *Actionibus* propter *Jussu* & *Mandat* patris, vel domini quasi speciali est; eo quod perinde sit, utrum quis per se ipsum faciat, ac si ipse faceret.

## TITULUS VIII.

## DE NOXALIBUS ACTIONIBUS.

## SUMMARIA.

1. *Actio noxalis explicatur.*
2. *Noxa, & Noxia quando differant?*
3. *Noxa deditio quid operetur?*
4. *Si Servus damnum resarciat, quid Juris?*
5. *Contra quem detur actio noxalis?*
6. *An detur Domino contra suum Servum?*
7. *An filiusfam noxæ dedi possit?*

**V**Idimus, quæ actiones ex contractu servorum, vel filiorumfam. adversus Dominum vel patrem competant? sequitur de iis, quæ ex eorum delictis descendunt.

## AD PRINCIPIMUM.

Pro faciliiori hujus materiæ Intellectu fac talem casum, Servus Sempronii intulit mihi *Furtum*, aut *bona* mihi *vi* rapuit. aut *damnum* aliquod intulit, aut deinde me *injuria* affecit. Q. *Quomodo mihi sit consuetum?* Equidem certum est, ex istis IV. *delictis* consurgere IV. *actiones*, puta, *furti vi bonorum raptorum*, *legis aquiliæ & Injuriarum*, de quibus *supra*; verum omnes istæ actiones contra servum inaniter moverentur, eò quod standi personam in Judiciis non habeat, l. 55. ff. de Jud. nec aliquid possideat proprii, unde *damnum* resarciret, l. 12.

1 §. *omnibus* ff. de accusat. Ideo contra Dominum mihi agendum est, non quidem actione *directa*, quia hæc ip-

fos delicti duntaxat Authores tenet; sed *obliqua* ad hoc, ut dominus id præstet, quod actione petitur, puta, *duplum*, si *furtum* sit *nec manifestum*, *quadruplum*, si sit *manifestum*, aut *servum noxæ* dedat, h. e. pro noxa relinquat, & actori cedat. Ubi nota, Noxam dici corpus illud, quod deli-<sup>2</sup> quit i. e. Servus. Noxiam vero esse ipsum *Maleficium* veluti *Damnum*, *Furtum*, &c. sæpe tamen hæc *Vocabula* confunduntur. Harp. n. 3. hic. Itaque Dominus ex *Delicto Servi* non in *solidum* tenetur, sed *Noxæ deditio* liberatur. Ratio, quoniam *iniquum* esse<sup>3</sup> videbatur, *Nequitiam* servi ultra ejus *Corpus* domino *damnosam* esse num. 16.

Hoc tamen, quod dictum *Procedit* I. Tunc, quando servus *deliquit*, domino *ignorante*, vel ipso quidem *sciente*; sed *prohibere* non valente, l. pen. Cod. h. t. Nam, si dominus scivit, & *prohibere* potuit, tunc non datur ipsi *electio Litis æstimationem* præstandi, aut *servum noxæ dedendi*, sed tenetur præcise *integram æstimationem litis*, vel *damni* præstare, perinde, ac si ipse *deliquisset*, l. 2. 3. & 4. ff. h. t. quoniam *scientia* ejus, qui *prohibere* potest, pro *Voluntate* est. Manz. n. 17. Harp. num. 12. *Procedit* II. in *Delictis*; non *quasi delictis*. Unde, si servus, navi præpositus, opera improborum nautarum usus fuerit; dominus non nisi *peculiotenus* conveniri potest, l. 41. ff. de Furt. quia servus non *deliquit*, ac proinde actioni locus non

non erit. *Procedit III.* in delictis *privatis*, non etiam *publicis l. pen. Cod. b. t.* nam ex delictis publicis non domini, servorum nomine, sed ipsi servi tenentur, *l. 12. §. 3. §. 4. ff. de Accusat.* Ratio differentie est, quia privata delicta damnum pecuniarum persequuntur, quod servus resarcire non potest, utpote nihil habens proprii, vel saltem non tantum, quod sufficeret. Publica autem delicta, ut plurimum pœnas corporales secum trahunt, quas servus proprio in corpore persolvere potest, præcipue, quia delicta suos tenere debent authores. *Wesemb. in parat. b. t. n. 2.* Ratio porro, cur dominus teneatur ex delicto privato ipsius servi, hæc est, tum, quia culpa non caret, qui opera malorum hominum utitur, *§. ult. Inst. de oblig. quæ ex quasi delict.* tum quia, ex qua persona quis lucrum capit, ejus factum præstare debet, *l. 149. ff. de R. J.*

Nec refragatur, quod melior nostra conditio per servos fieri possit, deterior non etiam, *l. 133. ff. de R. J.* Nam, illa Regula procedit in contractibus; non etiam delictis, *Humm. var. resolut. P. 6. tract. Q. 1.*

#### §. DOMINUS 3.

4 Q. In hoc §. quid Juris si servus defacto propter delictum commissum fuerit damnificato noxa deditus; quæsitæ vero pecunia damnum suo novo domino resarcierit. R. Servum consequi libertatem favore libertatis. S, quia novus dominus nondum Jure quæsitum plenum acquisivit dominum, manumittitur auxilio Prætoris, etiam invito novo domino, quia tunc, *neutri* fit *Injuria*; non *priori* domino, quia servum *abjecit*; non *posteriori*, quia domino resarcito, nihil est, quod amplius desideret. *Perez. Inst. hic.*

Q. Unde servus resarciet, cum proprii nihil habeat? R. licet servus nihil proprium habere possit, quia, omnia domino suo acquirit; potest tamen de *Victu* suo parcere, & *peculium* comparare, *Ventre* defraudato, vel etiam aliunde spe manumissionis mutuam pecuniam sumere potest, promittendo, cum manumissus fuerit, restitutorum. *Schamb. hic.*

#### §. SUNT AUTEM 4.

Cum *noxalem* esse non sit, nisi qualitas adjunctitia, ideo sequitur eam vel esse *civilem*, vel *Prætoriam*, pro diversitate actionis *principalis*. Hinc, si adjiciatur actioni *furtis nec manifesti*, ex *L. XII. Tab.* descendenti, vel *Legis Aquilia*, *civilis* erit. Sin vero actioni *vi bonorum raptorum*, vel *injuriarum* adjiciatur, erit *prætoria*.

#### §. OMNIS 5.

Q. Hic adversus quem datur actio *noxalis*? dari adversus eum, qui servum in potestate retinet, quia tamdiu ejus dedendi facultatem habet. Unde etiam in successores hæ actiones dantur; Jure tamen *Dominii*, non *Successionis*. Proinde, si servus in alterius cæperit esse potestate, cum illo incipiet esse actio, quia *Noxia Caput* sequitur, i. e. pœna irrogatur ei, qui est caput servi. Ideoque convenitur *dominis*, qui fuit tempore *Institute* actionis, non qui fuit tempore delicti commissi. Quod si servus, qui *Noxiam* commisit, *manu missus* fuerit, tunc servus ipse directo tenebitur, quia *liber homo* esse incipit, qui in *Judicio* consistere potest. Ex contractu vero, in servitute inito, conveniri servus post manumissionem non potest; R r r r 3 quia,

quia, non tam ipsius, quam nomine domini, initus videtur, cujus modum solum spectabat. *Manz. n. 7.*

§. SI SERVUS 6.

- 6 Quid? si servus domino suo noxiam commiserit. R. Quod actio tunc nulla nascatur, quia inter dominum, & servum nulla obligatio datur, & consequenter nec actio, quoniam dominus secum ipse litigare videretur. Quod procedit. etiam si in alterius potestatem servus ille, vel manumissus fuerit, & neque cum eo, in cujus tunc potestate est, neque cum manumisso agere possit, eo quod statim ex ipso facto nascatur obligatio; neque ex post facto viresumat. Decantata enim Regula est, quod ab initio non subsistit; postea casu quodam non convalescere.

§. SED VETERES 7. ET ULT.

- 7 Jure veteri Noxiæ-deditio non solum servorum: sed etiam filiarum, filiorum-

que familias recepta fuit, nam *Vita & Necis* potestas penes patrem in liberos erat. Sed sensim duram illam potestatem, asperitatemque in liberos respondendam duxit nova, & mitior hominum conversatio, maxime in filiabus, causa pudicitie. Hæc enim vel maxime mulieres exornat. Itaque hodie filiam, ex suis ipsi delictis conveniri possent. Qui si peculium castrense vel quasi tale habeant; executio in illo peculio fit. Quod si peculium proprium non habeant. obtinet Regula, qui non habet in ære, luat in corpore.

Dices: Quid, si filius habeat peculium profectitium, nunquid actio de peculio contra patrem dabitur? R. regulariter quod non, l. 13. ff. de R. J. nisi filius litem contestetur, & condemnatus fuerit, tunc enim quasi contraxisse intelligitur, & per consequens pater ex quasi contractu actione de peculio impeti poterit. *Chlmg. b. t. q. 1. ob. 6.*

TITULUS IX.

SI QUADRUPES, PAUPERIEM FECISSE DICATUR.

SUMMARIA.

1. Explicatur, quomodo damnum differat à Pauperie.
2. 3. 4. & 5. Ut actio de pauperie locum habeat? quoniam requirantur?
6. Bos; si occidat alterum Bovem, quid Juris?
7. Actio adilitia quando detur?
8. Et ad quid?

CONNEXIO.

- 1 **A**ctum de actione noxali ob damnum à servis ortum, competente. Sequitur, &

Q congrue, quid Juris sit? si animal, siue pecus damnum dederit, alteri nocuerit. R. I. Quod animal irrationale, siue brutum non dicatur damnum facere, sed pauperiem, text. hic. Ratio, quia damnum datur per Injuriam; bruta autem, utpote rationis usu carentia, Injuriam non dicuntur committere, neque damnum. Proinde, si tibi noceant pauperiem tibi fecisse, dicuntur; quæ definitur, quod sit damnum, siue injuria facientis datum.

Di.



*Dices* : n'hil interest an damnum detur ab homine, vel à bruto. ergo frustra distinguitur inter damnum, & pauperiem. *R. neg. ant.* si enim damnum datur ab homine libero, datur actio legis Aquiliae. Si à servo, datur actio noxalis. Si ab animali, datur actio pariter noxalis; sed hoc addito, si quadrupes, pauperiem fecisse, dicatur. *Chling. q. 1. ob un.*

His politis, R. II, si brutum contra naturalem generis consuetudinem alteri nocuerit, datur damnum passio actio noxalis contra dominum ejus ad hoc, ut vel damni aestimationem præstet, vel animal, quod nocuit, noxae dedat.

- 2 Ut autem ista actio locum habeat, Requiritur I. ut tale sit animal, quod gregatim pascitur, v. g. bos, ovis, capra, equus, fuis, &c. quadrupedis enim nomine veniunt pecudes, quæ gregatim pascuntur, l. 1. §. In bestiis. ff. b. t. Ex quo id fertur, si animal, quod gregatim non pascitur, pauperiem fecerit, puta, canis, leo, ursus &c. hanc actionem non habere locum; quod tamen intellige de actione directa, quæ ex verbis legis competit. Enim vero utilem actionem de pauperie locum habere, si animal bipes, vel tale, quod gregatim non pascitur, nemo est, qui ambigat. *Schneid. n. 3. Chling. Q. 2. ob un. Manz. n. 6.*

- 3 II. Requiritur, ut animal, præter naturam generis sui; damnum; sive pauperiem dederit, ut si v. g. equus aliquem percusserit, bos cornu petierit, text hic. regulariter enim, boves cornu petere, vel equi calce percutere non solent.

Ex quo iterum infertur I. si animal secundum naturam sui generis nocuerit v. g. Leo, Ursus &c. directam hanc actionem locum non habere.

Sic v. g. fac, quod Leo tuus, de carcere aufugiens, mihi nocuerit. Hoc in casu, contra de actionem directam non habeo. Ratio, quia, quando brutum, natura ferox, sese in naturalem libertatem recipit, ejus dominium amittitur, §. 12. *Inst. de R. D.* adeoque contra neminem poterit actio moveri. Quod si verò leo post datam pauperiem ad te, utpote dominum redierit, potero utilem actionem de pauperie contra te movere. *Manz. n. 8. 9. §. 10.*

*Infertur II.* si bos, vel equus depaverit alterius granina, vel sata, ut porcus glandes, cessare hanc actionem de pauperie, quoniam nihil contra sui generis naturam deliquit, quod in hoc Judicio necessario requiritur, l. 14. §. ult. ff. præscript. verb. *Harp. num. 8.* in hoc tamen casu datur mihi actio de pastu pecoris contra dominum animalis ad hoc, ut solvat damni dati aestimationem tantam, quanti glans (quo nomine omnes fructus pastui pecorum deservientes, accipimus) cum depasceretur, vendi potuisset: nec enim futuræ aestimationis habetur ratio propter dubium maturationis eventum, *Chling. q. 3. b. t. Zoef. ff. b. t. n. 7.* ubi futuræ aestimationis rationem, aut habendam esse, Secundum hodiernos mores ejusmodi animalia includuntur in die Pfand Stäh, donec damni aestimatio persolvatur.

III. Requiritur, ut animal sponte sua nocuerit, l. 1. §. 6. ff. b. t. Unde *Infertur I.* Si animal non sua sponte: sed alieno impulsu, & instigatu ad calcitrandum commoveatur? non habere locum hanc actionem de pauperie; sed contra instigantem dari actionem legis Aquiliae, d. l. 2. §. 6. §. 7. quia, causam damni dans, ipsum damnum dedisse, intelligitur. *Schamb. hic. Infertur II.*

Si

Si culpa hominis præcefferit pauperiem, etiam hanc actionem locum non habere. Sic si meum equum locasset alteri, & ille nimium eum onerasset, ita, ut equus efferatus impetum in aliquem faceret, vel aliter noceret, contra me non actio *noxalis* de pauperie; sed *legis Aquiliæ* locum haberet, *l. 1. §. 4. ff. h. t. Manz. n. 11.*

5 Q. Quid Juris? si duo boves commisissent luctam, & unus alterum vel occidisset, vel alias lesisset. R. Si provocans perit, nullam esse actionem, quia defensio est Juris naturalis, bestiis cum hominibus communis. Et, qui se contra aggressorem defendit, impune evadit. Si vero provocatus perit; dabitur actio de pauperie in dominum bovis provocantis, *l. 1. §. 11. ff. h. t. ita communiter DD.*

6 V V. Requiritur, ut animal non moriatur ante litem contestatam, *l. 1. §. 13. ff. h. t.* si enim animal, quod nocuit, ante litem contestatam decesserit, vel dominum ejus sine dolo malo amissum fuerit, *extinguitur* hæc actio de pauperie, *d. l. 1. §. 13.* Ratio, quia interitus rei, in specie debitorum, liberat debitorem, *l. 107. ff. de solut.* Quod si vero post litem contestatam decesserit, tunc dominus non liberatur, *d. l. 1. §. Plane.* Ratio, quia mora facit aliquem teneri de casu fortuito; atqui is, qui conventus non statim animal noxæ dedit, sed usque ad litis contestationem se actori opposuit, in mora fuit, ergo &c. Quod si deinde post litem contestatam ab alio animal occisum sit; tunc dominus tenetur vel litis æstimationem offerre, vel actionem legis Aquiliæ contra occisorem cedere debebit, *d. l. 1. §. 10.*

Sed, Quid? si ante litem contestatam animal occidatur, tenebiturne &

tunc dominus damnum resarcire, vel actionem alteri cedere? R. negative, eo quod debitor speciei ejus interim liberetur. Quod vero actionem cedere non debeat; cum tamen hoc domino non noceat, & damnificato prosit: Ratio est, quia is sibi imputare debet, cur citius non egerit? Jura enim vigilantibus scripta sunt. *S. hamb. hic.*

Q. Cum dixerimus in hac actione ad litis æstimationem agi, quidnam ergo æstimetur? Ad hoc R. in *l. 3. ff. h. t.* non deformatatis rationem haberi, cum liberum corpus non recipiat æstimationes, sed impensarum, in curationem factarum, & operarum amissarum; licet non desint, qui in foeminis deformatatis rationem habendam esse, autument. *Manz. n. 38.*

#### §. CÆTERUM FIN.

Hucusque de actione civili. Sequitur de Prætoria *ædilitia*. Nam ædiles (quorum officium, & cura inter alia fuit, ut *Vie* non essent vel impeditæ vel infestæ. *l. un. ff. de via publ.*) præposuerunt tale Edictum: *Ne quis canem, verrem, ursum, leonem, aliudve, quod nocere posset, sive solutum, sive ligatum animal, eo loco haberet, quo vulgo iter sit.* Ratio, quia publice interest, posse quemlibet sine periculo, & metu per itinera commicare: resque suas agere, vehere, aut portare. *l. 41. ff. de ædilit. edicto.*

Differt hæc actio *ædilitia* ab actione *noxali* de pauper. Quod hæc ad omne damnum, quocunque loco commissum; illa non nisi in eo, ubi vulgo iter sit, concedatur. Hæc tantum est *rei persecutoria*. Illa etiam *penalis* est; uti audiemus. Hæc tantum datur, *tamdiu* quis dominus quadrupedis est. Illa datur, licet animal in naturalem liber-

libertatem se receperit. Hæc est *civilis*, illa *prætoriana*. Hæc deinde *annalis*, illa *perpetua*. *Schamb. hic. in fine*,

## AD V. ET SI ADVERSUS.

Datur hæc actio *ædilitia* ad hoc , ut dominus animalis 200. Solidos præstet, l. 42. ff. de *edilit. act.* Si occisus sit liber homo ; si vero libero homini duntaxat *nocitum* sit , nulla certa poena status est , sed tanti Dominus condemnabitur , quanti bonum , & æquum Judici videbitur , *text. hic.* Quod si vero servo , aut alteri cuidam rei dam-

num illatum fuerit , *dupli* dominus condemnatur. *Manz. n. 7.* Hodie poena ex *constit.* Carolina art. 136. in casu hujus actionis arbitraria est. *Manz. cod.*

## AD V. PRÆTER.

Præter hanc actionem *ædilitiam* etiam actio de *pauperio* locum habet , non quidem *directa* , sed *utilis* ex ratione , & voluntate Legis ; dummodo animal , quod nocuit , adhuc in dominio sit , ita , ut reddi possit , juxta *dicta* in §. *præced.*

## TITULUS X.

## DE IIS , PER QUOS AGERE POSSUMUS.

## SUMMARI A.

- 1 Per Procuracionem num agere liceat ?
- 2 Quis dicatur Procurator ?
- 3 Quomodo constituatur.

**R**atio *Ordin.* Quandoquidem hucusque de *Actionibus* , earum *Definitionibus* , *Divisionibus* , atque *Naturis* visum est. Sequitur *justa serie* , per quas illas *Actiones* exercere possumus.

## AD PRINCIPIMUM.

Q. In hoc §. per quos agere : & nostras *Actiones* exercere possumus. Quidquid sit de *Jure antiquo* , quo inspecto , alieno nomine , agere non licuit , exceptis IV. *Casibus* I. pro *Populo* II. pro *Libertate* III. pro *Tutela* IV. pro *Absentibus*. Illud nosse , parum refert , cum ab *Ufu* recesserit.

## AD V. SED QUIA.

- 1 Quoniam non minimam *Incommoditates* ad *Instituta*.

tatem habebat quod , alieno nomine , neque agere , nec excipere *Actionem* licebat , cæperunt *Homines* per *Procuratorem* litigare. Nam , & *Morbis* , & *ætas* , & *necessaria Peregrinatio* , itemque *alia multa Cause* sæpe hominibus *impedimento* sunt , quo minus rem ipsi suam exequi possint , *text. hic.* & in l. 5. ff. de O. & Act. *Schneid. n. 3.* Itaque de *Jure novo* cuique permittitur causam per *procuratorem* agere , vel defendere : modo tamen *procurator* sit *persona habilis* ; quoniam in omni actu explicando *habilitas* agentis requiritur , *Manz. n. 14.* & causa sit *civilis* ; in *criminalibus* enim (regulariter) *Procurator* non admititur , §. 10. *Inst. de Injur.* Ratio autem , cur *Accusator* per se & non per *Procuratorem* persequi *Crimen* debeat , est , quia olim is debebat subscribere in *crimen* , i. e. obligare se ad poenam *Talionis* , quâ absens affici non posset. Quæ poena , licet hodie cesset , est tamen adhuc poena

S S S S

*extra*

*extraordinaria*, & *infamiae* proposita in qua ratio adhuc locum habet. Ratio autem, cur pro Reo, criminoso *Procurator* intervenire nequeat, est; ne *Judicia* redantur *elusoria*, si *praesens* non esset ipse *Reus* condemnatus. Item, ut ex *circumstantiis*, *Corporis Habitudine*, *Tremore*, &c. cognosci *facilius* possit *Veritas*, l. 10. §. 5. ff. de Q. Q. enim verò, *difficile* est *Crimen* non procedere *Vultu*. Schamb. hic. & Harp. n. 33. & seqq.

### §. PROCURATOR I.

Q. hic, quis dicatur *procurator*? & quomodo *constituatur*? R. quòd *Procurator* sit, qui *aliena* *Negotia* *Mandatò* *Domini* *administrat*. Alius est *judicialis*, alius *extra-judicialis*; de quibus in ff. de *Procurat.* *Constituatur* autem *procurator* solò *mandato* *domi-*

ni, & nudò ejus *consensu*. Adeòque non opus est *solennibus* *Verbis*, quoniam *procurator* per *mandatum* *constituitur* quod solo *consensu* *constat*, neque *verborum* *solennitatem* *requirit*, nec etiam opus est *adversarii* *praesentia*, quia nihil interest, ipse per se *dominus* *litiget*, an per *alium*. *Perez. Inst. hic.* Porro quis *procurator* *constitui*: & an is *revocari* *possit*? non hujus loci est in id *inquirere*, proinde te ad ff. *remitto*.

### §. TUTORES FIN.

*Tutores*, & *Curatores* etiam nomine *alieno*, i. e. *Pupillorum*, *Minorum* nomine, *agere* *possunt*. Imò, ex *necessitate* *officii* *debent*.

Quomodo autem hi *constituantur* alii in *Testamento*, alii à *Legè*, alii à *Magistratu*, *suprà* *Lib. I.* *expositum* est.

## TITULUS XI.

## DE SATISDACTIONIBUS.

### SUMMARIA.

- 1 & 2. *Cautio* *quid* *sit*, ac *quod* *plex*?
- 3 *Judicio* *fisti*, & *Judicatum* *solvi* *Cautio* *qua* *fit*?
- 4 *Quomodo* *istà* *cautio* *praestetur*? *Procurator* *an* *Cautio* *praestet*?

### CONNEXIO.

D lectum est, quòd *liceat* *hodie* etiam per *alios* in *Judicio* *experi*. Jam verò cum *decantata* *regula* *fit*, quòd *nemo*, *rei* *alienae* *defensor* *idoneus* *sine* *satisfactione* *esse*, *intelli-*

*gatur*, l. in eo 110. ff. de R. J. Ideò *rectà* *serie* *hic* *subjicitur* *Materia* *Titulus* *de* *Satisfactionibus*: ut autem iste *Titulus* *pleniùs* *percipiatur*, *sciendum* est, *Verbum* *Cautionis*, & *Verbum* *satis-dationis* *sæpiùs* *confundi*, *eaque* *sumi* *vel* *generaliter* & *latè*, vel *specialiter*, & *strictè*. *Cautionis* *liquidem* *nomine* *generaliter* *sumptò* *continetur* *omnis* *Securitas*, seu *omne* *id*, quo *quis* *cautior* & *Securior* *redditur*.

Hinc, ut *cautio* à *satisfactione* *distinguatur*, *dividitur* in *cautionem* *simplicem*, & *idoneam*. Illa *proprie*, & *strictè* *cautio* *dicitur*, quæ est *nuda* *repromissio* *absque* *interventu* *pignoris*, vel



vel fidejussoris, l. 35. §. 1. l. 33. §. 3. *Cod. de Epis. & Cler.* Huic cautioni si *Imjurandum* accedat, cautio *juratoria* vocari consuevit, de qua §. 2. h. t. Hæc dici solet satisfactio, quæ sit vel *pignoris*, vel *fidejussoris*; l. 21. ff. de *constit. pecun.* Harp. n. 4. §. 6. Hanc in *varias* varii *species* dispenſcunt. Alia enim est *necessaria*, quæ à *Magistratu*, vel à *Lege* imponuntur, v. g. cautio, quam præstat *tutor*, *rem pupilli salvam fore*, de qua nos egimus in *Lib. I.* Alia *voluntaria*, quæ ex *partium consensu* iungitur. Quæ plerumque in *contractibus* inter partes in fieri solet. Alia *judicialis*, alia *extra-judicialis*. Illa in *Judicio*; hæc extra illud præstari solet. In hoc *Titulo* agitur duntaxat de satisfactione *necessaria*, & *Judiciali*. Cujus *species tres* occurrunt, puta; *Judicio fisci*, *rem ratam haberi*, & *judicatum solvi*. Prima est, quæ reus conventus promittit; & cavet, se in *judicio* permanſurum usque ad exitum *litis*. Secunda est, quæ *procurator* cavet, *dominum* *ratihabiturum* id, quod agit. Tertia, quæ reus cavet *actori*, se id, ad quod *condemnabitur*, *soluturum*. *Schamb. hic.*

## AD PRINCIP. ET §. SI VERO I.

In hoc *princip.* & §. 1. Imperator enarrat *Jus antiquum*, quod videlicet olim obtinuit. Et quidem si in *rem* agebatur, *possessor*, i. e. reus [ siquidem in *actionibus* in *rem* reus est is; qui possidet, §. 1. & 2. *Inst. de act.* ] à *Prætor*e compellebatur *satisfacere* *judicatum solvi*, h. e. cogebatur, *promittere*, quod *victus* *rem ipsam* *restituere*, aut si *rem restituere* non posset, *litis*, i. e. *ipſius rei*, de qua *lis* fuit, *æſtimationem* *olvere* vellet. Equidem multò magis *procurator rei* sa-

tisfacere cogebatur, l. 40. §. 1. ff. de *Procurat.* Actor verò non cogebatur *satisfacere* in *Judicio reali*. Quia reus ille est, à quo *petitur*, & qui *opugnatur*, & qui vel *damnatur*, vel *abſolvitur*, ut cautio *actoris* *supervacanea* foret. *Procurator* tamen *actoris* *satisfacere* tenebatur, *ratam rem* *Domini* *habiturum*. *Tutores* verò, & *curatores* tenebantur eodem modo *cavere*, quo *procuratores*, nempe de *rato*, & *Judicatum solvi*. Cum tamen illi, *Dominorum loco*, haberentur, idem cautio de *rato* *ipsis* *remittebatur* Harp. n. 14. & 15. In *actionibus* in *personam* ex *actoris* quidem *parte* eadem quoque observabantur, ut, si *dominus* *iple* *ageret* in *personam*, nihil *caveret*; si *procurator* *ejus*, *satisfactionem* de *rato* *præstaret*, l. 23. ff. de *Procurat.* Reus autem, si *proprio nomine* *actionem* in *personam* *suscipiebat*, *satisfacere*, *judicatum solvi*, non cogebatur; si *alieno*? omninò *satisfacere* tenebatur, *judicatum solvi*, l. 5. ff. *quib. ex caus. in poss. actio*, cum in *re aliena* nemo sine *satisfactione* *idoneus defensor* existat. Ratio porro *differentiæ*; cur is, qui suo nomine in *rem* *actionem* *suscipiebat*, *satisfacere*; qui verò in *personam*, non etiam, hæc erat, quia *actione* in *rem* *metuendum* erat, ne reus *malè* *sibi* *conficiens*, *rem* *corrumpere*, *agros* *deserere*, *testa* *dissipare*, &c. At, ab eo, *cujus* in *personam* *agitur*, nihil simile *metuitur*, quoniam non in *certam* aliquam *rem*: sed in *universum* *ejus* *patrimonium* *agitur*. Harp. hic. n. 17. & 18.

## §. SED HODIE 2. &amp; 3.

De *Juro novo*, siue reus *conveniat* *actione reali*, siue *personali*, non

tenetur satisfacere, *iudicatum solvi*: sed tantum *Judicio fisci*, i. e. quod in iudicio permanere usque ad terminum litis; seu ad sententiam definitivam, nec ab eo sine venia recedere, & ubi succubuerit, quod impensas litis prestare velit. *Perez. hic.* Ratio autem quare cavere non debeat Reus, iudicatum solvi, est, quia superflua remedia in lucienda non sunt, *l. hæc stipulatio §. 1. ff. ut Legat. num.* atqui hæc cautio videbatur esse superflua, quia absque ea reus ad iudicatum solvendum, cogi poterat. *Manz. n. 2.*

4. Q. Quomodo ergo reus istam cautionem prestat? *R. sp.* a miniculo distinctionis, vel enim possit bona immobilia sub illo iudice, vel non. Si prius, quia non est periculum elusionis, sufficit sola cautio promissoria, seu nuda, *l. pen. ff. satisfacere cogunt.* Si posterius; hoc est, si non habeat bona immobilia, aut non sufficientia, tenetur satisfacere, i. e. per fideiussores: vel per pignora cavere iudicio fisci. Quod si verò neque per fideiussores; neque per pignora cautionem prestare valeat? admittatur ad cautionem juratoriam. Quam etiam præstant viri illustres, & dignitate præfuentes; *l. pen. & ult. Cod. de dignit. Gril. 2. obs. 44 n. 10. Harp. hic. n. 4. & seqq.* Illud tamen non refert, sive personæ illustres corpore Juratum præstent, sive promittant sub fide, & dignitate, *bey Fürstlichen, Priesterchen, Adeltichen, Ebr und Truen. Gril. 1. obs. 101. & obs. 59.* Hactenus, quomodo Reus; Sequitur, quomodo Actor satisfaciat? Qui si suam ipse actionem instituat, non satisfaciat; nisi, quod intra duos menses à tempore porrecti libelli litem contestare velit, & in ea usque ad finem perseverare. Item, quod expensas si temerarius litigator

esse appareat, persoluturus sit; *Nov. 96. cap. 1. Nov. 112. cap. 2. Aub. libellum. Cod. de dilat. Manz. n. 27.*

Sed quid? si actor procuratorem litiget. *R.* Si procurator mandatum probet, vel præsentis domini habeat auctoritatem, non satisfacere tenetur, *de rato l. 2. Cod. de satisfac.* quid enim opus est cautione, ubi constat de voluntate domini, qui dum procuratorem litigat, ipse litigare videbitur, *Perez. hic.* Extra istos casus procurator de rato cavere tenetur, *§. 3. hic.* Ut autem ad istam de rato cautionem admittatur, requiritur, ut saltem aliquod mandatum habeat, puta, generale, quia est procurator omnium bonorum; aut dubium, *l. 3. §. si procurat. ff. de novi operis nunt.* Item, *l. 3. §. 2. ff. ut in pss. eatur.* Nam, si procurator nullum penitus mandatum habeat, & de hoc evidenter constat, ad agendum penitus non admittitur, *Wesemb. in parat. n. 6. ff. de procuratj. Manz. n. 9. hic.* Nisi sit persona conjuncta, pro qua vult agere, *l. martia. l. uxori. Cyl. de Procurat. conjunctæ enim personæ in ascendentibus in infinitum: in collateralibus usque ad quartum gradum, etiam sine mandato, pro invicem agere possunt. Cbting. q. 4. hic. & Manz. loc. cit. n. 10.*

#### AD V. E O D E M.

Quid autem Juris? si utores, vel curatores, vel alie tales personæ, quæ alienarum rerum administrationem gerunt, quales sunt v. g. Syndici, Osconomi, Rectores, &c. Non ipsi net, sed per alios litigare velint? *R.* Quod idem de actore, ob id genus personis constituto; dicendum sit, quod de procuratore, & pariter de rato cavere debeat; nisi habeat absentium speciale

etiale mandatum, aut præsentium auctoritatem, confirmationem. Dixi: *de auctore*, quia Tutor, Syndicus, Procurator, Rector, &c. ante litem contestatam non sunt Domini litis; nemo autem dicitur, constituere procuratorem, nisi dominus litis, *Muz. u. 14.* Sanè, si tales personæ ipsæ litigare velint, nullum tenentur satisfactionem præstare, cum pro dominis habeantur, l. 7. § 5 ff. *pro empto. l. 27. ff. de Administ. & pericul. tut. Harp. num. 5.*

## §. SI VERO. 4.

Si reus conventus per procuratorem respondere velit, refert, num reus absens; num præsens sit? Si præsens sit, potest vel ipse in iudicium venire, procuratorem declarare, eumque confirmare, præstando cautionem, iudicatum solvi. Vel potest etiam extra iudicium pro procuratore suo eandem cautionem iudicatum solvi, cum omnibus clausulis præstare ita, ut is sui procuratoris fideiussor quodammodo existat. Ut verò magis cautum sit, debet etiam omnia sua bona hypothecæ subicere, sive in, sive extra iudicium constituerit, vi cuius hypothecæ tam ipse, quam hæredes conveniri possunt. Præterea cavebit & hoc, quòd tempore recitandæ sen-

tentiæ in iudicium veniet; vel si non venerit omnia daturus sit vel ipse, vel fideiussor, quæ in damnatione continentur, nisi fuerit provocatum. Ita, *Schumb. hic.*

## §. SI VERO REUS 5.

Quòd si verò reus præsens non fuerit, ex quacunque demum causa id contingat, potest quilibet, qui vult defensionem ipsius suscipere, tam in reali, quàm personali actione, dummodò cautionem præstet, iudicatum solvi. Ratio est, quia (ut *sepius* decantatum) nemo defensor rei alienæ: sine satisfactione idoneus esse, intelligitur.

## §. QUÆ OMNIA 6.

Quæ hætenus dicta sunt, omnia apertius & perfectius quotidiano iudiciorum usu in ipsis rerum documentis, i. e. ex praxi apparent.

## §. QUAM FORMAM FIN.

Supradictis satisfactionum formas, & modos aut hoc, §. *Justin.* non solum in hac regia urbe (intellige *Constantinopoli*) sed etiam in omnibus aliis provinciis observandos esse. Num apud nos adhuc omnia usu servantur, praxis docebit.

## TITULUS XII.

## DE PERPETUIS, ET TEMPORALIBUS ACTIONIBUS ET QUÆ AD HÆREDES, ET IN HÆREDES TRANSEANT.

## SUMMARI A.

1. Quæ actiones sint temporales? quæ perpetuæ?

2. Per litis contestationem quomodo perpetuantur actiones?

3. Actiones quæ transeant ad hæredes?

S s s s 3

4 Ac

4 *Actiones penales ad heredes non sunt transitorie.*

5 *Adore, nihil probante, rem absolvitur.*

**R** Ecensentur in hoc titulo adhuc *duæ actionum divisiones*, quod *aliæ sint temporales, aliæ perpetuæ. Aliæ in heredes transitorie. Aliæ non sunt transitorie, de quibus in ordine.* Actiones perpetuæ olim dicebantur illæ, quæ perpetuò sive in æternum, sine ulla temporis præfinitione proponi poterant. Hujusmodi actiones erant omnes illæ, quæ ex aliqua juris civilis parte descendunt, veluti ex *lege, plebis scito, SCto, Principum placitis, vel responsis prudentum.* Ratio, quia qualis est *causa*, talis est *effectus*; at qui *causa*, puta, *lex civilis, potestas, & Jurisdictio* erat perpetua, ergo & actiones, ex Jure civili descendentes. Verum, hodie per constitutiones Principum, ut aliquis litium finis esset, certi fines omnibus actionibus præscripti sunt, nimirum tales, ut omnes actiones civiles, tam personales, quam reales regulariter 30. Annorum spatio, vel ad summum 40. Annorum extinguantur, prout fufius dictum, *lib. 2. Inst. tit. 7.* adeoque actiones, quæ 30. vel 40. annis durant, vocantur perpetuæ. *Manz. n. 30.*

#### AD VERS. EAS VERO.

Vidimus, quæ actiones dicantur *perpetuæ*; Sequitur de *temporalibus*; temporales autem actiones illæ dicuntur, quæ annò tantum durant, quales sunt ferè omnes actiones Prætorie, quas Prætor, supplendi Juris Civilis gratiâ, introduxit. Ratio, quia Prætoris imperium unò tantum anno durabat, & ea propter actiones, ab eo

introducæ, ferè omnes sunt *annales.* *Perez. Inst. hic.*

Dixi: *ferè omnes*, siquidem sunt etiam Prætorie actiones, quæ perpetuo, i. e. 30. vel 40. Annis durant, nimirum illæ, quæ sunt rei persecutorie, & NB. quæ Juris Civilis rigorem non emendant, sed potius defectum suppleant. Qualis est I. *Possessoria hereditatis petitio*, quæ datur illi, qui de Jure quidem civili non est hæres, sed de Jure prætorio ad successionem, & bonorum possessionem admittitur. De qua vide. *Lib. V. ff. Tit. 5. II. fideicommissoria hereditatis petitio*, de qua est integer *Tit. Lib. V. ff. tit. 7.* quæ datur fideicommissariis, postquam ex *SCto Trebelliano*, hæreditas est restituta; ad prosequenda bona hæreditaria. *Manz. n. 32. & seqq.*

Dixi notabiliter, quæ *Juri Civilis Rigorem non emendant*, &c. Hinc actiones, *rescissoria, Pauliana readbibitoria, quanti minoris, &c.* licet sint rei persecutorie, uno tamen duntaxat annò durant, §. 6. *Inst. de act. Schamb. hic. & Schneid. n. 4. Obliq. Q. 1. hic.*

Dices: si metu coactus, alteri vendidi, valet emptio, & venditio, *l. 10. ff. quod metus causa*; & tamen, eam rescindendi causa actio, quod metus causa, à prætore etiam post annum (saltem in *simplici*) datur, *l. 14. §. 1. ff. eod.* ergo, licet actiones Prætorie Jus Civile emendent, & eò Jure validos contractus rescindant: tamen sunt perpetuæ. R. Hoc in actione, quod metus causa, esse singulare propter delictum à metu incutiente factum, ratione cujus prætor quod metu gestum est, nullò tempore, quoad rei persecutionem, voluit tantum habere *l. 21. §. 1. ff. quod metus.*



*met. causi &c. Cblig. loc. cit. ob. nn. Manz 36.*

### AD VERS FURTI QUOQUE.

- 2 Certum est actiones Prætorias pœnales utili duntaxat annō durare, v. g. actiones *vi bonorum raptorum*, de *albo corrupto*, *injuriarum*, &c. Excipitur tamen actio *furti manifesti*, quæ; licet ex pignus Prætoris Jurisdictione proficiatur; tamen perpetuo datur; absurdum enim est, eam anno terminari, fortè ob odium; quod isthæc actio secum ducit. Illud adhuc *notandum*, quod actiones, de natura sua *temporales*, ex *accidenti* fiant perpetuæ, nempe per litis contestationem. *Ratio*, habetur in *l. 239. ff. de R. J.* quia omnes actiones quæ morte, aut tempore pereunt, semel inclusæ Judicio, salvæ permanent. Ita, ut in *Regulam* abierit; litis contestatione lis perpetuatur, *l. ult. cod. de præscript. 30. vel. 40. ann.*

### §. NON AUTEM I.

- 3 In hoc §. traditur altera *divisio*, puta, quod actiones aliæ sint *transitorie* ad *heredes*, aliæ non sint *transitorie*.

Quæ ergo, *quamam actiones sint transitorie ad heredes?* R. cum *distinctione*. Utrum actiones descendant ex *contractibus*, utrum ex *maleficiis*? Item; utrum sint *persecutorie rei*, an verò *persecutorie pœnae*? quo prælibato,

R. I. si actiones descendant ex contractu, vel quasi, tunc (regulariter) omnes activæ, & passivæ transeunt ad heredes, *l. Ex contractibus 49. ff. de O. & A. tum*; quia heredes, in universum jus defuncti succedunt, ejusque personam repræsentant? tum, quia, sicuti is, qui contrahit, non tantum

sibi, sed etiam hæredibus censetur prospicere, ita non se ipsum duntaxat: sed etiam heredes obligat. *Perez. Inst. hic.*

Hoc tamen *Limitat* ipse *Imperator* in *textu*, ut etiam, si actio ex contractu oriatur contra tamen heredem defuncti non competat, puta, *cum testator dolose versatus sit*: quæ verba varii variè interpretantur. Placet, quod de eo casu sint intelligenda, si defunctus aliquem dolo induxerit ad contrahendum, qui alias contracturus non fuisset, hoc enim in casu actio contra heredem dari non potest, quia negatur *suppositum*, actionem dari, nam contractus, cui dolus causam dedit, ipso Jure nullus est. *Manz. n. 6. & 7. aliter Harp. & Schamb. hic.* Hoc tamen iterum in *Textu sublimitatur*, nisi aliquid à defuncto ad heredem pervenerit, quoniam omnia lucra iniqua ab hæredibus extorquentur, *l. 1. ff. de eo per quem fact.*

R. II. si actiones pœnales descendant ex delictis, adversus heredem non competunt. Unde, si quis furtum fecerit, aut rem meam vi rapuerit, aut injuriā me affecerit, aut damnum mihi dederit; licet contra ipsum haberem actionem furti ad quadruplum, vel duplum, vel vi bonorum raptorum, vel injuriæ, vel legis Aquiliæ, mortuo tamen fure, raptore, injuriante, aut damnificante, adversus heredem nulla mihi actio datur; est enim certissima Juris regula, ex maleficiis actiones pœnales in heredes rei non dari, *l. 38. l. III. §. I. ff. de R. J.* Ratio rationis; quia delicta tenent suos authores, *c. 2. de his, quæ fiunt à major. part.* & mors omnia solvit. *Nov. 22. cap. 20.* Regula ergo est, actiones pœnales, ex delicto descendentes, in heredem non dari hæc

hæc tamen regula ut procedit, requiritur, ut actiones pœnales, sint merè, pœnales, & præterea ex delicto descendant. Ita, *Manz. n. 16.*

Ex quo *infertur* I. Si actiones pœnales descendant ex contractu, quod *active & passive* transeant ad hæredes, tales autem actiones sunt actiones *adilictia*, de quibus, *suprà Tit. 9. §. ult. Manz. n. 17. & Harp. n. 3.* vel actiones, quæ competunt ad pœnam aliquam conventionalem, *l. 27. ff. de act. empti.* talis enim pœna non tam ex delicto, quam ex contractu debetur. *Infertur* II. Si actiones pœnales non sint merè tales, sed rei persecutoriae, quod in hæredes transeunt. Sic conditione furtiva hæres furis tenetur in solidum, etiamsi res apud eum non existat, imò, etsi nihil ad eum pervenerit. *l. 7. §. 2. ff. eod. ita Sibamb. §. 14. Inff. de act.*

#### §. SUPEREST FIN.

- 3 Post integrum tractatum de Actionibus Imperator aliquid subjungit de

*eventu litis*, qui in eo consistit, quod actore non probante, reus absolvatur, *l. 4. Cod. de edend.* probante vero condemnatur.

Sed dices: si reus aliquando absolvitur, & aliquando condemnatur, quomodo verum est, quod omnia iudicia *absolutoria* sint; prout dicitur in hoc *textu*? R. Dominationem fieri à frequentioribus; frequentius autem contingit, reum absolvi, quam condemnari. *Manz. n. 3.*

Dixi: *probante actore*, reum condemnari. Hic explicat *Imperator*, quomodo possit contingere, ut actor suam intentionem plenè probet, & tamen reus absolvatur, atque, id fieri tunc quando reus lite pendente, ante sententiam, bonam fidem agnoscens, satisfaciatur actori, eique rem restituatur cum fructibus; reddatque sumptus, in litem factos, hoc enim casu convenit officio Judicis, reum absolvere, nihil enim actor tunc amplius habet, de quo conqueratur.

## TITULUS XXIII.

## DE EXCEPTIONIBUS.

### SUMMARIA.

- 1 Quid sit exceptio?
- 2 Et quotuplex?
- 3 Exceptio, quod metus causâ?
- 4 Et exceptio doli, quando locum habeant?
- 5 & 6 Exceptio erroris, & exceptio non numerata pecunia quid sint?
- 7 Exceptio pacti de non petendo, quando opponi possit?
- 8 & 9 Quid sit exceptio Juris jaran-

di, & rei judicata?

- 10 Quæ dicantur exceptiones Prætoriae?
- 11 Quæ civiles?
- 12 Item quæ peremptoria; & quæ dilatoria.

### CONNEXIO.

Judicium ex tribus personis, puta, actore, reo, & iudice constare in propatulo est; Hucusque actorem instruximus, quomodo debeat agere, & quam actionem movere possit? nunc reus

reus quoque instruatur, necesse est, quomodo se defendere debeat. Quæ ipsa defensio, alio nomine, nuncupatur exceptio, ideo introducta, quia sæpè accidit, quemadmodum ipse Imperator fatetur, ut licet ipsa persecutio, quæ actor experitur, in se spectata, in thesi, in abstracto, vel in genere loquendò, vel summò? Jure Civili inspectò, iusta sit, tamen in hypothesi iniqua, sit adversus eum, cum quo agitur, sicuti in decursu demonstrabimus. Hinc est, quòd *Aristoteles* dixerit: *sapè, quòd iustum est, iniquum est.* *Manz. hic.*

## §. V. G. I.

**I** In hoc §. declarat Imperator tres exceptionum facies, videlicet exceptionem, quòd metus causà, exceptionem doli, & exceptionem erroris, quæ in factum vocatur. Præusquam nos in specie de istis exceptionibus agamus, juvat dixisse in genere, quid sit exceptio? quæ *Definitur*, quòd sit actionis elisio; sive ratio aliqua ad defensionem sui allata, quæ actorem, sive de Jure, sive de facto tantum agat, repellit, *l. 1. l. 2. ff. b. t.* Alia est Juris, & alia facti. Exceptio juris est actionis exclusio, sive illa, quæ præsupponit adhuc existentem actionem. Ut ecce, debes mihi ex causa mutui centum, facio tecum pactum de non petendo. Ecce, ex Juris principiis clarum est, per istud nudum pactum obligationem civilem non tolli, ergò manet adhuc obligatio civilis, ac per consequens contra te habeo actionem. Quam tamen, si in iudicium deducam, repellere me poteris exceptione pacti de non petendo, & hæc vocatur exceptio Juris, utpo-

*Kees ad Institut.*

te supponens præexistentem actionem. Exceptio facti est, quæ non supponit præexistentem actionem; sive quæ repellitur is, qui nullam actionem habet, sed de facto duntaxat agit veluti si exempto vel vendito tecum agere vellem, cum tamen emptionis, & venditionis contractus inter nos nullus sit initus. His in antecessum positis, sequitur.

*Prima exceptio, quòd metus causà,* **3** quæ tunc locum habet, quando quis per vim, vel metum coactus aliquid promissit. Licet enim ille, qui metu coactus sit promissit, Jure Civili obligatus sit, nihilominus quia iniquum est, eum condemnari ideò datur ipsi exceptio, quòd metus causà, ad elidendam, & infirmendam actionem. Hinc, si is, cui metu coactus promissi, contra me agat, prout in rigore Juris potest, quia coacta voluntas est etiam voluntas, *l. 21. ff. quod met. caus.* dico, verum quidem esse, quòd promiserim, sed metu inductus; æquius autem esse, ut quòd metu promissum est, non solvatur: licet enim coactus velit, non tamen vult, sicuti volens, *Harp. num. 5.*

*Secunda exceptio vocatur, exceptio* **4** *doli, quæ tunc locum habet, cum quis dolo inductus est ad promittendum, v. g. induxi aliquem dolo, persuadendò ei, me esse amicum, cum non essem, ut mihi per stipulationem aliquid promitteret: Illi promissit, ex qua promissione nascitur obligatio, ac proinde actionem moveo. Hoc in casu poterit mea actio per exceptionem doli elidi, dicendo, quòd quidem promiserit sed dolo inductus; Juris autem sit, quòd dolus nulli debeat prodesse.* *lib. 1. §. 1.*

T t t t

f.

*ff. de except. Schamb. hic.* Hanc exceptionem doli, ut plenius percipias relege, quæ diximus, *ad §. 30. sup. de act.* quo in loco latè deductum, quando, & quem contractum dolus faciat nullum. Quo viso, sic statue, si ex contractu nullo agatur, dabitur quidem exceptio, sed facti &c. Si contractus adhuc teneat, & tamen agatur, dabitur exceptio Juris. *Schamb. hic.* Illud non ignorandum, licet actio de dolo sit biennalis, *l. 39. §. pen. ff. de pecul.* exceptionem tamen doli esse perpetuam. Ratio, quia, quæ sunt ad agendum annua, vel temporalia, ea ad excipiendum sunt perpetua. *Harp. n. 34.*

5 *Tertia* exceptio est exceptio erroris in factum, quæ tunc sortitur locum, si quis errore lapsus stipulanti promiserit, quod promittere non debuerat. Velut si putans me tibi centum debere, fortè ex mutuo, quæ tamen non debebam: eadem centum tibi stipulanti promiserim certo die me soluturum. Hoc in casu, si adversus me moveas actionem ex stipulatu, potero eam per exceptionem erroris in factum elidere. *Harp. n. 35.* Sanè ut intelligas, an exceptio facti, vel Juris locum habeat, inspiciendum est, num sit error substantialis, num accidentalis. Si prius, facti, si posterius, Juris exceptio in factum locum sortietur. *Manz. n. 25. & seq. & nos sup. in tit. de empt. & vend.*

#### §. IDEM JURIS 2.

6 Quarta exceptio appellatur exceptio non numeratæ pecuniæ, de qua vide, *lib. 3. Tit. de litterar. oblig.*

#### §. PRÆTEREA 3.

7 Casus hujus paragraphi talis est: de-

beo mille Titio ex mutuo. Titius nudo pacto mihi promittit, se istos mille nunquam petiturum, non obstante hoc pacto, nihilominus adhuc obligatus maneo; *l. 27. §. pactu ff. de pact.* quoniam pactum non est modus tollendi obligationem. Quod si verò non obstante hoc pacto me Titius conveniat, potero ipsum repellere per exceptionem pacti de non petendo, eò, quod iniquum sit, contra pacti- nem suam venire, & me condemnari, cum grave sit fidem datam fallere. *Schamb. loc. cit.* Illud non omittendum, quod usus exceptionis pacti de non petendo latissimè pateat, ejusque exempla in Jure passim sint obvia, non tantum in quibus expressa conventio est de non petendo, verum etiam ubi tacitè inter debitorem, & creditorem id convenisse lex præsumit. Unde redditâ debitori meo cautione debiti, pactus tacitè videor, ne petam, *l. 2. §. 1. ff. de pact.* sic, qui usuras in futurum à debitore recipit, tacitè pactus videtur, ne intra id tempus sortem petat, *l. 57. ff. eod. Harp. n. 14.*

#### §. ÆQUE, SI DEBITOR 4.

8 Sexta exceptio vocatur exceptio Jurisjurandi. Cujus talis casus figurari potest. Titius v. g. possidet equum à parte rei meum. Illum peto, & cum neget equum esse meum, ne diu lis protrahatur, desero illi Juramentum, ut juret equum esse suum. Jurat Titius. Tali calu à parte rei adhuc equus manet meus, quem tamen, si per actionem petam, repellet me Titius exceptione Jurisjurandi; nam ego, deferendo Juramentum, videor cum eo transgressisse, si juraverit quod non amplius equum petiturus sim, quod cum præstiterit, non amplius quæritur,



tur, an sit metus, sed an juratum sit, l. 5. §. dato ff. de Jurejurand. l. 9, §. 3. ff. eod. Schamb. hic.

### §. ITEM SI IN JUDICIO 5.

- 9 Septima exceptio nuncupatur exceptio rei judicatæ, quæ hoc exemplo patebit. Aliquis à parte rei, verè reus & debitor per sententiam Judicis à re petita absolvitur, talis revera à parte rei manet debitor, *text. hic. in l. 60. ff. de condict. indeb.* Sententia enim obligationem non tollit. Quia tamen sententia; postquam in rem Judicatam transivit, pro veritate habetur, idcirco, si actor iterato petat, exceptione rei judicatæ repellatur. Quæ tamen exceptio, ut locum habeat, tria concurrant necesse est. I. ut eadem res in posteriori judicio petatur, quæ in priori petita fuerat. l. 12. l. 13. l. 14. ff. de except. alia enim res facit aliud judicium. II. ut sint eadem personæ, l. 3. ff. de except. rei jud. res enim in-er alios acta aliis non præjudicat, & sententia inter alios dicta, aliis nocere non debet. III. ut ex eadem causa agatur; ex nova enim causa licet iterum agere. *Manz. n. 13. Et seqq.*

### AD §. HÆC EXEMPLI 6.

Dicit Imperator, quòd hæc exempla hic retulisse sufficiat; plura enim in latiora digestorum volumina congestit, de quibus non vacat agere.

### §. QUARUM 7.

- 10 Diximus in §. 1. aliam esse exceptionem Juris, aliam facti, quam posteriorem non esse propriam exceptionem vulgare dogma est. Unde prima hic exceptionem divisio datur,

scilicet, quòd exceptiones aliæ sint Prætorie, aliæ civiles. Civiles sunt, quæ ex causa civili, puta, ex lege S. Cito, plebiscito, vel aliis civilibus speciebus descendunt. Cujusmodi est exceptio S. Citi Macedoniani, & vel lejani, §. 7. *quòd cum eo, qui in aliena potest.* &c. Item exceptio divisionis inter plures fideijussores, & reos debendi, §. 4. *sup. de fidejuss. l. fin.* Cod. de const. pecun. exceptio declinatoria fori, l. 7. ff. qui satisfacere cog. exceptio non numeratæ pecuniæ, *tot. tit. de lit. Oblig.* nec non exceptio solutionis, novationis, præscriptionis &c. *Harp. n. 5.* Prætorie sunt, quæ ex jure prætorio oriuntur: cujusmodi sunt antè recensitæ, exceptio pura, doli metus, pacti de non petendo, Jurisjurandi, &c. In effectu nihil refert, exceptio civilis sit, an prætorie; quia omnes durant in perpetuum ex regula illa vulgari, quòd temporalia ad agendum sint perpetua ad excipiendum, l. 5. §. fin. ff. de doli mal. except. *Manz. n. 4.*

### §. APPELLANTUR 8. §. PERPETUÆ 9.

### ET §. TEMPORALES 10.

In his paragraphis traditur Secunda. II divisio exceptionum desumpta à fine & effectu. Dicunturque aliæ perpetuæ, seu peremptoriæ, aliæ verò temporales, seu dilatoriæ. Perpetuæ, & peremptoriæ sunt, quæ non tantum ad tempus actorem à limine judicii repellunt, sed semper in æternum agentibus obstant. *Text. hic.* Unde, & peremptoriæ vocantur, quòd totam litem perimant, extinguant. Id genus sunt exceptio doli mali, quòd metus causa, pacti de non petendo. *Jurisjurandi, Et plures alia*, quas hoveris, si intellexeris, quænam dicantur excepti

ceptiones temporales. Exceptiones temporales, seu dilatoriae. Illae dicuntur, quae ad tempus duntaxat nocent, & temporis dilationem solummodo tribuunt. Sive quae actionem aliquamdiu tantam retardant, non verò omnino tollunt. Tales sunt exceptio incompetentiae, feriarum satisfationis, item exceptio pacti de non petendo ad certum tempus &c. Namque fac, quod quis me vocaverit ad talem Judicem, qui in me nullam habet Jurisdictionem, aut vocaverit me tempore messis aut vindemiarum, aliò die feriarò, &c. vel denique, quod quis alienò nomine litem mihi moveat, & neque mandatum procuratorium producat, neque satisfationem praestet. Hic in casibus possum actorem

repellere per exceptionem incompetentiae, feriarum, illegitimationis, satisfationis, &c. *Manz. num. 8.*

#### §. PRÆTEREA FINAL.

Dictum *antè*, dilatorias exceptiones esse, quae judicium retardant; ad illas quoque spectant exceptiones procuratoriae, quae illis opponuntur, qui, alienò nomine procuratores, & actores esse, contendunt, & tantum procuratores esse possunt, v. g. *miles, mulier, &c. Infamis*, quod possit esse procurator, hic innuitur. De praxi aliud obtinet, &, sicuti advocatus, ita etiam procurator debet esse persona honesta, *Gail. I. obs. 43. numero 7.*

### TITULUS XIV.

#### DE REPLICATIONIBUS.

##### SUMMARIA.

I. 2. 3. & 4. *Quid sit replicatio, duplicatio, triplicatio, & quadruplicatio?*

§ *An exceptio, competens principali, competat & fidejussori?*

##### AD PRINCIPIMUM.

**R**eplicatio nihil est aliud, quam exceptionis *Elisio*, seu *Defensio*, quâ amor rursus reum, contra te excipientem, repellit, v. g. Titius mihi debet 10. Aureos, petii illos, hæc petitio vocatur *actio*. Titius ait, quod fecerimus pactum de non petendo, quæ responsio vocatur *exceptio*. Ego oppono, quod postea in contrarium

pacti simus; ut iterum petere liceat, quæ opposito vocatur *replicatio*.

#### §. RURSUS I. ET §. 2.

Sæpè accidit, ut contra replicationem ulterius aliquid allegetur, quæ allegatio vocatur *duplicatio*, Contra quam si iterum aliquid opponatur, dicitur *triplicatio*, & ex quod exceptio, super triplicationem facta nuncupatur *quadruplicatio*, & super quadruplicationem exceptio posita, dicitur, *qui duplicatio* & sic deinceps. Res exemplo patebit. Vendidi Titio equum meum, cum autem pretium non solveret, conveni cum in judicio, ubi actio proponitur ex vendito. Titius objicit, quod cum illo convenerim

ex

ex postfacto, ut primum post annum solveret. En, exceptionem pacti, Ego R. verum quidem id esse; sed quod postea cum eo transegerim, aliquot aureos remittendo, ut citius solveret. En, replicationem. Titius dicit, se istam transactionem inisse metu. En, duplicationem. Ego dico: metum fuisse duntaxat levem. En, triplicationem. Titius ait, fuisse gravem. En, quadruplicationem.

## §. QUARTUM. 3.

Ne detur processus infinitum, iudicis officium est modum Allegationibus imponere.

## §. EXCEPTIONES FIN.

§ Q. in hoc §. an exceptiones, quæ debitori principali concessæ sunt, etiam fidejussoribus dentur. R. I. Exceptiones reales, quæ debitori principali dantur, prodesse etiam fidejussori, l. 21. 32. ff. de pact. Ratio, quia, quod à fidejussoribus petitur, id ab ipso de-

bitore peti videtur; cum fidejussor per mandati actionem à Debitore, quæ solvit, repetere posset. Manz. n. 2. Ex quo sequitur, quod, si v. g. debitor pactus fuerit cum creditore, ne debitum peteretur, & creditor nihilominus peteret à fidejussore, hic se exceptione pacti de non petendo tueri posset, d. l. 21. Harp. num. 4.

R. II. Exceptiones personales, quæ debitori competunt, fidejussori non prodesse, lib. 9. ff. Ratio, quia beneficia personalia perso. de except. nam non egrediuntur, l. 78. l. 196. ff. de R. J. Exemplum ponit Imperator in debitoribus, qui bonis cessit, nam, si talis debitor post cessionem à creditore iterum conveniatur, ille se defendere potest per exceptionem cessionis, quæ tamen exceptio fidejussores petit, illud maxime prospicit, ut, cum facultatibus lapsus fuerit debitor, possit ab iis suum consequi, quæ igitur ad maiorem creditoris securitatem inducta sunt, non debent in ejus damnum retorqueri. Manz. num. 10.

## TITULUS XI.

## DE INTERDICTIS.

## SUMMARIA.

- |   |  |
|---|--|
| <p>1 Commendatur materia de interdictis.</p> <p>2 Judicium aliud petitorium, aliud possessorium.</p> <p>3 Consultius est intentare possessorium, quam petitorium.</p> <p>4 Succumbens in possessorio recurrere potest ad petitorium.</p> <p>Interdicta definiuntur.</p> <p>Dantur etiam Interdicta super proprietate.</p> | <p>7 Quomodo differant ab actionibus?</p> <p>8 Alia sunt prohibitoria, alia restitutoria, alia exhibitoria.</p> <p>9 Quid sit interdictum, ne vis fiat ei, qui in possessionem missus est?</p> <p>10 Casus istius interdicti.</p> <p>11 Contumax quis dicitur?</p> <p>12 Qua sit pena contumacia?</p> <p>13 Quid sit primum, &amp; secundum decretum?</p> <p>14 Quomodo primum decretum mandetur executioni?</p> |
|---|--|

- 15 *Effectus primi decreti.*
- 16 *Urtaub quid sit ?*
- 17 *Effectus secundi decreti.*
- 18 *Definitur interdictum ne vis fiat ei ,  
qui in possessionem missus est.*
19. 20. 21. & 22 *Cui ? contra quem ?  
& ad quid competat ?*
- 23 *Interdictum de mortuo inferendo , &*
- 24 *Interdictum , ne quid in loco sacro ,  
quid sit ?*
- 25 *Interdictum , ne quid in flumine pu-  
blico , &*
- 26 *Interdictum libero homine exhibendo  
excutitur.*
27. 28 *Tractantur interdicta de liberto  
exhibendo , & exhibendis liberis.*
29. 30 Usque 35 *exponitur interdictum,  
quorum bonorum.*
36. 37. & 38. *Explicatur interdictum ,  
quorum legatorum.*
- 39 *Usque*
- 44 *Excutitur interdictum Salvianum.*
- 45 *Usque*
- 55 *Declaratur interdictum uti possidetis ,  
& interdictum , utrobi.*
- 56 *Possessio unde derivetur ?*
- 57 *An sit Juris , an facti ?*
- 58 *Refutantur aliquae definitiones.*
- 59 & 60 *Traditur definitio possessio-  
nis ?*
- 61 & 62. *Explicatur definitio posses-  
sionis.*
63. 64. 65. *Quid sit possessio naturalis ,  
& quomodo dicantur naturaliter  
possidere ?*
- 66 *Quid sit possessio civilis ?*
- 67 *Usque*
- 70 *Quomodo acquiratur possessio ?*
- 71 & 72 *Apprehensio alia vera , &  
alia ficta , ejusque exempla.*
- 73 *Res incorporales , quando acquiran-  
tur ?*
- 74 *Quot aJus requirantur ad conse-  
quendam quasi possessionem ?*
- 75 *Quomodo retineatur possessio ?*

- 76 *Quibus modis amittatur.*
- 77 *Casus interdicti unde vi.*
- 78 *Cui competat ?*
- 79 *An jure deiecto ?*
- 80 *Incontinenti , quomodo dicatur esse  
factum ?*
- 81 *An praedoni detur ?*
- 82 *Contra quem detur ?*
- 83 *An contra heredes universales ?*
- 84 *An admittatur exceptionem recon-  
ventionis ?*
- 85 *Quae sint ejus requisita ?*
- 86 *Quae alia remedia pro recuperanda  
possessione dentur ?*
- 87 *Et quid de Jure canonico ?*
- 88 *Interdicta alia simplicia , alia duplicia.*

**S**I materiam de Actionibus gem-  
mam , hanc de interdictis thesau-  
rum , si illum lumen scientiae , hanc  
solem jurisprudentiae , si illam partem  
hanc totum pro condigno compellare  
possis , tanta nimirum interdictorum  
dignitas , utilitasque. Qua propter im-  
pigrè , & alacriter huic insudandum  
materiae , haud aliter ; quam si pro  
aris & focis decertandum foret. Prius  
tamen , quam ad ipsa interdictorum  
principia progrediamur.

*Pramitto I. duplex in jure nostro*  
*reperiri judicium , Puta , petitorium ;*  
*& possessorium. Judicium petitorium*  
*est , in quo de sola proprietate , vel*  
*alio jure , v. g. piscandi , decimandi ,*  
*collectandi , &c. diceptatur , extra*  
*possessionem , vel quasi , v. g. si actor*  
*petat , sibi fundum à reo restitui ; quia*  
*jure dominus vel quasi dominus , ad*  
*se spectare , dicit ; vel si asserat , sibi*  
*competere jus piscandi , decimandi in*  
*illo fundo. Et hoc in casu actor de-*  
*bet probare dominium , vel quasi , l.*  
*23. ff. de R. V. cujus probatio in ju-*  
*re dicitur difficillima. l. 12. Cod. de*  
*probat. aut jus piscandi decimandi sibi*  
*esse*



esse constitutum. *Schneid. Inst. hic. n. 4. §. 5. Chlingen. Inst. b. t. 4.* Judicium possessorium est, in quo de sola possessione rei corporalis, vel quasi possessione rerum incorporalium agitur, extra dominium, v. g. si actor non quidem dicat, fundum, quoad dominium, se ad se spectare, aut sibi in eo venendi, decimandi Jus competere; sed tantum petat, ut vel adipiscatur possessionem rei, quam antea nunquam habuit; vel ut possessionem, in qua turbatur, quietam retineat; vel, si de possessione dejectus sit, illam iterum recuperet. *Schneid. loc. cit. n. 9.* ubi ait, hoc casu, non esse probandum actori dominium, sed solam possessionem, vel quasi, cujus facilis est probatio.

*Praemitto II.* semper consultius esse, & utilius, intentare judicium possessorium, quam petitorium, *l. 24. ff. de R. V.* Illis verbis: *Is, qui desinavit, rem petere, animadvertere debet, an aliquò interdictò possit nuncisci possessionem; quia longè commodius est, ipsum possidere, & adversarium ad onera petitorum compellere, quam alio possidente petere;* ratio hujus est ista, quia, si actor vincat in judicio possessorio, tunc onus, probandi dominii, rejicit in adversarium, qui si dominium, vel quasi per testes; aut instrumenta probare non possit, causà cadit, tametsi fors à parte rei dominium ad ipsum spectat; cum saepe in jure non deficiat jus, sed tantum probatio, *l. fin. Cod. de R. V.* Deinde, hanc quoque ob causam consultius est, primò locò intentare judicium possessorium, quam petitorium; quia licet in possessorio succumbas, salvum tamen remanet petitorium, ita, ut hoc intentare possis, postquam in possessorio adversam tulisti sententiam: sententia enim lata in possessorio, non

generat exceptionem rei judicatæ in petitorio, *l. 15. §. fin. ff. de excep. rei jud.* Hinc est, quòd in judicio possessorio plerumque per sententiam reserveatur petitorium *Sutting. observ. 4. n. 4. ibi: Der Beklagte &c. i. e. Reum esse ab hoc judicio ergà actores liberum: Si autem velint actores in petitorio reum persequi, licet eis id juxta juris ordinem facere.*

## A D P R I N C I P I U M.

Q. in hoc principio, quid sint, & 4  
olim fuerint interdicta? Et respondet Imperator, olim interdicta fuisse nihil aliud, quam formas, & certas verborum conceptiones, quibus Prætor aut jubebat, aliquid fieri; aut fieri prohibebat, quod tunc maxime fiebat cum de possessione, aut quasi possessione inter aliquos contendebatur. Verum, cum istæ verborum solennitates id usu esse desierint, nec amplius de jure moderno referat, sub qua verborum forma interdicta intententur, ideò magis erit operæ pretium, ad laboris malleare incudem, quid hodie sint; & quomodo appositè definire possint interdicta? ubi præ alii mihi arridet Zosi accurata interdictorum descriptio, puta, quòd sint decreta, quæ Prætor facit super possessione, aut quasi, cum statuit, apud quem rei controversiæ inter duos debeat esse possessio interim, dum litigatur de proprietate. Brevius Perezzius definit interdicta: quòd sint actiones extraordinariæ de possessione, vel quasi à Prætoribus datæ.

Dixi, super possessione, vel quasi; 5  
Ratio est, quia interdicta ad hunc præcipuè finem inducta sunt, ut vel acquiratur, vel retineatur, vel recuperetur possessio, abstrahendo, quis rei possessor dominus esset; erant enim veteres ita comparati, ut vel maxime

con-

contenderent de possessione, vel quasi, ideò fortè, quod beati sint possidentes; quoniam fructus eorum: ne ergo ad arma usque devenirent, prius semper de possessione, vel quasi, quàm de proprietate cognoscabatur. *Manz. Inst. hic. num. II.*

## AD V. MAXIME.

6 Licet interdicta maximè, & principaliter locum habeant, quando de possessione, vel quasi est contentio, sunt tamen aliqua interdicta, in quibus non tantum super possessione; vel quasi, sed etiam super jure & proprietate rei quaestio est; sive (ut clarius loquar) in quibus non sufficit, si quis probet, se possidere, vel prodesse; sed, si velit obtinere victoriam, necesse habet, ut dicam causam dominii, vel quasi, cur possideat? atque ita de jure suo docere cogitur, unde talia interdicta dicuntur contineri rei persecutionem, seu causam proprietatis, quale est interdictum de mortuo inferendo, in quo actor debet probare jus, inferendi mortuum. Item, interdictum de aqua quotidiana, & æstiva, ubi non sufficit, si actor dicat, se esse in possessione, ducendi aquam de loco publico; sed necesse est, ut doceat, hoc jus sibi competere, vel à Principe concessum esse, *Schneid. n. 39. Harp. n. 70. & seqq. Schamb. hic.*

7 Porro, interdicta in multis differunt ab actionibus, præcipuè verò I. Quod actionibus petatur ipsa res propter jus vel ad rem, vel in re; interdictis autem principaliter petatur possessio, vel quasi. II. Quod omnia interdicta sint Prætoria, non verò actiones, quorum alie Civiles, alie Prætorie. III. Quod omnia interdicta sint personalia, quoniam ex delicto def-

cendunt, quamvis pleraque in rem scripta. *Hinn. ad Treutl. vol. post disp. 25. th. I. lit. C.* Actiones verò sunt alie reales, alie personales. IV. Actiones causam terminant; interdicta viam sternunt ad proprietatem, *Harp. loc. cit. num. & sequent.*

## §. SUMMA AUTEM. I.

Prima, quam Imperator summam, & præcipuam dicit, divisio interdictorum est, quod alia sint prohibitoria, alia restitutoria, alia exhibitoria, *Text. hic.* Prohibitoria sunt, quibus Prætor vetat, aliquid fieri, quorum quatuor hic recensentur. Primum est, ne vis fiat ei, qui in possessionem missus est, sive (ut textus loquitur) quo vetatur, & prohibetur vim fieri sine vitio possidenti. Dicitur autem sine vitio possidere, qui nec vi, nec clam, nec precario possidet. Vi possidere dicitur non tantum ille, qui rem videtur invasisse, & possibrem de possessione expulit, sed etiam ille, qui armata manu venit, &, postquam possessor metu violentie fugisset, fundum vacuum occupavit, *l. 1. §. 28. ff. de vi & vi arm. Zoes. ff. uti possidetis. n. 2.* clam. possidere dicitur, qui furtivè possessionem est ingressus, ignorante eo quem, sibi controversiam facturum, suspicabatur, *l. clam. 6. ff. de acquir. vel amit. possis.* Ille verò, qui peregrè profectus est, & domi neminem reliquit; retinet possessionem civilem, & is, qui interea clam, seu furtivè possessionem fundi ingressus est, si revertentem dominum non admittat in possessionem, vi magis possidet, quàm clam, seu furtivè. *Brunem in d. l. 6. n. 2.* Precario possidere dicitur, qui precibus ab altero impetravit, ut sibi possidere liceat, donec à concedente possidet.

possessio revocetur; l. 2. Cod. ff. de precario Zoes. loc. cit. Schamb. Inst. hic. Chlingens. Inst. h. t. q. 20. ob 2. His præmissis, sequitur interdictum, ne vis fiat ei, qui in possessionem missus est,

Casus. Titius mihi debet mille florenos, quos, cum præfixo tempore non solveret, vocavi ipsum in iudicium. Ille trinâ vice, aut unâ peremptoria citatus, contumaciter eman- sit, & non comparuit. Hoc in casu possum petere, me immitti in possessionem bonorum ipsius Titii, cap. quoniam §. §. aliis ut lite non contestata. &c. Fac ergo, ex primo decreto iudicis me in possessionem bonorum Titii immissum esse; Titium autem temere me impedire, ne fortè in possessionem perveniam, vel actu me immissum turbare, vel omninò expellere. Questionis est, quomodo mihi consultum sit! Priusquam mentem aperiâ, duxi, operæ pretium esse, ut duo præmittantur.

11 Primum est, quis dicatur contumax? & quæ sit poena contumaciæ? Contumax autem ille dicitur, qui, tribus edictis propositis, vel uno pro tribus (quod vulgò peremptorium appellatur) citatus, non comparet in iudicio, & præsentiam sui facere recusat, l. 53. ff. de re jud. Paulò aliter contumacem describit. & fors magis practicè, Eünsterwald. l. 1. ob 33. quòd sit ille, qui jus dicenti non obtemperat, nec, quod ipse voluit, agit.

12 Et hæc contumacia circa omnes iudicii partes, non tantum circa citationem, versatur, verum etiam, si quis à iudice satisfacere, vel respondere iussus sit, & satisfacere, vel respondere detrectet, vel non idoneè satisfaciat, l. de atate §. nihil ff. de interrogat. Gail. lib. 1. ob 80. n. 1. vel, si, iuramentum præstare recuset, manifeste 38. ff.

Kees ad Inst. ob 1.

de Jurejur. Poena contumaciæ de jure communi quæ sit? videre est ex cit. cap. quoniam. §. §. in aliis X. ut, lite non contest. & in Menoch. de arbitr. jud. lib. 3. cas. 365. De usu moderno circa poenam contumaciæ illud observandum potius; quàm discendum esse respondet, May in suo Proceff. judicario p. 2. memb. 7. art. 2. De jure Austriaco quid obtineat? vide, Sustinger ob 23.

Secundum est, quod duxi præmittendum, quid sit primum decretum? Primum decretum nihil est aliud, quam mandatum iudicis; quò, ob contumaciam rei, actor in possessionem bonorum, custodiæ causâ mittitur, ut ea, pignoris vice detineat, donec reus veniat responsurus, l. 5. l. 8. Cod. de bonis auth. jud. possid. Wesenb. in paratit. de d. m. infect. n. 2.

De consuetudine Austriacâ; hoc<sup>14</sup> primum decretum vocatur. Der Ansatz: Stutt. obs. 112. ibi Der Ansatz wird zu Latein i. e. . . . Ansatz dicitur latinè primum decretum, quod conceditur octo elapsis diebus in mandato (Warnungs-rathsblat) præfixis, cum clausula, nisi compareat. Modum autem, quomodo primum decretum mandetur executioni? Sutting. loc. cit. taliter explicat: Wann nun . . . i. e. Ubi autem quis primum decretum obtinuit, illud tradit accenso (dem Weissbotten) quem speciali instruit mandato certa quedam bona capiend: hic autem utroque instrumento & quidem authentico instructus, eò se confert quo missus est, ostenditque decretum primum, datque huius ut & mandati exemplar: quo facto, abscindit e porta Castri, vel Domus iudicis in vico, vel Curie in Urbe, lapillum quadratum, in cuius locum, ceram rubram signatam ponit: lapillum autem appendit scripto executionis à se confecto.

V v v v

Es.

15 Effectus primi Decreti potissimum in eo consistit, quod taliter immissus consequatur pignus Prætorium. *l. 2. Col. pig. pot. in pig. hab. l. fin. Cod. de prat. pig. l. 26. ff. pignorat. act.* ita, ut immissus ex primo decreto præferatur creditoribus chirographariis, & etiam illis, qui posteriori loco in possessionem bonorum immissi sunt. *Sutting. loc. cit. n. 8. ibi. der altere Ansatz gibt vor dem jüngern die Priorität.*

16 Secundum decretum, quod vernacula nostra *Urlaub* vocatur, nihil est aliud, quam mandatum iudicis, quod actor, qui ex primo decreto immisus fuerat, veram possessionem aut etiam dominium, ob contumaciam, & moram Rei, acquirit, *l. 7. ff. d. damno infecto Wesenb. in parat. ff. d. n. num. 6.* Quomodo autem secundum decretum executioni mandetur praxis te, & usus docebit. Interim vide,

17 *Suttinger. observ. 119. & seqq.* Effectus secundi decreti est, quod tribuat veram possessionem, & dominium ita, *Dasz der Executions - Werber . . . i. e. Ut qui executionem obtinuit bona secure retineat, possitque ea vendere, donare, pignorare, & quocunque modo alienare. Suttinger. d. loc. cit. Schwarzenthal. process. jud. lib. 1. act. pra. 2. c. 7. Fünsterwald. lib. 1. obs. 110.*

18 Jam in viam redeo, & ad statum questionis propositæ. R. Mihi consultum esse per interdictum, ne vis fiat ei, qui in possessionem missus est, *text. hic. & in l. 1. ff. ne vis fiat ei, &c.* quod describitur, quod sit actio personalis, Prætoris, rei persecutoria, competens ei, qui permissu iudicis ivit in possessionem bonorum, adversus impediens, turbans, vel expellens, ad hoc, quanti interest actoris, se impeditum turbatum, vel expulsum non esse. *Manz. num. 18.*

*Cui competat?* I. competit ei qui ex primo decreto iudicis, propter contumaciam Rei; in possessionem bonorum missus est. II. Ei, qui in possessionem, legatorum servandorum causa, missus est, *l. 3. ff. d. t.* Enim vero, si testator reliquit legata sub conditione vel in diem, tunc ista legata ante conditionem, vel diem extraneum peti non possunt. Interim tamen cavendum est ab hærede, de præstando legato, si conditio existat, & dies adveniat, *tot. tit. ff. ut legat. seu fideicom. nom. cav.* Quod si hæres cavere renuerit, legatarius mittendus est in possessionem bonorum, *l. 1. ff. Ut legat. nomin. cav.* jam, si missus in possessionem turbetur, hoc ei interdictum competit. *Schneid. n. 18. III.* Datur ei, qui ex causa damni infecti immisus est in possessionem ædium vicinarum, prout contingit, quando vicinus meus ædes ruinosas habet, & de damno infecto. cavere recusat, *tot. tit. ff. de damn. infect.* IV. Tandem omnibus competit, qui ex decreto Prætoris in possessionem missi sunt. *Harp. n. 5. hic.*

*Contra quem competat?* Dic breviter, quod competat contra illum, qui, venire in possessionem, impedivit, vel immisum turbavit, vel omnino expulit. *Schneid. n. 23. Manz. n. 15.*

*Quæ requirantur?* Primò à parte Actoris requiritur, quod à Iudice mittatur in possessionem bonorum. Secundò à parte Rei, quod dolò ipsum impediverit, turbaverit, vel dejecerit, Tertiò, quod decretum Iudicis, mittentis in bonorum possessionem tenuerit. Si enim fuit subreptitium, id est, dolò obtentum, fortè, quia actor petit. se ex falso debito immittit, vel quia fuit tale debitum, quod exceptione potuit removeri, decretum ipso Jure



Jure est nullum, quare prohibens immissionem, hoc edicto non tenetur, *l. 1. §. hac verba. ff. ne vis fiat ei, &c. Schneid. d. 25. Harp. n. 9.*

- 22 *Ad quid detur?* Prætor in *l. 1. ff. d. t. dixit*, reum hoc casu teneri, quanti res est, quod JC. ita declarat, ut quanti scilicet interfuit creditoris, se turbatum, aut ejectum non esse, solvat turbans, vel vi expellens. Quod *Schneid. n. 20, ita declarat*: si debitum est magnum, puta, 100 Aureorum, & res, in quam creditor missus est, valeat tantum 20. tunc reus solvat 20. tantum. Si debitum est parvum, possessio verò multum valet, tunc prohibens solvat interesse, quanti scilicet creditoris interest, in possessionem non fuisse admissum. Stante hac explicatione, hoc interdictum videtur esse pœnale, adeoque annale tantum *l. 1. §. hanc actionem ff. ne vis fiat ei, &c. nec transitorium ad hæredes, d. l. 1. §. 1. Zorf. ff. eod.* Ego optimam salvo, aliorum, melius sentientium, judicio, opinor doctrinam esse, si statuatur, hoc interdictum simpliciter dari ad interesse, ut in effectu non differat ab actione in factum. *Brann. in d. l. 1. Mynsing. hic. n. 3.*

### De Mortuo inferendo.

- 23 Pro pleniori intellectu nota, quod olim potuerit unusquisque inferre mortuum suum, quod vellet, & ædificare sepulchrum; modò in suo fecerit sine alterius detrimento, & extra civitatem; propter foetorem enim intra civitatem cadavera sepeliri non licuit, & sic locus per illationem cadaveris efficiebatur religiosus, *l. 2. §. 1. ff. de Relig. Manz. n. 20.*

Quandocumque autem hodie apud nos Christianos mortui non amplius

sepeliuntur in locis privatis, sed in Ecclesiis, vel cœmeteriis, ideò hoc interdictum, saltem directum, locum non amplius habet, si tamen defacto quis prohibeatur, poterit etiamnum hodie utiliter postulare interdictum ad imitationem antiquitatis. *Manz. hic.*

### Ne quid in loco sacro fiat.

Tertium interdictum prohibitorium 24 Juris Divini est; prohibet enim aliquid fieri in loco sacro, tendens ad deformitatem, & incommoditatem istius loci. Hoc interdictum datur cuilibet de populo, *l. 10. Cod. de Episcop. & Cleri. adversus eum*, qui aliquid in loco sacro vult facere, deformitatem, aut damnum inferendo, *l. 1. ff. ne quid in loco sacro fiat.* ad hoc, ne ædificet, aut, si jam factum est, ut ædificatum destruat, & sic respectivè est restitutorium, *arg. l. 2. §. 19. ff. ne quid in loco publico fiat.* Illud adhuc notandum, quod hoc interdictum non tantum ad res & loca sacra se extendat, sed etiam ad loca sancta, *l. 2. ff. ne quid in loco sacro*, ubi dicitur: *in muris; itemque portis, & alijs sanctis locis aliquid facere, ex quo damnum, vel incommodum irrogetur, non permittitur. Schn. n. 50. Schamb. hic.* Illud certum est, per loca sacra non intelligi sacrarium, id est, locum, ubi sacræ res reponuntur, *l. 1. §. 1. ff. ne quid in lo. sacro. Harp. n. 15.*

### Ne quid in flumine publico, ripaque ejus fiat, quo pejus navigetur.

Quartum hoc est interdictum prohibitorium. 25 Habebat autem locum in eo casu, quando quis vel molendinum, vel aliquid aliud extruebat juxta flumen, ita, ut navigatio deterior

fieret. Quod si defacto aliquid extractum sit, hoc interdictum est restitutorium, competens ad hoc, ut, si quid jam factum sit, tollatur, & in pristinum statum reponatur. *Manz. num. 40.*

Cum hoc interdictum ad publicam utilitatem pertineat, ideo etiam cuilibet de populo datur, *lib. 1. §. 9. ff. ne quid in flumi. public.* Requiritur autem; ut locum habeat, quod flumen sit publicum, & perenne, quod perpetuo currit; secus, si sit privatum; & torrens, *l. 1. §. 3. ff. eod.* Secundò requiritur, quod per tale ædificium impediatur navigatio, vel damnum aliquod vicinis inferatur, *Schneid. n. 54.* ubi declarat illud dubium, an in parte superiori fluminis liceat molendinum ædificare, si aliquis alius in parte inferiori molendinum habeat. Sed de hoc dubio, *in tit. de R. D.* diximus.

Secunda species interdictorum est, quod quædam interdicta sint restitutoria, quibus Prætor jubet, aliquid restitui, quorum duo enumerat Imperator, puta, interdictum unde vi, & interdictum, quorum bonorum de quibus infra suo loco,

Tertia species interdictorum est, quod quædam interdicta sint exhibitoria; quibus Prætor jubet, exhiberi res, aliquando verò personas. De Interdictis; quibus Prætor jubet, res exhiberi; hic non agitur. sed in *ff. §. Cod. de tabul. exhib.* Hic verò de interdictis, quibus Prætor jubet, personas exhiberi, agitur; & illorum duo occurrunt, puta de libero homine exhibendo. Interdictum de libero homine exhibendo est illud, dum jubet Prætor. exhiberi eum, de cujus libertate agitur.

Potest autem esse hujus interdicti iste casus: liber homo detinetur, tanquam

servus, tum Prætor jubet eum exhiberi, ut constare possit, an sit liber, nec ne? Unde *definitur*, quod sit interdictum exhibitorium, perpetuum, quod datur cuilibet, favore libertatis, *l. 3. §. 9. ff. de hom. lib. exhib. adversus eum.* qui dolo hominem liberum detinet invitum, *l. 1. Cod. lib. 2.* ut in publicum producat, seu extra secretum proferatur, *l. 3. §. ait prætor. ff. de homine libero exhib.* & libertate sua fruatur. Dixi autem, *l. dolo*, unde contra parentes non datur, *d. l. 3. §. 2. & 4.* nec contra eum, qui captum redemit, & redemptum à se detinet, *d. l. 3. §. 3.* cum, pignoris loco, habeatur, *l. 2. Cod. de postlim. revers.* Dixi II. *Hominem liberum*: quia is, qui liberum, quem bona fide, tanquam servum emit, detinet, non tenetur hoc edicto, cum certum non sit, an sit liber, *l. 5. Cod. de libero hom. exhib.*

Dixi III. *Invitum*, quia volenti non fit injuria, *l. 1. §. filii ff. de injur. Manz. n. 96.*

Secundum interdictum exhibitorium est de liberto exhibendo, quod ad similitudinem prioris interdicti inductum est, datur autem Patrono adversus eum, qui suum libertum detinet ad hoc, ut eum exhibeat. *Schamb. hic.* Generaliter denique notandum, quod, ubicunque quis prætendit, se habere aliquod jus reale in persona detenta, ut in Vassallo, Monacho; &c. detur ei interdictum pro illa persona exhibenda. *Schneid. n. 57.* Hinc,

Tertium interdictum, de liberis exhibendis, datur patri, habenti liberos in potestate, *l. 1. §. 1. ff. de lib. exhib.* adversus eos, qui liberos ejus invitos detinent, ut exhibeantur; & patriæ restituantur potestati. Unle patet, I. Quod Marti non competat; sed datur ei

ei interdictum, de libero homine exhibendo. II. Quod non detur contra eum, pones quem filius sponte manet, *l. fin. ff. de liber. exhib.* vel causa fit, cur maneat; veluti apud Matrem, *l. 2. Cod. divort. facto apud quem, &c.* vel filia nupta apud Maritum maneat, *l. 1. §. fin. ff. de lib. exhib. Schamb. hic.*

### §. SEQUENS 2.

Alia interdictorum divisio à fine desumpta est, nimirum, quod quædam interdicta *adipiscende*, quædam *retinende*, quædam *recuperande possessionis causâ*, comparata sint. In primo agitur ad hoc ut illam possessionem, quam nunquam habuimus, acquiramus. In secundo ad hoc, ut conservemus possessionem, quam jam habemus, & in qua turbamur. In tertio, ut possessionem amissam, quam habuimus, & amisimus, recuperemus.

### §. ADIPISCENDÆ 3.

Interdicta, adipiscendæ possessionis, hæ duo enumerantur, puta, *quorum Bonorum, & Salvianum*, quibus ego tertium adjiciam, quod vocatur *quorum Legatorum*.

### DE INTERDICTO, QUORUM BONORUM.

Antequam, casum hujus interdicti, figuremus, observandum est, duplices 29 in jure nostro hæredes dari. Aliqui enim de jure civili ad successionem defuncti vocantur, & hi proprie nominantur hæredes. Aliqui autem ad successionem perveniunt de jure prætorio, & hi appellantur bonorum posses-  
siones, de quibus, vide *lib. 3. tit. 10. de Bonor. posses.* Interim sequitur Casus: Mortuo Titio, petit successor ejus, Sempronius v. g. filius emanci-

patus (qui de jure prætorio tantum vocatur ad successionem, *arg. §. 3. Inst. de ex hered. lib.*) ut sibi à Prætoris decerneretur bonorum possessio, sive ex Testamento, sive ab intestato. Prætor ei bonorum possessionem decrevit; verum, hoc non obstante, cum Sempronius bona defuncti ex decreto Prætoris vellet occupare, advertit, quod ex rebus hæreditariis varias res possideret Cajus. Quem cum interpellaret, ut res illas restitueret, respondit: se etiam hæredem esse defuncti Titii, quod tamen probare non potest, & tamen, res hæreditarias restituere, recusat. Quæstionis est, quomodo Sempronio contra Cajum provisum sit? R. Per interdictum quorum bonorum.

Quod *Definitur*, quod sit interdictum, adipiscendæ possessionis, competens ei, cui decreta est bonorum possessio, adversus eum, qui bona illa pro hærede, vel pro possessore possidet, ut possessionem per decretum Prætoris adipiscatur.

Cui *competat*? Hoc interdictum duplex est, *directum, & utile*. Illud utpote ex verbis legis descendens, datur bonorum possessori, seu hæredi ex Jure Prætorio. Hoc, utpote ex mente legis scaturiens, datur hæredi ex jure civili, nulla factâ differentia, ex testamento: an ab intestato succedant? *Manz. Schneid. & Harp. hic.*

Contra quem *competat*? Datur I. 32 contra possidentem pro hærede, hoc est, qui contendit, se esse hæredem, cum tamen hæres non sit, sive bonâ, sive malâ fide talem se esse contendat, *l. 11. ff. de hered. petit.* II. Contra possidentem, pro possessore, qui non contendit, se hæredem esse, sed de facto tantum possidet, & interrogatus alium nullum possessionis titulum

potest allegare, nisi, quia possideo. Illud non refert, totam hæreditatem, sive partem, sive rem etiam minimam reus possideat; quod enim de hæreditatis petitione diximus, idem hic dicendum, puta, quod non à re petita, sed à Jure, quod hæres habet, hoc interdictum metiamur. *Struv. exercit. 45. th. 81.* Contra titulò possidentem, sicut non hæreditatis petitio: ita nec hoc interdictum datur; ratio est eadem, quæ in petitione hæreditatis, ad hoc ut actor vincat reum, debet is se fundare in Jure potentiori; quàm habet reus, alia in pari causa melior est conditio possidentis, *cap. 65. de R. J. in 6.* Sed in hoc interdicto actor se fundat in titulo hæredis, qui tamen non est verus titulus, aliàs hoc interdictum non daretur contra possidentem pro hærede; reus autem in titulo v. g. emptiouis, & Jure possessionis, se fundat; ergò hic debet esse melioris conditionis. *Schneid. n. 13. & seqq.*

**33** *Quæ requirantur?* Ut hoc interdictum locum, habeat, requiritur I. à parte actoris, quod sit hæres ejus, cujus bona petit, de Jure prætorio, vel de Jure civili. Ex testamento, vel ab intestato. In totum, sive pro parte. II. Quod actor antea non habuerit possessionem rerum, pro quibus hoc interdictum intentat. Est enim hoc interdictum, adipiscendæ possessionis, ideo, si quis semel adeptus est possessionem, & eam amiserit, hoc interdictum ei non datur, sed interdictum, unde vi, quod, recuperanda possessione ammissa introductum est, vel etiam rei vindicatio, sicut de petitione hæreditatis diximus. Estque ratio; quia hoc interdictum, & petitio hæreditatis dantur pro rebus hæreditariis; sed. si quis semel apprehendit res hæreditarias, adeundo scilicet

hæreditatem, non dicantur amplius res hæreditariæ, sed proprium patrimonium ipsius. Quod, pro renuntiantibus hæreditati paternæ, diligenter notandum est. Fac enim, filiam acceptâ dote, renuntiassè, mediante Juramento, hæreditati paternæ, *juxta cap. quamvis 2. de pact. in 6.* si postea post mortem patris soli filii succedant, exclusâ filiâ; deinde verò unus ex filiis decedat, licet hic nulla alia, quàm paterna bona relinquat; tamen soror ad ipsius successionem admittenda est, non obstante renuntiatione. Hæc enim, cum ut strictè Juris; strictè quoque interpretanda est. Sed soror non frater-næ, sed paternæ hæreditati renuntiavit. Et bona illa paterna, ad filium delata, post aditionem hæreditatis non amplius dicuntur res paternæ, sed proprium patrimonium ipsius fratris. *Schneid. n. 27.*

A parte Rei requiritur. I. Ut rem hæreditariam possideat sine titulo, vel dolo possidere desierit. *arg. l. 1. ff. de acquir. vel amitt. poss.* II. Ut res sint corporales; pro incorporalibus enim hoc interdictum non datur, *l. 2. ff. de R. V.* III. Ut res, quæ per hoc interdictum petuntur, fuerint in bonis ipsius defuncti. Sive per eum tempore fuerint possessæ, sive non, *l. 1. ff. h. t. res enim in bonis esse dicitur, quoties, eam possidentes, exceptionem amittentes, actionem habemus, l. 52. ff. de A. R. D.*

*Dices:* Hæredi competit petitio hæ-  
reditatis; ergò interdicto, quorum ho-  
norum, opus non habet. **34** *Commo-*  
dius esse hæredi, hoc interdictum in-  
tentare, quam petitionem hereditatis;  
hanc enim, qui movet, plenè & liqui-  
dè probare debet, se esse hæredem, &  
bona, quæ petuntur, fuisse hæredita-  
ria, vel saltem possessa, & detenta à de-



defuncto. Sed in interdicto, quorum bonorum, cum sit modici præjudicii, sufficit summaria probatio; quæ semiplenè, vel præsumptivè concludat, *Schneid. n. 45.* Deinde, petitio hæreditatis tendit non ad possessionem tantum, sed etiam, ut Jus declaretur, ac dominium; quamvis convenient quòd utrumque Judicium sit universale. *Schamb. hic.* Interdicto, quorum bonorum, affine est remedium ex, *l. fin. Cod. d. edict. D. Hadrian. tollend.*

- 35 quo hæres, testamento scriptus, illud, nullo visibili signo laborans, producens; & missionem postulans in possessionem omnium rerum hæreditariorum, quæ tempore mortis testatoris fuerunt, mittitur à Judice, summam causam cognoscente, *d. l. fin.* Differt tamen hoc interdictum à remedio, *d. l. fin.*, quòd in interdicto opus sit probatione summaria, semiplenà ac præsumptiva. In remedio autem, *d. l. fin.* nihil requiratur, nisi testamentum primà figurà, nullo laborans vitio. *Struv. ad ff. lib. 43. tit. 2. Exercit. 45. ib. 19. Zoef. ff. quorum bonorum. n. 6.*

#### DE INTERDICTO, QUORUM LEGATORUM.

- 36 Casus: Testator in testamento suo varia legata fecit; legatarii res legatas, citra hæredis voluntatem, proprià authoritate occupant. Hæres ex postfacto dubitat, num salvam habeat. Falcidiam? & ea propter, ut calculum conficeret, petit, sibi res legatas, & à legatariis proprià authoritate occupatas, restitui; legatarii id detrectant.
- 37 *Questionis* est, qualiter hæredi consultum sit? *R.* Per interdictum, quorum bonorum, quod *Definitur*, quod sit interdictum, adipiscendæ possessionis. quo agit hæres, post aditam hæ-

reditatem, contra legatarium, ut possessionem rei legatæ, quam non ex voluntate ejus, sed propria authoritate occupavit, restituat in majorem legis Falcidiæ authoritatem, *l. 1. §. 1. Et 2. ff. b. t. Struv. ad ff. lib. 43. tit. 3. ib. 24.*

*Cui Competat?* Cui, & adversus quem hoc interdictum competat, ex ipsa tradita definitione quisque possit conjicere; ubi tamen nihil interest, num de Jure prætorio, num de Jure Civili quis hæres sit? num ex testamento, num ab intestato, *l. 1. §. 2. Et 3. ff. juncta l. un. Cod. quorum legat.* semper enim militat eadem ratio; ut nimirum coerceatur legatariorum, suà manu, & proprià authoritate sibi ejus dicentium, audacia. *Harp. n. 68.*

*At, an contra tertium possessorem hoc interdictum competat?* Non una omnium est sententia. Dic, quòd interdictum, quorum legatorum sit actio in rem scripta, ita, ut adversus tertium quoque possessorem, qui causam habet à legatario, competat, *l. 1. §. 12. ff. quor. legat. l. 9. §. 8. l. 14. §. 2. ff. quod met. caus. Menoch. remed. 2. adipiscend. n. 27. Bacov. ad Treutl. hic. ib. 2. lit. A.*

*Dices I.* Dolo quis petit, quod mox restitutus est, *l. 137. n. dolo ff. de R. J.* quomodo ergo poterit hæres rem legatam à legatario repetere; cum tamen ea mox teneatur restituere? *R.* Dictam regulam fallere quando interest actoris, rem sibi restitui, uti in nostro casu interest hæredis, ut res ablata ei restituatur propter Falcidiam, quam hæres volebat deducere, & deducere non poterat, cum totum legatum à legatario esset occupatum. *Schneid. num. 5.*

*Dices II.* Nunquid legatarius, rem legatam proprià authoritate occupans,

amittit ejus dominium? *arg. l. 7. Cod. Unde vi.* Ubi dicitur, quod occupans rem alienam, in quam sibi quis jus (ait) competere, perdit omne jus suum, & occupans rem propriam, apud alium constitutam, privetur ejus dominio. *R.* Legatarium, occupando rem legatam propriam auctoritate domus ejus non amittere. Ratio, quia, *cit. l. 7.* loquitur de eo casu, quo quis occupat rem alienam, aut propriam hereditatem, penes alium tamen constitutam, ita, ut possessionem apprehendat. In nostro autem casu, ante aditam hereditatem legatum est in nullius possessione; hereditas enim jacere dicitur, nemini igitur possessionem auferre censetur, & ea propter mitius tractatur. *Schneid. loc. cit.* Quod si, post aditam hereditatem, legatum occupaverit legatarius, cadit jure legati. *d. l. 8. § l. 13. ff. quod met. caus. Schneid. d. lo.*

#### DE INTERDICTO SALVIANO.

39 Casus. Ego locavi Titio meam domum, in quam varias res intulit (quas diximus, *tit. 6. de act. n. 72.* pro pensione annua locatori tacite esse obligatas) Titius, non soluta mercede annua, res suas incipit paulatim exportare, clam vendere, donare, & distrahere, ita, ut nihil amplius habere incipiat, unde mercedem solvat. *Quaestio est,* quomodo mihi consultum sit? *R.* quod mihi hoc in passu competere actio Serviana, per quam advocare possim à quocunque possessore res, tacito nexu pignoris mihi obligatas, prout latè diximus, *tit. 6. de Action. n. 67. § seqq.* Vetum, cum actio Serviana sit judicii petitorii, & actorem gravet onere probandi, rem in bonis conductoris fuisse, ideo actori

datur interdictum Salvianum, quod intentare est longè confutius, siquidem in eo actor aliud nihil probare debet, nisi, quod res illatae, & inventae sint in praedium conductum, non attento, num interentis fuerint, nec ne. *Manz. n. 9. § 10. Schneid. n. 3.*

*Definitur* interdictum Salvianum, quod sit, adipiscendae possessionis, quod competit locatori, pro adipiscenda possessione bonorum, à conductione in praedium conductum illatorum, & invectorum, nec non propensione, deterioratione rei locatae obligatorum. *Schneid. n. 4.*

Cui, & adversus quem competat interdictum Salvianum? vehementer variant DD. dic breviter, quod datur omnibus, & contra omnes, quibus, & contra quos datur actio Serviana, de qua vide, *tit. 6. §. 7. sup. de actio.*

*Dubitatur:* an contra extraneum datur? Res dubia redditur per duos textus, qui prima fronte inter se collidi videntur. Quos ut in concordiam reducas; dic, praefatum interdictum duplex esse, *directum*, & *utile*. Illud solummodo competit contra conductorem, *l. 1. vers. tantummodo Cod. de precar. § Salv. interd.* Hoc contra extraneos etiam competit, *l. 1. §. 1. ff. Salv. interd. Zoes. ff. eod. Schneid. hic. Fach. l. 8. cont. 92. Hunn. ad Trentl. vol. 2. disp. 25. th. 2. q. 30.*

*Ad quid competat?* Datur duntaxat ad hoc, ut locator adipiscatur possessionem earum rerum, quae expressè, vel tacite actori obligatae sunt, siue debitor eos possideat, siue ad alios transulerit. *Schneid. § Hamp. hic.*

Porro, an ceteris creditoribus, habentibus expressam hypothecam, interdictum quasi Salvianum competat? in varias opiniones abeunt DD. Sunt, qui

qui doceant, quod sic, ex ratione; quia (inquiunt) cui competit actio Serviana, vel quasi Serviana, ei datur interdictum Salvianum vel quasi tale; ergo, cum quasi Serviana alias creditoribus pro expressâ hypothecâ competat, dicendum utique erit, quasi Salvianum ipsis interdictum competere. Ita *Wesenb. in paratit. de Salv. interd. n. 3*

Verum, negativa longè est veritati propior ex hac sola; & solida ratione; quia nullus *textus* in jure est reperibilis, qui creditoribus, expressam hypothecam habentibus, quasi Salvianum interdictum præbeat. *Menoch. adipis. remed. d. n. 21. Harp. n. 57.*

Ad rationem dubitandi R. Verum quidem esse, quod, cui competit Serviana, ei competat Salvianum interdictum. At hoc falsum est, quod, cui competit quasi Serviana, ei competat quasi Salvianum: illud enim legibus firmatur, hoc non etiam.

#### §. RETINENDÆ. 4.

Absolvimus interdicta, adipiscendæ possessionis: recto ordine subjiciuntur interdicta retinendæ possessionis, quibus ad hoc agimus, ut possessionem, quam semel adepti sumus, si fortè in illa turbemur, retineamus. Hujus generis hic duo proponuntur, puta, *uti possidetis*. & *utrobi*.

- 44 *Casus interdicti, uti possidetis.* Titius possidet aliquam dynastiam, in qua cum fructus vellet colligere, uvas præcidere, feras venari, decimas percipere, semper impeditur, vel turbatur à Cajō, quo minus quietè uti possit suâ possessione. Quæstionis est, quomodo Titio contra Cajum de jure prospectum, & consultum sit? R. Titio consultum esse per interdictum *uti possidetis*. *Kees ad Institut.*

*detis*, quo possessor agit contra turbantem. I. ad hoc, ut possessionem quietam retineat. II. ut reus in futurum non turbet. III. cautionem præstet de amplius non turbando, & IV. interesse præteritæurbationis præstet, fructusque perceptos restituat. Quæ verba in decursu exactius rimabimur. Hic autem divisionem interdicti, uti possidetis, juvat inferuisse.

Itaque *Dividitur I. in directum, & 45 utile.* Illud est, quod pro possessione rerum corporalium competit, hæ enim, propriè possideri, dicuntur, l. 3. ff. de acq. poss. hoc est, quod pro tuenda, quasi possessione rerum, & Jurium incorporalium datur, l. 1. §. 1. fin. ff. eod. *Schneid. n. 3. Bartol. in d. l. 2. num. 5. Fünsterwald. lib. I. ob. 11. mun. 14.*

*Dividitur II. In ordinarium, & ex- 46 traordinarium seu summarium.* Ordinarium illud dicitur, in quo, servatō Juris ordine, proceditur, & principaliter atque absolute de possessione Partium disceptatur, plenæque probationes admittuntur. Summarium, sive extraordinarium illud appellatur, in quo, nullo servatō Juris ordine, tempestivè, & summarie proceditur, ne lite, dico, pendente partes ad arma veniant. Vocatur etiam momentaneum; 47 quia sententia, in eo lata, non perpetuum, sed momentaneum, & ad tempus præjudicium affert, idque reparabile, quod in possessorio ordinario reparari possit; & interim, aut fiduciaria, aut depositaria possessio, aut provisionale remedium vocatur in quo probationes imperfectæ, & semiplenæ (quia modici præjudicii est) recipiuntur. *Gail. 1. obs. 7, per totam, Suttin- ger. obs. 3. ubi varios casus recenset, in quibus solet summarie procedi. Vide etiam, Struv. Exercit. 45. th. 172. lit. Q.*

X x x x

Cui

48 *Cui competat?* Quandoquidem interdictum, uti possidetis, pro retinenda possessione datur, ideo, præsupponitur, illud possessori tantum dari: sed, cum diversæ sint species possessorum, ideo datur I. Possidenti civiliter tantum, si in sua possessione turbatur. *Gloss. in l. ult. ff. uti possidetis.* Sic proprietarius dominus emphyteutikos, dominus feudi, & is, cujus bona in ipsius absentia sunt occupata, non dicuntur naturaliter possidere; sed tantum civiliter; eo videlicet, quia istum conatum animi in mente retinent, ut possessionem naturalem aliquando recuperent. Quod si tamen in hac civili possessione turbentur, succurritur iis per hoc interdictum. *Schneid. n. 14. Harp. n. 4.* Fac etiam, quod locator ædes suas reparare velit, & conductor ipsum impediatur, hoc quoque interdictum locum habebit. *Exercit. 45. tb. 118. lit. E.*

*Datur II.* Naturaliter possidenti tantum, v. g. Vassallo, Emphyteutæ, Usufructuario. Ratio; quia his datur interdictum, unde vi, ad recuperandam possessionem amissam, *l. si plures 2. §. 9. ff. uti possidet.* ergo multo magis competet iis hoc interdictum: uti possidetis, cui enim damus impugnationem, multo fortius dabimus defensionem, ut ait *Azor in summar. Cod. eod. tit. n. 6. Schneid. loc. cit. num. 15.*

*Datur III.* Possidenti naturaliter, & civiliter simul, ex ratione evidenti, si enim hoc interdicto experiri ille potest, qui unam duntaxat speciem possessionis habet; cur id non possit ille, qui plenè possessioni innititur, *l. 1. §. 1. ff. uti possidet,* ubi possessori absolute hoc interdictum datur, sed possessor (absolute loquendo) intelligitur esse ille, qui est possessor plenus

utrâque simul possessione munitus; ergo possidenti utrâque possessione hoc interdictum, vel maxime competit. *Bartol. in d. l. 1. n. 1. scilicet in §. 4. Inst. hic.* Illud non refert iuste, an iniuste quis possideat. Ratio, quia illius tertii turbantis nihil interest, & possidens, eo ipso, quod possideat, plus Juris habet, quam ille, qui non possidet, *l. 2. ff. uti possidet.* adeoque, quoad tertium justam possessionem habere dicitur. *Gloss. d. l. 2. eique vulgatum illud objicere poterit: quoad te liberas ædes habeo. Harp. num. 5. Schneid. n. 37.*

Quod tamen verum est, nisi injustam possessionem ab illo habeat, contra quem hoc interdicto vult experiri; nam, si à tali possideat vi, clam, vel precario, hoc interdicto destituitur per *text. apert. l. 1. §. ult. ff. §. l. 2. ff. uti possidet. Harp. & Schneid. loc. cit.*

Q. An interdictum modo Detentori detur, v. g. Commodatario, Depositario, Conductori, Colono? &c. *Affirmativa* his fundamentis nititur I. *l. 1. §. quod autem 33. ff. de vi, & vi armat.* Ubi interdictum unde vi datur pro rebus depositis, commodatis, pignoratis, & in quarum possessionem custodiæ causâ, missio facta est; & tamen depositarius, commodatarius, &c. detinere dicuntur; ergo si his datur interdictum, unde vi, dabitur quoque interdictum, uti possidetis.

II. *l. 1. §. fin. & l. 2. ff. uti possidet.* ubi violento possessori hoc interdictum datur; ergo multo magis detinenti legitime, cum legitimo detentori Jura plus faveant, quam violento possessori, *l. 4. ff. quod vi aut clam.*

III. per, *l. 1. §. si tibi 11. ff. de liti. actiue privat.* ubi ei, qui usus est



est tantum servitute aliqua, puta, colono, datur interdictum de itinere actuque privato; ergo etiam dabitur interdictum uti possidetis, cum aliunde magnam habeant similitudinem.

Verum his non obstantibus sententia negativa communior est, & probabilior, eamque suo patrocinio dignantur, *Hunn. vol. 2. disp. 23. q. 39. Bach. ibidem lit. d. &c. Harp. num. 6. hic. Schneid. n. 33.* Probat per *text. evident. l. si duo 3. §. creditores 8. ff. uti posside* ubi creditoribus in possessionem rei servandæ causâ missis non conceditur hoc interdictum, uti possidetis: atqui certum est ejusmodi creditores bona debitoris destinare; ergo detentoribus, qui non possident, hoc interdictum non dabitur. Deinde facit ratio conspicua; quia interdictum, uti possidetis, præsupponit possessionem, at verò detentio nuda non est possessio, licet quidem possessio detentio sit, sed non omnis detentio est possessio, *l. 9. ff. d. R. V.*

Non obstat primum, quoniam ibi principaliter pro recuperanda possessione rerum immobilium interdictum unde vi proponebatur, ac in consequentiam, & accessorie in eo res dispositæ, commodatæ veniebant. *Schneid. loc. cit.* Fac enim quemque à possessione rei immobilis per vim dejectum, & simul per talem dejectionem ablatam esse, vel corruptam rem depositam, vel commodatam. Hoc in casu intentatur principaliter interdictum, uti possidetis, ad hoc, ut in possessionem restituatur; principaliter verò, & in consequentiam etiam petitur restitutio, aut reparatio rei depositæ. *Harp. numer. 10.*

Non adversatur secundum; etenim violentus possessor, tametsi injustè possideat, verè tamen possidet, non deti-

net, ut adeò Prætor detentorem tueri in possessione non possit, cum nullam habeat. *Schneid. loc. cit.*

Non denique refragatur tertium; nam huic satisfacit, *Harp. n. 21. reponendo ex l. 3. vers. dare ff. de usufr.* ubi expressum est usum in corporalibus pro traditione haberi, & quasi possessionem inducere: quod si ita sit, sequitur suâ sponte, *in cit. l. 1. §. si tibi 11.* interdictum non ei dari, qui nudus est detentor, sed quasi possessori; quoniam illa usus eum quasi possorem constituit aliter. *Hunn. loc. cit.* Sanè quamvis nudi detentores remedio interdicti uti possidetis destituantur, possunt tamen aliis remediis ita, puta, actione in factum, actione injuriarum, vel actione cassâ, vel officio Judicis, vel interdicto, ne vis fiat ei, qui in possessionem missus est &c. *Schneid. loc. cit. num. 33.*

Contra quem detur? Datur hoc interdictum uti possidetis, contra eum, qui alium in possessione quovis modo turbat, possessionisve controversiam facit. Nec refert in possessione naturali tantum, vel civili simul, vel etiam in quasi possessione Jurium incorporalium, v. g. servitutum, Jurisdictionis &c. quis turbetur, *l. fin. §. uti possid.* Datur etiam hoc interdictum saltem utice adversus eum, cujus jussu vel mandato turbatio facta est, *l. 5. §. 8. & l. 11. §. 6. ff. quod vi aut clam. Harp. num. 23.*

Pro quibus rebus competat? Habet locum isthoc interdictum non tantum in rebus corporalibus immobilibus, sed etiam in incorporalibus, veluti Juribus, & servitutibus. Sic si turbor in servitute altius tollendi, in Jure decimandi, vestigalia recipiendi, aut in Jure eligendi &c, non est dubium, quòd utile saltem hoc interdictum.

contra turbantem intentare possum. *Schneid. n. 7. & 8.*

Non obstat, quod interdictum uti possidetis, detur pro tuenda possessione; possessio autem in res incorporales non cadat, *l. 3. ff. de acquir. poss.* licet enim in res incorporales non cadat vera possessio, cadit tamen quasi possessio, *l. 10. ff. si servit. vind.* ut propter hanc quasi possessionem utile hoc interdictum pro rebus incorporalibus applicetur, *l. fin. ff. de servit.* Minus adversatur, quod de servitutibus propria interdicta constituta sint, veluti de itinere, actuque privato, de aquæ ductu, de fonte, de rivis, de cloacis, siquidem in Jure non infrequens est, de eadem re plures dari actiones. Si pro commodato rei vindicatio, & actio commodati datur. Deinde licet aliquæ servitutes suas proprias actiones habeant, non tamen sequitur, de nulla rei incorporali hoc interdictum dari.

**§1** *Quæ requirantur, ut hoc interdictum competat?* Ex dictis haud difficile est adornare hujus interdicti *requisita* I. enim à parte actoris desideratur possessio de præsentis. Unde etiam interdictum retinendæ possessionis dicitur, ut quis retineat possessionem quietam. Et si hoc interdictum possessorium contrariam naturam habet cum petitorio, sive rei vindicatione, utpote quæ non competit habenti possessionem, seu contra possidentem datur, *l. un. Cod. de alien. jud. mut. causa facta.* Ex his inferitur, quod laico dicenti se possidere res sacras vel religiosas hoc interdictum non detur; quia tales res à laico possideri non possunt, *l. 30. §. 1. ff. de acq. vel amitt. poss.* II. Requiritur ex parte actoris, ut non habeat possessionem vi, clam, vel precario ab ipso reo, contra quem hoc interdictum

intentat. Secus est, si actor ab alio possessionem habeat vi, clam, aut precario. Hoc enim casu reus non poterit excipere de Jure tertii, *l. 1. fines ff. uti possid.* & poterit actor replicare, dicendo: quoad te liberas ædes habeo, *lib. 4. §. 4. si servit. vind.*

A parte rei requiritur *Turbatio*; turbare autem dicitur aliquis multiplici modo, puta, si quis non sinit possessorem eo modo possidere, quo possidet, sed ipsum impedit vel fodiendò, vel arandò, vel ædificandò, vel eundò, vel alio denique modo, quorum 28. enumerat. *Humm. ad Treutl. vol. 3. disp. 24. Q. 41.* quos omnes in medium ponere longum foret. Tu regulam cape, quod toties quis dicatur turbari in possessione, vel quasi, quotiescunque impeditur aliquis actus, per quem actum probatur possessio, vel quasi, *Schneid. num. 40.*

*Quid actor probare teneatur?* In hoc **§2** interdicto uti possidetis tenetur actor duo probare, puta, possessionem tempore litis contestatæ ex parte sui, & turbationem ex parte rei, *text. hic.* tertium autem requisitum, quod non vi, clam, vel precario rem à reo possideat, præsumitur, ita ut reus hæc proponens probare teneatur, cum reus in exceptione fiat actor, *l. 1. ff. de except. Schneid. n. 44.*

*Q. qualiter possessio probetur?* **§3** ex eo quod quis perceperit fructus de illo fundo; ex fructuum enim perceptione probari possessionem, statuit, *l. Pomponius. ff. quib. mod. usufr. amitt.* Secundò, si quis probet, arasse, seminasse, vel agrum coluisse, *Gloss. in l. 3. Cod. fin. regund.* III si quis probet recepisse pensionem propter fundum, vel domum, *l. 77. ff. de R. V.*

IV. Probatur etiam possessio ex solutione, & exactione collectæ, quod vide-

videlicet Jus competat. V. Denique, possessio rei corporalis probatur per actualem insistentiam rei, habitationem, deambulationem &c. & tales plures modos: quibus possessio probatur, recenset. *Menoch. remed. 3. de retinend. poss. n. 561. & Schneid. n. 56. & seqq.*

Dixi possessionem 'tempore litis contestatae, ubi tamen communiter obtinet, sufficere etiam, si actor probet, se possedisse rem immobilem modico tempore, ante litem contestatam, allegando se adhuc possidere; licet enim tunc testes de possessione praesentis temporis nihil deponant, tamen obtinebit actor, quia possessio semel apprehensa solo etiam animo retinetur, §. possidere 5. b. t. unde & continuata praesumitur, l. 6. Cod. de probat. ita, ut reo dicenti actorem amisisse possessionem, incumbat onus probandi. *Hosiens. in cap. cum ad sedem 15. de rest. spol.*

54 Ad quid competat interdictum, uti possidetis? R. Ad quatuor competere. I. ut cesset à turbatione praesentis. II. ut in futurum non turbet. III. ut caveat de non turbando, licet dissent. *Hunn. ad Treut. vol. post. disp. 25. q. 42.* IV. ut praestet id, quod possessoris interest turbatam possessionem non fuisse, adeoque ut damna illata, & fructus, si aliquos perceperit, restituat. *Schneid. num. 69.* Porro quomodo libellus in hoc interdicto formari debeat, praxis dabit.

Quid Judici in interdicto, uti possidetis faciendum? Certum est, & indubitatum, si reus non contendat se possidere, vel contendat se possidere, sed possessionem probare non possit, quod tunc reus ad praedicta quatuor condemnari debeat. Verum, cum nonnunquam contingat, ut uterque se

possidere dicat. Quo in casu tredecim casus invicem distinguit. *Hunn. loc. cit. q. 43. Schneid. verò n. 82. ad 8.* casus reducit. Utriusque doctrina compendio traditur ab *Harp. n. 37. & Gail. de pignorat. obs. 22. n. 8.* ubi dicit, quod hodie Judex pro illo sententiam secundam ferre debeat, qui antiquiorem possessionem edocuit, aut qui dominium, praescriptionem, justiorumque proprietatis titulum probavit. Horum ad doctrinam si fortè nasum contrahas, consule, per me licet, praedictos autores. *Hunn. & Schneid.*

### DE INTERDICTO UTRUBI.

Hoc interdictum utrubi compositum est ab utrum, & ubi, id est, apud quem; quasi diceret Praetor, apud quem est res mobiles, apud eum sit & remaneat. Dico *res mobilis*, quia ultima inter interdictum uti possidetis, & utrubi haec ponitur differentia, quod illud pro rebus immobilibus; hoc verò pro rebus solum mobilibus competat. Ut adeò in ceteris hodie ista duo interdicta, quoad omnia, & per omnia exaequata sint, & quidquid de uno disponitur, etiam de altero dispositum censeatur, l. un. ff. utrubi. Hinc ex utroque hoc interdicto victoriam hodie reportat, qui tempore litis contestatae se possidere probat, §. Retinenda. 4. Inst. b. t. quamvis olim in interdicto utrubi is victor extiterit, qui majori anni parte scilicet 7. mensibus se possedisse edocuit.

Competit interdictum utrubi in duobus praecipue casibus. I. Quando quis patitur inquietationem in possessione rei mobilis ab eo, qui tamen se possidere non contendit. II. quando duo ejusdem rei mobilis possessio-

nem prætendunt, quod fieri potest, quando ego verà possessione frui, me assero, tu verò objicias, me à te habere nudam detentionem ex causa v. g. depositi, commodati, &c. quibus casibus non transfertur possessio, *l. rei commodatæ 8. ff. commodati*. Priusquam ergò discutatur, & doceatur, ex qua causa rem habeam, dubium est, quisnam ex nobis possideat, & idèò, donec, constet, ex qua causa ego possideam, utrique datur hoc interdictum. Ille tamen reportabit victoriam, qui se vera frui possessione probaverit. Ita, *Schneid. hic. n. 2. § 3.*

#### §. POSSIDERE §.

Esto, alii circa explicationem hujus §. perbreves sint, ipsam fortè Imperatoris methodum secuti: mihi tamen prolixius excurrere, operæ pretium visum est, præcipuè quòd propria hic sedes sit possessionum. Itaque,

Possessio à pedibus appellata est, quasi pedum positio, *l. 1. ff. de acq. vel amitt. poss.* Ratio hujus etymologiæ ex ipsa rei origine desumpta est; homines enim à principio omnia pedibus acquirere cæperunt; juxta illud; quidquid per tuos calcaverit, tuum esto, *Jafon. in d. l. 1.*

Definitiones possessionis tot ferè occurrunt, quot capita, ita ut illud Glossa in *l. 38. ff. de V. O.* verificari videatur, nimirum peritissimos nescivisse definire possessionem. Cardo difficultatis in eo rotatur, num adæquatum possessionis genus constituat *detentio*, num *jus*? sunt enim; qui definiant possessionem, quòd sit, *jus insistenti rei corporali, non prohibita possideri*. Ita *Schneid. n. 7. hic. Bachov. ad Treutl. vol. 2. disp. 21. lit. E.*

57 Verum, quòd hæc definitio minùs

mihi arrideat, facit. I. Quia mulier rem à marito donatam verè possidet, *l. 1. §. si vir. ff. de acq. vel amitt. poss.* Item malæ fidei possessor verè possidet, *l. 5. ff. de usurp. & usucap.* & tamen nec mulier, nec malæ fidei possessor jus possidendi habent; siquidem contra Jura, & contra leges possident, *arg. l. 16. ff. de acq. vel amitt. poss. juncta l. 17. ff. eod.*

Facit II. Quòd reversi ab hoste Jure postliminii omnia jura recipiant, quæ per captivitatem amiserant, *§. 5. Instit. Quib. mod. patr. potest. sol.* & tamen neque possessionem, neque usucapionem cæptam recipiunt, sed coguntur ex integro adipisci possessionem; & hac adepta primùm incipit currere usucapio, nec vetus interrupta restituitur, *l. 10. ff. ex quib. caus. major.* ergò sequitur, quòd malè possessio dicatur jus esse.

Fac. III. Quòd hæres, quàm primum hæreditatem adiit, succedat in omne jus defuncti, *l. 37. ff. de acq. hered.* & tamen non succedit in possessionem defuncti, sed nova apprehensione opus est; ergò malè dicitur possessio, quòd sit jus.

Facit IV. Text. in *l. 19. ff. ex quib. caus. major.* ubi possessio dicitur plurimum facti habere. Item text. in *l. 1. §. 3. ff. de acq. vel amitt. poss.* ibi: *eam rem enim facti, non juris esse.* Denique text. in *l. 29. ff. eod.* ibi: *quod enim facti est, potest amittere.*

Sunt alii, qui possessionem definiant §8 quòd sit *detentio rei corporalis, animò; & affectione domini*, ita *Hunn. ad Treut. vol. post. disp. 21. th. 1. lit. a. Arumæ. disp. 20. th. 6. Donel. §. Comment. cap. 6. in l. 9. Cod. de Reb. cred.* Ast, quòd hæc definitio mihi videatur minùs accurata, Facit I. Quia prædo, quem ipsi adversarii possidere con-



concedunt, non potest habere animum dominii, nisi improbà, & injuriosà affectatione, cui non suffragandum. *Facit II.* Quod is. qui precariò rogavit, verè dicatur possidere, l. 2. §. si de precar. Item quod creditor dicatur possidere pignus, l. 47. ff. de acq. vel amitt. poss. Denique quod sequester, si ita convenerit, possideat, l. 17. §. ff. deposito: & tamen omnes isti animum dominii tam parum habent, quàm ego recedendi unquam à via justì, & æqui. *Facit III.* Quod in l. 13. §. 1. ff. de Publ. act. & l. 32. §. 1. ff. de noxal. act. ait: Item in l. 7. §. 4. ff. communi divid. expressè duæ species possessionis constituentur. Una, quæ sit cum animo dominii: altera quæ tali animo destituta est. Jam ain, quæso, quâ fronte, & quo vultu affirmare audeas, præfiguratam definitionem dici posse genericam, utpote in qua jam devenitur ad specificam, puta, civilem possessionem.

Sunt alii, qui definiant possessionem, quod sit, rei corporalis detentio, corporis & animi, jurisque adminiculatio. Sed nec ista mihi placet definitio, tametsi illam amplectatur. *Hauhold. de J. & J. tom 1. fol. 256. n. 203. & S hamb. Inst. hic. Brunnem. in d. l. 1. ff. de acq. vel amitt. poss.*

Ego existimo possessionem optimè posse sic describi, quod sit detentio rei corporalis, cum affectione eandem sibi habendi. ita colligitur ex l. 2. §. 20. ff. de acq. vel amitt. poss. clariss. D. P. König. ad Decret. de causa poss. n. 1. *Struv. cum addition. Mülleri exercit. 41. tb. 3.*

Dixi I. Detentio: qualis non tantum illa intelligitur, quæ actualis est, quasi nullus diceretur possidere, nisi, qui actualiter rei insistit: verum etiam illa detentio hic intelligitur, quæ est

habitualis, ita. ut ille etiam possidere dicatur, qui actu rei non quidem insistit, ei tamen quodcumque voluerit, insistere possit, quo sensu etiam peregrè profectus, item, qui per alium possidere dicitur. *Struv. loc. cit.*

*Objicies*, in l. 41. & 49. ff. de acq. vel amitt. poss. Possessio expressè juris esse dicitur, ergò malè definitur, quod sit detentio. R. Verum quidem esse, possessionem habere aliquid juris, verum hoc est merum accidentale, & ratione effectus, detentione coherentis, quod possessionis essentiam non ingreditur, sed est prorsus extrinsecum. Vel dic, quod possessio eatenus juris esse dicatur, quatenus operatur certos effectus juris, de quibus in principio hujus tituli diximus. Quatenus verò pro actu detentionis sumitur, ficti est. *Struv. & Clariss. D. P. König. loc. cit.*

Dixi II. rei corporalis, ut indicetur, quod detur duplex possessio, propria, seu vera; & impropria, seu quasi possessio. Propria seu vera possessio est rerum corporalium, l. 3. ff. de acq. vel amitt. poss. Impropria, seu quasi possessio est rerum incorporalium, puta, beneficii, juris eligendi, decimandi, piscandi, servitutum, cap. 3. de causa poss. & propriet. l. 3. §. pen. ff. de vi. & vi armat. *Zoef. loc. cit.*

Dixi III. Cum affectione eandem sibi habendi, ut excludatur nuda detentio rei alienæ, quæ vulgò possessio asinina, ab Italis verò nuda tenuta: in jure nostro autem quandoque possessio naturalis improprie vocatur, l. 5. §. 11. ff. commun. div. & l. 2. §. 1. ff. pro hered. & nihil aliud est, quàm nuda insistencia cum animo rem, vel custodiendi, vel conservandi, vel detinendi, vel eà utendi, fruendi. Detinet autem animò custodiendi depositarius

rem

rem depositam, l. 1. ff. *depositi*. Animo conservandi, qui legatorum conservandorum causâ in possessionem missus est, l. 9. ff. *de R. V.* animo detentandi servus, l. 24. l. 49. §. 1. ff. *de acq. vel amitt. poss.* l. 38. §. 7. §. 8. ff. *de V. O.* animo utendi commodatarius, l. 1. §. 1. l. 5. §. si duobus ff. *commodati*. & usufructuarius, l. 2. ff. *de usu* §. *habit.* animo utendi fruendi conductor, d. l. 5. §. si duobus, usufructuarius, l. 1. l. 60. §. 1. ff. *de usufr.* ita, ut omnes isti non tam possidere, quam in possessione esse, & nudam tenutam habere dicuntur, l. 10. §. 1. ff. *de acq. vel amitt. poss.* & ii; quorum nomine possident, possidere dicuntur, l. 18. ff. *d. t.* Unde suâ sponte fuit, quod non istis detentoribus, sed illis, quorum nomine possident, interdicta competant, l. 1. §. 22. ff. *de vi* §. *vi armat.* l. 3. §. 8. *uti possid.* excepto usufructuario, per l. 4. ff. *d. t.* Clariff. D. P. König. loc. cit. Harp. *Inst. hic.* Pulchrè Struv. loc. cit. *exercit.* 42. th. 7. lit. y. ibi: *Nota verò.*

62 Dices: usufructuarius naturaliter possidet, l. *naturaliter* 12. §. l. 49. ff. *de acq. vel amitt. poss.* ergo falsum est, quod nudam tantum tenutam habeat. R. I. Quod aliquando detentio, & naturalis possessio in jure confundantur. R. II, Usufructuarium possidere quidem naturaliter, non tamen animo rem, seu corpus sibi habendi; sed usum rei; ita ut sensus sit iste: usufructuarius possidet naturaliter ipsum jus, & facultatem utendi, non verò ipsam rem in usumfructum concessam, hanc enim non sibi, sed domino possidet. *Brunneml in d. l. 12. Struv. l. cit. th. 7. lit. y.* Hinc etiam paulò antè dixi, quod usufructuario competat interdictum retinendæ possessionis, hoc est, si tuetur in usu

rei, respectu cuius usus habet naturalem possessionem. Sanè si præfati detentores domino possessionem interverterint, hoc est, ipsum vel alium ab eo missum in possessionem non admitterint, tunc incipiunt naturaliter possidere, animo scilicet rem sibi habendi; & consequenter, si ab aliis dejecti fuerint, interdictum unde vi ipsis competit, l. 12. l. 18. ff. *quod vi aut clam.* l. 3. §. 18. ff. *de acq. vel amitt. poss.* Harp. *Inst. hic.*

Dividitur possessio in naturalem § 63 civilem. Quæ divisio fundata est in l. 1. §. *dejicitur*, ff. *de vi arm.* l. 2. §. *quod vulgò* ff. *pro hered.* l. 3. §. *fin.* ff. *ad exhib.* Naturalis possessio est, quæ 64 quis rem tenet animo quidem eandem sibi habendi, sed absque jure, & opinione domini, l. 13. §. 1. ff. *de Publ. in rem act.* Taliter possidet. I. Creditor pignus conventionale, l. 7. §. 12. ff. *commun. div.* l. 49. ff. *de pig. act.* Zoef. ff. *de acq. vel amitt. poss.* n. 5.

Non obstat, l. 13. ff. *de usur.* § 65 *usucap.* Quia ibi creditor dicitur pro alieno possidere, ratione usucapionis, quod scilicet pignus non possit usucapere, cum naturalis possessio non proficit ad usucapionem, eò quod sit absque titulo domini, vel quasi. Et hinc civilis possessio est penes debitorem, qui pignus dedit, naturalis verò apud creditorem, l. 16. ff. *eod.*

II. Naturaliter tantum possidet vassallus rem feudalem, tit. 23. §. 26. *Feud.* 1. tit. 8. §. *fin.* *Feud.* 2.

III. Emphyteuta rem emphyteuticam, l. 15. §. 1. ff. *qui satisdare cog.* Quæ ipsa naturalis possessio etiam aliquid civilitatis continet, cum respectu ipsius rei, quæ possidetur, naturalis sit, respectu verò juris illius, quod emphyteuta in rem emphyteuticam habet, civili quoque possessio concurrat, ita,

ita, ut emphyteuta jus illud tam naturaliter, quam civiliter possidere dicatur. Illo modo per actus naturales, quos exercet colendo fundum, colligendo fructus &c. Hoc modo retinendo possessionem istius juris in animo, si de fundo recedat, quæ tantæ efficacæ est, ut usufructus ab alio extraneo in absentia ejus occupatus, non possit ab eodem contra absentem præscribi, *l. 23. §. 2. ff. ex quib. caus. major.*

Neque propterea dici potest, quòd duo possideant eandem rem civiliter simul, & in solidum: nam emphyteuta ipsam rem civiliter non possidet, sed naturaliter: respectu vero juris in re, etiam civilis intervenit. Ita *Struv. loc. cit. ib. 17. lit. y. Schneid. numer. 43.*

IV. Naturaliter possidet superficialiter superficiem, utpote, qui interdicto de superficiebus defenditur, *l. 1. §. 1. & 2. ff. de superficieb. Zoef. ibid.*

V. Naturaliter possidet sequester rem sequestratam, Quod ipsum tamen tunc demum procedit, quando partes expressè & nominatim sequestro possessionem cesserunt, *l. 17. §. 1. ff. deposit. l. 39. ff. de acq. vel amitt. poss.* secus enim sequester est tantum nudus detentor, *d. l. 39.*

IV. Naturaliter possidet, qui precario rogavit, ut sibi possidere liceat, *l. 15. §. 4. ff. de precario.* Dixi, qui precario rogavit, ut sibi possidere liceat. Ille enim, qui precario rogavit, ut sibi morari in fundo liceat, naturaliter non possidet, *l. 6. §. 2. ff. d. t.*

VII. Tandem naturaliter omnes illi possidere dicuntur, qui sibi & suo nomine possident, sive titulum & bonam fidem habeant, sive non habeant. Quò spectant feres, prædones, & similes injusti & malæ fidei possesores, *l. 5.*

*Rees ad Institut.*

*§ l. 6. ff. de acq. vel amitt. poss. clariss. D. P. Konig. loc. cit. & Struv.* Possessio civilis est, quæ quis rem detinet animo & opinione domini, hoc est, rem sibi, ut suam habendi, *l. 6. §. 1. ff. de acq. vel amitt. poss.* Taliter possident ipsi rerum domini, *l. 1. §. 2. ff. uti possid. l. 2. ff. pro suo.* Item bonæ fidei possesores, hoc est, qui ex justa causa rem acceperunt, non aliud scientes, quam se esse dominos. In summa civiliter possidere dicuntur omnes, qui usucapiunt, *l. 10 §. fin. ff. de acq. vel amitt. poss. Zoef. ff. ibid. numer. 4.*

Quomodo loquiratur possessio? Circa hanc questionem duo occurrunt examinando, puta, per quas personas acquiratur possessio, & quibus modis. Primum quod attinet, remissus esto *ad lib. 2. tit. 9.* Ad secundum statuenda est regula universalis: ad acquirendam possessionem requiritur corpus & animus simul, ita. ut neque solo animo, neque solo corpore possessio acquiri possit, *l. 3. §. 1. & 3. l. 8. ff. de acq. vel amitt. poss. l. 4. Cod. eod. Brunnem. ibid. & communiter omnes.* Corpus hic significat actum corporeum, ad animum accidentem, & sic nihil aliud, quam corporalem rei apprehensionem, *d. l. 3. §. 3.* Animus verò nihil aliud denotat, quam voluntatem, & affectionem possidendi, *l. 1. §. 3. ff. d. t. l. 2. §. 12. ff. pro emptore.* Corpus itaque & animus simul requiritur ad acquirendam possessionem. Corpus quidem idè; quia possessio, prout est in fieri, plurimum facti habet, & idè factum hominis; sive apprehensio necessaria est: ratio alia; quia non omnia, quæ spe & animo deprecamus, continuo possidemus; quid enim obsecro, fieret, si liceret veram possessionem inde asserere, quòd animo quis con-

Y y y y

con-

concepisset, rem tenere? quis contineret hanc concupiscentiam intra limitem necessarii usus? quis non diceret? ego concepì animo, talem rem habere? quando satiaretur hominum insatiabilis avaritia? *Animus* requiritur idè, quia debet accedere intentio, voluntas, & affectio rem aliquam possidendi, *l. 41. ff. de acq. vel amitt. poss.* actibus enim in cunctis sola dominatur voluntas. Dicta procedunt tam de naturali, quàm de civili possessione, ita, ut neutra sine corpore, & animo simul acquiratur, *d. l. 4. Cod. h. t.* Unde spontè propria sequitur, quòd licet corpore ingrediar fundum, etiam vacantem, sine animo occupandi, seu acquirendi possessionem, non tamen acquiram ejus possessionem, etiam naturalem tantum, ex ratione; quoniam deest animus, & intentio, quæ cum corpore concurrat, necesse est. Sic pariter, tametsi habeam animum possidendum fundum, etiam vacantem: sine actu tamen corporali etiam solam civilem possessionem non acquirò; quia, uti dictum, desideratur corpus. *Schneid. n. 66.*

69 Objicies I. Ex dictis sequitur, quòd sola civilis possessio; sine naturali nunquam possit acquiri, prout statuit *l. 3. §. Meratius 3. ff. de acq. vel amitt. poss.* his verbis: *solo animo non possè nos acquirere, si non antecedit naturalis possessio*: sed possessio civilis potest acquiri sine naturali; ergò prædicta non subsistunt. *Minor probatur*: proprietarius, & dominus feudi directus, qui civiliter tantum possident, utique possunt in alium solam civilem possessionem transferre, *l. 17. §. proprietarius, ff. de usufr.* Item Judex potest aliquem mittere in solam civilem possessionem; remanente naturali apud alium, *l. 5. Cod. ubi in rem act. exerc.*

ergo potest solo civilis Possessio absque naturali acquiri. Ut *Nodus* iste, qui non est gordius, solvatur dicendum est, ista duo: naturalem possessionem & actum aliquem corporalem diversa esse; potest enim actus corporalis, v. g. traditio, visus &c. intervenire, absque eo, quòd detur naturalis possessio, ac proinde, dum asserimus ad acquirendam possessionem desiderari animum & corpus simul, non intelligimus per corpus, naturalem possessionem, sed actum aliquem corporalem, v. g. visum, constitutum, traditionem clavium, vel instrumenti &c. unde patet solutio *ad cit. l. 3. §. Neratius 3. ff. de acq. vel amitt. poss.* ubi secundum Glossam naturalis possessio pro actu aliquo corporali accipienda est, *Schneid. loc. cit.*

Objicies II. Possessio civilis potest 70 acquiri sine animo, *arg. l. §. si nolit. 7 ff. de acq. vel amitt. poss.* ergò adhuc prædicta non subsistunt. Casus *d. l. §. si nolit. 7.* talis est. Titius ingressus est fundum absentis, & sic acquisivit possessionem naturalem. Absens domum reversus ex timore, ne repelleretur, possessionem fundi non intravit. Hoc in casu textus ait, quòd perdat civilem possessionem, quæ ita unitur cum naturali, ut naturalis trahat ad se civilem vacantem, etiam possessore ignorante; ita, ut is, qui prius habuit possessionem tantum naturalem, ignorans hoc est, *sine animo*, acquirat civilem. *R. Ex Schneid. loc. cit. n. 97.* quòd in casu legis ingrediens à principio habuerit animum omnem possessionem acquirendi, sed quia civilem non reperit vacantem, & quia duo in solidum ejusdem speciei possessionis possessores esse non possunt, idè acquisivit solummodo naturalem, quam cum obtinuerit, eo ipso etiam vi-



videtur affectasse civilem. Hinc cum animum mutasse non constet, creditur adhuc in priori voluntate acquirendi etiam possessionem civilem perdurasse, eò, quòd mutatio animi non præsumatur, *l. 3. ff. de probat. Schneid. num. 79.*

Objicies III. In multis textibus asseritur possessionem civilem etiam solo animo acquiri; ergò adhuc falsum est, ad acquirendam possessionem opus esse corpore, & animo, *Ant. patet ex l. 1. §. si iusserim 21. ff. de acq. vel. amitt. poss.* ubi dicitur, quòd solo aspectu res acquiratur, licet apprehensio non interveniat. Item in *l. 18. §. si venditorem 2. ff. eod.* ubi dicitur; quòd possessio acquiratur. exindè quòd quis rem in sua domo iusserit deponi: Item per solam demonstrationem; licet actualis, sive corporea apprehensio non intervenerit, ergò possessio civilis acquiritur solo animo. Priusquàm hoc dubium resolvam notandum est duplicem dari apprehensionem, unam veram, alteram fictam. Vera est quando res accipitur manibus, si sit corporea mobilis; aut intratur pedibus, si sit immobilis.

71 Et ista vera apprehensio necessaria est. Primò ad acquirendam possessionem rerum illarum, quæ domino carent, ut sunt *feræ, gemmae, & lapilli in litore maris, thesauri &c.* Hæc enim & id genus res non acquiruntur per solam visionem, sed per corpoream apprehensionem seu occupationem, prout, *lib. 2. tit. 2. diximus Clariss. P. König, ad Decretal. de caus. possessionis n. 25.*

II, Vera apprehensio requiritur in iis rebus, quas quis clam, aut vi possidere vult, v. g. depositarius depositum, quia rem-apprehendere & loco movere debet, *l. 3. §. si rem ff. de*

*acq. vel amitt. poss.* estque ratio; quoniam furtum sine contrectatione fieri non potest.

III. Hæc apprehensio desideratur ad acquirenda bona defuncti, quæ domino carent, à quò tradantur, *l. 23. ff. de acq. vel amitt. poss. cum hæredes instituti sumus, aditâ hæreditate omnia quidem Jura ad nos transeunt, possessio tamen, nisi naturaliter comprehensa, ad nos non pertinet.*

Nec contrariatur, *l. cum miles 30. ff. ex quib. caus. major.* ubi decernitur, possessionem defuncti, quasi junctam descendere ad hæredem: Nam ibi possessio pro usucapione sumitur, ut lex ipsa declarat, dum subicit possessionem etiam non aditâ hæreditate compleri & perfici, id est, usucapio, quæ inchoata est à defuncto, committatur, & transmittitur ipso Jure in hæredem sine ejus apprehensione.

Illud notandum: ad veram apprehensionem totius non semper opus esse, ut quis omnes ejus partes, puta omnes angulos domus aut agri circumambulet, sed satis esse intrare partem cum animo possidenti totum, *l. 3. §. 1. h. t.* Unde si quis comitatum, ducatum, castrum cum territorio, vel pertinentiis emerit, non est necesse, in quemlibet fundum castri, vel in quemlibet locum comitatus intrare, sed sufficit possessionem continentis apprehendere, qui enim possidet continens, censetur omne contentum possidere, *Schneid. num. 130.*

Apprehensio ficta est, quando intervenit alius actus, qui ex interpretatione Juris vim corporeæ apprehensionis habet.

Quo supposito R. ad tertiam objectionem, quòd in allegatis, & pluribus aliis ejusdem farinæ textibus

intelligi non potest, factum enim debet voluntas intelligi, l. 5. *Cod. de leg. Et subd. & incerta per mores cognoscimus ex co. res.* Secunda ratio; quia in Jure incorporabilibus scientia, & patientia adversarii, loco traditionis habetur, l. 20. ff. *de servit.* Illa autem scientia, & patientia dupliciter probatur, *verè Et præsumptivè.* Verè quando hoc denunciat adversario, puta quod *velit ire, agere, vehere Et c.* præsumptivè, quando tacè ivit, egit per fundum alterius, tunc enim dominus id scire præsumitur: ita tamen, ut in præsumptiva probatione prudens Judicis arbitrium plurimum facere debeat. *Schneid. n. 138.*

74 Q. Quot actus requirantur ad consequendam quasi possessionem Jurium incorporalium? R. Interesse, num sint tales actus, qui de facili ratione amicitiae, vel familiaritatis non solent concedi, veluti *aquam ducere, tignum immittere, exercere Jurisdictionem.* Et tunc per unicum actum inducitur quasi possessio, l. 1. §. 4. Et §. 22. ff. *de aqua quotid. Et aestiva.* Ratio: quia Jure suo, & cum patientia domini ea facere censetur. Num verò sint tales actus, qui solent concedi ex amicitia & gratia, sed raro & non ita frequenter, ut ire per fundum alterius, pomum decerpere, aucupium exercere, &c. & tunc ad acquisitionem possessionis plures actus requiruntur, ex quibus verisimiliter constare possit, utentem non ratione amicitiae sed jure suo illos actus exercuisse, l. 1. §. *hos interdicto ff. de itinere, actisque privato. Schmid. n. 127.* Num verò sint tales actus, qui frequenter, & communiter, alicui ex amicitia & benevolentia concedi solent, & tunc plures etiam non sufficiunt ad acquirendam quasi possessionem. Sic licet quis cen-

tias in Monasterio, ut hospes recipiatur, non tamen perinde consequitur, quod Jus visitandi acquirat; nisi animo id acquirendi fecerit, ita more suo solidè *Clariss. D. P. Konig. loc. cit. n. 41.* Quasi possessio servitutis negativæ acquiritur per unicum actum, videlicet, prohibitionem unius, & acquiescentiam alterius, v. g. ego teneo meam domum altam. Tu verò vicinus meus tenes eam depressam: vis tamen eam altius elevare; si per me prohibitio interveniat, cui tu acquiescas: acquirō quasi possessionem servitutis altius non tollendi: ita, ut deinde accedente legitimo tempore ad præscriptionem requisito, illud jus præscribam. Ante actum verò prohibitionis non constitutor, in quasi possessione; quoniam non constat de animo possessionem acquire volentis. Unde si domus tua per centum annos fuisset depressa vel collapsa, nunquam præscriberem illud jus altius non tollendi; quia nulla currit sine possessione præscriptio, possessio autem sine præscriptione non acquiritur; ergo, l. 11. ff. *de serv. urb. præd. Schneid. n. 129.*

Quomodo retineatur possessio? Possessio semel acquisita retinetur, non tantum animo, & corpore simul, l. 3. *Cod. de acq. vel amitt. poss.* Verum etiam animo tantum, l. 1. §. 25. ff. *de vi, Et vi armat. l. peregre 44. §. ult. ff. de acq. vel amitti poss.* ubi aperte deciditur, quod ad nundinas profisciscens, nemine domi relicto retineat possessionem. Dummodo illinc profiscatur animo revertendi, & non deferendi possessionem, ratio est, ne more annosæ Baucidis ad fornacem excubare possessionis nostræ conservandæ causa debeamus, neve rebus nostris, ut spongia faxis adhærescere debeamus. Unde patet, quod facilior

fit retentio ; quàm possessionis acquisitio , utpote cum ad illam solus animus sufficiat , *l. 4 Cod. eod. tit.* Acquisitio verò omnis regulariter corpus , & animum desideret. *Zoef. n. 19. loc. cit. Schneid. n. 156. Struv. loc. cit. th. 19.* ex dictis sua sponte fluit, quòd si aliquis ob bellicam calamitatem, aut motus hostiles à prædio recesserit, culturamque distulerit , & tertius interim illud occupaverit , possessionem tamen civilem non amittat, sed retineat. *Brunnem in d. l. 4. Cod. d. t.*

76 *Quibus modis possessio amittatur?* Utilitas hujus quæstionis principaliter consistit in eo, quòd possessione amissa, seu interrupta enim præscriptio naturaliter interrumpatur , *l. 5. ff. de usucap.* Item omnes effectus possessionis, quos suprà enumeravimus, cessant utpote cessante causa *cap. 60. de appell.* Quemadmodum vero ad acquirendam possessionem opus est corpore, & animo : ita etiam ad amittendam opus est corpore, & animo, ita, ut neque solo corpore amittatur, per quas enim causas res nascitur, per easdem quoque dissolvitur , *arg. lib. 153. ff. de R. J.*

Non obstat, *l. 3. §. 6. ff. de acq. vel amitt. poss.* ubi aperte scribitur, etiam solo animo amitti possessionem. Enim vero, ut plures alias solutiones si eam, respondeo, interesse, an qui à corpore incipiat desinere possidere, fortè quia exivi de fundo ; & sic non statim amitto possessionem fundi, nisi & ejus amittendæ animum haberem : an verò qui incipiat animo desinere possidere ; fortè, quia dicit : se nolle amplius possidere : & hoc in casu licet quis adhuc existat corpore in fundo, si tamen ab animo ita comparatus sit, ut constituat : se nolle amplius possidere, dubium non est, quin amittatur possessio, *d. l. 3. §. 6.*

Itaque I. Amittatur possessio corpore & animo simul, *l. 8. ff. de acq. vel amitt. poss.* tunc videlicet, quando quis è fundo exiit, & ab animo se declaravit, quod possidere nolit. *Brunnem. in d. l. 8.* II. Amittitur possessio animo tantum, *d. l. 3. §. 6.* quando videlicet in fundo corporaliter existens dicit ; se nolle possidere. *Bachov. ad Treutl. vol. 2. disp. 21. th. fin. lit. G. & Hunn. ad Treut. ibid. Fach. l. 8. can. 21. Schneid. num. 165.* III. Amittitur possessio tam naturalis, quàm civilis inundatione maris, vel fluminis, *l. 23. ff. de acq. vel amitt. poss.* & equidem de naturali dubium nullum est, cum ubi rei non potest naturaliter insisti, perditur possessio, *l. 7. ff. d. t. civilis ex eo amittatur ;* quia per inundationem interrumpitur præscriptio, *Gloss. in l. 3. §. labeo. ff. cit. tit.* ergò etiam possessio ; quia stante civili possessione currit præscriptio. Dicta procedunt I. Si sit tanta inundatio, ut fundibus calcari non possit. III. Si totus fundus, & non tantum pars ejus sit inundatus ; usu enim partis retinetur jus totius, *l. 3. ff. eod.* III. Si innudatio duret aliquo temporis spatio, tempus enim modicum, puta, unius, aut alterius diei non faceret amitti possessionem *Schneid. n. 167. Zoef. loc. cit. n. 25.* recedente aqua possessionem restitui, docet, *l. si ager. ff. quib. mod. usufr. amitt.* IV. Amittitur possessio per violentam dejectionem, aut expulsionem à fundo proprio *l. 5. ff. de usucap. Schneid. n. 174.*

Non obstat, *l. 17. ff. d. t.* ubi dicitur, quod, si quis vi de possessione dejectus fuerit, perinde habeatur, ac si possideret, cum interdictum, unde vi ad recuperandam possessionem

habeat. Respondetur enim, verum quidem esse, quod vi de possessione dejectus, quod rem, damna, & fructus perinde habeantur, ac si possideret, eum per interdictum *unde vi* omnia recuperet, secus autem se habet, quoad ipsam possessionem, & interrumpendam præscriptionem. Ubi observa, & vehementer nota, quod tunc demum civilis possessio per violentam dejectionem amittatur, quando per vim dejectus non se præparat ad recuperandam possessionem. Secus, si ad recuperandam possessionem præparat: hoc enim casu possessionem civilem non amittit, adeoque præscriptio non interruptitur, cum non desinat, civiliter possidere, *arg. l. 7. ff. de acq. vel amitt. poss.* ubi dicitur, si nolit in fundum reverti, amisisse possessionem videbitur, ergo si velit in possessionem reverti, non videbitur amisisse possessionem. *Schneid. loc. cit. n. 154. § n. 174.*

V. Amittitur possessio, si quis rem sciat ab alio occupatam, & negligat, aut regressus ad recuperandum repulsus sit, aut timens repulsam non sit aggressus, *l. 3. §. 8. l. 6. §. 1. ff. d. t. Clariss. D. P. König, loc. cit. n. 69.* plures modos amittendæ possessionis vide apud *Schneid. loc. cit.*

#### §. RECUPERANDÆ. 6.

Dictum est interdicta alia esse adipiscendæ, alia retinendæ, alia recuperandæ possessionis. Priora duo rimati sumus, sequitur de tertio, puta, interdicto *unde vi* quo petimus nobis restitui possessionem; quam amisimus, & de qua vi dejecti sumus, de quo interdicto extat totus titulus in *ff. de vi, § vi armata, § Cod. unde vi.*

77 *Casus: Possideo fundum aliquem,*

ex quo per multos annos fructus percepi; & sine ulla turbatione ejus culturam exercui. Titius vanâ opinione, se ejusdem fundi esse proprietarium, ductus, petit à me, ut ei vacuum fundi possessionem tradam. Ego id recuso. Titius me atroci vi, aut armata manu de possessione fundi deiecit. Quæritur, quomodo mihi contra Titium consultum sit? R. Quod habeam interdictum, *unde vi*, quo peto mihi restitui possessionem cum omni interesse & fructibus.

*Quid sit interdictum, unde vi?* Est interdictum recuperandæ possessionis, competens ei, qui vi atroci de possessione rerum immobilium dejectus est, ejusque hæredi, contra eum, qui vi, sive per se sive per alium deiecit, ejusque hæredes universales, ad recuperandam, quantocius possessionem cum omni interesse, & fructibus intra annum, post annum verò ad id, quod ad spoliante pervenit.

*Quibus competat?* Dixi I. *Compe-* 78  
*tens ei, qui vi atroci, id est expulsi-*  
*va, & abloluta de possessione dejectus*  
*est; nam dejecto per vim compulsi-*  
*vam, probabilius non competit per*  
*text apert. l. 5. ff. de vi, § vi ar-*  
*mat. his verbis: Si rerum tibi posses-*  
*sionem tradidero dicit Pomponius inter-*  
*dictum unde vi cessare, quoniam non*  
*est vi dejectus, qui compulsus est in pos-*  
*sessionem inducere. Facit etiam ratio;*  
*quod; qui compulsus possessionem tra-*  
*dit intelligatur sua voluntate deje-*  
*ctus, quoniam coacta voluntas etiam*  
*voluntas est, Zoef. ff. de vi, § vi ar-*  
*mata, taliter proinde dejectus habet*  
*interdictum, quod metus causa, Jason*  
*in l. 4. Cod. unde vi.*

Dixi II. *de possessione generaliter:*  
quia interdictum, *unde vi* datur ei,  
qui dejectionis tempore possidebat.  
fir



sive naturaliter & civiliter simul, sive naturaliter tantum, l. 1. §. deicitur ff. d. t. sive etiam civiliter tantum, v. g. si in mea absentia Titius occupaverit fundum, & me revertentem noluerit admittere, d. l. 1. §. deicitur, & §. sive autem corpore 24. ff. de vi & vi ar. Schneid. n. 21. Sive deinde per se, sive per alium veluti procuratorem, factorem, Colonum possederit, l. 1. §. quod servus 22. ff. eod. Sive dejectus juste, sive injustè possederit: quoniam spoliatus ante omnia restituendus est, cap. 5. de rest. spoliat. unde advertis, hoc interdictum etiam prædoni, qui alium possessione deiecit, & iterum de illa dejectus est, competere, l. 1. §. 30. d. t. Et hoc speciale est propter odium violentiæ. Procedit tamen tunc demum quando prædo ex intervallo dejectus fuit, scilicet si in continenti à spoliato dejectus fuerit; quia vim vi repellere licet, l. 1. §. 27. eod. ita ut dejiciens prædonem in continenti non incidat in poenam. l. 7. Cod. unde vi. defensionem enim corporis, & rerum omnia Jura, & omnis ratio permittit, & quod lege permittente fit, poenam non meretur, l. 4. Cod. ad leg. Jul. de adult. Schneid. n. 23. Zoef. ff. de vi, & vi armat. numer. 3.

- 80 Quando autem incontinenti fieri dicatur in universum determinari non potest, adeoque discreti Judicis arbitrio relinquendum. Putat tamen Schneid. numer. 26. incontinenti hac in materia illud etiam fieri dici, quod intra aliquot dies, aut menses, imò annos contingit. Si enim aliquis privatus dejiciatur de possessione, ad recuperandam possessionem modico apparatu opus est. Si verò nobilis vel comes de castro expellatur requiritur major apparatus, qui fortè intra aliquot dies fieri non potest. Si denique

Princeps de Imperio expellatur, multò sane indiget tempore, ut cohortem colligat, & spoliatores iterum ex possessione dejiciat.

*Dubitatur* An prædoni interdictum, unde vi competat, si à Domino fuerit de possessione dejectus? Ratio dubitandi desumitur ex l. dolo facit ff. de exceptione doli, ubi regula traditur, quòd dolo quis petat illud, quod mox ad restitutus. Verum hoc non obstante Prædoni datur interdictum unde vi contra ipsum dominum spoliantem, l. ordinarii. Cod. de rei vind. & l. 8. Cod. unde vi. Ratio est in odio violentiæ posita, & quia spoliatus ante omnia est restituendus. Schneid. n. 23. Harp. n. 6. Fich. lib. 8. cap. 18. Guil. 2. obs. 75. Schneid. n. 33. Dissert. Humm. ad Treutl. vol. 2. disp. 28. q. 56. Ex dictis itaque habes hoc interdictum, unde vi non admittere aliquam exceptionem, qualiscunque illa sit, sed spoliatum ante omnia esse restituendum, & nunc demum de jure alterius cognosci, ita d. d. aurb.

Dixi III. Rerum immobilium. Patet hoc ex nostro paragrapho: qui ait: si quis ex possessione fundi, vel ædium &c. Itaque directum hoc interdictum ad res mobiles non pertinet, l. 3. §. 15. ff. d. t. Ratio; quia pro his datur actio vi bonorum raptorum, Manz. n. 5. dixi directum, utile enim pro recuperanda possessione rerum mobilium, vel quasi possessione rerum incorporalium dari ferè omnes admittunt. Zoef. n. 3. Schneid. n. 30. ubi ait etiam res mobiles in consequentiam venire in hoc interdicto, v. g. si quis dicat, se ex possessione ædium, vel castri dejectum esse & intentet interdictum, unde vi; Hoc in casu etiam simul peti possunt res mobiles in ædibus vel castro existentes.

Dixi

Dixi IV. *Ejusque heredi* Intellige hoc procedere, si defunctus dejectus sit, ut hæres possit ex persona defuncti agere, l. 1. §. 44. ff. de vi, §. vi armat. tametsi enim hoc interdictum poenale sit respectu ejus, contra quem redditur, ex parte tamen dejecti, rei persecutionem continet; actiones autem rei persecutorias transire ad hæredes, patet ex tit. de act.

82 *Contra quem competat?* Dixi V. *Contra eum*, qui vi, sive per se sive per alium dejecit: ita docet, l. 1. §. 12. ff. de vi, §. vi armat. Imò contra illum datur, qui dejectionem rati habuit; quoniam in delictis rati habitio mandato æquiparetur, l. 1. §. 14. eod. Perez. Inst. hic. Dixi VI. *Ejusque hæredes*. In id videlicet, quantum ad eos pervenit, d. l. 1. §. ult. vel dolo malo eorum factum est, quo minus pervenerit, l. 2. l. 3. l. 9. ff. de vi, §. vi armat. tametsi enim vulgata sit regula Juris, quod ex delicto defuncti hæres conveniatur, l. un. Cod. ex delict. defunct. Illa tamen regula limitatur; nisi hæredes ex delicto defuncti aliquid subintrat videlicet turpia lucra etiam ab hæredibus extorquenda esse, l. 1. §. ult. l. 38. ff. de R. J. Harp. n. 21. Dixi VII. *Universales*. Quoniam communiter obtinet, interdictum, unde vi, contra successores singulares, sive bonæ, sive malæ fidei non dari. Ratio, quia personales actiones non transeunt in tertium, nec rem sequuntur, sed personam, l. 1. §. si hæres. ff. ad SCt. Trebell. Jam verò interdictum, unde vi personale est, l. 1. §. pen. ff. de interd. Facit etiam, l. cum à te 7. ff. de vi, §. vi armat, cum à te vi dejectus sum, si Titius eandem rem possidere caperit: non possum cum alio, quam tecum hoc interdicto experiri; ergo contra singularem possessorem hoc interdictum non datur.

*Rees ad Institut.*

Non obstat l. Cap. saepe 18. de restit. spoliat. Ubi spoliatus possessione non tantum contra spoliante[m] agit: sed etiam ab eo, qui scienter à spoliatore rem recipit restitutionem petit cum illo spoliatori, quasi in vitium succedat. Non respondetur verum esse, de Jure Canonico interdictum, unde vi contra successorem malæ fidei competere, secus autem de Jure Civili.

Stamus autem hoc in passu Juri Canonico, utpote corrigenti, & emendanti Jus Civile. Ratio est, tum regula illa decantata, quæ docet, quod in Jure Canonico aliquid clarè, in Jure verò civili subobscurè decisum sit, debeamus stare Juri claro, cap. 1. de nov. operis nunt. tum quia versamur quasi in materia peccati; is enim æquè reatum conscientie incurrit qui sciens rem aliquam injuste detinet, quàm qui illam violenter invadit. d. cap. saepe 18. Harp. n. 24. Zoef. ff. de vi §. vi armat. n. 11. Et hoc procedit de possessore malæ fidei, ut contra hunc interdictum unde vi detur. Secus est de possessore, sive successore singulari bonæ fidei, eò quod d. cap. 15. loquatur de eo successore particulari, qui scienter rem alienam detinet & in vitium auctoris succedit. Zoef. loc. cit. num. 22. Hertogh. h. t. n. 23. Gail. tamen lib. 2. obs. 75. n. 10. foro receptam sententiam dicit, quæ docet, interdictum, de vi, de Jure Canonico etiam contra successorem singularem bonæ fidei accommodari.

Dixi VIII. *ad recuperandam quantocumque possessionem*: spoliatus enim ante omnia restituendus, l. 7. Cod. ad leg. Jul. de vi, ita ut supra diximus ut nulla exceptione, sive domini sive reconventionis, dicendo, quod me quoque dejecerit, interdictum unde vi

Z z z z

re-

retardari possit; quoniam spoliatus antè omnia restituendus. *Schneid. n. 32.* Quod tamen fallit de jure Canonico *sap. fin. de ord. cogn.* ubi reus obijciens spoliū sive reconventionis exceptionem, auditur. Dicitur autem exceptio per modum reconventionis opponi, in simili casu, v. g. Titius dejecit me, ego oppono, quòd me prius dejecerit. *Schamb. hic. Zoef. ad decret. de restit. spoliat. n. 11.*

Dixi IX. Cum interesse, & fructibus *l. 1. §. 32. & 41. ff. de vi, & vi armat.* ne injuria fiat dejecto, & ne ex suo maleficio deijcienti aliquid accrescat. *Perez. Inst. hic. Harp. n. 37.* Habetur autem ratio fructuum ex eo tempore, quo quis dejectus est, & in hoc differt interdictum *unde vi* ab aliis interdictis, in quibus fructus demum die redditus interdicti computantur; *l. 1. §. 40. ff. d. t. Harp. loc. cit.* Quod procedit intra annum, qui utilis est *l. 1. ff. eod.* post annum verò utilem, ad ea, quæ pervenerunt, tantum tenetur, *d. l. in fine.*

85 Quæ requirantur ad interdictum, *unde vi*? Ex dictis faciliè est colligere requisita hujus interdicti. I. Enim requiritur, ut ex parte dejecti probeatur possessio, & ex parte rei conventi dejectio, *l. 1. §. interdictum autem hoc. ff. de vi, & vi armat. Gail. l. 2. obs. 75. n. 17.* II. Ut vi expulsiva quis dejectus sit. Unde patet contra eum, qui clam est ingressus possessionem, nulla vi adhibita non dari, quia talis vim fecisse dici non potest. *Harp. n. 14.* Tertio, ut si res immobilis, secus enim utile hoc interdictum datur.

86 Porro sciendum, præter interdictum, *unde vi*, alia dari remedia pro recuperanda possessione, tam de Jure Civili, quàm Canonico. Primum, & quidem de Jure Civili est ex *l. si quis*

*in tentum 7. Cod. unde vi*, ubi, qui occupat, vel raplet, aut invadit rem propriam, privatur ejus dominio: si alienam sibi debitam, perdit jus suum: si prorsus alienam, duplum cogitur restituere. *Harp. n. 39. Manz. n. 8.* Secundum est ex lege Julia de vi publica vel vi privata, Ex lege Julia de vi publica tenetur, qui vim armis commisit: estque poena confiscatio tertiæ partis bonorum, *Schneid. n. 8.* Quæ tamen poenæ usu non observantur. De Jure Canonico datur remedium ex *cap. redintegranda caus. 3. q. 1.* quod omnium plenissimum, & tutissimum, est, teste *Gail. 2. obs. 57 n. 10.*

Differt ab interdicto *unde vi*. I. Quòd 87 interdictum *unde vi* non debetur contra tertium possessorem, bene verò remedium ex *d. c. redintegranda*. II. Interdictum, *unde vi* non datur pro re mobili saltem directum: bene verò *d. remed. Hertog. b. t. n. ult.*

### §. TERTIA 7.

Tertia divisio interdictorum hæc 88 est, quòd alia sint *simplicia*, alia *duplicia*. Simplicia sunt, in quibus distinctæ sunt Personæ Actoris & Rei, adeòque constat, quis possideat, vel non possideat. Duplicia, in quibus par utriusque litigatoris est conditio, nec constat, quis possideat vel non: & proinde uniusquisque partes tam Actoris, quàm Rei sustinet.

### §. DE ORDINE ULT.

Quis ordo vetus fuerit interdictorum, supervacuum est hodie dicere nam veteres ambages ruptæ sunt solemnitates, & formulæ abolitæ. Quid autem mores Regionum hac in materia induxerint, praxis, optima rerum omnium Magistra docebit.

## TITULUS XVI.

## DE POENA TEMERE LITIGANTIUM.

## SUMMARI A.

- 1 *Quæ poena maneat temerè litigantes?*
- 2 *Prima est iusjurandum calumnie.*
- 3 *Quòd & actor & reus præstare debet.*
- 4 *Quid si nolit præstare?*
- 5 *An iuramentum calumnie requisita sunt.*
- 6 *Secunda poena est poena pecuniaria.*
- 7 *Tertia est poena infamie.*

## AD PRINCIP IUM.

1 **H**Actenus de partibus utriusque litigatoris diximus: cum autem Reipublicæ inter sit, lites minui ac discordias inter cives tolli: idcirco, ne temerè & facillè quis ad litigandum procedat, ideò pro corolario de poena temerè litigantium titulus subjicitur. Est autem isthæc poena triplex, puta, *Iuramentum calumnie poena pecuniaria. & infamia*, de quibus sigillatim dicendum.

## §. ECCE ENIM. I.

- 2 Poena, propter quam litigatores à temerè litigando, deterreri possunt, est *iuramentum calumnie*. Calumnia hic accipitur pro calumniosa alicujus in Judicio vexatione, *l. 233. ff. de V. S.* quæ ut evitetur, desertur litigare volentibus *Iuramentum calumniæ*, ad hoc ut actor juret, quòd credat se justam litigandi, reus justam se defendendi causam habere, idque præstent tactis etiam sacros. Evangeliiis. Dicitur, *quod credat*: hoc enim *Iuramentum*,

non veritatis, sed credulitatis tantum est, hinc licet à parte rei justam causam non habeat, modò tamen se habere credat, perjurus non est. *Schamb. hic.* potest hoc iuramentum ante & post litem contestatam deferri, prout Judici visum fuerit, *cap. 1. de Juram. calum.* in 7. *Schneid. n. 9.*

Debet autem hoc iuramentum præstare tam actor, quam Reus, tametsi sit persona Ecclesiastica, quod tamen procedit, si personaliter suam propriam causam agere velis. *cap. & fin. de Juram. calum.*, quod si autem per procuratorem quis, sive Laicus, sive Clericus litigare malit, etiam per eum, habentem ad hoc speciale mandatum id præstari potest, in animam ipsius principalis, *cap. fin. & cap. 3. d. 1.* nisi tamen Judici visum fuerit, ut ipsæ principales personæ illud præstent, *d. cap. 3.* Tenentur & advocati præstare hoc *Iuramentum*, quòd videlicet sedulò clientibus suis servire, nullam injustam causam suscipere, nec lites fraudulenter protrahere velint. *Manz. n. 8.* In his terris advocati initio sui muneris, non in singulas causas jurant. *König. ad decretal. b. t. n. 8. Schamb. hic.*

Quid si nolint partes litigantes hoc *iuramentum* præstare? Si Actor recusat, & ab instituta actione cadit Reus verò recusans pro confesso habetur. *Novell. 124. cap. 1. auth. principales hodie. de Juram. calum. Manz. n. 7.*

Consistit porro hoc *Iuramentum* in 5. capitibus 1. quod credant se litem movendi, aut contradicendi justam



causam habere, l. 2. §. 1. ff. de Jurejur. propt. calum. 11. Quod à Judice interrogati veritatem celare nolint. III. Quod neque per se, neque per alium, quid dederint, aut daturi sint, promiserint, aut promissuri sint; ut pro se fereatur sententia *Auth. principales. Cod. d. t.* IV. Quod scienter uti nolint falsis testibus, instrumentis, allegationibus, aut alia falsa probationis specie. V. Quod nullam in tota lite superfluum probationem velint exigere nec dilationem litis procrastinandæ causa petere, & l. 1. & *auth. in isto cod. Cod. Konig. loc. cit. n. 21.* Quæ 5. capita vulgaribus hisce rythmis comprehensa sunt.

*Illud juretur, quod lis sibi justa videtur.*

*Et si quæretur, verum non inficietur. Nil promittetur: nec falsa probatio detur.*

*Utilis tradetur, dilatio nulla petetur.*

#### AD V. AT ADVERSUS.

- 6 Poena, est *pæna pecuniaria*, qua temerarii litigatores sunt mulctandi, ubi olim quidem actor, si temerè litigasset, in decimam litis partem condemnabatur, quod ipsum in defuetudinem abiit, ut loquitur *text. hic.* Hodie improbus litigator damnum, & impensas litis refundat, necesse est, nisi justam litigandi causam habuerit, quod prudentis Judicis arbitrio decidendum relinquitur. *Manz. num. 18.*

#### §. EX QUIBUSDAM 2.

Tertia est *pæna infamie*. Quæritur autem hic, quando temerè litigantes notentur infamia? & R. quod damnati Judicio furti, vi bonorum raptorum, injuriarum doli mali &c. Ra-

tio: quia in hisce Judiciis de dolo quæritur, doli autem actio, & condemnatio famosa est, l. 1. §. 4. ff. de dol. non item conditio furtiva, cum urgeat tantum rei restitutionem. Similiter damnati directis, non contrariis actionibus tutelæ, mandati, depositi, quia in directis de fide rupta agitur, in contrariis non agitur de perfidia, sed de calculo & interesse actoris, quod ei ratione contractus competiturum est. *Harp. n. 6.*

#### AD V. SED FURTI QUIDEM.

Plurimum interest inter famosa judicia: num illa descendant ex contractu, num verò ex delicto: sin ex contractu, vel quasi: impunè pacisci & transigere licet, l. 7. ff. de his, qui notant. infam. Sin ex delicto, v. g. in actione furti, vi bonorum raptorum &c. transigere & pacisci non licet, ita, ut is, qui pecuniam dedit, ne secum ex istis causis agatur, infamia notetur. *Manz. num. 11.*

#### §. OMNIUM 3. ET ULT.

Potest etiam quis temerarius litigator fieri ante litem contestatam, videlicet tunc, quando quis, non petita venia Judicis. parentem, patronum, vel alios, quibus par honor & reverentia debetur, in Jus vocat, in quem pœnam 50. Aureorum constitutam esse diximus, §. *panales de act.* Immiscet aliqui huic titulo materiam de Judiciis & Citationibus, verum id magis congruenter ad latiora Digestorum volumina rejicitur. Deinde de ordine Judiciorum theoricè multum discurrere, res parvæ utilitatis est. Sequitur

T I T U L U S X V I I .  
D E O F F I C I O J U D I C I S .

S U M M A R I A .

- 1 In quo consistat officium judicis?
- 2 Quid in noxali?
- 3 Item quid in rei vindicatione.
- 4 Item quid in petitione hereditatis?
5. 6. 7. Et quid in actione ad exhibendum. Item familia herciscunda Et finium regundorum facere debeat.

A D P R I N C I P I U M .

- 1 **P**ostquam Imperator instruxit partes litigantes; quomodo in Judicio agere, & se defendere debeant; jam instruit Judicem, quomodo judicare, & sententiam dicere debeat. Et in primis illud judicem observare jubet, ne aliter judicet, quam legibus & constitutionibus Imperialibus aut moribus, sive consuetudinibus receptam & proditum est, alias sententia contra legem lata esset ipso Jure nulla, *cap. 1. x. de sent. Et re jud.* Quoruplex autem sit officium Judicis, *sic. de act. diximus.*

§. I D E O Q U E I .

- 2 Ostendit Imperator hic, quodnam sit Officium Judicis in noxali actione sive judicio, in quo dominus nomine sui servi, qui noxam, id est delictum commisit, conventus electionem habeat, utrum servum noxæ dedere, vel litis & damni æstimationem solvere velit. Et quidem Judex hoc in casu reum taliter condemnat, Titium Mævio in

decem aureos condemno, aut noxam dedere. Nec potest reo sive domino istam electionem adimere; quia sententia debet esse conformis petitioni actoris, *l. ut fundus 18. ff. communi dividendo.* atqui ipsa actoris petitio debet esse alternativa, alias actor plus causa peteret; ergo.

§. E T S I I N R E M 2 .

Quomodo Judex judicare debet in actione rei vindicationis? **R.** Si actor dominium non probaverit, reus absolvendus est, *l. 4. Cod. de edendo,* ubi dicitur: *actore non probante, reus, etsi nihil præstiterit, absolvendus.* Quod si verò actor dominium probaverit, Judex jubet, ut reus rem ipsam restituat una cum fructibus. Qui autem, & quales fructus debeant restitui; diximus §. 35. *Inst. de R. D.*

A D ¶. S E D S I .

**Q.** hic quando reus ad restitutionem faciendam condemnari debeat? **R.** In actione quidem personali reo condemnato tempus aliquod concedi, puta, 4. Mensium ad satisfaciendum sententiæ, *l. fin. Cod. de usur. rei jud.* actiones verò reales paratam habent executionem, & in præsentī statim restitutio facienda est: difficilius enim est æs alienum solvere, quam rem alienam restituere, Sanè, si possessor condemnatus neget se in præsentī restituere posse, aliqua ei petenti sine

frustratione dilatio indulgentia est, debet tamen datò fidejussore cavere, quòd si intra tempus dilationis rem non restituerit, litis æstimationem solvere velit. *Manz. hic. Dixi sine frustratione petenti.* Quòd si verò frustratorie, id est morandæ restitutionis causa tempus peteret, manu militari res ab eo auferenda est, l. 68. ff. de R. V. Harp. num. 12.

#### AD V. ET SI HÆREDITATIS.

- 4 Q. hic, quomodo Judex procedet in petitione hæreditatis? R. Eodem modo, quo in singularum rerum petitione. Nam in utraque actione Judex possidorem condemnat non tantum ad ipsam hæreditatem, vel rem hæreditariam restituendam, sed etiam ad fructus, sed quales? diximus d. 35. Est tamen aliqua differentia in actionem rei vindicationis, & petitionem hæreditatis, videlicet, ista, quòd in rei vindicatione fructus restituendi sint officio Judicis, qui proinde, ut eorum rationem habeat, nominatim sunt petendi, nimirum illi, qui ante litem contestatam percepti sunt, enim verò post litem contestatam percepti Jure actionis veniunt. In petitione verò hæreditatis fructus indistinctè Jure actionis veniunt; quoniam fructibus augetur hæreditas, censenturque cum ea petiti, etsi eorum nulla sit facta mentio in libello, l. 20. §. 3. ff. de hered. petit.

#### §. SI AD EXHIBENDUM 3.

Quomodo debet Judex in actione ad exhibendum procedere? R. Sicuti in rei vindicatione, cujus hæc est præparatoria. Nempe jubebit, ut reus rem exhibeat, cum omni causa, quam

habuisset actor, si, cum primùm ad exhibendum agebatur, exhibita res fuisset. Ideòque si inter moras exhibendi usu capta aut perditæ fuerit res, nihilominus reum condemnabit, in ejus rei æstimationem, habita & fructuum medii temporis, quod est inter litem contestatam, & rem judicatam, ratione.

#### §. SI FAMILIÆ 4.

Quid agere debet Judex in familiæ heriscundæ actione? R. Quòd Judex singulas rei singulis hæredibus adjudicare debeat. Et si in alterius persona prægravare videatur adjudicatio, id est, si contingat rem unius pretiosioris esse, hunc alteri, cujus res est minoris, incertam pecuniæ summam condemnabit, ut sic fiat adæquatio. *Perez. & SchumI. hic.*

#### AD V. EO QUOQUE NOMINE.

Quid si verò unus ex hæredibus 6 solus fructus percepisset? R. Quòd eo quoque nomine cohæredi condemnandus, & ad communicanda commoda compellendus sit. Item est, quando unus hæredum rem hæreditariam corrumpit, tunc alteri pro sua rata satisfacere tenetur. *Manz. hic.*

#### §. E A D E M 5.

Quod Judex in familia heriscunda idem in communi dividundo curare debet, tam circa divisionem rerum, earumque adjudicationem & condemnationem mutuatam, quam circa præstationes personales, *text. hic. & l. 3. l. 6, §. 1. ff. commun. dividund.* Quòd si res talis in communi sit, quæ aut non commode, v. g. *fundus*, qui divisus, neutri utilis

lis esset, aut partes pro diviso plane non recipiat. v. g. *Servus*, aut *Juramentum*, tum tota res uni adjudicanda, is autem, cui adjudicata vicissim alteri in certam pecuniam, quâ pars illa æstinatur, condemnandus est. *hic*. § l. 3. *Cod. Commun. divid.*

## §. SI FINIUM 6.

- 7 Explicat hic Imp. quodnam sit officium Judicis in actione finium regundorum. Et imprimis monet Judicem, ut attendat, & examinet secum, an sit necessaria adjudicatio, nec ne? Nam si veteres terminos, qui vel ab homine, vel inundatione fluminis, sunt evulsi. commodè potest reponere, & renovare, non debet partem agri unius adjudicare alteri, sed antiquos terminos sequi. Ratio; cur enim sollicitus esset de novo, si constet de antiquo? Si verò antiqui termini sunt valde obsecuri; & confusi, ita, ut commodius sit evidentioribus finibus distingui, quam olim fuissent distincti, tunc necesse est: ex alterius agro partem aliquam adjudicare, quo tamen in casu conveniens est, ut is alteri in certam pecuniæ summam condemnetur, quando scilicet ea pars agri erit,

ut nimirum tali modò æqualitas conservetur.

## AD Ψ. EO QUOQUE NOMINE.

In hoc judicio finium regundorum eo quoque nomine aliquis condemnandus est, si quid circa fines & terminos malitiosè commisit, v. g. quia lapides finales eruit; movit, aut furatus fuit, vel quia arborus finales excidit. Quo in casu in id, quod alterius interest, condemnatur, quanti scilicet in litem fuerit juratum. *Manz. n. 4. Schneid. n. 1.* Similiter si, cum Judex mitteret mensorem, & juberet metiri agros, & id alter litigantium ex contumacia passus non sit fieri, tunc tanti eum Judex condemnabit, quanti in litem actor juraverit, *Manz. n. 5. Harp. n. 4.*

## §. QUOD AUTEM FIN.

Quis ergò est effectus adjudicationis in istis tribus judiciis? R. Quod statim res fiat ejus, cui adjudicata est. Nam adjudicatio est quædam species domini acquirendi, & iusta causa usucapiendi. Dixi *statim*, id est, enim ante traditionem, ratio; quia ipso Jure transfertur dominium, sicuti in legatis, l. 64. ff. de furt. l. 80. ff. de legat. *Manz. n. 3*

## TITULUS XVIII.

## DE PUBLICIS JUDICIIS.

## SUMMARIA.

- 1 Quæ sit differentia inter publica, & privata judicia?
- 2 Definitur crimen publicum.
- 3 Majestas alia divina, alia humana.
- 4 Definitur in genere crimen læsæ Majestatis.
- 5 A solo subdit. committitur.
- 6 Divinitur in perauelionem, & crimen Majestatis in specie.
- 7 Definitur crimen Majestatis in specie.
- 8 An in solum Principem Romanum committatur?
- 9 In quas personas crimen læsæ Majestatis propriè fiat?



- 10 *An in alios Reges?*
- 11 *Item in Imperatricem committatur?*
- 12 *Recensentur aliqua singularia in crimine lese Majestatis.*
- 13 *Quæ pœna sit perduellionis, & lese Majestatis?*
- 14 *An liberis perduellium debeat legittima, & quomodo socii puniantur?*
- 15 *Definitur adulterium.*
- 16 *An committatur in sponsam?*
- 17 *Enumeratur pœna adulteri.*
- 18 *Quæ sit pœna si domiæ?*
- 19 *Quid sit stuprum?*
- 20 *Et quotuplex?*
- 21 *Definitur homicidium?*
- 22 *Quotuplex sit homicidium?*
- 23 *An animus occidendi præsumatur, si quis instrumento ad recisionem non apto usus sit?*
- 24 *Quid Juris sit, si quis consilium dederit, vel auxilium tulerit ad cadem hominis?*
- 25 *Quæ sit differentia inter mandare, & consulere alicujus occisionem?*
- 26 *Quæ sint requisita ad moderamen inculpatae tutelæ?*
- 27 *An insultatus teneatur fugere?*
- 28 *Pro defensione rerum, an occiso permissa?*
- 29 *Quid Juris? si quis confiteatur homicidium, dicat tamen, se fecisse ad sui defensionem?*
- 30 *Quid sit homicidium?*
- 31 *Venefici quâ pœnâ afficiantur?*
- 32 *Quomodo patricidæ olim, & hodie puniantur?*
- 33 & 34. *Quid sit crimen falsi? & quot modis committatur?*
- 35 *Quando dicatur fieri vis publica, & quando privata?*
- 37 *Raptus quomodo puniatur?*
- 38 *Quid sit crimen peculatus?*
- 39 *Quomodo puniantur plagiarii?*

- 40 *Quid sit crimen ambitus?*
- 41 *Quid crimen repetundarum?*
- 42 & 43 *Item quid sit crimen ammonæ flagellatæ. & quid crimen de residuis?*

**P**ostquàm Imperator absolvit judicia privata; nunc transitum facit ad judicia publica, quorum varix species hoc titulo recensentur, de quibus in ordine.

#### AD PRINCIPIMUM.

Magna, inquit hic, Imperator, differentia est inter judicia publica & privata, in instituendo & exercendo, illam tamen differentiam non explicat, patet tamen aliunde; nam privata judicia instituuntur per actiones. Judicia verò publica vel per *accusationem*, vel per *denuntiationem* vel per *inquisitionem*. Accusatio est delicti alicujus seu criminis apud Judicem vindictæ publicæ causâ, delatio solenniter facta. Inquisitio est investigatio criminis à Judice ex officio instituta, famâ vel aliâ justâ causâ præviâ. Quæ idcirco à Jure recepta est, ne deficiente accusatore delicta maneant impunita. Denuntiatio, quæ est alicujus criminis per ministros publicos, ad hoc constitutos apud Judicem facta proditio, ut fiat in reum inquisitio. *Schamb. hic. vers. sum autem.*

#### §. PUBLICA I.

*Publica autem* (inquit textus) *dicta sunt, quod cuius & populo executio, seu accusatio eorum plerumque datur.* Putant aliqui his verbis contineri definitionem judiciorum publicorum. Sed parùm accuratè; allusio enim est, & vocis explicatio, non vera definitio; nam delicta publica reperias, quorum accusatio non cuius à populo permissa est. Sic adul-

adulterium crimen est publicum, nec tamen omnes deferre id possunt, sed illi tantum, qui vero dolore ad accusandum impelluntur, puta, maritus, pater, frater, patruus, avunculus. Extranei verò ab adulterii accusatione repelluntur, *l. 1. Cod. ad leg. Jul. de adult.* sic etiam crimen suppositi partus est publicum, nec tamen accusare in omnes possunt, sed illi saltem, ad quos ea res pertinet, *l. 3. §. 1. ad Cornel. de fals.* Regulariter itaque verum est, quod judicia publica plerumque a quovis de populo accusari possint, ex eo solo tamen non æstimantur, sed ex eo, quod lex certam formam & pœnam crimini præstituatur, idque publicum efficiat. Unde expeditissimè crimen publicum definiens hoc modo: *Est delictum, quod speciali lege publicum effectum est.*

**2** Intrinsecè itaque, & suapte naturâ nullum crimen est publicum, sed recipit denominationem hanc à forma extrinseca, puta, dispositione legis, facinus aliquod in classem delictorum publicorum referentis. Hinc licet crimen aliquod suapte naturâ sit valdè atrox, si tamen lex nulla suppetat, quæ in censum delictorum publicorum id referat, non censetur publicum, *l. 1. ff. de publ. jud. Glettle. part. 4. de criminib. publ. cap. 1. n. 1. §. 2. Harp. hic. n. 1. 2. Schneid. n. 2.*

*Ex dictis Colliges I.* Blasphemiam in classem delictorum publicorum non pertinere, legem enim nullam reperies, quæ blasphemiam crimen jubeat esse publicum. *Glettle. n. 3. dissent. Gomez. tom. 3. cap. 1. n. 2.*

*Colliges II.* Populares actiones, licet omnibus pateant, *l. 1. §. 1. 4. ff. de popular. action. v. g. actio alibi corrupti, actio sepulchri violati, actio de via publica &c. ad judicia publica pertinere, quia nullâ lege, nullâ constitutione ad judicia publica referuntur. Harp. n. 3.*

*Kees ad Insistunt.*

Dixi suprâ plerumque judicia publica à quovis de populo accusari posse: prohibentur enim aliqui propter ætatem, ut pupillus; alii propter sexum, ut mulier; alii propter Sacramentum, ut milites; alii propter munus, ut magistratus; alii propter delictum, ut infames, alii ob statum, ut servi &c. *Harp. n. 9.*

### §. PUBLICORUM 2.

Judicia publica alia sunt *capitalia*, alia *non capitalia* *text. hic. §. 1. 2. ff. h. t.* Capitalia sunt, quæ vel mortem naturalem vel civilem inferunt, seu (ut textus habet) quæ ultimo supplicio afficiunt homines, vel etiam aquæ & ignis interdictione, vel deportatione, vel metallo. Non capitalia sunt, quæ pecuniaria pœnâ, aut corporis aliquâ coercitione aut relegatione puniuntur, *text. hic. §. 1. 2. ff. h. t. junctâ semper infamâ, quam in his judiciis sequitur, l. 7. ff. h. t. l. 1. ff. de his, qui notant. infam. Schaub. hic.*

### §. PUBLICA 3.

*De Crimine læsæ Majestatis.* Inter delicta publica atrocitate præcellit crimen Majestatis, quod nostri tam grave, tamque immane reputant, ut sacrilegio proximum esse reputent, *l. 1. ff. ad leg. Jul. Majest.* Majestas alia divina est, alia humana. Divina ad Deum optimum maximum, ejusque cultum seu divinam religionem refertur, *l. ult. Cod. de feriis.* In hanc deliquisse dicitur, qui id egit, quod directè tendit in diminutionem honoris divini. Tales sunt *blasphemi, hæretici, apostatae, incantatores, malefici &c. Harp. n. 3. hic. Zoef. ff. d. t. n. 1.* De blasphemia, hæresi, & Apostasia solidè scribit *Glettle. tract. de crimin. publ. c. 3.* Humana Majestas est, quæ ad Imperatorem vel ad principem refertur, in hanc deliquisse dicitur, qui contra Imperatorem, ejusque saltem & tranquillitatem aliquid hostile machinatus, vel molitus est.

A a a a a

Hoc

4 Hoc *definitur* à variis variè. Expedi-  
tissimè hoc modo: *est delictum publicum,*  
quo *Majestas humana leditur à subdito:*  
Dixi *à subdito:* communiter enim inter  
DD. obtinet crimen læsæ Majestatis à so-  
lo subdito, non etiam ab exteris commit-  
ti, qui, si in Majestatem, cui subjecti non  
sunt, delinquant, ut hostes vel prodito-  
res aut exploratores sunt puniendi.  
*Glette. de crim. pub. cap. 2. §. 1.*

Quòd autem à solo subdito crimen  
læsæ Majestatis committatur, ostenditur  
*per Clemen. 2. vers. rursus de sent. & re*  
*jud. ubi Sicilia Rex faciendo confœde-*  
*rationes, & conspirationes in Henricum*  
*Imperatorem Romanum, dilertè nega-*  
*tur crimen læsæ Majestatis committit,*  
propterea, quòd Imperatori Romano sub-  
ditus non fuerit. Hanc sententiam am-  
plectuntur. *Humm. ad Treutl. vol. 2. th. 1.*  
*disp. 32. lit. g. 4. & ibi Bachov. Gomez. var.*  
*Resol. tom. 3. cap. 2. n. 10. Zoef. loc. cit. n. 9.*  
*Harp. hic. n. 49. Ludwell. hic. n. 6.* Ex quo  
sequitur, si clericus delinquat in Impera-  
torem, crimen læsæ Majestatis non com-  
mittere; quoniam clericus laicorum im-  
perio exemptus est. Ita allegati *AA.*

5 Non *objicit*, quòd exteri sive peregrini,  
si in territorio alieno adversus Princi-  
pem aliquid machinentur, quòd, inquam,  
ratione delicti, forum illic fortiantur, ac  
proinde juxta leges loci puniri possint.  
Enim verò *xx.* Diversa esse peregrinum  
ob crimen, quod adversus Principem  
commisit, puniri posse, & posse tanquam  
reum Majestatis. Prius nos ipsi concedi-  
mus, posteriùs negamus. *Glette loc. cit.*

6 Dividitur crimen Majestatis in *per-*  
*duellionem, & crimen Majestatis in specie.*  
Perduellio est delictum publicum, quo  
hostilitas adversus Principem aut Rem-  
publicam committitur à subdito, *text. hic.*  
Quòd variis modis contingit; v. g. si  
quis in necem Principis conjuraverit, *l. 4.*  
*ff. ad l. Jul. Majest.* Si quis seditionem

excitaverit, *l. 1. §. 1. ff. eod.* si quis hosti se-  
creta Principis revelaverit, *d. l. 1. §. 1.* Si  
quis castra vel urbes hosti tradiderit, *l. 3.*  
*ff. eod.* Plures modos recenset *Glette. c. 7*  
*2. §. 4. loc. cit.* Crimen Majestatis in spe-  
cie definitur, quòd sit delictum publi-  
cum, quo dignitas Principis, aut Reipu-  
blicæ citra hostilitatem leditur a subdi-  
to, v. g. si quis statuas Principis, jam  
consecratas violaverit, puta, traxerit, cæ-  
ciderit aut conspurcaverit &c. Sanè sta-  
tuas non consecratas, h. e. sine permisso  
Principis autoritate privatâ collocatas,  
si quis violaverit, crimine hoc non ob-  
stringitur, *l. 4. ult. l. 5. l. 6. l. 7. §. ult. ff. ad*  
*leg. Jul. Majest.* Item committitur crimen  
Majestatis, si monetam quis adulterave-  
rit, *l. 7. Cod. de fals. monet.* Si quis priva-  
tos carceres habuerit, *l. 1. & 2. Cod. de*  
*privat. carcer.* si quis confugientes ad  
Ecclesiam inde abstraxerit, *l. 2. Cod. de*  
*his. qui ad eccles. conf. &c. Glette loc. cit.*  
*n. 21. Zoef. ff. d. tit. n. 6. & 7.*

Viso, quid & quoruplex sit crimen  
Majestatis, qui illud committant, & quo-  
modo committatur, sequitur, adversus  
quos committatur. Committi autem po-  
test in genere adversus omnes, qui Ma-  
jestate fulgent, h. e. qui summam in sub-  
ditos, & legibus solutam potestatem ob-  
tinent, sive Reges sint, sive Optimates,  
sive denique populus, *arg. l. 1. ff. ad leg.*  
*Jul. M. l. 4. Cod. eod.*

Contendit equidem *Fach. l. 9. c. 23.* ad-  
versus solum Principem Romanum cri-  
men hoc committi, eò quòd textus ad-  
ducti de principe non alio loquantur,  
quàm de Romano. Sed in spongiam in-  
cumbit hoc argumentum. Nam ideo *d. l. 5.*  
de solo Principe Romano loquitur:  
quia tunc temporis divinari non poterat,  
orbem Romanum in plura regna quon-  
dam discerpandum, Et postquàm dissecto  
in partes imperio, novi Principes Jus Ro-  
manum receperunt, utique etiam recepe-  
runt

runt memoratam constitutionem, cum lege speciali huic non derogaverint, *Glettle. loc. cit. §. 3. n. 1.* In specie committitur crimen Majestatis I. Adversus Pontificem utpote supremum caput, & superiorem non recognoscentem. II. Adversus Imperatorem Romanum, de quo Jure dixeris, quod ea polleat autoritate, ut ad lucem ejus supremæ Potestates reliquæ, vel ut stellæ ad radios solis expallescant. III. Adversus Electores imperii. Ita apertè statuit *aur. Bull. c. 24. Harp. n. 17.* IV. Adversus Consiliarios Principis; quia pars censentur corporis principis, *l. 15. Cod. eod. Glettle. n. 6. Harp. n. 15. Schamb. vers. quæres hic.*

**IO Q. I.** An crimen læsæ Majestatis in Principes, superiorem non recognoscentes, quales sunt Hispaniæ, Galliæ, Angliæ, Poloniæ, & Daniæ Reges, à subditis ipsorum committatur? multis disputationum ambagibus involuta est quaestio ista. *Negativam* utraque manu propugnant. *Fach. l. 9. c. 32. Harp. n. 19. hic. Wesenb. in parat. ad l. Jul. Majest. n. 4. §. 7.* Moventur I. per §. *hic. 3.* ubi disertè scriptum est, crimen læsæ Majestatis contra Imperatorem vel Rempublicam committi; alii Principes sive superiorem recognoscant, sive non, Imperatores tamen non sunt; ergò illud vulgatum ipsi occinere possis, quòd inclusio unius exclusio alterius, *l. 21. Cod. de procurat. II.* Quia in *l. ult. Cod. de abolit.* crimen læsæ Majestatis & crimen patriæ, quam quis hostili manu debellavit, sibi invicem opponuntur: signum proinde evidens est, eum; qui in patriam vel civitatem, licet superiorem non recognoscentem, deliquit, reum læsæ Majestatis non esse III. Quia in aurea Bulla Caroli IV. singulari privilegio Principibus Electoribus tributum est, ut crimen læsæ Majestatis in ipsos committatur; ergò videtur Jus commune esse in contrarium, exceptio enim

firmat regulam in casibus non exceptis, *l. 102. ff. de legat. 3.*

Verùm his argumentis nihil in contrarium remorantibus subscribo affirmativæ, cui patrocinator *Zoes. ff. ad leg. Jul. Majest. n. 3. Hunn. ad Treutl. vol. poster. disp. 22. q. 3. Ludw. hic.* Ratio I. Quia Majestate fulgent; ergò si quid in ipso committatur, crimen læsæ Majestatis erit, ubi tamen læditur Majestas, crimen læsæ Majestatis commissum esse dixeris. Ratio II. desumitur ex *l. 7. §. 1. ff. de captiv. §. possim. revers.* in illis verbis: *alterius populi Majestatem*, quibus evincitur plus, quàm manifestissimè aliorum etiam populorum esse Majestatem &c. quâ læsa, crimen læsæ Majestatis commissum erit.

**Ad I. R.** Non fuisse mentem & intentionem Justiniani Imperatoris, de quovis læsæ Majestatis crimine tractare. Sed de illo solum, quod à civibus Romanis committitur; his enim solum præscripta & sancita erat lex Julia. **Ad II. R.** Concedendo crimen læsæ Majestatis & oppugnatæ patriæ sibi invicem opponi, sed id de tali oppugnatione patriæ intelligendum, quæ non ponit crimen læsæ Majestatis, puta, quòd talis patria sit, quæ superiorem agnoscit, v. g. *Principem Electorem &c.* **Ad III. R.** Argumentum à contrario contra expressos Juris textus non procedere, prout est *textus d. l. 7. §. 1.* Deinde nulla ratio fuit, ut sanciretur, crimen læsæ Majestatis in præmemoratos Reges committi; quoniam id aliunde clarum erat, in eos committi, eò quòd Majestate fulgeant.

Mihi, ut verum fatear, negativa sententia in rigore Juris videtur verisimilior, ex hac potissimum ratione quòd *textus, & leges* allegatæ de Imperatore loquantur, licet proinde recensiti reges Majestate fulgeant, & sic par in iis ratio esse videatur; quia tamen in odiosis versamur, poena non videtur ad eos extendenda.



denda, qui lege difertè non sunt comprehenfi. In reliquos Principes, Comites, & Barones Imperii, licèt quoque crimen læsæ Majestatis committi aliqui autument. *Humm. d. lo. q. 6.* contrarium tamen verius est, eò, quòd, nulla in iis propriè Majestas resideat, ut proinde crimen læsæ Majestatis in eos committi non possit.

Non obstat, quòd & isti pars corporis Imperatoris esse censeantur, *arg. l. 5. Cod. ad leg. Jul. Majest. R.* Enim, id, quod ibi singulariter in consiliariis Principium constitutum est, ad consequentiam trahendum non esse, cùm odia potius restringenda, quàm amplianda sint, *cap. 15. de R. J. in 6.*

- 11 Q. II. An crimen læsæ Majestatis committatur in Imperatricem? R. Si lubeat de rigore Juris discurrere, certum est, nec in Imperatricem, nec in Regem Romanorum crimen læsæ Majestatis committi, eò quòd simus in odiosis, & dictæ personæ sub lege non sint comprehensæ. Ratio tamen tum politica, tum æquitatis exigit, ut asseratur, tam in Imperatricem, quàm Regem Romanorum crimen læsæ Majestatis committi, eò quòd utraque persona Majestate fulgeat. Vide *Glettle de criminib. publ. cap. 2. §. 3. n. 7.*

- 12 Illud observandum: ob enormitatem hujus criminis multa singularia, quæ in aliis criminibus non obtinent, de Jure statuta reperiri. I. Enim nuda etiam voluntas, licèt non fuerit in effectum deducta, facit huic crimini obnoxium, *l. 5. Cod. ad leg. Jul. Majest.* quod tamen cum grano salis intelligendum, quatenus videlicet nuda voluntas in actum exivit exteriorem, ita ut conatus aliquis adverteretur; nam nudam & solam voluntatem interiorem, absque ullo tractu exteriori ad hoc crimen non sufficere, ferè in confesso est; quoniam

Juris est, ut cogitationis pœnam nemo patiatur, *l. 18. ff. de pœnis. & actus merè interni, qui scilicet in solo animo & cogitatione consistunt, non cadunt sub legem humanam. Konig. de constitut. n. 19. ad decretal. Zoef. ff. ad leg. Jul. Majest. n. 11. Harp. n. 42.* Unde sequitur nimis rigidam fuisse sententiam Curie Parisiorum, quæ nobilem, qui Franciscum I. se occidere voluisse sodali Franciscano religiose confessus erat, capitis condemnavit, quâ de re *Bodin. lib. 2. de Reipubl. cap. 5. pag. 276.*

II. Crimen hoc deferre possunt, qui jus accusandi aliàs non habent, puta, famosi, milites, mulieres, *l. 7. §. 1. l. 8. ff. b. t.*

III. In Q. hujus criminis nulla dignitas à tortura eximit, *l. 3. l. 4. Cod. ad leg. Jul. Majest.*

IV. Quod illi, qui pro reo Majestatis intercedunt, perpetuâ notentur infamia, *l. 5. §. 2. Cod. eod. Schamb. hic. Glettle. loc. cit. §. 4. n. 3.*

Pœna huic crimini præstituta variat, & alia est, si sermo sit de perduellionis crimine, alia si de crimine læsæ Majestatis in specie. Pœna perduellioni præfinita concernit vel ipsum perduellens, vel liberos, vel denique conscios.

Ipse perduellis severè admodum puniatur. I. Enim ultimo afficitur supplicio, *l. 5. Cod. b. t. l. 3. ff. eod. §. 3. hic.* Ecce consuetudine membra in 4. partes secantur, vel perduellis igne, aut etiam suspendio puniatur. *Harp. n. 45. Zoef. loc. cit. n. 17.* II. Perduellis memoria etiam post mortem damnatur, *§. 3. hic.* ita ut de hoc crimine etiam post obitum delinquentis cognosci & procedi possit, *l. 6. l. fin. Cod. ad l. Jul. Majest.* secus quàm in aliis criminibus, quæ morte reorum extinguì constat, *l. 2. §. 3. Cod. si reus vel accusat.* Itaque memoriam autem defuncti damnari nihil aliud est, quàm

quàm etiam post mortem infamem dici, statuas ejus, & insignia in honorem ejus erecta, edita, affixa tolli, eliminari atque deleri, *Schamb. hic. III.* Bona perduellis omnia publicantur, sive confiscantur, *d. l. 6. § ult. eod.* tum feudalium tum allodialia. *Zoes. loc. cit. n. 17* ipso Jure, ut sententia definitiva non sit necessaria: nam declaratoria requiritur ad effectum executionis, *arg. cap. cum secundum de hered. in 6.* nisi crimen omnino sit notorium. *Gail. de pace pub. lib. 2. cap. 36. n. 16. § n. 17.* Et hoc quoad bona rei, quæ sunt in territorio principis, cujus Majestas læsa: alibi sita non possunt dici publicata, cum lex non extendat se ultra territorium Legislatoris, *cap. 2. de const. n. 6.* Salva etiam manet uxori sua dos, & ususfructus donationis propter nuptias quoad vivit uxor; post mortem enim uxoris cedit fisco, *l. 5. § uxores. Cod. d. tit. Zoes. hic ff. n. 19. Brunn. in d. l. 5. n. 29.* Pœnis hætenus recensitis afficiuntur ipsi perduelles. Liberi verò perduellium sequentes pœnas incurrunt. I. Perpetua notantur infamia, *d. l. 5. §. 1. II.* Privantur honoribus & dignitatibus, ac recipi prohibentur in numerum militum, *d. l. 5. §. 1. aur. Bull. tit. 24. §. 1.* Imò tales reputantur, quibus vita simplicium, & mors solatium. *Manz. hic.* Ad filias tamen pœna hæc non pertinet. Hæ enim, quia ob vitæ infirmitatem minùs ausuræ credunt, Matri in legitima succedunt, *d. l. 5. §. 3. Brunn. ibi. n. 21.* IV. Privantur testamenti factione passivâ, ita, ut ne quidem ex testamento extranei capere quidquam possint, *d. l. 5. §. 1. Glettle de criminalib. publ. cap. 2. §. 6. n. 1.*

14 Q. III. An liberis perduellium ex bonis patris perduellis non saltem debeat legitima? R. Interesse, an per legitimam determinata legibus portio, puta triens, vel semis intelligatur, an verò alimenta?

Si prius certum est, legitimam non deberi, *l. 5. Cod. ad leg. Jul. Majest.* ubi bona perduellis omnia fisco transcribuntur, hoc ad perpetuam egestatem liberi damnantur, quod non fieret, si liberi patri perduelli in triente vel semisse succederent. Si posterius; puto; legitimam saltem ex ratione æquitatis debere; quoniam necare dicitur, qui alimenta negat, non autem est finis Principum necare liberos, cum disertè in *d. l. 5.* profiteantur; quòd vitam illis lenitate Imperatoria indulgeant, *Glettle. loc. cit. §. 6. n. 7. q. 3.*

Q. IV. Pertineantne ad memoratam constitutionem liberi, tam ante, quam post commissum crimen admissi? *vide Glettle. loc. cit. cont. 4.* Socii & conscii hujus sceleris eadem pœna afficiuntur, qua ipsi perduelles, *d. l. 5. §. 6.* ubi tamen æquior videtur sententia, quòd sola reticentia, forte quia sufficienter crimen probare non potest, non sufficiat ad incurrendam hanc pœnam, quod enim quis probare non potest, scire non intelligitur. *Zoes. ff. ad leg. Jul. Majest. n. 13. Glettle loc. cit. §. 7. n. 2.* In reos criminis læsæ Majestatis in specie tanta pœna non est constituta, sed secundum circumstantiarum qualitatem, vel deportatione, vel relegatione, vel etiam gladio puniuntur, *l. 34. l. 40. ff. de pœnis §. 3. hic.* Pœnis aliis, v. g. damnationis memoria, confiscationis, &c. non subjiciendos esse, verius est, *Glettle. d. loc. §. 8. Harp. n. 88.*

#### §. ITEM LEX JULIA 4.

II. Crimen publicum est adulterium, quod nihil est aliud, quàm concubitus cum persona, alteri ligatâ. De Jure Civili tunc tamen dicitur committi adulterium, quando nupta violatur, *l. inter §. 1. ff. ad l. Jul. de adult.* sive à conjugato, sive à soluto, *d. l. inter.* ut proinde

adulterium non sit, si maritus negotium illicitum habuerit cum solata; sed tantum stuprum erit. Ratio; quia Jus civile principaliter confusionem seminis, & incertitudinem prolis considerat, eaque de causa adulteria specialiter execratur, & tanquam Reipublicæ noxia, graviter puniunt. De Jure verò Canonico adulterium committitur, siue solutus conjugatam carnaliter cognoscat, siue conjugatus solutam, siue conjugatus conjugatam. Ratio, quia sacri Canones non effectum civilem, & damnum ob incertitudinem prolis, in patrimonio contingens, sed reatum in conscientia, & læsionem justitiæ, & fidei conjugalis considerant, nec virum, & uxorem ad imparia judicant. *can. 19. caus. 32. q. 5.*

- 16 In controversiam rapitur; anne adulterium committatur à sponsis? Quin in sponsam de præsentī, putā, matrimonio rata jam vinculatam, adulterium committatur, dubitandum non est; talis enim vera conjux est, cū consensus non concubitus faciat nuptias. Facit & *cap. 6. de eo, qui cognovit. consang. ux. sue.*

Dubium duntaxat est de sponsa de futuro. Et videtur dicendum, & in hanc committi adulterium *per l. 4. uxor. 13. §. divi. 3. ff. ad leg. Jul. de adulter. his verbis: Divi Severus, & Antonius rescripserunt, etiam in sponsa hoc idem vindicandum, quia neque matrimonium quæcunque, neque spem violare permittitur.*

Verum, probabilius est, in sponsam de futuro non committi adulterium. Ita *Zoes. ff. ad leg. Jul. de adult. n. 6. König. ad decret. de adult. & stup.* Ratio sola, sed solida est posita in ipsa definitione adulterii, quod est violatio thori, & adulter dicitur corruptor alienæ Matrisfam. sponsalia autem de futura thorum non ponunt, nec sponsa aliena dici potest Materfam.

*Ad d. l. 13. §. 3. R.* etiam in sponsa hoc idem vindicandum, *ut stuprum, con. ut adulterium nego.* Sensus legis, quod, sicuti marito permittitur vindicare adulterium ob injuriam, eidem illatam, ita & sponso permittatur stuprum sponsæ vindicare. Ita *communiter.* Poena adulterii olim de Jure Civili varia erat. De Jure Codicis est poena gladii constituta, *l. 30. §. ult. & l. 9. Cod. eod.* Verum, hæc poena in muliere mutata fuit. *Nov. 134. §. mulier. vero 7.* atque sancitum est ut mulier, rea adulterii, virgis caderetur, atque in monasterium detruderetur, & si maritus intra biennium illam ad se non revocaverit, ibi toto vitæ suæ tempore, tanquam in carcere manere, & poenitentiam agere cogeretur, *cap. 9. de confes. conjugat.* Sed & ista poena in Germania parum frequentata fuit: rationi enim esse contrarium videtur, loca sancta impudicis mulieribus repleti. *Manz. hic. n. 5. & 6.* Illud certum est, licet antiquæ poenæ non amplius observentur, quod adulterii poena illa adhuc vigeat, quod mulier emittat dotem, & maritus donationem propter nuptias. *Nov. 117. §. 8.* Et in terris A catholicorum communiter constitutum vel usu introductum est, ut tam masculi, quam foeminae propter adulterium, maxime si duplex & bilaterale sit, gladio feriantur. *Berlich. conclus. pract. l. 4. cap. 17. n. 20.* In terris verò Catholicorum ferè utique receptum est, ut adulteri saltem primā, & secunda vice non gladio aut poena capitali, sed carceribus, relegatione, aut poena pecuniaria, vel confusione aliqua puniantur. *Engel. de adult. & stup. n. 6.* licet interea adulteros poenā nimis levi affici, multi conquerantur, & principes in hoc delicto castigando nimis clementes, aut negligentes gravis peccati arguat. *Clariss. D. P. König. ad decret. eod. tit. §. 6.*

## AD V. SED EOS.

- 19 Eadem pœna gladii de Jure Codicis, & Institutionum puniuntur sodomix rei. Verùm exasperata est hæc pœna per constitutionem Carolinam, atque comburi jubentur.

## AD V. SED EADEM.

- 20 Ex eadem lege Julia prohibetur, & coercetur stuprum, quod est concubitus soluti cum soluta virgine, aut vidua, honestè vivente, *l. inter stuprum. ff. de V. S.* Dixi *honestè vivente*; nam, cum meretrice, quæ pro quæstu passim corpus venale prostituit, non stuprum, sed fornicatio committitur, cujus pœna est arbitraria. *Harp. n. 58. hic.* Porro, stuprum vel *simplex* sive *voluntarium*, vel *violentum est*. Illud sceminæ volenti, & spontè consentienti: hoc invitæ, ac vi compulsæ infertur. Pœna prioris de Jure Civili est publicatio dimidiæ partis bonorum in honestioribus, in humilioribus castigatio corporis cum relegatione, §. 4. *Inst. hic.* De Jure canonico jubetur, stuprator corruptam ducere, vel ut aliqui legunt, & dotare, *cap. 1, de adult. & sup.* Pœna stupri violenti cit adhuc hodie ultimum supplicium, *const. Carol. art. 119. Manz. n. 15. hic.* Cæterum, puella in dubio præsumitur Virgo, & neganti virginem incumbit probatio, quod prius ab alio fuerit deflorata, quia quilibet præsumitur bonus, donec probetur malus, *l. meritò ff. pro socio*, & puella habet præsumptionem naturæ pro se, cum Virgo nascatur. *Engel. d. t. num. 14.*

## §. ITEM LEX CORNELIA 5.

- 21 Succedit tertia publici Judiciii species, puta, homicidium, quod lege Cornelia de sicariis punitur. Homicidium definitur, quod sit *humanj corporis animati pe-*

*reemptio, ab homine facta.* Nam, si homo à fera, vel bruto occidatur, propriè non est homicidium, sed dicitur pauperies *tot. tit. Inst. si quadrupes paup. fecisse. di.* Dixi *animati.* Unde & ille ordinariæ pœnæ homicidii plectendus dicitur, qui abortum procuravit, sive, qui foetum humanum nondam editum (quem Medici embrionem vocant) negavit, partumque abegit, *l. 38. §. 5. & l. Cicero 39. ff. ad leg. Cornel. de scar.* si tamen embrio fuerit animatus; nam, antequàm informatus est anima rationali, non dicitur homo, atque ita nec commissum homicidium, *cap. sicut de homicid.* quod est peremptio corporis humani. *Gomez. tom. 3. cap. 3. n. 32. Fach. n. 9. cont. 101. Harp. hic. n. 33.* quo autem tempore anima infundatur, inter D. D. non convenit, alii autumant mærem die 30. sceminam 80. aliialiter. Puto, optimè illos sentire, qui quæstionem istam Physicis, & Medicis decidendam, & discutendam relinquunt, *Harp. n. 56.*

Dividitur homicidium à variis variè. 22 Placet præ aliis illa divisio, quod homicidium aliud sit, *voluntarium*, aliud *causale*. Voluntarium iterum vel *licitum*, vel *illicitum*, adeoque tertia species, scilicet quod aliud homicidium sit *necessarium*, quod quis committit ad necessariam sui defensionem, vel quod sit à Magistratu in malefactores, vel, quod sit ab eo, qui justum bellum gerit, necesse non est, quoniam in homicidio voluntario licito includitur. Homicidium voluntarium illicitum est, quod ex proposito, & intentione, aut saltem libera voluntate, aut ex iracundia, cum rationis tamen advertentia, factum, est *l. 1. §. 3. l. 7. & l. 14. ff. ad leg. Cornel. de scar.* sanè, ut homicidium dicatur, dolus concurrat necesse est; lata enim culpa non sufficit, ut pœnâ ordinariâ reus afficiatur, quoniam in criminalibus lata culpa dolo non æqui.



æquiparatur, *lib. 7. ff. eod. Harp. n. 58.*

§ 59. Dolus autem licet ex pluribus indiciis, & circumstantiis probari possit; indicia tamen maximè censentur ista esse, quæ ex genere, & qualitate armorum sumuntur. Etenim, qui gladio, sclopeto, vel baculo satis robusto, vel ( ut brevis sim ) tali instrumento usus est, ex quo mors facile possit sequi, voluntatem, & animum occidendi, quin præsumatur, habuisse dubitandum non est.

23 *Harp. n. 67.* Quod si verò aliquis clavi, cucumæ, pugno, baculo, ligone, virgis, loris, vel alio instrumento, ad interemptionem hominis non apto, usus fuerit, vix est, ut dolo homicidium fecisse præsumatur. *Gail. l. 2. obs. 110. num. 7. Harp. n. 67. hic.* Ubi latè hæc de materia discepat.

*Dices:* hic in §. nostro dicitur, homicidam teneri pœna mortis, sive cum gladio, sive cum ligno vel lapide, vel alio quocunque tali genere homicidium perpetraverit. R. Istum §. ( ut ipse Justin. explicat ) de eo exaudiendum esse, qui, hominis occidenti causa, cum telo ambulaverit, h. e. animum, & voluntatem occidenti habuerit. Quoties enim in aliquo Juris loco disponitur, ordinariam legis Cornelie pœnam infligendam esse, semper præsupponendum est, occidendi animum præcessisse, sinè quo pœna legis Cornelie locum non habet, *l. 7. ff. ad leg. Cornel. de sicar.* Cæterum, licet *Humm. ad Treutl. vol. 2. disp. 32. sb. 5. q. 42.* Utrâque manu propugnet, eum, qui clavi, cucumæ, lapide, pugno, baculo, fuste, ligone, virgis, loris, similique instrumenti genere, ad hominis occisionem verosimiliter non apto, aliquem percusserit, & percudiendo occiderit, occidendi animum, & voluntatem occidendi habuisse, atque adeò, dolo occidisse præsumi; indigna tamen est tanto viro isthæc sententia, & veritati minùs con-

grua. Refragatus enim luculentis Juris textibus, puta, *l. 1. §. 3. ff. ad leg. Cornel. de sicar. l. 5. Cod. eod. c. 18. de homicid.* repugnat insuper apertæ humanitati, ac benignitati, quæ cum primis in pœnalibus attendenda, *l. pen. ff. de penis. Harp. n. 71.* Itaque, si aliquo ex memoratis instrumentis alterum quis occiderit, pœna legis Cornelie ordinaria non tenetur, nisi doceatur clavis probationibus, reum animum habuisse occidendi; nulla enim præsumptio tam violenta est, quin per contrariam probationem everti possit, *Zoes. ff. ad leg. Cornel. de sicar. n. 7.* Planè, ut quis pro homicida habeatur, nihil interest, utrum occidat ipse, an mortis causam dolo malo præbeat, *l. 15. ff. d. t.* Unde, mandans, alterum occidi, æquè ac ipse occidens, tenetur, *l. 15. §. 1.* Nihil enim interest, an quis occidat, an causam mortis præbeat, & quod quis per alium facit, per se ipsum facere censetur, *cap. 72. de R. J. in 6. Zoes. n. 12.*

Non obstat, quod rei turpis nullum mandatum, nullus contractus, nulla obligatio, vel actio existat, *l. 6. §. 3. l. 22. §. 6. ff. mand.* Id siquidem intelligendum est ratione obligationis, & actionis, producendæ inter contrahentes, putà. *mandantem, & mandatarium:* non verò quoad actionem, vel accusationem, pariendam ei, in cujus præjudicium mandatum est. *Gomez. var. resol. tom. 3. cap. 3. n. 39.*

Q. Ulteriùs. Quid dicendum de eo, 24 qui consilium dedit, vel, qui auxilium tulit: Communis opinio distinguit, an fuisset aliàs facturus nec ne? Priori casu ordinariam homicidii pœnam non habere locum, existimant; potest tamen pœna extraordinaria affici pro arbitrio scilicet Judicis, examinantis, an consilio animum alterius multum, vel parum moverit. Ita facit *text. in cap. 6. §. qui*

vero 3. de homicid. ubi, qui inflammaverunt animum regis, dicuntur puniendi, licet non tam severe. *Zoes. n. 17.* ubi, idem in mandante statui posse, opinatur, eò quòd talis consultor, & mandator non videtur præcise ad factum homicidii concurrisse. Posteriori casu consulens, & auxilians pari poena, qua homicidæ afficiuntur. Ita *Zoes. ff. ad leg. Cornel. de sicar. n. 17. Gomez. var. resol. Tom. 3. c. 3. n. 43. & seqq. Gail. l. 1. cap. 1. n. 43. de Pace publ.* Ratio est in l. non solum 11. §. 6. ff. de Injur. ubi in hæc verba rescribitur. *Astilius ait, & si persuaserint alicui, alias nolenti ut mihi, ad injuriam faciendam, obediret, posset injuriarum mecum agi:* ex quo illud tritum verum, consilium malum consultori esse pessimum. Sanè, quod de consilio, & mandato diximus, trahendum non est ad ratihabitionem; quæ licet comparetur mandato, cap. ratihabitionem de R. J. in 6. non facit tamen aliquem poena ordinaria affici, quoniam ad homicidium ratihabens concurrisse dici non potest, eò quo ratihabitio sit posterior. Requiritur autem ad hoc, ut quis poenam ordinariam homicidii incurrat, ut ad factum concurrat, prout ex dictis patet.

Non obstat *can. cum quis de sent. excommun. in 6.* ubi ratam habens percussionem clerici suo nomine factam, est excommunicatus: quoniam id in casu d. cap. videtur esse singulare, adeoque in poenalibus non extendendum, *Zoes. n. 23.*

25 Illud singulari memoria dignum, quòd licet mandans non teneatur, postquam revocavit mandatum *expresse, vel tacite*, si revocatio perveniat in notitiam mandatarii; tamen persuadens, & consulens non excusatur, licet revocaverit persuasionem, vel consilium: sed oportet omninò facere, quod non sequatur maleficium, vel quòd denuntietur ei, in ejus personam debeat maleficium committi. *Kees ad Institut.*

Ratio diversitatis est, quod mandatum concernat gratiam mandantis, ab eoque habeat vim omnem movendi, ut, ejus voluntate sublata per revocationem, cesset mandati causa, & mandanti nihil amplius imputari queat, cujus influxus cessat. Consilium verò concernit eum, cui datum, ponitque inclinationem, quæ inclinatio tollitur per revocationem consilii, cum intellectus, semel instructus, non facile mutetur, præcipue in causa vindictæ. *Gomez. tom. 3. cap. 3. n. 43. Zoes. n. 19.*

Pœna legis Cornelie de sicariis ordinaria olim erat deportatio, & omnium bonorum ademptio, sive confiscatio: postea verò nobiliores quidem, & honestiores in Insulam deportari; humiliores ultimo supplicio affici cœperunt, l. 3. §. pen. l. 16. ff. ad l. Cornel. de sicar. Hodie poena gladii homicidæ indistinctè afficiuntur. *Harp. n. 27.* Jure enim talionis equum est, ut homicida, quod fecit, exspectet, l. 3. Cod. d. Epif. audien. Et hoc verum est, nisi homicidium sit insidiosum, vel proditorium, ut puta, si quis alterum absque causa rixæ aut discordiæ à tergo, simulans se amicum, occidat. Hoc enim casu qualitas proditoris & ut vocant, alevosæ, facit aggravari poenam homicidii, & rotæ supplicio reum affici. *Gomez. n. 5. loc. cit. vide etiam. Con. Carolin. art. 131. cum aliquot seqq.* Hucusque sit dictum satis de homicidio voluntario illicito.

Sequitur recta methodo homicidium voluntarium licitum, quod alii *necessarium*, sive *coactum* appellant. Estque illud, quod quis non dolo malo, sed ad necessariam sui defensionem committit, vim enim vi repellere, omnes leges, omniaque Jura permittunt, l. 45. ff. ad leg. Aquil. & quod quis ad defensionem corporis sui facit, Jure fecisse, dicitur, l. 3. ff. de J. & J. Quod tamen tum demum

procedit, si servatum sit moderamen inculpatæ tutelæ, h. e. si defensio sui ita fuerit moderata, ut invasus non potuerit periculum alio modo evadere, aut invadentem repellere, nisi hunc occiderit. *Zoef. ff. ad leg. Cornel. de sicar. num. 30. Guil. l. 2. ob 110. n. 13.*

26 Ad hoc autem, ut dicatur servari moderamen inculpatæ tutelæ, requiritur I. Ut aggressio periculosa sit, & injusta: dico, *periculosa*, ubi enim nulla est aggressio, ibi nulla est defensio. Illud tamen necesse non est, ut defensor primum ictum expectet, sed si viderit, arma in se stringi, bombardam è theca eximi. & ad offendendum se præparari, resistere, & in tempore sibi poterit prospicere, *l. 5. ff. ad leg. Aquil.* tum, quia melius est occurrere in tempore, quàm post exitum, & vulneratam causam remedium quaerere, *l. ult. Cod. in quib. caus. restit. in integ. necess. non est.* Suffragatur etiam constitutio Carolina, *art. 140.* his verbis: *Ist auch mit seiner Gegenwehr, bisz er geschlagen wird, zu warten nicht schuldig.* Tum, quia melius est prævenire, quàm præveniri. Unde Poeta: Dimidium amisit, qui primum expectat ad ictum, *ita Zoef. loc. cit. Harp. n. 114.* II. Requiritur, ut defensio, quàm fieri potest, fiat cum minori læsione proximi, alàs enim transiret in vindictam. Hinc, si mutilare sufficiat, non debet occidere; ita tamen, ut, si occiderit, pœna ordinaria non sit afficiendus; quia difficile est, in motu se continere, & sufficienter refrænare. III. Ut fiat defensio, non aggressio. Sic, si quis fugientem, etiam post vulnus acceptum, insequatur, & occidat, aut mutilet, excedit moderamen inculpatæ tutelæ, cum fuga infaustis faciat cessare periculum invasionis, *arg. cap. 18. de homicid.* talis tamen excessus etsi mereatur aliquam pœnam arbitrariam, pro modo excessus juxta boni viri arbitrium æsti-

mandam; non tamen locus erit pœnæ ordinariæ, eò quòd difficile sit justo dolori temperare. *Menoch. 2. arbitr. caus. 177. IV.* Requiritur, ut defensio fiat in continenti, i. e. in ipsa concertatione, ac congressu, *l. quod est 3. §. cum igitur 9. ff. de vi. Et vi armat.* secus enim non defensio, sed potius vindicta, erit. *Schneid. §. 1. Inst. de J. N. G. Et C. n. 15. Guil. lib. 1. cap. 16. n. 12. de Pace publ.* ubi explicat, quondo dicatur defensio incontinenti fieri, atque defensionem rerum incontinenti fieri, si post aliquot hebdomadas fiat; fac enim, nobilem de castro vi dejectum esse, hoc in casu ad recuperationem castri desideratur magnus apparatus, ut proinde ad defensionem longioris temporis intervallum exigatur. V. Requiritur aliqui, ut defensio fiat æqualitate armorum: sic Verba verbis, verbera verberibus, videntur esse repellenda, huc inclinare videtur. *Schamb. d. lo.* Mihi tamen verisimile videtur æqualitatem armorum non desiderari, & posse quem, si in periculo existat, quibuscunque armis se defendere, *l. 25. §. 1. ff. de t. l. 3. Cod. eod. Schamb. hic Et Zoef. loc. cit. n. 33. Et 34.*

Q. An insultans fugere teneatur? si 27 cum Canonistis, aut aliis strictioris conscientiæ Authoribus sentire velis, certum est, multos non infimæ notæ viros esse, qui ad fugam obligant, eò quòd tunc demum defensio locum habeat, & moderamen inculpatæ tutelæ servari dicatur, si aliter vitæ & corporis periculum evitari non potest, ergò.

Non obstat, fugam turpem esse, & nobili animo indignam, quoniam levior censenda est hæc turpitudine, (ut ajunt) quàm etiam minimo peccato conscientiam onerare. Huc inclinat *Harp. num. 121. Et plures alii, ab ipso allegati.*

Hæc Sententia, ut secuta, & in foro animæ tuta videatur; cum tamen fuga tur-

turpis sit, & propter lapsum periculosa, puto, rectè *defendi*, quòd is, qui maluit resistere, quam fugere, puniri non debeat. *Gail. loc. cit. n. 21. Engel. de Homicid. n. 15. Manz. §. 2. inst. ad leg. Aquil. n. 10. Gomez. var. resol. tom. 3. cap. 3. n. 23.*

Cæterum non solum non ipsos, sed etiam alios, sive sanguine, sive affinitate junctos, sive prorsus extraneos rectè defendimus, ita, ut ob mortem aggressori, cum moderamine inculpatæ tutelæ illatam, puniri non debeamus, *l. 1. §. 4. ff. ad leg. Cornel. de sicar. cap. sicut dignum §. illi etiam de homicid. ubi, scriptum enim est, inquit Pontifex, qui potuit hominem liberare à morte, & non liberavit, eum occidit. Gomez. loc. cit. n. 21. Engel. n. 18.*

- 28 Dubitatur: an non tantum pro defensione corporis, sed etiam rerum, & bonorum liceat raptorem occidere? Certum est, si defensio sit mixta rei, & personæ, h. e. si raptor non tantum in bona, sed etiam in personam, quid moliri præsumat, quòd occisio impunè abeat, *cap. 2. de homicid.* Unde furem nocturnum impunè licet occidere, si absque periculo capi, aut expelli nequeat; dignosci enim facile non potest, an ad furandum, vel occidendum venerit, *l. 4. ff. ad l. Aquil. cap. 3. de d. t. Schamb. §. 2. Inst. d. t.* Quòd si verò personæ nulum periculum immineat, putà, si fur cum meo equo aut sarcina jam aufugiat, ita tamen ut sclopeto, adhuc insequi possem, tutiorem puto sententiam esse, non licitam esse occisionem, *arg. d. cap. 2. ubi dicitur illud homicidium impunè esse, quod aliquis committi se & sua liberando, adeoque si defensio sit mixta rei & personæ. Ita Fach. l. 1. c. 31. Interim si res essent valde pretiosæ, & earum ablatio paupertatem causaret, neque aliter per judicem vel aliud remedium re-*

cuperari possent, non video, quæ lex aut quæ ratio in occidentem pœnam dictaret, eò quod res & bona *secundus sanguis & vita hominis* dicantur, *l. 41. Cod. de advocat. divers. Jud.* Accedit, quòd universali omnium Rerumpubl. consuetudine & recuperatione rerum bella suscipiantur, licet, nescio, quot millia hominum mactentur. *Engel. loc. cit. num. 21. Zoef. l. cit. n. 50.*

Idem, quod de defensione rerum suarum diximus, dicendum existimo de defensione famæ & honoris sui; bona enim fama thesaurus hominis est inæstimabilis, *l. 6. §. 1. §. ult. Cod. de postul. c. 14. de accusat. & sicut sol, corpus illustrat, ita & bona fama.* Et quilibet tenetur honorem suum tueri & conservare, omnique lucro præferre, *l. 27. ff. si quis omiff. caus. testam.* Item vita & fama pari passu ambulant, *l. 1. §. 9. ff. de bon. poss. contra tabul.* hinc crudelis dicitur, qui famam suam negligit, *can. 10. caus. 12. q. 1.* mala enim fama nobilem degenerat, fidem minuit, existimationem vulnerat, affectum perimit, honores tollit, conservandi animum alii adimit, & sequitur hominem, ut lepra leprosum. *Vide Harp. n. 163. Zoef. ff. loc. cit. n. 45.*

Quid si quis confiteatur se alterum 29 occidisse, dicat tamen id contigisse ad sui vel suarum rerum defensionem? R. Cum regula Juris sit, quod omne maleficio præsumatur malo animo factum, *cap. 1. de præsumpt.* ideò necessariam defensionem a Reo probandam esse, præsumptio enim Juris rejicit onus probandi in adversarium, *Gail. l. 1. c. 61. de Pace Publ. Zoef. loc. cit. n. 12.*

Homicidium causale est, quod præter 30 intentionem, scopum & voluntatem interficientis committitur, *l. 1. l. 5. Cod. ad leg. Cornel. de sicar.* Hoc iterum vel *cum culpa* vel *sine culpa* committitur: Si sine culpa, non imputatur occidenti, & merè



causale dicitur, adeoque nec ponit no-  
xam & nec à prudentissimo prævideri  
potest, *l. 6. Cod. de pignor. act.* Hinc ve-  
nator sagitta in feram directa fortè homi-  
nem intervenientem transfodiens, est  
extra poenam. Si cum culpa, ut, si quis  
ex arbore ramum dejiciat, & transeun-  
tem occidat, vel ex domo, turri vel fe-  
nestra lapidem projiciat, vel insidens  
currenti equo transeuntem occidat, nec  
acclamando occisionem prævidet, licet  
poena mortis non afficiatur, Judicis ta-  
men arbitrio extraordinariè pro qualita-  
te excessus puniri potest. *Gomez. n. 16.*

#### AD V. EADEM LEGE.

- 31 Venefici quoque hac lege Cornelia ca-  
pite puniuntur, si alicui mortem vel ve-  
neno vel arte Magica intulerint, plus  
enim est, hominem veneno, quam gladio  
interimere, *l. 1. Cod. de Malefic.* Per  
constitutionem Carolinam alia poena in  
venenarios constituta est; videl. ut si  
masculus sit, rota plectatur. Si verò fœ-  
mina, aquis suffocetur. *Manz. Inst. hic.*

#### §. ALIA DEINDE LEX 6.

- 32 Quarta publici Judicii species est par-  
ricidium, de quo crimine Solon, ex 7.  
Græciæ sapientibus unus & Athenien-  
sium legislator celeberrimus legem non  
tulit, eo quod non speraverit, tantæ im-  
manitatis quemque fore, qui tam fædum  
& horrendum facinus commissurus esset.  
Imo & ipse Seneca affirmat, summa pru-  
dentia præditos viros noluisse de parri-  
cidio poenam constituere, ne vindican-  
do ostenderent tale quid fieri posse. Par-  
ricidium dicitur quasi parenticidium, &  
tunc propriè committitur, quando quis  
parentis sui fatas præparaverit.

Pœna hujus delicti (ut veteres poenas  
sileam) nova hæc est, ut parricida virgis

sanguineis cæsus, culeo sive sacco coria-  
ceo, cum cane, Gallo gallinaceo, vipera  
& simia infuetur, & in mare vicium  
vel in flumen projiciatur. Si verò mare  
vicinum non sit, nec flumen, tunc bestiis  
objiciatur, Ita sancit, *l. un. Cod. de his,  
qui parent. vel lib. occid.* Ratio autem,  
cur ista animalia simul includi debeant,  
à variis varia assignatur, *Manz. hic,*  
unam generalem assignat; quia videli-  
cet hæc animalia, vel parentes suos ne-  
cant, vel cum iis dimicant. *Harp. n. 21.*  
De vipera hanc rationem reddit. I. Quod  
illa simili sit delicto obnoxia, cum & ipsa  
exeso parentis utero proruperit in lu-  
cem, parentemque occiderit. II. Quod  
ea maximum semper homini terrorem  
incutiat, juxta illud Horatii, *cane pepus,  
& angue.* De cane hæc esse ratio potest;  
quia est fidelissimum homini animal teste  
Plinio, *l. 8. c. 40.* Idcirco ad arguendam  
parricidæ infidelitatem, constitutum est,  
ut canis cum ipso in culeum mitteretur:  
contraria enim juxta se posita magis elu-  
cescunt. Alii hanc rationem dant, quod  
canis fame rabida percitus, parricidæ  
corpore & cadavere pascatur. De simia  
hæc potest reddi ratio, quod simia sint  
similes hominibus, interim deformes, si-  
cut parricidæ, qui præter humanam si-  
militudinem nihil habeant hominis, &  
sub figura hominum immanitatem bel-  
luarum gerant. De Gallo gallinaceo dic  
hanc rationem, ut per cantum Galli pu-  
blicetur delictum parricidæ, vel ut reus  
à somno captando impediatur. Hæc pœ-  
na non illo duntaxat casu locum habet,  
quando Filii occidunt parentes, sed etiam,  
si parentes filios suos interimunt, *d. l. un.*  
Et quamvis antiquitus pater impune po-  
tuerit occidere filium, quia propter pa-  
triam potestatem Jus vitæ, & necis ha-  
buit, tamen quia patria potestas in picta-  
te, & non in atrocitate consistere debet,  
*l. 5. ff. ad leg. Pomp. id per d. l. un.*  
im-

immutatum est. Hodie poena culci, tanquam nimis barbara ac nimiam redolens severitatem, locum non amplius habet; sed parricidæ ignitis forcipibus lacerantur, & gladio feriuntur, aut rotæ insectantur, secundum cujusque regionis consuetudinem. *Harp. n. 30. Manz. num. 21.*

### §. ITEM LEX CORNELIA 7.

33 Quinta Judicii publici species est crimen falsi, quod ex lege Cornelia, à L. Cornelio Sylla dictatore lata est, castigatur. Alio nomine vocatur lex testamentaria, quoniam de testamentis falsis plerumque lata est. *Harp. n. 1. hic.* Postea autem etiam ad alia genera falsi extensa est. Est autem falsum: actus dolosus, veritatis immutandæ gratia ad alterum decipiendum factus, vel, ut brevius loquar, est dolosa veritatis immutatio.

34 Committitur falsum I. dicto v. g. in teste, qui falsum testimonium dicit, vel verum supprimit dolo malo, c. 1. *de crim. falsi.* Item si Judex pecunia corruptus vel alias dolo malo, legibus & constitutionibus contrariam sententiam tulerit, l. 1. §. 3. ff. ad leg. Corn. de fals. Illud tanquam singulare observa: Quod etiam ille testis ordinaria poena falsi puniatur; qui pecuniam accepit, ne diceret contra aliquem testimonium, l. 1. Sed & si quis 2. ff. d. t. licet enim talis veritatem non immutet, adeoque proprie falsum non committat, non est tamen infrequens, ut quis poena in aliquod crimen statuta afficiatur, licet illud crimen propriè non commiserit. Sic adulterium in nonnullis locis poena gladii afficitur, licet eadem poena homicidium puniatur. *Harp. n. 13. & 14.* Item & is poenam falsi incurrit, qui testimonii dicendi gratia accepit pecuniam, & verum etiam testimonium dixit, d. l. 1. §. 2. Ubi distinctè asseritur, eum, qui pecuniam ac-

cepit ob dicendum testimonium, poena legis Corneliæ de falsis affici, estque ratio, quod testificatio libera esse debeat, non adstricta ad nummos, aut emendicato pretio, venale enim testimonium non est veritatis testimonium, *can. nolite timere 48. caus. 11. q. 3. Harp. d. lo. & H2nn. vol. 2. d. 32. th. 8. q. 70.*

II. Committitur falsum facto, si quis nummos aureos, vel argenteos adulteraverit, raserit, corruerit, vitiaverit, tinxerit, finxerit, confaverit, vel quoquo modo falsam monetam percusserit, l. 8. l. 19. ff. ad leg. Corn. de fals. Schamb. hic.

III. Committitur falsum abusu, si<sup>35</sup> quis pondera aut mensuras publice probatas corrumpet, vel si quis utatur adulterinis mensuris, ulnis, ponderibus, stateris &c. Et hæc falsitas mitius punitur, nempe duplo, ac relegatione sive exilio, l. pen. §. 1. ff. d. t. Insuper abusu falsum committitur, si quis se pro Comite, nobili, Doctore, Notario, cum non sit, gerat, alterive noceat. *Harp. num. 45.*

IV. Committitur falsum scripto seu litteris, puta, si quis testimonium vel aliud instrumentum falsum scribat, signet, recitet, celet, subjiciat, l. 1. §. 4. l. 4. l. 23. ff. d. t. sane lex Cornelia de lapsis latius patet, quam ut exemplis concludi possit; ex dictis tamen facile poteris conjicere, quando committatur, videlicet, si veritas dolo & in alterius damnum supprimitur.

Pœna falsi est deportatio & omnium bonorum publicatio in liberis: In servis ultimum supplicium, *text. hic.* Verum enim vero pro qualitate admissi intenditur poena falsi, aut remittitur, ita ut poena hujus delicti hodie cæperit esse arbitria. *Manz. numer. 5.*

36 Sextum judicium publicum est legis Juliae de vi, de qua diximus in §. *recuperanda sup. de interdict.* Continet hæc lex tria capita, puta vim publicam, vim privatam & Raptum.

Vis publica, quidquid alii in contrarium sentiant, meo Judicio tunc fieri dicitur, quando quis alterum armis invadit. Poena violentiæ publicæ ordinaria in hominibus liberis est deportatio, subinde etiam pro atrocitate delicti poena capitalis. *Schamb. n. 3. Gail. lib. 1. cap. 7. de Pace pub.*

Vis privata committi dicitur, quando quis sine armis quemquam invadit. Ratio, quare privata dicatur, est; quia fit à persona privata contra personam privatam sine violatione Juris publici; juri autem publico sive Reipubl. tunc dicitur vis inferri, quando quis arma sumit ad invadendum alios, interest enim Reipubl. arma non moveri. Poena violentiæ privatae est Publicatio tertiæ partis bonorum cum infamia, *text. hic. & in l. 1. ff. ad leg. Jul. de vi privata.*

Raptus tunc dicitur committi, quando quis honestam Virginem vel viduam, vel etiam Monialem invitis illis, in quorum potestate est, abducit. Et in hoc distinguitur rapina à raptu, quod rapina dicatur bonorum, raptus est hæc, ut & raptor, & is, qui ad hoc delictum opem dedit, capite puniantur. *Manz. n. 10.*

#### §. Item lex Julia peculatus. 9.

38 Septimum Judicium publicum est legis Juliae de peculatu, dicitur autem peculatus tunc committi, quando quis

pecuniam publicam vel rem sacram vel religiosam furatus est, publica autem pecunia hic ea sola habeatur, quæ ad Rempubl. sive urbem Romanam vel ad Cæsarem pertinet, *l. 15. ff. de V. S.* Proinde si quis civitati inferiori vel municipio pecuniam surripuerit, non peculatus sed furti crimen admisisse censendus erit, *l. ob pecuniam 18. ff. de furt.*

Dices: Si quis rem sacram furto subducatur, sacrilegium commississe dicitur; ergo male dicitur, peculatum fecisse, *¶.* Etiam sacrilegium furto commissum sub nomine peculatus contineri. Illud tamen notandum, sacrilegium non tantum furto rei sacræ committi, sed etiam aliis factis, puta contemptu Dei & Principis, &c. *Harp. numer. 4.*

Poena peculatus est deportatio, *l. 4. ff. ad l. Jul. peculat.* Judices autem sive Magistratus, qui tempore administrationis publicæ pecunias subtraxerunt ut & illi qui ministerium eis præstiterunt, vel qui subtractas ab his scienter susceperunt, capite puniuntur, *text. hic.* Poena sacrilegii est extraordinaria, pro qualitate enim delicti, vel vivi exuruntur, vel furcis suspenduntur, vel perpetuo exilio mulctantur. *Schamb. hic.*

#### a. EST ET INTER. 10,

Octavum judicium publicum est legis Flaviae de plagiariis. Plagiarii autem dicuntur, qui dolose liberos homines, aut servos alienos intercipiunt, supprimunt, vendunt, aut ad fugam sollicitant, Poena hujus criminis hodie arbi-

arbitraria, quandoque capitalis, quandoque non capitalis, quandoque pecuniaria: *Manz. n. 3. hic.*

§. SUNT PRÆTEREA II.  
ET ULT.

40 IV. Adhuc recensentur crimina in hoc §. quæ omnia ex lege Julia descendunt, nimirum: crimen *ambitus*, crimen *repetundarum*, crimen *fraudate annonæ*, & crimen *residui*. Itaque *Notum* judicium publicum est legis Julæ de ambitu; quâ tenentur illi, qui illicito modo. v. g. data pecunia honorem seu Magistratum ambiunt. Coercentur nundinatores honorum quandoque poenâ centum aureorum cum infamia, quandoque deportatione, *l. 1. §. ff. de leg. Jul. ambit. l. 1. Cod. eod.* Hodie ista Lex Julia de ambitu ferè ubique cessat, cum creatio officiorum Principi attributa sit, Princeps autem legibus non adstringitur. Habuit autem ista lex Julia tum locum, ubi jus Magistratus creandi fuit apud populum; ut proinde adhuc in Helvetia locum habere videatur.

41 *Decimum* judicium publicum est legis Julæ repetundarum, quâ tenentur illi, qui in officio publico vel in administratione Magistratus pecunias aut munera acceperunt, quò magis vel quò minus officium suum facerent, *l. 4. ff. ad l. jul. repetund.* Reus hujus criminis morte, exilio, verberibus, confiscatione, & pro modo improbitatis punitur, *l. 7. §. ult. ff. ad l. jul. repet.* Nullum datur donum, nullum munus accipere licet Magistratui pro executione officii sui. Excipiuntur esculenta & po-

culenta, venia quotidiani victus causa oblata, *l. 6. §. 3. ff. de off. procons. l. 18. ff. de off. præsid. Hum. vol. post. disp. 32. ib. ult.*

Undecimum judicium publicum est 42 legis Julæ de annonæ, quâ tenentur illi, qui annonam flagellarunt, vexarunt, defraudarunt, hoc est, qui aliquid fecerunt, ut annonæ carior fieret, *l. 2. ff. ad l. ul. de ann.* tales annonæ flagellatores vocantur dardanarii, Pantopolæ, seplasiarii, *Schamb. hic.* Annonæ autem nomine veniunt omnia, quæ ad victum hominum pertinent, puta, *frumentum, panis, vinum, oleum, sal, acetum, lardum, carnes, &c. l. 1. Cod. de erog. milit. ann. l. 2. Cod. d. t.* Poena hujus delicti est arbitraria: nam pro qualitate delicti est pecuniaria, puta 20. Aureorum *l. 2. ff. d. t. modò relegatio, l. annonam ff. de extraord. crimin.*

Duodecimum Judicium publicum 43 est legis Julæ de residuis, quâ tenentur is, qui pecuniam publicam sibi in usum aliquem tributam retinuit, nec in eum usum consumpsit. Poena delicti hujus est, quòd convictus tertia parte amplius, quam retinuit, præstare jubeatur, *l. 4. §. 5. ad l. Jul. Peculat.* Satis de Judiciis publicis. Imò non satis, copiosior enim est hæc materia quàm ut paucis pagellis comprehendi possit; Imperatorem tamen secutus breviter de hac materia dixi, quæ Tyroni Juris scitu necessaria; plura dicere, contra Instituti rati nem duxi. Si tamen, quæ dixi, desiderium tuum non expleant, vastissimo Pandectarum, ac Constitutionum criminalium oceano innaviga: ubi



Ubi classem aspectu terribilem, ac criminibus. & poenis refertissimam inveniens.

Tibi vero, magne DEUS, à quo delabitur omnis Scientiæ, & Justitiæ decor, tibi (*inquam*) cujus est opus, quòd Reges regnent, & Justa decernant, & tuæ Matri illibatæ gra-

tias immortales ago pro absoluto feliciter *Institutionum Commentario*, in quo si quid ad gloriæ tuæ augmentum scripsi non inutile: id à te acceptum, gratus reddo, & in te infinitum bonitatis pelagus veluti exiguas ingenii stillas, & sudoris mei guttas immergo.

FINIS.

APPENDIX



# A P P E N D I X,

Continens modum legendi, & scribendi Citationes utriusque Juris.

## §. I.

### DE JURE CANONICO. SUMMARIA.

*Partes Juris Canonici sunt, Decretum Gratiani, & unde sic dictum?*  
*Decretales Gregorii IX.*  
*Liber Sextus Decretalium.*  
*Clementinae. Extravagantes Joannis XXII.*  
*& Extravagantes Communes.*  
*Decretum Gratiani habet tres partes.*  
*Prima pars, quæ, & quomodo citetur?*  
*Secunda pars, ejusque citatio.*  
*Tractatus de Penitentia, & quomodo citetur?*  
*Tertia Decreti pars, & quomodo citetur?*  
*Quinque Libri Decretalium, & quomodo citentur?*  
*Sextus Decretalium, & Clementina, ac quomodo dividantur, & citentur?*  
*Extravagantes Joannis XXII. quæ, & quomodo citentur?*  
*Extravagantes Communes, earumque citatio.*  
*Dicti modi citandi quandoque variantur.*

**C**ORPUS totius Juris Canonici plures; ac universim sex continet partes I. *Decretum Gratiani*, sic dictum, quod à Gratiano Monacho S. Felicis, Ordinis S. Benedicti ( ut notatur in Monitione ad Lectorem Decreto præfixa ) ut diversis tum Summorum Pontificum, tum Sanctorum Patrum, atque Conciliorum dictis, decenti ordine in unum volumen, circa annum Domini 1151. sit compilatum.

II. *Decretales Gregorii PP. IX.* sic dictas, quia Gregorius Papa Nonus varias Constitutiones, seu Decretales Epistolas *Kees ad Instituta.*

suorum Prædecessorum, per S. Raymundum de Penyafort; Ord. FF. Prædicatorum (cujus Festum nunc celebratur die 23. Januarii) in unum volumen colligendas curavit, quibus idem Pontifex multas Constitutiones suas, ac Decretales Epistolas adjecit. III. In Corpore Juris Canonici continetur *Liber Sextus Decretalium*, sic dictus, quod ipse auctoritate Bonifacii Papæ VIII. compilatus, aliis quinque Decretalium Gregorii Noni Libris sit annexus, ac respectu eorum Sexti Decretalium Libri locum occupet, quamvis, & ipse in quinque libros sit divisus IV. *Clementina* (intellige, *Constitutiones*) sic dictæ, quod à Clemente V. sint æditæ V. *Extravagantes* (intellige, *Constitutiones*) Joannis XXII. sic dictæ, quia *extravagantur*, seu vagantur extra sex Libros Decretalium; ob quam rationem etiam *Clementina* quandoque dicuntur *Extravagantes*. Additur autem, *Joannis XXII.* eo quod sint editæ à Joanne Papa XXII. simulque ad differentiam aliarum Extravagantium. Sextum, ac ultimum locum in Jure Canonico, obtinent *Extravagantes communes*: sic dictæ, quod à diversis Romanis Pontificibus post *Sextum* emanaverint. Ex his

*Decretum Gratiani* (quod in plerisque vetustis exemplaribus *Concordia Discordantium Canonum* inscribitur) in tres dividitur partes, quarum quælibet habet diversam rationem citandi suos textus. Prima pars continet centum, & unam *Distinctiones*; & textus in hac prima Decreti parte contenti, citantur ponendo numerum *Distinctionis*, & initium

C c c c c      Cano-

Canonis, five (ut alii loquuntur) Capituli, v. g. taliter: *dist. 16. Placuit. Lege: Ut habetur Distinctione decima sexta, Canone, qui incipit, Placuit.* Vel brevius, cæteris subintellectis: *Distinctione decima sexta, Canone, Placuit.* Aut sic: *c. Indicatum, dist. 89. Lege: canone, Indicatum, distinctione 89.*

Altera pars *Decreti* continet triginta sex *Causas*, quarum ferme quælibet continet Quæstiones, & quælibet Quæstio plures Canones. Modus citandi textus, in hac secunda *Decreti* parte contentos, talis est, ut exprimatur numerus *Causæ* sine ullo addito (nonnulli Recentiores addunt ly *caus.* majoris claritatis gratia) deinde numerus Quæstionis, & tandem initium Canonis (nisi talis textus habeatur in *Tractatu de Pœnitentia*) taliter: *9. q. 3. Conquestus est. Lege: Ut habetur causa nona, quæstione Tertia, Canone, qui incipit: Conquestus est.* Aut sic, & quidem melius ac magis usitate; *c. Si homicidium, 23. qu. 5. Lege: Canone, Si homicidium. Causa vigesima tertia. Quæst. 5.*

Additur notanter, nisi talis textus habeatur in *Tractatu de Pœnitentia*. Siquidem causa trigesima tertia, Quæstione tertia inseritur *Tractatui de Pœnitentia*, quia continet in se septem Distinctiones, quæ postmodum dividuntur per Canones. Porro textus in hoc *Tractatu de Pœnitentia* contenti solent sic citari, ut omissio numero *Causæ* trigessimæ tertiæ, ponatur numerus Distinctionis de *Pœnitentia* (& nota, semper addi ly *De pœnit.* ad differentiam primæ, & tertiæ partis *Decreti*, quarum quælibet etiam constat Distinctionibus). Deinde addatur initium Canonis, vel saltem numerus ipsius, taliter: *de Pœnit. dist. 3. In tantum. Lege, ut habetur de Pœnitentia. Distinctione tertia Canone, qui incipit, in tantum.* Vel sic: *de pœnit. dist. 3. can. 33. Lege: de pœnitentia, Distinctione tertia. Canone trigesimo tertio.*

Tertia pars *Decreti* intitulatur *De Consecratione*: & dividitur in quinque *Distinctiones*, & hæc rursum in Canones. Modus citandi textus in ipsa contentos talis est, ut primo ponatur ly *de conseq.* ad differentiam primæ, & secundæ partis *Decreti*: deinde ponatur numerus Distinctionis, & tandem initium Canonis. Exemplum sit: *de conf. 1. Nocte sancta. Lege: De consecratione. Distinctione prima, Canone, cujus initium est, Nocte sancta.* Vel sic: *c. Solet etiam, de consecratione Distinctione quarta.* Sive enim prius ponatur initium Canonis, & postea primum numerus Distinctionis, sive contra, nihil refert.

*Decretales Gregorii Papæ Noni* continent quinque Libros, qui dividuntur ulterius in Titulos, Tituli vero in Capitula. Modus citandi textus in iis repertos talis est, ut primo ponatur initium Capituli, deinde Titulus hoc modo: *c. Damnamus. De Summa Trinit. Lege: cap. quod incipit: Damnamus, titulo: De Summa Trinitate.* Quandoque primo loco ponitur Titulus, & postea initium Capituli, sed est idem, v. g. *de sent. excomm. Nuper. Lege: Titulo de Sententia excommunicationis, capitulo, Nuper.* Sed prior citandi modus de facto magis est usitatus. Quandoque etiam præter inscriptionem Tituli, ac initium Capituli solet apponi ly *extra*, aut ly *X.* v. g. taliter: *prout habetur extra, de restitut. spoliat. Cum venissent.* Vel sic: *c. Publicato X. de election.* Sed idem est, ac prius: nam si ve apponatur ly *extra*, aut signum *X.* (quod interdum apponitur ad significandum, hujusmodi textus haberi *Extra*, id est, *Extra decretum Gratiani*) si ve non apponatur, ac fiat citatio solius Tituli, atque initii Capituli, & nulla alia particula addatur; signum erit, textum illum haberi in quinque Libris *Decretalium*. Unde ex citationibus supra allegatis,

tis, prior sic erit legenda: prout habetur *extra* (subintellige, *Extra Decretum Gratiani*) *Tit. De restitutione spoliatorum, capitulo Cum venissent*. Altera vera sic legitur: *capit. Publicato. extra. Titulo. De electione*.

*Sextus Liber Decretalium* dividitur in quinque Libros parciales (ac idem dic *De Clementinis*, quæ itidem in quinque Libros dividuntur) Libri vero subdividuntur in Titulos, & Tituli in Capitula. Citantur autem tum *Textus Decretalium*, tum *Clementinae Constitutiones*, nulla facta mentione Libri, per Titulos, ac initia Capitulorum, eo modo quo quinque Libri Decretalium: hoc solum cum discrimine, quodd in citatione *Sexti Decretalium* addatur ly *in 6.* taliter v. g. *Cum quis de sepult. in 6.* Vel sic: *c. Cum quidam, de excep. lib. 6.* Lege sic: *cap. Cum quis, Titulo de Sepulturis, in 6.* Item: *capit. Cum quidem. Tit. de Exceptionibus, libro sexto Decretalium*. In citatione vero *Clementinarum* apponitur ly. *in Clem.* vel absolute ly *Clem.* v. g. hoc modo: *c. Sicut, de Appellat. in Clem.* Lege; *cap. quod incipit, Sicut, Titulo de Appellationibus, in Clementinis*. Vel sic: *c. Plures. Clem. de jure patr.* Lege: *cap. Plures, in Clement. Tit. de Jure patronatus*. Communius vero, simulque brevius, absolute ponitur ly *Clem.* una cum initio, vel numero Capituli, & citatione Tituli: v. g. taliter: *Clem. un. de Rerum permutat. vel Clem. Quamvis rigor, de appellat.* Lege: *ut habetur in Clementina unica* (sic dicitur, quia Titulus ille habet unicum Capitulum) *Titulo de Rerum permutatione*. Vel, *in Clementina quæ incipit: Quamvis rigor. Titulo, de Appellationibus*. Interdum etiam simpliciter ponitur ly *Clem.* una cum initio Capituli, sine mentione Tituli, quod præcipue fit, quando illud Capitulum est notius, v. g. taliter: *Clem. Exvi.* Lege: *ut habetur in Clementina, quæ incipit:*

*Exvi.* Imo cum Constitutiones Clementis V. quandoque appellentur. *Extravagantes*, eo quod existant. & quasi *vagentur extra* sex Libros Decretalium, solent ipsæ nonnunquam citari ad modum aliarum Extravagantium, taliter: *Ita Clemens V. in Extravag. Exvi.* Lege: *Ita Clemens V. in Extravaganti, quæ incipit: Exvi.*

*Extravagantes Joannis XXII.* continent viginti Constitutiones, seu Epistolas Decretales, in quatuordecim Titulos distributas: & solent citari, ponendo nomen Papæ, nempe *Joannis XXII.* ad differentiam Extravagantium Communium, & citando initium Constitutionis, una cum addito ly *Extravag.* vel, *Extrav.* Taliter v. g. *ut inquit Joan. 22. Extrav. Quia quorundam.* Lege: *Ut inquit Joannes XXII. in Extravaganti, quæ incipit: Quia quorundam.* Vel sic: *Extravag. Execrabilis. Joan. 22.* Lege: *in Extravaganti Joannis XXII. quæ incipit: Execrabilis.*

*Extravagantes Communes* dividuntur in quinque Libros, Libri in Titulos, Tituli in Capitula, quorum singula novam, & distinctam continent constitutionem, vel Constitutiones, seu Extravagantes. Textus ex hisce Extravagantibus Communibus citantur eo modo, quo textus Decretalium: videlicet faciendo citationem Tituli, & ponendo initium Capituli, seu Extravagantis, addendo tamen ly *Extravag.* vel *Extrav.* Taliter: *Extravag. Unigenitus, de Pœnit. & remiss.* Lege: *in Extravaganti, quæ incipit: Unigenitus. Titulo, de Pœnitentiis & remissionibus.*

Fatendum tamen, hæcenus explicatos modos citandi Jus Canonicum quandoque nonnihil immutari; ita tamen id accedit, ut ex dictis facile possint ejusmodi citationes intelligi.

§. II.

## DE JURE CIVILI. SUMMARIUM.

*Corpus Juris Civilis, quas partes habeat.*

Ccccc 2

Signa



*Signa generalia citationum, usitatarum.*

*Divisio generalis partium Juris Civilis.*

*Digestum ejusque partes.*

*Et qua ratione citetur?*

*Codex, ejusque divisio: & modus citandi.*

*Quid de tribus postremis Libris Codicis?*

*Novella, seu Authentica Constitutiones, quomodo dividantur, & citentur?*

*Quid de Libris Feudorum?*

*Institutiones qua ratione citentur?*

**T**otum Corpus Juris Civilis plures in se continet partes, videlicet Digestum seu Pandectas, Codicem, & Institutiones Justiniani: quibus accesserunt Authentica, seu Novella Constitutiones; nec non, & Libri Feudorum. Nam de Legibus, Longobardorum, ac Imperatoris Constitutionibus. & nonnullis aliis, quorum noticia est minus necessaria, non est opus hic aliquid dicere, cum eorum citatio vix occurrat. Circa quod

Notandum I. Quod præfatæ Juris Civilis partes propria habeant signa distinctiva, suis citationibus apponi solita. Et quidem duplex ff. (aliqui utuntur Græco, π. vel littera D.) significat Digestum, seu Libros Pandectarum. Deinde majuscula littera C. Codicem: & ly Instit. denotat Institutiones. Rursus ly Auth. seu Authent. significat Authenticas, & ly Novell. Novellas (subintellige, Constitutiones) Ac tandem ly Feud. Libros Feudorum. Porro L. vel l. significat Legem, tit. Titulum §. Paragraphum c. supra i. infra. Et ly eod. idem est ac eodem Titulo, hoc est, proxime citato.

Notandum II. Quod, sicut pleræque partes Juris Canonici dividuntur in Libros, Libri in Titulos, & Tituli in Capitula: ita & pleræque partes Juris Civilis dividantur in Libros, Libri in Titulos, Tituli vero non in Capitula, sed in Leges, ac postmodum nonnullæ Leges in Paragraphos. Unde in citandis textibus Juris civilis idem ferme servatur modus citandi qui in Decretalibus, excepto, quod

loco Capituli ponatur initium Legis (addito quandoque, si Lex est longior, initio Paragraphi, aut ejusdem numero) & simul addatur proprium signum distinctivum videlicet ly ff. (vel Græcum. π. aut D.) ad denotandum Digestum: vel ly C. ad indicandum Codicem: aut ly Instit. vel Inst. ad insinuandas Institutiones Justiniani: sive ly Auth. Novell. Feud. ad ostendendum, ejusmodi textum haberi in Authenticis, seu Novellis Constitutionibus, aut Libris Feudorum.

Digestum, quod alio nomine appellatur Pandecta, seu Libri Pandectarum, continet in se quinquaginta Libros, qui omnes dividi solent in tres Tomos. Primus appellatur Digestum vetus, & continet priores viginti quatuor Libros. Secundus dicitur Inferriatum, & continet sequentes quatuordecim Libros usque ad trigésimum octavum inclusive. Tertius tandem, ac ultimus Tomus, vocatur Digestum novum, & continet reliquos duodecim Libros: quamvis recentiores quædam Editiones non amplius observent hanc divisionem, sed totum Digestum in unicum Tomum constringant; quod tamen nihil refert. Porro Libri isti Pandectarum ulterius dividuntur in Titulos, Tituli in Leges, & Leges nonnunquam in Paragraphos. Et textus ex his sic citari solent, ut primo ponatur Lex (id est, initium, aut saltem numerus ipsius) deinde, si Lex forsitan longior est, addatur Paragraphus. postea duplex ff. (vel saltem Græcum π. aut littera D.) & tandem scribatur Titulus, v. g. taliter: l. Si quis vi. §. differentia, ff. de Acquir. possess. Lege: ut habeatur Lex, qua incipit, Si quis vi. Paragrapho, qui incipit, Differentia, in digestis, Titulo, de Acquirenda possessione. Solet non raro, a præsertim à Glossa, primo loco poni ly ff. deinde subjungi Titulus, & tandem initium Legis, v. g. taliter: ff. de

*de procurat. l. mutus.* Id est: in *Digestis*. Titulo, de *Procuratoribus*, l. *Mutus*. Sed prior modus citandi de facto est usitator

*Codex* Justiniani habet Libros duodecim, qui postmodum dividuntur in Titulos, Tituli in Leges, & Leges longiores in Paragraphos. In primis novem Codicis Libris (qui simul conjungi, & compingi solent) est eadem citationum scribendarum, & legendarum ratio, quæ in *Digestis*; nisi quod loco duplicis ff. pro C. signo distinctivo ponatur C. majusculum; v. g. taliter: l. in testamento. C. de testam. id est: Lege. quæ incipit: In testamento. Codic. Vitulo, de Testamentis. Vel sic: l. un. §. ex hoc. C. de Rei uxor. ad. Id est: Lege unica. Paragrapho, Ex hoc, in Codice, Titulo, De Rei uxoris actione. Ubi ly l. un. Ideo ponitur, quia citatus Titulus non nisi unicam Legem habet: Aliud exemplum sit hoc: de fidejuss. C. l. fin. Id est: titulo, de Fidejussoribus, in Codice: Lege finali. Quæ Lex ideo sic dicitur, quia est Lex finalis, sive ultima citati Tituli; siquidem ly fin. significat Legem, seu Capitulum ultimum, sive finale cujusdam Tituli. Multi tamen ly fin. applicant Paragraphis tantum; atque Capitulum, seu Legem ultimam Titulorum, denotant per ly cap. ult. aut l. ult. sed parum refert.

Porro in tribus postremis Libris Codicis, videlicet decimo, undecimo, & duodecimo, qui separatim à prioribus novem Libris collocantur, exprimitur etiam numerus Libri, v. g. l. omnes profugi, C. de agricolis. lib. 11. Id est: Lege, Omnes profugi, in Codice, libro undecimo, Titulo, de Agricolis. Quod si numerus Libri non addatur, querenda erit citatio in prioribus novem Libris Codicis.

*Novella*, (subintellige, *Constitutiones*, ac alio nomine *Authentica* dicuntur) constant novem Authenticis Collationibus, quibus recens decima est adjecta ex iis quælibet Collatio in plures Titulos,

seu *Novellas* dividitur; ex *Novellis* vero quædam subdividuntur in plura Capitula. In earum citationibus hæc tenetur ratio, ut primo scribatur initium Capituli (si tamen aliquod habet) deinde numerus *Novellæ*, tum Titulus ejus, & tandem numerus Collationis, v. g. taliter: c. Sed tamen. *Novell. 129. de Samar. col. 9.* Lege sic: capite, quod incipit. Sed tamen *Novella 129. titulo, De Samaritis. Collatione nona.* Interdum vero *Novella* scribitur *Authentica*; & fit citatio, ponendo Titulum; vel potius Rubricam ejus, & initium Paragraphi; v. g. *auth. Ut factæ novæ constit. §. Sancimus.* Lege: in *Authentica*, cujus titulus est. Ut factæ, novæ *Constitutiones* &c. Paragrapho, qui incipit, *Sancimus*: & tunc in Indice Libri *Authent.* est querendum ly *Ut factæ, novæ Constitutiones* &c. sicque allata citatio facile invenietur, nam quando *Authentica* quædam citatur ex Codice, semper apponitur C. majus.

*Libri Feudorum* (qui alio nomine *Consuetudines Feudorum* appellantur) sunt duo partiales Libri, qui dividuntur in Titulos, & Tituli in Paragraphos. In *Feudorum* citationibus ponitur primo signum proprium *Feud.* sive ly in lib. *Feud.* postea Titulus, & tandem Paragraphus, v. g. in lib. *Feud. de probi. feud. alien. per Frid. §. calidis insuper.* Lege: in libris *Feudorum, de prohibita Feudi alienatione per Fridericum. Paragrapho qui incipit: Calidis insuper.* Interdum Paragraphus ponitur primo loco: v. g. *Calidis insuper. Feud. alien. per Frid.* Lege ut supra.

*Institutiones* tandem (intellige, *Justiniani*) dividuntur in quatuor Libros, Libri in Titulos, & Tituli in Paragraphos; non autem in Capitula, vel Leges. Solent autem *Institutiones* citari, nulla facta mentione libri, taliter: ut primo ponatur initium Paragraphi, in quo textus citandus reperitur, deinde addatur

signum distinctivum, *Inst.* & postmodum subjungatur Titulus, in quo Paragraphus ille continetur, v. g. sic: §. *Fera. inst. de rer. divis.* Legatur sic: *Paragrapho, qui incipit, Fera. in Institutionibus. Titulo, de Rerum divisione.*

### COROLLARIUM.

Ad discernendas . ac reperiendas  
Citationes utriusque Juris.

### SUMMARIUM.

*Regula generalis ad discernendas Citationes Juris Civilis ;*

*Et Juris Canonici.*

*Modus reperiendi Citationes in Jure.*

**E**X hæcenus dictis colligitur Regula generalis, quâ possint discerni citationes Juris Civilis à citationibus Textuum Juris Canonici. Siquidem in citationibus Juris Civilis semper exprimitur Volumen, seu pars illius per aliquod signum peculiare, ac distinctivum à cæteris omnibus: nimirum *Codex* per majus C. *Digestum* per duplex ff. vel Græcum π. aut saltem per litteram majoris D. *Novella*, seu *Authentice* Constitutiones, per ly *Novell.* vel ly *Auth.* Libri *Feudorum* per ly *Feud.* Ac tandem Institutiones per ly *Instit.* sive *Inst.* Unde quotiescunque unum ex supra dictis signis citationi appositum reperitur, indicium certum est, dictam citationem desumi ex Jure Civili, non autem ex Canonico; utpote cum nullum tale signum apponatur citationibus Juris Canonici, ex quam autem parte Juris Civilis ea citatio sit desumpta, proprium cujuslibet signum demonstrabit.

Porro quomodo citationes partium Juris Canonici ab invicem sint dignoscendæ, liquet ex supra dictis. Nam ubicunque apponitur ly *dist.* vel ly *quest.* aut q. signum est, eam citationem desumi ex Decreto Gratiani; utpote cum solum Decretum habeat Distinctiones, & Quæstiones: aliz quippe partes omnes Juris

Canonici habent Titulos. Ubicunque autem apponitur Titulus una cum initio, vel numero Capituli, absque alio signo addito (nisi forte addatur ly *Extra*, vel quod idem est, ly X) tunc signum est, citationem illam fieri ex quinque Libris Decretalium. Quando verò præter Titulum, ac initium Capituli, vel hujus numerum, apponitur aliud quidpiam, ut puta ly *in 6.* vel ly *Clem.* aut *extravag. Joann. 22.* vel absolute *extravag.* tunc citatio illa quærenda erit juxta diversitatem appositi signi, vel in *Sexto Decretalium*, vel in *Clementinis*, vel in *Extravagantibus Joannis XXII.* vel in *Extravagantibus Communibus.*

Quod si igitur ex præmissis dignoscatur Pars illa Juris Canonici, aut Civilis, in qua Capitulum, seu Lex quæsitæ continetur, tunc ulterius ad reperiendum determinatum locum, ubi habetur, juvat quærere initium ejus in indice Capitulorum, sive Legum, qui cuilibet Parti Juris, vel generatim omnibus (juxta diversitatem Editionum) præfigi solet: atque appositus paginæ, vel alius competens numerus, dabit locum quæsitæ Capituli, sive Legis. Sic quæsiturus, c. in *Lateranensi, de Præbend.* cum istud ex dictis intelligas reperiri in quinque Libris Decretalium, vide in Indice Capitulorum dictis quinque Libris Decretalium præfixo: & habebis annotatum numerum paginæ, in quo Capitulum illud existit. Quod si vero non habeatur appositus numerus paginæ (prout in nonnullis Editionibus contingit) illico quære in Indice Titulorum: sicque reperies, Titulum *De Præbendis*, esse Titulum V. Libri III. Decretalium, quem per singula Capitulorum initia transcurrens, reperies, dictum c. in *Lateranensi*, esse 31. Capitulum illius Tituli: & sic loquendo de aliis: prout amplius ipsa praxis docebit.

# I N D E X

## R E R U M , E T V E R B O R U M ,

### Quæ in his quatuor Libris continentur.

Primus numerus, isque Major Librum, secundus istius Titulum, tertius Tituli numerum denotat.

#### A

- A**bsentia Reipublicæ causâ excusat à tutela, I. 25. n. 10.
- Acceptilatio* quid sit? III. 30. n. 9.
- Accrescendi* jus an potius sit substitutione? II. 15. n. 15. quid sit? II. 20. n. 10. quando locum habeat? *ibid.* n. 11.
- Accusatio* suspecti tutoris duplex est, I. 26. n. 1. &c.
- accusare tutorem, ut suspectum, quis possit? *ibid.* n. 6. vid. *Tutor.*
- Acquisitio* ad quem pertineant? III. n. 60. &c.
- Actio* quid sit? IV. 6. n. 1.
- I. divisio, quod alia si realis, alia personalis, alia directa, alia utilis, *ibid.* n. 6.
- II. in actiones prætorias, & civiles, n. 28. quomodo inter se differant? n. 29. an actiones ex statutis sint civiles, n. 30.
- III. in rei persecutorias, pœnæ persecutorias, & mixtas. num. 127.
- IV. in actiones bonæ fidei, & stricti juris, n. 167.
- V. in actiones, quibus certum, vel incertum petitur, n. 239.
- Actio* ad exhibendum definitur, IV. 6. n. 239. in ea quid iudici incumbat? IV. 17. n. 5.
- Actio* ædilitia quando, & ad quid detur, IV. 9. n. 7. & 8.
- Actio* æstimatoria quid sit, & ad quid detur? IV. 6. n. 175. &c.
- æstimata res si perit, cui? *ibid.* n. 176.
- Actio* Confessoria quid sit, cui, contra quem, & ad quid competat? IV. 6. n. 117. &c.
- Actio* de albo corrupto quid sit? IV. 6. n. 122.
- Actio* de communi dividundo describitur, IV. 6. n. 140. &c.
- Actio* de constituta pecunia quid sit? IV. 6. n. 81. &c.
- quale debitum constitui possit? *ibid.* n. 85. &c.
- ad quid competat? n. 88.
- Actio* de eo, quod certò locò, quid sit, ubi instituenda? IV. 6. n. 237. &c.
- Actio* de in Jus vocato, vi exemptò quid sit? IV. 6. n. 123.
- Actio* de in rem verso quid sit? IV. 7. n. 16. & 17.
- Actio* de pauperie. vid. *Pauperies.*
- Actio* de peculio quid sit. & quomodo competat, IV. 6. n. 89. &c.
- an sit pinguior actione tributaria? IV. 7. n. 19.
- Actio* de tigno juncto an detur contra bona fide ædificantem? II. 1. n. 49.
- Actio* directa, & utilis quæ dicatur? IV. 6. n. 13. & 14.
- Actio* Exercitatoria quid sit, & ex cujus contractu detur? IV. 7. n. 6. &c.
- differt, & convenit cum Institoria actione, *ibid.* n. 11. & 12.
- Actio* ex Jure-jurando in quid factum sit, cui, contra quem, & ad quid competat? IV. 6. n. 215. &c.
- Actio* ex stipulatu pro dote quid sit? IV. 6. n. 215.
- cui, & contra quem detur? *ibid.* n. 216. &c.
- Actio* familiæ herciscundæ quid sit, cui, & contra quem, ac ad quid competat? IV. 6. n. 132. &c.

qui



- quis eligat, & quis dividat? *ibid.* n. 138. & 139.
- Judicis officium in ea actione, IV. 17. n. 6.
- Actio finium regundorum* quando detur? IV. 6. n. 145.
- Judicis in ea officium quale? IV. 17. n. 7.
- Actio furti* vide *Furtum*.
- Actio* in factum contra calumniatores quando competat, quid sit, cui, contra quem, & ad quid detur? IV. 6. n. 150. *Ec.*
- Actio Institoria* quid sit? IV. 7. n. 10.
- Convenit. & differt ab actione exercitoria, *ibid.* num. 11. & 12.
- Actio* in triplum quid sit? IV. 6. n. 149.
- Actio Legis Aquiliae* vid. *Lex Aquilia*.
- Actio Locati-conducti* cui detur? III. 25. n. 7. & 8.
- Actio mandati* vid. *Mandatum*.
- Actio negatoria* quid sit, cui, contra quem, & ad quid competat? IV. 6. n. 21. *Ec.*
- Actio noxalis* quid sit, cui, & ad quid detur? IV. 8. num. 1. *Ec.*
- in ea quale Judicis officium? IV. 17. n. 2.
- Actiones* ad hæredes transitoriae, IV. 17. n. 3.
- Actiones* an pertineant ad res mobiles, vel immobiles? II. 2. n. 6.
- Actiones* arbitrariae quid sint? IV. 6. n. 229. *Ec.*
- Actiones bonæ fidei*, & stricti juris quænam dicantur? IV. 6. n. 167. quid sint? *ibid.* n. 169. quænam sint? 170.
- an actio stricti juris per clausulam, *alles getrenlich und ohne Gefährte* fiat bonæ fidei? n. 171.
- Actiones* in duplum quænam dicantur? IV. 6. n. 175. *Ec.*
- Actiones* in Quadruplum quænam sint? IV. 6. n. 149.
- Actiones perpetuæ* quæ sint? IV. 12. n. 1.
- Actiones pœnales* quando ad hæredes transeant, vel non? IV. 1. n. 3. *Ec.*
- Item IV. 12. n. 4.
- Actiones præjudiciales* quid sint? IV. 6. n. 124.
- Actiones temporales* quæ sint? IV. 12. n. 1. litis contestatione perpetuantur, *ibid.* n. 2.
- Actio* de dolo quando præscribitur? II. 6. n. 37.
- Quid sit actio de dolo? IV. 6. n. 233. *Ec.*
- Quando detur? *ibid.* n. 236.
- Actio* hypothecariae quando præscribitur? II. 6. n. 39.
- Actio Pauliana* quid sit, cui, contra quem, ad quid, quando, & quamdiu detur? IV. 6. n. 50. *Ec.*
- Actio* præscriptis-verbis quid sit, & ad quid competat? IV. 6. n. 172. *Ec.* affirmatoria vide *Actio affirmatoria* ex permutatione describitur, IV. 6. n. 177.
- Actio publiciana* quid sit, cui, & contra quem detur? IV. 6. n. 31. *Ec.* an detur contra possidentem titulo? *ibid.* n. 36.
- Actio* Quasi Serviana, quid sit, cui, & contra quem prodita sit? IV. 6. n. 75. *Ec.*
- Actio* quod jussu quid sit, contra quem, & quando detur? IV. 7. n. 3. *Ec.*
- Actio* quod metûs causâ quid sit? IV. 6. n. 160. *Ec.*
- Cui, contra quem, & ad quid competat? *ibid.* 163. *Ec.*
- Actio recantatoria* quæ dicatur? IV. 4. n. 14. an cum æstimatoria concurret? *ibid.* n. 15.
- Actio reicissoria* quid sit, cui, contra quem, & quamdiu competat? IV. 6. n. 38. *Ec.*
- Actio serviana* definitur, IV. 6. n. 65.
- Cui, contra quem, & pro quibus rebus detur? *ibid.* n. 66. *Ec.*
- Actio servi corrupti* quid sit, cui, contra quem, & ad quid detur? IV. 6. n. 146.
- Actio tributaria* quid sit? IV. 7. n. 13. & 14. propter quam mercedem detur? *ibid.* n. 15. an sit pinguior actione de peculio? n. 19.
- Actio tutelæ* datur pupillo, I. 24. n. 5.
- Subsidiaria contra Magistratum, *ibid.* n. 6.
- Actio* vi bonorum raptorum. vid. *Rapina*. cui, contra quem, & ad quid detur? IV. 6. n. 128. *Ec.*
- Actore* non probante, reus est absolvendus. IV. 12. n. 5.
- Actus* juris naturalis, & naturales tantum quid sint? I. 2. num. 4. *Ec.*
- Actus* unus successivus. vid. *Consuetudo*. quales ad consuetudinem sufficiant? vid. *ibid.*
- Actus* Servitus quid sit? II. 3. n. 9.
- Actus* quot requirantur ad quasi possessionem? IV. 15. num. 74.
- Ademptio* legati quid sit, & quotuplex? II. 21. n. 1. & 2.
- Aditio* hæreditatis est quasi contractus, III. 28. n. 8, vid. *Hæreditas*.
- Adoptio* quid sit? I. 11. n. 1.
- Differt ab arrogatione, *ibid.* n. 4.
- Adoptare quænam valeant? n. 10. & 11.
- Adoptatus a nobili non sit nobilis, n. 12. & 13.
- Adoptatus an debeat hæres institui? II. n. 13. & 14.
- Adulte-*

*Adulterinus* an legitimetur? I. 10. n. 80. *Ec.*  
*Adulterium* facit separari, non verò dissolvi  
 matrimonium; I. 10. num. 50. & 51.

Quando sit impedimentum matrimonii?  
*ibid.* n. 61.

quid, & quæ ejus poena sit? IV. 18. n. 15.  
*Ec.*

*Adlocatus*, alieno nomine accipiens legatum,  
 perdit querelam, II. 18. n. 8.  
 pro mercede sua non habet actionem, IV.  
 6. n. 3.

*Ætas* senilis excusat a tutela, I. 25. n. 19.

*Affinitas* quid sit? I. 10. n. 30  
 regulæ cognoscendi gradus, *ibid.* n. 31. *Ec.*  
 ad quatum gradum ponat impedimentum,  
 n. 40.

*Agere* civiliter, & criminaliter quid sit? IV.  
 1. n. 27.

*Agere* per quem quis possit? vid. *Procurator*.

*Agnatio* quibus modis tollatur? I. 15. n. 7.

*Agnatio* posthumi, vid. *Posthumus*.

*Agnatus* quis dicatur? I. 15. n. 1.  
 an differat a cognato? *ibid.* n. 3.

*Albertina* constitutio in Austria quid circa suc-  
 cessionem statuerit; III. 1. n. 41. *Ec.*

*Albigani* jus in Gallia quid sit? III. 1. n. 72.

*Alienatio* in fraudem creditorum facta est va-  
 lida. I. 6. n. 2.

Quando censeatur in fraudem creditorum  
 facta? IV. 6. n. 52. *Ec.*

*Alieni* juris quis dicatur? I. 8. n. 1.

*Aluvio* quid sit, & an per eam acquiratur  
 dominium? II. 1. n. 38.

*Altius* tollendi, vel non, servitus quid sit?  
 II. 3. n. 21.

*Aloeus* quid sit? & cujus fiat? II. 1. n. 41.

*Ambitus* quid sit? IV. 18. n. 40.

*Androgyni*, vid. *Hermaphroditus*.

*Animalia* quotuplicis sint generis? II. 1. n.  
 33. *Ec.*

*Apes* an sint animalia fera? II. 1. n. 33.

*Apprehensio* vera & ficta quid sit? IV. 15. n.  
 71. & 72.

*Aqueductus* quid sit? II. 3. n. 10.

*Aristocratia*, vid. *Status*.

*Aritmetica*, vid. *Proportio*.

*Arba* emptioni adjecta quid operetur? III.  
 24. n. 13.

*Arrogatio*, vid. *Adoptio*.

arrogari an impubes possit? I. 11. n. 7.

requisita arrogationis, *ibid.* n. 8.

arrogito an competat querela inofficiosi?  
 II. 18. n. 4.

*Artes* ad Instituta.

*Ascendentes* quomodo succedant? III. 1. n.  
 35. *Ec.*

*Ashum*, Jus asyli quid sit? I. 8. n. 2.

quo jure competat? *ibid.* n. 3.

quæ Ecclesiæ gaudeant hoc jure? n. 4. *Ec.*

quibus personis competat, vel non? n. 8.  
 & 9.

an etiam fugienti ad Sacerdotem portantem  
 S. Eucharistiam? *ibid.* n. 10.

*Aucupium* quid sit? II. 1. 30.

*Authoritas* tutoris, vid. *Tutor*.

## B

**B**ellum: in bello occupata cui cedant? II.  
 2. n. 1. & 3.

*Beneficium* ordinis quid sit? III. 21. n. 11

quid Divisionis, *ibid.* n. 13. & 14.

quid cedendarum actionum? n. 15. & 16.

Competentia quid sit, & quibus competat?  
 IV. 6. n. 246. *Ec.*

Cessionis bonorum quid sit? vid. *Cessio*.

*Bona* constante matrimonio acquisita præsu-  
 muntur a marito acquisita, III. 1. n. 64.  
 ad quem spectent? *ibid.* n. 65. *Ec.*

*Bona* vacantia quæ dicantur? n. 70. in iis quis  
 succedat? num. 69.

*Bona fides*, vid. *Possessor Prescriptio*.

*Bos* si occidat alterum bovem, an teneatur  
 illius dominus? IV. 9. num. 5.

*Bruta* an subsint juri naturali? I. 2. n. 2. & 3.

## C

**C**alumniari, vid. *Actio in factum*.

*Capitis diminutio* quid, quotuplex, &  
 quælibet sit, & quando quis eam patiatur?  
 I. 16. n. 1. *Ec.*

*Captivus* an possit facere testamentum? II. 12.  
 n. 10.

*Caput* occisi repertum an fundet jurisdic-  
 tionem? II. 1. n. 23.

*Casus fortuitus* quid sit? I. 26. n. 18.

*Causa* quatenus teneatur? IV. 1. n. 17.

an invitatus possit cogi recipere hospites?  
*ibid.* n. 7.

*Causa* falsa an vitiet legatum? II. 20. n. 32.

*Cautio* qualis præstetur in usufructu? II. 4.  
 n. 12. & 13.

an sit de substantia? *ibid.* n. 14. & 15.

*Cautio Mutiana* an in contractibus locum ha-  
 beat? III. 16. num. 10.

*Cautio* quid, & quotuplex sit? IV. 11. n. 1 & 2.  
 iudicio fisci, & iudicatum solvi, quid sit?  
*ibid.* n. 3.

D d d d d

quomo-

- quomodo ista cautio præstetur, n. 4.  
 an procurator præstet cautionem, n. 5.  
*Cessio* bonorum quid sit, & operetur? IV. 6.  
 n. 249. *Éc.*  
*Chirographi* redditio tollit obligationem, III.  
 20. n. 17.  
*Civiliter* agere quid sit? IV. 1. n. 27.  
*Civitas*, an, & quando obligetur ex mutuo?  
 III. 15. n. 17.  
*Clausula* codicillaris an flectat testamentum ob  
 præteritionem nullum in vim fideicom-  
 missi? II. 25. n. 10.  
*Clericatus* privilegium an sit reale? I. 2. n. 38.  
 Clerici an succedant? III. n. 14.  
*Codicillus* quid sit, & quomodo fiat? II. 25.  
 n. 1. *Éc.*  
 eius requisita, *ibid.* n. 5.  
 differt a testamento, n. 6.  
 directè in eo hæres institui nequit, n. 7.  
 quibus modis infirmetur? n. 8.  
 in eo facta hæredis institutio an valeat in  
 vim fideicommissi? num. 9.  
*Cognatio* quotuplex, & quæ sit impedimen-  
 tum matrimonii? I. 10. n. 61. & 62.  
 Quando cognatio tollatur? I. 16. n. 6.  
*Cognatus* quis sit? I. 15. n. 2.  
 in differat ab agnato, *ibid.* n. 3.  
*Colonus* quales fructus suos faciat? II. 1. n. 63.  
*Colombæ* an sint animalia fera? II. 1. n. 34.  
*Commixtio* quid sit? II. 1. n. 47.  
*Commodatum* quid sit? III. 15. n. 27.  
 differt a mutuo, *ibid.* n. 28.  
 quænam nascatur actio? n. 29.  
 an ante tempus liceat revocare? n. 30.  
 qualis culpa præstetur? n. 31.  
*Communio* Rei, & hæreditatis est quasi con-  
 tractus? III. 27. num. 6. & 7.  
*Compensatio* tollit obligationem, III. 50. n. 16.  
 quid sit? IV. 6. n. 223.  
 ejus effectus. *ibid.* n. 224.  
 an emphyteuta a pœna caducitatis per eam  
 possit se liberare? n. 224.  
 quale debitum compensari possit? 225. *Éc.*  
 in quibus rebus locum habeat? n. 227.  
 quænam sint requisita, ut recte fiat? n. 228.  
*Competentia* vide *Beneficium*.  
*Condictio* ex lege adversus executores quid  
 sit? IV. 9. n. 156.  
*Condictio* furtiva quid sit? IV. 6. n. 125. *Éc.*  
*Conditio* an sit impedimentum matrimonii? I.  
 10. n. 57.  
 quomodo differat a modo causa & de-  
 monstratione? *ibid.* n. 59.  
*Conditio* suspensiva, & resolutiva quid? I.  
 22. n. 3.  
 Impossibilis actibus ultimæ voluntatis ad-  
 jecta habetur pro non apposta. II. 14. n. 5.  
 quid, & quotuplex sit? III. 16. n. 8. *Éc.*  
*Conductor*, *Conductio*. *Conductor* quis dica-  
 tur? III. 25. n. 1.  
 Re-conductio quomodo procedat de jure  
 Austriaco? *ibid.* n. 6.  
 Actio conducti cui, & ad quid detur? n. 8.  
 merces in qua re debeat consistere? n. 10.  
 & 11.  
*Conductor* ad quid obligetur? n. 30. *Éc.*  
 Conductio an transeat in heredes? n. 37.  
*Confusio* quid sit? II. 2. n. 46.  
*Conjuges* quomodo succedant? III. 1. n. 60. *Éc.*  
*Conjunctio* in legatis quid, & quotuplex sit?  
 II. 20. n. 12.  
*Consanguinitas* quid sit? I. 10. n. 22. *Éc.*  
 ejus linea, & stirpes, *ibid.* n. 24. *Éc.*  
 regulæ cognoscendi distantiam graduum,  
 n. 26. *Éc.*  
 an in secundo gradu possit dispensari? n.  
 37. *Éc.*  
*Consilium* quando obliget? III. 27. n. 14.  
*Constitutio Principis* quid, & quotuplex sit?  
 I. 2. n. 31.  
*Constitutor* quis dicatur? III. 23. n. 5.  
*Constitutum* quale requirat debitum? IV. 6.  
 n. 85. *Éc.* vide *Actio de constituta pe-*  
*cunia*.  
*Consuetudo* quid sit? I. 2. n. 46.  
 ejus divisio, & requisita, *ibid.* n. 47. & 38.  
 an sufficiat usus actus successivus, n. 49. *Éc.*  
 Utrum actus metu extorti, vel meræ facul-  
 tatis, erronei, vel extrajudiciales, item  
 peccaminosi sufficiant? n. 51. *Éc.*  
 an requiratur scientia principis? n. 56.  
 Excludit fœminas à successione paterna in  
 Austria, III. 1. n. 8. & 9.  
 an etiam excludat à successione fraterna?  
*ibid.* n. 10.  
 Utrum hæc consuetudo valeat? n. 11.  
*Contractus* quid sit? III. 14. n. 14.  
 alius bonæ fidei, alius stricti juris? *ibid.*  
 n. 15.  
 inter illos differentia, n. 16. *Éc.*  
 alii nominati, alii innominati, n. 19.  
 inter hos differentia, n. 20.  
 an propter dolum contractus reddatur nul-  
 lus? n. 21. *Éc.*  
 Consensuales qui? III. 23.  
 Innominati qualem producant actionem?  
 IV.

IV. 6. n. 172. *Ec.*  
*æstimatorius* definitur, IV. 6. n. 175.  
 qualis ex eo nascatur actio? *ibid.* n. 175.  
*Ec.*  
*Contumax* quis dicatur? IV. 15. n. 11.  
 quæ sit pœna contumaciæ? *ibid.* n. 12.  
*Corpus* in suum an liceat scire? I. n. 13. *Ec.*  
 mortuum an liceat inferre in locum com-  
 mune? II. 1. num. 21.  
 si dividitur, qualis locus efficiatur religio-  
 sus? *ibid.* n. 22.  
*Correus* vid. *Reus*.  
*Creditor* fructus in sortem tenetur imputare,  
 III. 15. n. 44.  
*Creditor* chirographarii, & hypothecarii qui-  
 nam? IV. 6. num. 204.  
*Crimen* aliud publicum, aliud privatum, IV.  
 18. n. 1.  
 Publicum definitur, *ibid.* n. 2.  
*Crimen* Læse-Majestatis quid sit? n. 3. & 4.  
 à quo committatur? n. 5.  
 ejus divisio, n. 6.  
 in quas personas perpetretur? n. 7. *Ec.*  
 quænam ejus pœnæ? n. 13.  
*Crimen* falsi quid, & quot modis committat-  
 tur? IV. 18. n. 33. & 34.  
 quæ ejus pœna? *ibid.* n. 35.  
*Crimen* peculatus quid? n. 38.  
*Ambius* quid? n. 40.  
*Repetundarum* quid? n. 41.  
 flagellatæ annonæ quid? n. 42.  
*de Residuis* quid? n. 43.  
*Criminaliter* agere quid sit? IV. 1. n. 27.  
*Culpa* quid, & quotuplex sit? I. 27. n. 13.  
*Ec.* vid. *Tutor*.  
*Cultus* disparitas an sit impedimentum matri-  
 monii? IV. 10. n. 64.  
*Curatela* quomodo differat à tutela? I. 13. n. 3.  
 quid sit? 23. n. 1.  
*Curator* quibus detur? 23. n. 2.  
 curatorem invitus nemo accipit, *ibid.* n. 4.  
 etiam pupillis datur curator, n. 6.  
 non potest imponere servitutem, II. 3. n. 27.

## D

*Damnum* injuriæ datum quid sit? IV. 3. n. 1.  
 vid. *Lex Aquilia*.  
 Quomodo differat à pauperie. vid. *Pauperies*.  
*Debitor* an in fraudem creditorum possit ma-  
 numittere? I. 6. num. 2.  
 Utrum alienare valeat? *ibid.* n. 2.  
*Debitum* quotuplex sit? vid. *Actio de consti-  
 tuta pecunia*.  
*Decretum* quid sit? I. 2, n. 33.

an vim juris habeat? *ibid.* n. 34.  
*Decretum* primum, & secundum quid sit?  
 IV. 15. n. 13.  
 quomodo primum mandetur executioni?  
*ibid.* n. 14.  
 ejus effectus, n. 15.  
 Decreti secundi effectus, n. 17.  
*De Dejecto*, vel effuso quis teneatur, &  
 quatenus? IV. 5. num. 3. *Ec.*  
*Defensor* minor 25. annis esse non potest I.  
 6. n. 8.  
*Deflorans* puellam, an illam ducere tenea-  
 tur? I. 10. n. 10.  
*Delegatio* quid sit? III. 30. n. 14.  
*Deliberandi* jus quare sit introductum? II.  
 19. n. 8.  
*Delicta* qualem producant obligationem? IV.  
 1, n. 2.  
 quotuplicia sint? *ibid.* n. 2.  
*Democratia* quid sit? vid. *Status*.  
*Demonstratio* falsa an vitiet legatum? II. 20.  
 n. 31.  
*Deportatio* solvit patriam potestatem. I. 12.  
 n. 3.  
*Depositum* definitur. III. 15. n. 32.  
 qualis nascatur actio? *ibid.* n. 33.  
 qualis præstetur culpa? n. 34.  
 an depositarius possit uti re deposita? n.  
 35. & 36.  
 qualem rem teneatur salvare, n. 37.  
*Diem cedere*, & venire, quid sit? II. 10.  
 n. 23.  
*Dignitas*, an ea privatus, patiaturs capitis di-  
 minutionem? I. 16. num. 5.  
*Magistratus* excusat à tutela. I. 25. n. 11.  
*Dispensatio* in quoto gradu consanguinitatis,  
 vel affinitatis, fieri possit? I. 10. n. 37. *Ec.*  
*Doctoratus* privilegia an sint realia? I. 2. n. 38.  
 an solvat patriam potestatem? I. 11. n. 5.  
*Dolus* quid, & quotuplex? I. 26. n. 10. *Ec.*  
 an contractus reddat nullos? III. 14. n.  
 21. *Ec.*  
 quando det causam contractui, & quando  
 incidat? *ibid.* num. 22.  
*Dominium* maris an detur? II. 1. n. 6.  
*Dominium* quid sit? *ibid.* n. 27.  
 aliud plenum, aliud minus plenum; aliud  
 directum, aliud utile. *ibid.* n. 28.  
 Domini acquirendi modi duplicis generis  
 sunt. *ibid.* n. 26. *Ec.*  
 De jure civili variis modis acquiritur. II.  
 5. in prin.  
*Donatio* quid sit? II. 7. n. 1.  
 D d d d d 2      quotu-



- quotuplex? *ibid.* n. 2.  
 quid sit donatio mortis causa? n. 3.  
 qualis in dubio præsumatur? n. 4.  
 quid inter sit inter donationem inter vivos,  
 & mortis causâ, n. 5.  
 Donatio mortis causâ triplici modo fit. n. 6.  
 quomodo revocetur? n. 7.  
 Convenit in multis cum legatis? n. 8.  
 Requisita donationis mortis causâ. n. 9.  
 Donatio inter vivos quid sit? n. 10.  
 quomodo perficiatur? n. 11.  
 quando insinuari debeat? n. 12. *Ec.*  
 ob quas causas revocari possit? n. 15.  
 quinam donare valeant? n. 36.  
 quibus donari queat? n. 17.  
 Donatio inter virum & uxorem est prohibi-  
 ta, aliquando tamen valida, n. 19. *Ec.*  
 Donatio omni quo uorum an valeat? n. 22.  
 an possit revocari ob causas graviores, vel  
 æque graves. n. 23.  
 quando propter supervenientiam liberorum  
 revocetur? n. 24.  
 Donatio propter nuptias quid sit? n. 25.  
*Dormire* quando dicatur præscriptio? II. 6.  
 n. 57.  
*Dos* an possit à marito alienari? II. 8. n. 1.  
 & 3.  
 an rectè legetur mulieri? II. 20. n. 18.  
 Dotis privilegia. IV. 6. n. 197.  
 vide *Mulier*.  
 Dotare quisnam teneatur? *ibid.* n. 218.  
*Dubium* practicum, & speculativum quid sit?  
 II. 6. n. 14.  
 an cum eo currat præscriptio? *ibid.* n. 13.  
*Duplicatio* quid sit? IV. 14. n. 2.

## E

- E**cclesia quænam gaudeant jure asyli? vid.  
*Asylum*.  
 Ecclesia quando dicatur polluta? vid. *ibid.*  
 Ecclesiæ relictus usufructus quando expi-  
 ret? II. 4. n. 17.  
 Ecclesiæ res quando præscribantur? II. 6.  
 n. 38.  
*Edictum* quid sit? I. 2. n. 35.  
 Edicta prætorum quid sint? *ibid.* n. 43.  
 de *effuso* quis teneatur; & quatenus? IV.  
 5. n. 3. *Ec.*  
*El. Hor* an tutelam seniori agnato deferre de-  
 beat? I. 23. n. 6.  
*Emancipatio* quid sit, & quotuplex, ac an  
 solvat p. triam potestatem? I. 12. n. 6.  
 Emancipati, & sui non differunt. III. 1. n. 12.

- Emphyteusis* quid sit? III. 25. n. 12.  
 quis habeat dominium directum? *ibid.*  
 n. 13.  
 quis dicatur emphyteuta? n. 14.  
 an requiratur scriptura? n. 16.  
 differt ab aliis contractibus. n. 17.  
 an canon sit remittendus? n. 18.  
 Emphyteuseos divisio. n. 19. & 20.  
 quomodo finiatur? n. 21. *Ec.*  
 an taciturnitate censeatur renovata? n. 22.  
*Emphyteuta* num fundo servitutem possit im-  
 ponere? II. 3. n. 28.  
 quis dicatur emphyteuta? vid. *emphyteusis*.  
 an à caducitatis pœna se liberare possit per  
 compensationem? IV. 6. n. 224.  
*Emptio, venditio* quando transferat dominium;  
 II. 1. n. 74.  
 Quid sit? III. 24. n. 1. *Ec.*  
 Emptio domus, quam venditor confagrasse  
 ignorat, nulla est, *ibid.* n. 4.  
 quando perficiatur? n. 8. *Ec.*  
 an requiratur scriptura? n. 11. & 12.  
 arrha adjecta quid operetur? n. 13.  
 pretium in quo consistat? n. 14.  
 in arbitrium tertii an rectè conferatur?  
 n. 15.  
 si quantitas pretii in instrumento non sit  
 expressa, quid? n. 16.  
 si pretium consistat in pecunia, & re,  
 quid? n. 17.  
 emptæ res, si ante traditionem pereat, cui  
 pereat? n. 18. *Ec.*  
 si res alternative venditur, cui pereat?  
 num. 22.  
 vel fungibilis? n. 23.  
 an valeat, si equus intra mensem tibi pla-  
 cuerit? n. 24.  
 Emptionis effectus. n. 25.  
*Error* circa matrimonium quotuplex, & an sit  
 impedimentum? I. 10. n. 54. *Ec.*  
 Error quando impediat translationem do-  
 minii, II. 1. n. 20.  
 Error juris an impediat præscriptionem?  
 II. 6. n. 15.  
 quando error falsæ causæ, *ibid.* n. 51.  
 Error quando faciat jus, II. 10. n. 14.  
 Error in nomine, vel cognomine an vitiet  
 legatum, II. 20. num. 30.  
*Evidio* quando præstetur. III. 24. n. 6. & 7.  
*Eunuchi* non possunt contrahere matrimo-  
 nium. I. 10. n. 23.  
*Exceptio* non numeratæ pecuniæ quid sit,  
 II. 22. n. 3. & IV. num. 6.  
 quamdiu

quandiu duret, III. 22. n. 5. *§c.*  
 an post biennium obijci queat, *ibid.* n. 9.  
 in quibus casibus non habeat locum, n. 10.  
 Exceptio quid, & quotuplex sit: IV. 13.  
 n. 1. & 2.  
 Exceptio quod metùs causâ quando detur,  
*ibid.* n. 3.  
 quando exceptio doli, n. 4.  
 exceptio erroris, n. 5.  
 Exceptio pacti de non petendo quando op-  
 poni possit, n. 7.  
 Exceptio iurjurandi, & rei iudicatæ quid,  
 n. 8. & 9.  
 Exceptiones prætoriz, & civiles, n. 10. & 11.  
 peremptoriz, & dilatoriz, n. 12.  
 Exceptio principali competens, an com-  
 petat fidejussori, IV. 14. n. 4.  
 Excusatio tutelæ quid sit: I. 25. n. 1.  
 quænam causæ sufficiant, *ibid.* n. 2. *§c.*  
 an in appellatorio causa excusationis possit  
 proponi, n. 22.  
 Exercitor quatenus teneatur, IV. 5. n. 6.  
 quis dicatur exercitor? IV. 7. n. 7.  
 Exhereditatio quid sit, & quomodo fieri de-  
 beat, II. 13. n. 1. *§c.*  
 ob quas causas liberi exheredari possint,  
*ibid.* n. 5.  
 & ob quas causas parentes, n. 6.  
 an etiam fratres, n. 7.  
 an ob causas graviores exhereditatio fieri  
 queat, n. 8.  
 causam inferi testamento, necesse est, n. 9.  
 debetque probari ad hæredem scripto, n. 10.  
 omnes liberi indistinctè debent institui aut  
 exheredari, n. 11.  
 etiam posthumus, n. 12.  
 Exhereditato an possit substitui pupillariter.  
 II. 16. n. 15.  
 Expromissor quis dicatur, III. 21. n. 7.

## F

**F**alcidia cur introducta, II. 22. n. 1.  
 quomodo ejus computatio fiat, *ibid.* n. 4.  
 quæ in eam computentur, n. 5.  
 in quibus casibus locum habeat falcidia, n. 6.  
 Fœdus an liceat operire, vid. *Lumen.*  
 Fœdus an possint puniri morte, II. 1. n. 32.  
 Fidei commissa alia universalis, alia particu-  
 laris, II. 23. n. 1.  
 quid sit universale, *ibid.* n. 2.  
 oim fidei commissum non valere, n. 3.  
 bene tamen hodie, n. 4.  
 relinquatur in testamento, codicillis, &  
 ab intestato, n. 5.

an necessaria sit hæredis institutio; n. 6.  
 relinquuntur variis modis, n. 7.  
 quomodo ab intestato relinquuntur, n. 12.  
 quomodo sine teste relictum valeat, n. 14.  
 particulare quid sit, II. 24. n. 1.  
 quibus verbis fidei commissum relinquuntur,  
*ibid.* n. 4.  
 Fideicommissarius an possit esse testis in testa-  
 mento? II. 10. num. 19.  
 an detrahat quartam Trebellianicam, II.  
 23. n. 13.  
 Fidejussor, Fidejussio quid sit, III. 21. n. 1.  
 & 2.  
 cui obligationi possit accedere, *ibid.* n. 3.  
 an etiam obligationi ex delicto, n. 9.  
 Utrum transeat ad hæredes, n. 10. quæ-  
 nam fidejussori competant beneficia, n.  
 11. *§c.*  
 an in plus obligari possit, n. 17.  
 qualis contra principalem ei competat ac-  
 tio, n. 18.  
 ad fidejussorum quænam transeat exceptio,  
 IV. 14. n. 4.  
 Fides bona, vel mala. vid. *Possessor. Præ-*  
*scriptio.*  
 Fiduciarius hæres post restitutam hæredita-  
 tem hæres manet. II. 23. n. 8.  
 potest cogi ad adeundam hæreditatem. *ibid.*  
 n. 10.  
 Filius. vid. *Filius familias, liberi.*  
 Filiusfamilias à patre venditus, an manet  
 ingenuus, I. 4. num. 3.  
 an possit dari tutor, I. 14. n. 1.  
 filius comprehendit posthumum. *ibid.* n. 9.  
 non verò nepotem, n. 10.  
 in testamento patris testis esse nequit, II.  
 10. n. 26.  
 an, & de quo peculio testari valeat? II.  
 12. n. 1. *§c.*  
 ex mutuo neque in conscientia obligatur;  
 III. 15. n. 18.  
 ex stipulatione acquirit patri. III. 18. n. 4.  
 Utrum patri dicatur furtum facere? IV. 1.  
 n. 21.  
 an teneatur pro patre? IV. 7. n. 2.  
 noxæ dari nequit, IV. 8. n. 6.  
 Fiscus, ejus administratio excusat a tutela.  
 I. 25. n. 7.  
 ejus res quando præscribantur? II. 6. n. 48.  
 fisci privilegia. *ibid.* n. 55.  
 quando succedat? III. 1. n. 69.  
 Flagellatio ammonæ crimen quid sit? IV. 18.  
 n. 42.

D d d d d 3

Fla-

*Filius* privatum quomodo differat a proprio? II. 1. n. 8.  
*Femina* an sit homo? I. 3. n. 2.  
 utrum possit esse tutrix? I. 15. n. 4.  
 cur citius pubescat? I. 23. n. 3.  
 an succedat in feudis? III. 1. n. 6. *Ec.*  
 Patri in Austria non succedit. *ibid.* n. 8.  
*Frater* quando habeat querelam inofficiosi? II. 18. n. 3.  
 Fratres germani quomodo succedant? III. 1. n. 37. *Ec.*  
 & quomodo consanguinei, & uterini? *ibid.* n. 46. *Ec.*  
 Frater an sororem dotare teneatur? IV. o. n. 221.  
*Fraus*, quid, & quotuplex sit, & quæ manumissioni obsit? I. 6. n. 4. *Ec.*  
 alia est consilii, alia eventualis. IV. 6. n. 58.  
 qualis requiratur ad actionem Paulianam? *ibid.* n. 59.  
*Fructus* quotuplices sint? II. 1. n. 52. vid. *Possessor.*  
*Fugere* an insultatus teneatur? IV. 18. n. 27.  
*Furiosus* an possit dari tutor? I. 14. n. 4.  
 quis præsumatur talis? I. 23. n. 5.  
 utrum possit esse testis in testamento? II. 10. n. 14.  
 an possit facere testamentum? II. 12. n. 7.  
*Furtum* quid sit? IV. 1. n. 6. *Ec.*  
 aliud manifestum, aliud non. *ibid.* n. 13.  
 ejus poena. n. 14.  
 fur, rupto laqueo decidens, an liberetur? n. 15.  
 furtum usus & possessionis quomodo committatur? n. 17.  
 quomodo furtum liberi hominis. n. 18.  
 & quomodo rei suæ, n. 19.  
 opem ferens, vel consilium præbens ad furtum quomodo puniatur, n. 20.  
 filius an patri dicatur furtum facere, n. 21.  
 furti actio cui competat. n. 22.  
 an detur creditori ratione pignoris, n. 23.  
 an, fultoni, & depositatio, n. 24. & 25.  
 utrum competat contra impuberem, n. 26.  
*Fusia Caninia* Lex quid sanxerit, I. 7. n. 1.

## G

**G***enus* quotuplex sit, II. 20. n. 25.  
 aliter sumitur à Juristis, quam Philosophis. III. 15. n. 7.  
*Geometrica* proportio. vid. *Proportio.*  
*Gradus* affinitatis. vid. *Affinitas.*

Consanguinitatis. vid. *Consanguinitas.*  
*Græ* si legatus est, an una ovis debeatur, II. 20. n. 22.

## H

**H***abitatio* quid sit, II. 5. n. 7.  
 quomodo differat ab usu, & usufructu, *ibid.* n. 8.  
*Hæreditas*, *Hæres*. Institutio hæredis est basis testamenti. II. num. 6.  
 an hæres possit esse testis in testamento, *ibid.* n. 18.  
 Hæredes quinam debeant institui, vel ex-hæredari. II. 13. num. 5. *Ec.*  
 quinam institui nequeant, II. 14. n. 1. *Ec.*  
 Hæreditas in quot uncias dividatur, *ibid.* n. 3. & 4.  
 Hæredes quomodo possint institui, n. 5.  
 Hæres quis dicatur, II. 19. n. 1.  
 alius necessarius, *ibid.* n. 2.  
 alius suus, & necessarius n. 3.  
 alius denuum extraneus. n. 4.  
 qui triplici tempore debet esse capax, n. 5.  
 suus solum duplici. n. 6.  
 extraneus dicitur adire, suus se immiscere, n. 7.  
 Hæreditas quot modis adeatur, n. 10. vel repudietur, n. 11.  
 quomodo differat à legato, II. 20. n. 2.  
 Hæredis res an legari possit, *ibid.* n. 5.  
 Hæres fiduciarius post hæreditatem restitutam manet hæres. II. 23. n. 8. vid. *Fiduciarius.*  
 Hæredis institutio in codicillo directè facta, an trahatur in fidei commissum, II. 25. num. 9.  
 Hæreditatis communio, vid. *Communio.*  
 Hæreditatis aditio. vid. *Additio.*  
 pro hæreditate qualis competat actio? vid. *Petitio hæreditatis.*  
*Hermaphroditus* ad quem sexum rebucatur? I. 3. n. 3.  
*Homicidium* quid sit, & quotuplex? IV. 18. n. 21. *Ec.*  
 an animus occidendi præsumatur ex instrumento ad occisionem non apto? *ibid.* n. 2. 3.  
 quid juris, si quis ad occisionem dederit consilium? n. 24. & 25.  
*Homo* triplici modo consideratur. II. n. 17.  
 an femina sit homo? vid. *femina.*

## I

- I**llustris in criminalibus per procuratorem dare potest in iudicio. IV. 4. n. 16.  
*Immissio* ex primo, & secundo decreto vid. *Decretum*.  
*Impedimento* matrimonii quæ sint; vid. *Matrimonium*.  
*Impensa* triplices sunt, II. 1. n. 51. vid. *Possessor*.  
*Imperitia* an ponat culpam? IV. 3. n. 9.  
*Implantatio* quid sit, & quomodo dominium tribuat? II. 1. n. 53. & 54.  
*Impotentia* quotuplex sit? I. 10. n. 71.  
 quæ dirimat matrimonium? *ib.* n. 72.  
*Imprudentia* est quasi delictum. IV. 6. n. 1.  
*Impubes* an arrogari possit? I. 1. n. 7. vid. *pupillus*.  
 contra impuberem an detur actio furti? IV. 1. n. 26.  
*Inedificatio* quid sit, & quando per eam acquiratur dominium? II. 3. 48. *Ecce*.  
*Indebitum* quid sit, & quotuplex? III. 15. n. 19. & 20.  
 quando indebiti soluti detur repetitio? *ibid.* n. 21. *Ecce*.  
*Indebiti solutio* est quasi contractus, III. 28. n. 9.  
*Infamia* quid, & quotuplex sit? I. 26. n. 21. & 22. infamiae effectus. *ibid.* n. 23.  
*Injunctio* lis quando crescat? III. 28. n. 10.  
*Ingenium* quis dicatur? I. 4. n. 1. & 2.  
*Injuria* occidere quid sit? IV. 3. n. 5.  
 Injuria dupliciter accipitur. IV. 4. n. 1.  
 Ejus definitio, *ibid.* n. 2.  
 si verba sunt indifferentia, an sint injuriosa? n. 3.  
 committitur tribus modis. n. 4.  
 realis, & verbalis quomodo fiat? n. 4. & 6.  
 an protestatio honoris tollat actionem injuriarum? n. 7.  
 ab injuria an veritas excuset? n. 8.  
 an verbalem injuriam aliâ verbali liceat repellere? n. 9.  
 injuriam per quos patitur, n. 10.  
 injuriarum poena quæ? n. 11.  
 injuria atrox quænam? n. 12.  
 de injuria quomodo agatur? n. 13.  
 actio recantatoria an cum æstimatoria concurrat? n. 15.  
 injuria quot modis tollatur? n. 17.  
*Insu* a naturalis, & causalis. II. 1. n. 39.  
 an cedat? *ibid.* n. 40.  
*Interdicta* quid sint? IV. 15. n. 5.  
 an dentur super proprietate; *ibid.* n. 9.  
 differunt ab actionibus, n. 7.  
 prohibitoria, restitutoria, & exhibitoria. n. 8.  
 Interdictum, ne vis fiat ei, qui in possessionem missus est, quid sit? n. 9. 10. & 18.  
 cui, contra quem & ad quid competat? n. 9. *Ecce*.  
 Interdictum de mortuo inferendo quid sit? n. 23.  
 Interdictum, ne quid in loco sacro, quid sit? n. 24.  
 quid interdictum, ne quid in flumine publico? n. 15.  
 de libero homine exhibendo? n. 26.  
 & de liberto & liberis exhibendis. n. 27. & 28.  
 Interdictum quorum bonorum quid? n. 28. *Ecce*.  
 Interdictum quorum legatorum? n. 36. *Ecce*.  
 Interdictum Salvianum. n. 39. &c. Interdictum uti possidetis, & utrobi, n. 45. *Ecce*.  
 Interdictum unde vi, quid sit, & cui competat? n. 77. *Ecce*.  
 contra quam detur? n. 82.  
 an etiam contra heredes? n. 83.  
 an exceptionem reconventionis admittat? n. 84.  
 ejus requisiti? n. 85.  
 Interdicta alia simplicia, alia duplicia. n. 88.  
*Interrumpi* quando dicatur præscriptio? II. 6. n. 58.  
*Intextura* quid sit? II. 1. n. 45.  
*Inundatio* quid sit? II. 1. n. 42.  
*Inventarium* quid requirat? II. 19. n. 9.  
*Inventio* an sit modus acquirendi dominium? II. 1. n. 36. & 37.  
*Iter* quid sit? II. 3. n. 7.  
*Judans* an a collo, an a pede suspendi debeat? IV. 1. n. 16.  
*Judex* competens an sit, ubi caput jacet? II. 1. n. 23.  
 malè judicans tenetur ex quasi delicto. IV. 5. n. 1. *Ecce*.  
 Judicis officium quotuplex? IV. 6. n. 2.  
 in quo consistat? IV. 17. n. 1.  
 quale Judicis officium sit circa actionem noxalem? *ibid.* n. 2.  
 item in rei vindicatione? n. 3.  
 in petitione hæreditatis? n. 4.  
 in actione ad exhibendum? n. 5.  
 item in actione famulæ hæreiscundæ? n. 6.  
 & tandem in actione filiam regindorum? n. 7.  
 Judi.



*Judicium* peritorium, & possessorium quid? IV. 15. n. 2.

Consultius est, intentare possessorium. *ibid.* n. 3.

a possessorio datur regressus ad petitorium. n. 4.

Judicia publica vid. *Crimen*.

*Jura* an pertineant ad res mobiles, vel immobiles? II. 2. n. 6.

*Juramentum* quid sit? IV. 6. n. 94.

I. divisio in assertorium, & promissorium. *ibid.* n. 94.

II. in voluntarium, judiciale, & necessarium. n. 96.

Definitio voluntarii, & judicialis, n. 97. *Ec.* judiciale an locum habeat, si actor nihil probaverit, n. 101. *Ec.*

necessarium quid sit? n. 103.

ejus requisita. n. 104.

in quibus causis habeat, locum? n. 105. *Ec.* cui deferendum juramentum suppletivum? n. 109. *Ec.*

*Juramentum* in litem quid sit? n. 111. *Ec.*

an ultra duplum veræ æstimationis quis condemnari possit? n. 113. *Ec.*

*Juramentum* calumniæ quid sit? IV. 16. n. 2. à quo præstandum? *ibid.* n. 3.

si nolint præstare, quid juris? n. 4. ejus requisita n. 5.

*Jurisdiclio* alia voluntaria, alia contentiosa.

I. 5. n. 3.

an fundetur per caput hominis repertum?

II. 1. n. 23.

*Jurisprudentia* quid sit? I. 1. n. 11.

*Jur.* præcepta juris quot sint? I. 1. n. 12.

Jus aliud publicum, aliud privatum. I. 1. n. 15. *Ec.*

Jus naturale definitur. I. 2. n. 1.

an insit brutis? *ibid.* n. 2.

utrum sit immutabile? n. 57. *Ec.*

Jus gentium quid sit? *ibid.* n. 7.

differt à jure naturali. n. 8.

ejus exempla. n. 9.

primævum, & secundævum, n. 10. *Ec.*

Jus civile quid sit? *ibid.* n. 13.

an mutabile? n. 59.

aliud scriptum, aliud non scriptum. *ibid.* n. 14.

Jus non scriptum. vid. *Consuetudo*.

Juris objectum triplex. I. 2. n. 60. & II. 1. n. 1.

*Jus accrescendi*. vid. *Accrescendi*.

*Jus asyli*. vid. *Asylum*.

*Jus deliberandi*. vid. *Deliberandi*.

*Jus pascendi*. vid. *Pascua*.

*Justitia*: finis justitiæ duplex. I. 1. in prin.

quid sit justitia? *ibid.* n. 3.

quænam sit definita, humana, vel divina?

*ibid.* n. 4.

alia universalis, alia particularis, *ibid.* n. 5.

particularis est definita. n. 6. & 7.

alia commutativa, alia distributiva, alia vindicativa, n. 8.

quænam proportio servetur? n. 9. & 10.

## L

*Legatarius* an possit esse testis in testamento?

II. 10. n. 19. vid. *Legatum*.

*Legatum*. cum legato donatio mortis causa in multis convenit. II. 7. n. 8.

Legatum accipiens, perdit querelam. II. 18. n. 6.

Legatum quid sit? II. 20. n. 1.

quomodo differat ab hæreditate? *ibid.* n. 2. quales nascantur actiones? n. 3.

Legata, & fideicommissa æquiparantur. n. 4.

Legari quænam res possint, & quæ non? n. 5. *Ec.*

in legatis quid, & quotuplex sit conjunctio? n. 12. *Ec.*

legata res, si pereat cui pereat? n. 19.

si ea pluribus rebus legatis una pereat, quid juris? n. 20.

quid interfit, si legatus est fundus instrumentus, vel cum instrumentis? n. 21.

grege legato, an una ovis superstes debeat? n. 22.

legatum generis quid sit, & quotuplex, n. 25. quibus legari possit? n. 26. *Ec.*

an falsa causa, vel demonstratio vitiet legatum? n. 31. *Ec.*

an pœnæ nomine legari possit? n. 33.

legati ademptio, & translatio quid sit? II. 21. n. 1. *Ec.*

*Legitima* liberorum cujus sit juris? II. 16. n. 11.

Legitima titulo institutionis est relinquenda. II. 18. n. 8. & 10.

quid, & quanta sit? *ibid.* n. 11. & 12.

quibus debeat? n. 13. *Ec.*

& quo jure? n. 16.

an consuetudine tolli queat? n. 17.

utrum sit quota honorum? n. 18. & 19.

an gravari possit? n. 20.

utrum in ea possit fieri substitutio? n. 21.

quo titulo relinqui debeat? n. 22.

& ex quibus bonis? n. 23.

*Legitima*

- an in pecunia debeatur? n. 24. & quando? n. 25.  
 quæ in eam imputentur? n. 26.  
 in assignanda legitima quale tempus inspi-  
 ciatur? II. 22. n. 3.  
 legitima in Austria non debetur filiabus III.  
 1. n. 5.  
*Legitimitas* quid, & quotuplex sit? I. 10. n.  
 76. & 77.  
 quid ad eam requiratur? *ibid.* n. 78. *§c.*  
 an legitimetur adulterinus? n. 80. *§c.*  
 an ad eam requirantur pacta dotalia? n. 83.  
 an consensus liberorum? n. 84.  
 utrum tribuat jus successionis in feudis? n. 85.  
*Legitimus* quando quis reputetur? I. 11. n. 3.  
*Leonina Societas*, vid. *Societas*.  
*Lex* quid sit? I. 2. n. 15.  
 pendii definitur. *ibid.* n. 17.  
 quando *Lex* poenalis obliget? n. 18.  
 Requisita legis n. 18. *§c.*  
 non obligat ante promulgationem. n. 12.  
 Scriptura non requiritur. *ibid.* n. 25. & 26.  
 legis effectus. n. 27.  
*Lex Aquilia*, primum ejus caput quid sit?  
 IV. 3. n. 2.  
 ob occisum liberum hominem utilis actio  
 competit. *ibid.* n. 3.  
 Requisita actionis legis aquiliæ. n. 4.  
 injuria occidere quid sit? n. 5.  
 miles in loco consueto ludens, non tene-  
 tur de damno. n. 6.  
 Putator arborum quando teneatur? n. 7.  
 item medicus? n. 8. quando mulio? n. 10.  
 an cum actione legis aquiliæ aliæ concur-  
 rant? n. 11.  
 tertium caput. n. 12.  
 actio directa, & utilis quæ dicatur? n.  
 12. & 14.  
*Lex Falcidia* quare introducta. II. 12. n. 1.  
 vid. *Falcidia*.  
*Lex Furia* quid introduxerit? II. 22. n. 2.  
*Lex fusia Caninia* quid sanxerit? I. 7. n. 1.  
*Lex Voconia* quid statuerit. II. 22. n. 22.  
*Libellum* quamdiu liceat emendare? vel mu-  
 tare? IV. 6. n. 241. *§c.*  
*Liberi* an inviti legitimentur? I. 10. n. 84.  
 in quotuplici sint differentia? I. 11. n. 2.  
 Liberi complectuntur nepotes. I. 14. n. 11.  
 quinam profint ad excusationem tutelæ?  
 I. 25. n. 2. *§c.*  
 ob quas causas exheredari possint? II. 13. n. 5.  
 omnes indistincte debent institui, aut exhe-  
 redari. *ibid.* n. 11.  
 succedunt ab intestato, & sunt varii? III.  
 1. n. 2. *§c.*  
 quomodo succedant? *ibid.* 23. *§c.*  
*Res ad Instituta*.
- Libertas* quid sit? I. 3. n. 4.  
 per fidei commissum an recte relinquatur?  
 II. 24. n. 3.  
*Libertinus* quis sit? I. 5. n. 1.  
 Libertinorum divisio *ibid.* n. 5.  
*Ligamen* an sit impedimentum matrimonii?  
 I. 10. n. 69.  
*Linea* quid sit, & quotuplex? vid. *Consanguinitas*.  
*Lis* incipiendo quando crescat? III. 28. n. 10.  
 litis continuatione actiones perpetuantur.  
 IV. 12. n. 3.  
*Litterarum* obligatio quando nascatur, & qua-  
 lem producat obligationem? III. 12. n.  
 1. & 2. vid. *Exceptio*.  
*Litigans* temere quomodo puniatur? IV. 16.  
 n. 1. *§c.*  
*Littus* quid sit? II. 1. n. 9.  
 quomodo differat a portu? *ibid.* n. 10.  
*Locatio, Locator* quis dicatur? III. 25. n. 1.  
 Locationis definitio. *ibid.* n. 2. & 3.  
 differt a contractu innominato. n. 4.  
 quando censeatur renovata? n. 5.  
 quænam detur actio, & ad quid? n. 7.  
 locator ad quid obligetur? n. 35.  
 an locatio transeat ad hæredes, n. 37.  
*Lumen*, ne luminibus officiat, servitus quid  
 sit? II. 3. n. 22.  
 an vicinus possit obscurare lumina? *ibid.* n. 23.  
 Luminum servitus quid? n. 24.  
 an liceat aperire fenestram? n. 25. & 26.  
 M
- Magistratus* potest conveniri a pupillo. I. 24. n. 6.  
 illius dignitas excusat a tutela. I. 25. n. 11.  
*Majestas* divina, alia humana vid. *Crimen*.  
*Mala fides*, vid. *Possessor Præscriptio*.  
*Mandatarius, Mandatum* quid sit? III. 27.  
 n. 1. & 2.  
 differt a negotiorum gestione. *ibid.* n. 3.  
 divisiones mandati. n. 4. *§c.*  
 quot modis contrahatur? n. 8. *§c.*  
 an ex consilio quis obligetur. n. 10.  
 contra bonos mores nullum est n. 15.  
 mandans vulnera, an teneatur ultimo sup-  
 plicatio? n. 16.  
 mandati fines sunt custodiendi. n. 17.  
 mandatarius pluris emens admittit actio-  
 nem mandati? n. 18.  
 an etiam quoad excessum? n. 19.  
 mandatum variis modis expirat. n. 20. *§c.*  
 quænam actio nascatur? n. 23.  
*Mandator* quis dicatur? III. 21. n. 3.  
 differt a fidejussore? *ibid.* n. 4.  
*Manumissio* quid sit? I. 5. n. 1.  
 ejus modi *ibid.* n. 2. ubi fieri possit? n. 4.  
 manumittere quis queat? I. 6. n. 1.  
 E e e e

- an debitor in fraudem creditorum? *ibid.* n. 2. & 3.  
 ob quam fraudem manumissio sit invalida? n. 6.  
*Mar.* an illius detur dominium? II. 1. n. 6.  
*Maritus* possitne esse curator uxoris I. 26. in fin. fundo totali servitutem imponere nequit. II. 3. n. 27.  
 quando possint donare uxori, vel non? II. 7. n. 19.  
 an dotem alienare possit? II. 8. n. 1. & 3.  
 an sit dominus dotis? *ibid.* n. 2.  
 quomodo succedat uxori? III. 1. n. 69. &c.  
*Mater* tribus temporibus potest prodesse proli I. 4. n. 2.  
 liberos non habet in potestate. I. 9. n. 1.  
 loco filii potest contrahere sponsalia vid. *Sponsalia*.  
 an tutorem dare possit? I. 13. n. 6.  
 utrum tutrix esse valeat? I. 15. n. 5.  
 an pupillariter possit substituere? II. 16. n. 7. & 8.  
 utrum per expressam pupillatam substitutionem excludatur a legitima? *ibid.* n. 11.  
 liberis naturalibus tenetur ad legitimam. II. 18. n. 15.  
 an teneatur dotare filiam? IV. 5. n. 218.  
*Matrimonium* in quarto gradu prohibitum. I. 10. n. 29.  
 an in secundo gradu dispensetur? *ibid.* n. 37. &c.  
*Matrimonium* quid sit? n. 44.  
 ejus divisio. n. 45.  
 quis illud possit contrahere? n. 46.  
 ejus requisita. n. 47.  
 an requiratur consensus parentum? n. 48.  
 quis parochus dicatur proprius. n. 49.  
 Impedimenta impediencia, & dirimentia qualia, & quot sint? n. 53. &c.  
 quando error sit impedimentum? n. 54. &c.  
 quando conditio? n. 57. &c. an votum? n. 60.  
 qualis cognatio, & quando? n. 61. & 62.  
 an adulterium ponat impedimentum? n. 63.  
 utrum cuitus disparitas? n. 64.  
 an metus? n. 65. &c. quales ordines? n. 68.  
 utrum ligamen? n. 69.  
 item publica honestas? n. 70.  
 Impotentia qualis? n. 71. & 72.  
 Eunuchi, & spadones an possint contrahere matrimonium? n. 73. & 74.  
 an raptus sit impedimentum? n. 75.  
 quando quis legitimetur? vid. *Legitimatio*.  
*Medicus* quando teneatur de damno? IV. n. 8.  
 imperite curans vere delinquit. IV. 5. n. 2.  
*Merces* an tacite pro pignore obligentur? IV. 6. n. 73.  
*Merx* dominica quomodo differat à merce peculiari? IV. 7. n. 15.  
*Metus* quid, & quotuplex sit? I. 10. n. 65. & 66.  
 qualis ponat impedimentum? n. 67.  
 quando irritet contractum? II. 14. n. 26. &c.  
 qualis actionem quod metus causa producat? IV. 6. n. 162.  
*Miles* liberos suos non tenetur instituere? II. 11. n. 15.  
 in loco consueto ludens, de damno non tenetur. IV. 3. n. 6. vid. *Militia*.  
*Militia* excusat à tutela. I. 25. n. 20.  
 militis testamentum quando valeat? II. 12. n. 1. &c.  
 milites stationarii an gaudeant privilegio testandi? *ibid.* n. 3.  
 veterani qui dicantur? n. 4.  
 militis testamentum quamdiu valeat, n. 5.  
 an per subsequentem militiam reconvalescat? n. 5.  
 milites rogati an gaudeant jure militari? n. 7.  
 an sint præferendi? n. 7.  
*Minoremis* an possit esse procurator? I. 6. n. 7.  
 an defensor? *ibid.* n. 8.  
 utrum possit tutor dari? I. 14. n. 4.  
*Missilia* cui cedant? II. 1. n. 74.  
*Moderamen* inculpatæ tutelæ quamnam requirat? IV. 18. n. 25.  
 insultatus an teneatur fugere? *ibid.* n. 27.  
 an pro defensione famæ liceat occidere? n. 28.  
 quid; si quis confiteatur homicidium. sed ad sui defensionem commissum? n. 29.  
*Monachismus* an solvat patriam potestatem? I. 12. n. 7.  
 Monachi quomodo succedant? III. 1. n. 15.  
*Monarchia* quid sit? vid. *Status*.  
*Monasterii* res quando præscribantur? II. 6. n. 38.  
*Moneta* in alia an possit fieri solutio? III. 15. n. 15.  
 quotuplex illius sit mutatio? *ibid.* n. 16.  
*Monopolia* sunt prohibita. III. 24. n. 28.  
*Morgengaba* quid sit? II. 7. n. 26.  
*Mors* naturalis solvit patriam potestatem I. 12. n. 1. & 2.  
 item civilis. *ibid.* n. 3.  
*Mulio* quando ex lege aquilia teneatur IV. 1. n. 10.  
*Mulier* an possit esse tutrix? vid. *femina*.  
 utrum tutorem suspectum possit accusare? I. 27. n. 6.  
 an possit esse testis in testamento? II. 10. n. 12.  
 ratione

ratione dotis quam habeat privilegia? IV. 6. n. 179.

an præferatur fisco? *ibid.* n. 105.

item an aliis creditoribus expressam hypothecam habentibus? n. 107.

utrum etiam in paraphernalibus, & donatione propter nuptias? n. 212.

in qua dote competat prælatio? n. 213.

*Mutuum* distinguitur à quasi-usufructu. II. 4. n. 10.

quid sit, & in quibus rebus consistat? III. 15. n. 2. &c.

differt ab aliis contractibus? *ibid.* n. 6.

an sit mutuum, si datur species, ut vendatur, & pretio exinde redactio utatur? n. 9. & 10.

an in plus gravari possit? n. 11.

an in eadem moneta debeat fieri solutio? n. 15. &c. vid. *Moneta*.

*Mutus* an possit esse testis in testamento? II. 10. n. 14.

Utrum testari queat? II. 12. n. 9.

## N

*Negotiorum* gestio differt à mandato. III. 27. n. 3.

quid sit? III. 28. n. 3.

qualis præstetur culpa? *ibid.* n. 4.

*Nepos* ex primo genito præfertur in successione patruo III. 1. n. 19. &c.

*Novatio* quid sit, & quotuplex? III. 30. n. 10.

an novari possit obligatio pupilli? *ibid.* n. 11.

utrum fiat novatio, si causa debendi mutetur? n. 12.

Novationis requisita. n. 13.

*Novitio* quis succedat? III. 1. n. 16.

*Noxa*, & *Noxia* quomodo differant? IV. 3. n. 2.

noxæ deditio quid operetur? *ibid.* n. 3.

an filius possit noxæ dari? n. 7.

*Nuptia* unde dicantur? I. 10. n. 43.

finiunt tutelam in Austria. I. 22. n. 4.

## O

*Obedientia* juris triplex est I. 2. n. 60.

item II. 1. n. 1.

*Obligatio* quid, & quotuplex sit? III. 14. n. 2. &c.

quænam orta sit, regulæ cognoscendi, *ibid.* n. 6.

obligationum effectus. n. 7.

obligatio an tollatur mutuo consensu? III. 36. n. 13.

quomodo compensatione. n. 16.

an reditio chirographi? n. 17.

*Obligatio ex delictis*. vid. *De delictis*.

*Obligatio literarum*. vid. *Literarum*.

*Occidere* an pro defensione rerum liceat? IV. 18. n. 28.

*Occupatio* quid sit? II. 1. n. 30.

occupata in bello cui cedant? *ibid.* n. 35.

occupare rem suam propria autoritate nemo potest. IV. 6. n. 4. & 5.

*Officium* judicis aliud nobile, aliud mercenarium. IV. 6. n. 2.

*Oneris ferendi* servitus quid sit? II. 3. n. 16.

*Ordo* qualis ponat impedimentum matrimonii? I. 10. n. 68.

## P

*Pactum* quid sit, quomodo differat a pollicitatione, & quotuplex? III. 14. n. 8. &c.

vestitum definitur. *ibid.* n. 12.

*Antichreseos* quid sit? III. 15. n. 47.

an sit prohibitum? *ibid.* n. 48.

pacta societati adjecta. vid. *Societas*.

*Commissorium* quid sit? III. 14. n. 49.

*Parochus* proprius in matrimonio quis sit? I. 10. n. 49.

*Parricide* quomodo puniantur? IV. 18. n. 32.

*Pascua*. jus pascendi quid sit? II. 3. n. 11.

Pascua alia publica, alia privata. *ibid.* n. 12.

*Pater* locum filii potest contrahere sponsalia. vid. *Sponsalia*.

an patris consensus requiratur ad matrimonium à filio contrahendum? I. 10. n. 48.

utrum filio naturali, exheredato, & posthumum tutorem dare possit, vid. *Tutor*.

an teneatur pro filio tutore? I. 14. n. 2.

ingrediens monasterium, an amittat usufructum? II. 4. n. 18.

quale acquirat peculium? II. 9. n. 3. & 4.

an amittat usufructum per nuptias filii? *ibid.* n. 5.

an possit esse testis in testamento filii? II. 10. n. 17.

utrum teneatur dotare filiam? IV. 6. n. 218. &c.

an teneatur pro filio? IV. 7. n. 2.

*Patria potestas* quid, & cujus juris sit, & quales ejus effectus? I. 9. n. 1. &c.

an mater liberos habeat in potestate patria? *ibid.* n. 1.

quot modis acquiratur? I. 11. in prin.

an etiam per adoptionem? *ibid.* n. 4. &c.

solvitur variis modis. I. 12. n. 1. &c.

*Pauperies* quomodo differat a damno? IV. 9. n. 1.

actionis de pauperie requisita. *ibid.* n. 1. &c.

*Paupertas* excusat a tutela. I. 25. n. 24.

an ut suspectus, pauper sit removendus a tutela? I. 26. n. 27.

*Peculatus* quid sit? IV. 18. n. 38.

*Peculium* quid, & quotuplex sit? II. 9. n. 6.

&c. quale acquiratur patri? *ibid.* n. 3. &c.

Eccccc 2 Pecunia



*Pecunia* an sit res mobilis, vel immobilis?

II. 2. n. 1. & 7.

*Pecus* ejus usum habens, quomodo uti debeat?

II. 5. n. 6.

*Perceptio* fructuum quid sit? II. 1. n. 58.

vid. *Possessor*.

*Perduellio*, vid. *Crimen*.

*Peregrinis* quis succedat? III. 1. n. 71.

*Personarium* divisio. I. 3. n. 1.

quænam gaudeant jure asyli? vid. *Asylum*.

*Petitio* hæreditatis definitur, cui, ad quid,

& contra quem competat? IV. 6. n. 182. &c.

an etiam contra possidentem titulo? *ibid.*

n. 90.

in ea quid judici incumbat? IV. 17. n. 4.

*Pictura* quid sit? II. 1. n. 57.

*Pignus* quando alienari possit? II. 8. n. 4. &c.

quid sit. III. 15. n. 40.

res aliena non potest oppignorari. *ibid.* n. 41.

qualis ex eo nascatur actio? n. 42.

an actio pignoratitia detur contra tertium?

n. 43.

qualis præstetur culpa? n. 45.

*Piscatio* quid sit? II. 1. n. 30.

*Plagiaris* quomodo puniantur? IV. 18. n. 29.

*Plebiscitum* quid sit? I. 2. n. 29.

*Plus petere* quatuor modis quis dicitur. IV. 6.

n. 240.

*Pæna*, in pænis quænam servetur proportio?

vid. *Proportio*,

an pæna possit adjici sponsalibus? I. 10.

n. 13. &c.

*Pollitatio* quomodo differat a pacto? III.

14. n. 8.

*Polypedia* est iusta excusatio a tutela. I. 25. n. 2.

*Pontifex* an dispensare possit in impedimentis

matrimonii? I. 10. n. 42.

*Possessio*, *Possessor* bonæ, & malæ fidei qua-

les impensas deducat? II. 1. n. 52.

deducere, & tollere impensas. *ibid.*

quales fructus suos faciat? *ibid.* n. 59. &c.

possessio acquiritur per liberos, & servos.

III. 20. n. 1. &c.

possessionis furtum quomodo comittatur?

IV. 1. n. 17.

*Possessio* quid sit? IV. 15. n. 56. &c.

an sit juris, an facti? *ibid.* n. 57.

naturalis quid sit? n. 63. &c. & quid ci-

vilis? n. 66. quomodo acquiritur posses-

sio? n. 67. &c. & quomodo retineatur?

n. 75. quibus modis amittatur? n. 76.

pro recuperanda possessione quænam dentur

remedia? n. 85. &c.

*Posthumus* venit nomine filii? I. 14.

an sit instituendus, vel exheredandus. II.

13. n. 12.

posthumus quotuplex? *ibid.* n. 13.

hujus agnatio duplex. II. 17. n. 2.

an succedat ab intestato? III. 1. n. 13.

*Præceptio* juris vid. *Jus*.

*Prædium* rusticum, & urbanum quid? II. 3. n. 5.

prædium serviens an mutari possit? *ibid.* n. 13.

*Prælatum* fundo ecclesiastico servitutem impo-

nere nequit. II. 3. n. 27.

*Præscriptio*, an præscriptione servitus acquirat-

ur? II. 3. n. 10.

est modus acquirendi domini. II. 6. in prin.

an differat ab usucapione? *ibid.* n. 2.

præscriptum jus, & præscriptum juri dif-

ferunt. n. 3.

Præscriptionis definitio. n. 4.

an tribuat dominium directum. n. 5.

cur fuerit introducta? n. 6.

an in utroque foro procedat? n. 7. & 8.

I. requisitum est bona fides. n. 9. &c.

an currat etiam cum dubio? n. 13. &c.

utrum servitutes præscribantur sine bona fi-

de? n. 16. &c.

II. requisitum est titulus. n. 21.

quid sit titulus, & qualis requiratur? n. 22. &c.

III. requisitum est possessio. n. 31.

IV. est legitimum tempus. n. 32.

aliud breve, aliud longum, aliud longis-

simum. n. 33. &c.

quid sit tempus immemoriale? n. 41. & 42.

V. requisitum est res non vitiosa. n. 43.

& quænam tales sint? n. 44. &c.

an possunt præscribi res furtivæ? n. 44. & 47.

item an res depositæ? n. 45.

quando res fisci? n. 48.

an præscribatur juri luendi pignoris? n. 49.

item an annuis redditibus? n. 50.

præscriptio an impediatur per errorem falsæ

causæ? n. 51.

an, & quando mala fides antecessoris no-

ceat successoris? n. 52. &c.

præscriptio quando non procedat? n. 56.

quando dormiat? n. 57.

& quando interrumpatur? n. 58.

item quando rescindatur? n. 59.

*Prætorum* edicta quid sint? I. 2. n. 43.

*Primogenitura* quid sit? III. 1. n. 17.

an refragetur rationi? *ibid.* n. 18.

primogeniti nepos præfertur patruo in suc-

cessionem. n. 19. &c.

*Princeps*, an illius scientia ad consuetudinem

requiratur? vid. *Consuetudo*.

an possit subditos jure quæ pro privare? II.

I. n. 29.

utrum

utrum jus venandi subditis possit adimere? *ibid.* n. 31.  
 an litis causa possit hæres institui? II. 17. n. 8.  
*Privilegiatus* contra privilegiatum quando utatur suo privilegio? I. 2. n. 4.  
*Privilegi* definitio & divisio. I. 2. n. 36. &c.  
 privilegium Doctoratus an sit reale? *ibid.* n. 38.  
 privilegium divisionis. n. 39.  
 quando sortiatur effectum? n. 40. an quis uti possit privilegio contra privilegiatum? n. 42.  
 quando amittatur? n. 43.  
*Procurator* an minorennis esse possit? vid. *Minorennis*.  
 alius judicialis, alius extrajudicialis I. 6. n. 6.  
 potest contrahere sponsalia. I. 10. n. 8.  
 an per procuratorem agere liceat? IV. 10. n. 1.  
 quis dicatur procurator? *ibid.* n. 2.  
 quomodo constituatur? n. 3.  
 an teneatur præstare cautionem? IV. 11. n. 5.  
*Prodigus* an possit facere testamentum? II. 12. n. 8.  
*Professura* excusat a tutela. I. 15. n. 21.  
*Promissor* facti an præcise ad factum teneatur? III. 16. n. 12.  
*Promulgatio* requiritur ad legem. I. 2. n. 21. & 22.  
*Proportio* an geometrica, vel arithmetica servetur in iustitia commutativa? I. 1. n. 9.  
 in poenis an attendatur arithmetica? *ibid.* n. 10.  
*Proxenetium* quid sit? II. 7. n. 29.  
*Publica honestas* quando ponat impedimentum matrimonii? I. 10. n. 10.  
*Pupillus* quando autoritate tutoris indigeat? I. 21. n. 7.  
 an possit sine hac celebrare contractus? *ibid.* n. 10.  
 utrum tali modo obligetur naturaliter? n. 11.  
 possitne adire hæreditatem? n. 12. &c.  
 pupillis etiam curatores dantur. I. 23. n. 6.  
 quales actiones, & contra quos habeat? I. 24. n. 5. &c.  
 tutorem suspectum postulare nequit. I. 26. n. 7.  
 an mutuum dare possit? II. 8. n. 6.  
 utrum illi possit fieri solutio? an vicissim ipseolvere queat? n. 8.  
 utrum possit testamentum facere? II. 12. n. 6.  
 an sibi stipulari possit? III. 20. n. 11.

**Q**uadruplicatio quid sit? IV. 14. n. 2. &c.  
*Quarta Piana* est omnium bonorum. I. 11. n. 9.  
*Quarta Trebellianica* quid sit? vid. *Trebellianica*.

*Quasi contractus* quid sit? III. 18. n. 1.  
 quot ejus species? *ibid.* n. 2. &c.  
*Quasi delicta* quænam sint? IV. 5. n. 1. &c.  
*Quasi-Possessio* quot actus requirat? IV. 15. n. 74.  
*Querela inofficiosa* quid sit? II. 18. n. 1.  
 quibus competat? *ibid.* n. 2.  
 an etiam fratri? n. 3. item arrogato? n. 4.  
 & naturalibus tantum? n. 5.  
 querelam perdit, qui legatum accipit. n. 6.  
 limitatur in tutore. n. 7.  
 secus in advocato. n. 8.

## R

*Rapina. Raptor*, Rapina quid sit, IV. 2. n. 1.  
 an raptor teneatur actione furti? *ibid.* n. 2.  
 Actio vi bonorum raptorum an competat pro re minima? n. 3.  
 rem suam esse existimans, rapiens, raptor non est. n. 4.  
 cui competat actio vi bonorum raptorum? n. 5.  
*Raptus* an sit impedimentum matrimonii? I. 10. n. 75.  
 quomodo puniatur? IV. 18. n. 37.  
*Regule affinitatis*. vid. *Affinitas*.  
*Consanguinitatis*. vid. *Consanguinitas*.  
*Rei vindicatio* quid sit, cui & contra quem detur? IV. 6. n. 11. &c.  
 in ea quid iudici incumbat? IV. 17. n. 3.  
*Relegatio* non solvit patriam potestatem. I. 12. n. 4.  
*Replicatio* quid sit? IV. 14. n. 1.  
*Repedundarum* crimen quid sit? IV. 18. n. 41.  
*Res* servando servabiles quæ dicantur? I. 11. n. 6.  
 divini, & humani juris. II. 1. n. 2.  
 in patrimonio, & extra *ibid.*  
 res communes, publicæ, universitatis, & nullius quæ? n. 4. &c.  
 res sacræ quæ? n. 15. ut tales fiant quid requiratur? n. 16. nequeunt alienari. n. 17.  
 certis tamen in casibus possunt. n. 18.  
 res Ecclesiasticæ sunt in commercio. n. 19.  
 aliæ res Religiosæ, aliæ sanctæ, aliæ singulorum. n. 20. &c.  
 res derelictæ quando cedant occupanti n. 75.  
 aliæ corporales, aliæ incorporales, aliæ mobiles, aliæ immobiles. II. 2. n. 1. &c.  
 jura, & actiones ad quas pertineant? *ibid.* n. 6.  
 quid inter has interfit? n. 8.  
*Ecclesiasticæ* quando præferbantur? II. 6. n. 38.  
*Res vitiosæ*. *ibid.* n. 43. &c.  
 immobilis sine vitio ad alium pervenire quomodo possit? n. 46.

E e e e 3

Res

- Res fisci quando præscribantur?** n. 48.  
**quæ res legari possunt, vel non?** II. 20. n. 5. vid. *Legatum*.  
**Res fungibiles quænam?** III. 15. n. 4. *Ec.*  
**Res, quæ in stipulationem possint deduci?** III. 20. n. 1. *Ec.* vid. *Stipulatio*.  
**Incorporales quomodo acquirantur?** IV. 15. n. 73.  
**Rescriptum quid sit?** I. 2. n. 32.  
**de Residuis quid sit?** IV. 18. n. 43.  
**Responsa prudentum quid sint?** I. 2. n. 44.  
**quem effectum habeant?** *ibid.* n. 45.  
**Restitutionem in integrum quis concedat?** IV. 6. n. 40.  
**ejus requisita.** *ibid.* n. 41. *Ec.*  
**Reus excipiendû sit actor, quomodo intelligendum?** III. 22. n. 4.  
**Reus stipulandi, & promittendi quis dicatur?** III. 17. n. 1.  
**Requisita ad hoc, ut quis constituatur?** *ibid.* n. 2. *Ec.*  
**quomodo duo rei obligentur?** n. 5.  
**an habeant beneficium divisionis?** n. 6.  
**Ripa quid sit?** II. 1. n. 11.  
**an sit publica, vel privata?** *ibid.* n. 12.
- S**  
**Sæcio quid sit?** II. 1. n. 55.  
**Satisfactio tutoris definitur.** I. 24. n. 1. vid. *Tutor*.  
**Scriptura non requiritur ad legem. vid. Lex.** quid sit? II. 1. n. 56.  
**Senatus-Consultum describitur.** I. 2. n. 30.  
**Separatio quoad thorum, & mentiam an fiat per adulterium?** I. 10. n. 50. & 51.  
**in quibus casibus non?** *ibid.* n. 52.  
**Sequestratio quid sit, & quotuplex?** III. 15. n. 38. & 39.  
**Servitus quid sit?** I. 3. n. 5.  
**an sit in bonis nostris?** II. 1. n. 3.  
**bisariam accipitur.** II. 4. n. 1.  
**ejus definitio, & divisio.** *ibid.* n. 12. *Ec.*  
**urbana quid sit?** n. 14.  
**alia affirmativa, alia negativa.** n. 15.  
**urbanarum servitutum species.** n. 16. *Ec.*  
**servitutes prædiales cur dicantur?** n. 27.  
**an a vasallo possint constitui?** n. 28.  
**quomodo constituentur?** n. 29.  
**personales aliz nominatz, aliz innominatz.** II. 4. n. 1.  
**an servitutes præscribantur sine bona fide?** II. 6. n. 16.  
**Servus unde dicatur, & quomodo talis fiat?** I. 3. n. 6.  
**an possit dari tutor?** I. 14. n. 3.  
**Servus fructuarius quomodo acquirat usu-**
- fructuario?** II. 9. n. 4.  
**utrum possit esse testis in testamento?** II. 10. n. 13.  
**an rectè hæres instituatur?** II. 14. n. 2.  
**quomodo stipuletur?** III. 18. n. 1. & 2.  
**cui acquirat?** *ibid.* n. 3. & 5.  
**Societas quid sit?** III. 26. n. 1.  
**Socius socii mei non est socius meus.** *ibid.* n. 2.  
**differt, communione.** n. 3.  
**quotuplex sit, & quæ ejus natura?** n. 4. *Ec.*  
**quænam pacta societati adjiciantur?** n. 5. *Ec.*  
**pactum, ut unus partem lucri ferat, non autem de damno teneatur, an valeat?** n. 8.  
**Societas leonina quæ?** n. 9.  
**quibus modis solvatur?** n. 10. *Ec.*  
**qualis præstetur culpa?** n. 15.  
**Sodomia pœna.** IV. 18. n. 18.  
**Solidi nomine quid intelligatur?** II. 7. n. 12.  
**Solutio indebiti est quasi-contractus.** III. 25. n. 9.  
**Solutio quid sit?** III. 30. n. 1.  
**particularis an fieri possit?** *ibid.* n. 2. *Ec.*  
**quomodo fieri debeat?** n. 4.  
**quis solvere queat?** n. 5.  
**& cui?** n. 6. ejus effectus. n. 7.  
**in quam causam imputanda solutio?** n. 8.  
**Spadones possunt contrahere matrimonium.** I. 10. n. 74.  
**Specificatio quid sit?** II. 1. n. 43.  
**quæ ad eam requirantur?** *ibid.* n. 44.  
**Spes debitum iri, an transmittatur ad hæredes?** III. 16. n. 11.  
**Sponsalia unde dicantur? eorum definitio, & divisio.** I. 10. n. 1. *Ec.*  
**quis ea contrahere possit?** *ibid.* n. 4. *Ec.*  
**quomodo contrahantur?** n. 11. *Ec.*  
**an pœna possit adjici?** n. 13. *Ec.*  
**quomodo dissolvantur?** n. 15. *Ec.*  
**an per nudum votum ingrediendi religionis, & castitatis?** n. 16.  
**utrum reviviscant matrimonio soluto?** n. 17.  
**an solvantur per posteriora jurata?** n. 18.  
**vel si posterioribus accessit copula?** n. 19.  
**Sponsa-itia largitas quid sit?** II. 7. n. 27.  
**nuptiis non secutis ad quem pertineat?** *ibid.* n. 28.  
**Sponsor quis dicatur?** III. 21. n. 6.  
**Status Monarchiæ, Aristocratiz, & Democratiæ quid sint?** I. 2. n. 16.  
**Status controversiæ excusat a tutela.** I. 25. n. 18.  
**Stipulatio definitur, ejus requisita.** III. 16. n. 1. *Ec.*  
**cur inventa?** *ibid.* n. 3.  
**quænam oriantur actiones?** n. 4.  
**quomo-**

- quomodo contrahatur? n. 5. *Ec.*  
 Stipulationum divisiones, & definitiones  
 III. 19. n. 1. *Ec.*  
 in stipulationem quæ res possint deduci, &  
 non? III. 20. n. 1. *Ec.*  
 alteri facta, an valeat? *ibid.* n. 5.  
 quando reddatur inutilis? n. 7. *Ec.*  
 an in hæredes transeat? n. 18.  
*Stillicidii* servitus quid, & quotuplex? II. 3. n. 20.  
*Substitutio* quid sit, & quomodo fiat? II. 15.  
 n. 1. *Ec.*  
 an fiat in codicillis? *ibid.* n. 3. *Ec.*  
 ejus divisiones. n. 5. *Ec.*  
 utrùm substitutio facta in casum voluntatis  
 involvat casum impotentie? n. 8. *Ec.*  
 plures possunt in locum unius substitui. n. 10.  
 substitutionis varii casus n. 11. *Ec.*  
 effectus vulgaris n. 13.  
 quando expiret? n. 14.  
 an sit potior jure accrescendi? n. 15.  
*Pupillaris* quid sit? II. 16. n. 1.  
 differt a vulgari. *ibid.* n. 2.  
 alia est expressa, alia tacita. n. 3. *Ec.*  
 ejus requisita n. 4. quibus liberis rectè fiat?  
 n. 6. an etiam à matre? n. 7. *Ec.*  
 per existentiam sui hæredis an pupillares ta-  
 bulæ confirmantur? n. 7.  
 effectus substitutionis pupillaris n. 10.  
 an excludat matrem à legitima? n. 11.  
*Exemplaris* quid sit? n. 12.  
 quomodo expiret? n. 13.  
 ad evitandas insidias pupillo à substituto  
 fors parandas consilium n. 14.  
 substitutio pupillaris an exheredato fieri  
 possit? n. 15.  
 quot modis pupillariter substituti queat? n. 16.  
 pupillaris quot modis expiret? n. 17.  
 substitutio compendiosa quid sit? n. 18.  
*Sui juris* quis dicatur? I. 8. n. 1.  
*Sardus* an possit esse testis in testamento? II.  
 10. n. 14.  
 utrùm testamentum facere? II. 12. n. 9.  
 de *Suspensio* quis teneatur? IV. 5. n. 5.

## T

- T**estamentum quid sit? II. 10. n. 1.  
 cujus sit juris? *ibid.* n. 2. & 3.  
 ejus requisita. n. 4. *Ec.*  
 illius basis est hæredis institutio. n. 6.  
 ad testamentum requiruntur 7. testes n. 7.  
 & quales n. 8.  
 quale requiratur sigillum? n. 11.  
 quam possint esse testes? n. 12. *Ec.*  
 nuncupativum quid sit, n. 20.  
 ejus requisita. n. 21.  
 an possit fieri per relationem ad schedam?

- n. 22. & 23.  
 testamentum nullum an valeat in foro po-  
 lis? n. 24.  
 Testamentum holographum an valeat? n. 25.  
 Militare. vid. *Militia*.  
 Testamentum pagani an reconvalescat sub-  
 secuta militia? II. 11. n. 7.  
 Testamentum quinam facere possint. vel  
 non? II. 12. n. 1. *Ec.*  
 quando dicatur rumpi? II. 17. n. 1. *Ec.*  
 quando irritari? *ibid.* n. 5.  
 item injustum? n. 6.  
 an sola nuda voluntate infirmetur? n. 7.  
 differt a codicillo. II. 25. n. 6.  
 testamentum nullum ob præteritionem vi  
 clausulæ codicillaris an valeat in vim fi-  
 deicommissis? *ibid.* n. 10.  
*Tbseaurus* quid sit, & quando cedat inven-  
 tori? II. 1. n. 65. *Ec.*  
*Tignum*, actio de tigno juncto contra quem  
 detur? II. 1. n. 49.  
 tigni immittenti servitus quid sit? II. 3. n. 17.  
 tigni nominis quid veniat? *ibid.* n. 18.  
 tignum an missum an intercide possit? II. 19.  
 tigni immittendi servitus reviviscit reedifi-  
 catâ domo, II. 4. n. 20.  
*Titulus* quid sit, & qualis ad præscriptionem  
 requiritur? vid. *Præscriptio*.  
 alius est onerosus, alius lucrativus. IV. 6. n. 55.  
 quid intersit, an titulus onerosus, ac lucra-  
 tivus alienatio in fraudem creditorum fa-  
 cta sit? *ibid.* n. 56.  
*Translatio* quid requirat, ut transferatur domi-  
 nium? II. 1. n. 60. *Ec.*  
 quotuplex sit? *ibid.* n. 72. & 73.  
*Translatio* legati quid sit, & quot modis fiat?  
 II. 21. n. 3.  
*Trebellianica* quarta quid sit? II. 23. n. 9.  
 cessat, si hæres in re particulari est insti-  
 tutus, *ibid.* n. 11.  
 an etiam fideicommissarius eam possit de-  
 trahere? n. 13.  
*Triplicatio* quid sit? IV. 14. n. 2.  
*Tutela* quid sit, quomodo differat à curatela,  
 & quotuplex. I. 13. n. 1. *Ec.*  
 Tutela Electoralis an seniori agnato defe-  
 rentur? *ibid.* n. 10.  
 legitima agnatorum quando locum habeat?  
 I. 15. n. 6.  
 legitima Patronorum quid sit, & unde des-  
 cendat? I. 17. n. 1. & 2.  
 legitima Parentum quid sit, & unde intro-  
 ducta? I. 18. n. 1. & 2.  
 Fiduciaria cui deferatur? I. 19. n. 1. & 2.  
 Dativa



**Dativa** quin sit? & quando locum inveniat? I. 20. n. 1. *Ec.*  
**tutelæ datio** est jurisdictionis. n. 8.  
**Finitur** variis modis, & quando de jure austriaco? I. 22. n. 1. *Ec.*  
**à tutelæ administratione** quænam causæ excusent? I. 25. n. 2. *Ec.*  
**tutelæ administratio** est quasi-contractus. III. 28. n. 5.  
**Tutor a quo dari, & an a matre possit?** I. 13. n. 5. & 6.  
**utrum naturali, exheredato, & posthumo?** *ibid.* n. 7. *Ec.*  
**filius familias potest tutor dari.** I. 14. n. 1.  
**an servus, minorennis, & furiosus?** *ibid.* n. 3. *Ec.*  
**testamentarius quomodo dari possit?** n. 6.  
**item legitimus, & dativus,** n. 7.  
**an certæ rei?** n. 8.  
**filio datus, censetur etiam posthumo datus.** n. 9.  
**non vero nepoti.** n. 10.  
**nisi sit datus liberis.** n. 11.  
**Tutor legitimus quis?** I. 14. in prin.  
**in tutoris inquisitionem quid veniat, ut dari a magistratu possit?** I. 20. n. 7.  
**ante confirmationem non tenetur suscipere tutelam.** I. 21. n. 1.  
**ad quid postea teneatur?** *ibid.* n. 2. *Ec.*  
**quales res possit alienare?** n. 5.  
**ejus autoritas quando necessaria?** n. 7. *Ec.*  
**an tutor honorarius author fieri possit?** n. 9.  
**qualis præstat cautionem?** I. 24. n. 2. *Ec.*  
**quis teneatur administrare?** *ibid.* n. 4.  
**an in appellatio causa excusationis possit proponi?** I. 25. n. 22.  
**an transeat in curatorem?** *ibid.* n. 2. *Ec.*  
**quilibet ut suspectus, & à quolibet, accusari potest.** I. 26. n. 4. *Ec.*  
**suspectus quis dicatur?** *ibid.* n. 8.  
**quando fiat infamis?** n. 9. & 24.  
**qualem præstet culpam?** n. 19.  
**lite pendente an relinquendus in administratione?** n. 25.  
**an pauper ut suspectus removendus?** n. 27.  
**tutor fundo pupillari servitutem imponere nequit.** II. 3. n. 27.  
**legatum accipiens nomine pupilli, non perdit querelam,** II. 18. n. 7.

U

**Usallus** an possit fundo feudali servitutem imponere? II. 1. n. 28.  
**Venatio** quid sit, & quotuplex? II. 1. n. 30.  
**an prohiberi possit?** *ibid.* n. 31.  
**Venditio.** vid. *Emptio.*

**Venditor tradere, non dare teneatur.** III. 24. n. 5.  
**an præstando interesse liberetur?** n. 26.  
**& ad quid obligetur?** n. 27.  
**Vena** aeris quando impetretur? I. 22.  
**quid operetur?** *ibid.* n. 6.  
**Venefic** quæ odio puniantur? IV. 18. n. 31.  
**Verborum obligatio** vid. *Stipulatio.*  
**Via** quid sit? II. 3. n. 9.  
**Violentia** quotuplex sit? IV. 6. n. 157.  
**Vis publica, & privata quando fiat?** IV. 18. n. 36.  
**Unio** prolium quid sit? I. 11. n. 14.  
**Votum** castitatis an solvat sponsalia? I. 10. n. 16.  
**an etiam votum ingrediendæ religionis?** *ibid.* n. 60.  
**Urlaub** quid sit? IV. 15. n. 16.  
**Usnarius** an commoditatem cedere possit? II. 5. n. 3. & 4.  
**usum ædium.** vid. *Ufus.*  
**Usucapio** vid. *Prescriptio.*  
**Usufructuarius** an in locum demortuarum arborum teneatur alias substituere? II. 1. n. 64. vid. *Ufus-fructus.*  
**Usura** an currant in contractibus? III. 14. n. 17.  
**Usuræ** usurarum sunt prohibitæ. III. 15. n. 12. *Ec.*  
**Ufus** definitur. II. 5. n. 1.  
**differt ab usufructu.** *ibid.* n. 2.  
**usum ædium habens, quomodo iis uti valeat?** n. 5.  
**usum pecoris habens, quomodo uti debeat?** n. 8.  
**differt ab habitatione.** n. 8.  
**usus furtum quando committatur?** IV. 1. n. 17.  
**Usufructus** quid, & quotuplex sit? II. 4. n. 2. *Ec.*  
**quomodo, & in quibus rebus constituitur?** *ibid.* n. 6. *Ec.*  
**quali usufructus distinguitur à mutuo?** n. 10.  
**qualis cautio præstetur, an sit de substantia?** n. 12. *Ec.*  
**quando expiret?** n. 16. *Ec.*  
**relictus Ecclesiæ quamdiu duret?** n. 17.  
**domo destructa an retineatur in area?** n. 20.  
**an cedi possit?** n. 21. **an cedendo amittatur?** n. 22. **differt ab usu.** II. 5. n. 2.  
**Uxor** quotuplicia habeat bona? I. 26. n. 23. in fin.  
**marito quomodo donare possit, vel non?** II. 7. n. 19. *Ec.*  
**quomodo succedat marito?** III. 1. n. 60. *Ec.* vid. *Mulier.*





94



005664.413







Res fisci quando præscribantur? n. 48.

quæ res legari possunt, vel non? II. 20. n. 5. vid. *Legatum*.

Res fungibiles quænam? III. 15. n. 4. *Ecce*.

Res, quæ in stipulationem possint deduci? III. 20. n. 1. *Ecce*. vid. *Stipulatio*.

Incorporales quomodo acquirantur? IV. 15. n. 73.

*Rescriptum* quid sit? I. 2. n. 32.

de *Residuis* quid sit? IV. 18. n. 43.

*Responsa* prudentum quid sint? I. 2. n. 44. quem effectum habeant? *ibid.* n. 45.

*Restitutionem* in integrum quis concedat? IV. 6. n. 40.

ejus requisita. *ibid.* n. 41. *Ecce*.

*Reus* excipiendò sit actor, quomodo intelligendum? III. 22. n. 4.

*Reus* stipulandi, & promittendi quis dicatur? III. 17. n. 1.

Requisita ad hoc, ut quis constituatur? *ibid.* n. 2. *Ecce*.

quomodo duo rei obligentur? n. 5.

an habeant beneficium divisionis? n. 6.

*Ripa* quid sit? II. 1. n. 11.

an sit publica, vel privata? *ibid.* n. 12.

S

**S**atio quid sit? II. 1. n. 55.

*Satisfactio* tutoris definitur. I. 24. n. 1. vid. *Tutor*.

*Scriptura* non requiritur ad legem. vid. *Lex*. quid sit? II. 1. n. 56.

*Senatus-Consultum* describitur. I. 2. n. 30.

*Separatio* quoad thorum, & mentem an fiat per adulterium? I. 10. n. 50. & 51.

in quibus casibus non? *ibid.* n. 52.

*Sequestratio* quid sit, & quotuplex? III. 15. n. 38. & 39.

*Servitus* quid sit? I. 3. n. 5.

an sit in bonis nostris? II. 1. n. 3.

bifariam accipitur. II. 4. n. 1.

ejus definitio, & divisio. *ibid.* n. 12. *Ecce*.

urbana quid sit? n. 14.

alia affirmativa, alia negativa n. 15.

urbanarum servitutum species. n. 16. *Ecce*.

servitutes prædiales cur dicantur? n. 27.

an a vasallo possint constitui? n. 28.

quomodo constituantur? n. 29.

personales alie nominatæ, alie innominatæ. II. 4. n. 1.

an servitutes præscribantur sine bona fide? II. 6. n. 16.

*Servus* unde dicatur, & quomodo talis fiat? I. 3. n. 6.

an possit dari tutor? I. 14. n. 3.

*Servus fructuarius* quomodo acquirat usu-

fructuario? II. 9. n. 4.

utrum possit esse testis in testamento? II. 10. n. 13.

an rectè hæres instituat? II. 14. n. 2.

quomodo stipuletur? III. 18. n. 1. & 2.

cui acquirat? *ibid.* n. 3. & 5.

*Societas* quid sit? III. 26. n. 1.

*Socius* socii mei non est socius meus. *ibid.* n. 2. differt, communione. n. 3.

quotuplex sit, & quæ ejus natura? n. 4. *Ecce*.

quænam pacta societati adjiciantur? n. 6. *Ecce*.

pactum, ut unus partem lucri ferat, non autem de damno teneatur, an valeat? n. 8.

*Societas* leonina quæ? n. 9.

quibus modis solvatur? n. 10. *Ecce*.

qualis præstetur culpa? n. 15.

*Sodomia* pœna. IV. 18. n. 18.

*Solidi* nomine quid intelligatur? II. 7. n. 12.

*Solutio indebiti* est quasi-contractus. III. 28. n. 9.

*Solutio* quid sit? III. 30. n. 1.

particularis an fieri possit? *ibid.* n. 2. *Ecce*.

quomodo fieri debeat? n. 4.

quis solvere queat? n. 5.

& cui? n. 6. ejus effectus. n. 7.

in quam causam imputanda solutio? n. 8.

*Spudones* possunt contrahere matrimonium I. 10. n. 74.

*Specificatio* quid sit? II. 1. n. 43.

quæ ad eam requirantur? *ibid.* n. 44.

*Spes debitum iri*, an transmittatur ad hæredes? III. 16. n. 11.

*Sponsalia* unde dicantur? eorum definitio, & divisio. I. 10. n. 1. *Ecce*.

quis ea contrahere possit? *ibid.* n. 4. *Ecce*.

quomodo contrahantur? n. 11. *Ecce*.

an pœna possit adjici? n. 13. *Ecce*.

quomodo dissolvantur? n. 15. *Ecce*.

an per nudum votum ingrediendæ religionis, & castitatis? n. 16.

utrum reviviscant matrimonio solutò? n. 17.

an solvantur per posteriora jurata? n. 18.

vel si posterioribus accessit copula? n. 19.

*Sponsalitia* largitas quid sit? II. 7. n. 27.

nuptiis non secutis ad quem pertineat? *ibid.* n. 28.

*Sponsor* quis dicatur? III. 21. n. 6.

*Status* Monarchiæ, Aristocratæ, & Democratiæ quid sint? I. 2. n. 16.

*Status* controversiæ excusat a tutela I. 25. n. 18.

*Stipulatio* definitur, ejus requisita III. 16. n. 1. *Ecce*.

cur inventa? *ibid.* n. 3.

quænam oriantur actiones? n. 4.

quomo-

- quomodo contrahatur? n. 5. *Ec.*  
 Stipulationum divisiones, & definitiones  
 III. 19. n. 1. *Ec.*  
 in stipulationem quæ res possint deduci, &  
 non? III. 20. n. 1. *Ec.*  
 alteri facta, an valeat? *ibid.* n. 5.  
 quando reddatur inutilis? n. 7. *Ec.*  
 an in hæredes transeat? n. 18.  
*Stillicidii* servitus quid, & quotuplex? II. 3. n. 20.  
*Substitutio* quid sit, & quomodo fiat? II. 15.  
 n. 1. *Ec.*  
 an fiat in codicillis? *ibid.* n. 3. *Ec.*  
 ejus divisiones. n. 5. *Ec.*  
 utrum substitutio facta in casum voluntatis  
 involvat casum impotentiae? n. 8. *Ec.*  
 plures possunt in locum unius substitui. n. 10.  
 substitutionis varii casus n. 11. *Ec.*  
 effectus vulgaris n. 13.  
 quando expiret? n. 14.  
 an sit potior jure accrescendi? n. 15.  
*Pupillaris* quid sit? II. 16. n. 1.  
 differt a vulgari. *ibid.* n. 2.  
 alia est expressa, alia tacita. n. 3. *Ec.*  
 ejus requisita n. 5. quibus liberis rectè fiat?  
 n. 6. an etiam à matre? n. 7. *Ec.*  
 per existentiam sui hæredis an pupillares ta-  
 bulæ confirmantur? n. 7.  
 effectus substitutionis pupillaris n. 10.  
 an excludat matrem à legitima? n. 11.  
*Exemplaris* quid sit? n. 12.  
 quomodo expiret? n. 13.  
 ad evitandas insidias pupillo à substituto  
 fors parandas consilium n. 14.  
 substitutio pupillaris an exheredato fieri  
 possit? n. 15.  
 quot modis pupillariter substituti queat? n. 16.  
 pupillaris quot modis expiret? n. 17.  
 substitutio compendiosa quid sit? n. 18.  
*Sui juris* quis dicatur? I. 8. n. 1.  
*Sardus* an possit esse testis in testamento? II.  
 10. n. 14.  
 utrum testamentum facere? II. 12. n. 9.  
 de *Suspensio* quis teneatur? IV. 5. n. 5.

## T

- T**estamentum quid sit? II. 10. n. 1.  
 cujus sit juris? *ibid.* n. 2. & 3.  
 ejus requisita. n. 4. *Ec.*  
 illius basis est hæredis institutio. n. 6.  
 ad testamentum requiruntur 7. testes n. 7.  
 & quales n. 8.  
 quale requiratur sigillum? n. 11.  
 quam possint esse testes? n. 12. *Ec.*  
 nuncupativum quid sit, n. 20.  
 ejus requisita. n. 21.  
 an possit fieri per relationem ad schedam?

- n. 22. & 23.  
 testamentum nullum an valeat in foro po-  
 lis? n. 24.  
 Testamentum holographum an valeat? n. 25.  
 Militare. vid. *Militia*.  
 Testamentum pagani an reconvalescat sub-  
 secuta militia? II. 11. n. 7.  
 Testamentum quinam facere possint. vel  
 non? II. 12. n. 1. *Ec.*  
 quando dicatur rumpi? II. 17. n. 1. *Ec.*  
 quando irritari? *ibid.* n. 5.  
 item injutum? n. 6.  
 an sola nuda voluntate infirmetur? n. 7.  
 differt a codicillo. II. 25. n. 6.  
 testamentum nullum ob præteritionem vi  
 clausulæ codicillaris an valeat in vim fi-  
 deicommissi? *ibid.* n. 10.  
*Tesaurus* quid sit, & quando cedat inven-  
 tori? II. 1. n. 65. *Ec.*  
*Tignum*, actio de tigno juncto contra quem  
 detur? II. 1. n. 49.  
 tigni immittenti servitus quid sit? II. 3. n. 17.  
 tigni nomine quid veniat? *ibid.* n. 18.  
 tignum in nissum an intercidere possit? II. 19.  
 tigni immittendi servitus reviviscit reedifi-  
 catâ domo. II. 4. n. 20.  
*Titulus* quid sit, & qualis ad præscriptionem  
 requiritur? vid. *Præscriptio*.  
 alius est onerosus, alius lucrativus. IV. 6. n. 55.  
 quid intersit, an titulo oneroso, ac lucra-  
 tivò alienatio in fraudem creditorum fa-  
 cta sit? *ibid.* n. 56.  
*Translatio* quid requirat, ut transferatur domi-  
 nium? II. 1. n. 60. *Ec.*  
 quotuplex sit? *ibid.* n. 72. & 73.  
*Translatio* legati quid sit, & quot modis fiat?  
 II. 21. n. 3.  
*Trebellianica* quarta quid sit? II. 23. n. 9.  
 cessat, si hæres in re particulari est insti-  
 tutus, *ibid.* n. 11.  
 an etiam fideicommissarius eam possit de-  
 trahere? n. 13.  
*Triplicatio* quid sit? IV. 14. n. 2.  
*Tutela* quid sit, quomodo differat à curatela,  
 & quotuplex. I. 13. n. 1. *Ec.*  
 Tutela Electoralis an seniori agnato defe-  
 rentia? *ibid.* n. 10.  
 legitima agnatorum quando locum habeat?  
 I. 15. n. 6.  
 legitima Patronorum quid sit, & unde des-  
 cendat? I. 17. n. 1. & 2.  
 legitima Parentum quid sit, & unde intro-  
 ducta? I. 18. n. 1. & 2.  
 Fiduciaria cui deferatur? I. 19. n. 1. & 2.  
 Dativa



- Dativa** quin sit? & quando locum inveniat? I. 20. n. 1. *Ec.*  
**tutelæ** datio est jurisdictionis. n. 8.  
**Finitur** variis modis, & quando de jure austriaco? I. 22. n. 1. *Ec.*  
 à tutelæ administratione quænam causæ excusent? I. 25. n. 2. *Ec.*  
**tutelæ** administratio est quasi-contractus. III. 28. n. 5.  
**Tutor** a quo dari, & an a matre possit? I. 13. n. 5. & 6.  
 utrum naturali, exheredato, & posthumo? *ibid.* n. 7. *Ec.*  
 filius familias potest tutor dari. I. 14. n. 1.  
 an servus, minorennis, & furiosus? *ibid.* n. 3. *Ec.*  
 testamentarius quomodo dari possit? n. 6.  
 item legitimus, & dativus, n. 7.  
 an certæ rei? n. 8.  
 filio datus, censetur etiam posthumo datus. n. 9.  
 non vero nepoti. n. 10.  
 nisi sit datus liberis. n. 11.  
**Tutor** legitimus quis? I. 14. in prin.  
 in tutoris inquisitionem quid veniat, ut dari a magistratu possit? I. 20. n. 7.  
 ante confirmationem non tenetur suscipere tutelam. I. 21. n. 1.  
 ad quid postea teneatur? *ibid.* n. 2. *Ec.*  
 quales res possit alienare? n. 5.  
 ejus auctoritas quando necessaria? n. 7. *Ec.*  
 an tutor honorarius author fieri possit? n. 9.  
 qualis præstat cautionem? I. 24. n. 2. *Ec.*  
 quis teneatur administrare? *ibid.* n. 4.  
 an in appellatio causa excusationis possit proponi? I. 25. n. 22.  
 an transeat in curatorem? *ibid.* n. 2. *Ec.*  
 quilibet ut suspectus, & à quolibet, accusari potest I. 26. n. 4. *Ec.*  
 suspectus quis dicatur? *ibid.* n. 8.  
 quando fiat infamis? n. 9. & 24.  
 qualem præstat culpam? n. 19.  
 lite pendente an relinquendus in administratione? n. 25.  
 an pauper ut suspectus removendus? n. 27.  
 tutor fundo pupillari servitutem imponere nequit. II. 3. n. 27.  
 legatum accipiens nomine pupilli, non perdit querelam, II. 18. n. 7.  
 U  
**Vassallus** an possit fundo feudali servitutem imponere? II. 1. n. 28.  
**Venatio** quid sit, & quotuplex? II. 1. n. 30.  
 an prohiberi possit? *ibid.* n. 31.  
**Venditio.** vid. *Emptio.*  
**Venditor** tradere, non dare teneatur. III. 24. n. 5.  
 an præstando interesse liberetur? n. 26.  
 & ad quid obligetur? n. 27.  
**Vena** aeris quando impetretur? I. 22.  
 quid operetur? *ibid.* n. 6.  
**Venefic** quomodo puniantur? IV. 18. n. 31.  
**Verborum obligatio** vid. *Stipulatio.*  
**Via** quid sit? II. 3. n. 9.  
**Violentia** quotuplex sit? IV. 6. n. 157.  
**Vis** publica, & privata quando fiat? IV. 18. n. 36.  
**Unio** prolium quid sit? I. 11. n. 14.  
**Votum** castitatis an solvat sponsalia? I. 10. n. 16.  
 an etiam votum ingrediendæ religionis? *ibid.* n. 60.  
**Urlaub** quid sit? IV. 15. n. 16.  
**Usuarius** an commoditatem cedere possit? II. 5. n. 3. & 4.  
 usum ædium. vid. *Ufus.*  
*Ufucapio* vid. *Prescriptio.*  
**Usufructuarius** an in locum demortuarum arborum teneatur alias substituere? II. 1. n. 64. vid. *Ufus-fructus.*  
**Usura** an currant in contractibus? III. 14. n. 17.  
 Usuræ usurarum sunt prohibitæ. III. 15. n. 12. *Ec.*  
**Ufus** definitur. II. 5. n. 1.  
 differt ab usufructu. *ibid.* n. 2.  
 usum ædium habens, quomodo sis uti valeat? n. 5.  
 usum pecoris habens, quomodo uti debeat? n. 8.  
 differt ab habitatione. n. 8.  
 usus furtum quando committatur? IV. 1. n. 17.  
**Usufructus** quid, & quotuplex sit? II. 4. n. 2. *Ec.*  
 quomodo, & in quibus rebus constituitur? *ibid.* n. 6. *Ec.*  
 quali usufructus distinguitur à mutuo? n. 10.  
 qualis cautio præstetur, an sit de substantia? n. 12. *Ec.*  
 quando expiret? n. 16. *Ec.*  
 relictus Ecclesiæ quamdiu duret? n. 17.  
 domo destructa an retineatur in area? n. 20.  
 an cedi possit? n. 21. an cedendo amittatur? n. 22. differt ab usu. II. 5. n. 2.  
**Uxor** quotuplicia habeat bona? I. 26. n. 23. in fin.  
 marito quomodo donare possit, vel non? II. 7. n. 19. *Ec.*  
 quomodo succedat marito? III. 1. n. 60. *Ec.* vid. *Mulier.*





900



005664.413



